



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

ARNEST THORIN
Bibliothèque du Collège de France
et l'Ecole Normale Supérieure
Rue de Médecins 1
A PARIS





Quintil.
1884.

coll

to J

V. Armand 18. 12-3169

GRATIANI CANONES

GENUINI AB APOCRYPHIS DISCRETI,
CORRUPTI AD EMENDATIONUM CODICUM FIDEM EXACTI,

DIFFICILIORES COMMODA INTERPRETATIONE ILLUSTRATI

O P E R A E T S T U D I O

CAROLI SEBASTIANI BERARDI

PRESBYTERI UNELIENSIS,

*In Regio Taurin. Athenaeo Jurisconsultorum Collegio adscripti,
& Jurisprudentiae Studiis in Regia Academia Praefecti.*

P A R S I.



V E N E T I I S

EX TYPOGRAPHIA PETRI VALVASENSIS

M D C C L X V I I.

SUMPTIBUS REMONDINIANIS.

SUPERIORUM PERMISSU, AC PRIVILEGIO.



111

IN UNIVERSUM OPUS P R Æ F A T I O .



Pervagata res est, atque in communi prudentia sita, in Gratiani Decreto, quod ceteroquin ad definiendas sive Scholarum, sive fori controversas in Occidentali Ecclesia tanquam magna pars Ecclesiastici juris habetur, quam plurima contineri, ad quæ tuto quis vel scribendo, vel orando, vel iudicando sine meliorum Codicum adminiculo non possit adniti. Jampridem agnitæ sunt frequentes falsorum nominum inscriptiones, passim depravatae Græci sermonis interpretationes, minus appositæ interjectiones, atque additamenta verborum, omnia ferme, ut paucis dicam, a suis exemplaribus dissoluta, & longissime ab Auctorum intelligentia sensuque disjuncta. Quod quidem nemo non videt, quantum semper negotii facessere potuerit viris rerum sacrarum studiosissimis, qui vel in ipsis collectionibus Canonum, quas tanquam venerabilia sacræ doctrinæ deposita scrutari quotidie debent, non leve errandi periculum extimescunt. Eo deveniant aliqui, ut existimarent, collectionem hujusmodi una cum ceteris similibus esse de medio omnino tollendam, ut dein ipsa ejusdem memoria, si fieri id posset, penitus interiret. Sed viris gravissimis, & prudentissimis, qui plurimum tribuere sciverunt vitio illius ætatis, qua sine delectu opus qualecumque foret, vulgus excipiebat, optimum illud semper visum consilium fuit, ut in collectionis emendationem potius studeretur, ac totis viribus incumberetur; siquidem hac ratione collectoris famæ parcendum videbatur, non enim diris devovendus erat, aut dammandus, qui in obscura sæculi duodecimi caligine non mediocrem sui nominis famam labore, ac studio sibi comparavit, plurimaque utilia in futuræ ætatis emolumentum evulgare scivit, & potuit; præterea inter falsa, corruptaque monumenta plurima adhuc ibidem reperiuntur cum cæteris minime perdenda; quibus addere juvat, universos Scriptores, & Canonum Interpretes hac collectione usos fuisse, atque aliter eandem interire non posse, nisi cum illa Interpretum ipsorum omnium scripta, glossemata, documenta cum maxima disciplinæ nostræ jactura simul intereant.

Hanc ergo suscipiendæ emendationis provinciam Viri sapientissimi adgredi studuerunt, quorum alii meliore ordine fragmenta Canonum distribuere, alii capitum sententias, & verba cum autographis ipsis scripturis, aut saltem melioris notæ exemplaribus conferre, ac restituere conati sunt, unde majus jurisprudentiæ nostræ decus in dies, & ornamentum accessit. Frustra laudarem, utpote quos vulgaris fama prædicat hac in re celeberrimos præstantissimos viros. Pro omnibus mihi sunt, & dignitate, & auctoritate, & rerum agendarum prudentia, sapientiaque venerabiles Pontifices Maximi, Pius IV. Pius V. & Gregorius XIII. qui in rem hanc, & servidius, & accuratius, ut par erat, pro temporis modo hanc emendationem recto consilio meditati sunt, & pari solertia exequuti: horum quippe mandato Viri Gravissimi ex diversis Ecclesiæ provinciis undequaque selecti Romam convenerunt, (fuerat ante inter ipsos idem Gregorius XIII. antequam Sedem Pontificiam conscendisset), ibidemque veterum Codicum collationibus, quos & Romanæ, & externæ illustres Bibliothecæ palam fecerant, quoad fieri per tempora potuit, Gratiani Canones correxerunt.

Et quanquam multa tunc illustrata sapientissime fuerint, non potuit tamen integra, & omni ex parte perfecta esse hujusmodi emendatio, quemadmodum posterior ætas animadvertit; ut enim agebat tunc temporis Antonius Augustinus vir hoc in studio apprime versatus lib. 1. dial. 14. de emendatione Gratiani: *Utinam licuisset omnium fontes adire! neque enim adeo in quibusdam laboraremus.* Quamobrem cum facile sit addere cæptis, viamque a tot, tantisque viris illustri exemplo præmonstratam sequi, nihil mihi penitus animo unquam insedit, nihil optabilius visum est, quam in eadem emendatione ita elaborare, ut eam, si fieri posset, ad exoptatum finem tandem aliquando pro viribus ipse perducerem. Quod ego me perficere posse hodiernis temporibus arbitratus sum, cum post correctionem Romanam maxime supervenerint adjumenta virorum eruditissimorum studio, qui plures vetustos MSS. Codices ediderunt, in quibus Gratianeorum capitum exemplaria diversis quidem voluminibus sejuncta, singula tamen ut plurimum integra exhibentur, atque ubi forte minus integra sunt, ex collationibus eorundem Codicum facili possunt negotio suppleri. Prodierunt ex tunc plenissimæ Conciliorum qua generalium, qua particularium collectiones, varia prodierunt Provinciarum acta, solemniumque comitorum capitularia,

prodiesunt plures Summorum Pontificum veteres decretales; editas præterea habemus vetustas Canonum collectiones, quæ post Gratianam fere interiisse videbantur; edita quamplura poenentialia antiqua, excerpiones, admonitiones, nomocanones sive Græce, sive Latine in publicum evulgatos. Quid memorem Codices Sanctorum Patrum, Scriptorumque Ecclesiasticorum, ex quibus collectionem suam Gratianus adauxit, hodie novis illustrationibus, & observationibus mira quadam solertia editos, atque exornatos? Prodierunt uno verbo tot, tantaque antiquitatis eximia monumenta, ut ex ipsis integræ, nec exiguæ bibliothecæ facile extruantur. Quibus cum accesserint elucubrationes virorum eruditorum, qui coeperunt jam Gratianeos Canones critices artis ope discutere, quis exinde non videat facilem viam integræ, & undequaque perfectæ emendationi paratam esse, ita ut nihil aliud post hæc hodie desiderari videatur, quam qui singula sedulo studio colligat, & collecta pro rei merito accomodet?

Quæ cum ita sint, haud temere ego emendationi alias perdifficili manum admovi, & partim laudatorum virorum quum fretus præsidis, tum observationibus edoctus, partim pro modulo ingenii singula scrutatus, istud opus in publicam lucem edere non distuli in communem studiosorum omnium utilitatem; quæ ut major emergeret, tria potissimum mihi peragenda proposui, videlicet in primis gendinos Canones ab apocryphis discernere, deinde corruptos ad emendationum Codicum fidem exigere, difficiliore demum recta interpretatione, illa potissimum, quæ ex integro contextu deducitur, illustrare; in tribus quippe a Gratiano peccatum erat, quibus consulendum videbatur: sunt autem falsæ inscriptiones, corruptæ sententiæ, explicationes modo parum aptæ, modo etiam auctoribus suis omnino contrariæ. Post hæc meas observationes apertius exinde liquebit, undenam emerferint apud Jurisprudentes, & Pragmaticos tot sacræ jurisprudentiæ monstra, quæ identidem apud aliquos ipsorum legimus, parta scilicet vel ex falsa fragmentorum intelligentia, vel ex nimia fide, quam Gratiano olim sine discrimine præstiterunt. Liquebit, dicam paucis, undenam quis validum, unde dubium, unde etiam infirmum sacræ disciplinæ argumentum deducat. Absit autem a me suprema illa rerum mearum fiducia, qua credam post hæc Gratiani opus ita dici posse perfectum, ut nihil omnino amplius superaddi, nihil, unde majus lumen fragmentis accedat, inveniri possit. Non erubesco fateri cum Antonio Augustino lib. 1. dial. 13. de emend. Gratiani: *Multa certa esse creduntur, quæ falsa esse possunt, ut alia falsa credimus, quæ vera esse posteri fortasse cognoscent.* Sane si quis fuerunt in observationibus hujusmodi apprimere versati, atque eruditi, ipsi procul aliorum invidia laudandi sunt memoratus Antonius Augustinus, necnon Jacobus Sirmondus, utriusque enim multum in hac parte debemus: verum uterque qualitercumque exercitati aliquando lapsi sunt, propterea quod reperta posteriore ætate fuerint, quæ ipsos penitus laeserunt. Ut exemplum tradam, Antonius Augustinus in dial. 15. lib. 1. de emend. Gratiani ad canonem 42. causâ 11. qu. 3. reprehendit Gratianum, Ivonem, & Burchardum, quod illum Concilio Arvernensi tribuerint, cum potius ex Aurelianiensi laudandus fuisset; aliud tamen scripsisset eximius Antistes, si vidisset Synodum Arvernensem II. quam postea Jacobus Sirmondus evulgavit, ubi legitur memoratum Gratiani fragmentum. Idem evenit Sirmondo ad canonem 4. causâ 1. qu. 3. quem legerat in Concilio Nemaufensi, ac propterea occasionem arripuit carpendi Gratianum, quod ex Concilio Arvernensi, seu Claromontano laudasset. Repertum postea fuit Concilium Arvernense, sive Claromontanum, in quo idem Canon legitur, uti suo loco ostendemus.

Hæc porro omnia me a suscepto consilio revocare non debent: dummodo enim quod per tempora, quibus vivimus, licet, aperiâ, pro viribus conatus videbor ad veritatem contendisse, quod solum ab homine ingenuo exoptandum est. Si quid enim posteriore ætate, quod nostrum latet, inveniatur, non deerunt, quemadmodum nusquam defuerunt, qui novas Jurisprudentiæ sacræ illustrationes palam exhibeant, veterumque defectum suppleant, aut emendent.

Jam vero, ut materiam universam ordinate digererem, a Gratianea methodo omnino recessi, non enim illa apta mihi visa est, ut proposito meo satisfacerem. Quamobrem intres partes opus tributum exhibeo. In priore disseritur de capitibus Gratianeis ad Concilia vel generalia, vel particularia pertinentibus. In altera persequuntur sum Gratiani capita epistolis, decretisve Summorum Pontificum adtributa. In postrema tradidi, quæ ex Sanctis Patribus, aut Scriptoribus ecclesiasticis Gratianus exsepit. Quando vero Gratianeos Canones, sive capita memoro, eos intelligo, quos hodie numeralibus notis designatos post Democharis, Contii, & Romanæ correctionis editiones habemus. Duo quippe leguntur apud Gratianum: in primis Conciliorum, & Patrum sententiæ a Collectore relatæ; deinde ipsæ Collectoris sententiæ, quibus quæstiones proponuntur, dirimuntur, declarantur.

sur. Sententiæ quidem Conciliorum, & Patrum præcipua observatione dignæ mihi visæ sunt; ipsæ enim solæ tanquam leges hodie & laudantur, & habentur propterea & nomine Canonis referri, & discretis characteribus apud Typographos edi solent; at sententiæ Gratiani, etsi identidem exornentur quibusdam admixtis Patrum fragmentis, ut plurimum mihi erant inobservatæ: cur enim in privati auctoris doctrinam, atque interpretationem, & studia mea conferam, & sim aliis incitamento, ut conferant sua? Satis mihi erit, si leges ipsæ, siue quæ legum nomine veniunt, expurgentur. Nondum tamen ad rem venio, nisi quædam de Gratiano, & Gratiani ejusdem opere generatim attingam, & quid de eo sentire unusquisque debeat, in universum concludam. Interea vero illud ab humanitate Lectorum jure postulare me posse arbitror, ut si quid parum comte, minusque orate differenti exciderit, dent facilem veniam illi, qui etsi diligentiam omnem impenderit ad obtinendam integritatem, perspicuitatemque sermonis, ut tamen veritati studeret, debuit in barbarorum ut plurimum Codicum lectionem incumbere, nec potuit apud solos vere Latinos Scriptores diuturna meditatione versari.

OBSERVATIO PRIMA.

Quales generatim esse potuerint ecclesiastica jurisprudentia codices usque ad Gratiani ætatem.

ETSI maxime utiles semper Ecclesiæ fuerint Sacrorum Canonum collectiones, quemadmodum & cujusque Reipublicæ commodo undequaque consulitur, quum juris, quo vivitur, capita congeruntur in unum; siquidem quæ variis in codicibus divisa sunt, vel difficilius reperiuntur, vel facilius pereunt, quæ vero in unum congesta, uno obtutu singula observantur, & perpetuo custodiuntur; tamen non raro contigit, ubi plures editæ fuerint collectiones hujusmodi, plurimum exinde detrimenti rebus ecclesiasticis accessisse. Ut enim singularia, quæ exinde emergere potuerunt, incommoda recenscam, primum ex inscriptionibus ortum est, cum v. g. laudaretur ex uno concilio, quod tamen in altero, aut forte etiam in nullo reperiebatur, aut Sancto cuidam Patri aliquid tribueretur, quod alteri, aut etiam nemini tribuendum esset. Secundum ad sententias pertinet, quæ ex uno in aliud idioma, puta ex Græco in Latinum converti debuerunt. Tertium in additamentis, aut detractionibus vocum, aut literarum consistit. Quartum peperit vel pravorum, vel depravatorum usus auctorum.

Quod ad primum atinet, non est dubitandum, frequenter in collectiones menda hujusmodi irrepsisse; singamus enim Canones alicujus Concilii codici Canonum fuisse insertos, quin tamen Concilii nomen inscriberetur, nonne statim ita superioribus Canonibus jangebantur, ut ex eodem depromti Concilio viderentur? Ex hoc arbitror profluxisse, ut Canones Sardicenses pro Nicænis habiti sæpe sæpius fuerint, quod Nicænis Canonibus subjeti omisso Nicæni Concilii nomine alicubi exhiberentur. Omitto etiam antiquissima ætate non defuisse perfidos homines, qui impiorum scripta fallendi animo virorum nomine evulgaverint, quamobrem in Canone, qui hodie est 59. inter Apostolicos, definiendum fuit: *Siquis falso inscriptos impiorum libros, tanquam Sacros in Ecclesia ad populi, & Clerici corruptionem publicaverit, & deponitor.*

Quod spectat ad secundum, facile itidem est percipere verborum, imo etiam sententiarum varietatem, ex linguarum interpretatione profectam. Si enim hac de causa Divina ipsa Scriptura in Prophetarum oraculis etiam apud Judæos religiosissime custodita, in doctrinis apostolicis a Christianis hominibus summo pretio habita, & magno zelo traducta aliquando depravata extitit, ut emendatione, teste S. Hieronymo, ex collatione Codicum siue Hebræorum, siue Græcorum indiguerit; mirum esse non debet, idipsum sacris Canonibus ad disciplinæ ecclesiasticæ stabilitatem conditis potuisse contingere. Nemo ignorat Canones antiquissimos ferme omnes apud Græcos editos fuisse, quales sunt Nicæni, Antiocheni, Neocæsarienses, Gangrenses, Antiocheni, &c., qui ad nos nonnulli per Latinas interpretationes derivati fuerunt. Quis nos certiores interea reddat de fide, de integritate interpretis, præsertim cum noverimus Græcos, & Latinos Codices invicem sæpissime dissonare? Quis tuto affirmaverit interpretem Græcæ linguæ vires, & notas apprimè caluisse, ut nec alienum, vel extraneum sensum assinxerit, ne dixerim omnino contrarium? Præterea apud Græcos non una fuit, & perpetua Canonum descriptio, sed penes diversas Orientalium Ecclesias diversis quoque notis descripti reperiebantur, quemadmodum eruditi animadvertunt. Quis itaque nobis fidejussor existat pro Latino interprete, quasi optimam Codicem is, non depravatum fuerit interpretatus?

Tertium mendorum genus ex additamentis, aut detractionibus ortum est; quod optimè norunt

norunt quicumque in vetustorum MS. Codicum lectione vel mediocriter versati sunt; cum enim nondum inventa esset Ars typographica, & omnia etiam Sacratissima jura manuscriptis Codicibus continerentur, unicuique fas erat vel transcribendo, vel legendo aut notas marginales adponere, aut glossas, ut ajunt, interlineares inferere, aut commodiorem interpretationem subjicere, aut quod forte irreplisse suspicabatur, litura corrigere. Quid deinde, si hic idem Codex hujusmodi notis adauctus, aut lituris imminutus ad alterius manum deveniret transcribendus? Transcribendus erat notis, & glossis adauctus, ut aliquando in Gratiani Canonibus evenisse propositis in hoc meo opere exemplis adparebit. Quam enim ratione Amanuensis divinaret, quænam verba germana essent, quænam privati auctoris glossæmata? quæ forte etiam si divinasset, omnia tamen aut ne interirent, aut ut primo auctori honorem deferret, aut commodo studiosorum inserviret, transcribere adamavit. Atque hinc profecta etiam sunt quarti generis menda, quæ ajebam ex usu depravatorum Codicum evenisse, & quibus præcipue occasionem præbuerunt improbi homines, qui plura opera luce prorsus indigna Virorum sapientissimorum nomine, uti nuper attigeram, inscripserunt, in quæ incidentes incauti facile labi ex imprudentia potuerunt.

Hæc generalia sunt, & pluribus collectionum generibus accommodata. Addere juvat etiam quædam certis collectionum speciebus peculiariora. Siquidem duo potissimum esse potuerunt genera collectionum, quarum aliæ privatæ fuerint, aliæ publica auctoritate compositz. De privatis primum dicam. Contigit sæpissime, ut plures viri, quorum aliqui eruditionis gloria clarissimi sunt, ad collectiones Sacrorum Canonum peragendas intenderint, quos nec sui quidem Præsulis movit auctoritas, sed propensio quædam peculiaris vel ad utilitatem studiosorum, vel ad famam sibi cum honore acquirendam, aliquorum etiam ut privatis quibusdam cupiditatibus, certisque, in quibus versabantur, circumstantiis inservirent. Quis itaque horum Collectorum fidem statim ita probabit, ut nihil apud illos, nisi firmum, aut certum referri tuto asseveret, ubi præsertim nomen auctoris supprimatur, aut adpositum quidem sit, sed nec pietate, nec scientia hominis satis illustre? Calliditas, imperitia, temeritas, oscitantia quid in hujusmodi collectionibus operari non poterat?

Publicæ auctoritatis collectiones ad duplicem rursus classem arbitror referendas. Illas in primis publicas voco, quas a primis Ecclesiæ sæculis unusquisque Episcopus ad suæ Diocesis commodum per Notarios, quibus Primicerius præerat, fieri curabat. Statim enim ac Concilia celebrari cœperunt, in quibus lege scripta Canones editi sunt, Episcopi a Conciliis redeuntes Canones ipsos secum adferrebant, illosque promulgantes in peculiari Codice præcedentium Conciliorum Canonibus jungentes in tabulario Ecclesiæ suæ adservabant, ad quos deinde oblata occasione confugerent. Et si quando Episcopi iusta de causa a Conciliis abfuissent, aut a Legatis, quos forte miserant, aut a proximis Coepiscopis Canones in Codicem redigendos postulabant. Immo tanta erat veterum Episcoporum, sicut in cæteris, ita & in hac parte solertia, ut exoptarent etiam Canones alienarum Provinciarum, aut Dioceseon, ut disciplinam alibi sapientissime constitutam in suam quoque Parochiam alieno exemplo traducerent, & quodammodo suam facerent. Id observarunt Romani Correctores ad Canonem 1. dist. 20. verbo *Cartbaginensium*, ibi: *Eor Canones Sedes Apostolica videtur probasse, & usæ eis esse*, quando in Codicem Canonum referendos curavit. Eosdem etiam Græci, quo ordine apud Latinos habentur, cum aliis præterea multis Africanarum Synodorum conjunctos in linguam suam verterunt.

Quamquam vero magna hujus generis Collectionibus reverentia debeatur, quum præsumendum minime sit Sacros Ecclesiarum Antistites & morum sanctimonia, & doctrina Canonum venerabiles aut facile decipi potuisse, aut, quod turpius esset, alios voluisse decipere, præsertim vero quod memoratis Codicibus olim infererentur Canones, statim atque in Conciliis editi fuissent, nihil tamen impedit, quominus aliquando fides aut denegetur, aut subdubitando præstetur. Vel enim unius, aut alterius Episcopi, unius, aut alterius Diaconi, apud quem Codicis custodia esset, unius, aut alterius Notarii, ad quem spectaret aut autographum edere, aut consumtum renovare, improbitas, vel imperitia fat erat, ut integrum, atque optimum volumen vel ausu temerario, vel per imprudentiam labefaceret. Manifestum hujus rei argumentum habemus ex actione 1. Concilii Chalcedonensis. Ibidem. *Ætius & Diaconorum, & Notariorum Constantinopolitanæ Ecclesiæ primus, quem propterea in Codicem Sacrorum descriptione versatissimum fuisse præsumendum est, ita testatur: In talibus Sanctissimis Conciliis contingit frequenter (notanda sane hæc vox frequenter) unum ex presentibus reverendissimis Episcopis aliquid dicere, & quod ab uno dictum est, tanquam ab omnibus simul dicatur, & scribitur, & intelligitur.* Id sane in causa erit, cur in Codicem Canonum referatur tanquam regula Ecclesiastica, quod ab uno, aut altero vel disputando, vel etiam dubitando, aut postulando publice in Concilio propositum fuerit.

78
 fuerit. Finge præterea, ut de solis Episcopis loquar, quorum dignitas majorem, quam Diaconorum, aut Notariorum officia, exigit fidem, majorem exigit integritatem; finge Episcopum quenpiam interfuisse Concilio, ubi acerimam a Coepiscopis; ut olim fieri solebat, passus sit controversiam; finge dein victum fuisse, ejusque sententiam, cujus confortes quosdam habuerat, plurium consensione fuisse damnatam, & quidem iato decreto, quod inter Canones recenseretur. Is profecto una cum sociis, (nisi homines dederis humanis prorsus affectibus expoliatos,) secum adferens in Dioecesium Synodalia gesta, & in promulgatione, & in descriptione in tabularum redigenda, nisi supprimeret, quod sibi forte contumeliosum existimat, saltem plurimum in ejus designatione temperabit. Quod si non novam controversiam in Concilio moverit, sed antiquam, & jam Canonibus definitam contra æquitatem excitare velit, quæ solertia non curabit, ut Canones ad eam pertinentes, & jam editi, si pro deperditis haberi non possint, saltem alia forma producantur? Celeberrimum hujus rei exemplum agnoscunt eruditi in Photio Constantinopolitano Patriarcha, qui adversus Romanam Ecclesiam renovato schismate pugnaturus, Constantinopolitanæ Ecclesiæ suæ Codices vitiavit, ne in ipsis contentione suæ moram, aut impedimentum haberet. Apertissimam vero ejusdem rei demonstrationem eruere licet ex actis Concilii Chalcedonenfis, ex quibus adparet Sacrorum Canonum Codices ecclesiasticorum quorundam ministrorum perfidia fuisse corruptos, ut ex sequenti observatione liquebit.

Altera Collectio publicum species illarum est, quæ videlicet a privato quidem auctore editæ primum fuerint, dein vero publica auctoritate sedula præeunte deliberatione in Ecclesia generaliter recipi potuerunt, de quarum propterea fide, & integritate publico inconcusso testimonio sine ulla hæsitandi causa constaret. Sed frustra vel unam hujusmodi Collectionem ante Gratianam querimus, ut propterea supervacaneum sit in hujusmodi Codicum auctoritate expendenda hoc loco elaborare. Satis mihi est interea, & in ipso scribendi initio generatim observasse, quotquot Canonum Codices ante Gratianum editi fuerunt, in incerta penitus fide vagari, nec aliquem produci unquam posse, cui tuto in omnibus innitatur: non quod ego exinde sentiam ita dubitandum esse de omnibus, ut nullum amplius hodie habeamus Codicibus nostris commendatum firmam veræ doctrinæ, pristinaque disciplinæ præsidium. Observata sint hæc, ut adpareat, quam sit necessarium vetustos Canonum Codices, seu Collectiones invicem conferre, atque eorum sententias ita perpendere, ne sine discrimine fide omni præstita vel in minimis apicibus temere judicemus. Cæterum quoties incidimus in illa monumenta, quæ jamdiu apud omnes veluti eximia sacræ prudentiæ capita habentur, quæque cum temporis, loci, cæterorumque adjunctorum ratione conveniunt, præsertim quæ ab Auctorum, quibus tribuuntur, mente alias explorata non dissonant, nefas arbitror contradicere, aut etiam dubitare, ne forte occasio exinde sumatur improbis hominibus sanctissimas Leges, & Sacræ Reipublicæ maxime utiles in interitum, ac perniciem susdeque vertendi. Sobrie, ac moderate, sicut in cæteris, ita præsertim in hac re procedendum est, ne hinc nimia credulitas, hinc nimia temeritas officiat.

OBSERVATIO II.

Quales vera fuerint peculiare Sacrorum Canonum Collectiones ante Gratianum, & primo de ea, qua vulgo dicitur: Codex Canonum Ecclesiæ universæ.

A Sæculo Ecclesiæ quarto, quo primum Collectiones Canonum fieri potuerunt, usque ad Gratiani ætatem innumeræ propemodum prodierunt; præterquam quod enim in Episcoporum more positum erat, ut suam singuli conficerent, in qua non generalium tantum Conciliorum statuta, sed & peculiaria suæ Dioeceseos, vel Provinciæ decreta, sacrosque ritus adservarent, privati quamplures alias ediderant, ut in superiore observatione nuper prænotabam. Verosimile autem non est Gratianum, dum suum Codicem componeret, omnes præ oculis habuisse; plurimum enim diligentia ejusdem tribuerem, si vel celebrioribus usum fuisse dicerem, quarum fama ad nos usque pervenerit. Quamobrem, ut ad Gratianum opus illustrandum paratus accedam, satis erit mihi celebriores Canonum Codices in præsens observare, & quid de iis sentiendum sit, saltem paucis attingere; quotiescumque enim Codicum singulorum, quibus Gratianus uti facile potuit, perspicuam tradam, & claram imaginem, jam inde tutius de ipso Gratiani Codice judicabo. Scio quidem nonnullos ex eruditis rem hanc agendam suscepisse, atque etiam fuisse pro rei dignitate tractasse. Non erat tamen a me omittenda, vel quod novis adhuc, ejusque utilibus observationibus exornari debeat, vel quod necessitas hujus operis id prorsus efflagitet. Utar verbis S. Augustini in Prologo lib. 3. de Trinitate ita scribentis: *Non debet hic labor*

meus

mens cuiquam pigro, aut multum docto videri superfluum, cum multis impigris, multisque indoctis, inter quos etiam mihi non parva ex parte sit necessarius. Ex his igitur, quæ ab aliis de hac re scripta jam legimus, plurimum adminiculati, & adjuvi, ea, quæ differi posse arbitror, Deo adjuvante, differenda suscepi, ut si alia non sunt hujusmodi scripta, sit quod habeant, & legant qui voluerint, & valuerint. Si autem jam sunt, tanto facilius inveniantur, quanto talia plura esse poterint.

Itaque disseram in primis de Codicibus Græcis, & præ ceteris de illa Collectione antiquissimorum Canonum, quam vulgo *Codicem universæ Ecclesiæ* appellant. Eam edidit Christophorus Justellus in sua Bibliotheca Juris Canonici veteris notis minime contemnendis illustratam, in qua continentur Canones 207. videlicet Nicæni 20. Ancyranæ 25. Neocæsarienses 14. Gangrenses 20. Antiocheni 25. Laodiceæ 59. Constantinopolitani 7. Ephesini 8. & Chalcedonenses 29. ideo autem *Codicem universæ Ecclesiæ* vocarunt, quod crediderint in Chalcedonensi Concilio generali, quod universam Ecclesiam representabat, fuisse probatum, immo etiam, uti plures scripserunt, etiam confirmatum.

Perpendamus acta Concilii Chalcedonensis, ex quibus hæc discussio integra pender. Ex his autem arbitror manifeste demonstratum iri non solum nullam peculiariter tunc probatam fuisse, ut ajunt, collectionem, sed nec aliquam ibidem peculiariter fuisse selectam, quæ Chalcedonenses Episcopi synodaliū definitionum causa uterentur, quidquid hodie plures ex eruditis tradiderint. Illud mihi verosimilius est, tunc Episcopos ad Œcumenicum Concilium vocatos suam singulos adtulisse collectionem Canonum, quæ unusquisque uteretur, dum suffragium laturus esset, ratus nullum in Concilio recto judicio ferri posse suffragium, nisi quod veterum traditioni solidius inniteretur. Hinc Dioscorum Alexandrinum Episcopum, cum ad Chalcedonense Concilium accessisset, Sanctorum Patrum Athanasii, Gregorii, Cyrilli monumenta in Codicibus detulisse scimus ex actione 1. dicti Chalcedonensis Concilii, ubi ita loquens Dioscorus idem induitur: & horum (Sanctorum Patrum) testimonia non simpliciter, neque transitorie, sed in libris habeo.

Quod de hac collectione dici videtur in Chalcedonensi Concilio, sic paucis colligo. Actione 1. cum quæreretur de doctrina S. Cyrilli Alexandrini Episcopi, qui Synodo Ephesinæ præfuerat, Eusthatius Episcopus Beryti Civitatis Phœnicæ maritimæ Codicem protulit, ubi & Cyrilli epistola continebatur. Hujus sane Codicis nomine nullum alium intelligemus, quam quem Eusthatius idem secum attulerat, ubi Canones una cum actis Conciliorum, præsertim generalium, servabantur. Inferius itidem in eadem actione 1. legitur eundem Eusthatium contulisse Nicænas regulas una cum epistolis Cyrilli, ac fide Concilii Ephesini, omniaque consona reperisse. Quomodo autem conferri poterant hujusmodi monumenta, nisi Codices plures præ Episcoporum manibus haberentur? Illud autem certissimum interea liquet, Codicem hunc, quo usus fuit Eusthatius, non esse Codicem a Justello editum, cum in hoc & Cyrilli epistolæ, & Ephesinæ fidei exemplar desideretur. In actione 2. *Gloriosissimi Judices* (ita habet Labbeana editio) & amplissimus Senatus dixerunt: Recitentur quæ exposita sunt a Sanctis 318. Patribus in Nicæa congregatis: Eunomius Reverendissimus Episcopus Nicomedia civitatis ex Codice recitavit Symbolum 318. Patrum. Hic erat alius ejusdem Eunomii Codex, quem & Nicomedia secum attulerat. Postea ita sequitur: *Gloriosissimi Judices, & amplissimus Senatus dixerunt: Recitentur & quæ a Sanctis 150. Patribus exposita sunt. Etiam Reverendus Diaconus Constantinopolitana Ecclesia ex Codice recitavit Symbolum 150. Patrum.* Hic erat Codex Ecclesiæ Constantinopolitanæ, qui in manibus Diaconi ejusdem Ecclesiæ servabatur, ne gratis asseramus eundem Codicem sine causa de manu Eunomii Nicomediensis ad manus Diaconi Constantinopolitani fuisse translatum. Sed mihi videor habere luculentissimum hujus rei argumentum. Quando petium est, ut legeretur Nicæna fidei expositio, eam legit Eunomius Episcopus Nicomediæ: Quando petitum est, ut legeretur expositio fidei Concilii Constantinopolitani, eam legit Diaconus Constantinopolitanus. Quid aliud hæc indicant, quam ad Nicænae fidei lectionem Nicænae Provinciæ Codicem, ad Constantinopolitanæ fidei lectionem Constantinopolitanum Codicem fuisse desideratum? Eunomius Nicomediensis Episcopus princeps erat Episcoporum in Provincia Bithyniæ, ubi sita erat Nicæa civitas, proptereaque in Nicæno Concilio Eusebius Nicomediensis proxime subscripsit ante Theogenem, seu Theognem Nicænum. A quo itaque melius afferri poterat Symbolum Nicænum, quam ab illo, in cujus Provincia & conditum erat, quique etiam forte authographum verosimiliter servabat? At Symbolum Constantinopolitani Concilii, a quonam melius peti poterat, quam a Diacono Constantinopolitanæ Ecclesiæ, cujus fidei ejusdem Ecclesiæ gesta erant commendata? Rursus in dicta actione 1. paullo inferius hæc leguntur: *Gloriosissimi Judices, & amplissimus Senatus dixerunt: Recitentur & epistola Deo dignissimi Archiepiscopi Regiæ, & senatûs Roma Leonis: Bonisiam-*

17

ronicianus devotissimus Secretarius Sacri Consistorii recitavit ex Codice sibi porrecto ab Ætio Archidiacono Constantinopolitana Ecclesia. En novam Codicis mentionem. Sed hallucinantur, qui Codicis nomine hic intelligerent Codicem Canonum generalem, illum scilicet, in quo præcedentium Conciliorum Canones continerentur. Qui enim fieri potest epistolam recentem a Leone Magno scriptam, & quæ sententiam Summi Pontificis circa celebrationem, & causas Chalcedonenſis Concilii continebat, vel in ipſo Concilii exordio jam in Canonum Codicem generalem fuiſſe relata? Res eſt in aprico poſita penes eum, qui ſingula rei huius adiuncta accurate conſideret. Quo enim tempore S. Flavianus Episcopatum Constantinopolitanum tenebat, jam Euthychiana hæreſis graſſabatur, atque Orientales Provincias fere univerſas omnino turbabat. Id cum ad Leonis Magni aures facile perveniſſet, non omiſit Sanctiſſimus æque, ac prudentiſſimus Pontifex veram fidei doctrinam datis literis apud eundem Flavianum exponere triennio circiter ante Concilium Chalcedonenſe, atque ad generalis Concilii convocationem, perpetuamque definitionem fidei ejus animum præparare. Iſtæ epistolæ ſunt, quæ in memorata actione ſecunda, ut legerentur, peticum eſt: iſtæ ſunt, quas Ætius Constantinopolitanus Archidiaconus legendas porrexit: Iſtæ ſunt, quas Beronicianus Sacri Conſiſtorii Secretarius recitavit. Epistolæ erant non ad ſingulos Episcopos, ſed ad unum Flavianum a Leone directæ. A quonam alio peti poterant, quam ab Archidiacono Flaviani jam tum vita functi? Epistolæ erant ad cauſas ipſius Concilii, videlicet ad impugnandam Euthychianam hæreſim pertinentes. A quonam recitandæ erant, niſi ab eo, qui Sacri Conſiſtorii Secretarius electus fuerat? Fruſtra itaque quæritur publicus quidam Codex, cum de peculiariſſimis epistolis ageretur. Hujusmodi autem Codicem fruſtra etiam apud Juſtellum quæreremus, cum in editione Juſtelli nulla Leonis ad Flavianum epistoſa deſcripta legatur. Pergo ad actionem quartam, ubi poſt lectam epistolam Archimandritarum ad Concilium Chalcedonenſe ſcriptam pro reſtitutione Dioſcori, provocatum eſt ad ſcriptos Eccleſiaſticos Canones. Hinc Ætius Archidiaconus Constantinopolis (ſequor Labbeanam editionem) *Sancta, & Catholica Eccleſia dixit: Regula eſt hæc cum aliis poſita a Sanctis Patribus, quam cuſtodientes Sanctiſſimi Patres Episcopos docent, & clericos, & monachos, & omnes Chriſtum colentes, ſi aut reſultantes, aut acquieſcere non volentes hæc utuntur regula. Et ex Codice relegit hæc &c.* Lectus autem eſt Canon quintus Concilii Antiocheni. Porro inferius ubi de Garoſo, & Dorotheo monachis actum eſt, qui Euthychem Archimandritam ſuum ſequebantur, Canonum pariter lectio viſa eſt opportuna. *Sancta Synodus dixit: Sacri Patrum Canones legantur, & Commentariis inferantur: Summoque libro Ætius Archidiaconus, & Primicerius magna Eccleſia legit.* Lectus eſt autem Canon IV. Concilii Antiocheni. En rursus Codicem in manibus Ætii Archidiaconi, & Primicerii Constantinopolitani. Sed nihil prohibet alios Codices præ manibus aliorum Notariorum ſuis Episcopis adſiſtentium, aut Episcoporum ipſorum oculis ſubjectos extitiſſe. Electus eſt peculiariſſime, qui publice aliquando legeretur, Codex Eccleſiæ Constantinopolitanæ, non ob ſingularem Codicis prærogativam, ſed quod Constantinopolitanæ Eccleſiæ maximus honor jam tum deſſeri a Græcis coepiſſet, præſertim etiam quod Chalcedonenſis Civitas in Constantinopolitana Provincia ſita eſſet, imo non longe a Conſtantinopoli diſſita; quomobrem Constantinopolitani Codices facilius, & commodius in uſu eſſe poterant, quemadmodum in uſu eadem ratione fuiſſent Codices Antiocheni, ſi penes Antiochiam Concilium celebratum eſſet. Diſcuſſa poſtmodum eſt cauſa Photii Episcopos Tyri, & Euſthatii Episcopos Beryti. Poſtulavit Photius, ut Canones legerentur: Patribus annuentibus, *Atticus Reverendiſſimus Episcopos Nicopolis Epiri legit.* Lectusque eſt Canon IV. ex Nicænis. Ecce alium lectorem Canonum Atticum Nicopolitanum, quem ſane verosiſſime haud eſt Codicem Canonum ab Ætio commodatum habuiſſe, ſed potius in ſuo Codice peculiari legiſſe. Idem ſentiendum eſt de ſequentibus; nam in actione xi., dum dirimeretur cauſa Baſſiani, & Stephani de Epheſino Episcopatu contententium, ita Stephanus idem poſtulavit: *Supplico, ut Canones relegantur . . . Glorioſſimi Judices dixerunt: Relegantur hi Canones: Leontius Reverendiſſimus Episcopos Magnæſia ex Codice relegit regulam 95. (is erat Canon 16. Concilii Antiocheni) . . . Item Reverendiſſimus Leontius Episcopos ex eodem Codice legit regulam 96. (is erat Canon 17. Antiochenus).* In actione 13. actum eſt de privilegio Metropolis Nicomediæ ab Eunomio ejusdem civitatis Episcopos. *Glorioſſimi Judices dixerunt: Canones legantur.* Beronicianus vir devotus, Magiſtrianus, & Secretarius Divini Conſiſtorii ex Codice dato ab Eunomio Reverendiſſimo Episcopos legit. Lectus autem eſt Canon IV. Concilii Nicæni. Quid porro ſignificant iſthæc omnia, niſi tunc plures in manibus Episcoporum Codices Canonum extitiſſe, ex quibus unusquiſque pro data occasione Canones in publicum legeret? Quid non probant poſtrema laudata verba, ubi expreſſe memoratur Codex Eunomii Secretario Concilii porrectus? In primis enim & peculiarem fuiſſe

Eunomii Codicem designatur; deinde cum nullibi in integris hujus Concilii actionibus legatur Codicem Canonum Episcopis pro occasione legentibus porrectum esse, sed tantum porrectum esse Beroniciano Secretario, ut in duobus hujusmodi actorum locis animadvertimus, manifeste concluditur solum Beronicianum destitutum fuisse Codice, cæteros vero Episcopos suos unumquemque Codices habuisse. Quod si e contrario publicus Codex pro conciliaribus actis electus fuisset; potius Secretario Beroniciano commissum extitisset, nec ipse indiguisset Codicem Canonum modo ab Aetio Constantinopolitano, modo ab Eunomio Nicopolitano porrectum accipere, quemadmodum accepit dictis in locis actione 2., & 13.

Hæc quæ huc usque retulimus, Chalcedonenſis Concilii fragmenta illa omnia sunt, quibus ut plurimum innituntur, qui sentiunt unum Codicem Canonum in Chalcedonenſi Concilio probatum esse, eumque propterea Codicem Ecclesiæ universæ appellare non dubitant. Sed, ut aperte demonstravi, jam liquet ex ipsis quæ adferunt monumentis, quam infirmum habeant opinionis suæ præsidium. Ego hic minime sisto; puto enim ulterius demonstrari posse contrariis argumentis, tantum abesse, ut tempore Chalcedonenſis Concilii confirmatus fuerit, receptusque publicus Can. Codex, quin potius jam tum conqueri cœperint Antifites Sacri de corruptis, depravatisque Notariorum perversitate Codicibus.

Revere nupſiam fuit mens Chalcedonenſium Episcoporum certum Canonum Codicem seligere, eumque probare; ut enim probarent, & tanquam integrum proponerent, opus fuisset deliberatione, & plurium Codicum in omnibus capitibus collatione, de qua minime constat in Synodalibus Actis. Præterea Concilium Chalcedonenſe gravioribus detinebatur negotiis, quæ pertractaret, nimirum curanda erat definitio Fidei, & erroris Euthychiani censura. Hinc in actione 4. ita legitur: *Diogenes Reverendissimus Episcopus Cyzici dixit: Synodus propter Euthychem facta est, non propter aliquid aliud.* Quod tamen magis observandum est, ad Acta Synodalia spectat, quæ vel in ipso Concilio Chalcedonenſi depravata fuisset, & invicem minus consona conspiciuntur. In actione 1. lecta sunt Acta Ephesini Concilii, & cum inter cetera devenit ad id, quod dixerat Basilius Seleuciæ Isauriæ Episcopus, agnita statim est vocum immutatio ab ipſomet Basilio, qui in Chalcedonenſi Concilio præſens aderat, ita agente: *Hanc vocem, quam dicunt me dixisse ego non dixi his verbis, neque scio ista me dixisse.* Hinc exurgens Juvenalis Episcopus Hierosolymorum exclamavit: *Hac ergo vox adulterata est?* Replicavit Basilius. *Non sum memor, neque scio dixisse.* In eadem rursus actione 1. ita legitur: *Consulatu Flavii Zenonis, & Posthumiani Virorum clarissimorum sub die 6. idus Novembris... & postquam relecta est prima, & secunda Actorum series... Aetius Diaconus, & Notarius dixit: Petimus sanctam, & magnam Synodum interrogari, auditis propriis vocibus, & gestorum serie, ne aliquid falsatum sit, vel corruptum... & relecta prosecutione Viri religiosissimi Johannis Presbyteri, & defensoris, Constantius Diaconus, & Monachus dixit: ita non est dictum per vestigia vestra, ut continet &c.* Rursus inferius quædam perhibentur adjecta, quasi a magnificentissimo Patricio dicta, quæ revera dicta, non fuerant. Ita habent Acta Chalcedonenſia. *Quemadmodum hæc, qua non est interloquutus magnificentissimus Patricius, gestis inserta sunt? Aetius Reverendus Diaconus, & Notarius dixit: quis vobis hæc distulit? Ego vobis aliquid addere dixi? aut a vobis, vel certe ab aliis hæc audientes fecistis?... Et postquam relectum est, Eleusinius Diaconus dixit: non sunt secundum ordinem posita. Post pauca rursus dubitatum fuit de actorum depravatione circa ea, quæ tanquam ab Euthyche dicta proferebantur. Quare plures interrogati, Timotheus, Seleucus, Basilius, & Julianus Episcopi professi sunt se talia antea non audivisse. Dein cum acta relegerentur Codicibus inserta, devenit ad ea, quæ magnificentissimus Patritius dixerat: Magnificentissimus Patritius dixit: hanc interloquutionem non dixi, neque enim idoneus eram dicere. Reverendissimus Episcopus hujus gloriosa Civitatis dixit: qua dicuntur non fuisse tunc dicta, dictorum tamen serie continentur. Adnotate vos Notarii: contra vos enim de hoc certamen est, & opportuno tempore requirenda sunt hæc diligentius. Subdidit autem Seleucus Episcopus, Notarios debere de hac re purificare, quanquam dein ita concluderit: Quoniam vero nunc jussit piissimus noster Imperator fieri inquisitionem, si falsata sunt gesta, nunc arbitror non convenire de hoc loqui. In fine hujus discussionis Aetius & Diaconorum, & Notariorum primus ita sese excusavit: usque ad præſens adprobavimus nos metipsos, in quibus potuimus, & quia sæpe lectione facta nemo nos reprehendit: quoniam vero ante multum tempus dum charta prius apud nos esset, Asterius, qui nobiscum est Presbyter, & Notarius, nobiscum constitutus, & agens descendit, & chartas nostras abstulit, & schedas, & authenticas, & est duorum, aut trium mensium tempus, & nihil ex his habemus. Si ergo in posterum aliquid aut dicitur, aut movetur de præſenti negotio, liberos nos esse decet. Hæc ratio fuit, quare Euthyches dein acta hujus Concilii tanquam corrupta accusavit, ut in eisdem*

eisdem actis legitur, ibi: *Preteritis datis ab Euthycho Reverendissimo Archimandrita, & accusante gesta, qua acta sunt, tanquam maligne a Notariis immutata. Sunt hæc Macedonii verba tribuni Notarii, & Referendarii, qui ita subdidit: Cum vero recederem, obviis mihi factus est Asterius (is est, qui schedas, & authenticas abstulerat) conjurans me adire ab ipso, qua volebat effari. Accusabat autem Reverendum Abramium, & Notarios tanquam immutantes in gestis quadam capitula, & quia necessarium habet ipse matuens hujusmodi malignitatem illos quidem offendere talia, sed sine ejus scientia commississe. Subdidit post hæc Euthyches Archimandrita: Pervidet & vestra reverentia, quia relectorum actio ostendit gesta priora esse falsata. Hæc vero Actorum, & Codicum depravationes liquidius adparent ex iis, quæ habentur in actione 16. ejusdem Concilii. Actum ibidem fuit de jure Romanæ, & privilegiis Constantinopolitanæ Sedis, atque ad eam rem laudatus est Can. 6. Nicæni Concilii, ex diversis tamen Codicibus, atque etiam diversimode descriptus. En verba ipsa actorum Chalcedonensium. "Gloriosissimi Judices dixerunt: utraque pars Canones, proponat. Paschalinus Reverendissimus Episcopus Vicarius Sedis Apostolicæ recitavit. "Per centorum decem & octo Patrum Canon sextus. Quod Ecclesia Romana semper habuit Primatum. Teneat autem & Ægyptus, ut Episcopus Alexandriæ omnium habeat potestatem, quoniam & Romano Episcopo hæc est consuetudo. Similiter autem & qui in Antiochia constitutus est, & in ceteris Provinciis Primatus habeant Ecclesiæ Civitatum ampliorum. Per omnia autem manifestum sit, quod si quis præter voluntatem Metropolitani Episcopi fuerit ordinatus, hunc statuit hæc Sancta Synodus non debere esse Episcopum. Sane si communi consensui, & rationabiliter probato, & secundum Ecclesiasticam regulam statuto duo aliqui, aut tres per contentionem suam contradicant, illa obtineat sententia, in qua plures fuerint numero Sacerdotes. Quoniam vero mos antiquus obtinuit, & vetusta traditio, ut etiam Æliæ, idest Hierosolymorum Episcopo deferatur, habeat consequenter honorem suum, sed Metropolitano suo dignitas salva sit. Constantinus devotus Secretarius divini Consistorii ex dato Codice ab Aetio Archidiacono Constantinopolitanorum Sanctissimæ Ecclesiæ recitavit. Regula sexta 318. Sanctorum Patrum. Antiquæ consuetudines teneant in Ægypto, ut Alexandrinus Episcopus omnium habeat potestatem, quoniam & Romano Episcopo hæc consuetudo est. Similiter autem & Antioche, no, & in aliis Provinciis Primatus habeant Ecclesiæ Civitatum. Universaliter autem illud manifestum est, quia quisquis præter voluntatem Metropolitanæ fiat Episcopus, hunc Sancta Synodus definit non esse Episcopum. Sane si communi omnium consensui rationabiliter probato, & secundum Ecclesiasticam regulam statuto duo aliqui, vel tres per contentionem suam contradicant, definitio obtineat plurimorum. En apertissime demonstratur non tantum in Concilio Chalcedonensi plures fuisse Codices, verum etiam fuisse in Codicibus ipsis scriptionis varietatem, & depravationem, tanto minus autem publico Codici probando, & confirmando locum fuisse; frustra enim tum & Romani Pontificis Legati, & Sedis Constantinopolitanæ Patroni actione 16. videlicet sub finem Concilii diversis Codicibus, iisdemque variam lectionem habentibus usi fuissent.*

Sibi itaque persuadeant quicumque voluerint de Codice Can. universæ Ecclesiæ per Concilium Chalcedonense probato. Mihi aliter visum est vel una Chalcedonensis ejusdem Concilii acta perpendenti. Appellant, non ignoro, qui contra sentiunt, ad Can. Chalcedonensis Concilii a Gratiano relatum in can. 14. cau. 25. q. 1. necnon ad Novellam 131. Justiniani Imperatoris. Verum quid aliud, bone Deus! laudatis in locis ostenditur, quam definitio hujusmodi, ut unusquisque præcedentia Synodorum statuta moribus observet? De Codice vero nulla mentio est, imo ne verbum quidem, ut nemo exinde blandiri sibi possit, fidosque Ecclesiasticos Codices vetustissimæ Ecclesiæ commento suo tribuere.

OBSERVATIO III.

De celebrioribus vetustis Græcorum Collectionibus.

VIX utile forte vibebitur proposito meo de Græcis Can. Collectionibus differere; etenim Gratianus, quem persequi debeo, Græci idiomatis prorsus ignarus fuit, proinde nihil ex Græcis fontibus derivare unquam potuit. Scio quidem in Gratiano Codice aliqua legi Græca vocabula; verbi gratia in can. 39. cau. 24. q. 3. iamdiu vero Viri eruditi observarunt in vetustis Gratiani exemplaribus non haberi, sed adjecta fuisse per Antonium Demochærem, & Antonium Contium, qui ex cultius Decretum Gratianum edidit, quos deinde sequuti sunt Romani Correctores. Veruntamen quum Gratianus lati-

nis immediate Codicibus usus fuerit, latinorum autem Codicum Auctores a Græcis plurima acceperint, juvabit etiam saltem pauca de Græcis Codicibus attingere.

Post Codicem, ut ajunt, Ecclesiæ universæ, ab Justello editum, quem suspicor fuisse Codicem peculiarem alicujus Dioecesis usui apud veteres destinatum, adparet apud eruditos Græca Collectio, quam Johannes Doviatius in lib. 3. Prænotionum canonicarum cap. 5. probabilius tribuit Theodorito Cyrensi Episcopo. Tradunt autem in ea nihil amplius contineri, quam quod in Codice universæ Ecclesiæ nuncupato comprehendatur, exceptis tantummodo Canonibus Apostolorum, & Canonibus Sardicensibus, qui in hac Theodoriti Collectione legantur. Si personam Collectoris, videlicet Theodoriti Cyrensis inspiciamus, mihi suspecta quoquo modo videtur: etenim varias ipse passus est controversias cum Dioscoro Alexandrino, a quo ab ipsa sede sua dejectus est, proptereaque non est præsumendus adeo temperate, maturoque consilio sacros can. voluisse describere, quemadmodum Collectorem integræ fidei decebat; præsertim vero quod ejus scripta publico totius Ecclesiæ testimonio reprobata sint in Synodo V. generali, sive II. Constantinopolitana. Si can. relatos attendamus, ii nec Orientali, nec Occidentali Ecclesiæ placuerunt: non Orientali, in qua scribebat, quia retulerat Sardicenses can. quos Orientales tunc improba-verant; non Occidentali, quia can. quos tanquam Apostolicos retulit, uti suo loco dicemus, nonnisi posteriore ætate in Occidente recipi potuerunt.

Celeberrima vero inter Græcas Collectiones illa est, quæ in Synodo Trullana, sive Quinquecenta probata dicitur, & Ecclesiæ Orientali propolita anno 692. Continebantur in ea in primis can. Apostolorum, deinde Nicæni, aliique prioribus Collectionibus inserti, Sardicensibus tantum exceptis, item can. Carthagenenses, selecti scilicet ex pluribus Africanis Conciliis ad numerum 133. quales edidit Christophorus Justellus in sua Bibliotheca Juris Canonici veteris tom. 1. pag. mihi 328. Additi præterea sunt can. Constantinopolitani Concilii a Nestario, & Theophilo Alexandrino habiti anno 394. in causa Agapii, & Bagadii de Bostrensi Episcopatu inter se contendentium. His accessere can. S. Dionysii Alexandrini, qui medio tertio sæculo floruit. Continebant isti responsa quædam Dionysii, quibus satisfiebat interrogationibus Episcopi Pentapolitani. Accesserunt etiam quindecim Decreta Petri Episcopi Alexandrini de lapsis tempore persecutionum initio sæculi quarti; item can. undecim Gregorii Thaumaturgi Neocæsareæ in Ponto Polemoniaco Archiepiscopi, in quibus agebatur de pœnitentia variorum criminum, præsertim de Idolothytorum participatione circa annum 260., adjectæ sunt tres epistolæ Athanasii, qui paulo post Nicænam Synodum Ecclesiæ Alexandrinæ præsedit, prior scilicet ad Ammonem Monachum, altera, quæ est inter festales 39. ubi Libri canonici recensentur, postrema de lapsis in hæresim ad pœnitentiam admittendis, ad Clerum missa, aut quemadmodum aliis lubet, ad Rusticianum Episcopum. Non omisæ fuerunt Basilii Cappadociæ Cæsareæ Episcopi tres epistolæ ad Amphilocho Iconii Antistitem, quarum prima in 16. secunda in 69. capita distribuitur, tertia unico capite de ciborum delectu adversus Encratitas absolvitur; præterea ejusdem Basilii epistola ad Gregorium presbyterum, epistola ad Chorepiscopos, fragmenta duo ex libro de Spiritu Sancto ad Amphilocho, & fragmentum epistolæ ad Nicopolitanos in Armenia minore. Hæc pertinent ad annum circiter 370. Laudatus etiam est Gregorius Nyssenus Basilio cœvus, & canonis adnumerata est ejusdem epistola ad Letojum Melitines in minore Armenia Episcopum; laudatus Gregorius alter, scilicet Nazianzenus primum, deinde Episcopus Constantinopolitanus, Basilio etiam, & Gregorio Nysseno cœvus, relatusque est in Codicem can. ejus liber, qui inscribebatur *Librorum Sacra Scriptura Catalogus*, versibus concinnatus. Inserta eidem Codici fuerunt scripta Amphilocho Iconiensis in Licaonia, 17. responsa Timothei fratris Petri Alexandrini Episcopi, qui post Athanasium Patriarcha Alexandrinus electus fuit, epistolæ duæ Cyrilli Patriarchæ Alexandrini post annum 412. una scilicet ad Domnum, altera ad Episcopos Lybiæ, & Pentapoleos in septem can. distributæ; demum epistola Gennadii ad Summum Pontificem, & Synodum Romanam adversus ordinationes, quæ data pecunia celebrarentur. Fuit Gennadius post Anatolium Constantinopolitanus Patriarcha anno 458.

Qualis esse debeat hujus Collectionis auctoritas, facile unusquisque intelligit. Etsi enim in ea plurima, & quidem venerabilia sacræ vetustatis Orientalis monumenta reperiuntur, tamen cum Auctores habuerit Græcos quosdam Episcopos in schismata pronos, qui illegitime convenerant, ut adjicerent quæ Synodis generalibus quintæ, & sextæ deesse arbitrabantur, qui præterea plura germano Ecclesiæ sensui contraria statuere non dubitarunt, inter cætera clericalem cœlibatum damnare, non est cur eidem facile fidere possimus, aut debeamus. Illud unum observandum erit, per hos Trullanos Episcopos in hanc Collectionem relatum esse can. Africanæ Ecclesiæ sub S. Cypriano editum de Baptismate

per hæreticos frustra collato, quod veterem controversiam jamdiu sopitam renovare posse videbatur, aut saltem veteres Sanctorum Patrum contentiones ad memoriam imprudentissime revocare. Hanc itaque Collectionem arbitror apud illos equidem Episcopos plurimum valuisse, qui ad Trullanam Synodum convenerant, eamque in suis Diocæsisbus receperant, additis deinde can. Concilii Nicæni secundi, cum ad ejus tempora devenit, est, verum ad alios Episcopos, aliasque Diocæses numquam pervenisse observandam, nec pro Codice ecclesiasticarum legum habendam.

Novam colligendorum can. methodum invenit Johannes Antiochenus cognomento Scholasticus, qui anno 574. prope finem Imperii Justiniani, pulso Euthychio, ad Constantinopolitanam Sedem evectus est, obiitque anno 578. quo restitutus fuit Euthychius a Tiberio Apsimaro Justiniani successore, quemadmodum tradunt Evagrius lib. 4. histor. Eccl. cap. 37. prope finem, Nicephorus in Chronico, & in Catalogo Patriarcharum Constantinopolitanorum. Collegit ipse can. Græcorum Conciliorum, ne Sardicensi quidem excepto, cujus can. forte ex memorata Theodori Cyrensis Collectione desumerat; eosque omnes in quinquaginta titulos distribuit. Huc pertinet fragmentum illud epistolæ Nicolai Papæ ad Photium: *Quomodo, ait Nicolaus, non sunt penes vos Can. Sardicenses, quando inter quinquaginta titulos, quibus concordia Can. apud vos textitur, ipsi quoque reperiuntur?* Collegit, inquam, sed non servato ordine temporum, quemadmodum alii Collectores confueverant, sed unaquæque congerendo juxta ordinem rerum, quas pertractandas suscipiebat. Primo enim de Episcopis egit, inde de Presbyteris, Diaconis, Hippodiamonibus, cæterisque inferioribus Clericis, dein de Monachis, postremo de Laicis, ac singulis accommodatos can. ordinate delineavit. Porro hic Codex non fuit eadem semper specie; nam cum Johannes illius auctor adhuc esset Presbyter Antiochenæ Ecclesiæ, tantummodo continebat can. ab Ecclesiæ Codicibus depromptos, quales erant, qui Apostolici vocabantur, Nicæni, Ancyran, Neocæsareenses, Sardicenses, Gangrenses, Laodiceni, Constantinopolitani, Ephesini, & Chalcedonenses, item quos ex epistolis canonicis Sancti Basilii descripserat; at cum Johannes Constantinopolitanam Sedem tenuit, ecclesiasticis regulis imperatorias etiam leges adjecit; & ex originem *Nomocanonum* apud Græcos, videlicet collectionum tum ex Jure civili, tum ex Jure Sacro confectarum. Erat enim hic Johannes in numero *Scholasticorum*, quo nomine tunc temporis appellabantur *Advocati*, sive qui apud Magistratus ex Jureconsultorum doctrina clientum suorum causas tuebantur, propterea facile adduci potuit, ut ecclesiasticis negotiis definiendis jus etiam civile adferret, ubi Canonibus ecclesiasticis consonum videretur; præsertim vero quod tunc temporis nuper Justinianus Imperator in urbe Regia novellas constitutiones ediderat, & promulgaverat, imo universum civile Jus in novam formam redegit gloriabatur; Johannes vero favore Justiniani, pulso Euthychio, ad Sedem Constantinopolitanam conscenderat. Nihil itaque opportunius novo Episcopo videbatur, ut sibi Imperatoris benevolentiam captaret, augereque, quam ejusdem Imperatoris constitutiones in sacros ipsos Codices referre, atque tanquam Ecclesiæ utiles auctoritate sua probare. Hunc Codicem Justellus edidit in secundo tomo suæ Bibliothecæ Juris Canonici veris. At si de ejus auctoritate quæretur, facile dubitaverim ob animum Auctoris ad seditionem paratum; intrudi enim se passus est, expulso Euthychio, legitimo Constantinopolitanæ Ecclesiæ Antistite, non aliam ob causam, quam quod hæresi Incorruptibilium acerrime obstitisset. Quid expectare nos possumus ab homine schismatico, quique humanis affectibus, spretis ipsorum can. sanctionibus, ferebatur? Satis erit ejus manibus, quoties ejus ingenium laudemus, quod sciverit canonico Juri novam formam tribuere, illudque faciliore methodo illustrare, quod sciverit Legum civilium, quibus ante studuerat, collectores æmulari, quorum solertia recens civile Jus non per temporum seriem, sed distinctis rerum titulis dispositum fuerat, atque ordinatum.

Johannis Antiocheni exemplo Photius quoque Patriarcha Constantinopolitanus anno circiter 860. nomocanonem condidit, collectionem videlicet ex Canonibus simul, atque Imperatoriis sanctionibus compositam. Ferme omnia in hoc Codice Photius congeffit, quæ superius diximus in Codice Trullani Concilii contineri, addidit tamen plura Concilia a se celebrata, quæ licet apud Græcos venerabilia fuerint, Latinis tamen tanquam illicita conventicula semper audierunt. Illa Concilia sunt, quibus Ignatius a Constantinopolitana Sede Photii ambitu dejectus damnari per vim debuit, & nova Photii dignitas per vim occupata defendi. Addidit præterea quinque opuscula Theophili Alexandrini, scilicet *allocationem*, cum Sancta Theophania die dominico instarent, *Commonitorium* ex 10. Canonibus constans, Ammoni datum propter ea, quæ gesta fuerant apud Lyco Ægypti civitatem, *epistolam de his, qui dicuntur Cathari*, *epistolam ad Agathonem Episcopum*, & *epistolam ad Menanem Episcopum*, (Theophilus hic Alexandrinus circa annum 365. damnatio-

mnioni S. Johannis Chrysostomi subscripsit, quamobrem fertur ab Innocentio I. communionem privatus, quanquam aliqui tradant illum se poenitentia expiasse, quam plura pro Ecclesia postea peracta, & quidem egregia monumenta testantur). Adjecit insuper epistolam Tharasia Constantinopolitani ad Adrianum Papam circa annum 787. de ordinationibus per pecuniam minime faciendis. Singulis autem Ecclesiastici Juris capitibus Legum civilium non verba, sed titulos accommodavit, indicans loca, quæ materiæ, quam pertractabat, in Jure civili consonarent. Nemo arbitror ex iis, qui unitati Ecclesiæ adhærent, schismatico homini talem fidem habebit, ut hanc collectionem Pseudocanonibus undequaque refertam recipiat, ut ex ea disciplinam ecclesiasticam aut stabiliendam, derivandamque, aut confirmandam arbitretur; tanto minus hodierna ætate, postquam ad manus interpretationemque Zonaræ, necnon Balsamonis pervenit. Zonaras in primis circa annum 1120. & Gratiano nostro in dissita tamen regione fere coævus commentariis illustrandam aggressus est Photii collectionem, & post Zonaram Theodorus Balsamon, vir schismaticus, Diaconus primum Ecclesiæ Constantinopolitanæ, & Chartophilax, idest chartis ecclesiasticis, sive archivio Præfectus circa annum 1170. deinde vero Antiochenus Patriarcha titulo tenus salutatus; etenim latini tunc Antiochiam occupaverant, suumque ibi Patriarcham constituerant, quod Balsamoni acerrimi odii adversus latinos occasionem dedit. Is itaque manum admovit Nomocanoni Photiano, & nedum sacros canones Conciliorum, & Patrum pro lubito accommodavit, verum etiam Jura civilia ex Codice Justiniani recte deprompta reduxit ad Basilicam, unde novum jus ea ætate apud Orientales vigeat. Sed hæc nullo modo pertinent ad rem nostram, cum Gratiano Codice paullo posteriora sint. Satis sit ostendisse Codicem Photianum & a schismatico homine fuisse confectum, & a solis schismaticis viris posteriore ætate simul cum ceteris Græcæ Ecclesiæ monumentis perturbatum, ne dixerim etiam fusdeque perversum.

Quid jam tunc de ceteris Græcis obscurioris nominis Collectoribus loquar? In medium adferri posset Epitome Canonum Simeonis magistri, & logothetæ (logotheta dicebatur apud Græcos, cujus munus erat circa res Ecclesiæ communes, ut observat Johannes Meursius in Glossario Græcobarbaro), qui sæculo 9. floruisse dicitur: item Alexii Aristini Diaconi Ecclesiæ Constantinopolitanæ Sinopsis Canonum, quos veluti in epitomen redegit circa annum 1130. aut alia epitome canonum a Constantino Harmenopulo Thessalonicensi elucubrata eadem ætate, ut de posterioribus sileam: verum omnium istiusmodi collectionum una, eademque apud nos esse debet existimatio, vel quod ut plurimum a viris schismaticis compositæ fuerint, vel quod Photiano Codici ita innituntur, ut alias prorsus collectiones auctores hujusmodi omnino ignorasse videantur; imo etiam Photianis ipsis Conciliis eandem affingant auctoritatem, quam sanctioribus generalium Conciliorum Canonibus se exhibere profitentur.

OBSERVATIO IV.

De Collectionibus vetustis Latinis, quæ peculiaribus Ecclesiis adscribuntur.

VENIO nunc ad latinas Canonum collectiones, quæ ad duo potissimum capita referri commode possunt. Aliæ enim sunt, quæ peculiarium Ecclesiarum nomine laudantur, sive quæ creduntur ab Ecclesiarum ipsarum Notariis Episcoporum auctoritate ad Diocesis, vel Provinciæ usum confectæ, aliæ vero privato cujusdam studio elaboratæ, licet dein vel ob auctoris, vel ob collectionis ipsius merita in pretio habitæ, & plurimum usu receptæ. De illis dicam in primis, quæ peculiarium Ecclesiarum nomine hodie inscriptæ feruntur; & quamquam minime dubitaverim, unamquamque Ecclesiam, sive Diocesim suam olim habuisse Canonum Codicem, quemadmodum in præsens in unoquoque Episcopatu sua sunt Synodalia Constituta peculiaria, quibus Ecclesiastica disciplina regatur; tamen ad nostram ætatem paucæ admodum pervenerunt, & vix duarum Ecclesiarum Codices apud eruditos vetustatis amatores memorantur. Hi sunt Codices Ecclesiæ Romanæ, necnon Africanæ. Exordior ab Ecclesiæ Romanæ Codice, cujus ratione plura sunt animadvertenda.

Præ primis autem nuppiam ferre potui, quod plures vulgo tradunt, Romanam Ecclesiam usque ad Concilii Chalcedonenis ætatem non alios agnovisse Canones, quam Nicænos. Videtur, hæc injuria valde gravis priscis Pontificibus Maximis, quibus talis oscitantia tribuitur, rerumque Canoniarum contentus, ut vel ipsa Conciliorum generalium constituta minimi facerent, nec curarent apud Latinos, quibus etiam peculiari ratione præerant, palam exhibere. Quid memorem Sardicense Concilium, ad quod trecenti circiter ex Occidente Episcopi convenerant, & saluberrimas regulas ad disciplinam Ecclesiasti-

eam stabiliendam constituerant? Me refero statim ad Concilium Constantinopolitanum 1. generale 2. ad Ephesinum seu generale 3. cujus sanctissimas sanctiones a Romanis potissimum Pontificibus servari decebat, a quibus teste Gregorio Magno, tanquam ipsa Evangelia colebantur. Video undenam decepti fuerint, qui adeo perperam de vetustis Romanis Pontificibus senserunt. Inciderant illi in acta Concilii Chalcedonenfis, ubi actione 16. cum ageretur de prerogativa Patriarchæ Constantinopolitani, ceteris Orientalibus Episcopis præferri ambientis, Græci legerunt in suo Codice Canonem tertium Concilii Constantinopolitani. Eo autem lecto Lucentius Romanæ Sedis Legatus inquit: *Canones istius Synodi in synodis Constitutionibus non habentur*. Inciderant præterea in duas epistolas Innocentii Papæ I. prior a Sozomeno laudatur lib. 9. histor. Eccles. cap. 26. & Nicephoro lib. 13. cap. 33. scripta ad clerum & populum Constantinopolitanum, ubi leguntur hæc verba: *Nos enim, quantum ad Canonum observantiam attinet, illis obsequendum esse decernimus, qui Nicæa determinati sunt, quibus solis obtemperare, & suum suffragium addere Ecclesia Catholica debet*. Altera est ad Theophilum Alexandrinum, quem invitat ad Concilium Romæ celebrandum in causa S. Johannis Chrysostomi, ubi hæc habentur: *Tu quoque judicio accurre ad Synodum proxime in Christo celebrandam, & illic juxta Nicæni Concilii Canones & decreta contende: alios quippe Canones Romana non admittit Ecclesia*. Moveri etiam ex eo forte potuerunt, quod dicitur in epist. 31. lib. 3. Gregorii Magni de Concilio Constantinopolitano 1. ibi: *Romana Ecclesia eosdem Canones, vel gesta Synodi illius hæcenus non habet, nec accipit: in hoc autem eandem Synodum accepit, quod est per eam contra Macedonium definitum*. Hæc illa sunt, ex quibus aliquibus persuasum est usque ad tempora Concilii Chalcedonenfis non alios, nisi Nicænos Canones in Romana Ecclesia fuisse receptos. Verum memorata tam Concilii Chalcedonenfis, quam Innocentii, & Gregorii loca meliorem desiderant interpretationem, quam quæ vulgo adfingatur. In Concilio Chalcedonenfi minime dixit Lucentius Legatus Constantinopolitani Concilii Canones in Codice Romanæ Ecclesiæ non haberi, sed tantum non haberi in *Synodis Constitutionibus*. Sedis Pontificiæ Legati, inter quos erat Lucentius, dum ad Concilium commearunt, non jam secum detulerant integros Codices Canonum universorum, qui in Romanæ Ecclesiæ archiviis extiterant; neque enim decebat supervacaneis Codicibus gravari. Synodus Chalcedonenfis ob unam Euthychis hæresim damnandam congregata est: hæc fuit mens Leonis Magni, qui illud potissimum legatis suis commendavit, ne aliud in Concilio promoverent; hinc in actione 4. superius jam memorata legitur: *Synodus propter Euthychem facta est, non propter aliquid aliud, & post actionem 6. qua jam contra Euthychem satis processum fuerat, clamaverunt Episcopi: Dimitte nos pie Imperator, dimitte nos*. Itaque non alios Legati Pontificis Codices adferre debuerunt, quam eos, quæ ad fidem Dominicæ Incarnationis illustrandam pertinere poterant, ad summum vero Nicænæ Synodi exemplar; ut enim Nicæna Synodus prima erat ex generalibus, ex ejusdem actis Pontificii legati normam in novo Concilio celebrando eximiam habere poterant. Paullo aliter meditati fuerunt Constantinopolitani, qui de privilegio suæ Ecclesiæ solliciti, non tam Catholicæ fidei, quam suam etiam causam in Concilio pertractari cupiebant, ideoque etiam illorum Canonum Codicem secum adtulerant, unde sedis suæ jura probari posse credebant. Hinc est, a legatis Pontificiis minime allatos ad Concilium fuisse Constantinopolitani Concilii Canones, quos secum habebant Constantinopolitani, atque huc pertinent illa verba Lucentii legati, quibus professus est Canones Constantinopolitanos in synodis constitutionibus se non habere, in illis scilicet Codicibus, quos secum ad Synodum pergens attulerat. Quæ propterea verba sic commoda, eaque perspicua interpretatione illustrata, quam quæso vim amplius faciant, ut concludatur, Constantinopolitanos Canones Romanis fuisse prorsus ignotos? Idem quoque eveniet, si recta ratione laudata Innocentii, & Gregorii verba referamus; neque enim pugnandum est obruncatis, mutilatisque fragmentis Patrum, ut res meo judicio gravissima definiatur; sed potius oportet eorundem mentem intimius scrutari. Itaque Innocentius I. causam agebat S. Johannis Chrysostomi Constantinopolitani Episcopi, & jamdiu Coepiscoporum invidia atque odio a sua sede deturbato, alio in ejus locum suspecto adversus sacros Canones, & quidem celebrata Synodo, quæ appellatur *ad Quercum*, ubi unanimi sententia malorum Episcoporum, vir Sanctissimus damnatus fuerat. Hujus Synodi definitionem magni faciebant Orientales Chrysostomo infensi, ita ut quoties Chrysostomus, aut alii Chrysostomi ejusdem defensores ad Nicæni potius Concilii regulas provocarent, illi statim novæ Synodi suæ, quam jure Pseudosynodum appellare possumus, decreta producere non dubitarent. Produxerunt in conspectum Innocentii Papæ, qui propterea jure scripsit, se Romanamque Ecclesiam solis Nicænis Canonibus uti, non ut Canones sequentium generalium Conciliorum excluderet, sed

ut illis .

ut illis acquiescere recusaret, qui in Pseudosynodis conditi erant, & Nicænis regulis omnino contrarii. Hanc porro fuisse Innocentii sententiam, apertissime liquet ex verbis integris epistolæ ad clerum & populum Constantinopolitanum; postquam enim Innocentius scripserit illis Canonibus obsequendum esse, qui Nicææ determinati sunt, quibus solis obtemperare, & suum suffragium addere Ecclesiæ Catholica debet, statim immediate subdidit: Si qui vero & alii quibusdam proferuntur, qui a Canonibus Nicænis discrepant, & ab hæreticis compositi deprehenduntur, hi vero ab Episcopis Catholicis rescinduntur; hæreticorum enim commenta Catholicis Canonibus assuere non licet, semper enim vel per contraria, vel per illicita labefactare voluntatem student Concilii Nicæni. Non solum igitur his non obtemperandum esse dicimus, sed ipsa potius una cum hæreticis, & schismaticis dogmatibus esse condemnanda, quomodo & antea in Sardicensi Synodo ab Episcopis prædecessoribus nostris factum est &c. Quid his verbis luculentius esse potest? Præterquamquod enim Innocentius Concilium Sardicense laudet, ejusdemque exemplo se agere profiteatur, quod sane indicat, Sardicensis Concilii acta, non solius Nicæni Concilii Canones Romanæ Ecclesiæ tum nota fuisse, ita se Nicænos canones solos recipere asserit, ut cæteros rejiciat, qui a Canonibus Nicænis discrepant, & ab hæreticis compositi deprehenduntur, qui ab Episcopis Catholicis rescinduntur, quos appellat *Commenta hæreticorum*, quæ postea concludit *una cum hæreticis, & schismaticis dogmatibus esse condemnanda*. Hæccine forte esse potuerunt canones Concilii Constantinopolitani Œcumenici? Videant, qui hanc Innocentio sententiam affingunt, quo progredi coguntur, quum solis Nicænos canones in Romano codice extitisse putant, scilicet ceteros sequentium Conciliorum etiam sanctissimorum, & generalium, non solum Romanis ignotos fuisse, verum etiam a Romana Ecclesiæ reprobatos, atque damnatos, atque ideo Nicænis canonibus minime junctos, quod *hæreticorum commenta Catholicis Canonibus assuere non liceat*. Eadem porro est sententia Innocentii ejusdem in epistola ad Theophilum Alexandrinum, ubi eandem Chrysostomi causam agebat, alios, inquit, *Canones Romana non admittit Ecclesiæ*, præter Nicænos, idest a Nicænis diversos, Nicænis contrarios, quos in Pseudosynodis hæretici quidam Episcopi ex invidia ediderunt. Qui contra sentiunt, non abusi sane fuissent hoc Innocentii fragmento, si epistolam Innocentii legissent, qualis exhibetur a Baronio ad annum 404. n. 37. qui significationem verborum Pontificis obtulit, qualis revera assignanda erat, scribit enim: *alii (ab his scilicet diversos) Romana non admittit Ecclesiæ*. Restat adhuc expendendus Gregorius Magnus, cujus integra verba afferre juvat, sine quibus recta non potest esse mentis Pontificiæ interpretatio. Scribit ibi Gregorius ad Episcopos plures Orientales de Ciriaco electo Constantinopolitano Episcopo, quem suaserat, ut Œcumenici Episcopi nomen a Prædecessoribus usurpatum minime assumeret, & a quo fidei professionem acceperat, quam Episcopi initio suæ promotionis mittere consueverant. In hac fidei professione Ciriacus dixerat inter cetera se Eudoxium damnare, quod utpote novum Gregorius statim probare non potuit, ac propterea ita scripsit: *Quendam vero Eudoxium damnavit, quem neque in Synodis damnatum invenimus, neque a decessoribus ejus in Synodis reprobatum. Et Canones quidem Constantinopolitani Concilii Eudoxianos damnant, sed quis fuerit eorum auctor Eudoxius, minime dicunt. Romana autem Ecclesiæ eosdem Canones, vel gesta Synodi illius hætenus non habet, nec accipit, in hoc autem eandem Synodum accepit, quod est per eam contra Macedonium definitum; reliquas vero hæreses, quæ illi memorata sunt, ab aliis jam patribus damnatas reprobant. De Eudoxianis vero nihil hætenus agnovit. In historia autem Sozomeni de quodam Eudoxio, qui Constantinopolitana Ecclesiæ Episcopatum arripuisse dicitur, aliqua narratur; sed ipsam quoque historiam sedes Apostolica accipere recusat, quoniam multa mentitur, & Theodorum Mopsuestia nimium laudat &c.* Itaque in primis peto ab illis, qui hoc Gregorii capite utuntur, an tantum velint usque ad Concilium Chalcedonense ætatem nullos alios Orientales Canones præter Nicænos Romanæ Ecclesiæ cognitos extitisse, an vero etiam id asserant, post Concilium Chalcedonense? Post Concilium Chalcedonense quicumque scripserunt, admittere debuerunt non solum Canones Græcos Conciliorum generalium, verum etiam provincialium apud Romanos agnitos fuisse, præsertim vero postquam Dionysius Exiguus eosdem Romæ evulgavit. Si ergo res tota reducitur ad tempora quæ Chalcedonense Concilium præcesserunt, eccur ex Gregorio Magno probare nituntur ad eam usque ætatem non alios Romæ receptos fuisse Canones, quam Nicænos? Loquimur quidem de Gregorio Magno, qui & Chalcedonensi Concilio, imo etiam Dionysio Exiguo fuit longe posterior. Alio itaque pertinent descripta Magni Gregorii verba, quæ ut intelligantur, monere oportet Synodicarum actionum nomine duo venire posse. Primum prævius rerum discutiendarum tractatus, quo fit, ut unusquisque in Concilio præsens aut proponat, aut respondeat, disputetve, consilium ferat, aut suffragium. Alterum est defi-

nitio ipsa Synodica, quæ Canonis nomine proprie venit. Quoties Concilium absoluitur, conquisque ex Episcopis ibidem congregatis, sollicitus quidem esse solet definitiones synodicas, sive Canones secum in Diocesim adferre; at præviæ tractationis actus, consilia, suffragia doctorum, disputationes antea factæ vix penes illam Ecclesiam manent, apud quam Concilium celebratum est. Itaque apud Romanam Ecclesiam tempore Gregorii Magni desiderabantur acta Concilii Constantinopolitani, non quidem illa, quibus synodica definitiones, & canones continerentur, sed illa, quæ prævias Concilii tractationes exhiberent, atque ita Gregorium Magnum intelligendum existimo. Revera ipsa Gregorii verba laudata id demonstrant; etenim conqueritur a Ciriaco in professione fidei damnatum Eudoxium, quem ipse in Synodis damnatum non invenerat. Porro Synodorum nomine non venit sola Nicæna Synodus, sed exinde colligitur Gregorium plures Græcorum Synodos habuisse, quas ea in re scrutaretur. Quid vero sibi volunt ea verba: *Et Canones quidem Constantinopolitani Concilii Eudoxianos damnant, sed quis fuit eorum auctor Eudoxius, minime dicunt?* Nonne ex his manifeste colligitur apud Gregorium extitisse Canones Concilii Constantinopolitani, in quibus damnatos Eudoxianos, non Eudoxium aliquem se reperisse profiteretur? Sane si Canones Constantinopolitanos, quales hodie vulgatos habemus, inspicimus, idipsum agnoscemus, ut concludendum sit Gregorium eisdem in Romana Ecclesia habuisse canones Constantinopolitanos, quos hodie ex variorum interpretationibus editos habemus.

Fortè autem suspicabatur Gregorius Eudoxii nomen exhiberi potuisse in actis Conciliaribus, qualia apud Græcos habebantur. Quum enim in canone 1. Constantinopolitano Eudoxianorum hæreticorum mentio fieret, iusta esse poterat Gregorii suspicio, ne in prævia tractatione ante Canonis editionem quædam de Eudoxio hæretico apud Græcos haberentur. Propterea ait se hæc gesta in Romana Ecclesia non habere, propterea se non posse tuto acquiescere professioni fidei factæ a Ciriaco, a quo Eudoxius damnabatur. Notatu digna sunt illa verba Gregorii: *Canones, vel gesta Synodi illius*, non enim Sanctus Pontifex professus est se canones non habere, seu fidei definitiones, sed *Canones, vel gesta*, idest quæ in Concilio ipso prævio consilio fuerant pertractata ante canones conditos. Uno verbo, una Gregorii sollicitudo eo pertinebat, quod in Ecclesia Romana incognita esset, nec damnata Eudoxii persona, quam tamen ita libere Ciriacus in sua professione damnaverat. At de Eudoxianis Gregorius vere professus est eos esse damnandos. Quemadmodum ergo noluit damnandum esse Eudoxium, quod in canonibus Græcis damnatum minime reperit, ita voluit damnandos Eudoxianos, quod damnatos in Græcis Conciliis noverit. Novit autem damnatos Eudoxianos in canone 1. Concilii Constantinopolitani. Ergo canones Constantinopolitani noti fuere Gregorio, ac propterea Ecclesiæ Romanæ. Non novit damnatum Eudoxium, de quo sermo non est in canonibus Constantinopolitanis: ergo quod Gregorio, sive Ecclesiæ Romanæ deerat, erat Eudoxii damnatio, sive, ut ipse Gregorius jure suspicabatur, deerant gesta Synodi ejusdem Constantinopolitanæ, de quibus nihil aliud idem Gregorius se, & Romanam Ecclesiam recepisse testatur, quam quod ad damnandam Macedonii hæresim pertineret.

His generatim præmissis veniendum est ad eos Codices, qui nomine Romanæ Ecclesiæ veteris hodie evulgati eruditorum manibus volvuntur. Primus est, quem mutilum edidit Christophorus Justellus in sua Bibliotheca Juris Ecclesiastici veteris pag. mihi 277. Alteram edidit Paschasius Quæsnellius, sanctique Leonis Magni operibus velut appendicem quemdam adnexuit principio Tomi 2. Operum ejusdem Summi Pontificis. Non deerunt forte progressu temporis, qui novos Codices producant ex latebris Bibliothecarum Romanæ Ecclesiæ nomine, & sic eandem pluribus Codicibus usam fuisse demonstrabunt. Hæc asseruerim, quod videam sine ullo gravi fundamento, & nonnisi remotissimis, iisdemque levibus conjecturis hujusmodi Codices Romanæ Ecclesiæ adscriptos fuisse.

Quod spectat in primis ad collectionem Justelli, inscribitur illa: *Prisca Canonum editio latina complectens Canones Conciliorum Ancyran, Neocæsarensis, Nicæni, Sardicensis, Gangrensis, Antiocheni, Laodicensis, Constantinopolitani 1. & Chalcedonensis*. Quid hæc collectio contineret vel hic unus titulus exhibet. Venia autem Viri Clarissimi, cujus cæteroque studio multa debemus, quicumque hac in collectione efformanda elaboravit, tantæ non est auctoritatis, ut pro Romanæ Ecclesiæ omnium Ecclesiarum Principis notario ratum recipiatur. Etenim in primis ignarus erat Latinæ linguæ. Exorditur enim: *Incipit inscripta Canonum Ancyrensum*, & paullo infra Canonem octavum Ancyrensem ita exhibet: *de his qui alios suadent idolis immolare*; & post aliqua: *explicis capitula Canonum Ancyrensum*. Concilium autem Nicænum memorans subdit: *quod factum est in Niciam*: in Canone primo Ancyrensi habet *per remedium aliquem*.... habere aut precare, pro

pro verbis: *per remedium aliquod..... habere aut precari*; in Canone 2. dicitur: *in eorum esse potestatem pro in eorum esse potestate*. In can. 4. legitur: *apud Idolis pro apud Idola..... vita qui antecedit, & qui sequitur, pro vita qua antecedit, & qua sequitur*. In can. 5. legitur: *usque ad praesente tempore pro usque ad praesens tempus*, item *extra tempore pro extra tempus*. Cetera omitto, quæ prope innumera unusquisque facile poterit observare. Sed quia forte per Amanuensis imperitiam, quæ tamen in tot, tantisque locis facile non præsumitur, hæc errata contingere potuerunt, inscitiam auctoris ostendunt integra capita, scilicet ipsorum stylus adeo barbarus, ut diceret ab eo factam Græcorum Canonum interpretationem, qui vel prima Grammaticæ elementa addiscere incipiat. Exemplum trado in uno ex Neocæsarensibus Canonibus, qui tertius est ita conceptus: *Hi qui plurioribus nubiis inciderunt tempus quidem agnitus qui institutum est, conversatio autem & fides eorum perincidet tempus*: quis sententiam hanc nisi divinando percipiat? Multa deinde sunt, quæ Canonum styli, & Canonum prorsus inexpertum auctorem designant, seu potius eum, qui exercitationis causa quasdam sibi perceptiones addiscendi causa, & privati studii ac meditationis ergo proponat; nam in can. 14. ex Neocæsarensibus legitur: *Diaconi septem debent esse secundum Canones, etsi fortiter magna sit civitas, sed ut credas, inquire a volumine Actuum Apostolorum*. Deinde antequam Canones Nicænos hic auctor exponat, versuum metro elegiacam Præfationem concinnat, quod nusquam publicis Ecclesiarum Notariis in usu fuit. Omitto, nullum ordinem temporum fuisse servatum, nam Concilii Constantinopolitani Canones post Chalcedonenses referuntur, licet tempore anteriores. Omitto præterea plures ibidem esse sententias depravatas, ut ipsemet Justellus hujus Codicis editor notis suis marginalibus profitetur, ex quibus omnibus facile est credere, Codicem hunc nulla unquam ratione haberi posse, tanquam Codicem Canonum veteris Ecclesiæ Romanæ.

Major difficultas forte erit in explorando codice Palchafii Quesnellii, qui ita inscribitur: *Codex Canonum Ecclesiasticorum, & Constitutionum sanctæ Sedis Apostolicæ, omnium qui hucusque prodierunt, vetustissimus, & amplissimus, qui quidem in usu fuit in Ecclesia Romana Innocentio 1., Zozimo, & Leone 1. Pontificibus, nunc primum editus ex MSS. Codicibus Thuanæ, & Oxoniensibus*. Refert autem Palchafius codicem hunc Oxoniensem sexcentorum fere annorum esse, eundem præterea ex alio antiquissimo exemplari excerptum, ut proinde saltem octavo primum sæculo hæc collectio scripta videatur. Thuanæum vero refert octingentorum circiter annorum esse, atque optimæ notæ. Sed interea fatetur ambos hujusmodi codices inter se plurimum dissonare in descriptione capitum, ut quod in uno refertur, in alio aliquando desideretur; quamobrem certa, & indubia fides neutri debetur, cum alterutrum saltem vitiatum fuisse oporteat. Quomodocumque autem res sese habuerit circa varia hujus Quesnelliani codicis exemplaria, mihi persuadere facile quidem Quesnellius poterit hunc codicem antiquissimum esse, & vetusti auctoris manu exaratum, forte etiam 6. aut 5. sæculo, quin tamen ne verosimilibus quidem conjecturis probet Romanæ Ecclesiæ esse tribuendum. Sane codex Romanæ Ecclesiæ auctoritate confectus non adeo latuisset, ut nonnisi postrema hac ætate in lucem prodire potuerit, qui enim curæ habuit privatis manuscriptis codicibus illum exarare, facile habuisset nonnullos diligentiae suæ æmulatores. Præterea si codicem consideremus, præter Ecclesiasticarum collectionum morem continet plura adjuncta prorsus a canonibus extranea, uti demonstrat, & recte animadvertit Doviatius in lib. 3. Prænotionum canonicarum cap. 14. Distinguit recte Quesnellius in sua Dissertatione 12. Operibus S. Leonis subjecta cap. 2. inter codicem canonum, & Scrinia Sedis Apostolicæ: in codice soli Conciliorum canones, & decreta Patrum olim edi solebant; in Scriniis vero plura alia gesta ad Sedem Apostolicam pertinentia continebantur, eodem ferme pacto, quo alius erat apud Imperatores Legum Civilium Codex, alia erant Epistolarum, & Libellorum Imperialium Scrinia. Deinde vero minime advertit in suo opere, quod edebat, non codicem canonum, sed quoddam potius Scrinium ex pluribus compositum nobis se exhibuisse. Urget autem quammaxime Quesnellium, quod habet Bonifacius I. in epistola ad Hilarium Narbonensem Episcopum, in qua hæc legitur: *nulla etenim videtur incognita Synodi Constitutio Nicæna, qua ita præcipit, (ut eadem proprie verba ponamus) per unamquamque Provinciam Jus Metropolitanos singulos habere debere, nec cuiquam duas debere esse subjectas*. Itaque cum Bonifacius testetur ipsamet Concilii Nicæni verba se referre, hæc vero minime habeantur in codice Quesnelliano, quis sibi persuadebit codicem Quesnellianum eundem esse cum codice Romanæ Ecclesiæ, quo Bonifacius I. usus fuerat? Agnovit Palchafius Quesnellius hujusmodi difficultatem, a qua ut se extricaret contra omnium codicum fidem sua interesse putavit, si vim faceret textui, & verba Bonifacii aliter legeret, videlicet pro illis verbis: *ut eadem proprie verba* per-

ponamus, hæc substituens: ut eadem prope verba ponamus. Sed rursus ipse agnovit, quam sit infirma responsio, candide ita profitens: *Sed conjectura est, quam, donec Codicis alicujus auctoritate confirmetur, non ausim fidentius asserere, etsi necessaria videatur correctio.* Peto ego, undenam necessaria correctio probatur? Respondet ille in nulla ex collectionibus, aut versionibus illa verba haberi. Quid refert tamen? Habebatur in codice Romano ante Dionysium Exiguam, qui hodie perit, & satis est. Subdit Quesnellius verum illud *proprie* forte tunc temporis aliquam significationem habuisse, quam hodie ignoremus. Sed indicant hæc hominem omnino argumenti pondere gravatum, & nescientem quo se convertat. Refert ad hanc rem aliqua S. Leonis fragmenta, in quibus adverbium *proprie* usurpatur. Ego facile intelligo quo sensu, idem enim apud Leonem significat, quod adverbium *vere*, hinc ait Cicero: *Honestum quod proprie vereque dicitur, id sapientibus est solis.* Igitur Bonifacius laudaverat eadem *proprie verba*, id est eadem *vere verba* Concilii Nicæni, illa propterea, quæ in codice Romanæ Ecclesiæ non mutato apice tunc habebantur, quæ in Quesnelliano codice non videmus, quia idem non est cum codice vetere Ecclesiæ Romanæ. Nimis operosa res esset singula codicis capita discutere. Potius audiamus ipsius Quesnellii argumenta, quibus plurimum sibi blanditus est, ut duo probaret, primum hunc codicem sincerum esse, secundum hunc codicem Romanæ Ecclesiæ proprium olim extitisse: vereor tamen, ne de eo dicere possimus, quod ipse in dicta dissertat, 12. in additione dixit de Emmanuele Schellestratio, qui breviationem Concilii Hipponensis, quæ habetur in cap. 2. codicis Quesnelliani, apocrypham dixerat: ut ita sentiret, adductus est nonnullis argumentis, quæ valida, ac decretoria illi visa sunt, mihi vero admodum infirma, ac nullius fere momenti. Ait in primis, ut sinceritatem codicis probet, sinceritatem ipsam vel in inscriptione codicis adparere; at quemadmodum candiditas animi ex hominis vultu minime deprehenditur, ita nec integritas libri ex una libri ejusdem inscriptione. Subdit tertium exemplar omnino simile devenisse olim in manus Jacobi Pamelii. Quid deinde, si vel ipse Quesnellius variantes duos, quos ipse vidit, codices profitetur? Verum omitamus hæc omnia: nolum de hac re præcipue contendere. Daboli benter codicem valde antiquum esse, vel etiam ipso quinto sæculo gravi studio, & procul fallendi arte confectum. Erat illud opus studiosi cujuscumque, & obscuri collectoris, qui idem minime evalgavit, sed in scrinio condidit, forte verens, ne aliorum codicum fama vinceretur, obrueretur. Producantur potius argumenta, quibus pateat Romanæ Ecclesiætribuendum fore. Id operosum non esse iudicio suo jactat Quesnellius, non est tamen levis negotii id demonstrare. Ait præ ceteris codicem Romanæ Ecclesiæ olim ante collectionem Dionysianam valde fuisse confusum. Et ego libenter fateor: ait hunc codicem suum eadem confusione laborare. Quid ergo? Num propterea ejus Codex dicetur Ecclesiæ Romanæ? Quotquot ferme lucem adspexerunt canonum vetusti codices, ii omnes inordinati sunt, indigesti, ac propterea ex eadem ratione Romanæ Ecclesiæ per Quesnellium tribuendi. Pergit Quesnellius, & inquit: *Codicis præfatio declarat ad usum Ecclesiæ Romana esse concinnatum, quid enim aliud indicant hæc verba de Nicæna fidei expositione, quam sancta, & reverentissima Romana complectitur, & veneratur Ecclesia? Quid quod mediantibus Victore, atque Vincentio religiosissimis Romana Sedis Presbyteris esse prolatam asserit? nonnullas etiam subnexas esse regulas, quas memorata suscipiens confirmavit Ecclesia. Eandem nullis synodicalis decretis, sed Salvatoris voce esse prolatam, ac primum obtinuisse. Denique quidquid ibi de Romana Ecclesia fundatione ac fundatoribus, privilegiisque scribitur, argumento est pro illa Codicem esse exaratum.* Non videtur hoc loco Quesnellius meminisse eorum, quæ dixerat superius in cap. 2. suæ dissertationis 12. ibi: *Si cui nihilominus placuerit prologum istum (sive præfationem hujus codicis) ad posteriora tempora deferre, contra ego non contendam.* Si itaque non est contendendum adversus eos, qui dixerint posteriore manu præfationem, de qua loquimur, adjectam fuisse, cur ex hac præfatione de codicis qualitate judicandum erit? Præterea quæcumque in præfatione allata sunt, ne conjecturam quidem afferant pro opinione Quesnellii. Auctor præfationis antequam ad canones Conciliorum deveniret, universæ Ecclesiæ, sive sacræ Hierarchiæ majoris præferre voluit imaginem. Persequutus est, quid de Romana, quid de Antiochena, quid de Alexandrina, quid etiam de Hierosolymitana, aut Ephesina Ecclesia sentiendum esset. Si itaque, quod mentionem fecerit de Romana, tanquam majore Ecclesia, censetur codicem ad Romanæ Ecclesiæ usum edidisse; cum etiam de ceteris, tanquam inferioribus, singularumque privilegiis loquutus sit, censendus erit voluisse codicem componere ad usum Ecclesiæ Antiochenæ, Alexandrinæ, Hierosolymitanæ, & Ephesinæ, quod nemo uspiam dixerit. Addamus his, si lubet, nunquam Auctorem hujus præfationis usum fuisse particulis demonstrativis, ajendo *hanc*, aut *istam* Romanam Ecclesiam, quas voces adhibuisset profes-

Quo, si Romæ, & pro ipsa peculiariter Romana Ecclesia scripsisset. Præterea hæc eadem præfatio illa est, quam Isidorus cognomento Mercator suo codici adnexuit, ut dubium nobis hodie supersit, num Auctor Quesnelliani codicis depromserit ab Isidoro, an potius ab illo Isidorus? Sæpe vero ex eo deducitur, ut quemadmodum Isidori præfatio minime probat collectionem Isidorianam ad usum Romanæ Ecclesiæ fuisse compositam, ita nec codicis Quesnelliani præfatio idem probet de codice Quesnelliano. Pergit Quesnellius, & ait in memorata præfatione multa referri ex decreto Gelasii, sive, ut aliis placet, Hormisdæ. Papæ de scripturis apocryphis, quod nemo recte fecisset, nisi codicem Romanæ Ecclesiæ ex ipsis Romanæ Ecclesiæ scriniis componeret. Non video, quænam sit vis hujus conjecturæ. Num probro vertendum est cuiquam Auctori, si inter scribendum, præsertim in Præfationibus, Sanctissimorum Pontificum verbis utatur, ubicumque scribat? Sed esto id probum, & indecorum fuisset, quod procul omni jure Quesnellius asserit, num ego forte tenebor ab omni probro Auctorem Quesnelliani codicis mihi maxime incertum vindicare? Scio plures extitisse ex veteribus Collectoribus, qui non omnia, quæ Collectoris officium decent, observaverunt. Cur ego pro obscuro homine, seu Quesnelliano fidejussor existam? Prosequitur Quesnellius: *Canon 6. Nicæni Concilii a Paschasino Legato Sedis Apostolica eodem modo lectus est actione 16. Concilii Chalcedonensis, quo habetur in nostro Codice, ut ex eodem omnino desumptus esse intelligatur.* Sed quid prohibet in primis inter tot, tantasque veterum Conciliorum interpretationes plures inter sese consonare? Quid deinde, si dicamus, codicem Quesnellianum post Synodum Chalcedonensem editum fuisse, ut propterea ejus Auctor canonem 6. Nicænum describere volens uti voluerit versione Paschasini Legati Pontificis, de qua in Concilio Chalcedonensi constabat? Enervatur vero Quesnellii argumentum apud eum, qui observet canonem a Paschasino Legato laudatum esse numero sextum, qui in codice Quesnelliano decimus est. Quid dicet hic Quesnellius, cum videat suum a Paschasini germano Romanæ Ecclesiæ codice esse diversum? Agnovit Quesnellius hanc difficultatem, quam *grave momentum non esse* asseruit; vel quia mendosa asserit Acta Concilii Chalcedonensis, ut loco *Canonis 6.* legatur *Canonis 10.*, vel quia Paschasinus forte laudavit sextum canonem ex quodam codice Ecclesiæ Siciliæ, cui Paschasinus adscriptus fuerat. Levissimæ sane responsiones; qui enim sine alicujus codicis fide, sine ulla necessitate, ut suis meri facti conjecturis indulgeat, vetusta Conciliorum generalium Acta corrupta asseverat, nescio an facile sit audiendus. Quod autem subditur, Paschasinum in referenda nota numerali usum esse aliquo codice Siculo, mihi ridiculum potius videtur; non enim verosimile esse potest verba canonum ex uno, notas autem canonum numericas ex altero codice recenferi. Num Paschasinus duos secum codices attulit, ut cum verba referre deberet, ad Romanum confugeret, cum numeros, ad Siculum? Si id verum esset Paschasinum codicem etiam Siculum habuisse præmanibus, nonne deprehendit Quesnellius se forte ad Siculorum Ecclesiam delaturum codicem suum, ex ea conjectura, quod Paschasinus canonem legerit eundem, qui est in codice Quesnelliano, alias autem Siculum codicem habuerit? Stomachum porro movet, quod subdit in hoc suo codice, plura haberi in gratiam Romanæ Ecclesiæ, unde conjecturam capit in Romana Ecclesia fuisse confectum. Quænam sunt isthæc, quibus gratia sit Ecclesiæ Romanæ divinis privilegiis decratæ? Hæc opinione Quesnellii: Dicitur in epistola Innocentii Papæ ad Victricium de Ecclesia Romana, *cui in omnibus causis debet reverentia custodiri*, quæ verba in aliis epistolæ editionibus desiderantur. Observare in primis Quesnellius debebat, num in suo codice, quem notæ optimæ esse prædicat, adjecta fuerint e margine in textum translata, an vero in aliis codicibus aut oscitantia, aut pravitate amanuensium omissa. Deinde num unusquisque in qualibet Provincia scribens, quæ Romanæ Ecclesiæ communionem habeat, id ipsum non prædicabit? Sane si quispiam bene, uti decet, de Romana Ecclesia scribat, penes Quesnellium Romæ scripsisse dicetur? An recto criterio, prorsus ignoro. In eo convenit, urget Quesnellius, Romanus vetustus codex cum hoc, de quo agimus, quod in utroque 28. canon. Chalcedonensis desideratur. Verum id non sufficit: probandum adhuc est canonem 28. Chalcedonensem in omnibus aliis codicibus descriptum fuisse, uno excepto Romano. Ego invenio alios codices, in quibus desiderabatur, ut vel in uno Dionysii Exigui codice exemplum perspicuum habemus. Id ipsum dicendum erit, si dicatur in utroque codice Nicænos canones Sardicensibus fuisse permixtos: non una Romana Ecclesia eos permiscuit, sed permiscere potuerunt quotquot Sardicenses Concilium, tanquam appendicem Nicæni Concilii receperunt. Progreditur Quesnellius, & ita argumentatur: Summi Pontifices, inter quos Innocentius I. Antiochenos canones rejecit; Ecclesia quoque Romana nonnisi serius canones Constantinopolitanos recepit. Porro sive Antiocheni, sive

sive Constantinopolitani canones in hoc codice habentur prope finem, ut indicetur adjectos posteriore ætate fuisse. Infirmum argumentum penes Quesnellium ipsum, qui falsus est in hoc suo codice nullum omnino ordinem fuisse servatum, fuisseque admodum incompositum. Ut quid ergo in præsens ex ordine scripturæ argumentum depromere contendit? Imo exinde argumentum prope invictum mihi in contrarium suppeditatur. Ait Quesnellius, vel ipsa Gregorii Magni ætate nondum in Romana Ecclesia fuisse receptos canones Constantinopolitanos. Ita ille in dicta dissertatione 12. cap. 4. num. 9. in codice autem Quesnelliano canones Constantinopolitani relati sunt ante epistolas Leonis Magni, quæ ejus sententia tempore ejusdem Leonis insertæ fuerunt. Ergo hic non potest esse Romanæ Ecclesiæ codex. Hic non peritit Quesnellius, sed aliis ita sese conjecturis involvit, ut modo videatur propositum suum probare velle, modo etiam recedere: etenim subjungit, nonnulla adesse canonum Græcorum fragmenta ad Romanæ Ecclesiæ praxim immutata, atque inter cetera canonem 10. ex Ancyrans, qui ibidem numero 11. referatur. Is in Græcis codicibus talem exhibet sententiam, ut Diaconus, qui in ordinatione protestatus fuerit se continere nolle, non abiceretur a gradu, si post ordinationem matrimonium contraxisset: Aliter habetur in codice Quesnelliano. Sed nemo ignorat in hac parte non modo Romanæ, sed & totius Occidentalis Ecclesiæ disciplinam diversam a Græca disciplina extitisse. Probat id tantummodo Quesnellianam collectionem in Occidente factam fuisse, quod sane ultro libenterque fateor. Id autem novum non fuit Collectoribus extra Romanam Provinciam, imo etiam extra Italiam degentibus. Sufficit observare collectionem Martini Braccarensis, qui in parte 1. cap. 39. eidem canoni Ancyrano alium sensum affinxit, & quidem Occidentali disciplinæ conformem. Ait ad rem Antonius Augustinus in lib. 1. Dialogo 10. de emendatione Gratiani: *Cur Martinus ab Archetypo discessit? Cum in Occidente esset, noluit Orientis licentiam imitari.* Prævidit hanc responsionem Quesnellius, qui propterea totum se torquet in asserendo Occidentales Collectores Ancyrani canonis lectionem, & sententiam immutasse, non ideo quod disciplinæ suarum Provinciarum inservirent, sed quod hanc immutationem ex Romano codice desumissent. Quo eum non perducit amor sui codicis, ut eum Romanæ Ecclesiæ nomine decoratum evulgaret! Sane Martino Braccarenſi longe disſito ab urbe Roma non potuit eſſe facile præ manibus peculiaris codex Eccleſiæ Romanæ: aut ſi hujusmodi codex etiam apud Hiſpanos vulgatus fuerat, miror ita poſtea excidiſſe, ut vel unum, alterumque exemplar unius Quesnellii diligentia poſtremis hiſce ſæculis emerſerit. Amplius Quesnellius inquit, Africanæ Eccleſiæ decreta in Romanæ Eccleſiæ codice adjecta fuiſſe, quæ etiam in memorato, quem expendimus, codice habentur. Infirma rursus argumentatio; neceſſarium quippe foret oſtendere in Occidentali univerſa Eccleſia fuiſſe ignotos canones Carthaginienſes, unica excepta Romana, quando tamen liquet Africanæ Eccleſiæ geſta maximam in toto Occidente primis Eccleſiæ ſæculis auctoritatem habuiſſe, cum in Africa Viri Erudiſſimi, æque ac Sapienſiſſimi, atque etiam optima Eccleſiaſticorum Virorum exemplaria extiterint, ex quibus Tertullianum, Cyprianum, Auguſtinum, & Fulgentium jure laudare poſſumus. Cetera non perſequor, utpote quæ vix levifſimum negotium facere poſſent. Interea arbitror parum recte ſenſiſſe Quesnellium, quom Romano Eccleſiæ vetuſtum codicem inveniſſe ſibi perſuaſit, quin tamen hujusmodi codici detrudere velim; imo in hac parte ejus ſolertiam facile laudaverim, qui bono publico hoc vetuſtiſſimum monumentum, cujuſcunque Auctoris ſit, nobis ediderit.

Sic a Romanæ Eccleſiæ codicibus, quales hodie vulgati ſunt, expeditus, quædam adhuc diſſerere debeo de codice Eccleſiæ Africanæ, cujus ſtatuta nuper ajebam fuiſſe in toto ſerpe Occidente venerabilia. Codicem hunc vulgavit Chriſtophorus Juſtellus in tom. 1. ſuæ Bibliothecæ Juris Canonici veteris pag. mihi 321., præmiſſa erudiſſima Præfatione, in qua antiqua omnia Africana Concilia complexus eſt. Diſtributus eſt liber in canones 133., quibus ſubſcripſiſſe referuntur Epiſcopi 217. anno 419. in Concilio Carthaginienſi, cui & S. Auguſtinus, & duo Romani Pontificis Legati interſuerunt. Poſt diſſos canones addita eſt epiſtola Concilii Africani ad Bonifacium Papam, dein reſcriptum Cyrilli Alexandrini Epiſcopi ad Concilium Africanum, poſt hæc exemplar formulæ fidei in Nicæno Concilio conditæ, poſtremo epiſtola Concilii Africani ad Coſtantinum Papam. Omnia autem & græce, & latine hodie habemus, quia Græci veteres tantam habuerunt erga Africanam Eccleſiam venerationem, ut ejus Acta ad ſuas Eccleſias transferre expoſſent. Verum, ſi candide fateri velimus, hic proprie dici non poſſet codex canonum Eccleſiæ Africanæ, ſed Acta generalis Concilii Africani anno 419. celebrati, in quo & aliquot canones præſtituti ſunt, & alii in præcedentibus particularibus Conciliis jamdudum editi confirmati fuerunt. Ceterum in codice Africano negare non poſſumus deſcriptos præ-

præterea fuisse canones Concilii Nicæni, quos Carthaginem attulerat Cæcilianus a Nicæno Concilio in Africam redux, ut dicitur in principio hujus Concilii, ibi: *Exemplaria fidei, & statuta Nicæna Synodi, quæ ad nostrum Concilium per Beata recordationis olim prædecessorem tuam Sanctissimis, qui interfuit, Cæcilianum Episcopum adlata sunt &c.* Forte etiam aliæ græcæ Synodi Africanis Episcopis receptæ tunc erant, præsertim Sardicenis, & Constantinopolitana generalis, quæ non videntur omissæ a tot gravissimis Antistitibus, ne eos ita credamus rerum suarum amatores, ut alienarum Provinciarum, aut ipsius Ecclesiæ generales regulas aspernarentur. Non est cur diutius immorer in hac re, quæ statim liquebit apud eos, quicumque integrum hoc Concilium eolverint, quale abs Justello describitur.

Illud tantummodo addam, prodiisse in Africa duo opuscula, alterum Ferrandi Diaconi Ecclesiæ Carthaginensis, qui discipulus fuit S. Fulgentii Ruspensis Episcopi prope medium 6. sæculi; alterum Cresconii Episcopi Africani prope finem sæculi 7.; sed illa sunt potius canonum breviaria, quam collectiones; siquidem in illis referuntur quidem Africanæ Ecclesiæ statuta, verum ita concisa, ut quasi per indicem exhibeantur, nec alias quispiam illis inniti possit, nisi prius cum suis autographis consonare prorsus agnoverit.

OBSERVATIO V.

De cæteris latinis collectionibus ante-gratianis privato quorundam studio elucubratis.

I omnes, quos tanquam eximios canonum collectores latina fama celebrat, facile numerantur: videlicet Dionysius cognomento Exiguus, Martinus Braccarensis, Isidorus Mercator, Regino Prumiensis, Burchardus VVormaciensis, & demum Ivo Carnotensis. In istis tantummodo sistere juvabit, ut viam ad collectionem Gratiani omnino paratam habeamus.

Quis & qualis fuerit Dionysius Exiguus, luculenter exprimit Cassiodorus cœvus auctor cap. 23. divinarum lectionum. *Fuit nostris temporibus Dionysius Monachus Scythæ natione, sed moribus omnino Romanus in utraque lingua valde doctissimus, rediens in actionibus suis, quam in libris Domini legerat, aqutatem, qui scripturas tanta curiositate discusserat, atque intellexerat, ut undequaque interrogatus fuisset, paratum haberet competens sine aliqua dilatione responsum.... Qui petitus a Stephano Episcopo Salonitano ex Græcis exemplaribus canones Ecclesiasticos moribus suis, ut erat planus, atque disertus, magna eloquentia luce composuit, quas hodie usu celeberrimo Ecclesiæ Romana complèssitur.* Paucis tradidit Cassiodorus, quæ & ad indolem, ceterasque Dionysii qualitates, & ad ejusdem collectionem pertinent; ex quibus quædam observatu digna occurrunt. Ait in primis: *Fuit nostris temporibus.* Subobscurum adhuc est hujusmodi tempus; nam scimus Cassiodorum anno 514. consulatum gessisse, anno autem 562. nonagenario majorem obisse. Ex Trithemio supplebimus, quod deest Cassiodoro. Trithemius in lib. de Scriptoris Ecclesiasticis, ubi a Dionysio tradidit confectum esse cyclum Paschalem, ita subdidit: *Inchoavit autem cyclum suum anno Domini 531. & claruit sub Justiniano Magno anno 540.* quibus fere consonat Beda in lib. de sex mundi ætatibus anno mundi 4480. tradens Dionysium primum fuisse, qui Paschales circulos inciperet ab anno Dominicæ Incarnationis, qui tunc incidebat in annum 532. Si fides est Bellarmino, ipse in libro de Scriptoris Ecclesiasticis refert Dionysium scripsisse cyclum Paschalem anno 527. Ex his deducitur Dionysium Exiguum forte a tempore Hormisdæ Papæ usque ad tempora Vigiliæ floruisse. Dixi a temporibus Hormisdæ, idest post annum 514. ut verum adpareat, quod ait Cassiodorus: *Fuit nostris temporibus.* Sese enim refert Cassiodorus ad præteritum tempus, ut indicare videatur prope illa tempora, circa quæ in Consulari dignitate constitutus fuerat, quod contingit anno 514. Floruit autem usque tempora Vigiliæ Papæ, quia eum floruisse anno 540. ex Trithemio annotavimus. His ceteroque gravissimis conjecturis non consentiunt quamplures, qui tradunt collectionem Canonum a Dionysio Exiguo compositam fuisse, partim circa annum 496. partim circa annum 500. alii addunt completam fuisse in epistolis Hormisdæ circa annum 523. unde vero hæc eruant, qui ita asserunt, non video, nudis fortè conjecturis, ut fieri solet in re, de qua historici Dionysii cœvi silent. Imo ipse Dionysius in præfatione secundæ Partis sui Codicis fatetur se Gelasium Papam præsentem corporali non vidisse, cum tamen Gelasius anno demum 496. obierit. Nemo arbitretur nimis forte curiosam, aut etiam inutilem hanc disquisitionem meam, in qua solertius elaborandum vellem; etenim ex ea forte in cognitionem devenire possumus, quisnam fuerit hic.

Dio—

Dionysius Exiguus, ejus indolis, & ingenii, quaque etiam de causa novam collectionem adornare studuerit. Fuit, prosequitur Cassiodorus, *Monachus Scythæ natione*. En gravissimam, urgentemque conjecturam, qua fretus opinionem meam jamdiu conceptam aperite non dubito. Anno circiter 518. Monachi quidam Scythæ, quos inter doctrina, & pietate excelluerat quidam Johannes Maxentius, propositionem hanc *unus a Trinitate crucifixus est*, proferre, ac totis viribus defendere in Oriente cœperunt; quæ propositio, licet vera esset, atque Catholicæ Fidei minime contraria, universo tamen Orienti jamdiu Nestorianorum, & Euthychianorum reliquiis turbato plurimum attulit incommodum; ex ea enim vulgo a Catholicis creditum erat renovari Euthychianorum errorem, ac si inde deduceretur humanam Christi naturam in Divinam transformatam aliquid fuisse perfectissimam. Delata causa fuit ad Legatos Pontificios tunc temporis in Oriente existentes, apud quos non destiterunt Monachi se, doctrinamque suam dato fidei libello purgare. Detrederunt Legati se hanc causam discutere, rati ex eo nova posse in Oriente schismata concitari, ad quæ potius compescenda missi fuerant; interea vero eosdem Monachos acriter objurgarunt, tanquam novitatis amatores, & inopportunis quæstionibus pertinaces. Monachi Scythæ ægre tulerunt Legatorum Pontificiorum rationem, statimque aliquot ex ipsis Romam festinarunt, penes Summum ipsum Pontificem causam suam oraturi. Hos Hormisdas tunc temporis Romanus Pontifex in primis benignissime excepit, prudenter vero causam discutere distulit usque ad reditum suorum Legatorum ex Oriente, ne forte Legatis, a quibus appellabatur, inauditis in causa procederet. Hic sisto conjiciens ex istis forte Monachis fuisse Dionysium nostrum, quem alia de causa Romam e Cœnobiis advenisse prorsus ignoramus. Quænam enim, amabo, præter memoratam potuit esse occasio Dionysii Monacho, cujus propterea institutiones, & religiosæ vitæ professio eum ad solitudinem vocabant, in Urbe Roma omnium frequentissima tam diuturno tempore commorandi? Hæc si vera sunt, facile intelligimus quod de eodem Cassiodorus ait: *Moribus omnino Romanus*, decebat enim eum, qui Romam venerat, Romani Pontificis animum appellationis causa sibi conciliaturum, ut Romanis moribus indulgeret, videreturque res Romanas peculiari prosequi voluntate. Facile etiam intelligimus, quomodo in *utraque lingua doctissimus* esset, qui scilicet Orientales disciplinas diutius edidicerat, deinde vero Romæ diutius commorans latinum etiam idioma addiscere potuerit. Intelligimus quomodo divinarum scripturarum Sacramenta scrutatus fuisset, qui novis propositionibus doctrinam Dominicæ Incarnationis exhibere una cum sociis suis contenderat. Intelligimus tandem, qua ratione permotus fuerit, ut novum can. Codicem apud Romanos exornaret, improbens Romani Codicis confusionem, ut scilicet ea ratione Romani Pontificis benevolentiam sibi captaret, coram quo sua, vel suorum causa penderet. Hinc ipse omnium collectorum primus Codicem Canonum veluti duplicem fecit; in prima enim parte acta Conciliorum, Canonesve comprehendit; secundam Summorum Pontificum decretalibus Epistolis adornavit. Sic animo, & indole collectoris perspecta ad collectionem ipsam veniamus. In prima parte exorditur a Canonibus Apostolicis numero 50. non sane quod crederet illos vere Apostolis tribuendos fuisse, imo in sua ipse præfatione admonet illis plurimos suum non præbuisse consensum. Subdit deinde can. græcos latinitate donatos, videlicet Nicænos 20. Ancyranos 24. Neocæsareenses 14. Gangrenses 20. Antiochenos 25. Laodiceos 59. Constantinopolitanos 3. Chalcedonenses 25. in quibus finem esse Græcorum Canonum asseruit; adjecit postea can. 22. ex Sardicensibus, & 138. ex Carthagenensibus; in secunda parte recenset Epistolas decretales Siricii, Innocentii, Zozimi, Bonifacii, Celestini, Leonis Magni, Gelasii, & Anastasii. Forte autem in Anastasio opus suum complevit Dionysius, ut in eo integrum quintum Ecclesiæ sæculum concluderet; quod facile ex eo suspicari possum, quia, ut dictum est, primus Dionysius Exiguus tempora Ecclesiastica cœpit a Dominica Nativitate numerare. Fateor editas esse tanquam additamentum Dionysianæ collectionis decretales Hilarii, Simplicii, Felicis, Simmachii, Hormisdæ, & Gregorii junioris; sed hæc esse non posse Dionysii facile ex eo uno evincitur, quod Gregorius junior vixerit longe post Dionysii ætatem. Num vero tantum Dionysianæ collectioni debeamus honoris, ut integrum omnino in ea sacrorum canonum codicem habeamus, certo asserere non ausim. Etenim quod attinet ad priorem partem, quæ potissimum in interpretatione græcorum canonum consistit, etsi consenserim Dionysium utriusque linguæ valde fuisse peritum, tamen plurimum me movet, quod nuper ex Cassiodoro laudabam, videlicet Dionysium fuisse *plannum, atque disertum, & magna cum eloquentia luce moribus suis canones ex græcis exemplaribus composuisse*. Quid indicant aliud hæc verba, quam Dionysium non servasse literalem ordinem in interpretando, sed eloquentiæ suæ, cum disertus esset, plurimum indulgisse? Quod si verum est, non erit

cur Dionysii interpretationem ita sequamur, ut ad eam, quasi ad tutissimum veteris disciplinae praesidium, confugere debeamus; praesertim etiam quod Dionysium sciverimus ita affectum, ut quantum fieri posset causae suorum, quam Romae agebat, patrocinari deberet; praesertim rursus, quod Monachi Scythae ejus ætatis novis rebus non delectarentur tantum, sed & imprudenter inhiarent. Quod pertinet ad alteram collectionis partem, illam profecto magni semper feci, non quod publica auctoritate unquam probatam, confirmatamve sciverim, sed quod Dionysius, cum Romae esset, Romanorum Praefulum epistolas authenticas prae manibus habere potuerit, quas describeret, & quas nonnisi maxima petulantia corrumpere potuisset. Sed interea animadvertendum arbitror, non omnes Romanorum Pontificum, quæ tunc extabant, epistolas per Dionysium in codicem fuisse relatas. Quæ ut distinguantur, triplicis generis Pontificum veterum epistolas perpendere oportebit. Aliæ erant Synodicae, quæ ad Fidem in Conciliis stabiliendam pertinebant; consueverant enim Romani Pontifices sententiam suam præmature significare illis, qui aut Concilium convocare meditabantur, aut ad Concilium ipsum perrexerant. Aliæ erant familiares, quales amicus ad amicum scribere solet; aliæ demum decretales, quibus vel interrogantibus Episcopis, vel generatim pluribus ecclesiasticæ disciplinae capita tradebantur. Prioribus duobus epistolarum generibus omissis, retulit Dionysius solas epistolas postremi generis: proindeque solerter curare debuit unusquisque in exercenda critica arte ad perpendendam veterum epistolarum Pontificiarum auctoritatem, ne forte ex uno Dionysii Exigui silentio notam falsitatis inurat antiquissimis epistolis, quin primum animadvertat de quibusnam epistolis agendum sibi proposuerit? Restant adhuc adnotanda postrema illa verba Cassiodori: *Quos hodie usu celeberrimo Ecclesia Romana complectitur*. Num ergo Dionysii Exigui codex ita probatus erit per Romanam Ecclesiam, ut illum quasi proprium omnino receperit, & tanquam optimum disciplinae sacrae monumentum? Minime quidem dubitaverim hunc codicem Romanis fuisse jucundissimum, jamdiu enim exoptaverant talem habere codicem, qui codicibus Græcis consonus videretur. Revera in Concilio Carthaginensi anni 419. cui Sanctus Augustinus interfuit, proposuerant Legati Pontificii quædam disciplinae capita ab Africanis Episcopis amplectenda, tanquam a Synodo Nicæna jamdiu constituta. Africani vero, qui in suo codice illa minime habebant, petierunt, ut mitteretur ad Græcos, qui germana Nicænae Synodi exemplaria in Occidentem adferret, atque hac de re summopere Maximum ipsum Pontificem rogarunt. Quænam itaque melior occasio esse poterat Romanis, quam in ipsa Urbe uti opera Orientalis Viri, qui novam faceret Conciliorum veterum interpretationem Græcæ Fidei consentaneam? Id etiam existimavit opportunum esse unioni inter Ecclesiam Latinam, & Græcam, quæ variantes canonum codices habere jam in Chalcedonensi Concilio visæ fuerunt; quippe Romani, quoties hunc codicem Dionysianum in Græcorum conspectum produxissent, eodem tempore producere potuissent nomen Interpretis Græci, cui tanquam ejusdem nationis Viro fides deneganda facile non fuisset. Ceterum hunc codicem publica auctoritate donatum prorsus ignoramus, imo donatum non fuisse vel ex eo probari potest, quod in ipso inserta sint talia monumenta, quæ ipsius Dionysii testimonio in incerta prorsus Fide vagabantur, quemadmodum sunt can. codici præfixi, Apostolicorum nomine nuncupati. Hanc collectionem Dionysii Exigui hodie editam habemus apud Justellum in sua Bibliotheca Juris Ecclesiastici veteris tomo 1. pag. mihi 101.

Exemplo Dionysii Exigui Martinus Dumienis primum, deinde Braccarensis Episcopus novam can. collectionem adornavit circa annum 570. Fuit ille e Pannonia oriundus, de quo ita scribit Gregorius Turonensis lib. 5. historiae Francorum cap. 38. *Ad visitanda loca sancta in Orientem properans in tantum se litteris imbuat, ut nulli secundus suo tempore haberetur. Exinde Galliciam venit, ubi Episcopus ordinatur.* Cum itaque in Orientem perrexisset, linguæque Orientalis valde peritus audiret, nihil antiquius habuit, quam latinos vetustissimorum Conciliorum can. græcæ fidei reddere, & nova latinitate donare, ea motus ratione, quod *Can. qui in partibus Orientis ab antiquis Patribus constituti sunt, græco prius sermone conscripti sunt, postea autem succedenti tempore in latinam linguam translati sunt, & quia difficile est, ut simplicius aliquid ex alia lingua transferatur in aliam; simulque & illud accidit, ut in tantis temporibus Scriptores, aut non intelligentes, aut dormitantes multa pratermittant, & propterea in ipsis canonibus aliqua simplicioribus videantur obscura &c.* Ita idem Martinus in præfatione sui codicis, profuturus se simplicius, & emendatius novam collectionem esse facturum, quam postea non juxta ordinem temporum digessit, sed bipartitus est, ut in prima parte ea referret, quæ ad clericos, in altera quæ ad laicos pertinerent. Utinam vero id ipse perfecisset, aut saltem perficere potuisset! Sed neque perficere potuit, neque eam collectionis rationem iniecit, qua ipse per-

perficeret. Non potuit in primis; quia latinos codices corruptos ipse testatur, & ex corruptis codicibus optima collectio speranda non erat; græcis autem codicibus licet ipse rerum græcarum amantissimus plurimum detulerit, tamen jam plura menda accesserant, præsertim prope finem sexti sæculi, quo Martinus scribebat, uti in Observatione tertia exhibuimus. Deinde quænam est optima ratio, qua Martinus se usum fuisse profiteretur, ut magis sinceram, & simplicem collectionem formaret? Non integra can. verba ipse retulit, sed tantummodo sententias compendiarie ratione dispositas, de quo propterea ait Antonius Augustinus: *aliquando non ita latine facta, ut græce habentur, sed ex duobus, vel tribus capitulis diversorum Conciliorum, uno capitulo conscripto*. Hujus rei maximum argumentum est, quod universa Martini collectio 34. capitibus continetur, quibus complexus est can. universos græcorum Conciliorum, quos retulit Dionysius Exiguus, præterea Africanos quosdam, Toletanos, & Braccarenses can. adnexuit, quæ omnia longe memoratum numerum excedunt. Si observemus vel unicum caput 32. illud compositum est ex can. 3. Concilii Nicæni, ex can. 15. Concilii Braccarensis, & ex can. 6. Concilii Toletani I. Hanc can. confusionem recte observavit Justellus in editione hujus codicis in appendice tom. 1. suæ Bibliothecæ. Illud addam præterea, Martinum aliquando græcis canonibus contrariam sententiam affinxisse, quoties Occidentalis Ecclesiæ moribus adversabantur, uti advertit jam Antonius Augustinus in lib. 1. de emendat. Gratiani ad can. 9. Concilii Ancyran, qui a Martino inversa omnino sententia refertur in cap. 39. collectionis. Fiant quicumque velint hujusmodi Interpretibus, & ex iis fulciant disciplinam sacram, quam tradunt, monumentis. Ego meliores, simplicioreseve tutius exoptaverim; gloriarer quidem Martinum Braccarensem institutorem rerum sacrarum habere, non autem uterer eo, tanquam canonum collectore, in quo non tam doctrina spectanda est, quam simplicitas, & probata fides.

Quid vero non dicam adversus Isidorum Mercatorem, in quem hodie, tanquam in apertum deceptorem, universi propemodum Eruditorum calami jamdiu exacuuntur? Nomen ille Isidori mutuatus in primis, quo forte eximia Isidori Hispalensis fama incautus illuderet, tot figmenta in medium produxit, ut illis præcipue intermixtis Conciliorum canonibus, novam eo usque ignotorum decretorum collectionem sub initium octavi sæculi efformatam evulgaverit. Prodiit hæc illico gloriose; ut enim vetustissimorum, Sanctissimorumque Pontificum nominibus subdola Collectoris arte decorabatur, non potuit non decipere quamplures etiam Gravissimos Viros, a quibus tanquam sacræ antiquitatis venerabile scriptum recepta est sine discrimine. Nostra ætate vix est, qui Mercatoris fabulas sequatur, postquam communi eruditorum suffragio sunt reprobata, inter quos est Baronius, Bellarminus, Perronius, Antonius Augustinus, Sirmondus, Petavius, & ut innumeros propemodum omittam, Christianus Lupus inter cetera ita scribens de epistolis decretalibus ab hoc Pseudo-Isidoro vulgatis: *Quisquis earum natales jam credit legitimas, atque authenticos, consuetur nugæ vendere, & fabulas*. Supervacaneum est hoc loco falsitatis argumenta expendere, vel quod hodie tritissima sint, vel quod suo loco in hoc opere accommodatius adferentur. Generatim adnotasse sufficiat decretales Isidorianas plurimum detraxisse potestati Metropolitanorum, & Synodorum Provincialium, & illarum causa controversias quamplures exortas fuisse inter Episcopos, atque Archiepiscopos, quarum vestigium adgnosci potest in can. 1. dist. 19.

Non omittam tamen post proditam hujusmodi collectionem pluribus religiosum fuisse eandem latius producere, ac circumferre, bona fortasse fide; arbitrabantur enim rerum sacrarum thesaurum se reperisse. Hinc anno 785. Agilramnus Metensis Episcopus quædam capitula ex hac Isidoriana collectione derivata Hadriano Summo Pontifici obtulit, quæ hodie inter vetera ecclesiastica monumenta recensentur, quasi ab Hadriano ipso Pontifice confirmata. Vidit Stephanus Baluzius antiquissimum hujusmodi codicem in Bibliotheca S. Victoris Parisiensis, ut ipse testatur in præfatione ad Dialogos Antonii Augustini hoc titulo inscriptum: *Incipiunt capitula collecta ex diversis Conciliis, sive decretis Pontificum Romanorum ab Agilramno Metensi Episcopo, & Hadriano Papa oblata*. Similem ritulum vidisse se profiteretur Natalis Alexander in Tom. 13. histor. Eccles. pag. 54. in manuscripto optimæ fidei, & venerandæ antiquitatis Monasterii Lætiens; ex quibus falsum esse deducitur, quod quidam sentiunt, scilicet non Agilramnum Hadriano, sed e converso Hadrianum Agilramno hanc collectionem obtulisse. Summis Pontificibus ea ætate aut prorsus incognita erat, aut nondum satis probata Mercatoris collectio, ejus rei argumentum ex eo habemus, quod Hadrianus Papa Carolo Magno dono dederit Codicem Canonum anno 774. in quo tamen nullum erat decretum ex illis, quæ peculiariter apud Isidorum Mercatorem recensebantur. Licet tamen post hanc Agilramni significationem

apud Romanos haberi cœperit plurimi hæc Isidoriana collectio, ita ut aliqui ex Summis Pontificibus fragmenta exinde referre non dubitaverint, nuspiam tamen collectionem ipsam ita probarunt, ut pro germano canonum, & decretorum archetypo illum haberent.

Superiores, de quibus huc usque egimus, collectiones sunt veluti primæ, ad quarum formam posteriores compositz sunt, ut propterea in posterioribus nihil propemodum novi amplius occurrat, sed præcedentium collectionum capita alio tamen ordine disposita, modo brevius, modo fusius exhibeantur, iis exceptis Conciliorum canonibus, qui uniuscujusque Collectoris ætati respondent. Hujusmodi sunt collectiones Reginonis, Burchardi, & Ivonis; quemadmodum enim Regino ab Isidoro Mercatore, & Dionysio Exiguo, ita Burchardus a Reginone, a Burchardo Ivo Carnotensis acceperunt. Nonnulla de singulis adnotare juvabit. Regino in primis minus frequenter Isidori Mercatoris fragmenta laudat, quasi de illis dubitasse paullisper videatur; Conciliorum autem veterum canones ex Dionysii Exigui interpretatione producit. Præterea in suam collectionem plura transtulit fragmenta Sanctorum Ecclesiarum Patrum, Basilii, Ambrosii, Hieronymi, Augustini, Cassiani, Benedicti, Fructuosi, Bedæ, & Rhabani, quod mea sententia in antecedentibus collectionibus latinis nuspiam factum fuerat. Plurima item debemus Reginoni, quod plura fragmenta suæ ætatis nobis exhibeat, quæ alibi non reperiuntur, præsertim Concilii Triburiensis, ut omittam Nannetense, Rhemense, & Rothomagensis. Adjecit præterea leges quasdam Theodosiani codicis, juncta interpretatione Aniani, leges etiam Francicas plures, quales habentur in Capitularibus, & Codice legum Burgundionum, ac Ripuariorum. Collectionis divisionem eandem servavit Regino, quam Martinus Braccarensis, videlicet in duas partes distribuens, & in prima de clericis, in secunda de laicis agens. Sunt qui putant ad usum Ecclesiæ Trevirensis jussu Rathbodi Trevirensis Archiepiscopi fuisse compositam, quod multa habeantur de illa Ecclesia: sed res mihi admodum dubia videtur; forte enim de Trevirensi Ecclesia peculiarius ibidem aliquando agitur, quia Regino in illa Diocesi scribebat, dum Prumiense Monasterium S. Benedicti regeret in eadem Diocesi constitutum labente sæculo nono.

Burchardus VVormaciensis Episcopus initio sæculi undecimi novum Codicem Canonum edidit in 20. libellos distributum, & quidem methodo non inconcinna, ad usum Ecclesiæ suæ VVormaciensis, quem propterea ad Brunichonem ejusdem Ecclesiæ Præpositum inscripsit; præcipue vero intendit, ut regulas præstaret pro pœnitentibus excipiendis; hinc non tam plurimum Conciliorum Canones, quam pœnitentialium variorum fragmenta recensuit. *Id quidem (ita ipse in præfatione Codici suo præfixa) vel ea ratione maxime flagitare videbaris, quod Canonum jura, atque pœnitentium forma in nostra quidem Diocesi adeo confusa sint, atque inter se discrepantia, ut aut ex toto neglecta, aut omni pene auctoritate destituta, vel modico in ecclesiastica disciplina institutis apparere possint. Quæ de causa sæpe accidit, ut ad pœnitentia remedium confugientibus cum ob Canonum descriptionem confusam, tum ob Presbyterorum nostrorum ignorantiam non facile subveniatur, &c.* Verum non ad fontes, uti opus erat, in Canonibus describendis confugit, sed recentium collectionum auctoritati plurimum deferens, quidquid in illis rei suæ adpositum nosceret, id integrum in suum Codicem transferebat. E Reginone præsertim plura depromsit, sed tali oscitantia, ut frequentissime Canonum inscriptiones depravaret: quippe Regino frequenter Canonibus præmittit hæc verba: *unde supra*, indicans de eadem materia inferius tractari, de qua superius egerat. Burchardus autem credidit commemorari per illa verba, velut auctorem sequentis fragmenti, illum ipsum, qui in præcedente laudabatur, ac propterea ipse, dum fragmentum idem referret, præcedentis auctoris nomine retulit. His addamus oportet Burchardum apud Germanos vixisse, quo tempore Germani Francis insensim plurimum erant; propterea Burchardus a capitibus Francicis in collectionem suam referendis sæpius abstinerebat. Cum tamen aliquando ipsi opportuna essent certa loca Francorum Capitularium, ea referre non dubitavit, laudans tamen, ex aliis auctoribus propria sponte descripsit, unde tot errata nedum penes ipsum Burchardum, verum etiam in inscriptionibus sequentium collectorum profecta sunt.

Demum Ivo Carnotensis Episcopus, qui initio 12. sæculi floruit non longe a Gratiani ætate, auctor fertur duplicis collectionis, quarum alia *Decretum*, alia *Pannormia* appellatur, utrique autem eadem Præfatio inscripta est. *Pannormia* minoris est molis, quam vulgo tradunt primo ab Ivone confectam, deinde vero adauctam fuisse, & tum *Decreti* nomen ab Auctore accepisse. Minus celebris est *Pannormiæ* Codex; statim ac enim prodit Decretum, illud unum visum fuit Ivonis opus, in quod Canonum Interpretes potissimum incumbere. De *Pannormiæ*, aut *Decreti* nomine quærant, quibus majus est osium, nihil enim, aut parum refert in hisce disputationibus immorari. Illud sane

sane observandum est, in utroque Codice plura esse menda, ita ut non desuerit, qui propterea Ivonis Carnotensis tanquam viri sapientissimi opera fuisse denegaverit. Auditor itaque hujus operis, quicumque ille sit, non solum errata Burchardi in suos Codices transtulit, sed fragmenta præcedentium collectionum modo breviora reddidit, & concisiora, modo interpretatione, & adjecto glossæmate fusiora. Quod in decreto peculiare est, referuntur sæpissime Juris Justiniani loca, quod latinis collectoribus eo usque infrequens fuerat. Cœperat quidem Regino Præmientis, sed aliquot tantummodo, & ex Theodosiano Codice fragmenta laudare; plures etiam Leges ex Longobardorum consuetudinibus compositas. Primus Ivo, aut quivis alius Justinianæis Codicibus usus est etiam inter Ecclesiasticas collectiones; siquidem Ivonis ætate tum primum restaurari cœpit jurisprudentia Justinianea, cujus studium Ecclesiasticis Viris optimum visum fuit, etiam rerum ecclesiasticarum causa; ut propterea post eam ætatem apud Latinos adparuerint Nomocanones, qui primum Justiniani ætate apud Græcos esse cœperant, ut superius jam suo loco adnotavimus. Videtur id quidem S. Bernardo displicuisse in lib. 1. de consideratione cap. 30. ita scribenti: *Et quidem quotidie in palatio perscrupunt Leges, sed Justiniani, non Domini*. Verum sancti Viri mens hujusmodi erat, ne quis ita Juris Justiniani sententias perscrutaretur, ut divinas Leges oblivisceretur.

OBSERVATIO VI.

Quid ex prædictis generatim sentiendum sit de Gratiani collectione?

QUÆ huc usque præfatus sum, abunde palam faciunt, qualis esse potuerit Gratiana post memoratas elaborata collectio. Date mihi eruditissimum virum omnis eruditionis genere præstantissimum, qui novæ collectioni Canonum adornandæ præsceretur, num forte sperabimus optimam collectionem? Quibus enim Codicibus utendum erat? Observavimus primo loco generatim nonnisi corruptas, & depravatas, vel ab ipsa primorum Conciliorum ætate esse potuisse Canonum Codices, depravatas interpretationes, sententias glossæmatibus intermixtis adauctas, immo etiam aliquando in contrariam significationem deortas. Privatis collectionibus fidendum non esse omnino ostendimus; publicas labefactas fuisse demonstratum est. Num Gratianus ad Codicem Canonis Ecclesiæ universæ confugeret? At præterquamquod Gratiani ætate ignotum fuisse suspicor, jam secundo loco observavimus nullum unquam extitisse hujusmodi Codicem, qui totius Ecclesiæ auctoritate probatus indubiam prorsus fidem faceret. Vetustæ autem Græcorum collectiones jam ætate Gratiani Græcorum schismaticorum perfidia erant turpiter deformatæ: omnes nonnisi ambitum sapiunt. De duabus collectionibus, quæ Romanæ a quibusdam creduntur, nihil dixerim. Satis quarto loco de illis disceptatum est; præterquamquod Gratiano prorsus ignotas fuisse facile arbitror, cum ex illis ne unum quidem fragmentum a Collectore nostro depromptum fuisse adpareat. Collectio autem Canonum Africanorum per se satis non est, ut novæ collectioni materiem suppediret, cum non aliud sit, quam unicum totius Africæ Concilium anno, ut diximus, 419. celebratum. A Dionysio Exiguo plura immutata fuisse animadvertimus, quemadmodum etiam a Martino Braccarensi, quorum tamen collectiones vix affirmaverim videri potuisse a Gratiano, cujus ætate erant jam propemodum antiquatæ, atque ita dixerim, extra commercium studiorum. Proferantur nunc Isidori Mercatoris opera: hinc forte Gratianus optimam collectionem elucubraturus erat? Forte ex Reginone, Burchardo, Ivone, aliisque contemporaneis bene multis, quibus unus, idemque fuit Canonum describendorum fons, & origo? Sane quum ad hæc animadverto, non possum non condolere Gratiano, qui cum vellet novam collectionem Canonum edere, non nisi depravata, & falsa Canonum exemplaria præ manibus habere potuerit, unde minus probam collectionem posterior ætas susceperet. Hæc generatim dicta sunt. Adhuc alia nunc adnotemus, quibus Gratianeum opus modo adhuc præ Gratiani manibus existens, modo in publicum evulgatum, modo plurimum usu receptum quasi e specula contemplerur.

OBSERVATIO VII.

De personâ, indole, & studio Gratiani.

Gratiani personam demonstrant natalia, susceptaque vitæ ratio; indolem industria, & vis ingenii; studium demum peculiaris instituti professio; cui addere possumus temperis, & loci, in quo vixit, peculiarior adjuncta. Ut pauca de singulis attingamus, o-

mitto Iubens fabellam illam, quæ jamdiu S. Antonino displicuit in 3. parte Chronicorum tit. 18. cap. 4. qua traditum ab aliquibus fuit Gratianum Germanum fuisse Petri Lombardi, & Petri Comestoris, omnesque ex adulterio natos, quorum Mater ob egregiam nominis famam sibi ab unoquoque partem fertur nunquam potuisse de commisso adulterio dolere, aut pœnitentiam demonstrare. Vulgaris opinio est Gratianum Clusii in Etruria natum fuisse circa finem 11. sæculi, vel principium 12. adolescentiorem vero factum Bononiam se transfuisse, ibidemque Monasterium S. S. Felicis & Naboris ingressum sub regula S. Benedicti diu vixisse, & circa annum 1151. collectionem suam composuisse; quod tamen Trithemius in lib. 2. de viris illustribus Ordinis S. Benedicti refert ad annum 1127. Inter Trithemium, ceterosque Scriptores jam intercessit Bellarminus de Scripturibus Ecclesiasticis asserens Gratianum anno 1127. collectioni primam admovisse manum, anno autem 1151. eandem penitus absolvisse. Ad rem hanc faciunt quæ habentur apud Gratianum post Canonem 31. cau. 2. qu. 6. ubi apostolorum appellationum causa petendorum formula exhibetur. Ait Gratianus: *Forma apostolorum hac est: ego illa Sancta Bononiensis Ecclesia Episcopus, &c.* quæ verba demonstrant Bononiæ collectionem hanc fuisse elaboratam: Subditur autem anno MCXLI. uti habetur post Romanam correctionem. Hæc recte consonant cum anno, quo forte Gratianus memoratam causam 2. discuteret. Vulgati quidem quemadmodum etiam MSS. Codices aliam lectionem exhibebant: Recte vero visum fuit Romanis Correctoribus, aliam potius apponere, vel quod facile fuerit ex memoratis notis MCXLI. hæc fieri MCLXI. quemadmodum vulgatæ editiones habebant, vel quia annus MCXLI. congruit cum indictione quarta, quæ eodem in loco a Gratiano adnotata est.

Gratiani industriam, & ingenium vel ex una ejusdem collectione auguramur. Fuit ipse, ut patet, mentis acumine præditus, præsertim vero ut novis artibus, atque distinctionibus Patrum dicta, quæ viderentur adversaria, conciliaret: verum non satis excultus, uti collectorem decebat: Græcæ linguæ in primis ignarus, deinde ita in sententiarum digestionem omnia confundens, ut nullam omnino methodum proponere sciverit, aut aliquando propositam constanter servaverit. Item tantam habuit recentiorum collectionum fiduciam, ut sine discrimine quasi res certas, & procul omni dubitatione captaret, quidquid in ipsis legeret: quod sane indicat Gratianum in veterum Patrum lectione minime fuisse versatum, ac propterea nihil aliud disciplinæ Ecclesiasticæ addidisse, quam quæ vulgo obscura sæculi 12. ætate traderetur. Sed de his fusius infra.

Qua autem voluntate, & peculiari animi inclinatione propenderit, licet nemo quod noverim ex historicis attigerit, facile tamen conicere possumus, cum observemus Gratianum professione Monachum fuisse, & circa finem 11. sæculi apud Florentiam natum: ineunte autem, & ambulante sæculo 12. Bononiæ educatum. Fuit itaque professione Monachus, & quidem ea ætate, qua Monasteriis exemptionum privilegia concedi cœperant, partim ex Summorum Pontificum munificentia, qui ut plurimum ex Monasteriis Benedictinis eligebantur, ut liquet in Gregorio VII. anno 1073. Victore III. anno 1086. Urbano II. anno 1088. Paschali II. anno 1099. Gelasio II. anno 1119. post cujus obitum Cardinalium comitia ad novam Papæ electionem in Monasterio Cluniacensi S. Benedicti edita perhibentur: partim ex precibus aut Fundatorum, aut eorundem Monachorum, quibus a Summis Pontificibus ab Episcoporum potestate se, suasque Ecclesias eximi postulabant; uti adparet ex Epistolis Gregorii 7. ad Manassem Rhemensem Archiepiscopum lib. 1. epist. 23. epist. 31. ad Lanfrancum Cantuariensem, epist. 30. ad Fratres Monasterii S. Mariæ in Episcopatu Dordonensi, epist. 62. ad Hugonem Cluniacensem Abbatem, epist. 81. ad Udonem Trevirenses, item lib. 11. epist. 15. 49. & 69. uti præterea adparet ex Concilio Melphitano circa annum 1099. in quo Abbatibus, & Præpositis Monasteriorum decimas sine Episcoporum concessione percipere permittum fuit. Quid resexam sexcenta hujusmodi monumenta, quæ Gratiano sæculo in favorem Monachorum emerferant, qua ætate nova quodammodo regiminis forma in Monasteriis est instituta, ut propterea vero admodum simile sit Gratianum ita novis Monachorum institutionibus adhæsisse, ut in sua collectione easdem quoad fieri potuerit & proponere, & illustrare adamaverit. Fuit item Gratianus natalibus Florentinus, educatione Bononiensis. Sive Florentini, sive Bononienses ea ætate adversus Henricum Imperatorem acerrime relliterunt, & quidem communi voluntate nemine dissentiente, ut specialiter de Florentinis testatur optimus Auctor Villani in Libro, cui titulus *Cronicha Florentine* lib. 4. cap. 22. ad annum 1080. necnon in cap. 28. ejusdem libri ad annum 1113. Laudandam autem censeo Gratiani œconomiam, qui apud Florentinos, & Bononienses educatus inter gravissimas controversias in sua collectione nihil ad eam rem pertinens disputandum præcipue, dirimendumque suscepit.

De tempore, quo Gratianus collectionem suam Operam dedit.

CUM dixerimus medio sæculo 12. a Gratiano collectionem Canonum fuisse compositam; satis, superque temporum Gratianorum improbitatem attigimus. Non sunt hæc silentio præterenda; cum de collectore agamus, quem sacra antiquitas prorsus latebat; quique omnia juxta suæ ætatis mores, & libros discutebat. Improba tempora appello triplici de causa, primum ratione diutinarum dissensionum, quæ universam præcipue Italiam fufdeque turbant; deinde ratione Sacrorum Codicum, qui aut deperditi erant, aut enormiter depravati, aut ad eruditorum manus facile pervenire non poterant, si qui forte integri in Bibliothecarum pulvere latuissent; postremo ratione ecclesiasticæ disciplinæ plurimum tunc temporis lapsæ, quam propterea unusquisque Sacrorum Canonum studiosus, ipsi præ cæteris Summi Pontifices deplorabant.

Nemo itaque ignorat, quamdiu vexaverint Italiam acerrimæ contentiones ab ætate Gregorii VII. usque ad integrum ferme 12. sæculum, divisa enim in plures factiones unaquæque regio videbatur gravissimum publicis rebus excidium minitari. Ipsa Romana Civitas majori zelo semper alias defensa, plura etiam passa fuit incommoda ob frequentes hostium incursiones modo aperta vi factas, modo callide attentatas. Eo res pervenit, ut etiam sacrarum rerum ratione deplorabile schisma diu perseveraverit, pluresque simul per integrum sæculum de Summo Pontificatu contenderent.

In tanta rerum perturbatione vix concipi potest, qualis fuerit rerum sacrarum verustissimarum cura, atque inquisitio, unde alterum incommodum Gratianæ ætati accessit, ut nemo Canones collecturus integros posset alicubi Codices invenire: facile enim constat in Florentina Civitate Gratianum uti Codicibus non potuisse propter incendium Civitatis, quod bis universas prope urbanas Scripturas perdidit, testante memorato Villani loco citato lib. 4. cap. 29. scribente, anno 1113. mense Maii maximam Civitatis partem ignis impetu exaruisse, rursus vero anno 1117. novo incendio illa fuisse deperdita, quæ non perierant primo, deperdita præsertim fuisse rerum antiquarum volumina, illa etiam, in quibus ipsius urbis monumenta vetustissima continebantur. Alibi vero Gratianus quos habuisset libros? Non sane ex Græcis, & Orientalibus adsequi poterat; cum Græci novo schismate ab Occidentalibus divisi essent, nullamque haberent rerum sacrarum communionem. Gravissimæ scissioni causam dederat Michael Cæularius Patriarcha Constantinopolitanus circa annum 1033. in Latinam Ecclesiam universam plurima molitus, quomobrem Bernardus, qui 12. sæculo vivebat, ita scribit ad Eugenium III. *Ego addo & de pertinacia Græcorum, qui nobiscum sunt, & non sunt, juncti, fide, pace divisi, quamquam & in fide claudicaverunt a semitis rectis.* Solis itaque Latinorum Auctorum Codicibus utendum erat Gratiano, iisque, quemadmodum erant, corruptis, & depravatis, sive non ex autographorum integritate, sed ex pravis collectionibus omnino traductis.

De Disciplina Ecclesiastica 11. & 12. sæculi non est cur fufius loquar. Eiusdem corruptelam apprimè norunt quicumque vel mediocriter in historia Ecclesiastica versati sunt, adeo ut apud plurimos dubitetur, num res Ecclesiæ in deteriori conditione fuerint, cum fides oppugnaretur ab Hæreticis omnium pessimis, an Gratianea hac ætate, cum salva fide, mores Fidelium depravati undequaque adparerent. Quicumque voluerit de hac re sobrie judicare, legat S. Bernardum ejus ætatis Scriptorem in libris de consideratione ad Eugenium Papam, ubi plurima fufe exponuntur, & declamatur præsertim adversus Clericorum abusum. Revera apud Concilia illius temporis patet, qualis fuerit Clericorum incontinentia, ambitio, scurrilitas, avaritia, rerum sacrarum contemptus; paucis enim exceptis, qui suadentibus præsertim, & urgentibus Pontificibus Maximis vitam communem elegerunt, cæteri pessimum sui ipsorum exemplum præbebant; unde occasio laicis fuit sacra ipsa contemnendi, eisdem Clericis decimas acerrime denegandi, immo etiam bona Ecclesiarum diripiendi, ac devastandi; deinde vero cum res in meliorem frugem reverti videretur, non aliter Laici ad restitutionem adigi potuerunt, quam si Monasteriis potius, vel Canonicis & decimas, & jura Ecclesiastica concedere se posse obtinuerint, unde Monachi præ Clericis sicuti ditiores, ita etiam venerabiliores apud Laicos facti tum, & habiti fuerunt. In hisce temporum circumstantiis positus erat Gratianus, cui si quod lumen inter tot tenebrosas caligines affulgere potuit, illud sane nonnisi exiguum fuit, & vix aptum, ut mediocris utilitatis collectioni prodesset.

De Gratiani methodo, & consuetudine Collectionis argumenta.

Properam valgo Gratianæ Collectio *Decreti* nomine nuncupatur; neque enim in primis *Decretum* est, sed potius *Collectio Decretorum*; deinde Gratianus, ut arbitror, hoc nomen codici suo nupiam dedit, ac propterea in melioris notæ editionibus ita solum inscribitur: *Concordia discordantium Canonum*, atque hoc nomine appellatus est *Coдекс* a veteribus, qui non longe post Gratianum scripserunt, uti adparet in cap. 20. de electione in additionibus, ubi Innocentius III. Gratiano sæculo vivens habet ad Gratianum respiciens: *Quidam vero ad concordiam discordantium revocantes repugnantiam Canonum prædictorum sapere quodammodo videbantur* &c. *Decreti* itaque nomen ex vulgari potius appellatione profectum est, ad exemplum forte Ivonianæ collectionis; quæ paulo ante Gratianum sub nomine *Decreti* prodierat.

Porro ex germana illa inscriptione codicis Gratianei, *concordia discordantium Canonum*, clarissimum eruiamus totius operis argumentum. Gratianus in recentiores sui temporis collectiones incidens, & pro modo ingenii decreta in illis contenta meditatus, agnovit quædam inter se se videri contraria, forte etiam idipsum agnovit ex eo, quod audivisset quosdam contrariis opinionibus disputantes, singulos autem canonum Sacrorum regulis innixos, eodem ferme pacto, quo hodie Theologorum, quos Scholasticos vocant, sectas divisas, atque in pluribus contrarias frequenter experimur, omnes etiam ejusdem, quem sibi sequendum proponunt, vestigiis inhærere se professantes, illud arbitratus est utile esse, si discordantes, ut ipse ait, canones ad concordiam revocarer. Et en totius Gratianei operis argumentum, ex quo proprie opus idem non meram collectionem canonum dicere poterimus, sed quædam potius Ecclesiastici juris documenta variis distinctionibus elucubrata, adjectis pro rei opportunitate capitibus, probationis, & demonstrationis causa. Quid vero? Parendum est recepto errori. Vulgus collectionem canonum credidit, atque hodie talem præferret imaginem sui, ut tanquam vera collectio habenda sit; etenim potissima canonum descriptorum in præsens ratio habetur, & qui numeris distincti posteriore manu fieri, ut infra dicemus, & diversis characteribus designati, ita ut Gratianea verba, & explicationes, in quibus potissimum Gratianus totius ingenii vires insumit, minimi habeantur, atque Interpretes tantummodo in canones ibi descriptos intendunt. Per me ita sit: Habeamus opus Gratiani, ut meram collectionem. Hac enim de causa emendationem suscepi a Gratiani sententiis penitus abstinens, cum parum eruditorem interfir. Sed interea non omitam in Gratiani ipsius methodum aliquantisper inquirere; ex hac etenim observatione magis magisque liquebit, quale Gratianei codicis iudicium habere unusquisque debeat.

In eo hodie generatim eruditi universi concordant cum Antonio Augustino lib. 1. de emendat. Gratiani Dialogo 1. ita scribente: *Si artem requiras (apud Gratianum) & ordinem docendi, frustra laborabis*. Revera si præcipuam totius operis divisionem attingamus, distribuitur illud in tres partes, quarum prima complectitur distinctiones 101., secunda causas 36., tertia alias distinctiones 5., sed adjecto titulo *de Consecratione*, ut has forte a prioribus auctor quoquo modo distingueret. Quid sibi hac divisione voluerit Gratianus, nemo sanus intelligit. Nam quæ ratio eum movere poterat, ut postremas distinctiones separaret a primis? quæ rursus ratio, ut varias quæstiones modo sub causarum, modo sub distinctionum titulo discuteret? Unicam, quod video, inter causas & distinctiones, diversitatem observandam nobis exhibet, in distinctionibus ab una ad aliam materiem quasi more præceptoris progredi; at in causis ad instar recentium casuistarum quandam facti speciem proponere, pluribus deinde quæstionibus ex facto emergentibus satisfaciendo. Verum unus, aut alter ordo vel distinctionum, vel causarum satis erat operi integro elucubrando, necerat, cur distinctionibus causæ intersererentur. Præterquamquod eadem ferme materię tam in causis, quam in distinctionibus discutiuntur, ut videatur auctor in causis eorum immemor, quæ jam in distinctionibus pertractaverat. Exempli gratia in prima parte dist. 22., & sequentibus expendit, quid servandum sit in Ordinationibus Clericorum; at rursus idipsum explicat in secunda parte cau. 1. qu. 1., ubi de Simoniacis ordinationibus reprobandis sermonem instituit. In causa 27. 31. 32., & sequentibus de conjugii agit, de quibus jam in distinctione 30. disseruerat. In tertia tantum collectionis parte videbatur expendere voluisse, quæ ad Consecrationes Ecclesiarum, Baptizandorum, Confirmandorum, & Ordinandorum pertinebat; sed jam de his sermonem fecerat in distinctione 33. 48. 50. 64., & 65.

Quod i

Quod si peculiariter ad singulas distinctiones, & causas descendere velimus, eo clarius conabit nullum omnino ordinem rerum fuisse servatum. Initio quidem Gratianus generatim de legibus orationem instituit, recto sane ordine, nisi divisionibus suis rem ita confudisset, ut sæpe digressus fuerit a proposito suo, opusque habuerit lectores, quos secum alio abstraxerat, ad præscriptam materiem identidem revocare. Hinc cum in 1. 2. 3. & 4. distinctione de juris naturalis ac positivi discrimine differere voluerit, monet initio distinctionis 5. *nunc ad differentiam naturalis juris, & ceterorum revertamur*. Putaret quispian Gratianum in hac distinctione 5. aliquid de jurium differentia tradidisse. Sed expectationi non satisfecit Gratianus, qui levi occasione arrepta totus fuit in explicando munere recens enixæ mulieris, ut ostenderet ad eam vitum eo temporis accedere non debere, nec ipsam mulierem posse in Ecclesiam admitti. Amplius digreditur: nam in distinctione 6. ita exorditur: *Quia vero de natura supfluitate sermo capis haberi, quaritur an per illusionem, qua per somnium solet accidere; vel Corpus Domini quilibet accipere valeat, vel, si Sacerdos sit, sacra Mystra celebrare?* Ad rem tandem venit in dist. 7. 8. 9. & 10., ubi juris origine, & causis exploratis proposita jamdiu juris naturalis, & positivi, imo etiam Ecclesiastici, & Civilis Juris discrimina expendit. In dist. 11. repetit eadem, de quibus jam abunde egerat in distinctione 8. de consuetudinibus inducendis. In dist. 12. de consuetudine differit, rursus vero in duabus sequentibus distinctionibus remeat ad juris naturalis scientiam, tradens nullam in eo dispensationem admitti posse. In distinctione 15. proficitur se de jure naturali, constitutione, & consuetudine satis differuisse; pergere autem ad leges Ecclesiasticas, quasi de illis nondum disputasset; recenset propterea canonicas Scripturas, & Codices authenticos ab apocryphis secernere studet. Optandum esset, ut hujus distinctionis materiem solertius investigasset, antequam collectioni suæ adornandæ manum admoveret. Postquam vero & de Conciliis sive Generalibus, sive Provincialibus, necnon Summorum Pontificum Decretalibus pluribus distinctionibus multa complexus fuerit, in distinctione 20. & sequentibus de Ecclesiasticarum personarum statu, gradibus, & ordinatione disputat: sed interea more suo digreditur; nam cum ante canonem 3. dist. 25. peculiariter concluderet Episcopum ab omni etiam, ut ajunt, veniali labe esse debere purgatum, in canone 4., (cui ab auctore Paleæ ad eandem rem additus est quintus), agit de igne purgatorio. Rursus cum dixisset Episcopum bigamum ordinari non posse, data occasione quærit, an bigamiæ labe per baptismum tollatur in dist. 26., deinde in dist. 27. & 28. de continentia Sacerdotum, Diaconorum, & Subdiaconorum agens intermiscet disputationem, num qui continentiam vovit matrimonium contrahere valeat? In dist. 29. ea rursus Gratianum quasdam positivi juris differentias expendentem; ait enim positivum jus ex causis, loco, tempore, & persona considerandum esse; atque in hac re valde perspicua in tota distinctione 30. 31., & 32. variis propositis exemplis immoratur, plura ibidem congerens, præsertim de Manichæorum superstitionibus, & continentia Clericorum, de qua jam superius egerat dist. 27. & 28., eaque occasione in dist. 33. illud suscipit disputandum, utrum Sacerdos ordinari possit, qui primum & uxorem & concubinam habuerit, quod potius pertinebat ad dist. 25. aut 26. Sed quid hoc memoro, cum in dist. 34., & sequentibus usque ad 49. cæteras persequatur ordinandorum Sacerdotum qualitates, de quibus jam in dicta dist. 25. tractaverat? Singularis est ratio in dist. 50., ubi Gratianus allatis in utramque partem Sanctorum Patrum sententiis disputat prolixius, num Clerici graviorum criminum conscii post peractam pœnitentiam ad priores gradus restituendi sint? At postquam plura adduxisset ad concilianda, quæ attulit fragmenta, rem integram ita flectit, & obscurat, ut interpretes egeat interprete; etenim nunc uno, nunc altero modo distinguit, quasi neutrum prober, ut videre est ad calcem canonum 28. 34. 35. 51. 52. & 61., ac postremo re paulisper explicata quædam sibi rursus objicit, quin tamen difficultatem propositam dissolvat. In dist. 51. 52. 53. 54. 55. 56. 57. 58. 59. 60. & 61. enumerat varia personarum genera ex iis, qui nequeunt ad sacros Ordines promoveri; atque inter ceteros recensens filios Presbyterorum, occasionem arripuit disputandi, num paterna vitia filijs noceant. Præterquamquod repetit ibidem, quæ jam demonstraverat in dist. 36. 37. 38. & 39. pergit in dist. 62. & 63. ad personas, quibus jus eligendi tribuendum est, ubi tamen variis in contrarium argumentis oppositis congrue non-satisfacit, ut in hac re concordia discordantium Canonum ipsi defuisse videatur. Ab electione recte ad consecrationem perrexisset in dist. 64. & 65., nisi plura ibidem de Cathedralium prærogativa intermiscuisset. Descendit ad Ordinationes inferiorum Clericorum in dist. 66. 67. 68. 69. 70. 71. & 72., ubi cum aliqua dixisset de non ordinandis extraneis, nisi a proprio Episcopo commendatis, de literis commendatitiis sermonem instituit in dist. 73. Subdit in sequentibus de persona ordinandorum, & de temporibus ordinationis in dist. 74. & 75., ad ea occasione

tempora jejuniorum expendit in dist. 76., subjiciens deinde in dist. 77. & 78. quamplura confusa, atque permixta, ut videatur ibidem adiecisse, quæ in superioribus forte oblitus fuerat. Revertitur in dist. 79. ad ordinationes Episcoporum, & in dist. 80. loca illa Episcopis assignat, quæ sunt frequentatiora. His absolutis ad alia prorsus se manum admove- re proficitur Gratianus in dist. 81. ita exordiens: *Hæc de ordinandis, & ordinatoribus, at- que de singulorum graduum distinctionibus, & officiis dixisse nos sufficiat. Verum, quia ali- quantulum in his immorati sumus, quadam præcedentibus coherencia sub epilogo ad memoriam subjiciamus. Debet ordinandus in Episcopum, (ut Apostolus scribit), esse sine crimine, idest sine peccato mortali, quod non solum de Episcopo, sed etiam in quolibet electo ad aliquam præ- posituram Ecclesia oportet intelligi. Quæ deinde longa distinctione probat, & Patrum sen- tentiis confirmat; cum vero in canone ultimo adduxisset quoddam Concilii Carthaginensis Decretum, quo præcipitur viduis, quæ alimenta Ecclesiastica percipiunt, ut Ecclesiam precibus, & orationibus adjuvent, hac occasione in dist. 82. quærit, num Episcopi viduas, & pauperes alere teneantur, & in Canonibus sequentibus ad alia omnino divertens de Cle- ricis lapsis restituendis rursus agit, quæ erat proluxa materies distinctionis 50. Subdit rur- sus de qualitatibus ceteris Episcoporum usque ad dist. 91., post quæ in dist. 92. ita conclu- dit: *Cum autem ad Ecclesiam venerint, corde magis, quam voce cantandum meminerint; proinde in tota ferme distinctione de cantu, & canendi officio loquitur, non omittens ta- men quædam more suo intermiscere ad Episcopos, & Presbyteros pertinentia, quos sua Parochia non recepit. Nullo autem modo superioribus nescitur distinctio 93., ubi agitur de obedientia, quam inferiores superioribus exhibere tenentur; ubi tamen observamus alia quamplura de muneribus Sacerdotum, de improbandi despectu sanioris doctrinæ, & alia passim. Longe etiam distat materies dist. 94., cui est hæc prælectio: *Subdiacono etiam summus Patriarcha vices suas committere valet. Et quod magis est, sub hoc themate tria capita subjiciuntur, singula fere alium ad finem spectantia; Primum quidem ad rem pro- positam pertinet; secundo decernitur excommunicandos illos esse, qui legatos Sedis Apo- stolicæ turbant; tertio cohibentur Archidiaconi, qui supra Presbyteros jurisdictionem exer- cere præsumunt. Non minus longe abscedit Gratianus a superioribus in dist. 95., ubi quæ- rit, num Presbyteri possint baptizare, confirmare, & consecrare, adductis autem contra- riis Patrum suffragiis nullam interpretationem adjicit, nec memor est sui propositi, quod in ipsa operis inscriptione exhibuerat. In dist. 96. meminit se in Can. 8. dist. 79. quæ- dam reculisse de Honorio Augusto, ideoque, quod ibi deesse videbatur, supplet hoc lo- co, sicut etiam in sequenti distinctione, ubi tamen Can. ult. demonstrandum aggreditur, Ecclesiam Romanam non consuevisse suscipere legationem sine signatis apicibus. Rursum ad alia gradum facere se proficitur Gratianus in dist. 98. ibi: *Quæ circa ordinandos sint observanda, multorum auctoritatibus monstrata sunt. Sed quia veritas rei nonnumquam ob- scuratur mutatione provinciarum, decretum est sacris canonibus, ut peregrini, nisi quinque, vel eo amplius suorum Episcoporum fuerint commendati chirographis, non ordinentur. Credide- ris certe in sequentibus hanc, aut similem materiem pertractari: sed cetera non respon- dent, nam statim in longinqua abit Gratianus ita præfatus in dist. 99. *De primatibus au- tem, quorum supra mentionem fecimus, quaritur, quem gradum in Ecclesia ebrineant &c. Dein in dist. 100. totus est, ut concludat Episcopis non licere ante acceptum pallium sacras Ordinationes celebrare. Demum in dist. 101. priorem hanc sui codicis partem ab- solvit, ajendo duos in una provincia Metropolitanos esse non posse. Quis non miretur tantam rerum confusionem?*****

Hactenus de electione, & ordinatione Clericorum tractavimus: Nunc ad simoniacorum or- dinationes transeamus. Ita Gratianus partem 2. sui decreti incæpturus. Jam autem his fe- re verbis professus fuerat initio dist. 31., montes se satis de Clericorum ordinatione fuisse loquutum, quamquam deinde & de eadem plura subjecerit. Hoc autem in loco idem ferme peragit; nam eo ipso, quo proficitur se de ordinationibus tractasse, præparat se ad novam de eisdem ordinationibus, per simoniam scilicet celebratis, disputationem. Num saltem a digressionibus abstinebit? Minime gentium; nam in ipsa causa 1., ubi ceteroqui de simoniacis ordinationibus sibi agendum proponit, quærit, num simoniacus hæresi renun- cians sit ad Episcopalem gradum recipiendus, eaque occasione plura disputat de baptismo Hæreticorum, de iis, qui a falsis Episcopis ordinantur, de characteris baptismatis, de illis, qui cum hæreticis orant, aut ab ipsis eulogias accipiunt, de remissione peccatorum, quæ non ex hominum merito, sed ex Dei virtute dependet, de alimentis pauperibus sup- peditandis, de crimine paterno, num illud filiis oblit, de consecratione Ecclesiarum, de dispensatione sacrorum Canonum, & aliis similibus a simoniacis causis valde discretis. Transit post hæc Gratianus ad 2. causam, ubi plura discutit de judiciis, testibus, accu- satio-

ationibus, appellationibus, uno verbo, de re judiciaria, atque, ut a simonia ad hoc gradum faceret, ita exorsus est: *His breviter pramissis ad ea veniamus, quæ Ecclesia severitate disciplina parata est ulcisci, ostendentes, quibus accusantibus &c.* Arbitratus est, ut videtur, Gratianus judicarias res ita a causis simoniaciis dependere, ut de simoniaciis causis pramittenda foret exacta disputatio. Causa tertia, & quarta potius secundæ cohæret; agitur enim in illis de accusationibus, & restitutione spoliatorum, quemadmodum etiam in causa quinta, ubi tamen plura permixta sunt de Conciliis, & ebrundem celebratione. Eadem judiciorum materies pertractatur in causa sexta; ad septimam vero sine ordine pergitur, ut inquiratur de coadjutoribus Clericorum ægrotantium, aut senio confectorum, de translationibus, & renunciationibus Episcoporum. In causa octava enervatur Gratianum revertentem ad simoniacas ordinationes, atque eas, quæ sunt vivente adhuc Episcopo per designationem successoris. In causa 9. persequitur tractatum de Ordinationibus Clericorum, quem toties se absolvisse jam professus fuerat. In causa 10. alia omnino materies sine ordine subjicitur, videlicet de rerum Ecclesiasticarum administratione, quæ Episcoporum vigilantia, & sobrietati committitur. Sed in causa 11. rursus arripuit Gratianus causas judicarias, quod præsertim attinet ad forum competentis Clericorum, in qua tamen re non satis moratus est; nam statim in causa 12. denuo regressus est ad bona Ecclesiastica, & ad expendendam potestatem, quam in illis sive viventes, sive morientes exercere possunt Ecclesiastici administrati. In causa 13. complexus est Gratianus jura quædam Ecclesiastica decimarum, & sepulcrorum, necnon eorundem jurium præscriptiones. In 14. damnantur Clerici ad usuras intenti, eaque occasione discutitur, num de usurarum lucris possit quis eleemosynam elargiri? In causa 15. mirum est, quam varia & longe diffusa simul congerat Gratianus. Quærit enim 1., num crimina sine voluntate commissa sint imputanda? 2., an pro impensis patrociniis liceat Clericis munera exigere? 3., an ex mulieris confessione quis sit condemnandus? 4., an die dominico debeat causa ventilari? 5., an accusator neganti sit purgatio deferenda? 6., an confessio sit cruciatibus extorquenda? 7., an sine Synodo Episcopus valeat Sacerdotem damnare? 8., an sponte confessus se ante Ordinationem petcasse, possit suscepti ordinis officium exequi? Quæ sane omnia mentem in varias distrahunt partes, & quemadmodum ad judiciorum materiem spectant, commodius in superioribus a Gratiano pertractata fuissent. In causa 16. 17. 18. 19., & 20. de Monasteriis, & rebus ad Monasteria pertinentibus disserit auctor noster; identidem tamen varias quæstiones interserit de præscriptionibus, de alienationibus rerum Ecclesiasticarum, aliasque hujusmodi controversias; cum autem in causa 20. egisset de Monachis de uno in aliud Monasterium, sive regulam transseuntibus, occasionem sibi exhiberi commodam arbitratus est, ut in sequente causa 21. de Clericis de una ad aliam Ecclesiam transeuntibus disliceret; immo quia de Clericis agere ibidem coepit, prosequutus est quædam de eorundem moribus, indumentis, negotiationibus, & judiciis. In causa 22. totus est in iurijurandi, perjuriique materia; quæ an superioribus cohæreat, facile unusquisque judicaverit. Abs iurejurando transit ad militiam in causa 25., quærens 1., an militare sit peccatum, & a similibus gradum ad alia ibidem faciens, quinquærit, an iudex, vel minister peccet reos occidens? 6., an mali ad bonum cogi possint? 7., num hæretici bonis propriis sint spoliandi? & 8., num Episcopis, ac Clericis arma sumere liceat? Quoniam vero quædam attigerat de hæreticis, quærit in causa 24., num Episcopus in hæresim lapsus judicare possit, atque alio excommunicare, arreptaque occasione sermonis de excommunicatione instituti, quærit statim, num excommunicationis poena vita fundis possit infligi, & num causa peccati unius de familia possit tota familia excommunicari? In quæstionibus autem hujusmodi tradit Hæresim, & Schismatum discrimina, & præcipuas Hæreticorum sectas recenset. Causa 25. integra pertinet ad privilegia Romanorum Pontificum auctoritate concessa, qua occasione in fine causæ quærit, num privilegio Episcopalis sedis privari debeat Civitas illa, quæ suum Antistitem interfecerit? His expeditis sequitur causa 26. de sortilegiis, & quidem susa oratione; inter quæstiones tamen in ea materie propositas hæc insertæ sunt num. 6. & 7.; an excommunicatus ab Episcopo reconciliari per Presbyterum possit eodem Episcopo inconsulto, & num morientibus poenitentia indicenda sit sub temporis quantitate? Ab hac potissima quæstione de poenitentia morientium ad nuptias gradum facit Gratianus, quærens in causa 27., an nuptiæ inter voventes iniri possint, an sponsa possit a sponso recedere, & alteri nubere? & alia similia, quæ fusc prosequutus est in causa 28. 29. 30. 31. 32. 33. 34. 35., & 36. Hoc tamen in loco observandum est in media causa 33., idest inter mediam conjugiorum materiem insertum esse tractatum de poenitentia in septem distinctionibus distributum, quem licet quibusdam visum sit Gratiano non esse tribuendum

ob quorundam veterum codicum fidem, in quibus forte desideratur, tamen illud in omnibus recentioribus reperitur, & MSS. antiquissimis universis, qui ad eruditorum manus hucusque pervenerunt. Videant qui ita senserunt, ne in eo decepti fuerint, quod in codicibus quos forte viderint, non adsit *distinctionum* de poenitentia distributio; etenim fateor in antiquis Gratiani exemplaribus *distinctionum* divisionem non apparuisse, fuisse autem adpositam posteriore manu claritatis ergo: at vero exinde non colligitur, a Gratiano, quæ in hoc tractatu laudantur, capita non fuisse collecta. Illud sane certum est non posse hoc opusculum de poenitentia alicui auctori tribui, qui Gratianum jamdiu præcesserit; etenim in eo laudantur plura capita juris Justiniani, quod dudum Gratianæ ætate restitutum fuisse scimus.

Tertium decreti sui partem in quinque distinctiones partitus est Gratianus adjecto titulo de *Consecratione*; sed quæ ibidem subjecit, titulo ipsi non undequaque respondent. In dist. 1. exorditur a Consecrationibus Ecclesiarum, pergit deinde ad Missarum celebrationes, translationes sanctorum Corporum, sacra Vestimenta, vasa, & ligna divinis usibus dedicata. Rursus de Missarum solemnitatibus, & Eucharistia agit in distinctione 2., sed in dist. 3. postquam aliqua differuit de diebus feriatis, plura adnectit de sanctorum Imaginibus, de diebus jejuniorum, neque non de fide Sanctæ Trinitatis, sine ordine, ac nexu. In distinctione 4. agitur de Sacramento Baptismatis, in quinta demum de Sacramento Confirmationis, eaque occasione de Neophitis: cum vero Gratianus Canonem attulisset, quo Neophiti a lautioribus epulis abstinere jubentur, quædam subdere non dubitavit de jeuniis, de spectaculis, & mulierum ornamentis. Demum duobus fragmentis opus suum absolvit, quibus probaret Spiritum Sanctum a Patre simul, ac Filio procedere. Post hæc ita discussa, quæque clarius Gratianeum opus universum accurate evolventibus constare possunt, facile noverit unusquisque Gratianeum codicem undequaque inordinatum, nihilque aliud continere, nisi quamdam confusam, & sine discrimine cumulatam sacrorum Canonum, & sententiarum farraginem.

OBSERVATIO X.

De iis, quæ Gratiano Codici jam per Auctorem suum absoluto accesserunt.

DUO potissimum in Gratiano Codice hodie habemus, quæ nobis eundem exhibent paullo aliter, quam a Gratiano ipso edictus fuerat. Consistit primum in additamentis capitum, quæ passim nomine *Paleæ* inscripta observamus. Consistit alterum in notis numeralibus, quibus fragmenta Canonum ex Conciliis, Pontificibus Maximis, & Sanctis Patribus deprompta laudari, & distinguere solent. Quicumque sit harum accessionum auctor, non ausim asserere utilitatem magis studiosorum, quam Gratiani Codicis majorem perturbationem attulisse, quocumque tandem animo fecerit, atque optima voluntate.

Ut de *Paleis* primum loquar, abstineo a vulgaribus fabellis, quibus hoc *Palæ* nomen occasionem fortasse præbuit. Illud mihi satis est observare, eas Gratiani esse nullo modo posse, sed posteriore ignota manu accessisse, ad marginem primum adpositas, dein in textum ipsum translatas, quod jamdiu vetustorum Codicum auctoritate in sua Præfatione demonstrarunt Romani Correctores, necnon Antonius Augustinus lib. 1. Dialogo 2. de emendatione Gratiani. Addo ego gravissimum hujus rei argumentum; nam frequenter contingit Gratianum laudare quendam Canonum, seu Canonicarum sententiarum Auctorem, cui inscriptioni *Palea* subjicitur; at vero non *Palæ* sententia, sed quæ *Paleam* subsequitur, ad eundem Auctorem referenda est.

Sic exemplum in Can. 2. cau. 9. qu. 2. Ante correctionem Romanam hæc ibi inscriptio habebatur: *Idem*, quæ significabat sequentem Canonem esse Calixti Papæ, ex quo superior laudatus erat. Verum Calixti est Canon 3. subsequens, at Canon 2. qui *Palæ* nomen habet, Urbano Papæ potius tribuendus erat, quemadmodum tributus est ab eodem Gratiano in Can. ult. dist. 6. de poenit. Aliud exemplum, & quidem luculentissimum habemus in Can. 2. 3. 4., & 5. cau. 16. qu. 2., ut alia omittam quamplura. Post Canonem primum Gratianus Urbanum II. laudaverat, cujus verba subdere volebat, sed Canon 2. prout hodie describitur, non est Urbani 2., imo nec Canon 3., nec Canon 4., nec Canon 5.: Urbani II. est Canon 6., ad quem initio Gratianus respexerat, ac propterea auctor *Palea* separavit Canonem 6. a sua inscriptione, quæ est ante Canonem 2. eo ipso quo quatuor fragmenta interpolavit. Hæc non solum aperte judicant *Paleas* posterioris auctoris accessiones esse, verum etiam Gratiani Codicem, præsertim in fide inscriptionum, quocummodo caruisse, ut hodie apparet, quasdam deppentias a suis auctoribus

XXXV

omnino diuulsas, illis autem auctoribus alias falso tributas. Pateor tamen hodie siue *Patris* additamenta, siue fragmenta Gratiani pro Canonibus sacris solere laudari, & quidem mea sententia parum interesse debet, num monumenta quædam Ecclesiastica per Gratianum, num potius per ignotum auctorem exhibeantur; quamobrem in hoc opere meo a *Patris* referendis minime abstinendum putavi, eandemque in ipsi ac Gratianis fragmentis perscrutandis, interpretandisque pro rei merito curam adhibui.

Alterum accessionum genus in numerorum notis consistere assereram. Etenim Gratianus, dum suum Codicem elucubraret, nulla peculiari numerica nota unum caput ab altero distinxit, sed veluti continuata oratione sententias Patrum sententiis suis adtexuit ad instar. Petri Lombardi in suis distinctionibus: quamobrem apud veteres Canonum interpretes videmus laudata Gratianea capita non per numeros verbi gratia *Can. 1. dist. 80.* sed potius hac formula *Can. urbes, & loca dist. 80.* Primi fuerunt Antonius Contius, & Antonius Demochares, qui rem gratam studiosis se facturos fuisse arbitrati sunt, si Canones a Canonibus adjecta numerica nota fecernerent. Idipsum fecit Antonius Augustinus eodem tempore quo Contius, sed non eundem ordinem servavit, quemadmodum ipse proficitur in Dialogo 18. lib. 1. de emendatione Gratiani, ibi: *Ego numeros addidi ante eam editionem, neque diuinare potui, quid in ea scripturus esset Contius.* Qui hodiernos Codices ediderunt, aut renouarunt, editionem Contii sequuti sunt. Ampliores reddendæ grates essent Contio, si præter hoc commodum, quod studiosis attulit, solertiam maiorem in distinctione capitum assabre facienda impendisset. Verum modo dicta ipsa, & sententias Gratiani, ipsas præterea Canonum præfationes Canonis nomine donavit, ut in *Can. 21. cau. 2. qu. 3.* modo idem Sancti alicujus Doctoris, aut Pontificis testimonium ex eodem libro, ipsa etiam pagella depromptum in duos veluti Canones diuisit, modo diversas plurium Patrum sententias, aut ejusdem quidem Doctoris, sed ex diversis ejusdem operibus erutas uno eodem capite dissimili quadam textura complexus est, modo plura Ecclesiastica monumenta ita Gratiani verbis alio charactere editis involuta reliquit, ut eadem peculiari Canonum nomine uti cætera decorare neglexerit. Non indigent hæc exemplis: sufficit enim Gratianum Codicem aperire, ut in unaquaque ferme pagina hujusmodi geniales, & pro lubito elucubratæ rerum distinctiones palam unicuique exhibeantur. Non memoro amplius hoc loco, quod jam superiore observatione animadverteram, videlicet etiam posteriore manu adjectam fuisse distinctionum diuisionem in tractatu de Penitentia, de qua in medio causæ 33. Gratianus disputandum susceperat.

O B S E R V A T I O XI.

De Gratianei Codicis mendis, & ipsius correctione.

QUAE huc usque diserte prosequutus sum, eo omnia collineant, ut Gratianum Codicem innumeris propemodum mendis vitiatum aliquando fuisse liquido demonstrarem. Magnovis jam sua ætate S. Antoninus Florentinorum Archiepiscopus, uti proficitur in sum. hist. major. parte 4. tit. 11. cap. 8. Tritissimum est in ea collectione, præsertim in inscriptionibus auctorum, rem esse penitus involutam; etenim exempli causa scriptum est Concilium Carthaginense pro Chalcedonensi, Hipponense pro Epaonensi, Herdensense pro Triburiensi, laudatur Chrysostomus pro Chromatio, Augustinus pro Hieronymo, Coelestinus pro Calixto, Macarius pro Zacharia, Anastasius pro Athanasio, Leonardus pro Leandro, Trimegistus pro Thaumaturgo, Vincentius pro Juuenco, Hieronymus pro Jeremia, Anselmus pro Afello, pro Hincmaro Ignatius, ut alia omittam sexcenta. Græci Canones non ex positionibus versionibus translati sunt, immo unum, idemque fragmentum ex duplici versione sæpe laudatur, quasi duo sint sacra monumenta, quemadmodum exempli causa liquet in *can. 17. & 18. cau. 9. q. 3.* in *can. 10. cau. 18. q. 2.* Sed quod magis est, talia in Gratiano Codice peccata sunt, quæ videntur aut veræ fidei doctrinæ quoquo modo adversari, aut saltem non modicam injuriam veræ Dei Ecclesiæ inferre. Facile quidem mihi persuaserim, Gratianum imprudentiam in rebus hujusmodi lapsurum, sed licet integra fuerit fides auctoris, ferendum minime est quasdam ejusmodi loquendi, aut concludendi formulas pro canonicis regulis generatim proponi. Exempli causa in principio distinctionis 13. homines in talibus circumstantiis aliquando positos fingit, ut necessario adversus naturale jus aliquid peragant, idest rem, ut ajunt, intrinsece malam, licet id in diversis personis fieri non posse in sequenti distinctione asseveret. In *dist. 19.* cum in honorem Pontificiarum Decretalium plura merito attulisset, ad calcem Canonis 7. ita subdit: *Hoc autem intelligendum est de illis sanctionibus, vel decretalibus Episcopalis, im-*

qui-

quibus nec precedentibus Patrum decretis, nec Evangelicis praeceptis aliquid contrarium invenitur; quasi Leges Ecclesiasticæ quædam reperiri valeant veterum Patrum statutis, & quod magis est, Evangelio ipsi contrariæ. Quid vero magis a bono Ecclesiæ publico alienum est, quam quod tradit in cap. 2. can. 19. q. 2. ubi duas leges distinguit, publicam alteram ab Episcoporum auctoritate profectam, alteram privatam, quæ unusquisque ex afflatu Spiritus Sancti interius movetur, deinde asserit privatam publicæ antefereendam, ita, ut ubi Spiritu Dei se raptum quis credit, ab Ecclesiastica potestate sese prorsus eximat, nullamque aliam suorum actuum sequatur regulam, quam semetipsum? Nescio sane an illi, qui libidini suæ adversus Ecclesiam sese commiserunt, & clarius, & pressius loqui possint. Ut alia plura omittam, me referam tantummodo ad distinctionem primam de poenitentia, ubi postquam quæsit Gratianus, an sola contritione cordis peccata remittantur, an præterea necessaria sit peccatorum confessio Sacerdotibus facienda, in medium adductus pluribus Patrum fragmentis, ita concludit: *Quibus auctoritatibus, vel quibus rationum firmamentis utraque sententia satisfactionis, & confessionis innitatur, in medium breviter exposuimus: cui autem harum potius adharendum sit, lectoris iudicio referatur, utraque enim sententia habet sapientes, & religiosos viros.* Advertantur hæc & Sanctarum Scripturarum testimoniis, necnon constantissimæ Patrum traditioni, quemadmodum modo ex Concilio Tridentino definitum habemus.

Indigebat sane hæc collectio, ac minus integra doctrina quadam salte emendatione, per quam in unoquoque capite illa purgatio prodiret in lucem, etiam in ea parte, in qua falsitati inscriptionum confiteretur. Neque enim ego possem morem gerere in hac parte Cujacio viro cæteroqui præstantissimo, & de utraque jurisprudentia optime merito, quæ ad tit. Decretalium de divortis cap. 1. ait: *Et ut hoc admoveam, quo cæcitant multi, nihil refert Vermeriam scribas, an Vormaciam.* Utrique nomine Vangionum Civitas cognominatur, ubi Pipinum habuisse Concilium fere omnes historici narrant. Præterquamquod enim hoc in loco errore facti lapsus sit vir eruditus, cum Vormacia sita sit in Germania superiore, quæ vulgo dicitur VKorms, & Vermeria Palatium Regium esset in Gallia haud procul a Compendio in Diocesi Sueffionensi, quæ apud Gallos vocatur Verberie, illud certum est multum interesse, an Canon nomine Vermesiensis, an Vormaciensis Concilii describatur; plurimum enim in interpretatione Canonis operari potest, sicut & temporis, & aliorum adjunctorum, ita etiam loci observatio. Itaque quum Critices artis studium apud eruditos jurisprudentiæ cultores simul cum jurisprudentiæ studio jungi cœpit, nil visum fuit utilius, quam in emendationem Gratiani Codicis contendere, quod primum privato quorundam studio attentatum, prosequuti deinde sunt majore diligentia Summi Pontifices, Pius IV. & Pius V. qui rem Ecclesiasticæ Reipublicæ utilem se facere judicaverunt, si viros eruditos seligerent, quorum solertia emendatum Codicem & scholis, & curiæ traderent. Illi fuerunt sub Pio IV. M. Antonius Columna Romanus, Hugo Boncompagnus Bononiensis, qui postea ad Pontificiam Sedem evehus dictus est Gregorius XIII. Alexander Sfortia Romanus, Guilielmus Sirletus Calaber, Franciscus Alciatus Mediolanensis, & sub Pio V. Guido Ferrerius Vercellensis, Antonius Caraffa Neapolitanus, omnes Romanæ Ecclesiæ Cardinales. His accesserunt Doctores plures, videlicet Felix Montaltus Ordinis S. Francisci, qui deinde in Sede Pontificia vocatus est Sixtus V. Christophorus Patavinus Generalis Eremitarum S. Augustini, Thomas Marrius Dominicanus Magister Sacri Palatii, Euthachius Lucatellus Bononiensis, postea Regii Lepidi Episcopus, Joseph Pamphilus Veronensis Augustinianus, postea Episcopus Signinus, Franciscus Turrianus Hispanus, postea Jesuita, Marianus Victorius Reatinus, postea Episcopus Amerinensis, Michael Thomasius Majoricensis, postea Episcopus Ilerdensis, Hieronymus Parisetus Regiensis, Antonius Cuccus Mediolanensis, Johannes Marsa Hispanus, Franciscus Leo Hispanus, postea Jesuita, quibus postea additi sunt Melchior Cornelius Lusitanus, Latinus Latinus Viterbiensis, Arnaldus Pontacus Gallus, Petrus Giacomius Hispanus, & Franciscus Pegna Hispanus, omnes numero quatuor supra viginti, qui diutino studio, ac labore in Gratiani Collectionis emendationem incumbentes, tandem anno 1580. eandem Collectionem, quoad per tempora fieri licebat, purgatorem ediderunt. Quam vero in emendatione sua ipsi rationem habuerint, facile compertum est unicuique, qui illorum præfationem perleget Gratiani Operi præfixam. Præter multas, atque omnigenas utilitates, quæ post hanc emendationem sacrarum rerum studiosis attulerunt Romani Correctores, illud præsertim quodammodo proprium vindicare merito possunt, quod viam eruditis quamplurimis aperuerint ad eadem rudia, ut, si fieri posset, Gratiani editio purgatissima redderetur. Eodem tempore ipsorum solertiam imitatus fuisse videtur Antonius Augustinus Tarraconensis Episcopus, qui non solum Romano

manos Correctores adjuvit variis Codicibus, quos Romam ad eum finem misit, verum etiam, ut erat rerum Ecclesiasticarum studiosissimus, duobus libellis plana dialogorum methodo Gratianeam emendationem prosequutus est. Amplius progressus est Franciscus Pegna Hispanus, qui, uti observavimus, unus fuit ex Romanis Correctoribus: is enim in Gratiano sistere noluit, sed decretalibus Gregorii IX. ut fertur, quasdam addidit notas, quæ modo capitibus subnexa edi solent. De eo ita post librum 1. de emendatione Gratiani paullisper ludit nuper memoratus Antonius Augustinus: *Franciscus Pegna, cujus sunt additiones decretalium sine nomine, quia quemadmodum Templum Diana incendio visus est &c.* Non memoro alios bene multos, qui in eadem Gratianea emendatione aliquid moliti sunt, aut saltem illam perfici desiderarunt; & quidem vehementissime, ita ut hodierna etiam die eruditis Viris materies minime desit hac in parte, in qua elaborat, ingeniumque suum exerceant.

O B S E R V A T I O XII.

De Gratiani Operis receptione.

Jamdiu investigaverunt Eruditi, quo fato Gratiano contigerit, ut statim ac ipsius opus publicam lucem aspexit, tanto apud omnes in pretio fuerit, ut vel in Scholis, vel in Judiciis tanquam firmum Jurisprudentiæ Sacræ præsidium haberetur. Etenim extemplo ceteris Collectionibus in Occidente extremum vale dictum fuit, universis in unum Gratiani Codicem intendentibus, post quem, nulla amplius habita aliorum exemplarium ratione, illud unum laudi tribuebatur, si quis glossematibus hujus Auctoris sententias interpretaretur, atque illustraret. In hac porro interpretatione studuerunt quotquot sæculo 13. scripsere, & tanquam Jurisprudentiæ Canonice antesignani laudantur. Undenam tanta in Gratianum Codicem venerit? Referendum illud est ad circumstantias Gratianæ ætatis. Invaluerat tunc recens Theologiæ Scholasticæ methodus, Auctore inter ceteros, aut Promotore Petro Lombardo, qua in utramque partem singula disputabantur, absoluta quoque disputatione conciliabantur. Gratianus hanc rationem scribendo amplexus est: propterea quemadmodum apud Theologos Petrus Lombardus, quod ea methodo usus esset, ac pleaque Divinæ scientiæ puncta discussisset, *Magister* appellatus est, talique honore habitus, ut eum sequi gloriarentur posteriores Theologi, etiam eximii nomine, inter quos Thomas Aquinas Theologorum postremæ ætatis facile Princeps ejus scripta interpretari optimum duxit; ita eadem ratione inter Canonicarum regularum studiosos Gratianus unus fuit, qui omnium studia ad se traheret. Id præterea observatu dignum est Gratianæ ætate Juris Civilis Romani scientiam jamdiu marcescentem quodammodo apud Italos revixisse, ut ea ætate honestissimum quisque putaret in illam disciplinam incumbere; quum vero in Codice Gratiano multa legerentur capita ex penu ejusdem Romani Juris deprompta, hinc facile fuit eruditiores Viros in ipso hoc Codice eo maxime delectatos fuisse, quod præter Sanctorum Conciliorum doctrinam, veterum præterea Jurisconsultorum philosophiam se meditari commode posse cognoscerent. Alia hujusce rei ratio adferri potest ex eo, quod Gratiani Codex Bononiæ editus apud Bononienses facile excipi poterit, procurantibus præsertim Gratiani consortibus, quorum ea ætate non mediocris erat auctoritas, nedum existimatio. At Codex in Bononiensi urbe receptus, in Bononiensi Universitate facile pro exemplo proponi potuit. Quod si verum est, quis non videat, tunc temporis latissime effundi potuisse Gratianei nominis famam, & Codicis existimationem, quum Bononia una tunc esset, ad quam Jurisprudentiæ addiscenda causa Europa prope modum universa conflueret? Hisce omnibus de causis jam agnoscimus, quod ait Antonius Augustinus in lib. 1. dial. 1. de emendat. Gratiani, ipsum *feliciorem ceteris Collectoribus fuisse, quos diu in tenebris fuisse novimus, dum hic in omnium manibus versatur, multarum interpretum illustratur lucubrationibus, refertur denique in judiciis omnibus, atque a Theologis non minus, quam juris utriusque peritis in pretio habetur.*

Adeo autem generaliter crevit Gratianei operis fama, ut non defuerint qui illud publica Ecclesiæ auctoritate probatum, confirmatumve voluerint. Id asserere non dubitavit Trithemius in Gratiani vita, quem nonnulli deinde, re minime discussa, atque explorata, sequuti sunt. Horum venia, quis confirmationis, seu probationis monumentum adfert, ut de ipsa recte restetur? Res facti est, de qua nisi constet, nullo modo præsumitur, eo vel maxime, quod tot menda in hoc Opere reperta jamdiu sunt, & reperiuntur in dies, ut publicam auctoritatem unquam mereri potuisse non videatur. Belle Antonius Augustinus in dialogo 3. lib. 1. ita illis illudit, qui ab Eugenio III. confirmationem hu-

ius Operis repetunt. Si credas omnia, qua Gratianus scripsit, Apostolica esse auctoritate confirmata, multiplex hic error erit tuus, & omnia complectatur hoc volumine conscripta. C. Nunc plane intelligo. Sed quo pacto probas non esse confirmata? A. Tu, qui ais, redige in memoriam, vidistine unquam Eugenii confirmationem? C. Minime gentium. A. Habesne aliquem dicere, qui se dicat vidisse, aut qui ex ea partem aliquam referat? C. Ne hoc quidem. Sed sunt qui asserunt eum confirmasse. A. Sunt etiam qui id negent. Ut omittam plures ex Interpretibus optimæ notæ, qui nullam Gratiano decreto publicam auctoritatem accessisse asseverant, referam tantummodo, quod ad hanc rem tradit Boetius Epō in lib. 2. de Jure Sacro num. 134. de confirmatione Eugenii III. ita loquens: Cum illud nullo (præter unum Trithemium) probent idoneo teste, merito rejicitur a nobis, ut suspensissimum, cum neque diligentissimus in rebus talibus adnotandis Antoninus Archiepiscopus Florentinus, neque Platina Decretorum Pontificum acuratissimus, nec quisquam probatus Auctor, alius, qui quidem nostras venerit in manus, id affirmet. Quinimmo contra sentiunt Interpretes ad unum omnes nostri, tam Civilis Juris, quam Pontificii, non ab ullo unquam Pontifice nominatim fuisse probatum Gratiani hoc Decretum, sed sola consuetudine receptum neque plus auctoritatis adhuc habere, quam per se habeant auctoritates ipsa, sive Pontificum, sive Conciliorum, sive quorumlibet aliorum scriptorum, ex quorum fragmentis Decretum suum Gratianus post Isidorum, & Burchardum, & Ivoem, & alios consarcinavit; in propriis autem Gratiani verbis nihil esse majoris auctoritatis, quam quantum ratio, & aequitas per sese patiantur, cum non plus tribuatur (in solis quidem suis) Gratiano, quam Interpreti cuicumque alteri. Si quis vero aliquid ex Gregorio XIII. ad hanc rem deduci posse forsitan existimaverit, caveat ille, ne emendationis curam, quam Summus ille Pontifex alacriter suscepit, cum ipsa, de qua loquimur, Codicis confirmatione, vel ad probationem confundat.

C O N C L U S I O .

POST hæc ita accurate, ut arbitror, recteque discussa, nemo non videt, quam facile progredi possimus ad susceptam hanc Gratiani emendationem, & illustrationem. Pleaque enim generaliter ita in superioribus attigimus, ut & causas Gratianeorum errorum observaverimus, & emendationum rationes, nihilque amplius superesse videatur, quam singulis Gratiani capitibus expendendis manum admovere. Maſti itaque animo sumus, & qua par est, solertia universa perſcrutemur. Adjuvet Deus vires meas, easque in Ecclesiæ Sanctæ, cui deserviam, utilitatem bene vertat. Vellem enim de hac re ne cogitasse quidem, si vel suspicarer, me forte in his, aut a vera Fide, aut a germana Canonum disciplina, quoquo modo desciturum.

INDEX OBSERVATIONUM,

Quæ in Præfatione universi Operis habentur.

In universum Opus Præfatio.	Pag. 111	Observ. 6. Quid ex prædictis generatim sentiendam sit de Gratiani Collectio- ne.	XXVII
Observatio 1. Quales generatim esse potue- runt Ecclesiastica jurisprudentia Codices usque ad Gratiani ætatem.	v	Observ. 7. De persona, indole, & studio Gratiani.	ibid.
Observ. 2. Quales revera fuerint peculiarios sacrorum Canonum Collectiones ante Gra- tiani ætatem, & primo de ea, quæ vulgo di- citur: Codex Canonum Ecclesiæ uni- versæ.	vii	Observ. 8. De tempore, quo Gratianus Col- lectioni suæ operam dedit.	XXIX
Observ. 3. De Celebrrioribus vetustis Gra- corum Collectionibus,	xi	Observ. 9. De Gratiani methodo, & ejus- dem Collectionis argumento.	XX
Observ. 4. De Collectionibus vetustis Lati- nis, quæ peculiaribus Ecclesiis adscribun- tur.	xv	Observ. 10. De iis, quæ Gratiano Co- dici jam per Auctorem suum absoluto accesserant.	XXIV
Observ. 5. De ceteris Latinis Collectionibus Ante-Gratianis primo quorundam sta- dio elucubratæ.	xxii	Observ. 11. De Gratiani Codicis mendis, & ipsius Correctione.	XXV
		Observ. 12. De Gratiani Operis receptio- ne.	XXVII
		Conclusio.	XXVIII

INDEX CAPITULUM,

Quæ in primo hoc Volumine continentur.

PARS PRIMA.

De Canonibus Ecclesiasticorum Conciliorum nomine a Gratiano relatis.	Pag. 1	Appendix De Concilio apud Valentian.	193
Caput 1. De Canonibus, qui Apostolis tri- buntur.	4	Cap. 16. De Concilio Milevitano.	174
Cap. 2. De Canonibus Concilii Eliberita- ni.	19.	Cap. 17. De Conciliis pluribus Toleta- nis.	178
Cap. 3. De Canonibus Concilii Ancyra- ni.	28	Cap. 18. De Concilio Ephesino.	213
Appendix De can. 12. cau. 26. qu. 5. no- mine Concilii Anguirensis laudato.	32	Cap. 19. De Concilio Arausicano.	215
Cap. 4. De Conciliis Arelatensibus.	34	Cap. 20. De Concilio Vafensi.	219
Cap. 5. De Concilio Neocesarensi.	43	Cap. 21. De Concilio Hibernensi.	223
Cap. 6. De Romanis Conciliis S. Sylvestro Pontifici Maximo adscriptis.	48	Cap. 22. De Concilio Chalcedonensi.	226
Cap. 7. De Concilio Nicæno 1. Genera- li.	59	Cap. 23. De Concilio Agathensi.	242
Cap. 8. De Concilio Gangrensi.	91	Cap. 24. De Concilio Tarraconensi.	256
Cap. 9. De Concilio Antiocheno.	97	Cap. 25. De Concilio Epaonensi.	260
Cap. 10. De Concilio Sardicensi.	111	Cap. 26. De Concilio Gerundensi.	261
Cap. 11. De Concilio Laodiceno.	119	Cap. 27. De Concilio Ilerdensi.	262
Cap. 12. De Concilio Constantinopolita- no 1.	127	Cap. 28. De Conciliis Arvernensibus sexti seculi.	266
Cap. 13. De Concilio Casaraugustano.	133	Appendix De Concilio Urbanensi.	267
Cap. 14. De Concilio Bilonensi.	ibid.	Cap. 29. De Conciliis Aurelianensibus sex- to seculo celebratis.	268
Cap. 15. De pluribus Africanis, sive Car- thaginensibus Conciliis IV. vel V. Eccle- sia seculo celebratis.	135	Cap. 30. De quinta Synodo generali, sive Constantinopolitana II.	280
		Cap. 31. De Conciliis Parisiensibus.	283
		Cap. 32. De Conciliis Bracarensibus.	287
		Cap. 33. De Concilio, quod dicitur Mar- tini Papa.	292
		Cap. 34. De Concilio Autissiodorensi.	309
		Appendix De Concilio Urbico.	310
		Cap. 35. De Concilio Matisconensi.	311
		Cap. 36. De Concilio Hispalensi.	312
		Cap. 37.	

21		
Cap. 37.	<i>De Concilio Rhemensi.</i>	315
Cap. 38.	<i>De Concilio Rothomagensi.</i>	320
Cap. 39.	<i>De Concilio Emeritensi.</i>	321
Cap. 40.	<i>De Concilio Eduensi.</i>	322
Cap. 41.	<i>De Concilio, quod Gratianus sextum appellat; sive Trullano.</i>	323
Cap. 42.	<i>De Concilio Vermeriensi.</i>	333
Cap. 43.	<i>De Concilio septimo, seu Nicaeno II. generali.</i>	337
Cap. 44.	<i>De Concilio Compendiensi.</i>	349
Appendix	<i>De can. 19. cau. 32. qu. 7. quem nomine cujusdam Concilii Gratianus laudavit.</i>	350
Cap. 45.	<i>De Capitulis Hadriani Papae, quae & aliquando nomine Concilii Romani laudantur apud Gratianum.</i>	ibid.
Cap. 46.	<i>De Capitularibus Francorum Regum, ac praesertim Caroli Magni.</i>	355
Appendix 1.	<i>De Canonibus Concilii Lugdunensis nomine a Gratiano relatis.</i>	364
Appendix 2.	<i>De can. 11. cau. 36. qu. 2. nomine Concilii Aquisgranensis laudato.</i>	365
Cap. 47.	<i>De Concilio Cabilonensi.</i>	368
Cap. 48.	<i>De Concilio Turonensi.</i>	374
Cap. 49.	<i>De Conciliis Moguntinis.</i>	376
Cap. 50.	<i>De Concilio Meldensi.</i>	383
Appendix 1.	<i>De can. 1. cau. 35. qu. 2. quem Gratianus ita inscripsit: Gregorius Papa in Synodo Meldensi.</i>	387
Appendix 2.	<i>De Canonibus nomine Concilii Mediomatricis a Gratiano laudatis.</i>	388
Appendix 3.	<i>De Canonibus Concilii Belluacensis.</i>	389
Cap. 51.	<i>De Concilio apud Sanctum Medardum.</i>	ibid.
Cap. 52.	<i>De Conciliis Eugenii II. & Leonis IV. Pontificum Maximorum.</i>	391
Cap. 53.	<i>De Concilio Ticinensi.</i>	395
Cap. 54.	<i>De Concilio, quod dicitur apud Tanziacum.</i>	396
Cap. 55.	<i>De Concilio Wormatiensi.</i>	397
Cap. 56.	<i>De Synodo octava, & nona.</i>	401
Appendix	<i>De Pseudo-Synodo Photiana.</i>	407
Cap. 57.	<i>De Concilio Agrippinensi.</i>	408
Cap. 58.	<i>De Concilio Nannetensi.</i>	409
Cap. 59.	<i>De Concilio Triburiensi.</i>	412
Cap. 60.	<i>De Concilio Altheimensi.</i>	433
Cap. 61.	<i>De Concilio Erpsfordiensi.</i>	434
Cap. 62.	<i>De Concilio Salegunstadiensi.</i>	435
Cap. 63.	<i>De Conciliis Urbani II. Pontificis Maximi.</i>	436
Cap. 64.	<i>De Conciliis Calisti II.</i>	442
Cap. ult.	<i>De nonnullis Canonibus a Gratiano tributis vel Concilio Maticensi, vel cuidam Concilio Romano.</i>	445

PARS PRIMA.

*De Canonibus Ecclesiasticorum Conciliorum nomine
a Gratiano relatis.*



Acri Conciliorum Canones ii potissimum sunt, ex quibus veteres collectiones componebantur; sic Dionysius Exiguus ab illis exorsus est Codicem suum, & Ecclesia Africana nihil aliud ferme in suum Codicem retulit, quam suarum Synodorum communi suffragio editas Constitutiones. Gratianus propterea, quem non decebat in sua collectione adornanda a vetustis collectoribus omnino deflectere, plures Conciliorum Canones in illa recensuit. Sed, ut erat rerum sacrarum, præsertim veterum non satis apprimè peritus, in aliquibus lapsus est gravissime; quum enim non omnium Conciliorum una eademque sit ratio, & ad quatuor, ita dixerim, species potissimum illa referri oporteat, ut alia Concilia generalia, sive œcumenica sint; alia particularia, ut vocent; quæ tamen paullatim de Provincia in Provinciam traducta, ab omnibus tandem recepta fuerunt; alia rursus particularia, quæ apud eam tantum Diocesim, in qua celebrata sunt, non etiam exteris moribus confirmata deprehenduntur; alia demum; quæ aut injuste convocata, aut injuste perfecta Pseudosynodos, vel Conciliabula vulgo appellamus, in omnibus hisce Conciliorum speciebus enumerandis nullum defectum habuit Gratianus, qui non solum de statutis particularium Conciliorum ita disseruit, quasi ab universa fere Ecclesia recepta fuerint, verum etiam ipsarum Pseudosynodorum sententias, quasi germinas Ecclesiæ sanctæ definitiones describere per impericiam, ut arbitror, non dubitavit; idcirco juvabit principio dicendi quædam, licet pauca, de horum omnium Conciliorum auctoritate generatim attingere.

De auctoritate Conciliorum primi generis, idest œcumenicorum nemo alius dubitare ullo modo potest, nisi qui Ecclesiæ universæ iudicium contemnat, ipsius sane Domini ore jamdiu damnatus,

Tom. I.

quasi Ethnicus, & Publicanus, ut dicitur Matthæi c. 18. v. 17. Hæc tamen nihil impediunt, quominus singula Concilia invicem inter se se collata alia aliis præstare apud viros etiam sapientissimos videantur, antiquiora recentioribus, illa præterea, in quibus plures numero Episcopi, iidemque insigni quadam aut doctrinæ, aut sanctimonix fama celebratissimi aliis, in quibus vel pauciores, vel minus celebres Ecclesiarum Antistites interfuerunt. Quod in primis verum est, ubi de regulis Fidei, & morum agatur; etsi enim una eademque sint Oracula Dei, quæ in Synodis omnibus panduntur per illos, quos tanquam Iudices Deus ipse constituit, quis tamen quidpiam amplius interea non tribuet viris sanctissimis atque eruditissimis, si illos Deus causa declarandæ veritatis elegerit? Eodem ferme modo, quo si cum Canonibus Conciliorum Sacras Scripturas, præsertim Apostolicas, conferamus, quis non statim agnoscat majorem quamdam vim sacris eisdem literis inesse, non alia sane de causa, nisi ob excellentem, atque egregiam ipsorum Scribentium dignitatem? Deinde illud magis, ac magis observari oportet, quoties agatur de regulis Ecclesiasticæ disciplinæ; etenim istæ potius ex divina illustratione, quam ex divino oraculo constituuntur: Atque divina illustratione juvantur melius quicunque, aut Apostolicis temporibus proximi Apostolicis doctrinis imbuti fuerunt, aut sacram scientiam diuturno studio meditati omnia depravati ingenii præjudicia abjicere potuerunt, aut demum sanctimonia insignes nil, nisi Christianæ Reipublicæ utile voluisse facilius præsumuntur. Hac ratione factum arbitror, ut priores quatuor Œcumenicæ Synodi, Nicæna, Constantinopolitana, Ephesina, & Chalcedonenfis vulgo ex veterum ipsorum Patrum sententia ita laudentur, quasi quatuor ipsis Evangelisti comparanda.

Alia secundo loco dixi esse Concilia, quæ licet ex unius, alteriusve Diocæ-

A

seos

seos Episcopis celebrata sint, eorum tamen statuta de Diœcesi in Diœcesim traducta, & apud universas pœllatim Ecclesias recepta fuerunt. His sane quis ausit inficiari eam inesse vim, atque virtutem, quæ generalibus Conciliis inest? Etenim nihil interest, an expresso Ecclesiæ totius consilio, suffragioque simul, & semel leges latæ fuerint, an sensim per mores singularum Provinciæ tacitus quodammodo Ecclesiarum in omnium consensus accesserit, proindeque si in Canones, vel fragmenta huiusmodi Conciliorum occurramus apud Gratianum, in ipsa Catholica Ecclesiæ iudicia propemodum occurrisse videbimur.

Non tanta porro auctoritas illorum Conciliorum est, quæ ab unaquaque Provincia, aut Diœcesi habita sunt, & quorum definitiones ad loca singularia pertinent ita, ut apud externos nunquam admittæ fuerint. Quoties declarantur in illis Orthodoxæ Fidei dogmata, necnon regulæ morum, & honestatis, quemadmodum priscis præsertim sæculis fieri solebat, iis non contradicere tenentur, quicumque in Diœcesi, aut Provincia degunt, non quod certum omnino, & immutabile sit illorum iudicium, sed ne forte schismata concitentur perniciofa, aut ne jam concitata periculosis augeantur, ut si quid ex contrario contendatur, non privati cuiuspiam hominis arbitrio discuti possit, sed superioris iudicii dirimendum reservetur. Nec enim ut probrum obijciendum est illis, qui Episcopi Clerive sui licet errantium sententiæ adqueverint, quousque non aliud, aut non majus lumen adfulgeat; quemadmodum, ut a secularibus iudiciis argumentum petam, sine fraude, & injuria solent Magistratus, imo & leges ipsæ possessionem litigiosæ rei illis etiam addicere, qui in petitorio iudicio jure vincentur, interea nihilominus possessoriiis remediis ad tuendam possessionem etiam indebitam comparatis. Etenim veritas in occulto ut plurimum latet, nec primo unius, aut alterius obtutu comperta facile redditur; nemo propterea dedignari debet iudicium inferioris superioris iudicio reformari, dummodo tamen interea inferioris iudicantis honor servetur, & dignitas non negligatur. At si certa disciplinæ Ecclesiasticæ capita in hisce Conciliis stabiliantur, illa omnino custodienda erunt ab iis, qui Episcopis convenientibus subsunt, quin negotium faceffat ullum di-

versa aliarum Provinciæ, aut Diœceseon consuetudo, quippe, cum disciplinæ Sacræ capita singularibus innitantur argumentis, nihil prohibet eadem ficut pro temporum, ita pro locorum diversitate invicem esse contraria. Illud præterea hac in re generatim animadvertendum est, non mediocrem honorem deferendum esse inter cetera Conciliis celebratis in ea Provincia, quam aut Apostoli ipsi, aut Viri Apostolici doctrinis suis præsentibus imbuerunt, quoniam facilius præsumitur in illis nil nisi apostolicis doctrinis consonum definitum fuisse, præsertim vero si de Conciliis agamus non procul ab Apostolica ætate remotis; cautius vero fidendum esse Conciliis celebratis in ea Provincia; quæ variis erroribus diu turbata, aut discissa hæresibus traditiones apostolicas minus commode servare potuit integras, aut ad posterum non satis tuto traducere.

Demum vix opus est monere, nullam inesse vim illis Episcoporum Conventibus, quos Catholica aut damnavit, aut non probavit Ecclesia, sive ex errore, sive ex Episcoporum quorundam intercedentium improbitate quidpiam definierint. Non opus est pluribus. Quicumque alia in hoc argumento desiderat, adeat Interpretes nostros & numero bene multos, & doctrina præstantes. Mihi satis fuit pauca hæc attigisse, ut fragmentis Gratianis, quæ ex Conciliis deprompta sunt, generale quodpiam iudicium præpararetur.

Unum adhuc me moratur in præsens: Facile enim mirari unusquisque potest, quod in toto Gratiani Codice minus frequenter descripti fuerint Conciliorum generalium Canones, locusque potius factus fuerit aliis Patrum sententiis, extra generalia Ecclesiæ comitia pronuntiatis. Suspicio ego multum in primis potuisse apud Gratianum collectorum non longe ab ejus ætate diffitorum exempla, Reginonis, Burchardi, Ivonis, ut sileam Isidorum cognomento Mercatorem, qui omnes de statutis Conciliorum generalium referendis in Codicem parum solliciti esse visi fuerant: Quæ quidem exempla, qualiacumque eadem fuisse proponantur, movere potuerunt etiam collectores illos, qui post Gratianum opus novos sacræ jurisprudentiæ libros Pontificum Maximorum auctoritate, aut suffragio ediderunt. Præterea cum ad Gratiani ætatem inventæ fuissent Pandectæ Romani civilis Juris, quæ Florentinæ ho-

hodie prædicantur, cœperintque tum maximo in honore esse, atque Interpretum studiis apprimè coli in terris illis, in quibus vivebat Gratianus; cumquo in eisdem Pandectis non leges ipsæ, quales a Romano Populo olim sancitæ fuerant, at potius veterum Jurisconsultorum interpretationes referrentur, hinc Gratianus idem descripturus novum Canonum Codicem, Ecclesiasticæ doctrinæ cultoribus rem pergratam facere se arbitratu est, si potissimum Patrum Sanctorum sententias, quasi sacrorum Jurisconsultorum palam faceret. Nec sine ratione: Etenim quemadmodum Romanæ vetustæ leges in solemnibus totius populi comitiis latæ omnibus erant adeo perspicuæ, ut singulorum memoria facile servarentur, proptereaquo Tribonianus consultissimum esse existimaverit, si omnis vulgatis legibus sese ad unam earundem commentaria conferret, ita Gratianus quum forte sciret statuta Conciliorum generalium utpote & numero pauciora, & celebriora fama commode alias nosci posse, præcipuam impendit operam in interpretationibus Ecclesiasticorum Patrum, illorum maxime, quos forte in diversas ivisse sententias suspicabatur. Non est extra rem hujusmodi observatio, sive adductum civilis jurisprudentiæ librorum exemplum, adinstar enim illorum videntur hodie sacrorum Canonum

Codices, quibus utimur, fuisse confecti. Si enim, ut quisque novit, comparare possemus Decretalium libros cum Codice Justiniano, quatenus sicut iste ex Imperatorum, ita illi ex Romanorum Pontificum rescriptis compositi sunt, cur etiam Gratianum opus ex fragmentis Sanctorum Patrum ut plurimum constans conferre non potero cum libris digestorum, in quibus dicta Jurisprudentum veterum singula ordinate locata adservantur? His omnibus accedit in Conciliis generalibus præcipuum locum esse datum definitionibus Fidei, quæ generalis est, parum autem fuisse concessum disciplinæ, quæ potius ex varietate locorum, atque causarum adjunctis pendere videbatur. Et jam Gratiani ætate illud obtinuerat, ut in Canonum Codices referrentur ea tantummodo, quæ ad disciplinam, non quæ ad fidem stabiliendam pertinerent, vel quod aut nulli, aut obscuri admodum nominis hæretici tunc existerent, vel quod tunc jam invaluisse usus, quo factum est Sacrorum Canonum studia a studiis dogmatum, sive, ut ajunt, Canonicam scientiam a Theologia sejungi.

Jam vero propositum opus adgredior, & singillatim ad Canones Gratiani devenio, quos ipse ex Conciliis quibuscumque depromptit, ordine temporis, quoad fieri poterit, omnino servato.

C A P U T P R I M U M.

De Canonibus, qui Apostolis tribuuntur.

Canones vulgo Apostolici, qui apud Gratianum referuntur, sic
subjecti exhibentur.

Apocryphi omnes;
sed antiquitate
venerabiles.

- Can. 14. d. 28. *ad meliorum Codicum fidem exigendus.*
- C. 1. d. 33. *varius in diversis exemplaribus.*
- C. 15. d. 34. *ad meliorum Codicum fidem exigendus.*
- C. 1. dist. 35. *varius in diversis exemplaribus.*
- C. 7. dist. 45. *varius in diversis exemplaribus.*
- C. 1. d. 47. *varius in diversis exemplaribus.*
- C. 4. d. 55. *varius in diversis exemplaribus.*
- C. 8. d. 55. *consonat cum exemplaribus optimis.*
- C. 12. d. 81. *ex melioribus exemplaribus emendandus.*
- C. 13. d. 84. *ex melioribus exemplaribus emendandus.*
- C. 3. d. 88. *varius in diversis exemplaribus.*
- C. 21. c. 12. q. 1. *varius in diversis exemplaribus.*
- C. 22. c. 12. q. 1. *Simul jungendi, ut cum optimis*
- C. 24. c. 12. q. 1. *exemplaribus consonent.*
- C. 14. c. 16. q. 7. *varius in diversis exemplaribus.*
- C. 62. de conf. d. 1. *varius in exemplaribus quum verbis
tum sententia.*
- C. 79. de conf. d. 4. *varius in diversis exemplaribus.*

Mirum est, quæ contentione jamdiu-
certaverint eruditi omnes in per-
pendenda istorum Canonum auctorita-
te. Alii nimium creduli, necnon in ar-
te critica minus periti tantum illis ho-
norem detulerunt, ut omnes atque in-
tegrus velut genuinum Apostolorum o-
pus agnoverint, per ipsos quidem Apo-
stolos conditos, & per Clementem Ro-
manum Pontificem evulgatos. Alii con-
tra valde morosi, ac difficiles, ex quo
ab Apostolis Canones eosdem abjudi-
cant, quamlibet illis denegandam vim,
potestatemque arbitrati sunt. Alii me-
diam viam ineuntes, Apostolis quidem
falso tributos esse dixerunt, nihilo ta-
men minus veteris, & quidem optimæ
disciplinæ monumenta continere, pro-
indeque recipiendos, si non tanquam a-
postolicas, saltem tanquam ecclesiasti-
cas, ac venerandas regulas, quæ a vi-
ris sanctissimis, eruditissimis, antiquis-
simis editæ fuerint. Alii demum mediam
aliam viam sequuti canones a Canoni-
bus seceverunt, quorum plures Apo-
stolici vere appellarunt, ceteros reje-
cerunt, sed inter istos nova rursus con-
tentio, quum aliis plures, aliis paucio-
res numero Canones probentur. In tan-
ta dissensione animorum frustra quis-

piam intercedere, certamque senten-
tiam quasi e tripode pronunciarer, quæ
controversia omnis ex parte finem acci-
peret. Agimus de fragmentis vetustissi-
mis, quorum causæ, & adjuncta ipsos
etiam prudentissimos facile latere pos-
sunt. Proindeque tutius erit in primis
ab incertis certa sejungere, ac dictorum
Canonum originem, non quæ primum
editi, (hæc enim obscurior esset, quam
vulgo credatur), sed quæ primum vul-
gati sunt, inquirere solerter, ut dein-
ceps quid de eorundem vi, atque au-
thoritate sentiendum sit, facilius infe-
ratur.

Itaque ante quintum Ecclesiæ secu-
lum ignoti fuerunt Canones auctorita-
te, & nomine Apostolici, nemo enim
ex vetustis Scriptoribus eorum meminit,
& quamquam Eminentissimus Bellarmi-
nus Tertullianum in libro adversus Pra-
xeam, & Athanasium in Sinopsi quasi
testes protulerit, ejus tamen venia di-
cam, nihil ad rem hanc accommodum a-
pud illos reperiri. Sane si eos Canones
manifestos vetus fama fecisset, cur in
vetustissimis Codicibus Dionysiano Co-
dice antiquioribus custoditos non habe-
remus? Primum prodire apud Græcos
in publicam lucem anno circiter 300.

per

per eam scilicet Canonum Collectionem, quæ a Theodoro Cyrensi Episcopo edita fertur, ibi enim Canones 85. Apostolorum nomine relati cernuntur, qui statim ac paruerunt, maximam sibi reverentiam, honoremque in Orientali Ecclesia conciliarunt ita, ut Justinianus eos omnes publica Constitutione confirmare, aut ratos habere minime dubitaverit, in Nov. 6. ita scribens Epiphmio Episcopo Constantinopolitano: *Bene autem universa geruntur, & congruentior, si rei principium fiat decens, & amabile Deo: Hoc autem futurum esse credimus, si sacramentum regularum observatio custodiatur, quam iuste, & laudandi, & adorandi Insuperiores, & Ministri Dei tradiderunt Apostoli, & Sancti Patres custodierunt, & explanarunt.* Anno 692. rem hanc vehementius urgere cœperunt Græci in Trullana Synodo, in qua Canone 3. ita sanxerunt: *Hoc quoque sancta Synodo pulcherrime, & honestissime placuit, ut ab hoc nunc tempore deinceps ad animarum medelam, & perturbationum curationem firmi stabileque maneant, qui a sanctis Patribus, qui nos præcesserunt, suscepti ac confirmati sunt, atque adeo nobis etiam traditi sunt Sanctorum, & Gloriosorum Apostolorum nomine 85. Canones...* & nulli licere prius duoscentos Canones adulterare, vel non admittere, vel alios præter hic propositos recipere Canones a quibusdam falsa adjecta inscriptione compositos, qui veritatem cautionari conati sunt. Partem hujus Canonis retulit Gratianus in Can. 7. dist. 16. Absoluta Trullana Synodo, receptique apud Orientales ejusdem Synodi Canonibus incredibile est dictu, quantum in illis Provinciis Canonibus hisce Apostolicis deinceps auctoritatis accesserit. Res eo devenit usque, ut illi ne a sacris quidem litteris, quas ipsi Apostoli conscripserant, secernerentur. Hinc Johannes Damascenus, qui sæculo 8. floruit, disciplinæ sui temporis, suæque gentis, ut par erat, morem gerens in lib. 4. de Fide Orthodoxa c. 17. inquebat: *Jam vero novi Testamenti libri isti sunt: quatuor Evangelia Canones denique Sanctorum Apostolorum per Clementem concinnati.*

Hæc, quæ apud Græcos communis erat, institutio, apud Latinos variis vicissitudinibus fuit obnoxia, modo pro temporum, modo pro ingeniorum diversitate, conviventibus aliis, aliis probantibus, aliis demum libere & sincere damnantibus.

Primus, qui a Græcis Canones Apostolicos derivavit ad Latinos, fuit Dionysius Exiguus initio 6. sæculi, qui cum Græcos Codices præ latinis adamaret, proinde ex Græcorum Codicum fide emendatos Canones evulgavit & Latinitate donatos, ex Libris Orientalium Canones Apostolicos in sua Collectione descripsit, sed tantummodo quinquaginta, reliquos trigintaquinque, quos forte Apocryphos verosimilius judicabat, omittens. Immo vero & quinquaginta a se relatos non ita proposuit, ut tanquam genuina Apostolorum opera recipi posset, sed potius, ut quæ jam apud Græcos in publicam lucem prodita fuerant, eadem apud Latinos non ignorarentur supine, quæcumque deinceps futura fuisset de ipsis Latinorum sententia. In principio itaque, sunt verba Dionysii ejusdem in Præfatione ad Stephanum Salonitanum Episcopum, *Canones, qui dicuntur Apostolorum, de Græco translulimus, quibus quia plurimi consensum non præbuerunt facilem, hoc ipsum ignorare vestram volumus sanctitatem, quamvis postea quadam constituta Pontificum ex ipsis Canonibus assumpta esse videntur.* Post Collectionem Dionysii quamplures ex Latinis cœperunt Canones illos laudare, recipere, ipsis etiam Canonicis Ecclesiarum Codicibus adscribere. Cujus rei testimonio sunt verba Gregorii Turonensis in lib. 5. historiarum Francorum ad annum 577. num. 19. ita dicentis de Chilperico Rege: *ipse vero ad metatum discessit, transmittens librum Canonum, in quo erat quaternio novus adnexus, habens Canones quasi Apostolicos continentes hæc: Episcopus in homicidio, adulterio, & perjurio deprehensus a Sacerdotio divellatur (is esse videtur Canon 24. ex Apostolicis juxta hodiernas editiones); ex quibus adparet Regem Chilpericum Codicem Canonum statim post tempora Dionysii Exigui habuisse, cui novis paginis adjectis Canones Apostolorum accesserant.* Initio sæculi octavi Ildorus cognomento Mercator novam suam Collectionem a Canonibus eisdem Apostolicis exordiri se debere arbitratus est; ut enim scitum ejus officium erat, & sedulitas simulata, omittere noluit illa capita, quæ forte ex rebus fictis commentitiisque constarent. Verum & ipse Dionysii exemplo non nisi quinquaginta Canones retulit, in eo tantum ultra Dionysium progressus, quod longe majorem, imo

& maximam memoratis Canonibus, & prorsus Apostolicam tribuit auctoritatem. Hinc in Præfatione suæ Collectionis hæc habet: *Propter eorum auctoritatem veteris Concilii præposuimus Canones, qui dicuntur Apostolorum, licet a quibusdam apocryphi dicantur, quoniam plures eos recipiunt, & Sancti Patres (non de aliis sane loqui poterat Isidorus nisi de Trullanis) eorum sententias Synodali auctoritate roborauerunt.* Porro quicumque non ignorat, quantum potuerit apud posteriores ætate Mercatoris collectio, facile intelligere poterit, quæ vis eorundem Canonum extiterit apud reliquos Collectores, Burcardum Vormaciensem, Ivonem Carnotensem, præsertim vero Gratianum. Interea vero aliqui non desuerunt, qui in contrariam opinionem euntes fidem omnem modo omnibus, modo aliquibus eisdem Canonibus denegarunt. Fuit inter hos auctor, quicumque ille sit, Canonis 1. dist. 16. fuit Umbertus Sylvæ Candidæ Episcopus, qui cum redargueretur a Niceta Pectorato, quod Sabato jejunalet juxta veterum Romanorum consuetudinem in Can. 65. Apostolorum improbatam, ita eidem Nicetæ respondit: *Et hoc asserere conari ex apocryphis libris, & Canonibus pari sententia Sanctorum Patrum repudiatis: nam Clementis liber, idest itinerarium Petri Apostoli, & Canones Apostolorum numerantur inter apocrypha, exceptis Capitulis quinquaginta; quæ decreverunt regulis Orthodoxis adjungenda.* Fuit auctor Canonis 3. dist. 15. apud Gratianum, qui Gelasio Papæ tribuitur, ibi: *Liber Canonum Apostolorum apocryphus.*

In hac Latinorum discrepantia laudanda est illorum industria, qui Canones hosce in Collectionibus custodire quidem solent ita, ut ne depereant, qui tamen exinde ullam eisdem vindicent auctoritatem; sine fraude propterea Typographis licuit, imo etiam honestissimo officio, illos post Gratianeum opus integros congerere, quemadmodum consuevere etiam post sacra divinorum eloquiorum volumina tertium, & quartum Efdræ incertæ omnino fidei libros adscribere. Itaque vulgata editio exhibet Canones numero 85. quanquam apud aliquos 84. tantummodo recensentur, levissimo tamen discrimine; nam quæ editiones tantum 84. numerant, simul jungunt duos, qui apud Dionysium Exiguum sunt ordine quartus, &

quintus. Quartus enim Canon his verbis apud Dionysium legitur: *Offerri non licet aliquid ad Altare præter novas spicas, & uvas, & oleum ad luminaria, & thymiamata, idest incensum tempore, quo sancta celebratur oblatio.* Deinde sequitur quintus ita: *Reliqua poma omnia ad domum primitiæ Episcopo, & Presbyteris dirigantur, nec offerantur in Altari; certum est autem, quod Episcopis, & Presbyteris dividant, & Diaconis, & reliquis Clericis.* Quicumque ergo numerant 85. Canones exemplo Dionysii, nuper descriptos Canones dividunt, qui numerant 84. eosdem penitus jungunt, quorum propterea lectio servata, illud animadvertendum necessario erit, eos, qui apud veteres quinquaginta Apostolorum Canones recepisse feruntur, non nisi novem supra quadraginta admisisse; siquidem inspecta editione, quæ tantum 84. Canones exhibet, Canon numero quadragesimus nonus postremus est ex iis, quos & Dionysius Exiguus, & Isidorus Mercator in suos Codices retulerunt.

Re universa ita per narrationem non exornata quidem, sed candidæ sincereque, ac pro viribus dilucide explicata, proclivius erit prudens omnino iudicium ferre. Neque enim, ubi nulla certa Ecclesiarum traditio adparet, ingenuum hominem, aut credulorum quorundam opiniones, aut aliquot Collectorum opera, quæ publica auctoritate non gaudent, aut Trullani Concilii sanctio, quam universa Ecclesia non recepit, aut Damasceni Cathalogus; qui Græcus Græcam disciplinam sequi debuit, adeo urgent, ut Canones, qui vulgo Apostolici prædicantur, veluti vere Apostolicos habeat, ac veneretur; præsertim vero quum multa sint argumenta, quibus eos Apostolicos non fuisse, luculentissime demonstratur. Nihil sanæ dicam speciatim de triginta quinque posterioribus, quos non solum Dionysius, Exiguus, verum & ipse Isidorus Mercator ad commentitia referenda proclivis, sine hæsitacione rejecit. Vulgaris, & trita hodie eruditorum sententia est, omnes generatim Canones, qui Apostolorum nomine circumferuntur, nec ab Apostolis esse conditos, neque a Clemente Romano Apostolorum discipulo promulgatos. Cujus rei argumenta licet apud eos quamplures facile inveniantur, qui optima dilucidaque rerum sacræ antiquitatis commentaria scripserunt, pau-

eis tamen perstringere, eisdemque nonnulla adungere iuvabit, ne proposito meo parum, aut nihil videar satisfecisse. Quid in primis non probat silentium, in quo veterum Scriptorum omnium officia jacnerunt? Quippe nemo ex iis, qui ante quintum Ecclesiæ sæculum scripsere, Apostolicorum Canonum mentionem fecit, imo statim ac quinto sæculo in publicam lucem producti fuerunt, suborta fuit apud gravissimos viros firma suspicio falsitatis, quemadmodum testatur Dionysius exiguus in sua Præfatione, cujus verba paullo ante commemorabam. Sane si illi Canones opus Apostolicum fuissent, quis crederet non fuisse apud veteres præcipua & ratione, & diligentia custoditos, & quidem pluribus editis exemplaribus, ut præ fidelium manibus morum formandorum causa diutissime versarentur? Etenim Christianos veteres in servandis Apostolicis scripturis valde, ut par erat, sollicitos fuisse præsumendum est. Præterea quis existimabit Apostolorum Canones per Clementem Romanum editos in Græcia primum adparuisse, atque illinc ad Romanos fuisse translatos? Quis in mentem inducat non potius apud Romanam, quam apud Orientalem Ecclesiam reperta fuisse scripta Romani Episcopi, & ab Orientalibus Provinciis terræ, quam incolebat, continuatione distantis? Ex his, quæ ad eorundem Canonum editionem, promulgationemve pertinent, non leves capimus conjecturas, quibus arbitremur a Græco quopiam fallendi animo fuisse compactos, atque ut major illis conciliaretur auctoritas, Apostolorum nomine insignitos.

Quod si propius accedamus ad explorandas singulares eorundem Canonum sententias, statim liquebit illas Apostolicis temporibus, ne dum Apostolis ipsis non posse congruere. In primis ne leve quidem ibi vestigium est aut illarum & quidem gravium controversiarum, quæ prisca illa ætate Iudices ipsos Apostolos habuerunt, aut Apostolicæ disciplinæ; de qua in Actibus suis meminit Lucas: ubinam quæso de peragenda poenitentia, & suscipiendo Spiritus Sancti dono, quod Petrus prædicabat Act. cap. 2. vers. 38. ubinam de participatione fractionis panis, de precationibus communi animo, & voluntate, statuta solemnique cæremonia consecratis, de quibus ibidem vers. 42. & 46. ubinam de vita, victuque communi, qui tum in Fidelibus

bus vigeat quammaxime, uti legitur in eisdem Actibus cap. 4. vers. 32. & seq.? Nihil præterea ibidem reperitur de sedata discordia Græcorum, qui suæ gentis viduas despici adversus Judæos conquerebantur, nihil de septem Diaconorum electione, nihil de Ecclesiarum administratione, quo tempore ab impiis vexatoribus miserabiliter perturbarentur, quæ tamen omnia, utpote Apostolicæ ætati congruentia, Apostolicorum materia Canonum esse debuissent. Si quod vero præ cæteris in Canonibus Apostolicis continendum, declarandumque fuisset, illud est, quod legimus in Actibus Apostolorum cap. 11. videlicet quod Petrus Divino afflante Spiritu adversus quosdam Judæos salubri decreto constituit, ut non Judæis tantum, sed etiam Gentibus Divinum Christi Evangelium prædicaretur, atque id potissimum evulgari debuisset a Clemente Petri discipulo, quum istud Romanis Fidelibus utpote ex Gentibus jucundissimum extitisset, uti eruimus ex eorundem Actuum cap. 13. ibi: *Audientes autem gentes gavisa sunt, & glorificabant verbum Domini*: Illud præterea referendum fuisset in Canones, quod in Apostolorum Concilio definitum novimus, de circumcisione omittenda ante baptismum, quæ omnia silentio præterita ibi fuerunt.

Alia e contrario in Apostolorum Canonibus descripta legimus, quæ ipsorum temporibus convenire nullo modo possunt, immo si & singulorum Canonum stylum, & orationis formula perscrutemur, liquebit statim omnia Apostolicæ disciplinæ penitus esse contraria. Ut certa quæpiam, & exempli causa ponantur, in Canone 2. legitur, *Diaconos, & reliquos Clericos* ab Episcopo esse ordinandos. Quinam, amabo, reliquorum Clericorum nomine intelligebantur? Cum apud Eruditos constet Subdiaconatum, ceterosque inferiores Ordines Apostolorum ætate necdum fuisse institutos; præterquamquod *Clericorum* nomen olim non usurpabatur, ut significarentur ii, qui Altari inserviebant, quique potius *Ministri* appellabantur, at *Clericorum* vocabulo universa Fidelium Ecclesia designabatur, *Clerus* enim sonat, ac *Congregatio* vocatorum in sortem Domini, quod universæ Christianæ Reipublicæ optime congruebat; hinc Petrus in epist. 1. cap. 5. Seniores, si-
ve Presbyteros monet, *ut gregem Dei*

pascunt, non dominantes in Cleris, sed forma facti gregis ex animo. In Can. 3. & 4. mentio fit *Altaris*. At quoque id Apostolorum temporibus minime congruit, quibus locus, ubi Eucharistiæ Sacramentum conficiebatur, non *Altare*, sed *Mensa* dicebatur, ex eo forte, ne Christiani rerum sacrarum nomina communia haberent cum Judæis, qui locum Sacrificiorum *Altaris* nomine designabant. Insuper in eodem Can. 3. prohibetur, ne ad altare deferantur legumina, mel, lac, aliaque, excepto oleo, & thure, quasi Christiani prioris sæculi in sacris cæremoniis lucernis, incensivæ thuribus uterentur; quod ne tertio quidem Ecclesiæ sæculo receptum adhuc fuisse observamus: etenim apud Tertullianum superstitio habebatur thura venalia habere Christianis in lib. de Idololatria c. 11. quod illa utpote a Gentibus in idolothytis adhibita, profana prorsus judicarentur, indignaque, quæ vero Deo offerrentur. Perspicuum hujus rei argumentum eruere possumus ex Arnobio qui libro 6. scripsit, consuevisse Ethnicos *crimen Christianis maximum impietatis affigere, quod non thura, neque fruges falsas inferrent*; propterea idem Arnobius in lib. 8. ita Ethnicos ipsos thura Deo offerentes insequabatur: *Ac primum illud a vobis ipso ipso quarimus, percunctamurque de thure, unde & quo tempore nosse illud, aut scire potueritis, ut merito existimetis aut esse Diis dandum, aut eorum acceptissimum voluntati?* Quod spectat ad usum lucernarum, aut luminum, habemus testimonium Lactantii quarti sæculi initio ita scribentis: *Num igitur mentis sua compos putandus, & qui Auctori, & Datori luminis candelarum, ac cerarum lumen offert pro munere?* Canon 6. ex Apostolicis idem est cum eo, quem Africani Patres statuerunt, Cypriano teste, qui conquestus de Clerico, qui testamento tutor designatus fuerat, ita inquit: *Cum jam pridem in Concilio Episcoporum statutum sit, ne quis de Clericis, & Dei Ministris tutorem, & curatorem testamento suo constituat, quando singuli Divino Sacerdotio honorati, & in clerico ministerio constituti nonnisi Altaribus, & Sacrificiis deservire, & precibus, & orationibus vacare debent.* Quid vero clarius exhiberi potest ad minuendam hisce Canonibus fidem, quam adducere in medium sententiam Canonis 7. quo statuitur, ne Pascha mo-

re Judæorum ante vernum æquinoctium celebretur? Plane si Apostolorum temporibus hæc jam constituta fuissent, quomodo exortæ sunt paullo postea tot acres Quartodecimanorum, Audianorum, atque Asiaticorum omnium controversiæ? Aut saltem quomodo exortæ non statim pacari vel uno hujusmodi proposito Canone potuerunt, quin opus esset Conciliis, Romano, Palestino, Pontico, aliisque numero plurimis? Cur Policarpus, qui Apostolicos mores & scivit, & recepit aliud, quam in eo Canone sancitum esset, in Paschatis celebratione servavit? Pergamus ad Canonem 21. in quo definitum est eos ad sacros Ordines promoveri non posse, qui sibi virilia amputaverint: In conspectu hujus Apostolici decreti, qua fronte Alexander Hierosolymitanus, & Theodistus Cæsarensis fecissent Origeni facultatem Sacræ Scripturæ coram Episcopis interpretandæ, &, quod majus est, ipsum ad sublimem Presbyterii dignitatem sine discrimine promovissent? Jurè propterea suspicantur quamplures, memoratum Canonem 21. illum eundem esse, qui primo loco editus est in Nicæno Concilio generali anno 325. quem admodum etiam censent Canonem 14. inter Apostolicos eundem esse cum Canone 3. Antiocheni Concilii, & Canonem 46. eundem cum Decreto Concilii Iconiensis, de quo ita scribit Firmilianus in epistola ad Cyprianum: *Plurimi simul convenientes in Iconio.... confirmavimus repudiandum esse omne omnino baptisma, quod sit extra Ecclesiam constitutum.* Quod sane decretum si jam ab Apostolis editum fuisset, quantum gestire potuisset, ducibus Cypriano, & Firmiliano, Ecclesia Africana, quæ adversus Romanorum sententias baptizatos ab impiis, atque infidelibus ministris novo baptismo abluebat? Omitto nunc Canonem 25. ubi fit mentio *Lectorum*, atque *Cantorum*, quorum nomina inter officia ecclesiastica nec tum audita fuerunt. Nemo non videt in Canone 23. verba illa, *quemadmodum Simon magus a me Petro*, fuisse posteriore manu de industria ad decipiendum apposita. Canon 29. Constitutionem exhibet præposteram, quæ Apostolorum ætati accommodari nullo modo potest, ibi: *Si quis Episcopus secularium Magistratum familiaritate usus per ipsos Ecclesiam nactus fuerit, deponitor &c.* Quæ tum decreti hujus esse occasio poterat? præsertim cum

cum Episcopale officium contemptum, ac sordidum haberetur apud illos, qui humanis potius affectionibus ducebantur, ac Magistratum cura ea potius esset, ut Episcopatus everterentur, nedum ut novi Ecclesiarum Antistites inaugurarentur. In Canone 36. præcipitur, ut bis in anno Episcoporum Concilia celebrarentur. Verum si cum his librum Apostolicorum Actuum conferamus, agnoscemus nullum huiusmodi tempus in Conventibus sacris fuisse servatum, sed illos fuisse habitos, prout erat idonea vel habendi, vel non habendi oportunitas, ratione præsertim habita vexantium Ethnicorum, quorum impietas certa Conciliorum tempora præstitui non ferebat. Canon 48. editus videtur post subortam Eunomianorum hæresim, qui, ut referunt Theodoretus lib. 4. hæres. cap. 3. Socrates lib. 6. histor. cap. 13. & Sozomenus lib. 6. c. 26. non in Trinitatem, sed in mortem Domini baptizabant. Præterea facile est arbitrari Canonem 50. occasionem dedisse recentiorum hæresim Manichæorum, aut similis sectæ hominum, qui vinum, & nuptias malo, ut agebant, Deo acceptum referebant, eaque de causa detestabantur. Sic etiam Canon 17. quo præcipitur eos, qui semel lapsi sunt, ad poenitentiam recipiendos iterum esse, occasionem dedit Luciferianum Schisma nonnisi posteriore tempore concitatum. In Canone 62. Auctor videtur doctrinam Apostolicam voluisse quodammodo imitari, verum, ut reor, ne mentem quidem Apostolorum attigit, dum hisce verbis Apostolicam regulam descripsit: *Si quis Episcopus, aut Presbyter, aut Diaconus, aut omnino quicumque ex sacerdotali consortio comederit carnes in sanguine animæ ejus, aut a bestiis abruptum, aut suffocatum, depomitor; hoc enim lex prohibuit. Sin vero laicus fuerit, a communione excluditur, ineptus in primis est dum, inquit: Hoc enim lex prohibuit; siquidem cum nomen legis Apostolorum tempore legem Moysis designaret, innueret esse Christianis abstinendum ab iis omnibus, a quibus abstinendum lege Moysis præciperetur, quod sane nemini probatur, quum liqueat omnibus cæremonialia, ut vocant, atque judicialia veteris legis præcepta post Evangelii promulgationem fuisse antiquata. Deinde aliud omnino præferunt Apostolorum verba, qualia in Actibus Apostolorum legimus c. 15. ibi: *Surrexerunt autem quidam de heresi Pha-**

Tom. I.

risæorum, qui crediderunt dicentes: Quia oportet circumcidi eos, præcipere quoque servare legem Moysi, conveneruntque Apostoli, & Seniores videre de verbo hoc; cum autem magna congregatio fuisset, surgens Petrus dixit Ego judico non inquietari eos, qui ex Gentibus convertuntur ad Deum, sed scribere ad eos, ut abstineant se a contaminationibus simulacrorum, & fornicatione, & suffocatis, & sanguine, quod eisdem ferme verbis repetitur in cap. 21. vers. 15. Video hæc multum inter se ac longe distare, ne dixerim esse contraria. In Canone, qui Apostolicus dicitur, non modo nihil ex veteris legis vinculo relaxatur, sed arctius poenis adjectis adstringuntur Fideles; at in Concilio vere Apostolico eos, qui ex Gentibus sunt, non amplius inquietari jubetur. At revera, si circumcisione opus ipis non erat, cur opus fuisset abstinencia a sanguine, & suffocato, cum utrumque in eisdem Judæorum legibus æque contineretur? Porro quod ab Apostolis Gentibus ad Fidem recens conversis commendatum adparet, illud est, ut abstinere a contaminationibus simulacrorum, id est ut sese a cultu idolorum averterent, quod, ut iidem Apostoli explicarent, addiderunt, & fornicatione, & suffocatis, & sanguine, videlicet in sacris literis fornicationis nomine illa frequenter intelligitur, qua Dei cultus idolorum cultui postpositus, juxta illud Psalmistæ, qui fornicantur abs te; item mandarunt, ut abstinerent a sanguine, & suffocatis, scilicet ne degustarent profana idolothyta, id est animalia idolis vel suffocando, vel sanguine aspergendo a superstitioso ritu, inanibusque auspiciis consecrata. Quæ interpretatio Germanam exhibet Apostolorum doctrinam, jam abunde liquet, quantum a sententiis Apostolicis aberraverit, qui memoratum Canonem commento suo composuit. Canon 65. prorsus abhorret a vetustissimis moribus Romanorum, qui sabbato jejungere consueverant, ut testis est Innocentius I. in epist. ad Decentium Eugubinum. Qui fieri potest Romanam Ecclesiam a vetusto etiam tempore ab iis recessisse doctrinis, quas Clemens ejusdem Ecclesiæ Antistes, veluti ab Apostolis sibi commissas ediderat, si memorati Canonis sententia in regulis Apostolicis contineretur? In Canone 71. mentio fit olei, & ceræ in Ecclesiam illatæ, quod antiquissimæ disciplinæ absonum esse superius ex Lactantio demon-

B

stravi.

stravi. Demum in Canone ultimo sacri libri describuntur, omissis tamen ex veteri Testamento libris Judith, Tobiae, & Ecclesiastici, necnon ex novo Testamento Apocalypsi Johannis, quorum vice divinis voluminibus accensentur tres libri Machabæorum, Clementis epistolæ duæ, necnon ejusdem Constitutiones, quas tanquam apocryphas rejiciendas Ejuditi omnes pluribus argumentis evincunt; quamobrem non desunt, qui exinde putent Auctorem istorum Canonum eundem esse, qui Constitutiones Clementis ediderit, quibus, ut auctoritatem conciliaris, edito Canone, ipsoque Apostolis tributo, eadem sacris literis adnectuit.

Inquirunt Bruditi, quomodo nam fieri potuerit hocce omnes Canones adeo ab Apostolicis moribus dissonos ipsis Apostolis ascribi, qua icidem ratione Clementis Romani Apostolorum discipuli nomine insigniti fuerint? Sunt qui id totum vertunt vitio illius, qui commento suo eosdem edidit, quasi de industria Apostolicos dixerit, & a Clemente promulgatos, ut majorem apud credulos quoscumque vim, ac potestatem obtinerent. Alii e contrario non alicujus caliditati, sed potius imperitiæ edentis tribuerunt. Ut enim jam superius observavimus, quamplures ex illis Canonibus confecti sunt ex variis priorum quinque sæculorum Conciliis, atque in unum veluti Codicem redacti, titulo forte adjecto *Canonum Apostolicorum*, id est conditorum ab iis, qui cum Ecclesiastica auctoritate, & doctrina sacrarum rerum apud Veteres plurimum pollerent, Apostolici sunt nuncupati. Atque exinde evenire fortasse potuit, ut imperitus quispiam, aut imprudens ex errore eosdem Canones Apostolis ipsis asseruerit. Refero hic verba Albaspinæi Aurelianus Episcopi lib. 1. observat. 23. ita scribentis: *Quod attinet ad Canones, existimo eos ita appellatos esse ab antiquitate, nam cum eorum aliquot ab Apostolorum Successoribus, qui, testis Tertulliano de præscriptionibus, Apostolici Viri nominabantur, facti essent, Apostolicorum primum Canones, deinde nonnullorum Latinorum ignorantia (melius dixisset Græcorum, a quibus eosdem Canones Latini acceperunt) aliquot literarum detractatione Apostolorum dicti sunt. Et apud Græcos quoque res ita processisse videtur.... Hac autem conjectura eo probabilior redditur, quo certius est Græcos solos fuisse*

*se uno, eodemque quasi titulo, & volumine completti cum antiquos Canones, tum recentes nulla Concilii, temporis, Auctorumque mentione facta, quique præcedentibus addebantur, tacito ordine, numeroque, quem in Conciliis, unde decerpantur, habebant, ab iis ordinem, numerumque accipiebant, quibus in illa collectione adscribebantur. Quare si jam tantum Canones propositi fuissent, qui de novo addebantur, confestim primus, quæ ratio par fuisset in ceteris, censetur: Cuius vero Clementis Romani nomen præfixum Canonibus habeatur, hæc erroris causa esse potuit. Videlicet istorum Canonum pars collecta fuerat per Clementem Alexandrinum; quam autem forte Amænuensis Librarius Clementis nomen tantummodo legisset, Clementem Romanum Clementi Alexandrino supposuit imprudens, & Clementem Romanum, tanquam Apostolorum discipulum agnoscens, & in suum, & in aliorum animum facile induxit, Canones illos ab Apostolis acceptos primum fuisse, & a Clemente Romano in publicam lucem prolatos. Quam gravissimam suspicionem illud maxime juvat, quod Veteres testentur quandam collectionem Canonum per Clementem Alexandrinum fuisse adornatam. Testatur inter ceteros Hieronymus in lib. de Ecclesiasticis Scripturis c. 38. Eusebius lib. 6. histor. Eccles. cap. 11. (alii 23.), & Photius in sua Bibliotheca, ubi relatis tribus Clementis Alexandrini libris Hypothesium, Stromatum, & Pedagogi subdit: *Ferunt autem ab illo alia non pauca conscripta, & vero etiam alii composuisse testantur de paschate, de jejuniis, de observantia, de Canonibus Ecclesiasticis &c.* Res hujusmodi valde incerta est, & obscura, proindeque sicut stultissimum esset eam data sententia absolvere, ita utile erit quam maxime, & laudabile, si, quamquam sine assensione, similitudinem veri consequamur. Quæ omnia si rectæ rationi consonant, jure optimo concludendum arbitror Canones hosce, licet Apostolici minime sint, antiquissimam tamen habere originem, & maxima ex parte apud Græcos fuisse probatos; proindeque, quæcumque demum sit eorundem auctoritas, plurimum tamen valere, ut veteris disciplinæ monumenta minime contemnenda in ipsis agnoscamus. Cujus rei manifestum exemplum adparet in Can. 3. in quo statuitur nihil ad Altare adferendum esse, nisi novum frumentum,*

¶ *uvam opportuno tempore*, nihil prætere a Altari admovendum, nisi *oleum in candelabrum*, & *incensum tempore oblationis*; quæ denotant olim nihil ad Altare afferri potuisse, nisi quod faciendo, aut præparando Sacrificio necessarium videretur. Adferebatur frumentum, & uva, utpote ex quibus Sacramenta Panis, & Vini conficiebantur. Adferebatur cum oleo incensum, utpote quod oblationem solemniorẽ facerent, statisque cætemoniis celebratiõem. Huc pertinet verus ille ritus, quo in Missa agenda benedictio fiebat novi frumenti, novæque uvæ, quæ deinde simul cum Eucharistia populo distribuabantur; cujus rei argumentum habemus luculentissimum in Sacramentario Gregorii, in quo sub festum S. Xisti extat benedictio uvæ his verbis declarata: *Benedic, Domine, & hos fructus novos uvæ, quos tu, Domine, viret celi, & inundantia pluviarum, & temporum solemnitate, atque tranquillitate ad maturitatem perducere dignatus es, & dedisti eos ad usus nostros cum gratiarum actione percipere in nomine Domini nostri Jesu Christi: per quem hæc omnia, Domine, semper bona areas, vivificas, benedixisti, & præstas nobis*. Atque hinc facile eruimus, quomodo interpretari debeamus postrema hæc verba, quoties eadem perpendamus, prout hodie jacent in Missali Romano; atque a nobis Sacerdotibus quotidie in Missa post Orationem Dominicam proferuntur. Qui plura desiderat, consulat Cardinalem Bona lib. 2. rer. liturgic. cap. 14. & Concilium Trullanum in Can. 28. Aliud veteris disciplinæ vestigium animadvertimus in Can. 4. quo præcipitur, ut Episcopus res sibi oblatas inferioribus clericis adinstar boni patrisfamilias divisa tribueret. Præterea in Can. 9. summum illud jus exhibetur, quo unusquisque Fidelium usque ad Missæ finem permanere in Ecclesia cogebatur. In Canone 12. & 32. intuemur auream illam Ecclesiarum conjunctionem, qua nemo a sua Ecclesia abesse, aut apud aliam recipi poterat, nisi per formatas Episcopi sui Epistolas commendatus, quod hædiernis moribus adhuc in Clericis viget. Ex Canone 13. intelligimus, quantum solliciti semper fuerint Ecclesiastici legislatores, ne quis Episcopus non urgentibus gravissimis causis pinguiores ampliorum Episcopatum redditus spectaret. Can. 16. exhibet disciplinam Græcorum, quam Hieronymus probavit con-

tra quod generatim Latini sentirent, præsertim Augustinus, & Innocentius Pontifex Maximus, uti adparet ex tota dist. 16. apud Gratianum Can. 33. imaginem præferebat priscæ Metropolitanorum jurisdictionis, quam illi in suffraganeos exercebant, dum suffraganeis nihil agere liceret suo Archiepiscopo inconsulto, additis illis aureis sanæ verbis, *ita enim concordia erit, & Deus glorificabitur per Dominum in Sancto Spiritu*. In Can. 36. utilitati Ecclesiarum per frequentem indictam Synodorum celebrationem consultum adparet, quæ fieret bis in anno, quarta videlicet feria Pentecostes, & die duodecima Hyperborthæi. Nomine autem quartæ feriæ Pentecostes intelligebatur apud veteres hebdomada quarta post Pascha; siquidem apud illos dies inter Pascha, & Pentecostem intercedentes Pentecoste appellabantur. Sic Basilii in lib. de Spiritu Sancto c. 27. *Unus ille, & primus dies septies multiplicatus septem sacra Pentecostes hebdomadas absolvit*. Jungatur Tertullianus de Idololatria c. 14. Hieronymus Dialogo adversus Luciferianos, Ambrosius Serm. 61. Augustinus Epist. ad Januarium cap. 15. atque hoc modo etiam Zonaras Canonem interpretatur, qui forte desumptus est ex Canone 20. Concilii Antiocheni, ubi clarius idem exprimitur. Mensis autem Hyperborthæus idem apud Asiæ populos, & Macedones sonabat, quod apud nos mensis October, quemadmodum Dionysius Exiguus, qui Canones latinitate donavit, interpretatus est. Observatione præterea dignus est Canon 40. quo non aliter Episcopis, & Ministris suppeditanda esse ex bonis Ecclesiæ alimenta decernitur, quam si illi indigeant, nec possint aut ex paternis, aut ex adventitiis bonis, ea quæ ad cultum, & victum necessaria sunt, sibi parare. Ex Canone 59. item monemur, quod alias animadverti, ne antiquis monumentis sine discrimine statim credamus, ne forte pro veris recipiantur, aut pro integris, quæ ingenia quorundam hominum ad fallendum parata aut de industria induxerunt, aut inducta depravarunt. In Can. 68. agnoscimus priscam & quadragesimalis, & quartæ sextæve feriæ jejunii institutionem. In Can. 73. Conciliorum Provincialium auctoritatem, in quibus Provincialium causæ coram Episcopis totius Provinciæ discutiebantur, dirimebanturque sententia. In Can. 83. honorem,

quo Magistratus omnes, & Principes Ecclesia semper prosequuta est. Quid vero Canones singulos recenscam? Illud generatim non opinione solum, sed etiam ad veritatem plane omnibus persuaderi potest, in Canonibus qui vulgo Apostolici appellantur, licet vere Apostolici non sint, inesse grave & auctoritatis pondus, & maximam utilitatis ubertatem; quum enim ut paucis omnia complectar, a quinto Ecclesiae saeculo in medium prodierint, etoque jam tempore a Graeca Ecclesia recepti fuerint, imo etiam ad Latinos honorifice traducti, nimis auderet, quicumque illos pro nihilo, aut pro rebus parvi omnino momenti existimaret; quod si de illis Canonibus agatur, quibus sententia Conciliorum veterum iisdem fere verbis expressa exhibetur, nemo sanus huiusmodi Canones contemnere poterit, nisi & eorundem simul Conciliorum veterum sententias aspernari necessario videatur.

Can. 14. Jam vero ut ad Gratiani fragmenta
dist. 28. accedam aliquando, quæ ex huiusmodi Apostolicis, ut vocant, Canonibus deprompta sunt, exponendus in primis est Canon 14. dist. 28. Is non eisdem omnino verbis refertur, quæ in versione Dionysii Exigui leguntur. Porro Dionysii Exigui versio in Can. 6. hæc habet: *Episcopus, aut Presbyter uxorem propriam nequaquam sub obtentu religionis abiciat, si vero rejecerit, excommunicetur, sed si perseveraverit, deiciatur.* Alii ex Græcis recentioribus exemplaribus ita verterunt: *Episcopus, vel Presbyter, vel Diaconus uxorem suam ne abiciat religionis prætextu, sin autem ejecerit, segregetur, & si perseverat, deponatur.* Ex quibus sane liquet, Gratianum longe a germana Canonis sententia recessisse, dum potius ita scribere voluit: *Si quis docuerit Sacerdotem sub obtentu religionis propriam uxorem contemnere, anathema sit.* Sic emendato Gratiani Codice omittendum non est, quamplures ex recentioribus hæreticos occasionem contentionis adversus Ecclesiam Romanam ex memorato Canone arripuisse; quasi cœlibatus Ecclesiastici leges a Romana Ecclesia posteriore ætate firmatæ, ejusdem Canonis sanctioni adversentur, atque eo vehementius hæreticorum animi concitati sunt, quo aliquot ex Catholicis, qui Theologi audiunt, ita Canonem explicarunt, quasi damnaretur, non qui prætextu religionis ab uxoris concubitu temperaret, sed qui u-

xorem jam legitime ductam a domo, ac familia pelleret, eidemque præterea necessaria vitæ commoda subduceret. Quamobrem non defuere ex illis qui rem universam ad Græcorum Codicum fidem redigentes conati sunt demonstrare, statutum esse in Canone, ne Episcopi, alique inferiores administri religionis prætextu debitum uxori denegarent. Quo vero tandem pertinet huiusmodi conatus? Sane plura in contrarium adfersi possent, sed quid juvat? Illud pro certo Catholicis omnibus est, Sacerdotalem cœlibatum ad disciplinam, & mores ab Ecclesia probatos pertinere, non vero ex divino jure constitutum omnino esse, ita ut aliud pro temporum, aut locorum varietate induci, aut dispensari per Ecclesiam possit. Quomodo itaque jam antiquissima ætate constitutum alicubi scimus, ne Presbyteri conjugii copularentur, ut patet ex Canone I. Concilii Neocæsariensis, eccur non potuit alicubi, aut aliquando definiri Episcopos, atque alios Administros inferiores, a conjugio antea contracto non debere recedere? Alia difficultas oritur ex relato Canone, ibi: *Si vero rejecerit, excommunicetur, sed si perseveraverit, deiciatur.* Quænam erant istiusmodi pœnæ, excommunicari primum, deinde deici? Quomodo distinxit? aut cur gravior excommunicatione dejectio, ut excommunicatio contra delinquentem inferatur, dejectio vero adversus contumacem? Dixerim itaque in Clericis etiam majoribus nihil aliud excommunicationem fuisse, quam pœnam, qua quis ab Ecclesiasticis muneribus exercendis removebatur ad ad tempus, atque ut plurimum infligi solebat, quum Clerici sine formatis literis a Diœcesi, cui adscribebantur, abscedebant, uti patet ex Concilio Milevitano Can. 20. Concilio Hispalensi 2. Can. 3. & Concilio Nicæno Can. 16. At dejectio gravior erat pœna, qua Clerici in Laicorum ordinem detrudebantur, nunquam ad pristinum gradum reversuri: de hac agit in Concilio Ancyrano Can. 18. Antiocheno Can. 3, & Chalcedonensi Can. 2.

Ad meliorem etiam Codicum fidem exigendus est Canon 1. dist. 33. siquidem in Codice Dionysii Exigui, qui antiquissimam ex Latinis exhibet interpretationem, ita legitur Canone 17. *Si quis post baptismum secundis fuerit nuptiis copulatus, aut concubinam habuerit, non potest esse Episcopus, nec Presbyter, aut Dia-*

Dia-

Diaconus, aut prorsus ex numero eorum, qui ministerio sacro deservunt. Alii ita ex Græco verterunt: Qui post sanctum Baptismum duobus conjugis fuerit implentus, vel habuerit concubinam, non potest esse Episcopus, vel Presbyter, vel Diaconus, vel omnino ex numero Sacerdotali. Ex hoc Canone arbitror eam disputationem originem habuisse, de qua adductis adversantiam Patrum testimoniis plura retulit Gratianus in dist. 26. quæ testimonia suis locis fufius expendam.

Can. 15. dist. 34. Canon 15. dist. 34. consonat omnino cum Canone 18. Dionysii Exigui; sed aliis ita e Græco in Latinum vertere placuit. Qui vidnam accepit, vel opellam, vel meretricem, vel servam, vel mimam, seu scanicam non potest esse Episcopus, vel Presbyter, vel Diaconus, vel omnino ex numero Sacerdotali. Quibuscumque vero verbis describitur Canon, eadem semper sententia proferetur, qua morum integritas non solum incorrupta servanda sit ab iis, qui divinis ministeriis addicti sunt, verum etiam ab uxoribus eorundem, quasi virtus in illis familiaris esse debeat, & prope domestica.

Can. 1. dist. 35. In Canone 1. dist. 35. duo junguntur capita ex versione Dionysii Exigui; sic habet ipse in cap. 42. Episcopus, aut Presbyter, aut Diaconus alpa, atque ebrietati deserviens, aut desinat, aut certe damnatur. Dein in cap. 43. Subdiaconus, aut Lector, aut Cantor similia faciens aut desinat, aut communione privetur. Similiter etiam Laici. Alii verba illa, alea atque ebrietati deserviens, ita interpretati sunt, aleis atque ebrietationibus vacans. Cæterum si quis vocare, siue deservire aleis aut ebrietati dicatur, illud semper intelligitur, operam præcipuam dari, ac frequentem, quod maxime in verbo deserviens significat particula de, quæ augere solet significatum, arg. h. s. ff. depositi. Sunt præterea, qui loco illorum verborum, aut certe damnatur, potius legunt ex Græcorum exemplaribus, vel deponatur; quæ interpretatio etiam Commentariis Zonaræ est valde conformis.

Can. 7. dist. 45. Canon 7. dist. 45. apprimè congruit cum interpretatione Dionysii Exigui. Aliorum interpretatio hæc est: Episcopum, aut Presbyterum, aut Diaconum, qui ut fideles delinquentes, vel infideles injuriam inferentes percutit, & terrorem ipsi per hujusmodi vult incutere, deponi precipimus. Nusquam enim dominus hoc nos docuit. Ita vero contra, cum ipse percuti-

retur, non reprecantiabatur, cum laceraretur convitiis, non reddebat convitium, cum pateretur, non comminabatur. Aliis ita scribere placuit: Episcopum, vel Presbyterum, vel Diaconum, qui verberat eos, qui peccant, vel infideles, qui injuriam fecerunt, & per hac vult perterrefacere, deponi jubemus: Dominus enim nos nequaquam hoc docuit. Contra autem ipse verberatus non percussit, maledictis appetitus maledicta non retulit, patiens non minatus est. Quæcumque autem sit verborum in interpretatione varietas, eadem semper Canonis sententia exhibetur.

In Can. 1. dist. 47. ea fere verba a Can. 1. dist. 47. Gratiano descripta sunt, quæ ex interpretatione Dionysii Exigui deprompta videntur; dummodo tamen vice illorum verborum, aut certe deponatur, hæc supponamus: aut certe damnatur. Alii ita integrum Canonem legunt: Episcopum, vel Presbyter, vel Diaconus pecunias mutuo datas cum favore exigens vel cesset, vel deponatur. Similis ferme sanctio legitur in Can. 17. Concilii Nicæni a Gratiano relato in Can. 2. ejusdem distinctionis 47.

Canon 4. dist. 55. continet duos ex Can. 4. Apostolicis Canonibus, quales se junctos dist. 55. habet num. 22. & 23. Dionysius Exiguus eisdem omnino verbis. Alii ita e Græco vesterunt num. 22. Qui se ipsum mutilavit, ne sit Clericus, est sui homicida, & Dei officii hostis, & num. 23. Si quis cum sit Clericus, se ipsum mutilaverit, deponatur, est enim sui homicida. Facile hisce in locis unusquisque agnoscere poterit constitutionem Concilii Nicæni I. in Can. 1. relato apud Gratianum in Can. 7. eadem dist. 55. quo etiam pertinere videtur Canon 8. dist. 55. cujus verba cum Dionysio Exiguo consonant, dist. 55. dummodo pro illis posterioribus verbis, fiat Episcopus, legatur, officietur, Episcopus; neque ab integra lectione, qualis apud Gratianum habetur, discrepant alii Græcæ linguæ Interpretes. Illud hac in re observatione dignum arbitror, huic sanctioni apud veteres occasionem dedisse quorundam imperitiam, qui varia sacræ Scripturæ loca perperam interpretati, præsertim Matthæi c. 19. vers. 12. in corpus suum sævire minime dubitarunt, quos sequutus est Origenes, quem admodum Eusebius, Nicephorus, atque Epiphanius tradiderunt.

Emendatione opus est in Canone 12. Can. 12. dist. 81. qui ex Canone 25. Apostolorum desumptus dicitur: quippe apud Gratianum

num nulla de Episcopo mentio sit, de quo facienda esset, de crimine autem homicidii ne verbum quidem occurrit in melioris notæ exemplaribus, quod tamen memorare voluit Gratianus. Restituatur Canon ex c. 25. Dionisii Exigui hisce verbis: *Episcopus, aut Presbyter, aut Diaconus in fornicatione, aut perjurio, aut furto deprehensus deponitur, non tamen a communione excluditur: dicit enim scriptura: Bis de eodem delicto vindictam non exiges. Eidem conditioni consimiliter & reliqui Clerici subduntur.* Ad hanc disciplinam respexisse videtur Basilii Magni, qui in Epist. 1. Canonica Canone 3. ita scribit: *Diaconus post Diaconatum fornicatus a Diaconatu quidem ejicitur, in Laicorum autem locum extrusus a communione non arcebitur, quoniam antiquus est Canon, ut qui a gradu extiderunt, hoc solo punitionis modo puniantur, primis, ut assero, legem illam sequentis: non vindicabis bis in idipsum; & etiam propter aliam causam, quod, qui sunt in ordine Laico a loco fidelium ejecti, rursus in eum, ex quo ceciderunt, locum recipiuntur: Diaconus vero semel habet, quod sufficiat depositionis judicium. Tanquam ergo ei non reddendo Diaconatu in ea sola punitione steterunt. Hac quidem sunt, quæ ex Constitutionibus habentur.* Posteriora hæc verba ita Zonaras interpretatur: *Sed hac, inquit, in Constitutionibus reperiuntur, hoc est longi temporis consuetudine definita sunt.* Nondum tamen integræ lectio huic Canoni, qui Apostolicus dicitur, reddita est, nisi observem præterea in posterioribus editionibus aliter fuisse descriptum: quippe Egbertus Eboracensis ita Canonem exposuit in cap. 33. exceptionum: *Episcopus, aut Presbyter, aut Diaconus, qui in fornicatione, aut perjurio, aut furto, aut homicidio est, deponatur.* Unde profectum est additamentum de homicidio? Non levis proponi potest conjectura. Circa annum 570. Chilpericus Rex ad Episcopos Galliæ transmissit quendam Canonum Codicem, de quo ita refert Gregorius Turonensis lib. 5. cap. 28. *Ipsa vero ad memoratum discessit, transmittens librum Canonum, in qua erat quaternio unus adnexus, habens Canones quasi Apostolicos continentes hæc: Episcopus in homicidio, adulterio, & perjurio deprehensus a Sacerdotio divellatur.* Hic sane Canon idem ipse cum dicto Canone 25. ex Apostolicis, quanquam de furto hic nulla

mentio fiat, quæ sit in Apostolico; viceversa hic mentio fiat de homicidio, quæ in Apostolico capite desideratur; cujus suppositionis ratio ex eo proficisci poterat, quod tempore Chilperici Prætextatus quidam Rothomagensis Episcopus homicidii reus etiam ex ipsius confessione habebatur, qui tamen adhuc veniam criminis sperabat, contra plurium Episcoporum, imo & Regis ipsius voluntatem, qui eum perpetuo dejectum ab Episcopatu pœnam sceleris luere debere pronunciabant; atque ut voti compotes fierent, Apostolicum Canonem rei suæ accommodarunt, ac loco furti, de quo in Apostolico Canone sermo erat institutus, homicidii crimen substituerunt, ut Prætextatum non tam ex sententia, quam ex ipsis verbis Canonis aperte damnatum assererent. Incidit ergo Egbertus in Canonem Apostolicum non tam apud Dionysium Exiguum, quam apud Gregorium Turonensem, aut alios Codices Gallicanos, & cum apud Dionysium de furto, apud Gallicanos de homicidio conceptum fuisse Canonem agnosceret, neutrum omisit, utrumque scripsit, ne forte unius lectionem præ alia probare voluisse videretur, arbitratus ita se integri Collectoris officia satisfecisse.

Canonem 13. dist. 81. ita retulit Gratianus, quasi superiori jungendus sit, & ex eorundem Apostolicorum Canonum collectione depromptus. Nihil tale tamen in Canonibus Apostolorum legitur. Immo Gratianus alibi, nimirum in Can. 9. dist. 28. refert ex Concilio Neocæsareensi, licet mutatis quibusdam verbis. Quomodo legendus sit Canon, suo loco exhibebo: ubi agam de Concilio Neocæsareensi. Hoc loco observare sufficiat, forte Gratianum, quia in Canone 12. de solis Presbyteris Diaconisque delinquentibus, non de Episcopis sermonem fecerat, supplere voluisse in Canone 13., quod omiserat in precedenti; & revera in Can. 9. dist. 28., ubi idem Canon describitur, Episcoporum non meminit Gratianus, nec enim meminisse poterat, si integrum Neocæsareensem Canonem exhibere debebat; at in hoc Can. 13. dist. 81. non tam voluit Neocæsareensem Canonem delineare, sed etiam Neocæsareensis Canonis sententiam cum Apostolici Canonis præcedentis sententia jungere, ut Canonem ita commento suo affingeret, qui non tam Neocæsareensis Concilii, sed etiam Apostolica auctoritate

Can. 13.
dist. 81.

tate firmaretur, ac proinde ne Concilii quidem Neocæsareensis nomen in eo referendo inscripuit.

Can. 3. Canon 3. dist. 88. consonat omnino
dist. 88. cum Canone 7. Dionysii Exigui; aliis
vero placuit ex Græcis Codicibus ita
interpretari: *Episcopus, vel Presbyter, vel Diaconus* *seculares curas non suscipiat, aliqui deponatur.* Antiquissima sane est hujusmodi Constitutio, quam auctor Canonum hujusmodi Apostolicorum renovare voluit in Canone 81., quam præterea Concilii Chalcedonenfis Patres in Can. 3. firmatam in universa Ecclesia voluerunt. Forte dictorum Canonum Apostolicorum auctor notam habuit sanctionem Africanæ Ecclesiæ, eamque Apostolorum nomine in suum Codicem retulit; quippe Sanctus Cyprianus Ep. 9. lib. 1. ita scribit: *Cum jampridem in Concilio Episcoporum statutum sit, ne quis de Clericis, & Dei Ministris tutorem, & Curatorem testamento suo constituat, quando singuli divino Sacerdotio honorati, & in Clerico ministerio constituti, non nisi Altari, & Sacrificiis deservire, & precibus & orationibus vacare debeant. Scriptum est enim: nemo militans Deo obligat se molestiis secularibus, ut possit placare ei, cui se probavit. Quod cum de omnibus dictum sit, quanto magis molestiis & laqueis secularibus obligari non debent, qui divinis rebus, & spiritualibus occupati ab Ecclesia recedere, & ad terrenos, & seculares usus vacare non possunt?*

In describendo Can. 21. cau. 12. q. 1.
Can. 21. Gratianus sequutus non est Dionysianum
can. 12. Codicem, juxta quem Canon 40. respon-
det Canonibus 38. & 39. aut Canonibus
39. & 40. aliarum versionum. Dionysius Exiguus ita scripsit Can. 40. *Presbyteri, & Diaconi præter Episcopum nihil agere portentent, nam Domini populus ipsis commissus est, & pro animabus eorum hic redditurus est rationem. Sint autem manifesta res propria Episcopi; (si tamen habent proprias) & manifesta Dominica, ut potestatem habeat de propriis moriens Episcopus, sicut voluerit, & quibus voluerit dare relinquere. Nec sub occasione Ecclesiasticarum rerum, quæ Episcopi esse probantur, intercidant: forsassis enim aut uxorem habet, aut filios, aut propinquos, aut servos. Et justum est hoc apud Deum, & homines, ut nec Ecclesia detrimentum patiatur ignoratione rerum Pontificis, nec Episcopus, vel ejus propinqui sub obtentu Ecclesiæ proscribantur, & in causas incidant, qui ad eum pertinent, morsque*

ejus injuriis, & mala fama subjaceant. Alii ita ediderunt in can. 38. *Presbyteri, & Diaconi absque voluntate Episcopi nihil peragunto: ipsius enim fidei populus Domini commissus est, & pro animabus ab ipso repetatur ratio.* Deinde in can. 39. *Manifesta sunt privata res Episcopi, si modo & privatas habet; manifesta item sunt Dominica, ut privatas quidem res Episcopus, cum moritur, quibus vult, & quomodo vult, relinquendi facultatem habeat, neque in occasione Ecclesiasticarum rerum intercidant res Episcopi, qui nonnunquam uxores, & liberos, aut cognatos, aut servos habet. Justum enim est apud Deum pariter, & homines, simul ne Ecclesia per ignorationem rerum Episcopi damni aliquid sustineat, simul ne Episcopus, aut cognati ejus prætextu Ecclesiæ obladantur, aut etiam qui illum generis proximitate contingunt, incidant in negotia, ejusque mors implicetur diffamationibus.* Verterunt alii in can. 39. *Presbyteri, & Diaconi sine sententia Episcopi nihil perficiant; ipse enim est, cujus fidei populus Domini est eruditus, & a quo pro animabus eorum ratio exigetur.* Deinde in can. 40. *Manifesta sint Episcopi res propria (siquidem res habet proprias), & manifesta res Dominica, ut sit in potestate morientis Episcopi propria, quibus vult, & ut vult, relinquere, & non rerum Ecclesiasticarum occasione res Episcopi intercidant, qui nonnunquam uxorem habet, & liberos, vel cognatos, vel famulos. Est enim justum apud Deum, & homines, ut nec Ecclesia damnum aliquod accipiat propter rerum Episcopi ignorationem; nec Episcopus, vel ejus cognati Ecclesiæ occasione proscribantur, vel in negotia, litesque incidant, qui ad eum attinent, & ejus mortem maleficientis prosequantur.* Porro quæcumque ex his versionibus recipiatur, ut ad aliquam referri debeat Gratiani fragmentum, illud certum est ibidem vetustissimam contineri disciplinam, quum videamus idipsum fuisse constitutum in Concilio Antiocheno can. 24. Cum eodem Concilio Antiocheno can. 25. consonant canon. 22. & 24. cau. 12. q. 1. quos tamen nescio quam ratione sejunxerit Gratianus, quum ex eodem canone 41. ex Apostolicis depromti fuerint. Hunc ita Dionysius Exiguus exhibet: *Præcipimus, ut in potestate sua (hic apud Gratianum est canon 24.) Episcopus Ecclesiæ res habeat. Si enim anima hominum prætiosa illi sunt credita (vertunt alii: sunt ei credenda) multo magis oportet*

Can. 22.
& 24.
can. 12.
q. 1.

et cum curam pecuniarum gerere, ita ut potestate ejus indigentibus omnia dispensentur per Presbyteros, & Diaconos, & cum timore, omnique sollicitudine ministrentur. Ex his autem qua indiget, (hic apud Gratianum est canon 22.) si tamen indiget, ad suas necessitates, & ad peregrinorum fratrum usus ipso percipiat, ut nihil eis possit omnino deesse. Lex enim Dei precipit, ut qui altari deserviunt, de altari pascantur, quia nec miles stipendiis propriis arma sustulit: aliis placuit ita vertere: per Presbyteros, & Diaconos subministrare cum Dei timore, & omni religione (si sit opus) in necessarium suum usum accipere, & fratrum, qui hospitio excipiuntur, ita ut ipse nullo modo egeat. Lex enim Dei statuit, ut qui altari assident, ex altari alantur; quandoquidem nec miles unquam suo viatico adversus hostes progreditur. Ex hoc Canone demonstrari videtur non aliter Ministros Ecclesiasticos tunc bonorum Ecclesiasticorum usum habuisse, nisi alias necessariis vitæ subsidii destituerentur, sive ex vi adversæ fortunæ, sive ex voluntaria familiarium bonorum abdicatione, quemadmodum indicant ea verba: si tamen indiget, aut illa: si sit opus. Quamobrem Augustinus Episcopus in can. 3. cau. 23. q. 7., seu in Epistola ad Bonifacium ita scribebat: Si pauperum compauperes sumus, & nostra sunt, & illorum: si autem privatim qua nobis sufficiunt, possidemus, non sunt illa nostra, sed pauperum, quorum procuracionem quodammodo gerimus, non proprietatem nobis usurpatione damnabili vindicamus. Necnon Justinianus in nov. 3. cap. 3. Expensa, agebat, qua sunt ex Ecclesiasticis redditibus, circa pios erogentur actus, & Deo placentes, & illis hac ministrentur; qui pro veritate egent, & non habent aliunde alimentorum occasionem. Clarius Julianus Pomerius quinti Ecclesiæ sæculi probatissimus auctor lib. 2. de vita contemplativa cap. 10. ibi: Nec illi, qui sua possidentes dari aliquid volunt, sine grandi peccato suo, unde pauper victurus erat, accipiunt. De Clericis quidem dicit Spiritus S., peccata populi mei comedunt, sed sicut nihil habentes proprium non peccata, sed alimenta, quibus indigere videntur, accipiunt, ita possessores non alimenta, quibus abundant, sed aliena peccata suscipiunt: ipsi quoque pauperes, si se possunt suis artificiis, aut laboribus expedire, non presumant quod de-
 her debilis, aut infirmus accipere, ne for-

te Ecclesia, qua potest omni solatio destituta necessaria ministrare, si omnes etiam nihil indigentes accipiant, gravata, illis, quibus debet, subvenire non valent. Qui autem Ecclesia serviunt, & labori suo veluti debita reddi oportere credentes ea, quibus opus non habent, aut accipiunt libenter, aut exigunt, nimia carnaliter sapiunt, si putant quod Ecclesia fideliter servientes stipendia terrena, ac non potius premia aterna accipiant. Sacularis quippe militia, quia caelestia non habet, terrena strenue militantibus praestat, unde satis indignum est, si fidelis, & operosa devotio Clericorum propter stipendium temporale premia sempiterna contemnat. Quod si quilibet Minister Ecclesia non habet unde vivat, non ei primum reddit hic, sed necessaria praestat Ecclesia, ut in futurum premium laboris sui recipiat. Quæro quid eorum sit, qua dixi, difficile? ut homo id, quod opus non habet, ab Ecclesia non accipiat, aut ut quod habet, sine causa contemnat? Si propter hoc non vult sua relinquere, ut habeat unde vivat, ut quid accipis, unde rationem reddat? ut quid de peccatis alienis sua multiplicat? Id posteriore etiam ætate agnovit Dionysius Chartusianus, qui in tractatu de vita Canoniorum art. 24. hac quæstione sibi proposita ita præfatur: Salubrius, ac securius creditur, ac pariter dictis Sanctorum, per quos loquutus est Spiritus Dei, quam scholasticorum quorundam, qui suo magis, quam expedit, credunt, & nituntur ingenio, auctoritatem Sanctorum ad suam retorquentes opinionem, ac deinde concludit: Quamvis ergo de proposita quæstione quidam dicant scholastici posse id licite fieri, consultus tamen credendum, & standum est verbis Hieronymi, & Bernardi, imo & Summi Pontificis, Beatique Prosperi; ait enim Damasus Papa: qui bonis parentum sustentari possunt, si accipiant quod pauperum est, sacrilegium incurrunt. ... Horum itaque Patrum sententiis statuit securius quam aliorum aliter opinantium. Videor fortasse fulius hæc fuisse persequutus. Id tamen præstandum erat, ut exinde appareret, quo jure Gratianus ad calcem ejusdem canonis 24. non alias Clericos admittendos esse ad propria possidenda, nisi fortasse retinendo sua a sumptibus Ecclesia abstineant.

In describendo can. 14. cau. 16. q. 7. *Can. 14. cau. 16.* non modo a Dionysii Exigui interpreta-
 tione aliquantulum recessit Gratianus, q. 7.

verum

verum etiam sibi parum constans fuit, quum enim jam in can. 7. dist. 63. eandem sententiam retulisset sub nomine Concilii Nicæni II. his verbis: *Siquis Episcopus secularibus potestatibus usus Ecclesiam per ipsos obtinuerit, deponatur & segregentur ab Ecclesia omnes, qui illi communicant*, modo refert quasi Apostolicam doctrinam mutatis tamen aliquibus verbis ita: *Siquis Episcopus secularibus potestatibus usus Ecclesiam per ipsos obtineat, deponatur, & segregentur, omnesque, qui illi communicant*. Video sane undenam exorta fuerit hujusmodi dissimilitudo, quippe Gratianus Ivonem ut plurimum sequutus est, qui in suo decreto parte 3. cap. 85., & parte 5. cap. 119. hunc ipsum canonem non eodem modo, sed varie designavit. Dionysius Exiguus ita exposuit num. 31. *Siquis Episcopus sacali potestatibus usus Ecclesiam per ipsos obtineat, deponatur, & segregentur omnes, qui illi communicant*. Alii e Græcis Codicibus hæc ediderunt: *Siquis Episcopus secularibus Principibus usus per eos Ecclesiam adeptus sit, deponatur, & segregentur, & omnes, qui illi communicant*. Quæcumque autem scriptura servetur, illud semper deducetur, aut nullo modo Apostolicam in hac doctrina disciplinam contineri, quatenus Apostolorum tempori nihil hujusmodi convenire potest, aut cautum illic esse, ne Ethnicorum Magistratum, & Principum potestate Episcopali Officio consulatur, quum nemo alius primis sæculis Princeps adesset, præter eos, quos communis gentium superstitio a vera in Deum religione dimoverat. Illud hac in re notatu dignum est, hunc canonem inter Apostolicos cum alio fuisse conjunctum, qui numero 30. est apud Dionysium Exiguum, atque his verbis expressus: *Siquis Episcopus, aut Presbyter, aut Diaconus per pecunias hanc obtinuerit dignitatem, dejiciatur & ipse, & ordinator ejus, & a communione modis omnibus abscindatur, sicut Simon Magnus a Petro (qui sibi suaserunt Canones Apostolicos tribuendos esse aliter scribere ibi: Sicut Simon Magnus a me Petro.) Quamobrem facile constat duorum Canonum istorum Auctores illud a Sacris Administris, præfertim ab Episcopis cavendum voluisse, ne in Ecclesiasticis Ordinationibus aut pecuniæ, aut favori tribueretur, sed omnia prout Ecclesiarum utilitas postula- ret, peragerentur; atque hæc interpretatio Græcorum ipsorum est, apud quos*

Tom. I.

Canones eosdem Apostolicos primum editos fuisse nemo ignorare potest. Re- vera Balsamon, & Zonaras utrumque canonem ita connexuit, ut eadem ser- me utrique sententia affingatur. Verum hac in re, si conjecturæ locus esse po- test, ubi de germano Apostolicorum ca- nonum Auctore non constat, arbitror expositum canonem eundem esse cum ca- none Concilii Antiocheni 16. & cum ca- none Concilii Laodicæni 13. In Concilio Antiocheno ita legitur: *Siquis Episcopus vacans in Ecclesiam vacantem profiliat, sedemque pervadat absque integro, per- fectoque Concilio, hic abjiciatur necesse est, etsi cunctus populus, quem diripuit, eum habere delegerit. Perfectum vero Con- ciliium illud est, ubi interfuerit Metro- politanus Antistes*. Verba Concilii Laodi- cæni hæc sunt ex Dionysio Exiguo: *Quod non sit permittendum turbis electio- nes eorum facere, qui sunt ad Sacerdo- tium provehendi*. Ex quibus adparet apud Græcam Ecclesiam olim opus fuisse ca- nonibus, quibus turbarum conatus ut plurimum seditiosi compellerentur in de- signandis Episcopis; quos canones alii deinde aliis verbis aut describere; aut amplificare non dubitarunt; sic ejusdem Laodicæni canonis sententiam pluribus ornavit Martinus Braccarensis in suæ collectionis parte 1. can. 1. Propterea admodum verosimile esse potest memora- tum Gratiani Canonem 14. ab auctore Canonum Apostolicorum ita expositum fuisse, ut tamen nihil aliud in illo nobis agnoscendum sit, quam aut Antiocheni Concilii, aut Laodicæni doctrina.

Canon 62. de cons. dist. 1. inter Apo-
stolicos decimus est, quem tamen aliter
alii e Græco interpretati sunt. Nonnulli
ita scripserunt: *Omnes Fideles, qui in-
grediuntur, & scripturas audiunt, in
oratione autem, & sacra communione
non permanent, ut Ecclesia confusionem
adferentes, segregari oportet*. Dionysius
Exiguus his verbis usus est: *Omnes Fi-
deles, qui ingrediuntur Ecclesiam, &
scripturas nudientes, non autem perseve-
rant in oratione, nec sanctam commu-
nionem percipiunt, velut inquietudines
Ecclesia commoventes, convenit communio-
ne privari*. Alia versione ita exhibetur: *Quicumque Fideles Ecclesiam ingrediun-
tur, & scripturas audiunt, neque apud
preces, & sanctam communionem perma-
nent, eos tanquam qui ordinis in Eccle-
sia perturbationem inducant, a commu-
nione arceri oportet*. Ex quibus non ita

Can. 62.
de cons.
dist. 1.

C

facile

facile demonstrari ex hoc Canone potest, ut quidam arbitrantur, Fideles veteres Sacram Eucharistiam in solemnibus Sacrificiis suscepisse, tantum enim Græci Canonis interpretes in eo conveniunt, ut Fideles in oratione usque ad finem Sacrificii perseverarent, non ut etiam de Sacrificio sumerent, ac propterea exinde liquet injuria hunc Canonem adversus Ecclesiasticum missarum privatarum usum prolatum fuisse a Daniele Charmiero tom. 4. lib. 7. cap. 18. part. 2., etsi enim satis infirmum argumentum petatur ex eo, quod veteres ex Ecclesiæ institutione de mensa Domini participarent, ad inferendum ipsiusmet Christi præceptum jam pridem extitisse; quoniam nihil prohibet ex mera Ecclesiæ disciplina pendere, quod etiam ab ipsis Ecclesiæ ejusdem exordiis institutum est, quodque si plerumque ex Fidelium incuria non fervatur, ab Ecclesia ipsa (quod præcipue spectandum est) vehementissime & hodie exoptatur, uti declararunt Concilii Tridentini Patres in sess. 22., cap. 6., tamen eo vel infirmius argumentum est, quo variæ, atque inconsistenti Græci textus interpretationi innititur. Ceterum minime inficias iverimus similia quædam legi in Canone 2. Concilii Antiocheni, ex quo forte memorati Apostolici Canonis repetendam originem arbitratur. Omnes (ita Antiochenum Canonem exhibet Dionysius) qui ingrediuntur Ecclesiam Dei, & Scripturas sacras audiunt, nec communicant in oratione cum populo, sed pro quadam intemperantia se a perceptione sacrae communionis avertunt, hi de Ecclesia removeantur, quamdiu per confessionem penitentia fructus ostendant, & precibus indulgentiam consequantur.

Can. 79. de cons. dist. 4. postremus de cons. dist. 4. est apud Dionysium Exiguum inter Apostolicos. Et quidem cum Dyonysio Gratianus consonat, si apud Gratianum mittamus illa verba a quibusdam. Alii ita legunt: *Siquis Episcopus, aut Presbyter in una initiatione non tres immersiones, sed unam dumtaxat, qua in mortem Domini datur, peregerit, deponitur. Non enim dixit Dominus: in mortem meam baptizate, sed profecti docete omnes gentes baptizantes eos in nomine Patris, & Filii, & Spiritus Sancti.* Aliis his verbis: *Si quis Episcopus, vel Presbyter non erit unius mysterii baptismata perfecit, sed unum baptismum, quod datur in mortem Domini, deponatur: non enim dixit Dominus, in mortem meam baptizate,*

sed unites docete omnes gentes baptizantes ipsos in nomine Patris, & Filii, & Spiritus Sancti. Consulto observabam hæc in postremo Dionysii Exigui canone legi, ut innueretur inter eos fuisse, qui apud Occidentalem Ecclesiam Apostolicorum nomine apud nonnullos habiti sunt. Tunc enim temporis etiam in Occidente trina immersione Sacramentum baptismatis conferebatur, quemadmodum testes sunt Tertullianus lib. adversus Præxam cap. 26. & lib. de corona militis cap. 3. Ambrosius de Sacramento lib. 2. cap. 5. & 7. Isidorus Hispalensis lib. 2. de offic. Ecclesiast. cap. 25. Sed fortasse quandam in hac constitutione difficultatem agnosceret, quicumque perpender ibidem trinam immersionem quasi divino jure præceptam videri; cui ut obviam eatur, animadvertenda erit veterum disputatio, qualis ex ipsismet Canonis verbis eruitur; alii enim in baptismo asseriebant mortem, resurrectionemque Domini significandam, proptereaque unicam immersionem in Sacramento fieri debere, quemadmodum enim dum immergitur baptizandus, mors, & sepultura, ita dum immersus extollitur, resurrectio Christi quodam simbolo representatur. Alii e contrario aiebant ex Christi ejusdem præcepto Trinitatem Sacratissimam in baptismo recolendam esse, cujus rei gratia convenientius trina immersio fieret. Quis in hoc dissidio alterutram potius probandam disciplinam arbitraretur? Spectavit quidem ad eos, qui Ecclesiastica jurisdictione fruuntur, sancire disciplinam uni potius, quam alteri opinioni consonam, ut etiam hac in re unitas Ecclesiarum adpareret. At interea alteri opinioni non erat, quid opponeretur; & revera si Ecclesiarum consuetudines in hac parte observaverimus, liquebit facile pro locorum, & temporum varietate modo unicam, modo etiam trinam immersionem in baptismo obtinuisse. Itaque in trina immersione duo potissimum veniunt consideranda, in primis trina ipsa immersio, deinde trinæ ejusdem immersionis significatio. Ipsa quidem trina immersio juris divini non est, est autem divini juris trinæ immersionis aliquando factæ significatio, qualis ab immergentibus olim affingebatur. Quippe ter in Trinitatis cultum immergebatur, & Trinitatis cultus ab ipsomet Christo Domino præceptus est, cum ille Apostolis dixerit: *Baptizantes in nomine Patris, & Filii, & Spiritus Sancti.*

Sancti. Juvat præterea animadvertere primis Ecclesiæ sæculis plurimum adversus hæreticos disputandum fuisse de Sacratissima Trinitate, cum enim Arianæ de Filii, Macedoniani de Spiritus Sancti natura male sentirent, quid potissimum peragendum erat ab Ecclesiasticis Patribus æquam divinarum Personarum virtutem, substantiamque prædicantibus, quam, ubicumque fieri com-

mode posset, etiam in Ecclesiastica stabilenda disciplina, Sacratissimam ipsam Trinitatem recolere? Optima itaque illis occasio fuit, ubi de immersione baptismatis ageretur, ter immergendi ad promovendum Trinitatis cultum, ubi præsertim cautum a Christo proponere potuissent in Trinitatis nomine illud Sacramentum fuisse conferendum.

CAPUT II.

De Canonibus Concilii Eliberitani.

Concilio Eliberitano sequentes Canones apud Gratianum tribuuntur.

Dubie Aucto-
ritatis..

- Can. 5. dist. 47. veteris Ecclesiæ discipline conformis.*
- Can. 43. dist. 50. cum sententia Ancyranæ Concilii congruit.*
- Can. 24. dist. 54. veteris Ecclesiæ discipline haud difformis.*
- Can. 4. dist. 98. veteris Ecclesiæ discipline conformis.*
- Can. 104. cau. 1. q. 1. veteris Ecclesiæ discipline haud difformis.*
- Can. 3. cau. 5. q. 1. consonat cum antiquis exemplaribus.*
- Can. 6. cau. 5. q. 6. veteris Ecclesiæ discipline conformis.*
- Can. 17. cau. 22. q. 4. falso tributus Concilio Eliberitano.*
- Can. 15. cau. 22. q. 5. falso tributus Concilio Eliberitano.*
- Can. 25. cau. 27. q. 1. paullo varius in diversis exemplaribus.*
- Can. 7. cau. 31. q. 1. ad meliorum Codicum fidem exigendus.*
- Can. 1. cau. 31. q. 3. varius in diversis exemplaribus.*
- Can. 8. cau. 32. q. 7. veteris Ecclesiæ discipline valde conformis.*
- Can. 21. de cons. dist. 2. nullo modo congruit Eliberitani Concilii temporibus.*

Quoties Hispanorum quamplurium fidem in hac parte sequamur, Concilii Eliberitani, sive Illiberitani apud ipsos, ut ajunt, celebrati auctoritatem maximi faciemus; præsertim quod ab eisdem velut antiquissimum prædicetur, & non Nicæno Concilio tantum, sed & Arelatensi, Gangrensi, Neocæsareensi, & Ancyrano vetustius. Unum hic commemoro Ferdinandum de Mendoza, qui eleganti opere conatus est id demonstrare, ac propterea hanc Synodum referre non dubitavit ad annum circiter 303. seu paullo ante persecutionem Diocletiani, & Maximiani. Sane hujus Synodi vetustatem indicant ea, quæ ibi definita leguntur, aut quæ inter definitiones occurrunt, de Flamini-
bus Ethnicorum, de coronis Sacerdotum, de Litteris Martyrum & Confes-

forum, ac similibus, quæ omnia nonnisi vetustissimis temporibus convenire videntur. Auctoritatem vero Concilii vel ex eo evincit, quod in Canonibus ibidem constitutis eximia, & plane Apostolica morum doctrina eluceat, vel quod gravissimi in eo sanctissimique Antistites interfuerint, inter quos. Osius ille Cordubensis, qui adversus Arianos Nicænæ dein fidei fuit accerrimus propugnator; vel demum quod Eliberitani Concilii canones in Synodis sequentis ætatis sæpe laudati fuerint, ac confirmati; idque adparere asserit ex Concilio Maguntino sub Rabbano anni 847. can. 21. ex Concilio apud S. Medardum tempore Karoli Regis Francorum, ex Concilio Toletano II. anni 675. can. 13. Quod tamen ut magis magisque confirmet, adfert canonem 14. Concilii Sar-

dicens, in quo ita Osius inquit: *Memini autem superiore Concilio fratres nostros constituisse, ut si quis Laicus in ea, in qua commoratur, civitate tres Dominicas dies, idest per tres septimanas non celebrasset conventum, communionem privaretur.* Quæ ad aliud Concilium referri non posse videntur, quam ad Eliberitanum, in quo hujusmodi constitutio legitur in can. 21. Sic ratiocinatur de Mendoza.

Aliter sentiunt non solum ex Hæreticis Censuratores Magdeburgenses, verum etiam ex Catholicis quamplures, quorum aliqui suppositivum hujusmodi Concilium vocant, & sæculo demum septimo ex cujuspiam temere audentis industria prodixisse; aliqui vero et si de ejus antiquitate, & rei gestæ veritate non dubitent, tamen ejus sententiis adhærere se posse inficiantur, imo ab illis velut a recta fide aliquando detortis recedendum esse arbitrantur. Exemplum proferunt in canone 36. quo prohibetur, ne in Ecclesiis exprimantur imagines, seu *ne quod colitur, & adoratur, in parietibus depingatur*, quæ Sanctio non Ecclesiæ fidem, sed potius Iconoclastarum hæresim sapit. Item aliud exemplum invenimus in can. 34. quo prohibetur, ne cerei in cæmeteriis incendantur, ea adjecta ratione: *Inquirandi enim non sunt Sanctorum spiritus*, quæ rursus doctrina inter superstitiosas observationes recensenda esse videtur. Arguunt præterea in Canonibus Eliberitanis nimiam austeritatem, severitatemque disciplinæ, & propemodum accedentis, descedentisque ad Novatianos; etenim in can. 1. præscribitur communionem etiam in sine vitæ iis esse denegandam, qui suscepto baptismo in Idolatriam prolapsi misere fuerint.

Hæc postrema meo judicio leviora sunt, nec tanti momenti, ut alicujus Concilii auctoritatem aut infirmare, aut etiam conficere possint. Facile ista ac planam interpretationem recipiunt, quia opus sit vel ad Iconoclastas, vel ad Novatianos descedere, vel ineptas forte sententias Eliberitanis Patribus assignare. Etenim quod spectat ad canonem 36. de prohibito sacrarum Imaginum usu, urgentia erant rationum momenta, quibus a disciplina ceteroquin optima abstinendum fore censuerunt pro temporum, aut causarum adjunctis, ne forte aut risui, aut quod pejus erat, furori sacrilegiorum undequaque Gentilium expo-

sitæ essent, aut etiam ne fideles recens ab Idolatria conversi, facile rursus ex prætextu ad Idolatriam reverterentur, qua sane ratione scimus apud Judæos veteres vix imagines Dei, aut Prophetarum, vel Sanctorum Patriarcharum, propositas fuisse, ne ipsi in Idolatriam, in quam erant valde proni, facile inciderent. Quod vero negotium facessit canon 34. de cereis non accendendis in cæmeteriis Martyrum, ne *Sanctorum spiritus inquietentur*? Nimis anxie videbatur priscorum fidelium cura, atque in tenenda, colendaque Martyrum defunctorum memoria sollicitudo, qua aliquando fiebat, ut in monumentis imbecilles ipsorum animos superstitione, quæ religionem facile imitatur, occuparet. Præterea cereis ad cæmeteria Martyrum adpositis, quis facile non intelligat, Ethnicis ipsis oblatam occasionem, ut cæmeteria agnoscerent, agnitaque impio ausu violarent, atque deicerent, & tum quodammodo eveniret, quod in canone dicitur *Sanctorum spiritus inquietari*? Nihil postremo est, ex quo rejiciatur canon. 1. ubi poenitentia lapsis fidelibus denegatur; quippe id constitutum minime fuit desperatione veniæ, quemadmodum Novatianorum sectæ placuit, sed austeritate potius disciplinæ, quæ, si gravissimæ emergant causæ, identidem postulat, severioris fortassis etiam, quam par esse videatur criminibus poenas iudici, ut homines ab eisdem perpetrandis contineant, & abhorreant. Urgebat tunc temporis vehementissima ratio poenitentiae lapsis denegandæ: facile enim Christiani, ut infidelium insequentium gladios evaderent, descivissent a fide, si post lapsum apud Ecclesiam poenitentiam inventuros confidissent.

Verum enimvero, licet quæ huc usque disputando attigi tanti non sint, ut Eliberitanorum canonum auctoritatem infirmem, alia tamen sunt mihi graviora rationum momenta, ex quibus vir prudens de eorundem canonum fide, atque integritate hæsitabit. Illud maximum est, quod ex perpetuo veterum omnium silentio deducitur. Nemo plane ex Collectoribus antiquissimis ne unum quidem, aut alterum Eliberitani Concilii canonem codicibus suis inseruit, imo nec ipsum Eliberitani Concilii nomen memoravit, non Dionysius Exiguus, non Ferrandus Diaconus, qui ceteroquin in Provincia degens Hispaniæ finitima Hispanicorum canonum noticiam habere poterat, non

Mar-

Martinus Braccharenſis, licet gente Hiſpanus, quique res ſaltem patriæ ſuæ Collectioni, quamedebat ad ſuorum com-
modum, adicere debuiffet, & quemad-
modum non omiſit Concilia Braccharen-
ſia, & Toletana, ita nec omiſſet Eli-
beritanum Concilium, velut & tempo-
ris vetuſtate, & Virorum inſignium,
qui ei interfuiſſe dicuntur, auctoritate
ceteris longe præſtantius; non demum
Crefconius Africanus, quem Hiſpanica-
nones latere non potuerunt. Primum in
Collectionibus canonum apparere cœpe-
runt Eliberitani Concilii capita ſub fi-
nem ſeptimi ſæculi, & celebriora facta
demum ſunt poſteriore ætate, quum a-
pud Burchardum, Ivonem, & Gratia-
num relati ſunt. Obſervatione præterea
dignum eſt, quo tempore Iconoclaſtarum
hæreſis Eccleſiam miſere turbavit ſæcu-
lo ſexto, aut ſeptimo, neminem ex hæ-
reticis meminiffe can. 36. Eliberitani,
quem tamen potuiſſent in propriam ſen-
tentiam quoquomodo detorquere. Ego
ſane candide fateor me hiſce rationum
momentis teneri plurimum, nec poſſe
facile adduci, ut Eliberitanum hoc Con-
cilium tanquam genuinum Eccleſiaſticæ
vetuſtatis monumentum habeam, ejuſdem-
que canones firmum eſſe poſſe veteris
diſciplinæ præſidium mihi perſuadeam;
quamobrem minime dubitaverim conclu-
dere, ſicut Concilium ipſum, ita etiam
Gratianeos canones ex Eliberitano Con-
cilio deſumptos incertæ omnino auctori-
tatis exiſtere.

Can. 5.
diſt. 50. Jam vero ut ad illos peculiariter de-
veniam, eſt in primis canon 5. diſt. 47.
qui idem eſt cum canone 10. Eliberita-
no. In vulgatis tamen Concilii editioni-
bus pro ea voce *abſtinere* legitur *abſtine-
ri*. Quicumque canoni huic, velut in-
certæ fidei, voluerit alium ſubſtituere,
poterit ſupponere canonem 17. Nicæni
Concilii, in quo eadem ſtabiliuntur la-
to decreto deſecrationis in Clericos, qui
ſcœnus exercent, aut etiam canonem 12.
Concilii Arelatenſis I. anni 314. ubi hæc
habentur: *De Miniſtris, qui ſcœnantur,*
placuit eos extra formam diviniſ datam
a communione abſtinere.

Can. 43.
diſt. 50. Canon 43. diſt. 50. eſt numero quin-
tus inter Eliberitanos hiſ verbis in vul-
gatis Conciliorum editionibus deſcriptus:
Si qua Domina (ait Gratianus *ſi qua*
famina) *zeli furore accenſa flagitia ver-*
beraverit ancillam ſuam, ita ut in ter-
tium diem (legunt alii, *intra tertium*
diem; ait Gratianus *flagellis verberaverit*

ancillam ſuam, ita ut infra tertium diem)
animam cum cruciatu effundat, eo quod
incertum ſit, voluntate, an caſu occide-
rit, ſi voluntate, poſt ſeptem annos, ſi
caſu, poſt quinque annorum tempora aſſa
legitima poenitentia ad communionem pla-
cuit admitti. Quod ſi infra tempora (le-
git Gratianus *intra tempora*) *conſtituta*
ſuerit infirmata, accipiat communionem.
Qui Gratianeæ verba cum aliis ceterarum
editionum contulerit, potius recipiet
ea, quæ in aliis editionibus exprimun-
tur, utpote & rationi, & integræ
canonis ſententiæ magis conſentanea.
Qualicumque autem editio præferatur,
monere non deſinam hunc ex iis Cano-
nibus eſſe, ex quibus nonnulli, ut præ-
fatus ſum, Concilii Eliberitani auſteri-
tatem arguunt; quanquam immerito;
etenim nomine *caſus* ibidem non intel-
ligitur fatalis quidam, & proſus ino-
pinatus eventus, ſed potius qui culpa
Dominae verberantis acciderit. Culpam
latam Jureconſulti vulgo appellant, quo-
ſenſu in l. 16. §. 8. ff. de poenis dici-
tur: *apud Græcos exilio voluntario fortune*
ſi caſus lumbantur, ut apud præcipuum
poenarum ſcriptum eſt. Neque occasio e-
xinde offertur, ut quandam diſciplinæ
auſteritatem in canone agnoſcamus, niſi
auſteritatem diſciplinæ non abſimilem ve-
limus præterea agnoſcere in canone 22.
Concilii Ancyran, cujus hæc ſunt ver-
ba: *Qui voluntarie homicidium fecerint,*
ad poenitentiam quidem jugiter ſe ſubmit-
tant, circa exitum autem vita communio-
ne digni habeantur. Eos vero, qui non
voluntate, ſed caſu homicidium fecerint,
prior quidem regula poſt ſeptem annorum
poenitentiam communioni ſociavit ſecun-
dum gradus deſinitos; hac vero humanior
deſinitio quinquennii tempus tribuit. Por-
ro hanc eandem diſciplinam veluti reci-
piendam in ſuum poenitentiale ex Con-
cilio Eliberitano retulit Halitgarus lib.
4. cap. 5. necnon Rabbanus in Epist. ad
Heribaldum cap. 3. & in ſuum poeni-
tentiale cap. 14. neque a tertii, vel quar-
ti Eccleſiæ ſæculi diſciplina abhorrere
poſſet hujusmodi canon; etenim de quo
alio ibi agitur, quam de coercenda ni-
mia Dominarum iracundia adverſus an-
cillas ex leviffimis cauſis ſuborta, præ-
fertim ex ægritudine, quam zelotypiam
appellant? Quod familiare malum apud
Hiſpanos tunc fuiſſe non obſcure erui
poſſet ex l. 2. ff. de hiſ qui ſunt ſui vel
alieni juris, ubi refert Ulpianus conque-
ſtum fuiſſe D. Plum apud Proconſulem
R.

Bæticæ (in cujus Provincia hoc Eliberitanum Concilium celebratum dicitur), quod ibidem Domini, Dominæve adversus servos, & ancillas atrocissime insæverent.

Cor. 24. Canon 24. dist. 54. legitur in can. 80. dist. 24. sive penultimo ex Eliberitanis, ubi tamen pro verbo *provehantur* legendum est *promoveantur*. Illud apud veteres Ecclesiæ Patres obtinuisse liquet, non solum servos, verum etiam liberos vivo Patrono laico a Clericorum Ordinibus exclusos fuisse: quum enim Patronis suis liberti operas quasdam, sive diurna quædam officia præstare tenerentur, facile sacris ordinibus initiati earundem operarum causa ab Ecclesiasticis muneribus distrahi potuissent, præsertim vero si forte quispiam (quod tum frequentissime accidere poterat) Patrono Echnico subjaceret.

Can. 4. dist. 98. Canon 4. dist. 98. legitur in can. 24. Eliberitano, ubi tamen in prioribus verbis paullisper variare Codices deprehenduntur. Aliqui enim ita habent: *Omnis qui peregre fuerint baptizati*, quod & apud Gratianum legimus, apud alios hoc modo: *Omnis qui in peregrinatione fuerint baptizati*. Ceterum qualiscumque scriptura seligatur, eadem erit sententia, qua præcipitur neminem ad Clerum esse admittendum, nisi probata primum ejus Christiana vita fuerit, & agnita integritas, præsertim vero nisi probatæ essent causæ, ex quibus ad baptismum accessit; non solum enim decebat Clericos esse a criminibus, verum etiam a quacumque criminis suspicione omnino puros, ut scribebat Cyprianus in Epist. 35. ad Clerum, & Plebem de Aurelio Leptore. Huc pertinet sententia Gregorii Magni in lib. 2. Regesti^æ Epist. 25. ibi: *Afros passim, vel incognitos Peregrinos ad Ecclesiasticos ordines tendentes nulla ratione suscipias, quia Afri quidem aliqui Manichæi, aliqui rebaptizati, peregrini vero plurimi etiam in minoribus ordinibus constituti fortiores de se pratendisse honores sape probati sunt.*

C. 104. cau. I. q. 1. Canon 104. cau. 1. q. 1. habetur in can. 48. Concilii Eliberitani, ubi tamen vulgares editiones longe aliter expriment. Omitto in illis legi non immittant pro illis verbis non mittant, quæ apud Gratianum habentur. Notatu illud dignum est, in postremis verbis aliud legi, quam apud Gratianum; etenim Gratianus ait: *neque pedes eorum lavandi a sacerdotibus, vel Clericis, ac in pluri-*

bus editionibus Concilii ita scriptum e
neque pedes eorum lavandi sunt a sacerdotibus, sed Clericis, quam lectio quamplura etiam probant vetera manuscripta, quemadmodum eruditi Conciliorum Collectores jamdiu animadverterunt; quibus si adhærere debeamus, uti par est, contraria omnino sententia Gratiano capiti erit attingenda. Duo in hoc canone continentur: Pimum cavetur, ut Ecclesiastici administrati in Sacramento baptismatis conferendo, non solum simoniæ vitium, verum etiam vitii suspensionem vitarent; etenim receptum apud veteres fuerat, fideles ad Ecclesiam conversos munuscula adferre, & in *concha*, seu arca quadam ponere, vel in Clericorum, vel in pauperum necessitates, vel forte etiam in rerum sacrarum restorationem. Quod vero optimo jure primo constitutum fuerat, in sordidum morem Clericorum quorundam avaritia ita detorsit, ut sancti Patres id omnino inhiberint. Inhibuit Gelasius Papa in Epist. ad universos Episcopos per Lucaniam cap. 7. atque ut de Hispania loquar, inhibuit id ipsum Concilium Braccharense 2. can. 7. ut proinde concludere possimus memoratum Eliberitanum canonem plurimum cum Hispaniæ veteris disciplina in hac priore parte congruere. Posterior canonis pars spectat ad pedum ablutio- nem, quam facere prohibentur & Sacerdotes, & Clerici, si Gratianæ lectioni fidamus, soli vero Sacerdotes, si aliorum Codicum fidem sequamur. Porro plurimum Ecclesiarum vetustissimus ritus fuit, quemadmodum de Ecclesia Mediolanensi peculiariter testatur Ambrosius lib. 3. de Sacram. cap. 1. & in lib. de his qui Mysteriis initiantur cap. 48. quo baptizandi antequam ad sacrum Fontem accederent, pedes lavarent, non solum, ut Christi Domini exemplum imitarentur, qui in ultima cœna mirum in hac re humilitatis argumentum discipulis præbuit, verum etiam ut sordes, quas in externo corporis habitu Catechumeni in Ecclesia Quadragesimali tempore penitentes contraxerant, eluerentur. Id describit adamussim Augustinus in Epist. 118. ad Januarium. prope finem. ibi: *Si autem quaris, cur etiam lavandi mos ortus sit, nihil mihi de hac re cogitanti probabilius occurrit, nisi quia ad baptizandorum corpora per observationem Quadragesimæ sordidata cum offensione sensus ad fontem traherentur, nisi aliqua die lavarentur. Istum autem diem potius ad hoc*

*hoc electum, quò Cuncta Dominica anni-
versarie celebratur &c.* Atque ad instar
veteris hujusce consuetudinis posteriore
ætate invaluisse arbitror in Provinciis
Hispaniarum, & Galliarum, ut die Do-
minica Palmarum baptizandorum capita
publice abluerentur, quare is dies *capitilavium*
appellabatur. De Galliis id tes-
tatur Alcuinus in lib. de Ecclesiasticis
officiis, de Hispaniis vero Isidorus Hispa-
lensis lib. 6. Etymologiarum cap. 17. &
lib. 1. de officiis Ecclesiasticis cap. 26.
ita scribens de Dominica Palmarum: *Vul-
gus autem ideo diem hunc capitilavium
vocant, quia tunc moris est lavandi ca-
pita infantium, qui ungendi sunt, ne
observatione Quadragesime sordidati ad
unctionem accederent.* Atque his præno-
tatis comoda plane sequitur Eliberita-
ni canonis interpretatio, quæ Hispano-
rum disciplinæ omni modo congruat:
Quippe ob dignitatem, atque præstanti-
am Sacerdotalis ordinis cautum recte
observamus, ne Sacerdotes eo munere
fungerentur, quo pedes baptizandorum
abluerent, sed vix id inferioribus Cleri-
cis concedebatur. Neque vero quispiam
hanc interpretationem minus congruam
existimet, quod in Eliberitano canone
mentio fiat lavandi pedes, at in memo-
ratis Patrum monumentis de lavandoca-
pite sermo institutus sit; hæc enim di-
scrimina ex temporum diversitate profe-
cta facile dignoscuntur: Primis enim Ec-
clesiæ sæculis baptisma per immersionem
conferebatur, ut proinde pedibus in Fon-
te positis sacris etiam in capite aquis
quisque perfunderetur, uti demonstrant
figuræ duæ, quas olim habebat erudi-
tus Ciampinus, & deinde dono dedit Jo-
hanni Mabillonio, & Socio itineris Ita-
lici, nunc vero impressæ sunt in iti-
nere eodem Italico Tom. 1. ad pagin.
mihi 73.

Can. 3.
cau. 5.
q. 1. Canon 3. cau. 5. q. 1. legitur in ca-
none 52. Eliberitano, & quidem Gra-
tiani scriptura integra mihi videtur,
necnon veteribus manuscriptis consonat,
contra quam legatur apud Ivonem, &
Burchardum ibi: *Si qui inventi fuerint
libellos famosos, & ignotos in Ecclesia le-
gere, vel cantare, excommunicentur.*

Can. 6.
cau. 5.
q. 6. Canon 6. cau. 5. q. 6. habetur in can.
73. Eliberitano, cujus tamen verba ita
legenda sunt, ut Gratianum ex meliori-
bus Codicibus emendemus: *Delator si quis
extiterit fidelis, & per delationem ejus ali-
quis fuerit proscriptus, vel interfectus,
placuit eum nec in fine accipere communio-*

nem (Gratianus habet: *Placuit nemini in
fine accipere communionem*) *Si levior causa
fuerit, intra quinquennium* (legit Gra-
tianus *infra quinquennium*) *accipere pa-
teris communionem. Si Catechumenus fue-
rit, post quinquennii tempora admittatur
ad baptismum.* Hanc porro scriptionem
Gratianæ anteferendam putavit lauda-
tus de Mendoza in suis emendationibus
istorum canonum, ex qua inferretur de-
latoribus etiam in fine vitæ communio-
nem denegari, quæ sane pœna frequen-
ter in Canonibus Eliberitanis indicitur,
quoties agitur de constituendis graviorum
criminum pœnis. In hujus autem cano-
nis interpretatione non satis meo judicio
perspecta est germana auctoris sui sen-
tentia. Vulgo enim putant canonem per-
tinere ad quodcumque delatorum genus,
quorum sollicitudine reorum nomina ad
Magistratus deferri solebant. At quis fa-
cile non percipit publicæ rei maxime
semper interfuisse delatores existere in
publicis criminibus, quorum opera ne-
quissimis, ac perditissimis civitas una-
quæque purgetur? Quamobrem delato-
ribus eisdem ampla officii præmia publi-
ce proposita quandoque fuerunt, que-
madmodum ex lege Papia referunt anti-
quissimarum rerum eruditi, dimidium
illatæ in reos multæ fuisse concessum,
licet dein ad quartam multæ partem
contractum sit, unde quadruplatores di-
cti sunt, qui quartam partem de proscrip-
torum bonis, quos detulerant, conse-
querentur. Imo Tiberius Cæsar tantum
delatoribus tribuit, ut nemini fidem ab-
rogaret, siue quid veri, siue falsi refer-
rent. Cumque a Senatu de præmiis de-
latorum abrogandis ageretur, respondit
Imperator jura subverti, si legum custo-
des amoverentur. Demum, ut cetera
omittam, de Constantino Magno tradi-
tur, eum omni tempore delatores admi-
sisse, eosque ingenti studio persecutum
fuisse. Qui itaque fieri poterit, ut apud
viros Ecclesiasticos tanquam probum ha-
beretur fungi delatoris officio, imo adeo
aspere puniretur, ut delatores nec in fi-
ne vitæ communionem acciperent? Ar-
bitror itaque explicandum canonem esse
de delatoribus, qui forte, ut præmium
acciperent, fideles baptizatos ethnicis
Magistratibus proderent supplicii causâ;
nec enim perfidi Christiani deerant ali-
quando, qui fratres suos, siue ejusdem
fidei, Religionisque consortes ad exilium,
aut etiam ad necem insequerentur. De-
cebat proinde huic. malè gravissimo asper-
ri-

rimum adhiberi remedium, ut poena infligeretur excommunicationis perpetuæ; ne in extremo quidem vitæ discrimine condonanda. Dura forte cuiuspiam videbitur disciplina, qua ii, qui Judam prudentem sequuti sunt, cum Juda prorsus de venia criminis desperante coercerentur; sed quis ut tanto fidelium incommodo prospiceret, ab extremis etiam remediis facile temperasset? Pertinet ad hanc eandem rem Concilium Ancyranum can. 9. & Concilium Arelatense I. can. 23. ibi: *De his, qui scripturas sanctas tradidisse dicuntur, vel vasa Dominica, vel nomina fratrum suorum, placuit nobis, ut quicumque eorum in actis publicis fuerit detectus, vel verbis nudis ab ordine Cleri amoveatur.* Non omitam deum observare memoratum Canonem Eliberitanum legi inter Capitularia Regum Francorum lib. 6. cap. 317. lib. 7. cap. 205. & in additione 4. cap. 34. editionis Parisiensis anni 1677.

Can. 17. Nullo modo ad Concilium Eliberitanum pertinere possunt, siue Canon 17. *cau. 22.* q. 4. & cau. 22. q. 4. siue canon 15. *cau. 22. q. 4.* 5. quorum auctorem ut dignoscere possumus, iidem simul jungendi sunt, atque ad antiquiores canonum collectiones referendi. In Ivonis decreto consistendum minime arbitror, sed statim ad Burchardum me confero, qui in lib. 12. cap. 23. hæc habet: *Ex Concilio Hibernensi cap. 1. Definitio incauta laudabiliter solvenda, nec pravaricatio est, sed temeritatis emendatio.* Deinde in cap. 26. *Ex eodem cap. 3. Si puella sita in puerili aetate in domo patris illo nesciente se juramento constrinxerit, & si pater scitum, ut audierit, contradixerit, vota ejus, & juramenta irrita erunt, & facilius emendatur.* Et in cap. 27. *Ex Synodo Aurelianensi c. 2. Juramentum filii, aut filia nesciente Patre, & vota Monachi nesciente Abbate, & juramenta pueri irrita sunt.* Hæc sane eadem ferme sunt cum memoratis Gratiani locis, quanquam Gratianus ea referat ex Eliberitano, & Burchardus ex Hibernensi, & Aurelianensi Conciliis. Non est, cur dubitemus hæc sententias Hibernensi potius Concilio esse tribuendas. Edidit Acherius in tomo 9. sui spicilegii veteris editionis, & in tom. 1. edition. Parisiens. anni 1723. collectionem quandam Hibernensium canonum, quam ipse monet octavo sæculo antiquiorem esse. Et quantum ibidem multa fuisse corrupta testetur, barbara præterea vocabula inserta, inversumque eo-

rum ordinem adparere, præsertim vero auctorem collectionis Ardeboc Clericum ex dispensatione Abbatis Haelhucar plura identidem addidisse, plura etiam re-tenta sententia detraxisse; tamen quia ibi Collector ipse profitetur nomina singulorum auctorum, quæ capitibus proponuntur, velle sincere notare, & quia antiquissima hæc collectio videtur, plurimum valere poterit ad indicandam istorum fragmentorum originem. Itaque in hac collectione lib. 34. hæc leguntur: *Synodus: Definitio incauta solvenda, nec pravaricatio, sed temeritatis emendatio.* In Regum libro Saul juravit Jonatham occidere, nec occisus est; nec in hoc juramento culpatur, quia juxta voluntatem suam, non Dei voluntatem juravit. *Synodus Hibernensis. Juramentum filii, & filia nesciente Patre, juramentum Monachi nesciente Abbate, juramentum pueri irrita sunt.* Quæ sane verba quoties cum memoratis Gratiani Canonibus conferantur, quis non videat iis plurimum consonare, ut omnino adpareat ex Hibernensi Concilio Gratiani Canones originem suam habuisse? Fateor non eundem omnino esse verborum sonum. Sed quis non videat id potuisse contingere, quod Hibernensium Canonum collector Concilii verba mutaverit re-tenta sententia, uti ipse se fecisse aliquando candide faretur, aut quod sequentes collectores de more suo paullo aliter Hibernensem Canonem describere adamaverint? Nec mihi negotium facessit, quod apud Hibernensem collectorem præcise laudetur initio *Synodus*, quin subjungatur, an Synodus Hibernensis sit, nec ne; etenim rursus animadvertit Acherius in his locis hujusce collectionis, in quibus de *Synodo* mentio sit, non aliam Synodum, nisi Hibernensem intelligi, idque comprobat auctoritate MS. cujusdam Codicis Sangermanensis, in quo legitur apertissime *Synodus Hibernensis* in iis locis, in quibus apud alios Codices habetur præcise *Synodus*. Igitur clara res est canones nuper allatos Hibernenses potius esse, quemadmodum omnes collectores Gratiano antiquiores laudant, inter quos addi forte posset pœnitentiale Romanum editum ab Antonio Augustino tit. 2. cap. 16. Neque porro mirari quispiam debet Gratianum pro Hibernensi canone Eliberitanum scripsisse. Ut enim præteream silentio Gratianum non satis accurate collectoris officio functum, potuit ipse facile decipi ex quadam nominum simili-

tudi-

rudine. Siquidem alicubi Canones Hibernenses sunt nomine *Elibernensium*, quemadmodum apud Reginonem lib. 1. de Eccles. discipl. cap. 328. ac propterea facile contingere potuit Elibernenses Canones accipi a quopiam pro Eliberitanis, atque eo nomine describi. Demum non omittam observare in membratis Gratiani locis insertam etiam adparere sententiam Capitularium Francicorum, videlicet ad annum 789. Carolo Magno imperante, in quibus inter cetera num. 62. hæc leguntur: Et ut parvuli, qui sine rationabili aetate sunt, non cogantur iurare; quæ relata sunt in lib. 1. Capitularium cap. 61. editionis Baluzianæ, & apud Reginonem lib. 2. de Ecclesiasticis discipl. cap. 312. Capitularium eorundem nomine.

Can. 25. In Canone 13. Concilii Eliberitani legitur Canon 25. cau. 17. qu. 1. Diversa Concilii exemplaria paullo diversa exhibent ejusdem Concilii verba, quæ propterea describere non pigebit. Ferdinandus de Mendoza duas evulgavit editiones, quarum priorem vulgatam appellavit, posteriorem emendatam. In priore ita habet: *Virgines, quæ se Deo dedicaverunt, si pactum perdiderint virginitatis, atque eidem libidini servierint, non intelligentes quid amiserint, placuit nec in fine eis dandam esse communionem. Quod si semetipsas pœnituerint, quod infirmitate corporis lapsa fuerint, & toto tempore vitæ suæ hujusmodi fœmina egerint pœnitentiam, & abstinerint se a coitu, ut quod lapsa potius videantur, placuit eas in fine communionem accipere debere.* In posteriore hæc leguntur: *Virgines, quæ se Deo dedicaverunt, si pactum perdiderint virginitatis, atque eidem libidini servierint, non intelligentes quid amiserint, placuit nec in fine eis dandam esse communionem. Quod si semetipsas pœnituerint, quod infirmitate corporis lapsa fuerint, & toto tempore vitæ suæ hujusmodi fœmina egerint pœnitentiam, & abstinerint se a coitu, eo quod lapsa potius videantur, placuit eas in fine communionem accipere.* In Canone per Labbæum edito paullo aliter habetur ibi: *Virgines, quæ se Deo dedicaverint, si pactum perdiderint virginitatis, atque eidem libidini servierint, non intelligentes quid amiserint, placuit nec in fine eis dandam esse communionem. Quod si semel persuasa, aut infirmi corporis lapsa vitia, omnitemporè vitæ suæ hujusmodi fœmina egerint pœnitentiam, ut abstineant se a coitu, eo quod lapsa*

Tom. I.

potius videantur, placuit eas in fine communionem accipere debere. Porro hæc eadem constitutio in Conciliis posterioribus confirmata est, quorum unum hic adferam, videlicet Colonienſe anni 887. in quo hæc leguntur can. 6. *De Virginibus autem sacratis in Concilio Eliberitano c. 13. scriptum est: Si mæchaverint Virgines, quæ se Deo dedicaverint, si pactum perdiderint virginitatis, atque eidem servierint libidini, non intelligentes quid amiserint, placuit nec in fine eis dandam esse communionem. Quod si semel persuasa ad infirmi corporis vitia lapsa toto tempore vitæ suæ ejusmodi fœmina egerint pœnitentiam, & abstineant se a coitu, placuit eas in fine communionem accipere debere.*

Canon. 7. cau. 31. qu. 1. est numero Can. 7. 72. inter Eliberitanos, in quo referendo cau. 31. Gratianus omisit posteriorem partem; e. q. 1. tenim ita legendum est: "Siqua vidua, fuerit mæchata, & eundem postea habuerit maritum, post quinquennii tempus acta legitima pœnitentia placuit eam communioni reconciliari, (legunt alii: communionem reconciliari) si alium duxerit relicto illo, nec in fine dandam esse communionem, vel si fuerit ille fidelis, quem accipit, communionem non accipiat, nisi post decem annos acta legitima pœnitentia, nisi infirmitas coegerit velocius dare communionem". Similis ferme constitutio de Virginibus lata adparet in can. 14. ejusdem Concilii Eliberitani, hoc tantum intercedente discrimine; ut virgo si consortem criminis deinde in maritum habuerit, post annum quidem reconciliari posset, at viduis indicta esset pœna quinquennii, ex eo forte, quod viduarum continentia pro magisterio, & exemplari virginibus esse deberet, quemadmodum scribit Ambrosius in lib. de viduis in principio. Huc adferri etiam potest, quod de viduis lapsis suo tempore statuit Theodorus Cantuariensis Episcopus in cap. 12. pœnitentialis editi ab Achetio in tom. 9. Spicilegii, cuius sententiam ita refert Jacobus Petiti in editione Parisiensi ejusdem pœnitentialis pag. mihi 11. "Mulier, quæ vovit post mortem viri ejus, non accipiat alterum, & mortuo illo prævaricatrix si accipiat alterum, iterumque nupta cum eo pœnitentia mortis si implere vult votum suum, in potestate virtutis ejus utrum impleat, an non. Ergo unam licentiam dedit Theodorus, quæ confessa, est

D

„ est votum post undecim annos nubere
„ cum illo viro “.

Can. 1.
cau. 31.
q. 3.

Cum canone 54. ex Eliberitanis con-
sonat canon 1. cau. 31. q. 2. quoties ta-
men his potius verbis describatur; *Si
qui parentes fidem fregerint sponsaliorum,
triennii tempore abstineantur* (legunt alii:
abstineant se a communione). *Si tamen
eisdem sponsus, vel sponsa in gravi crimi-
ne fuerint deprehensi, excusati erunt pa-
rentes, si in eisdem fuerit vitium, &
polluerint se, superior sententia serve-
tur;* (legunt alii: *superior sententia
servetur*).

Can. 8.
cau. 32.
q. 7.

Levis præterea est Codicum varietas
in scriptione Canonis 9. Eliberitani, re-
lati in can. 8. cau. 32. q. 7. etenim
paulo aliter quam habeatur apud Gra-
tianum ita exhibent vulgatæ Concilii edi-
tiones: *Item fœmina fidelis, qua adulte-
rum maritum reliquerit fidem, & alte-
rum ducit, prohibeatur ne ducat. Si du-
xerit, non prius accipiat communionem,
nisi quem reliquerit, prius de saculo exi-
rit.* Opportuna fane tunc temporis con-
stitutio, qua effrænem conjugum libidi-
nem cohibere necessarium erat. Quum
enim Romanis legibus divertere conce-
deretur maritis etiam bona gratia, ut
ajebant, idest conjugis alterius consen-
sione accedente, novi matrimonii con-
trahendi causa, congruum erat præjudi-
catam Fidelium opinionem latis canonibus
improbare. Et quoniam de non di-
mittenda uxore, *excepta fornicationis cau-
sa* jam luculenta erat Evangelica Lex
apud Matthæum cap. 5. eo collineare de-
bebant Sancti Patres, ut licet concede-
retur adulterii causa ab uxore divertere,
nova tamen matrimonia contrahere
Fidelibus denegaretur. Fateor hac in spe-
cie dissidium semper fuisse inter Occiden-
talem, & Orientalem Ecclesiam; con-
tenderunt enim Orientales indulgendum
esse maritis infontibus, qui ob uxoris fi-
dem temeratam non tam ab ea recedere
maluerunt, quam novas nuptias celebra-
re: hinc Theodorus Cantuariensis Græ-
corum moribus eruditus id facile in suo
pœnitentiali in Anglia admisit, ibi: *Si
cujus uxor fornicata fuerit, licet dimit-
tere eam, & aliam accipere,* apud Petit.
edit. Parisiens. pag. mihi 10. contra ta-
men semper senserunt Latini Patres uni-
versi, quorum traditio in Concilio Tri-
dentino demum rite, recteque perpensa
ad obtinendam Græcorum concordiam
occasionem dedit canoni 7. sess. 24. de
reform. mitius forte, quam describi po-

tuisset, expresse Græcorum gratia, ut
eruitur ex historia Cardinalis Pallavicini
lib. 22. cap. 4. Hæc saltem paucis ob-
servasse juvat, ut perciperetur, quo for-
te pergeret illa Eliberitani Canonis ex-
ceptio, nisi necessitas infirmitatis dare
compulerit. Etenim forte auctor canonis
non ignorabat alicubi concessum esse ma-
ritis post uxoris adulterium aliam sibi
uxorem adungere, quam disciplinam non
aliter excusatam habere potuit, quam si
necessitatem infirmitatis aliud aliquando
urgere crederet, proptereaque & hanc
eandem infirmitatis necessitatem excipien-
dam declaravit.

Canon 21. de conf. dist. 2. minime ha-
betur inter Eliberitanos Canones, licet
eiusdem Concilii nomine apud Gratia-
num, Ivonem, & Burchardum refera-
tur. Errori occasionem dedit Reginonis
collectio, qua ut plurimum ulus fuisse
Burchardus mihi visus est. In collectio-
ne Reginonis cap. 331. lib. 1. ita legitur.
*Omnis homo ante sacram communionem a
propria uxore abstinere debet septem, aut
quinque, aut tres dies.* In hoc fragmen-
tum incidit Burchardus, illudque de-
scripsit eisdem verbis, licet ordine mu-
tato in cap. 22. lib. 5. ibi: *Omnis homo
ante sacram communionem a propria uxo-
re abstinere debet tres, aut quinque, aut
septem dies.* Sed cum apud Reginonem
nullum fragmenti auctorem laudatum in-
venisset, ad præcedentia capita respexit;
inciditque statim in caput 328. quod lau-
datur ex Concilio Helibernensi, statim-
que arbitratus est sequentia etiam capi-
ta ex eodem Concilio fuisse deprompta,
propterea & referens caput 330. Regi-
nonis in parte 19. cap. 76. sui decreti,
illud ipsum ex Concilio Eliberitano lau-
davit; ut enim superius jam observabam,
Helibernensis Concilii mentio pro Eli-
beritano Concilio habita est ob nominis,
seu vocis similitudinem, atque hinc Bur-
chardus idem laudatum caput 331. no-
mine Concilii Eliberitani imprudens in-
scripsit: Burchardi erratum sequuti Ivo,
& Gratianus venia quodammodo digni
essent, si canonem hunc, prout apud Bur-
chardum jacet, descripsissent. Sed forte
voluerunt ipsi alicui pœnitentiali suæ
ætatis morem gerere, & canonem ita
describendum voluerunt: *Omnis homo an-
te sacram communionem a propria uxore
abstinere debet tres, aut quatuor, aut
octo dies;* nisi dicere forte velimus in
eam Burchardi editionem incidisse, quæ
hanc descriptionem præferret. Ceterum
si hu-

Can. 21.
de conf.
dist. 2.

si huius fragmenti auctorem dignoscere quoquo modo velimus, non alium fuisse arbitror, nisi auctorem ignotum cuiusdam pœnitentialis, quod vigeat Reginonis tempore, & quod Regino ipse laudaverat in suo lib. 1. cap. 319. ex ea præsertim ratione, quia plurimum convenit hoc Reginonis cap. 331. cum dicto capite 319. Non omitam observare convenire disciplinam huius canonis cum canone 46. Concilii Cabilonensis 2., & cum Concilio Parisiensi 6. lib. 3. cap. 20. relato in Capitularia Regum Francorum cap. 40. lib. 2. in illis præcipue verbis: "Juxta ejusdem ergo Apostoli documentum probare se debet homo, & sic de pane illo manducare, & de calice bibere, videlicet abstinens ali- quot diebus ab operibus carnis, & purificans corpus, animamque suam, præparet se ad percipiendum tantum sacramentum exemplo David, qui nisi se confessus fuisset abstinuisse ab opere conjugali ab heri, & nudius tertius, nequaquam panes propositionis, a Sacerdote acceperat". Id ipsum tradidit Augustinus serm. 216. de tempore Dominica 10. post Pentecosten serm. 2. & serm. 244. de temporibus.

Quid vero sentiendum erit de altera Gratiani Canonis parte: *nec inter Catholicos connumerabitur &c.*? non solum hæc non leguntur in Concilio Eliberitano, sed etiam repugnare videntur traditioni Concilii huius ætati; quandoquidem vetus erat Fidelium consuetudo accedendi quotidie ad Sacram Eucharistiam, & quidem de Hispaniæ Provinciis etiam suo tempore testatur Hieronymus in e-

pist. 28. ad Licinium Boeticum; ut proinde tum supervacaneum fuerit tria quotannis tempora definire, quibus Fideles ad cœnam sacram adigerentur. Id primum constitui cœpit refrigerante Fidelium charitate post 6. Ecclesiæ sæculum, uti liquet ex canone 18. Concilii Agathensis, ex cap. 50. Concilii Turonensis 2. quod habetur in lib. 2. Capitularium cap. 45. & quod Burchardus, cuius propositum erat a laudandis Capitularibus Francis abstinere, Fabiano Papæ tribuit in lib. 5. cap. 17. unde & Gratianus imprudens etiam ex Fabiano retulit in can. 16. dist. 2. de cons. Sed non est, cur pluribus immorer, ubi apertissima Gratiani erroris est ratio ex collectione Burchardi desumpta. Itaque Burchardus postquam retulit in dicto cap. 22. lib. 5. memoratum fragmentum illis verbis: *Omnis homo ante sacram communionem a propria uxore abstinere debet tres, aut quinque, aut septem dies*, ad alia gradum facit Conciliorum fragmenta, atque descripturus in cap. 25. Agathensem Canonem, qualis apud Gratianum habetur in can. 19. de consecr. dist. 2. prænotat veluti compendiarium quandam Agathensis Canonis sententiam de more suo his verbis: *Quod inter Catholicos non connumeratur, qui in istis tribus temporibus, Pascha, Pentecoste, Natali Domini non communicat.* Hæc verba arbitratus est Gratianus ad præcedens caput pertinere, ac propterea cum præcedenti conjungere minime dubitavit, atque ita in dicto Canone 21. omnia, qualiacumque ea essent, Concilio Eliberitano tribuere.

De Canonibus Concilii Ancyranis.

Hi sunt Canones, quos Ancyranis Concilii nomine Gratianus descripsit.

- Can. 8. dist. 28. cum omnibus Concilii exemplaribus consonat.*
- Can. 32. dist. 50. emendandus ex pluribus Canonibus Ancyranis.*
- Can. 42. dist. 50. varius in diversis exemplaribus.*
- Can. 6. dist. 92. vix a melioribus exemplaribus discrepans.*
- Can. 42. cau. 12. qn. 2. verbis tenus a Concilio paululum discrepans, sententia congruus.*
- Can. 2. cau. 26. qn. 5. ex aliis melioris notæ exemplaribus supplendus.*
- Can. 24. cau. 17. q. 1. cum exemplaribus Concilii consonat.*
- Can. 46. cau. 27. q. 2. cum exemplaribus Concilii consonat.*

ETST ante annum 315. plures Episcoporum Synodos celebratas fuisse veterum monumenta abundè testentur, præsertim quum Ethnici a vexandis Christianis paululum interquiescerent, nulla tamen ex iis aut Canones ad futuram rei gestæ memoriam scripsit, aut si forte scripsit, ob temporum injurias, atque calamitates posteritati servire non potuit. Prior tempore ex illis, quarum Canones apud Collectores hodie legimus, est Ancyrana, quam eruditiores habitam ajunt circa annum 315. videlicet post tempora vexationis, qua jussu Maximini jactata fuit Ecclesia in Oriente, atque ante tempora alterius vexationis, quam eadem Ecclesia deinde passa est sub Licinio. Huic Concilio nomen dedit Civitas Ancyra in Asia minore sita, prima, atque amplissima Galatiæ urbs; ad quam convenientes octodecim Episcopi, Canones 25. ediderunt, quales in vetustissimis etiam collectionibus legimus. relatos post capita Nicæni Concilii, non quasi posteriores ætate, sed ut justam venerationem haberet, quod dignitate, & totius Ecclesiæ frequentia excelebat. Causa Concilii hæc fuerat. Quum Maximinus Christianos omnes insequeretur, & diris suppliciis angeret, plures ex Episcopis, & Clericis inferioribus, qui metu gravissimo fracti, ac debilitati Ecclesiam, Fidemque ipsam deseruerant, dein vita functo Maximino supplices Ecclesiæ reconciliari petebant. Operæ pretium fuerat prudentissimis viris modum præstitueret, quo poenitentes restituerentur, atque ad Ecclesiam revocarentur, proindeque pluribus Canonibus salubriter caveri oportuit, qui sa-

ne posterioribus, ac recentioribus poenitentialibus normam quandam, & exemplar præbuisse videntur, licet tamen & illis alia admixta fuerint non pauca, quibus disciplina sacrorum, quoad per tempora licebat, firmaretur.

Hujusmodi sano est Canon 8. dist. 28. *Can. 8. quem legimus in Canon 9. alias 10. ex dist. 28. Ancyranis.* Et quidem Gratiani verba consonant cum interpretatione Isidori Mercatoris, apud quem hæc sunt postrema Canonis verba: *cessare debent, laicam tamen recipientes communionem, quæ apud Gratianum desiderantur.* Paullo aliter scribit Dionysius Exiguus ibi: *Diaconi quicumque ordinantur, si in ipsa ordinatione protestati sunt, & dixerunt velle se conjugio copulari quia sic manere non possunt, hi si postmodum uxores duxerint, in ministerio manebunt, propterea quod eis Episcopus licentiam dederit. Quicumque sana tacuerunt, & susceperunt manus impositionem professi continentiam, & postea nuptiis obligati sunt, a ministerio cessare debent.* Hunc eundem canonem corrumpit in sua collectione Martinus Bracarensis, imo eidem contrariam omnino sententiam affinxit his verbis: *Diaconus, qui eligitur, si contestatus fuerit pro accipiendo matrimonio, & dixerit non posse in castitate permanere, hic non ordinatur. Quod si in Ordinatione tacuerit, & ordinatus fuerit, & postea matrimonium desideraverit, alienus sit a ministerio, & vacet a clero.* Forte Martinus sententiam Concilii immutavit, ut disciplinæ sui temporis morem gereret. Neque enim eadem esse poterat ratio Antistiti Bracarenis, quæ fuit Patribus Ancyranis. Tempore enim Ancyranis Con-

cilii decebat quidpiam remitti de asperitate disciplinæ Diaconorum, quum pauci admodum essent, qui Diaconorum munus sponte, libenterve susciperent. Ad auctis vero Ecclesiarum bonis, atque horum administratione Diaconis commissa, quum plures Diaconorum officia spectarent, vitæ Diaconalis ratio exacta est ad præclaram, & perfectam honestatis formam. Quæ si maturius observassent ex etherodoxis nonnulli, non adeo forte Romanam Ecclesiam conviciis lacerassent occasione huius Ancyrani Canonis; quasi Ancyrani Patres de continentia Diaconorum, quam Ecclesia Sancta diligentissime custodit, minime solliciti fuerint. Atque hæc præjudicata opinio etiam valuit apud eos, qui eruditores audire maluerunt. Quid amabo aliud innuunt Ancyrani Episcopi, quum Diaconis concedunt nuptias contrahere, si Episcoporum dispensatio tempore Ordinationis accesserit, quam veterem fuisse disciplinam Ecclesiæ, qua generaliter Diaconi castimoniam servare tenerentur, & si non custodissent, a gradu suo deicerentur? Quorsum ordinantis auctoritas intervenire, ubi nulla Lex Ecclesiastica nuptiis obstitisset? Quæ cum ita fiat, non recens est Romanæ Ecclesiæ consuetudo, quam male feriati homines improbant, sed ipsis antiquissimis Ecclesiæ Regulis omnino conveniens.

can. 30.
dist. 30.

Ad eos, qui in persecutione Maximiani lapsi fuerant, pertinet can. 32. dist. 30. quam Gratianus non satis integre descripsit; & quanquam Romani Correctores jam in illius emendationem nonnulla adjecerint, juvabit tamen eundem describere ex interpretatione Dionysii Exigui, qualis in Codice Iuliani habetur, ibi: *Presbyteri immolantes, & iterum luctum adeuntes, si hoc non per illusionem aliquam, sed ex veritate fecerint, nec ante parentas, & affectantes, atque suadentes, ut abstinentur, quidem tormentis aptari, sed his visis tantum, & habitu subjeti, hos placuit honorem quidem ratinare propria sedis; offerre vero, aut alloqui, aut omnino sacerdotalibus officiis fungi non licere.* Hæc in can. 2. ex Ancyranis, cui respondere videtur Cyprianus in libro de lapsis, his verbis: *Tanta candore conspicuos Ministros suas Ecclesia esse decernit, ut licet secundo certamina clauum priore uictoria hostem superassent, ac proinde se negationis suæ labe emaculassent, non tamen idoneos amplius existimaverit, qui sacris functioni-*

bis ministrarent. Sequitur canon 2. Ancyranus, quem Gratianus refert in §. *Diaconi.* *Diaconi similiter, qui immolaverunt, honorem quidem habeant, cessent vero ab omni sacro ministerio, sive a pane, sive a calice offerendo, vel predicando. Quod si quidam Episcoporum conscii sunt laboris eorum & humilitatis, & mansuetudinis, & voluerint eis aliquid amplius tribuere, vel adimere, penes ipsos erit potestas.* Digna profecto sunt observatione verba illa: *Sive a pane, sive a calice offerenda, vel predicando,* quasi innuatur ex iis olim Diaconos sicut prædicationis Evangelicæ, ita sacræ oblationis fungi officio potuisse. Si de prædicatione divini verbi loquamur, minime dubitaverim asserere, hanc inter munera Diaconorum habitam fuisse, quum & ab ipsis Apostolorum temporibus Diaconum Stephanum Evangelii præconem invictissimum fuisse sacræ Actorum Apostolicorum literæ testentur, & perennis Ecclesiæ consuetudo demonstrat a Diaconis Evangelium publice legi, & solemniter, quæ sane lectio species prædicationis videtur. Qui huiusmodi potestatem Diaconis denegant, prædicandi verbum sumunt pro denunciare, ac explicandum illud Diaconorum officium, quæ solent indicare populo, quid inter missarum solemnias aut Catechumenis, aut pœnitentibus, aut omnibus indiscriminatim Fidelibus agendum sit, quemadmodum & hodie clamare solent his verbis: *Procedamus in pace, & ipsa missa est, & stetimus genua.* Majus forte negotium facessere potest facultas offerendi Diaconis in memorato canone tributa. Nemo sane de ea ita sentiet, ac si Diaconis aliquando licuerit sacrificia Deo offerre, quæ solis Sacerdotibus perpetuo reservata fuisse universa antiquitas docet, imo in canonibus Nicænis num. 12. expresse traditur Diaconos potestatem offerendi non habere. Propterea apud Ancyranos Patres offerendi verbum idem significabit, ac circumferre, idest Eucharistiam ad populum deferre, & populo distribuere, quod munus Diaconorum fuisse vel ipse memoratus canon Nicænus exhibet; aut forte verbum offerendi intelligemus pro oblatione panis, & calicis, quam Diaconus facit Sacerdoti Deo hostiam oblaturo; juxta illud quod ait Ildorus Hispalensis: *Levita inferunt oblationes in altaria.* Hic non pergit Gratianus, sed subdidit canonem 3. Ancyranum, qui ita legitur ex eadem Dio-

myſi Exigui interpretatione. " Qui ſu-
 „ gientes comprehenſi ſunt, vel a do-
 „ meſticiſ traditi, vel ademtiſ facultatibus ſuſtinuere tormenta, aut in cu-
 „ ſtodiam truſi proclamaverunt ſe Chri-
 „ ſtianos eſſe, & eo uſque adſtriſi ſunt;
 „ ut manuſ eorum comprehendentes vio-
 „ lenter attraherent, & funeſtiſ ſacrifi-
 „ ciis admoverent; aut aliquid polluti
 „ cibi per neceſſitatem ſumere cogerentur,
 „ conſtantes jugiter ſe Chriſtianos
 „ eſſe, & luſtum rei, quæ contigit in-
 „ ceſſabiliter oſtendentes omni deſectio-
 „ ne, & habitu, & humilitate vitæ,
 „ hoſ velut extra debitum conſtitutoſ a
 „ communioniſ gratia non vetari. Si
 „ vero prohibiti ſunt ab aliquibus pro-
 „ pter ampliorem cautelam, vel propter
 „ quorundam ignorantiam, ſtatim reci-
 „ piantur. Hoc autem ſimiliter & de
 „ Clericis, & de ceteriſ laiciſ obſerva-
 „ re conveniet. Perquiſitum eſt autem
 „ & illud, ſi poſſunt etiam laici, qui
 „ in haſ neceſſitatiſ anguſtiſ inciderunt,
 „ ad clericatuſ ordinem promoveri, pla-
 „ cuit ergo & hoſ, tanquam qui nihil
 „ peccaverunt, ſi & præcedentiuſ eorum
 „ vita probabilis ſit, ad hoc officiũ
 „ provelti. Quæ vero Gratianuſ ſub-
 „ dit in poſtremiſ verbis, ſive in §. *de hiſ*
autem, non habentur inter canoneſ An-
 „ cyranos, ſed potiùſ repetenda ſunt ex
 „ canone 12. ex Nicæniſ, qui ex interpreta-
 „ tione Dionyſii hiſ verbis legenduſ eſt:
 „ De hiſ, qui præter neceſſitatem præ-
 „ varicati ſunt, aut præter ablationem
 „ facultatem, aut præter periculum,
 „ vel aliquid huiuſmodi, quod factum
 „ eſt ſub tyrannide Licini, placuit Sy-
 „ nodo quamvis humanitate probentur
 „ indigni, tamen eiſ benevolentiam com-
 „ modari. Hæc ſane cum Gratiani
 „ fragmento collata eſſe videntur, licet
 „ perperam ex Concilio Ancyrano laudata
 „ fuerint, neque enim in Ancyrano Con-
 „ cilio fieri mentio poterat de tyrannide
 „ Licinii, quam hoc idem Conciliũ præ-
 „ ceſſerat. Sed non ſolum in eo deliquit
 „ Gratianuſ, quod Nicænum Canonem An-
 „ cyranæ Synodo tribuerit, verum etiam
 „ in eo, quod non integram ſententiam
 „ ætulit, quæ ſane Gratiani propoſito
 „ accommodari non potuiſſet. Ejuſ menſ
 „ erat demonſtrare lapſoſ poſt pœnitentiam
 „ ad Clericoruſ gradus admitti poſſe. Sed
 „ id Nicæno Concilio deſignitum non eſt;
 „ etenim licet priora verba canonis 12.
 „ apud allata benevolentiam quandam pœ-
 „ nitentibuſ ſpondeant, non tamen alio

ſpectat hæc benignitas, quam ut in le-
 „ gitimas pœnitentiuſ ſtationeſ recipian-
 „ tur, non etiam ad ſacroſ Ordineſ ad-
 „ mittantur. Poſtrema canonis verba hæc
 „ ſunt: " Quicumque ergo veraciter pœ-
 „ nitudinem gerunt, tribuſ annis Fide-
 „ leſ inter audienteſ habeantur, & ſex
 „ annis omni ſe contritione deſciant,
 „ duobuſ autem annis ſine oblatione po-
 „ ſtulo in oratione communicent "

In can. 23. alias 22. Synodi Ancyra-
 „ næ legitur canon 42. diſt. 50. Poſtquam
 „ enim in canone præcedente de pœna *Can. 12.*
diſt. 50. homicidii voluntarii actum fuerit, ut
 „ ſcilicet jugiſ homicidarum pœnitentia eſ-
 „ ſet, quæ vix in fine vitæ perficeretur,
 „ ſtatim de homicidio involuntario ita ſub-
 „ ditur apud Dionyſium: " De homicidiis
 „ non ſponte commiſſiſ prior quidem
 „ definitio poſt ſeptennem pœnitentiam
 „ perfectionem conſequi præcipit; ſe-
 „ cundiſ vero quinquenniſ tempuſ exple-
 „ re. " Quid nomine prioris definitioniſ
 „ ſignificare voluerint Ancyrani Patreſ non-
 „ dum ſatis perſpectum eſt. Forte reſpe-
 „ xerunt ad aliquod Conciliũ retroactiſ
 „ temporibuſ apud Græcoſ celebratum, in
 „ quo præſtituta eſſet pœna ſeptenniſ, quam
 „ dein ad brevius tempuſ, nimirum ad
 „ quinquenniũ, contraxere. Nolim ta-
 „ men quempiam arbitrari contraſtioneſ
 „ huiuſmodi apud Græcoſ generatiſ fuiſ-
 „ ſe receptam: nam contrarium omnino
 „ tradidit S. Baſiliuſ, qui floruit ſub ſi-
 „ clem IV. ſæculi, & in canoniſ ad Am-
 „ philochium num. 57. ita ſcripſit: " Qui
 „ non voluntarie interfecit, undeciſ an-
 „ niſ Sacramentiſ non communicabit.
 „ Undeciſ autem anni ſic in eo diſpen-
 „ ſantur. Duoſ quidem annoſ deſſe-
 „ bit, treſ autem annoſ inter auditores
 „ perfeverabit, in quatuor ſubſtratuſ,
 „ & anno ſolo conſiſtet, & deincepſ ad
 „ ſacra admittetur. " Non erat ſane hæc
 „ in re una ac perpetua Eccleſiarum diſ-
 „ ciplina, ubi de canonibuſ pœnitentia-
 „ libuſ ageretur, aliudque in Ancyrana Ec-
 „ cleſia, aliud in Cæſareenſi, aliud in ce-
 „ teriſ ſervabatur. Sic in quodam frag-
 „ mento ex iſ quæ collegit Jacobuſ Petit
 „ in Pœnitentiaſ Theodori Cantuarienſiſ,
 „ pag. mihi 67. hoc legitur de parricidiis:
 „ Si quiſ hoc crimen perpetraverit,
 „ quidam judicaverunt, ut ſeptem an-
 „ niſ pœniteat, vel quatuordecim pœ-
 „ nitentiam egiſſet, quidam uſque ad fi-
 „ nem vitæ, ſicut Cain, qui ſimilia per-
 „ petraverit. " Gratianuſ in laudato
 „ fragmento addidit vocem illam *humana*,
 „ vel,

vel, ut alii legunt, *humanior*, quæ tamen vox neque in veteribus Ancyrani Concilii editionibus, neque apud antiquos canonum Collectores habetur.

Can. 6. Dionysii Exigui interpretationem o-
 dist. 92. minino sequutus est Gratianus in can. 6.
 dist. 92. sive in canone 18, Ancyrano, ubi posteriora illa verba, *santque damnatione notabiles*, ita ab aliis ex Græcis exemplaribus explicantur: & *abdicati efficiantur*. Sic Zonaras Græcus interpret ait: "Quod sic eos quoque, qui illic de-
 gunt, Episcopos seditionibus vexent,
 Sacerdotis quoque dignitate privari,
 & abdicatos effici, hoc est, ab Ec-
 clesia expelli jubet". Clarius Balsamon in notis ad eundem canonem ibi:
 Presbyteratus autem honorem ab eo,
 qui sic agit, auferre, & abdicatum fieri, ne intellexeris de depositione accipi, sed de ejus sola honoris ablatione, scilicet ne, ut cum Sacerdotibus quidem sedeant, dignus habeatur".

Can. 42. Can. 42. cau. 12. qu. 2. describendus
 cau. 12. erat ex Dionysio Exiguo ad canonem 14.
 q. 2. Ancyranum. "De his, quæ pertinent
 ad Ecclesiam quæcumque, cum non
 esset Episcopus, Presbyteri vendide-
 runt, placuit, rescisso contractu, ad
 jura Ecclesiastica revocari. In iudicio
 autem erit Episcopi, si pretium de-
 beat recipi, necne, quia plerumque
 rerum distractorum redditus ampliore
 summam pro pretio dato reddiderit".
 Alii vice priorum verborum ita legunt:
 De his, quæ pertinent ad Domini-
 cum, quæcumque, dum non esset E-
 piscopus, Presbyteri vendiderunt, re-
 vocare Dominicum, Plane Domini-
 ci nomine intelligi rem Deo dedicatam,
 nemo est qui inficietur juxta illud Cy-
 priani in libello de opere & elemosina:
 Et Dominicum celebrare te credis,
 quæ carbonem omnino respicis, quæ
 in Dominicum sine sacrificio venis".

Can. 2. Canon 2. cau. 26. qu. 5. relatus est
 cau. 26. etiam in librum pœnitentialem Roma-
 q. 5. num ab Antonio Augustino editum cap.
 1. tit. 6. cujus priora verba hæc sunt:
*Qui divinationes expetunt, & more Gen-
 tilium subsequuntur, aut in domos &c.*
 est autem canon 24. aliis 25. ex Ancy-
 ranis, in quo describendo Gratianus usus
 est interpretatione Dionysii Exigui, cum
 qua omnino consonat. In posterioribus
 Gratiani editionibus post illa verba *secun-
 dum gradus pœnitentia definitis* additum
 est &c. quasi aliqua adhuc huic fragmen-
 to deessent. Sane apud Dionysium nihil

amplius habetur; tantum in Græcis e-
 ditionibus tempora quinquenni distribuun-
 tur; atque ita latine explicantur: *Qui
 vaticinantur, & gentium consuetudines
 sequuntur, vel in suas ades aliquos in-
 troducunt ad medicamenta arte invenien-
 da, vel lustrationem, in quinquenniis ca-
 nonem incidunt secundum gradus defini-
 tos, tres annos substationis, & duos an-
 nos orationis sine oblatione*. An hæc in-
 tegra verba in ipso Concilii autographo
 descripta fuerint, an vero illis addita-
 mentum accesserit studio cujuspiam Græ-
 ci interpretis. Ego facile dubitaverim,
 quum, ut prænotavi, apud Dionysium
 Exiguum veterem collectorem hujusmo-
 di graduum distributio non legatur. At-
 que etiam Aristenus Græcus interpret
 ita eundem canonem præcise descripsit:
*Qui vaticiniis nititur, & qui quempiam
 in domum veneficii exquirendi, aut lustra-
 tionis causa introducit, quinquennio sub-
 jaceat*.

Canon 19. ex Ancyranis legitur in
 can. 24. cau. 27. qu. 1. ubi pœnitentiæ
 Can. 24. regula illis præstituitur, qui virginitatem
 Can. 27. Deo devotam violari permiserunt, q. 1.
 his verbis ex interpretatione Dionysii:
*Quotquot virginitatem promittentes irri-
 tam faciunt sponsionem, inter bigamos cen-
 scantur*. Quæ verba non solum de fe-
 minis, sed etiam de viris intelligenda
 sunt, quemadmodum intellexit Zonaras
 in notis ad hunc canonem ita scribens:
*Qui virginitatem sive viri, sive mulieres
 sunt professi, si fidem promissi frugerint,
 digamorum pœnis subjiciantur*. At si for-
 te quæretur, quænam fuerit hæc pœna
 digamis indicta, vulgo tradi solet illam
 vel anno, vel biennio fuisse persolutam,
 quod deducunt ex canone 4. Basilii ad
 Amphilochem; ubi Sanctus Antistes di-
 gamis annum pœnitentiæ indicit, sub-
 ditque ab aliis biennium decerni; Tri-
 gamos autem tribus, vel aliquando qua-
 tuor annis segregandos esse. Ceterum
 cum apud veteres digamorum appella-
 tione non solum venirent, qui post pri-
 mum conjugium morte alterutrius con-
 jugis dissolutum novum inirent, verum
 etiam qui duabus promiscue uxoris com-
 pularentur, aut una divortio dimissa al-
 teri jungerentur, atque non una eadem
 pœna immineret variis hujusmodi digamorum generibus; ego sane ita Ancyranum canonem interpretandum censue-
 rim, ut quicumque promissam virgini-
 tatem violaverint, illis Digamis compa-
 rarentur, qui ab uxore divertendo no-
 vum

vum conjugium appetissent, eademque omnino pœna tenerentur. Etenim quædam interest similitudo, atque analogia, proindeque nec adeo levis pœna teneret violatores voti, quemadmodum digamos illos, qui dissoluto per mortem conjugis matrimonio ad secundas nuptias progrediebantur; nec adeo gravis, sicut eos, qui simul duabus conjugibus uterentur. Equidem illis, qui vivente conjugē adulteria potius, quam conjugia multiplicant, sive qui duabus uxoribus copulantur, quindecim annorum pœnitentia imminet juxta canonem 57. Basilii ad Amphilochem. Illi vero, qui mortua prima secundæ uxori junguntur, anno tantum inter pœnitentes morabantur. De illis, qui post divortium novas nuptias contraxissent nihil definire ausim, quum scripta vetus deficiat disciplina canonum, ut vix suspicari, aut conicere liceat mediam quandam inter utramque pœnitentiam indictam fuisse. Fortasse alicui non displicebit, quod ad laudatum canonem Ancyrano tradit Alexius Aristenus Græcus interpretis his verbis: *Qui virginitatem professus est, & votum irritum facit, quadriennio segregatur.*

Can. 46. cau. 27. q. 2. Quæ in canone 46. cau. 27. q. 2. referuntur, his verbis habentur in Ancyrano canone 11. apud Dionysium: *Desponsatas puellas, & post ab aliis raptas placuit erui, & eis reddi, quibus ante fuerant desponsata, etiamsi eis a raptoribus vis illata confiterit.* Sunt hic vestigia disciplinæ veteris, qua inspecta matrimonia inter raptorem, & raptam omnino prohibebantur, cui præterea civile jus hac in re penitus consonabat. Nov. 143. & 150. juncta l. un. cod. de raptu Virginum.

A P P E N D I X.

De Canone 12. cau. 26. q. 5. nomine Concilii Anquirensis laudato.

Can. 12. cau. 26. qu. 5. UNUM adhuc fragmentum superest ex iis, quæ apud Gratianum Ancyrano Concilio tribuuntur, scilicet canon nomine Concilii Anquirensis; vocabulo sane inflexo ex impericia ejuspiam antiqui Scriptoris; siquidem jam apud Burchardum, apud quem idem fragmentum legitur cap. 1. libri 10. legitur nomine Concilii Anquirensis. Porro Anquirensis Concilii nomen ignotum omnibus est, nisi cum Ancyrano Concilio confunda-

tur, ac propterea in omnibus Conciliorum editionibus canon iste solet assui. Canonibus Ancyranis ad calcem Synodi, ubi præterea depromptus dicitur ex quodam libello sexdecim librorum partialium lib. 6. cap. 7. Verum hanc additionem eruditi omnes communi suffragio apocrypham censent, inter quos est Baronius ad ann. 314. num. 89. Facile mihi fuit Gratiani errati causam reperire, apprime dignoscens a Burchardo primum hunc canonem Concilii Anquirensis nomine fuisse relatum. Deceptus fuit Burchardus ex lectione Reginonis, qui in lib. 2. de Eccl. discipl. quædam descripsit in cap. 363. ex Concilio *Anquirensi*, atque eadem, quæ Rhabanus in Epist. ad Heribaldum cap. 25. describere se profitebatur ex Concilio *Ancyrano*; deinde idem Regino in capite sequenti, seu 364. ita progreditur: "Unde supra: „ Ut Episcopi, ipsorumque Ministri omnibus viribus elaborare studeant, ut „ perniciosam, & a Diabolo inventam „ sortilegam, & maleficam artem penitus e paræciis suis eradant, & si alium „ quem virum aut feminam hujuscemodi sceleris Sectatorem invenerint, ruper „ piter dehonestatum de paræciis suis ejiciant. Ait enim Apostolus. Hæreticum post unam & secundam admonitionem devota, sciens quia subversus est, qui ejusmodi est. Subversi sunt, „ & a Diabolo capti tenentur, qui de „ relicto creatore suo, a Diabolo suffragia quærunt. Et ideo a tali peste „ mundari debet Sancta Ecclesia. Illud „ etiam non omittendum, quod quædam „ sceleratæ mulieres retro post Satanam „ conversæ Dæmonum illusionibus, & „ phantasmatibus seductæ, credunt se, „ & profitentur nocturnis horis cum „ Diana Paganorum Dea, & innumera „ multitudine mulierum equitare super „ quasdam bestias, & multa terrarum „ spatia intempestæ noctis silentio pertransire, ejusque jussionibus velut Dominæ obedire, & certis noctibus ad „ ejus servitium evocari. Sed utinam hæ solæ in perfidia sua periissent, & „ non multos secum in infidelitatis interitum pertraxissent. Nam innumera „ multitudo hac falsa opinione decepta „ hæc vera esse credit, & credendo a „ recta fide deviat, & in errorem Paganorum devolvitur cum aliquid divinitatis, aut numinis extra unum Deum esse arbitratur. Quapropter Sacerdotes „ per Ecclesias sibi commissas populo „ cum

„ eam omni instantia prædicare debent,
 „ ut noverint hæc omnimodis falsa esse,
 „ & non a Divino, sed a maligno spi-
 „ ritu talia phantasmata mentibus fide-
 „ liam irrogari; siquidem ipse Satanas,
 „ qui transfigurat se in Angelum lucis,
 „ cum mentem cujuscumque mulierculæ
 „ cæperit, & hanc sibi per infidelita-
 „ tem, & incredulitatem subjugaverit,
 „ illico transformat se in diversarum
 „ personarum species, atque similitudi-
 „ nes, & mentem, quam captivam tenet,
 „ in somnis deludens, modo læta,
 „ modo tristitia, modo cognitæ, modo in-
 „ cognitæ personas ostendens per devia
 „ quæque deducit; & cum solus spiri-
 „ tus hoc patitur, infidelis mens hæc
 „ non in animo, sed in corpore eveni-
 „ re opinatur. Quis enim non in somnis,
 „ & nocturnis visionibus extra seipsum
 „ educitur, & multa videt dormiendo,
 „ quæ nunquam viderat vigilando? Quis
 „ vero tam stultus, & hebes sit, qui
 „ hæc omnia, quæ in solo spiritu fiunt,
 „ etiam in corpore accidere arbitretur,
 „ cum Ezechiel Propheta visiones Do-
 „ mini in spiritu, non in corpore vide-
 „ rit, & Johannes Apostolus Apocaly-
 „ psis sacramenta in spiritu, non in cor-
 „ pore vidit, & audivit, sicut ipse di-
 „ cit: statim fui in spiritu: & Paulus
 „ non audet se dicere raptum in corpo-
 „ re: Omnibus itaque publice adnuncian-
 „ dum est, quod qui talia, & his simi-
 „ lia credit fidem perdidit, & qui fi-
 „ dem rectam in Deo non habet, hic
 „ non est ejus, sed illius in quem cre-
 „ dit, idest Diaboli, nam de Domino
 „ nostro scriptum est: omnia per ipsum
 „ facta sunt. Quisquis ergo aliquid cre-
 „ dit posse fieri, aut aliquam creaturam
 „ in melius aut deterius immutari, aut
 „ transformari in aliam speciem vel si-
 „ militudinem, nisi ab ipso creatore,
 „ qui omnia fecit, & per quem omnia
 „ facta sunt, procul dubio infidelis est.
 „ Integra descripsi Reginonis verba, quod
 „ Gratianus aliquas canonis notas immuta-
 „ verit, aut ab aliis jam immutata in suum
 „ Codicem transtulerit.

Itaque cum Regino caput suæ Colle-
 lectionis ita inscripserit, unde supra,
 putavit Burchardustribuendum illud ef-
 se Concilio Ancyrano, ex quo caput
 præcedens laudabatur; & dein Burchar-
 dum sequuti sunt alii Collectores. Fal-
 so tamen, nam verba unde supra, quæ
 frequenter apud Reginonem occurrunt,
 aliud omnino significant, videlicet idem

Tom. I.

pertractari in sequentibus, quod & in
 præcedentibus pertractare cæperat. Non
 desunt, qui suspicantur Reginonem vo-
 luisse eo loci referre statutum aliquod
 Francorum, sive, ut ajunt, Capitularè
 hætenus ineditum, cum stilus capitis
 ejusdem temporibus Capitularium pluri-
 mum conveniat, quum præterea mate-
 ries & eidem ætati, & provinciis eis-
 dem consentanea sit, consuetumque fue-
 rit Capitularium Francorum conditori-
 bus eadem Capitularia pluribus Scripto-
 rum Ecclesiasticorum testimoniis *insarci-
 re*, quemadmodum explicat vir erudi-
 tus. Cæterum in Concilio Ancyrano quæ-
 dam esse constituta his similia jam supe-
 rius adnotabam ad Canonem 2. cau. 26.
 q. 5. Non omitam præterea observare,
 plura hujus canonis verba legi in cap. 28.
 libri de Spiritu, & Anima, qui vulgo
 Augustino tribuitur, & a Monachis Be-
 nedictinis in Appendicem tom. 1. novæ
 editionis rejectus, atque a Trithemio,
 necnon Vincentio Belluacensi adscribitur
 Hugoni a S. Victore, aut a Thoma A-
 quinate qu. un. de Anima art. 12. ad 1.
 Anonymo cuidam Ordinis Cisterciensis,
 compositus autem est ex variis Augusti-
 ni, Gennadii, Boetii, Cassiodori, Isido-
 ri Hispalensis, aliorumque fragmentis in-
 ordinate congestis ita, ut inter Eccle-
 siasticos canones locum habere non pos-
 sit. Quæ itaque ibi leguntur ad rem hanc
 pertinentia, hæc subjiciam. Postquam di-
 ctum est animas hominum aliquando Dæ-
 monum maligno spiritu torqueri, sic sub-
 ditur: *Unde quadam muliercula post Sa-
 tanam conversæ Daemonum illusionibus, &
 phantasmatibus seducta credunt, & prosi-
 tentur se nocturnis horis, cum Diana Dea
 Paganorum, vel cum Herodiade, & Mi-
 nerva, & innumera mulierum multitu-
 dine equitare, (quæ sane loquendi phra-
 ses nonnisi post sextum Ecclesiæ sæcu-
 lum in vulgus emanarunt), earumque
 illusionibus obtemperare. Ipse namque Sa-
 tanas, qui transfigurat se in Angelum
 lucis, cum mentem cujusque muliercula
 cæperit, & hanc sibi per infidelitatem sub-
 jugaverit, illico transformat se in diver-
 sarum personarum species ac similitudines,
 & mentem, quam captivam tenet, in
 somnis deludens, modo læta, modo tristitia,
 modo cognitæ, modo incognitæ personas o-
 stendens per devia quæque deducit, & cum
 hoc solus patitur spiritus infidelis, non in
 animo, sed in corpore evenire opinatur;
 idcirco nimis stultus, & hebes est, qui hæc
 omnia, quæ in spiritu fiunt, etiam in cor-*

E

cor-

corpore accidere arbitrat, cum *Ezechiel*, & alii *Propheta*, *Johannes etiam Evangelista*, & alii *Apostoli in spiritu*, non in corpore visiones viderint. Quicumque laudatum *Gratiani Canonem*, sive *Reginoniana Collectionis caput* cum his verbis contulerit, facile percipiet *Reginonem* plura ex dicto libro de spiritu, & anima excerptisse, eademque in suum Codicem transtulisse, quibus etiam quædam adjecerit, ut *Episcopos*, ceterosque *Mi-*

nistros *Ecclesiasticos* admoneret, ne forte nimium creduli plusquam par esset *Dæmonum* vi, ac potestati pravorum hominum, aut mulierum fraudibus decepti tribuerent. Non inficior tamen & *Reginonem* quædam ibidem attulisse ex variis *S. Augustini sententiis*, quemadmodum illud est, quod dicitur *Dæmon* aliquando sese transformare in *Angelum lucis*, uti adparet ex can. ult. cau. 26. q. 5. de quo suo loco nonnulla tradam.

C A P U T I V.

De Conciliis Arelatensibus.

In *Arelatensi Civitate*, quæ sita est in *Gallia Narbonensi* nemo ignorat plura, & quidem magni nominis celebrata fuisse *Concilia*, ex quibus in *Gratiani Codice*, prout hodie editus est, tria tantummodo memorantur, atque singulis singula capita tribuuntur, præter quædam fragmenta, quæ generatim *Concilio Arelatensi* adscripta legimus, quin tamen peculiariter adjectum sit, ad quamnam ex *Arelatensibus Synodis* pertineant. Sunt autem sequentes *Canones*.

Ex Arelatensi 1. { *Can. 14. dist. 81. perperam Concilio Arelatensi tributus.*
Can. 2. caus. 14. q. 4. congruit cum exemplaribus Concilii.
Can. 26. de consecr. dist. 3. varius in diversis exemplaribus.
Can. 109. de consecr. dist. 4. ad melioris notæ exemplaria exigendus.

Ex Arelatensi 2. { *Can. 6. dist. 28. varius in diversis exemplaribus.*
Can. 69. dist. 50. paullo varius in diversis exemplaribus.
Can. 5. dist. 55. congruit cum exemplaribus Concilii.
Can. 9. dist. 87. congruit cum exemplaribus Concilii.
Can. 2. cau. 3. qu. 10. ad melioris notæ exemplaria exigendus.
Can. 13. cau. 33. qu. 4. ex aliis ejusdem Concilii Canonibus explicandus.

Ex Aurel. 3. { *Can. 7. dist. 28. ad melioris notæ Codices exigendus.*
Can. 2. dist. 55. varius in diversis exemplaribus.

Adjiciuntur. { *Can. 12. dist. 18. pertinet ad Concilium Arelatense 2.*
Can. 17. cau. 18. q. 2. pertinet ad Concilium Arelatense 5.
Can. 4. cau. 21. q. 5. pertinet ad Concilium Arelatense 3.
Can. 37. cau. 27. q. 1. pertinet ad Capitularia Regum Francorum.
Can. 38. cau. 27. q. 1. pertinet ad Concilium Toletanum 3.
Can. 6. cau. 30. q. 5. pertinet ad Capitularia Regum Francorum.
Can. 94. de conf. dist. 2. depromptus ex variis vetustis Peni-
sentialibus.

Concil. Arel. 1. Imperante *Constantino* ab anno 312. videbatur reddita pax *Ecclesiæ Occidentali*; plurimaque propterea celebrari concilia potuerunt ad res *Ecclesiasticas* sive tuendas, sive augendas, Imperatore ipso *Ecclesiarum utilitatem* sedulo pro-

movente. Inter ea celebratissimum est *Concilium Arelatense* d. anni 314. cujus hæc fuit occasio. *Mensurius* quidam *Carthaginensis Episcopus* jussu *Maxentii Imperatoris* prius vocatus *Romam*, *Sacra Ecclesiæ suæ* vasa quibusdam com-

mendaverat discessurus. Verum dum iter agressus est, in itinere decessit. Suffectus in defuncti locum Cæcilianus postulavit, ut vasa sacra restituerentur a depositariis, qui tamen contra fidem religionemque depositi eadem restituere recusarunt, quod ut persuaderent se honeste facere, callidis artibus adversus Cæcilianum, quasi læsæ per illius electionem Ecclesiæ vindices falsa crimina intenderunt, quo fieret, ut vel idem ab Episcopatu detruderetur, vel saltem ipsi a molestiis sibi ab Episcopo exhibitis evaderent calumniando. Illud in primis obiciebant, Cæcilianum tradidisse Gentilium Magistratibus Ecclesiasticos libros ad gravissimam rei Christianæ injuriam; præterea de necessariis Confessorum commodis, aut alimentis subtraxisse, illorum præsertim, qui omni humano auxilio destituti apud Gentiles in carceribus detinebantur. Atque dum hæc adversus Cæcilianum molirentur improbi homines, quis non videat cœpisse concuti Africanam Ecclesiam inopportuno schismate, quod dein magis magisque eandem turbavit, quum Donatus quidam a casis nigris, a quo Donatistæ & nomen & hæresim acceperunt, rem hanc eo deduxerit, ut novum Episcopum nomine Majorinum Ecclesiæ eidem Carthaginensi præficiendum curasset; nec enim contentioni pepercit, sed omnem propemodum lapidem movit, ut Cæcilianus a Carthaginensi Ecclesia arceretur. Constantinus Imperator ad seditiones omnes & schismata compescenda paratus, ubi id ægro animo accepit, statim causam hujusmodi commendavit definiendam Rheticio Augustodunensi, Materno Agrippinensi, & Marino Arelatensi Episcopis; neque enim arbitratus est eligere Africanos Antistites, quos in causa suorum aliquid præjudicati habere posse facile erat suspicari. Visum insuper fuit maxime opportunum Melchiadis Romani Pontificis judicium exquirere, qui statim junctis sibi nuper memoratis Gallicanis Episcopis tribus Romæ Synodum convocavit ex Episcopis quindecim, ubi res prospere cessit, Cæciliano unanimi Patrum sententia ab illatis criminibus absoluto. Non tamen acquieverunt seditiosi Donatistæ, qui apud Imperatorem conquesti novum fieri judicium postularunt. Hinc orta Concilii Arelatensis occasio; visum enim fuit convocata Synodo universam rem hanc facile potuisse concludi, ut apertius sicut de infantis Cæci-

liani integritate, ita de impiorum acculætorum perfidia, atque improbitate constaret. Arelatensis Civitas habita est convocationi Concilii accommoda, ad quam & Constantinus ipse, & legati Pontificii accessisse feruntur, & Concilio interfuisse anno 314. Immo etiam universi propemodum Occiden. Eccl. Episcopi eo conveniunt, ita ut non desint, qui Concilium hoc *planarium* Ecclesiæ Concilium appellare non dubitaverint. Res iterum favore Cæciliani cessit damnatis Donatistis, de quibus multa apposite tradit Augustinus in Epist. 162. & 166. & in lib. 2. contra literas Petiliani. Ex his facile est agnoscere maxime venerabilia nobis esse hujus Concilii Decreta, ex eo potissimum, quod in illis universæ propemodum Occidentalis Ecclesiæ veteris doctrina continetur.

Ex Canonibus, qui huic Concilio adscribuntur apud Gratianum primus occurrit canon 14. dist. 81. & quidem in posterioribus plurimis editionibus post Romanam correctionem, quamquam tamen in vetustis Gratiani Codicibus exemplaribus ille canon Aurelianensi potius Concilio tribuatur, & quidem rectius, quippe is legitur in Concilio Aurelianensi I. anni 511. can. 9. & 12. In canone 9. hæc habentur: *Si Diaconus, aut Presbyter crimen capitale commiserit, simul & officio, & communione pellatur, & in canone 12. Si Diaconus, aut Presbyter pro reatu suo se ab Altaris communione sub pœnitentis professione submoverit, sic quoque si alii defuerint, & causa certa necessitatis exoritur, postea baptismum liceat baptizare.* Arbitror id ex oscitantia Typographi evenisse, ut pro Aurelianensi Arelatense Concilium laudaretur.

Simile propemodum mendum irrepsit quorundam Typographorum incuria in canonem 2. cau. 14. q. 4. in aliquibus editionibus, hanc exhibentibus inscriptionem. *Ex Concilio Agathensi 1. quod confirmavit Papa Sylvester.* Emendatius aliarum editiones habent: *Ex Concilio Arelatensi 1. &c.* Revera cum canone 12. Concilii ejusdem Arelatensis congruit dictus canon 2. cau. 14. qu. 4. quem tamen ita oportebit ad exemplaria notæ melioris exigere. *De Ministris, qui fuerant, placuit eos juxta formam divinitus datam a communione abstinere:* legunt alii *abstinere.* Hanc porro constitutionem clarius & impensius urgere voluerunt Nicæni

Can. 14.
dist. 81.

Can. 2.
cau. 14.
q. 4.

Concilii Patres can. 17. cujus verba retulit Gratianus in can. 8. ejusdem causæ & quæstionis, ex quo etiam liquet, quænam sit illa *forma divinitus data*, juxta quam Clerici sænori, & usuris dediti a communione arcendierant. Atque etiam forte inde conjicere possumus causam, qua Gratianus Concilium hoc Arelatense a Sylvestro Pontifice confirmatum dixerit; non quod revera constet expresse ab eodem confirmatam fuisse Synodum, sed quod memoratus Arelatensis Concilii canon confirmatus fuerit in Nicæno Concilio summum Pontificatum administrante Sylvestro.

Can. 26. de conf. dist. 3. Eadem etiam ratione factum puto, ut canon 26. de conf. dist. 3. ita inscriberetur: *Ex Concilio Arelatensi 1. quod confirmavit Papa Silvester*, quod videlicet illa, quæ ibidem de die Paschatis definiendo, atque ab omnibus eodem tempore servando traduntur, probata sint in Concilio Nicæno sub Sylvestro Papa juxta id quod refert Epiphanius hæresi 69. & Sozomenus lib. 1. cap. 21. indicaturque in can. 1. Concilii Antiocheni anni 341. can. 1. Valde solliciti erant de Ecclesiastica unitate Arelatenses Patres, qui propterea in canone 1. statuerunt, ut sanctum Pascha in universa Ecclesia uno eodemque die celebraretur; Jam pridem enim diremta erat Asiaticorum controversia, postquam sub Victore Papa Decretum fuerat, ut Christiani ab Judæis in celebratione Paschali distinguarentur, videlicet diem Dominicum lunam 15. Martii subsequenter festum, & solemnem agerent. Unum illud supererat, ut definiretur modus observandi lunam Paschalem, de qua aliter alii sentiebant, quamobrem sæpe sæpius profectum fuerat in diversis Diocæsisbus diversos quoque dies Paschales designatos fuisse, contra quam Ecclesiarum unitas, & consensus exigere videretur. Itaque cum in Arelatense Concilium omnes fere Occidentalis Ecclesiæ Episcopi convenissent, illud antiquissimum habuerunt præ ceteris, ut rem hanc Romani Pontificis solertix, auctoritatisque commendarent, quo fieret ipsum indicare Episcopis omnibus diem Paschatis per formatam Epistolam, juxta quam omnes Episcopi Pascha celebrarent, atque hinc Paschali Epistolarum usus originem habuit. Exhibentur hæc omnia in dicto can. 1. Arelatensi, si tamen legatur non prout descriptus est apud Gratianum in can. 26. de conf. dist. 3. sed prout in

ipsius Concilii exemplaribus habetur. Ibi-
dem Episcopi in Concilio Romanum Pontificem ita alloquuti perhibentur. *Primo loco de observatione Pascha Dominici* (legunt alii: *Dominici*), *ut uno die, & uno tempore per omnem orbem a nobis observetur, & juxta consuetudinem litteras ad omnes tu dirigas*. Igitur priore illa ætate hæc disciplina in Occidente servari cæpit, ut Episcopi universi a Romano Pontifice Paschalem diem præsignatum acciperent, acceptumque celebrarent communi animo, quo sicut in ceteris, ita hac etiam in parte Ecclesiarum unitas, & consensus adpareret. Atque de re ista rursus actum fuit in Nicæno Concilio, uti superius attigi, unde ad universalem Ecclesiam hæceadem jurisprudentia protraheretur. Ægyptii quidem Antistites initio proposuerant sibi potius congruere velut Astrologiæ studio præ ceteris deditis hujusmodi tempora definire; sed post varias disputantium opiniones illud tandem communi suffragio obtinuit, ut Alexandrinus Episcopus a suis Ægyptiis diem decimam quintam Martii lunarem investigaret, exquisitamque Romano Pontifici significaret; dein vero Romanus Pontifex diem Paschalem in sequentem Dominicam collatum per Encyclicam omnibus palam faceret, observandumque proponeret, vel ipsi etiam Ægyptiis, a quibus primum acceperat, divisâ prope modum inter Ægyptios & Romanos sacre rei sollicitudine, ut ab Ægyptiorum peritia penderet quidquid ex planetarum revolutis orbibus definiendum erat, at cetera, quibus generalis Ecclesiæ disciplina exinde stabilienda foret, Romanæ Ecclesiæ tanquam omnium Ecclesiarum Principi reservarentur. Ad clare liquet ex Epistola Leonis Magni ad Marcianum Augustum 64. alias 94. ibi: „ Paschale etenim festum, quo Sacramentum salutis humanæ maxime continetur, quamvis in primo semper mense celebrandum sit, ita tamen est „ lunaris cursus conditione mutabile, „ ut plerumque sacratissimæ diei ambigua occurrat electio, & ex hoc fiat „ plerumque, quod non licet, ut non „ simul omnis Ecclesia, quod nonnisi „ unum esse oportet, observet. Studios- „ runt itaque Sancti Patres occasionem „ hujus erroris auferre, omnem hanc „ curam Alexandrino Episcopo delegantes, quoniam apud Ægyptios hujus „ supputationis antiquitas tradita esse „ videbatur peritia, per quam, qui an-

„ annis singulis dies prædictæ solemn-
 „ tatis eveniret, Sedi Apostolicæ indi-
 „ caretur, cujus scriptis ad longinquo-
 „ res Ecclesias iudicium generale per-
 „ curreret“.

Ca. 109. de conf. dist. 4. referen-
 dus est ad Canonem 8. Concilii Arela-
 tensis, in quo constitutum fuit eos, qui
 ab hæreticis Catholicorum Ecclesiæ con-
 ciliantur, rebaptizari debere, quoties
 Trinitatis mysterium ignorent; tum enim
 suspicio suboriebatur, eos non in nomi-
 ne Trinitatis, ac propterea non juxta
 formam a Christo Salvatore institutam
 fuisse baptizatos. Illud sane observandum
 est, Gratianum Canonem depravatum
 fuisse in ea parte, in qua Arrianorum
 mentio fit, quum Arrianorum nomen
 Arelatensis Concilii temporibus nondum
 audiri cœpisset; si enim historicis fides
 est, Arrius hæresim suam evulgare cœ-
 pit Alexandriæ anno 3. Pontificatus Syl-
 vestri, atque ideo post Arelatense Con-
 ciliū. Melioris notæ Codices ita Can-
 onem Arelatensem exhibent: *De Afris,*
quod propria lege sua munitur, ut, rebap-
tizent, placuit, ut si ad Ecclesiam ali-
quis de hæresi venerit, interrogent eum
Symbolum, & si perviderint eum in Pa-
tre, Filio, & Spiritu Sancto esse bapti-
zatum, manus ei tantum imponatur, ut
accipiat Spiritum Sanctum, quod si in-
terrogatus non responderit hanc Trinita-
tem, baptizetur. Hæc porro, quæ de
 Afris dicuntur, nemo non videt intelli-
 genda esse de Donatistis, quorum animi
 ad seditionem proclives veterem contro-
 versiam rebaptizantium excitabant.

Concil. Arel. II. Atque hi sunt, quos recensui, Cano-
 nes Concilii Arelatensis I. a Gratiano
 laudati, qui a ceteris abstinuit, ubi for-
 te novum Donatistarum Schisma compe-
 scébatur. Venio nunc ad Concilium Arela-
 tensē II. quod quemadmodum apud eru-
 ditos Epocham habet incertam, ita non
 incommode huc loci referri poterat; eo
 vel magis quia non defuerunt nonnulli,
 qui hoc Concilium Constantini Impera-
 toris temporibus tribuerunt ea moti ra-
 tione, quod in subscriptionibus Episco-
 porum, illorum nomina eadem legantur
 in secundo, quorum legebantur in pri-
 mo. Sane Cabassutius in notitia Eccle-
 siastica sæculi 5. Epocham hujus Con-
 cilii *incomptam* vocat, & Sirmondus li-
 cet asserat celebratum illud fuisse post
 Concilium Vasense anni 442. subdit ta-
 men, *quo prorsus anno, & quibus ab E-*
piscopis celebratum sit, non liquere; ac

deinde conjicit referendum esse da-
 num 452. æræ Christianæ, quum Ra-
 vennius Episcopus Arelatensem Ecclesiam
 administraret. Sed si conjecturis in re
 adeo obscura locus esse potest, paullo
 aliter ego sentio, arbitratus hoc Con-
 ciliū celebratum fuisse circa annum 443.
 seu cum Hilarius Arelatensis Episcopus
 viveret. In primis enim placere non po-
 test, quod alii asserunt, hoc Concilium
 ætatem Concilii I. Arelatensis attingere,
 quum in hoc plura legantur ex postero-
 ribus Conciliis, Vasensi nimirum, &
 Arausicano deprompta, quæ incidunt in
 annum 441. & 442. quin negotium ul-
 lum facessere possint subscriptiones Epi-
 scoporum, quarum nomina eadem adpa-
 rent tum in I. quum in II. Arelatensi
 Concilio; Jamdiu enim satis apud eru-
 ditos constitit id proficisci potuisse ex
 Codicum depravatione, in quibus cano-
 nes secundi Arelatensis Concilii post ca-
 nones primi statim subijci potuerunt,
 subsequētibz postremo Episcoporum
 subscriptionibus, quas propterea jure
 merito a Concilio Arelatensi II. Severi-
 nus Binius vir rerum veterum Ecclesia-
 sticarum eruditus expunxit, & Synodo
 Arelatensi I. restituit. Hæc faciliora sunt.
 Ratio vero qua eo adducor, ut credam
 Hilarii Arelatensis ætati hoc Concilium
 tribui potius debere, ex eo deduci po-
 test, quod in canone 18. hujus Concilii
 definiatur ad Arelatensis Episcopi arbi-
 trium pertinere Provinciale Concilium
 celebrare proposito Marini Episcopi Arela-
 tensis exemplo (refertur id ad Con-
 ciliū Arelatense I.), qui Episcopus in-
 dixit Synodum, ad quam dein quamplu-
 res diversarum Provinciarum Episcopi
 convenerunt. Hujusmodi canon Hilario
 Arelatensi maxime congruit; scimus e-
 nim Leonem cognomento Magnum an. 445.
 Epistolam ad Galliarum Episcopos mi-
 sisse, in qua Hilarii Arelatensis Acta
 improbat, quod magnas, ac prope ge-
 neralis Ecclesiæ Synodos convocaret;
 siquidem Hilarius exemplo Concilii Arela-
 tensis I. ad quod plurimum Provincia-
 rum Episcopi accefferant, alia similia
 in Arelatensi Civitate Concilia se ordina-
 ria auctoritate convocare posse existimabat.

Speſtant hæc ad tempus Concilii. Alia
 suboritur dubitatio de ejusdem Canoni-
 bus numerandis: apud quosdam tantum
 25. Canones habentur, alii Codices ex-
 hibent 53. alibi leguntur etiam 36. Er-
 go non miror tam diversas editiones, ne-
 que enim dubito affirmare Canones re-

vera 56. editos in Concilio fuisse. Quoniam vero huiusmodi Concilium ab eo celebratum fuerat Episcopo Arelatenſi, qui novo more ſuam iurisdictionem latius extendere cupiebat, hanc ob rem a Leone Summo Pontifice objurgatus; exinde factum eſt, ut non omnes huius Concilii Canones ubique recepti ſint, ſed aliquot tantum, prout aliorum Conciliorum Canonibus quidam viderentur conſonare. Propterea modo plures, modo pauciores in variis editionibus exhibit ſunt, pro illorum arbitrio, qui cum recepta illius temporis diſciplina eoſdem canones conciliabant, eoſque in lucem proferrebant, prout communi iuriſprudentiæ concordēs ſibi viderentur. Ex his facile augurari licet non multum auctoritatis in eſſe Canonibus huiusce Concilii, niſi forte ex illis ſint, qui cum ſacris aliorum Conciliorum regulis omnino conveniant, quales vulgo creduntur 25. priores, qui in omnibus Concilii ejuſdem editionibus continentur.

Ex his, qui ab omnibus probantur, *Can. 6. diſt. 28.* eſt canon 6. diſt. 28. is enim pertinet ad canonem 2. Concilii huius Arelatenſis, deinde plurimum conſonat cum canone 22. Concilii Arauſicani. Oportet tamen Gratiani verba ita emendare ex melioris notæ exemplaribus: *Assumi aliquam ad Sacerdotium non poſſe in conjugii vinculo conſtitutum; niſi fuerit promiſſa converſio*: Ita enim optimos Codices habere Sirmondus notat, licet aliqui Codices exhibeant, quemadmodum Gratianus, *promiſſa converſio*. Sane Gratianus canon talem ſententiam Arelatenſibus Episcopis aſſignat, ut facile admitterent diſſolvi conjugia Sacerdotalis ordinationis cauſa; quod nuſquam veterum Patrum decretis permiſſum eſt; Convenientius autem juxta Sirmondum deſcribitur canon, quaſi indicetur non aliter quempiam ad Sacerdotales gradus admitti, niſi liber a conjugii vinculo, quique continentiae voto ſeſe primum adſtrinxerit.

Can. 69. diſt. 50. Nec eſt cur improbetur can. 60. diſt. 50. qui habetur in can. 25. ejuſdem Concilii Arelatenſis I. niſi forte inter hoſce duos canones hoc diſcrimen velis agnoſcere, quod canon ultimus Concilii I. Arelatenſis de illis Apoſtatis agat, qui a fide deſecerunt, at vero canon 25. Arelatenſis II. Concilii expreſſos ſit de illis, qui habitum religioſum ſemel ſuſceptum abdicaverunt, atque ad ſæcularis vitæ rationem reſerſi ſunt. Porro ubi Gratia-

nus ſcripſit: *ad ſæcularem redeunt conversationem*, alii Codices Concilii habent: *Et ad ſæculum redeunt*.

Canon 4. diſt. 55. eiſdem omnino verbis legitur in Canone 7. Arelatenſis II. *Can. 4. diſt. 55.* Concilii, cujus ſane ſententia plurimum conſonat cum canone 1. Nicæni Concilii relato in can. 7. diſt. 55. de quo uberius infra agendum erit ſuo loco.

Nemo ignorat veterem fuiſſe diſciplinam non tantum civili jure conſtitutam, ſed etiam ſacrorum canonum auctoritate firmatam, qua obtinebat, ut ſi quis infans expoſitus fuiſſet vel liber homo, vel ſervus conſenſu, vel patientia parentum aut dominorum, iidem domini, aut parentes paternam dominicamve poteſtatem amitterent, necnon infans expoſitus vel in veram ſervitutem, vel in colonariam conditionem addiceretur illi, qui educandum ſuſtulſſet L. 1. & 2. Cod. de infant. expoſitis, excepto tamen eo quod dicitur in L. 16. Cod. de nuptiis, juxta quam illud Parenti conceditur, ut poſſit matrimonio filii expoſiti diſſentire, quoties educatori expenſa retulerit. At ſi parentibus aut dominis inſciis infans filius, aut ſervus fuiſſet expoſitus, licebat dominis, aut parentibus a poſſeſſore filium, aut ſervum vindicare. Hoc quidem in detrimentum, immo aliquando in interitum expoſitorum vergebat; etenim quum nonnulli exiſterent, qui expoſitos puerulos excepturi eſſent in tutelam quodammodo ſuam, exceptos enutrituri, atque educaturi, ea ſpe ducti, ut illos in ſuam poteſtatem redigerent, facile a ſuſcepto conſilio removebantur, infantibusque expoſitis auxilium denegabant, ſuſpicati per dominos, vel parentes deinde ab omni legum emolumento remotos eſſe, allegantibus dominis vel parentibus ipſis, filios ſervosve ſuos eiſdem omnino inſciis expoſitos fuiſſe. Hinc orta occaſio fuit, ut certa hac in re juris regula ſtatuſſet, qua ſimul & parentum dominorumque ignorantia conſuleretur, atque alias infantes omni humano ſubſidio minime deſtituerentur. Et primum in Vaſenſi Concilio anni 442. can. 9. & 10. cautum eſt, ut diebus dominicis, monerentur publice in Eccleſia omnes, ad quos infans expoſitus pertinere poſſet, eo poſtulante, qui curam infantis ſuſceperat, quo facto ſi nemo filium aut ſervum expoſitum velut ſuum agnoviſſet, tunc omnis facultas ademta cenſebatur unicuique, qui poſt aliquod tempus ad vindicationem ſui infantis pro-

cla-

clamaret, imo & is velut homicida certis poenis ab Ecclesiasticis Canonibus praefinitis plebatur. Videbatur enim homicidae nota illi inurenda, qui tamdiu de filio, vel servo suo quomodocumque a se abrepto nullam sollicitudinem habuit, licet in Ecclesia publice sciverit eundem expositum extitisse. Haec illa est Concilii Vasis sententia, quam Patres Concilii Arelatensis II. probarunt, reculeruntque in can. 51. qui apud Gratianum est canon 9. dist. 87. ut proinde liquido constet verba illa *sicut patrum sanxit auctoritas* ad Concilium Vasis referenda esse. Idem etiam confirmatum est in Concilio Agathensi anni 506. can. 24. ubi ita legitur: *De expositis id observandum, quod jam dudum Synodus sancta constituit*; quae verba ad Concilium idem Vasis referenda fore eruditi omnes animadvertunt.

Can. 1. Canon 2. cau. 3. qu. 10. habetur in
can. 3. can. 24. Concilii Arelatensis II. sed his
q. 10. verbis, quae nonnihil distant a Gratianis: *Eos, qui falso fratribus suis capitalia objecisse convicti fuerint, placuit usque ad exitum non communicare, sicut Magna Synodus ante constituit, nisi digna satisfactione penituerint*. Severinus Binius nomine Magnae Synodi intellexit Nicenam; quamobrem ad hunc canonem adnotavit ultra viginti numerandos esse Nicenos canones, quum hujusmodi constitutio inter vulgatos Niceni Concilii canones minime reperiatur. Verum, venia dixerim viri eruditissimi, Hilarius Arelatensis potius eo nomine significandam voluit Synodum Arelatensem I., quam fere universalem, atque ex toto ferme Occidente convocatam fuisse superius tradidi, cujusque exemplo magis ipse Synodos convocare se posse jactabat. Revera in Concilio Arelatensi I. can. 14. ita praefinitum legimus: *De his, qui falso accusant fratres, placuit eas usque ad exitum non communicare*, quae constitutio edita fuerat adversus accusatores Caeiliani Episcopi Carthaginensis. Illud observatione dignum est benignitatem esse Concilii Arelatensis II. constitutionem, quam fuit Constitutio nuper allata Concilii Arelatensis I. etenim in Constitutione Concilii Arelatensis II. clausula illa adjecta est, *nisi digna satisfactione penituerint*, quae in Concilio Arelatensi I. desideratur.

Can. 13. In Canone 21. ejusdem Concilii Arelatensis II. definitum fuerat eos, qui publicae poenitentiae sunt addicti, non so-

lum ab uxoribus abstinere debere, verum etiam si poenitens conjux defunctus fuerat, novas nuptias esse superstiti conjugum denegandas. Hinc in Canone sequente, videlicet 22. amplius progressi Arelatenses Patres decreverunt poenitentiam conjugatis nonnisi ex consensu dandam, cujus Canonis verba refert Gratianus in Can. 13. cau. 33. q. 2. quem propterea sanius intelligendum velim, quam a quibusdam Interpretibus intelligatur. Non enim illud arbitror generaliter cautum, nonnisi ex conjugis consensu delinquentem conjugem divinis poenitentiae legibus subjiendum esse, ne alias delinquentes conjuges salutaribus, optimisque remediis destituerentur; verum hanc disciplinam eo redigendam puto, ut, quoties tali poenitentiae conjux alteruter addicitur, ex qua perpetua utrique conjugum continentia indicatur juxta dictum Canonem 21. cum ex utriusque conjugis consensione poenitentium numero adscribatur.

Opportunum, atque huic loco maxime conveniens esse censeo, si quaedam adhuc subijciam de Concilio Arelatensi III. celebrato anno 524. Tertium hoc Concilium appello, non quod alia numero plura Arelatensia Concilia non praecesserint, sed quod quae alia a duobus jam relatis praecesserunt, aut paullo obscuri nominis sunt, aut quod eorundem apud Collectores Canonum, atque apud Gratianum nulla mentio facta fuerit; quamobrem Arelatense hoc Concilium anni 524. vulgo *Arelatense tertium* dicitur. Non defuerunt viri caeteroqui gravissimi, qui hoc Concilium anno 453. celebratum asseruerunt; eo quod legisent consularem notam, in qua nomen Opilionis inscribitur; Fertur enim Opilio Consulatum gessisse cum Vincomalo anno 453. Verum id cum ceteris minime congruit; nam cum hoc Concilium convocatum appareat tempore Caesarii Arelatensis, qui post annum 500. ad Arelatensis Ecclesiae regimen electus est, debet ad posteriora tempora referri, proindeque, ut jam animadvertit Sirmundus, alius quaerendus erit Opilionis Consulatus. Porro invenio Opilionem simul cum Justino Imperatore Consulatum gessisse anno 524. qui annus cum incidat in aetatem Caesarii, quis amplius dubitet eum temporis hoc Concilium celebratum fuisse? Ad disciplinam ecclesiasticam reformationem pertinent singuli hujus Synodi Canones, praesertim ad ordinationes Clerico-

ricorum, ac Sacerdotum, quod liquet vel ex duobus fragmentis, quæ apud Gratianum habentur.

Can. 7. dist. 28. Primum est in Can. 7. dist. 28. quæ-
ties Romanorum Correctorum notis om-
nino adhærere velimus. Afferunt enim
ipfi Canonem hunc 7. referendum esse
ad Canonem 2. hujus Concilii Arelaten-
sis 3. in quo similis propemodum senten-
tia exprimitur, ibi: *Ut nullus Metropolita-
norum cuiusque Laico dignitatem Epi-
scopatus tribuat, sed nec reliqui Pontifi-
ces Presbyterii, vel Diaconatus honorem
conferre presumant, nisi anno integro fue-
rit ab eis promissa conversio.* Laudo so-
lertiam Correctorum Romanorum, qui
cum alibi verba Gratiani Canonis non
legissent, curarunt, ut alicujus Concilii
Arelatensis sententiam ibidem expressam
agnoscerent. Hodie, postquam integræ
habitæ sunt Concilii Arelatensis II. edi-
tiones, idem Canon referendus potius
erit ad Canonem 43. Concilii Arelaten-
sis II. de quo jam superius egimus; ete-
nim hæc ibi leguntur: *Placuit præterea,
ut secundum Synodi instituta non ordi-
nantur Diacones conjugati, nisi qui prius
conversionis proposito professi fuerint casti-
tatem.* Quis non videat ex his Gratia-
neum Canonem fuisse depromptum? Si
quis autem a me forte petierit, quo re-
ferenda sint illa Canonis verba: *secun-
dum Synodi instituta*, facile responderim
pertinere ad Canonem 22. Concilii A-
rausiaci I. quod paulo ante Concilium
Arelatense II. celebratum fuerat. Ver-
ba Arausiaci Canonis hæc sunt: *Sedit
præterea, ut deinceps non ordinentur Dia-
cones conjugati, nisi qui prius conversio-
nis proposito professi fuerint castitatem.*

Can. 2. dist. 55. Alterum fragmentum habetur in Can.
2. dist. 55. qui consonat cum can. 3. e-
iusdem Concilii Arelatensis III. dummo-
do pro illis verbis: *Missas celebrare præ-
sumserit, Ecclesia communione privetur,
& ab omnium fratrum communione neve-
rit se alienum; ita potius legamus: Mis-
sas celebrare præsumserit, ab omnium fra-
trum charitate se noverit alienum;* quam
scribendi formam aliqua in parte jam
observaverunt Romani Correctores, quan-
quam & isti charitatis, & communionis
vocabula promiscue acceperint, quæ meo
iudicio longe diversam criminis poenam
præferant, quum aliud omnino sit fi-
delium *communione*, aliud fidelium co-
rundem *charitate* privari.

Ca. ad-
jecti. Debuerunt hæc omnia superius memo-
rata Concilia vel ex hoc uno simul son-

geri in unum locum, quod adhuc non-
nulla supersint fragmenta Concilii Arela-
tensis nomine apud Gratianum inscripta
quin tamen dignosci possit, ad quod ex
Arelatensibus Conciliis referri debeant.
De istis agendum in præfens superest.

Primus est Canon 12. dist. 18., qui C. 22.
in quibusdam Gratiani exemplaribus et-
iam post correctionem Romanam hanc
habet inscriptionem: *Ex Concilio Arela-
tensi cap. 19.* Laudandum erat hoc in
loco Concilium Arelatense II. in quo
Hilarius Arelatensis, ut superius ani-
madvertebam, se Primatem in Galliis
constitui exoptabat, ita ut non tantum
Galliarum, sed totius etiam Occidentis
Episcopis ejusdem jurisdictioni in Con-
cilio celebratione obtemperarent. In
Canone enim 18. hujus Concilii ita cau-
tum fuerat: *Ad Arelatensis Episcopi ar-
bitrium Synodus congreganda, ad quam
urbem ex omnibus mundi partibus, præci-
pue Gallicanis sub sancti Marini tempo-
re legimus celebratum fuisse Concilium,
atque conventum. Si quis commonitus in-
firmitatis causa defuerit, personam vice
sua dirigat.* Dein in Can. 19. statim
subditur: *Si quis autem adesse neglexe-
rit, &c.* quemadmodum leguntur apud
Gratianum in dicto Canone 12. Quicum-
que de bono jure Hilarii Arelatensis du-
bitaverit in hac re, facile intelliget e-
tiam de auctoritate hujus Canonis ma-
xime dubitandum esse, immo etiam re-
probabit illum, statim ac a Pontifice
Maximo Leone I. reprobatum in hac
parte fuisse Hilarii Arelatensis factum
animadvertet: videlicet Epistolam Leonis
89. alias 10. ad Episcopos Viennensis
Provinciæ ibi: *Hilarius Ecclesiarum
,, statum, & concordiam Sacerdotum
,, novis præsumptionibus turbaturus ex-
,, cessit, ita suæ vos cupiens subdere
,, potestati, ut se B. Apostolo Petro
,, non patiatur esse subiectum, ordina-
,, tiones sibi omnium per Gallias Eccle-
,, siarum vindicans, & debitam Metro-
,, politanis Sacerdotibus in suam tran-
,, sferens potestatem, &c.* Verum de
his fusior sermo instituetur suo loco,
ubi agendum erit de Epistolis Magni
Leonis.

Canonem 17. cau. 18. q. 2. plures ar-
bitrati sunt Epitomen esse Canonis 16. Ca. 17.
præcedentis, qui est Concilii Aurelia-
nensis I. quemadmodum suo loco osten-
dam. Quod eo vel magis verosimile red-
ditur, quia in quibusdam Gratiani edi-
tionibus idem Canon 17. ex Concilio
Aure-

Aurelianenſi laudatur, ut facile ſit ſuſpicari apud quendam forte ex Collectionibus vetuſtis verba ejuſdem Canonis 17. ad marginem collocata fuiſſe, vel quaſi compendium in inſcriptione dicti Canonis Aurelianenſis, uti fieri ſolet in collectionibus Canonum ſere omnibus; Gratianum vero quaſi verba Concilii Aurelianenſis retuliſſe incauto, ac poſtremo in quibuſdam Codicibus ex Typographorum oſcitantia pro Aurelianenſi Concilio commemoratum fuiſſe Arelatenſe. Porro eadem ſerme Canonis huiuſce ſententia legitur in pluribus Aurelianenſibus Conciliis: ut enim omittam relatum Canonem 16. cau. 18. q. 2. eſt etiam Canon 22. Concilii Aurelianenſis II. Canon 23. Concilii Aurelianenſis III. ex quibus omnibus liquido conſtat, quinto, & ſexto ſæculo, quibus eadem Concilia celebrata feruntur, Monaſteria, & Monachorum diſciplinam ad Episcopi Diœceſani iuriſdictionem pertinuiſſe, quemadmodum, paucis quidem, ſed clariſſime dicitur in dicto Can. 17. cau. 18. qu. 2. Verum quotquot huc uſque Gratianis Canonibus notas ſubdiderunt, nondum omnino ejuſdem Canonis autographum indicarunt. Video ego non opus eſſe, ut ad Concilia potius Aurelianenſia conſugiatur; quandoquidem editum hodie habemus Concilium Arelatenſe V. anni 554. ſub Episcopo Sabauda, & Rege Childeberto, in quo canone 2. ita decretum legitur: *Ut Monaſteria, vel Monaſtorum diſciplina ad eum pertineat Episcopi, in cuius Territorio ſunt conſtituta.* Quotumque verba hæc cum Gratiani fragmento contulerit, illud idem ad hoc Concilium referendum eſſe non ambiget.

Can. 4. In nonnullis etiam recentioribus Gratiani editionibus canon 4. cau. 21. q. 5. nulli determinate ex Arelatenſi Concilio tribuitur, quam tamen eiſdem omnino verbis reperiatur deſcriptus in Concilio Arelatenſi vulgo tertio anni 524. de quo ſuperius agebam.

Can. 37. Perperam ex Arelatenſi Concilio inſcriptus eſt can. 37. cau. 27. q. 1. neque enim aut ipſe, aut ſimilis quæpiam ſententia in ullo ex Conciliis Arelatenſibus legitur, niſi forte reſpicere velimus ad canonem 52. Concilii Arelatenſis II. ita expreſſum: *De puellis, qua ſe vouerunt Deo, & præclari decore nominis floruerunt, ſi poſt viginti, & quinque annos audis ad terrenas nuptias ſponte tranſeant; id cuſodiendum eſſe decrevimus.*

Tom. I.

ut cum his, cum quibus ſe alligauerint, communionem priuentur, ita ut eis poſtulantibus pœnitentia non negetur, cuius pœnitentia communio multo tempore differatur. Verum hæc, etſi paulisper cum Gratiani fragmento convenire videantur, nondum tamen integram illius ſententiam continent. Alibi quærendus eſt Gratiani Canonis ſons, & origo. Pertinet hic canon ad Capitularia Francorum Regum, in quibus habetur in lib. 6. cap. 414. Pariſienſis editionis anni 1677. eiſdem omnino verbis, quem in ſuam quoque collectionem ſelectorum Capitularium retulit Iſaacus Episcopus Lingonenſis circa annum 860. tit. 3. c. 5. atque exinde etiam facile colligo, quânam errori cauſam dederit. Nimirum Burchardus V Vormaciensis eo animo erat, atque iis gentis ſuæ adfectionibus ducebatur, ut a laudandis Francorum Regum Capitularibus abſtineret ob frequentes ſui temporis contentiones Francorum cum Germanis, apud quos debebat. Ipſe propterea hocce Capitularium fragmentum in ſuam collectionem relaturus, ne Capitularium nomine uteretur, in inſcriptionibus ſuppoſuit nomen Concilii Arelatenſis, quod & generatim in Galliis editum canonem fuiſſe indicaret, alias vero a Capitularibus, uti propoſuerat, memorandis temperaret. Id frequens Burchardo extitiſſe jam in præſatione operis admonui. Atqui ex Burchardo Arelatenſe Concilium laudavit Ivo Carnotenſis, ex Ivone de more ſuo menda in ſuum Codicem tranſtulit Gratianus. Hiſ addam præterea eundem canonem comprobatum fuiſſe in Concilio Troſlejano anni 909. can. 8. item nonnulla conſentanea haberi in canone 6. Concilii Turonenſis I. anni 461. ibi: *Qui vero ſe ſacratæ virginibus per conjunctionem nefandam miſcuerint, vel propoſitum profeſſa religionis dereliquerint, utrique a communione habeantur alieni, quia ſi quis Templum Dei violaverit, diſperdat illum Deus, donec reſpiſcentes a laqueo diaboli, a quo lapſi tenentur, ab ipſius voluntate ad auxilium pœnitentiæ revertantur.*

Animadverterunt viri in Codice Gratiano verſatiſſimi canonem 38. cau. 27. q. 1. in vetuſtis Gratiani Codicibus deſiderari, in iis videlicet, a quibus abeant Palææ; in aliis vero Codicibus laudari nomine Concilii Toletani III. cap. 10. ſed in vulgatis Gratiani editionibus ita expreſſus eſt, ut videatur ab eodem

Can. 38.
cau. 27.
q. 1.

F

Arel-

Arelatenſi Concilio conſtitutus, a quo conſtitutus dicitur canon præcedens. Verum quicumque hunc canonem conferet cum canone 16. cau. 32. ſtatim dignoſcet utrumque ex eodem Concilio depromptum eſſe, videlicet ex memorato Concilio Toletano III. anni 589. can. 11. cuius hæc ſunt verba, ex quibus Gratiani ſcriptura ſuppleri poterit: *Pro conſulto caſtitatis, quod maxime hortamento Concilii proficere debet, annuente Domino noſtro glorioſſimo Recarado Rege hoc ſanctum aſſeruat Concilium, ut vidua, quibus placuerit, teneant caſtitaſtem, & nulla vidua ad nuptias iterandas venire cogatur. Quod ſi priuſquam proſtituantur continenſiam, nubere elegerint, illis nubant, quos propria voluntate elegerint habere maritos. Similis conditio & de virginibus habeatur, ne citra voluntatem parentum, vel ſuam cogantur maritos accipere. Si quis vero propoſitum caſtitaſtis vidua, vel virginis impoſuerit, a ſancta Communione, & a liminibus Eccleſia habeatur extraneus.*

Can. 6. Ex Capitularibus Francorum Regum
cau. 30. laudandus erat canon 6. cau. 30. qu. 5.
9. 5. in illis enim legitur lib. 6. cap. 133.
editionis Pariſienſis anni 1677. eiſdem
fere verbis. Gratianus ab Ivone deceptus eſt, Ivo a Burchardo, qui primus ita canonem eundem inſcripſit: *Ex Concilio Arelatenſi cap. 6. quæ dein inſcriptio in Gratiani Codice translata eſt. Noſebat Burchardus, quemadmodum jam alias attigi, Capitularia Francorum Regum commemorare, cum viveret apud Germanos tunc res Francicas ſui temporis execrantes; alias vero cum hocce fragmentum rei ſuæ valde accommodum agnoſceret, ab eo abſtinere noluit, ſed ratus eſt ſe poſſe illud ipſum referre mutato nomine Auctoris, & Arelatenſi Concilio tribuendo. Et quidem, licet id non deceret Collectoris integritatem, tamen vel in eo fidem ſervavit Burchardus, quod Gallicanæ Eccleſiæ diſciplinam Gallicano Concilio adſcripſerit. Verba autem, quæ in Capitularibus habentur, iſthæc ſunt: *Nullum ſine dotefiat conjugium, nec ſine publicis nuptiis quiſquam nubere præſumat.* Hinc adparet verba illa, quæ apud Gratianum leguntur: *juxta poſſibilitatem fiat dos, & illa, vel uxorem ducere, per poſteriores Collectores addita eſſe, niſi quiſpiam ſuſpicari malit eadem ad marginem primum adpoſita fuiſſe, & dein in textum irrepiſſe libratorum incuria. Quanquam vero &**

illud obſervandum eſt Capitularium ſententiam ipſam commodè explicandam eſſe, ne forte quiſpiam putet circa ſæculum 9. talem inducendam fuiſſe diſciplinam, ut & publice deberent conjugia celebrari, & interveniente dote. Conſilia hæc potius erant Gallicanorum Patrum, non decreta, ut ajunt, irritantia, aut leges, quæ conjugia aliter inita tanquam invalida habenda eſſe ſancirent; quod enim in primis pertinet ad dotis conſtitutionem, Reipublicæ quidem intereſt mulieres dotatas eſſe arg. l. 2. ff. de jure dotium, ſed non adeo ut ſine dote nullum ſit matrimonium l. 22. cod. de nuptiis: non enim dotibus, ſed aſſentionibus matrimonia contrahuntur, quemadmodum aſſebat Juſtinianus in l. 11. cod. de repudiis. Præterea licet nuptias clanculum initas ſemper Eccleſia reprobarerit, ante Concilium Tridentinum eadem nondum omnino irritæ declaratæ fuerant, uti in eodem Tridentino Concilio provide æque ac ſapientiſſime decretum eſt in ſeſſ. 24. de reform. matrim. cap. 1.

Ad nullum ex Conciliis Arelatenſibus, quæ huc uſque edita ſunt, pertinere poſteſt canon 94. diſt. 2. de conſecr. quemadmodum a Gratiano tribuitur, nec ad aliquod ex Conciliis Aurelianenſibus, ſicuti Burchardo adſcribere placuit in lib. 3. cap. 31. Potius videtur excerptus ex aliquo vetuſto pœnitentiali. Sane ſi pœnitentiale, quod edidit Antonius Auguſtinus, & Romanum appellavit, collectionem Burchardi vetuſtate antecelleret, facile ex eodem canonis huius origo repeti poſſet; etenim hic canon apud ipſum legitur ad calcem epitomes tit. 3. cap. 11. eiſdem omnino verbis, quibus apud Gratianum habetur. Non opus eſt tamen, quandoquidem aliud pœnitentiale antiquius produci poſſet, ad quem is canon ſit referendus. Ille eſt liber pœnitentialis ab Halitgario ex Eccleſiæ Romanæ ſcriniis excerptus circa annum 820. quem præter alios edidit Morinus in Appendice ad librum de pœnitentia, ubi cap. 10. ita legitur: *Qui non bene cuſtodit ſacrificium, & mus comederit, quadrageſima diebus pœnitent. Qui autem perdidit ſuum chriſma, aut ſolum ſacrificium in regione qualibet, ut non inveniat, tres quadrageſimas, vel annum pœnitent.* Hæc cum Gratiani fragmento collata plurimum conſonant, ut videatur Gratianus canon ab hoc Romano Pœnitentiali, tanquam a fonte repetendus.

Can. 94.
de Conf.
diſt. 2.

us, & ex eodem, tanquam ab archetypo emendandus. Verum heic ego minime sistendum arbitror. Antiquiorem agnosco canonis originem, & quidem a sæculo 7. quo tempore florebat Theodorus Cantuariensis, cujus pœnitentiale, & capitula magni semper ab omnibus facta sunt, & non modicam collectoribus canonum materiem suppeditarunt. Edidit nonnulla Theodori capitula Jacobus Petrus Parisius anno 1677. in primo volumine pag. 15. & sequentibus, quæ affert ex antiquo MS. optime descripta: numero autem 55. hæc leguntur: *Qui non bene custodierit sacrificium, & mus, vel aliquod animal aliud comederit, illud quadraginta dies pœniteat. Qui autem perdidit illud in Ecclesia, aut pars ejus ceciderit, & non inventa fuerit, viginti dies pœniteat.* Hæc eadem sunt cum canone Gratiani, & nullum aliud discrimen inter utrumque dignoscitur, quam in postremis verbis Gratiano scribente: *triginta dies pœniteat*, errore forte proficiscente ex numeralibus notis, in quibus sedulus quispiam errare faci-

le potest: ceterum Burchardus etiam habet: *viginti dies pœniteat*, quemadmodum legitur in memoratis Theodori Capitulis. Illud unum adhuc adjiciendum est, ut demonstretur revera canonis Gratiani Archetypum esse in Capitulis Theodori: Videlicet Burchardus, a quo & Ivo, & Gratianus acceperunt, hoc caput retulit in cap. 51. lib. 5. at in præcedentibus capitibus, hoc est in 46. 47. 48. 49. & 50. retulerat eadem Theodori capitula, & quidem eodem ordine, qualia habentur in collectione memorata Petiti: nam caput 46. Burchardi respondet canonis 50. apud Petitum, caput 47. canonis 51. caput 48. canonis 52. caput 49. canonis 53. caput 50. canonis 54. ita ut videatur maximam Capitulorum Theodori partem eo in loco Burchardus in Codicem suum transtulisse. Quamobrem facile concludere potero caput 51. Burchardi, qui idem est cum canone 94. de cons. dist. 2. apud Gratianum ad laudatum Capitulum 55. Theodori Cantuariensis referri omnino debere.

C A P U T . V.

De Concilio Neocæsarensi.

Neocæsarensi Concilio apud Gratianum sequentes Canones adscribuntur.

- Can. 9. dist. 28. apud varios Græcæ linguae Interpretes varius.
- Can. 11. dist. 34. vix in diversis exemplaribus varius.
- Can. 1. dist. 57. ad melioris notæ Codicem exigendus.
- Can. 4. dist. 78. cum sententia Græci canonis consonat.
- Can. 12. dist. 93. ex melioris notæ Codicibus jam restitutus.
- Can. 12. dist. 95. varius in Codicibus diversis.
- Can. 1. cau. 15. q. 8. varius in Codicibus diversis.
- Can. 8. cau. 31. qu. 1. vix in diversis exemplaribus varius.

Cappadociæ in Ponto Polemoniaco sita fertur Neocæsarea Civitas ad Lycum flumen. Ad eam iidem fere, qui in Ancyra Synodo interfuerunt, novi Concilii celebrandi causa convenerunt Episcopi numero tredecim, quamquam non desint Codices, in quibus recensentur quinquaginta. Apud omnes testatum est Neocæsarensium hanc Synodum Ancyranam quidem posteriorem esse, & Nicænam priorem; sed quo anno celebrata fuerit, non satis certum est. Referunt vulgo illam ad annum 315. quod Basilius Amasenus in ea interfuerit, qui anno 316. jussu Licinii martyrium perpe-

sus est. Canones in ea editi ad disciplinam Ecclesiasticam stabiliendam pertinent, præcipue vero ad distribuendos ecclesiasticos gradus, atque ad præstitutas conjugiorum rationes; numeranturque 15. licet alii referant tantum 14. sed levi discrimine; quum isti simul conjunxerint canones 13. & 14. Hujusmodi decreta maximi semper habita sunt, quemadmodum Ancyrana, sive ob vetustatem Concilii, sive ob Episcoporum doctrinam, sive ob decretorum eorundem sanctitatem, ac propterea vel antiquissimi canonum Collectores eadem in suis Codicibus recensuerunt; inter ceteros

Dionysius Exiguus latinitate omnia donavit, atque ad occidentalem Ecclesiam transduxit, apud quam deinceps eximiam semper auctoritatem obtinuerunt. Variæ tamen fuerunt apud nostros Græcorum canonum interpretationes, quapropter curandum semper erit, ut Græca exemplaria adeantur, quoties penes eruditos de germana latini canonis interpretatione dubitatur, aut saltem ad antiquiores latinos Codices confugiendum, quum sciverimus Græcorum libros fuisse aliquando turbatos, atque corruptos.

Can. 9.
dist. 28.

Primus hujus Concilii canon legitur in can. 9. dist. 28. ubi Gratianus Isidori Mercatoris interpretationem sequutus est. Paulo aliter habet Dionysius Exiguus his verbis: *Presbyter, si uxorem acceperit, ab ordine deponatur: si vero fornicatus fuerit, aut adulterium perpetraverit, amplius pelliculi debet, & ad pœnitentiam redigi*. Hoc sane in loco mentio nulla fit de ea pœnitentia, quam delinquentem Clericum inter Laicos redigi oporteat, quemadmodum apud Gratianum habetur. At si ad alios Codices Græcis exemplaribus conformes confugere velimus, in promptu erit Codex ille, quem vulgo appellant Codicem Ecclesiæ universæ. Ibi ita legitur: *Presbyter si uxorem duxerit, ordine suo moveatur; si autem fornicatus fuerit, vel adulterium commiserit, penitus extrudatur, & ad pœnitentiam redigatur, quam interpretationem etiam edidit, qui Pandectas canonum evulgavit Oxonii anno 1677. Ceterum sive Isidori Mercatoris, sive Gratiani lectio, quæ paullo difformis Neocæsarensi Concilio videtur, a Græcorum sententiis non est penitus aliena; immo si S. Basilii canones observaverimus, ad eos respexisse videbitur Isidorus, ubi de pœnitentia Sacerdotum inter Laicos peragenda verba fecit. Etenim Basilii in can. 32. ad Amphiloichium ait: *Qui peccatum ad mortem peccant Clerici, de gradu quidem deiciuntur, a Laicorum autem communione non arcantur; non enim vindicabis bis in idipsum; quibus consonat canon 24. inter Apostolicos, ex quo disciplinæ Græcæ ratio recte deduci potest. Erat ergo tum receptum, ut Clerici, quoties in graviora flagitia incidissent, a gradu quidem suo deicerentur, non autem consuetos apud Laicos pœnitentiæ gradus obirent, videbatur enim pœna satis aspera, & gravis vel una dejectio a gradu, & honore**

Ecclesiastico. Præterea observatione dignum est, Græcos interpretes, atque apud ipsos præcipue Balsamonem intellexisse Neocæsarensis canonem de Presbyteris, qui non ante, sed post ordinationem nuptias contraxerint; & quidem recte, cum in eodem Neocæsarensi Concilio canone 8. talis Græcorum disciplina fuisse præsumatur, ut liceret etiam iis, qui nuptias celebrassent, vivente adhuc uxore, Sacerdotio initiari.

Hic octavus canon habetur apud Gratianum in eanone 11. dist. 34. quem Dionysius Exiguus paullo aliter interpretatus est his verbis: "Mulier cuiusdam adulterata Laici constituti, si evidenter arguatur, talis ad ministerium cleri veniæ non poterit. Si vero post ordinationem adulterata fuerit, dimittere eam convenit; quod si eum illa convixerit, ministerium sibi commissum obtinere non poterit. *Clarius, & pressius alii ex Græcis exemplaribus ita verterunt*. Si alicujus uxor, cum esset laicus, adulterata fuisse plane convicta fuerit, is non potest ad ministerium accedere. Sin autem etiam post ordinationem adulterata fuerit, debet eam dimittere. Quod si cohabit, non potest sibi commissum ministerium exequi". Sane si veteribus canonibus vetitum scimus, ne digami, aut viduam ducentes ad Sacerdotium promoverentur propter suspicionem incontinentiæ, quæ in digamorum conjugiiis præsumitur. eadem, imo potiore ratione interdicendum erat, nequis in Sacerdotio permaneret, si ab adulteræ uxoris consuetudine minime recessisset.

In can. 1. dist. 57. exhibetur can. 12. Neocæsarensis, qualem descripsit Isidorus Mercator, qui tamen pro verbis illis postremis: *aut hominum raritas exegerit*, hæc habet: *aut hominum raritas cogant*: non desunt qui ita legunt: *aut hominum charitas cogat*: Dionysius Exiguus ita interpretatus est Græcum canonem: *Si quis in aegritudine fuerit baptizatus, ad honorem Presbyterii non potest promoveri, quod non ex proposito fidei ejus, sed ex necessitate descendit; nisi forte propter sequens studium ejus, & fidem, atque hominum raritatem talis possit admitti*. Vis porro hujus canonis hæc est, ut nemo ad Sacerdotium promoveatur, nisi qui integra, veraque animi affectione Deo liberius servire maluerit. Et quidem minime dubitabatur apud veteres, utrum vexo, valideque, ut ajunt, Ba-

Can. 11.
dist. 34.

Can. 1.
dist. 57.

Baptismum suscepissent, quicumque in ægritudine Baptismi Sacramentum petissent. Dubium omne removerat generalis Patrum doctrina, etiam illorum, qui sanctitatem vitæ, ac morum in Baptismatis collatione exegerunt. Cyprianum laudo in Epistola ad Magnum ita nitidissime scribentem: *Quæsti etiam, fili charissime, quid mihi de illis videatur, qui in infirmitate, & languore gratiam Dei consequuntur, an habendi sint legitimi Christiani, eo quod aqua saturari non loti sint, sed perfusi. Nos quantum concipit mediocritas nostra existimamus in nullo mutari, & debilitari posse beneficia divina, nec minus aliquid illis posse contingere, ubi plena, & tota fide & dantis, & sumentis accipitur, quod de divinis muneribus hauritur.* Veturum quum apud omnes, apud ipsos etiam Ethnicos, qui tandem aliquando ad fidem Christi venire cupiebant, id persuasissimum esset, quamplures terrenarum rerum studio, & voluptatibus illucti, Baptismum ad postremum fere mortis diem, aut grave quodpiam vitæ periculum differebant, qui propterea a Christianis *Clinici* appellabantur, nec vulgo tanquam integerrimæ fidei homines habebantur; atque illis idipsum vitio egregio vertebatur, si forte periculum elapsi ad Episcopatus, aliasve dignitates Ecclesiasticas se per ambitum promoveri exoptassent. Sic inter cetera, quæ objecta fuerunt Novatiano, ne Presbyter ordinaretur, hoc fuit, quod in ægritudine Baptisma suscepisset jam ante Concilium hoc Neocæsareense, uti tradit Eusebius lib. 6. historiæ cap. 43. quamobrem adparet in hoc canone non disciplinam aliquam recensinductam fuisse, sed veterem potius Ecclesiæ consuetudinem confirmatam.

Can. 4.
dist. 78.

Sententia canonis 4. dist. 78. cujus verba ex Isidoro Mercatore deprompta sunt, recte consonat cum græcis exemplaribus in canone 11. ejusdem Concilii. Nihilominus juvabit eadem referre, quæ in Dionysii interpretatione habentur. Sunt autem hæc: *Presbyter ante trigessimum ætatis suæ annum nullatenus ordinetur, licet valde sit dignus, sed hoc tempus observet; nam Dominus noster trigesimo ætatis suæ anno baptizatus est, & sic cepit docere.* Nolim tamen quempiam ita exinde sentire, ut nunquam ab hac disciplina apud veteres recessum fuerit, eoque minus, ut id ex institutione Christi Domini proficiatur; Quandoquidem

apertissima etiam apud veteres monumenta docent minorem modo, modo majorem Sacerdotalibus officiis ætatem fuisse præstitutam. In lege quidem vetere Aaroni, Moysique præcepit Dominus, ut Levitas, sive Ministros Altaris a trigésimo anno, & supra seligerent, uti dicitur Numerorum cap. 4. Atque hanc legem probando sequi voluit Servator Sanctissimus, dum anno trigésimo demum ætatis suæ & baptizari voluit, & celestibus doctrinis homines imbuere. Sed quum non eadem Apostolos omnes ætate selegerit, quos prædicationis suæ consortes haberet, sed seniores alios, alios juniores, nobis significasse videtur non ætatem potissimum inspiciendam esse, ac potius virtutem, peritiam, ceterasque facultates ad sacra ministeria peragenda necessarias. Hinc S. Paulus minime dubitavit Timotheum adhuc adolescentem in Episcopum consecrare, uti recte deduci potest ex ejus epistola 1. ad eundem Timotheum cap. 4. vers. 11. item Nicephorus Callistus Hist. Eccles. lib. 3. cap. 29. refert Eleutherium Illyrici Episcopum ordinatum fuisse, etiam si nondum ætatis suæ annum vigesimum transegisset; necnon Hincmarus Rhemenfis in vita S. Remigii ipsum ait vigésimo secundo ætatis suæ anno Archiepiscopatum Rhemensis obtinuisse. Postulabant aliquando Viri cujuspiam eximii doctrina, pietas, & in Ecclesiam merita, postulabat ipsamet Ecclesiarum utilitas, ut adolescentior senioribus anteferreretur. Quidni a generali canonum regula dispensandum erat? Ceterum, licet quandoque receptum fuerit majorem etiam 30. annis ætatem requiri, quemadmodum liquet ex novella Justiniani 123. cap. 13. ubi Presbyteros minores annorum 35. fieri non permittitur, sicuti Diaconos, aut Subdiaconos minores 25. tamen tectus fuit regula, qua trigésimus annus constitutus fuerat, atque ut plurimum observata, uti probari potest ex dicto canone Neocæsareensi, & ex canone 17. Concilii Agathensis anni 506. Posteriores autem ætate post collectionem Ecberti Eboracensis sæculo 8. compositam ceperunt Episcopi a regula illa desistere; siquidem Ecbertus in can. 95. canonem Neocæsareensem ita descripsit: *ut nullatenus Presbyter ordinetur ante trigessimum ætatis annum, nisi rationabili necessitate cogente, quia Dominus Jesus non predicavit ante 30. ætatis annum.* Verba illa nisi rationabili necessitate cogente, quæ

quæ in Concilio desiderantur, quæque Ecbertus adjecit, causam dederunt Episcopis facilius dispensandi a lege, ideoque tum frequentius inductum est, ut Presbyteri 30. annis etiam minores ordinarentur, unde tandem eo fuit eventum, ut vigesimus quintus annus præstitutus fuerit, atque posterioribus Ecclesiæ legibus confirmatus.

Can. 12.
dist. 93.

Postremus ex Neocæsareensis canonibus habetur in can. 12. dist. 93, cujus verba ita scripsit Dionysius Exiguus: *Diaconi septem esse debent juxta regulam, licet & valde magna sit civitas. Id ipsum autem & Actuum Apostolorum liber insinuat. Alii eundem Græcum canonem ita sunt interpretati: Diaconi septem esse debent ex canone, etiam si sit magna Civitas: ejus autem rei fidem faciet liber Actuum.* Atque ex his adparet jure a Romanis Correctoribus emendatam fuisse Gratiani Scripturam, quæ ita habebat: *quavis non magna sit Civitas.* Respexerunt hoc loco Neocæsareenses Patres ad Acta Apostolorum cap. 6. ubi dicuntur septem Diaconi constituti ab Apostolis; quod Apostolorum exemplum plures posterioris ætatis Episcopi sequuti sunt. Sic in Alexandrina Ecclesia factum fuisse testatur Severus Alexandrinus apud Abrahamum Ecchelensem, & in Ecclesia Romana Sozomenus lib. 7. histor. cap. 19. una tamen animadvertens aliam fuisse aliarum Ecclesiarum disciplinam his verbis: *Diaconi apud Romanos hactenus non plures sunt, quam septem, ad similitudinem eorum, qui ab Apostolis ordinati fuerunt: apud alios vero hæc quæquam definitus est numerus Diaconorum.* Ad interpretationem Neocæsareensis canonis, mihi non displicet Græcorum sententia, quam non tantum Balsamon, Zonaras, & Aristenus fecerunt, sed etiam Episcopi, qui ad Concilium Trullanum convenerant, qualicumque demum habenda sit ejusdem Concilii auctoritas. Ab ipsis enim observatum fuit duplicis generis Diaconos olim fuisse, quorum alii mensis subservirent, collectasque Fidelium oblationes indigentibus dispensarent; alii vero divinis Mysteriis ministrarent. Porro addiderunt Neocæsareensem canonem ad Diaconos non secundi, sed primi generis pertinere, quum de illis tantummodo in Actibus Apostolorum, ad quos Neocæsareenses Patres respexerant, sermo institutus fuerit. Verba Trullani canonis 16. hæc sunt: "Quoniam Actuum Liber septem

„ Diaconos ab Apostolis constitutos esse tradit; Neocæsareensis, autem Synodus, sic in canonibus a se editis aperte differuit, ut septem debeant esse Diaconi ex canone, etiam si sit magna Civitas: Ex Libro porro Actuum persuaderis: Nos cum dicto Apostolico Patrum mentem adaptassemus, invenimus eos esse locutos, non de viris, qui ministrant mysteriis, sed de ministerio, quod in usu mensarum adhibebatur, cum Liber Actuum sic habeat: in diebus illis cum discipulorum multitudo cresceret... Post hæc ergo nos quoque prædicamus, ut prædicti septem Diaconi non de iis accipiantur, qui mysteriis serviunt, ut est prius exposita doctrina: sed eos esse, quibus fuit concredita, ac tradita dispensatio eorum, quæ tunc collecta fuerant. Qui nobis in hoc quoque forma fuerit humanitatis, & studii in eos, qui indigent.

Non una, eademque est apud omnes Neocæsareensis 13. canonis interpretatio, qui habetur apud Gratianum in can. 12. dist. 93. Dionysius Exiguus ita exhibet: *Presbyteri ruris in Ecclesia Civitatis. Episcopo presente, vel Presbyteris urbis ipsius, offerre non possunt, nec panem sanctificatum dare, Calicemque porrigere. Si vero absentes hi fuerint, & ad dandam orationem vocentur, soli dare debent.* Aliis placuit ita Græcum canonem latinitate donare: *Regiomarii, legunt alii: Vicani autem Presbyteri in urbis dominico offerre non possunt, presente Episcopo, vel urbis Presbyteris, neque Panem dare in oratione, neque Calicem. Sin autem absint, & solus ad precationem vocatus fuerit, dat.* Porro istæ interpretationes videntur indigitare Parochias jam tum temporis institutas fuisse, quasi Parochi veniant nomine *Presbyterorum ruris*, aut nomine *Regiomariorum*, sive *Viccanorum Presbyterorum*. At de hoc valde dubitaverim, proindeque aliam Græci canonis interpretationem quærendam esse arbitrarer. Martinus Bracarensis hunc canonem explicasse videtur de Presbyteris non ruralibus, sed qui ad extraneam Diocesim pertinerent his verbis in cap. 36. partis 1. *Forasticis Presbyteris, presente Episcopo, vel Presbyteris (aliqua MSS. habent, Presbytero) civitatis, offerre non liceat, neque ministrare in populo, nisi forte illis, absentibus.* Johannes Doviatius ad marginem hujus canonis Neocæsareensem canonem his verbis adscri-

Scriptum: " Presbyteri, qui conregionales
 „ non sunt, in Ecclesia presentibus E-
 „ piscopis, vel Presbyteris Civitatis,
 „ offerre non possunt, nec dare Panem
 „ sanctificationum, nec Calicem porrigere.
 „ Quod si absentes sunt Civitatis Sacer-
 „ dotes, & fuerint invitati ad dandam
 „ orationem, soli debebunt dare. *Paul-
 „ lo aliter vim canonis explicavit Ale-
 „ xius Aristenus ita scribens:* Presbyter
 „ rare degens in Civitatis Templo ne
 „ offerat, nisi Episcopus, & totus Pre-
 „ sbyterorum cœtus absuerit, si vero
 „ absuerint, & ipse vocetur, offert".

Can. 1.
 cau. 15.
 q. 8.

Non eadem quoque est apud omnes
 interpretatio canonis 9. & 10. Neocæ-
 sarensis, quos junxit Gratianus in can.
 1. cau. 15. qu. 8. Ea primum Dionysii
 Exigui verba in can. 9. " Presbyter si
 „ preoccupatus corporali peccato pro-
 „ vehatur, & confessus fuerit de se,
 „ quod ante ordinationem deliquerit,
 „ oblata non consecret, manens in re-
 „ liquis officiis, propter studium bonum.
 „ Nam peccata reliqua plerique dixe-
 „ runt per manus impositionem posse
 „ dimitti. Quod si de se non fuerit ipse
 „ confessus, & argui manifeste nequi-
 „ verit, potestatis suæ iudicio relinqua-
 „ tur, & in can. 10. Simili modo etiam
 „ Diaconus, si eodem peccato succubue-
 „ rit, ab ordine ministerii subtrahatur.
 „ *Paullo aliter Hervetus Latinum fecit
 „ hunc canonem.* In can. 9. Si Presbi-
 „ ter, qui corpore prius peccaverat,
 „ promotus fuerit, etsi ante ordinatio-
 „ nem peccasse confessus fuerit, ne of-
 „ ferat, manens in aliis propter aliud
 „ ejus bonæ vitæ studium. Reliqua e-
 „ nim peccata dicunt multi manuum im-
 „ positione tolli. Quod si ipse non con-
 „ fiteatur, aperte autem convinci non
 „ potuerit, illius quoque ei fiat pote-
 „ stas, & in can. 10. Similiter & Dia-
 „ conus, si in idem peccatum incide-
 „ rit, ministri ordinem habeat". Quæ
 Gratianus descripsit, conveniunt potius
 cum Isidoro Mercatore. Canonis autem
 sententia hæc est. In primis decernitur
 eos, qui ante Sacerdotalem Ordinationem
 castitatem corpore violaverint, a
 sacris Presbyterorum officiis arceri; &
 quidem recte, si enim remoti semper
 fuerunt, qui bis successive nuptias con-
 traxerunt, aut viduam duxerunt propter
 unam incontinentiæ suspicionem, potio-
 ri ratione arcendi erant illi, de quo-
 rum gravi incontinentia apertissime con-
 stisset. Incontinentiæ crimen potissimum

illud visum est Sanctis Patribus, quod a
 Clericis omni modo eliminaretur. Sed
 reliqua peccata, subsequuntur Neocæsa-
 renses Patres, dunt multi manuum im-
 positione tolli. Reliquorum peccatorum
 nomine veniunt leviora, quibus scilicet
 non corpore integritas amittitur, sed so-
 lo animo, ac voluntate. Hæc voluntas
 improba plurimorum veterum judicio ma-
 nuum impositione tollitur. Non hic ser-
 mo est de manuum impositione reconci-
 liatoria, sive poenitentiali, sed de ma-
 nuum impositione consecratoria, quæ sit
 in sacra ordinatione Sacerdotum. Sci-
 licet hujus manuum impositionis ea vi-
 tus esse creditur, ut inordinatos quosdam
 animi affectus facile extinguat, licet dif-
 ficilius amissæ corporis integritati reme-
 dium adferat. De Diaconis subobscura
 videtur esse sententia propter memora-
 tam interpretationum varietatem. Ego
 in explicatione Græci canonis a Græ-
 corum Interpretum sententia non reco-
 do, præsertim cum iidem Græci Inter-
 pretes accommodam significationem Neo-
 cæsarensium Patrum verbis tradiderint.
 Bassamon itaque hæc habet de Diaconis:
 " *A Diaconi dignitate excident, in
 Ministri autem ordinem deprimentur, Hypo-
 diaconi scilicet, qui non est ordinatus,
 vel lectoris.* Zonaras ita scribit: *Excident
 a Diaconatu, & in Ministri locum deji-
 ciuntur.* Aristenus etiam ait: *Tantum Ec-
 clesia Minister erit.* Ex quibus patet,
 poenam male conscii Diaconi, & con-
 victi eam fuisse, ut ipse in sequentem
 gradum dejiceretur ministraturus.

Canon 8. cau. 31. qu. 1. exhibet duos Can. 8.
 ex Neocæsarensibus canonibus, scilicet can. 31.
 3. & 7. Tertium ita exposuit Dionysius, qu. 1.
 a quo emendandum videtur Gratianæum
 fragmentum: *De his, qui in plurimas nu-
 ptias inciderunt, & tempus quidem præfinitum
 manifestum est, sed conversatio eorum,
 & fides tempus abbreviat.* Septimum vero ita
 interpretatus est: *Presbyterum in nuptiis
 bigami prandere non convenit* (alii pro
 verbo prandere scripserunt convivari; a-
 lii interesse), quia cum poenitentia biga-
 mus egent, quis erit Presbyter, qui pro-
 pter convivium talibus nuptiis possit præ-
 bere consensum? Arbitror ego hoc in lo-
 co non de illis bigamis agi, qui mortuæ
 conjuge novas nuptias appetierunt, sed
 de illis, qui ea ætate divertere ab uxori-
 bus vel levissima de causa consueve-
 rant, ex novarum nuptiarum cupiditate.
 Atque id significare videntur verba
 illa: *qui in plurimas nuptias inciderunt.* Si
 for-

forte quispiam quæsierit, quodnam fuerit tempus illud, quod præfatum jamdiu vocat Concilium Neocæsaresense, dixerim aliud in bigamis, aliud in trigamis fuisse constitutum, videlicet bigamis indicta est biennii, trigamis quin-

quennii pœnitentia, quod aperte deduci potest ex can. 4. S. Basilii ad Amphilo-
lochium, ubi ex antiqua consuetudine hanc disciplinam se accepisse Basilius idem testatur.

C A P U T V I.

De Romanis Conciliis S. Sylvestro Pontifici Maximo adscriptis.

Concilio Romano sub S. Sylvestro Pontifice Maximo tribuuntur
apud Gratianum sequentes Canones.

- | | | |
|---------------------|---|---|
| Apocryphi
omnes. | { | Can. 1. dist. 24. ad antiquiora exemplaria exigendus. |
| | | Can. 2. dist. 45. in variis Concilii Codicibus varius. |
| | | Can. 5. dist. 93. in variis Codicibus varius & obscurus. |
| | | Can. 1. dist. 98. habetur tantum in epilogo Synodi. |
| | | Can. 2. cau. 2. qu. 4. ad meliorum Codicum fidem exigendus. |
| | | Can. 2. cau. 2. qu. 7. ex aliis exemplaribus supplendus. |
| | | Can. 10. cau. 2. qu. 7. ex aliis exemplaribus supplendus. |
| | | Can. 9. cau. 11. qu. 1. ad meliorum Codicum fidem exigendus. |
| | | Can. 10. cau. 11. qu. 1. ad meliorum Codicum fidem exigendus. |
| | | Can. 33. cau. 11. qu. 1. ad meliorum Codicum fidem exigendus. |
| Adduntur
illis. | { | Can. 15. de cons. dist. 1. habetur tantum in epilogo Synodi. |
| | | Can. 46. de cons. dist. 1. habetur tantum in epilogo Synodi. |
| | | Can. 40. cau. 16. qu. 7. ad meliorum Codicum fidem exigendus. |
| | | Can. 14. cau. 2. qu. 5. jamdudum Gregorio Magno restitutus. |
| | | Can. 2. cau. 5. qu. 2. falso Sylvestro Pontifici adscriptus. |
| | | Can. 30. cau. 23. qu. 4. Silverio jamdiu restitutus. |

A Pud eos qui vetera Conciliorum omnium monumenta sedulo studio collegerunt hodiernis temporibus, tria Concilia referuntur in Romana Urbe a Sylvestro Pontifice Maximo celebrata. Vel enim quod tunc reddita Ecclesie pax fuisset, vel quod inter fideles ipsos schismata pro causis fidei suborta essent frequentiora, vel quod frigescente fidelium charitate morum disciplina corrueret, facile pluribus persuasum est sacros Conventus Romæ præsertim fuisse factos, in quibus & disciplina eadem restitueretur, firmaretur & fides jamdiu victoriis Martyrum illustrata. Prius Concilium referunt ad annum 315. qui Sylvestri Pontificatus dicitur secundus. Secundum referunt ad annum 324. postremum ad annum 325. In priore fertur disputatio facta adversus Judæos, quorum perfidiam & Constantinus Imperator agnovit, atque etiam lata lege damnavit, cujus rei argumentum vulgo desumitur ex l. 1. C. Theodos. de Judæis. Postremum asserunt

ideo celebratum, ut ea, quæ in Nicæna Synodo stabilita fuerant, confirmarentur; atque in eo recensentur canones aliquot de recipiendo Concilio Nicænoq; editi, de Paschæ solemnitate, de causis Clericorum, ac de Ordinationibus eorumdem. De duobus his parum juvat differere; scilicet prioris nullum canonem habemus; postremi vero etiam si decreta quædam non ignoremus, tamen ex iis non sunt, quos Gratianus in Codicem suum transtulerit. Illud unum attingere sufficiat, Concilium Romanum 3. anno 325. adtributum referri tanquam præsens in eo Constantinus adfuerit, quod fides historicorum asserere minime patitur, proindeque non tanquam certum disciplinæ veteris Ecclesiasticæ præsidium haberi posse.

In secundo potius Concilio subsisto, quod celebratum dicitur anno 324. ex quo nonnulli Canones Gratiani deprompti sunt. Satis mihi videtur indicare hoc Concilium apparuisse primum in colle-
gio.

Etione Isidori Mercatoris, ut statim talis suboriatur suspicio, ex qua inter apocrypha potius monumenta recensetur. Supervacaneum sane hodie foret ea in medium argumenta proferre, ex quibus hæc Synodus falsitatis damnetur; illa enim apud eruditos viros tritissima sunt: sed quoniam aliquis eadem hunc in locum adferri debuisse facile dixerit, libens tradidero, ut nihil ad hanc rem necessarium deesse videatur. Atque in primis observare juvet Collectores Conciliorum non tantum descripsisse Synodæ acta, verum etiam quandam Synodi epilogum Isidori Mercatoris, aut alterius cuiuspiam auctoris incerti manu exaratum actis Synodi præmississe. Gratianus vero non tam a Synodo, quam ab hoc Synodi epilogo canones suos accepit; æque enim omnia digna existimabat, quæ in suum Codicem referret. Ut de epilogo nonnulla attingam, præterquamquod nullam omnino fidem meretur, utpote privati incertique auctoris opus, perperam omnino confarcinatus est, & in pluribus non tam actis ipsis Concilii dissimilis, quam contrarius. In prioribus verbis narratur Nicænum Concilium jameo tempore celebratum fuisse, atque in eodem Photinum hæreticum fuisse damnatum. Quomodo vero consonare hæc possunt cum veterum historicorum fide tradentium Photinum vixisse post tempora Nicæni Concilii, & hæresim ejus fuisse damnatam anno demum 344. de qua re videri poterit Matthæus Latroquanus in dissertatione de Photino? Quomodo etiam hæc constare possunt cum epocha Concilii hujus Romani, quod ad annum 324. vulgo refertur, Nicænum vero Concilium anno 325. celebratum est? Præterea auctor epilogi narrat in hac Synodo a Sylvestro Pontifice Maximo damnatos fuisse Callistum, Arium, & Photinum, atque Sabellium, de quibus tamen in Synodalibus actis ne verbum quidem habetur. Phrasæ etiam Isidoro Mercatori consuetæ, ac familiares in hac canonum epitome habentur, ibi: *Episcopi, qui throni Dei vocantur, non sunt lacerandi, sed portandi*: quæ sane non ausus est Isidorus inter Canones Concilii adscribere. Post epilogum succedit Synodus in duas actiones divisa, quarum singulæ decem continent canones, qui omnes numero viginti recensentur. Porro de his omnibus, ac de tota Synodo altum apud veteres silentium est, licet ea ingenti Episcoporum numero cele-

Tom. I.

brata dicatur, videlicet Episcopis 267. atque ut aliis lubet 277. aliis etiam 284. Primus eam evulgavit celeberrimus deceptor Isidorus. Non eam memoravit Dionysius Exiguus, qui Romanas præsertim res evulgare conatus est. Imo & auctor libelli Synodici abs Justello, & Voellæo ex Vetustissimo MS. evulgati tomo 2. suæ bibliothecæ pag. mihi 1166. in quo ceteroquin veteres Synodi etiam Romanæ accuratissime expenduntur, hanc Synodum prorsus ignoravit. Item si loquendi formulas ibidem usurpatas considerare velimus, liquido constabit eas adeo barbaras esse, ut temporibus illis accommodari minime possint. Quis ferat hanc phrasim, *Curiam esse dictam a cruce*, quasi qui in ipsam ingreditur, cruentus esse videatur, atque hac præcipue ratione a curia Clericos arcendos esse? Quid significant ea verba, quibus asseritur Sylvestrum Pontificem *fixisse canonem*? ibi: *Et fixit canonem hunc Sylvester, & omnibus Episcopis adpersit*. Quid porro est canonem figere? Quid erat illa ætate Episcopis adpersere? Formularum impositæ compositioni accedunt ineptæ quædam sententiæ, quæ in hac Synodo identidem observantur. In canone 10. hæc habentur: *Nullus etiam Episcoporum virginem sacratam maritali consortio expiaris benedicere, nisi eam probaverit septuaginta duorum annorum esse constitutam*. Alia editio ita exhibet: *Nullus etiam Episcoporum virginem sacratam maritali expeteret benedici, nisi eam probaverit &c.* Quis ista percipiet? Initio actionis secundæ ante canonem 11. perhibetur, Clerum postulasse a Sancto Sylvestro, ut ordini Diaconatus Priscum, & Theodorum adscriberet, ac subditur: *Ibi autem in Thermas* (Thermæ erant locus Concilii, Domitianæ scilicet, quæ postea Thermæ Trajanæ appellatæ sunt) *hos duos Priscum, & Theodorum subordinavit* (Sylvester), *non ordinavit, aut consecravit eorum, & præter Synodum constituit*. Nullibi sane apud antiquos legitur quempiam subordinari, non ordinari, adeo ut quænam sit auctoris hujusce canonis sententia, vel eruditissimos lateat. Canon 13. hic est: *Nemo enim, nisi velamen cœlestis acceperit, primum conjugii per manus Sacerdotis ad Clericatus honorem accedat*. Etiam hic hæreticæ legentis animus, in perpendendo qualem sit velamen illud cœlestis conjugii, quo quis ornatus debet ad Clericatum accedere. In can. 11. definitum est neminem Epi-

G

fco.

scopatum obtinere posse, nisi fuerit le-
tor annis triginta, deinde una die exor-
cista, dein acolythus per annos decem,
postea per annos quinque Subdiaconus,
& per annos septem Diaconus, ut de-
mum post adeptam Sacerdotalem digni-
tatem ad Episcopatum gradum faceret. Ubinam indicatur similis disciplina, per
quam viri septuagenarii vix ad Episco-
patum gradum faceret? Ubinam indica-
tur similis disciplina, per quam viri se-
ptuagenarii vix ad Episcopalem honorem
admitterentur? In canone 8. præcipitur
Subdiaconos continentiam observare de-
bere, quum tamen constet ordinem Sub-
diaconatus ex ætate, necdum inter sa-
cros enumeratum fuisse. Quid memorem
quampura inconcinna, incohera, inve-
rosimilia, quæ in singulis canonibus fa-
cile ab unoquoque dignoscuntur. Addam
tantummodo ea, quæ historicæ fidei, &
narrationi repugnant. Huic Concilio no-
ta Consularis adposita est his verbis: *Tertio
Kalendas Junii Domino Constantino Augu-
sto III. & Prisco Consulibus.* Nullus in Fastis
Consularibus invenitur Prisci Consulatus
cum Constantino. Forte id ortum habere
potuit ex Scriptoris cujuspiam oscitantia, ut
pro *Prisco* legendum sit *Crispo*; ut enim
vulgo traditur, Consulatus Augusti cum
Crispo incidit in annum Christi 324. Ve-
rum heic nodus solvendus est, cum au-
ctor Synodi hujus, & compiler Roman-
nam hanc Synodum asserat post Nicænam
fuisse celebratam. Subscripsisse præterea
seruntur huic Concilio Episcopi 284.
quorum 132. numerantur ex Græcis.
Quis sibi persuadeat tot Episcopos Ro-
mam convenisse, non ubi agenda esset
generalis Ecclesiæ causa, sed tantummo-
do, ut pauca quædam, & ut plurimum
inepta disciplinæ capita stabilirentur,
qualia nunc edita legimus? Quis tot E-
piscopos ex Orientalibus Provinciis ad-
venisse putet? Supervacaneum sane exti-
tisset sequente anno aliam generalem Sy-
nodum celebrare Nicææ, ad quam non
multo plures confluerunt; facile enim
poterat in hac Romana Synodo in Con-
ventu frequentissimo Græcorum æque,
ac Latinorum Patrum Arii causa venti-
lari, ac definiri, præsertim cum & Ma-
ximi Pontificis, & Imperatoris, ut fer-
tur, præsentia maximam auctoritatem
Synodo conciliasset. Sed præter hæc vi-
ris fide dignissimis contradicitur in hac
Synodo, in qua legitur Constantinum
Romæ a Sylvestro baptizatum fuisse,
quandoquidem Constantinus Imperator

ab Eusebio Nicomediensi in ipsa Nico-
mediæ Urbe baptismum suscepit, cujus
rei testes sunt Eusebius in lib. 4. vitæ
Constantini cap. 62. Ambrosius oratione
in funus Theodosii, Hieronymus in
Chronico, Sozomenus lib. 2. histor. cap.
34. Theodoretus lib. 1. hist. cap. 32. Cal-
siodorus historiæ tripartitæ lib. 3. &
Ariminense Concilium in epistola ad Con-
stantem. Elegantissime ex his omnibus
idipsum demonstrat Natalis Alexander
dissert. 23. hist. Eccles. sæculi 4. Sunt
demum, qui his omnibus adjiciunt, sub-
scriptiones Episcoporum adversus vete-
rem praxim factas esse non per nomina
Ecclesiarum, quibus illi præerant, sed
per propria; item inverosimile omnino
esse Helenam Constantini Matrem inter-
fuisse Concilio, quod singulare videtur,
& sine exemplo; deinde probari non pos-
se, quod ibidem refertur Presbyteros post
terga Episcoporum stetisse; quum tamen
Romanæ Ecclesiæ consuetudo esset, ut
Presbyteri simul cum Episcopis in Con-
ciliis sederent, quemadmodum colligitur
ex Hieronymi epistola 89. ad Evagrium;
& alia hujusmodi quampura.

Alios igitur quærat sibi Mercator,
quos secum ad Concilia hujusmodi susci-
pienda adducat. Ego tam facile indul-
gere non possum, ubi in contrarium vi-
gent tot tantaque rationum momenta.
Atque ex his proclive est de fragmentis
Gratianis sententiam ferre, quorum alia,
ut ajebam, ex epitome, sive epilo-
go Isidori Mercatoris deprompta sunt,
alia ex ipsismet Concilii Romani canoni-
bus. Itaque initio Isidoriani epilogi di-
citur Synodum a S. Sylvestro convoca-
tam esse, "in quo consensu, & subscri-
ptione omnium constitutum est, ut
nullus laicus crimen Clerico audeat
inferre, & ut Presbyter non adver-
sus Episcopum, non Diaconus adver-
sus Presbyterum, non Subdiaconus
adversus Diaconum, non Acolythus
adversus Subdiaconum, non Exorcista
adversus Acolythum, non Lector ad-
versus Exorcistam, non Ostiarius ad-
versus Lectorem det accusationem ali-
quam". Hæc illa sunt, quæ Gratia-
nus retulit in can. 2. & 10. cau. 2. q.
7. ubi tamen nonnulla supplere ex ver-
bis nuper allatis juvabit. Interea vero
unusquisque animadvertere poterit in
hoc fragmento talem Ecclesiasticorum
Ordinum formam præferri, qualis po-
steriore demum ætate obtinuit; neque
enim jam ante Nicænum Concilium adeo
discre-

can. 8.
& 10.
cau. 2.
q. 7.

discretos fuisse scimus Ecclesiasticos gradus, quemadmodum recentior disciplina distinguit. Auctor autem epilogi id ex Concilio isto depromit; etenim in can. 3. ita legitur: "Postea autem fecit gradus in gremio Synodi, ut non Presbyter adversus Episcopum, non Diaconus adversus Presbyterum, non Subdiaconus adversus Diaconum, non Acolytus adversus Subdiaconum, non Exorcista adversus Acolythum, non Lector adversus Exorcistam, non Ostiarius adversus Lectorem det accusacionem aliquam. Hæc si cum verbis epilogi conferamus, liquido constabit auctorem epilogi aliquid amplius retulisse, quam quod in canone contineretur in illis verbis: ut nullus laicus crimen Clerico audeat inferre. Potius in Concilio legitur e converso in canone 14. Testimonium Clerici adversus laicum nemo recipiat. Qualitercumque vero sancto hæc Concilio tribuatur, illud certum est Isidorum Mercatorem hæc arripuisse ex Capitulari quodam Ludovici Imperatoris circa annum 814. etenim in legibus Longobardorum lib. 2. tit. 51. num. 12. sub nomine ejusdem Ludovici hæc leguntur: "Constitutum est, ut nullus laicus crimen Clericis audeat inferre. Testimonium Clerici adversus laicum nemo recipiat. Nemo enim Clericus, vel Diaconus, vel Presbyter pro quolibet causa intret in curiam, nec ante Judicem causam dicere presumat, quoniam omnis curia a cruore dictatur, & immolatione simulacrorum, & si quis Clericus Clericum accusans in curiam introierit, anathema suscipiat. Nemo sane non videt multa ex istis ab Isidoro in Romanam istam suam Synodum esse translata; non enim non dubitavit impolitas quasdam rudioris sæculi sententias vetustissimis Romanæ Ecclesiæ Conciliis dementissima temeritate tribuere.

Can. 2. Prosequitur auctor epilogi post verba
can. 2. superius memorata: Et non damnabitur
q. 4. & Presul, nisi in 72. testibus, nec Presul
can. 9. summus a quoquam judicabitur, quoniam
can. 11. scriptum est: non est discipulus super Magistrum. Presbyter autem Cardinalis, nisi
qn. 1. cum quadragintaquatuor testibus non damnabitur. Diaconus Cardinalis constitutus Urbis Roma, nisi in 26. non damnabitur. Subdiaconus, Acolytus, Exorcista, Lector, Ostiarius, nisi sicut scriptum est, in septem testibus non damnabitur. Testes autem, & accusatores sine aliqua

sine infamia, uxores, & filios habentes, & omnino Christum predicantes. Testimonium laici adversus Clericum nemo recipiat; nemo enim Clericum quemlibet in publico examinare presumat, nisi in Ecclesia. In canonibus Concilii epilogo subiectis paullo aliter legitur, nempe in canone 3. ibi: Et non damnabitur Presul, nisi in septuaginta doctis, neque Presul summus a quoquam judicabitur, quoniam his scriptum est: non est discipulus super Magistrum. Presbyter autem (deest hoc in loco vox illa: Cardinalis) nisi in 44. testimoniis non damnabitur. Diaconus autem cardine constitutus Urbis Roma (alia editio exhibet: Cardine constitutus Urbis), nisi in 36. non condemnabitur. Subdiaconus, Acolytus, Exorcista, Lector, nisi sicut scriptum est, in septem testimoniis filios, & uxores habentes, omnino Christum predicantes, sicut datur mystica veritas. (Et in alia editione: Sic datur mystica veritas.) Hæc sunt, quæ retulit Gratianus in can. 2. cau. 2. q. 4. & can. 9. cau. 11. q. 1. quamquam tamen quicumque Gratiani fragmenta sive cum Isidori epilogo, sive cum canonibus ipsius Concilio Romano adscriptis contulerit, non mediocrem scriptionis varietatem agnosceret; ac propterea ad Isidorianam editionem tanquam ad fontem suum singula ut redcantur, omni jure curabit. Interea vero animadvertere juvet nonnulla, quibus magis magisque comprobetur Synodum hanc fictitiam esse, & nugatoris cuiuspiam opus. Quis enim sibi persuadeat praxi receptum fuisse quarto Ecclesiæ sæculo, ut septuaginta duo testes aliquando requirerentur ad convincendum eum, qui de crimine accusaretur? Præsertim vero si de Episcopo agendum esset gravissimi criminis reo, adversus quem iuxta eandem sanctionem laici testimonium non recipitur? Num in unaquaque Ecclesia Viri Ecclesiastici numero 72. reperiri poterant, quorum ope in Episcopo emendaretur, quod ob utilitatem Ecclesiæ maximam corrigendum foret? Quid ad hanc rem diceret Alexander III. qui in cap. 10. de testamentis Romanarum Legum consuetudinem probare non potuit, juxta quas septem testium numerus in testamentis requirebatur, ea ductus ratione, quod a Divina Lege, & Sanctorum Patrum institutis, & a generali Ecclesiæ consuetudine id noscitur esse alienum, cum scriptum sit, quod in ore duorum, vel trium testium stet omne verbum? R.

gerere mentio Presbyterorum, ac Diaconorum Cardinalium Urbis Romæ quomodo Sylvestri Pontificis ætati congruere potest? Deinde quotiendunt illa verba, *sicut scriptum est*, posteaquam cautum dicitur, Clericos non nisi septem intervenientibus testibus esse dampandos? Num Isidorus Mercator sese referre intendit ad aliquem canonem, quem de penu sua evulgavit antiquiori cuidam Concilio, aut Pontifici adscriptum? Demum ridiculum plane est, quod subditur, testes tales esse debere, ut filios, & uxores habeant, quasi continentes quadam infamiz nota affecti a ferendo testimonio arcerentur.

Can. 10. 33. cau. 11. q. 1. Pergamus nunc cum Isidoro in memorato epilogo. Statim hæc subjiciuntur: *Nemo enim Clericus, vel Diaconus, aut Presbyter propter quamlibet causam intret in curiam, nec ante Judicem cinctum causam dicere presumat, quoniam omnis Curia a cruore dicitur, & immolatione simulacrorum. & si quis Clericus accusans Clericum in curiam introierit, anathema suscipiat.* Hinc eruti sunt Gratiani Canones 10. & 33. cau. 11. q. 1. L. quamquam non eadem omnino apud Gratianum descripta verba legantur, quæ propterea ad vetustiora exemplaria, eaque magis integra redigenda sunt. Jam superius laudavi leges Longobardorum, in quibus hæc eadem sententia legitur lib. 2. tit. 51. num. 12. unde Isidorus Mercator suum hunc canonem derivasse videtur. Derivavit sane, & in canone 16. Concilii Romani ita scripsit. "Nemo enim Clericus, vel Diaconus, aut Presbyter propter causam suam quamlibet intret in curiam, quoniam omnis curia a cruore dicitur, & immolatio simulacrorum est. Quod si Clericus in curiam introierit, anathema suscipiat, nunquam rediens ad matrem Ecclesiam. A communione autem non privetur propter tempus turbidum. Similia quædam habentur in Concilio Romano 3. quod etiam Sylvestro adscribunt, uti initio adnotabam, ibi: *Sylvester Episcopus dixit: nulli omnino Clerico licere causam quamlibet in publico examinare, nec ullum Clericum ante Judicem laicum stare. Et dixerunt Episcopi: Placet.* Atque ego facile arbitror acta hujus Concilii, quod tertium vocant, esse aliam concisam editionem ejusdem Concilii, quod secundum Romanum appellant; cum in omnibus hoc tertium secundo consonet. Duo heic observanda

occurrunt: primum quoad Isidorum, si ve quoad Synodi auctorem, qui prorsus inelegantem, & puerilem omnino sententiam Romano Concilio adtribuit: alterum ex parte Gratiani, qui Isidorianum fragmentum non tantum retulit, sed & referendo corruptit. Arguendus in primis est Isidorus, quod anathemate percussos adhuc tamen in communione Ecclesiastica persistere declaraverit, quando apud veteres sive Græcos, sive Latinos gravior poena fuisset anathema, quam excommunicatio; etenim Balsamon ad Synodum Gangrensem ita ait ex Johanne Chrysostomo: *Quid autem aliud est, quod dicitur anathema, quam diabolus hic deditur, & nullum salutis locum habeat?* Et in Concilio Meldenſi cap. 56. statutum est ut Episcopus quidem excommunicare quempiam possit ex certa, & manifesta peccati causa; *Anathema autem sine consensu Archiepiscopi, aut Coepiscoporum, pralata etiam Evangelica admonitione, nullum ponat; nisi unde canonica docet auctoritas, quia anathema aterna est mortis damnatio.* Arguendus præterea, quod tempus Constantinii Imperatoris non dubitaverit appellare *tempus turbidum*, quum tamen nemo ex Imperatoribus usque ad annum 324. quofertur celebrata Synodus, nemo tam Ecclesiæ faverit, quam Constantinus, qui etiam Principis pro danda Ecclesiæ pace plurimum aditantis nomen, & laudem apud posteros meritus est. Sed & Gratianus Isidorianum canonem per imprudentiam depravavit; etenim in canone 33. pro illis verbis Isidori: *Ante Judicem cinctum &c.* hæc scripsit *Ante Judicem civilem &c.* Forte ignorabat, quid designaretur nomine *Judicis cincti*. Solemne erat apud Romanos veteres, cingulo donare Judices foro addictos, quod cingulum ornamenti loco esset, & quoddam velut officii insigne. Hinc legimus, quandoque Judicibus poenam infligam, ut cingulo privarentur, quemadmodum habetur in Novella Justiniani, cujus fragmentum sub nomine Bonifacii Papæ refertur in can. 8. cau. 11. qu. 1. Et Cassiodorus in illud Psalmi 29. *præcinxisti me latitia*, ait: *Perpende verbum præcinxisti: cingulum significat, quod ad Judicis pertinet dignitatem. Sic enim cinctum dicimus Judicem, quando ejus fasces, honoresque declaramus.* Sardonius Apollinaris lib. 5. epist. 7. ad Thaumastum ita scribit: *Hi sunt, qui invident reverentiam Clericis, originem nobis-*

nobilibus, confessum prioribus, congressum aequalibus, cunctis iura, discentis privilegiis. Et Ivo Carnotensis licet recentioris temporis scriptor in epistola 227. *libris*, inquit, prohibetur, ut Episcopus a iudice seculari ad causam Ecclesiasticam vocetur, vel cunctis iudicis sententia subiciatur. Ceterum verba illa, quæ in dicto canone 33. Gratianus retulit: *Nec ante iudicium cunctam causam dicere presumat*, habentur quidem in epilogo Isidori, non autem in canonibus Concilii ipsius, quemadmodum ex collatione fragmentorum, quæ nuper delineabam, unusquisque facile animadvertit.

Can. 46.
de conf.
dist. 1.

Alia Sylvestri Pontificis constituta subiicit Isidorus in epilogo his verbis: „Hic inter cetera prædicta omnium „consultu constituit in Synodo, ut sac- „crificium altaris non in serico panho, „aut tincto quispiam celebrare præsu- „meret; sed in puro lineo ab Episco- „po consecrato, terreno scilicet lino „procreato, atque contexto, sicut Cor- „pus Domini Nostri Jesu Christi in „Syndone munda sepultum fuit“. Ita sunt, quæ Gratianus retulit in can. 46. de consecr. dist. 1. ex epistola Eusebii Pa- pa, & Sylvestri. Verum aut integrum hodie non extat Romani hujus Concilii exemplar, aut eximia est Isidori Mercatoris oscitantia, qui hæc descripsit ve- luti in Concilio definita, cum tamen in viginti Concilii canonibus nulla huic si- milis sententia inveniri possit.

Can. 15.
de conf.
dist. 1.

Post multa in eodem epilogo hæc se- quuntur: *Hic (nimirum Sylvester) in memorata Synodo constituit, omnium cum consensu, ut nullus Presbyter missas celebrare presumat, nisi in sacris ab Episcopo locis, qui sui particeps de cetero voluerit esse sacerdos*; hæc tamen rur- sus, licet integra habeantur apud Gratianum in can. 15. de conf. dist. 1. de- siderantur in canonibus Romanæ Syno- di, ac propterea magis magisque mira- mur Isidorum Mercatorem talem elucu- brasse epilogum Synodi, ut quæ etiam in Synodo non haberentur, adjungeret. Mihi videtur Isidorus Mercator id excessisse ex quodam Capitalari Franco- rum, & de more suo veteribus Patri- bus tribuisse. Revera in lib. 6. Capitu- larium cap. 201. editionis Parisiensis an- ni 1677. hæc habentur: *ut nullus Pre- sbyter sacra mysteria, nisi in locis ab Episcopo consecratis, agere presumat*: quæ postquam per Isidorum ad Romanum Syl- vestri Synodum translata sunt; a se-

quentibus canonum collectoribus ita lau- dari cœperunt, quasi primum in Ro- mano Concilio edita, ut sic major au- thoritas eisdem accederet. Ex Romano Concilio laudare cœpit Regino Pru- mienfis in lib. 1. de Ecclesiasticis disci- plinis cap. 340. & illius exemplo recen- tiores Collectores.

Constituit etiam (rursus Isidorus Mer- cator in epilogo de Sylvestro Pontifice) *Can. 2. dist. 98. nulla ratione transmarinum hominem po- nes nos in Clericatus gradu suscipi, nisi quinque Episcoporum designatus sit chiro- graphis*. Huc pertinet canon 1. dist. 98. apud Gratianum. Sed iterum in editis Concilii Romani exemplaribus hæc de- sunt. Isidorus Mercator hæc eadem ad- tribuit Anastasio Pontifici Maximo in epi- stola, quam ei adscripsit ad Germaniam, & Burgundiæ Episcopos, cujus fragmentum est in can. 2. dist. 98. In editionibus Gra- tiani Concilium hoc Romanum appella- tur *generale Concilium*, cui Sylvester Pa- pa præsedie, quod in aliorum hujusmo- di canonum inscriptionibus etiam occur- rit: caveat unusquisque, ne aliquando has Mercatoris nugas pro sacrosanctis Nicæni Concilii legibus usurpet; nullum enim aliud vere generale Concilium sub Sylvestro Pontifice dici potest, quam Nicænum.

Can. 1.
dist. 24.

Huc usque ea retulit, quæ in epilo- go Synodi descripta sunt; sunt adhuc nonnulla, quæ in eodem epilogo non habentur, extant autem in canonibus editis ipsius Concilii Romani. Hujusmo- di est canon 1. dist. 24. cujus sententia legitur in can. 9. Romanæ Synodi his verbis, ex quibus forte Gratianum can- onem qui emendandum existimabit: *Nellus lector, vel ostiarius vasa sacramenta contingeret (legunt alii: contigerit), nullus acolythus rem sacramentum a Presby- tero jam alio porrigeret, nisi tantum sup- portaret, quod ei Sacerdos imponet (le- gunt alii: imponeret) suo ore benedictum*. Hinc jure observarunt Romani Corre- ctiores perperam apud Gratianum men- tionem factam fuisse subdiaconorum, nec enim ipsis, sicut acolythis interdicendum erat vasa sacra contingere. Illud etiam in Gratiano reprehendendum erat, quod quæstionem sibi proposuerit, num Sacer- dotes, & reliqui inferiores Clerici sine examinatione sint promovendi? Deinde vero in Canone 2. fragmentum Concilii hujus Romani proponat, quod longe- abest ab eo, quod discutiendum ha- sceperat.

Can. 2. In capite 17. ejusdem Concilii Romani
dist. 43. legitur Can. 2. dist. 45. his verbis: *Nemo enim quemquam peccantem Clericum eade attingat, non Presbyter, non Diaconus, non Episcopus supra Clericum, vel Servitorem Ecclesia ad eadem perducatur. Sed si ita causa exigit Clerici, triduo privatur honore, ut poenitentes redeant ad Matrem Ecclesiam.* Alia Concilii editio in posterioribus verbis ita exhibet: *Sed si ita causa exigit Clerici, duo priventur honore, ut poenitentes ad Matrem Ecclesiam.*

Can. 5. dist. 93. emendandus est ex capite 7. hujus Concilii Romani, ibi: dist. 93. Ita autem Sylvester clara voce dicebat ad Coepiscopos, ut a Subdiacono usque ad Lectorem omnes subditi essent Diacono Cardinali Urbis Roma, in Ecclesia honorem representans tantum, Pontifici vero Presbyteri, Subdiaconi, Diaconi, Acolythi, Exorcista Lectori in omni loco representans obsequium sive in publico, sive in gremio Ecclesia, tantum Pontifici. In alia editione hæc leguntur: Ita tamen Sylvester clara voce dicebat ad Coepiscopos, Subdiacono usque ad Lectorem omnes subditi essent Diacono Cardinali Urbis Roma, in Ecclesia representantes tantum. Pontifici vero Presbyteri, Diaconi, Subdiacones, Acolythi, Exorcista Lectori in omni representantes obsequium, sive in publico, sive in gremio Ecclesia tantum Pontifici. Illud itaque certum est de Monachis, & Abbatibus nullam in Concilio mentionem fieri, quamquam Gratianus de iis quidpiam adjecerit. Sed præterea, quæ in Canone ipso Concilii consonantibus editionibus leguntur, videntur satis obscura, ut nemo intelligere possit, quænam sit sententia Auctoris obscurissimis verbis involuta. Primus qui Canonem depravit, quoad noverim, est Burchardus. Is in cap. 224. lib. 2. sui Decreti ita habet: *Ita fratres jubet auctoritas divina, & affirmat, ut a Subdiacono usque ad Lectorem, omnes subditi sint Diacono Cardinali Urbis Roma, in Ecclesia honorem representantes tantum.* Pontifici vero, Presbyteri, Diaconus, Subdiaconus, Acolythus, Exorcista, Lector, Abbas, Monachus, in omni loco representet obsequium, sive in publico, sive in gremio Ecclesia. Eadem verba omnino descriptit Ivo Carnotensis in lib. 6. cap. 299. unde liquet Gratianum adhuc sponte nonnulla immutasse, atque Isidori Mercatoris Canonem non ad amissum. seque voluisse.

Quatuor adhuc sunt apud Gratianum fragmenta, quæ ita laudantur, quasi ex Decretis Sylvestri Pontificis Maximi de prompta. Opportunum non est alio in loco eadem expendere, vel quia a quibusdam huic, quod expendimus, Romano Concilio tribui fortasse possent, vel quia, uti demonstrabitur, S. Sylvestri Pontificis esse non possunt, quomobrem nihil prodesset in secunda hujus operis parte peculiariter de Sylvestro Pontifice disserere, ad hæc tantummodo capita, quæ illius revera non sunt, explicanda. Primus est canon 40. cau. 16. q. 7. cujus apud Gratianum hæc est inscriptio: *Ex decreto Sylvestri Papa.* Numquidpiam forte illud tribuet Sylvestro II. qui vixit prope finem sæculi 10. Facile ab hac suspitione deflectent, si animadvertent verba hujus capituli in collectionibus Sylvestro II. antiquioribus fuisse relata. Num ergo Sylvestro I. tribuendus est canon? Ne id quidem facile admiserint, quum res, de qua ibidem agitur, Sylvestri ætati minime conveniat, sed potius octavo aut nono sæculo. Quis enim fingere poterit sæculo Ecclesiæ quarto jam plura Monasteria extitisse, eaque promiscuis commutationibus, aut traditionibus fuisse obnoxia? Scio apud Ivonem, & Burchardum canonem eundem descriptum fuisse nomine Silverii Papæ. Sed nec Silverii esse potest ob eandem rationem, quod nondum talis Silverii ætate vigeret de Monasteriis disciplina. Potius in usu fuerunt hujusmodi commutationes tempore Lotharii Imperatoris nono Ecclesiæ sæculo, quemadmodum deduci recte potest ex lib. 3. legum Longobardarum tit. 10. leg. 3. & 4. ibi: *Ut ubicumque commutationes tam tempore nostro, quam genitoris nostri illegitima, & irrationabiles, atque inutiles in Ecclesiis Dei facta sunt, dissolvantur, & recipiant unusquisque, quod dedit.* Omitto alia similia quamplura, cum certo certiora sint hæc apud illos, qui vel paullulum in Ecclesiastica Historia versati sunt, ut deducatur ad nomen Ecclesiæ sæculum hujus fragmenti originem referendam esse. Itaque in primis ajo nihil referre, an canon Silverii, an Sylvestri nomine laudetur. Utra sit lectio, ementitam agnosco. Pertinet canon ad Regum Francorum Capitularia; Etenim in editione Parisiensi anni 1677. legitur in lib. 5. cap. 386. his verbis: *Nomini Regum, aut cuiquam hominum in proprium liceat Monasterium tradere vel*

Can. 40.
cau. 16.
q. 7.

vel commutatio, vel quocumque commento vendere. Hoc enim Divina, & Apostolica, atque Canonica sub anathematis poena sanxit auctoritas. Quod si factum fuerit, non valebit; sed is, qui accepit pretium, amittat, & qui distraxit, praeiudicium, quod accepit, in ipso Monasterio amittat, & una cum pretio Monasterium perdat, & ipsum Monasterium in primum reformetur statum. Expendit Burchardus hunc canonem, & in suam collectionem relaturus Silverio Papae, aut forte etiam Sylvestro adscripsit in cap. 23. lib. 3. Caussam, qua Burchardus capitulum inscriptiones identidem immutaret, praefertim cum ageretur de Capitularibus Francorum, pluries iam superius attigi: Scilicet scribebat ille inter Germanos ea aetate Francis maximo infensos, nolebatque propter Francorum Canonum monumenta, quasi Leges Francicas servandas proponere apud suos, ne forte Collectio, quam adornabat, contemtu futura fuisset. Praeterea potuit Burchardus in errorem induci, quod in dicto lib. 3. Capitularium ante caput 302. haec praeposuntur: *Canones Sancti Sylvestri, & aliorum 84. Episcoporum*, quae inscriptio ad caput 302. pertinebat de prompta ex canone 3. Concilii Romani superius memorati, ac proinde facile sibi persuadere potuit sequentes canones, usque ad 386. nuper descriptum ex eadem Sylvestri Synodo esse collectos, & inter Capitularia enumeratos. Hic tamen, quod forte potius est, non contulit Burchardus. In ipso referendo canone nonnulla adiecit, nonnulla detraxit hisce verbis: "Nemini Regum, aut
 „ cuiquam hominum in proprium liceat
 „ Monasterium tradere, nisi ad aliud
 „ Monasterium, vel commutare, nisi
 „ cum alio Monasterio, vel quocumque
 „ commento vendere. Hoc etiam Divina,
 „ na, & Apostolica, atque Canonica
 „ sub anathematis poena sanxit auctoritas.
 „ tas. Quod si factum fuerit, non va-
 „ lebit, sed ipsum Monasterium in pri-
 „ mum reformetur statum". Quicumque Burchardum in suis adjectionibus a deceptoris vitio & fraude purgare voluerit, dicere poterit, forte verba illa, nisi ad aliud Monasterium & nisi cum alio Monasterio, a quodam Capitularium Glossographo fuisse ad marginem primum adposita, deinde ex imprudentia in textum ipsum translata, uti aliquando in Manuscriptis Codicibus addidit. Burchardi scriptionem de more suo sequutus

est Ivo Carnotensis, qui in parte 3. cap. 28. idem fragmentum Silverio Papae adscripsit, necnon eadem ferme verba ex Burchardo transtulit, attamen quaedam adhuc voces immutavit, aut inflexit. Etenim ubi apud Burchardum, sicut & in Capitularibus, legitur, in proprium liceat &c. Ivo omissa particula in, ait: *Proprium liceat* &c. Item pro illis verbis, quocumque commento vendere, ipse inquit: *Quocumque commodo vendere*. Successit demum Gratianus, & postquam Canonem non Silverio, sed Sylvestro potius adscripserit, quaedam rursus omisit praeter illa, quae jam Ivo, & Burchardus omiserant, videlicet ea verba: *Hoc etiam Divina, & Apostolica, atque Canonica sub Anathematis poena sanxit auctoritas*; itidem aliquis immutavit, pro illis enim verbis *quocumque commento*, ut apud Burchardum, aut *quocumque commodo*, ut apud Ivonem, scripsit *Quocumque commercio*. Abstinendum itaque erit ab his depravatis posteriorum Collectorum editionibus, atque ad Capitularium Francorum Canonem redeundum erit, ut integra, atque perfecta habeatur Canonis interpretatio. Postquam ex Imperialibus legibus Romanorum obtinuit Ecclesiis Monasteria comparari, eademque inter res sacras, siue religiosas recenseri, obtinuit quoque ab humano prorsus commercio exempta esse, reservato favore fundatorum iure patronatus, aut favore potentum, ut aiebant, advocacy, recentiore aetate. Homines hinc quidam (homines intelligo, quales & Franci, & Longobardi in suis legibus intelligebant, neque enim explicandus est Fraseorum Canon, nisi iuxta verborum significationem, quae in usu erat nono saeculo apud illos), inter quos etiam erant, qui Regalia feuda acceperant, utebantur potestate sua in quandam Monasteriorum eorundem perniciem, eadem aliis non qualiter apud ipsos erant, sed in dominium tradentes, commutantes, vendentesque. Quid convenientius erat, quam in publicis totius Regni comitiis, ad quae tum Imperii Proceres, tum Ecclesiarum Antistites communi voluntate convenerant, rerum Ecclesiasticarum utilitati lata lege consulere, easdemque venditiones, ac permutationes unanimi suffragio interdiceret?

Alterum Canonem scilicet 12. cau. 2. qu. 5. jam satis perspectum est Sylvestro Pontifici Maximo tribui non potuisse.

Ro-

Can. 12.
cau. 2.
qu. 5.

Romani enim Correctores jamdiu observarunt decerptum illum fuisse ex Epistola Gregorii Magni ad Maximum Ecclesie Salonitanæ præsumptorem (præsumptor dicitur, quod in Salonitanam Ecclesiam improbo ausu sese intruserat), unaque eidem canoni 14. Gregorii verba subjecerunt, quæ supervacaneum est hoc loco describere. Tantum attingam rationem, qua apud Gratianum Sylvestro canon iste tribui potuerit. Suspicor ego id profectum esse, postquam Paleæ Codici Gratiano adjectæ fuerunt. Scilicet in germano Gratiani Codice, quem nondum Palearum auctor adauxerat, post canonem *Presbyter 13.* statim subsequatur canon *simila fama 16.* Qui Hincmaro Rhemeni tribuitur. Porro in principio hujus canonis 16. hæc habentur: *Si mala fama de Presbytero exierit, & accusatores, ac testes legales defuerint.* Forte quidam Glossographus ad marginem adscribere aliqua voluit ad interpretationem illorum verborum *testes legales*, cumque in Synodo Romana Sylvestro adtributa agnovisset definitum numerum testium arg. can. 2. cau. 2. q. 4. hinc in margine adnotavit Sylvestri nomen, ut legales testes illi intelligerentur, quos prædefinivisse Sylvester idem in Synodo ferebatur. Interjecti postea sunt ab auctore Palearum Canones 14. & 15. ac proinde marginale Sylvestri nomen canoni 16. adpositum transferri facile potuit ad canonem 14. præsertim cum auctor Palearum nullo adjecto aut Concilii, aut Sancti Doctoris nomine descripserit. Qui plura desiderat ad Gregorii Magni Epistolam pertinentia, ex qua canon hic depromptus est, ea habebit in parte II. hujus Operis, diserte & de Gregorio eodem, & specialiter de ejus Epistola ad Maximum Salonitanum differetur.

Can. 2. Tertium fragmentum Sylvestro Pontifici adtributum legitur in can. 2. cau. 5. cau. 5. q. 2. Illud nuper typis edidit Mansius in suo supplemento editionis Venetæ Labbeanæ ex M. S. quodam vetere Lucensis Ecclesie in additione ad Burchardum, ubi hæc inscriptio fragmenti hujus habetur: *Ex Decretis S. Sylvestri Papæ. De induciis eorum qui ad satisfactorum Canonice vocantur.* Deinde nomine Sylvestri hæc sequuntur. *Constituimus & anno 324. presenti Decreto censemus, ut in primis personaliter vocentur, & per septem dies expectentur, nullius Ecclesiasticæ rei interdicta licentia.* Huius vero expectantur

stationi iterum addantur septem dies interdicta Ecclesiam intrandi licentia, & omnia divina officia audiendi. Post vero adjicientur duo dies a pace, & communione sanctæ Ecclesiæ suspensæ; deinde vero aliis duobus diebus sub eadem expectatione rei deporeantur: Quibus uno die superaddito omni expectatione veluti jam desperata, reus mox Anathematis gladio feriatur. Hoc sane monumentum nemo non videt nullo modo Sylvestro Pontifici tribui posse, nec enim Lucensis Codicis tanta esse potest auctoritas, ut Canonem antiquis omnibus ignotum vetustissimo Pontifici adtribuat. Præterquamquod enim hic Codex videatur non satis vetustus, ac forte Gratiano posterior, quum contineat additiones ad Burchardum, ejus tamen omnino fidem suspectam facit in hac parte vel una illa adnotatio anni: *Et anno 324. presenti Decreto censemus &c.* Non erat hæc Sylvestri tempore annorum designandorum formula, sed potius nomina Consulium adscribi solebant, quemadmodum constat ex omnibus monumentis antiquis, quod ipse etiam Isidorus Mercator, licet in pluribus deceptor manifestus, in suis Epistolis observavit. Ceterum adjectio illa dierum favore reorum, qui ad judicium conventi sunt, usque ad viginti ita minutatim facta, ut primo dies septem, totidem deinde, postea duo, subinde duo alii, demum unus præfigatur, quibus elapsis sententia pronuncietur, non videtur satis apta, nec satis aliis Ecclesiasticis Canonibus conveniens. Vel enim nulla jurisdictionum edicta citatoria interponebantur, atque hoc videtur contrarium veterum Conciliorum, summorumque Pontificum statutis, tria ut plurimum edicta necessaria erant, ut postremum peremptorium videretur, quod liquet ex Conc. Carthaginensi III. Siricii tempore celebrato can. unico cau. 4. q. 5. item ex Cælestino Papa in Ep. 5. ad Nestorium scribente. "Itaque, quamvis jam Frater Cyrillus secundis, te Epistolis asserat esse conventum, intelligas volo, post primam, & secundam illius, & hanc correptionem nostram, quam constat esse tertiam, ab universitate Collegii, & Conventu Christianorum te prorsus esse sejunctum, nisi mox ea, quæ maledicta sunt, corrigatur". Recentiora quoque Concilia idipsum receperunt, uti liquet ex Concilio Trojano anni 1093. sub Urbano II. in quo legitur

per la 2. canone: *Et quibz breviam Dei pregerit, usque tertio ad satisfactionem ab Episcopo moneatur. Quod si nec tertio satisfecero consensero, Episcopus, vel cum Metropolitani consilio, nec cum duobus, nec uno vicinorum Episcoporum in rebotem Anathematis sententiam dicat, & per scripturam Episcopis circumquaque denunciet &c.* Vel proponenda erant citatoria edicta: & tum dicendum esset quinque primum edicta a Sylvestro prædicta fuisse, antequam ad peremptorium deveniretur; item ab uno ad aliud edictum nimis exiguum ac breve tempus statuabatur, unius, aut duorum dierum, contra quam tum in memorato Concilio Carthaginensis canone, atque aliis Cælestini, & Concilii Trojani Capitibus Decretum fuerit.

Ego sane hac in re, si forte quispiam postularit, quum nullum invenerim Generale Ecclesiæ Concilium, quod induciarum tempus & modum in causis Ecclesiasticis præfinierit, ubi diversæ Ecclesiarum consuetudines non observentur, arbitror ad Civilis Romani Juris disciplinam confugiendum esse, siue in spatio dierum concedendo, quod interfluere debet inter edicta, siue in numero edictorum præfigendo, usque donec ad edictum peremptorium deveniatur. Atque de numero dierum nulla dubitatio esse potest, ut concedatur intervalum non minus decem dierum, quemadmodum Ulpianus manifeste ait in l. 69. ff. de iudiciis, quam ad omnia iudiciorum genera pertinere liquet ex ejusdem legis inscriptione, deprompta enim est ex libris de omnibus Tribunalibus, in quibus quid in unoquoque Tribuni observandum esset Jureconsultus tradebat; quod etiam confirmavit Justinianus in Novella 112. cap. 3. Gravior aliquibus visa est difficultas de numero edictorum, ea de causa, quod in Romanorum legibus modo tertium, quartum modo edictum appellari peremptorium videatur. Tertium edictum peremptorium dixerunt Imperatores Diocletianus, & Maximianus in l. 9. Cod. *quomodo & quando Judex* &c. necnon Hermogenianus in l. 53. §. 1. ff. *de re judicata*. Quartum vero ita appellare Ulpiano placuit in l. 68. & 70. juncta l. 72. ff. *de iudiciis*. His veterum Jurisconsultorum, Imperatorumve fragmentis quidam ita gravati sunt, ut non aliam commodam interpretationem invenerint, quam temerario ausu sponte sua fragmenta Ul-

Tom. I.

piani depravata asserendo siue exemplo aliorum Codicum. Postquam enim statuerint tertium edictum regulariter esse peremptorium ex dicta l. 53. §. 1. & dicta l. 9. hoc modo apud Ulpianum ita memoratis legibus 68. & 70. legendum esse voluerunt: *Ad peremptorium edictum hoc ordine venit, ut primo quis petat post absentiam adversarii edictum primum, mox alterum, quibus propositis & tertium tunc peremptorium imparet, quando tamen omnia Pandectarum exemplaria contrarium exhibent hoc modo: mox alterum, & tertium, quibus propositis tunc peremptorium imparet.* Non est hoc Interpretem juris agere, sed vim facere sententiarum & scripturarum; quoties enim, ubi Codicum varietas nulla est, aut nulla gravissima subest ratio, facultas unicuique datur pro ingenio vel minimas literulas addere, vel detrachere, nihil adeo sanctum religioseque custoditum habebimus, quod ab imperitiis hominibus temerari non possit. Sane in proposita specie ad emendationem fragmenti deveniri nequit, nisi apertissime contra integram Jurisconsulti sententiam, quoties dictæ legi 70. adjiciatur lex 72. eod. tit. utpote quæ ex eodem libro 8. disputationum Ulpiani deprompta est: Ibi scriptum est: *Nonnunquam autem hoc edictum post tot numero edicta, qua præcesserint, datur: nonnunquam post unum, vel alterum, nonnunquam statim, quod appellatur unum pro omnibus.* Igitur aliquando unum pro omnibus datur edictum; aliquando post unum vel alterum, quod idem est, ac dicere aliquando edictum peremptorium tertium esse; aliquando vero, Ulpianus ait, datur post tot numero edicta. Quid significant hæc verba, nisi edictum peremptorium dari post tertium, atque ita edictum peremptorium quartum esse? Apertissima est demonstratio, qua eruitur in Ulpiani fragmentis memoratis quartum edictum peremptorium esse, & non nisi maximo cum ausu temerari a quibusdam vulgatam lectionem non solum exemplaribus omnibus, verum etiam Jurisconsulti sententiæ penitus consentaneam. Ajunt illi contrarium omnino legi in l. 159. §. 1. *de re judicata*, necnon in l. 9. Cod. *quomodo & quando Judex*. At, ipsorum venia dixerim, num quoties contraria Jureconsultorum fragmenta videntur invicem, aut sunt, utendum erit hoc genere interpretationis, ut mutilentur, atque emendicata verborum transpositione viciantur? Quo-

H

licet

ries ita est, non opus commentariis, nec longo studio, aut labore ad investigandas Jurisconsultorum sententias, quem ceteroqui maximum eruditissimus quisque ac prudentissimus semper agnovit. Itaque dixerim Ulpiani temporibus mihiorem quodammodo in hac re fuisse disciplinam fori, ut nonnisi quartum edictum peremptorium diceretur; sed deinde sub Diocletiano & Maximiano ex reorum sive conventorum perfidia, ac contumacia, edictum peremptorium fuisse tertium; atque hac ratione jam statim conciliatum video cum Imperatoribus in dicta l. 9. Ulpianum in dictis legibus 63. & sequentibus, quum Ulpianus vixerit ante tempora Diocletiani & Maximiani: Quam interpretationem etiam adjuvant verba illa legis 9. *Salubriter constitutum est*, hæc enim verba novam imperialem legem apertissime significant. Minus propterea negotium facessit Novella 122. cap. 3. unde sumta auth. *qui semel Cod. quomodo & quando Index*, utpote quæ hac in parte novam Diocletiani & Maximiani jurisprudentiam confirmasse videtur. Imo nec ulla difficultas suboritur ex dicta l. 53. §. 1.

de re judicata; Etenim hæc auctorem habet Hermogenianum Jurisconsultum Diocletiano & Maximiano recentiorum, qui propterea juxta eorundem Imperatorum leges respondere debebat. Videbor forte digressus aliquantulum a Canonibus Gratiani, sed, ut opinor, juvare hæc plurimum poterunt, ut quis de iudiciorum induciis recte differere valeat, non prout in dicto Canone 2. cau. 5. q. 2. ex Apocryphis monumentis Gratianus arbitratus est definiendum. Juvabit præterea fortasse etiam Juris Civilis studiosos, quamplures, quotquot ad hæc mea studia mentem suam aliquando converterint, ut evitare noverint juris interpretes illos, quorum cura præcipue est inevertendis susdeque fragmentis veterum, non ratione duce explicandis.

Quædam adhuc dicenda supersessent *Can. 30. de Can. 30. cau. 23. q. 4. nisi solertia can. 23. Romanorum Correctorum jam Silverio qu. 4. Pontifici Maximo tributum esset. Nominis similitudo errori Gratiano occasionem forte præbuit. Opportunius censeo de fragmento hoc in ea parte differere, in qua peculiariter de Silverio eodem a me nonnulla erant observanda.*

C A P U T VII.

De Concilio Nicæno I. Generali.

Optimo jure in suam Collectionem Gratianus referre debuit Nicæni I. Concilii Generalis Canones, quos nemo ex vetustis Collectoribus omisit, utpote in eo Concilio editos, quod primum omnium ex OEcumenicis fuit, fuitque omnium sequentium norma. Sunt autem sequentes.

- Can. 3. dist. 18. jungendus cum can. 73. cau. 11. qu. 3.*
- Can. 16. dist. 32. ex Græcorum sententiis, & facti circumstantiis explicandus.*
- Can. 2. dist. 47. consonat cum interpretatione Dionysii Exigui.*
- Can. 1. dist. 48. ad meliorum codicum fidem emendandus.*
- Can. 7. dist. 55. consonat cum interpretatione Dionysii Exigui.*
- Can. 8. dist. 64. paullo varius in diversis exemplaribus.*
- Can. 8. dist. 64. jungendus cum can. 1. & 6. dist. 65.*
- Can. 1. dist. 65. jungendus cum can. 8. dist. 64. & cum can. 6. dist. 65.*
- Can. 6. dist. 65. jungendus cum can. 8. dist. 64. & cum can. 1. dist. 65.*
- Can. 7. dist. 65. non satis accurate huc usque ab interpretibus explicatus.*
- Can. 3. dist. 68. nullo modo convenire potest cum Nicæno Concilio.*
- Can. 3. dist. 71. jungendus est cum can. 23. cau. 7. qu. 1.*
- Can. 1. dist. 73. depromptus ex Reginone, & Burchardo.*
- Can. 4. dist. 81. paullo varius in diversis exemplaribus.*
- Can. 5. dist. 81. paullo varius in diversis exemplaribus.*
- Can. 14. dist. 93. paullo varius in diversis exemplaribus.*
- Can. 52. cau. 1. q. 1. ad meliorum codicum fidem exigendus.*
- Can. 8. cau. 1. q. 7. ad meliorum codicum fidem exigendus.*
- Can. 19. cau. 7. q. 1. ad meliorum codicum fidem exigendus.*
- Can. 23. cau. 7. q. 1. jungendus est cum can. 3. dist. 71.*
- Can. 4. cau. 11. q. 1. non est Concilii Nicæni.*
- Can. 73. cau. 11. q. 3. jungendus cum can. 3. dist. 18.*
- Can. 8. cau. 14. q. 4. idem est cum can. 2. dist. 47.*
- Can. 1. cau. 16. q. 1. non pertinet ad Concilium Nicænum.*
- Can. 9. cau. 26. q. 6. ad meliorum codicum fidem exigendus.*
- Can. 4. de pæn. dist. 3. accommoda interpretatione illustrandus.*
- Can. 20. de conf. dist. 1. idem est cum canone 3. dist. 68.*
- Can. 10. de conf. dist. 3. antiquissima disciplina conformis.*

Etiam in illis antiquissimis rebus, quas unusquisque maxima veneratione prosequutus fuerit, propterea maxima cum diligentia generaliter custoditis, locum habere debent criticorum animadversiones, unde plures apud eruditos viros disputationes emergant. Nemo est, qui Nicæni Concilii regulas, & constitutiones non receperit, imo apud nonnullos ita sanctæ, religiosæque habitæ sunt, ut ipsismet sacris literis, & Prophetarum oraculis fuerint comparatæ. Verum interea novimus multa in controversiam, ac disputationem adducta, quod attinet ad tempus celebrati Concilii, seu quando primum congregatum fue-

rit, seu quamdiu Episcopi in Conven-
tur persisterint, item quod spectat ad
numerum Episcoporum, aut Canonum
in eo definitorum, de quibus omnibus
variæ sunt eruditorum non contemnen-
dæ opiniones.

Tempus, quo celebratum Concilium
est, alii referunt ad annum 314. alii
ad annum 319. alii ad 318. alii ad 322.
alii ad 324. alii ad 325. alii demum, ut
reliquos omittam, ad annum 328. Apud
eruditiones hodie magis obtinuit senten-
tia, qua dicatur anno 325. Concilium
initum esse, in quem incidisse fertur
Consulatus Paulini, & Juliani; hic enim
Consulatus Nicæno Concilio adscribitur

in actione 2. Concilii Chalcedonenſis, & apud Socratem lib. 1. cap. 7. in fine. Quamdiu vero Syhodus ipſa conſtiterit, certum omnino non eſt; aliis viſum fuit per ſex annos, aliis per triennium, aliis per annum integrum, & menſes duos. Ut plurimum vero traditur poſt duos tantummodo menſes, & ſex circiter dies Concilium fuiſſe abſolutum, tempora numerando a die 13. Kal. Julii anni 325. uſque ad diem 8. Kal. Septembris, quod ex eo poſitiſſimum demonſtrant, quod Euſebius paullo poſt dimiſſum Concilium narret a Conſtantino celebrata fuiſſe Vicennalia, ita dicta, quod vicennio poſt ſuſceptum imperium celebrari ſolerent: Quamobrem cum anno 306. Conſtantine Imperator ſalutatus, neceſſario inferitur anno jam 326. Concilium fuiſſe diſſolutum.

Episcopos numero octodecim ſupra trecentos inter fuiſſe Concilio teſtis fuit, & ſpectator Athanaſius, qui id reſert in Epiſt. ad Jovinianum Imperatorem, & in diſputatione adverſus Arium; atque cum eo conſonant Epiphanius hæreſi 69; Hieronymus in Chronico, alii que quamplures. Sunt tamen, qui reoſent tantummodo Episcopos 250. aut ſupra, quod eruunt ex Euſebio Cæſareenſi in lib. 3. de vita Conſtantini cap. 7. & ſequentibus, atque ex Euſtathio Antiocheno apud Theodoretum lib. 1. cap. 8. aut etiam ex ſubſcriptionibus Episcoporum, qui in editis Concilii ejusdem exemplaribus numerum 318. non attingunt. Verum jamdiu ab eruditis pluribus obſervatum eſt, ea in parte mendosum, ac depravatum fuiſſe Euſebii locum; & quoad Theodoretum attingit, ruruſ traditum eſt corruptam fuiſſe numeri adnotationem; etenim cum Theodoretus idem in cap. præcedenti Nicænos Episcopos numero 318. recenset, videri non poteſt in cap. 8. eam Epiſtolam Euſtathii deſcribere potuiſſe, in qua pauciores enumeraret, ne parum, aut nihil fidere videretur Euſtathio, qui cæteroqui Concilio præſens adſuerat. Quod demum ex actis, & ſubſcriptionibus Concilii argumentum deducitur, exigui omnino momenti eſt, quoniam etiam eruditis omnia liquet ſubſcriptiones Episcoporum non prorsus integras eſſe, ſed vetuſtate in parte periſſe, quum etiam ex Provinciis Nicææ finitimis per pauci in iis enumerentur Episcopi, quos non eſt verſimile non inter fuiſſe.

Qualiſcumque vero Episcoporum numerus fuerit, illud dubitandum minime eſt, plurimos ex eiſdem recenſeri poſſe, qui ſive ob ſingularem doctrinam, ſive ob eximiam morum integritatem, ſive ob maximam in Eccleſiam merita, atque ob graviſſimos pro tuenda fide exantlatos labores celeberrimam nominis ſtam ſibi pepererunt. Omnibus perſpectiſſima eſt Oſii Cordubenſis in Hiſpania Episcopi dignitas, atque præſtantia, qui Nicænz Synodo præſuit ſurgens legatione Sylveſtri Pontificis Maximi una cum Vito, & Vincentio Romanæ Eccleſiæ Præbyteris. Is jam ſub Diocletiani perſecutione conſantiſſimus in fide Chriſti non ſolum nihil, quod ſibi accidere poſſet, intolerandum putavit; verum etiam aliis ne extimeſcerent, magnitudinis, ac fortitudinis exemplum quamplurimis præſtitit. Clariſſimum præterea Eccleſiæ decus, atque ornamentum extitere tres Orientis Patriarchæ, Alexander Alexandrinus veterum Patrum communi ſuffragio laudatus, Euſtathius Antiochenus, de quo ait Hieronymus, eum clariſſima tuba in adverſarios fidei bellum ceciniffe, ærumnis, laboribus, & exilio nuſſipiam fractum, & Macarius Hierofolymitanus, quem Arius ipſe tamquam Chriſtiani dogmatis propugnatorem, hoſtem ſemper inſenſiſſimum habuit. Ex Viris ſanctiſſimis miraculis etiam celebres, & moribus pene Angelicis celebratiſſimi ſunt: Paphnutius Thebaidos, ſuperioris Episcopus, Nicolaus Episcopus Myrzæ in Lycia, quoties danda ſit Baronio fides ad annum 325. n. 10. & ſequentibus, Jacobus Niſibenus in Meſopotamia Episcopus, Leontius Cæſarzæ Cappadociæ Præſul, ut alios præteream bene multos, ex quibus Nicænis definitionibus decus acceſſit, ejusdemque Concilii auctoritas ubique locorum, ac temporum maxime ſemper habita fuit.

Quod majus præ ceteris negotium faceſcit, pertinet ad numerum Nicænorum canonum; etenim Nicæni Patres licet poſitiſſimum ad damnandam Arii hæreſim præcipue conveniſſent, occasione tamen data nonnulla Eccleſiaſtica diſciplinæ capita deſinierunt ad publicam fidelium omnium utilitatem, & regimen Eccleſiarum. Celeberrima eſt apud eruditos omnes hujusmodi diſputatio ita, ut quicumque hodie veller in hanc rem, atque in quamcumque partem rationes adducere, illiadem poſt Homerum canere videretur. Quamquam tamen res ita ſe habeat,

habere, mueri meo sane deessem, si hoc in loco rem expendendis Gratiani canonibus necessariam omisterem. Nicænos canones quamplures Gratianus descripsit; quomodo illos, qui revera Nicæni sunt, ab aliis, qui Nicænas Synodo perperam adtribuci sunt, modo distinguendi essent, nisi Nicænorum canonum numerus initio vindicaretur, ac præstitueretur? Itaque de numero istorum canonum diversæ sunt eruditiorum omnium opiniones; alii enim viginti tantummodo enumerant, alii usque ad 84. numerum adaugent. Singulorum argumenta expendere iuvabit, & in primis illorum, qui octoginta & supra recensent. Lubens autem omitto, quod quidam ex can. 22. dist. 16. adducunt, ad exemplum 70. Discipulorum Christi Domini septuaginta Nicænos canones esse plurimum decuisse; arbitror enim rationes huiusmodi illis relinquendas esse, qui numerum Nicænorum Episcoporum ad 318. referunt, quod Abraham adversus quinque Reges electis 318. militibus prospero exitu pugnaverit, quemadmodum legitur in cap. 14. Genesios.

Quicumque canones Nicænos 84. receperunt, in hanc opinionem præcipue adducti sunt ex Arabica quadam Nicænorum canonum versione, quam latinitate donavit post Turrianum Abrahamus Ecchellenis Maronita e Libano, qui præterea editioni suæ eruditam dissertationem adnexuit, ut pro eodem numero contenderet, & quidem, ut verum fatear, non contemnendis rationibus; non enim ad id comprobandum apocryphis, aut omnino incertis monumentis usus est, quemadmodum ante ipsum fecerat Turrianus. Singula Abrahami argumenta paucis perstringam. Primo asserit generaliter a Nicænis Patribus plures ac plures editos fuisse canones; vulgata enim præfatio Nicæni Concilii editionibus præfixa, quadraginta libris descriptos fuisse Nicænos actus exhibet, & Euthychius Alexandrinus Patriarcha in Chronico scribit quadraginta Codices descriptos fuisse in Nicæna Synodo, in quibus Canones, & Constitutiones continebantur, quod ipsum asserit Abuhareus Habbasides Mohammedanus in 2. parte Apologiæ adversus Christianos, & Georgius Homaidius in parte 1. sui Chronici in Constantino. Secundo: plures adsunt, qui testati sunt se vidisse Nicænos actus ingentis molis, & quemadmodum ait: Gelasius Ciziscus in præla-

dis ad Nicænam Synodum, qui non poterant memoria retineri; nemo enim hominum immanis illud mare omnium, quæ in eo repondebantur, memoriter in ore habere poterit, quibus consonat Photius Constantinopolitanus, asserens se librum Nicænae Historiæ in tres partes distributum legisse; quod eo vel magis verosimile proficetur, quod per tres annos Nicænum Concilium constitisse feratur. Tercio; verosimile esse nequit canones illos Arabicos fuisse ab Arabibus ipsis confectos, in illis enim huiusmodi continetur disciplina, quæ eorundem Arabum moribus advertatur: & nemo (scribit Tertullianus) mentitur in suam deducens, sed in honorem. Revera in can. 44. Primatus Romano Episcopo adferitur, quem tamen Melchitæ, Jacobitæ, Nestoriani, Cophcitæ, Abyssini, & Armeni non solum non agnoverunt, sed & detestati sunt; quamobrem verosimile esse nequit ab Arabibus ipsis huiusmodi canonem fuisse confectum. Quarto: multa referunt, tamquam Concilii Nicæni statuta, a Sanctis Conciliis, Patribus, ac Pontificibus, quæ non alio in loco, nisi in hac Arabica Nicænorum canonum editione leguntur. Sic in Concilio Ephesino actione 7. commemoratur privilegium a Patribus Nicænis Cypri Ecclesiæ collatum, de quo tantum sermo est in can. 43. ex Arabicis. Sub finem Concilii Chalcedonenfis Atticus retulit determinatum fuisse in Concilio Nicæno Epistolarum, quas *formatas* vocant, exemplar, de quo tamen nihil habetur in vulgatis 20. Concilii Nicæni Canonibus. Concilium Antiochenum can. 1. statuit, non licere Pascha diverso tempore facere, nec cum Iudaïs celebrare, sicut in Nicæno Concilio statutum est; quod tamen in eisdem Canonibus 20. minime legitur. S. Leo Magnus multa refert in Epistola 53. 54. 55. ex Nicæna Synodo adversus Anatolium Constantinopolitanum Episcopum, qui jus supra Alexandrinam, & Antiochenam Ecclesiam sibi vindicabat, quæ tamen non habentur, nisi in canone 8. 37. & 42. versionis Arabicæ. Julius Papa multa in Nicæna Synodo statuta fuisse commemorat de Romanæ Sedis prærogativa in Epistola 1. & rescripto ad Orientales, quæ sane referri debent ad Canones 37. 44. & 72. Nicæni Concilii Arabicos. Zozimus Papa in sua Decretali, & monitorio ad sextum Concilium Carthaginense testis profert Nicæni Concilii canones, præ-

num de Appellationibus Episcoporum ad Romanam Sedem, alterum de appellationibus Presbyterorum ad Episcopos vicinos, tertium de comitatu Principis; de his vero tantummodo agitur in canonibus eisdem Arabicis 47. & 71. item in aliis Asiaticis Constitutionibus adjectis, in quibus præterea alia continentur Nicæni Concilii decreta. S. Basiliius Epist. 78. scribit in Concilio Nicæno plura edita fuisse ad correctionem noxiarum, plura etiam ad præmonitionem eorum, quæ in futurum suboriri potuissent. Demum S. Augustinus Epistola. 100. scribit in Nicæno Concilio prohibitum fuisse, ne duo Episcopi simul sederent in eadem Cathedra, inquit: *Adhuc in corpore posito beata memoria Patre, & Episcopo meo Sene Valerio Episcopus ordinatus sum, & sedi cum illo, quod Concilio Nicæno prohibitum fuisse nesciebam.* Id porro prohibitum legitur in canone 54. ex relata Arabum editione. Itaratiocinatur erudite Abrahamus, subdicens laudatorum canonum non unam tantum fore ex Orientalibus editionem Arabicam, sed etiam alias, & Romæ præsertim sex adesse editiones, quarum alie Arabicis, alie Syriacis, alie Ægyptiacis, alie Æthiopicis, alie Chaldaicis alie Armenis lingua, & characteribus, descriptæ sunt.

Nondum tanta hæc sunt, dixerim veria Viri præclarissimi, ut me in ejusdem sententiam trahant: potiora quippe esse arbitror momenta, quibus alii innituntur, ut probent 20. tantummodo fuisse Nicænos canones; non sane, quod non crediderim in Arabicis Abrahami Canonibus utilla multa perlegi, atque vetori, Græcæ præsertim Ecclesiæ, disciplinæ accommodata, aut eadem maxima in parte venerabilia esse, sive antiquitate, sive doctrinæ præstantia; sed quod revera omnes illi canones Nicæno Concilio tribui nequeant. Sane quum Chalcedonensis Synodus celebrata est, sacri Antistites in eandem Synodum convenientes nihil antiquius habuerunt, quam proferre in medium canones Nicænos, juxta quos statuta sua omnino formerent: At vero 20. tantummodo canones ex Nicænis retulerunt. Quis verosimile arbitrabitur reliquos, & quidem bene multos ita a memoria veterum Patrum excidisse, ut ex quatuor supra octoginta, viginti tantummodo memorarentur? Aut enim apud veteres illos Patres iidem de improvida negligentia redarguendies-

sent, quatenus sacratissimos hujusmodi canones non custodivissent solertissime; aut tempore Concilii Chalcedonensis existerant, ac tum rursus esset, in quo sacri Antistites culpa admisissent, quatenus in Canonibus recitandis plurimos prætermisissent. Præterea Romam venit ex Oriente Dionysius Exiguus, canonesque Nicænos, quales in Orientali Ecclesia habebantur, adtulit, quos deinde ex Græcorum exemplarium fide in suam Collectionem transevit. Verumtamen non alios evulgavit, quam viginti. Quod si antiquiora etiam tempora respicimus, in Concilio Charchaginensi vulgo 6. anni circiter 419. quod propterea non longe post Concilium Nicænum celebratum est, viginti tantummodo capitula recitata sunt, quæ ibidem asseruntur reperta in exemplaribus Nicænz Synodi in Africam allatis a Cæciliano Carthaginensi Episcopo, qui & ipse Nicæno Concilio interfuerat, atque subscripserat. Immo in eadem Synodo cum suborta fuisset controversia inter Africanos Episcopos, & Legatos Zozimi Papæ de Canonibus quibusdam ab eodem Zozimomemoratis nomine Concilii Nicæni, num. revera Concilio eidem Nicæno tribuendi forent, communi consensione expectata est Græcorum Patriarcharum sententia, Constantinopolitani, Alexandrini, & Antiocheni, a quibus Germanus, atque integra Nicænz Synodi exemplaria postularunt. Quæ quidem transmissa fuerunt ab Attico Constantinopolitano, & Cyrillo Alexandrino Episcopis, atque ita reperta sunt, ut cum iis, quæ in Africana Ecclesia custodiebantur, atque in numero viginti tantummodo canonum consonarent. Testis quoque est Theodoretus lib. 1. hist. Eccl. cap. 8. in fine, ubi ait in Nicæna Synodo viginti tantummodo canones fuisse conditos. Verosimile scæ non est tot sive Latinos, sive Græcos Patres, vel Historicos etiam antiquissima ætate latere potuisse tot canones, ut ex quatuor supra octoginta, viginti tantummodo apud illos remanserint, atque in Collectiones Ecclesiasticorum canonum isti soli traducti fuerint.

Agnovit gravissimam hanc difficultatem Abrahamus, a qua tamen sese extricasse censuit, si assereret tantam Nicænorum canonum jacturam improbitati vetustissimorum temporum tribuendam esse, potissimum vero temeritati & vitio Arianorum esse vertendam, qui cum

Nicænum Concilium penitus detestarentur, facile ejusdem Concilii acta perdere, aut corrumpere, aut saltem decurrere potuerunt. Sed rursus palmam exinde referre non potest a cæteris eruditis Abrahamus. Fateor eo protervitatē adduci potuisse Arianos hæreticos, ut, si valuissent, Nicæni Concilii acta depravarent: Non tamen exinde ita facile fuit, ut in omnibus ferme Christiani orbis Provinciis corruerint, una tantummodo Arabia excepta, quasi ad Arabes hæresis Ariana nāspiam pervenerit, aut Arabum Codices vix hæreticis fuerint sacrationes. Quod si sexaginta, & quatuor canones perdere potuerunt, & reliquos viginti relinquere, quasi ex aliorum lacinis superstites? Præterea Abrahamus suam hanc de Nicænis Canonibus opinionem præconceptam non satis tueri hac ratione videtur, si ad rectam amissam ejusdem observatio redigatur. Ait ille: Arianum Concilium Nicænum oderunt: Esto: Non tamen oderunt in ea parte, in qua nihil ad eorundem damnationem pertinens continebatur. Gravis forte suspicio foret de Arianorum improbitate, atque perfidia, quoties ageretur de jactura canonum illorum, in quibus explicata fuerat divini Verbi natura, non autem ubi de disciplina Ecclesiastica aut instituenda, aut promovenda sermo fieret, cujus parum aut nihil eorundem Arianorum intererat. Perdidissent potius Nicæne fidei Symbolum, quod potissimum avversabantur; at quid erat peculiare in Canonibus illis quatuor supra octoginta, ex quo Arianis faciendi illorum jacturam præberetur occasio?

His omnibus nonnulla addi possunt, ex quibus constet disciplinam in Canonibus illis Arabicis definitam Nicæni Concilii temporibus minime congruere, & ad subsequētia tantummodo tempora pertinere posse. Argumentum hujus rei nonnulli deducunt ex canone 53. ubi statutum legitur, ne Christianorum filiarum viris infidelibus haberent; ajunt enim primis Ecclesie sæculis id minime obtinuisse, aut obtinere potuisse, præsertim quod sæculo posteriore noverint Beatam Monicam Augustini matrem piissimam ceteroqui feminam Ethnico viro nupsisse. Me plurimum movet, quod passim in his Canonibus Arabicis mentio fiat Monasteriorum, & Abbatum, quorum ratione illa disciplina præfigitur, quæ quinto demum aut sexto sæculo viguisse

fertur, quæ si forte jam Nicæni Concilii tempore obtinebat, aut ad Egyptios, aut ad finitimos Egyptiis referenda erat; ut propterea suspicari quippiam possit, hosce canones ab Egyptiis primum fuisse conditos, velut ad peculiarem Egyptiorum disciplinam accommodatos. Quid vero non probat canon 36. ubi definitur Antistitem illum, qui loco Patriarchæ est, appellari posse Catholicum? Cum tamen id Leoni Magno posteriore ætate displicuisse unusquisque noverit; nec dicendum sit Leonem Magnum Nicæne Synodi regulis, quas maxime venerabatur, voluisse in hac parte adversari. Omitto alia quam plura; ea enim facile legentium oculis occurrunt, quibus magis magisque comprobetur, Arabicos hujusmodi canones Nicæni Concilii non esse, sed Nicæno Concilio illos tantum tribui vere posse, qui ab omnibus etiam vetustissimis Collectionibus adseruntur numero viginti.

Fortè quempiam movere poterunt rationes illæ, quas Abrahamus ad suam opinionem adstruendam adduxit, & quas superius paucis perstrictas attigi. Illis tamen facile unusquisque satisfaciet, dummodo in primis quædam animadvertat, quæ generaliter in hac, aut simili re necessario sunt præcavenda. Tempore Constantinianæ Imperatoris, statim ac pax fuit Ecclesie data, coeperunt sacri Antistites modo ad Concilia convenientes, modo extra Concilia constituti certa Ecclesiasticæ disciplinæ capita inscripturam redigere, præsertim vero postquam Nicænum Concilium celebratum est. Exemplo ejusdem Concilii Episcopi ferme omnes peculiaria in suis Ecclesiis statuta ediderunt, aut ab aliis Coepiscopis accepta in suam Ecclesiam transtulerunt, quæ omnia Nicænis Canonibus juncta retulerunt in unum Codicem, quem ad instruendam rem Ecclesiasticam paratum haberent, & Clericis tanquam Ecclesiasticæ vitæ normam proponerent. Atque ejus Codicis ordo is ut plurimum erat, ut præter dignitatem Concilii Generalis, primum locum in eo darent Nicænis Canonibus, deinde aliorum Conciliorum canones Nicænis subeederent. Hinc aliquando contingere potuit, ut canones illi, qui Nicænis adnexi, subiectique fuerunt, pro Nicænis omnino haberentur, ac laudarentur; unde tanta varietas Codicum tandem emerit, ut modo pauciores Nicæni canones recenserentur pro majori, vel minori numero

ro canonum Nicænis in memoratis Codicibus subiectorum. Atque huiusmodi esse arbitror Arabicum Abrahami Codicem: Fuit is ignoti cuiusdam Episcopi manu, vel mandato confectus, in quem non solum Nicæni Concilii; sed & aliarum Synodorum capita quamplura relata sunt, non quidem eodem tempore, sed factis additamentis in dies, prout novi in dies canones in diversis Conciliis edebantur. Apud posteros autem talis apparuit Codex, ut canones omnes in eo descripti ultra numerum 80. quasi Nicæni canones viderentur, ex eo quod in eodem Codice Nicæni ipsi Canones primum locum haberent. Revera quicumque Arabicam hanc Abrahami collectionem consideraverit, apertissime id omne dignoscet, cum ibidem quamplures reperiantur canones ex aliis primorum temporum Conciliis deprompti, præsertim Nicæno posterioribus, item ex variis Maximorum Pontificum, Sanctorumque Patrum sententiis congesti. Plura ibidem sunt ex Antiochæno, plura ex Laodicæno, plura ex Carthaginensibus quarti, quintive sæculi Conciliis. Nonnulla ex Hieronymo, & Innocentio I. Pontifice, ut reliquos omittam, quæ singula non alia ratione Concilio Nicæno tribui potuerunt, nisi quod Nicænis Canonibus adnexa adparuerint; eodem ferme modo, quo Gregorius Turonensis Vir ceteroquin sapientissimus in lib. 9. cap. 33. Canonem Concilii Gangrensis non dubitavit nomine Nicæni Concilii commemorare; non enim aliter id eruditro viro contingere potuit, quam quod eum Codicem præ oculis haberet, in quo Gangrenses Canones Nicænis subiecti legerentur, & quasi in Nicæno Concilio edicti viderentur.

Quibus ita præmissis luculentius fortasse, atque uberius satisfit argumentis Abrahami. Ut enim singillatim omnia conficiam, agebat ille in primis Nicæne Synodi acta pluribus libris comprehensa fuisse. Sed hæc parum probant; non enim exinde sequitur Nicænos canones ultra viginti editos fuisse; siquidem libri illi plures, qui ex Nicænis actibus consistunt, non tam continebant, quod in Nicæno Concilio statutum est, quam historicam quandam factorum seriem, qua quidquid ex omni parte gestum fuerit, declaratur; quæ propterea si Abrahamus cum Nicænis canonibus adnetheret, idem præstaret, quod nostra ætate quispiam alter, si Tridentini Concilii

Canones cum Historia Pallavieini confunderet; atque ipsam admittere cogitur Abrahamus; nam & nomine actuum Concilii Canones intelligit, subdiique quadraginta libros ex actis fuisse compositos, non tam octoginta, quam supra sexcentos Concilii canones enumerare deberet. Idem ipsum dicendum erit de eo, quod secundo loco adferebatur, videlicet quamplurimum testimonio confirmari in ingentem molem excrevisse gesta Nicæne Synodi, quæ memoria retineri nullo modo possent. Hæc sane ad solos canones referri non valent, sed si vera sunt, ad fusiorem Concilii Nicæni historiam, seu descriptionem pertinebunt. Quod autem subdebat per tres annos Concilium Nicænum perstitisse, præterquamquod pura, putaque fabella est jamdiu a viris eruditissimis agnita, parum, aut nihil facit, quæ Nicænos Patres non definienda disciplinae capita potissimum detinerent, sed potius hæresis Arii, & Ariarum contentiones acerrimæ, quibus universas propemodum Orientis Provincias quassabantur. Addamus etiam, quod nuper præfatus sum, ingentia forte aliquibus visa fuisse Nicæni Concilii volumina, non quod numero plures canones Nicæni in illis existerent, sed quod Nicænis canonibus alii prope innumeri in Codicibus variarum Provinciarum adnexi fuissent ex subsequentiis Conciliis, aut recentiorum Patrum sententiis. Quæ tertio loco objecta sunt, forte locum haberent adversus illum, qui assereret Arabicos huiusmodi Canones editos fuisse ab Arabibus ipsis recentioribus, postquam a communione Sedis Apostolicæ sejuncti sunt; Mibi aliud omnino videtur, arbitranti Canones hosce Arabicos Nicænis jampridem fuisse adjectos, non doceptoris cuiuspiam figmento, sed potius ex subsequentiis Conciliorum Canonibus, ac doctrinis Patrum, & quidem eo adhuc tempore, quo Græci Latinis & charitateungebantur, & fide.

Gravioris momenti illa viderentur, quæ quarto loco ex Abrahamo superius adducebam: nisi statim animadverterem Abrahamum hoc in loco minus integre retulisse, quod ad rem suam facere posset arbitratur. Verum itaque in primis est in actione 7. Concilii Ephesini Cyprios Episcopos conquestos fuisse de Antiochæno Episcopo, quod Cypriorum Episcoporum ordinationem sibi vindicaret, & quidem Nicæni Concilii audita-

rita.

ritatem in medium proferebant, qua fre-
ti Cyprios a Cypriis Coepiscopis Epis-
copos consecrandos esse asseriebant. At
quisnam erat Nicænus ille Canon, jux-
ta quem controversia omnis definienda
erat? Non sane quispiam ex Arabicis,
quem demonstraturus sit Abrahamus, sed
potius est Canon 6. inter viginti gen-
manos canones, quo generatim statutum
erat, ut unicuique ecclesiæ sua dignitas
servaretur; atque ad hunc Canonem res-
pexisse Synodum Ephesinam luculentissi-
me patet ex ejusdemmet Synodi verbis
ibi: *Memor sit Sancta Synodus Canonum
Sanctorum Patrum in Nicæa congregato-
rum, qui conservat unicuique Ecclesiæ
propriam dignitatem.* Quod de Attico di-
citur, necnon de Formatis Epistolis,
nimis probare videtur, nec alias eo per-
tinere potest, ut Arabicis canonibus fi-
dem ullam præstare cogamur: etenim
nec de Attico, nec de Formatis Episto-
lis in canonibus Arabicis Abrahami quid-
piam continetur; unde fiet, ut exinde
non Arabicam collectionem, sed quan-
cumque aliam in indefinitum prolixiorē
pro collectione Nicænorum canonum ad-
mittamus. Non est cur diutius in hac
Formatarum Epistolarum materie immo-
rer. Fufius eam persequar ad Canonem
1. dist. 73. Nec rursus est, in quo sibi
blandiatur Abrahamus ex eo, quod ad-
fert de Paschate cum Judæis non cele-
brando adversus Asiaticos. Asserit in ca-
nonibus viginti vulgatis non reperiri,
quamquam in Antiocheno Concilio re-
feratur quasi in Synodo Nicæna consti-
tutum. Miror tamen vehementissime,
quod nec quid simile in Arabicis pro-
positis canonibus inveniatur. Quid er-
go? Probavit quidem Abrahamus alios
forte Nicænos canones quærendos esse,
qui deperditi fuerint, nihil vero ad suam
collectionem vindicandam, ac Nicænis
Patribus asserendam adduxit. Ego cen-
seo hac in re, Concilii Antiocheni E-
piscopos retulisse Ecclesiæ sententiam,
quæ jamdiu adversus Quartodecimanos
obtinuerat, quasi in Concilio Nicæno
stabilitam, non quod peculiaris Nicæni
Concilii canon editus fuerit, sed quod
in præfatione Nicæni Concilii generali-
ter confirmata fuerant, quæ in præce-
dentibus conciliis particularibus jam
constituta habebantur, & communi Ec-
clesiarum suffragio recepta. Quum vero
jam ante Synodum Nicænam definita ef-
fet Quartodecimanorum causa, Concilio
quoque Nicæno probata videbantur, quæ

Tom. I.

ad illam concludendam jamdudum per-
fecta fuerant. At Concilii Antiocheni
Patres, ubi canones renovarunt adver-
sus Quartodecimanos, ex Nicæno potius,
quam ex alio quocumque Concilio disci-
plinam Ecclesiasticam illam repetere ma-
luerunt, hujus enim Concilii auctoritati
nemo erat, qui refragaretur; alias au-
tem poterant ex Nicæno Concilio lau-
dare, quidquid etiam generaliter fuerat
in eodem Concilio confirmatum. Præter-
ea minime faver Nicænis Arabum cano-
nibus, quod ex Epistolis 53. 54. & 55.
Leonis Magni deducitur argumentum.
Ibi conatur Sanctus Pontifex, ut ambi-
tum coerceat Anatolii Episcopi Constan-
tinopolitani, qui Antiochenam, atque
Alexandrinam Ecclesiam suæ potestati
subjicere volebat, quod ex Leonis sen-
tentia Nicænis canonibus adversabatur.
Et quidem recte, etiam in conspectu il-
lorum viginti canonum, qui omni ætate
Nicæno Concilio constantissime tributi
sunt. Siquidem in canone 6. Nicæno le-
gimus constitutum, unamquamque Ec-
clesiam dignitate sua frui oportere, ita
ut nemo alienarum Ecclesiarum jura tur-
bare, atque perverteret. Quid igitur
opus est ad explicandam Leonis Magni
sententiam, ut ad Arabicos Abrahami
canones nos convertamus, cum luculen-
tissime ex solis vulgatis viginti Canoni-
bus explicetur? Epistola Julii Papæ val-
de infirmum Abrahamo suppeditat argu-
mentum, cum jam liqueat eruditis uni-
versis eam apocrypham esse, atque ab
Isidoro Mercatore una cum pluribus aliis
posteriore ætate confictam. Quod si ad-
huc Isidori Mercatoris opera quidpiam
probare possent, facile ejus sententia
explicabitur, quin opus habeamus ca-
nonibus 37. 44. & 71. Arabicis. Quæ
de Sedis Romanæ, & Apostolicæ præ-
rogativa Mercator adduxit, & Julio ad-
scripsit, referri merito possunt ad cano-
nem 6. ex 20. vulgatis Concilii Nicæ-
ni, de quo fufius agam inferius ad ca-
nonem 8. dist. 64. Eadem ferenda sen-
tentia est de Epistola Zozimi Papæ,
cujus auctor jamdiu agnitus est Isidorus
Mercator; atque id vel ex eo nno de-
ducitur; quod in hac Epistola de Epi-
scopis ad comitatum Principis proficiscen-
tibus agatur, contra quam primis illis
temporibus convenire valeret. Id vero,
quemadmodum aperte demonstrat Episto-
lam Zozimo falso tributam esse, ita et-
iam docet Arabicos illos canones, in
quibus similia traduntur, Nicæno Con-
cilio

I

cilio tribui minime posse. Magni itidem Basilii dicta viginti Nicænis canonibus recte consonant, quin opus Arabicis canonibus habeamus. Inquit Eximius Antistes ex Nicænis canonibus plures editos fuisse ad correctionem noxiorum, plures ad præmonitionem eorum, quæ in futurum suboriri possent. Id vel in solis viginti canonibus verum agnoscimus, quemadmodum abunde liquebit ex his, quæ paullo inferius mihi erunt observanda ad Gratianos canones ex Nicæno Concilio laudatos.

Unum adhuc me moratur Augustini fragmentum, quod Abrahamus ad tuendam collectionem suam adduxit. Extat illud in Epist. olim 110. nunc vero in recentioribus editionibus 213. quum vero hæc epistola inter dubias, & incertas Augustini Epistolas ab eruditis recenseatur; nescio, an ex illa validum erui valeat argumentum. Sane vero admodum dissimile est Augustino de Valerio Prædecessore suo sanctissimo scripsisse, eum ignorasse Nicænos canones, quod Episcopos turpe videbatur, & crimini verti facile poterat. Agebatur de Concilio recens celebrato, de Concilio, cujus nomen, & fama in universo Christiano Orbe erat celeberrima: Agebatur de duobus Viris sapientissimis, atque sanctissimis, Valerio, & Augustino, quorum neutri ignotas fuisse Nicænas regulas ego facile suspicari non possum. Sed esto: Germana sit, ac genuina Epistola Augustini. Refert ibi Sanctus Episcopus se meditatam fuisse jampridem de seligendo sibi Successore in Episcopatu, ac jam Eraclium quendam Presbyterum designasse, quem in locum sui senescentis se adhuc vivo sufficeret, mortuus præsertim exemplo Valerii decessoris sui, a quo adhuc vivente & ipse Augustinus Episcopus fuerat consecratus. Dein profitetur se a suscepto consilio recedere velle, quod Nicænis canonibus id prohibeatur, atque ut Valerii decessoris sui factum excuset, concludit Nicænos canones & sibi, & Valerio senitum ignotos fuisse. Si quispiam velit mecum in eo contendere, Augustinum de ipsismet Nicænis canonibus fuisse loquutum, demonstrabo statim canon. 8. Nicænum ex 20. vulgatis, in quo cautum est, ne duo sint ejusdem Civitatis Episcopi, atque ad hunc respexisse Augustinum dixero, quin opus habeam Arabicos canones cum Abrahamo effingere. Si vero dubeat Augustinum a sup-

posita hac Nicænorum canonum ignorantia vindicare, quod sane convenientissimum est, ne tantam injuriam in sanctissimum Antistitem inferamus, nihil prohibebit quo minus pro Nicæno canone Antiochenum potius intelligamus. Porro in Antiocheno canone 23. definitum videmus, ne Episcopus successorem sibi eligere posset, aut designare. Iamper novum non est canones Antiochenos Nicænorum canonum nomine apud Augustinum haberi potuisse, cum canones Antiocheni in pluribus Conciliorum collectionibus subicerentur canonibus Nicænis, cujus rei exemplum hodie adferri posset in Codice abs Justello edito nomine *Codici Ecclesie universæ*, in quo memoratus Canon 23. Antiochenus, refertur numero 103. cum a primo Canone, usque ad vigesimum Nicæni canones descripti fuerint. Quæ si Augustini temporibus contingere potuerunt, ut sequentium Conciliorum canones, utpote Nicænis adnexi pro Nicænis haberentur, nemo est, qui Augustinum in Africa degentem non excusaverit, si Nicænos hujusmodi canones, id est ab Orientalibus adjectos post Nicænos canones ignoravit.

Post hæc facile demonstratum arbitror Nicænos canones tantum 20. numero recensendos esse, eosque solummodo certum præbere posse disciplinæ Ecclesiasticæ præsidium, cui Interpretes, ac collectores canonum tuto inniti potuerint. Quod si in expendendis Gratiani canonibus observabimus, facile germanos Nicænos canones ab Apocryphis secerneamus. In eisdem tamen capitibus Gratiani sequar, quoad fieri poterit, interpretationem Dionysii Exigui, utpote quæ ut plurimum purgatio habetur, atque ceterarum interpretationum vetustissima est, & antiquissimis Græcorum Codicibus magis consona videri potest; non omittam tamen quandoque ex aliorum interpretationibus supplere, siquid Dionysianæ deficiet.

Exordior a canone 3. dist. 18. quem *Can. 3.* jungere oportebit cum canone 73. cau. dist. 18. et qu. 3. uterque enim depromptus est & *Can. 3.* ex canone 3. Nicæni Concilii ita de 73. *can. scripto apud Dionysium: De his, qui a communione privantur, seu ex clero, seu ex laico ordine, ab Episcopis per unamquamque Provinciam, sententia regularis obtineat; ut hi, qui abiciuntur ab aliis, ab aliis non recipiantur. Requiritur autem, ne pusillanimitate* (sunt qui interpret-

pretantur: simulate), aut contentione, vel alio quolibet Episcopi vitio, (sunt qui interpretantur: vel aliquo ejusmodi Episcopi acerbitate): videntur a communione seclusus. Ut hoc ergo decentius inquiratur, bene placuit annis singulis per unamquamque Provinciam bis in anno Concilia celebrari, ut communiter omnibus simul Episcopis Provincia congregatis, discutiantur hujusmodi quaestiones. Et sic qui suo peccaverunt: evidenter Episcopo, excommunicati: rationabiliter ab omnibus asstantur; usquequo vel in communi, vel eidem Episcopo placeat humaniorem pro talibus ferre sententiam. Concilia vero celebrantur, unum quidem ante Quadragesimam Pascha, ut omni diffensione sublata munus offeratur Deo purissimum: secundum vero circa tempus autumnii. Sic ad meliores Codices redacta duo Gratiani fragmenta, claram exhibent Nicæno-rum Patrum sententiam, qua christianæ unitatis ergo cautum fuit, ut quicumque ab uno Episcopo damnatus esset, tanquam damnatus ab aliis Episcopis haberetur. at si forte suspicio suborta fuisset, Episcopos quosdam in inferenda excommunicationis poena excessisse, non aliter res definiretur, quam in Conciliis, propterea his in anno in posterum celebrandis. Duplex hujus decreti causa fuit, live occasio: Primam dedit Arius, alteram Meletius. Arius Alexandrinus in primis excommunicatus ab Alexandro Episcopo Alexandrino, ab aliis Episcopis receptus fuerat in communionem, præsertim ab Eusebio Nicomediensi. Meletius Lycopolitanus in Ægypto Episcopus a Petro Alexandrino in Synodo depositus fuerat iustis de causis, quas refert Socrates lib. 1. cap. 6. apud alios vero Episcopos communionem obtinuerat; quæ sane in maximam Episcoporum injuriam, & reorum damnatorum audaciam confirmandam fieri videbatur; quamobrem Nicæni Patres sanxerunt meritisimo non aliter communicandum esse cum iis, qui a suis Antistitibus excommunicati fuissent, nisi primum in Conciliis eorundem causa discussa fuisset, & de excommunicationis iniquitate constitisset. Porro ad Conciliorum convocationem duo anni temporis ex Græcorum disciplina fuisse præfinita apud veteres non uno ex loco digrosceimus. Video tamen diversitatem quandam inter Nicænum, hunc Canonem, & Canones aliorum Conciliorum: etenim in hoc Nicæno Canone determi-

natur tempus ante Quadragesimam Paschæ, necnon tempus Autumnii; at vero alii tempus Paschale, idest tempus post Pascha una cum tempore autumnali designatum est, ut in Concilio Antiocheno anni 341. Can. 20. & in Canonibus Apostolicis can. 38. ex quibus sane colligere possumus, qualis fuerit in hac parte disciplina Græcorum etiam quarto sæculo, & fere statim post Concilii Nicæni celebrationem. Quid ergo? Num forte aliter Antiochenis Patribus post annos 16. placuit, quam Nicænis placuerat? Id facile & gravis cuiuspiam iudicis non accedente sententia non admiserim: etenim agitur de statuto Nicæni Concilii Generalis, quod non procul ab ea ætate conditum fuerat, quod propterea immutare nefas videri potuisset Antiochenis Episcopis, præsertim quod cum Ariani acerrime odissent Nicæni Concilii statuta, eorundemque improbitatem adjuvare, aut exemplo suo confirmare visi fuissent Antiocheni Patres, si quod apud Nicænam saluberrime constitutum fuisset, innovare non dubitassent. Dixerit forte quispiam per hæc non immutata omnino fuisse Nicæna capita, sed potius unum ex Nicænis capitibus ad disciplinam ecclesiasticam pertinens commode in Antiochena Provincia non potuisse servari, jure propterea, & merito opus fuisse nova Provincialis Antiocheni Concilii dispositione, per quam non tam immutatio, quam moderatio Nicæni canonis fieret. Vero quidem similia sunt hæc, sed nondum me in eam sententiam adducere possunt, ut arbitrer tam brevi temporis intervallo quidpiam Nicænis canonibus fuisse derogatum, & vel magis quod noverim Antiocheni Concilii providentiam non tam obtinuisse in Antiochena Provincia, sed etiam in aliis Provinciis Orientalibus, in quibus ea jurisprudentia, quæ canonis Antiocheno consonabat, ex canonibus Apostolicis profecta fuisse prædicabatur; quemadmodum enim superius observabam, idem inter canones vulgo Apostolicos legitur, quod in canone Antiocheno. Porro, cum Apostolici canones etiam antiquissimis sæculis magno in pretio, atque honore haberentur apud Græcos, facile est ostendere disciplinam Apostolicis canonibus stabilitam generaliter in Ecclesia Græca fuisse receptam, receptamque propterea quæ in dicto Antiocheno canone contineretur, cum Antiochenus canon cum Apostolicis consonet. At durum mihi, &

asperum est hanc de Orientali Ecclesia opinionem concipere, ut arbitrer eam exiguo tempore a Nicænis regulis recessisse. Itaque potius censerem Nicænum canonem memoratum intelligendum esse de Conciliis celebrandis non ante Quadragesimam Paschatis, sed ante Quadragesimam Pentecostes: duplex enim apud Viros Ecclesiasticos præsertim veteres dicta est Quadragesima, Paschatis alia, alia Pentecostes. Revera si animadvertamus ad illa verba Nicæni canonis, *ut omni diffensione sublata munus offeratur Deo purissimum*, quis non videat hæc referenda potius esse ad solemnitatem Pentecostes, ideo a Deo institutam, ut novarum rerum primitiæ offerrentur juxta ea, quæ habentur in Deuteronomio cap. 16. vers. 10. ? Agnosco quidem aliter haberi apud nonnullos seu vetores, seu recentiores interpretes; nam Dionysius Exiguus aperte ait: *unum quidem ante Quadragesimam Pascha; necnon Josephus Ægyptius in sua Paraphrasi Arabica scribit: Et prima quidem tempestas, quæ est ante magnum, sanctumque jejunium constituitur*. Verum non desunt Interpretes alii, qui simpliciter scripserunt: *Habentur autem semel Concilia ante dies Quadragesima, ut &c.* quemadmodum legitur apud Isidorum Mercatorem; aut his verbis: *una quidem ante Quadragesimam &c.*, quemadmodum apud Gentianum Hervetum, qui ad Græca exemplaria se interpretationem exigisse professus est, quemque eruditi alii sequuti sunt, apud quos sermo non est de Quadragesima Paschatis, sed absolute de Quadragesima, atque horum omnium interpretationi potius morem gerere non dubito, quoties hæc in causa est, cur veteres canones & Nicænos, & Antiochenos invicem consonos agnoscam, quæ deinde postposita non levis nota inferenda sit vel Nicænis Patribus, vel Antiochenis: vel Nicænis, inquam, quod forte eam improvide constituerint disciplinam, quæ post breve temporis spatium immutanda fuisset; vel Antiochenis, quod Nicæni Concilii canonibus sanctissimis derogare ausi fuerint.

Can. 16. In can. 16. dist. 32. qui est tertius ex
dist. 32. Nicænis, videtur sequutus Gratianus versionem Dionysii Exigui, quæ ita exhibet: *Interdixit per omnia magna Synodus non Episcopo, non Presbytero, non Diacono, nec alicui omnino, qui in Clero est, licere subintroducendum habere mulierem, nisi forte matrem, aut sororem, aut*

amitam, vel eas tantum personas, quæ suspensiones effugiunt. Inquirunt nonnulli, quid significetur nomine *subintroducenda mulieris*. Arbitrantur aliqui eo nomine designari aut uxorem, aut concubinam, & quidem ita etiam quosdam ex Græcis sensisse testatur Balsamon in notis ad hunc canonem, quibus tamen non consentit. Quotquot ex interpretibus vim Græcæ vocis latine expresserunt, mulierem *introducendam*, aut *subintroducendam* appellarunt, uno excepto Isidoro Mercatore, qui appellavit mulierem *extraneam*, quo modo etiam canonem explicavit Josephus Ægyptius in sua Paraphrasi Arabica. Ego putaverim non aliter attingi posse germanam Nicæni Concilii sententiam, nisi ad mores quorundam Clericorum, quales erant eo tempore, respiciatur. Adparent ii forte ex canone 18. Concilii Ancyran paullo ante Nicænam Synodum celebrati, in illis verbis: *Virgines autem, quæ conveniunt cum aliquibus tamquam sorores, habitare prohibemus*. Erant tunc temporis Clerici quidam, qui ad res domesticas & familiares administrandas mulieres quodammodo cœlibatus sociam, & veluti sororem inducebant, & quidem innuptam, non sobolis procreandæ causâ, neque ut pravæ libidini indulgerent. Has Epiphanius hæresi 63. *agapetas* appellabat, eodemque nomine vocavit Hieronymus in Epist. ad Oceanum de vita Clericorum ita scribens: *Pudet dicere, pro nefas! triste, sed verum est: Unde in Ecclesias Agapetarum pestis introiit? Unde sine nuptiis aliud nomen uxorum? Immo unde novum concubinarum genus? Videtis ejusdem Epistolam ad Eustochium de custodia virginitatis*. Hujusmodi ergo mulieres quasi sorores habebantur, quæ assiduo, aliquando etiam prætextu pietatis, ac religionis, consortio una cum Episcopo, aut Clericis fruebantur; quod quidem cum aliquando miserandam castimoniarum jacturam adferret, visum est Sanctis Patribus salubri constitutione emendare: quorum exemplo idem sanxerunt Imperatores Honorius, & Theodosius in l. 19. Cod. de Episcopis, & Clericis ibi: *Eum, qui probabilem saculo disciplinam agit, decolorari consortio fororia appellationis non deceat &c.* quod renovatum abs Justiniano in Novell. 123. cap. 29. Verum hæc interpretatio ex eo probabilior etiam videbitur, quod conveniat causis, ex quibus adducti sunt Nicæni Patres, ad eam edendam constitutio.

tionem. Leontius quidam Presbyter cum Eustolia adolescentula cohabitabat, quam virginem esse prædicabat, bonisque moribus ornata, uti scribit Athanasius in Epistol. ad solitariam vitam agentes, & Theodoretus in lib. 1. Hist. Eccles. cap. 24. nihilominus viris probis id visum inconueniens fuit, præsertim cum vulgari fama traderetur eundem Leontium sponte genitalia sibi abscidisse, ut eadem adolescentula liberius uteretur. Convenientissimum propterea iudicarunt Nicæni Patres, Clericis omnibus interdicendum esse, ut ab huiusmodi mulierum familiaritate abstinere. Ceterum qui de uxoribus rejiciendis hunc canonem intelligunt, parum, ut mihi videntur, mentem Concilii attingerunt; etenim nemo ignorat in Nicæno Concilio generatim Sacerdotibus, Diaconis, aut etiam inferioribus Clericis præstitutam non fuisse continentie legem. Ea primum Nicænis Patribus mens fuerat, ut de Sacerdotum, ac Diaconorum castimonia sanctio ferretur, sed post contrariam Paphnugii disputationem a nova ferenda lege temperatum est, teste Socrate lib. 1. c. 8., & Sozomeno lib. 1. c. 22.

Can. 2.
dist. 47.

Canon 2. dist. 47. consonat omnino cum interpretatione Dionysii Exigui ad Canonem 17. Nicænum. Apud alios eadem omnino sententia latine redditur, nisi forte quispiam diversitatem rei adnotet in hisce vocibus *suscipula*, quæ a Dionysio, a *sesquialtera*, quæ ab aliis usurpantur. Meo sane iudicio nulla est harum vocum in significatione diversitas: utraque hemiola significat. Hemiolium veteres dicebant, quo significaretur quantitas integra alicui restituenta, addita dimidia similis quantitatis parte. Hinc Aulus Gellius lib. 18. Noctium Atticarum cap. 14. ait: *Est autem Hemiolus, qui numerum aliquem totum in se habet, dimidiumque habet ejus, ut tres ad duo, quindecim ad decem, triginta ad viginti*; & Macrobius in Somnio Scipionis lib. 2. cap. 1. *Hemiolius est, cum de duobus numeris major habet totum minus & insuper ejus medietatem, ut sunt tria ad duo*. Centesima autem usura, quarum mæptio fit in canone, erant, quibus centesima pars totius quantitatis mutuo concessæ soldebatur in præmium autui; hac tamen distinctione intercentasimas, & hemiblis, quod hemolia soluebantur limito mutuo, sive post illud tempus, ad quod pecunia mutuo data fuerat, & quidem una tantum vice, et

centesima mutuo manente præstabantur singulis mensibus, ita ut singulis centum mensibus usurae sortem ipsam æquarent. Et quidem vetus fuit consuetudo, quæ creditores singulis mensibus usuras a debitoribus exigerent, ad quam respiciens Ambrosius in lib. de Tobia cap. 12., inquit: *Veniunt Kalenda: parit fors cælestis simam. Veniunt menses singuli, generantur usura*. Sive ergo de centesimis, sive de hemoliis ageretur, utrumque interdendum erat Clericis, ne forte negotiosis huiusmodi lacris intenti a sacris Officiis mentem, ac curam omnem distraherent. Clerici hoc in loco ita appellantur: *Multi sub regula constituti, sive ut alii Græcam formulam retinentes habent: Multi, qui in Canone reperiuntur*. Et rectius: etenim quod Græci canonem vocant, aliquando nos regulam dicimus, aliquando cathalogum, sive matriculam quandam, in qua nonnullorum nomina peculiariter describuntur, at vero apud veteres quotquot ordinabantur, Ecclesiæ cuiuspiam addicti erant, adscriptique, unde etiam hodiernis temporibus Canonicos appellamus.

In describendo canone 2. ex Nicænis usus est Gratianus Isidori Mercatoris interpretationem in can. 1. dist. 42. Subjiciam ego interpretationem Dionysii Exigui. Ita habet Dionysius: *Quoniam pluræ aut per necessitatem, aut alias cogentibus hominibus (recentiores quidam ex græco-textu ita verterunt: vel urgentibus adque hominibus) adversus Ecclesiasticam facta sunt deglutati, at homines ex gentili vita nuper accedentes ad fidem, & instructos brevi tempore, mox ad huiusmodi spiritale perducere, simulque ut baptizati sunt, aliam ad Episcopatum, vel ad Presbyterium promoverent: optime placuit, nihil tale de reliquo fieri. Nam & tempore opus est illi, qui catechizatur, & post Baptisma probatione quamplurima. Manifestum est enim apostolicam Scripturam, qua dicit: non neophytum, ne in superbiam elatus in judicium incidat, & loquatur diaboli. Si vero processu temporis aliquod delictum animæ circa personam reperiatur huiusmodi, & a duobus, vel tribus testibus arguatur, a Clero talis abstineat. Si quis autem præter hac fecerit, quasi contra magnam Concilium offerens, ipse de clericatus honore periclitabitur. Clara est huiusmodi definitio, in qua illud unum, forte difficultatem facere poterit, ubi abstinere jubetur a Clero, quicumque delictum animæ admittit.*

fecit.

ferit. Apud Gratianum legitur: *mortale peccatum*, & quidem juxta quasdam editiones Isidori Mercatoris. Gentianus Hervetus cum aliis Græci textus Interpretibus scripserunt: *animale peccatum*. Justellus in editione codicis Ecclesiæ universæ tributi asserit: *animi peccatum*. Josephus Ægyptius in sua Paraphrasi Arabica ita eadem verba latius expendit: Si vero multo ei temporis elapso, tunc demum peccatum animale, non corporale in eo perspicue deprehendatur, veluti infirmitas religionis, aut neglectus ipsæ incumbens officii, aut hæreticorum, idest contradicentium opinionis consecratio &c. Græcorum veterum opiniones in hac re Balsamon, & Zonaras retulerunt. Balsamon in primis ait: Cum vero hic canon puniat, quæ post Baptismum exoritura sunt, animalia peccata, quæ fuerunt nonnulli, quænam sunt peccata animalia, & cur animalium peccatorum meminit canon, & non corporaliū. Et nonnulli quidem dixerunt: animalia esse peccata, quæ ex anima perturbationibus, ut ex superbia, & inobedientia, & aliis ejusmodi nascuntur, ea enim deponunt: ut Novatianarum hæresi, & a muphiis, & carniū esu importuna abstinentia, ut vult quintus canon Apostolicus, & alii. Ego autem dico, quod omne peccatum, quod adfert perniciem animæ, animale vocatur, sive ex corporali, sive ex animali appetitione principium accipiat. Propterea enim omnia peccata animalior lapsus vocat Ecclesia. Zonaras postquam memoratas a Balsamone sententias recensuerit, ita subdit: Ego vera ista consilio peccata omnia, propterea quod ex depravatis animæ facultatibus oriantur, dicunt, animalia merito dici posse &c. Mihi videtur Nicænorum Patrum sententiæ convenientius dicere, actum illis fuisse de criminibus, quibus eum, qui Episcopatu insignitus est, postquam recens fuerit, baptizatus, constet non satis a gentium superstitionibus fuisse remotum; siquidem non alia de causa vetitum est, ne Episcopatus Neophitis concederetur, nisi quod, nondum satis de eorum fide, atque in fide constantia liquere poterat. Dux Nicæni canonis partes sunt. In priore futuris Episcoporum ordinationibus consulitur, ut scilicet de cetero nullus ex Neophitis consecratur. In posteriore respicitur ad ordinationes Neophitorum jam factas, quæ licet non rescindantur œconomice causa, tamen animadvertendum in illis voluit Nicæni Patres, ut a Clero cesset is, qui, postquam Sa-

cerdotium adeptus est, animale peccatum seu peccatum animi admiserit, videlicet talem se operibus suis exhibuerit, ut non se verum fidelem, & christianum ostenderet, sed veteri hæresi suæ adhærere adhuc aliquatenus videretur.

Superius animadvertimus ad canonem *Can. 7. dist. 32.* fuisse Nicæni Concilii tempore Leontium quendam Presbyterum, qui inhonestæ, aut saltem suspectæ consuetudinis accusatus cum Eustolia adolescentula, quam contubernalem habebat, virilia sibi amputaverat, ut sic eadem liberius frueretur. Graviter ipse ab Eusthatio Antiocheno Episcopo reprehensus sese Arianis adjunxerat, quorum opes sedem Antiochenam per vim invadere tentavit, quemadmodum refert Athanasius in Apologia de sua fuga in fine, & Socrates lib. 2. cap. 21. necnon Theodoretus lib. 2. cap. 24. Id. occasionem dedit Nicænis Patribus, non solum interdicendi Clericis omnibus mulieres contubernales dicto canone 16. dist. 32. verum etiam decernendi, nequis ulla necessitate suadente, aut ulla Barbarorum vi abscissus, in clerum reciperetur; quod cautum voluerunt in canone 1. relato apud Gratianum in can. 7. dist. 55. Forte etiam eidem disciplinæ stabiliendæ occasionem præbere, aut jam datam urgere potuit vulgatissimum illud Origenis factum, qui, referente Eusebio in lib. 6. historiæ, Epiphania hæresi 58. & Hieronymo de Scriptoribus Ecclesiasticis in Alexandro, cum foeminarum confortia frequentaret, quas se in divinis rebus erudire asserebat, ac amovendam suspicionem omnem virilia sibi amputavit, ad rem hanc detorquens illud Evangelii: *Sunt Eunuchi, qui se ipsos castraverunt propter regnum Cælorum*. Ferendum id. diutius a Viris Ecclesiasticis non erat, quod etiam Romanorum antiqua jura prohibebant l. 4. §. 2. ff. ad leg. Cornel. de Sicar. constitutionibus Imperatorum deinde confirmata l. 1. & 2. cod. de Eunuchis, & Novella Justiniani 142. Gratianus in dicto can. 7. dist. 55. sequutus est interpretationem Dionysii Exigui, cum quo omnino consonat, si pro voce illa *excisus*, quæ legitur apud Gratianum, legatur *abscissus*, uti in omnibus Dionysianis editionibus. Atque hæc quidem sententia, minime discrepat ab interpretatione Isidori Mercatoris, nec ab interpretatione Gentiani Herveti, aliorumque, qui Græcæ textum latinizata dederunt.

Cap. 1. In canone 4. Nicæni Concilii constitutum fuisse observamus, Episcopum debere ab omnibus, qui in Provincia sunt, Episcopis, præsertim vero a Metropolitano ordinari, quod refert Gratianus in can. 1. dist. 64. sequutus Ildorum Mercatorem prioribus exceptis verbis, quas Ildorum ita descripsit: *Episcopum oportet ab omnibus Episcopis, si fieri potest, qui sunt in Provincia ejus, ordinari. Si vero hoc difficile fuerit &c.* Paulo aliter Dionysius Exiguus Nicænorum Antistitem sententiam explicavit his verbis: *Episcopum convenit maxime quidem ab omnibus, qui sunt in Provincia, Episcopis ordinari. Si autem hoc difficile fuerit, aut propter instantem necessitatem, aut propter itineris longitudinem, tribus tamen omnimodis in idipsum convenientibus, & absentibus quoque pari modo docerentibus, & per scripta consensientibus, tunc ordinatio celebratur.* Firmitas autem eorum, qua geruntur per unamquamque Provinciam, Metropolitanis tribuitur Episcopo. Paulo etiam discrepat interpretatio Gentiani Herveti, atque aliorum, qui ad Græcorum Codicum fidem singula exigere conati sunt, ibi: *Episcopum oportet maxime quidem ab omnibus, qui sunt in Provincia, constitui. Si autem hoc difficile, vel propter urgentem necessitatem, vel via longitudinem, tres omnino eundem in locum congregatos, absentibus quoque suffragium ferentibus, scriptisque assentientibus, tunc electionem fieri, eorum autem, qua fiunt, confirmatio nem in unaquaque Provincia a Metropolitano fieri.* Huic sanctioni, qualibuscumque verbis describatur, occasionem præbuisse videtur Meletius in Thebaide Episcopus, qui, ut refert Epiphanius hæresi 68. schismate concitato adversus Alexandrinum Patriarcham, cui subdebatur, coepit per finitimas Provincias iter faciens, plures solus Episcopos ordinare in gravissimum Ecclesiarum detrimentum, ac præcipue ad discindendam Ecclesiarum unitatem. Quamobrem optimam consilium Nicæni Patribus visum est, ut nemo ex Episcopis sine ceterorum consensu Episcopos constitueret.

Ad obtinendam hujus canonis accommodam interpretationem plurimum invicem dissident tum Græci, tum Latini Interpretes. Ex Græcis potissimum Balsamon asserit per hunc canonem novam abrogata vetere disciplinam inductam fuisse, quatenus olim Episcopi ex suffragio populi electi haberentur, solaque Epis-

coporum Comprovincialium, & Metropolitanorum confirmatio accederet, & subsequeretur consecratio; deinde vero per hunc Nicænum canonem plebi, seu populo adempta electio fuerit, ne forte seditionibus locus fieret, solisque Episcopis Comprovincialibus omnia reservata extiterint. Et quidem in Balsamonis sententiam plures ex Latinis iverunt, quibus tamen omnibus sive ex Latinis, sive ex Græcis quamplures adversari sunt, afferentes in hoc Concilio, & canone non unum quidem apicem recellum fuisse a veterum electionum, & consecrationum consuetudine. Stephanus Baluzius in dissertationibus Petri de Marca de concordia Sacerdotii, & Imperii lib. 6. cap. 2. num. 10. scribit, Canonem quartum Concilii Nicæni non tribuere Episcopis jus electionis, sed consensum tantum, aut confirmationis, & auctoritatem ordinationis. Quamquam parum sibi constans fuisse videtur, quippe in lib. 8. cap. 2. ait: *Ceterum si negotium istud referatur ad primam originem, morumque vetusta Ecclesia, & antiquorum canonum ratio habeatur, constans est illa sententia, qua solum testimonium, & consensum designandi Episcopi Clero, & Populo tribuit, ipsam vero designationem, sive electionem, & judicium Metropolitanis una cum Synodo Provincialium Episcoporum.* Varie huic Nicæni canonis interpretationi occasionem dederunt varie Latinorum editiones; in aliis enim legitur ordinari, in aliis constitui. Porro verbum constitui videtur latiore significationem habere, ut & electionem, & confirmationem, & consecrationem Episcoporum complectatur; at verbum ordinari potius solum Episcoporum consecrationem proprie designat. Non aliunde arbitror desumendam esse Nicænorum Patrum sententiam, quoties de vi etiam Græcæ distinctionis dubitatur, quam a veteri Ecclesiæ disciplina, quæ Concilium ipsum præcessit; item a causis ipsis, quibus moti fuerunt Nicæni Patres ad novum edendum canonem; deum a disciplina Ecclesiastica, quæ in eadem re post Concilium Nicænum obtinuit. Porro si antenicænâ disciplinam respiciamus, eam nobis liquido exhibet Cyprianus, non quidem quasi peculiarem Ecclesiæ Africanæ, sed generalē in universis ferme Provinciis receptam, ita scribens in Epist. 68. ad Clerum & Plebem in Hispania: *Propter quod diligenter de traditione Divina, & Apostolica observatione observandum est, & con-*

nendum, quod apud nos quoque & fere per Provincias universas tenetur, ut ad ordinationes ritus celebrandas ad eam plebem, cui præpositus ordinatur, Episcopi ejusdem Provinciae proximi, quique convenerint, & Episcopus deligatur plebe præsentē, quæ singulorum vitam plenissime novit, & uniuscujusque actum de ejus conversatione perspexit. Quod & apud rursus videmus in Sabini Collega nostri Ordinationis, ut de universa Fraternitatis suffragio, & de Episcoporum, qui in præsentia conveniant, quive de eo ad vos litteras fecerant, iudicio, Episcopatus ei deferretur, & manus ei in locum Basilidis imponeretur. Ex quibus sane deducitur, ante Nicænum Concilium a Clero potissimum & Coepiscopis Provincialibus eligendum fuisse Episcopum, plebe tamen præsentē, & testimonium de moribus electi ferente; deinde vero confirmatam electionem Episcopi in Concilio ipso Episcoporum fuisse, eodemque etiam tempore novum Episcopum consecratum. Nihil horum mutatum habemus in ipso Nicæno canone, quæcumque canonis editio attendatur, sive verborum significatio germana observetur, sive causæ canonis, ex quibus potissimum meo iudicio commodior innuitur interpretatio. Causa canonis, ut superius aiebam, suborta est ex Meletio Thebaidis, qui solus sine Coepiscopis aut concitandi, aut fovendi Schismatis animo Episcopos consecrabat. Satis erat Nicænis Patribus constituere, ut confirmatio, & consecratio Episcoporum ab omnibus Provinciæ Episcopis faciendæ præscriberetur, non opus fuerat plebem a testimonio ferendo subducere; imo etiam plurimum interesse poterat adversus Meletium eundem plebis admissio, quatenus eo modo clandestinæ, & Meletianæ ordinationes Episcoporum magis magisque interdicerentur. Demum & ex posterioribus Conciliorum sanctionibus datum locum fuisse populo, ut Episcoporum electionibus interveniret testimonii ferendi causa, agnoscimus facile ex iis, qui hanc rem demonstrandam latius susceperunt, inter quos est Petrus de Marca in memorata editione lib. 6. de Concord. Sacerd. & Imper. cap. 2. & V Vanespen Parte 1. Juris Ecclesiæ universi tit. 13. demonstrant enim populum in Oriente admissum fuisse usque ad Concilium Nicænum 2. in Occidente vero usque ad sæculum 12. Frustra huc adferrem & canones latos, & exempla, quæ apud eisdem Scriptores facile legi possunt.

Jungendi simul sunt apud Gravianam *canon. 8. dist. 64. & canon. 1. & 6. dist. 65.* omnes enim ex eodem canone 6. Nicæni Concilii deprecanti sunt. Verba hæc sunt ex Dionysio Exiguo: *Antiqua consuetudo servatur. hic est canon 6. dist. 65. per Aegyptum, Lybiam, & Pontapolim, ita ut Alexandrinus Episcopus horum omnium habeat potestatem; quia & Urbis Romæ Episcopo parilis mos est.* Similiter autem & apud Antiochiam, ceterasque Provincias, suis privilegiis serventur Ecclesiis; illud autem (is est canon 8. dist. 64.) generaliter clarum est, quod si quis præter sententiam Metropolitanam fuerit factus Episcopus, hunc magna Synodus definit Episcopum esse non oportere. Sin autem (is est canon 1. dist. 65.) communi consensum docere rationabili, & secundum Ecclesiasticam regulam comprobato, duo aut tres propter contentiones proprias contradicentes, obtineat sententia plurimorum. Canonem hunc nemo non videt ob idem, de quo superius verba feceram, Meletii Schisma edictum fuisse; quum enim ipse contempta Alexandrini, cui suberat, Patriarchæ auctoritate Episcopos solus ordinasset, opus fuit ita decernere ad factam testamque servandam uniuscujusque Archipræsulis potestatem, ut & Patriarcha Alexandrinus ab Episcopis suæ jurisdictioni subjectis honoraretur, & generatim nequis sine auctoritate Metropolitanæ, quæ tum in Provincialibus Conciliis ut plurimum interponi solebat, quempiam Episcopum constitueret. Hæc est germana Nicæni canonis interpretatio; a qua longe, & toto cælo distant quicumque ex hæreticis recentioribus adversus Romanæ Pontificis Maximi Sedem scripsere. Ajunt illi hoc canone Primatum Romanæ Ecclesiæ prorsus fuisse improbatum, dum non alia auctoritas Romanæ Urbis Episcopo asseritur, quam Alexandrino, aut Antiocheno, aut aliarum Provinciarum Episcopo competat; ut quemadmodum Antiochenus, aut Alexandrinus Episcopus, aut quicumque Metropolitanus nullam aliam majorem explicare jurisdictionem possunt, quam in Provincia eisdem peculiariter assignata; ita quoque Romani Pontificis auctoritas solis Romanæ Provinciæ, aut Romani Patriarchatus finibus circumscribatur. Non erat hæc Nicænorum Patrum mens, qui ad exemplum Romani Episcopi, ad quem Diæceseos suæ Episcopos ordinare pertinebat, voluerunt quidem ab aliis Metro-

can. 8. dist. 64. & canon. 1. & 6. dist. 65.

politianis ordinandos esse Episcopos suffraganeos; minime tamen voluerunt Romano Episcopo æquam cum omnibus Metropolitanis, nec maiorem auctoritatem adferre. Quid enim? Num si ego ex exemplis, dixerò unumquemque Episcopum posse in sua Diœcesi Concilium ex Clericis suis convocare, quemadmodum & Metropolitanus facere possunt in Diœcesi sua, num æqualem exinde Episcopis simplicibus, ac Metropolitanis auctoritatem tribuero? Diversa omnino sunt isthæc, & ab his, qui ratione uti malunt, penitus observanda. Non ignoro nonnullos etiam ex Catholicis nimio veritatis studio correptos, hunc eundem canonem in medium adferre, ut ex eo Romani Primatus antiquissimam divinamque institutionem in Nicæno Concilio agnitam pronuncient. Non esset sane penitus improbanda ipsorum industria, quoties eo tenderet solummodo, ut demonstraretur ipsa eadem loca, ac veterum testimonia, quæ adversus germanam Christi fidem adferuntur ab hæreticis, potius cum Catholicis dogmatibus consonare; sed quoties id etiam adgrediantur, ut eisdem monumentis Romanæ Ecclesiæ primatum potissimum demonstrare cogantur, & illis veluti præcipuis argumentis inniti, eorundem votis morem gerere non possum. Huiusmodi enim conatus, etsi rudioris minervæ hominibus prodesse aliquando valeant, tamen ubi ad rectas rationis regulas ab eruditioribus exigantur, ipsi potius fidei, ad quam ceteroqui firmandam facti sunt, noxii videri poterunt. Aut enim dubia huiusmodi, incertique ponderis argumenta per se sola proponuntur eruditioribus viris, præsertim iis, qui apud hæreticos versati tum demum ad veram fidem reversuri creduntur, quum apud illos manifeste de veritate constabit; & tum de vera fide, quam incertis argumentis innixam vident apud nostros, facile hæsitabunt, nedum velut de re inani, & maxime ambigua cogitabunt: Aut huiusmodi argumenta solidioribus aliis admixta proponuntur; & tum vera falsis admixta, confusaque incerta certis, mentem considerantium potius inter dubitationes involvent, quam ad germana Fidei nostræ dogmata pertrahant. Itaque tum maxima aliunde, & quidem perspicua habeamus Romani Primatus argumenta, quibus demonstramus Romanum Episcopum esse totius Ecclesiæ Principem, non est, cur huiusmodi monumenta, quæ extra rem omnino

Tom. I.

sita sunt, proferre quis velit; cum quidpiam commune non habeat Romanus Primatus cum servando omnium Metropolitanorum honore, quem unum servare voluerunt contra Meletii ausum Nicæni Patres.

Sed forte video, undenam quidam ex nostris moveri potuerint, ut ex memorato hoc Nicæno canone demonstratum apertissime velint Sedis Romanæ Primatum. Potuit ad ipsorum manus venire quædam Nicæni Concilii editio, quæ talibus verbis conciperetur, quibus huiusmodi demonstratio fieri posset. Revera in Concilio Chalcedonenſi productum fuit in actione 16. quoddam Nicæni Concilii exemplar, in quo ita Nicænus idem canon legebatur. *Ecclesia Romana semper habuit Primatum. Teneat igitur & Egyptus, ut Episcopus Alexandria omnium habeat potestatem, quoniam & Romano Episcopo hæc est consuetudo.* Id ipsum ferme legitur in eo Codice, quem S. Leonis Magno Quæsnellius adscripsit, ibi: *Ecclesia Romana semper habeat Primatum. Teneat autem & Egyptus Lybia, & Pen-tapolis Primatum, ita ut Episcopus Alexandria omnium habeat potestatem, quoniam & Romano Episcopo hæc est consuetudo. Similiter autem & qui in Antiochia constitutus est. Itaque & in ceteris Provinciis privilegia salva sint Ecclesiarum.* Priora sane illa verba: *Ecclesia Romana semper habuit Primatum*, plurimum adversus hæreticos valere possent, quoties ipsi ceteris Concilii Nicæni exemplaribus præferendum vellent exemplar illud, quod vel in Concilio Chalcedonenſi actione 16. propositum fuerat, vel quod Romanæ Ecclesiæ Quæsnellius adtribuit. Ast ego plurimum dubitaverim. De Quæsnelliano Codice non est cur quidpiam amplius attingam, cum ejusdem fidei integritatemque superius abunde discusserim. Tantum dixerim Quæsnellium ipsum adnotasse priora illa verba: *Ecclesia Romana semper habeat Primatum*, partem adjecitiam esse, ut dubium non sit, vel eam ex margine irrepisse in textum, vel a Romana Ecclesia Clericis, aliisve esse additam, ne Romana dignitatis obliſi esse Sancti Patres viderentur. Res ergo tota reducitur ad Nicænum exemplar in Concilio Chalcedonenſi propositum. Quid tamen, si de ejus fide hæretici etiam dubitarent, ajendo priora illa verba non pertinere ad Nicænum canonem, sed potius tanquam Nicæni canonis titulum adjectum in Romanæ Ecclesiæ Archivio fuisse

K

fuisse contenderent? Sane in veteribus Codicibus sui singulis, canonibus tituli adjici solebant, & quidem ab iis, quibus cura erat Codicum Ecclesiasticorum. Dubitandum autem non est Codicem illum canonum Nicænorum, in Concilio Chalcedonenſi actione 16. productum, eum, qui ex Romana Ecclesia allatus fuerat, cum productus fuerit a Paschafino Romanæ Sedis Legato, quorum fidem suspectam dicere hæreticorum interest parum, aut nihil; præsertim cum similiſcriptio in aliis, licet antiquissimis Nicæni Concilii exemplaribus, sive Græcis, sive Latinis desideratur in Alexandrina editione Concilii Nicæni, in editione Melchitarum, in editione Maronitica, ut omittam paraphrasim Arabicam Josephi Ægyptii, & interpretationes Balsamonis, Zonaræ, & Aristeni Græcorum. Desideratur in Latinis editionibus vetustissimis, quales sunt editio Dionysii Exigui, qui Romæ Græcum canonem interpretatus est, & Isidori Mercatoris, qui ab ea referenda clausula non abstinuit, si eam in vulgatis sui temporis Codicibus invenisset. Quod si Codicem Paschafini Romani Legati conferre lubeat cum collectione illa, quam Latinam antiquissimam vocat, ipsoque Dionysio Exiguo antiquiorem Justellus, quamque ipse edidit in tomo 1. pag. mihi 184. similia verba non leguntur in ipso canone, sed potius canonis titulum, sive præfationem continent, ibi: *De Primatu Ecclesiæ Romanæ, vel aliarum Civitatum Episcopis*. In tanta Codicum, & quidem antiquissimorum varietate, quis tutum rei Ecclesiasticæ monumentum afferri posse arbitretur? Quod etiam si tutum esset, adhuc alia disquisitio remaneret de interpretanda voce *Primatus*, quæ ibidem pluribus promiscue Ecclesiis adtributa videtur; vel forte respectu Episcoporum Romanæ tantummodo Provinciæ adposita dici posset juxta interpretationem Rufini, qui hunc eundem canonem descripsit: *Et ut apud Alexandriam, & in Urbe Roma vetusta consuetudo servetur, ut vel ille Ægypti, vel hic Suburbicariarum Ecclesiarum sollicitudinem gerat*. Ipsa etiam superius memorata Latina antiquissima editio his consonare videtur. *Antiqui moris est, ut Urbis Roma Episcopus habeat principatum, ut suburbicaria loca, & omnem Provinciam sua sollicitudine gubernet; qua vero apud Ægyptum sunt, Alexandria Episcopus omnium habeat sollicitudinem*. Alexius Aristenus

eadem fere ex hoc canone retulit: *Super Ægyptum, Lybiam, & Pentapolim Alexandrinus Episcopus potestatem habeat, & Romanus super Roma subjectos: Item Antiochenus, aliique super suos*. Mihi itaque simplicior potius placet canonis hujus interpretatio, quam Nicæni temporis adjuncta suadere videntur, ut scilicet definitum fuerit adversus Meletium in unaquaque Provincia consecrandos fuisse Episcopos consensione Metropolitani; nihil autem ex eo adferri posse, quod de Primatu Romani Pontificis tunc temporis dubitatum videatur, cum nulla occasio exillere potuisset, ut de ea re quidpiam Nicænis canonibus comprehenderetur.

Canon 7. dist. 65. legitur in can. 7. Can. 7. dist. 65. Nicæni Concilii apud Dionysium Exiguum paullo aliter, atque apud Gratianum his verbis: *Quoniam consuetudo obtinuit, & antiqua traditio, ut Elia Episcopus honoretur, & habeat honoris consequentiam, salva Metropoli propria dignitate*. Eliæ Civitatis nomine venit Jerusalem, sive Jerosolyma, quemadmodum Gratianus explicavit, ita dicta, quod Elius Adrianus Jerosolyma everſa novam urbem construxerit, quæ exinde ab ipso Eliæ nomine appellata est; quemadmodum refert Eusebius lib. 4. Histor. Eccles. cap. 6. Cedrenus in Adriano, & Hieronymus in Actibus Apostolorum; quamobrem Episcopi Jerosolymitani, quorum primus fuisse fertur Apostolus Jacobus, Elienses Episcopi dicti potest sunt. Porro tunc temporis, sicut Jerosolyma pridem, ita Elia subiecta fuerat Metropolitico juri Episcopi Cæsareensis. Hinc apud eruditos elegans suborta est disputatio, quænam Nicænorum Patrum sententia fuerit in hoc canone, dum peculiari honore habendum esse Eliæ Episcopum decretum est. Non defuerunt viri docti, inter Græcos Zonaras, Balsamon, & Aristenus, inter Latinos Petrus de Marca, qui assererent hoc in canone Eliensem, sive Jerosolymitanam Ecclesiam fuisse Patriarchali dignitate decoratam. Verum meo judicio, quousque aliud non adpareat evidens monumentum, rem demonstratam minime video. Quum enim in eodem canone tribuatur quidem peculiaris honor Jerosolymitano Episcopo, sed subdatur salvam esse debere Metropolis dignitatem, non satis intelligo, quomodo Jerosolymitana Ecclesia Patriarchalis esse potuerit simul, & Metropoli adhuc suæ subiecta,

jecta, cum Patriarchales Ecclesiæ alias quidem Ecclesiæ, & Metropoles sibi subiectas habeant, non alii ipsæ jure Metropolitico subiciantur. Quid vero conjecturis opus est, ubi liquido constat, etiam diu post Nicænam Synodum Jerosolimitanam Ecclesiam Cæsariensi fuisse tanquam Metropoli subiectam? Testificatur id Hieronymus, cujus ætate Johannes quidam Jerosolymitanum Episcopatum administrabat, & quidem de Origenistarum, & Arianorum hæresi valde suspectus. Hunc Hieronymus sæpissime monuit, ut se publice de suspitione vulgo concepta purgaret; at Johannes ad Theophilum Episcopum Alexandrinum provocans coram illo suam Apologiam exposuit. Id ægro animo tulit Hieronymus de Ecclesiastica Ordinariorum jurisdictione sollicitus; optaverat enim ea in specie non ad Alexandrinum sed potius ad Cæsariensem Episcopum veluti Metropolitanam causam deferendam fuisse. En ipsamet sancti Doctoris verba ad Pammachium scribentis, & Johannem ipsum alloquentis: *Tu qui regulas quarum Ecclesiasticarum, & Nicænis Canonibus uteris, & alienos Clericos, & cum suis Episcopis commorantes tibi nitoris usurpare, responde mihi: Ad Alexandrinum Episcopum Palestina quid pertinet? Ni fallor, hoc ibi decernitur, ut Palestina Metropolis Casaria sit, & totius Orientis Antiochia. Aut igitur ad Casariensem Episcopum referre debeueras, cui sprete communionis tua communicare nos noveras, aut, si procul exoptandum iudicium erat, Antiochiam potius litera dirigenda. Sed novi, cur Casariam, cur Antiochiam nolumis mittere. Sciebas quid fugares, quid vitares: Maluisti occupatis auribus molestiam facere, quam debitum Metropolitanæ tuo honorem reddere. In tam perspicuo Hieronymi testimonio, ex quo manifestissime liquet quinto adhuc sæculo Jerosolymitanam Ecclesiam Cæsareæ fuisse Metropolitico jure subiectam, quis audebit jam a quarto sæculo eidem Ecclesiæ verum Patriarchale jus, & honorem adserere?*

Quispiam nunc forte interrogaret, qualis ille honor sit, quem habendum Eliæ, sive Jerosolymæ Episcopo Nicæno canone præceptum fuit. Qui eodem canone non agnoscunt institutum fuisse jus Patriarchicum, communi consensione ajunt, talem eodem prærogativam fuisse concessam Episcopo Eliensi, ut licet Metropolitico jure Cæsariensi Episcopo subde-

retur, ipse tamen primus ordine in Conciliis post Metropolitanum suum sederet, quemadmodum hujusmodi exemplum recentiore tempore demonstrant apud Anglos in Cantuariensi Ecclesia, ubi post Cantuariensem Archiepiscopum primus in Conciliis sedet Episcopus Londinensis. Quam interpretationem asserunt omnino canoni Nicæno accommodam esse, vel quod Jerosolymitana Civitas hoc honore digna esse potuerit, aut etiam debuerit, ob Urbis egregiam dignitatem, in qua pleraque fidei nostræ mysteria completa sunt; vel quod in ipso Concilio Nicæno inter subscriptiones prælatum fuerit pluribus nomen Macarii Episcopi Jerosolymitani; vel demum quod nullam aliam magis aptam interpretationem Nicæni canonis inveniri posse arbitrentur.

Non esset contemnenda horum omnium Interpretum industria, licet non demonstratione certa, sed nudis, ut ajunt, conjecturis utantur, quoties nulla melior Nicæni canonis interpretatio haberi posset, & quidem validioribus conjecturis innixa. At mihi alia hujusmodi in promptu est canonis Nicæni ratio, quam de more meo ex temporis locive circumstantiis deducendam esse censeo. Prænotavimus diruta Jerosolymorum Urbe novam aliam ab Elia Adriano Imperatore ædificatam esse Civitatem, quam Eliam appellarunt, & quidem non eodem in loco, sed prope locum, in quo Jerosolyma sita erat. Novam hanc Urbem Adrianus Jovi Capitolino dicaverat, ut non Judæi tantum, sed & Christiani lugerent, tunc loca illa jamdiu vero Deo sacrata falsis numinibus inservire. In his temporibus, ac mutatae Urbis rationibus, quis facile non videat, quænam fuisset Eliensis sive Jerosolymitani Episcopatus conditio? Eversa Jerosolymæ Urbs Episcopum habere non poterat; nova Civitas Elia Jovi Capitolino dicata nullum ferebat Episcopum, vix aliqui ex Christianis ibi clanculum degentes, aut ex Judæis conversi Sacerdotem quempiam habere poterant, qui Eliensis forte Episcopi nomine donari potuisset. Deinde vero cum tempore Constantini Imperatoris, paullo scilicet ante Nicænum Concilium prostrata templi Idolorum fuerint, atque in veri Dei honorem constituta Basilicæ, ut refert B. Sulpitius in lib. 2. sacrarum Historiarum apud Sigonium pag. mihi 890. in pristinum honorem visus est proclamasse Episcopus Eliensis ut scilicet salvam sui Metropoli-

tani potestate honoraretur, quemadmodum antea Hierosolymitanus Episcopatus honorabilis semper habitus fuerat. Atque hæc mea singularis interpretatio consonare videtur cum ipsiusmet verbis Nicæni canonis ibi: *Quoniam consuetudo obtinuit, & antiqua traditio &c.* Quid aliud significant hæc, quam Eliensem Episcopum ad pristinum honorem suum favente Christiano Principe restituendum esse? Me sane non pœnitet hujus meæ interpretationis in conspectu rationum illarum, quæ pro aliis interpretationibus adferuntur. Nam quod ajunt Hierosolymæ Episcopum in Concilio ipso Nicæno subscribentem pluribus aliis suæ Provinciæ Episcopis fuisse Prælatum, nullum negotium facessit, cum eruditi omnes agnoscant subscriptiones Episcoporum, quæ habentur in editionibus Concilii Nicæni, fuisse a manu posteriore corruptas, quod non solum deducitur ex variis eorundem Codicum collationibus, verum etiam quod Macarius ibidem appelletur non *Elia*, quemadmodum in Nicæno Canone, sed potius *Hierosolyma* Episcopus; cum alias certum sit restitutum tantummodo fuisse nomen Hierosolymæ Eliensi Civitati posteriore ætate, cum Hierosolymitana Ecclesia in Patriarchalem evasit. Præterea in eisdem subscriptionibus Macarius idem non solum describitur primus suffraganeorum Cæsariæ, verum etiam ante ipsum Eusebium Cæsariensem Metropolitanum suum, contra quod in Nicæno canone decernatur. Qualiscumque autem capiatur interpretatio, minime inficias iverim laudatum Nicænum canonem aliquid posteriore ætate potuisse conferre, ut in dies Ecclesia Eliensis honorabilior evaderet, ac tandem novis accedentibus privilegiis restituto Hierosolymitanæ Ecclesiæ nomine Patriarchalem dignitatem obtineret.

Can. 3. Quod Gratianus nomine Nicæni canonis retulit in can. 3. dist. 68. describitur & C. 20. pñt etiam eisdem verbis in can. 20. de *de Cons.* consi. dist. 1. sed nec in vulgatis Nicæni Concilii canonibus, neque in aliis Arabum exemplaribus inveniri potest; imo ne unus quidem ex veteribus istiusmodi fragmentum, simileve sententiam ex Nicæno Concilio recitavit; ut propterea facile suspicari possimus novam hanc jurisprudentiam, aut a Gratiano primum, aut ab alio non longe a Gratiani ætate remoto fuisse confectam, nomine autem Nicæni Concilii decoratam

fuisse, ut commodius spargeretur in vulgus, ac communi suffragio probaretur. Agebatur de consecrationibus, & reconciliationibus Ecclesiarum, de quibus cum nonnulla canonibus comprehensa fuerint in Concilio Nicæno II. facile fuit Nicæni Concilii nomen ad promovendam hujusmodi disciplinam usurpare. Plura quidem erant Nicæni Concilii decreta, quemadmodum in can. 7. in quo definitum est sine reliquiis Martyrum Templum dedicari non posse, & in can. 13. in quo cautum est, ut restituerentur ædes sacræ, quæ in publica quodammodo diversoria evaserant; verum nihil tale ibidem continetur, quod cum memorato Gratiani fragmento conveniat. Tantummodo generalis illa Nicæni Concilii constitutio occasionem præbere potuit posteriori cuipiam, ut quid in reconciliationibus Ecclesiarum observandum sit, clarius exponeret, expositumque quasi ex Nicæno Concilio depromptum referret.

Nonnihil juvabit rem hanc altius repetere. Tribus prioribus Ecclesiæ sæculis difficile prorsus est in Ecclesia Templum publica solemnibus Pontificum statisque ceremoniis dicata agnoscere, quum vix in privatis ædibus urgente potissimum Ethnicorum vexatione sacra fieri possent, neque enim publico extraneorum hominum ludibrio exponenda erant religionis nostræ Sacramenta, quemadmodum addidisset, si in mediis gentium conventibus celebrari debuissent. Vix Constantini magni temporibus fieri cœperunt Ecclesiarum dedicationes, quibus Judæorum veterum probatissimæ solemnitates renovari quodammodo videbantur. Tunc enim publica Templum erecta sunt, aut etiam quæ in falsorum Numinum cultum supersticio erexerat, in veri Dei honorem religio sincera convertit. Itaque vel nova erigebantur Templum, & tunc maxime sollemnis erat dedicatio, cujus exempla sunt luculentissima apud Eusebium lib. 10. cap. 3. & 4. Nicephorum lib. 7. cap. 40. necnon apud Athanasium in Apologia ad Constantinum Imperatorem: vel delubra falsorum numinum in cultum vere sacrum transformabantur; ac tum variis lustrationibus expiabantur primum, deinde vero solemniter consecratione inaugurabantur, quemadmodum luculentissime tradit Johannes Chrysostomus in homilia, *quod Christus sit Deus* in tomo 5. & Theodoretus Cyrensis sermone de Martyribus; atque hinc scimus etiam pro-

factum fuisse, ut apud Donatistas solemniter expiari solerent. Tempia, quæ Christiani antea Sacrificiis sanctissimis decorassent, & viceversa apud Christianos omnes reconciliata quodammodo fuisse Tempia, quæ ab Hæreticorum potestate erepta Christiani aliquando occupassent. Hæc fuit reconciliatio, quæ vetustis Ecclesiæ temporibus, a sæculo scilicet quarto usque ad Gratiani ætatem nota fuit; neque enim apud veteres reconciliationis alterius ulla sit mentio.

Verum enim vero Viri Ecclesiastici in interpretanda hac sacrarum ædium consecratione, variis doctrinis cœperunt ita de illa differere, ut certam quoque de ipsa disciplinam constituerent, non tantum in designandis ritibus, quibus consecratio fieret, sed & de jure novæ consecrationis, aut reconciliationis. Agnoverunt in primis consecrationem lapidum, tignorumque symbolis illustratam esse, quatenus in templi materialis dedicatione animæ potius christianæ consecrationem intuerentur, ut fideles animadvertentes etiam res inanimes Deo offerri, expiari, solemniter etiam consecrari, ita ipsi etiam interiorum animæ expiationem, consecrationemque exoptarent. Hinc dedicatio Ecclesiarum cum Baptismo fidelium comparata est; e converso autem quemadmodum homo semel baptizatus, rebaptizari non potest, sed tantum, si lapsus inde fuerit, reconciliari; ita receperunt Ecclesiam semel dedicatam nova dedicatione amplius non indigere, sed, si quoddam in ea vitium adesse contigerit, expiatione reconciliandam. Eo etiam devenit ut ex hac rerum similitudine, ut quemadmodum rebaptizandus esset, quicumque non fuisset ab initio in Sanctissimæ Trinitatis nomine baptizatus, ita quoque nova dedicatione consecraretur templum illud, quod ab initio non adparuisset ejusdem Trinitatis nomine dedicatum. Hæc omnia facile constat undecimo sæculo fuisse in maxima consideratione habita, dummodo diligenter legatur homilia 4. Ivonis Episcopi Carnotensis de *Sacramentis dedicationis*, qui eodem sæculo floruit.

Dum hæc Ecclesiastici Viri dissererent, Gratiano etiam visum est quædam de dedicatione, aut reconciliatione Ecclesiarum declarare, cui cum similitudo illa satis placeret inter consecrationes templorum, atque animarum, placuit etiam de utraque consecratione in polihæma sui decreti parte sub hæc titulo

de consecratione multa complexi, atque conjungere; videmus enim illum non tam de Ecclesiarum dedicationibus egisse, verum etiam de Sacramento Baptismatis plurima disputasse; imo ut plura nova quodammodo in hac reconciliationum, & frequentissimarum dedicationum materie inducebantur, ex variis, quæ de ea concipiebantur, doctrinis ad canones formandos ipse manum admovit, quos, ut aiebam, Nicænis Patribus adtribueret. Is est canon 3. dist. 68. seu canon 20. de cons. dist. 1. in quo paucis multa tradidit; & primo asseruit Ecclesias semel consecratas non debere amplius consecrari. Id quidem consonabat cum receptis ætatis sententiis; non enim nisi semel, celebrari poterat, quod Sacramento Baptismatis comparabatur in omnibus, atque huc pertinent ea Gratiani verba: *Quia sicut infans a quocunque sacerdote in nomine Patris, & Filii, & Spiritus Sancti semel baptizatus non debet iterum baptizari, ita nec locus Deo dicatus iterum consecrandus est.* Subdit dein exceptionem in fine capituli Gratianus: *Si tamen fidem Sanctæ Trinitatis tenuerint, qui eum consecraverunt.* Et recte, si a similitudine Sacramenti Baptismatis petendum erat argumentum, cum Baptismus repetatur, ubi Trinitatis mentio facta non fuerit; alias vero constaret ex memorata Ivonis homilia etiam in nomine Trinitatis Ecclesias fuisse dedicatas. Sed, ut video, a proposito suo lapsus est Gratianus in aliis exceptionibus, quas adduxerat; ait enim Ecclesias nova consecratione indigere, *si aut ab igne exusta, aut sanguinis effusione, aut cujuscunque semine polluta.* Si jus postea receptum perpenderimus, nihil erit improbandum, imo quoties Ecclesiæ judicio gravissimo tales consecrationibus Templorum præstitutz sunt regulæ, illis omnino erit obtemperandum; præsertim quod de disciplinz materie agatur, quæ pro variis modo temporum, modo locorum rationibus varia esse solet, & cujus ratio perpetua non est. Verum si cum Gratiano, aut cum quovis alio privato homine hujus disciplinz auctore congregari velimus, dicere non dubitabimus hæc cum propositis rei ipsius principiis minime consonare. Consecratio Ecclesiarum Baptismati fidelium comparatur; imo in consecratione Ecclesiarum fidelium Baptismus significatur; ita ratiocinantur undecimi sæculi Scriptores. Si ita se res habet, quomodo per effusionem san-

guinis, aut semine cuiuscumque polluta Ecclesia nova consecratione indigebit, si per huiusmodi crimina fidelium animæ novo Baptismate non abluuntur? Aut si Ecclesiæ per huiusmodi crimina pollui censetur ita, ut nova indigeant consecratione, cur per alia atrociora etiam crimina novam consecrationem non exposulabunt? Quod autem dicitur, Tempia rursus esse consecranda, si exusta fuerint, id non est adjecta generali regulæ exceptio, non enim tum secunda consecratio Templi appellabitur, sed prima consecratio Templi posterioris. Peterem itidem a Gratiano, cur potius mentionem fecerit de ædificio igne combusto, non autem de Templo, quod vel vetustate, vel alia quacumque de causa collapsum fuerit? Num hi casus simili exceptione non comprehenduntur?

En quibus difficultatibus sese Gratianus involverit in hac sua nova disciplina, quam deinde ob eximiam Gratianorum canonum existimationem receptam fuisse scimus, atque in germanos sacræ prudentiæ recentioris codices translata, assidueque usu confirmatam, ne dixerim variis interpretum commentariis explanatam. Ego, cum in unaquaque re originem potissimum, & causas inspicendas esse arbitratus fuerim, nihil aliud in hac parte dici posse existimo, quam parendum esse recepto iuri, qualiscumque fuerit causa, unde inductum est, quoties de meris agitur Ecclesiasticæ disciplinæ capitibus. Sed interea licebit eruditioribus ad auctores privatos huiusmodi disciplinarum respicere, atque eorundem studia minus probare, qui commento suo talem disciplinam sequendam proposuerint, quæ ab ipsis iactis illorum principiis abhorrere videatur.

Nondum tamen a Gratiano recedendum esse censeo, nisi graviores aliam suspicionem meam aperiam jamdudum mihi subortam, qua clarius adpareat, undenam Gratianus idem hæc omnia describere ac perstringere omnino potuerit, eademque Nicæno Concilio tribuere. Isaacus Hebertus Parisiensis Ecclesiæ Canonici edidit librum Pontificalem Ecclesiæ Græcæ, in quo pag. mihi 666. extant nomine Tarasii Patriarchæ Orationes nonnullæ ad aperiendam Ecclesiam profanatam. Prior oratio pertinet ad expiandam Ecclesiam ab Hæreticis profanatam. Altera pertinet ad Ecclesiam reconciliandam, quam Ethnici superstitionis ritibus inquinaverint, Tertia demum

continet reconciliationem Ecclesiæ, in qua homicidium perpetratum fuerit. Itaque ego arbitror Gratianum ex hisce orationibus canonem perstrinxisse, quem Nicæno Concilio deinde tribuit. Fateor, Gratianus non egit de reconciliatione Ecclesiæ ab Ethnicis, aut Hæreticis violatæ. Sed forte illud omisit, quia Gratiani ætate reconciliationum huiusmodi nullæ erant occasiones. Sed, inquires, quid commune habent orationes Tarasii cum Nicæno Concilio? Respondeo, nihil magis apud Gratianum. Etenim Tarasius Patriarcha erat Constantinopolitanus, quo tempore Nicænum Concilium II. celebratum est anno 787. is acerrimus fuit Hæreticorum Iconomachorum adversarius, & in Concilio strenuum sese exhibuit veræ fidei propugnatorem. Quid ergo facilius esse poterat Gratiano, quam doctrinam Tarasii suis orationibus extensam paucis perstringere, eandemque adinstar canonis in suum codicem relata Nicæno Concilio adscribere?

Quæ si vera sunt, quid magis necessarium, aut quid convenientius esse potest ad obtinendam germanam Gratianei canonis interpretationem, quam eundem canonem ad Tarasianas orationes reducere, & cum illis omnino conferre? Itaque Tarasius in oratione I. formulam descripsit reconciliandi Ecclesiam ab hæreticis profanatam. Nihil autem ibidem est, quod ad rem nostram peculiari indigeat observatione. Sequitur altera oratio de reconciliatione Ecclesiæ ab Ethnicis profanatæ, neque hic aliquid peculiariter animadvertendum occurrit. Potius consistendum in oratione postrema, quam unam Gratianus, ut arbitror, perstringere voluit. Ibi proponitur expiatio Ecclesiæ, in qua factum fuerit homicidium his verbis: *Domine Deus noster, qui propter multam, ac inenarrabilem bonitatem tuam dignatus es, ut hoc Templum tuum vocaretur inaccessibile, & incircumscrip-ta gloria tua. tabernaculum per sanctissimi, & vivifici spiritus tui operationem sanctificatum: nunc vero propter multitudinem peccatorum nostrorum permisti, ut illud pollueretur violenta morte hominis ad imaginem tuam formati, ex invidia diaboli, qui ab initio fuit homicida. Tu rursus per multam, & immanem misericordiam tuam, nostram, licet peccatorum, & inutilium servorum tuorum postulationem suscipiens ex pura tibi fide oblatam, expurga domum hanc, & Altare, quod in ea est, per adventum Spi-*

Spiritus Sancti tui, primamque ipsius gratiam renoua; ad celebrationem nominis tui inoffensam, ad oblationem acceptibilem Sacrificii incrementi, ad gloriam, & laudem clementia tua. Tu etiam domine omnium, qui solus natura purus es, & sanctissimus, qui cuncta sanctificas verbo tuo, tu nos etiam toto corde te quærentes expurga ab omni labe carnis, & Spiritus, cogitationum lubinrum, & conscientia perplexa. Quoniam tu es sanctificatio nostra, tibi que gloriam reddimus Patri, & Filio, & Spiritui Sancto, nunc, & semper, & in sæcula sæculorum. Sic descripta est integra Tarasii oratio, ex qua deducitur Templum reconciliandum esse, quotiescumque homicidium fuerit in eodem perpetratum, proptereaque exceptio illa Gratiani aut sanguinis effusione valde perstricta est, nec generatim de homicidio intelligi potest, proptereaque jure redarguere possemus Gratianum, quidquid deinde post ipsum obtinuerit, quod mutilata de more suo veterum monumenta, atque sententias ad nos usque transmiserit. In eodem Codice post hanc Tarasii orationem ita sequitur ex ejusdem Tarasii verbis: Dicitur autem hac oratio in aperiendo Templo, in quo animal irrationale secundum ritum veteris legis constitutum est impurum, nec sacrificio aptum, siue generatus; immutante paulisper Pontifice ad his verbis: morte violenta, usque ad hac: ab initio homicida, ac dicente de animali occiso ita: qui permisisti, ut illud inuidia diaboli per mortem irrationalis animalis secundum veterem legem sanctam tuam ad sacrificium non idonei, nec mundi &c. Deinde adjiciente, Tu vero per multam &c. De animali vero generante ita: qui permisisti illud polui per inuidiam diaboli irrationalis animalis generatione secundum legem sanctam tuam veterem ad sacrificium nec apti, nec mundi: tandem illud adjiciente: Tu rursus &c. usque ad finem orationis. His omnibus agnosco explicata clarius illa subobscura Gratiani verba: aut sanguinis effusione, aut cuiuscumque semine polluta. Quippe reconciliari opus erat ex sententia Tarasii Ecclesias, quoties, aut sanguis animalis cuiuspiam in Altari fuisset maculatus Sacrificio improbato, atque execrabili, quod ab Ethnicis factum olim lugebat Optatus Milevitanus; item ex ejusdem Tarasii sententia reconcilianda erat Ecclesia, quoties animalia quæque polluta in Ecclesia fuissent ad animalis generationem; visum enim fuit etiam apud

Ethnicos valde indignum, ut etiam in Deorum Delubris generationi daretur opera. Hinc Plato lib. 12. de legibus scribit indictam fuisse capitis pœnam illis, qui coitus hujusmodi haberent, quod irritari ea ratione numina arbitrantur, atque ab ipso Templo recedere. Quicumque hæc omnia conferendo perpendet, facile agnosceret, qualis capienda sit, & quæ commoda habeatur Gratiani canonis interpretatio, quam a germana Auctorum suorum sententia & Glossographi, & Interpretes mirum in modum detorserunt.

In canone 16. Nicæni Concilii leguntur duo Gratiani fragmenta, scilicet can. 23. cau. 7. qu. 1. & can. 3. dist. 71. Gratianus sequutus est Isidori Mercatoris interpretationem. Ego Dionysium Exiguum sequendum potius arbitror ita scribentem: *Quicumque temere, ac periculoso, neque timorem Dei pra oculis habentes, nec Ecclesiasticam regulam agnoscantes, discedunt ab Ecclesia Presbyteri, aut Diaconi, vel quicumque sub regula prorsus existunt, hincquaquam debent in aliam Ecclesiam recipi; sed omnem necessitatem convenit illis imponi, ut ad suas Parochias revertantur; quod si non faciunt, oportet eos communione privari.* Huc usque canon 23. apud Gratianum. Sequuntur verba canonis 3. Si quis autem ad alium pertinentem audacter invadere, & in sua Ecclesia ordinare tentaverit, non consentiente Episcopo, a quo discessit is, qui regula mancipatur, ordinatio hujusmodi irrita comprobatur. Nihil sane est hac disciplina vetere ætate firmitus, quodque magis, & fere quotidianis sanctionibus promulgatum. Unum adfero antiquissimum Turinense Concilium anni 397. ubi can. 7. ita legitur: *Nec illud pratermittendum, quod Synodi sententia definitum fuit, ut Clericum alterius secundum statuta canonum nemo suscipiat, neque sua Ecclesia, licet in alio gradu, audeat ordinare, neque abjectum in communionem recipiat.*

Nicæni Concilii Sanctionibus accenseri solent exemplaria Formatum Epistoliarum, quorum unum profertur a Gratiano quasi ex Nicæno Concilio in can. 1. dist. 73. quanquam neque inter viginti Nicænæ Synodi canones, neque in Arabicis Nicæni Concilii editionibus inveniatur. Imo si Gratianeam scriptiōnem, qualis jacet, consideremus, cum in ipsa Burchardi Vormaciensis nomen inscriptum sit, & nota adjecta fuerit

Do-

Can. 3.
dist. 71.
& Can.
23. cau.
7. q. 1.

Can. 1.
dist. 73.

Dominicæ Incarnationis anni 1012. liquet manifestissime eandem formulam longe esse Nicæno Concilio posteriorem. Ad assequendam huius rei noticiam animadvertere in primis juvabit in Nicæno Concilio can. 25. & 16. Decretum legi, ut nemo ex Clericis de sua Provincia alio migret sine consensu, aut auctoritate proprii Episcopi. Hic Episcopi consensus, ne fraus Nicæno canonizeret, solebat non nudis verbis concipi, sed scriptura significari, quæ *Epistola Formata* appellabatur. Imo & posteriore ætate, ut fraudibus quibuscumque vagantium Clericorum obviam iretur, nonnullæ adinventæ sunt notæ, quibus legitimæ Epistolæ Formatæ dignoscerentur, atque ab apocryphis secernerentur. Videlicet inductum est, ut certi Græcarum literarum characteres adjicerentur, de quibus suo loco sermonem institutam, præsertim ad canon. 2. dist. 73. ubi de Attico Episcopo Constantinopolitano. Quum itaque Formatarum huiusmodi Epistolarum exemplaria fieri cœperint, & variis distingui notis circa sæculum 7. aut 8. Ecclesiastici auctores non solum illarum originem Nicæno Concilio adscribuerunt, ut major ipsius auctoritas accederet, verum etiam quasi in Nicæno Concilio editæ fuissent, proposuerunt. Hinc Regino in lib. 1. de Ecclesiasticis disciplinis ad cap. 437. ait: *Nicæna Synodus hunc ordinem inter Episcopos in faciendis Epistolis conservandum esse instituit*, post quæ verba in laudato capite exhibet Græcas literas, earumque ordinem, quo suo tempore eadem disponebantur, atque exarabantur. Deinde in cap. 438. subdit exemplar Formatæ Epistolæ nomine Rathbodi Trevirensis, & cap. 439. aliud exemplar nomine Dadonis VVirdunensis; atque hoc posterius exemplar illud ipsum est, quod Gratianus nomine Nicænæ Synodi retulit in dictum canonem 1. dist. 73. exceptis tantummodo nominibus, quæ apud Gratianum diversa sunt; habet enim Regino: *Reverendissimo, & Sanctissimo Rathbodo Trevirensis Ecclesiæ Archiepiscopo Dado VVirdunensis Ecclesiæ devotus Gregorius Christi famulus in Domino vero Rege summa Felicitatis beatitudinem. Cum sancta Catholica Ecclesiæ prompta sit sequi documenta Evangelica &c.* Quæ sequuntur, cum Gratiano consonant, iis verbis exceptis, quæ hic subjiciam. Ubi Gratianus habet: *nomine Hermannus*, Regino scripserat: *nomine Adruinus*. Dein-

de ubi Gratianus ait: *Ego inquam &c.* Regino hæc addiderat: *Ego inquam in nomine Patris, & Filii, & Spiritus Sancti, & in Unitate Sanctæ Ecclesiæ, in qua Petro datum est ius ligandi, atque solvendi, absolvo. Dado humilis Episcopus Presbyterum Adruinum de Civitate VVirdunensi Indictione IX. & licentiam de vobis Rathbodo venerabilis Archiepiscopo inthronizandi eum in quacumque Ecclesiâ vultis vestraparochia. Dilectam paternitatem vestram virtutum floribus insignitam omnipotens Deus conservare dignetur. Amen. Π. Τ. Α. Π. Δ. Α. Π. Δ. Ω. DCCLXXXVII. data V. Idus Maii anno Dominica Incarnationis DCCCXVI. Indictione IX.* Hic erat annus, quo scribebat Regino, qui exemplar illud ipse formaverat studiosos rerum Ecclesiasticarum erudiendi gratia, & quidem disciplinæ suorum temporum accommodatum, ornata tamen ad Concilium Nicænum referens, a quo primam Formatarum originem repetendam esse agnoverat. In hanc Reginonis formulam intendit Burchardus VVormaciensis, dum suam collectionem Canonum adornaret; eandemque ipse collectioni suæ quasi ex Nicænâ Synodo depromptam inseruit, omittens tamen nomina Rathbodi, Dadonis, & Adruini, at vice illorum suum inserens nomen, & VValterii Spirensis Episcopi, & Ecmanni Presbyteri, cujus gratia Epistolam Formatam se concedere fingebat. A Burchardi collectione (quo, cumque modo id acciderit, nihil refert) translatus hoc exemplar fuit eisdem verbis in collectionem Gratiani, nisi forte quis Editionis varietatem agnoscere velit in nomine Hermannus, qui apud Burchardum dicitur Ecmannus. Sed hoc levissimum est. Illud observasse juvabit potius, memoratum canonem 1. dist. 73. nullo modo tribui posse Nicæno Concilio, sed posterioris temporis auctorem habere, eum scilicet, qui conscribendis Formatarum exemplaribus delectaretur, & vix ad Nicænum Concilium ea de causa referri posse, quod de Formatæ Epistolis in Nicæno eodem Concilio quidpiam definitum fuerit.

Severa olim fuit in Clericorum Ordinationibus Ecclesiastica disciplina, quæ videlicet a sacris Ordinibus, sive recipiendis, sive receptis arcobatur, quicumque gravi crimine maculatus extitisset, ex iis videlicet, quibus publica poenitentia infligi solebat. Hanc disciplinam apertissimam facit canon 4. dist. 81. sive

Can. 4.
dist. 81.

can. 9.

can. 9. Nicænus, cujus verba hæc sunt ex interpretatione Dionysii Exigui: *Si qui Presbyteri sine examine sunt probati, vel, cum discederentur, peccata sua confessi sunt, & homines contra canones commoti, manus confessi imponere tentarunt, tales regula non admittit, quia quod irreprehensibile est, Catholica defendit Ecclesia.* Hæc sane fuit veterum Patrum sententia constans, atque perpetua, juxta quam S. Isidorus Hispalensis in lib. 2. de Offic. Eccles. cap. 5. ita scribit: *Quod autem qui post baptismum aliquo mortali peccato corrupti ad Sacerdotium non promoveantur, lex ipsa testatur. . . . Si enim is, qui in Episcopatu mortale aliquod peccatum admisit, non debet offerre panes Domino, quanto magis ante Ordinationem peccator inveniens, repudiari debet, ut non ordinetur? Quapropter quia lex peccatores a Sacerdotio removit, consideret unusquisque, sciens quia potentes poterant patientur tormenta &c.* Cum vero generalia sunt Nicæni Concilii verba, non erit abs re paraphrasim Arabicam Josephi Egyptii in hunc locum adferre, quæ ita concepta est ad eundem Nicænum Canonem 9. *Quicumque Presbyter constituitur sine examine, aut disquisitione in eum, aut fuit extraneus, sive incognitus in ista Provincia, nec priorem habuit Ordinationem ante istud tempus, quo constitutus est, & de diversis criminibus, magnisque peccatis suspectus, priora sua peccata confessus fuerit, atque ex iis sunt peccatis, qua ipsorum reos excommunicationi subjiciunt, & pro quibus severa illi opus est poenitentia, cujusmodi sunt duas, vel tres uxores ducere, aut eam, qua a viro discessit, vel qui Deum blasphemavit, aut hæreticus antea fuit, aut etiam Idolis Sacerdos fuit, aut qui sacrificia iis immolavit, aut oblationes obtulit, aut suffimenta iis adolevit, aut Astrologus fuit, aut hariolus, aut divinator, aut incantator, aut etiam, qui magia, augurio, & divinatione usus est, vel alia aliqua re a nobis prohibita. Qui igitur hoc modo factus fuerit Presbyter, statuta nostra eum non admittant; quoniam Sancta Apostolica Ecclesia nullum admittit, nisi qui integer vita, scelerisque parvus, & a culpis, omnibusque hisce criminibus immunis est: nisi forsitan hujusmodi peccata ab eo perpetrata fuerint, priusquam religionem, atque ordinationem amplectens est; & hæc de novo constituta sunt. Num Josephus Egyptius Nicænorum Patrum men-*

Tom. I.

tem prorsus attigerit, definire non asum; valde enim dubito, quin potius juxta sui temporis disciplinam benigniorem ipse generalia Concilii verba explicaverit. Quidquid tamen sit, semper adnotasse juvabit, quomodo Nicæni Concilii prudentiam posterioris ætatis Scriptores intellexerint, exteri præsertim & a nostris Provinciis longe remoti, quibus si deinde adjunxerimus nostrates, facile percipiemus, quemadmodum hac in parte humanior sit in ordinationibus Sacerdotum hodierna disciplina, quam fuerit vetus, juxta quam nemo, nisi prorsus innocens, post baptismum in Sacerdotem eligebatur.

Urgent idipsum Nicæni Patres in can. 5. dist. 81. Dionysius Exiguus canonem ita interpretatus est: *Quicumque de lapsis ad Ordinem Cleri promoti sunt per ignorantiam, vel per ordinantium dissimulationem, hoc Ecclesiastica non præjudicans regula, cogniti namque deponantur.* Sunt qui nomine Ecclesiastica regula, de qua hoc in loco fit mentio, intelligunt canonem 62. ex Apostolicis. Mihi aliud placet; etsi enim in ipso canone 62. quidpiam reperitur, ex quo Ordinationes lapsorum prohibitas fuisse apertissime con-
Can. 5. dist. 81.

Nemo vel leviter in Ecclesiastica disciplina eruditus inficiari potest, Diaconos etiam a præfata ætate ambitu inordinato elatos primos honores in Ecclesiis adfuisse: Cum enim ad ipsos Ecclesiastici peculii cura, atque administratio pertineret, præsertim vero annuas illi mensuras, diurnasque portiones inter Sacerdotes, & Clericos inferiores distribuerent, cœperunt non Presbyteris tantum, sed ipsis etiam Episcopis dominari. Testem appello Hieronymum de hac re frequentissime conquestum, ubi præsertim in Epistol. 85. ita asserit. *Audio quandam ad tantam erupisse vocordiam, ut Diaconos Presbyteris, id est Episcopis anteferebat. Quid patitur mensuram, & viduarum minister, ut supra eos sumidus se offerat, ad quorum preces Christi Corpus, & Sanguis conficitur? Huic inverso Ministrorum Ordini restituendo vetu-*

L

stiff.

stissima ipsa Concilia operam dederunt, ut patet ex Concilio Laodicensi can. 20. item ex Concilio Nicæno can. 18. quem Gratianus describit in can. 14. dist. 93. Referam verba Dionysii Exigui, tamquam antiquissimi interpretis: *Pervenit ad sanctum, magnamque Concilium, quod in quibusdam locis, & Civitatibus Presbyteris gratiam Sacra Communionis Diaconi porrigant; quod nec regula, nec consuetudo tradidit, ut ab iis, qui potestatem non habent offerendi; illi, qui offerunt, Christi Corpus accipiant. Necnon & illud innuit, quod quidam Diaconi ante Episcopos sacra oblata contingant. Hac igitur omnia rescantur, & in sua Diaconi mensura permaneant, scientes, quod Episcoporum quidem Ministri sint, inferiores autem Presbyteris habeantur per ordinem. Ergo post Presbyteros gratiam sacra Communionis accipiant, aut Episcopo eis, aut Presbytero porrigente. Sed nec sedere in medio Presbyterorum Diaconis liceat, quia si hoc fiat, præter regulam, & ordinem probatur existere. Si quis autem etiam post has definitiones obedire voluerit, a ministeria cessare debet. Cum hac interpretatione consonant plurimum illæ, quas eruditi viri etiam recentiore ætate ex Græcis exemplaribus elucubrarunt. Consonat præterea Codex, qui dicitur apud Iustellum, *Canonem Ecclesie universæ*; necnon prisca editio Latina apud eundem Collectorem Tom. 1. pag. mihi 285. Gratianus in prioribus sui canonis verbis sequutus omnino est interpretationem Isidori Mercatoris, usque ad vers. Hac ergo &c. Isidorus autem in sequentibus ita scribit: *Hæc ergo omnia amputentur, & maneat Diaconi intra suam propriam mensuram scientes, quia Episcoporum quidem Ministri sunt, Presbyteris autem inferiores. Accipiant ergo sanctum Ordinem post Presbyteros ab Episcopo, vel a Presbytero sacram Communionem. Quod si non fuerit in presenti vel Episcopus, vel Presbyter, tunc ipsi proferant, & edant. Sed nec sedere quidem licet in medio Presbyterorum Diaconos; extra regulam enim est, ut hoc fiat. Si quis autem non vult his sufficiens esse post hanc definitionem, cesset esse Diaconus. Porro hic canon ita descriptus est numero 14. apud eundem Isidorum, licet apud alios Collectores sit numero 18. Quidquid vero sancti veteres Patres adversus hunc Diaconorum ambitum declamaverint, ac constituerint, non defuerunt tamen etiam recentiore ætate Diaconi, qui su-**

præ Presbyteros ipsos sese extulerint, præsertim, qui Diaconorum Principes, sive Archidiaconi audiunt; imo apud Græcos tanto in honore habita est dignitas Chartophylacis, sive Diaconi Archivio præpositi, ut etiam supra Episcopos ipsos prærogativam haberet, quemadmodum Balsamon in Commentariis ad hunc Nicænum canonem aperte testatur.

In referendo canone 52. cau. 1. qu. 1. qui idem est cum canone 19. ex Nicæno, Gratianus sequutus est Isidori Mercatoris interpretationem, quæ sane minus integra esse videtur, quoties cum ceteris, & melioris quidem notæ exemplaribus conferatur. Non recedo a Dionysio Exiguo, cum quo reliqui Interpretes universi consonant. Ita ille: *De Paullianistis ad Ecclesiam Catholicam confugientibus definitio prolata est, ut baptizentur omnimodis. Siqui autem de his præterito tempore fuerint in Clero, siquidem immaculati, & inreprehensibiles adparuerint, baptizati ordinentur ab Episcopo Ecclesie Catholice. Quod si discussio incongruos eos invenerit, abjici tales conveniet. Similiter autem & de Diaconis, & omnino de his, qui sub regula versantur, hac forma servabitur. Meminimus autem de Diaconis, qua in eodem habitu esse probantur, quod non habeant aliquam manus impositionem, & ideo modis omnibus eas inter Laicos deputari. Tria itaque hoc in canone deprehendimus. Primum pertinet ad Paullianistas rebaptizandos, alterum ad ordinatos illos, qui rebaptizari debuerunt, postremum dein ad Diaconissas. Et quidem jure optimo Paullianistarum baptismum rejiciendum fuerat, cum ab ipsis depravatam fuisse baptismatis formulam veteres testentur, quemadmodum liquere potest ex can. 53. cau. 1. qu. 1. S. Augustinus in lib. de hæresibus ad Quodvultdeum hæretici 44. ita scribit: *Pauliani a Paulo Samosateno dicti Christum non semper fuisse dicunt, sed ejus initium, ex quo de Maria natus est, asseverant. Sed nec aliquid amplius, quam hominem putant. Ista hæresis aliquando ejusdem Artemonis fuit; sed cum defecisset, instaurata est a Paulo, & postea sic a Photino confirmata, ut Photiniani, quam Pauliani crebrius nuncupentur. Istos sane Paulianos baptizandos esse in Ecclesia Catholica Nicæno Concilio constitutum est; unde credendum est, eos regulam baptismatis non tenere, quam secum multi hæretici, cum de Catholica fide discederent, abstulerunt,**

eamque custodiunt. Gratianus, & Isidorus Mercator Paullianistis Cataphryges adjunxerunt, Cataphryges, aut etiam Phryges dicti sunt hæretici, qui Montani ex Phrygiæ partibus oriundi erroribus adhæserunt. Porro Montanus, cum se Spiritum Sanctum assereret, asseclis suis præceperat, ut in nomine Montani baptisma conferrent; quod sane nemo non videt, ita baptismo Christi injuriosum esse, ut verus baptismus appellari omnino ille non possit, qui ea formula collatus proponatur. Atque in hac parte non est aliud, ex quo Gratianum, seu potius Isidorum Mercatorem reprehendamus, nisi quod Nicænis Canonibus quidpiam adjicere voluerint; ceterum nihil adiecerunt, quod sententiæ Nicænorum Patrum opponatur. Nicæni autem Patres de Paullianistis potius, quam de Montanistis sermonem fecere, quod Pauli Samosatani hæresis recentior esset, & adhuc apud quamplures vigeret, at vero hæresis Montani jamdiu eliminata fuisset. Altera hujus canonis pars, quæ spectat ad rebaptizandos eos, atque iterum ordinandos, qui apud Paullianistas baptizati antea fuerant, clarissima est; tum denuum autem reordinationi locum fieri debere voluerunt Sancti Patres, quoties de Viris ageretur & eximiis doctrina, & moribus integerrimis. Quod vero in postrema canonis parte subditur de Diaconissis, varias vulgo patitur apud eruditos interpretationes. Inane prorsus esset studium, quo quid unusquisque suo ingenio indulturus ad hanc rem explanandam senserit, hocce in loco congererem. Tantum attingam ea, quæ videntur Nicænorum Patrum sententiæ magis consentanea. Quod superius in eodem canone 19. de Clericis rebaptizandis, atque iterum ordinandis statutum fuerat, extendere volebant Nicæni Antistites ad Diaconissas, ceterasque personas, quæ in canone, sive Catalogo ministrantium Ecclesiasticorum descriptæ essent; ut scilicet, quoties tales Diaconissæ essent, quæ non servata Sacramenti forma a Paullianistis baptizatæ proponerentur, baptisma rursus susciperent, ac rursus habita meritorum ratione confererentur. Diaconissarum autem facienda erat mentio specialis, quia Clericorum nomine non veniebant illæ, & de Clericis tantummodo concepta erant prioris canonis verba. Gratianus sequutus Isidorum Mercatorem de Diaconissis nihil attigit, sed potius pro Diaconissa

Diaconas, sive, ut alii apud Isidorum legunt, *Diacones* interpretatus est. Ceterum Diaconissas Ecclesiasticis Officiis quodammodo addictas apud veteres fuisse, nemo est, qui ignorat, ut proinde nil mirum sit parem cum Clericis & Diaconissis ordinationum disciplinam fuisse servatam; erat enim Diaconissarum Officium hujusmodi, ut illas tenerentur ad Cathecumenarum mulierum institutiones, quemadmodum Diaconi in adiuvandis Cathecumenis masculis exercebantur. Sic in Concilio Carthaginensi vulgo 4. can. 10. legitur: *Vidua vel Sanctimonialis, quæ ad ministerium baptizandarum mulierum eliguntur, tam instructa sint ad Officium, ut possint apto, & sano sermone docere imperitas, & rusticas mulieres, quo tempore baptizanda sunt, qualiter baptizatori interrogata respondeant, & qualiter accepto baptismo vivant.*

Can. 8. cau. 1. q. 7. paullo aliter legendus est, ac legatur apud Gratianum, *Can. 8. cau. 10. quemadmodum in parte observaverunt 9. 7. Romani Correctores.* Ita habet Dionysius Exiguus interpretans Nicænum canonem 8. *De his, qui se cognominant Catharos, idest mundos, si aliquando venerint ad Ecclesiam Catholicam, placuit sancto, & magno Concilio, ut impositionem manus accipientes, sic in Clero permanent.* Hac autem præ omnibus eos scriptis convenis profiteri, quod Catholica, & Apostolica Ecclesia dogmata suscipiant, & sequantur, idest & bigamis se committere, & his, qui in persecutione prolapsi sunt, erga quos & spatia constituta sunt, & tempora definita, ita ut Ecclesia Catholica, & Apostolica placita sequantur in omnibus &c. Catharorum nomine significari Novatianos nemo est, qui dubitet, cum eos Catharos, sive puros sese dicere consuevisse tota propemodum testetur, Ambrosius de pœnit. lib. 1. c. 1. Hieronymus in Oseam cap. 13. Eusebius lib. 6. Histor. Ecclesiast. cap. 43. Augustinus de hæresibus, & Epiphanius hæresi 39. Sententia itaque Nicæni canonis ea est, ut Novatiani jam ordinati apud suos, quoties ad Ecclesiam revertantur, in suum Ordinem recipiantur, ex quadam Ecclesiastica dispensatione, atque œconomia, ut scilicet facilius illi ad unitatem redirent; quemadmodum simili dispensatione usus fuisse Ecclesiasticos Patres posteriore ætate in Donatistarum causa scimus ex S. Augustino in Breviculo collationis cum Donatistis, & in lib. 2. contra Cresconium cap. 32.

Recipiebantur autem conversi in Clerum non per novam Ordinationem, sed per manus impositionem reconciliatoriam; quamobrem anteferenda est interpretatio Dionysii Exigui interpretationi Gratianæ; siquidem ubi Gratianus habet: *ut Ordinentur*, Dionysius Exiguus scripsit: *ut impositionem manus accipientes*; alii autem Interpretes Græcam scripturam sequentes ita scripserunt: *ut impositis eis manibus sic in Clero permaneant*; & auctor Codicis canonum Ecclesiæ universæ: *ut accepta manuum impositione sic in Clero maneant*. Revera si Gratiani interpretationem, quæ plurimum consonat cum Isidoro Mercatore, sequi deberemus, minus congrua statim videretur Concilii Nicæni sententia. Vol enim de illis Novatianis agebatur, qui jam fuerant Clerici apud hæreticos ordinati; & frustra ordinatio repetenda fuisset, cum ordinationi nihil obesset hæresis ordinantium; vel agebatur de illis, qui sacram Ordinationem consequuti non fuissent; ac tum nulla ratio suaderet, ut hujusmodi Laici recens conversi ad Catholicam unitatem sacris initiarentur ordinibus, & Clericorum censui adscriberentur. Alio autem tendere nequit mens Nicænorum Patrum, qualis in integro canone adparet, quam ut unusquisque conversus a priore gradu minime abjiciatur, non ut ad ultiores gradus promoveatur. Si quis forte interrogaverit, cur Isidorus Mercator, quem Gratianus sequutus est hac in parte, hanc potius interpretationem adtulerit, facile responderim, me suspicari deceptum fuisse Isidorum ex illa interpretatione Græci canonis Nicæni, quæ exhibita est petentibus Episcopis Africanis, ut superius attigimus initio hujus capituli; etenim apud Africanos hæc exhibita fuerat Græci canonis interpretatio: *Si aliquando venerant ad Catholicam Ecclesiam Cathari, placuit sicut & magna Synodo eos ordinatos manere in Clero*. Sane hoc in loco verba illa, *eos ordinatos* hanc sententiam habent, ac si dicatur, *eos qui prius ordinati erant*, quam verborum significationem imperitus collector non servavit, sed aliter intelligens hisce potius verbis explicavit: *ut ordinentur, & sic maneant in Clero*.

Can. 19.
can. 7.
qu. 1.

Can. 19. cau. 7. q. 1. hisce verbis legendus est ex interpretatione Dionysii Exigui ad Nicænum canonem 15. *Propter multam perturbationem* (interpretantur alii; *propter multum tumultum*),

& seditiones, quæ sunt, placuit consuetudinum omnimodis amputari, quæ præter regulam in quibusdam partibus videntur admixta, ita ut de civitate ad civitatem, non Episcopus, non Presbyter, non Diaconus transferatur. Si quis autem post definitionem Sancti, & Magni Concilii tale quid agere tentaverit, & se hujusmodi negotio manciparit, hoc factum profus in irritum ducatur, & restituatur Ecclesiæ, cui fuit Episcopus, aut Presbyter, aut Diaconus ordinatus. Agnoscimus hic vetustissimam illam disciplinam, juxta quam vetitum erat Episcopis, & Clericis de una in aliam Ecclesiam transferri, atque ad id respiciens Hieronymus ad Oceanum ita scribit: *In Nicæna Synodo a Patribus decretum, ne de alia in aliam Ecclesia Episcopus transferatur*. Porro hujus interdicti ratio ea non erat qualem recentiores interpretes ingeniose potius, quam vere excogitarunt, quasi videlicet in translationibus Episcoporum, ac Clericorum conjugium spirituale, quod inter ipsos, & Ecclesiam contractum dicitur, quodammodo dissolvatur: sed potius repetenda est ex eo, quod in hisce Episcoporum, Clericorumque translationibus ut plurimum seditiones, ac tumultus populorum concitabantur, quemadmodum ex prioribus hujus canonis verbis manifesto liquet. Atque hinc fieri aliquando potuit, ut ubi non ex concitata seditione, nec tumultu facti Episcopus quispiam, aut Clericus prudenti Consacerdotum judicio, præsertim re in Synodo mature discussa, ad aliam Ecclesiam transferendus esset, id facile admissum fuerit, ac probatum; quemadmodum Gregorius Theologum primum Samsimorum Episcopum fuisse testatur Hieronymus in Catalogo; deinde Nazianzenæ Ecclesiæ fuisse præfectum, postremo ad Constantinopolitanam Sedem translatus omnes tradunt, quin tamen Nicæno Canoni injuria ulla facta fuerit; nec enim aut Gregorius ipse qui translatus est, aut illi Episcopi, quorum auctoritate facta est illius translatio, Nicænum canonem ignorabant, nec cognitum violare voluerunt, cum recens lex esset, & eodem sæculo lata.

Falso Nicæna Synodo tributus est canon 4. non 4. cau. 11. qu. 1. non solum enim desideratur inter vulgatos Nicæni Concilii canones viginti, sed etiam in Arabicis, aut aliis quibuscunque monumentis, quæ saltem verosimilia apud eruditos habentur. Video tamen, undenam decij-

Can. 4.
can. 11.
qu. 1.

decipi potuerit Gratianus. In epistola 2. Julii Papæ ad Orientales cap. 34. hæc leguntur: *Similiter statuit præfata Synodus, ut nullum sententiam, nisi a suo iudice dicta constringat. Iudices autem alii esse non debeant, quam quos ipse, qui impetitur, elegerit, aut quos suo cum consensu hæc Sancta Sedes, aut ejus Primates auctoritate hujus Sanctæ Sedis delegaverint, &c.* Quicumque postrema hæc cum Gratiano contulerit, facile agnoscat ex hac Julii epistola depromptum fuisse Gratianum caput, ideo forte laudatum Nicæni Concilii nomine, quod exhibeatur Julius Pontifex Maximus idipsum nomine illius Synodi laudasse, de qua antea fuerat loquutus; loquutus autem fuerat de Nicæna. Quis vero hodie ignorat hanc vulgatam Julii epistolam ad eumentitas Pseudoisidori merces pertinere, nulloque propterea in pretio habendam esse? Id suo loco demonstrabitur perspicuis argumentis. Interea vero observare sufficiat, hæc Julii verba in parte deprompta fuisse ex legibus Theodosii, quemadmodum constat ex lege 2. de re judicata in Codice Theodosiano ibi: *In privatorum causis hujusmodi forma servatur, ne quemquam litigatorum sententia non a suo iudice dicta constringat.* Hæc verba Theodosii Imperatoris Julio Pontifici adtribuere ausus est Isidorus, imo eo progressus est, ut ex Concilio, quod Julium ipsum præcesserat, recitaret. Imo & eandem sententiam adtribuit Zephirino Papæ in epist. 1. quem ita sancientem inducit: *nullum namque eorum sententia a non suo iudice dicta constringat, quia & leges sæculi idipsum fieri præcipiunt:* item adtribuit Eusebio Papæ in epist. 3. Sane nescio qua fronte hæc tanquam veterum Pontificum monumenta Pseudoisidorus primum adduxerit, deinde vero ita adscripserit Julio Papæ, ut per ipsum ad Nicænum Concilium referrentur. Quidquid vero sit de memorati fragmenti auctoritate, facile sulphicor, ubi agitur de iudicumelectione per reum faciendâ, id pertinere ad disciplinam Africanæ Ecclesiæ, & ex quodam Carthaginiensi potius, quam Nicæno Concilio desumptum esse. Revera caput 33. epistolæ ejusdem Julio Papæ adscriptæ desumptum videtur ex Concilio Carthaginiensi 2. can. 6. Carthaginiensi 4. cap. 58. & Carthaginiensi 7. cap. 1. & 2. Quis

itaque facile non concludet caput 34. ejusdem epistolæ, cujus initium est: *Similiter statuit præfata Synodus*, ad Synodum quamdam Carthaginensem referri debere? Nec enim erit, cur Gratianus nomine præfata Synodi Nicænam potius, quam Carthaginensem intelligeret. Revera *Primatis* nomen, quod in eodem fragmento legitur, Africane Ecclesiæ disciplinam indicat, in qua potissimum nulli aut Metropolitæ, aut Archiepiscopi nominabantur, sed peculiari nomine *Primatum*. Deinde clarissima sunt Carthaginensium Conciliorum monumenta, in quibus similia nonnulla reperiuntur de iudicibus per reum conventum eligendis, cujus rei fidem maximam faciunt canones 96. & 122. vulgati codicis Ecclesiæ Africanæ, canon 10. Concilii Carthaginiensis 2. canon 9. Concilii Carthaginiensis 3. qui idem est cum canone 43. cau. 11. q. 1. & alii similes quamplures. Ex quibus omnibus concludendum arbitror, memoratum Gratiani canonem 4. cau. 11. q. 1. originem habere suam ex Isidori Mercatoris decretalibus epistolis, in quibus tamen elucubrandis auctor usus est doctrina Carthaginensium Conciliorum, præsertim hac in parte, quam se profiteretur descripsisse ab ea Synodo, de qua fuerat præfatus, Gratianum vero deinde errore lapsum fragmentum illud nomine Nicæni Concilii commemorasse.

De canone 8. cau. 14. q. 4. nihil est quod specialiter observemus, quippe idem omnino est cum canone 2. dist. 47. quem superius jam expendimus.

Frustra eruditi omnes elaborarunt in inquitenda origine canonis 1. cau. 16. q. 1. Apertissime Correctores Romani ita professi sunt: *Caput hoc neque in prima Nicæna Synodo, neque in secunda hodie habetur.* Audacter Turrianus, qui canones Nicænos Arabicos latinitate donavit, evulgavitque, ita notat ad canonem 46. *Memini hujus canonis Nicæni Gratianus cau. 16. q. 1. can. placuit*, quasi Gratianus iste canon idem sit cum canone 76. Arabico, aut ad eum referri quodammodo possit. Sed quicumque Gratiani fragmentum cum fragmento Turriani conferet, ne lineolam quidem verborum, nec quamdam sententiarum adfinitatem agnoscat, Dabo hic utrumque canonem.

Can. 8.
cau. 14.
q. 4.
Can. 1.
cau. 16.
qu. 1.

CANON GRATIANI.

Placuit omnibus residentibus in sancta Nicæna Synodo, ut Monachorum conversio, & vita secundum ethymologiam nominis ab omnibus discrepet. Monachus enim Græce, Latino singularis dicitur. Unde Monachum per omnia singulariter agere oportet. Quamobrem firmiter, & insolubiliter omnibus precipimus, ut aliquis Monachus poenitentiam nemini tribuat, nisi sibi invicem, ut iustum est, mortuum non sepeliat, nisi Monachum in Monasterio secum morantem, vel si fortuito quemquam advenientium fratrum ibi mori contingerit.

Venia potius danda meo iudicio foret Turriano, si asseruisset memoratum Gratiani canonem ideo Nicæno Concilio tributum fuisse a Gratiano, quod sint nonnulla capita ad Monasticam disciplinam pertinentia, quæ Concilii Nicæni nomine edita ab aliquibus fuerunt, inter cetera quindecim illa, quæ in editione Labbei Venera anni 1728. tomo 2. habentur pag. 351. In iis sane plurima sunt regulis, atque institutionibus Monachorum accommodata, quæ forte recentior quispiam perstringere voluit, atque perstricta pro libito suo Nicæni Concilii nomine evulgare; unde Gratianus deius fragmentum suum exceperit, Ego sane pro certo habeo, hunc Gratiani canonem primum cau. 16. q. 1. sæculo demum undecimo, aut duodecimo editum fuisse, vel privati cujusdam hominis studio, vel in aliquo Provinciali, aut Diocesano Concilio. Siquidem tum primum ea ætate, uti ex Ecclesiasticis, & propemodum innumeris monumentis adparet, cœperunt exardescere contentiones inter Clericos, & Monachos, quum Monachi ad ea, quæ Clericorum erant, subeunda sacra Officia adspirarent. Præsertim vero idipsum deduci potest ex mentione, quæ ibidem fit, Ecclesiasticæ sepulturæ; etenim, uti alibi commodius ostendam, ante sæculum Ecclesiæ decimum, vel undecimum, sepulturæ extra Ecclesiam, ac proinde nulla de il-

CANON TURRIANI.

Ut Religiosi tum Monachi, tum Moniales habeant alia indumenta, & alios maras, quam habent Laici, ac rondeant caput in modum corone, & cingant se honeste, neque sigillis aureis, aut argenteis absignent, neque ferant crumenam ad latus, neque cultallos, sicut solent milites, & homicida, quando eunt ad bellum, & homicidium, & sicut solent alii ex mercatoribus, & peregrinis ferre crumenam ad voluntatem suam, sicut omnes ex populo. Quin potius sint probi, & inter se, & alios patientes, & ne eant per plateas, nisi cum modestia, nec inter se joculariter, & ridicula loquantur, nec alius alium irrideat, aut ludat, sed potius silentium teneant, & gravitatem, præsertim apud adversarios fidei, sintque in omnibus, quæ ad honorem eorum pertinent, patientes, & in omnibus moribus perfecti, & hic canon caret excommunicatione.

lis emergere antea potuerat inter Clericos & Monachos. concertatio. Quod si quispiam ipsam canonis phrasim, sive locutionem perpenderit, facile percipiet a Latino potius, & quidem inculto tyrone descriptum fuisse, & quidem ad faciliorem Latinorum captum, percipiet itidem recentioris ætatis monumentum esse ex eo etiam, quod ejus nemo ex vetustioribus collectoribus meminerit, non Ivo, non Burchardus, non Regino, alijs que. Porro quicumque hujus canonis auctor extiterit, non dubito, quin hanc ipsam, quæ ibidem traditur, disciplinam, ex Conciliis sui temporis acceperit. Imo suspicor illum habuisse præ manibus acta Synodi celebratæ in Capicastello in Flandria ad annum 1108. sub Pontificatu Paschalis 2. relata a Baluzio in tomo 5. Miscellaneorum pag. 371. Proponitur ibi controversia exorta inter Canonicos Tornacensis Ecclesiæ, & Monachos S. Martini, quod Monachi iidem jura Tornacensis Ecclesiæ sibi vindicarent, præsertim in collationibus Sacramentorum, & sepulturis. Atque inter cetera Capitula illud legitur. *Sepulturam vero Monachis, & eorum conversis liberam Canonici concessere hac conditione interposita, ut nullum de Parochia Tornacensi, nullum de Canonicorum Parochiis propriis, nullum etiam de paribus, & casatis Episcopi, nullum vero de paribus, & casatis pertinentibus sive ad urbem, sive ad castellum ali-*

aliquo modo Monachi præsumerent in sua cimiteria sepelire, nisi permisso, & licentia Canonorum. Hæc Tornacensis Ecclesiæ transactio præbere una cum aliis similibus, quæ tunc temporis ex studio pacis fieri solebant, occasionem huic canonici potuerunt; forte etiam evenire potuit, ut exinde in canonem hunc ipsum Nicæni Concilii nomen irreperet. Etenim contingere potuit auctorem canonis ita scripsisse, aut in inscriptione, aut ad marginem canonis in sancta Turnacena Synodo, quæ verba aut Gratianus, aut quisquis alius ob manuscriptorum difficultates ita legerit. In sancta Nicæna Synodo. Hæc porro dicta sint, non quod revera hæc ita contigisse crediderim, sed ut obscurissimis rebus qualequale lumen adferretur, & quid verosimilius accidere potuerit, indicaretur.

Can. 9. In can. 9. cau. 26. q. 6. Gratianus sequutus est Isidorum Mercatorem, qui eadem verba exhibet in canone 12. ex Nicænis. Paulo aliter scripserant interpretes alii, qui eundem canonem numero 13. inter Nicænos retulerunt. Dionysius Exiguus, quem utpote antiquiorem ceteris præferre soleo, in suum Codicem retulit his verbis: *De his, qui ad exitum veniunt, etiam nunc lex antiqua, regularisque servabitur ita, ut si quis egreditur a corpore, ultimo, & necessario viatico minime privetur. Quod si desperatus, & consecutus communionem, oblationisque participans factus iterum convalescit, sit inter eos, qui communionem orationis tantummodo consequuntur. Generaliter autem omni cuilibet in exitu posito, & poscenti sibi communionis gratiam tribui, Episcopus probabiliter ex oblatione dare debet.* Hunc canonem ad lapsos, & publicæ poenitentiae addictos pertinere nemo est, qui ambigat, quibus, si in extremo vitæ periculo constituti sint, ne viaticum, sive communio denegetur, ex benignitate præscribitur, ita tamen, ut si supervixerint, communionem orationis consequantur. Dubium in primis forte subesse poterit, quidnam viatici, sive communionis nomine in hoc canone intelligendum sit? Quicumque veterum voces juxta receptam hodiernam significationem accipiunt nomine viatici, & communionis Sacram Eucharistiam intelligunt. Ego in Nicæno canone voces a vocibus distinguendas esse crediderim: ubi in principio dicitur, *ultimo & necessario viatico minime privetur*, hujus viatici nomine sanctum Poenitentiae, si-

ve reconciliationis Sacramentum agnosco, quod sane ultimum, & necessarium jure appellari potest. Neque ab hac interpretatione alienum est viatici nomen, quod apud Latinos auctores recipitur, cum enim viaticum dicatur subsidium iter agentibus opportunum, facile percipimus, quemadmodum Poenitentiae Sacramentum necessarium viaticum appellatur, cum sine Poenitentiae Sacramento difficile admodum sit morituris ad æternam vitam progredi. Ubi item subdicitur: *Quod si desperatus, & consequutus communionem, oblationisque participans factus* &c. nihil aliud rursus intelligo, quam reconciliationem Ecclesiasticam Poenitentiae datam, sive concessum absolutionis Sacramentum, quod etiam nomine communionis designari apud veteres consuevit argumento canonis 42. dist. 50. In postremis autem canonis verbis: *Poscenti sibi communionis gratiam tribui*, ego Sacram Eucharistiam intelligo, non ex vi tantum vocabuli, sed ex sententia canonis, qui id iudicio Episcopi probabiliter committit. Revera, qui ex Græcis exemplaribus hodie hunc canonem retulerunt in novos Codices; ita postrema canonis verba Latinitate domarunt: *In summa autem de quolibet excedente, & Eucharistia participationem petente, cum examinatione oblationem impertiat.* Et Justellus in Codice canonum, quem Ecclesiæ universæ adtribuit, ita scripsit: *Generaliter autem omni cuilibet in exitu posito, & Eucharistia participationem petenti, Episcopus cum examinatione oblationem impertiat.* Porro vetustissimis temporibus asperior fuit jurisprudentia sacra, cum potissimum urgerent adversus Christianos insequentes Ethnicis; tunc enim lapsis, licet dein poenitentibus, concedebatur quidem Sacramentalis absolutio in exitu constitutis ante expletos constitutæ poenitentiae gradus, Eucharistia vero denegabatur. At posterioribus sæculis Episcoporum arbitrio relicta est, prudentiæque, ut quotiescumque judicarent expedire, non poenitentiae tantum, sed & sacrae Eucharistiae Sacramentum impertirentur. Id totum nos apertissime docet Innocentius Papa in Epist. 3. ad Exuperium ibi: „ Et hoc quæsitum est, quid de his observare oporteat, qui post baptismum, omni tempore incontinentiæ voluptatibus dediti in extremo fine vitæ suæ, poenitentiam simul, & reconciliationem communionis expostant. De his „ obser-

„ observatio prior durior, posterior in-
 „ terveniens misericordia inclinatio est.
 „ Nam consuetudo prior tenuit, ut
 „ concederetur iis pœnitentia, sed com-
 „ munitio negaretur. Nam cum illis tem-
 „ poribus crebræ persecutiones essent,
 „ ne communionis concessa facilitas ho-
 „ mines de reconciliatione securos non
 „ revocaret a lapsu, merito negata com-
 „ munitio est, concessa pœnitentia, ne
 „ totum penitus negaretur, & durio-
 „ rem remissionem fecit temporis ratio.
 „ Sed postquam Dominus noster pacem
 „ Ecclesiis suis reddidit, jam terrore
 „ depulso communionem dari abeuntibus
 „ placuit, & propter Domini miseri-
 „ cordiam quasi viaticum profecturis,
 „ ne Novatiani hæretici negantis veniam
 „ asperitatem, & duritiam subsequi vi-
 „ deamur. Tribuetur igitur cum pœni-
 „ tentia extrema communitio, ut homi-
 „ nes huiusmodi, vel in supremis suis
 „ permittente Salvatore nostro perpetuo
 „ exitio vindicentur. Itaque liquido
 „ adparet ex his, ante Nicænum Conci-
 „ lium eam fuisse in Ecclesia consuetudi-
 „ nem, ut pœnitentiæ quidem, non Eu-
 „ charistiæ Sacramentum ad extremum æ-
 „ grotantibus concederetur; tum demum
 „ autem Eucharistia etiam, cum reddita
 „ fuit Ecclesiæ pax, præsertim ubi a No-
 „ vatiani austeritate recedendum visum sa-
 „ pientissime fuit, quod per hunc Nicæ-
 „ num canonem, de quo agimus, factum
 „ fuisse facile constat. Quamobrem ita Ni-
 „ cænorum Patrum sententiam explican-
 „ dam esse arbitror, ut initio canonis ve-
 „ rus, & canonica jurisprudentia propo-
 „ neretur de administrando Pœnitentiæ
 „ Sacramento illis, qui in exitu constitu-
 „ ti sunt; deinde vero amplius progres-
 „ sum fuerit ad novam jurisprudentiam
 „ stabiliendam, qua scilicet fieret, ut ex
 „ arbitrio Episcopi morituri etiam conce-
 „ deretur Sacra Eucharistia.

Duo adhuc sunt, quæ in eodem Ni-
 „ cæno canone obscura videntur, atque
 „ indigent interprete. Pertinet primum
 „ ad illa verba: *Quod si desperatus, &*
 „ *consecutus communionem.* Quid, (forte
 „ interrogabis) quid significat vox illa
 „ *desperatus*? Sunt qui ex Græcis exem-
 „ plaribus ita interpretati sunt. *Si autem*
 „ *deploratus* &c. Desperatum, sive deplo-
 „ ratum dixero, cujus salutis nulla pri-
 „ dem spes fuerat, aut deplorabilis ejus
 „ conditio extiterat. Pertinet secundum
 „ ad illa verba: *Sit inter eos, qui com-*
 „ *munionem orationis tantummodo consequun-*

tur. Quales enim, (interrogabis for-
 „) illi sunt, qui orationis communio-
 „ nem tantummodo consequuti dicuntur?
 „ Altum in hac re silentium veteres in-
 „ terpretes servant, neque aliis omni-
 „ no formulis uti maluerunt. Ipsemet
 „ Iosephus Ægyptius, qui Paraphrasin
 „ Nicænorum Canonum adornavit, ita
 „ Nicænum hunc canonem ibidem expo-
 „ suit. *In precibus tantum cum eo commu-*
 „ *nicetur, & ad pœnitentium gradum ne*
 „ *revertatur.* Rem hanc ego arbitror ita
 „ definiendam esse. Erat apud veteres cer-
 „ tus Pœnitentium gradus, qui vel *Pro-*
 „ *fratorum*, vel *Consistentium* dicebatur.
 „ Isti cum fidelibus in Ecclesia permane-
 „ bant, donec ad statam illam cærimoniam
 „ deveniretur, juxta quam pax omnibus
 „ fidelibus in sancto osculo concedebatur
 „ mutuis auspiciis, & salutationibus, qua-
 „ lis ea cærimonia est, quæ etiamnum in
 „ solemnibus Missarum celebrationibus in
 „ parte viget. Etenim ad pacis auspicia,
 „ & consalutationes excipiendas nonnisi
 „ illi fideles admittebantur, qui integre
 „ prorsus, atque perfecte Ecclesiæ aut
 „ adhæsissem semper, aut reconciliati om-
 „ nino fuissent; ceteri vero, qui nondum
 „ perfecta reconciliatione fruerentur, cla-
 „ mante Diacono recedere jubebantur, at-
 „ que hi, qui clamante Diacono recede-
 „ bant, communionem tantummodo oratio-
 „ nis habere dicebantur, quippe qui in
 „ Ecclesia consistebant tantummodo usque
 „ ad orationem Dominicam a Sacerdote
 „ sacra celebrante totius populi nomine
 „ recitatam, postquam subsequebatur obla-
 „ tio pacis, quemadmodum, & hodie usu
 „ receptum est. Cum itaque qui extremi
 „ periculi causa absoluti erant, nondum
 „ Ecclesiæ essent integre, perfecteque re-
 „ conciliati, utpote qui nondum integrum,
 „ & Canonicum pœnitentiæ tempus ex-
 „ plevant, tamen absolutionem semper,
 „ aliquando etiam Eucharistiam Episcopo
 „ arbitrate susceperant, admittebantur
 „ ad sacrorum Communionem, usque ad
 „ orationem Dominicam, post quam exclu-
 „ debantur statim, ne Ecclesiasticæ pacis
 „ omnino participes viderentur, quos pro-
 „ pterea ex Nicæni canonis sententia di-
 „ cere verosimiliter possumus in commu-
 „ nione tantum orationis extitisse.

Canon 4. de pœn. dist. 5. depromtus
 est ex canone 12. Nicæno, quem Dio-
 nysius Exiguus hisce verbis interpreta-
 „ tus est. *Quicumque vocati per gratiam*
 „ *primum quidem impetum monstraverunt de-*
 „ *ponentes militiam singulum, postmodum vero*
 „ *ad*

Can. 4.
de pœn.
dist. 5.

ut propriam vinctum Iuss. relapsi, ita ut quidam & pecunias tribuerent, & beneficiis militiam repeterent, hi decem annis post triennii tempus, quo inter audientiam erant, in afflictione permanent. Sed in his omnibus propositum, & speciem poenitentia convenit explorare: Quotquot enim metu, & lacrymis, atque poenitentia, vel bonis operibus rebus ipsis conversionem suam, non simulatione demonstrant: hi definitum tempus auditionis implentes, tum demum fidelibus in oratione communicant, postmodum vero licebit Episcopo de his aliquid humanius cogitare. Quicumque vero indifferenter tulerunt, & aditum introeundi Ecclesiam sibi arbitrati sunt ad conversionem posse sufficere, hi definitum modis omnibus tempus implebunt. Ceteri interpretes vocibus quidem dissonant, sed in referenda canonis sententia omnino concordant. Plurimum laboraverunt nonnulli ad attingendam Nicænorum Patrum mentem. Neque enim defuerunt viri impudentissimi, qui asserere non dubitarunt Nicænos Patres heic longe a veritate erravisse, quasi crediderint militiam Christianis hominibus virio verti, proptereaquæ derelinquendam esse, ac semel derelictam nusquam amplius suscipiendam gravissimis indiciis Ecclesiasticis poenis, cum tamen jam tum damnati in Ecclesia Manichei fuissent, qui ideo Abrahamum, Moysen, Josue, & Davidem detestati sunt, quod ipsos tanquam strenuos, invictosque bellatores fuisse agnovissent; nuper autem Arelatenfis I. Concilii Patres paullo ante Nicænum ipsum Concilium in can. 3. excommunicatioe damnavissent milites, qui militiæ Sacramentum, datamque fidem violaturi essent, atque a militia ipsa recedere vellet. Alii ne hanc notam Nicænis Episcopis inurerent, metaphorice intelligendum esse asseruerunt Nicænum canonem, ita, ut ubi dicitur a militia recedendum esse, militiæ nomine, non militia ipsa, sed generaliter sæcularia negotia a Christiani hominis institutionibus prorsus aliena intelligantur. Josephus Ægyptius in sua Paraphrasi Arabica ita canonem expendit, ut de iis intelligeret, qui post depositam militiam Monasterium ingressi sunt, vitamque Monasticam professi, deinde vero ad militiam ipsam reverti per Apostasiam desiderant. Alii explicant canonem habita illorum ratione, qui ideo curabant, ut militibus adscriberentur, ut a legibus Ecclesiasticæ poenitentia, quarum pertædebat, solvo-

Tom. I.

rentur. Nemo ex his omnibus veritatem attigit, nec germanam adtulit Canonis interpretationem, quam ex historia tantummodo, certisque temporis illius adiunctis repetere omnino debemus.

Paullo ante Nicænam Synodum Licinius Ethnicus Imperator Christianos omnes diris suppliciis vexaverat, quorum odio illud speciali lege caveret, ut nemo, nisi Dæmoni immolans militiæ cingulo, & honoribus donaretur, & qui donati jam essent, cingulo ipso, & honoribus spoliarentur, nisi Idola colerent, & illis sacra facerent. Refert id Eusebius lib. 10. Histor. Ecclesiast. cap. 8. & lib. 1. de Vita Constantini cap. 14. necnon Zozomenus Histor. Ecclesiast. lib. 1. cap. 1. Hinc quidam Christiani nominis viri militiæ potius cedere voluerunt, quam a vera Christi fide, ac religione deflectere. Baronius ad ann. 298. Macellum Centurionem ita loquentem exhibet: Si talis est conditio militantium, ut Diis, & Imperatoribus sacra facere compellantur, ecce proficio vitam, & cingulum, renuncio signis, & militare renovo. Quidam tamen post desertam militiam, & Christianæ disciplinæ pertæsi, rursus militiam Ethnicorum sequi adamarunt, eandemque ut recuperarent pecunia, & beneficiis datis studuerunt; quam cum assequuti fuissent, proptereaquæ rursus Idolis immolassent, rursus de obtinenda Ecclesiastica venia, deferendaque militia cogitabant. Hujus generis homines adscit Nicænus hic Canon, atque ad eosdem pertinent ibidem præstata Ecclesiastica poenitentia leges, quibus scilicet per triennium inter Audientes, & per decennium inter Prostratos maneat, data tamen Episcopis facultate, ut pro poenitentia modo, siue poenitentium affectionis tempus valeant poenitentia brevius contrahere. Notatu heic dignum occurrit olim duplicem dictam fuisse militiam, castrensem aliam, aliam civilem, quibus vel milites belli gerendi causa instruebantur, vel constituiebantur Republicæ administratores. Utriusque militiæ insigne erat cingulum: hinc milites cingi consuevisse legimus in l. 43. ff. de testamento militis, item in veteribus Sanctorum Patrum Decretis cinctorum iudicum mentionem factam fuisse scimus. Hinc Ambrosius Serm. 7. inquit: Non tantum de his militantibus scriptura loquitur, qui armata militia deservunt, sed quisquis militia sua cingulo utitur, dignitatis sua miles adscribitur. Atque

M

ideo

ideo hac sententia potest dici, verbi gratia, militibus Protectoribus, cunctisque Refforibus, & cuicumque, qui stipendia sibi decreta consequitur. Quum vero memoratum Licinii Decretum ad utramque militiam pertineret, perspicuum etiam sit, Nicænum canonem de utriusque generis militibus a Christi fide deficientibus intelligendum esse.

Demum, qui inter Nicænos Canones postremus est, sive vigesimus, habetur de conf. apud Gratianum in canone 10. de conf. dist. 3. juxta interpretationem Isidori Mercatoris. Dionysius Exiguus ita scribit: *Quoniam sunt quidam in als Dominico genuflectentes, & in diebus Pentecostes, ut omnia in universis locis consonanter observentur, placuit Sancto Concilio stantes Domino vota persolvere.* Antiquissima sane est hujusmodi Ecclesie disciplina; ut nec Dominica die, neque diebus Paschalibus usque ad Pentecosten, quemadmodum jejunia non celebrantur, ita quoque inter orationes, quæ Deo fundimus, genua non flectamus; quemadmodum testatur Tertullianus de corona militis cap. 3. & Augustinus Epist. ad Januarium. Atque ejusdem discipline rationem optimam præfert Isidorus Hispalensis lib. 1. de Ecclesiasticis Officiis cap. 31. inquit: *Idcirco autem totius quinquagesima dies post Domini Resurrectionem resoluta abstinentia in sola latitia celebrantur propter figuram futura Resurrectionis, ubi jam non labor, sed requies erit latitia.* Idcirco his diebus nec genua in oratione flectuntur, quia, sicut quidam sapiens ait, inflexio genuum poenitentia, & luctus indicium est; unde etiam per omnia eandem in illis solemnitate, quam die Dominico custodimus, in qua majores nostri nec jejunium agendum, nec genua esse flectenda ob reverentiam Dominica Resurrectionis tradiderunt. Illud sane hoc in canone observatione dignissimum est, vehementer inducos fuisse Nicænos Episcopos ad hanc disciplinam stabiliendam ita, ut ubique locorum obtineret, ex ea ratione, ut omnia in universis locis consonanter observentur, videlicet, ut eadem vigeret in omnibus Ecclesiis orandi ratio; quamobrem liquet, quanta fuerit veterum Patrum cura, ac sollicitudo, ut etiam in sacris ritibus, ac caeremoniis Ecclesiastica unitas eniteret; etsi enim præcipua debeat esse in Ecclesia unitas fidei, varique identidem apparere soleat sicut temporum, ita & locorum disciplina, tamē

nihil aptius Ecclesiasticæ rei semper esse videtur, quam, præsertim ubi, nihil oblit peculiare, easdem sacrarum caeremonias ubicumque servari.

Non ignoro hunc 20. Nicænum canonem in nonnullis vetustis codicibus desiderari. Desideratur enim apud Rufinum Aquilejensem Presbyterum, qui in cap. 6. lib. 1. Ecclesiasticæ Historiæ duos & viginti Nicænos canones numeravit, quin tamen de eo nullam mentionem faceret. Desideratur in eo Codice, quem Romanæ Ecclesiæ Paschasius Quesnellius adtribuit inter opera Leonis Magni. Asserit præterea Paschasius Quesnellius in sua Dissertatione 12. de Codice Romanæ Ecclesiæ cap. 5. num. 6. desiderari eundem canonem in Arabica Nicænarum canonum collectione, quæ circumfertur. Rursus ibidem num. 4. asserit idem Quesnellius apud Fulgentium Ferrandum Africanæ Ecclesiæ Diaconum eundem canonem referri ad Concilium Sardicense. Verba a Fulgentio Ferrando relata sunt hæc num. 214. *ut diebus Quinquagesima genua non flectantur.* Concilio Sardicensi Tit. 1. Quid tamen, si in quampluribus aliis collectionibus reperiatur? Reperitur autem idem canon in antiquissima Collectione, quam Dionysius Exiguus ex Græcis exemplaribus Romæ divulgavit: Reperitur in Græcis illis exemplaribus, quæ latina fecerunt eruditi quamplures, deque Ecclesiastica Jurisprudencia optime meriti viri. Reperitur in eo Codice, qui appellatur Codex Canonum Ecclesiæ universæ; reperitur in Codice Isidori Mercatoris, reperitur in prisca canonum editione Latina, quam edidit Justellus in Tom. 1. Bibliothecæ Juris Canonici veteris pag. mihi 277. reperitur demum in Breviario Canonico Crisconii Episcopi num. 138. ut alias bene multas collectiones mittam. Neque vero negotium ullum facessere possunt, quæ argumenta deducuntur ex aliorum silentio. Siquidem in primis Rufinus Presbyter Aquilejensis vulgo notari solet auctore ipso S. Hieronymo tamquam falsarius, & alienorum operum depravator; præsertim vero in libris Historiæ Ecclesiasticæ, a quibus se recedere omnino debuisset testatur Socrates in Præfatione ad librum 2. suæ Historiæ. Tantominus aliquid valere poterit Codex Romanæ Ecclesiæ a Paschasio Quesnellio divulgatus, quem sane Romanæ Ecclesiæ veteris fuisse non demonstravit idem Quesnellius, quemadmodum in Præfatione

hujus

hujus libri fute differui. Non est autem ferendum perspicuum illud, & insigne Quesnellii ejusdem mendacium, quo ut suo Codici quandam auctoritatem conciliet, non dubitat dicere canonem illum desiderari in vulgata canonum Arabicorum Nicænorum editione. Aut enim nomine vulgatæ Arabicæ editionis illam intelligit, quæ dicitur Arabica Paraphrasis Josephi Aegyptii; atque in ea canonem hunc numero 20. reperisset Quesnellius, si eam legisset apud Beveregium in fine Tomi 1. & apud Labbeum in Tomo 2. Venerat editionis pag. 67. Aut intelligit canones illos Arabicos, quos

evulgavit Turrianus numero quamplurimos, & rursus video ignotos fuisse Quesnellio, cum in eadem Labbeana editio. ne can. 29. ex Arabicis ita legatur pag. 309. in oratione Dominica diei, & in diebus Pentecostes, & in magnis festis Domini oportet non stantes genua, sed stantes orare, & inclinari. Deo vero, quod ex Ferrando Diacono refertur, parum solliciti esse debemus; cum enim in pluribus vetustissimis Codicibus Sardicenses canones essent Nicænis adnexi, facile fuit Ferrando postremum Nicænum canonem pro Sardicensi primo laudare.

CAPUT VIII.

De Concilio Gangrensi.

Concilii Gangrensis Canones a Gratiano relati illi sunt.

- Can. 15. dist. 28. adversus Eustathii hæresim constitutus.
- Can. 1. dist. 30. adversus Eustathii hæresim constitutus.
- Can. 2. dist. 30. adversus Eustathii hæresim constitutus.
- Can. 3. dist. 30. adversus Eustathii hæresim constitutus.
- Can. 4. dist. 30. adversus Eustathii hæresim constitutus.
- Can. 5. dist. 30. adversus Eustathii hæresim constitutus.
- Can. 6. dist. 30. adversus Eustathii hæresim constitutus.
- Can. 7. dist. 30. adversus Eustathii hæresim constitutus.
- Can. 8. dist. 30. ex melioris notæ exemplaribus emendandus.
- Can. 9. dist. 30. adversus Eustathii hæresim constitutus.
- Can. 10. dist. 30. adversus Eustathii hæresim constitutus.
- Can. 11. dist. 30. ex melioris notæ Codicibus supplendus.
- Can. 12. dist. 30. idem est cum can. 8. dist. 31. ex interpretatione Isidori.
- Can. 13. dist. 30. adversus Eustathii hæresim constitutus.
- Can. 14. dist. 30. adversus Eustathii hæresim constitutus.
- Can. 15. dist. 30. adversus Eustathii hæresim constitutus.
- Can. 16. dist. 30. pertinet ad Appendicem Concilii Gangrensis, quæ in quibusdam exemplaribus desideratur.
- Can. 8. dist. 31. idem est cum can. 12. dist. 30. ex interpretatione Dionysii.
- Can. 9. dist. 31. idem est cum can. 5. dist. 30. ex interpretatione Dionysii.
- Can. 3. dist. 41. jungendus cum can. 16. dist. 30.
- Can. 1. dist. 42. adversus Eustathii hæresim constitutus.
- Can. 37. cau. 17. q. 4. a Gratiani proposito prorsus alienus.

A Pad eruditos rerum Ecclesiasticarum viros incertum omnino tempus est, quo celebratum fuerit Gangrense Concilium, ita dictum a Gangra Urbe Metropoli in Paphlagonia Regione minoris Asiæ. Alii enim hoc Concilium ante Nicænum collocant, circa annum 324., alii ajunt quidem celebratum fuisse ante Concilium Antiochenum anni 341.,

sed post Concilium Nicænum, quin tamen certum omnino tempus deficiant. Qui referunt ad annum circiter 324. ex eo argumentantur, quod in actis ejusdem Synodi Osius Episcopus Cordubensis interfuisse legatur, quem alio tempore subscribere non potuisse Concilio asserunt, quam cum legatione Sylvestri Pontificis Maximi apud Orientales sum-

geretur. Verum hoc argumentum, quo Eminentissimus Baronius utitur, suo momento penitus cadit, si observaverimus Oſii nomen in integris ejusdem Concilii actis desiderari; cſi enim legatur Oſii nomen in quadam vetere Latina versione Epistolę scriptę Concilii Gangrenſis nomine ad Armenos Episcopos, qualis habetur apud Labbeum in Tomo 2. Veneretę editionis pag. 423. in textu tamen Gręco, sicut & in nova interpretatione, quę ibidem edita est, penitus desideratur. Revera in eadem vetere Latina versione Oſii Cordubensis nomen numero 14. adjectum est, sive post alios Episcopos tresdecim, Eusebium, Hypatium, Eulalium, Gregorium, Ālianum, Bithynicum, Olympium, Bassianum, Basilium, Philetum, Heraclium, Pappum, & Eugenium; quod sane verosimile esse non potest, si Oſius Cordubensis legatione Pontificia fungens apud Orientales tum moraretur. His addi potest in prisca canonum Latina editione, qualis habetur apud Justellum in T. 1. Bibliothecę Juris Canonici veteris, nomen Oſii desiderari, licet ceteri, qui in eodem Concilio interfuerunt Episcopi, recenscantur pag. mibi 288. Recensentur autem Eusebius, Ellianus, sive ut aliis placet, Ālianus, Eugenius, Olympius, vel ut aliis placet, Alypius, Bythynius, Gregorius, Feliculus (legunt alii: Philetus,) Pappus, seu Pappus, Eulalius, Hypatius, Proeresius, seu Proheresius, Basilus, Eugenius, & Heraclius. Itaque verosimilius est, hoc Gangrenſe Concilium post Nicęnum habitum fuisse, præsertim cum ita manifeste tradat Dionysius Exiguus, qui in inscriptione Gangrenſium canonum ita præfatur: *Incipiunt Regule Gangrenſes, quę post Nicęnum Concilium expositę sunt*; & in eadem latina editione Justelli ita habeatur: *Hi canones post Sanctam Synodum Nicęnam expositi sunt in Gangram titulos 20.* Idipsum autem testantur recentiores Gręci Balsamon, & Zonarę; quamquam tamen nemo ex his ullibi annum designat, quo Synodus eadem celebrata fuerit, nihilominus facile est conficere ante Synodum Antiochenam anni 341. fuisse peractam, vel quod in vetustissimis Conciliorum Editionibus, in quibus ordo temporum servatur, Canones Gangrenſes Antiochenis præferantur, vel quod Sozomenus in lib. 4. Histor. Ecclesiasticę cap. 24. innuat Eustathium penitus fuisse in Synodo Gangrenſi de-

positum, quam perjurii in Antiochenis convictum.

Hoc Gangrenſe Concilium Provinciale fuit, scilicet duodecim Episcoporum, quemadmodum in pluribus codicibus habetur, vel decem trium, vel quindecim, vel etiam sexdecim, quemadmodum in aliis exemplaribus. Atque ejusdem Concilii acta in universam Armeniam vulgata fuerunt, uti constat ex illius Epistola Synodica, quę habetur in præfatione Concilii. Quamobrem liquet hujus Synodi acta primum in Armenia fuisse recepta, deinde vero eximiam auctoritatem obtinuisse etiam apud Occidentales Ecclesias, postquam præsertim Symmachus Papa in Concilio Romę habito testatus est, Gangrenſes Canones Apostolica auctoritate fuisse conditos, deinde vero Leo IV. Britannię Episcopus Gangrenſes canones sequendos proposuit in can. 1. dist. 20.

Canones Concilii Gangrenſis viginti numero sunt, præter Conclusionem illis adnexam, in qua clarius Sancti Patres mentem suam explicaverunt. Horum autem sententiam ut facilius percipiamus, animadvertenda erit causa Concilii. Quidam Eustathius (non jam ille Sebastianus Episcopus in Armenia, quemadmodum gravissimis conjecturis ostendit Baronius ad annum 361. & Binius in suis notis ad Concilium Gangrenſe; sed alius obscuri nominis) austeriorem vitam rationem professus, (non sane Monasticam, seu Cœnobiticam; uti quibusdam libuit; etenim nulla ante S. Basilium in Armenia fuit Cœnobiticę vitę professio, teste eodem Basilio Epist. 63. & 79.) docere cepit, nuptias a Deo esse penitus improbatas, & quidem ita acri studio id prædicavit, ut plures hæreseos suę sectatores nactus esset, pluresque exinde viri uxores suas dimittere, & viceversa a viris uxores recedere minime dubitarent, promiscuis potius sese adulteriis maculantes, quam conjugalis thori fidem amantes. Hinc Eustathius idem Ecclesiam Dei, eaque omnia, quę in ipsa Ecclesia fiebant, omnino contemnens privatis suorum conventiculis delectabatur, novoque vestimenti genere, quo a ceteris secerneretur, indutus, mulieres etiam ad virilem illum specialem habitum suscipiendum invitabat, primitias, & oblationes sibi & suis, veluti viris Deo peculiari ratione devotis vindicabat; atque etiam ut a ceteris Christianis disciplina morum distingueretur, etiam

etiam Dominico die jejuniis indicabat, servabatque; Martyrum basilicas, sacraque in ipsis peracta contemnebat, nullos demum salutem aeternam consequi posse asserbat, nisi qui spretis hujusce seculi commodis, sectæ suæ adscriberentur. Hæc porro hæresis universam propemodum Orientalem Ecclesiam, præsertim in Armeniæ Provincia susdeque turbaverat; quamobrem opus fuit Concilio, quo hæc omnia improba, superstitiosaque Eustathii capita damarentur, totidem oppositis capitibus publica auctoritate constitutis, qualia sunt, quæ in Gangrensi Concilio edita proponuntur.

Can. 15. Atque jam exinde percipimus sententiam canonis 15. dist. 23. qui idem est cum can. 4. Concilii Gangrensis ita concepto ex interpretatione Dionysii Exigui: *Quicumque disceat a Presbytero, qui uxorem habuit, quod non oporteat a ministrante de oblatione percipere, anathema sit.* Gratianus sequutus est Isidorum Mercatorem, cujus sane interpretatio cum Dionysii, aliorumque interpretatione concordat. Directus erat hic canon adversus Eustathium, qui cum nuptias abominaretur, eas oblationes penitus detestabatur, quæ a conjugato Presbytero consecratæ fuissent. Huc referendum censeo canonem illum, qui legitur in Pontificali Romano edito ab Antonio Augustino tit. 7. cap. 12. ibi: *Sprevisti missam, vel oblationem conjugati Presbyteri, ita dico, ut nolle tua peccata sibi confiteri, vel ab eo accipere Corpus, & Sanguinem Domini, ob hoc, quia peccator tibi esse videretur, anno anno panis in pane, & aqua per legitimas ferias.*

Can. 1. Ad eandem Eustathii hæresim damnandam pertinet can. 16. Gangrensis, cujus verba hæc sunt apud Dionysium Exiguum: *Quicumque filii a parentibus, sub prætextu divini cultus abscidunt, nec debent reverentiam dependere illis, qui divinum cultum sibi vocant dubio præferunt, anathema sit.* Quum enim Eustathius filios familias præsertim, a parentum domibus evocatos prætextu religionis, ac pietatis in Deum ad sua Conventicula pertraheret, opus erat fidelium Parentum filios in officio adeo continere, ut ad improbas hujusmodi societates minime diverterent. Retulit hunc canonem Gratianus in can. 1. dist. 30. sequutus de more suo Isidori Mercatoris interpretationem.

Can. 2. Non solum autem Eustathius, uti superius diximus, filios familias a Paterna

domo, sed & uxores a maritorum consortio religionis prætextu abstrahabat, Hinc Gangrenses Patres in canone 17. definiunt ex interpretatione Dionysii: *Si qua mulier propter divinum cultum, ut asserat, crines detonet, quas si Deus ad subjectionis memoriam tribuit, tamquam præceptum dissolvenda obedientia, anathema sit.* Hunc canonem retulit Gratianus in can. 2. dist. 30. sequutus interpretationem Mercatoris. Idipsam confirmavit Theodosius Imperator lege lata, ne uxores a maritis suis religionis causa recedere audent, quemadmodum refert Sozomenus lib. 7. histor. Ecclesiast. cap. 26. Nonnihil autem videtur contrulisse ad hanc disciplinam stabilendam, quam Paulus Apostolus ait in Epistol. 1. ad Corinth. cap. 12. ibi: *Si vero turpe est moliori sonderi, aut decalvari, vel caput suum. Vir quidem non debet velare caput suum, quoniam imago, & gloria Dei est, mulier autem gloria viri est &c.*

Eodem pertinet canon 3. dist. 30. qui est idem cum can. 14. Gangrensi. Gratianus sequutus est Isidorum Mercatorem, apud quem non constans est, & eadem ubique exemplarium Scriptura, alicubi enim legitur: *nuptias condemnando*, alieubi: *nuptias condemnando*. Dionysius Exiguus hisce verbis canonem interpretatus est: *Si qua mulier virum proprium relinquens, discedere voluerit, nuptias exsecrans, anathema sit.* Alii ex Græcis exemplaribus ita scripserunt: *Si qua mulier relinquat maritum, & recedere velit, matrimonium abhorrens, sit anathema.* Vix est, quod in hac interpretatione non varietate obervemus: illud constantissimum est, canonem hunc adversus Eustathianorum hæresim conditum fuisse, quam sequentes uxores a maritis divertere non dubitabant, uti superius memorabam.

Eodem etiam spectat can. 4. dist. 30. id est adversus eandem Eustathii hæresim. Habetur ille in canone 20. ex Gangrensis. Gratianus verba ab Isidoro mercatore depromsit. Dionysius Exiguus hæc exhibet: *Si quis ex his, qui virginitatem propter Dominum servant, extolitur adversus conjugatos, anathema sit.* Alii Græca exemplaria ita latinitate donarunt: *Si quis eorum, qui virginitatem servant propter Dominum, in conjugatos insultet, sit anathema.* Non sane Gangrenses Patres conjuges virginibus comparandos esse voluerunt, sed ita adven-

fur Eustathium pugnarunt, ut qui virgines esse volunt, conjugia minime damnent.

Can. 5. *Arque id clarius expresserant* Gangrensis dist. 30. *quos Patres in can. 9. quem Gratianus idem retulit in can. 5. dist. 30. et in interpretatione Isidori Mercatoris, quæ cum paullisper depravata sit, hoc in loco erit describenda. Ita habet Isidorus:* Si quis vel virginitatem, vel continentiam professus, tamquam abominabiles nuptiarum judicet, & non propter hoc solum, quod continentia, & virginitatis bonum sit, sanctumque propositum, anathema sit. Non omitto tamen referre etiam interpretationem Dionysii Exigui, ita scribentis: Quicumque virginitatem custodiens, aut continentia studens, velut horrescens nuptias temerat, nec propter hoc quod bonum, & sanctum est, nomen virginitatis adsumit, anathema sit. Idem Gratianus hoc ipsum caput ex hac Dionysii interpretatione rursus attulit in can. 9. dist. 31.

Can. 6. *Diximus præterea Eustathium mulieres eo induxisse, ut a marito recedentes singulatam in signum religiosæ susceptæ vitæ vestem induerent, qua demonstrarent se Eustathianis conventibus, & dogmatibus addictas. Adversus hanc consuetudinem editus est canon 13. Gangrensis, relatus in can. 6. dist. 30. & quidem hic canon 6. videtur consonare cum interpretatione Isidori Mercatoris ita scribentis:* Si qua mulier suo proposito utile judicans, ut virili veste utatur, ad hoc viri habitum imitatur, (legunt alii: ad hoc, ut virile habitum imitetur) anathema sit. Dionysius Exiguus ita scripsit: Si qua mulier propter continentiam, quæ putatur, habitum mutat, & pro solito muliebri, amictum virilem sumit, anathema sit.

Can. 7. *Tantum austeritatis speciem apud suos exhibere voluit Eustathius, ut adversus christianorum disciplinam diebus præsertim Dominicis jejunaret, jejunandumque juberet. Quam consuetudinem improbarunt Gangrenses Patres in can. 18. relato apud Gratianum in canonem 7. dist. 30. Vulgatam Isidori Mercatoris editionem videtur sequutus Gratianus, in qua legitur:* Si quis tamquam hoc continentia convenire judicans, die Dominico jejunaverit, aut in eisdem diei contemptum, anathema sit. Dionysius Exiguus paulo aliter habet ibi: Si quis propter continentiam, qua putatur, aut contem-

nam in die Dominico jejunat, anathema sit. Alii vero ex Græcis exemplaribus hæc verba canonem interpretati sunt: Si quis propter eam, qua existimatur, exorcitationem in Dominico jejunat, sit anathema. Nomine exorcitationis ibi non alia intelligitur, quam quæ ab Eustathio pia, ac religiosa prædicabatur. Perperam autem meo judicio adversus ceterorum Interpretum, atque exemplarium fidem hunc canonem exposuit Alexius Aristæus Græcus Interpres ibi: Qui diem Dominicum, vel Sabbatum jejunare peragit, anathema; præterquam quod enim nihil tale in Concilio ipso reperitur, nulla erat occasio Gangrensis Patribus, cur id ipsum de die Sabbati definirent, quod de die Dominico definitum fuerat, cum in eorum tantum reprehendaenda essent Eustathii jejunia, quod ipse Dominicum diem, diem apud christianos specialis gaudii ob memoriam Dominicæ resurrectionis, venerari negligeret.

Can. 8. *Prosequitur Gratianus, & in can. 8. ejusdem dist. 30. describit can. 19. ex Gangrensis, sequutus sane Isidorum Mercatorem, quatenus, ut arbitror, Typographorum, aut Amanuensium incuria hodierna editio Gratiani cum Isidoro omnino non consonet. Ita habent vulgatæ Isidori editiones:* Si quis eorum, qui in proposito sunt continentia, præter necessitatem corporalem, & superbians, jejunia communia totius Ecclesiæ paraverit contemnenda, perfectam in sua scientia vindicans rationem, anathema sit. Et quidem cum hac eadem sententia consonat Dionysii Exigui interpretatio his verbis: Si quis eorum, qui continentia student, absque necessitate corporea tradita in commune jejunia, & ab Ecclesia custodita superbiendo dissolvit, stimulo suæ cogitationis impulsus, anathema sit. Tradit Zonaras id in more Eustathianorum fuisse, ut primum unusquisque illorum singulis diebus usque ad certum tempus jejunaret, quo elapso quasi perfectionis apicem consequuti essent, ab omni jejuniorum lege Ecclesiastica soluti haberentur, quorum opinionem Bogotemicam hæresim appellavit Balsamon in commentariis ad hunc eundem Gangrensem canonem.

Can. 9. *Pergit Gratianus, & in can. 9. ejusdem dist. 30. refert canonem ultimum, seu 20. Gangrensis Concilii juxta interpretationem Isidori Mercatoris. Brevis ex Græcis exemplaribus alii ita scripserunt.*

vunt. Si quis arrogantia mentis, martyrum Congregationes abhorreat, & sacra, qua in eis celebrantur, & eorum memorias accuset, sit anathema. Et Dionysius Exiguus: Si quis superbia usus affe-
Can. 10. *dist. 30.* *Si conventus nominatur, qui ad confes-*
iones martyrum celebrantur, & ministe-
ria, qua in eis sunt, simul cum eorum
memoriis execratur, anathema sit. Etiam
in hoc canone damnatum Eustathii schis-
ma aperte conspiciamus. Atque huc etiam
pertinet canon 5. Concilii Gangrensis,
qui juxta interpretationem Ildori Merc-
atoris idem omnino est cum can. 10. dist.
30. apud Dionysium autem Exiguum ita
exprimitur: Si quis docet domum Dei con-
temnibilem esse, & conventus, qui in ea
celebrantur, anathema sit.

In canonem 11. dist. 30. retulit Gra-
Can. 11. *dist. 30.* *tianus canonem 6. Gangrensem editum*
adversus conventicula memorati Eusta-
thii, & quidem Gratianus Ildori Merc-
catorem sequi maluit, sed nonnulla ver-
ba ejusdem omisit; etenim integer Ildo-
ri canon ita exprimitur: Si quis extra
Ecclesiam privatum populum congregans,
contemnat Ecclesiasticas sanctiones, ali-
terque ea, qua sunt Ecclesia, voluerit us-
urpare, non conveniens Presbytero juxta
Decretum Episcopi, ipsamque Ecclesiam
apud se sine consilio Episcopi, & sine Pre-
sbytero agat, anathema sit. Dionysius
Exiguus paucioribus verbis integrum ca-
nonem exhibet: Si quis extra Ecclesiam
seorsum conventus celebrat, & despiciens
Ecclesiam, ea, qua sunt Ecclesia, volue-
rit usurpare, non conveniente Presby-
tero, juxta Decretum Episcopi, Anathe-
ma sit.

Primus Canon Concilii Gangrensis re-
Can. 12. *dist. 30.* *fertur a Gratiano, tum in can. 12. dist.*
30. tum in can. 8. dist. 31. ex diversis
tamen veterum interpretationibus; nam
Gratianus in can. 12. sequutus est Ildo-
rum Mercatorem; at in 8. sequutus est
Dionysium Exiguum. Qualicumque au-
tem recipiatur interpretatio, eadem ut-
robrique sententia erit, ideo lata, ut
hæresis damnetur Eustathii, qui le-
gitima conjugia impudentissime detesta-
batur.

Secundus canon Gangrensis legitur
Can. 13. *dist. 30.* *apud Gratianum in can. 13. dist. 30.*
juxta interpretationem Ildori Mercato-
ris, quæ Gratiano eidem fuit valde fa-
milialis. Dionysius Exiguus ita retulit:
Si quis carnes edentem præter sanguinem,
& idolis immolatum, & suffocatum cum
religione, & fide condemnat, velut spem,

propter hujusmodi percipiendum, vat ha-
 bentem, anathema sit. Occasionem huic
 canoni definiendo etiam dedit idem Eu-
 stathius, qui ab esu carnium omnino ab-
 stinendum fidelibus esse consuebat, non
 solum illarum, quas idolis immolatas pro-
 ponerentur, aut ubi sanguis, & suffoca-
 tum adesset juxta Apostolicam discipli-
 nam, de qua in Actibus Apostolorum
 legitur, sed generaliter existimans car-
 nium esum a principio malo profecti,
 quod jamdiu etiam asseruerant Manichæi.

In celebrandis conventibus suis Eusta-
 thius religionis prætextu non solum avo-
 cavit liberos a parentibus, conjuges ob
 conjugibus, quemadmodum agnovimus ex
 can. 1. 2. & 3. dist. 30. verum etiam
 parentes a liberis, ita ut sæpe sæpius
 contingeret, ut liberi paternis bonis ob
 parentum ipsorum discessum destituti hu-
 mano omni subsidio carebant. Quominus
 id fieret, vetuerunt Gangrenses Antisti-
 tes in can. 15. quem Gratianus descri-
 psit in can. 14. dist. 30. semper ex in-
 terpretatione Mercatoris, apud quem ta-
 men vocum aliquarum diversitas obser-
 vatur. Ita habet Mercator: Si quis de-
 reliqueris proprios filios suos, ut non eas
 aliat, atque vis secundum pietatem neces-
 saria non praveris, sed sub occasione
 continentia negligendos putaveris, ana-
 thema sit. Dionysius Exiguus eadem ser-
 vata sententia his verbis canonem exhi-
 bet: Si quis filios suos relinquens, non
 eos nutrit, & quod ad se pertinet, ad
 pietatem divini cultus informat, sed per
 occasionem continentia negligit, anathe-
 ma sit.

Eustathiani, ut diximus, singularem
 omnino vestem, a ceteris distinctam as-
 sumserant, vestem quandam humilem,
 & philosophicæ non abfimilem, quam
 Dionysius Exiguus, & Ildorus Mercator
 pallium, alii amiculum, alii ex Graeco
 vocabulo peribolæum appellaverunt.
 Iusitatum illud erat vestimenti genus,
 non quidem humilitatis, sed schismatis
 potius fovendi causa susceptum. Repro-
 batum propterea jure optimo fuit in ca-
 none 12. Gangrensi, sive in can. 13. dist.
 30. apud Gratianum. Porro Gratianus
 consonat omnino cum interpretatione Ildo-
 ri Mercatoris. Dionysius Exiguus pe-
 nitus concordat ita scribens: Si quis vi-
 vorum propter continentiam, quæ putatur,
 amittit pallii utitur, quasi per hoc ha-
 bere se justitiam credens, & despiciens eos,
 qui cum reverentia hyrcis, & aliis com-
 muniibus, & solitis utuntur, anathema
 sit.

si. Alii Græcorum exemplarium fidem sequentes ita scripserunt: *Si quis vir propter eam, qua existimatur, pietatis exercitationem amiculo utatur, & tamquam ex eo iustitiam habens, condempnet eos, qui cum pietate beres ferunt, & alia communi, & consueta veste utuntur, sed anathema.* Porro amiculi, seu pallii nomine non aliud intelligitur, quam vestis sordida, & abjecta, quam induere cum suis Eustathius adamaverat; at byrrus, seu berus erat vestis decora; etiam edim proprie byrrus purpuream colorem significet, facile tamen pro genere splendidiorum vestium usurpari potuit. Hinc Cassianus de institut. lib. 1. cap. 7. de Monachis ait: *byrrorum pretia simul, ambitionemque devitant.* Et S. Augustinus serm. 50. de diversis ait: *Offeratur mihi byrrum pretiosum, forte deceat Episcopum, quamvis non deceat Augustinum, id est hominem pauperem de pauperibus natum.* Itaque cum certum fuerit apud sanctissimos Patres, veram morum sanctitatem in habitu non consistere, aliquando autem sub vestium sordibus, ac sub specie religionis, & pietatis latere vitia, & quidem eximia, in hac etiam parte dammandi fuerant Eustathiani, ex eo, quod habitu a cæteris distincto & squallido uti vellent, eos aspernantes, qui politiore indumento ornatiores essent, atque cum hominibus viventes humanos usus honestatis regulis non adversantes sequerentur.

Can. 16. Atque hæc contra Eustathianos iure
dist. 30. optime constituta fuerant; ne vero viderentur Gangrenses Episcopi vestium
Ecan. 5. humilitatem cum animi virtute conjunctam penitus reprobasse, post viginti editos canones ita prosequuti sunt: *Hæc autem scripsimus non abscindentes vos &c.* Habentur hæc in can. 16. dist. 30. apud Gratianum, post cujus postrema illa verba, *& operibus bonis non abjicimus.* hæc immediate sequuntur: *& parsimonium cum veste humili non reprobamus,* cum reliquis, quæ idem Gratianus refert in can. 5. dist. 41. omnia tamen ex interpretatione Isidori Mercatoris, cum qua Gratianea verba conveniunt, si loco illarum vocum *supra viros* has substituamus *juxta viros.* Dionysii Exigui interpretationem etiam in hac Patrum Gangrensium adjunctione non omittam. Ita Dionysius: "Hæc autem scripsimus, non, qui in Ecclesia Dei secundum scripturas sanctam, propositum continentie eligunt, viros aspernantes, sed eos, qui abutuntur

, proposito in superbiam, & extolluntur adversus simpliciores, abscindimus, & damnamus eos, qui adversum scripturas, & Ecclesiasticas regulas nova introducunt præcepta. Nos autem & virginitatem cum humilitate admiramus, & continentiam, quæ cum castitate, & religione suscipitur, adprobamus, & renunciationem sæcularium negotiorum cum humilitate recipimus, & nuptiarum castum vinculum honoramus, & divitias cum iustitia, & operibus bonis non spernimus, & habitum simplicem, ac vestem viliorum, pro corporis diligentia infucatum laudamus, sicut etiam solutas, ac fractas in vestibus processiones reprobamus. Et domos Dei honoramus, & conventus, qui in his fiunt, tamquam sanctos, & utiles suscipimus, pietatem in privatis domibus non claudentes, sed omnem locum in nomine Dei ædificatum honoramus, & Congregationem in eadem Ecclesia factam pro utilitate communi recipimus. Et bona opera, quæ supra vires in fratres pauperes exercentur, secundum Ecclesiasticas traditiones beatificamus, & omnia, quæ per sanctas scripturas, & per Apostolos sunt tradita, in Ecclesia celebrari exoptamus." Animadvertit ad hæc Philippus Labbeus abesse hanc Appendicem a quibusdam, sed paucis Latinis MSS. Codicibus, & ab editione cum Græca, tum Latina Codicis canonum Ecclesiasticorum Christophori Justelli; legi autem tum in Græcis Balsamonis, & aliorum editionibus. Ceterum hæc Appendix congrua maxime fuerat, ne Gangrenses Patres adversus Eustathianam hæresim pugnantes viderentur in oppositum e diametro errorem viam ternere plurimis, qui minus sapienter Gangrensis Canonibus usi fuissent, quin ad temporum illorum adjuncta accurate respicerent.

Non ex interpretatione Isidori Mercatoris, uti in more habuit, sed potius
Can. 1. Dionysii Exigui depromsit Gratianus
dist. 42. canonem 11. Gangrensem relatum in can. 1. dist. 42. Ibi etiam damnati sunt Eustathiani, quod sacros Christianorum conventus averterentur. De vetere agaparam consuetudine, cujus ibi mentio fit, nemo est ex Interpretibus, qui non differat. Tantum ego tradam, quod ad hunc canonem scribit Zonaras, scilicet veteres fideles consuevisse, ut sacrorum mysteriorum participatione refecti simul ad epn-

epulandum posset convenirent, ita scilicet, ut cibus a divitiarum potu ministratis ad convivium ipsi quoque pauperes ab iisdem advocarentur. Cuius quidem rei Magnus etiam Paulus Epistola ad Corinthios meminit, eosque, quod abolita pristina consuetudine jam non una omnes epularentur, sed unusquisque suam comam privatim absumeret, oburgans, alium quidem esurire, alium ebrium esse conqueritur. Hanc consuetudinem tunc quoque retinentes mutua inter se convivia fideles intrabant, quas quidem eo, quod ob charitatem ex fide celebrarent, agapas vocitabant.

Can. 37. Rursum Isidori Mercatoris interpretatione usus est Gratianus in can. 37. cau. 17. qu. 4. qui consonat cum canone 3. Gangrensi. Dionysius Exiguus ita canonem descripsit: *Signis servum pretextu divini cultus doceat Dominum contemnere proprium, ut discedat ab ejus obsequio, nec ei cum benevolentia, & omni honore deserviat, Anathema sit.* Et id adversus Eustathium definiendum erat, qui non

tantum parentes a filiis, filios a parentibus, conjuges a conjugibus abstraherebat pretextu religionis, quemadmodum agnovimus ex cau. 1. 2. 3. & 14. dist. 30. verum etiam servos concitabat, ut a Dominis suis omnino recederent, suæque hæreseos Affectis jungerentur. Porro hic canon ita, quemadmodum docet, explicatus, longe omnino distat a proposito Gratiani; etenim Gratianus totus est in ea questione, ut agat de servis ad Ecclesiæ septa confugientibus, uti liquere potest potissimum ex verbis Gratiani post canonem 31. tantum autem distare video, quantum inter sese distant recipi in Ecclesias, & ad Eustathianorum sectam ab Ecclesiâ deflectere, eorundemque hæreticorum superstitionibus adhærere. Quamobrem magis magisque liquet in Gratiani fragmentis semper considerata esse causarum, & rerum, de quibus agatur, adjuncta, ne forte Gratianum manducantem sequentes incommodis interpretationibus, & conclusionibus a veritate rei penitus deflectamus.

CAPUT IX.

De Concilio Antiocheno.

Ex Concilio Antiocheno sequentes Canones a Gratiano deprompti sunt.

Apud veteres reprobati, posteriore tamen ætate recepti.

- Can. 4. dist. 18. paullo varius in diversis exemplaribus.
 - Can. 3. dist. 65. ex interpretatione Dionysii Exigui restituendus.
 - Can. 9. dist. 71. ad meliorum Codicum fidem exigendus.
 - Can. 5. dist. 92. ad meliorum Codicum fidem exigendus.
 - Can. 7. dist. 92. in Chalcedonensi Concilio probatus.
 - Can. 8. dist. 92. in Chalcedonensi Concilio probatus.
 - Can. 1. cau. 6. q. 4. ex diversis exemplaribus explicandus.
 - Can. 5. cau. 6. q. 4. perperam a pluribus explicatus.
 - Can. 24. cau. 7. q. 1. ad meliorum Codicum fidem exigendus.
 - Can. 25. cau. 7. q. 1. paullo varius in diversis exemplaribus.
 - Can. 3. cau. 8. q. 1. paullo varius in diversis exemplaribus.
 - Can. 6. cau. 9. q. 2. varius in diversis exemplaribus.
 - Can. 7. cau. 9. q. 2. varius in diversis exemplaribus.
 - Can. 2. cau. 9. q. 3. varius in diversis exemplaribus.
 - Can. 5. cau. 10. q. 1. paullo varius in diversis exemplaribus.
 - Can. 2. cau. 11. q. 3. ad meliorum Codicum fidem exigendus.
 - Can. 6. cau. 11. q. 3. paullo varius in diversis exemplaribus.
 - Can. 23. cau. 12. q. 1. paullo varius in diversis exemplaribus.
 - Can. 3. cau. 21. q. 5. perperam a quibusdam expositus.
 - Can. 27. cau. 23. q. 8. plurimum consonat cum can. 2. cau. 21. q. 3.
- ¶ ex melioribus Codicibus supplendus.

SI Romanam excipiamus Ecclesiam, in qua honor Ecclesiastici Primatus ex
Tom. I.

Sancto Petro, imo ex divina ipsa institutione dignoscitur, honorabilis præteris

teris esse videtur Antiochena, utpote quam ipse etiam Petrus Princeps Apostolorum instituit, atque tamquam ejusdem Civitatis Episcopus per plures annos administravit; hinc eadem Antiochena Ecclesia pluribus privilegiis omnino auctoritate illustris extitit, atque a Sancto Hieronymo in Epist. 61. ad Pammachium *vetus Orientis Metropolis* appellata fuit. In ea plures antiquissimis Ecclesiarum sæculis celebrati fuerunt Episcoporum conventus, quorum quidem aliqui hæreticis adhærentes Episcopos auctores habuerunt, ut plurimum vero Catholicorum Episcoporum fuerunt, atque ad rectum Ecclesiarum regimen stabiliendum facti fuerunt. Quid memorem hic Concilium Antiochanum Apostolorum, de quo agitur in actibus Apostolicis cap. 15. occasione controversiæ, quæ cum suborta fuerat, num Ethnicis ad Christianam religionem venientes prius circumcidi deberent, quam baptizarentur? Celebratissimum etiam Concilium illud est, sive quod anno 266. sive quod anno 272. adversus Paulum Samosatenum habitum est, quamquam tamen utriusque acta temporum injuria perierint, nec ad nostram usque ætatem pervenerint. Nonnulla præter hæc Concilia Antiochena sunt post Nicænum celebrata, sive anno 341. sive anno 360. sive anno 363. horum autem omnium hodie acta non supersunt, exceptis Canonibus illis, qui numero quinque & viginti a vetustissimis sacrorum canonum Collectoribus recensentur. Pertinent isti ad Synodum illam, quam S. Athanasius habitam fuisse scribit Marcellino, & Probrino Consulibus, sive anno Domini 341. ad quam nonaginta Episcopi convenerant, aut nonaginta & septem, quemadmodum scribit Hilarius in lib. de Synodis, & Sozomenus in lib. 3. Hist. Ecclesiasticæ cap. 5. Porro celebrandæ hujus Synodi occasio fuit dedicatio, sive Eucænia celeberrimi Antiocheni templi, quod Constantinus Magnus ædificare cæperat, & Constantinus filius, idemque in Imperio successor absolverat, uti scribit Athanasius de Synodo Ariminensi, & Socrates lib. 2. Hist. Eccles. cap. 8. Quam enim plures ad solemnem templi dedicationem vocati Episcopi convenissent, operæ pretium esse duxerunt, quædam interea ad Ecclesiasticam disciplinam stabiliendam communi suffragio constituere. Ex iis tamen Episcopis, qui eo accesserant, quamplures usque ad triginta de Arianorum

hæresi suspectos fuisse Historici omnes tradunt, inter quos nominant Eusebium Cæsariensem Arianorum facile Principem; atque ipsi propterea cum essent Constantio Augusto, qui Arianis favere videbatur, acceptissimi, primos quoddammodo in Concilio obtinuerunt honores, summamque præterea auctoritatem imperantis fulci patrocinio explicarunt. Vulgaris fama eo aliquando perrexit, ut traditum fuerit quosdam ex istis Episcopis dissoluto Concilio convenisse simul, ut privata sententia Athanasium Nicænæ fidei defensorem strenuè damnarent, atque inauditum a sua sede deicerent. Hæc in causa fuerunt, cur penes antiquos Antiocheni hujus Concilii canones non solum levis momenti habiti fuerint, verum etiam rejei, tamquam Pseudo Episcoporum reprobanda placita. Sic S. Johannes Chrysostomus cum ab adversariis suis contra se oppositum fuisse accepisset duodecimum canonem ex Antiochenis, respondit se illius auctoritate minime teneri, tamquam in eo conventu editi, qui ex Arianis Episcopis celebratus fuisset, quemadmodum referunt Socrates lib. 6. Hist. Eccles. cap. 18. & Sozomenus lib. 8. cap. 20. Præterea S. Athanasius in lib. de Synodis Ariminensi, & Seleuciæ, & Innocentius Papa in Epist. ad Clerum Constantinopolitanum apud Sozomenum lib. 8. Hist. Ecclesiast. cap. 26. rejecerunt acta ejusdem Concilii ex ea ratione, quod ab hæreticis Episcopis confecta fuissent. Horum veterum, & gravissimorum Patrum exemplo non desunt hodie etiam ex recentioribus, qui hujus ipsius Concilii acta contemnant, ipsique omnem omnino denegent auctoritatem. Nonnulli autem hodie parce magis, ac sobrie de hac re iudicandum esse censuerunt; etenim singulos Concilii Antiocheni canones ad exactam trutinam revocantes distinxerunt illos, qui Arianorum doctrinam continere videbantur, ab iis, qui sacros Antistites, & Catholicos Auctores videntur habuisse, ac dein posterioris generis canones venerantur, prioris generis omnino improbant, detestanturque. Alii demum agnoscunt, quanto in pretio habiti fuerint sequente ætate apud omnes canones illi, qui Antiocheni dicuntur, satis percipere non potuerunt, quomodo recepti maxime fuerint canones illi, qui hæreticos homines habuerunt Auctores, proptereaque aliud Concilium Antiochenum proprio ingenio effinxerunt, & dissin.

distinctum omnino ab eo, quod Athanasius, Chrysostomus, & Innocentius improbaverunt. Mihi nulla placere potest ex his opinionibus; potius enim dixerq ab initio quidem acta hujus Concilii fuisse suspecta ob hæreticos Episcopos, qui Concilio interfuerant; deinde tamen cum agniti fuerint, ea, quæ in Concilii Canonibus continentur, maxime utilia esse ad disciplinam optimam Ecclesiasticam stabiliendam fuisse Ecclesiarum ferme omnium usu recepta, atque probata. Quod ab initio Athanasio, Chrysostomo, & Innocentio displicere potuit, pertinebat ad Episcopos Arianos, qui ad Synodum venerant; sed deinde constitit plures Episcopos Catholicæ fidei assertores, ac vindices in eodem Concilio tulisse sententiam, item canones omnes, qui ibidem editi fuerunt optimos esse, nihil autem germanæ fidei, & sacrorum disciplinæ contrarium continere; quid igitur morari poterat studiosos canonum cultores, ne canones istos reciperent, aut in rebus Ecclesiasticis definiendis illis uterentur? De hac ergo Synodo honorifice loquutus est S. Hilarius de Synodis adversus Arianos ita scribens: *Expositio Ecclesiastica fidei, qua exposita est in Synodo habita per Encanias Antiochena Ecclesia consummata, quam exposuerunt, qui adfuerunt Episcopi 97. cum in suspicionem venisset unus ex Episcopis, quod prava sentiret &c.* Honorifice ejusdem meminit Leo IV. Pontifex Maximus in Concilio Romano 67. Episcoporum inquit: *Quid aliud arbitrari, aut proferre valemus, nisi ut Sancti Patres, qui in Antiocheno Concilio residentes tertio capitulo promulgaverunt, & inviolabiliter statuerunt?* Imo idem Leo IV. Antiochenos eosdem canones, tamquam optima Ecclesiasticæ disciplinæ documenta, observandos proposuit Episcopis Britanniarum in can. de libellis dist. 20. Quid vero amplius dabitari de Antiochenorum canonum auctoritate potest, postquam noverimus illos fuisse in Concilio Chalcedonensi adductos, atque communi Episcoporum suffragio ibidem comprobatos? Memoro actionem 4. Concilii Chalcedonensis, in qua relatus Antiocheno canono 5, ita sequitur: *Omnes Reverendissimi Episcopi clamaverunt: Hac jussa Regula Patrum.* Relatus est inde cum approbatione singulorum canon 4. & canon 5. Denum illud est observatione dignum, Collectores etiam veteres non omisisse in suis Codicibus eosdem canones Antioche-

nos; ut enim omittam Codicem illum, qui vulgo creditus est Ecclesiæ universæ, ubi post canones Gangrenses subiecti exhibentur 25. Antiocheni, Dionysius Exiguus totidem retulit Antiochenos canones, & quidem nomine *Regularum expositarum apud Antiochiam in Encanias 25.* post canones Gangrenses, & ante Laodiceos, Est præterea prisca Latina collectio a Justello edita, pag. mihi 291. Tom. 1. in qua habentur iidem canones 25. Antiocheni, qui in *Dedicatione* editi dicuntur. Antiochenos præterea hujusmodi canones reculit in suum Codicem Fulgentius Ferrandus, Griscinius, Martinus Bracarensis, ut alios recentiores omittam. Quam vero plures ex Antiochenis istis canonibus iidem sint, qui inter canones vulgo Apostolicos referuntur, nova mihi suboritur suspicio de nomine Apostolicorum canonum; forte enim Auctor, ac compilator illorum voluit Antiochenos hosce canones describere; eos autem verbatim Antiochenorum nomine designare, ne forte suspecti essent apud veteres, apud quos, ut diximus, suspectum fuerat Antiochenum ipsum Concilium, quamobrem Apostolicos potius appellare voluit, ratus Apostolicos dici posse canones illos, qui in ea Urbe, quam Apostolorum Princeps Sanctus Petrus instruxit in fide, & cujus sedem Episcopalem diutius occupavit, conditi fuerant.

Hæc generatim de Antiochenis canonibus præfatus, devenio ad fragmenta Gratiani. In primis exhibeo canonem 4. dist. 18. qui consonat cum can. 20. ex Antiochenis fere juxta interpretationem Isidori Mercatoris, quam, uti alias sæpe observavi, Gratianus fere semper sequutus est in Græcis canonibus referendis. Non recedam ego a Dionysio Exiguo, qui aliis verbis ita interpretatus est exemplaria Græcorum: *Propter utilitates Ecclesiasticas, & absolutiones earum rarum, qua dubitationem, controversiamque recipiunt, optima placuit, ut per singulas quasque provincias bis in anno Episcoporum Concilia celebrentur. Semel quidem post tertiam septimanam festi Paschalis, ita ut quarta septimana Pentecostæ conveniat Synodus.* (Gratianus hic legit: *Synodus compleatur.* Sed Isidorus Mercator scribit: *parfici Concilium possent;* alii autem ex Græco textu ita explicaverunt: *parficiatur Synodus*) *Metropolitano Provinciales Episcopos admonente. Secunda vero Synodus fiat idus Obobris, idest*

Can. 4.
dist. 18.

quintodecimo die mensis Octobris: (Gratianus scripsit non decimumquintum, sed decimum. Sane Isidori Mercatoris Editiones exhibent decimumquintum, sicut & editio codicis canonum Ecclesie universae. Sed Graeca exemplaria hodie vulgata exhibent diem decimum, quemadmodum etiam prisca latina editio apud Justellum Tom. 1. pag. mifi 265.) quem Hyperboream Graci cognominant. In ipsis autem Conciliis adsint Presbyteri, & Diaconi, & omnes, qui se laicos existimant, & Synodi experiantur examen. Nullis vero liceat apud se celebrare Concilia, praeter eos, quibus Metropolitanis videntur esse iura commissa. Huic canonum plurimum congruet canon 36. ex vulgo Apostolicis unde demonstratur, quod superius assereram, olim sententias Concilii Antiocheni Apostolicorum canonum nomine editas fuisse, ac publice propositas. Huc etiam pertinet canon 15. dist. 18. qui licet referatur a Gratiano quasi ex Concilio Martini Papa, hujus tamen Concilii nomine Antiochenum intelligitur, ita appellatum, quod in collectione Martini Bracarenfis laudaretur. Sed haec inferius suo loco.

Can. 3. dist. 65. Ad canonem 3. dist. 65., qui decimusnonus est inter Antiochenos, adnotarunt Romani Corretores consulendum esse versionem Dionysii Exigui, utpote quae Graecis verbis melius respondet. Sane Gratianus Isidorum sequutus fuerat. Ea vero, quid Dionysius scripserit: *Episcopus praeter Synodum, & praesentiam Metropolitanam nullatenus ordinetur. Hoc autem modis omnibus coramposito, melius quidem est, ut omnes simul adsint ejusdem provinciae Sacerdotes, quos Metropolitanus Episcopus advocare debet, & si quidem omnes occurrerint, optime; quod si hoc difficile fuerit, saltem plures adesse omnino convenit, aut certe scriptis ejusdem sententia comprobari, & ita sub plurimorum vel praesentia, vel Decreto ordinatio celebretur. Quod si seorsus contra definita factum fuerit, nullas ordinationes vixit habeat, si vero juxta definitam regulam fiat, & nonnulli pro contentione propria contradicunt, obtineat sententia plurimorum.* Consonant haec cum canone 4. & 6. ex Nicenis, ex quibus fragmentum est in can. 1. dist. 65. Idem autem dicitur in canone 2. ejusdem dist. 65., quem Gratianus inscripsit nomine Concilii Martini Papa, quod sane Concilium idem est cum Antiocheno, ita dicto, quod in

collectione Martini Bracarenfis legatur. Rursus in can. 9. dist. 71. Gratianus. *Can. 90* sequutus est Interpretationem Mercatoris *dist. 71-* ris in canone 7. ex Antiochenis. Verum depravata est tum Gratiani, tum Isidori Scriptura, nec cum Graecis, nec cum antiquissimis Latinis editionibus conveniens. Dionysius Exiguus ita habet: *Nullus peregrinorum sine pacificis, idest commendatitiis suscipiatur Episcopis.* Prisca editio Latina Justelli exhibet: *Nullum sine formata suscipere peregrinum.* In Codice canonum, qui dicitur Ecclesiae universae sic legitur: *Nullus peregrinorum sine pacificis suscipiatur.* In eoque Gratianus depravatum canonem edidit, quod de Clericis singulariter expressit, qui generaliter de peregrinis omnibus fuerat constitutus. Sane posteriores Interpretes etiam Graeci canonem hunc de Clericis tantummodo exposuerunt: Ait Zonaras: *Externos porro hoc loco non omnes, qui ex alia regione in aliam forte se conferunt, sed Clericos, qui ex alia in aliam Ecclesiam proficiunt, intelligit.* Sed haec interpretatio cum disciplina potius posterioris temporis convenit, quam cum Germana canonis Antiocheni sententia; Hoc autem fuit frequens Interpretum quorundam erratum, quod auduerint canones veteres juxta suorum temporum mores, quoad fieri posset, accommodare; quum propterea peregrinis tantummodo Clericis, non etiam Laicis formatae Epistolae recentiore aetate concedi consueverint, de Clericis tamen modo non de Laicis canonem Antiochenum intellexerunt. Deinde si invicem conferantur variae illae editiones, quas nuper expressi, aliis quampluribus junctis, quae passim apud Collectores canonum leguntur, videntur promiscue acceptae fuisse literae formatae, literae pacificae, & literae commendatitiae, quando tamen Antiochenus canon & juxta Dionysium Exiguum, & juxta Graeca exemplaria de pacificis exprimitur. Quae sane omnia ut recte, commodèque percipiantur, observatione dignum est, eam apud veteres fuisse Ecclesiarum omnium consuetudinem, ut fideles omnes, advenas praesertim, & peregrinos opportunis subsidii juvarent, ubi praesertim illi bono sui Episcopi testimonio freti accederent. Etenim plurimum intererat cognovisse, utrum advenae iidem justa de causa, non ex schismate, aut dissidendi animo a patria sua abessent, ne forte contin-
geret,

geret, ut alimenta Ecclesiastica impro-
bis hominibus concederentur, & seditio-
fis adversus mentem offerrentium. Itaque
solebatur Episcopi fidelibus sibi subiectis,
& peregre proficiscentibus literas dare,
quæ generatim *formas* appellabantur.
Duplilis autem erant generis, quæ pro
personarum qualitate, & conditione tri-
buebantur, quarum alie *pacifice*, alie
commendatitia dicebantur. Porro *pacifi-*
ca quibuscumque concedebantur modo
non indignis, nec seditionis; At *com-*
mendatitia tantum dabantur viris de
Ecclesia benemeritis, sive doctrina, sive
pietate spectabilibus. Constat id mani-
festissime ex can. 11. Concilii Chalcedo-
nensis juxta interpretationem Dionysii
Exigui, ubi hæc habentur: *Omnes pau-*
peres, & indigentes auxilio, cum profici-
sentur sub protectione, Episcopalis, vel
Ecclesiasticis pacificis tantummodo commen-
dari decrevimus, & non commendatitiis
dicoris, propter quod commendatitias li-
teras honoratioribus tantummodo præstari
personis conveniat. Generalis ergo disci-
plina excipiendi, fovendique peregrini-
antes Christianos erat quidem Apostolo-
rum ipsorum institutionibus probatissi-
ma, quemadmodum constat ex Epistola
3. S. Johannis ad Gajum, ubi sic legi-
tur: *Charissima fideliter facis, quidquid*
operaris in fratres, & hoc in peregrinos,
qui testimonium reddiderunt charitati tua
in conspectu Ecclesie. Sed non eadem erat
in singulis excipiendis ratio, quemad-
modum non erant eadem singulorum in
Ecclesiam merita, quorum sane conve-
nieas erat mentionem fieri per *commen-*
datitias, per quas de peregrini, seu Cle-
rici, seu Laici conditione constaret.

Can. 5.
dist. 92.
Canon 5. dist. 92. idem est cum can.
18. Antiocheno, & quidem ex interpre-
tatione Dionysii Exigui, licet tamen
Gratiani editio in quibusdam vocibus
corrupta videatur. En vulgatam Diony-
sii editionem: „ Si quis Episcopus ordi-
natus ad Parochiam minime, cui est
electus, accesserit, non suo vitio, sed
quod cum aut populus viset, aut pro-
pter aliam causam, non tamen ejus
vitio perpetrata, hic & honoris sit,
& ministrii particeps, dummodo nil
molestum Ecclesie rebus existat, ubi
ministrare cognoscitur: Quem etiam
observare convenit, quidquid Syno-
dus perfecta Provinciæ, quod visum
fuerit, judicando decreverit. “ Alii
ita Græcum canonem interpretati sunt:
„ Si quis ordinatus non ierit ad paro-

„ ciam, ad quam est ordinatus Episco-
pus, non sua quidem culpa, sed pro-
pter populi recusationem, vel aliquam
„ aliam causam, quæ a se non oritur:
„ is sit & honoris, & muneris parti-
„ ceps, dummodo nullam rebus Ecce-
„ siæ, in qua convenio, molestiam ad-
„ ferat. Is autem id suscipiat, quod
„ perfecta Provinciæ Synodus, quoad
„ se allatum est, judicando, statuerit: “
Clarius videtur posterior hæc interpre-
tatio. Si quis vero interrogaret, qualis
habenda sit perfecta Synodus, facile res-
ponderi posset ex canone 16. ejusdem
Antiocheni Concilii, qui idem est cum
can. & dist. 92., ubi dicitur perfectum
illud dici Concilium, cui *Metropolitanus*
Episcopus interfuerit.

Rursus Dionysii Exigui, non Isidori Can. 7.
dist. 92.
Mercatoris interpretationem sequutus
videtur Gratianus in can. 7. dist. 92.,
qui idem est cum canone 17. Antioche-
no. Quædam tamen ex vulgata Diony-
sii editione sunt emendanda. Ita habet
illa: „ Si quis Episcopus manus im-
positionem Episcopatus acceperit, &
„ præesse populo constitutus minis-
„ trum subire neglexerit, nec adque-
„ verit ire ad Ecclesiam sibi commissam,
„ hunc oportet communione privari,
„ donec susceperit coactus officium, aut
„ certe de eo aliquid integra decreve-
„ rit ejusdem Provinciæ Synodus Sacer-
„ dotum. “ Quænam nomine integra
Synodi veniat, dinosci potest ex can.
8. dist. 92., qui idem est cum can. 16.
Antiocheno.

Et quidem in eo referendo Gratianus Can. 8.
dist. 92.
neque Dionysium Exiguum sequutus est,
neque Isidorum Mercatorem. Verba
Dionysii hæc sunt: „ Si quis Episco-
pus vacans in Ecclesiam vacantem
„ profiliat, sedemque pervadat absque
„ integro, perfectoque Concilio, hic
„ abjiciatur necesse est, etsi cunctus po-
„ pulus, quem diripuit, eum habere
„ delegerit. Perfectum vero Concilium
„ illud est, ubi interfuerit Metropoli-
„ tanus Antistes. “ Harmenopolus in
epitome ejusdem canonis ita sententiam
ipsam Concilii digessit: *Etiā vacans*
Episcopus, si absque integra Synodo, (in-
tegra autem est, quā & Metropolitanus
adest & in Ecclesiam vacantem insi-
derit, licet ita Civitatis illius populus
voluerit, rejiciendus est. Hujus canonis
auctoritas, simul & antecedentis, idest
canonis 7. dist. 92. maxime venerabilis
esse debet, cum secitati ambo fuerint.

a Leontio Episcopo in Concilio Chalcedonensi, quemadmodum constat ex actione 11. Concilii ejusdem Chalcedonensis, quorum canonum vi Bassianus, & Stephanus Episcopatu Ephesi pulsi sunt dignitate tantum, sive honore; communionem tamen, & necessariis ad vitam sustentandam iis concessis.

Cam. 1. Romani Correctores ad can. 1. cau. 6.
can. 6. qu. 4. duo potissimum, aut emendare
qu. 4. voluisse, aut revera emendasse videntur. In primis cum agnovissent dictum canonem 1. in editione Gratiani memorari non nomine Concilii Antiocheni, sed potius Laodicensi, novissentque pariter legi illum non inter canones Laodiceños, sed inter Antiochenos, jure optimo pro Laodiceno Concilio voluerunt legi debere Antiochenum; praesertim cum vetustissimum haberent Gratiani exemplar, in quo idem canon Antiocheni Concilii nomine legebatur. Huic errato facilem occasionem praebere potuerunt veteres canonum Collectiones, in quibus Laodicensi canones immediate Antiochenis subjiuntur; propterea exinde qui legerent, poterant Antiochenos canones pro Laodicenis scribere, & viceversa. Deinde vero in expositione canonis asseruerunt Graecum exemplar valde dissonare a versione Gratianea, ita postremo subjicientes: „Ac sane quod Metropolitanus ad alterius Metropolitanum vocationem deberet venire, re, atque in eodem Concilio duo Metropolitani futuri essent, vix videtur convenire.“ An hæc posterior observatio æque feliciter cesserit, quemadmodum prior, judicare non audeo. Tantum eo contentus ero, si varias Interpretum vetustiorum, ac meliorum versiones adducam; quas unusquisque conferre deinde poterit cum canone Gratiano. Agitur heic de canone 14. ex Antiochenis. Et quoniam Gratianus sequutus esse videtur versionem Isidori Mercatoris, primo loco adferam verba canonis juxta eundem Isidorum ita expressa: „Si quis Episcopus de aliquibus causis criminalibus in judicio Episcoporum fuerit accusatus, contingat autem de ipsis Episcopos Provinciae, & alios quidem innocentem cum pronunciare, alios reum; propter hujuscemodi itaque controversiam amputandam, placuit Sanctae Synodo Metropolitanum Episcopum alterius vicinae Provinciae advocari oportere, & aliquantos cum eo Epi-

scopos alios, qui pariter residentes, quaecumque fuerint, dirimant questiones, propter hoc, ut firmum sit judicium, quod ab unius Provinciae Episcopis fuerit promulgatum.“ Dionysius Exiguus ab hac sententia nullo modo distat, ita scribens: „Si quis Episcopus de certis criminibus iudicetur, & contingat de eo Provinciales Episcopos dissidere, cum iudicatus ab aliis innocens creditur, reus ab aliis; pro totius ambiguitatis absolutione Sanctae Synodo placuit, ut Metropolitanus Episcopus a vicina Provincia iudices alios convocet, qui controversiam tollant: ut per eos simul, & per Provinciales Episcopos, quod justum visum fuerit, adprobetur.“ In Codice, qui appellatur canonum Ecclesiae universae eadem ferme verba leguntur. Non memoro hic praesentem illam Latinam canonum editionem, quam publicam fecit Justellus in Tom. 1. suae Bibliothecae, in ea enim hic canon Antiochenus minus integer reperitur ob vetustatem forte MS. Codicis, qui in ea parte oblitteratus est pag. mihi 294. Fulgentius Ferrandus eundem canonem ita perstringit: *ut. 6. de accusato Episcopo multa sententia fuerint Episcoporum, Metropolitanus alterius Provincia convocetur. Qui vult ad Martini Bracarensis collectionem confugere, perpendat canonem 2. can. 6. qu. 4. Gentianus Hervetus ex Graecis exemplaribus ita est interpretatus: Si quis Episcopus ob aliqua crimina iudicetur, deinde contingat Episcopos, qui sunt in Provincia (alii vertunt: Episcopos Provinciae) de eo dissentire; illis quidem eum, de quo fertur sententia, innocentem pronunciantibus, his vero reum; pro tota componenda controversia visum est S. Synodo, ut Metropolitanus Episcopus ex propinqua Provincia alios eundem iudicatos, & controversiam decisuros, & cum Provincialibus, quod probatum fuerit, confirmet. Alii postrema hæc verba ita exposuerunt: Alios evocet iudices, qui controversiam dirimant, cum Provincialibus, quod probatum fuerit, confirmando. Neque sane ego video ab hisce interpretationibus distare interpretationem, quæ adfertur a Romanis Correctoribus, quorum sententia cum ceteris in eo concors est, ut scilicet in Episcoporum causis in Concilio Provinciali discussis, accedere debeant ad Synodum Provinciae finitimas Episcopi, ipsi etiam*

fini

limitarum Provinciae Metropolitanus ad id invitatus, ut iudicium & ipse, & alii Episcopi ferant, ubi penes Provinciales Episcopos jampridem congregatos dubitatio aliqua emerferit, aut in ferendo suffragio in aequales partes vota singulorum distracta fuerint. Neque video turbamur jurisdictionem Metropolitanorum in hac parte, ex eo quod duo Metropolitanus ad idem Concilium vocati conveniant, cum in primis versetur res in mutuis officiis, quae a Metropolitanis invicem praestanda praescribuntur, deinde Metropolitanus, qui tamen iudex extra ordinem accedit, injuriam nullam ordinario facit Metropolis Principi, nec ullam gradus sui injuriam patitur, quemadmodum saepissime fieri id ipsum contingit in delegationibus diversorum iudicum supremi Imperantis auctoritate factis. Demum etiam si Metropolitanus iusaliquatenus per hanc Concilii Constitutionem imminueretur, nihil repugnat; etenim ubi Ecclesiarum utilitas exigit, non adeo subtiliter de iuribus Personarum disputandum est: Qua ratione Concilium Tridentinum statuit, ut Episcopi exempti eligant sibi Metropolim, ad quam statuto tempore ad Concilia celebranda convenire teneantur. Sess. 24. de reformation. cap. 2.

Vulgo sese intricatissimis disputationibus agitant Interpretes ad Germaniam intelligentiam consequendam canonis 5. cau. 6. qu. 4. quidem est cum can. 15. ex Antiochenis juxta Isidorum Mercatorem. Dionysius Exiguus ita scripsit: *Si quis Episcopus de certis criminibus accusatus condemnatur ab omnibus Episcopis ejusdem Provincia, cunctisque consonanter eandem contra eum formam Decreti protulerint, hunc apud alios nullo modo iudicari, sed firmam concordantium Episcoporum Provincia manere sententiam.* Non memoro interpretationes alias, siue veterum, siue recentiorum; omnes enim unam exhibent, eandemque sententiam. Sisto in controversiis Canonistarum, exinde quaerentium, utrum talis, tantaque fuerit apud Antiochenos Episcopos Conciliorum Provincialium auctoritas, ut ab illorum Sententia deneganda prorsus appellatio sit, siue ad Synodum superiorem, siue ad aliam quamcumque etiam in Ecclesia maxima potestatem? Christianus Lupus ita credidit ex hoc Antiocheni Concilii canone posse deduci, proptereaque occasionem hinc arripuit

detestandi & canones, & Synodum ipsam Antiochenam. Balsamon Graecus Interpres paucis sese expedit, remque omnino se absolvisse arbitratus est ita concludens: *Præsens canon sublatu est a quarto canone Synodi Sardicensis.* Balsamonis opinio mihi placere non potest animadvertenti, agi de duobus Conciliis Antiocheno, & Sardicensi ætate valde proximis, in quibus non est facile præsumenda unius respectu alterius abrogatio; quod & ipse Balsamon agnovisse videtur, dum ita subdit: *Sin autem hoc nolis dicere, interpretare canonem, ut superius dictum est, & dic fieri condemnationem a Synodo, in quam non cadit appellatio, ut a Papa, vel a Patriarcha Constantinopolitano.* Sed hæc rursus explicatio non satis convenire videtur verbis Antiocheni canonis de Provincialibus Archiepiscoporum omnium Conciliis expressi, quem propterea restringere fas non est ad sola Concilia Romani Pontificis, vel Constantinopolitani Patriarchæ juxta mentem Graecorum. Alexius Aristenus asserit quidem hoc canone interdictam esse quamcumque appellationem a Conciliis Provincialibus interponendam, eos tamen qui contra sentiunt, benignius, humaniusque sentire, ac propterea anteferendos esse Antiochenis ipsis Patribus; imo eo etiam progreditur, ut asserat contrariam opinionem placuisse eisdem Antiochenis Episcopis in can. 4. Ego consentire non possum hujusmodi expositioni canonis, juxta quam ejusdem Concilii Episcopi uno, eodemque iudicio sibi met ipsi adversari fuisse credantur. Illustrissimus de Marca cum pluribus Gallicani Regni Episcopis ex hoc canone prædixerunt, supremum esse Conciliorum Provincialium iudicium, a quo nulla amplius appellatio admittatur lib. 7. cap. 2. de concordia Sacerdotii, & Imperii. Gratianus, quem Canonistarum ferme omnium, ac præsertim Italorum turba sequuta est, post relatum hujusmodi canonem ita subdidit: *Subintelligendum vero est, nisi ad iudicem majoris auctoritatis fueris provocatum. Tunc enim per appellationem soluta sententia firmitatem non obtinet.* Mihi sage tem hanc ad rectam rationem redigenti ab omnibus hisce Interpretibus recedendum videtur, atque ita omnis dirimenda controversia, ut & appellationibus ad superiores ordines faciendis nihil detrahatur, & simul salva maneat Antiocheni Concilii optima constitutio, quod utrumque præ-

Can. 5.
cau. 6.
q. 4.

præstare studioso sacrorum canonum cultori elaborandum est.

In primis itaque nemo ex Catholicis, atque Religiosis viris debet derogare quidpiam Ecclesiastico ordini, quo fit, ut quemadmodum infima per media, ita media per suprema commode dirigantur; quemadmodum ergo Clericis Episcopi, & Episcopis Archiepiscopi præfati sunt, ita & Archiepiscopis Primates, Patriarchas, ipsum denique Pontificem Maximum Superiores agnoscimus. Quum vero superior ille dicatur, qui inferiorum errata corrigere valeat, aliter non possumus supra Provincialia Metropolitana Concilia Superiorem dicere, nisi qui possit de sententiarum ab ipsis prolatarum iniquitate judicare, illamque agnitam per appellationem emendare, id exigit recta Rei cujusque publicæ administratio, adeo ut nonnullis placuerit non ex gentium tantum, sed & naturali ipso jure appellandi ab inferioribus ad superiores concedendam esse facultatem.

Quibus tamen ita constitutis, nihil omnino detrahitur Antiocheno canoni. Habet hæc observationes suas jucundas, & nitidas, quas etsi aëmo ex interpretibus, quod ipse noverim, hucusque fecerit, arbitror tamen improbatum non iri. Animadverto apud veteres, receptissimas quidem fuisse boni publici causæ appellationes, ne scilicet innoxii impune ob quorundam judicum imperitiam, siue improbitatem damnarentur; non tamen appellationes istas in Reipublicæ ipsius dispendium retorqueri aliquando potuisse, quod sane contigisset, si facta fuisset litigantibus potestas appellandi perpetuo, etiam post sententias pluries repetitas per diversos judices, vel Magistratus. Coercenda etiam fuerat nimia perpetuo appellandi licentia, ne forte improbi homines jam pluries damnati appellationibus introductis lites perpetuas facerent, & nonnisi raro temeritatis suæ pœnis subjacerent. Hinc sapientissime aliquando constitutum est, ut qui post duplex, aut triplex judicium damnatus fuerit, amplius appellandi facultatem non habeat. Id primum apud Græcos obtinuit, apud quos vetustissima fuit lex, qua post tertium judicium, in quo concors judicentium sententia haberetur, appellandi potestas denegabatur. Testem appello Platonem, qui in dialogo 6. de legibus, vel legumlatione pag. mihi 308. ita scribit: *Qui litigant, ad vicinjs pri-*

mum, & amicos, & maxime rei, de qua quaritur, conscios se convertant. Quod si per eos non sufficienter fuerit judicatum, ad aliud judicium profectantur. Tertium vero, si per duo superiora reconciliati non fuerint, suam impoant. Tertium ergo judicium apud Orientales erat postremum, ex quo appellare amplius damno non liceret. Quæ sane disciplina, utpote & Civili, & Ecclesiasticæ utilitati conveniens, fuit ad Occidentem producta, receptaque propterea ab Justiniano l. un. Cod. ne liceat in una ead. causa tertia provocare auth. Si quis litigantium Cod. de Episc. audient, probata demum a Pontifice Maximo in cap. 65. de appellationibus.

Quis exinde facile non deducat, qualis omnino fuerit Antiochenorum Episcoporum mens, ubi post concordem Concilii Provincialis sententiam nihil præstidii amplius, aut effugii damnatis superesse voluerunt? videlicet ordo causarum Ecclesiasticarum is erat, ut primo res coram Episcopo loci disouteretur, deinde post ejus sententiam ad Metropolitanum deferretur; demum vero ad Concilium, in quo omnium Comprovincialium Episcoporum auctoritas intercederet. Et sane, si concors omnium sententia in Concilio fuisset, qualis etiam in superioribus judiciis per Episcopum, atque Archiepiscopum prodita fuerat, quæ plenæ Concilii sententiæ, nisi temere litigans acquiescere non debuisset? loquimur sane de provinciali Concilio, in quo non triplex tantum concors judicium agnoscere fas est, sed tot judicia, quot Episcopi sunt, qui ad Concilium convenerunt. Arbitror itaque his me vere assequutum esse mentem Patrum Antiochenorum, qualis etiam ex verbis Antiocheni canonis luculenter adparet. Quid enim aliud significare videntur verba illa: *ab omnibus Episcopis, & consonanter, & illa: firmam consonantium Episcoporum &c.* Atque eo melior hæc mea interpretatio videri debet, quo per illam difficultates omnes, quæ ceteros agitant Glossographos, & Scriptores ferme universos, commode extricantur.

Siquis vero adhuc opponendum censeat canonem quartum Sardicensem, ex quo deduci videtur apud veteres Concilii Provincialis sententiam non habitam fuisse tamquam supremam, facile conciliaverim ajendo in Sardicensi Concilio de ea causa agi, quæ non concordi Episcoporum omnium judicio finita fuisset;

Sic; nec enim aliquid huiusmodi continetur ibidem, unde constet consonantem undequaque & concordem fuisse Episcoporum omnium sententiam. Nec etiam in hac re discutienda penitus dubitarem ulterius progredi, ajendo, quemadmodum Sardicensis Synodus Occidentaliū potissimum Episcoporum erat, proptereaque juxta receptas Occidentis regulas judiciorum definiverat, ita Concilium Antiochenum Orientalium Episcoporum judiciales canones juxta Græcorum jurisprudentiam definivisse. Sane ex illis, quæ nuper proponebam, liquet manifeste, apud Græcos jamdiu a tempore Platonis eam viguisse jurisprudentiam, ut tertium judicium concordium judicium pro supremo haberetur. In conspectu hujus Græcorum consuetudinis, quid aliud statuere poterant Antiocheni Patres, quam nullam aliam expectandam esse sententiam post judicium Concilii Provincialis prolatum unanimes Episcoporum omnium consensione? At hæc detriplīconformi judicio doctrina nondum ad Orientales pervenit, nisi post Constitutionem Justiniani Imperatoris in dicta l. un. Cod. *ne liceat in una &c.*, ac propterea multo post Concilium Sardicense. Quid ergo aliud statuendum erat a Sardicensibus Occidentalibus Episcopis, sequentibus morem patriæ suæ, quam ut perpetua usque ad superiorem maximum appellatio concederetur? Fuit omni ætate sapientissima Ecclesiasticorum Patrum œconomia, qua, ubi nihil specialiter sacris canonibus receptum esset, civilium legum principiis canones accommodarent. Quamobrem in diversis provinciis diversa disciplina recepta est ex eo, quod diversæ essent legum civilium dispositiones, aut quod varii mores, qui legum instar obtinent, proponerentur. Nemo enim ignorat, unicuique Episcopo in Ecclesiasticis Constitutionibus faciendis suæ potius Provinciæ moribus, quam alienis inhærendum esse.

Can. 24. In Canone 3. hujus Antiocheni Concilii habetur Canon 24. cau. 7. qu. 1., qui fere consonat cum interpretatione Isidori Mercatoris. Exhibebo nunc ex Collectione Dionysii Exigui. Ita ille: *Si quis Presbyter, aut Diaconus, & omnino quilibet ex Clero Parochiam propriam deserens, ad aliam properaverit: dein omnino demigrans in alia Parochia per multa tempora vitetur immerari, ultioribus ibidem non ministris: maxime si*
Tom. 1.

vocanti suo Episcopo, & regredi ad propriam Parochiam communiter obedire contempserit. Quod si in hac indisciplinatione perdurat, a ministerio modis omnibus removeatur, ita ut nequaquam locum restitutionis inveniat. Si vero pro hac causa damnatum alter Episcopus suscipiat, hic etiam a communi coarcentur Synodo, velut qui Ecclesiastica Constituta dissolvat.

Quod autem de Presbyteris, aliisque inferioribus Clericis statutum est in dicto can. 3. statuitur de Episcopis in can. 21. Antiocheno, qui refertur in can. 23. cau. 7. qu. 1. Gratiano semper sequente Isidorum Mercatorem. Non præteribo ego interpretationem Dionysii, præsertim quod nonnihil varietatis & in verbis, & in sententia canonis deprehendatur. *Episcopus ab alia Parochia nequaquam migrat ad aliam, nec sponte sua prorsus insiliens, nec vi rogamus a populis, nec ab Episcopo necessitate compellitur* (paullo aliter alii ex Græciæ exemplaribus: *nec ab Episcopis constituitur*: auctor Codicis Ecclesiæ universæ apud Justellum ait: *nec ab Episcopis necessitate compellitur*). Auctor præscæ Latinæ Collectionis apud eundem Justellum pag. mibi 295. Tom. 1. ita habet: *Nequa ab aliis quibus Episcopis constituitur*). *Mantent autem in Ecclesia, quam primitus a Deo sortitus est, nec inde transmigret, secundum pristinum de hac re terminum constitutum.*

Canon 3. cau. 8. qu. 1. de promoveus est ex canone 23. Antiocheno, & quidem juxta versionem Dionysii Exigui Romani Correctores expunxerunt a Codicibus Gratiani verba hæc: *& electio Clericorum*. Revera neque apud Dionysium Exiguum; neque apud Isidorum Mercatorem, neque apud Græcos habentur. Verum hæc adhuc leguntur in præscæ illa Collectione Justelli, quam pluries jam memoravi, ibi: *Non aliter fieri nisi aut cum Synodo, & judicio Episcoporum, & maxima electio Clericorum* pag. 295. Tom. 1. ubi forte legendum erit: *electione Clericorum*. Quamquam vero in hoc canone cautam luculenter adpareat, neminem ex Episcopis posse sibi in Episcopatu successorem designare, non tamen hoc perpetuum fuit; Scimus enim viros sanctissimos, quorum exempla improbata non sunt, id fecisse, suadente Ecclesiarum quarundam utilitate. Sic Eusebius lib. 6. Histor. Eccles. cap. 11. & cap. 32. testatur a Narcisso Hierosolymorum Episcopo Alexandrum, a Theotecto Cæsareæ Palestinæ Episcopo Ana-

tolium sibi substitutum fuisse, ut omit-
tam vulgata exempla Severi Milevitani,
& Valerii Hipponensis, de quibus men-
tionem fecit S. August. Epist. 110.

Canon 6. cau. 9. q. 2. legitur in can.
can. 6. 13. Antiocheno juxta interpretationem

can. 9. Midori, exceptis iis verbis: *nec ab aliis
q. 2. illuc trahatur Episcopis*, pro quibus apud
Isidorum hæc leguntur: *nec alios illuc
secum adtrahat Episcopos*. Romani Cor-
rectores Græca verba, una cum illorum

interpretatione subjecerunt, observan-
tes etiam Dionysii versionem aptius,
quam Gratiani exemplar, exprimere sen-
tentiam Græci textus. En verba Dio-
nyssii: "Nullus Episcopus ex alia Pro-
vincia audeat ad aliam transgredi, &
ad promotionem ministerii aliquos in
Ecclesiis ordinare, licet consensum vi-
deantur præbere nonnulli, nisi literis
tam Metropolitanis, quam ceterorum,
qui cum eo sunt, Episcoporum, roga-
tus adveniat, & sic ad actionem or-
dinationis accedat. Si vero nullo vo-
cante inordinato more deproperet fu-
per aliquibus ordinationibus, & Ec-
clesiasticis negotiis ad eum non perti-
nentibus, componendis, irrita qui-
dem, quæ ab eo geruntur, existant;
ipse vero incompoti motus sui, &
irrationabilis audaciæ subeat ultio-
nem, ex hoc jam damnatus a sancto
Concilio".

Memorato canon 13. Antiocheno plu-
rimum consonat 22., qui apud Gratia-
num refertur in can. 7. cau. 9. qu. 2.,
ubi Gratianus imitatus videtur interpre-
tationem Isidori Mercatoris; quamquam
hæc in nonnullis quandam habeat vo-
cum varietatem. Itaque Isidorus Merca-
tor ita scripsit: "Episcopum non de-
bere in alienam intruere civitatem, quæ
illi probatur non esse subiecta, neque
in regionem, quæ ad ejus curam mi-
nime dignoscitur pertinere, ad aliquid
ordinandum, neque Presbyteros, ne-
que Diaconos constituere ad alios E-
piscopos pertinentibus, nisi forte cum
consilio, & voluntate propriæ regio-
nis Episcopi. Quod si quispiam horum
aliquid audere voluerit, irrita quidem
erit hujusmodi ordinatio, & is, qui
male usurpaverit, a Synodo arguatur.
Nam si ordinare non potuerit, nulla-
tenus alterius Parochianum judicare
non præsumat". Dionysius autem
Exiguus ita exhibet: "Episcopus alie-
nam civitatem, quæ non est illi sub-
jecta, non audeat, nec ad possessionem

accedat, quæ ad eum non pertinet
super ordinatione cujusquam, nec con-
stituat Presbyteros, aut Diaconos al-
teri subiectos Episcopo, nisi forte cum
consilio, & voluntate regionis Epif-
copi. Siquis autem tale aliquid face-
re tentaverit, irrita sit ejus ordina-
tio, & ipse coerceatur a Synodo; nam
si ordinare non potuerit, nullatenus
judicabit". Posteriora hæc verba: *nam
si ordinare &c.* desiderantur in codice,
qui dicitur Ecclesiæ universæ; & in
Græcis exemplaribus; at in prisca Col-
lectione Latina canonum edita abs Ju-
stello Tom. 1. pag. mhi 295. ita legun-
tur: *Quia quod vindicare non potest, or-
dinare non debet.*

Canon 2. cau. 9. qu. 3. habetur in
can. 9. Antiocheno juxta Isidorum Mer-
catorem. Romani Correctores aliam in-
terpretationem addiderunt ex Græcis ex-
emplaribus. Subjiciam ego & aliam ex
Dionysii Exigui Codice. "Per singulas
regiones Episcopos convenit nosse, Me-
tropolitanum Episcopum sollicitudi-
nem totius Provinciæ gerere, pro-
pter quod ad Metropolim omnes un-
dique, qui negotia videntur habere,
concurrunt. Unde placuit, eum &
honore præcellere, & nihil amplius
præter eum ceteros Episcopos agere,
secundum antiquam a Patribus nostris
regulam constitutam, nisi ea tantum,
quæ ad suam Diocesim pertinent,
possessionesque subiectas. Unusquisque
enim Episcopus habeat suæ Parochiæ
potestatem, ut regat juxta reveren-
tiam singulis competentem, & provi-
dentiam gerat omnis possessionis, quæ
sub ejus est civitate; ita ut Presbyte-
ros, & Diaconos ordinet, & singula
suo judicio comprehendat. Amplius
autem nihil agere tentet, præter An-
tistitem Metropolitanum, nec Metro-
politanus sine ceterorum gerat consi-
lio Sacerdotum". Quicumque hunc
Antiochenum canonem cum 33. ex A-
postolicis contulerit, nullum inter utram-
que discrimen agnoscat.

Idem quoque est cum canone 40. ex
Apostolicis canon 5. cau. 10. qu. 1. sive
canon 24. ex Antiochenis. Cujus inter-
pretationem sequens fuerit Gratianus
mhi non constat. En verba Dionysii Ex-
igui. "Quæ sunt Ecclesiæ cum omni
sollicitudine, & conscientia bona, &
fide, quæ in Deum est, qui cuncta
considerat, judicatque, servantur,
quæ etiam dispensanda sunt judicio,
&

Can. 2.
cau. 9.
q. 3.

Can. 5.
can. 10.
qu. 1.

„ & potestate Pontificis, cui commissus
„ est populus, & animæ, quæ intra Ec-
„ clesiâ congregantur “.

Can. 2. Canon 2. cau. 12. qu. 3. idem est cum
cau. 11. canone 6. Antiocheno. Gratianus vide-
qm 3. tur sequutus Isidorum Mercatorem; ho-

die tamen inter Isidori, & Gratiani edi-
ditiones aliquid discriminis intercedit.
Habet enim Isidorus: “ Siquis a proprio
„ Episcopo excommunicatus est, non
„ eum prius ab aliis debere suscipi; nisi
„ aut a suo fuerit receptus Episcopo,
„ aut Concilio factò occurrat, ut res-
„ pondeat; & si Synodo satisfecerit,
„ statuimus, sub alia sententia eum re-
„ cipi. Quod etiam circa Laicos, &
„ Presbyteros, & Diaconos, & omnes,
„ qui in Clero sunt, convenit observa-
„ ri “ . Longe meliorem esse dixerunt
Romani Correctores interpretationem
Dionysii Exigui, quæ his verbis expri-
mitur: “ Siquis a proprio Episcopo com-
„ munionem privatus est, non ante susci-
„ piatur ab aliis, quam suo reconcilie-
„ tur Episcopo, aut certe ad Synodum,
„ quæ congregatur, occurrens pro se sa-
„ tisfaciat, & persuadens Concilio sen-
„ tentiam suscipiat alteram. Hæc au-
„ tem definitio maneat circa Laicos, &
„ Presbyteros, & Diaconos, omnesque,
„ qui sub regula esse monstrantur “. Plu-
rimum cum hoc Canone congruit can. 5.
Nicænus.

Can. 6. In can. 6. cau. 11. q. 3. habetur can. 4.
cau. 11. ex Antiochenis, in quo describendo Gra-
qm 3. tianus sequutus omnino est interpreta-
tionem Dionysii Exigui: cum qua omni-
no consonat, dummodo a Gratianæ edi-
tione auferatur vox illa *oportet*, quæ
habetur prope finem canonis. Romani
Correctores pro voce illa *damnatus* le-
gendum esse arbitrantur, *depositus* juxta
Græca exemplaria. Sane qui Græca ex-
emplaria sunt recens interpretati ita scri-
pserunt: *depositus*, ita etiam scripsit Isi-
dorus Mercator; ita quoque legitur in
prisca collectione Latina Justelli Tom. 1.
mibi 292. ita demum in Codice, qui ap-
pellatur Ecclesiæ universæ. Unus Dio-
nysius Exiguus legit: *damnatus*. Hic ca-
non recitatus est in Concilio Chalcedo-
nensi actione 4. in causa Caroli, & Do-
rothei Archimandritarum; Legit autem
canonem Aetius Archidiaconus, & Pri-
micerius Ecclesiæ Constantinopolitanæ,
hoc modo, quemadmodum describitur in
Tom. 4. Venetæ editionis Labbeanæ pag.
1430. Canon 83. “ Si quis Episcopus a
„ Synodo depositus, aut Presbyter, aut

„ Diaconus, aut omnino qui est sub re-
„ gula a proprio Episcopo, ausus fuerit
„ amplius aliquid sacri ministerii gere-
„ re, sive Episcopus juxta superiorem
„ consuetudinem, sive Presbyter, sive
„ Diaconus; postea non liceat ei ne in
„ altera quidem Synodo spem restitutio-
„ nis, nec satisfactionis (*legunt alii*:
„ nec defensionis) locum habere. Sed &
„ omnes, qui ei communicant, ejician-
„ tur ex Ecclesia; & maxime si, post-
„ quam cognoverunt sententiam in præ-
„ dictos latam, iis communicare ausi
„ fuerint “.

Canon 23. cau. 12. qu. 1. consonat o-
mnino cum canone ultimo Concilii An-
tiocheni, qui etiam canonis Apostolici
nomine laudatus est in can. 22. cau. 12.
q. 1. Gratianus sequutus est Dionysium
Exiguum. Vix autem vulgatæ Dionysii
editiones aliquid habent, juxta quod
Gratiani fragmentum sit emendandum;
etenim ubi Gratianus scripsit *res ladan-
tur Ecclesiæ*, apud Dionysium legitur:
cetera ladan- tur Ecclesiæ. Parum autem
vel nihil discrepant aliorum interpreta-
tiones, nisi forte alicui videantur obser-
vanda verba illa Gratiani ex Dionysio
relata: *Synodo Provincia pœnas isto per-
solunt*, quorum vice Isidorus Mercator
habet: *reantum hunc, qui hujusmodi est*,
apud Metropolitanum Provincia præstare
debebit. Vetus Interpres ita scribit: *Sub-
jacere Synodo Provincia, & alii ex Græ-
cis exemplaribus: Is Synodo Provincia ad-
ministrationis rationem reddat*.

Plane ad hunc canonem observatione
digna sunt illa verba: *Participet autem
et ipse, quibus indiget, sitamen indiget*.
Ex quibus deducitur tum demum Epis-
copum posse de bonis Ecclesiasticis par-
ticipare, cum pauper sit, & penitus in-
digens; ex quo facile argumentari unus-
quisque potest, sive Episcopos, sive Cle-
ricos omnes, qui beneficia Ecclesiastica
possident, non posse quidpiam ex bene-
ficii fructibus in suos usus convertere,
quoties privatum, seu familiare, ut
ajunt, patrimonium habeant, ex quo com-
mode sustententur. Porro sententia hæc
nullos habuit contraditores usque ad
seculum 12. aut etiam 13. prior enim
ætas perpetuo sensit, Ecclesiam de bo-
nis suis pauperibus tantummodo Clericis
subvenire, divites autem a commodis Ec-
clesiasticis prorsus excludi, nisi fortasse
isti propriis primum renanciaverint, at-
que ex voluntate pauperes facti fuerint.
S. Augustinus in epist. 185. ad Bonifa-
cium

Can. 23.
cau. 12.
qm. 1.

etiam ad rem ita scribit: Si pauperum compauperes sumus, & nostra sunt (Ecclesiae bonae), & illorum. Si autem priuatim, qua nobis sufficiunt, possidemus, non sunt illa nostra, sed pauperum, quorum procuracionem quodammodo gerimus, non proprietatem nobis usurpatione damna- bili vindicamus. Can. ult. cau. 12. qu. 2. Quorsum autem distingueret Augustinus Episcopum divitem ab Episcopo pau- pere, ut ille bonorum Ecclesiasticorum particeps esse possit, non ille, nisi sen- tiret, Episcopum divitem nihil posse ne alimoniam quidem causam percipere? Re- vera excludit vir eximius ab iis perci- piendis Episcopum divitem, ad quae per- cienda admittit Episcopum pauperem: atqui Episcopum pauperem nihil praeter necessaria vitae subsidia ex bonis Eccle- siasticis posse percipere viris egregie cor- datis persuasum est; excluditur ergo di- ves Episcopus ab ipsis alimentis ab Ec- clesia expectendis. Iustinianus in novella 3. cap. 3. statuit: *Expensa, qua sunt ex Ecclesiasticis redditibus circa pios erogantur alius, & Deo placentes, & illis hac mi- nistrantur, qui pro veritate egent, & non habent aliunde alimentorum occasionem.* In Capitularibus Regum Francorum cap. 213. in additione 3. Parisiensis editionis anni 1677. ita legitur: *Quod habet Ec- clesia, cum omnibus nihil habentibus ha- bet commune, nec aliquid inde eis, qui sibi de suo sufficiunt, convenit erogare, quando nihil aliud sit habentibus dare, quam perdere, & in can. sequenti: Nec illi, qui sua possidentes dari sibi aliquid volunt, sine grandi peccato suo, unde pau- per victurus erat, accipiunt;* Quibus om- nino consonat Concilium Aquisgranen- se anni 816. in can. 120. ibi: *Patrum sententia docent Clericos non esse sectato- res divitiarum, nec res Ecclesiarum inof- ficioso accipere debere;* & clarius id habet in can. 107. ubi arguuntur Clerici pro- pria possidentes, & nihilominus alimen- ta ex Ecclesiae redditibus postulantes. At quoniam in hoc eodem canone multa ex Juliano Pomerio depromta sunt, verba potius adferam ejusdem Pomerii quinti saeculi auctoris optimi, & probatissimi ita scribentis in lib. 2. de vita contem- plativa cap. 10. "Nec illi, qui sua pos- sidentes dari aliquid volunt, sine gra- di peccato suo, unde pauper victurus erat, accipiunt. De Clericis quidem dicit Spiritus Sanctus: Peccata popu- li mei comedunt. Sed sicut nihil ha- bentes proprium non peccata, sed ali-

menta, quibus indigere videntur, ac- ci- piunt; ita possidentes non alimenta, quibus abundant, sed aliena peccata suscipiunt. Ipsi quoque pauperes, si se possunt suis artificiis, aut laboribus expedire, non praesumant, quod de- bet debilis, aut infirmus accipere, ne forte Ecclesia, quae potest omni sol- tio destitutis necessaria ministrare, si omnes, etiam nihil indigentes, acci- piant, gravata, illis quoque, quibus debeat, subvenire non valeat. Qui au- tem Ecclesiae serviunt, & labori suo, veluti debita reddi oportere credentes, ea, quibus opus non habent, aut ac- ci- piunt libentes, aut exigunt, nimis carnaliter sapiunt, si putant, quod Ecclesiae fideliter servientes stipendia terrena, ac non potius praemia aet- na accipiant. Saecularis quippe mili- tia, quia coelestia non habet, terre- na strenue militantibus praestat; unde satis indignum est, si fidelis, & ope- rosa devotio Clericorum propter sti- pendium temporale praemia sempiter- na contemnat. Quod si quislibet mi- nister Ecclesiae non habet, unde vi- vat, non ei praemium reddit hic, sed necessaria praestat Ecclesia, ut in su- turum praemium laboris sui recipiat. Quae- so, quid eorum sit, quae dixi di- ficile? Ut homo id, quod opus non habet, ab Ecclesia non accipiat, aut ut, quod habet, sine causa contem- nat? Si propter hoc non vult sua re- linquere, ut habeat unde vivat, ut quid accipit, unde rationem reddat? Ut quid de peccatis alienis sua mul- tiplicat? Clarissima sunt haec ad rem nostram, ex quibus etiam obviam facile- tur vulgato argumento, quod petunt ex Apostolo ad Cor. 1. cap. 9. abutentes verbis illis, quibus dicitur neminem suis unquam stipendiis militare, item altari servientes de altari vivere. Haec sane Apostoli verba de Clericorum inopia sub- levanda, non de laborum compensatione Pomerius interpretatus est, juxta illud, quod ait Augustinus in lib. de Pastori- bus, & ovibus cap. 2. ita scribens: *Non redditur sustentatio necessitatis a populo, quasi merces illis, qui sibi in charitate servant, sed tamquam stipendium, quo, ut possint laborare, pascantur.* Paulus Apostolus sequutus fuerat Christi serva- toris documenta, qui apud Matthaeum dixerat: *Dignus est operarius cibo suo;* advertendum tamen Christum eundem paulo antea ita Apostolos alloquutum fuisse.

fuisse. *Nolite possidere aurum, neque argentum.* Alimenta itaque debebantur Evangelii præconibus, atque Ministris, illis tamen, qui nihil penitus possidebant. Hæc ergo fuit Veterum Sanctorum Patrum sententia, quæ adhuc Gratiani temporibus obtinere visa est; etenim Gratianus ipse ad calcem canonis 24. cau. 2. q. 1. inquit, num Episcopus possit habere propria; distinguensque Episcopos familiam habentes a non habentibus, concludit illos propria habere posse bona, quibus familiarum necessitatibus occurrant, non vero istos, nisi fortasse retinendo sua a summis Ecclesia abstineant; Quod fieri posse Prosper de vita contemplativa testatur, dicens: Illi autem, qui tam infirmi sunt, ut possessionibus suis renunciare non possint, si ea, qua accepturi erant, dispensatori relinquunt nihil habentibus conferenda, sine peccato possident sua, quia & ipsi quodammodo sua relinquunt, quando propriis contenti rebus nihil eorum, quæ labori, vel ordini suo deberi arbitrantur, accipiunt. Verum paullo post Gratiani ætatem, introducta quomodolibet opinandi licentia per homines nescio an improbos, an indoctos, lugendum est, quantum labefacta etiam hac in parte fuerit Ecclesiastica disciplina. Quidquid tamen molita fuit temporum improbitas, vel inscitia, non detulerunt semper Viri gravissimi, qui veterum Doctrinam sequuti sunt, & veritati studere potius, quam indulgere libidini voluerunt. Laudo heic Dionysium Chartusianum, qui in tractatu de vita canonicorum artic. 14. ita scribit ad hanc rem: *Salubrius, ac securius creditur, ac patetur dictis Sanctorum, per quos loquutus est Spiritus Dei, quam Scholasticorum quorundam, qui suo magis, quam expedit, credunt, & nituntur ingenio, auctoritatem Sanctorum ad suam retorquentes opinionem.* Et ibidem: *Quamvis ergo de proposita questione quidam dicant Scholastici, posse id licite fieri, consultius tamen credendum est verbis Hieronymi, & Bernardi, imo & Summi Pontificis, Beatique Prosperi: Ait enim Damasus Papa: Qui bonis parentum sustentari possunt, si accipiant, quod pauperum est, sacrilegium incurrunt.... Horum itaque Patrum sententiis statim securius, quam aliorum aliter opinantium.*

Can. 2. Canon 2. cau. 21. q. 5. idem omnino
cau. 21. est cum canone 12. ex Antiochenis,
qn. 5. Gratiano de more suo Mercatoris interpretationem sequente, Ceterum alii In-

terpretes verbis tenuis, non Sententia dissonant. Dionysius Exiguus ita scripsit: *Si quis a proprio Episcopo Presbyter, aut Diaconus, aut a Synodo fuerit Episcopus forte damnatus, & Imperatoris auribus molestus exstiterit, oportet ad majus Episcoporum conventum Concilium, & qua pauerint habere iusta, plurimis Episcopis suggerunt, eorumque discussiones, ac iudicia præstolentur.* Si vero hac parvipendentes molesti fuerint Imperatori, hos nulla venia dignos esse, nec locum satisfactionis habere, nec spem futura restitutionis penitus opperiri. Sacrorum canonum studiosi torqueri ut plurimum solent in interpretatione hujus canonis, in quo ceteroquin explicando nulla mihi superesse videtur difficultas. Plures asseruerunt hunc canonem editum fuisse ab Antiochenis Episcopis in odium S. Athanasii, ut ipsi a Synodo Orientalium dejectione appellandi facultas omnis adimeretur; atque ideo eundem canonem, tamquam pravorum, hæreticorumque hominum Decretum, ab Ecclesiasticarum legum numero rejiciendum: Cui observationi vires maxime addere videtur factum S. Johannis Chrysostomi, qui in Pseudo-synodo ad Quercum habita depositus, cum hoc canone removeretur ab adversariis, ne ad alia judicia provocaret, respondit inter cetera, se hoc eodem canone non teneri, quod nullam auctoritatem obtineat; fueritque a malevolis hominibus, æque hæreticis constitutus. Verum hæc licet adferri potuerint ab Johanne Chrysostomo ob hæreticorum vexationem maxime, ac vehementissime turbato, exagitatoque, eo præsertim tempore, quo canones Antiocheni non omnino recepti apud Græcos fuerant; cum tamen, uti initio diximus, posterius canones ipsi Antiocheni venerabiles esse cœperint, atque in optimis canonum Codicibus recenseri; nulla amplius subest ratio, cur hunc canonem contemnamus, aut rejiciamus, eo vel magis, quod in eo nihil aut fidei, aut germanæ sacrorum disciplinæ contrarium inveniri possit. Statuitur ibidem, neminem ex Viris Ecclesiasticis a Synodo depositum debere apud Principem conqueri, sive Imperatoris auribus molestum exstare; Sed potius curandum illi esse, ut causa majori in Synodo retractetur. Quid ea ætate convenientius stabili poterat? A Synodo Diocesana ad Synodum majorem, sive Provincialem provocatio conceditur, quod juris utriusque principis maxime con-

consentaneum est, exigentibus, ut a minori iudice majus Tribunal appellari valeat; quod vero dicitur damnatos Episcopos molestos esse non debere auribus Imperatoris, prudentissime etiam Decretum fuerat; Tum enim nuper Catholicam Christi fidem amplexi fuerant Imperatores, nec ab optimo proposito avocandi ulla occasione erant. Forte autem advocari potuissent, si quotidianis Episcoporum querelis molestiam pati debuissent. Etenim vel Aulicorum, & Procerum adhuc superstitionibus gentilium involutorum protervia perperam de Ecclesia judicasset, & ipsi apud Imperatorem ipsum conquesti fuissent, si iniqua iudicia, & vexationes impias inter ipsos invicem Episcopos agnovissent.

Huc accedit, veteres Sanctos Patres in suis pro Christiana fide, & eam colentibus Apologiis, conquestos fuisse de Ethnicorum vexationibus, ea præsertim de causa, quod Christiani molesti essent nemini, nec res Imperii ullo modo, aut occasione ulla turbarent. Quid ergo satius Christianæ Reipublicæ tum adversus Gentium odia, atque invidiam tuendæ esse poterat, quam ita Episcoporum contentiones in Synodis finire, ut nihil omnino molestiæ Imperantis auribus inferretur;

Can. 27. Eadem ratione explicandus erit Can.
can. 23. 27. cau. 23. q. 8. qui pertinet ad Can.
qu. 8. 21. Concilii Antiocheni, quem Gratianus ex versione Isidori Mercatoris retulisse videtur; quoniam tamen Gratianus etiam ex ipso Mercatore nonnulla omisit, & quidem digna observatione, operæ pretium erit huc integrum canonem adferre, ita Isidorus: *Si quis Episcopus, vel Presbyter, vel quicumque Clericus, & omnis omnino qui est sub Ecclesiastica*

regula (legant alii: *Canone*, sed idem omnino est, cum utraque vox significet Catalogum, sive Matriculam Ecclesiæ, in qua Clericorum nomina conscribi solebant) *constitutus, præter consilium, vel literas eorum Episcoporum, qui sunt intra Provinciam, & maxime Metropolitanis, ad Imperatorem perrexerit, hunc abdicari, & efici non solum de communione debere, sed etiam propria dignitate privari, tamquam molestum, & importunum Imperialibus auribus, contra Ecclesiastica constituta. Si autem necessitas cogat ad Imperatorem excurrere, propter aliquam actionem, cum deliberatione, & consilio Metropolitanis ipsius Provincia Episcopi, & ceterorum conscientia Episcoporum, qui in eadem Provincia sunt, acque cum literis eorum ire debet. Aliorum interpretationes Isidorianæ huic versioni consonare omnino mihi videntur; nolo tamen omittere, quod Dionysius Exiguus exposuit, tanquam notæ longe melioris Interpres. Hæc ipse: " Si quis Episcopus, aut Presbyter, aut quilibet Regulæ subiectus Ecclesiæ præter Consilium, & literas Episcoporum Provinciae, & præcipue Metropolitanis, adierit Imperatorem, hunc reprobari, & abjici oportere, non solum a communionem, verum & ab honore, cujus particeps videtur existere; quia veniendi Principis auribus molestiam tentavit inferre, contra leges Ecclesiæ. Si igitur adire Principem necessaria causa deposcit, hoc agatur cum tractatu, & Consilio Metropolitanis, & ceterorum Episcoporum, qui in eadem Provincia commorantur, qui etiam proficiscentem suis prosequantur Epistolis.*

C A P U T X.

De Concilio Sardicensi.

Sardicensis Concilii nomine apud Gratianum sequentes
Canones inscripti sunt.

- Can. 10. dist. 61. paullo varius in diversis exemplaribus.*
- Can. 9. dist. 65. multo varius in Græcis, & Latinis Codicibus.*
- Can. 1. dist. 71. ex melioris nota Codicibus emendandus.*
- Can. 36. cau. 2. qu. 6. varius in diversis exemplaribus.*
- Can. 7. cau. 6. qu. 4. jungendus cum can. 36. cau. 2. qu. 6.*
- Can. 4. cau. 11. qu. 3. multo varius in diversis exemplaribus.*
- Can. 28. cau. 23. qu. 8. ad melioris nota Codices exigendus.*

PROPE medium sæculi IV. jam damnata a Concilio Nicæno hæresi Ariatorum, nondum omnino extincta fuerunt Ariani Schismatis semina: superfuerunt enim perfidorum quorundam reliquæ, per quos turbæ clanculum concitabantur ad eum finem, ut vel contemneretur, si fieri posset, Nicæna fides, vel saltem aliis utrique parti communibus formulis exprimeretur. Præsertim vero vim suam omnem eo contulerunt, ut egregii, strennique Omonson, seu *Consubstantialitatis* Patroni, qua minis, qua vexationibus premerentur; persuasum enim erat Arianis, non aliter se posse Nicænam fidem evertere, nisi primum de medio tollerentur illi, quorum sapientia, prudentiaque Catholicæ Ecclesiæ Germana Doctrina inconcussa custodiebatur. Inter Viros Ecclesiasticos invictos Nicænae fidei vindices constantissimus fuit S. Athanasius Alexandrinus Patriarcha; cujus doctrina singularis, eximiaque morum integritas cum Patriarchali auctoritate conjuncta Arianos plurimum continebat. Adversus illum præcipuos conatus, viresque suas intenderunt hæretici, qui ne aperte in eodem redarguerent, in quo ipsi a causa protinus cecidissent, videlicet doctrinam, quam tuebatur Nicæni Concilii, fraude usi sunt, figmento suo de pluribus gravissimis trininibus eundem per calumniam accusantes, atque irregulari omnino processu inauditum, indefensumque, licet præsentem, damnantes Concilio Ariatorum Episcoporum ad eam ferendam sententiam convocato in Tyro Phœnicæ an. 335.

Hæc porro acta non tam suam, quam Ecclesiæ universæ injuriam, & Catho-

licæ fidei periculum gravissimum continere, agnovit Athanasius, qui propterea est apud Imperatorem conquestus, rogans, ut ejus auctoritate perfidorum, impiorumque Episcoporum molitiones cohiberentur, & apud Julium Pontificem Maximum ab eo postulans actis exhibitis, ut de causa ipse judicium ac sententiam ferret. Julius quidem primum in Romanis, quos celebravit, conventibus controversiam examinavit, deæctisque hæreticorum versutiis, qui ab eodem Pontifice advocati in recessus sese recipiebant, & latebras; Athanasium absolvendum esse pronuntiavit, eundemque ad dignitatem, unde dejectus fuerat, restituendum. Verum ne forte privatum videretur apud Orientales hocce judicium, Ecclesiasticæ rei tum demum consultum iri judicarunt tum Imperatores Constantius, & Constans, cum Julius Papa, quoties generale Concilium in Sardicensi Civitate celebraretur, ad quod tam Orientalis, quam Occidentalis Ecclesiæ Episcopi convenirent de Athanasii causa judicaturi. Erat enim Sardica Urbs in Illyrico sita in confinio Mysiæ Superioris, ad quam propterea, utpote mediam inter Orientales, Occidentalesque Provincias, facile universæ Ecclesiæ Antistites poterant causa Synodi accedere. Jamque per Encyclicam Epistolam moniti erant Episcopi omnes, imo prope fuerant, ut in unum congregarentur; quum Orientales Schismatici prænoscentes sua callida, improbaque consilia tandem aliquando patere, variis tergiversationibus Concilium ipsam turbarent, afferentes malte se seorsim aliam celebrare Synodum in Urbe Philippopo-

li, centum circiter passuum millibus a Sardicensi distante; illud inter cetera allegantes, non aliter se ad Sardicense Concilium accessuros, nisi primum certo scirent a Concilio ipso Athanasium fore excludendum.

Ita difficilis Episcoporum animis, duo anno 347. celebrata fuere Concilia, quæ ambo Sardicensia appellata sunt; Alterum Occidentalium Episcoporum Sardicæ, atque in hoc Athanasius absolutus est; aliorum Philippopolis Orientalium Episcoporum, atque in hoc versa vice renovata est, quæ jamdiu ab Orientalibus ipsis lata fuerat, adversus Athanasium iniqua sententia. Qui, qualisque fuerit Ecclesiæ status in hac animorum dissensione facile unusquisque conjiciet. Illud tamen certissimum, vicisse tandem aliquando Occidentalium Episcoporum, atque obtinuisse sententiam, Occidentalium, inquam, qui Sardicam convenerant, & non tam pro Nicænâ fide, quam pro ipsius Nicænæ fidei propugnatoribus alacriter contenderunt. At e conversatio Orientalium Asianorum Præsulum præceps judicium, licet primo apud Græcos ipsos plurimum valuisset, tamen contemni omnino, & reprobari visum est, quum Græci iidem Concilium Philippopolis detestari cœperunt, ac potius Sardicensem Synodum venerari. Sunt qui adserunt tum primum Sardicensem Synodum, Synodique canones a Græcis fuisse receptos, cum in Trullana Synodo professi sunt canone 2., se canones Sardicenses recipere. Ibenim ita scripserunt: „Hoc quoque huic sanctæ Synodo pulcherrime, & honestissime placuit, ut ab hoc nunc tempore deinceps . . . firmi, stabilesque maneant . . . Apostolorum 85. canones . . . obfirmamus etiam reliquos omnes canones, qui a sanctis, & beatis nostris Patribus expressi sunt, idest a 318. divinitus inspiratis Patribus, qui Nicææ conveniunt, iisque qui Ancyræ . . . similiter & iis, qui Sardicæ, & qui Carthagine “ &c. Ego sane plurimum dubitaverim, ne Trullani Episcopi nomine Synodi Sardicensis intellexerint non Synodum Germanam Sardicensem, sed Pseudoconcilium illud, quod a Schismaticis Orientalibus, uti superius diximus fuit celebratum, quod etiam Sardicensi nomine appellatum fuisse scimus. Quid aliud suspicari possumus de Trullanis Episcopis ad Schismata pro-

nis, quique in eodem canone 2. probaverunt canonem illum Cypriani Carthaginensis, quo rebaptizantium disciplina adversus Romanæ Ecclesiæ Doctrinam jamdiu generaliter receptam stabiliebatur? Præsertim vero id licet in controversiam deducere, quod Græci tempore Nicolai Papæ I., atque ita multo post Trullanum Concilium professi sunt, se Sardicensis Concilii canones non habere, quemadmodum deducitur ex can. ult. dist. 16.. Initio quidem interfuerunt, subscripseruntque Concilio centum circiter Episcopi, itque ut plurimum Occidentales: Refert enim Athanasius in Epistola ad solitarios Episcopos, omnes, qui ad Concilium Sardicense convenerant, ex utroque imperio fuisse circiter 170., at 70. ex ipsis recessisse factò Schismate in Philippopolim certum est. Ipse autem Athanasius, postquam absolutionem in Concilio obtinuit, eandem scripto circumtulit ad alios Episcopos quamplures, qui in Concilium non convenerant, sive Orientales, sive Occidentales, qui facile etiam subscripserunt, ac Sardicensi Concilio consenserunt. Hinc Athanasius idem scripsit in Apologia 2. Sardicensi Concilio subscripsisse 344. Episcopos, atque exinde colligitur post celebratum Concilium hocce ducentos & supra quadraginta Episcopos præter eos, qui convenerant, Synodo morem gessisse, illamque confirmasse. Ex istis autem 344. Episcopis aliquos fuisse etiam ex Orientalibus vero admodum simile est; proptereaque asserere jure possumus Sardicensem Synodum ab aliquibus Orientalibus etiam tunc temporis fuisse receptam. Sic Johannes Antiochenus in sua collectione canonum sæculo 6. edita Sardicensium canonum meminit. Generaliter autem receptum non fuisse crediderim, nisi recentiore tempore circa sæculum 10. aut 11., quum præsertim Græci in suos Codices Sardicenses canones communiter retulerunt, Alexius Aristenus, Symeon Logotheta, Arsenius Monachus, alique non pauci, qui tamen ut plurimum Sardicenses canones non juxta temporis ordinem descripserunt, sed prope finem Codicis, forte ut indicarent Sardicenses eosdem canones nonnisi posteriore tempore Græcis Codicibus accessisse.

Ex his facile eruere quispiam potest, quid in ea disputatione sentiendum sit, num Sardicensis Synodus inter *Æcumenicas*

nitas sit recensenda. Convocationem Œcumenicam extitisse nemo est qui negat, verum cum non statim apud omnes recepta fuerit, ipso præsertim Concilii tempore plurimi ex Episcopis factio Schismate discessissent, non potuit apud veteres Œcumenicæ nomine appellari. Hodie tamen ejusdem Concilii statuta, tanquam generalis Ecclesiæ canones recipere unusquisque commode poterit, cum universæ Ecclesiæ tandem aliquando consensus accesserit. Imo mihi admodum placet quorundam opinio, qui Synodum hanc Sardicensem vix a Nicæna distinguunt, aut eandem tanquam Nicæna Appendicem appellant. Agebatur enim de rebus, quæ jam in Nicæno-Concilio pertractatæ fuerant, aut quæ ex Nicæni Concilii definitionibus discutiendæ adhuc superfuerant. Atque hujus opinionis esse videntur Collectores canonum nonnulli, qui canones Sardicenses Nicænis immediate subjecerunt, unde aliis suborta fuit occasio quandoque laudandi Nicænos canones pro Sardicensibus, ex quo etiam proficisci potuit, quod suo loco diximus, Nicænos canones ultra viginti numeratos ab aliquibus fuisse. Probari id posset ex can. 3. Concilii Carthaginensis VI., & can. 101. Concilii Africani, item ex Epistola Synodica Concilii Constantinopolitani I. ad Damasum Papam, ubi nomine Nicæni Concilii refertur canon 3. ex Sardicensibus juxta editionem Dionysii Exigui, & ex Concilio Africano, qui habetur in Codice ejusdem Dionysii, in quo nonnulli canones relati sunt in principio nomine Concilii Nicæni, qui potius sunt canones Sardicenses.

Constituta Sardicensis Concilii non tantum ad fidem Catholicam confirmandam edita sunt, sed etiam ad disciplinam Ecclesiasticam instituendam, quæ hodie & Græce, & Latine scripta sunt. Ego hac in re fidendum potius arbitror Latinis, quam Græcis exemplaribus; etenim Latina Græcis exemplaribus sunt vetustiora, cum sciamus Græcis fuisse incognitos ut plurimum Sardicenses canones, arg. can. ult. dist. 16., apud Latinos vero auctoritatem semper maximam habuisse. Inter Latinos autem Scriptores eos semper anteferre juvabit, qui tempore præiverunt. Dionysius Exiguus in Præfatione suæ collectionis ad Stephanum testatur, Codici suo se addere voluisse, nequid notitiæ subtraheret, statuta Sardicensis Con-

cilii, simul & Africani, quæ tamen factetur jam a Latinis edita fuisse, atque a Latinis exemplaribus se excerptisse. Atque hæc necessario prænotanda sunt, quia non omnes invicem consonant horum canonum editiones, sive quod numerus canonum juxta diversitatem Codicum varius sit, alicubi enim 20. tantummodo, alicubi 21. exhibentur, sive etiam quod numerales notæ non in omnibus exemplaribus Concilii æque subjectis canonibus respondeant; neque enim arbitror canones ab initio numeris fuisse distinctos, cum Dionysius Exiguus profiteatur in memorata Præfatione, se numerorum discrimina adscripsisse. Sed hæc omnia commodius, utiliusque observabimus ad singulos Gratiani canones expendendos, qui ex Sardicensibus hisce deprompti videntur.

In primis autem occurrit canon 10. *Can. 10. dist. 61.* qui juxta Græca exemplaria est decimus numero inter Sardicenses, sed tum apud Isidorum Mercatorem, cum apud Dionysium Exiguum est numero decimus tertius. Porro Gratiani editio consonare videtur & cum Isidoro, & cum Dionysio, uterque enim Latinam editionem veterem eandem sequutus est. Plurimum autem intererit integrum hic describere canonem, cum nonnulla apud Gratianum desiderentur. Ita Dionysius: *Osus Episcopus dixit: Et hoc necessarium arbitror, ut diligentissime tractetis, si forte aut dives, aut scholasticus de foro, aut ex administratore (Gratianus addiderat Laicus, quod sane in vetustis Codicibus non habetur; quemadmodum nec est in Græco exemplari, quod respondeat illis verbis, aut ex administratore) Episcopus fuerit postulat; ut non prius ordinetur, nisi & Lectoris munere, & officio Diaconi, aut Presbyteri fuerit perfunctus; & ita per singulos gradus, si dignus fuerit, adscendat ad culmen Episcopatus. Potest enim per has promotiones, quæ habebunt utique prolixum tempus, probari, qua fide sit, quæve modestia, qua gravitate, & verecundia. Et si dignus fuerit probatus, divino Sacerdotio illustretur: Quia conveniens non est, nec ratio, vel disciplina patitur, ut temere, & leviter ordinetur aut Episcopus, aut Presbyter, aut Diaconus, qui Neophytus est; maxime cum & magister gentium beatissimus Apostolus, ne hoc fieret, denunciasset, & prohibuisse videatur; sed hi, quorum per longum tempus examinata sit vita, & merita fuerint*

sint comprobata. Univerſi dixerunt placere ſibi hac. Poſtremo hæc verba, univerſi dicunt placere ſibi hac, licet apud Labbeum legantur Dionyſio Exiguo tributa, in Codice tamen Juſtelli non leguntur. Ceterum inveniuntur etiam apud Iſidorum Mercatorem; in Codicibus autem Græcis hæc habentur: omnes diſcrunt: ipſi placere, & omnino non oportere ea ſubverti. Sane ubi hæc clauſula non adjiciatur, non poteſt ille dici Canon Concilii Sardicenſis, ſed quendam propoſitio facta Concilio ab Eſſio Cordubeniſi, qui ibidem præſuiſſe dicitur. Si quis a me quaſiverit, cur in exemplaribus Græcis deſint illa verba, aut ex adminiſtrato, ſeu his ſimilia, facile respondebo, me plurimum ſuſpicari de Photio, quod Græcos Codices, ut in aliis, ita & in hac parte corruperit; ut enim ipſe ex adminiſtrato Eccleſiam Conſtantinopolitanam inuaserat, e re ſua eſſe duxit, ſi Canones illos quoquomodo detorqueret, aut diverteret, quibus factum ſuum manifeſte improbatur. Integro autem Canonem, ac definitionem edendæ occaſionem dederunt Ariani quidam Episcopoi, qui Athanaſium damnatum e Sede Patriarchali deiecerant, atque in deſecti locum Gregorium quendam Cappadocem Laicum hominem, Neophytum, & recens in Clero ordinatum ſuſceperant. Jure propterea tum ſtatui debuerat, ne divites, ſcilicet, qui ſeculi divitiis ſe ſe minime abdicaverant, neve Scholaſtici de foro, id eſt qui diſerti eſſent in foro, eloquentes, atque eruditi cauſarum Patroni, ſtatim ad Episcopale officium promoverentur.

Can. 9,
diſt. 65.

Romani Correſtores jamdiu agnovērunt varias editiones, ſive apud Græcos, ſive apud Latinos Canonis 9. diſt. 65. Is eſt apud Dionyſium numero quintus inter Sardicenſes; ſed apud Iſidorum Mercatorem, quemadmodum & in Græcis exemplaribus eſt numero ſextus. Referam in primis Latinam editionem ceteris antiquiorem, quæ eſt Dionyſii. Oſus Episcopus dixit: Si contigerit in una Provincia, in qua plurimi fuerint Episcopoi, unum forte remanere Episcopum; ille vero per negligentiam veluerit ordinare Episcopum, & populi convenerint; Episcopoi vicina Provincia debant illum prius convenire Episcopum, qui in ea Provincia moratur, & oſtendere, quod populi potant ſibi Paſtorem, & hoc juſtum eſſe, ut & ipſi uniant (legunt alii: ut & ipſe vo-

niat), & cum ipſi ordinent Episcopum; quod ſi conventus literis tacuerit, & diſſimulaverit, nihilque reſcripſerit, ſatis faciendum eſſe populi, ut uniantur ex vicina Provincia Episcopoi, & ordinent Episcopum. Hæc eadem omnino leguntur apud Iſidorum Mercatorem, apud quem tamen uno eodemque contextu ſubſequitur Canon, qui apud Dionyſium ſextus eſt; poſt quem legitur adprobatio Synodi his verbis: Synodus reſpondit, placet. Ab editione hac & Dionyſii, & Iſidori recedendum non videtur, præſertim quod adpareat Iſidorum non a Dionyſio, ſed ab aliis veteribus exemplaribus accepiſſe; etenim Iſidorus habet numero 6., quod Dionyſius habet 5., item Iſidorus ſub numero 6. ea omnia reſert, quæ Dionyſius in duos diſtribuit Canones numero 5. & 6., quamobrem facile percipimus vulgata apud veteres Concilii Sardicenſis exemplaria in hoc unum conſonariſſe, quemadmodum habet in memoratis verbis editio Dionyſii, Romani Correſtores Græca etiam exemplaria retulerunt, ac latinitate donarunt, ex quibus ſane diverſa omnino Canonis ſententia dignoſcitur. Quid vero? Num hæc in re Græcis potius exemplaribus recentioribus, quam Latinis vetuſtiſſimis fidem habebimus? Ego ſane eo adduci non poſſum, præſertim cum ſciverim, qualis ſit Græcis fides! Eſt enim Græcis exemplaribus, qualia a Romanis Correſtoribus apud Gratianum edita ſunt, concordent Baſilamonis, Zonarz, Ariſtleni, & Harmenopuli interpretationes, nihil tamen me magis movet, cum agatur de Interpretibus, qui poſt depravatos Græcos Codices ſcripſere. Ad hunc autem Canonem reſpexiſſe videntur Episcopoi Concilii Conſtantinopolitani i. Generalis in Epistoſa Synodica ad Damaskum, alioſque Episcopos Romæ convocatos ita ſcribentes: De adminiſtratoribus ſingularum Eccleſiarum, cum vetus, uti nobis, lex obtinuit, tum ſanctorum Patrum in Concilio Nicæno deſiſſe (Nicænum hic ſane dicitur pro Sardicenſi, quemadmodum jam ſuperius obſervavimus); ut videlicet ſingularum Provinciarum Antiſtites, una cum ſuſtitiis, modo ipſi ita viſum fuerit, Episcopoi, ad Eccleſiarum commodum habeant ordinationes. Ex cujus legis, & deciſionis præſcripto ſcitote, cum alias quoque Eccleſias apud nos adminiſtrari, tum illuſtriſſimarum Eccleſiarum Sacerdotes dolo-

ſes.

Ita. Quae verba quomodo potius referri debent ad Canonem Sardicensem, prout editus est in Latinis exemplaribus Isidori, & Dionysii, quam prout editus est in exemplaribus Graecis, ita sententia, Latinis potius Dionysii, & Isidori, quam Graecorum codicibus esse adhaerendum.

Can. 1. dist. 71. In Canone 2. dist. 71. descripti sunt duo Canones Sardicenses, videlicet 18. & 19. iuxta editiones Latinas. Gratianus ut plurimum videtur verba descripta ab Isidoro Mercatore, aliqua tamen etiam retulit ex Dionysio Exiguo. Utriusque exemplar ego proferam. Ita Dionysius habet in Canone 18. *Januarius Episcopus dixit: Illud quoque statuat sanctitas vestra, ut nulli Episcopo liceat alterius Episcopi civitatis ministerium Ecclesiasticum sollicitare, & in suis Parochiis ordinare. Universi dixerunt: Placet, quia ex his contentiōibus solus nasci discordia: & ideo prohibent omnium sententia, ne quis hoc facere audeat.* Paullo aliter Isidorus, ibi: *Januarius Episcopus dixit: Illud quoque sanctitas vestra statuat, ut nulli Episcopo liceat alterius civitatis hominum Ecclesiasticum sollicitare, & in sua Diocesi ordinare Clericum, quia ex his contentiōibus nasci solent discordia: & ideo prohibent omnium sententia, ne quis hoc facere audeat.* Sequitur deinde Canon 19., in quo referendo tum Dionysius, tum Isidorus omnino concordant hisce verbis: *Officiarius Episcopus dixit: Et hoc universi constitimus, ut quicumque ex alia Parochia vel alio aliorum ministerium sine consensu Episcopi ipsius, & sine voluntate ordinare, non sit rata ordinatio ejus. Quicumque autem hoc usurpaverit, a fratribus, & Coepiscopis vestris & admoneri debet, & corrigi.* In Graecis exemplaribus nihil habetur, quod memorato Canoni 18. respondeat; sed tantum quod consonet cum Canone 19. His verbis: *Officiarius Episcopus dixit: Hoc quoque omnes definimus: ut si quis Episcopus ex alia Parochia vel aliorum ministerium sine consensu proprii Episcopi in aliquo gradu constituta, irrita, & infirma ejusmodi Constitutio existimetur. Siqui autem hoc sibi ipsis permiserint, a fratribus, & Coepiscopis & admoneri, & corrigi debent.* Omnes dixerunt: *Hoc quoque Decretum sit firmum, & immutabile.* Haec habentur apud Graecos in Canone 15., non enim, ut diximus, idem est ordo Canonum in Graecis, qui

in Latinis exemplaribus. Ideo autem forte desideratur apud Graecos memoratus Canon 18. ex Latinis, quia nihil aliud continet ille, quam postulationem Januarii Episcopi, qui annuerunt Patres Concilii in sequentibus; sive in dicto Canone 19.: Quamobrem satis fuit Graecis ejusdem tantummodo 19. Canonis verba in suarum codicem referre.

Simul jungenda sunt duo illa Gratiani fragmenta, quorum alterum habetur in Can. 7. cau. 6. qu. 4., alterum est in Can. 36. cau. 2. qu. 6., utrumque ad Concilium Sardicense pertinet, eandemque sententiam continere videtur. Exhibebo in primis varietatem codicum, deinde nonnulla ad eorundem interpretationem attingam. Canon 7. cau. 6. qu. 4. apud Dionysium Exiguum par est Canonis 3., ubi postquam Offii nomine propositum fuisset causas Episcoporum esse ab Episcopis Provinciae judicandas, non vero ab Episcopis, qui in alia Provincia sunt constituti, haec verba sequuntur: *Quod si aliquis Episcoporum iudicatus fuerit in aliqua causa, & putat se bonam causam habere, ut iterum Concilium renovetur, si vobis placet, & sancti Petri Apostoli memoriam honoremus, ut scribatur ab his, qui causam examinarunt, Julio Romano Episcopo, & si iudicaverit renovandum esse iudicium, renovetur, & det iudices; Si autem probaverit talem causam esse, ut non refricatur ea, quae acta sunt; quae decesserint, confirmata erunt. Si omnibus hoc placet. Synodus respondit: Placet.* Isidorus Mercator hanc eandem sententiam retulit in Canonem 4. Sardicensem, & quidem eisdem omnino verbis, quae apud Gratianum leguntur. In Graecis exemplaribus eadem ratione haec describuntur, quemadmodum apud Dionysium Exiguum, videlicet in Canone 3. Sardicensi, postquam definitum fuerit ex alia Provincia Episcopos causas Cognitores non esse advocandos in controversiis Episcoporum, his verbis: *Siqui autem Episcoporum in aliquo negotio condemnari visus fuerit, & existimet se non malam, sed bonam causam habere, ut etiam rursus iudicium renovetur; si vestra dilectioni videatur, Petri Apostoli memoriam honoremus, & de iis, qui iudicaverunt, scribatur Julio Romanorum Episcopo, ut per propinquos Provinciae Episcopos, si opus sit, iudicium renovetur, & Cognitores ipse praebeat. Si autem probare non potest causam ejus esse talem,*

Can. 36. cau. 2. qu. 6. &

Can. 7. cau. 6. qu. 4.

ne eam rursus judicari opus sit ; qua se-
mel sunt iudicata non inferuntur ; qua
autem sunt , firma habeantur . Canon 36.
cau. 2. qu. 6. habetur in Canone 7. Sar-
dicensi apud Dionysium , & Midorum ,
in Canone vero 5. in Græcis exempla-
ribus . Singulorum editiones hoc loco
sunt describendæ . Ita Dionysius : „ Osius
Episcopus dixit : Placuit autem , ut
si Episcopus accusatus fuerit , & ju-
dicaverint congregati Episcopi regio-
nis ipsius , & de gradu suo eum de-
jecerint ; si appellare qui dejectus
est , & confugerit ad Episcopum Ro-
manæ Ecclesiæ , & voluerit se audi-
ri ; si iustum putaverit , ut renovetur
iudicium (alia Dionysii editio habet :
ut renovetur examen) vel discussio-
nis examen , scribere his Episcopis
dignetur , qui in finitima , & propin-
qua Provincia sunt , ut ipsi dili-
genter omnia requirant , & juxta fi-
dem veritatis definiant . Quod si is ,
qui rogat causam suam iterum audi-
ri , deprecatione sua moverit Episco-
pum Romanum , ut de latere suo
Presbyterum mittat ; erit in potestate
Episcopi quid velit , & quid æstimet .
Et si decreverit mittendos esse ,
qui præsentibus cum Episcopis judi-
cent , habentes ejus auctoritatem , a
quo destinati sunt ; erit in suo arbitrio .
Si vero crediderit Episcopos
sufficere , ut negotio terminum imponant ,
faciet quod sapientissimo consilio suo
judicaverit . *Paullo aliter Isidorus his verbis* : Osius Episcopus
dixit : Eo hoc placuit , ut si Episcopus
accusatus fuerit , & omnes judicave-
rint congregati Episcopi regionis
ipsius , & de gradu suo eum dejecerint ;
si appellaverit qui dejectus videtur ,
& confugerit ad beatissimum Romanæ
Ecclesiæ Episcopum , & voluerit se audi-
ri , ut renovetur examen , scribere
his Episcopis dignetur Romanus Episcopus ,
qui in finitima , & propinqua altera
Provincia sunt , ut ipsi diligenter omnia
requirant , & juxta fidem veritatis
definiant . Quod si is , qui rogat causam
suam iterum audiri , deprecatione sua
moverit Episcopum Romanum , ut de latere
suo Presbyteros mittat ; erit in potestate
ipsius quid velit , & quid æstimet .
Si decreverit mittendos esse , qui præ-
sentes cum Episcopis judicent ; ut
habeant etiam auctoritatem personæ

illius , a quo destinati sunt , erit in
ejus arbitrio . Si vero crediderit sufficere
Episcopos Comprovinciales , ut negotio
terminum imponant , faciet quod sapientissimo
consilio suo judicaverit . Græcis autem exemplaribus
hæc patitur consonant ex interpretatione
ne Herveti : Osius Episcopus dixit :
Placuit , ut si quis Episcopus delatus
fuerit , & congregati ejusdem regionis
Episcopi eum gradu moverint ; & veluti
appellans , confugerit ad beatissimum Romanæ
Ecclesiæ Episcopum , & velit ipsum audire , &
iustum esse existimaverit ejus rei examinationem
renovari , Coepiscopis scribere dignetur , qui sunt
propinqui Provincie , ut ipsi diligenter , &
accurate singula perscrutentur , & ex veritatis
fide de re sententiam ferant . Siquis autem
postulet suum negotium rursus audiri , & ad
suam supplicationem Romanum Episcopum
judicare visum fuerit , ut a proprio latere
Presbyteros mittat , & sit in potestate illius ,
quodcumque recte habere probaverit ; & si
decreverit oportere eos mitti , qui cum Episcopis
sint judicaturi , habentes auctoritatem ejus ,
a quo missi sunt ; & hoc ponendum est .
Si autem sufficere putaverit ad rei
cognitionem , & Episcopi sententiam , faciet
quod prudentissimo ejus consilio recte habere
videbitur . Responderunt Episcopi : Quæ dicta
sunt , placuerunt . “ Si quis a me postulaverit ,
quibusnam potius exemplaribus fidendum in hac
parte sit , plane me omnino ignorare profiteor ;
cum de singulorum fide fas sit hac in re
potissimum dubitare . De Græcis exemplaribus
non est , cur addam quidpiam ; Ut enim
recentia tempore sunt , atque ex Latinis
vetustis Dionysii , & Isidori deprompta ,
nullam aliam , imo etiam forte minorem
auctoritatem habent , quam habeant
codices Dionysii , atque Isidori . De
Isidori codice quid verba faciam ? est ille
solemnis , celebratusque Canonum depravator ,
ubi præsertim ad rem , quam sui initio
proposuerat , pertinere quodammodo
possent . Superesset codex Dionysii
Exigui ; sed quoniam , uti in præfatione
universi operis præmonui , forte Dionysius
fuit ex Monachis illis Scythis , qui a sua
Provincia peregre profectus post schisma in
Oriente concitatus , Romano Pontifici
gravis , & maxime im-
por-

portunus extiterat, vereor valde, ne quid in referendo Canone huiusmodi sponte adtulerit, quo causæ suæ quoquo modo faveret.

Qualiscunque vero recipiatur editio, nemo non videt, huic Canoni occasionem dedisse Athanasium Alexandrinum Patriarcham. Damnatu ille fuerat a Synodo Arianorum apud Græcos celebrata, imo & ab Episcopali sede depositus. Romam ipse ad Pontificem Maximum confugit, ut novi celebrationem Concilii impetraret, quemadmodum deinde obtinuit, postquam de adversariorum suorum odio, odique causis Pontificem eundem reddidit certior. Atque in hac eadem causâ cum Athanasio nonnulli alii extiterant, & ipsi ab Arianiis damnati Episcopi in Conciliis, Paulus Constantinopolitanus, Marcellus Ancyrae, Asclepias Gazæus, Lucius Hadrianopolitanus, & alii. In hac perturbatione rerum, dum integras Provincias Ariani, & ad schismata prout Episcopi administrarent, quid convenientius, atque Ecclesiæ utilius definiri poterat, quam apud Pontificem Maximum Episcoporum omnium Principem curari, ut iudicia etiam per accessionem Episcoporum in Provincia finitima degentium retractarentur, etiam misso a latere Pontificis legato, qui ejusdem nomine, atque auctoritate singula moderaretur? Atque ipsum Julii Papæ nomen, quod specialiter designatur in dicto Can. 7. cau. 6. q. 4. manifeste indicat de illis Episcopis ibidem actum fuisse, qui ad Julium ipsum confugerant jam, vel prope erant, ut confugerent, causâ retractandi iudicii hæreticorum pravitate facti adversus eos, qui pro Nicæna fide alacriter, strenueque pugnaverant.

Can. 4. Canon 4. cau. 11. q. 3. idem est cum
can. 11. Canone 17. Sardicensi apud Isidorum Mercatorem, quem videtur sequutus fuisse Gratianus; At tamen priora Canonis verba hæc Gratiano adjici debent: *Offus Episcopus dixit: Quod me adhuc movet, reticere non debeo: Si Episcopus quis &c.* & in posterioribus Gratiani verbis, ita ex Isidoro legendum erit: *Nullus alius debet presumere, ut recipiat, & communioni faciat.* Dionysius Exiguus eadem fere verba descripsit, quemadmodum & Isidorus, & Gratianus; Imo posteriora Dionysii verba magis cum Gratiano consonant, cum Dionysius habeat: *Nullus alius debet presumere, ut eum communione faciat.* In Græcis exemplaribus idem

Canon est numero decimus quartus, cuius verba & Græce, & Latine jam retulerunt Correctores Romani. In fragmentis Concilii Sardicensis editis abs Julio in veteri Latina Collectione. T. 1. pag. mihi 287. hic Canon est numero decimus sextus, & non cum Græcis exemplaribus consonans, sed potius cum Dionysio, & Isidoro. Porro magnum discrimen intercedit inter Græcam, atque Latinam editionem; In Latina editione appellatio faciendâ decernitur ad Episcopos finitimos; At in Græcis exemplaribus ad Metropolitanum interponi debere. Unde hæc diversitas profecta fuerit, facile ego conjicere possum; videlicet ex iis, quæ ad eundem Canonem scripsit Aristenus Græcus interpret in notis ad Synodum Carthaginensem, quam Græci in suum codicem receperant; cum enim ibi referretur Sardicensis hic Canon, Aristenus idem ita Canonem ipsum paucis perstrinxit: *Presbyter, & Diaconus segregatus libertatem habet ad vicinos appellandi. Quin etiam qui segregavit, aquo animo ferre debet, quod confirmatum fuerit.* Subdit autem: *Hic Canon confusio, & scandalis occasionem præbet. Nam Clericum a suo Episcopo depositum ad Provincia ipsius Metropolitanum confugare, & appellare iustum est, & Canonicum; Metropolitanum autem absente depositum vicinos adire Episcopos, eosque Episcopi ipsi non subjecti examinatores constituere a ratione alienum est, & tumultus causa. Idcirco itaque non universalis habendus est hic Canon, & in aliis valens Diocesis, & ut particularis in Carthagine, & Africa.* Itaque Græci agnoverunt Latinum Canonem Sardicensem suis regionibus minime convenire, ideoque eundem detorquere non dubitarunt, quodque ibidem de finitimis Episcopis dicebatur, de Metropolitano juxta disciplinam suæ Ecclesiæ intellexerunt.

Carthaginense Concilium, quod nuper memoravi, illud ipsum est, quod Dionysius Exiguus edidit in fine primæ partis sui Codicis. Ex eo autem nonnihil deduci potest, quod pertinet tum ad hunc Sardicensem Canonem, de quo in Can. 4. cau. 11. qu. 3. tum ad alterum Sardicensem, de quo in Can. 36. cau. 2. qu. 6. uterque ex hisce Canonibus propositi sunt in hoc Concilio Africano, non quidem nomine Concilii Sardicensis, sed potius nomine Concilii Nicæni, quemadmodum de pluribus aliis factum esse jam superius observavimus. Verba, quæ

que in actis ejusdem Concilii Carthaginiensis describuntur, sunt hæc: *Ita enim dixerunt fratres in Nicæno Concilio, cum de Episcoporum appellatione decernerent. Placuit autem, ut si Episcopus accusatus fuerit &c.* Sequitur hic memoratus Canon 36. cau. 2. q. 6. Post hæc vero Alypius Episcopus Tagastensis Legatus Provinciae Numidiæ affruit quidem se recipere quicquid in Nicæno Concilio pridem fuerat constitutum; ac vero se hunc Canonem non invenire inter statuta Nicæni Concilii, ideoque facius esse Constantinopolim legatos dirigere, ut fidem faciant de hoc Canone, inter Nicænos num habeatur, an minus; interea vero paulisper eam disciplinam esse servandam, donec integra exemplaria habeantur Nicæni Synodi. Rursus inferius protulerunt quidam Episcopi Africani alterum Canonem Sardicensem, qui idem est cum Can. 4. cau. 11. q. 3. sed cum recitaretur, refert Dionysius, Augustinus Episcopus Ecclesie Hipponensis Provincia Numidiæ dixit: *Et hoc nos servaturos profitemur salva diligentiori inquisitione Concilii Nicæni.* Aurelius Episcopus dixit: *Si hoc etiam omne vestra charitati placeat, responsione firmate.* Universum Concilium dixit: *Omnia, quæ in Nicæno Concilio statuta sunt, nobis omnibus placent &c.* Ex quibus aperte liquet duos hosce Canones non aliter in Africana Ecclesia fuisse receptos, quam ubi crediderunt, & quatenus existimarunt a Nicæno Concilio constitutos fuisse, proindeque plurimum dubitare nos posse, utrum recepti iidem fuerint ab Ecclesia Africana, cum agnovit eos in Sardicensi: potius Concilio fuisse conditos, non in Nicæno.

Can. 28.
can. 23.
qm. 8.

Canon 28. cau. 23. q. 8. idem est cum Canone 8. Concilii Sardicensis apud Dionysium Exiguum, & Idorum Mercatorum, seu Canone 7. in Græcis exemplaribus. Gratianus non integrum Canonem retulit; propterea e re erit hoc loco describere, qualis apud Dionysium habetur, a quo sane vix, aut ne vix quidem alii Collectores discrepant. Ita Dionysius: "Osius Episcopus dixit: Importunitates & nimia frequentia, & iniustas petitiones fecerunt, nos non tantum habere vel gratiam, vel fiduciam, dum quidam non cessant ad comitatum ire Episcopi, & maxime Afri, qui, sicut cognovimus, sanctissimi Fratris, & Coepiscopi nostri salutaria consilia spernunt, atque contemnunt; ut non solum ad comitatum multas,

& diversas Ecclesias non profuturas perferant causas, neque ut fieri soler, aut oportet, ut pauperibus, aut viduis, aut pupillis subveniatur; sed & dignitates sæculares, & administrationes quibusdam postulent. Hæc itaque pravitas olim non solum murmuraciones, sed & scandala excitat. Non estum est autem, ut Episcopi intercessionem his præstent, qui iniqua vel opprimuntur, aut si vidua affligatur, aut pupillus expolietur; si tamen ista hæc nomina iustam habeant causam, aut petitionem. Si vobis ergo, fratres charissimi placeat, decernite, ne Episcopi ad comitatum accedant; nisi forte hi, qui religiosi Imperatoris literis vel invitati, vel vocati fuerint. Sed quoniam sæpe contingit, ut ad misericordiam Ecclesiarum confugiant, qui iniuriam patiuntur, aut qui peccantes in exilio, vel infelix damnantur, aut certe quancumque sententiam suscipiant, subveniendum est his; & sine dubitatione petenda indulgentia. Hoc ergo decernite, si vobis placeat. Univerfi dixerunt: Placeat, & constituitur." Sic Sardicensi Canone ad integritatem suam redacto, adparet duopotissimum a Sanctis Patribus saluberrime constituta fuisse. Primum est, ne Episcopi Imperatorum auribus molestiam inferrent, præsertim ea postulantes, in quibus nullum Ecclesiasticum negotium contineretur, aut quæ forte minus æqua viderentur. Cum enim sapissime, ut fertur, similia Episcopi peterent, verendum facile erat, ne ipsi apud Imperatores ita contemnendi essent, ut, etiamsi necessitas Ecclesiarum postuleret, quidpiam ab eisdem Imperatoribus non forent impetraturi. Alterum est, ut Episcoporum sollicitudini commissum fidelibus oppressis, præsertim inopibus succurrere, pro ipsis intercedendo apud Imperatores, illorumque causam, dummodo iusta fuisset, producendo. Præterea, si qui fuissent, ob delicta publica condemnati, vel exilio, vel deportatione, & ad Ecclesiam confugissent, munus erat Episcoporum veniam pro ipsis petere a Principe, eo sane consilio, ut peccata admissa Rei ipsi emendarent, accepta publica poenitentia in Ecclesia, per quam Reipublicæ per crimen Rei læsæ æque satisfieri, ac per deportationem, aut exilium videbatur. Belle facit ad hanc rem, quod Gregorius II. epistola 2. ad Leonem Imperatorem scribebat his verbis:

Nides.

Vides Imperator, Pontificum, & Imperatorum discrimen? Si quispiam te offenderit, domum ejus publicas, & spoliis, solam illi vitam relinquens, tandemque illam etiam vel suspendio necas, vel capite truncas, vel relagas, nunquam longe a liberis, & ab omnibus cognatis, & amicis suis amandas. Pontifices non ita; sed ubi peccavit quis, & confessus fuerit, suspendii, vel amputationis capitis loco Evangelium, & crucem ejus cervicibus circumponunt, nunquam tanquam in carcerem

in secretaria, sacrorumque vasorum avaria conjiciunt in Ecclesia Diaconia, & in Cathedra ablegant, ac visceribus ejus jejunium, oculisque vigiliis, & laudationem ori ejus inducunt. Et Sanctus Augustinus in epist. 179. Vocatur quidem & ista damnatio, (ubi scilicet publici peccatores poenitentiae Ecclesiasticis affliguntur), sed quis non intelligat magis beneficium, quam supplicium nuncupandum, ubi nec saviendi relaxatur audacia, nec poenitendi medicina subtrahitur?

CAPUT XL

De Concilio Laodicensi.

Concilii Laodicensi Canones a Gratiano relati.

- Can. 5. dist. 18. paullo varius in diversis exemplaribus.
- Can. 26. dist. 23. ad melioris nota exemplaria exigendus.
- Can. 27. dist. 23. ad meliorum codicum fidem exigendus.
- Can. 28. dist. 23. consonat cum optimis exemplaribus.
- Can. 4. dist. 24. idem est cum can. 6. dist. 61. ex interpretatione Dionysii.
- Can. 19. dist. 32. paullo varius in diversis exemplaribus.
- Can. 3. dist. 47. paullo varius in diversis exemplaribus.
- Can. 4. dist. 42. paullo varius in diversis exemplaribus.
- Can. 2. dist. 44. varius in diversis exemplaribus.
- Can. 10. dist. 44. paullo varius in diversis exemplaribus.
- Can. 9. dist. 46. ex aliis veterum Codicibus explicandus.
- Can. 6. dist. 61. idem est cum can. 4. dist. 24. ex interpretatione Mercatoris.
- Can. 6. dist. 63. plurimum consonat cum interpretatione Dionysii.
- Can. 2. dist. 69. ex optimis Codicibus supplendus.
- Can. 3. dist. 80. paullo varius in diversis exemplaribus.
- Can. 12. dist. 81. ex interpretatione Isidori Mercatoris.
- Can. 15. dist. 93. paullo varius in diversis exemplaribus.
- Can. 16. dist. 93. ad Codices melioris nota exigendus.
- Can. 8. dist. 95. ad meliorum Codicum fidem exigendus.
- Can. 66. cau. 1. qu. 1. parum, aut nihil proposito Gratiani conveniens.
- Can. 4. cau. 26. qu. 5. paullo varius in diversis exemplaribus.
- Can. 4. cau. 26. qu. 7. consonat cum omnibus ferme exemplaribus.
- Can. 8. cau. 33. qu. 4. consonat cum omnibus ferme exemplaribus.
- Can. 8. de conf. dist. 3. varius in diversis exemplaribus.
- Can. 58. de conf. dist. 4. vix in diversis exemplaribus varius.
- Can. 36. de conf. dist. 9. ad melioris nota Codices exigendus.
- Can. 37. de conf. dist. 5. veterum omnium interpretationi consonus.

NON eadem omnium fuit veterum Conciliorum ratio. Scimus Provincialia Concilia apud antiquos bis singulis annis celebrari consuevisse; & tamen pauca ex illis ad nos usque pervenerunt. Quid aliud exinde conjicere debemus quam ut plurimum in sisdem de privatis quo-

rundam hominum causis pertractatum fuisse, quarum acta parum intererat relinquare posteritati, vel si qui generatim constituta sunt, non fuisse in omnibus, unde utilitas in posteritatem redundaret. Concilium tamen Laodicenum ex illis est, quorum auctoritas maxima sem-

semper in Ecclesia habita fuit, siue quod vetustissimam, optimamque sacrorum disciplinam tradere videatur, siue quod apud Collectores omnes Canonum etiam antiquissimos maxime probatum fuerit; ac commendatum. Celebratum illud fersor in Laodicea Civitate Phrygiæ Pacatiæ, non, ut alii adserunt, in Laodicea Syriæ Civitate quemadmodum manifeste expressum est in principio ejusdem Synodi, siue in exemplaribus Græcis, qualia interpretatus est Hervetus, alique, siue apud Isidorum Mercatorem. Quamobrem deceptus omnino fuisse vulgo creditur Gratianus, qui in Can. 41. dist. 16. auctorem Canonum Concilii Laodicensi præcipue fuisse narrat Episcopum Theodosium. Forte enim existimavit Concilium habitum fuisse in Laodicea Syriæ, cujus Episcopus fuit Theodosius, vel, ut alii legunt, Theodorus, quemadmodum refert Eusebius lib. 7. cap. ult. At Metropolitanus Laodiceæ Phrygiæ erat tum Nunechius quidam, qui Synodo eidem præfuisse dicitur. Duos supra triginta Episcopos Concilio interfuisse Gratianus idem refert in dicto Can. 11. Nihil est, cur contradicam. At si Gratianum eundem quis sequi vellet in numerandis Concilii Canonibus, usque ad sexaginta, & unum, nescio sane, utrum talibus inniteretur argumentis, quæ certa prorsus essent, ac fide digna. Dionysius enim Exiguus Collector vetustissimus, Græcorumque exemplarium apprimè peritus tantum 59. memorat, quorum postremus hic est: *Quod non oportet plebejos Psalmos in Ecclesia cantare, nec libros præter canonem legi: sed sola sacra volumina Novi Testamenti, vel Veteris.* Isidorus Mercator addidit sexagesimum Canonem, in quo peculiariter expressit, quales habendi essent libri Ecclesiastici Sacræ Scripturæ, siue quæ legi deberent in Ecclesia, cum ex Novo, tum ex Vetere Testamento. Cum Isidoro Mercatore consonant omnino Græca exemplaria, in quibus Canon idem sexagesimus est postremus inter Laodicenos. Forte autem Gratianus talem Codicem præ manibus habuit, in quo postremus Canon Laodicensis erat divisus in duos, in primo quorum libri Veteris Testamenti, in altero libri Novi Testamenti recensentur. Revera apud Alexium Aristenum Græcum Interpretem idem Canon est distributus in duos, ita, ut in primo Veteris Testamenti Codices ille enumeret, in altero Codices Novi Testamenti.

Longe autem difficilius esset de tempore hujus Concilii disputare; ejus enim incerta omnino ætas est apud eruditissimos viros, quorum alii ante Concilium Nicænum celebratum dicunt, & anno circiter 314., alii vero non solum post Concilium Nicænum, sed & post Antiochenum, vel anno circiter 360. vel 364. sub Liberio, vel anno 367. sub Damaso. Qui Concilium Laodicensem ante Nicænum celebratum fuisse ferunt, his argumentis utuntur, primo, quod in Concilio Laodicensi Canone 50. recensentur omnes sacri libri Veteris Testamenti, quin tamen ulla fiat mentio Libri Judith, qui tamen teste S. Hieronymo in epist. 3. jam receptus fuerat, ac probatus in Nicæno Concilio. Quomodo fieri potuit, ajunt illi; ut quod in Nicæno Concilio admissum fuerat, non probaretur in Laodicensi, si Laodicensem esset Concilio Nicæno posterius? Secundo ajunt, multa esse in Laodicensi Concilio definita, quæ jam constituta fuerant in Nicæno, quin tamen Laodicensi Patres memorent illa eadem a Nicænis jam Patribus fuisse decreta. Qui e contrario sentiunt Laodicensem Concilium post Nicænum, & Antiochenum celebratum fuisse, ita argumentantur. Omnes Collectores Canonum etiam vetustissimi consueverunt describere Canones Laodicenos post Antiochenos, quod sane argumento est, posterius fuisse conditos, attento præsertim more Collectorum veterum, qui juxta temporum ordinem Canones collocare ut plurimum solebant. His accedit ratio luculentissima; etenim in Canonibus Laodicensis fit mentio de Hæreticis Photinianis, quorum nomen, & hæresis cognita esse tantummodo potuit post Concilium Nicænum. Quod si prioris sententiæ Patroni responderint Photiniano- rum nomen in recentiores Codices irreplisse, quemadmodum nonnullis asserere placuit, falsitatis argui facile poterunt, quod demonstratur nomen Photinianorum apud Dionysium Exiguum Canone 7. necnon in exemplaribus Græcis quibus sane maxima fides debetur.

Ego vero, ubi Veteres Historici, aut Collectores altum silentium servant, ubi propterea conjecturis dandus est locus, candide fateor, me in posteriorum potius sententiam trahi, ut existimem post Concilium Nicænum, atque Antiochenum hujusmodi Synodum Laodicenam fuisse celebratam. Nec enim ullum negotium facessit, quod contra adferri so-

set aut ex Libro Judith, aut ex Nicænis Constitutionibus. Quod enim in primis dici solet, in Canone 50. Laodicensi retuleri libros omnes Veteris Testamenti ab Ecclesia receptos, nullam tamen fieri mentionem libri Judith, licet fuerit in Nicæno Concilio probatus, parum probat, vel quia is Canon quinquagesimus non in omnibus, ut prænotavi, Concilii exemplaribus habetur; vel quia in Concilio Nicæno, Hieronymo eodem teste, Liber Judith, tamquam honore dignus habitus quidem est, nondum tamen fuit inter Canonicos, & vere sacros adnumeratus, quod forte præstare inde voluerunt in sua Provincia Laodicensi Patres, vel demum quia in Concilio Laodicensi mens Patrum erat definire non Canonicos Libros, sed eos tantum, qui legendi in Ecclesia essent ad populi fidelis institutionem, quemadmodum constat omnibus, quicumque Canonem ipsum legerint. At vero longe diversa sunt hæc duo, videlicet indicare Libros Canonicos, & Libros, qui in Ecclesia leguntur. Possunt enim esse quidam ex Canonicis Libris, quos publice legere in Ecclesia non expediat ob infirmitatem quorundam, qui illos non satis intelligentia sua assequuntur, vel forte etiam in aliam omnino sententiam detorquent. Sunt in illis singularia nonnulla, quæ ad exemplum facile trahi non possunt, quemadmodum in proposita specie in Libro Judith multa laudantur ideo, quia ex speciali divina illustratione profecta sunt, quæque generaliter omnibus non licerent. Deinde vero, quod dicitur multa Laodicensi Concilii capita eandem continere sententiam, quæ continetur in Nicænis, quin tamen mentio non fiat de Nicæno Concilio, levissimum omnino argumentum est, neque enim video id opus fuisse Laodicensi Patribus, ut constitutionibus suis auctoritatem conciliarent, præsertim vero id necessarium non erat, quod tunc temporis notissimi essent apud Græcos Nicæni Canones, quos pro re proposita nominatim adferre pro supervacaneo haberi posset. Quod si adhuc aliqua sit hujus argumenti vis, hujusmodi etiam erit ad probandum Nicænum Concilium non esse Laodicensi posterius; etenim, si in Nicæno Concilio plurima sunt constituta, quæ antea jam edita fuissent in Laodicensi, cur Nicæni Patres non professi sunt se confirmare, quæ jam fuerant a Laodicensi Episcopis Decreta? Porro qua-

Tom. I.

liscumque obtineat apud eruditos opinio, illud semper certissimum erit, Laodicensem Concilium, ejusque Canones maxime venerabiles esse, vel propter vetustatem disciplinæ, quam continent optimam, vel quod in Codicibus Canonum etiam antiquissimis inserti fuerint, & vulgo recepti.

Apud Gratianum primus refertur canon 40. Concilii hujus in can. 5. dist. 18. juxta interpretationem Isidori Mercatoris, juxta quam tamen jam alii animadverterunt in aliquibus exemplaribus pro verbo *adire*, legi *abire*, & in posterioribus ita habent vulgata Mercatoris exemplaria: *Quod si contemserit, se ipsum videbitur accusasse, nisi forte per infirmitatem ire non possit.* Interpretationem adferam Dionysii Exigui ita scribentis: *Quod non oportet Episcopos ad Synodum vocatos omnino contemnere, sed protinus ire, & docere, vel discere ea, quæ ad correctionem Ecclesiæ, vel reliquarum pertinent rerum. Se ipsum vero, qui contemserit, accusabit; nisi forte per agnitudinem ire non possit.* Qui recens Græcos Codices latinitate donarunt, his verbis canonem explicaverunt. *Quod non oportet Episcopos ad Synodum vocatos negligere, sed abire, & docere, vel doceri, ad correctionem Ecclesiæ, & reliquorum. Si quis autem neglexerit, is seipsum accusabit, præterquam si propter intemperiam, & agnitudinem non veniat.*

Mercatoris etiam interpretationem se. Can. 26. quutus est Gratianus in can. 26. dist. 23. qui idem est cum can. 21. Laodicensi; attamen pro illis verbis: *In secretarium, sive Secretarium*, scripserat Isidorus hæc tantum: *In Secretarium*. Ego puto Gratianum, aut quemvis alium incidisse in breviores characteres cujusdam Codicis, in quo ita scriptum esset: *In Secretarium lineola supra vocem adposita, unde quispiam ad marginem adscripserit, sive Secretarium*; Quæ verba Gratianus idem, aut quivis alius in textum transtulerit. Dionysius Exiguus ita canonem edidit: *Quod non oportet Subdiaconos habere locum in Diaconico, & Dominica Vasa contingere*; atque his cum verbis consonant omnino exemplaria græca etiam juxta hodiernas editiones. Illud interea adimadvertendum est *Diaconicum* fuisse locum, in quo sacra Dominica parabantur, & vasa præsertim sacrificio destinata servabantur, quod ad curam Diaconorum, & sollicitudinem pertinebat.

Prosequitur Gratianus in can. 27. dist. 23. &

Q

23. & refert canonem 22. Laodiceum, corruptum tamen, sive enim ad Græcos Codices confugimus, sive ad Dionysium Exiguum, sive ad Isidorum, omnes ita exhibent: *Quod non oporteat Subdiaconum, (legunt alii: Ministrum,) uti orarii, nec officia derelinquere.* Gratiani Codices vulgati habent: *Nec hostias derelinquere, quæ verba Romani Correctores, emendare se nolle ob, hanc causam professi sunt, ut glossemata interpretum adjecta Codicibus retinerent. Glossographi autem, vulgo interpretati sunt, ut Subdiaconi sumere debeant hostias simul cum alijs ministris. Sed hæc parum apta sunt. Balsamon & Zonaras ajunt, antiquissimam disciplinam fuisse, ut Subdiaconi Ecclesiarum fores tenerent, & Catechumenos, eosque qui Pœnitentiæ subditi erant, cum opus esset, introducerent, aut educerent. Quod hic dicitur Subdiaconos deferre orarium non debere, idipsum statuitur ratione inferiorum Clericorum in canone sequenti 23. Laodice-*

no, qui est idem cum can. 28. dist. 23. cujus verba apud Dionysium hæc sunt: *Quod non oporteat Lectores, aut cantores orariis uti, & ita legere, vel psallere.* Orarii nomen alii a Græcis, alii a Latinis primo derivatum asserunt. Qui a Græcis derivant, ita dictum asserunt a verbo *ῥῆ*, quod significat observare; qui vero Latinum vocabulum dicunt, vel ab hora, seu tempore, vel ab ore, seu vultu ita nuncupatum asserunt. Porro orarium linteum quoddam oblongum, quadrangulare, quo utebantur sacri administri in sacrorum celebratione, vel ut os suum pro necessitate tergerent, unde & sudarium apud aliquos appellatum est; vel ut inferioribus Clericis, & Ministris signum darent, quandonam fieri deberent petitiones Catechumenorum, aliorumque vel in Ecclesia, vel in Ecclesiæ foribus existentium. Erat illud ornamentum Episcoporum, quemadmodum deducitur ex can. 39. Concilii Toletani 4. item fuisse Presbyterorum insigne docemur ex Concilio Bracarense 2. can. 4. Diaconos quoque orarium gestare debere cautum scimus in memorato canone 39. Concilii Toletani 4. quod apud ipsos Judæos etiam in usu erat; nam primus Minister Summi Pontificis, qui apud ipsos dicebatur *Sagan*, Sudarium quoddam manu tenebat, cujus agitatione signum daret, Levitis, ut cernerent.

Can. 4. dist. 24. Canon 4. dist. 24. idem est cum Cano-

ne 12. Laodiceo juxta interpretationem & can. Dionysii Exigui, apud quem tamen pro voce illa, *dignitatem*, legitur: *potestas*. 61. dist. 61. Gratianus eundem canonem rursus descripsit in Can. 6. dist. 61, sed ex interpretatione Isidori Mercatoris, apud quem tamen priora verba hæc sunt. *Episcopos non oportet &c.* Sententia apud omnes eadem est; nam qui Græca exemplaria consuluerunt, ita descripserunt Canonem: *Quod Episcopi Metropolitanorum, & paucissimorum Episcoporum, iudicio, in Ecclesiastico Magistratu constituendi, diu probati &c. in ratione fidei, &c. in ratione verbi dispensatione.*

Canon 19. dist. 32. idem est cum Canone 11. ex Laodiceis juxta interpretationem Isidori. Qua tamen in re observandum est Isidorum non scripsisse *matricuria*, quemadmodum legitur apud Gratianum, sed potius *matricularia*, vel uti alijs placet, *matricolaria*. Ferrandus Diaconus in sua breviatione Canonum ita perstrinxit Canonem Laodiceum in Can. 221. *Ut mulieres, quæ apud Græcos Presbyteræ appellantur, apud nos autem viduæ, seniores, & matricula in Ecclesia tanquam ordinatas constitui non liceat.* Ex hac sane Fulgentii editione videtur Isidorus Mercator canonem exarasse. Verum apud Dionysium Exiguum, cum quo etiam Græca exemplaria congruere videntur, ita legitur: *Quod non oporteat eas, quæ dicuntur Presbyteræ, vel Præsidentes, in Ecclesiis ordinari.* Huic canoni occasionem dare potuerunt mulieres quædam, quæ ad instar Presbyterorum in Presbyteras se ordinari curabant ad exemplum earum, quæ Diaconissæ ad instar Diaconorum ordinabantur. Non erat eadem ratio Presbyterarum, quæ Diaconissarum esse poterat; etenim Diaconissarum officium maxime erat utile, atque opportunum in Ecclesia, præsertim ubi ageretur de ceremoniis baptismalibus, quæ ad Diaconatus munus pertinere videbantur. Quemadmodum enim apud veteres Baptisma per immersionem administrabatur, decebat viris baptizandis Diaconos adesse, foeminis autem Diaconissas, quarum opera convenientius illæ disponderentur, & honestius. Item ubi in dispensandis agapis peculiare Diaconorum officium versabatur, congruebat maxime, ut quemadmodum in vinorum convivii ministrarent Diaconi, ita Diaconissæ in foeminarum convivii ministrarent. Sed hæc omnia, quæ exigebant duplex quodammodo Dia-

cona-

conatus officium, aliterque per masculos, aliterque per feminas exercendum; ad officia Presbyteratus pertinere nullo modo poterant; quoniam obrem opportunum Laodicensis Patribus visum non est, ut quemadmodum Diaconissæ, ita etiam Presbyteræ feminæ ordinarentur.

Can. 3.
 & 4.
 dist. 42. In Ecclesiasticis agapis celebrandis aliquot apud veteres abusus irrepserant; licet enim illæ ab initio in signum Christianæ communionis, & mutus fidelium charitatis servandæ causâ fuerint institutæ, tamen ab hac optima origine plurimum deflexerunt. Quidam enim ex fidelibus immoderate servientes abdomini res Ecclesiasticas quasi cauponarias habebant, proptereaque etiam in Templis ipsi Deo dedicatis & ebrietati, & gale studebant, imo etiamque intemperantiæ devenerant, ut quæcumque possent, diriperent omnia, æque in privatis domos asportarent. Hinc gravissimo Ecclesiarius incommodo consulere voluerunt Eliberitani Patres duplici canone 27. & 28. quos retulit Gratianus in Canones 3. & 4. dist. 42. sequutus interpretationem Mercatoris; qui tamen in Can. 27. aliquid amplius habet ibi: *Non oportet Ministros Altaris, vel quoslibet Clericos, aut etiam Laicos, ad agapen vocatos esse.* Referam, quæ ad hunc locum exposuit Dionysius Exiguus in Canone 27. *Quod non oportet sacro ministerio deductos Clericos, aut Laicos, ad agapen vocatos ciborum partes accipere: propterea quod hinc Ecclesiastico ordini fiat injuria.* Et in canone 28. *Quod non oporteat in domiciliis divinis, id est in Ecclesiis, convivium, quæ vocantur agapa, fieri; nec intra domum Dei comedere, vel accubitus sternere.* Porro quod ibidem dicitur de accubitu non sternendo in Ecclesiis ad veterum morem respicit, qui cœnaturi accumbere solebant, unde latina phrasis est *mensis accumbere.*

Can. 2.
 dist. 44. Canon 2. dist. 44. legitur in Canone 24. ex Laodicensi, & quidem fere juxta Isidorum Mercatorem. Ita exhibet Isidorus: *Quoniam non oportet Altari deservientes a Presbyteris usque ad Diaconos, & deinceps ordinis Ecclesiastici omnes usque ad ministros, aut leutores, aut psallentes, aut exorcistas, aut offitios, aut etiam eos, qui in proposito constituta sunt, tabernaculo intrare.* Paulò aliter habet Dionysius Exiguus ibi: *Quod non oportet sacro ministerio deductos a Presbyteris usque ad Diaconos, & reliquum Ecclesiasticum ordinem, id est usque ad Sabbatarios, Ba-*

stros, Cantores, Exorcistas, & Offitios, & ex numero continentium, & Monachorum ingredi tabernaculo. Quirerentia Græca exemplaria sunt interpretati, his verbis canonem explicarunt: *Quod non oportet sacros in Presbyteris usque ad Diaconos, & deinceps quoslibet Ecclesiastici ordinis, usque ad Ministros, vel Leutores, vel Cantores, vel exorcistarium ordinis in cauponam ingredi (vel, ut aliis lubet: vel Cantores, vel Exorcistas, vel Offitios, vel Ordinis Monachorum in cauponam ingredi.)* Monent Correctores Romanum ad hunc Canonem hujusmodi clausulam a Gratiano adjectam fuisse, nisi causa necessitatis. Porro licet clausula minime legatur in Canone Laodicensi, tamen antiquissima est, cum habeatur in eo Canone, qui vulgo est 34. inter Apostolicos his verbis: *Si quis Clericus in cauponam comedens deprehensus fuerit, segregetur; præterquam si in publicum diversorium in via propter necessitatem diverterit.*

Canon 10. dist. 44. consonat cum Canone 55. Laodicensi, ubi tamen alii legunt *commensalia*, alii *commissaria*, alii *commissalia*. Dionysius Exiguus ita est interpretatus: *Quod non oporteat Sacerdotes, aut Clericos, ex collatis, vel commensationibus convivium celebrare; hoc autem nec Laicis posse congruere.* Clarius alii Græca verba verterunt hoc modo: *Quod non oportet sacros, & Clericos, ex collatione (Græci legunt ex symbolis) convivium peragere, sed neque Laicos.* Hoc itaque canone quorundam ingluviens coercetur, qui pecunias simul conferebant, ut lautiora exinde convivium exquisitis epulis instruerentur; symbolum enim apud Græcos, quemadmodum docet Balsamon, & Zoharas, significat collationem quandam; unde qui pecuniam parandarum epularum causa simul conferebant, ex symbolis convivia peragere dicebantur.

Canon 9. dist. 46. Idem est cum Canone 3. Laodicensi juxta interpretationem Mercatoris. Clarius Dionysius Exiguus: *Quod non oporteat Sacerdotes, & Clericos sanerantes usuras, vel quæ dicuntur sescupla, id est & summam capitalis, & dimidium summam percipere.* Quia Græcum textum sequuti omnino sunt; ita exposuerunt: *Quod non oportet Sacerdotes sanerari, & usuras, quæ dicuntur hemiolia (scilicet, ut alii asserunt, sesquialtera), id est totius sortis dimidia pars accipere.*

Can. 6. dist. 63. In Canone 6. dist. 63. videtur Gratianus Dionysium Exiguum sequutus fuisse, qui in canone 13. Laodicensi ita habet: *Quod non sit permittendum turbis electiones eorum facere, qui sunt ad Sacerdotium provehendi.* Nonnihil Isidorus Mercator his verbis: *De eo, quod non sit populis concedendum, electionem facere eorum, qui Altaris ministerio sunt applicandi.* Qui Græca exemplaria, qualia hodie edita habemus interpretati sunt potius cum Dionysio consonant; hinc scribit Hervetus: *Turbis non esse permittendum eorum, qui sunt in Sacerdotio constituendi, electionem facere.*

Can. 2. dist. 69. In Canone 2. dist. 69. exhibetur canon 26. Laodicensis. Isidorus Mercator his verbis expressit: *Non oportet exorcizare eos, qui necdum ab Episcopis sunt provehi; neque in Ecclesiis, neque intra domos.* Dionysius Exiguus ita scribit: *Quod hi, qui non sunt ab Episcopis ordinati, tam in Ecclesiis, quam in domibus exorcizare non possunt; Neque ab his omnibus alia sive Latina, sive Græca exemplaria dissonant.* Non omitam tamen huc loci adferre, quod ad hanc rem animadvertit Balsamon, utpote qui Germanam Concilii sententiam adsequutus fuisse mihi videtur. Ita ille: *Quidam adgradiebantur exorcizare, hoc est catathizare infideles, qui hoc per Episcopalem manuum impositionem non acceperant; & cum accusarentur, contendebant se hoc in Ecclesiis non fecisse, sed in quidam domo; & ideo se nulli pena obnoxios conservari a quibus confesant. Dicunt ergo Patres, quod etiam est adjuvare sacrum ministerium, nec oportet quempiam hoc adgredi, nisi ab Episcopo promotus fuerit.*

Can. 5. dist. 80. In Canone 5. dist. 80. Gratianus exhibuit interpretationem canonis 57. Laodicensi ab Isidoro factam. Dionysius Exiguus fere eandem sententiam expressit his verbis: *Quod non oporteat in villulis, aut in agris Episcopos constitui, sed visitatores.* Veruntamen jam pridem constituti nihil faciant præter consuetudinem Episcopi civitatis: Similiter & Presbyteri præter consilium Episcopi nihil agant. Græca exemplaria cum his omnino consonant, quemadmodum in Græco idioma te eruditi animadvertunt; quos autem Dionysius & Isidorus appellavit Visitatores, Græci vocant Periodontas, quos alii circumcursatores, alii circumitores.

Can. 28. dist. 81. Canon 28. dist. 81. legitur in Canone 30. Laodicensi juxta interpretationem Mercatoris, Dionysius Exiguus minime

dissonans ita enim scribit: *Quod non oporteat sacris officiis deditos, aut Clericos, aut continentibus, vel omnem Laicum Christianum lavacra cum mulieribus celebrare, quia hac apud gentes reprehensio prima est.* Nomine continentium hoc in loco nullos alios intelligo, quam Monachos, quemadmodum facile est deducere ex Græco textu, qui de Ascetis expressus est. Porro nomine Ascetarum Monachos apud veteres intelligi nemo ignorat.

Canon 15. dist. 93. habetur in canone **Can. 15. dist. 93.** 20. ex Laodicensi, in quo tamen non omnes Codices omnino consonant. Ita Dionysius: *Quod non oporteat Diaconum coram Presbytero sedere, sed jussione Presbyteri sedeat.* Similiter autem & Diaconis honor habeatur ab obsequentibus, idest Subdiaconis, & omnibus Clericis. Isidorus Mercator: *Quoniam non oportet Diaconum sedere præsentem Presbytero, sed ex jussione Presbyteri sedeat.* Similiter autem honorificetur & Diaconus a Ministris inferioribus, & omnibus Clericis. Qui Græca recens edita exemplaria sequuti sunt, ita explicarunt: *Quod non oportet Diaconum ante Presbyterum sedere, sed sedere cum jussu Presbyteri.* Similiter autem Diaconis haberi honorem a Ministris, & omnibus Clericis oportet.

Canon 16. dist. 93. perperam descri- **Can. 16. dist. 93.** ptus esse videtur apud Gratianum. Canon 25. Laodicemus, unde ille depromtus videtur, non ad Diaconos pertinet, sed potius ad Ministros, quorum nomine hoc in loco Subdiaconi potius intelliguntur. Revera Dionysius Exiguus hoc modo canonem exposuit: *Quod non oporteat Subdiaconos Panem dare, vel Calicem benedicere; & quamquam qui Græca exemplaria interpretati sunt ita explicaverint: Quod non oportet Ministrum Panem dare, vel Calicem benedicere, tamen Zonaras Græcus Interpres ita sententiam Concilii declaravit: Cum Hypodiaconis sacra Vasa contingere, aut in Diaconico versari, munusve aliquod ibidem exercere votivum sit, multo minus aut Panem dare, hoc est Domini Corpus fidelibus imperari, aut Domini Sanguinis Calicem benedicere eisdem licebit.* Et Alexius Aristenus, Presbyterorum, inquit, aut Diaconorum opus Ministri Ecclesie perferre non permittuntur. Quocirca nec Panem, vel Calicem populo tradunt. Ex quibus omnibus nemo non videt nomine benedictionis Calicis hoc loco venire eam, non qua Calix consecratur, sed qua fidelibus distribuitur, juxta illud Apostoli: *Panem quem*

quem frangimus, & Callix, quem benedicimus, nonne participatio Corporis, & sanguinis Christi est?

Can. 8.
dist. 95.

Canon 8. dist. 95. idem est cum can. 56. ex Laodicensi juxta interpretationem Iſidori Mercatoris, dummodo pro illis postremis verbis, aut in peregrinationis commodo cum abesse confiteris, ita legamus: aut in peregrinis cum abesse confiteris, Verum non satis integer est Iſidori Canon. Melius Dionysius ita scribens: Quod non oporteat Presbyteros ante processionem Episcopi introire sacrarium, & sedere, sed cum Episcopo debent ingredi, vel in subsellis sedere: nisi forsitan infirmitate detineantur, aut proficiantur Episcopus; quæ sane verba magis etiam consonant cum Græcis exemplaribus, quæ ab aliis ita Latine scripta sunt: Quod non oportet Presbyteros ante Episcopi introitum ingredi, & sedere in sacrario, sed cum Episcopo ingredi, nisi forte infirmitate detineantur, vel peregre profectus sit Episcopus.

Can. 66.
can. 1.
qu. 1.

Canon 66. cau. 1. qu. 1. consonat cum can. 32. ex Laodicensi juxta interpretationem Mercatoris. Paulo aliter Dionysius habere videtur ibi: Quod non oporteat ab hæreticis eulogias accipere, quæ sunt maledictiones potius, quam benedictiones. Sed nihil refert eulogias Græce appellare, vel Latine benedictiones: etenim eulogiz nihil aliud apud veteres erant, quam Panes benedicti, qui unicuique de populo etiam absenti distribuebantur in signum Ecclesiasticæ communionis, quemadmodum constat ex eodem Concilio Laodicensi can. 14. & ex Augustino in Epist. 35. ad Alypium ita scribente: Panem unum sanctitati tue unitatis gratia misimus, quo etiam trinitatis soliditas continetur. Hunc Panem eulogiam esse tu facies dignitate sumendi. Ex his facile liquet perperam hunc canonem a Gratiano laudari, ut exinde colligatur Sacramenta plurima ab hæreticis collata nullo modo valere, uti ipse ait post canonem 60. eadem cau. 1. q. 1. non enim ibi agitur de Sacramentis Hæreticorum, sed potius de signis Ecclesiasticæ communionis, quæ ab hæreticis nullo modo exhiberi possunt, atque a Sacramentorum natura quam longissime distant.

Can. 4.
can. 26.
qu. 5.

In Canone 4. can. 26. qu. 5. exhibetur can. 36. ex Laodicensi; & quidem juxta interpretationem Dionysii in prioribus verbis; posteriora apud eundem Dionysium hæc sunt: *Eos autem, qui bi-*

ntuntur, ab Ecclesia polli precipimus. Paulo aliter exposuerunt Græcorum exemplarium recentiores Interpretes ita: Quod non oportet sacros, vel Clericos esse magos, vel incantatores, vel mathematicos, vel astrologos, vel facere, quæ dicuntur phylacteria (vel, ut aliis placeat; quæ dicuntur amuleta) quæ quidem sunt ipsarum animarum vincula; eos autem qui ferunt, ejici ex Ecclesia jussimus, Phylacteria, sive amuleta nihil aliud erant, quam fasciæ quædam collo appendæ, quibus aliqui putabant, quandam inesse virtutem ad certos effectus producendos, juxta illud quod ad hunc canonem Alexius Aristenus tradit: Qui Sacerdotium proficitur, non oris magus, vel ex iis, qui amuleta collis appendunt.

Canon 2. Laodicensis habetur in can. Can. 4. 4. cau. 26. qu. 7. & quidem fere consonat cum Iſidoro Mercatore, cujus hæc qu. 7. sunt verba: "His qui diverforum peccatorum lapsus incurruunt, & instant, orationi, confessioni, ac poenitentia, malorum suorum perfectam conversionem demonstrantes, pro qualitate peccati poenitentia tempustribuendum est, propter misericordiam & bonitatem Dei, qui hujusmodi sunt, revocandi, & ad communionem applicandi". Alii interpretes similia omnino habeat. Inter ceteros Dionysius Exiguus ita scribit: De his, qui diversis facinoribus peccaverunt, & perseverantes in oratione confessionis, & poenitentia, conversionem a malis habere perfectam, pro qualitate delicti, talibus poenitentia tempus impensum propter clementiam, & bonitatem Dei communio concedatur.

Quadragesimale tempus olim ita observabatur, ut fideles ab illis penitus abstinere, quibus possent quoquo modo a poenitentia, atque ab oratione distrahi. Hinc vetitum fuit celebrare tum natalitia, cum nuptias, quemadmodum legitur in canone 52. Laodicensi, quem Gratianus retulit in can. 8. cau. 33. q. 4. juxta interpretationem Mercatoris. Dionysius Exiguus, aliique Interpretes omnino concordant.

Canon 8. de consecr. dist. 3. idem est cum Canone 50. ex Laodicensi juxta interpretationem Iſidori Mercatoris. Paulo aliter Dionysius his verbis: "Quod non oporteat in quadragesima in ultima septimana quintæ feriæ jejunium solvere, totamque quadragesimam si-

Can. 8.
can. 33.
q. 4.

Can. 8.
de consecr.
dist. 3.

„ ne veneratione transire, magisque con-
 „ veniat omnem quadragesimam distri-
 „ cto venerari jejunio“. Isidori autem
 & Gratiani interpretatio magis cum Græ-
 cis exemplaribus consonat; etenim ex
 istis hæc exprimuntur: „ Quod non oportet
 „ ter in Quadragesima postrema septi-
 „ mana quintæ feriæ jejunium solvere,
 „ & totam Quadragesimam dehonestare;
 „ sed oportet totam Quadragesimam je-
 „ junare aridis vespentes“. Duo in hoc
 constituta sunt. Alterum pertinet ad
 Quadragesimale jejunium, quod postre-
 ma Quadragesimæ hebdomadæ feria quin-
 ta finem habere non debeat; atque id
 Decretum est adversus quosdam, qui
 postquam per totam Quadragesimam je-
 junassent, maxima quinta feria jejunium
 solverent instante Cœna Domini, ad cu-
 jus exemplum putabant posse se agnum
 comedere, & sic omni jejunii lege solu-
 tos esse. Pertinet alterum ad modum je-
 junii observandi, juxta quem quicumque
 vere jejunaturi essent, aridis tantummo-
 do vesci debebant. Referam ad hanc rem,
 quod tradit Balsamon: „ Nota ex præ-
 „ senti canone, quod aridis vesci debe-
 „ mus omni quarta, & sexta feria. Qui
 „ ergo sine morbo cum oleo, & tellu-
 „ ceis jejunant, faciunt contra legem:
 „ Multo autem magis, qui in quartis,
 „ sextisque feriis pisces comedunt. Quia
 „ autem necesse est, ut aquam bibant
 „ etiam, qui morbo non laborant, dici-
 „ mus, quod Canones quidem nihil tale
 „ definiunt: quoniam autem magnus Epi-
 „ phanius Cypri in panariis dicit, de-
 „ bere fideles in sex diebus ante Pascha
 „ Pane, & Sale, & Aqua nutrirī, cum
 „ aridorum esu aquam quoque bibere
 „ bonum est“. Videtur cum his maxi-
 me congruere, quod scribit auctor Con-
 stitutionum Apostolicarum lib. 5. cap. 19.
 ibi: *in diebus Pasche jejunare incipientes*
a secunda Sabbati usque ad Parascevem,
& Sabbatum dies sex, solo pane utentes,
solo, atque olivibus, & aqua in potum.

Can. 38.
de conf.
dist. 4.

Canon 38. de conf. dist. 4. idem est
 cum can. 46. ex Laodicenis, juxta inter-
 pretationem Mercatoris Dionysius Exi-
 guus his verbis Græcum canonem exhi-
 bet: *Quod oporteat eos, qui ad baptismum*
veniunt, fidem discere, & quinta feria
septimana majoris, Episcopo, aut Presby-
teris reddere: Apud alios hæc verba le-
gantur: Quod oportet eos, qui baptizan-

di sunt, fidem ediscere, & quinta hebdo-
madis feria Episcopo, vel Presbytero re-
nunciare. Mos iste veterum erat, quo
 tempore præsertim in die Paschatis ba-
 ptismatis Sacramentum administrari so-
 lebat. Plurimum ad hanc eandem rem
 consonant Concilium Bracarense 2. Can.
 1. & Concilium Agathense can. 13.

In Canone 36. de conf. dist. 5. refe-
 runtur canones 41. & 42. ex Laodicenis,
 sed Gratianus fidem veterum, sive Græ-
 corum, sive Latinorum sequutus mini-
 me est. Etenim Dionysius Exiguus ita
 habet in can. 41. *Quod non oporteat Sa-*
cerdotem, vel Clericum sine literis profi-
cisci Canonicis. Et in can. 42. *Quod non*
oporteat Sacerdotem, vel Clericum, præ-
ter iussionem sui proficisci Pontificis. Apud
 Isidorum Mercatorem hæc leguntur in
 can. 41. *Non oportet Ministrum Altaris,*
vel etiam Laicum, sine Canonicis literis,
idest formata, aliquo proficisci. Et in can.
 42. *Non oportet Ministrum Altaris, vel*
quemlibet Clericum præter iussionem Epi-
scopi ad peregrina proficisci. Forte ex hac
 Isidori interpretatione desumit Gratia-
 nus ea, quæ de Laicis subdidit. Cete-
 rum de Laicis nulla fit mentio in exem-
 plaribus Græcis, ex quibus canone 41.
 hæc describi Latine possunt: *Quod non*
oportet sacerdotem, vel Clericum sine iussu
Episcopi iter ingredi, & Canone 42. Quod
non oportet sacerdotem, vel Clericum sine li-
teris Canonicis iter ingredi.

Can. 36.
de conf.
dist. 5.

In canone 37. de conf. dist. 5. sequen-
 tus est Gratianus de more suo interpre-
 tationem Isidori Mercatoris ad canonem
 34. Laodicenum. Et quidem cum Isido-
 ro consonare videtur Dionysius his ver-
 bis: *Quod non oporteat Sacerdotes, aut*
Clericos quibuscumque spectaculis, in ca-
nis, aut in nuptiis interesse, sed ante-
quam thymelici ingrediantur, exargere
eos convenit, atque inde discedere. Thy-
 melicorum mentio fit in jure civili, tam-
 quam eorum qui gladiatorum muneribus
 sese exercebant l. 4. de his qui notant.
 infamia, l. 10. de pollicitation. vel qui
 inhoneste vivebant, uti deducitur ex l.
 ult. Cod. Theodos. de Clericis, ibi: *ut*
nulla famina, nec puer Thymelicis con-
sortio imbuantur, si Christiana Religione
esse cognoscitur. Videtur Alexandrum ab
 Alexandro lib. 3. genialium dierum
 cap. 9.

Can. 37.
de conf.
dist. 5.

CAPUT XII.

De Concilio Constantinopolitano I.

Tria apud Gratianum laudantur Concilia nomine Constantinopolitana. Primum est generale illud sub Damaso, alterum rursus generale sub Vigilio celebratum, postremum ad Photii tempora pertinet. De omnibus suo loco seorsim agendum est. In præsentia memorabo Canones illos, qui ex Concilio Constantinopolitano sub Damaso a Gratiano depromti fuerunt.

- { *Can. 10. dist. 19. paullo varius in diversis exemplaribus.*
Can. 3. dist. 22. incerta fidei, & varius in exemplaribus.
Can. 8. cau. 9. qu. 2. { simul jungendi, atque ex interpretatione Diony-
Can. 9. cau. 9. qu. 2. 2. { si explicandi.

Nondum omnino pacatæ fuerant res Ecclesiæ diutius quarto sæculo Ariarum callide tergiversantium contentionibus undequaque concussæ, quum jam novæ emerferunt hæreses adversus Spiritum Dei, Spiritum ex Patre, & Filio proficiscentem, & Deum. Etenim labente eodem sæculo Macedonius quidam Constantinopolitanus Episcopus, vir in primis male apud Catholicos audiens, quod Arianis plurimum faveret; deinde vero ipsis etiam Arianis invisus, quod teterrima fecisset scelera, suisque malo fuisset exemplo, in Schismata, & dissensiones pronus novæ sectæ sese Auctorem constituit, cæpitque docere, Spiritum Sanctum Deum non esse. Huic Episcopo perditissimo accessit Aetius quidam, qui exceptis quibusdam præjudicatis in Aristotelicorum schola sententiis, ad divina exinde intendens animum, perperam tum de Filio Dei, tum de Spiritu Sancto differebat, facileque se Macedonio socium devinxit. Aetium inter ceteros libentissime audivit Eunomius, qui deinde institutores etiam suos perfidia superavit; ut enim erat ingenii alacritate fervidus, plurimos in suam sententiam pertraxit; unde apud Historicos Eunomianorum nomen celebratissimum est, qui & Arii hæresim renovarunt, & Macedonii errata provexerunt, divinam tum Dei Filio, tum Spiritui Sancto naturam denegantes. Hinc nemo non videt, quanto in periculo versaretur Ecclesia, præsertim Constantinopolitana, quæ primum nata est in Episcopum suum Macedonium post annum 350. deinde eo abdicato Episcopum habuit Eudoxium Arianum post annum 359. Ei quidem

successit Evagrius Horthodoxæ fidei propugnator, sed is deinde actus in exilium fuit, intruso in ejus locum Demophilo Semiariano; & quamquam huic Theodosio Magno Imperatore Optimo curante substitutus deinde fuerit Gregorius cognomento Theologus, sive Nazianzenus, non diu tamen perstitit, in cujus locum circa annum 380. Maximus Alexandrinus, homo hæreticus Arianus successus est.

Gravissimo huic incommodo, quod in Constantinopolitana Ecclesia universi, ac præsertim Orientales omnes fideles, ægre patiebantur, non meliori modo occurrendum erat, quam si celebraretur generale Concillium, in ipsa etiam urbe Constantinopoleos, quo fieret, ut & ea, quæ ad fidem, & ea, quæ ad disciplinam Ecclesiasticam stabiliendam facere possent, saluberrimis decretis firmarentur. Huc operam suam contulit, & quidem maximam Theodosius Magnus Imperator. Huc Damasi Pontificis Maximi vota collimarunt; quamobrem consentientibus omnibus in urbem Constantinopolitanam acciti sunt Episcopi Ecclesiæ universi, conveneruntque centum & quinquaginta, ut plurimum Orientales, quorum potissimum causa agebatur, anno Domini 381., confirmataque Nicæna fide adversus Arium, non solum damnata fuit Macedonii, aliorumque hæresis adversus divinam Spiritus Sancti naturam blasphemio quodam improborum hominum impetu concitata; verum etiam in vicem perfidorum Episcoporum, qui Constantinopolitanæ Ecclesiæ præfuerant successus est Nectarius, licet recens baptizatus, Vir ætate gravis, & sapientia,

tia, prudentiaque, & morum integritate insignis ac venerabilis.

Nonnulla quoque disciplinæ Ecclesiasticæ capita definiri necesse ibidem fuit, quemadmodum revera constituta sunt. Verum acerrima est inter Viros eruditos disputatio, num trestantummodo in hoc Concilio constituti Canones fuerint; quemadmodum hoc numero refert Dionysius Exiguus, an vero septem, quemadmodum apud alios Collectores habentur, præsertim in exemplaribus Græcis, qualia hodie edita habemus. Ego sane, si unam editionem cum altera conferam, video maxime interesse non solum in recensendo Canonum numero, sed etiam in ipsis Canonibus inter ipsos distinguendis; exempli causa qui est apud Dionysium secundus, apud alios Collectores in duos divisus est, atque consonat cum secundo & tertio. Necessarium sane non est proposito meo in singula inquirere. Satis erit, si de his edisseram, quæ apud Gratianum habentur; præsertim quod nihil amplius a Gratiano afferatur, quod in tribus prioribus Canonibus Concilii contineatur.

Can. 10. dist. 19. Inter Gratiani fragmenta ex hoc generali Concilio deprompta primum locum tenet Canon 10. dist. 19., cujus verba melata sunt penitus ex interpretatione Isidori Mercatoris; dummodo tamen hæc initio addantur: *De Maximo Cynico Philosopho, & propter totius indisciplinationis ejus doctrinam &c.* Hic porro Canon apud eundem Isidorum numero sextus est; apud Dionysium Exiguum tertius, in Græcis autem exemplaribus, quæ hodie edita habemus, est quartus. Josephus Ægyptius in sua Paraphrasi Arabica sequutus est Dionysium Exiguum, & quarto numero hunc eundem Canonem descripsit. Romani Correctores verba Canonis ex Græco textu paulo aliter interpretati sunt, quam habeat Gratianus. Referam ego verba Dionysii Exigui interpretis antiquissimi. *De Maximo Cynico, & ejus inordinata constitutione, qua Constantinopoli facta est, placuit neque Maximum Episcopum esse, vel fuisse, nec eos, qui ab ipso in quolibet gradu Clerici sunt ordinati; cum omnia, qua ab eodem perpetrata sunt, in irritum deducenda esse videantur.* Porto hic Canon referendus est ad ea, quæ superius diximus, videlicet ad Maximum Alexandrinum, qui ab Arianis in locum Gregorii Nazianzeni successus fue-

rat in Episcopatu Constantinopolitano. Cynicus appellatus est Maximus, quod Cynicorum Philosophiæ addictus esset. *Cynici autem, subdit Balsamon, & Zonaras ad hunc Canonem, dicebantur propter eorum arrogantiam, audaciam, & impudentiam.* Et Abulpharagius Dynast. 5. de Cynicis ait: *Facta Canonum referunt, eosque Cynicos, vel Caninos appellarunt.* Nemo in dubium revocaverit, quo minus hic Canon vere tribuendus sit Concilio Constantinopolitano, cum in omnibus Concilii editionibus etiam antiquissimis, licet non sub eodem numero, habeatur; imo Sozomenus de eo certum testimonium ferat in lib. 7. cap. 9. Observatione illud peculiariter dignum est, quod in hoc Canone non proprie depositus fuisse dicatur Maximus, sed potius irrita ejusdem ordinatio declaretur; is enim non erat juxta sacrorum Canonum constitutiones ordinatus, sed hæreticorum potius opera, imo nec petito consilio Provincialium Episcoporum ad Constantinopolitanam Sedem adductus.

Plurimum dissonant inter se hujus *Can. 3. dist. 22.* colli Codices in exhibendo Gratiani fragmento, quod descriptum legimus in Can. 3. dist. 22., ubi postquam statutum est unumquemque Episcopum ultra Ecclesiam suam, vel Diæcesim jurisdictionem exercere non debere, ita subsequitur: *Ecclesias autem Dei in barbaricis gentibus constitutas gubernari convenit juxta consuetudinem, qua est a Patribus observata. Verumtamen Constantinopolitanus Episcopus habeat honoris primatum post Romanum Episcopum, propterea quod Urbs ipsa sit junior Roma.* Isidorus Mercator eadem verba habet, quæ legimus apud Gratianum, & quidem in Can. 3., quem omnino distinguit ab eo capite, in quo de Ecclesiis apud Barbaros constitutis definitum fuerat, illud enim recenset in Canone 4. proxime antecedente. Justellus in suo Codice Canonum Ecclesiæ universæ ita exposuit integrum Canonem numero tertium: *Constantinopolitana Civitatis Episcopus habeat privilegia honoris post Romanum Episcopum, eo quod sit ipsa nova Roma.* Qui Græca recens edita exemplaria sunt interpretati, sic scripserunt in Can. 3. *Constantinopolitanus Episcopus habeat Prioris honoris partes post Romanum Episcopum, eo quod sit ipsa nova Roma.* Paullo aliter Josephus Ægyptius in sua Paraphrasi Arabica, ubi Can. 2. postquam traditum est neminem

minem ex Episcopis transgredi posse sine administrationis sibi assignatos, subiungitur: *Ad hac Episcopo Constantinopolitano honor, dignitas, & maiestas deferuntur; propterea quod proximus post Episcopum Romanum sedet; quoniam urbs Constantinopolis hodie est nova Roma (in exemplaribus inveni scriptum: novum Nicæam) & manifestum est, quod usque ad nostra hæc tempora nova Roma appellatur.* In alia vetusta Collectione Latina edita apud Jusellum Tomo 1. pag. mibi 302. in fine Canonis 3. hæc habentur: *Constantinopolitanum autem Episcopum habere Primum honoris post Romanum Episcopum, propter quod cum esse censemus juniorem Romanum.*

Post hanc Codicum varietatem plurimum inter se diffident eruditi in explicanda, tradendaque Canonis ejusdem sententia. Afferunt nonnulli hunc Canonem Apocryphum prorsus, & supposititium esse, adjectum forte a Græcis, illis præsertim, quorum intererat Constantinopolitanum Patriarchatum ab antiquissimis Generalium Conciliorum Sanctionibus auspiciari. Alii inficiari non audentes Canonem in Concilio fuisse editum, asserunt illum parum auctoritatis habere, quod a Pontifice Maximo receptus non fuerit, aut confirmatus, cum non ignorent non statim post Concilium hoc Constantinopolitanum, Episcopum Civitatis Constantinopoleos Patriarchalem dignitatem obtinuisse. Alii etiam asseruerunt & Germanum esse Canonem, & probatum in universa Ecclesia; ex eo tamen deduci non posse, jam tum Constantinopolitanam Ecclesiam Patriarchalem fuisse. Quid memorem aliorum opiniones aliter arbitrantium, ubi cuique voluntati suæ hæc in re morem gerere se posse placuit?

Ego sane ut candide fatear, non potui huc usque alius potius, quam alius adherere. Gravia sunt omnium argumenta, & non exigui momenti conjecturæ; quæ sane, sicut in antiquissimis rebus plurimum valent, quoties unam tantum partem adjuvant, ita e converso ubi utrimque rem promovere videntur in oppositas partes, rem ipsam magis in incerto collocant. Itaque ego singulorum rationes tantummodo exponam, ut unusquisque facile exinde possit quamcumque maluerit opinionem amplecti. In primis vero quædam in facto consentientia non omittam, ut certa ab incertis penitus separentur. Certissimum in

Tom. I.

primis illud est; hunc Canonem in omnibus Codicibus legi, nec apud quempiam ex Collectoribus etiam vetustissimis omissum fuisse; imo laudatur tanquam in hoc Concilio Constantinopolitano editus a Zozomeno lib. 7. cap. 9. & a Socrate lib. 3. cap. 8. Illud præterea certum est non eadem apud Collectores omnes formula explicari, quod pertinet ad dignitatem Episcopi Constantinopolitani; alii enim Episcopo eisdem competere ajunt *Primum honoris*; alii *privilegia honoris*; alii *primatus honorem*; alii *honorem*; *dignitatem*, & *Majestatem*, ut proximum post Romanum Episcopum sedeat; alii demum *priores honoris partes*. Item certum etiam est eundem Canonem non ubique apud Collectores in eodem loco, ac sub eodem numero collocatum fuisse, cum in aliquibus collectionibus habeatur tamquam Appendix Canonis 2. Constantinopolitani, in aliis sit numero tertius, in aliis etiam quartus. Demum etiam certum est, hunc ipsum Canonem confirmatum fuisse ab Justiniano Imperatore in Novella 131., in qua cum definitum esset in cap. 1., Sanctorum quatuor Priorum Conciliorum dogmata, & Canones recipiendos esse, deinde ita statuitur in cap. 2. *Ideoque sancimus secundum earum (id est quatuor Synodorum) definitiones sanctissimum senioris Romæ Papam primum esse omnium Sacerdotum, Beatissimum autem Archiepiscopum Constantinopoleos nova Roma secundum habere locum post Sanctam Apostolicam senioris Romæ sedem, aliis autem omnibus sedibus præponatur.* Indubia sunt isthæc, atque perspicua. Juvat nunc adferre Eruditorum aliter opinantium, uti diximus, argumenta.

Sunt, ajebam, qui hunc Canonem supposititium arbitrantur, ea de causa, quod etiam post tempora ejusdem Constantinopolitani Concilii nemo ex Episcopis Constantinopolitanis sibi primum supra ceteros Episcopos auctoritate hujus Canonis vindicaverit, quod sane non omisissent, si eum Canonem in promptu habuissent, cum Constantinopolitani Episcopi nullum non lapidem moverint, ut dignitatem suam supra Græcos Episcopos omnes attollerent: præsertim vero id fecisset Anatolius, qui licet a Leone Magno exagitaretur, quod ipse se majorem ceteris Orientalibus Episcopis assereret, nullibi tamen Constantinopolitanum hunc Canonem opposuerit, ex

R quo

quo causæ ejus maximum præsidium accessisset. Imo. Anatolius idem, si jam primatus sui rationem definitam in præcedentibus Conciliis agnovisset, frustra curasset clanculum in Concilio Chalcedonensi, ut definiretur in Canone 28., quemadmodum suo loco ostendimus. Adjunct præterea non esse verosimile Constantinopolitanæ sedis primatum Concilii hujus tempore potuisse constitui sine contradictione Orientalium Episcoporum, præsertim cum detraheretur plurimum tum juribus Metropolitani, cui Constantinopolitanus Episcopus suberat, tum juribus Patriarchæ Alexandrini, qui primam totius Orientis sedem tenere ob prærogativam suæ Ecclesiæ videbatur; præsertim vero cum in Canone 2. ipsius Concilii Constantinopolitani statueretur, salva esse debere singulis Ecclesiis privilegia, & jura Episcoporum, quemadmodum jam antea fuerant in Nicæno Concilio constituta; in Concilio autem Nicæno Can. 6. prima dignitas Ecclesiæ Orientalis concessa fuisset Alexandrino Episcopo, & secundus honor Antiocheno, non poterat sine manifesta antynomia Constantinopolitanus Episcopus cæteris omnibus anteferri, ne Constantinopolitani Patres fingantur in uno eodemque Canone & confirmare Nicænas regulas, atque illas evertere.

Aliter argumentantur illi, qui hunc Canonem germanum, & genuinum esse asseverant. Exhibent enim Codices antiquissimos, præferunt Historicorum veterum gravissima testimonia, a quibus sano difficile est in re facti obtentu cuiusvis rationis recedere. Ex eruditissimam, qui ita arbitrantur, nonnulli sunt, qui, ut adversariorum difficultatibus supra propositis responderent, dixerunt hunc Canonem, de quo disputatur, editum fuisse dissolutio Concilio a quibusdam Episcopis Orientalibus, qui præter modum evehere Constantinopolitanam sedem, ac dignitatem operabant, proindeque Canonem hunc Concilii ipsius Constantinopolitani auctoritatem minime habere. Verum (ipsorum venia dixerim,) ingeniosa sunt potius hæc, quam vera; cum neminem ex Historicis adferre quippiam possit, ex quo deducatur Episcopos quosdam Orientales dissolutio Concilio novas regulas edidisse, ac nomine ejusdem Concilii evulgasse. Si forte id aliquo modo demonstrari posset, facile esset caspiperere, qua ratione aut Alexandriensis, aut Antiochenus Episcopus

non restiterint, eum absentes proponerentur, aut ab Episcopis Constantinopolitanis data occasione non proditum fuerit Canon, utpote cui totius Concilii consensus minime accesserat. Sed cum hæc non innitantur historica fide, frustra elaborandum esset, eo vel magis, quod in contrarium urgeant penes nos gravissimæ conjecturæ. Quis enim auctor esse potuit dissolutio Concilio Constantinopolitano, ubi nonnulli Episcopi, jam aliis abeuntibus, rursus convenirent, & de Primatu sedis Constantinopolitanæ privato judicio statuerent, aut quidpiam de eodem Primatu jam editis Canonibus infererent, vel adjicerent? Si quis potuisset ita sedis Constantinopolitanæ honores promovere, is sane inter ceteros esse debebat ipsismet Constantinopolitanus Episcopus, utpote cujus maxime intererat. At vero ego id ne suspicari quidem ausim de Nectario, qui recens e Catechumeno factus erat in eodem Concilio Episcopus Constantinopolitanus; inverosimile enim omnino est Virum eximium, morum integritate apud omnes commendatissimum statim ad Constantinopolitanam sedem evectum, Primatum Orientis totius contra mores, & disciplinam sui temporis exoptasse, atque ad id quamplures Orientales Episcopos excitasse, ut dissolutio Generali Concilio, & facto quodammodo Schismate novum Convantum facerent, delaturi Primatum Episcopo Constantinopolitano, dimissis & non auditis illis, quorum poterat interesse: Quod si ex subscriptionibus Episcoporum in Concilio factis, illarumque ordine, aliquod argumentum deduci potest, facile erit agnoscere in Concilio ipso Constantinopolitano jam Nectarium ipsum Constantinopolitanum Episcopum obtinuisse Primatum honoris, cum primus actis Concilii subscripsisse agnoscat.

Sequitur aliorum opinio existimantium, hunc quidem Canonem in Concilio Constantinopolitano editum fuisse, non tamen in universali Ecclesia statim receptum, contradicentibus præsertim Pontificibus Maximis; quod probant ex sancto Leone Magno inter ceteros, & sancto Gregorio Magno, qui & Anatolio, & Johanni Constantinopolitanis ad Primatum Orientalis Ecclesiæ contendentibus feruntur alacriter oblituisse. Hi sunt, qui Concilii Constantinopolitani decreta in duas classes distribuenda fore arbitrantur; vel enim ad fidem confir-

mandam pertinent, unaque damnandam hæresim Macedonii, atque aliorum; ac tum asserunt Concilii Constantinopolitani decreta fuisse generaliter in tota Ecclesia probata; vel versantur in disciplina Ecclesiastica stabilenda; atque in ea parte Ecclesie universæ auctoritatem minime agnoscunt. Non videntur autem temere rem ita explicavisse; habent enim ad hanc rem perspicua verba Gregorii Magni in Epistola ad Eulogium Alexandrinum, & Anastasium Antiochenum Episcopos, quæ est in lib. 6. 31. ita scribentis: *Et Canones quidem Constantinopolitani, Concilii Eudoxianos damnant; sed quis fuerit eorum auctor Eudoxius, minime dicunt. Romanam autem Ecclesiam easdem Canones, vel gesta Synodi illius habuisse, non habuit, nec accepit, in hoc autem eodem Synodo accepit, quod est per eam contra Macedonium definitum. Reliqua vero hæreses, quæ illis memorata sunt, sub aliis iam Patribus damnatas reprobat.* Si cui placeat hæc interpretatio, in facile sibi persuadere poterit, eam Synodum, ad quam neque Pontifex Maximus, neque ejus legati intervenerant, a Romanis habitam, & receptam fuisse tantummodum in dogmatibus fidei, non autem in ceteris, quæ ad disciplinam Ecclesiasticam pertinebant; etenim ad unitatem Ecclesiarum satis erat Græcis, Romanos certiores facere de fidei definitionibus apud ipsos editis, quidquid deinde de Ecclesiastica disciplina capitibus fuisset constitutum; immo etiam exinde facile percipiet, quare apud Latinos Constantinopolitani tandem decreta debuerint, ut supra: Orientales Episcopos primum locum teneret Constantinopolitanus Antistes; nondum enim ubique recepto Constantinopolitano Canone, non erat, cur facile Latini Constantinopolitanorum votis, ac postulationibus indulgerent.

Postrema tandem aliorum opinio hæc erat, ut scilicet potuerit hic Canon in utraque Ecclesia recipi, quin tamen exinde sequeretur Constantinopolitanum Episcopum & dignitate gradus, & potestate jurisdictionis ceteros Orientales Episcopos antecederet. Aliud quippe significat, simplicem supra quosdam Episcopos honorem habere, aliud exercere jurisdictionem. Hoc porro Canone concessus est *honor primatus*, idest, ut aliis placet explicare, *primatus honoris*, seu *privilegium honoris*, aut *honor, dignitas*;

majestas, ut proximus post Romanum Episcopum sedeat, aut priores honoris partes. Hæ autem formulæ non aliud sonant, quam nudum honorem, non honorem cum potestate, seu jurisdictione conjunctum. Honorabilis ergo horum sententia in vim hujus Canonis fuit Constantinopolitanus Episcopus, non supra ceteros Episcopos potestate donatus, ut ex gr. posset primus sedere in Conobio, primus Concilio subscribere apud Græcos, non jurisdictionem in aliis exerceret, sed potius duo ipse Metropolitanus in Provincialibus negotiis subderetur. Qui ita sentiunt, ita etiam explicant honorem Hierosolymitanæ Episcopo debitum, prout statuitur in Canone 7. ex Nicænis, ubi ita legitur: *Quoniam consuetudo obtinuit, & antiqua traditio, ut Abba Episcopus honoratur, habeat ordinem honoris. Metropolitanus propria dignitate servetur.* Merebatur sane tunc temporis singularem honorem Civitas Constantinopolitana Imperiali sede insignita, & jam nova Roma titulo nuncupata, cui maximum decus vel in eo accessisset, quoties ejus Civitatis Episcopus in comitiis sacris celebrandis & confidendo, & subscribendo primas apud Græcos haberetur, salva ceteroquin in reliquo aliorum Episcoporum jurisdictione. Hinc facile percipiunt rationem, quare in hoc Constantinopolitano Concilio primus subscripserit Nestarius Constantinopolitanus, etiam ante Episcopos Alexandrinum, & Antiochenum, quare rursus in Concilio Chalcedonensi primus subscripserit Anatolius post Legatos Pontificios, item cur in actis ejusdem Chalcedonensis Synodi legatur Episcopos conquestos esse, quod in Conciliabulo Ephesino Flavianus Constantinopolitanus quinto loco fuerit collocatus, scilicet post Hierosolymitanum, & Antiochenum Episcopos, uti habetur in actione I. Concilii Chalcedonensis. Hinc etiam percipitur, quare hic Canon de honore primatus Episcopi Constantinopolitani minime repugnet antemioribus Concilii verbis, quibus asseritur eadem potestas Episcopis omnibus, ac Metropolitanis, quæ jam fuerat in Nicæno Concilio constituta; cum prior Canonis pars de potestate, atque jurisdictione, posterior vero de nuda honoris prærogativa intelligatur.

Exposui his plures eruditorum opiniones. Omnibus sua laus debetur; nec video in quam ego potius pertrahar.

aliorum propterea, qui melius sapiunt, iudicium libentissime expectabo. Quæsumque autem arripiatur ex dictis sententia, illud certissimum est, ex eo Canone paullatim Episcopos Constantinopolitanos maiorem in dies jurisdictionem, ac potestatem ut explicarent, studuisse, quo tandem aliquando non honore tantummodo, sed & auctoritate ceteris Orientalibus Episcopis etiam Patriarchali honore præcellentibus præferrentur; quod etiam posteriore ætate Latinis placuit, quemadmodum deduci perspicue potest ex cap. 23, de privilegiis.

Can. 8. & 9. cau. 9. qu. 2. in Concilio Constantinopolitano proxime antecedunt verba dicti Canonis 3, dist. 22., imo apud Dionysium Exiguum unum eundemque numero Canonem constituunt; videlicet secundum. In aliis editionibus, in quibus diversus est Canonum numerus, aliter describuntur etenim in Græcis exemplaribus Canones 8. & 9. cau. 9. qu. 2. idem sunt cum Canone 2. Constantinopolitano, & Canon 3. dist. 22. idem est cum Canone 3. Constantinopolitano. Gratianus sequitur est Isidorus Mercatorem, qui Canonem 8. cau. 9. qu. 2. descripsit in Concilio numero secundum, & Canonem 9. cau. 9. qu. 2. descripsit numero tertium; at Canonem 3. dist. 22. descripsit numero quintum; & quidem Gratiani verba cum eodem Isidoro consonant. Paulo aliter habet Dionysius Exiguus Can. 2. his verbis: *Qui sunt super Diocesim Episcopi, nequaquam ad Ecclesias, quæ sunt extra præfixos sibi terminos, accedant, nec eas hac presumptione confundant; sed juxta Canones Alexandrinus, Antiochus, quæ sunt in Ægypto, regat solummodo; & Orientis Episcopi Orientem tantum gubernent, servatis privilegiis, quæ Nicænis Canonibus Ecclesia Antiochena tributa sunt. Asiana quoque Diocesim Episcopi ea solum, quæ sunt in Asiana Diocesi dispensent; nec non & Ponti Episcopi ea tantum, quæ sunt in Ponto; & Thraciarum, quæ in Thraciis sunt, gubernent. Non vocati autem Episcopi ultra Diocesi-*

sim non accedunt propter ordinationis faciendas, vel propter alias dispensationes Ecclesiasticas. Servata vero, quæ scripta est, de gubernationibus regula, manifestum est, quod illa, quæ sunt per unamquamque Provinciam, ipsius Provincia Synodus dispense, sicut Nicæno constat decretum esse Concilio. Ecclesias autem Dei in Barbariis &c. Quæ hoc in loco sequuntur verba jam superius reculi ad Canonem 3. dist. 22. Huic Concilii Constitutioni occasionem dederunt plurimum Episcoporum excessus, qui in alienis, remotissimisque Diocesibus Episcopos ordinaverant; inter quos fuit Meletius Orientis Episcopus, qui Constantinopolim profectus, ibidem ipse inter alios Gregorium Nazianzenum in Episcopum ordinaverat, si fides est Sozomeno lib. 7. cap. 3. & 7., item Petrus Alexandrinus Episcopos ex Ægypto Constantinopolim miserat, qui Maximum Cynicum Episcopum etiam Constantinopolitæos consecrarent, eodem Sozomeno teste dicto lib. 7. cap. 19., licet omnino distinctæ, distinctæque Dioceses essent; etenim Meletius in Oriente degebat, Petrus in Ægypto, & Constantinopolis Urbs in Thracica Diocesi esset constituta. Porro apud Græcos quinque erant divisæ Provincie; scilicet Oriens, Ægyptus, Asiana, Pontica, & Thracica. Orienti subdebatur Palestina, Phœnice, Syria, Cilicia, Cyprus, Arabia, Itauria, Palestina salutaris, Palestina secunda, Phœnice libani, Euphratensis, Syria salutaris, Osrhoena, Mesopotamia, & Cilicia secunda. Ægypto subdebatur utraque Lybia, Thebais, Ægyptus, Arcadia, & Augustanica. Asiana suberant Pamphylia, Nellespontus, Lydia, Pridia, Lycæonia, Phrygia Pacatiana, Phrygia salutaris, Lycia, Caria, & Insulæ. Pontica subdebantur Galatia, Bithynia, Honorias, Cappadocia prima, Cappadocia secunda, Paphlagonia, Pontus Polemoniacus, Nellespontus, Armeniæ prima, & secunda, & Galatia salutaris. Demum Thraciæ subdebantur Europa, Thracia, Hæmimontis, Rhodope, Mæsia secunda, & Scythia.

C A P U T X I I I.

De Concilio Casaraugustano.

Ex Concilio Casaraugustano legitur apud Gratianum.

† *Can. 15. de conf. dist. 5. Potissimum adversus Priscillianistas editus.*

ANno circiter 381. celebratum est Concilium Casaraugustanum ita dictum a Casaraugustana Civitate vulgo *Saragessa* in Tarraconensi Provincia Asagoriam Metropoli, convenientibus Episcopis duodecim sub Fitadio. Occasionem Concilio dederunt hæretici Priscillianistæ, qui tunc Hispaniarum Ecclesias perturbabant, agentes duos esse Deos, sive duo rerum principia, bonorum alterum, alterum malorum; hinc idem in edium Dei creatoris, quem die septimo æteram omnium universitatem complevisse, ac requiescere acceperant, diem Dominicum minime sanctificabant, imo præter morem tristes eodem tempore se le sigidis jejuniis affligebant. Quamobrem Casaraugustani Patres generaliter decre-

verunt, ut nemo superstitionis hujusmodi causa diem Dominicum jejuniando transigeret, quod & postea in universa Ecclesia moribus receptum est. Habetur hæc constitutio in Canone 2. Casaraugustano, quem retulit Gratianus in Can. 15. de conf. dist. 5. cujus tamen verba ita legenda sunt: *Ne quis jejunet die Dominica causa temporis, aut personarum, aut superstitionis, ut de quadragesimarum diebus ab Ecclesiis non desint; nec habitent latibula cubiculorum, ac montium, qui in his suspicionibus perseverant, sed exemplum, & præceptum custodiant Sacerdotum, & ad alienas villas agendorum conventuum causa non conveniant. Anathematizati, qui hæc commiserint.*

C A P U T X I V.

De Concilio Bilonensi.

Nomine Concilii Bilonensis retulit Gratianus sequentem Canonem.

† *Can. 16. dist. 18. Potius est Concilii Hipponensis.*

Obscurissimum est, & prorsus ignotum apud studiosos rerum Ecclesiasticarum Obacillum illud, quod Bilonensis nomine laudavit Gratianus in Can. 16. dist. 18. neque enim vel locus designari potest, unde appellatur ita fuerit, vel qua de causa, vel quo tempore, vel quo auctore fuerit celebratum. Correctores Romani observarunt, hunc Canonem in veteribus Gratiani exemplaribus desiderari; sed cum in plurimis etiam antiquissimis habeatur, non est cur a me sic prætereundus. Sentiant eruditi ferme omnes, emendandam esse inscriptionem, & pro Bilonensi Concilio legendum potius esse Cabilonense. Ego vulgari huic opinioni facile adhærerem, quoties in aliquo Cabilonensi Concilio Canon hujusmodi haberetur. Sed in editis Cabilonensibus Conciliis frustra hæc constitutio quaeritur; quamobrem arbi-

tror hanc conjecturam tum demum locum habituram esse, quum tale Concilium Cabilonense adpareat, in quo Canon ille reperiatur.

Interea ego potius arbitror pro Concilio Bilonensi legendum potius esse Hipponense, neque enim tanta est vocis utriusque dissimilitudo, ut non facile ex Codicibus præsertim Mss. una vice alterius exarari potuerit. Referendus erit tunc Canon 16. dist. 18. ad Concilium Hipponense anni 393. in quo fertur S. Augustinus adhuc Presbyter de fide, & symbolo strenue disputavisse, quemadmodum narrat Possidius in ejus vita cap. 7. Huic Concilio adscribi solent Canones 40. sed Schelltracius Ecclesiæ Africane Dissert. 3. cap. 61. supposititios eos esse variis argumentis contendit; contra quam dein conatus fuerit Paschasius Quesselius in Dissertatione sua 12. in Ap-
pen-

pendice ad Leonem Magnum. Quidquid tamen sit, hodie ipsimet Hipponenses canones desiderantur; ac superest tantummodo brevatio quædam, sed brevitarium eorumdem incerti auctoris. Edidit integrum Quesnellius in Codice Canonum, quem tribuit Ecclesiæ Romanæ, ubi cap. 5. hæc leguntur: *Ut propter causas Ecclesiasticas, quæ ad perniciem plebium sæpe veterascunt, singulis quibusque annis Concilium convocetur, ad quod omnes Provincia, quæ primas sedes habent, ex Conciliis suis terminos legatos mittant: ut & minus invidiosi, minusque hospitibus sumtuosi convenerint, plena possit esse auctoritas.* Ceterum ejusdem Concilii Breviarium antiquissimum est, cum de eo mentio fiat in Codice Canonum Ecclesiæ Africanæ cap. 34. ibi: *Epigonius Episcopus dixit: In hoc Breviario, quod decretum est de Concilio Hipponensi, nihil arbitratur esse emendandum, vel assuendum, nisi, ut dies sancta Pascha tempore Concilii innotescat; quæ verba deprompta sunt ex Concilio Carthaginensi anni 397.* Sunt qui ad calcem Concilii Carthaginensis vulgo 3. adjecerunt Breviarium Hipponensis Concilii, sed paucis admodum Canonibus descriptis, inter quos num. 6. leguntur hæc verba; *ut per singulos annos Concilium convocetur.* Idem autem Carthaginense Concilium ita constituerat Can. 2. *Similiter placuit, ut propter causas Ecclesiasticas, quæ ad perniciem plebium sæpe veterascunt, singulis quibusque annis Concilium convocetur.* Forte itaque apud Gratianum habemus integrum Hipponensem Canonem, quem Gratianus idem in aliquo vetusto Codice conservatum descripserit; etenim ea, quæ modo retuli, verba sunt vel ex Breviario petita, vel ex Concilio Carthaginensi, in quo Hipponense confirmatum fuerat. Nihilominus tamen facile suspicabor recentiores Canonum Collectores quidpiam addidisse, ut vetustum Canonem moribus suorum temporum accommodarent, in ea præsertim parte, in qua agitur de Abbatibus ad Synodum convocandis.

Utile præterea erit hoc in loco observare eandem non semper fuisse Eccle-

siarum disciplinam ratione temporis, quo concilia celebrari debeant. Etenim aliquando, quibusdam in Provinciis concilium fuerit, ut bis singulis annis concilia fierent, quemadmodum manifeste liquet ex Canone 38. ex Apostolicis, ex Concilio Nicæno; aliisque quamplurimis, aliquando tamen paullo aliter decretum est: ita exigentibus Ecclesiarum utilitatibus, videlicet ut semel tantum unoquoque anno convocarentur, sicut non solum deducitur ex dicto Can. 16. dist. 18. qualemcumque tandem auctorem habeat, verum etiam ex Concilio Tolitano 4. anni 633. Can. 3. ibi: *Quia juncta antiqua Patrum decreta bis in anno difficultas temporis fieri Concilium non finit, saltem vel semel a nobis celebratur.* Item in Concilio Nicæno 2. generali Can. 6. hæc leguntur: *Quoniam Canon est, qui dicit bis in anno in unaquoque Provincia per congregationes Episcoporum fieri oportere quæstiones canonicas, propter vexationem, & quod itinere perficiendo minus sufficerent, quicogebantur, statuerunt sancti sexta Synodi Patres ea omnino, & quæcumque postposita causa semel in anno fieri, & deliberari. Idcirco ergo Canonem nos quoque renovamus.* Aliquando etiam statutum scimus, ut tertio quoque anno tantummodo fierent, quemadmodum habetur in Concilio Martisconensi anni 585. Can. 20. in Concilio Lateranensi 3. anni 1179. sess. 10. & demum in Concilio Tridentino sess. 24. cap. 2. Si hodiernam praxim inspicimus, nullus amplius esse videtur Synodorum Provincialium usus, quidquid exoptaverint Tridentini Patres, forte, ut arbitror, quod non satis certa sint Metropolitanorum in suffraganeos Episcopos jura, quum sicut in plurimis, ita & in hac re consuetudinibus potius Provincialium, quam jure scripto pareatur. Vix autem identidem celebrari videmus Episcopales Synodos, quibus, si consulas Ecclesiasticæ disciplinæ forte per pravas consuetudines violatæ communi Clericorum consensu accedente, ac Concilio præseunte, futurum erit, ut veterum Patrum sanctiones juxta ebrundem mentem executioni mandentur.

C A P U T XV.

De pluribus Africanis, sive Carthagenensibus Conciliis 4.
vel 5. Ecclesie saculo celebratis.

Africana Concilia ita retulit Gratianus, ut nunc generali nomine Provinciae illa Africana appellaverit; nunc vero peculiari nomine Urbis, in qua Conventus factus est, Carthagenensis. Ex Carthagenensibus vero modo servato ordine temporis numeravi, ex gr. primum, secundum, aut tertium; modo ita inscripsit, ut ignotum prorsus esset, qualenam ex Carthagenensibus Conciliis memoraretur. Haec in causa sunt, cur in praesens sub uno capite Gratianea fragmenta ad Concilia Africana, aut Carthagenensia quaecumque pertinentia comprehendam sequenti methodo.

Ex Concilio Carthag. 1. {
Can. 3. dist. 54. paullo varius in diversis exemplaribus.
Can. 6. dist. 71. paullo varius in diversis exemplaribus.
Can. 3. cau. 15. q. 7. paullo varius in diversis exemplaribus.
Can. 1. cau. 21. q. 3. pertinet potius ad Concilium Chalcedonense.
Can. 2. cau. 21. qu. 3. consonat cum aliis Africana Ecclesiae Conciliis.

Ex Concilio Carthag. 2. {
Can. 3. dist. 31. referendus ad can. 3. dist. 84.
Can. 5. dist. 65. ad melioris nota Codices exigendus.
Can. 3. dist. 84. ad melioris nota Codices exigendus.
Can. 5. cau. 11. q. 3. ad melioris nota Codices exigendus.
Can. 29. cau. 11. q. 3. ad melioris nota Codices exigendus.
Can. 4. cau. 15. q. 7. paullo varius in diversis exemplaribus.
Can. 50. cau. 16. q. 1. ad exemplarium integritatem exigendus.
Can. 1. cau. 26. q. 6. consonat cum optimis exemplaribus.
Can. 5. cau. 26. q. 6. consonat cum optimis exemplaribus.

Ex Concilio Carthag. 3. {
Can. 5. dist. 23. paullo varius in diversis exemplaribus.
Can. 2. dist. 24. consonat cum Breviario Fulgentii Ferrandi.
Can. 8. dist. 32. commoda interpretatione illustrandus.
Can. 7. dist. 38. paullo varius in diversis exemplaribus.
Can. 5. dist. 42. consonat cum optimis exemplaribus.
Can. 4. dist. 44. consonat cum optimis exemplaribus.
Can. 2. dist. 72. consonat cum aliis Africanorum Conciliorum fragmentis.
Can. 5. dist. 77. consonat cum optimis exemplaribus.
Can. 27. dist. 81. consonat cum vulgatis Concilii exemplaribus.
Can. 32. dist. 81. paullo varius in diversis exemplaribus.
Can. 3. dist. 99. consonat cum optimis exemplaribus.
Can. 3. cau. 1. q. 4. consonat cum optimis exemplaribus.
Can. 4. cau. 1. q. 4. apocryphus, sed cum sententia Patrum Africanorum facile conformis.
Can. 34. cau. 2. q. 6. } simul jungendi, atque ex aliis Concilii exemplaribus emendandi.
Can. 37. cau. 2. q. 6. }
Can. 1. cau. 4. q. 5. } simul jungendi, & paullo varii in
Can. 1. cau. 4. q. 6. } diversis exemplaribus.
Can. 27. cau. 7. q. 1. paullo varius in diversis exemplaribus.
Can. 19. cau. 11. q. 1. ex melioris nota Codicibus emendandus.
Can.

Ex Concilio
Carthag. 3.

- Can. 43. cau. 11. qu. 1. ad melioris nota Codices exigendus.
 Can. 44. cau. 11. qu. 1. est veluti summa can. 43. cau. 11. q. 1.
 Can. 1. cau. 12. q. 3. consonat cum optimis exemplaribus.
 Can. 6. cau. 14. q. 4. paullo varius in diversis exemplaribus.
 Can. 5. cau. 15. q. 7. varius in diversis exemplaribus.
 Can. 54. cau. 16. q. 1. consonat cum optimis exemplaribus.
 Can. 13. cau. 20. qu. 1. est potius Concilii Agathensis.
 Can. 14. cau. 20. q. 1. idem est cum can. 5. dist. 77.
 Can. 3. cau. 21. q. 3. paullo varius in diversis exemplaribus.
 Can. 2. cau. 26. qu. 6. consonat cum vulgatis Concilii exemplaribus.
 Can. 14. cau. 26. qu. 6. consonat cum vulgatis Concilii exemplaribus.
 Can. 5. caus. 26. qu. 7. consonat cum vulgatis Concilii exemplaribus.
 Can. 49. de conf. dist. 1. paullo varius in diversis exemplaribus.
 Can. 5. de conf. dist. 2. paullo varius in diversis exemplaribus.
 Can. 96. de conf. dist. 2. consonat cum vulgatis Concilii exemplaribus.
 Can. 75. de conf. dist. 4. ad melioris nota Codices exigendus.
 Can. 107. de conf. dist. 4. jungendus cum can. 19. cau. 11. q. 1.

Ex Concilio
Carthag. 4.Incertæ omnes
auctoritatis.

- Can. 9. dist. 18. paullo varius in exemplaribus Concilii.
 Can. 2. dist. 23. consonat cum exemplaribus Concilii.
 Can. 7. dist. 23. vix varius in exemplaribus Concilii.
 Can. 8. dist. 23. nonnullis adjectis recentiore manu.
 Can. 11. dist. 23. consonat omnino cum vulgatis Concilii exemplaribus.
 Can. 15. dist. 23. paullo varius in diversis Codicibus.
 Can. 16. dist. 23. consonat omnino cum vulgatis Concilii exemplaribus.
 Can. 17. dist. 23. in diversis Codicibus varius.
 Can. 18. dist. 23. consonat omnino cum vulgatis Concilii exemplaribus.
 Can. 19. dist. 23. consonat omnino cum vulgatis Concilii exemplaribus.
 Can. 20. dist. 23. consonat omnino cum vulgatis Concilii exemplaribus.
 Can. 29. dist. 23. paullo varius in diversis Codicibus.
 Can. 33. dist. 23. consonat cum vulgatis Concilii exemplaribus.
 Can. 6. dist. 24. paullo varius in diversis exemplaribus.
 Can. 1. dist. 37. a veterum disciplina alienus.
 Can. 7. dist. 41. consonat cum vulgatis Concilii exemplaribus.
 Can. 8. dist. 41. consonat cum vulgatis Concilii exemplaribus.
 Can. 3. dist. 46. consonat cum vulgatis Concilii exemplaribus.
 Can. 4. dist. 46. aliter refertur in vulgatis Concilii exemplaribus.
 Can. 5. dist. 46. paullo varius in diversis exemplaribus.
 Can. 6. dist. 46. consonat cum vulgatis Concilii exemplaribus.
 Can. 7. dist. 46. consonat cum vulgatis Concilii exemplaribus.
 Can. 8. dist. 46. consonat cum vulgatis Concilii exemplaribus.
 Can. 55. dist. 50. varius in diversis exemplaribus.
 Can. 33. dist. 81. consonat cum vulgatis Concilii exemplaribus.
 Can. 34. dist. 81. consonat cum vulgatis Concilii exemplaribus.
 Can. 5. dist. 88. consonat cum vulgatis Concilii exemplaribus.
 Can. 6. dist. 88. consonat cum vulgatis Concilii exemplaribus.
 Can.

- Can. 7. dist. 88. consonat cum vulgatis Concilii exemplaribus.
 Can. 1. dist. 90. paullo varius in diversis exemplaribus.
 Can. 2. dist. 90. consonat cum vulgatis Concilii exemplaribus.
 Can. 6. dist. 90. consonat cum vulgatis Concilii exemplaribus.
 Can. 7. dist. 90. paullo varius in diversis Codicibus.
 Can. 8. dist. 90. idem est cum can. 2. dist. 90.
 Can. 3. dist. 91. non convenit Carthaginensi Concilio.
 Can. 4. dist. 91. emendandus ex exemplaribus Concilii.
 Can. 4. dist. 95. paullo varius in exemplaribus Concilii.
 Can. 9. dist. 95. consonat cum vulgatis Concilii exemplaribus.
 Can. 10. dist. 95. consonat cum vulgatis Concilii exemplaribus.
 Can. 32. cau. 2. qu. 6. veterum disciplina difformis.
 Can. 1. cau. 6. q. 2. consonat cum vulgatis Concilii exemplaribus.
 Can. 37. cau. 7. q. 1. consonat cum vulgatis Concilii exemplaribus.
 Can. 38. cau. 7. qu. 1. paullo varius in exemplaribus Concilii.
 Can. 19. cau. 11. q. 3. paullo aliter in exemplaribus Concilii.
 Can. 30. cau. 11. qu. 3. veteri disciplina admodum conformis.
 Can. 35. cau. 11. qu. 3. vix Concilio conveniens.
 Can. 9. cau. 13. qu. 2. consonat cum vulgatis Concilii exemplaribus.
 Can. 1. cau. 14. qu. 1. perperam a Gratiano explicatus.
 Can. 6. cau. 15. qu. 7. veteri disciplina admodum conformis.
 Can. 11. cau. 18. qu. 2. consonat cum vulgatis Concilii exemplaribus.
 Can. 35. cau. 24. qu. 3. ad melioris nota Codices exigendus.
 Can. 11. cau. 26. q. 5. paullo aliter in vulgatis Concilii exemplaribus.
 Can. 8. cau. 26. qu. 6. consonat cum vulgatis Concilii exemplaribus.
 Can. 6. cau. 26. qu. 7. ad melioris nota Codices exigendus.
 Can. 1. cau. 27. qu. 1. jam a Romanis Correctoribus ad fidem aliorum Codicum exactus.
 Can. 5. cau. 30. qu. 5. idem est cum can. 33. dist. 23.
 Can. 63. de conf. dist. 1. consonat cum vulgatis exemplaribus Concilii.
 Can. 66. de conf. dist. 1. consonat cum vulgatis exemplaribus Concilii.
 Can. 67. de conf. dist. 1. consonat cum vulgatis exemplaribus Concilii.
 Can. 23. de conf. dist. 3. consonat cum vulgatis exemplaribus Concilii.
 Can. 20. de conf. dist. 4. consonat cum vulgatis exemplaribus Concilii.
 Can. 60. de conf. dist. 4. paullo varius in Concilii exemplaribus.
 Can. 11. de conf. dist. 5. ad meliorum Codicum fidem exigendus.
 Can. 12. de conf. dist. 5. paullo varius in diversis exemplaribus.

Ex eodem
Conc. Carth.
4

Incertæ omnes
auctoritatis.

- Can. 10. dist. 18. ad meliorum Codicum fidem exigendus.
 Can. 13. dist. 32. ad meliorum Codicum fidem exigendus.
 Can. 65. dist. 50. paullo varius in diversis exemplaribus.
 Can. 66. dist. 50. est potius Siricii Pape in in epistola ad Hieronymum Tarraconensem.
 Can. 2. dist. 58. ad meliorum Codicum fidem exigendus.
 Can. 4. dist. 84. idem est cum can. 13. dist. 32.
 Can. 38. cau. 2. qu. 6. ad meliorum Codicum fidem exigendus.

Ex Concilio
Carthag. 5.

Ex eodem
Conc. Carth.
5.

Can. 21. cau. 7. q. 1. consonat cum optimis exemplaribus.
Can. 22. cau. 7. qu. 1. consonat cum optimis exemplaribus.
Can. 36. cau. 11. q. 3. consonat cum optimis exemplaribus.
Can. 39. cau. 17. qu. 4. varius in diversis exemplaribus.
Can. 3. cau. 21. qu. 5. ad meliorum Codicum fidem exigendus.
Can. 10. cau. 23. q. 3. hodie a Romanis Corroctoribus emendatus.
Can. 26. de conf. dist. 1. paullo varius in diversis exemplaribus.
Can. 24. de conf. dist. 3. paullo varius in diversis exemplaribus.
Can. 111. de conf. dist. 4. ex aliis Codicibus emendandus.

Ex Concilio
Carthag. 7.

Can. 1. cau. 3. qu. 10. concordat cum optimis exemplaribus.
Can. 1. cau. 4. qu. 1. ad melioris nota Codices exigendus.
Can. 1. cau. 4. qu. 2. paullo varius in diversis exemplaribus.
Can. 2. cau. 4. qu. 6. referendus ad can. 1. cau. 4. q. 1.
Can. 3. cau. 6. qu. 2. consonat cum optimis exemplaribus.

Ex Concilio
Carthag. 8.

Can. 11. cau. 11. qu. 1. pertinet ad Concilium Carthag. anni 407.

Ex Concilio,
quod Carth.
unicum Gra-
tianus appel-
lavit.

Can. 50. cau. 12. qu. 2. referendus ad can. 50. cau. 12. q. 2.
Can. 51. cau. 12. qu. 2. pertinet ad Concilium Carthaginense anni 419.

Sequuntur ex
Conciliis
Carthagi-
nensibus.

Can. 3. dist. 74. referendus ad can. 4. dist. 74.
Can. 4. dist. 74. pertinet ad Concil. Carthag. anni 419.
Can. 6. cau. 10. qu. 2. pertinet potius ad Leges Longobardorum
Can. 1. cau. 33. qu. 2. est potius Concilii Agathensis.

Sequuntur ex
Conciliis
Africanis.

Can. 39. cau. 2. q. 6. pertinet ad Concil. Carthag. anni 407.
Can. 9. cau. 11. qu. 3. pertinet ad Concil. Carthag. anni 419.
Can. 15. cau. 16. q. 3. pertinet ad Conc. Carthag. anni 418.
Can. 7. cau. 27. q. 2. } tribui nullo modo possunt Conciliis Africanis,
Can. 8. cau. 27. q. 2. } aut aliis quibuslibet veterum temporum.

Quicumque sive integerrimos veterum Patrum Africanorum mores, sive eximiam eorundem doctrinam contempletur, summam sane apud omnes sibi venerationem conciliaverit vetus Ecclesia Africana. Anxia fuit disciplinæ custos Cypriano Duce, in Tertulliano sapientissimas morum regulas tradidit, in Augustino, (ut Fulgentium omittam, & Optatum Milevitanum) strenue adversus hæreses pugnavit, in asperrimis negotiis prudentissima, in perscrutandis rebus altissimis sapientissima, ceterisque dotibus ut plurimum prædita, quæ recte formatam, institutamque Dei Ecclesiam decent. Hinc est, quod canones in Africanis Conciliis editi, licet Africanorum tantummodo provincias spectarent, tamen in aliis etiam Provinciis maxima in partem passim recepti fuerint, quasi

generalium Conciliorum constitutiones. Etenim quotquot in Codicem redegerunt Ecclesiasticos canones, non sane Carthaginenses canones omiserunt, imo eorundem perhonorifica semper mentio facta est. Ipsemet Dionysius Exiguus, cujus ceteroqui potissimum studium fuit, ut Græcos canones Latine interpretaretur, eadem ratione, qua Sardicenses retulit, ipsa ab Africanis abstinendum sibi non esse duxit. In Codice antiquissimo canonum, quem Romanæ veteri Ecclesiæ tribuit Quæsnellius (quæcumque tandem sit ejus Codicis auctoritas, & fides), primum obtinent locum post Nicænos, Canones Carthaginensis Concilii; imo & ipsi Græci studuerunt, ut iidem Africani canones in Græcum idioma converterentur, suisque Codicibus infererentur, quos propterea probarunt in Synodo

nodo Quinquefexta can. 2. quemadmodum jam observaverunt Romani Correctores ad canonem 1. dist. 20. verbo *Carthagenensium*. Sane in hoc canone 1. videntur iidem Carthagenenses canones, sive etiam Africani (utroque enim nomine, & *Africanensium*, & *Carthagenensium* ibidem appellantur) per Romanam Ecclesiam, sive a Leone Pontifice Maximo confirmati. Jam patet ex iis, quæ superius sunt descripta, fragmentis, quo in pretio habiti fuerint Carthagenenses canones apud Gratianum, qui plurimos ex eisdem in suum Codicem retulit, imitatus sane Ivo nem, Burchardum, & Regimonem, ut ceteros alios omnittam illorum temporum Collectores.

Quum vero, ut aiebam, apud Collectores eosdem, ac propterea etiam apud Gratianum Concilia Africana, ac præsertim Carthagenensia invicem inter sese non distinguantur, quorum tamen distinctio maxime utilis esse omnibus facile videtur, antequam Gratianeis ipsis fragmentis manum admoveam, operæ pretium erit ordinem quendam texere Carthagenensium Conciliorum, illorum saltem, quorum memoria ad nos usque pervenit, aut quorum apud eruditos, vel Collectores canonum mentio solet esse frequentior.

I. Carthagenensis Synodus celebrata fertur anno 217. sub Agrippino Episcopo, convocatis omnibus Numidiæ, & Africanæ Episcopis, quam memorat Cyprianus in epistola ad Quintum, & in epistola ad Bajanium. Hujus sane doctrinæ ab Ecclesia recepta non fuit, cum ibidem definitum fuerit baptizatos ab hæreticis rebaptizandos esse, quemadmodum apud Afros ex illorum sententia fieri consuevisse, re nondum fatismature discussa, nemo est qui ignorat.

II. Synodus Carthagenensis eodem etiam forte anno 217. sub Agrippino celebrata est, in qua definitum fuisse scimus, ne clericus ullum tutelæ vel curæ onus susciperet. Fidem hujus facit idem Cyprianus in epistola ad Clerum & plebem Furnitanorum.

III. Concilium factum est circa annum 254. sub S. Cypriano in causa Felicissimi, & Novatiani, quemadmodum constat ex eodem Cypriano in epistola ad Antonianum, item ex epistola ad Cornelium Papam. Hujus ejusdem Concilii mentionem fecit auctor libelli Synodici cap. 22.

IV. Concilium Carthagenense nondum

extincto Novatiano schismate celebratum est sub ipso S. Cypriano anno sequenti, idest anno circiter 255. uti refert Cyprianus idem in lib. 1. epist. 2. & 3. Actum in eo est de pœnitentia lapsis, & reversis ad Ecclesiam concedenda, necnon de definiendo ejusdem pœnitentiæ modo.

V. Synodus Carthagenensis sub eodem Cypriano celebrata est anno 257. adversus eos, qui adversus disciplinam in Ecclesia receptam asserebant, infantes non nisi post octavum a nativitate diem baptizandos esse, exemplo Judaicæ Circumcisionis. Hujus etiam meminit Cyprianus lib. 3. epist. 8. ad Fidum presbyterum.

VI. Quoque Concilium celebravit Cyprianus anno circiter 258. in causa Basilidis, & Martialis, ubi actum fuit de libellaticis, sive iis, qui persecutione urgente, metu mortis concussi privatim fidem Christi abnegarunt, publicum vero idolorum cultum data pecunia redemerunt.

Tria Concilia, ac propterea VII. VIII. & IX. se celebrasse refert Cyprianus circa idem tempus, uti constat ex ejus epistola ad Jubanum, in quibus actum maxima cum alacritate de rejiciendo baptismate hæreticorum, atque ex istis Concilium unum fuit (forte postremum) celebratissimum numero Episcoporum, qui usque ad 217. convenerant; cujus sententiæ recitantur apud eundem Cyprianum frequentissime, & apud S. Augustinum lib. 6. de baptismo, atque apud Collectores in capita 87. dividuntur. Et quamquam in hac Synodo multa sint contra baptismatis rationes, & jura, quæ postmodum in Ecclesia recepta sunt; Græci tamen, (nescio an odio Romanæ Ecclesiæ, contra cujus consuetudines ii canones statuti fuerant, an ob maximam, quam erga Africanos venerationem profitebantur), non dubitarunt in suos Codices singula traducere, atque in Græcum idioma ad commodam suorum perceptionem convertere. Inter ceteros autem Balsamon & Zonaras, sicut ceteros antiquissimos Græcos canones, ita capita hujus Concilii notis, atque observationibus illustrarunt.

X. Carthagenensis Concilii acta recensuit Augustinus in breviculo Collationis die 3. cap. 14. necnon Optatus Milevitanus lib. 1. Celebratum illud fuit anno circiter 306. in causa Cæciliani Episcopi, qui licet absens, & inauditus dam-

natus est, suffecto in ejus locum, & dignitatem Majorino.

Præterea autem lubentissime hoc in loco nonnulla Carthagenensia Concilia, seu potius Conciliabula, ut ajunt, utpote quæ a Donatistis convocata sunt circa initium quarti sæculi, ad fovendum schisma, quod pridem concitaverant; non enim merentur hæc, ut Ecclesiasticis sanctorum Patrum Conciliis accenseantur.

XI. Potius Concilium Carthagenense appellavero, quod celebratum fuit anno 348. vel, ut aliis placet, anno 349. sub Grato Episcopo Carthagenensi, cujus acta, & canones numero quatuordecim extant in Codicibus Conciliorum.

XII. Concilium dici forte posset illud, quod protulit Lucas Holstenius ex veteri MS. codice ad annum 390. sub Genethlio Episcopo habitum. Tria & decem in eo capita continentur disciplinam Ecclesiasticam veterem omnino spectantia. Pateor quidem Concilium istud non omni falsitatis suspitione vacuum esse. Verum hoc in loco illud memorasse sufficiat, ne novo huic Carthagenensium Conciliorum ordini deesse quidpiam videatur.

XIII. Concilium Carthagenense habitum est anno 394. sub Aurelio Episcopo, cujus mentio fit in Codice canonum Ecclesiæ Africanæ num. 34. apud Labbeum; quid vero in eo gestum fuerit, prorsus ignoratur.

His omnibus postremo loco addi possunt alia Concilia Carthagenensia numero quindecim sub eodem Aurelio Episcopo celebrata ab anno circiter 400. usque ad annum 419. in quibus plura Ecclesiasticæ disciplinæ capita sunt sanctissime constituta. Canones horum Conciliorum appellantur hodie a Collectoribus *Codex canonum Ecclesiæ Africana*, atque idem ipse est, quem Græci in suum idioma transtulerunt ad utilitatem Ecclesiæ suæ, quemque Zonaras, Balsamon, & Aristenus Græci Interpretes observationibus explicarunt. Apud Latinos edidit Justellus eundem Codicem notis illustratum; & Philippus Labbeus se illum edidisse profiteretur ex vetustis MS. Codicibus *integrum, non intercisum, neque in varia veluti membra discerptum*. Non est sane hoc loco omittendum, hunc eundem Codicem ex variis Aurelii Carthagenensis Conciliis compactum, laudari apud quamplures nomine Concilii Carthagenensis, vel Africani. Item. eidem

Codici inserta sunt quædam ad alia Africana Concilia pertinentia, sed veluti per indicem, quemadmodum exhibentur aliquot canones Concilii Hipponensis, & Milevitani, unde aliquando contingere potuit, ut canones Milevitani, aut Hipponenses Carthagenensium nomine appellarentur. Quis primus singula hæc capita sub Aurelio constituta in unum quasi Codicem redegerit, incertum est. Certo tamen scimus omnia illa fuisse ab Africana, sive Carthagenensi Ecclesiæ probata, quemadmodum constat ex Carthagenensi Concilio anni 419.

Ex his jam collegimus Concilia num. 28. Carthagenensia. Plura posteriora tempore numerari possent. Sed abstinendum ab ulterioribus arbitror, sive quod passim a Collectoribus distincta secernantur perspicua methodo, sive quod posteriorum hujusmodi Conciliorum editiones parum valere possunt ad obtinendam notitiam fragmentorum Gratiani. Satis interea fuit antiquiorum seriem describere, in quibus potissimum gravissima apud omnes etiam eruditissimos difficultas versatur.

De Canonibus Concilii Carthagenensis, quod primum dicitur apud Gratianum.

Quod primum Carthagenense Concilium in Gratiani Codicibus, necnon vulgo apud Collectores Conciliorum appellatur, illud ipsum est, quod ego superius numero undecimum recensebam; quod scilicet sub Grato Episcopo celebratum est anno 348. vel 349. cujus exemplaria duo hodie apud Labbeum edita habemus. Huc in primis refertur canon. 3. dist. 54. quem hodie Romani Correctores laudatum voluerunt ex cap. 8. Concilii I. Carthagenensis; & quidem recte, cum revera habeatur in d. cap. 8. sed priora verba non eadem in omnibus exemplaribus habentur: Nam prior Labbei editio ita exhibet: "Magnus Episcopus Altianensis dixit: Quid dilectioni vestræ videtur? Procuratores, & actores etiam per se, tutores pupillorum debeant ordinari. Gratus Episcopus dixit: Si post deposita &c. In altera Labbei editione ita scriptum est: Magnus Episcopus Aptongenensis dixit: Quid dilectioni vestræ videtur? Procuratores, & actores, tutores etiam, seu curatores pupillorum si debeant ordinari? Gratus Episcopus &c." Hæc sane disciplina.

G24. 34
dist. 54

plina consonat cum moribus Ecclesiæ Africanæ veteris, in qua receptum erat, ne qui clero adscripti essent tutelam, aut curam gererent, ne forte occasione publici muneris a divinis ministeriis abstraherentur, quemadmodum constare potest ex Concilio Carthagenensi, quod superius recensui num. 2. & S. Cypriano in epist. ad clerum, & plebem Furnitanorum. Quod si quispiam quæreret, cur hoc Carthagenense Concilium, quod ego numero undecimum inter Carthagenensia recensui, vulgo tamen apud Collectores, & in ipsis Gratiani Codicibus primum dicatur, facilis ratio reddi potest; vel forte, quia primum est Carthagenense ex iis, quæ post Concilium Nicænum Generale I. celebrata sunt, vel quod primum sit, & antiquissimum post schismaticos in Africa deturbatos, atque confectos, uti ait Baronius ad annum 397. num. 42.

Can. 6. In eodem Concilio can. 3. legitur ca. dist. 71. non 6. dist. 71. cuius tamen verba in aliis exemplaribus paullo aliter describuntur hoc modo: "Privatus Episcopus, Vegesitanus. (legunt aliqui Begei, zelitanus) dixit: Suggesto Sanctitati vestræ, ut statutis non licere Clericis cum alienum ab aliquo suscipi sine literis Episcopi sui, neque apud se retinere, nec laicum usurpare sibi de plebe aliena, ut eum ordinet, sine conscientia ejus Episcopi, de cujus plebe est. Gratus Episcopus dixit: Hæc observantia pacem custodit; Nam & memini in sanctissimo Concilio Sardicensi statutum, ut nemo alterius plebis hominem usurpet; Sed si forte erit necessarius petat a collega suo, & per consensum habeat. *Alia editio nos habet:* Sed si forte erit necessarius ordinationi, ut de vicino homo sit necessarius, petat a collega suo, & concessum habeat". Quoniam vero Gratus Episcopus ibidem laudat Concilium Sardicense, referre se voluit ad canonem 19. ejusdem Synodi, in quo statuitur, neminem debere ex aliena Ecclesiâ ordinari, nisi suo Episcopo consentiente, ibi: *Et hoc univervi constitimus, ut quicumque ex alia Parochia voluerit alienum ministrum sine consensu Episcopi ipsius, & voluntate ordinare, non sit rite ordinatio ejus.* Hæc porro constitutio in sequentibus Conciliis Africanis sub Aurelio est confirmata, quemadmodum constat ex cap. 54. in Codice canonum Ecclesiæ Africanæ, item apud Diony-

sium Exiguum in Concilio Carthagenensi cap. 54. Posset tamen negotium quoddam facere caput 55. sive in dicto Codice Africano, sive in eodem Concilio Carthagenensi Dionysii Exigui, cujus capitulis 55. hæc inscriptio legitur: *ut Carthagenensi Episcopo, unde volueris, Clericum licent ordinare.* Quicumque hujus inscriptionis auctor est, non videtur subiecti capitis prorsus intellexisse sententiam; nam integrum caput alio pertinet; videlicet dicitur, non Clericos quoscumque posse a Carthagenensi Episcopo de quacumque Provincia ordinari, quod sane esset adversus constituta Africanorum in dicto can. 6. dist. 71. & constituta Concilii Sardicensis, sed pertinere ad curam, ac sollicitudinem Episcopi Carthagenensis, ut quoties in Africa Episcopus quidam eligendus esset, & in locum defuncti substitui, in Ecclesia vacante novum Episcopum de quacumque Provincia eligeret, ac consecrandum proponeret; quod sane exigere videbatur utilitas Ecclesiastica; ubi enim de Episcopis agebatur, quærendus erat, & quidem ex Provinciis pluribus prudentissimus quisque, cum aliquando contingeret, ut in civitate, cui præficiendus esset, aptus Dei minister desideraretur. Ita in canone legitur: *Unus autem Episcopus difficile invenitur constituendus. Quapropter, si necessarium Episcopatum quis habuerit presbyterum, & unum, ut dixisti frater, habuerit, etiam ipsum ad promotionem dare debet.*

De canone 3. cau. 15. qu. 7. nihil est, quod peculiariter hic attingam. Habetur is in eodem Concilio cap. 11. Romani autem Correctores jam satis observarunt scriptionis varietatem, qualis in diversis Concilii exemplaribus habetur.

Depravatus maxime fuerat Gratiani Codex in qu. 3. cau. 21. etenim ejus initio proponebatur, Clericos sæcularibus negotiis vacare non debere, idque confirmabatur auctoritate Concilii Carthagenensis I., in quo Nicolaus Papa Episcopis Castilianis dixisse legitur &c. Necessaria hic omnino fuerat Romanorum Correctorum emendatio his verbis: *In quo Nicæsus Episcopus Culusianus dixisse legitur capite 6.* Post hæc verba subsequi immediate debebat canon, *credo placere,* qui modo ordine secundus est in dista qu. 3. cau. 21. is enim canon idem est cum cap. 6. ejusdem Concilii Carthagenensis his verbis: *Nicæsus. (legunt alii Nicæsus, alii Nicæsus) Episcopus Culusianus.*

Præsumpsit dixit: *Crede placere suggestionem meam sanctitati vestra, & displicere vobis, ut qui serviunt Deo, & annexi sunt Clero non accedant ad actus, seu administrationem, vel preparationem domorum. Gratus Episcopus dixit: Et Apostolorum statuta sunt, qua dicunt: Nemo militans Deo ingerit se negotiis secularibus. Proinde aut Clerici sint sine afflictionibus domorum, aut actores sine officio Clericorum: Universi dixerunt: Hoc observamus. At auctor palearum, cum adhexuerit forte ad marginem canonem 3. Concilii Chalcedonensis, qui ad eandem rem demonstrandam plurimum facere videbatur, occasionem dedit recentioribus, qui Gratiani Codicem exararunt, ut Chalcedonensem canonem primo loco appositum Carthaginensi l. Concilio adscriberent, canone Carthaginensi infra supposito numero 2. Itaque quod initio questionis legitur de Concilio Carthaginensi, referendum est ad canonem 2. quem nuper integrum exhibui. De canone 1. qui est Concilii Chalcedonensis nihil hic dixero, sed potius infra, ubi de canonibus Chalcedonensibus agendum erit. Interea vero monebo disciplinam in dicto canone 2. constitutam confirmatam esse in Conciliis Carthaginensibus sub Aurelio celebratis, quemadmodum luculente eruitur ex can. 16. Concilii Carthaginensis apud Dionysium Exiguum, sive canone 16. Codicis canonum Ecclesie universae, ubi hæc leguntur: *Item placuit, ut Episcopi, Presbyteri, & Diaconi non sint conductores, aut procuratores, neque ullo turpi negotio, & inhonesto victum quarant, quia respicere debent scriptum esse: nullus militans Deo implicat se negotiis secularibus.**

De Canonibus Concilii Carthaginensis, quod secundum dicitur apud Gratianum.

Concilium, quod vulgo Carthaginense 2. appellatur, unum ex iis est, quæ ab Aurelio Carthaginensi Episcopo celebrata fuisse diximus. Forte ideo secundum appellatum fuerit, quod secundum fuerit ex Conciliis Aurelii. Sunt qui ajunt, celebratum fuisse anno 390. alii anno circiter 397. Ediderunt illud, nec non ejusdem canones Labbeus, & Harduinus cum veteribus MSS. codicibus collatum. In canone 2. hujus Concilii le-

Can. 3. dist. 31. guntur canon 3. dist. 31. & canon 3. dist. 84. De canone 3. dist. 31. nihil dist. 84.

aliud specialiter dixero, nisi illum referendum esse ad canonem 3. dist. 84. in quo integra habetur Carthaginensium Patrum sententia. Canon autem 3. dist. 84. restituendus est ad fidem optimorum exemplarium. Non videntur deesse codices antiquissimi ad hanc rem: nam, ut aiebam, Carthaginensium Conciliorum canones sub Aurelio editi apud omnes maxime venerabiles extiterunt, atque in unum codicem a vetustis collectoribus redacti fuerunt. Dionysius Exiguus, qui sub nomine Concilii Carthaginensis 138. Africanæ Ecclesie canones complexus est ita eundem descripsit numero 5. *Aurelius Episcopus dixit: Cum in præterito Concilio de continentia, & castitatis moderamine tractaretur: gradus isti tres, qui constitutione quadam castitatis per consecrationes adnexi sunt, Episcopos, inquam, Presbyteros, & Diaconos, ita placuit, ut concederet sacros Antistes, ac Dei Sacerdotes, nec non & levitas, vel qui Sacramentis divinis inserviunt, continentes esse in omnibus, quo possint simpliciter, quod a Domino possulant, impetrare, ut quod Apostoli docuerunt, & ipsa servavit antiquitas, nos quoque custodiamus. Deinde numero 4. ita subdidit: *Faustinus Episcopus Ecclesie Potensina, Provincia Piceni, legatus Romana Ecclesie dixit: Placet, ut Episcopus, Presbyter, & Diaconus, vel qui Sacramenta contrahant, pudicitia custodes ab uxoribus se abstineant. Ab universis Episcopis dictum est: Placet, ut in omnibus pudicitia custodiantur, qui altari inserviunt. Et quidem cum hac Dionysii editione omnino consonat Codex canonum Ecclesie Africanæ cap. 3. & 4. Paulo aliter canonem alii descripserunt, eundem interpretati ex Græcis Codicibus his verbis: "Aurelius Episcopus dixit: Cum in prior Synodo de continentia, & castitatis modo quærebatur, placuit, ut ii tres gradus, qui vinculo quodam castitatis per consecrationem implicati sunt, Episcopi, inquam, Presbyteri, & Diaconi, ut sanctos Episcopos, & Sacerdotes Dei, & levitas, & divinis Sacrificiis ministrantes decet, in omnibus continentes sint, quo possint, quod a Deo simpliciter petunt, impetrare: ut & quod per Apostolos traditum, & ab ipsa antiquitate servatum est, nos quoque similiter servemus".**

In Canone 12. ejusdem Carthaginensis Concilii legitur Can. 5. dist. 69. Si Concilium

Can. 5. dist. 69.

„cilium Dionysii Exigui, aut Codicem
„Africanæ Ecclesiæ observemus, exhibe-
„bitur idem Canon num. 13. hisce ver-
„bis: „ Aurelius Episcopus dixit: Quid
„ad hæc Sanctitas vestra? Ab univer-
„sis Episcopis dictum est: A nobis ve-
„terum statuta debere servari, sicuti
„& inconsulto Primato cujuslibet Pro-
„vinciæ, tam facile non præsumant
„multi congregati Episcopi Episcopum
„ordinare, nisi necessitas fuerit, tres
„Episcopi in quocunque loco sint, ejus
„præcepto ordinare debebunt Episco-
„pum, & si quis contra suam profes-
„sionem, vel subscriptionem venerit in
„aliquo, ipse se honore privabit.“
„Nomine Primatis hic designatur Metro-
„polititanus, sive Archiepiscopus juxta mo-
„rom Ecclesiæ Africanæ.

„Can. 5. Canon 8. ejusdem Concilii refertur in
„can. 11. Can. 3. cau. 11. qu. 3., sed verba Con-
„cilii ipsius plurimum dissonant a Gra-
„tiano; illic enim ita legitur: „ Alypius
„Episcopus Ecclesiæ Tagastensis legatus
„Provinciæ Numidiæ dixit: Nec illud
„prætermittendum est, ut si quis for-
„te Presbyter ab Episcopo suo correptus
„fuerit, aut excommunicatus tumore,
„vel superbia inflatus putaverit sepa-
„ratim Deo sacrificia offerenda, vel
„aliud erigendum altare contra Eccle-
„siasticam fidem, disciplinamque credi-
„derit, non exeat impunitus. Valentinus
„primæ sedis Provinciæ Numidiæ
„dixit: Necessario disciplinæ Ecclesi-
„asticæ, & fidei congrua sunt, quæ
„frater noster Alypius prosequutus est.
„Proinde, quod exinde videtur vestræ
„dilectioni, edicite. Siquis Presbyter
„contra Episcopum suum inflatus schis-
„ma fecerit, anathema sit. Ab univer-
„sis Episcopis dictum est. Siquis Pres-
„byter a præposito suo excommunica-
„tus, vel correptus fuerit, debet uti-
„que apud vicinos Episcopos conque-
„ri, ut ab ipsis causa possit audiri,
„ac per ipsos suo Episcopo reconcilia-
„ri. Quod nisi fecerit, sed superbia,
„(quod absit), inflatus secernendum
„se ab Episcopi sui communione duxe-
„rit, ac separatim cum aliquibus schis-
„ma faciens, Sacrificium Dei obtule-
„rit, anathema habeatur, & locum
„amittat. Nihilominus & de civitate,
„& congregatione, in qua fuerit, lon-
„gius repellatur, ne vel ignorantes,
„vel simpliciter viventes serpentina
„fraude decipiat, quoniam secundum
„Apostolum Ecclesia una est, una fi-

„des, unum baptisma. Et si querim-
„niam justam adversus Episcopum ha-
„buerit, inquirendum erit.“ Ita ha-
„bent vulgati Concilii Codices. In Con-
„cilio autem Carthagenensi, quod edidit
„Dionysius Exiguus eadem sententia le-
„gitur, quemadmodum etiam in Codice
„Canonum Ecclesiæ Africanæ, nam in
„Canone 10. hæc habentur. „ Alypius
„Episcopus legatus Provinciæ Numi-
„diæ dixit: Nec illud prætermitten-
„dum est, ut si quis forte Presbyter ab
„Episcopo suo correptus, tumore, vel
„superbia inflatus putaverit separatim
„Sacrificia Deo offerenda, vel aliud
„erigendum altare, contra Ecclesiasti-
„cam fidem, vel disciplinam credido-
„rit, non exeat impunitus. Valentinus
„primæ sedis Provinciæ Numidiæ di-
„xit. Necessario disciplinæ Ecclesiasti-
„cæ, & fidei congrua sunt, quæ fra-
„ter noster Alypius prosequutus est:
„proinde quid videatur vestræ dilectio-
„ni, edicite. Et in Can. 11. Ab uni-
„versis Episcopis dictum est: si quis
„Presbyter a Præposito suo correptus
„fuerit, debet utique apud vicinos
„Episcopos conqueri, ut ab ipsis ejus
„causa possit audiri, ac per ipsos suo
„Episcopo reconciliari: quod nisi fece-
„rit, sed superbia, (quod absit),
„inflatus secernendum se ab Episcopi
„sui communione duxerit, ac separa-
„tim cum aliquibus schisma faciens,
„Sacrificium Deo obtulerit, anathema
„habeatur, & locum amittat: ac si
„querimoniam justam adversus Episco-
„pum non habuerit, inquirendum
„erit.“ Atque ex his arbitror Gra-
„tiani Canonem posse restitui.

Romani Correctores jam nonnulla ad-
„notaverunt ad Can. 29. cau. 11. qu. 3., cau. 11.
„ut eum ad meliorum Codicum fidem re-
„digerent. Habetur is in Canone 7. ejus-
„dem Concilii Carthagenensis juxta Co-
„dices vulgatos. Non omitam ego verba
„referre Dionysii Exigui, qui eundem
„Canonem edidit in sua Synodo Cartha-
„ginensi num. 9., præsertim quod ea-
„dem verba omnino legantur in Codice
„Africanæ Ecclesiæ. Ita ille: *Augustinus*
„Episcopus legatus Provincia Numidia di-
„xit: Hoc statuere dignemini, ut si qui
„forte merito facinorum suorum ab Eccle-
„sia pulsi sunt, & sive ab aliquo Episco-
„po, vel Presbytero fuerint in communione
„suscepti, etiam ipse pari cum eis crimine
„teneatur obnoxius, refugientes sui Episco-
„pi regulare judicium. Ab universis Epi-
„scopis

scopis dictum est: Omnibus placet. Cum autem iste Canon Augustinum Hippo- nensem Episcopum autorem habere videatur, nemo est, qui exinde propter Viri Eximii præstantiam eundem non fuscipiat libentissime.

Canon 4. cau. 15. qu. 7. legitur in eodem Concilio Can. 10., in postremis autem verbis non omnes omnino Codices consonant; in aliis enim legitur: *Et a sex Presbyteris, & a tribus Diaconis cum proprio suo Episcopo; in aliis: & a sex Presbyteris, & a tribus Diaconibus cum proprio suo Episcopo.* Non arbitror recedendum a Dionysii Exigui lectione, quæ habetur in Canone 12., eo vel magis, quod ista consonat omnino cum Codice Canonum, qui tributus est Ecclesiæ Africanæ. Felix Episcopus dixit: *Suggero secundum statuta veterum Conciliorum, ut si quis Episcopus (quod non optamus) in reatum aliquam incurrerit, & fuerit ei nimia necessitas, non posse plurimos congregare: ne in crimine remaneat, a duodecim Episcopis audiatur, & Presbyter a sex Episcopis cum proprio suo Episcopo audiatur, & Diaconus a tribus.*

Canon 50. cau. 16. qu. 1. habetur in cap. 5. ejusdem Concilii. Romani Correctores, quæ apud Gratianum deerant, supplere ex editionibus Concilii jam ceperunt. Nondum tamen omnino integrum Canonem juxta edita exemplaria exhibuerunt. En verba Concilii. Felix Episcopus Selemsitanus dixit: *Etiam si hoc placet sanctitati vestra insinuo, ut Dioceses, quæ nunquam Episcopos habuerunt, non habeant, & illa Diocesis, quæ aliquando habuit, habeat proprium. Et si accedente tempore, crescente fide Dei populus multiplicatus desideraverit proprium habere rectorem, ejus videlicet voluntate, in cuius potestate est Diocesis constituta, habeat Episcopum.* Secundum hanc prosecutionem sanctitas vestra assermet, quod fieri debeat. Genedius (legunt alii: Genethlius) Episcopus dixit: *Si placet insinuatio fratris, & Coepiscopi nostri Felicis, ab omnibus confirmetur.* Ab universis Episcopis dictum est: *Placet.* Hic Canon, qualis in Concilio habetur, & apud Gratianum, minime legitur aut apud Dionysium Exiguum, aut in Codice Canonum Ecclesiæ Africanæ, ubi tamen nonnulla alia leguntur his similia in cap. 53. his verbis: *Epigonius Episcopus dixit: Multis Conciliis hoc statutum a cæteris Sacerdotali est,*

ut plebes, quæ in Diocessibus ab Episcopis retinentur, quæ Episcopos nunquam habuerunt, non nisi cum voluntate ejus Episcopi, a quo tenentur proprios accipiant rectores, idest Episcopos. Et post multa subjicitur: *Universi Episcopi dixerunt: Placet, placet.*

Canon 1. cau. 26. qu. 6. idem omnino est cum Canone 3. ejusdem Concilii Carthaginensis. Dionysius Exiguus in memorato Concilio Carthaginensi in Can. 6. eadem fere verba descripsit, quæ etiam consonant cum Canone 6. in Codice Ecclesiæ Africanæ ibi: *Fortunatus Episcopus dixit: In præteritis Conciliis statutum meminimus esse, ut Chrisma, vel reconciliatio poenitentium, necnon & puellarum consecratio a Presbyteris non fiant: Si quis autem emerferit hoc faciens, quid de eo statuendum sit? Aurelius Episcopus dixit: Audivit dignatio vestra suggestionem fratris, & Coepiscopi Fortunati, quid ad hæc dicitis? Ab universis Episcopis dictum est. Chrismæ consecratio, & puellarum consecratio a Presbyteris non fiat; vel reconciliare quemquam in publica Missa Presbytero non licere, hoc omnibus placet.*

Post verba nuper descripta in Can. 1. cau. 26. qu. 6. sequuntur statim in eodem Carthaginensi Concilio verba Canonis 5. cau. 26. qu. 1., cum enim in Canone 3. Concilii Carthaginensis definitum fuisset, Presbyteros non posse poenitentibus manus imponere, illosque Ecclesiæ reconciliare, statim subiectum est, hanc facultatem Presbyteris concedi debere, quoties necessitas exigit infirmitatis, aut inopinati casus, eademque etiam verba descripta sunt in Canone 7. Concilii Carthaginensis apud Dionysium Exiguum, necnon in Can. 7. Codicis Ecclesiæ Africanæ.

De Canonibus Concilii Carthaginensis, quod tertium dicitur apud Gratianum.

Nomine Concilii Carthaginensis tertii vulgo intelligunt illud, quod celebratum fertur sub Aurelio Episcopo Carthaginensi Cæsario, & Attico Consulibus, sive ad annum 397., quod forte ideo tertium dicitur, vel quia tertium sit post celebrationem Nicæni Concilii inter Carthaginensia, vel quia tertium numeretur post redditam pacem Africanæ

Can. 1.
can. 26.
qu. 6.

Can. 5.
can. 26.
qu. 1.

Can. 5. pæ Ecclesiæ, extinctasque seditiones
 dist. 23. schismaticorum, vel demum quia ter-
 tium ex iis fuerit, quibus Aurelius
 Carthagenensis Episcopus præfuit. Ha-
 bentur ipsius acta, & Canones apud Lab-
 beum ab Harduino emendati. In Cano-
 ne 40. hujus Concilii habetur Canon 5.
 dist. 23., atque etiam refertur in Con-
 cilio Carthagenensi Dionysii Exigui cap.
 50., necnon in Codice Ecclesiæ Africa-
 næ cap. 50. his verbis: *Sed & illud est
 statuendum, ut quando ad eligendum
 Episcopum convenimus, si qua contra-
 dictio fuerit oborta, quia talia tractata
 sunt apud nos, (Gratianus legit: quia
 sæpe talia facta sunt apud vos. Vulgata
 Concilii exemplaria consonant cum Dio-
 nysio Exiguo, & Codice Ecclesiæ Afri-
 cænæ. Harduinus autem legit: Quia ta-
 lia facta sunt apud nos), non præsu-
 mant ad purgandum eum, qui ordinatus
 est tres Episcopi jam; Sed postuletur ad
 numerum supradictorum unus, vel duo,
 (ita etiam legitur in editionibus Con-
 cilio, contra quam legatur apud Gra-
 tianum), & in eadem plebe, cui ordi-
 nandus est, discutiantur primo persona
 contradicentium. Postremo etiam illa, quæ
 abjiciuntur, pertractentur, & cum pur-
 gatus fuerit in conspectu publico, ita de-
 mum ordinetur. Si hoc cum vestra san-
 ctitatis animo concordat, roboretur vestra
 dignationis responsione. Ab universis Epi-
 scopis dictum est: Satis placet.*

Can. 2. Ut nullus ordinetur Clericus, nisi pro-
 dist. 24. batius vel Episcoporum examine, vel po-
 puli testimonio. Verba sunt, quæ legun-
 tur in eodem Concilio Can. 22., quæ-
 que retulit Gratianus in Can. 2. dist.
 24. Desideratur hic quidem Canon sive
 in Concilio Carthagenensi Dionysii Exi-
 guo, sive in Codice Canonum Ecclesiæ
 Africanæ. Verum eisdem omnino verbis
 habetur apud Ferrandum Diaconum in
 cap. ult. breviationis Canonum, ubi frag-
 mentum idem laudatur nomine Concilii
 Carthagenensis tit. 29.

Can. 8. Duriuscula quibusdam, Græcis præ-
 dist. 32. fertim Interpretibus, visa est jurispru-
 dentia, quæ exhibetur in Can. 8. dist.
 32., qui in eodem Concilio refertur
 Can. 18., & in Codice Ecclesiæ Afri-
 cænæ, necnon Concilio Carthagenensi
 Dionysii Exigui Can. 16. eisdem omni-
 no verbis: ibi: *Placuit, ut Lectores,
 cum ad annos pubertatis pervenerint, co-
 gantur aut uxores ducere, aut continen-
 tiam profiteri; Asperum quippe visum
 fuit aliquibus tale jugum tenellis adhuc*

Tom. 1.

adolescentibus imponere, ignorantibus
 ut plurimum, quod magis expedire sibi
 possit. Quamobrem ad hunc Canonem ait
 Balsamon: „Cautum est a Sanctis Pa-
 „tribus, ut Lectores in tempore pu-
 „bertatis post annum 14. cogantur vel
 „matrimonio conjungi, vel cœlibatum
 „profiteri. An hoc autem apud Afri-
 „canos observatum sit, nescio, sed apud
 „alias Ecclesias non servatur. Existi-
 „mo autem, quod nec in ulla unquam
 „regione hoc servatum sit, ut quod
 „Apostolorum sexto Canonis adversetur,
 „qui decernit, ut Lectores, & Canto-
 „res, etiam postquam in Clerum pro-
 „vecti fuerint, uxores ducant, & nec
 „uxorem ducendi tempus definit, nec
 „ut continentiam profiteantur, exigit.“
 Atque idem tradit Zonaras in suo glos-
 semate hujus Canonis. In editionibus
 Labbei hæc observatio ad hoc fragmen-
 tum habetur: „Hoc 19. caput vetusti
 „codices sic habent: ut Lectores usque
 „ad annos pubertatis legant, deinceps
 „autem nisi uxores custodita pudicitia
 „duxerint, aut continentiam professi
 „fuerint, legere non sinantur.“ For-
 te non displicebit, quod notat Hardui-
 nus ad illa verba: *ad annos pubertatis,*
 ita scribens: *perfecta nimirum, sive ad
 annum 21.* Atque Harduinus videtur
 imitatus fuisse in hac parte Alexium
 Aristenum Græcum Interpretem, qui
 hoc ipsum Carthagenensis Concilii frag-
 mentum expendens ita scribit: „Lector
 „autem, qui impuberem ætatem tran-
 „silerit, & viginti fere annos attige-
 „rit, & Hyppodiasconus fieri cupit
 „(nam 20. annis junior Hyppodiasco-
 „nus non ordinatur, ut decimusquin-
 „tus sextæ in Trullo Synodi Canon
 „statuit), vel uxorem ante ordinatio-
 „nem ducat, vel cœlibem agere profi-
 „teatur. Nam post ordinationem nec
 „Presbytero, nec Diacono, nec Hyp-
 „podiascono matrimoniale jugum in se
 „suscipere licet, sed Lectoribus solis,
 „& Cantoribus illud permittitur.“
 Plane si aut Harduinus, aut Aristenus
 Carthagenensium Patrum mentem attige-
 runt, nihil amplius supererit, unde as-
 peritatis Africana Ecclesia arguatur, sed
 potius apta omnino, ac provida hujus-
 modi disciplina videbitur.

In eodem Concilio Can. 3. habetur Can. 7.
 Can. 7. dist. 38. ubi tamen postrema dist. 38.
 verba paullo varia sunt in diversis Co-
 dicibus; etsi enim in nonnullis idem le-
 gatur, quod apud Gratianum, in aliis

T

ca.

tamen ita legitur: *ne se aliquid contra statuta Concilii fecisse asserant*. Apud Dionysium Exiguum in Concilio, quod Carthagenense appellat, item in Codice Ecclesiae Africanæ cap. 18, hæc exhibentur: *Non placuit, ut ordinatis Episcopis vel Clericis prius ab ordinatoribus suis placita Conciliorum auribus eorum innotescant: ne se aliquid contra statuta Concilii fecisse penitent*. Paulo aliter etiam explicaverunt, qui ex Græcis exemplaribus Africanum Canonem interpretati sunt his verbis: *Similiter placuit, ut cum ordinatur Episcopus, vel Clericus, prius ab ordinatoribus suis Synodorum placita eorum auribus indantur, ut si ex Synodi Decreto non agant, eos penitent*.

Esti ab ipsa Apostolorum ætate Christiani in Ecclesiam convenire solebant, simul mandeanturi sacram agapen in signum mutuae communionis, & arctissimæ conjunctionis in una, eademque fide; exinde tamen pravus abusus irrepperat ex immoderato delicatiorum fidei luxu, qui non Dominicam, uti S. Paullus scribit, sed propriam cœnam se manducare præsumebant; atque ad ebrietatem usque, & immodicam saturitatem eibis, potuque fruentes Ecclesiam Dei contemnebant, appositis præsertim iuxta veterum morem lætisterniis ad majorem convivendi luxum accommodatis. Hæc in causa fuerunt, ut hujusmodi Christianorum cœnæ vetitæ exinde fuerint; ac proinde caveri cœperit, ne in Ecclesiis Deo dicatis ullo modo convivia celebrarentur, nisi forte necessitas hospitii id suaderet. Huc pertinet Canon 5. dist. 42. depromptus ex Canone 30. ejusdem Concilii Carthagenensis; cum quo etiam omnino congruit Canon 42. sive in Concilio Carthagenensi jam sæpius memorato Dionysii Exigui, sive in Codice Ecclesiae Africanæ, in quibus tamen pro verbo illo *reficiantur* legitur *reficiant*. Quodcumque legatur, eadem semper erit, nec immutata sententia.

In Canone 27. ejusdem Concilii legitur eisdem verbis Can. 4. dist. 44., cum quo etiam omnino consonat Can. 40. tum apud Dionysium Exiguum, cum in Codice Canonum Ecclesiae Africanæ. Idipsum olim Julianus Imperator apud Ethnicos prohibuit sacrificiis in Epistola ad Arfacium Galatiæ Sacerdotem apud Sozomenum lib. 5. cap. 25. his verbis. *Sacerdotem hortare, ne accedat ad spectacula, neve in tabernaculo bibat*.

In eodem Carthagenensi Concilio cap. 21. eisdem omnino verbis refertur Can. 2. dist. 72. In Concilio Carthagenensi Dionysii Exigui, necnon in Codice Africanæ Ecclesiae desideratur, quamvis ibi nonnulla habeantur valde similia in cap. 34. ibi: *Epigonius Episcopus dixit: In multis Conciliis hoc statutum est, etiam nunc hoc confirmatum est a vestra prudentia beatissimi Fratres, ut Clericum alienum nullus sibi præcipiat Episcopus præter ejus arbitrium, cujus fuerit Clericus*. Videantur, quæ superius prosequutus sum ad Canonem 6. dist. 71. Ferrandus Diaconus hunc ipsam Canonem in epitomen redactum retulisse videtur in cap. 27. sui Breviarii his verbis: *Ut Episcopus alienum Clericum non suscipiat, neque ordinet*.

Canon 4. ejusdem Concilii Carthagenensis duobus in locis, & quidem eisdem verbis apud Gratianum refertur, & Can. 14. cau. 20. qu. 1. Consonant omnia cum Dionysio Exiguo in Can. 16. Concilii Carthagenensis, & in Canone 16. Codicis Ecclesiae Africanæ, quamquam tamen nonnulli sint, qui omiserint ea verba: *nec Virgines consecrantur*, quemadmodum in Pandectis Canonum Beveregianis. Posteriora illa verba: *ut Lectores populum non saluent*: ita Zonaras Græcus interpretes explicavit. „ Lectoribus ne expleto ministerio se ad populum salutandi gratia convertant, interdiktum. Solos namque eo tempore Antillites, & Sacerdotes, non congregatam in Ecclesia multitudinem ab iis salutari fas est. Ipsi enim sacri sunt, multitudo vero a sacris ordinibus longo intervallo disjuncta, ut proinde iis potius a populo honorem exhiberi, præsertim dum in sui ministerii functionibus versantur, oporteat. Sed, ut candide fatear, non mihi satis placet hujusmodi Zonaræ interpretatio; ut in ea penitus consistendum existimem. Est & aliud salutationis genus, quod forte Lectoribus Patres Carthagenenses prohibere voluerunt. Erat receptum in Ecclesia Africana, ut ad officium Lectorum pertineret, publice Evangelium in Ecclesia legere, quemadmodum hodie apud nos inter Diaconorum munera recensetur. Testem voco S. Cyprianum, qui in lib. 2. epist. 5. in antiqua editione, ita scribit de Lectore. „ Ab officio lectionis incipiat, quia & „ nihil magis congruum voci, quæ Do-

Can. 3.
dist. 72.
& Can.
14. cau.
20. qu.
1.

„ mi-

„minum gloriosa prædicatione confessa
 „est, quam celebrandis divinis lectio-
 „nibus personare possit verba sublimia,
 „quæ Christi martyrium proloquuntur
 „sunt. Evangelium Christi legere, un-
 „de martyres fiunt. „Olim etiam usu
 receptum erat, ut antequam Evange-
 lium publice legeretur, elata voce cla-
 maretur a Lectore versus populum *Pax
 vobis*, quomodo hodiernis temporibus di-
 ci solent ea verba: *Domine vobiscum*;
 quod ex eadem Cypriani Epistola con-
 stat ibi: *Interim vobis hoc die auspiciatus
 est pacem, dum dedicat lectionem*. Quam
 ceremoniam augurandi populo pacem vul-
 go ab Ecclesiasticis Patribus salutatio-
 nem fuisse appellatam, facile deducitur
 ex Epist. 86. Innocentii Papæ ibi: *Non
 licet Presbyteris coram Episcopo populum
 benedicere, aut salutare*. Itaque si Car-
 thaginensi Canone Lectoribus prohibe-
 tur, ne populum saluent, facile pro-
 hibitum intelligo, ne populo elata voce
 pacem augurentur, quod tantum refer-
 vatum est Sacris Ministris in superiore
 ordine constitutis; quemadmodum hodie
 solis Episcopis reservatum scimus. Hinc
 inter munera Episcoporum præcipua hanc
 potestatem salutandi populum Optatus
 Milevitanus adnumerat lib. 1. circa fi-
 nem. Revera ea formula indicare vide-
 tur auctoritatem quandam, & iurisdic-
 tionem proferentis, qua fiat, ut qui
 salutantur, Ecclesiasticam pacem habe-
 re, & communione frui declarentur,
 imo etiam præcipiantur.

Cap. 27.
 dist. 81. In Canone 17. ejusdem Concilii legi-
 tur eisdem verbis Canon 27. dist. 81.,
 sed sive apud Dionysium Exiguum, si-
 ve in Codice Africanæ Ecclesiæ desi-
 deratur.

Can. 32.
 dist. 81. Consonat etiam cum Canone 25. ejus-
 dem Concilii Canon 32. dist. 81. Har-
 duinus varios esse Codices observavit in
 illis verbis: *sed cum Conclericis*, alii enim
 Codices habent, *sed cum Clericis*, item
 in illis, *sed aut ubi Clerici presentes*,
 alii enim exhibent: *nisi aut Clerici præ-
 sentes*. Referam verba Dionysii Exigui,
 qui hunc eundem Canonem descripsit in
 suo Concilio Carthaginensi num. 38. ibi:
 „Clerici, vel continentes ad viduas,
 „vel virgines, nisi ex jussu, vel per-
 „missu Episcoporum, aut Presbytero-
 „rum non accedant; & hoc non soli
 „faciant, sed cum Conclericis, vel
 „cum iis, cum quibus Episcopus, aut
 „Presbyter jusserit, nec ipsi Episcopi,
 „& Presbyteri soli habeant accessum

„ad hujusmodi foeminas, sed ubi aut
 „Clerici presentes sunt, aut graves
 „aliqui Christiani;“ quæ eadem ver-
 ba leguntur in Can. 38. Codicis Ecce-
 siæ Africanæ. Continentium autem no-
 mine in hoc Canone designari Monachos
 probant Balsamon, Zonaras, & Alexius
 Aristenus ex S. Basilio Can. 19. ibi:
*Virorum autem professiones non novimus,
 præterquam siqui seipsos Monachorum Or-
 dini annuerunt, qui tacite videntur
 calibatam admittere*.

Canon 3. dist. 99., qui Africani Con-
 cillii nomine apud Gratianum laudatur, Can. 3:
dist. 99.
 eisdem omnino verbis legitur in Can.
 26. hujus Carthaginensis Concilii, eis-
 dem itidem verbis in Can. 39. tum Sy-
 nodi Carthaginensis apud Dionysium Exi-
 guum, tum Codicis Africanæ Ecclesiæ.
 Video in hoc Canone singularem Afri-
 canæ Ecclesiæ disciplinam, in qua am-
 bitionis, & supervacue elationis signum
 videbatur, si qui primam Episcopalem
 sedem teneret, Episcoporum Princeps,
 sive Archiepiscopus appellaretur. Vo-
 luerunt potius Primatem appellari, seu
 Primæ Sedis Episcopum.

Ad Canonem 38. ejusdem Concilii per-
 tinet Can. 3. cau. 1. qu. 4., ubi tamen Can. 3.
cau. 1.
qu. 4.
 quædam omissa à Gratiano fuerunt. In-
 tegra hæc est sententia: *De Donatistis
 placuit, ut consulamus Fratres, & Con-
 sacerdotes nostros Siricium, & Simplicia-
 num de solis infantibus, qui baptizan-
 tur penes eosdem, ne quod suo non fecerunt
 judicio, cum ad Ecclesiam Dei sa-
 lubri proposito fuerint conversi, parentum
 illos error impediatur, ne promoveantur sa-
 cri Altaris Ministri*. Eadem verba le-
 guntur apud Dionysium Exiguum, nec-
 non in Codice Canonum Ecclesiæ Afri-
 canæ Can. 47. Ex his plane verbis con-
 stat in hac Donatistarum infantium cau-
 sa nihil peculiariter definitum fuisse in
 hoc Carthaginensi Concilio, sed expe-
 ctandam Siricii Romani Pontificis, nec-
 non Simpliciani Mediolanensis Episcopi
 fuisse sententiam. Neque sane novum
 erat eo tempore Episcopis in Concilio
 convocatis aliorum Coepiscoporum præ-
 sertim in gravissimis causis expectare
 sententiam. Sic Toletanum Concilium
 1. circa finem 4. sæculi celebratum pro-
 ferri posset, in quo ita legitur: *Expe-
 ctantes pari exemplo, quid Papa, qui
 nunc est, quid Sanctus Simplicianus Me-
 diolanensis, Episcopus reliquique Ecclesiarum
 rescribant Sacerdotes*. Quæ si ita
 sunt, occurrit Gratianus nobis exhibet
 alium

Can. 4.
can. 1.
qu. 4.

alium Canonem ejusdem Concilii, ex quo res definita prorsus adparet in Can. 4. eadem qu. 4. cauda 2. Hunc sane Canonem frustra inter Canones Concilii, frustra apud Dionysium Exiguum, frustra in Codice Africanæ Ecclesiæ requirimus. Quamobrem perspicuum est illum edictum fuisse posteriore manu, atque ad complendam Carthagenensium Patrum sententiam, dubitationemque omnem de medio tollendam adjectum. Quicumque autem sit ejusdem Canonis auctor, rem sane optimam peregisset, si undenam Concilii sententiam absolutam acceperit, significasset, si forte Siricii, & Simpliciani responsa perspexerit, si additamenta Concilio facta a Patribus Carthagenensibus sciverit. Ego sane non dubito, quin talis deum in seederit Carthagenensibus Episcopis sententia, qualis in dicto Canone 4. clavisime exprimitur. Etenim ipsi Carthagenenses Patres summa semper cum benignitate, atque clementia cum Donatistis egerunt, proptereaque in dubio abs juris rigore desistere hac in re voluisse præsumendi sunt, ut scilicet usu de in receperint, ut infantes Donatistas ad Ecclesiam conversos ab Ecclesiasticis gradibus non repellerent. Scio quidem initio, statim ac Donatistarum hæresis in medium erupit, Africanos Episcopos austeritate gravi usos fuisse adversus concitatum schisma, ipsosque schismaticos; Hinc in Concilio Hipponensi anni 393. Can. 41. definitum est, ut Donatistas Clerici ad fidem reversi non in Clericorum numerum, sed tantum inter Laicos reciperentur, iis Episcopis tantum exceptis, qui una cum plebe sua ab hæresi recessissent. In hoc, de quo agimus Carthagenensi Concilio, controversia esse coepit, distractis hinc ad benignitatem, illinc ad severitatem disciplinæ Episcoporum animis, de infantibus apud Donatistas natis, num ad Ecclesiasticos ordines promoveri valerent; At deinde tempore Anastasii Papæ circa annum 401. mitius agi coepit, quo facilius Donatistæ ad unitatem reverterentur, inducendumque fuit, ut unusquisque ab hæresi Donatistarum reversus, ita reciperetur in Ecclesiam, ut hæresis nulla ratione ei officeret, proptereaque singuli Clerici in suis ordinibus, quasi postliminii jure considerent. Ita cautum sci-mus in Concilio Africano anni 401, ejus canones habemus in codice Ecclesiæ Africanæ a numero 63. usque ad

numeros 85. Itaque si progressu temporis lenius agi ceptum est cum Donatistis, verosimile est dubitationem illam in Carthagenensi, de quo agimus, Concilio subortam, ita demum resolutam fuisse, ut benignius cum iisdem ageretur, atque ad sacras etiam ordinationes admitterentur, qui infantes apud illos baptizati fuissent. Legi possent ad hanc rem præcipue canones 66. 68. & 69. Codicis Ecclesiæ Africanæ. Etsi igitur, qui canonem 4. cau. 1. qu. 4. descripsit primus, non omnino cerere Africanæ Ecclesiæ monumentum nobis adtulerit, non erit tamen omnino damnandus, quod forte mentem Carthagenensium Episcoporum, qualis postea ex consuetudine recepta illius Ecclesiæ adparuit, nobis exposuerit.

In canone 10. ejusdem Carthagenensis Concilii, qui idem est cum canone 15. Concilii Carthagenensis Dionysii Exigui, nec non Codicis Ecclesiæ Africanæ hæc leguntur: „Hoc etiam placuit, ut a quibuscumque Judicibus Ecclesiasticis ad alios Judices Ecclesiasticos, ubi est major auctoritas, fuerit provocatum, non eis obstit, quorum fuerit soluta sententia, si convinci non potuerint, vel inimico animo judicasse, vel alia qua cupiditate, aut gratia depravati. Sane si ex consensu partium electi fuerint Judices, etiam a pauciori numero, quam constitutum est, non liceat provocari.“ In his verbis descriptos videmus duos Gratiani canones 34., & 37. cau. 2. qu. 6., quos propterea simul conjungere juvabit, quoties recta utriusque habenda sit interpretatio. Jure autem arguendus est Gratianus, qui in dicto canone 34. particulam negativam omisit, contrariamque omnino sententiam Africanis Patribus assignare non dubitavit, contra quam legatur in omnibus ejusdem canonis exemplaribus, imo etiam contra generales juris regulas, quibus appellatio ab electis Judicibus prohibetur. Idem fragmentum optime paucis exposuit Græcus interpret Zonaras, cujus verba hic refero: „Quod si Judices illi ipsi, qui inter se judicio conflabantur, accusator nimirum, & reus elegerint, quamvis, inquit, pauciores, quam præfinitum est, designentur, nempe in Episcoporum causa duodenis, Presbyterorum sex, Diaconorum tribus, tamen ab his Judicibus damnato provocandi facultas non erit, quod civi-

Can. 34.
can. 2. q.
6. 6.
can. 37.
cau. 2.
qu. 6.

„civiles quoque leges eodem modo san-
 „xere, & tertio libro tit. 1. cap. 44.,
 „& lib. 9. Basilicorum videre est.“
 Idipsum scribit Alexius Aristenus in
 commentario ejusdem canonis ita con-
 cludens: *Quomodo qui Judices Ecclesia-*
sticos eligit, quos & sermone, & vita
inculpato esse judicavit, dicens se insi-
pienter, & injuste ab iis judicari, &
reprehensionem quandam hominibus Sacer-
dotalibus ab ipso judicatis adferro ad-
mittatur. Ex quibus sane adparet,
 unum Gratianum ita depravasse senten-
 tiam Africani canonis, ut contrariam
 omnino reddiderit, & juri difformem arg.
 l. 27. §. 2. de rec. arb. & l. 1. cod. eccl. tit.

Can. 1. Jungendi etiam sunt Canon 1. cau. 4.
 qu. 5. & Can. 1. cau. 4. qu. 6. utque
 can. 4. q. 5. & can. 1. cau. 4. qu. 6. enim pertinet ad Canonem 7. ejusdem
 Concilii, five Canon. 19. Concilii Car-
 thaginensis apud Dionysium Exiguum;
 & in Codice Canonum Ecclesiæ Afri-
 canæ. Integra Canonis verba hæc sunt:
Aurelius Episcopus dixit: Quisquis Epis-
coporum accusatur, ad Primates Provin-
cia ipsius (jam superius observavi Pri-
matum nomine eos fuisse appellatos in
Africa, qui apud nos Archiepiscopi di-
cuntur) causam deferat accusator, nec a
communione suspendatur, cui crimen in-
tenditur: Nisi ad causam suam dicendam
electorum judicium die statuta literis evoca-
tus (ita habet Dionysius, & Codex
Africanæ Ecclesiæ: In vulgata editione
Concilii hæc verba electorum judicium &c.
omissa sunt, quorum vice hæc leguntur:
Primatis literis evocatus. Harduinus au-
tem notat legendum esse, Electorum ju-
dicium die statuta literis evocatus, & qui-
dem in Codicibus Græcis etiam hoc mo-
do legitur, ut sonet: Eorum, qui ad ju-
dicandum electi sunt, literis evocatus)
minimo occurrerit, hoc est infra spatium
mensis, ex ea die, qua eum literas acce-
pisse constiterit: Quod si aliquas veras ne-
cessitatis causas probaverit, quibus eum
occurrere non potuisse manifestum sit, caus-
sa dicenda intra alterum mensem integram
habeat facultatem: Verum tamdiu post
mensem secundum non communicet, donec
purgetur. Si autem ad Concilium univer-
sale anniversarium (id consonat consti-
tutionibus Ecclesiæ Africanæ, ex qui-
bus singulis annis Nationale Afro-um
Concilium celebrari mandabatur) occur-
tere noluerit, ut vel ibi causa ejus ter-
minetur; ipse in se damnationis senten-
tiam dixisse judicetur, tempore sane, quo

non communicat, nec in sua Ecclesia,
 vel Parochia communicet (in vulgatis Con-
 cilio exemplaribus legitur: *Nec in sua*
plebe communicet; quæ sane verba non
 abhorrent a pristino loquendi more, jux-
 ta quem *plebium* nomine intelligebantur,
 quas hodie Parochias appellamus, quem-
 admodum deduci potest ex Can. 27. cau.
 7. qu. 1.) Accusator autem ejus, si nun-
 quam diebus causa dicenda defuerit; a
 communione non removeatur; si vero ali-
 quando defuerit, subrahens se, restituito
 in communione Episcopo, ipse removeatur
 a communione accusator, ita tamen, ut
 nec ipsi adimatur facultas causa pera-
 genda, si se ad diem occurrere non volui-
 se, sed non potuisse probaverit. Placuit
 vero illud, ut cum agere caperet in Epis-
 coporum judicio, si fuerit accusatoris per-
 sona culpabilis, ad arguendum non ad-
 mittatur, nisi proprias causas, non ta-
 men Ecclesiasticas (Gratianus hic addit:
 vel criminales, perperam tamen, quem-
 admodum observarunt Romani Correcto-
 res, cum in omnibus Concilii exempla-
 ribus desiderentur) asserere voluerit. Cum
 postremis hisce verbis concordat etiam
 Canon 129. in Codice Ecclesiæ Africa-
 næ, ibi: *Omnibus, quibus accusatio de-*
negatur, in causis propriis accusandi li-
centia non neganda. Similia etiam statu-
 ta exhibentur in Concilio Constantinopoli-
 tano Canone 6. si fides sit auctoris Co-
 dicis, qui appellatur *Codex Canonum Ec-*
clesiæ universæ, ibi enim cap. 169. ita le-
 gitur: „Siquis propriam querelam, id-
 „est privatam adversus Episcopum mo-
 „verit, utpote circumventus, defrau-
 „datusve ab eo, aut injuria aliqua ab
 „ipso affectus, in ejusmodi accusationi-
 „bus nec persona accusatoris, nec re-
 „ligio inquirenda est. Oportet enim o-
 „mnibus modis Episcopi conscientiam
 „liberam esse, & eum, qui se injuria
 „affectum dicet, cujuscumque religio-
 „nis fuerit, jus suum consequi.“

In eodem Carthaginensi Concilio Ca-
 none 20. legitur, quod edidit Gratia-
 nus in Can. 27. cau. 7. qu. 1. & qui-
 dem eisdem omnino verbis: Monet ta-
 men Harduinus postrema verba ita de-
 scribenda fuisse ex veteri Codice MS.
supergradiatur in Diaconum Collega sui; quæ
 sane ratione melius, & clarius Patrum
 Africanorum sententia exprimitur. Fer-
 randus Diaconus eundem Canonem ita
 perstrinxit in suo Breviario cap. 24. ut
 nullus Episcopus plebem alienam usurpet.

Can. 19.
cau. 11.
qu. 1. &
can. 107.
de conf.
dist. 4.

In Canone 38. ejusdem Concilii legimus duo Gratiani fragmenta, scilicet Canonem 19. cau. 11. qu. 1. & Can. 107. de consecr. dist. 4. hoc ordine dispositos. "Illud autem suggerimus mandatum nobis, quod etiam in Capuens (*legendum potius Capensi*) plenaria Synodo videtur statutum, non liceat fieri rebaptizationes, & reordinationes, vel translationes Episcoporum (hic est Canon 107. de conf. apud Gratianum). Nam Cresconius Vilarhégiensis Episcopus plebe sua derelicta Tubuniensem invasit Ecclesiam, & usque hodie commonitus, secundum quod statutum fuerat, relinquere eandem, quam invaserat, plebem contempsit. Adversum istum, quæ pronuntiata fuerant, confirmata quidem audivimus, sed petimus secundum quod nobis mandatum est, ut dignemini dare fiduciam, quo jam necessitate ipsa cogente liberum sit Rectorem Provincie secundum statuta gloriosissimorum Principum adversus illum adire, ut qui miti admonitioni sanctitatis vestræ acquiescere noluit, & emendare illicitum, auctoritate judiciaria protinus excludatur. Aurelius Episcopus dixit: Servata forma disciplinæ, non ælimabitur appetitus, si a vestra charitate modeste conventus recedere detrectaverit &c. " quæ habentur integra in dict. Can. 19. ex iis, quæ nuper descripta sunt in prioribus verbis emendando. Habentur etiam hæc in Codice Ecclesiæ Africanæ, & apud Dionysium cap. 48.

Can. 43.
& 44.
cau. 11.
qu. 1.

Canon 43. & 44. cau. 11. qu. 1. pertinet ad Canonem 9. ejusdem Concilii, sive ad Canonem 15. Concilii Carthaginensis apud Dionysium Exiguum, nec non in Codice Canonum Ecclesiæ Africanæ. Jam Romani Correctores observant exemplarium varietatem, in describendo Canone 43. & in Canone 44. adnotarunt, eum non aliud continere, quam summam Canonis præcedentis 43. Itaque de Canone 44. ego non dubito, illum nihil aliud esse, quam summam præcedentis capituli; id enim perspicuum redditur unicuique intuenti vel Concilium Carthaginense Dionysii Exigui, vel Codicem Ecclesiæ Africanæ; utrobique enim antequam Canon 15. describatur, hæc summam præmittuntur, uti moris est in aliis etiam capitulis. *De divinis ordinibus Ecclesiæ servientibus; ut*

si quis causam criminis incurrerit, & abjacerit judicium Ecclesiasticum, debeat periclitari &c. Quis hæc non videat eadem verba esse, quæ Gratianus retulit in dicto Can. 44. Deinde sequitur Canon. Deinde placuit, ut quisquis Episcopus &c. Erant itaque illa Collectoris verba, quibus paucis perstrinxerat Canonem, quem erat subjecturus. Ivo Carnotensis Parto 6. cap. 362. Præfationem illam cum verbis Canonis conjunxit, quasi uno eodemque contextu delineanda; Gratianus exinde quasi duos Carthaginenses Canones descripsit. In Canone autem 43. cau. 11. qu. 1. peculiaris etiam nonnulla sunt adnotanda; licet enim eadem Gratiani verba habeantur integra in Canone 9. Concilii Carthaginensis juxta vulgarem editionem, si tamen antiquiores Collectores consulamus, nonnulla sunt, quæ recentiore manu adjecta dici possunt. Ego ut plurimum a Dionysio Exiguo non recedo, præsertim cum hac in parte omnino illi consonet Codex Canonum Ecclesiæ Africanæ. Itaque apud ipsum ita legitur in Can. 15. Item placuit, ut quisquis Episcopus, Presbyterorum, & Diaconorum, seu Clericorum, cum in Ecclesia ei fuerit crimen institutum, vel civilis causa fuerit commota; si relicto Ecclesiastico judicio, publicis judiciis purgari voluerit, etiam si pro ipso fuerit prolata sententia, locum suum amittat, & hoc in criminali; in civili vero perdat, quod evicit, si locum suum obtinere maluerit. Quæ sequuntur apud Gratianum, ibi: *si quidem ad eligendos &c.* in hisce Codicibus penitus desiderantur. Justellus in notis ad suum Codicem Africanum ita de verbis apud Gratianum adjectis scribit: Quæ quidem verba in omnibus latinis, græcisque codicibus editis, & MSS., quibus in hac editione usus sumus, non habentur, nec in Collectione Dionysii Exigui Moguntiae edita anno 1525. Duo sane voluerunt in hoc Canone Africani Patres; primum scilicet, Clericorum levitatem, & procacitatem coercere, qui post causam in uno judicio agitari cæptam, ad alios Judices confugere adamabant. Alterum ita causas Clericorum sine strepitu componere in Conciliis Ecclesiasticis, ut omnis contentionum, atque odii inter viros Ecclesiasticos occasio tolleretur.

Canon 1. cau. 12. qu. 3. habetur in Can.

Can. 1.
can. 12.
q. 3.

Can. 49. ejusdem Concilii, & quidem eisdem omnino verbis; item in Can. 32. Codicis Ecclesiae Africanæ, & Concilii Carthagenensis apud Dionysium Exiguum. Eadem sententia passim recepta est in jure Ecclesiastico, Concilio Agathensi Can. 48. Gregorio Magno lib. 9. Epist. 14. Capitularibus Caroli Magni lib. 1. cap. 156. Can. 40. vulgo Apostolorum, quibus addi potest Justinianus in Nov. 131. cap. 13. & Codex Theodosianus tit. de bonis Clericorum.

Can. 6. Ad compescendam Clericorum quorundam avaritiam editus est in eodem Concilio Carthagenensi Canon 16. qui apud Gratianum est Canon 6. cau. 14. qu. 4. ibi scilicet Clericis omnino prohibitum est, ne aliquo prætextu contractu mutui abutantur, & usuras accipiant. Refertur idem Canon in Codice Ecclesiae Africanæ, nec non in Concilio Carthagenensi Dionysii Exigui num. 16. his verbis: *Item placuit, ut Clericus si commo- daverit pecuniam, pecuniam accipiat; si speciem, quantum dederit accipiat; vel: si speciem, eandem speciem, quantum dederit, accipiat.*

Non omnia Carthagineosis Concilii exemplaria eisdem verbis exprimunt Gratianum Canonem 5. cau. 15. qu. 7. Habetur is in Can. 8. Concilii, tum in Can. 20. in Codice Africano, & apud Dionysium. Vulgata Concilii exemplaria ita habent: *Si autem Presbyteri, vel Diaconi fuerint accusati, adjuncto sibi ex vicinis locis cum proprio Episcopo legitimo numero collegarum* (addit hic Dionysius: *Quos ab eodem accusati petierint, consonatque in hac parte codex Africanæ Ecclesiae.* Alii autem ex Græco textu ita interpretati sunt: *Adjuncto legitimo numero electorum Episcoporum ex propinquis regionibus, quos ii, qui accusantur, petierint*). Id est in Presbyteri nomine quinque, in Diaconi duobus (Dionysius Exiguus, & auctor Africani Codicis habent: id est una secum in Presbyteri nomine sex, in Diaconi tres, quibus consonat Græcus textus, quem ita alii Latine ediderunt: *Id est in dilatione nominis Presbyteri sex, & Diaconi tribus*). Episcopi ipsorum causam discutiant eodem diebus, & dilationum, & a communione remissionum (sunt qui pro hisce postremis verbis: *Et a communione remissionum* legunt: *Et examinationum*) & disensione personarum inter accusatores, & eos, qui accusantur forma servata. Reliquorum au-

tem Clericorum causas etiam solus Episcopus loci agnoscat, & finiat.

Canon 51. cau. 16. qu. 1. legitur in Can. 42. ejusdem Concilii, item in can. 53. apud Dionysium Exiguum, nec non in codice Ecclesiae Africanæ his verbis: *Epigonius Episcopus dixit: Admittis Conciliis hoc statutum a ratu Sacerdotali est, ut plerumque, quæ in Diocesis ab Episcopis retinentur, quæ Episcopi nunquam habuerunt, non nisi cum voluntate ejus Episcopi, in quo tenentur, proprios accipiant Rectores, id est Episcopos. Et post multa: Universi Episcopi dixerunt: Placet, Placet.*

Canon 13. cau. 20. qu. 1. ad nullum ex Carthagenensibus Conciliis pertinere ullo modo potest, licet a Gratiano laudetur nomine Concilii Carthagenensis 3. Quinam vero Synodo potius tribuendum sit, jam recte indicant Romani Correctores, agentes legi illam porius in can. 19. Concilii Agathensis, cujus verba hæc sunt: *Sanctimoniales, quantilibet vite eorum, & mores probati sint, ante annum ætatis suæ quadragesimum non velentur.* Ceterum Concilii Carthagenensis 3. esse non posse facile probatur, si vera sunt, quæ in editionibus ejusdem Concilii leguntur in can. 4. relata apud Gratianum in can. 5. dist. 77. & in can. 14. cau. 20. qu. 1. cum enim ibidem præscribatur, ne ante annum vigesimum quintum Virgines consecrentur, falso adtribuitur eidem Concilio statutum de virginibus ante annum quadragesimum non velandis, ne forte duo decreta invicem adversantia in eodem Concilio asingamus. Ego suspicor inscriptionem Concilii Carthagenensis 3. dicto canoni 13. adjunctam e margine in textum irrepsisse. Etenim in veteribus Gratiani exemplaribus can. 14. cau. 20. qu. 1. referebatur quasi ex Concilio Africano 4, cum tamen in can. 5. dist. 77. eadem verba referrentur ab ipso Gratiano ex Concilio Carthagenensi 3. Forte quidam Gratiani codicis studiosus ad marginem ejusdem can. 14. cau. 20. qu. 1. adjecit Concilii tertii Carthagenensis nomen, ut se se referret ad dictum can. 5. dist. 77. Factum deinde fuit, ut marginalis additio facta canoni 14. accommodaretur ab imperito quodam Amanuensi canoni 13. unde etiam hodie 13. can. laudetur nomine Concilii 2. Carthagenensis.

Canon 3. cau. 21. qu. 3. legitur in can. 15. ejusdem, de quo agimus, Carthagenensis Concilii, monet tamen Harduinus ad

Can. 51. cau. 16. qu. 1.

Can. 13. cau. 20. qu. 1.

Can. 5. cau. 15. qu. 7.

Can. 3. cau. 21. qu. 3.

ad verbum illud *Procuratores* legendum esse: *Procuratores privatorum*. Et Labbeus testatur integrum hunc canonem in quibusdam vetustis libris ita conceptum esse: *Ut Episcopi, Presbyteri, & Diacones non sint Conductores, aut Procuratores privatorum, neque ullo negotio tali visum quarant, quo eos peregrinari, vel ab Ecclesiasticis Officiis avocari necesse sit*. Dionysius Exiguus in suo Concilio Carthaginensi, nec non Codex Africanæ Ecclesiæ in cap. 16. potius consonant cum Gratiano his verbis: *Item placuit, ut Episcopi, Presbyteri, & Diaconi non sint Conductores, aut Procuratores, neque ullo turpi negotio, & inhonesto visum quarant, quia respicere debent, scriptum: Nullus militans Deo implicat se negotiis secularibus*.

Can. 2. Can. 2. cau. 26. qu. 6. legitur quidem
can. 26. eisdem verbis in can. 36. ejusdem Con-
qu. 6. ciliis Carthaginensis. Paulo aliter tamen habetur in Codice Canonum Ecclesiæ Africanæ, nec non in Concilio Carthaginensi Dionysii Exigui his verbis can. 6. *Fortunatus Episcopus dixit: In præteritis Conciliis statutum meminimus esse, ut chrismæ, vel reconciliatio pœnitentium, nec non & puellarum consecratio a Presbyteris non fiant: Siquis autem emergerit hoc faciens, quid de eo statuendum sit? Aurelius Episcopus dixit. Audivitis dignatio vestra suggestionem Fratris, & Coepiscopi nostri Fortunati, quid ad hac dicitis? Ab universis Episcopis dictum est: Chrisma confessio, & puellarum consecratio a Presbyteris non fiat, vel reconciliare quemquam in publica Missa Presbytero non licere, hoc omnibus placet*. Forte tamen, ut diximus ad Can. 1. cau. 26. q. 6. hæc Dionysii, atque Africani codicis verba pertinent ad Concilium Carthaginense, quod vulgo secundum appellatur.

Can. 14. In codice Ecclesiæ Africanæ, item in
can. 26. Concilio Carthaginensi Dionysii Exigui
q. 6. & can. 43. ita legimus: *Ut pœnitentibus se-
Can. 5. cundum differentiam peccatorum Episcopi
can. 26. arbitrio pœnitentia tempora decernantur,
qu. 6. ut & Presbyter inconsulto Episcopo non reconciliet pœnitentem, nisi absentia Episcopi necessitate cogente*. Cujuscumque autem pœnitentis publicum, & vulgarissimum crimen est, quod universam Ecclesiam commoverit, ante absidem manus ei imponatur. Hic canon in vulgatis Concilii tertii Carthaginensis exemplaribus divisus est in duos, positos numero 31. & 32., quemadmodum etiam apud Gratianum in

can. 14. cau. 26. qu. 6., & in can. 5. cau. 26. qu. 7. Verba illa ante absidem ita interpretatur Zonaras: *Illud namque ante absidem, idem, ac ante porticum significat; illum videlicet locum, in quo erat Flentium statio ante Ecclesiam in foribus, sive in atrio, ne statim admitterentur in pœnitentes ad ulteriores pœnitentium gradus simul cum aliis, qui non adeo graviter in Ecclesiæ conspectu deliquerant*.

Etiam post Romanam correctionem ex Concilio Africano cap. 2. laudatur canon
Can. 49. de con-
49. de cons. dist. 1. Legitur ille in cap. dist. 1.
29. Concilii, de quo agimus, Carthaginensis, & quidem fore eisdem verbis, etenim apud Gratianum ubi legitur, *sive Episcoporum, sive ceterorum in vulgatis Concilii exemplaribus legitur: Sive Episcoporum, sive Clericorum, sive ceterorum &c*. In reliquis omnino consonant. Monet tamen Harduinus in MSS. quibusdam codicibus desiderari illa verba; *quo cœna Domini celebratur*. Ego arbitror a Gratiane editione non esse in hoc loco recedendum, cum prorsus concordet cum Concilio Carthaginensi Dionysii Exigui, & cum codice canonum Africanæ Ecclesiæ cap. 41. Sane jam viguit in Ecclesia antiquissima consuetudo, ut Sacramentum Altaris nonnisi abs jejunis susciperetur, quemadmodum perspicue deduci potest ex Epistola S. Johannis Chrysostomi ad Cyriacum Episcopum. Sed peculiaris fuisse deducitur Africanæ Ecclesiæ consuetudo, ut aliud in Cœna Domini servaretur. Adfero huc verba Concilii Trullani in can. 29. ibi: *Carthaginensis Synodi canon dicit, ut sancta Altaris nonnisi a jejunis hominibus peragantur, excepto uno die in anno, in quo Cœna Domini peragitur; tum fortasse propter aliquas in his locis occasiones Ecclesiæ utiles Patribus hac dispensatione usis. Cum nihil ergo dos inducat, ut ac curatam diligentiam relinquamus, apostolicas, ac paternas traditiones sequentes, statuimus, non oportere in quadragesima postrema septimana quinta feria jejunium solvere, & totam quadragesimam injuria afficere. Quod autem subditur in Carthaginensis canone de commendationibus defunctorum, ad sepulturas pertinet, quæ cum vespere fieri solerent, quidam putabant ea occasione religionis, religiosæque pietatis favore posse tum sacra celebrari etiam a non*

non jejunis, quod tamen Carthaginenses Patres reprobarunt, sancientes tum defunctos solis orationibus Deo a fidelibus commendari.

Can. 5.
de conf.
dist. 2.

Canon 5. de conf. dist. 2. in canonibus ejusdem Concilii Charchaginensis legitur num. 24. eisdem omnino verbis, quæ habentur apud Gratianum. Monet tamen Labbeus in vetustis codicibus ita haberi: *Us in Sacramentis Corporis, & Sanguinis Domini nihil amplius offeratur, quam ipse Dominus tradidit, hoc est panis, & vinum aqua mixtum. Primitia vero, seu mel, & lac, quod uno die solemnissimo pro infantis mysterio solet offerri, quamvis in Altari offeratur, suam tamen habet propriam benedictionem, ut a Sacramento Domini Corporis, aut Sanguinis distinguantur, nec amplius de primitiis offeratur, quam de uvis, & frumentis.* Eadem fere verba habentur tum apud Dionysium Exiguum in Concilio Carthaginensi, tum in codice Ecclesiæ Africanæ can. 37. exceptis tantummodo illis verbis; *uno die solemnissimo pro infantis mysterio*, alii autem ex Græco textu ita explicarunt; *illud vero ad infantium mysterium, quidam sic intelligunt, ut ea parvulis sacrorum mysteriorum loco præbentur, quod ego quidem haud probaverim. Alii vero quasi lac primitiarum nomine propter infantes, quippe qui solo lacte alantur, offerri solitum fuerit.* Ego sane existimaverim huic canoni maximam lucem attulisse Labbeum in sua adjectione ex vetustis codicibus deprompta, ubi asseruit legi hæc verba; *uno die solemnissimo pro infantis mysterio*: Designatur enim hoc in loco, consuevisse olim lac & mel unico die solemnissimo in Ecclesia offerri, videlicet die natiuitatis Dominicæ, cujus festiuitas jure appellari poterat *infantis mysterium*; atque hæc oblationum species apta maxime erat ad significanda Pastorum munera, quæ Domino servatori recens nato oblata fuerunt. Quidquid sit de hujusmodi, ceteroquin plana, & accommodata interpretatione, exhibetur hoc in fragmento vetus illa disciplina, qua receptum erat, ne aliud in altari sacrorum tempore offerretur, quam uva, & frumentum, utpote quæ sola cum Sacrificio convenire quodammodo possunt; & quidem de hac oblatione juxta veteres ritus plura adnotant viri eruditi ad interpretationem canonis 3. & 4. inter eos, qui Apostolici nuncupantur.

Can. 96.
de conf.
dist. 2.

De canone 96. de conf. dist. 2. vix Tom. I.

est, quod peculiariter dicamus. Habetur eisdem omnino verbis in canone 35. ejusdem Concilii Carthaginensis. Videtur autem depromptus ex Fulgentio Ferrando, in cujus breviario num. 170. ex Concilio Carthaginensi tit. 42. referuntur hæc verba: *Us scenicis, atque hisfrionibus reconciliatio non negetur.* Ceterum in canone 63. Concilii Carthaginensis apud Dionysium Exiguum, & in Codice canonum Africanæ Ecclesiæ nonnulla leguntur, quæ plurimum ad hanc eandem rem faciunt his verbis, *Et de his etiam petendum, ut si quis ex qualibet ludrica arte ad Christianitatis gratiam venire voluerit, ac liber ab illa macula permanere: non cum licet a quoquam iterum ad eandem exercenda reduci; vel cogi.* Clarius etiam id habetur in can. 45. rursus apud Dionysium Exiguum, & in Codice Africano, his tamen verbis, ex quibus his conjungendus est can. 75. de conf. dist. 4. *Us agrotantes, qui pro se respondere non possunt, cum voluntatis eorum testimonium sui periculo proprio dixerint, baptizentur. Us scenicis, atque hisfrionibus, ceterisque hujusmodi personis, vel apostaticis conversis, vel reuersis ad Deum gratia, vel reconciliatio non negetur.* Dicitur autem canon 75. habetur in can. 34. ejusdem Concilii Carthaginensis, cujus varietatem jam Romani Correctores adnotarunt. Labbeus editio ita exhibet: *Us agrotantes, si per se respondere non possunt, cum voluntatis eorum testimonium hi, qui sui sunt, periculo proprio dixerint, baptizentur.* Alii ex Græco textu ita sententiam Concilii explicaverunt. *Us qui sunt infirmi, & pro se respondere non possunt, tunc baptizentur, quando voluntate sua de se proprio periculo dixerint.* Posteriora illa canonis Gratiani verba: *Similiter & de penitentibus agendum est*, cum in nullo alio Codice reperiantur, facile est suspicari, a Gratiano edita fuisse, qui ea, quæ de baptismo constituta sunt, ad poenitentiae Sacramentum produxerit.

De Canonibus Concilii Carthaginensis,
quod quartum dicitur apud
Gratianum.

Quod apud Gratianum appellatur Concilium Carthaginense quartum, fuit illud universale totius Africae, ad quod convenisse perhibentur sub Aurelio Carthaginensi Episcopi numero 214. inter quos & S. Augustinus Hipponensis Episcopus.

scopus subscripsit. Incidit autem in consuetudinem Honorii, & Euthichiani, qui concurrunt cum anno 398. regente Romanam Ecclesiam Anastasio. In vulgatis Conciliorum editionibus centum & quatuor huic Concilio canones tribuntur, etque exhibentur; eorundem tamen numero ex antiquis Scriptoribus meminit. Non Fulgentius Ferrandus in sua breviatione canonum, non Dionysius Exiguus; imo nec in ipso Africanæ Ecclesiæ Codice aliquid reperitur, quod ex hoc Concilio deprementum videri possit. In tanto veterum silentio gravis mihi suspicio suboritur, acta hujus Concilii apocrypha esse; nomine saltem, item præfatione, & subscriptionibus Episcoporum, in quibus Aurelii Carthaginensis, aliorumque Africanorum Antistitum nomina reperiuntur. Primus, qui canones ibi descriptos nomine Concilii Carthaginensis laudavit fuit Egbertus Eboracensis Episcopus, qui vivebat circa annum 740. deinde Regino, Burchardus, Anselmus Lucensis, Ivo, & Gratianus laudaverunt. Quis porro verosimile esse posse arbitretur Concilium istud, ceteroquin, ut ajunt, universale totius Africæ, vetustissimos latuisse Collectores, ipsum etiam Ferrandum, nec fuisse in Codice Africanæ Ecclesiæ inferum? Augent suspensionem meam quædam observationes, quæ ex veteribus MSS. in quibus hujus Concilii acta reperiuntur, depremi facile possunt. Etenim antiqui diversis nominibus inscripserunt eos canones, & acta, qui huic Carthaginensi Concilio hodie tribuuntur. Alicubi appellantur: *Statuta Ecclesiæ antiqua*. Ita in MS. Codice Corbejensi, & in alio Bibliothecæ Parisiensis Collegii Societatis Jesu; in quibus MSS. etiam desideratur præfatio, in qua Aurelii Carthaginensis nomen habetur. Alibi, ut in MS. Barberiniano, quemadmodum notatur in editione Labbeana, hæc est inscriptio: *Statuta Orientis antiqua*; cui inscriptioni etiam consonat Atto Vercellensis Episcopus (vivebat is circa annum 945. ejusque opuscula habentur in Spicilegio Dachariano), quippe apud ipsum appellantur: *Statuta Orientalium* in epist. 8. Qui autem fieri potest, ut Orientali Ecclesiæ tribuerentur, quæ in Africana Ecclesiæ erant constituta? Addo his reperiri quædam in hisce actis ac canonibus, quæ posteriori potius ætati conveniunt; etenim in can. 1. leguntur quædam fidei formulæ, quæ ad damnandam

Euthychetis hæresim postea exortam plurimum faciunt; ac proinde perspicue innuunt, illud fragmentum Concilio Carthaginensi anni 398. tribui nullatenus posse. Præterea in eodem can. 1. hoc ab Episcopo inquirendum decernitur: *Si in baptismo omnia peccata, idest etiam illud originale contritum, quam illa, quæ voluntarie admissa sunt, dimittantur?* Quæ sane præsupponere videntur jam exortam hæresim Pelagianam; at vero Pelagius non nisi anno 412. legitur damnatus, aut in Africam venisse, nisi post annum 412. Quibus omnibus addi potest formulæ in hoc Concilio expressas non convenire ullo modo cum illis, quæ in aliis ejus temporis Africanis Conciliis conspiciuntur. Nec enim Episcoporum identidem interrogantium, consulentium, ac demum desistentium verba inter canonum statuta occurrunt, quemadmodum in ceteris. Demum si canones hujus Concilii omnes confiderentur, libellus potius videtur ad ceremonias quasdam Sacramentales confectus; quam Synodales definitiones, quæ olim ut plurimum ardua disciplinæ capta, prout res incidebat, constituta continebant. Hæc omnia simul juncta, atque ad rectam rationem exacta, si non prorsus apocrypha docebant hujus Concilii acta, saltem vero maxime suspecta faciunt, ut de eorundem auctoritate, aut origine facile dubitare quispiam possit. Ceterum adeo ego non audeo, ut canones, quales in ea Synodo describuntur, penitus respuam, ac illis veneratione aliqua dignos minime censcam. Sunt enim illi veteri canonum disciplinæ maxime accommodati, ac plurimum veteri juri Ecclesiastico observando studiosis inserviunt. Si ergo Africanis Patribus, aut quarto sæculo tribui nequitiam possunt, forte alterius erunt Concilii; aliterius cujuscumque Ecclesiæ, atque etiam texti, septimive sæculi monumenta.

Est hoc meum generatim de canonibus hisce judicium, unde liquet, quænam penes me sit de Gratianis exinde perceptis fragmentis generalis opinio. Nunc ad singula venio; atque in primis agnosco Gratianum canonem 9. dist. 18. *Can. 9. haberi in canone 21. hujus Concilii his verbis: Ut Episcopus ad Synodum ire, non sine satis gravi necessitate inhibeatur* (duas illas voculas non sine monet Harduinus in veteribus MSS. desiderari), sic tamen, ut in sua persona legatum mittat, suscepturus, salva fidei veritate, quidquid Synodus statuerit. Integra hæc

verba, descripſi, ut agnoſcatur varietas. Codicum, & præſertim Gratianæ editionis, a qua tamen hac in parte, recedendum non eſſe cenſerem.

Can. 2. Can. 2. diſt. 23. legitur in can. 1. hujus Concilii Carthaginenſis, legitur præterea in libro Romani Ordinis cum hac inſcriptione: *Ex Eccleſiaſtica ſtatuta*; quod magis, magiſque, probat apud veteres hoſce canones non conſueviſſe nominari Concilii Carthaginenſis laudari. Ubi de Romano Ordine, peculiari, capite agam, nonnulla præcipue de hoc canone attingam. Hoc in loco, adnotari ſufficiat, poſtremo hujus canonis, verba cum vulgatis Concilii editionibus conſerare; verum apud Regioppem lib. 1. de Eccleſ. diſciplinis, cap. ult. Burchardum lib. 1. cap. 8. & Ivonem part. 5. cap. 62. compendio quodam fuiſſe perſtricta, ibi: *Quia in hiſ. operibus examinatus, præſertim inſtructus, repertus, fuerit, & itaq. adnotatur.*

Can. 7. Poſt canonem nuper memoratum ſequitur num. 2. can. 7. diſt. 23. ubi eadem etiam verba leguntur, excepta voce illa *fundendo*, in cuius vicem habetur in vulgatis exemplaribus Concilii: *fundantes*.

Can. 8. In canone 3. ipſius Concilii ſequitur can. 8. diſt. 23. cuius verba omnino coarctant cum verbis Concilii uſque ad §. *Sicut autem*, qui ſane §. meo iudicio a Gratiano, aut ab aliquoſvis Colleftore videtur adjectus, præſertim cum etiam omiſſus fuerit ab Ivone, qui idem fragmentum retulerat in part. 4. decreti c. 12. Hæc autem Gratiani, aut alterius cuiuſcuſque adjectio non eſt ab Eccleſiaſtica diſciplina, veteri, aliena, cum olim juberentur Sacerdotes cum oratio, quoad fieri poſſet, incedere. Sic apud Regioppem lib. 1. de Eccleſ. diſcipl. in principio inquirendum a Presbyteris proponitur: *Si ſine ſola, vel oratio in itinere incedant*. Et in lib. 1. cap. 333. ex Concilio Triburienſi hæc leguntur: *ut Presbyteri non vadant, niſi ſola, vel oratio induti*. De oratio jam alibi ſuperius ſermonem habui.

Can. 11. 16. 17. 18. 19. 20. 21. 22. 23. Sequuntur in eodem Concilio canones 11. 15. 16. 17. 18. 19. & 20. diſt. 23. & quidem omnes cum vulgatis Concilii exemplaribus omnino congruunt. Duo tantummodo obſervatione in ipſis digna ſunt. Primum eſt in diſto. can. 15. diſt. 23. in illis verbis: *cum aqua, manile, & manutergium* etiam vulgata Concilii edi-

tio ita habet: *accolum cum aqua, & manile, & manutergium*. Alii autem legere, malunt: *accolum cum aquimanile, & manutergium*; quæ poſtrema, lectio, conformior videtur veteri phraſi loquutionis Romanæ; ſiquidem in uſu olim erant aquimanilia, quorum mentio habetur in l. 3. princ. & §. 3. ff. de ſuppelleſt. leg. item in l. 19. §. 12. & l. 21. §. 2. de auro, & arg. leg. Erant aquimanilia ita dicta, quod aqua in eis maneret, & ex illis effunderetur in pelves, vel quod apud antiquos ante cibum in uſu eſſent, dum manus aqua perſunderent. Hinc in memoratis jureconſultorum fragmentis aquimanilia inter ſpecies argenti eſcarii reſata ſunt, nulla alia ſane de cauſa, niſi quod cænaturis porrigerentur. Itaque exinde colligitur aquimanile apud Eccleſiaſticos viros olim appellatum fuiſſe vas illud, in quo aqua continebatur præparata ad ablundas Sacerdotum manus, cum illi ad ſacram Menſam accederent. Alterum quod dignum obſervatione videtur, pertinet ad dictum can. 17. diſt. 23. ubi traditur formula, qua Episcopus exerciſtatus ordinem confert. Etenim poſtrema illa verba *super energumenum, ſive baptizatum, ſive catechumenum*, non in omnibus codicibus eadem leguntur. In Labbeana editione Concilii adnotatur, in aliquibus ita legi: *super energumenum, ſive baptizandum, ſive catechumenum*, verba autem illa, *ſive catechumenum*, deſiderari. Si hæc lectio prævalere deberet, contra quam receptum ſit poſt Gratiani Codicem, facile recipi poſſet, poſſimam exorcistarum poteſtatem in eo olim fuiſſe ſtram, ut energumenis, id eſt baptizandis, ſive (quod idem & unum eſt) Catechumenis adſent, variſque orationibus, & exorcismis eoſdem præpararent, quemadmodum etiam hodie fieri ſolet inter ipſos ritus & ceremonias baptismales juſta Rituale Romanum.

Can. 29. & 99. diſt. 23. habetur in cap. 98. diſt. 23. & 99. ejusdem Concilii, ubi tamen pro illis verbis, *niſi ipſa rogantibus*, ita legitur: *niſi ipſa jubentibus*. Regino in Appendice 1. can. 19. refert primam hujus canonis partem ex Concilio Aurelianenſi 52. ubi canon nihil tale reperitur, ſi fides eſſe debet vulgatis ejusdem Concilii editionibus.

Can. 33. Verba canonis 33. diſt. 23. jam Regino Prumiſienſis ſub nomine Concilii Carthaginenſis deſcripſerat in cap. 153. libro 2. de Eccleſ. diſcipl. Burchardus, & Ivo eadem retulerunt, ſed ſub nomine

Concilii apud Valentias cap. 101. Gratianus contentus fuit verba eadem recitare, nullum tamen auctorem ipse laudavit, forte quod nollet Ivoni potius, & Burchardo, quam Reginoni, vel e converso morem gerere. Demochares & Consius in editionibus Gratiani ad marginem adnotarunt hunc canonem haberi in can. 13. Concilii IV. Carthagenensis. Hanc notam Romani Correctores e margine in textum transtulerunt. Revera eadem ipsa verba habentur in cap. 13. ejusdem Concilii Carthagenensis.

Can. 6.
dist. 24.

Cum vulgaris ejusdem Concilii exemplaribus can. 22. consonat canon 6. dist. 24. Animadvertit Harduinus in MSS. veteribus ita legi: *Episcopus consilio Clericorum suorum Clericos ordinet, ita ut civium conviciantiam, & testimonium quaerat.* Hæc sane disciplina generatim apud Episcopos omnes servata fuit; sed quoniam de Conciliis Carthagenensibus agimus, Sanctissimum Africanum Episcopum laudabo, Cyprianum videlicet, qui in Epist. 5. ad Presbyteros, & Diaconos suos ita scribit: *Ad id vero, quod scripserunt mihi Compresbyteri nostri Donatus, & Fortunatus, Novatus, & Gordius, solus rescribere nihil potui, quando a primordio Episcopatus mei statuerim nihil sine consilio vestro, & sine consensu plebis mea privatum sententia gerere.* Et rursus ibidem: *Quamquam causa compelleret, ut ipse ad vos properare, & venire deberem, primo cupiditate, & desiderio vestri, qua res in votis meis summa esset, tum deinde ut ea, qua circa Ecclesiam gubernaculum utilitas communis exposcit tractare simus, & plurimorum consilio li-
mare possemus &c.*

Can. 1.
dist. 37.

Can. 1. dist. 37. legitur quidem in cap. 16. hujus Concilii; verum utrum apud veteres Patres, præsertim Africanos usu receptus fuerit, maxime dubitaverim. Prohibentur ibidem Episcopi legere Gentilium libros, hæreticorum autem Codices legere jubentur *pro necessitate, & tempore*, vel, uti alii legunt, *pro necessitate temporis*. Verum vel nomine gentilium librorum ii intelliguntur, in quibus de superstitionibus, atque Idolorum cultu ex proposito tractatur, vel ii, qui nihil tale continent, sed vel quid factum fuerit per historiam docent, vel bonarum artium cultoribus profunt: Si de libris primi generis agatur, non video; cum ab ipsis Episcopo abstinendum foret, cum tamen præcipuum munus Episcopi esset ita studere, ut prædicatione sua

gentes potissimum ad Christi fidem adduceret? Quomodo autem adduceret, nisi gentium superstitiones oratione, ac disputatione refutaret? Quomodo tandem refutaret, nisi plenam earundem notitiam habuisset, quam nonnisi ex Ethnicorum eorumdem libris haurire potuisset? Sætem vero eum non jubentur Episcopi æque Gentilium, atque hæreticorum libros legere *pro necessitate, aut tempore*, cum eadem tum fuerit Ethnicorum, atque Gentilium oppugnantium ratio? Si vero alterius generis libros intelligimus, opponitur statim Cypriani, & Augustini exemplum, qui fuisse potissima Africanæ Ecclesiæ lumina. Cyprianum memoro in primis, quem latinæ linguæ peritissimum fuisse scimus, ejusque studiosissimum, ejus tamen linguæ elegantiam, integritatemque in solis Gentilium libris adservatam vel in agnoverunt, qui prima ipsius elementa addiscere potuerunt. Augustinum deinde, cujus opera si legerimus, auroos præsertim libros *de Civitate Dei*, innumera in illis agnoscemus ex Gentilium libris deprompta. Neque vero suspicandum, Augustinum aut contra suæ Ecclesiæ canones voluisse delinquere, aut, quod pejus esset, de delicto suo gloriosam querere, referendo in suos Codices librorum illorum fragmenta, a quorum lectione iustus fuerat penitus abstinere. Qui plura ad hanc rem desiderat, videat Cotelierum in Tom. 2. Patrum I. sæculi pag. 127.

Can. 7. dist. 41. legitur eisdem verbis in canone 14. & 15. ejusdem Concilii, dist. 41. dummodo pro voce illa Gratiæ *hospitium* legatur *hospitolum*. Ex quibus constat, qua mediocritate Episcopi veteres in re præsertim familiari usi fuerint; atque ad hoc ipsum pertinet can. 8. dist. 41., cujus verba leguntur in eadem Synodo cap. 45.

Can. 8.
dist. 41.

Can. 3. dist. 46. omnino consonat cum canone 56. ejusdem Concilii.

Can. 3.
dist. 46.

Quæ in can. 4. dist. 46. leguntur, licet consonent cum can. 56. ipsius Concilii, plurimum tamen videntur cum Ecclesiastica vetere disciplina pugnare, si generatim sumantur, non prout jacent apud Gratianum, sed prout ab aliis Conciliorum Collectoribus, & in ipsius integris Concilii exemplaribus referuntur, ibi: *Ut Episcopus accusatores fratrum excommunicet, Et si emendaverint vitium, recipiat eos ad communionem, non ad Clerum.* Agitur itaque hoc in loco de

Can. 4.
dist. 46.

de Clericis, qui Clericos accusaturi sunt: At quis dixerit accusationes Clericorum Clericis eisdem apud veteres fuisse interdictas? cum cæteroqui nemo ignoret in Conciliis, præsertim Provincialibus passim receptas esse, atque admissas Clericorum adversus Clericos accusationes. Anne forte apud veteres danda erat Clericis delinquendi impune licentia? Non ita infedit Africanis Patribus in canone 8. Codicis Africanæ Ecclesiæ, ut cetera omittam, ibi enim ita legimus: *Aurelius Episcopus dixit: Placet igitur charitati vestra, ut is, qui aliquibus sceleribus irretitus est, vocem adversus majorem natu non habeat accusandi. Ab universis Episcopis dictum est. Si criminofus est, non admittatur, placet.* Ab accusando itaque tum demum removendus erat quispiam, quoties & ipse, qui accusaturus esset, crimini fuisset obnoxius: ac propterea generalis esse non poterat disciplina, ut quilibet Clericus alterum Clericum accusare non posset, nisi dicamus apud Africanos, Clericos omnes fuisse sceleribus irretitos. Agnovit hanc difficultatem Gratianus, aut quisquis alius, qui propterea hunc canonem non descripsit, qualis in aliis Exemplaribus Concilii legitur, sed e re esse putavit, si illa verba adjiceret: *qui non probanda fratribus obijciunt.* Sed hic rursus ego maxime dubitavim, utrum recepta apud veteres generalis hæc regula fuerit, ut excommunicarentur accusatores illi ex Clericis, nunquam etiam in Clerum recipiendi, qui crimina manifestis argumentis probare non potuissent, de quibus Clericos accusavissent.

Can. 5.
6. 7. &
8. dist.
46.
Cum canonibus ejusdem Concilii 34., 57., 60., & 67., consonant canones 5., 6., 7., & 8. dist. 46.; observandum tamen est in dicto can. 6. dist. 46. verbum illud *consumus* a Gratiano, vel ab alio quovis Collectore adjectum fuisse, cum non legatur in vulgatis Concilii exemplaribus. Notandum præterea memoratum canonem 5. dist. 46. laudatum fuisse nomine Carthaginensis Concilii in pœnitentiali Romano edito ab Antonio Augustino tit. 4. cap. 14., de quo suo loco sermonem institui, ubi de pœnitentialibus agendum erit. In eodem autem pœnitentiali pro illis verbis, quæ sunt apud Gratianum: *maxime in Sacerdotibus*, leguntur hæc alia: *maxime*

Can. 55.
dist. 50.
a Sacerdotibus.
De canone 55. dist. 50. nihil est, quod

specialiter hoc loco subjiciam. Habetur ille in canone 68., & 69. ejusdem Concilii. Romani autem Correctores jam observarunt, quæ in aliis Codicibus est, verborum differentiam.

Omnia consonant cum can. 102. & 103. ejusdem Concilii canones 23. & 34. dist. 81.

Quam alienus debeat esse Episcopus a negotiis sæcularibus, ne forte illorum occasione a curis Ecclesiasticis abstrahatur, apertissime docent canones 5., 6., & 7. dist. 88., quorum verba in omnibus exhibent canones 17. 18., & 20. memoratæ Synodi Carthaginensis.

In eodem Concilio can. 59. statuitur, ad Episcopos pertinere dissidentes Clericos ad concordiam trahere, quam sententiam Gratianus retulit in can. 1. dist. 90., aliquæ tamen Concilii editiones pro illis verbis: *per audientiam*, habent: *per audaciam*, existimaverim ego legendum potius, *propter audaciam*.

Ex canone 93., & 94. hujus Concilii Carthaginensis descriptus est can. 2. dist. 90., quo etiam pertinet can. 3. eadem dist. 90., ubi Gratianus eadem repetit, forte immemor eorum, quæ tum pridem adduxerat. Hæc eadem ex Concilio Carthaginensi laudaverat Regino in lib. 2. cap. 375., habenturque etiam apud Halitgarium in lib. 4. cap. 31. Similia præterea idem Regino adtulit in lib. 1. cap. 61. ex Concilio Nannetensi, ubi postquam statutum est, dissidentes fideles, qui nolunt reconciliari, ab Ecclesia ejiciendos esse, ita statim subiicitur:

Non enim possumus manus, vel oblationem ad Altare offerre, donec prius Erarii reconciliemur. Petet forte quispiam, quid significant voces illæ sacrarii, & gazophilacii, & quænam sint inter utramque discrimina. Quod ut dignoscatur, observandum est, olim a fidelibus consuevisse in Ecclesiam oblationibus adferri, præsertim vero panem, & vinum causa consecrationis, aut etiam alias res per Sacerdotem dein benedicendas, ut populo distribuerentur in signum Ecclesiasticæ communionis. Unaquæque res oblata primum in gazophilacio reponebatur ab ipsismet offerentibus, sive in corbona, quemadmodum appellant alii. Deinde a gazophilacio, sive corbona extractæ res a Sacerdotibus in duas partes dividebantur, quarum una Clericis cedebat ad alimoniam, altera vero consecrationi, vel benedictioni destinata, quæ videlicet nitidior esset, & aptior in

Can. 31.
& 34.
dist. 81.
Can. 5.
6. & 7.
dist. 88.

Can. 2.
& 8. dist.
90.

in sacrum deferretur: a quo deinde extracta, opportuno tempore in Altari benedicenda, aut consecranda colloca-

Can. 6. Canon 6. dist. 90. consonat omnino
C. 7. dist. 90. cum canone 25. ejusdem Concilii in vul-
gatis editionibus. Non ita autem con-
sonat cum can. 26. canon 7. ejusdem
dist. 90. nitidius enim, & melius ex-
hibent vulgatae editiones: Statuendum
(legunt alii: standendum) est Episcopis,
ut dissidentes fratres, sive Clericos, sive
Laicos ad pacem magis, quam ad judi-
cium cohortentur.

Can. 3. Quod Gratianus retulit in can. 3. dist.
dist. 91. habetur in can. 49. & 50. Con-
cilio ejusdem Regionis partem ejusdem
canonis jam nomine Concilii Carthagi-
nensis retulerat in cap. 181. lib. 1.
Quasi sit in diversis Codicibus verborum
varietas jam observaverunt Romani
Correctores. Ego sane hujusmodi sen-
tentias nusquam auderem Africanis Epi-
scopis adtribuere, sed potius tyroni cui-
piam Latine locutionis, Latinam lin-
guam ad sui profectum exercenti. Quis
enim credat Africanos Patres, qui ma-
ximè pollebant elegantia sermonis, ita
loqui: *Clericus, quia absque corporeculi
sui inaequalitate vigiliis destitutus stipendii
privatur. Num apud Afros Clericorum
corpora tepiora erant, aut delicatio-
ra? Deinde maxime improprium est, in-
firmi tatem corporis appellare corporis
inaequalitatem. Minus etiam aptum mihi
videtur, quod in eodem canone di-
citur Clericos ad agriculturam adigen-
dos esse victus, vestimentisque parandi
causa, cum nullibi apud veteres, aut
in monumentis certis Ecclesiasticæ di-
sciplinæ quidpiam tale legatur. Quod
vero etiam probat, memoratum hunc
canonem Concilio huic tribui non pos-
se, illud est, quod in aliis ejusdem Con-
cilio Canonibus idipsam repetatur. Sic
in can. 51. legitur: *Clericus quantumlibet
verbo Dei eruditus, artificio victum
quærat*; & ibi can. 53. *Omnes Clerici,
qui ad operandum validiores sunt, &
artificiosos, & duorum discant*. Nulla sa-
ne hic mentio occurrit de agricultura,
sed potius de artificio, quod sane tale
esse debuerat, ut Clericum a rebus di-
vini non distraheret. Retulit hos ca-*

Can. 4. nomos Gratianus in can. 14. dist. 91.
dist. 91. quibus etiam addidit can. 48. & 50.
ejusdem Concilii, ut ajunt, Carthagi-
nensis. In can. 48. ita legitur: *Clericus,
qui non pro emendo aliquid in mundum,*

vel in foro deambulans, ab officio suo de-
gradetur. Et in can. 50. *Clericum inten-
tationes ab officio suo declinantem, vel
negligentius agentem ab officio suo remo-
vendum*. Hæc verba videtur omnino
depravasse Gratianus, aut quisque alius.
Gratianus auctor existit; quod & Ro-
mani Correctores observaverunt, refe-
rentes interea canonem 48. ejusdem Con-
cilio ita conceptum: *Clericum inten-
tationes officio suo incubantem gradibus
sublimandum*; quæ verba collata cum
canone 50. memorato manifeste demon-
strant canonem, prout jacet apud Gra-
tianum, perperam fuisse descriptum,
atque propterea ex aliis Concilii exem-
plaribus emendandum.

Can. 4. dist. 95. habetur in cap. 36. Can. 4.
ejusdem Concilii, ubi tamen desideratur dist. 95.
tur verba illa omni anno. Putat autem
Vir Eruditus, pro illis verbis apud
Gratianum legendum esse omnino. Quan-
do vero in hoc canone decernitur Pres-
byteros rurales, sive Parochos a suis
Episcopis debere chrismâ petere vel per
se, vel per illum, qui sacramentum tenet,
intelligimus facile potè posse per eum,
cui cura sacrorum est commissâ, sive ille
Diaconus sit, sive Subdiaconus, quomodo
admodum statutum legimus in lib. 7.
capitulari cap. 30. ibi: *Non aliis tra-
dendum (chrismâ), nisi solummodo
Presbyteris, vel Diaconis, aut Subdia-
conis bene fidelibus*. Indignum est enim, ut
alii illud suscipiant, nisi illi, qui hoc
intradendo usuri sunt. Posteriore tem-
pore exolevit hæc disciplina, non so-
lum enim aliquando ad petendum chris-
mâ Clerici minores mitti solent, verum
etiam Laici, quam tamen consuetudi-
nem quidam recentioris ætatis Episcopi
improbarunt, quemadmodum videri po-
test apud Concilium Diocesânium Ray-
mundi Episcopi Helonenfis anni 1380.

Quanto apud veteres Episcopis in hoc
noscere fuerint, atque esse debuerint Pres-
byteri, manifeste probant can. 9. & dist. 95.
Can. 9. dist. 95. ex ejusdem Concilii ca-
nonibus 34. & 35. decerpti. Quod au-
tem ibi dicitur, etiam S. Hieronymus
auctoritate confirmatus, qui in Epist.
58. ad Evagrium ita scribit: *Ceterum
etiam in Ecclesia Roma Presbyteri solent,
& sunt Diaconi, licet paulatim intra
hæc seculi vitia inter Presbyteros absen-
te Episcopo sedera Diaconum viderent*.

Nomine Carthaginensis IV. Concilii Can. 31.
cap. 7. laudatur a Gratiano can. 32. cap. 32.
can. 2. qu. 6. sed frustra in Africâ qu. 6.
Co.

Codicibus, aut Conciliis queritur. Arbitror Gratianum, qui unus, quoad noverim, hoc fragmentum retulit, aut quemvis alium, qui Gratiano auctor extiterit, inflexisse ad propositum suum nonnullos canones Africani Codicis, præsertim vero canonem 104., in quo hæc habentur: *Placuit, ut quicumque ab Imperatore cognitionem judiciorum publicorum petierit, honore proprio privetur: Si autem Episcopale iudicium ab Imperatore postularit, nihil obstat.* Et in can. 15. statuitur Clericum a proprio loco cadere, quoties ad publica iudicia venire voluerit, non potius suam causam arbitrio Episcopi sine contentione, & fori strepitu definiri. Forte itaque Gratianus putavit sententiam Concilii Africani de Clericis conceptam, qua secularibus iudiciis contentions causa abstinere iubetur, protrahi posse ad Catholicos omnes, quasi & ipsi prohibeantur causas suas definiendas subicere alterius fidei, & religionis iudiciis. Ad hanc sane rem nullus huc usque productus est canon, nec adeo facile Collectores aliqui debent certam jurisprudentiam nonnullis in casibus definitam ad diversos casus similitudinis cujuscunque prætextu extendere, ne forte hac ratione novas leges, novaque privilegia effingendi occasio singulis præbeatur.

Can. 1. In eadem Carthaginensi Synodo, quæ
can. 6. quarta dicitur in cap. 29. legitur can.
qu. 2. 1. cau. 6. qu. 2. qui sane, si Carthaginensibus priorum temporum Patribus tribuendus est, referendus est ad illam probatissimam disciplinam, qua in Conciliis Provincialibus accusationes excutiebantur, atque adversus reos Ecclesiasticæ censuræ infligebantur, assignatis unicuique pro rei merito poenitentiarum gradibus.

Can. 37. Can. 37. cau. 7. qu. 1. consonat qui-
can. 7. dem omnino cum can. 27. ejusdem Con-
qu. 1. cili; verum occurrunt utrobique minus propriæ vocabulorum significationes, & minus castigata latinitas ita, ut exinde præconcepta suspicio augeatur, hæc scilicet fragmenta tamquam supposititia redargui posse. Quippe verba illa *standum populo* vix nono, aut decimo Ecclesiæ sæculo conveniunt. Præterea nec recte dicitur, Episcoporum translationes fieri posse *Decreto Clericorum, & Laicorum*; Et si enim Episcopi Clericorum Concilio, populi que consensu transferri solent, nulla tamen, si-
v.

Consilium, siue consensus hujusmodi decreti nomine appellatur.

Varia paullisper sunt exemplaria in can. 38. cau. 7. qu. 11, qui de promptus est ex eodem Concilio can. 33, etenim in vulgatis Codicibus, pro illis Gratiani verbis: *Si causa visitandi ad Ecclesiam alterius Episcopi venerint*, legitur: *Si causa visitanda Ecclesia ad Ecclesiam alterius venerint*. Utrobique tamen eadem sententia promittitur, ut scilicet honor exhibeatur Episcopo, quoties ad alium Episcopum, vel amicitia, vel Christianæ unitatis significandæ causæ accesserit.

Can. 19. cau. 11. qu. 3. de promptus est ex can. 73. ejusdem Concilii, ubi tamen paullo aliter verba referuntur, quæ jam descripserunt ad eundem canonem Correctores Romani.

Conformis est veteri discipline can. 30. cau. 11. qu. 3. qui omnino consonat cum can. 66. ejusdem Concilii Carthaginensis, quæcumque tandem sit illius auctoritas. Siquidem sæpissime veteres constituisse sciunt, ut causæ Clericorum post Episcopale iudicium ad Synodum Provincie deferrentur, quemadmodum habetur in can. 28. Codicis canonum Ecclesiæ Africanæ, qui idem est cum can. 28. Concilii Carthaginensis Dionysii Exigui.

In eodem Concilio can. 38. legitur can. 35. cau. 11. qu. 3. inutiliter tamen videtur prodidisse hujusmodi sententia, nec digna prorsus, quæ tamquam generalis agendi regula in Concilio generali totius Africæ proponeretur. Quænam enim controversia esse poterat, num. injusta damnatio tamquam irrita habenda foret, & idcirco in Synodo retractanda? Mihi sane in celebratissimis hujusmodi Episcoporum conventibus non videtur teri potuisse tempus in explicandis rebus clarissimis, & fere synonimis.

Maxime attendenda est sententia canonis 9. cau. 13. qu. 2, quæ eisdem verbis expressa legitur in Carthaginensi can. 96. Mos erat apud Christianos veteres, ut morientes quidpiam Ecclesiis ultima voluntate relinquerent; hæredes tamen avaritiæ ducti aliquando voluntati defunctorum morem gerere detestabant, aut in longius tempus differabant. Moneantur hic omnes, ne hac de causa dampnentur, tamquam hereticos necatores. Hæc sane verba, quod aliud demerant, nisi bonis Ecclesiis ultima voluntas.

Can. 38.
can. 7.
qu. 11.

Can. 19.
can. 11.
qu. 3.

Can. 30.
can. 11.
qu. 3.

Can. 35.
can. 11.
qu. 3.

Can. 9.
can. 13.
qu. 2.

lantate donata in egentium usus convertenda prorsus esse, & quidem ex eorumdem relinquentium mente? Id porro si verum est, maxima apud Clericos habenda est beneficiariorum fructuum, præsertim antiquorum ratio, ne in dispensatione illorum quidpiam adversus piam fundatorum, ut ajunt, voluntatem delinquant.

Can. 1. Can. 1. cau. 14. qu. 1. his verbis legitur in can. 19. Concilii Carthaginensis: *ut Episcopus pro rebus transitoriis non litiget provocatus*; quæ verba Gratianus pluribus distinctionibus explicare conatur, sed meo judicio parum appositis. Ait in primis Episcopum litigare non debere, ut lucrum capter, posse tamen, si de damno vitando contendat. At hæc distinctio ex eisdemmet canonis verbis enervatur, etenim statuitur, ut ne provocatus quidem litiget. Sane qui provocatur, agit semper de damno vitando, non de lucro faciendo: Siquidem qui provocatur, regulariter possidet, qui autem jam possidet, rei jam sibi partæ periculum subit in controversis. Videtur agnovisse difficultatem Gratianus, qui statim ad aliam distinctionem confugit, ajendo Episcopum non posse quidem de suis, posse tamen de rebus Ecclesiæ litigare. Sed pejor altera hæc distinctio esse videtur; per quam nomine Ecclesiæ Episcopo conceditur, quod suo nomine denegatur. Etenim ideo Sacri canones litigia, & controversias omnes ab Episcoporum animis amovere voluerunt, quod per lites sæpissime nascentur jurgia, & discordiarum semina excitentur, per quæ Christiana charitas, non refrigescit tantummodo, sed prorsus extinguitur. In hac specie, concedendumne videbitur Episcopo in causa Ecclesiæ Ecclesiasticam ipsam pacem, tranquillitatemque Christianam, & quidem nomine Ecclesiæ ejusdem distrumpere, quod non conceditur in causa ipsius propria? Mihi ad interpretationem hujus canonis, qualemcumque demum auctoritatem apud eruditos obrineat, potius placet dicere, ibi moneri Episcopos omnes, ut quotiescumque ad judicium pro re temporali provocati fuerint, non prius ad forenses strepitus accedant, quam cum adversario rem ipsam componere quasi per arbitrium conati fuerint, ut ea ratione omnis controversia dirimatur.

Can. 6. Jam superius tradebam ad can. 6. dist.
can. 15. 24. eam fuisse Ecclesiæ Africanæ disciplinam, ut Episcopi nihil sine Clerico-

rum suorum Consilio peragerent, quod præsertim ex S. Cypriano demonstrabam. Idipsum exhibet etiam can. 6. cau. 15. qu. 7. qui refertur in can. 23. ejusdem Concilii Carthaginensis; atque cum hoc temperamento arbitror intelligendum esse illud quod dicitur in can. 20. Codicis canonum Ecclesiæ Africanæ ibi: *Reliquorum autem Clericorum* (illorum videlicet, qui infra Diaconos constituti sunt) *causas etiam solus Episcopus loci agnoscat, & finiat*. Solus, inquam, Episcopus loci, ut non necesse sit advocari alios ex finitimis Diocesisibus, quemadmodum statutum paullo antea fuerat in causis Presbyterorum, & Diaconorum, non tamen excludatur consilium Clericorum, qui cum eodem Episcopo in eadem civitate unum quodammodo Ecclesiasticum corpus constituere dicebantur.

Can. 11. cau. 18. q. 2. legitur eisdem omnino verbis in can. 97. hujus ejusdem Concilii.

In can. 35. cau. 24. qu. 3. exhibentur tres canones Concilii Carthaginensis ejusdem, videlicet 70. 71. & 72. In canone 70. ita habetur: *Clericus hereticorum, & schismaticorum tam convivium, quam sodalitates evitet aequaliter*. In can. 71. *Conventicula hereticorum non Ecclesiæ, sed conciliabula appellantur*. Et in can. 72. *Cum hereticis non orandum, nec psallendum*. Hæc quidem omnia si ad Carthaginense aliquod Concilium revera pertinerent, de Donatilis præsertim intelligenda fore facile unusquisque perciperet, qui eorum schismata tunc temporis Africanam Ecclesiam discidisse apertissime noverit.

In canone 89. ejusdem Concilii ita legitur: *Anguriis, vel incantationibus servientem a Conventu Ecclesiæ separandum*. qu. 3. *Similiter & superstitionibus judæicis, vel feriis inhærentem*. Hæc verba paullo aliter retulit Gratianus in can. 11. cau. 26. qu. 5.

Ex canone 76. & 78. Concilii editus est can. 8. cau. 26. qu. 6. ex quo aperte dignoscitur, qualis habita fuerit poenitentiae satisfactoriæ, ut ajunt, apud veteres ratio; etsi enim instante necessitatis articulo quis absolveretur a culpa, non abibat tamen a poena satisfactionis immunis, quoties supervixisset.

In can. 6. cau. 26. qu. 7. plures Concilii ejusdem canones congeruntur. Dabo ego distinctos canones. In can. 74. hæc leguntur: *Ut Sacerdos poenitentiam imploranti absque persona acceptione poenitentem*.

ventu leges injungat. In can. 75. Ut negligentiores penitentes tardius recipiantur. In can. 80. Omni tempore jejunii manus penitentibus a Sacerdotibus imponatur. In can. 81. Mortuos penitentes Ecclesia adferant (legunt alii: offerant), & sepeliant. In can. 82. Penitentes etiam diebus remissionis genua flectant. In can. 79. Penitentes, qui attente leges penitentiae exequuntur, si casu in itinere, vel in mari mortui fuerint, ubi eis subveniri non possit, memoria eorum & oblationibus, & orationibus commendetur. Consonant haec cum Gratiano fragmento exceptis illis verbis, die autem Dominico, usque ad vocem Catholicus, quae tamen referenda esse ad can. 64. ejusdem Concilii jamdiu Romanorum Correctorum notae ipso etiam descripto can. designantur.

Can. 7. de conf. dist. 1. nihil dicendum superest post notas Romanorum Correctorum, qui satis eundem exegerunt ad eisdem optimorum Codicum juxta can. 104. ejusdem Concilii.

Can. 5. De can. 5. cau. 30. qu. 5. nihil est omnino, quod peculiariter hoc in loco subjiciam. Idem ipse est cum can. 33. dist. 23. de quo superius actum est.

Can. 63. de conf. dist. 1. Aspera sane videtur sententia can. 65. de conf. dist. 1. cujus tamen verba eadem leguntur in canon. 24. hujus Concilii. Exhibet sane Africanæ Ecclesiæ disciplinam ad summum jus aliquando efformatam, quod ipsum dicere possumus ad can. 66. de conf. dist. 1. qui omnino consonat cum can. 88. ipsius Concilii.

Can. 66. de conf. dist. 1. Inter Ecclesiasticas ceremonias, praesertim vero Missarum solemnitates, quae in Ecclesia apud veteres frequentabantur, alia pertinebant ad singulorum, etiam catechumenorum instructionem, utpote in quibus rudimenta fidei tradebantur; alia vero eos tantum spectabant, qui jam baptizati Ecclesiasticæ communionis participes omnino facti fuerant. Hinc est, quod Catechumeni inter medias celebritates extra Ecclesiam dimitterentur, quod dicebatur Missa Catechumenorum. Facile ex his intelligitur can. 67. de conf. dist. 1. ubi statuitur omnes, etiam Gentiles, Hæreticos, necnon Judæos in Ecclesiam admittendos esse usque ad Missam Catechumenorum; ut scilicet illi orantium Sacerdotum solertia, ac studio quoquo modo allicerentur ad Catholicam fidem amplectendam. Iste can. 67. consonat omnino cum can. 84. juxta vulgata exemplaria ejusdem Concilii Carthaginensis.

Tym. 4

De can. 23. de conf. dist. 3. & de can. 20. de conf. dist. 4. nihil est, quod singulari indigeat observatione. Consonat dist. 3. ille omnino cum can. 65. iste vero cum canonibus 99. & 100. Concilii ipsius Carthaginensis, quem Gratianus intelligendum vult, quoties nulla necessitas aliter suadeat, quod cum perpetua Ecclesiæ praxi consentaneum est.

Canon 60. de conf. dist. 4. legitur in cap. 65. ex Carthaginensibus hujus Concilii, verbis tamen paullo diversis ibi: Baptizandi nomen suum dent, & diu abstinencia vini, & carni, ac manus impositione crebra examinati baptismum percipiant. Plane abstinentiæ legem ante baptismum Catechumenis olim impositam fuisse nemo est qui ignorat, cum praesertim ex ipsamet Christi Domini institutione descendat, juxta illud Evangelii: Agite penitentiam, & baptizetur unusquisque vestrum &c. Quod spectat ad manuum impositionem, erat hæc olim caeremonialis quidam actus, qui baptizandis adhibebatur, de quo S. Augustinus in lib. 2. de peccatorum meritis, & remiss. cap. 26. ita scribit: Catechumenos secundum modum suum per signum Christi, & orationem manus impositione sanctificari. Similia quædam legantur in can. 3. Concilii Matisconensis 2. anni 585. ibi: Omnes omnino a die Quadragesimæ cum infantibus suis ad Ecclesiam observare precipimus, ut impositionem manuum certis diebus adepti, & sacri olei liquore peruncti, legitimi divi festivitatis fruantur, & sacro baptismo regenerentur: quo possint & honoribus, si vita commo fuerit, Sacerdotalibus fungi, & singularis celebrationis sollemnitate frui.

Can. 11. de conf. dist. 5. confectus est ex canonibus 90. 91. & 92. ejusdem Concilii. Sunt singula a singulis secernenda. Dicitur in can. 90. Omni die Exorcista Energumenis manus imponant: in can. 91. Pavimenta domorum Dei Energumeni verrant: & in can. 92. Energumenis in domo Dei assidentibus victus quotidianus per Exorcistas opportuno tempore ministratur. Nomine Energumenorum hoc in loco facile intelligi Catechumenos posse mihi persuadeo, praesertim ratione habita illorum, quæ diximus superius ad can. 17. dist. 23. ac tum statim unusquisque intelliget, qualisnam fuerit manus impositio super hujusmodi Energumenos facta juxta ea, quæ nuper dicta sunt ad can. 60. de conf. dist. 4. statim etiam intelliget, quomodo nonnulli ex

Can. 11. de conf. dist. 5.

X Ca.

Catechumenis prope Ecclesiam sumtibus Ecclesiasticis in communi viverent, ii forte, qui a patria, aut a parentibus recesserant Christianæ fidei causa; & quomodo isti humilitatis actibus exercebantur, atque ad Christi baptismum præpararentur, inter cetera vero verrendis Ecclesiis incumbere juberentur.

Can. 12.
de conf.
dist. 5.

Demum in can. 86. ejusdem Concilii legitur eisdem verbis can. 12. de conf. dist. 5. monet tamen Harduinus in aliquibus Codicibus pro illa voce *conjugibus* legi *conjugalibus*, quod tamen non videtur sententiam Concilii immutare. Sane cum superius agnoverimus ex can. 60. de conf. dist. 4. Catechumenos pœnitentiis ad Sacramentum baptismatis præparatos fuisse, eandem nunc docemur servatam disciplinam in Neophitis, iis videlicet, qui recens baptismum susceperant; qui adhuc pœnitentiis salutaribus exercebantur, non quod post sacrum regenerationis lavacrum amplius expiari, expurgarive indigerent, sed ut Christianæ Religionis, Ecclesiasticæque discipline magis, ac magis in dies assuescerent.

*De Canonibus Concilii Carthaginensis,
quod quintum dicitur apud
Gratianum.*

Non omnium eruditorum una, & communis opinio est de tempore, quo celebratum fuerit Carthaginense Concilium, quod vulgo quintum appellatur. Alii referunt ad Consulatum Cæsarii, & Attici, sive ad annum 398. ac proinde asserunt habitum fuisse ante Concilium Carthaginense, quod quartum dicitur, ex ea ratione, quod Concilium hoc numero quintum, ut vocant, habitum feratur 6. Kalendas Junii, at Concilium vulgo quartum dicatur celebratum eodem anno mense Novembri. Alii vulgatum Conciliorum Carthaginensium ordinem omnino sequentes volunt, hoc Concilium vulgo quintum nonnisi anno 400. vel posterius celebratum. His opinionibus variis occasionem dare potuit, quod Codices, in quibus Concilii ipsius acta descripta sunt, non designent perspicue tempora consularia, cum ita ibidem legatur: *Post Consulatum placuit &c.* aut, ut aliis lubet legere: *Post Consulatum Cæsarii, & Attici placuit &c.* aut cum aliis: *Post Consulatum Flavii Stiliconis.* Non est tamen, cur adeo de tempore solliciti simus, cum in hac re bee-

vis alicujus temporis ratio nullum negotium facessat. Gravissima est, & maxime venerabilis hujus Concilii auctoritas, sive Episcoporum, qui eo conveniant, numerum spectemus, (subscriperunt autem duo supra septuaginta una cum Aurelio Carthaginensi); sive honorem apud veteres huic eidem Synodo adtributum, cujus sane canones in Codice, quem vocant Africanæ Ecclesiæ, relatos aliz etiam Ecclesiæ receperunt, ipsi etiam Græci, qui Græcam interpretationem eorundem elucubravit disciplina Ecclesiasticæ stabiliendæ, confirmandæve causa.

Ex canonibus Gratiani, qui ex hoc Concilio depromti sunt est in primis canon 10. dist. 18. quem Gratianus aliis verbis expressit. Juvabit ex melioris notæ Codicibus canonem integrum restituere. Habemus autem sive vulgaria Concilii exemplaria apud recentiores canonum Collectores, sive Concilium Carthaginense Dionysii Exigui, sive Codicem canonum Ecclesiæ Africanæ. In vulgatis Concilii exemplaribus est numero 10. in Codice Ecclesiæ Africanæ, & apud Dionysium est numero 76. Dionysii verba hæc sunt: *Item placuit, ut quotiescunque Concilium congregandum est, Episcopi, qui neque ætate, neque agitudine (verba illa neque ætate monet Harduinus in MSS. Codicibus desiderari), neque alia graviore necessitate impediuntur, competenter occurrant, & Primatibus suarum quarumque Provinciarum invitentur, ut de universis Episcopis vel dua, vel tres turmae fiant, ac de singulis turmis vicissim quotquot electi fuerint ad diem Concilii instantissime occurrant. Quod si non potuerint occurrere, excusationes suas in tractoria (legunt alii tractatoria, perperam Gratianus literatorie) conscribant; vel si post adventum tractoria (legunt alii tractatoria) aliqua necessitates repente forsitan oria fuerint, nisi rationem impeditenti sui apud suum Primatem reddiderint, Ecclesia sua communione debere esse contentos, (legunt alii ex quibusdam Græcis Codicibus: ab Ecclesia communione debere esse contentos). Ex his emendare juvabit editionem Gratiani. De nomine tractoria, sive tractatoria satis erudite nonnulla jam adnotarunt Romani Correctores. Paucis ego dicam, epistolas hujusmodi tractorias, sive tractatorias fuisse speciem quandam epistolæ, ut hodie vocant, circularis, ita dictam a tractu, sive circuitu locorum,*

Can. 10.
dist. 18.

rum, in quem mittebantur, atque ut plurimum a Metropolitano, dum Episcopos suffraganeos ad Concilium convocaret. Quod ex Augustino probatur, qui epist. 217. ita scribit. *Tractatoria ad me 5. idus Decembris venit jam finito die, & me valde indigestum invenit, ut occurrere omnino non possem.* Hinc facile percipimus sententiam Carthagenensium Patrum in eo canone expressam. Volebant illi, ut si qui Episcopi iustas haberent causas, quibus excusarentur, ne ad Concilium accederent, ipsas ad calcem tractatoriae epistolae, quam a Metropolitano receperant, exprimerent, & sic expressas cum eadem tractatoria epistola ad Concilium mitterent.

Can. 13. dist. 32. & Can. 4. dist. 84. Eiusdem Concilii canonem tertium duplicem in locum Gratianus retulit, scilicet in can. 13. dist. 32. & in can. 4. dist. 84. sed non utrobique eisdem verbis usus est; immo nullibi integrum, prout in optimis codicibus legitur canonem descripsit. Vulgaræ Concilii editiones exhibent canonem, prout hodie habetur post Romanam Correctionem in can. 4. dist. 84. licet in aliquibus editionibus pro illis verbis: *Secundum priora statuta*, legatur: *Secundum propria statuta*, quæ verba referenda videntur ad canones in præcedentibus Conciliis Carthagenensibus constitutos, qualis adferri potest inter ceteros canon 3. dist. 84. Dionysius Exiguus in suo Concilio Carthagenensi ita canonem edidit numero 25. *Aurelius Episcopus dixit: Addimus fratres charissimi præterea, cum de quorundam Clericorum, quamvis Lectorum (sunt qui ex Græcis codicibus ita scripserunt: præterquam lectorum) erga uxores proprias continentia referretur; placuit quod & in diversis Conciliis firmatum est, ut Subdiaconi, qui sacra mysteria contrahant, & Diaconi, & Presbyteri, sed & Episcopi secundum propria statuta, etiam ab uxoribus se contineant, ut tanquam non habentes videantur esse, quod nisi fecerint, ab Ecclesiastico removeantur officio. Ceteros autem Clericos ad hoc non cogi, nisi maiori aetate. Ab universo Concilio dictum est: Quæ vestra sanctitas est iuste moderata, & sancta, & Deo placita sunt, confirmamus.* Qui Græcis codicibus student, notarunt longe aliter referri apud Græcos verba illa canonis: etiam ab uxoribus se continent; ita quippe interpretantur: in propriis terminis a conjugibus abstineant; sive ut ait Balamon ad eundem cano-

nem: *Tempore vicis sua, sive quando tractant sacra.* Nemo autem exinde non videt, Græcos huiusmodi Interpretes voluisse Africanum canonem moribus suarum Provinciarum accommodare, quem admodum & aliquando Latini Interpretes græcos canones inflexisse ad mores Latinos, jam observavi superius.

Can. 65. dist. 50. habetur eisdem omnino verbis in canone 11. huius Concilii, cui etiam consonat can. 27. tum apud Dionysium Exiguum, tum in Codice Ecclesiæ Africanæ apud Justellum, ex quo duo deduci posse videntur. Primum, ne Presbyteri, vel Diaconi in gravi crimine lapsi penitentiae publicæ subijciantur, quod significatur per ea verba: *non manus tanquam penitentibus, vel tanquam fidelibus Laicis imponatur*, quod ea ratione factum est, quia huiusmodi lapsi a Clero penitus removeantur, nec duplex omnino poena pro uno crimine erat imponenda. Alterum, ne rebaptizati ad Clerum admitterentur. Sed non ita canonem descripserunt, qui eundem interpretati sunt, qualis apud Græcos editus est. In Pandectis canonum editis Oxonii ann. 1672. ita habetur: *Similiter confirmatum est, ut si quando Presbyter, vel Diaconus alicujus gravioris criminis convicti fuerint, quod eos sacro ministerio necessario movet, non esse eis manus imponendas, ut penitentiam agentibus, vel ut fidelibus Laicis, neque permitti eis tanquam rebaptizatis ad Cleri gradum promoveri.* Quamquam vero in hoc can. ita concepto expresse cautum non videatur, rebaptizatos ad Clericorum gradus non esse admittendos, hæc tamen disciplina quasi firma apud Africanos tum fuisse præsupponitur. Ceterum sub quarti sæculi finem certum est in Africa nonnullos fuisse etiam ex rebaptizatis, qui non Diaconi, & Presbyteri tantum, sed & Episcopi constituti fuerunt, quem veluti gravem abusum luget Felix III. Romanus Pontifex in Synodo Romana anni 487. ibi: *Communis dolor, & generalis est gemitus, quod intra Africam rebaptizatos etiam Episcopos, Presbyteros, Diaconosque cognovimus.* Et in Epistola Synodica ad universos Episcopos: *Ne ex his nunquam, qui in qualibet aetate alibi, quam in Ecclesia Catholica aut baptizati, aut rebaptizati sunt, ad Ecclesiasticam militiam prorsus permittantur accedere.* Itaque dubium non est in primis apud Africanos fuisse constitutum, ne rebaptizatis honoribus Ecclesiasticis ini-

Can. 65.
dist. 50.

tiarentur, atque hoc adversus Donatistas, qui quoscumque ad hæresim accedentes etiam in Ecclesia baptizatos rebaptizabant. Quum vero spes fuit, ut facile nonnulli ex Donatistis reverserentur ad fidem, si illis permitteretur ad Ecclesiasticas etiam dignitates pervenire, aliquando benigna dispensatione factum est, ut etiam rebaptizati ad fidem reversi vel ipsas Episcopales Sedes ascendere possent. Porro humanissime apud Afros circa annum 420. actum fuisse cum Donatistis, etiam soluta paulisper Ecclesiasticæ disciplinæ austeritate universa propemodum illius temporis Africanæ Ecclesiæ acta testantur, necnon pluribus in locis S. Augustinus, quemadmodum constare potest specialiter ex can. 25. in fine dist. 50.

Can. 66. Concilio eidem Carthaginensi 3. tribuitur apud Gratianum can. 66. dist. 50. in qui tamen in eo desideratur, quemadmodum etiam desideratur tum in Codice Ecclesiæ Africanæ, tum in Concilio Carthaginensi Dionysii Exigui. Auctorem cuius canonis exhibeo ego Siricium Romanum Pontificem, qui in Epistola ad Himerium Episcopum Tarraconensem cap. 14. apud Dionysium Exiguum eadem omnino habet. Forte vero non Siricii Papæ, sed Carthaginensis Concilii nomen apud Gratianum præfertur, quod ad marginem ejusdem capituli adjectum in quodam Codice fuerit nomen Concilii Carthaginensis V. ut indicaretur similia quædam constituta fuisse in eodem Carthaginensi Concilio; Gratianus autem can. ipsum Concilio Carthaginensi adscripserit. Porro similia quædam constituta fuisse in eodem Concilio patet ex iis, quæ diximus ad can. 65. dist. 50. cui addi posset Africanæ disciplinæ testis Augustinus in can. 25. dist. 50.

Can. 1. dist. 58. Porro ad hoc idem Concilium Carthaginense V. pertinet can. 2. dist. 58. qui idem habetur tum in Concilio Carthaginensi Dionysii Exigui, tum in Codice canonum Africanæ Ecclesiæ cap. 80. cuius verba hæc sunt; *item placuit, ut si quis de alterius monasterio repertum (vulgati Concilii Codices habent: receptum) vel ad Clericatum promovere voluerit, vel in suo Monasterio Majorem Monasterii constituerit: Episcopus, qui hoc fecerit, a ceterarum communione sejunctus sua tantum plebis communionem contentus sit, & illa neque Clericus, neque Præpositus perseveret.* Hinc patet jure optimo expuncta fuisse ex hoc can. a Romanis

Correktoribus nonnulla, quæ Gratianus, aut quisvis alius, qui Gratiano auctor extitit, adjecerat.

Laudanda est Episcoporum Africanorum prudentia in can. 1. ejusdem Concilii, quem retulit Gratianus in can. 38. cau. 2. qu. 6. & Dionysius Exiguus in Concilio Carthaginensi cap. 59. descripsit, quemadmodum descriptus etiam est in cap. 59. Codicis can. Ecclesiæ Africanæ juxta editionem Justelli. Invaluerat ea ætate, ut controversiæ Christianorum ex antiquo, & fere Apostolico more sine strepitu & figura judicii procul ab jurgiis Sacerdotum arbitrio componerentur, præsertim vero in Conciliis, quorum venerabilis apud omnes debebat esse sententia. Verum cum aliquando contingeret, ut quidam huic sententiæ non acquiescerent, immo ad judicia publica provocarent, illud operatissimum fuit Carthaginensibus Patribus, ne Clerici, qui aut testes, aut Cognitores in Synodali arbitrio fuerant, ad testimonium ferendum in eadem causâ in publico judicio vocarentur, ne forte quæ in Concilio jam definita fuerant proderentur, atque ita aut uni parti præjudicium feret, aut Synodale judicium minus decore a publicis judicibus revocatum publice videretur. Ut id definiretur, iidem Carthaginenses Patres a religiosis Imperatoribus postularunt, quorum sane auctoritate publicorum judicium potestas restringenda fuerat. En verba can. prout descripta sunt in Codice Dionysii Exigui necnon in Codice Ecclesiæ Africanæ apud Justellum. Postquam in cap. 58. dictum fuerat: *Instant etiam alia necessitates a religiosis Imperatoribus postulanda &c.* ita subjicitur in cap. 59. *Petendum etiam, ut statuerent dignentur, ut si qui forte in Ecclesia quamlibet causam jure Apostolico exclusis imposito, agerent voluerint, & fortasse decisis Clericorum uni parti displicerint, non liceat Clericum in judicium ad testimonium devocari eum, quia cognitor, vel præsens fuerit: ut nulla ad testimonium dicendum Ecclesiastici cujuslibet persona pulsetur.* His & paulo obscuram can. sententiam explicasse mihi videor, & Gratianum can. a Gratiano ipso depravatum ad suam integritatem restituisse.

Can. 21. cau. 7. q. 1. omnino consonat cum vulgatis Concilii exemplaribus can. 5. item cum can. 71. Codicis Ecclesiæ Africanæ, & Concilii Carthaginensis apud Dionysium Exiguum. Cujus

Can. 21. cau. 7. qu. 1.

tamen can. sententia conferenda semper erit meo iudicio cum can. 12. Concilii Chalcedonensis ibi: *Si autem etiam Civitas aliqua ab Imperatoria auctoritate innovata fuerit, civiles & publicas formas Ecclesiasticarum quoque Parochiarum ordo consequatur.*

Can. 22. *Ecclesia Episcopali vacante, ne Clerus & populus de Episcopi novi electione dissentientes schismate Ecclesiam discederent, præstituebantur apud Africanos Viri Gravissimi in Civitatibus, quorum opera pacate successoris electio fieret. Appellabantur illi intercessores, & interventores, qui interea res ipsas Ecclesiasticas administrabant. Ne vero huiusmodi intercessores potestate sibi concessa abuterentur, & diutius vices Episcopi gerere affectarent, cautum præerea, ut, quantocius fieri posset, electionem faciendam curarent, ita ut qui intra annum minime curassent, intercessoris officio caderet, novusque ejus loco intercessor constitueretur. Sunt hæc constituta in can. 8. hujus Synodi Carthagenensis, quem Gratianus eisdem verbis descripsit in can. 22. cau. 7. q. 1. Habentur eadem in can. 74. tum Concilii Carthagenensis apud Dionysium Exiguum, tum Codicis Africanæ Ecclesiæ apud Iustellum, quibus tamen in locis pro illis vocibus *anno expleto*, legitur *anno exempto*.*

Can. 36. *Can. 36. cau. 17. q. 3. legitur in cap. 12. ejusdem Concilii, & in can. 79. Codicis Africani apud Iustellum, & Concilii Carthagenensis apud Dionysium Exiguum; ubi tamen pro vocula vel legitur hæc alia: &; quemadmodum jam Romani Correctores observaverunt. Utile erit & aliam huc loci afferre can. editionem, quam alii exhibent. ex Codicibus Græcis his verbis in can. 82. Rursus decretum est, ut quoties Clericis accusatis, & aliquorum criminum in eos dicto testimonio sue propter probum Ecclesiæ, sive propter reverentiam (quibus nominibus eis parcitur) sive propter insolentiam hæreticorum, & gentilium exultationem, si, ut par est, causam suam defendere, & sua probanda innocentia curam gerere voluerint, hoc intra annum excommunicationis faciant. Sin autem intra annum causam suam purgare neglexerint, nulla eorum deinceps vox omnino admittatur.*

Can. 39. *Quod Gratianus in can. 39. cau. 17. cau. 17. qu. 4. refert ex Concilio Carthagenensi cap. 26, habetur in hoc ipso, de quo*

agimus, Concilio cap. 4. juxta vulgatas editiones, item in can. 26. Codicis Africanæ Ecclesiæ apud Iustellum, & can. 26. Concilii Carthagenensis apud Dionysium Exiguum. Quoniam vero huiusmodi exemplaria non omnino invicem consonant, adferam huc, quæ Dionysius habet, cujus verba cum Carthagenensi Codice sunt conformia. Nam placuit, ut rem Ecclesiæ nemo vendat: Quod si redditus non habet, & aliqua nimia necessitas cogit, hoc insinuandum esse Primati Provincia ipsius, (vulgata Concilii Exemplaria ita habent: Quod si aliqua necessitas cogit, hanc insinuandam esse Primati Provincia ipsius), ut cum statuta numero Episcoporum, utrum faciendum sit, arbitretur. Quod si tanta urget necessitas Ecclesiæ, ut non possit ante consulere, saltem vicinas castas convocet Episcopos, curans ad Concilium omnes referre sue Ecclesiæ necessitates. Quod si non fecerit, reus Deo, & Concilio venditor, honore amisso, teneatur. In vulgatis Concilii Exemplaribus hæc potius habentur: Quod si tanta urget necessitas Ecclesiæ, ut non possit ante Primatem consulere, saltem post factum curiositatem habeat & vicinis Episcopis hoc ante indicare, & ad Concilium referre eas sue Ecclesiæ necessitates. Quod si non fecerit, reus Concilio venditor teneatur. Melius alii, & clarius ex Græco textu postrema hæc Concilii verba expresserunt. Et Deo & Synodo rationi reddenda obnoxius videbitur venditor, & a proprio honore alienus.

Can. 3. *cau. 21. q. 5. in vulgatis Conciliorum collectionibus legitur eisdem verbis in hoc eodem Concilio Carthagenensi can. 2. Sed observanda necessario sunt, quæ leguntur tum apud Dionysium Exiguum in Concilio Carthagenensi jam sæpius memorato, cum in Codice canonum Ecclesiæ Africanæ apud Iustellum can. 62. ubi idem fragmentum habetur. In can. 58. ita exoritur fuerant Carthagenenses Patres: Instant etiam alia necessitates a religiosis Imperatoribus postulanda: Ut reliquias idolorum &c. Prosequuntur in can. 59. Petendum etiam, ut statuta dignentur, si qui forte &c. Subdunt in can. 60. Illud etiam petendum, ut quæ contra præcepta divina &c. Deinde in can. 61. Nec non & illud petendum, ut spectacula theatrorum &c. Rursus in can. 62. qui idem est cum hoc can. 3. cau. 21. q. 5. ita legitur: Et illud petendum, ut statuta dignentur, ut si quis injuslibet haberis Clericum iudicio Episcoporum quæ-*

Can. 3.
cau. 21.
qu. 5.

cumque crimine fuerit damnatus, non liceat eum, siue ab Ecclesiis, quibus praefuit, siue a quolibet homine defendari, interposita poena damni, pecunia, atque honoris, quo nec aetatem, nec sexum excusandum esse precipiant. Ex quibus adparet longe diversam esse canonis editionem apud Gratianum, qui ab ipsis Africanis Patribus constitutum asseruit, quod Africani Patres, ut ab Imperatoribus religiosissimis constitueretur, tantummodo desiderarunt, vel etiam petierunt. Ad hanc rem optime Balsamon Græcus Interpres: *Placuit ergo Patribus Imperatores admoneri, ut statuunt poena pecuniaria, & privationi honoris eos subijci, qui eos defendunt, ac liberant, siue sint Ecclesiastici, siue etiam alii, cujuscumque sint aetatis, vel naturæ.* Huic autem Episcoporum Carthagenensium voto indulgit Honorius Imperator lege lata, quæ habetur in Cod. Theodof. num. 35. tit. de Episcopis, Ecclesiis, & Clericis, translata deinde in l. 14. Cod. Justin. de Episc. & Clericis, quæ lex directæ fuit ad Hadrianum Præfectum Prætorio Africæ, & Illyrici.

Can. 10.
can. 23.
qu. 3.

Eadem agendi ratio fuit Africanorum Patrum; quum de Pauperum defensoribus adversus divitum nonnullorum potentiam, atque tyrannidem constituendis ageretur. Id liquet ex can. 9. hujus Concilii, qui legitur in can. 75. Codicis Ecclesiæ Africanæ, & Carthagenensis Concilii apud Dionysium Exiguum. Depravaverat illum Gratianus in prioribus verbis in can. 10. can. 23. q. 3. Sed Correctores Romani juxta optimos Codices emendarunt. Porro Africanorum Patrum postulationi huic morem gesserunt Imperatores, quorum auctoritate constituti fuerunt pauperum defensores, quemadmodum probari posset ex Possidio in vita S. Augustini cap. 12. & ex Gregorio Magno passim in Epistolis, juncta l. 1. & seq. Cod. Theodof. de defensoribus Civitatum.

Can. 16.
de conf.
dist. 1.

Canon 16. de conf. dist. 1. habetur in can. 14. ejusdem Concilii, item in Codice Ecclesiæ Africanæ, necnon in Concilio Carthagenensi Dionysii Exigui can. 83. ubi tamen pro voce illa: *per villas*, legitur, *per vias*; & pro illis verbis, *aut reliquia certa sunt legitur, aut aliqua reliquia sunt.* Jam tum cæperant quidam per somnia, fidasque revelationes, & oracula commentitia superstitiosos cultus inducere, quibus necessario occurrendum erat, ne forte rur-

sus ea occasione induceretur cultus in delubra gentilium, quæ adhuc ædificata manebant in viis sine ornamentis. Id facile ostendi potest ex can. 58. ejusdem Codicis Ecclesiæ Africanæ, ubi legitur hæc verba: *Infans etiam alia necessitates a Religiosis Imperatoribus postulanda, ut reliquias Idolorum per omnem Africam jubeant penitus amputari: nam plerisque in locis maritimis, atque possessionibus diversis, adhuc erroris istius iniquitas viget: ut precipiantur & ipsa deleri, & templa eorum, quæ in agris, vel in locis abditis constituta, nullo ornamento sunt, jubeantur omni modo destrui.*

Can. 24. de conf. dist. 3. referendus est ad can. 7. ejusdem Concilii, siue ad can. 73. Concilii Carthagenensis apud Dionysium Exiguum, & in Codice Ecclesiæ Africanæ; ex quibus ita describendus esset: *Item placuit, ut dies venerabilis Pascha formatarum subscriptione omnibus intimetur. Dies vero Concilii idem servetur, qui in Hipponensi Concilio constitutus est, idest x. Kal. Septembris.* (legunt alii xi. alii ante x. Kal. Septembris. Balsamon ad hunc can. scribit, diem 21. mensis Augusti fuisse diem pro celebrando Concilio adsignatam) & scribendi ad singularum quarumque Provinciarum Primates, ut quando apud se Concilium congregant, istum diem non impediunt.

Can. 24.
de conf.
dist. 3.

Can. 111. de Conf. dist. 4. in vulgatis Concilii hujus Carthagenensis Canonibus can. 6. habetur, & quidem omnino consonans cum Gratiani exemplaribus a prioribus verbis usque in finem. Ibidem tamen Harduinus monet desiderari in suo antiquo Codice MS. posteriora verba, quæ habentur in vers. *Similiter*. Desiderantur præterea in Codice Canonum Ecclesiæ Africanæ siue Latino, siue Græco, desiderantur etiam in Concilio Carthagenensi Dionysii Exigui, licet ibidem priora verba habeantur cap. 72. Verosimile itaque est versiculum *Similiter* recentiore manu additum esse, postquam præsertim baptismati comparata fuit consecratio Ecclesiarum; Visum enim interpretibus fuit, posse id, quod de baptismo constitutum fuerat, ad facras Ecclesiarum dedicationes extendi.

Ca. 111.
de conf.
dist. 4.

*De Canonibus Concilii Carthagenensis,
quod septimum dicitur apud
Gratianum.*

Anno circiter 418. orta est controversia in Africana Ecclesia de appellationibus ad Romanum Pontificem, cujus causa convenerunt Africani Episcopi sub Aurelio Carthagenensi, praesentibus etiam Romani Pontificis Legatis in urbe Carthagenensi. Diu disputata res fuit; atque discussa; statim dirimi non potuit; quod Legati Romanae Sedis in suae sententiae praesidium adduxissent Nicænorum canonum auctoritatem; Africani vero Episcopi respondissent in illis Ecclesiis Nicænos canones non haberi. Hinc oportuit conventum ipsum dissolvere, missis tamen interea legatis ad Græcos, a quibus germanos Nicæni Concilii canones acciperent. Post legatorum reditum, qui Nicænos viginti tantummodo numero canones adularent, rursus convenerunt Africani Patres in Concilium, atque anno circiter 419. nonnullos can. ediderunt ad judicia Ecclesiastica pertinentes, quorum hodie quinque habemus in Conciliorum collectionibus. Duabus itaque, ita dixerim, actionibus hoc Concilium constat, altera, quæ præcessit missionem legatorum ad græcos, altera quæ successit. Primam vulgo appellant Concilium Carthagenense VI. secundam Concilium Carthagenense VII. ad quam ut aiebam, quinque canones pertinent. Et quidem gravis etiam est hujus secundæ actionis, sive, ut aiant, septimæ Synodi Carthagenensis auctoritas; sive quod legati Romanæ Ecclesiæ interfuerint, sive quod regulæ ibidem constitutæ ex sententiis Nicæni Concilii videntur expressæ, sive ex Episcoporum numero, qui multo ultra ducentos conveniant, inter quos fuit etiam Augustinus Hipponensis, sive demum quod nonnulla capita ex iis in Codicem Ecclesiæ Africanæ relata sint, & in Concilium Carthagenense Dionysii Exigui, necnon a Græcis ad utilitatem Orientalis Ecclesiæ traducta fuerint.

Can. 1.
cau. 3.
qu. 2.
In can. 3. hujus Concilii legitur can. 1. cau. 3. qu. 2., & quidem eisdem omnino verbis, cui etiam omnino consonat can. 130. in Concilio Carthagenensi Dionysii Exigui, & in codice canonum Ecclesiæ Africanæ sive Græco, sive Latino cap. 130., vel 131. juxta alias editiones.

Ex can. 1., & 2. ejusdem Concilii deprompti sunt Gratiani can. 1. cau. 4. qu. 1., & 2. cau. 4. qu. 6.; quæ fragmenta simul conjungi debent, ut unaquæque suis locis accommodentur. Sic habet can. 1., quem retulit Dionysius in Concilium suum Carthagenense eam 128., quique etiam legitur in codice Ecclesiæ Africanæ can. 128. *Placuitque omnibus, (huc referendus est can. 1. cau. 4. qu. 1.), quoniam superioribus Conciliorum decretis de personis, quæ admittenda sunt ad accusationem Clericorum, jam constitutum est, & quæ persona non admittantur (habet Dionysius non admittantur) jam expressum non est, ideoque definimus cum rite ad accusationem non admitti, qui posteaquam excommunicatus fuerit, in ipsa adhuc excommunicatione constitutus, sive sit Clericus, sive Laicus accusare voluerit. Post hæc sequitur can. 2. in Concilio, cum quo consonat can. 129. apud Dionysium, & in codice Africano, ex quibus supplere debemus eundem can. 1. cau. 4. qu. 1. Item placuit, ut omnes servi, vel proprii liberti ad accusationem non admittantur, vel omnes, quas ad accusanda publica crimina leges publicæ non admittunt; Omnes etiam infamia magulis aspersi, idest histriones, ac turpitudinibus subiecta persona, hæretici etiam, sive Pagani, sive Judæi; Sed tamen omnibus, (huic referendus est can. 2. cau. 4. qu. 6.), quibus accusatio denegatur, in causis propriis accusandi licentia non neganda.*

Can. 1. cau. 4. qu. 2. legitur eisdem verbis in can. 4. eisdem Concilii Carthagenensis, item in can. 131. Concilii Carthagenensis apud Justellum, & in codice canonum Ecclesiæ Africanæ, ubi tamen pro illis verbis *infra annos 14.* legitur: *infra annos quatuordecim.* Videntur etiam cum hoc can. in ea parte, qua definitur, domestica testimonio recipienda non esse, congruere probatissimæ Juris Civilis Romani regulæ, quemadmodum adparet ex l. 3. cod. de testibus, l. 24. ff. eodem, & apud Paulum lib. 5. sententiarum.

Cum can. 5. ejusdem Concilii Carthagenensis consonat can. 3. cau. 6. qu. 2., item cum can. 132. & 133. Concilii Carthagenensis apud Dionysium Exiguum, & codicis canonum Ecclesiæ Africanæ; etenim ibi can. 132. incipit a prioribus verbis *placuit &c.* usque ad verba *Quandis excommunicato, a quo incit*

C.1.C.4.
q.1.C.
2.cau.4.
qu.6.

Can. 1.
cau. 4.
qu. 2.

Can. 3.
cau. 6.
qu. 2.

incipit can. 133: Romani correctores observaverunt in Africano Concilio legi adjecta ea verba : *secretis tamen interdicitur ei communionem donec obtemperet*; verum arbitror hæc recentiore manu addita esse, cum desiderentur in Concilio Carthaginiensi Dionysii Exigui, quod sane antiquissimum est, ut omittam codicem Ecclesie Africane abs Justello editum, ubi nec etiam habentur.

De canone 11. can. 11. qu. 1., quem Concilio Carthaginiensi 8. tribuit Gratianus.

Can. 11. Romani correctores nomine Concilii
can. 11. Carthagenensis octavi a Gratiano laudati in can. 11. cau. 11. qu. 1. intellexerunt Concilium Milevitanum, quod anno 416. celebratum in Africa dicitur, ea de causa, quia in Concilio Milevitano cap. 10. eadem verba legantur. Hinc nonnulli ex eruditis vulgo putarunt, Concilium Milevitanum pro Carthaginiensi VIII. accipi consuevisse. Ego arbitror non esse recedendum a Gratiani editione, ut scilicet nomen Concilii Carthagenensis retineatur, sive illud octavum sit, sive alio sub numero collocetur; etenim jam initio capitis hujus attingimus modum numerandi Concilia Carthagenensia non eundem apud omnes recipi potuisse. Sane video hunc ipsum can. 11. Gratiani legi apud Fulgentium Ferrandum, & quidem Africanum, subiecto nomine Concilii Carthagenensis num. 43. in breviario his verbis: *ut quicumque Episcopus ab Imperatore publicum iudicium postulaverit, honore proprio privetur. Concilium Carthagenense tit. 9.* Præterea apud Dionysium Exiguum in Concilio Carthaginiensi, nec non in codice Ecclesie Africane idem fragmentum tribuitur Concilio Carthaginiensi sub Aurelio celebrato Honorio 7., & Theodosio 2. Consulibus, quorum consulatus incidisse fertur in annum 407., quemadmodum constat ex can. 104. dicti codicis, & dicti Concilii apud Dionysium, ubi hæc leguntur: *Placuit, ut quicumque ab Imperatore cognitionem iudiciorum publicorum petierit, honore proprio privetur. Si autem Episcopale iudicium ab Imperatore postulaverit, nihil ei obstat.* Verba hæc sunt sane eadem cum verbis dicti can. 11. apud Gratianum. Porro vox illa *quicumque* de solis Clericis intelligenda est, quemadmodum verba illa sequentia demon-

strant: *honore proprio privetur*; nomen enim *honoris* in Africanis Conciliis Clericalem significat dignitatem. Quod si canonem sequentem etiam inspiciamus apud Dionysium Exiguum, & in codice Africane Ecclesie, ubi ita legitur: *Quicumque autem non communicans in Africa, si in transmarinis ad communicandum obrepserit, iacturam Clericatus excipiat*; facile intelligemus, ibidem sermonem fuisse de solis Clericis institutum. Omisso Ferrandum Diaconum, qui Africanis Carthagenensem canonem intellexit, videlicet de solis Episcopis, uti constat ex ejus can. 43. superius descripto. His addi potest sententia Patrum Carthagenensium in can. 43. cau. 11. qu. 1., cum interpretationibus Græcorum Zonaræ, & Aristenii ad eundem canonem 104. codicis Ecclesie Africane. Nam, ut aliorum verba omittam, Aristenius ait: *Episcopus, vel Clericus criminibus accusatus, & Ecclesiasticum recusans iudicium, & ab Imperatore seculares iudices petens honore suo privabitur.* Porro maxima in hac parte fuit cura, ac sollicitudo Episcoporum Africæ, ne Episcopi, vel Clerici mutuis contentionibus, ac litium jurgiis odia foverent, atque ad publica iudicia pergerent, propterea sæpius admoniti sunt, ut si quæ discrimina laborarentur, ea omnia in Concilio proponerentur, atque Episcopali arbitrio finirentur, quasi paterno iudicio in causis aliorum, quemadmodum luculentissime constat ex pluribus canonibus Africanis, iis præsertim, quos editos habemus in codice canonum Africane Ecclesie.

De Canonibus, quos retulit Gratianus nomine Concilii Carthagenensis unici.

Nomine Concilii Carthagenensis unici **Can. 50.** retulit Gratianus can. 51. cau. 12. qu. 1. & 51. 2., Addo ego can. 50. ibidem, cum **can. 12.** meo iudicio uterque can. eundem habeat **qu. 2.** auctorem. Inquirere sane juvabit, utrum, & ad quodnam Concilium Africanum hæc fragmenta sint referenda, item quomodo contigerit, Concilium illud *unicum* a Gratiano appellari, quando tamen ipsemet Gratianus, octo Concilia Carthagenensia numeraverit? Dicerem ego in primis inscriptionem Gratiani fuisse in recensionibus exemplaribus depravatam, ut loco istarum vocum: *Ex Concilio Carthaginiensi unico* legendum sit:

fit : Ex Concilio Carthagenensi V., idest quinto ; cui immutationi vocum forte occasionem dedisse potuit litera V., quæ & numerum quinarium, & vocem *unicum* designare legentibus poterat ; ut exinde quispiam Amanuens is unicum potius, quam quintum Concilium legerit, & exinde unci Concilii nomen in exemplaribus Gratiani editum fuerit : Novum cuiuspiam non videatur detegere istiusmodi errata in inscriptionibus fragmentorum ; nam huius rei exemplum fere simile ego exhibeo in Pandectis, scilicet il 3. ff. de iurisdictione. Vulgaræ editionis inscriptio ita habet : *Ulpianus lib. v. de officio Quæstoris*. Attamen Ulpianum nonnisi unicum, & singularem librum de officio Quæstoris scripsisse constat ex inscriptione legis unice ff. de officio quæstoris, quæ ita habet : *Ulpianus lib. singulari de officio Quæstoris* ; quamobrem nunquam me poenituit opinionis meæ in hac parte, cum dixerim erratum ortum fuisse ex litera initiali s, quæ & secundum, & singularem librum designare poterat, proindeque Amanuens em uno in loco scripsisse singularem, alio in loco secundum librum de officio Quæstoris. Eadem itaque ratione contingere potuit, Gratianum, aut quemvis alium recessuisse Concilium quintum Carthagenense, cuius tamen vice alii posteriore tempore legerint unicum. Revera si consulamus codicem Ivonis Carnotensis, facilius hæc mea probabitur opinio, cum ibi hæc ejusdem canonis habeatur inscriptio in parte 3. cap. 239. *Ex Carthag. Concilio V. cap. 1111*. Si itaque hoc modo inscriptionem Gratianeam restituerimus, non erit difficile similem sententiam reperire in Concilio Carthagenensi, quod vulgo quintum dicitur. Eadem enim, quæ habentur in can. 50., & 51. cau. 12. qu. 2. legimus in can. 4. Concilii vulgo quinti Carthagenensis, sive in can. 39. cau. 17. qu. 4., quæ hoc loco non adfero, cum jam superius ex ordine descripserim.

Hæc verosimilia sunt. Dabo etiam certiora, si cui forte huc usque adducta non satis placeant. Gratianus unicum appellavit Carthagenense Concilium illud, quod unicum descripsit Dionysius Exiguus, qui idem est cum codice canonum Ecclesiæ Africanæ ; Et quidem improprie Concilium dici potest, cum sit potius plurimum Carthagenensium Conciliorum Collectio. Nihilominus tamen,

Tom. I.

cum placuerit Dionysio Carthagenense Concilium illud appellare, potuerunt posteriores Collectores Dionysium sequuti ad hoc Concilium se referre, atque Concilium Carthagenense unicum nominare. Porro in can. 33. Dionysiani huius Concilii, necnon codicis Ecclesiæ Africanæ leguntur hæc verba a *Item placuit, ut Presbyteri non vendant rem Ecclesiæ, ubi sunt constituti, ne scientibus Episcopis suis, quomodo & Episcopis non licet vendere pradia Ecclesiæ ignorante Concilio, vel Presbyteris suis. Non habente ergo necessitatem, nec Episcopo licent matricis Ecclesiæ, nec Presbytero rem vitali sui usurpare*. Quicumque hæc contulerit cum dictis canonibus 50., & 51. cau. 12. qu. 2., agnoscat non tantum eandem omnino sententiam, sed etiam eadem verba ibi referri, ut prorsus dubium esse non possit, quin ex eo loco Gratianus eisdem canones descripserit. Quod ut etiam luculentius demonstrarem, attendere juvabit inscriptionem integram, qualis apud Gratianum habetur in dicto can. 51. *Ex Concilio Carthagenensi unico cap. ult.* Concilium Carthagenense descriptum a Dionysio Exiguo duas habet partes. In priore describuntur acta, & canones Concilii Carthagenensis sub Aurelio post Consulatum Honorii XII. & Theodosii VIII., viii. Kal. Junias ; fertur autem hoc Concilium celebratum fuisse anno 419., continetque can. 33., post quos ita legitur : *Recitata sunt etiam in isto Synodo diversa Concilia universa Provincia Africa transactis temporibus Aurelii Carthagenensis Episcopi celebrata &c.* Hinc sequuntur alii canones præcedentium Conciliorum quamplurimum. Itaque can. 33. est postremus Concilii Carthagenensis anni 419., in quo explicit prima pars Collectionis Carthagenensis Dionysianæ. Gratianus verba ejusdem can. 33. refert in dictis canonibus 50., & 51. nomine canonis ultimi Concilii Carthagenensis. Quid clarius ergo, quam Gratianum eundem can. 33. voluisse describere ? Addam hoc loco, Fulgentium Ferrandum ejusdem canonis meminisse in sua breviatione cap. 45., ibi : *Ut Episcopi rem Ecclesiæ sine Primaris consilio non vendant. Concil. Carthagin. tit. 5. Concil. Hippon. tit. 9. Item cap. 95. ut Presbyteri rem Ecclesiæ sine consensu Episcopi non vendant. Concilio Anquiritano tit. 15. Concilio Hipponiragienfi tit. 9.* Grisconius Africanus in suo Breviario

Y

Cano.

Canonico eadem ferme describitur num. 252., ibi: *Ut Presbyteri rem Ecclesia, in qua sunt constituti, non vendant, & nulli Episcopo liceat, rem tituli matris Ecclesia usurpare. Concilio Carthaginiensi, can. 33.*

De aliis Canonibus, quos nomine Carthaginiensium Gratianus retulit.

Can. 3.
& 4.
dist. 74.

Nonnulla adhuc supersunt Gratiani fragmenta, quæ generatim aut sub Carthaginiensis, aut sub Africani Concilii nomine recensentur. Carthaginiensi Concilio can. 31. tribuuntur can. 3. & 4. dist. 74. Hoc sane in loco Gratianus non aliud Concilium intellexit, quam illud quod Carthaginiensis nomine recensuit Dionysius Exiguus, quique primam partem constituit in codice Ecclesiæ Africanæ. Hoc Concilium jam diximus celebratum fuisse sub Aurelio anno 419. Ac revera in can. 31. ejusdem Synodi hæc leguntur: *Item placuit, ut quicumque Clerici, vel Diaconi pro necessitatibus Ecclesiarum non obtemporaverint Episcopis suis, volentibus eos ad honorem ampliorum in sua Ecclesia promovere, nec illic ministrent in gradu suo, unde recedere noluerunt.* Hæc sane verba consonant cum dicto can. 3. dist. 74. Dionysius autem Exiguus, sive auctor codicis Ecclesiæ Africanæ, aut quisquis alius ejusdem canonis epitomen ita præposuerat juxta morem Collectorum: *Si qui Clerici ab Episcopis suis promoti contempserint, nec illic maneant, unde recedere noluerunt.* Hæc etiam verba descripsit Gratianus ante canonem Concilii Carthaginiensis. Contius vero, qui Gratiani capitibus numericas notas adposuit, hæc verba a canone Concilii omnino separavit, quasi duo prorsus canones essent, proptereaque perperam hodie verba posita sub can. 3. videntur pertinere ad Concilium Carthaginense, & verba posita sub can. 4. videntur reticito ipsorum auctore relata. Facile est ex his unaquæque restituere.

Can. 6.
can. 10.
qu. 2.

Falso inscribitur nomine Concilii Carthaginiensis can. 6. cau. 10. qu. 2., unde etiam simili nomine inscriptum fuit idem fragmentum in cap. 2. de precariis apud Gregorium 1x., non solum enim a Carthaginiensi Concilio abjudicandum esse, deducitur ex silentio veterum omnium collectorum, qui de hoc fragmento in colligendis Ecclesiæ Africanæ capitibus penitus non meminerant; verum potissi-

imum ex eo, quod precariæ illæ rerum Ecclesiasticarum concessionibus, de quibus illic agitur, pristinis illis temporibus, quibus plura Africana Concilia celebrata feruntur, nondum erant in usu, nec constat in Africa unquam in usu fuisse. Non agitur sane ibidem de precario illo, quo Romanæ leges, sive Prætoris edicta tuebantur, contractu videlicet ad nutum revocabili juxta l. 1. 2., & 12. ff. de precario, sed de alia contractus specie, quæ labente demum quinto sæculo in Gallia primum, dein in Hispania celebrari cœpit, ut constare potest ex Concilio Agathensi can. 58., Epao-nensi can. 18., & Aurelianiensi 4. can. 36. Hujus contractus formulam exhibet Marculfus lib. 2. cap. 39. Eveniebat quandoque nonnullos ex nobilibus ob injuriam temporum non solum privata pecunia, & familiaria, verum etiam publica Civitatum, quibus præerant, æraria exhaustisse, ut Ecclesiasticarum rerum subsidiis, sive ad Clericos, sive ad Monachos pertinentium ad utilitatem aliquando publicam indigerent. Hinc ipsi precario quodam, sive precibus intervenientibus ab Episcopis petebant, ut possent ad certum tempus possessionibus Ecclesiarum, aut Monasteriorum uti, ea primum lege, ut quotannis annuam præstationem in agnitionem domini Ecclesiæ, vel Monasterio penderent; data deinde fide, ut elapso tempore, quod ut plurimum quinquennium erat, possessiones ipsas restituerent, nisi nova, & urgens necessitas renovari precarium postularer. Et quidem, quousque nulla fraus admissa est, optima habita fuit hujusmodi disciplina. Sed quoniam aliquando aut sine causa petebantur, aut sine causa concedebantur etiam ad diuturna tempora hujusmodi precaria, operæ pretium fuit, gliscanti malo, & incommodo Ecclesiarum consulere. Potissimum vero rerum Ecclesiasticarum patrocinium susceperunt Religiosi Imperatores, inter quos fuit Lotharius, qui constituit, ne sine causa res Ecclesiasticæ precario concederentur, utque sine causa concessæ auctoritate Episcoporum libere revocarentur. Lotharii constitutio habetur in legibus Longobardorum lib. 3. tit. 10. l. 2., quam eandem constitutionem Gratianus nomine Carthaginiensis Concilii in dicto can. 6. recensuit eisdem verbis.

Can. 1. cau. 23. qu. 2. apud Gratianum laudatur: *ex Concilio Carthaginiensi, cui* Can. 1. cau. 23. qu. 2.

cui interfuit Augustinus. Fallo tamen, quemadmodum jam animadverterunt Romani Correctores, observantes illum potius haberi in can. 25. Concilii Agathensis, & in Capitularibus Regum Francorum, quorum etiam verba retulerunt in ea parte, in qua paullo varia dignoscuntur. Video ego, unde nam Gratianus erraverit in hac inscriptione. Parum ipse sollicitus fuit in editione Ivonis, ex qua canonem istum describebat. Etenim Ivo Carnotensis in parte 8. decreti can. 323. canonem quendam laudavit hac adjecta inscriptione: *Ex Concilio Carthaginensi, cui interfuit Augustinus*; deinde progrediens ad sequentes canones usque ad 328. capitum omnium inscriptiones omisit, ita ut videantur singula ex eodem Concilio Carthaginensi deprompta. In canone itaque 328. descripsit verba Concilii Agathensis nulla inscriptione auctoris adposita, forte quod eadem verba jam nomine Concilii Agathensis descripsit superius in eadem parte 8. cap. 231., in quæ prospiciens Gratianus, eadem verba in suum codicem relaturus, Concilio Carthaginensi adtribuit, cui Augustinus interfuerat.

De aliis Canonibus, quæ generatim Africanorum nomine retulit Gratianus.

Can. 39.
can. 2.
qu. 6.

Africano Concilio generatim Gratianus præter ea, quæ jam suis singulis locis intexui, tribuit can. 39. can. 2. qu. 6. Habetur autem in Concilio Carthaginensi Dionysii Exigui, & in codice canonum Ecclesiæ Africanæ apud Justellum num. 96., cujus sententia ut commodè percipiatur, referendus etiam erit can. præcedens 85. Describantur illic acta Concilii Carthaginensis celebrati Honorio 7. & Theodosio 2. Augusto Consulibus sub Aurelio Episcopo, quod tempus incidit in annum 407., acque ab initio cautum fuerat, ut, ubi causa communis totius Africæ exigeret, Concilium plenarium fieret Africæ totius, convenireturque in Carthaginensem Civitatem; si quando vero communis non essent causæ, unaqueque ex illis in sua Provincia discuteretur, ac definiretur. En verba can. 95. *Placuit, ut non sit ultra fatigandis Fratibus universaria necessitas. Sed quoties exegerit causa communis, idest totius Africa, undecumque ad hanc sedem de hac re*

data littera fuerint, congregandam esse Synodum in ea Provincia, ubi opportunitas persuaserit; causa autem, quæ communes non sunt, in suis Provinciis judicentur. Deinde statim sequitur can. 96. *Si autem fuerit provocatum, eligat, qui provocaverit, iudices: & cum eo & ille, contra quem provocaverit: ut ab ipsis deinceps nulli liceat provocare.* Hæc sunt, quæ Gratianus retulit in can. 39. cau. 2. qu. 6., cujus exinde clara apparet sententia. Etenim cum statutum esset, non amplius celebrari debere Concilia, ad quæ totius Africæ Episcopi jamdiu defatigati convenirent, sed unicuique negotia debere in unaquaque Provincia terminari, difficultas suborta statim fuerat de appellationis iudicio, ex eo quod antea a Conciliis Provincialibus ad annum Nationale provocaretur. Ne itaque obessent quieti Episcoporum harum appellationum causæ, definiri oportuit quosdam eligi a litigantibus iudices, qui vices Nationalis Concilii gererent, & a quorum sententia omnis appellatio denegaretur.

Ex Africano quoque Concilio refertur can. 9. cau. 11. qu. 3., qui sane pertinet ad Concilium sub Aurelio Carthaginense celebratum anno 419. post Consulatum Honorii 11. & Theodosii 11. Augustorum, octavo Kalendas Junias. Istud Concilium est, quod superius diximus constituere primam partem codicis Ecclesiæ Africanæ, nec non Concilii Carthaginensis Dionysii Exigui. Porro in hoc Concilio cap. 29. ita legitur: *Item placuit universo Concilio, ut qui excommunicatus fuerit pro suo neglectu, sive Episcopus, sive quilibet Clericus, & tempore excommunicationis suæ ante audientiam communionem præsumserit, ipse in se damnationis iudicatur protulisse sententiam.* Ferrandus Diaconus ad hunc canonem respexisse videtur in sua breviatione canonum cap. 54. his verbis: *Ut si quis Episcopus a Synodo fuerit excommunicatus, communicare non audeat: Et si fecerit, spem restitutionis non habeat.* Attamen subdidit se hoc fragmentum referre ex Concilio Hipponiensi. Non pugnat tamen hæc, cum familiare fuerit apud Afros eadem in diversis Conciliis statuta renovare. Cum Ferrandi inscriptione videtur consonare codex canonum a Petro Pitteo editus, ubi idem can. insertus est in quodam Concilio hujus notæ Consularis: *Pierio & Ardabore Consulibus in Basilica*

Can. 9.
can. 11.
qu. 3.

sina, quæ nota indicat Concilium celebratum anno 427., & in Hipponensi Civitate, in qua Leontina Basilica erat constituta. Hic ipse can. relatus etiam posteriore ætate fuit inter Capitularia Regum Francorum lib. 5. cap. 30. editionis Parisiensis anni 1677.

Can. 15. Can. 15. cau. 16. qu. 3. pertinet ad
 cau. 16. Concilium Carthaginense anni 418. sub
 qu. 3. Aurelio celebratum Honorio XII., & Theodosio VIII. Consulibus adversus hæresim Pelagii, & Cælestii; postquam enim ibidem plura constituta fuerint capita adversus eosdem hæreticos de divina gratia, & prædestinatione perperam sentientes, nonnulla subiecta sunt de Donatistis ad unitatem convertendis, quæ exhibentur tum in Concilio Africano Dionysii Exigui, tum in codice canonum Ecclesiæ Africæ a numero 108. usque ad 127. In capite autem 121. hæc leguntur: „Item placuit, ut quicumque „negligunt loca ad suam Cathedralam „pertinentia in Catholicam unitatem „lucrari, conveniantur a diligentibus „vicinis Episcopis, ut id agere non „morentur. Quod si intra sex menses „a die conventionis non effecerint, „qui potuerit ea lucrari, ad ipsum „pertineant. Ita sane, ut si ille, ad „quem pertinuisse videbatur, probare „potuerit, magis illius electam negligentiam ab hæreticis, ut impune ibi „sint, & suam diligentiam fuisse præventam, ut eo modo ejus cura sollicitior vitaretur: Cum hoc iudicet „Episcopi cognoverint, suæ Cathedralæ „loca restituant.“ Romani Correctores græcum etiam textum adduxerunt cum interpretatione latina. Si forte quispiam peteret, qua de causa adeo solliciti modo fuerint Carthaginenses Patres, ut Donatistas ad unitatem reducerent, ut poenam gravissimam Episcopis imponerent, qui conversionem illorum quoquomodo neglexissent: Responderem, ut arbitror, plurimum interfuisse tunc temporis Donatistas, quo citius fieri posset, ad unitatem adducere. Et enim cum Pelagius, & Cælestius novæ hæreseos auctores, sceleris sui consortes undecumque quærerent, facile erat Donatistas adhuc extra communionem existentes Pelagianis accrescere, Catholicos autem in varia schismata dissensionesque divisos difficilior erat adversus hæreses nuper gliscientes remedium opportunum Ecclesiæ Africanæ adferre.

Auctor palearum in causa 27. qu. 2. ^{Can. 7.}
 duo fragmenta inseruit num. 7. & 8., ^{cau. 8.}
 quæ tamen Contius in sua editione debuisset sub uno tantummodo numero ^{cau. 27.}
 juncta comprehendere; Quod enim in ^{qu. 2.}
 cap. 7. legitur nihil aliud est, quam sententia illius, qui conditionem matrimonio adpositam non valere demonstraturus erat ex Africano Concilio; cum tamen nihil hujusmodi in ulla ex Africanis Conciliis reperiatur, aut reperiri unquam possit. Hujusmodi sane fragmenta apud neminem ex veteribus reperiuntur, non tantum in Africano codice, aut Dionysio Exiguo, aut Ferrando, aut Crisconio, qui ceteroquin omnes in describendis Africanis Canonibus fuerunt accuratissimi, sed nec apud ipsos recentiores Collectores Reginsonem, Burchardum, & Ivonem; & primum in Gratiani codicibus, & quidem jam per Gratianum absolutis adparuerunt ignoti auctoris manu. Revera ipsorum fragmentorum hujusmodi phrasibus non nisi duodecimo sæculo circa finem, aut initio sæculi 13. convenire potest, quemadmodum nec ipsa disputandi ratio novæ Philosophiæ tunc temporis exortæ accommodata. Ceterum, quæ in dicto can. 7., & 8. traduntur ab auctore Paleæ non satis consonant cum recta præsertim veterum philosophandi ratione. Ait ille, conditionem desponsationi adjectam pro nulla habendam esse, ac si omnino adjecta non fuerit. Nulla de hac re esse potuit apud veteres disputatio, imo nec levissima dubitatio, ut Africanos Patres in Conciliis ob causas gravissimas congregatos frustra detineret. Imo miror Interpretes nostros in hac re alacriter disputare, atque concludere tandem id receptum esse favore matrimonii, exemplo ultimarum voluntatum, in quibus non omnes quidem, sed impossibiles facti, vel jure conditiones pro non adjectis habentur juxta l. 4. ff. de condit. & demonstr. Itaque quoties dicimus conditiones matrimonii adjectas nullius esse momenti, non prospicimus legum favorem quandam, quo illæ matrimonia prosequutæ fuerint; sed profectum agnoscimus ex ipsa matrimonii natura, atque substantia. Revera effectus hic legum favor a legibus profectus esset, & quidem post concertationem diutinam; quemadmodum & ultimarum voluntatum favor, unde conditiones impossibiles ab illis detrahuntur post diutinam
 Juris.

Jurisconsultorum concertationem obtinuit, arg. d. l. 4. de cond., & demonstr. At de conditionibus matrimonio adjectis nullibi unquam disputatum fuisse liquet, præsertim apud vèteres Juriconsultos nullum hujus, aut similis disputationis vestigium adparet, cum tamen iidem in enodandis juris difficultatibus æque subtilissimi essent, atque elegantissimi. Alias vero matrimonii natura, atque substantia exigit conditiones nullas matrimonio adjici posse. Etenim ea indita fuit apud omnes cultiores gentes matrimonio indoles, atque natura, ut, præter quam in ceteris obligationibus regulariter obtineat, duo distincti contractus in eo soleant intervenire, scilicet alter præcedens, qui sponsalium contractus appellatur, alter consequens, qui matrimonium, vel nuptiarum contractus proprie dicitur; uterque autem diversis regulis circumscribitur; præcipue vero hæc sunt utriusque discrimina, ut sponsalia esse nequeant, nisi ubi adhuc matrimonium pendeat; & viceversa non possit matrimonium esse, quousque negotium in futurum adhuc tempus protrahatur. Hac præsupposita matrimonii natura, ecquis non videat frustra disputari de conditione matrimonio adjecta? omnis quippe conditio, utpote quæ obligationem in futurum tempus suspendit, & differt, ipsimet matrimonii substantiæ adversatur, nec sanus quispiam esse potest, qui velit uno eodemque actu matrimonium, idest obligationem de præsentis contrahere, & simul obligationem in futurum tempus differre. Propterea statim ac quis de præsentis consentit, & matrimonium revera contrahit, jam certum est eum nolle actum suspendere, ac propterea nolle matrimonio conditionem adjicere. Itaque res hæc disputationem nullam, aut controversiam pati poterat; & vix digna erat, quæ inter Philosophos, Theologosve duodecimi, aut decimi tertii sæculi Scholarum pulverem agitaret. Concludemus propterea disputationis hujus auctorem paulo recentiorem esse Gratiano, qui ut fuit sententiæ Patronos, ac cultores quæreret, auctoritatem Concilii Africani ostentavit, atque ostentavit eodem tempore, quo omnia sine discrimine facile recipiebantur. Imo cum sciret Gratiani Decreti maximam esse aucto-

ritatem, in hoc sententiam suam inseruit, nec quidem frustra; etenim suarum sententiarum Interpretes invenit Glossographos, aliosque studiosos, imo etiam canonum Collectores, vel omni exceptione majores, qui in Collectionibus sacrorum canonum optima easdem insererent, quemadmodum liquet ex cap. 1. extra de conditionibus adpositis.

APPENDIX.

De Concilio apud Valentiam.

Subjicio hoc in loco Concilii Valenti. *Can. 123.* ni fragmentum, quod scilicet hoc no. *de conf. dist. 4.* mine a Gratiano refertur in can. 123. de conf. dist. 4., quia non in Valentinio Concilio legitur, sed potius pertinet ad Concilium Carthaginense, quod vulgo quartum appellant; immo & istud ipsum agnovit Gratianus, qui eundem canonem retulit ex Concilio Carthaginensi 4. in can. 4. dist. 95., de quo jam superius egimus. Non est tamen, cur in hac parte de Gratiano potissimum conqueramur, cum ante Gratianum Collectores alii, Burchardus, & Ivo Concilium Valentinum pro Carthaginensi potius inscripserint. Forte suspicari licet Collectores hujusmodi errore facti lapsos esse, quod ad marginem inscriptum viderint nomen Concilii Vasensis 2., in cujus can. 3. hæc leguntur fere similia: „ Per singula territoria Presbyteri, vel „ Ministri ab Episcopis, non prout libitum fuerit a vicinioribus, sed a „ suis propriis per annos singulos Christ- „ ma petant appropinquante solemnitate Paschali; nec per quemcumque Ecclesiasticum, sed si qua necessitas, aut „ Ministrorum occupatio est, per Subdiaconem, quia inhonorum est inferioribus summa committi. Optimum „ autem est, ut ipse suscipiat, qui in „ tradendo usus est. Si quid obstat, „ saltem is, cujus officii est sacrarium „ disponere, & Sacramenta suscipere. „ re. “ Ad marginem itaque Carthaginensis canonis adjectum fuerat nomen Vasensis Concilii, ut indicaretur similia in Vasensi Concilio legi. At Collectores Concilium apud Valentiam pro Vasensi scribere per oscitantiam potuerunt, deinde quod Carthaginensis Concilii erat, Concilio apud Valentiam adtribuere.

CAPUT XVI.

De Concilio Milevitano.

Postquam de Carthaginensibus Conciliis actum est, juvabit statim de Concilio Milevitano disserere, utpote quod Ecclesie Africanæ Concilium est, imo etiam hujusmodi Constitutiones edidit, quæ in Carthaginensibus ipsis Conciliis fuere probatæ. Pertinent autem ad Milevitanum Concilium sequentes Canones.

- Can. 3. dist. 72. consonat cum aliis Ecclesie Africanæ Constitutionibus.
 Can. 19. cau. 2. q. 6.) simul jungendi una cum can. 15. cau. 16. q. 3. & con-
 Can. 33. cau. 2. q. 6.) firmati in Concilio Carthag. totius Africa an. 418.
 Can. 35. cau. 2. q. 6. consonat cum aliis Canonibus Ecclesie Africanæ.
 Can. 42. cau. 11. q. 1. est potius Concilii Toletani 3.
 Can. unico cau. 11. q. 2. referendus ad can. 42. cau. 11. q. 1.
 Can. 34. cau. 11. q. 3. idem est cum can. 35. cau. 2. q. 6.
 Can. 2. cau. 16. q. 6. confirmatus etiam in Concilio Carthaginensi an. 418.
 Can. 5. cau. 32. q. 7. jam pridem etiam editus in Concilio Carthagin. an. 407.
 Can. 152. de conf. dist. 4. }
 Can. 153. de conf. dist. 4. } Confirmati omnes in Concilio Generali to-
 Can. 154. de conf. dist. 4. } tius Africa anni 418. adversus Pela-
 Can. 155. de conf. dist. 4. } gianos, & Calesianos.
 Can. 156. de conf. dist. 4. }

Concilium Milevitanum Milevi in Numidia apud Afros celebratum est an 416. atque ad ipsum convenerunt Viri, & morum integritate, & doctrina spectatissimi numero sexaginta, inter quos fuit eximius Ecclesie Antistes Augustinus Hipponensis. Potissima Concilii causa fuit, ut Africanæ Ecclesie per hæreses Cælestii, & Pelagii læsæ consulere-
 retur, statuereturque, quemadmodum & de vi divinæ gratiæ, & de liberi arbitrii facultate sentiendum foret. Et quidem id decretum est prioribus Canonibus octo, quibus alii can. usque ad 27. subiecti fuerunt ad disciplinam Ecclesiasticam stabiliendam, quorum omnium auctoritas maximi semper habita fuit apud omnes, præ primis autem apud Africanos ipsos, qui illos fere omnes renovarunt in Concilio totius Africae 217. Episcoporum anno 418. celebrato, quod vulgo dicitur Concilium Carthaginense 6. apud alias vero Provincias fuerunt maxime venerabiles, illas præsertim, quæ Africanæ Ecclesie codices, uti suo loco diximus, receperunt.

Can. 3. In canone 15. hujus concilii habentur
 dist. 72. verba canonis 3. dist. 72. et si autem nonnullæ Concilii editiones eadem omnino habeant, quæ apud Gratianum leguntur, tamen in vulgatis exemplaribus, ita le-

gimus: Item placuit, ut quicumque in Ecclesia primum, vel semel legerit, ab alia Ecclesia ad clericatum non teneatur. Et quidem eisdem fere verbis refertur in Concilio Carthaginensi, quod Dionysius Exiguus suæ Collectioni canonum inseruit, can. 90. ibi: Item placuit, ut quicumque in Ecclesia vel semel legerit, ab alia Ecclesia ad clericatum non teneatur. Et subscripserunt: Aurelius Episcopus Ecclesie Carthaginensis huic decreto consensit, & præfetto subscripsi: similiter & ceteri Episcopi subscripserunt. Eadem omnino habentur in cap. 90. codicis Ecclesie Africanæ Græci, & Latini apud Justellum; ubi ille canon tribuitur Concilio Carthaginensi Arcadio, & Honorio v. Consulibus celebrati, sive anno 402. Huic constitutioni occasionem dedisse arbitror Julianum quendam Episcopum Africanum, qui Clericum Lectorem ordinatum in Mappaliensi Diœcesi, quique jam duobus annis in ea legerat, Epigonio Episcopo subditum ordinavit Ecclesie suæ Diaconum. De hac re conquestus fuerat Epigonius in Concilio Carthaginensi consulibus Cæsario, & Attico, sive anni 397. allegans in multis jam Africanis Conciliis illud constitutum fuisse, ut clericum alienum nullus sibi præcipiat Episcopus, præter ejus arbitrium, ejus.

ejus fuerit clericus, quo proposito Carthaginienses Patres illud Juliani Episcopi factum tanquam iniquum, atque indignum damnaverunt. Videtur can. 54. Concilii Carthaginensis apud Dionysium Exiguum, & in codice Africano Justelli.

Jungendi simul sunt can. 19. & 33. can. 19. cau. 2. q. 6. imo etiam huc referri posset can. 15. cau. 16. q. 3. qui nomine Africani Concilii a Gratiano laudatur, atque in hoc eodem Milevitano Concilio etiam legitur in can. 24. simul cum can. 19. & 33. cau. 2. q. 6. postquam enim in Milevitano Concilio can. 24. ea statuta fuerint, quæ legimus in dicto can. 15. cau. 16. q. 3. usque ad illa verba: *Sua cathedra loca resistent, hæc statim sequuntur: Sane si Episcopi, inter quos causa versatur, diversarum sunt. Provinciarum, ille Primas dei Judices, in ejus Provincia est locus, de quo contenditur. Si autem ex communi placito utrumque elegerint, aut duo eligantur, aut tres. Quod si tres elegerint, aut unum sententiam sequantur, aut duorum. A iudicibus autem, quos communis consensus elegerit, non liceat provocare; (hæc sunt verba dicti can. 33. cau. 2. q. 6.) Et quisquis probatus fuerit per contumaciam nolle obtemperare iudicibus, cum hoc prima sedis Episcopo fuerit probatum, det literas, ut nullus ei communicet Episcoporum, donec obtemperet. (Hæc retulit Gratianus in dictum can. 19. cau. 2. q. 6.) Hæc omnia probata, ac confirmata fuerunt in Concilio generali totius Africae Carthaginensi anno 418. habenturque in can. 121. & 122. Codicis Africani apud Justellum, & Concilii Carthaginensis apud Dionysium Exiguum, ubi tamen hæc verba leguntur: *A iudicibus autem, quos communis consensus elegerit, non liceat provocare. Et quisquis provocatus repertus fuerit per contumaciam nolle obtemperare iudicibus, cum hoc prima Sedis Episcopo fuerit probatum, det literas, ut nullus ei communicet Episcopo, donec obtemperet.* Porro hæc omnia, quæ Gratianus separata retulit, simul jungenda sunt, ut integra omnino habeatur Concilii sententia, forte enim evenire posset, ut in alienam omnino sententiam detorqueantur, si singula seorsim apud Interpretes explicentur. Itaque hæc inerat Milevitanis, necnon Carthaginensibus Patribus sententia. Cœlestiani, ac Pelagiani hæretici Africanas Provincias omnino turbabant, quæ tamen jam diutino schismate Donatistarum*

discissæ fuerant. Hinc gravissimum imminere periculum, futurum forte, ut Donatistæ Pelagianis, Cœlestianisque jungerentur adversus veram, & Catholicam Ecclesiam pugnaturi. Quod quemadmodum facile evenire poterat ob consuetam hæreticorum omnium indolem, qui dummodo veræ advenirent Ecclesie, etiam cum aliis, a quibus tetero qui dissentiant, hæreticis fœdus inire solent, ita maximum Africanæ Ecclesie incommodum minitabatur. Quamobrem visum fuit Ecclesie utile, ut Donatistæ, quoad fieri posset, etiam remissa paulisper pristina disciplinae severitate, allicerentur ad unitatem; atque hæc cura, ac sollicitudo potissimum movere debebat Episcopos illos, in quorum diocesis Donatistæ morabantur. Commendata propterea res eisdem Episcopis in Concilio fuit, adjecta etiam potestas, ut si iidem negligentes fuerint, alius autem Episcopus ad unitatem Donatistas adduxerit, diligentiori Episcopo conversus populus cederet; nisi tamen forte fraus intervenisset, quæ semper abesse debet præsertim in hujusmodi negotiis Ecclesiarum, ac propterea Episcoporum quorundam iudicio reservatum erat, ut ab fraude cognoscerent dicto can. 19. cau. 16. q. 3. intererat autem plurimum controversiam omnem brevi tempore finire, ne forte ea occasione rursus schismata suborirentur, & graviora Ecclesie undequaque contulisse pericula imminerent; atque ideo non Synodorum erat expectanda sententia, quemadmodum expectabatur in ceteris causis, sed vel Primas Provincie, seu Metropolitanus (idem enim erat apud Africanos) iudices ipse constituebat, vel ipsimet Episcopi contententes iudices ex voluntate eligebant, a quibus omnis provocatio denegabatur dicto can. 19. & 33. cau. 2. q. 6.

Can. 35. cau. 2. q. 6. habetur in can. 22. Concilii ejusdem Milevitani, quem idem Gratianus rursus descripsit in can. 34. cau. 11. q. 3. Eadem omnino constituta sunt in Concilio Carthaginensi anni 419. sub Aurelio can. 28. his verbis, quæ habentur tum in Concilio Carthaginensi Dionysii Exigui, tum in Codice can. Ecclesie Africanæ apud Justellum can. 28. Item placuit, ut Presbyteri, Diaconi, vel ceteri inferiores Clerici, in causis, quas habuerint, si de iudiciis Episcoporum suorum questi fuerint, vicini Episcopi eos cum consensu sui Episcopi audiant, & inter eos definitur adhiberi ab

Can. 35.
can. 2.
quod. 6.
can. 34
can. 11
qu. 3.

eis *Episcopi*: quod si & ab eis provocandum putaverint, non provocent ad transmarina iudicia, sed ad Primates suarum Provinciarum, aut ad universale Concilium, (intellige de universali solius Africæ juxta vulgatam loquendi formulam apud Africanos Episcopos) sicut & de Episcopis constitutum est. Ad transmarinam autem qui putaverit appellandum, a nullo intra Africam ad communionem suscipiatur. Eadem ipsa repetuntur in cap. 125. Non est omittendum hoc in loco, quomodo in hac appellationum materie sese gesserit Africana Ecclesia, ut qualis capiendi sit hujus can. interpretatio, percipiatur. Cum frequentissimi Ecclesiastici conventus tunc temporis fierent in Africa, non tantum in quibuscumque Provinciis, verum etiam ex universa illa natione, facile videbatur Africanis Episcopis posse, quæcumque emergerent, causas Ecclesiasticas in Africa ipsa absolvi, etiam denegata quacumque appellatione ad Provincias transmarinas. Hinc in suis Conciliis frequentissime statuerunt causas omnes in Africa terminandas esse: sic in memorato Concilio Milevitano can. 22. seu can. 94. cau. 2. q. 6. item in Concilio Carthaginiensi anni 418. qui relatus est in Codicem can. Ecclesiæ Africanæ can. 125. in editione Justelli, cujus verba omnino consonant cum verbis Gratiani in dicto can. 35. Cum vero anno 419. novum celebraretur in Africa Concilium, cui præsentem aderant legati Romanæ Ecclesiæ, propositum est a legatis, ut decerneretur, liberam esse debere appellationem ad Romanam Ecclesiam ab Africanis Provinciis, asserentes id omnino jam constitutum fuisse in Nicæno Concilio. Africani Antistites responderunt quidem se omnia Nicænæ Synodi constituta servare, attamen dubitare se, utrum hæc, quæ de appellationibus proferebantur, fuissent in Nicæno Concilio definita. Nos servaturos profiteamur (ita agebat Alypius Episcopus Tagastensis) quod in Nicæno Concilio constitutum est, adhuc tamen me movet, quomodo cum inspiceremus Græcæ exemplaria hujus Synodi Nicænæ, ista ibi, nescio qua ratione, non invenimus. Hinc postulatum est, ut legati mitterentur Constantinopolim, Alexandriam, & Antiochiam, unde a Quæ Nicænæ Synodi integra cum canonibus haberi possent, etiam exorantes Pontificem Maximum Romanum, ut & ipse omnem sollicitudinem in obtinendis Ni-

cænæ optimis exemplaribus conferret; interea vero liceret unicuique Provinciæ morem suum servare; in eadem etiam fuit sententia Augustinus Hipponensis, qui Concilio subscripsit adposita clausula: *salva diligentiore inquisitione Concilii Nicæni*; in hoc itaque Concilio, duxeretur controversia de Nicænorum canonum integritate, constituta ea sunt, quæ nuper referebam de appellationibus ad transmarinas Provincias non interponendis; imo Africani eo validius constitutis suæ Provinciæ legibus postmodum adhæserunt, quo clarius ex authenticis exemplaribus agnoverunt nihil tale in Nicænis canonibus contineri. In errore facti versabantur, qui Nicænos can. proposuerant; etenim Sardicensis Concilii statuta pro Nicænis habuerunt, quod facile contingere potuit, vel quod Sardicense Concilium tamquam Nicæni appendix vulgo haberetur, vel quod Sardicensis Concilii can. in Codicibus can. & Conciliorum subiecti Nicænis haberentur. Revera Romani legati publice in Concilio Carthaginiensi legerunt ad eam rem can. 7. Concilii Sardicensis, quem Nicæni Concilii can. esse dixerunt. Itaque si Africana Ecclesia Concilii Sardicensis decreta æque, ac Nicæni Concilii can. recepit, non est dubitandum, quin disciplinam suarum Provinciarum Sardicensibus can. accommodaverit, quoties statuta Sardicensia addidicerit; quandoquidem non aliter appellationes interdixit ad transmarinas Provincias, quam salva diligentiore inquisitione Concilii Nicæni. Num deinde aliud Africanis Episcopis placuerit, num hunc facti errorem agnoverint; num etiam a sua disciplina, quam in memoratis can. constituerant, omnino recesserint, prorsus ignoro. Tantum dixerò Collectores can. Africanos Concilii Sardicensis constitutiones etiam in hac appellationum parte in suos Codices retulisse, quare verosimile admodum crediderim etiam hosce Sardicenses canones fuisse in Africana Ecclesia receptos. Id constat ex Fulgentio Ferrando in cau. 99. Breviarii ibi: *ut adjudicatus Episcopus ad Apostolicam sedem, si voluerit, appellet. Concil. Sardic. tit. 5. Et Crisconius in Breviario cap. 149. ut inter discordes Episcopos Comprovinciales Antistites audiant: quod si damnatus appellaverit Romanum Pontificem, id observandum, quod ipse consuerit. Concil. Sardic. tit. 3.* Itaque apparet ex his notis tam-

dem

dem aliquando fuisse Africanæ Ecclesiæ Sardicenses can. qui antea Nicænorum nomine laudabantur; ita vero receptos, ut Episcoporum quidem appellationes liqueat omnino admittas fuisse, de aliorum vero inferiorum Clericorum appellationibus liquido non constat, quando tamen de Clericis inferioribus contra tantum fuerat in dicto can. 35. cau. 2. q. 6. demum ita receptas Episcoporum appellationes, ut tota res arbitrio prudentiæque Pontificis Maximi reservaretur, juxta illa Grisonii verba: *id observandum, quod ipse censuerit.*

Can. 42.
can. 11.
qu. 1.
juncta
qu. 2.
can. 17.

Jam observaverunt Romani Corredores can. 42. cau. 11. q. 1. non haberi in Concilio Milevitano, sed potius in Concilio Toletano, quod tertium dicunt anni 589. in quo hæc leguntur can. 13. *Disturna indisciplina, & licentia inelita presumptio eo usque illicitis ansibus aditum patefecit, ut Clerici Conclerici suo neglecto Pontifice ad judicia publica pertrahant; proindeque statuimus, hoc de cetero non presumi; sed si quis hoc facere presumpserit, & causam perdat, & a communionis officio extraneus.* Ex his Gratiani fragmentum emendandum erit. De Toletano illo Concilio nihil hoc locodixero, cum inferius de eodem sermo sit instituendus. Tantum observabo, Concilium illud maximæ auctoritatis in Hispania fuisse, quod non solum ejus can. fuerint a pluribus Episcopis editi, sed etiam fuerint speciali Recaredi Regis edicto, & subscriptione confirmati. Facile est autem conjicere, quæ de causa hoc Toletani Concilii fragmentum fuerit nomine Milevitani Concilii a Gratiano laudatum. Etenim in Milevitano Concilio nonnulla similia leguntur in can. 19. ubi Clericis interdicitur, ne relicto Episcoporum suorum arbitrio, forenses strepitus litium causa exquirant. Quamobrem facile fuit studiosum quendam ad marginem dicti can. Toletani apposuisse nomen Concilii Milevitani, ut indicaret in Concilio Milevitano nonnulla similia haberi, Gratianum deinde, aut quemvis alium marginalem adjunctionem can. inscripsisse, quasi can. revera ad Concilium Milevitanum referendus esset. Idem Gratianus hoc ipso can. dissimulat quæstionem 2. ejusdem causæ 11. in qua tamen semper habenda erunt in conspectu verba ipsius can. ne forte Concilio Toletano assignantur, quod a Toletanis Patribus statutum minime fuerat. Ad hunc can. respexit Innocentius

Tom. 1.

III. in cap. 12. de forecompetenti, quod etiam nomine Milevitani Concilii commemoravit.

Can. 2. cau. 16. q. 6. habetur eisdem *Can. 2. omnino verbis in can. 21. Concilii Mi-* *can. 16. levitani, ubi tamen quandam codicum qu. 6. varietatem adnotarunt Romani Corredores. Eadem omnino confirmata sunt in Concilio Carthaginensi anni 418. uti patet ex Codice Ecclesiæ Africanæ apud Justellum, ubi can. 120. eadem leguntur, & in posterioribus verbis: Si autem illa aliquam quæstionem rotulerit per Episcopos judices causa finiatur, siue quæcuique Primates dederint, siue quos ipsi vicinos ex consensu delegerint; quæ etiam verba habentur in can. 120. Concilii Carthaginensis Dionysii Exigui. Atque hæc omnia de iudicibus eligendis, aut a Primate petendis in causa Episcoporum, & Dioceseos occupandæ intelligenda sunt juxta ea, quæ nuper diximus ad can. 19. & 33. cau. 2. q. 6.*

Can. 3. cau. 32. qu. 7. habetur in can. *Can. 5. 17. Milevitani Concilii; cum quo licet can. 32. Gratianus omnino consonet, attamen e-* *q. 7. jus postrema verba omisit; etenim in Concilio post illa: ad penitentiam redigatur, ita sequitur: In qua causa legem Imperialem petendum promulgari.* Quæ sane clausula maxime opportuna tunc temporis videbatur, quum Romanæ veterum Imperatorum leges existerent, quibus divortia nonnullis in casibus fieri ita permetteretur ut liceret dimittentibus, & dimissis, nova conjugia contrahere. Idem can. jampridem constitutus fuerat in Concilio Carthaginensi sub Aurelio Honorio 7. & Theodosio 2. Augustis consulibus, siue anno 407. quemadmodum constat ex can. 102. Codicis Ecclesiæ Africanæ apud Justellum, & in can. 102. Concilii Carthaginensis apud Dionysium Exiguum ibi: *Placuit, ut secundum Evangelicam, & Apostolicam disciplinam neque dimissus ab uxore, neque dimissa a marito alteri conjungatur, sed ita maneant, aut sibi inter reconcilientur, quod si contempserint, ad penitentiam redigantur, in qua causa legem Imperialem petendum promulgari.*

Ab initio ajebam in Concilio Milevitano non tam plura ad disciplinam Ecclesiasticam pertinentia capita definita fuisse, quam etiam adversus Pelagii, & Cœlestii dogmata de vi divinæ gratiæ, & liberi arbitrii. Quæ huc usque retuli capita disciplinam Ecclesiasticam spectant; verum alia sunt apud Gratia-

Z

num,

Ca. 152.
153. 154.
155. 156.
de conf.
dist. 4.

num, quæ doctrinam fidei adversus Pelagium continent, uti sunt can. 152. 153. 154. 155. & 156. de cons. dist. 4. qui omnes habentur in can. 1. 2. 3. 4. & 5. ejusdem Concilii Milevitani. In inscriptione tamen can. 152. apud Gratianum legendum est: cui *interfuit Augustinus, & Afellus Romana Ecclesia legatus*, non, uti scripsit Gratianus, & *Anselmus Romana Ecclesia legatus*. Hi omnes can. recepti primum fuerunt in universa Africana Ecclesia, confirmatique in Concilio Carthagenensi sub Aurelio an. 418. can. 1. & sequentibus, quemadmodum constat ex can. 108. & sequentibus Codicis can. Africanæ Ecclesiæ apud Justellum, & Concilii Carthagenensis apud Dionysium Exiguum; ubi eadem omnino leguntur. Atque e-

zinde colligitur errare illos, qui putant hosce can. non in Milevitano, sed potius in Carthagenensi Concilio fuisse conditos, etenim in Carthagenensi Concilio potius confirmati sunt ex generali Africanorum omnium Episcoporum consensione, quemadmodum & alii can. quamplures Conciliorum peculiaris aliquus Provinciæ in generalibus Africæ Conciliis confirmari solebant. Doctrina autem in eisdem can. constituta generali dein totius Ecclesiæ judicio probata est, cum Pelagiani, & Cœlestiani communi catholicorum omnium suffragio damnati fuerint, receptaque ea omnia, quæ adversus illos præsertim S. Augustino Duce decreta fuerant saluberrime juxta Sacræ Scripturæ dogmata, & veterum Patrum traditiones.

C A P U T XVII.

De Conciliis pluribus Toletanis.

Sub uno capite opus est omnia Toletanæ Ecclesiæ Concilia a Gratiano commemorata congerere, vel quia rei ordo commodior hac in parte videtur, vel quia apud Gratianum non omnia Conciliorum Toletanorum capita suis singula Conciliis, & servata temporum serie tribuuntur. Subjicio Canones Gratianæos.

Ex Concilio Toletano I.

- Can. 4. dist. 34. ad meliorum Codicum fidem exigendus.*
- Can. 68. dist. 50. paullo varius in diversis exemplaribus.*
- Can. 4. dist. 51. ad meliorum Codicum fidem exigendus.*
- Can. 7. dist. 54. aliter descriptus apud Martinum Bracarensem, quam in Concilio Toletano legatur.*
- Can. 26. cau. 11. qu. 3. fere consonat cum vulgatis Concilii exemplaribus.*
- Can. 21. cau. 24. q. 3. ad meliorum Codicum fidem exigendus.*
- Can. 27. cau. 27. q. 1. paullo varius in diversis exemplaribus.*
- Can. 10. cau. 33. q. 2. consonat cum vulgatis Concilii exemplaribus.*
- Can. 20. de cons. dist. 2. paullo aliter descriptus in vulgatis exemplaribus.*

Ex Concilio Toletano II.

- Can. 5. dist. 28. paullo aliter in integris Concilii exemplaribus legitur.*

Ex Concilio Toletano III.

- Can. 11. dist. 44. consonat cum vulgatis Concilii exemplaribus.*
- Can. 14. dist. 54. ad integra Canonum exemplaria exigendus.*
- Can. 2. cau. 10. q. 1. paullo aliter exhibetur in exemplaribus Concilii.*
- Can. 6. cau. 10. q. 3. paullo aliter in diversis exemplaribus.*
- Can. 63. cau. 12. q. 2. ad meliorum Codicum fidem exigendus.*
- Can. 69. cau. 12. q. 2. jam a Romanis Correctoribus restitutus.*
- Can. 73. cau. 12. q. 2. consonat cum vulgatis Concilii exemplaribus.*
- Can. 28. cau. 13. q. 2. ex Concilii ipsius exemplaribus supplendus.*
- Cau. 16. cau. 32. q. 2. ex Concilii ipsius exemplaribus supplendus.*
- Can. 2. de cons. dist. 3. ex Concilii ipsius exemplaribus supplendus.*
- Can. 3.*

- Can. 3. dist. 25. ex vulgato Concilii canone supplendus.
 Can. 3. dist. 28. paullo varius in diversis exemplaribus.
 Can. 1. dist. 38. paullo varius in diversis exemplaribus.
 Can. 2. dist. 38. paullo aliter legitur in vulgatis Concilii exemplaribus.
 Can. 5. dist. 45. consonat omnino cum vulgatis Concilii exemplaribus.
 Can. 5. dist. 51. paullo varius in diversis exemplaribus.
 Can. 5. dist. 54. consonat omnino cum vulgatis Concilii exemplaribus.
 Can. 7. dist. 77. ex vulgato Concilii canone supplendus.
 Can. 30. dist. 81. paullo aliter legitur in vulgatis Concilii exemplaribus.
 Can. 8. dist. 87. in nonnullis editis Codicibus emendandus.
 Can. 20. dist. 93. consonat cum vulgatis Concilii exemplaribus.
 Can. 7. cau. 1. q. 4. consonat cum vulgatis Concilii exemplaribus.
 Can. 24. cau. 2. qu. 7. consonat cum vulgatis Concilii exemplaribus.
 Can. 6. cau. 10. qu. 1. jungendus cum canone 60. cau. 16. q. 1.
 Can. 11. cau. 10. qu. 1. paullo varius in diversis exemplaribus.
 Can. 1. cau. 12. qu. 1. paullisper dissonat a vulgatis Concilii exemplaribus.
 Can. 39. cau. 12. qu. 2. consonat cum vulgatis Concilii exemplaribus.
 Can. 58. cau. 12. qu. 2. fere consonat cum vulgatis Concilii exemplaribus.
 Can. 61. cau. 12. qu. 2. consonat cum vulgatis Concilii exemplaribus.
 Can. 65. cau. 12. qu. 2. consonat cum vulgatis Concilii exemplaribus.
 Can. 66. cau. 12. qu. 2. consonat cum vulgatis Concilii exemplaribus.
 Can. 60. cau. 16. qu. 1. jungendus cum can. 6. cau. 16. q. 1.
 Can. 3. cau. 16. q. 3. jungendus cum can. 2. cau. 16. q. 5.
 Can. 4. cau. 16. q. 3. consonat cum vulgatis Concilii exemplaribus, si adjiciuntur nota Correctorum Romanorum.
 Can. 2. cau. 16. q. 5. jungendus cum can. 3. cau. 16. q. 3.
 Can. 30. cau. 16. qu. 7. ex vulgatis Concilii exemplaribus supplendus.
 Can. 31. cau. 17. qu. 4. ad meliorum exemplarium integritatem exigendus.
 Can. 1. cau. 18. qu. 2. ad meliorum exemplarium integritatem exigendus.
 Can. 1. cau. 19. qu. 1. consonat cum vulgatis Concilii exemplaribus.
 Can. 5. cau. 23. qu. 8. paullo varius in diversis exemplaribus.
 Can. 29. cau. 23. qu. 8. consonat cum vulgatis Concilii exemplaribus.
 Can. 5. cau. 26. qu. 5. paullo varius in diversis exemplaribus.
 Can. 7. cau. 27. q. 1. pertinet potius ad Concilium Parisiense 5. anni 615.
 Can. 10. cau. 28. q. 1. consonat cum vulgatis Concilii exemplaribus.
 Can. 11. cau. 28. q. 1. ex aliis Codicibus explicandus.
 Can. 12. cau. 28. q. 1. consonat cum vulgatis Concilii exemplaribus.
 Can. 54. de conf. dist. 1. paullo varius in diversis exemplaribus.
 Can. 85. de conf. dist. 4. ex integris Concilii exemplaribus supplendus.
 Can. 94. de conf. dist. 4. consonat cum vulgatis Concilii exemplaribus.

Ex Concilio Tolerauo IV.

*Pars prima. Cap. XVII.***Ex Concilio
Toletano VI.**

- Can. 9. cau. 3. qu. 9. supplendus ex vulgatis Concilii exemplaribus.
 Can. 64. cau. 12. q. 2. jungendus cum can. 65. cau. 12. q. 2.
 Can. 72. cau. 12. qu. 2. paullo aliter legitur in exemplaribus Concilii.
 Can. 2. cau. 20. qu. 3. hodie consonat cum vulgatis Concilii exemplaribus.
 Can. 19. cau. 33. qu. 3. paullo aliter legitur in vulgatis Concilii exemplaribus.

**Ex Concilio
Toletano VII.**

- Can. 16. cau. 7. q. 1. paullo varius in diversis exemplaribus.
 Can. 8. cau. 10. q. 3. paullo varius in diversis exemplaribus.

**Ex Concilio
Tolet. VIII.**

- Can. 1. dist. 13.
 Can. 1. cau. 32. qu. 1.
 Can. 1. cau. 22. qu. 4.
 Can. 9. cau. 22. qu. 4.
 Can. 14. cau. 22. qu. 4.
 Can. 15. cau. 22. qu. 4.
 Can. 7. cau. 1. qu. 1. paullo aliter legitur in vulgatis exemplaribus Concilii.
- simul jungendi omnes, & commodæ interpretatione ex actis ipsiusmet Concilii illustrandi.

**Ex Concilio,
Toletano IX.**

- Can. 4. dist. 54. consonat omnino cum vulgatis Concilii exemplaribus.
 Can. 74. cau. 12. q. 2. paullo varius in diversis exemplaribus.
 Can. 2. cau. 12. q. 3. jungendus est cum can. 1. cau. 12. q. 4.
 Can. 4. cau. 12. q. 3. supplendus ex Concilii exemplaribus.
 Can. 1. cau. 12. q. 4. jungendus est cum can. 2. cau. 12. q. 3.
 Can. 3. cau. 15. qu. 8. paullo aliter legitur in exemplaribus Concilii.
 Can. 10. cau. 16. q. 3. consonat cum vulgatis Concilii exemplaribus.
 Can. 31. cau. 16. qu. 7. supplendus ex integris Concilii exemplaribus.
 Can. 32. cau. 16. qu. 7. supplendus ex integris Concilii exemplaribus.

**Ex Concilio
Tolet. X.**

- Can. 6. dist. 89. supplendus ex integris Concilii exemplaribus.
 Can. 16. cau. 20. qu. 1. supplendus ex integris Concilii exemplaribus.
 Can. 1. cau. 20. qu. 2. supplendus ex integris Concilii exemplaribus.
 Can. 36. cau. 27. qu. 1. & Romanis Correctoribus restitutus.

**Ex Concilio
Tolet. XI.**

- Can. 13. dist. 12. consonat cum vulgatis Concilii exemplaribus.
 Can. 6. dist. 23. paullo varius in diversis exemplaribus.
 Can. 101. cau. 1. qu. 1. paullo varius in diversis exemplaribus.
 Can. 3. cau. 5. qu. 4. varius in diversis Concilii exemplaribus.
 Can. 15. cau. 7. qu. 1. fere consonat cum vulgatis omnibus Concilii exemplaribus.
 Can. 30. cau. 23. qu. 8. jungendus cum can. 29. cau. 23. q. 8.

**Ex Concilio
Tolet. XII.**

- Can. 17. dist. 34. consonat omnino cum vulgatis Concilii exemplaribus.
 Can. 25. dist. 63. supplendus ex vulgatis Concilii exemplaribus.
 Can. 35. cau. 17. qu. 4. supplendus ex vulgatis Concilii exemplaribus.

Ex eodem
Tolet. XII.

- Can. 21. cau. 32. qu. 5. consonat cum vulgatis Concilii exem-
plaribus.
Can. 11. de conf. dist. 2. paulo aliter habetur in vulgatis Con-
cilii exemplaribus.

Ex Concilio
Tolet. XIII.

- Can. 13. cau. 26. qu. 5. partim referendus ad 17. Concilium
Toletanum.

Ex Concilio
Tolet. XVI.

- Can. 17. dist. 18. supplendus ex integris Concilii exemplaribus.
Can. 3. cau. 10. qu. 3. supplendus ex integris Concilii exemplaribus.

Sequuntur ca-
nones Toletani
Concilii nomi-
ne laudati.

- Can. 14. dist. 23. pertinet potius ad Concilium Hispalense II.
Can. 6. dist. 54. potius ex Capitularibus Francorum.
Can. 8. dist. 54. jungendus cum can. 6. dist. 54.
Can. 9. cau. 10. qu. 1. potius ex Concilio Triburiensi sub Re-
ge Arnulpho.
Can. 24. cau. 11. qu. 1. Ex Burchardo Wormaciensi, vel ex
Concilio Aquisgranensi.
Can. 31. cau. 12. qu. 2. apocriphus, sive a quodam canonum
studio compositus.
Can. 54. cau. 16. qu. 1. exhibet potius disciplinam Ecclesie Gallicane.
Can. 43. cau. 16. qu. 7. consonat cum disciplina octavi, aut noni seculi.
Can. 34. cau. 27. qu. 2. pertinet potius ad Concilium Troslejanum.

IN Toletana Urbe, quæ totius Hispa-
niæ præcipua Metropolis est, multis
nominibus præclarissima, quamplures
venerabiles Synodos celebratas fuisse, &
quidem recentioribus Collectoribus sa-
cerorum canonum valde familiares erudi-
ti omnes passim agnoverunt, proinde-
que in illis germana ut plurimum ve-
terum doctrina continetur. Quamquam
tamen apud viros eximios, etiam Hispa-
nos, & Hispanicarum rerum explorato-
res solertissimos, qualis inter ceteros
fuit Gaspar Loaisa supervacanea fuerit
solicitudo, & inanis labor in omnibus
Toletanis Conciliis exquirendis, ad quæ
vulgatos Collectorum omnium canones,
commode referrent, nihil minus dabo
operam, ut, quoad fieri poterit, Gra-
tiani fragmenta, suis unaquæque Con-
ciliis tribuantur.

De Canonibus Concilii Toletani I.

Concilium Toletanum I. apud omnes
Collectores dicitur, quod celebratum est
anno 400, idemque, uti conjiciunt viri
eruditi, non Provinciale fuit sedius To-
letanæ Dioceseos, sed Nationale totius
Hispaniæ, ad quod convenerunt Episco-
pi numero novemdecim, Præsidente Pa-
truino, seu, ut alii vocant, Patrono
Emeritenfis Ecclesiæ Episcopo, & qui-
dem Catholici omnes, qui adversus Pri-
scillianitarum hæreses, quemadmodum
in eodem Concilio dicitur, acerrime,

strenueque pugnaverant. Generali hinc
totius Hispaniæ Concilio occasionem de-
derat lapsus gravissimus Ecclesiasticæ di-
sciplinæ fere ad interitum deductæ,
quam propterea necesse fuerat repara-
ri, aut etiam, si fieri posset, omnino
restitui. Quoniam singuli capimus (ajunt
Toletani Patres) in Ecclesiis nostris fa-
cere diversa, & inde tanta scandala
sunt, quæ usque ad schisma perveniunt,
si placet, communi Concilio decernamus,
quid ab omnibus Episcopis in ordinandis
Clericis sit sequendum. Hanc ad rem vi-
ginti capitula constituta sunt, quæ a
Collectoribus Conciliorum referuntur. Can. 4.

Ex his numero decimumseptimum est, dist. 34.
quod refertur apud Gratianum in can. 4.
dist. 34., cujus tamen verba ita potius
describenda fuerant, quemadmodum in
Codicibus optimis habentur: Siquis ha-
bens uxorem fidelem, legunt alii: Si-
quis habens uxorem fidelem, si concubi-
nam habeat non communicet. Ceterum
qui non habet uxorem, & pro uxore con-
cubinam habet, a communione non repel-
latur; tantum ut unus mulieris, aut
uxoris, aut concubina (ut ei placuerit)
sit conjunctione contentus, alias vero vi-
vens abiciatur, donec desinat, & per
penitentiam revertatur. Nonnulli recen-
tiores in canonis hujus, & similium in-
terpretatione laborant, quod veteris con-
cubinatus naturam perspectam satis non

habeant. Porro triplex apud veteres fuit genialis thalamus, alius cum uxore, alius cum concubina, alius demum cum uxore simul ac concubina. Prior dicebatur iustus, seu jure probatus, ex quo qui progeniti erant iusti liberi, ac legitimi appellabantur. Alter erat a lege permissus, quasi nuptiæ minus solennes, & juxta meras naturæ leges nulla juris celebritate contractæ, ex quibus propterea qui nascebantur, naturales liberi vocabantur. Postremus erat omnino lege interdictus, quasi adulterium; unde injustos, illegitimos, & spurios liberos a naturalibus lege Romana discretos fuisse facile animadvertunt quicumque vel solas Romanæ Jurisprudentiæ institutiones apprehenderint. Etenim Romani veteres triplex justum conjugium dixerunt, vel quod per confarreationem solemnibus juris adhibitis contrahebatur, vel per legitimas stipulationes, siue coemptionem viri & uxoris fiebat, vel demum per usucapionem, quatenus leges duodecim tabularum constituerant, ut si quis sane solemnitatibus juris, aut sine stipulatione sociam vitæ sibi adsciverit, eam tamquam legitimam uxorem haberet, dummodo per annum integrum vitæ communionem servassent; siquidem elapso anno ita uterque simul congressi eo animo præsumebantur, ut iusti vir & uxor esse vellent, in qua sane voluntate, atque consensu communi omnium suffragio matrimonii, & nuptiarum natura potissimum sita erat. Itaque quousque nondum præterlapsus fuerat annus, non matrimonium, non uxor, sed concubinatus, & concubina appellabatur, concubinatus, inquam, per quem ad legitimum matrimonium via parabatur; concubina, quæ tandem uxor iusta, & legitima futura fuisset. In hac disciplinæ juris qualitate, quis concubinatum priorum Ecclesiæ sæculorum improbare poterit, aut etiam damnare, quousque nullæ adhuc proditiæ leges fuerant, quibus constitueretur, nuptias nonnisi solemniter contrahi? Improbare potius debuerit concubinatus ipsius abusus, quando scilicet eo animo concubinam quispiam sibi lociaret, ut ab ea recessurus ante annum esset; neque enim facile hanc concubinatus speciem a stupro distinguerem, ipsi etiam Romanis legibus damnato; aliud tamen de concubinatu ipso sentiendum erit.

Can. 68. Ex canone 2. ejusdem Concilii restit. *dist. 50.* tenenda sunt verba canonis 68. *dist. 50.*

hoc modo: *Item placuit, ut de pœnitente non admittatur* (legunt alii: *ut pœnitentes non admittantur*) *ad Clerum, nisi tantum si necessitas, aut usus exegerit, inter Officiarios deputetur* (legunt alii: *& tunc inter Officiarios deputentur*), *vel inter Lectores, ita ut Evangelia, & Apostolum non legat. Siqui autem ante ordinati sunt Diacones, inter Subdiacones habeantur, ita ut manum non imponant, aut sacra non contingant. Pœnitente vero dicimus de eo,* (legunt alii: *Eum vero pœnitentem dicimus*), *qui post baptismum aut pro homicidio, aut pro diversis criminibus, gravissimisque peccatis publicam pœnitentiam gerens sub cilicio,*) legunt alii: *sub Concilio*) *divino fuerit reconciliatus altario.* Duo in hoc canone habemus disciplinæ Ecclesiasticæ argumenta. Primum ex eo eruimus, quod dicatur pœnitentes non posse ad Clerum promoveri, & vix, ubi necessitas postulaverit, inter Lectores posse recenserī, ita tamen, ut Evangelia, & Apostolum non legant. Quippe in Ecclesia triplex erat, & distinguebatur lectio; alia Evangelii, alia Epistolarum Sancti Pauli, alia ceterorum Codicum Ecclesiasticorum sive ad veteris testamenti historiam, sive ad mores informandos, sive ad martyrum acta pertinentium. Prior solis Diaconis reservabatur, altera Subdiaconis; postrema etiam Lectoribus in minori ordine constitutis concedebatur. Secundum ex eo deducimus, quod dicatur, Pœnitentes Diaconos in Subdiaconorum gradum deduci, ut manus minime imponant. Hæc porro manuum impositio, quæ Diaconis in Subdiaconorum gradum dejectis non conceditur, non hujusmodi esse intelligitur, quasi Diaconis manus imponendi, idest absolvendi pœnitentes facultas competere. Referenda hæc sunt ad ceremoniam quandam impositionem manuum, qua totius Ecclesiæ consensus designabatur. Solebant enim omnes sive Presbyteri, sive Diaconi, dum Episcopus manus pœnitentibus imponebat absolutionis, reconciliationisque gratia, etiam ipsi manus imponere, quemadmodum etiam hodie consuetudo hujusmodi viget in ordinationibus Presbyterorum, in quibus cum Episcopus ordinat, & manus imponit, ceteri quoque Sacerdotes, qui adsunt, manus imponere jubentur. Illa itaque ceremonialis manuum impositio supra pœnitentes, quemadmodum insignem ac præcellentem pote-

potestatem indicabat, illis Diaconis denegata fuit, qui ob grave aliquod crimen in Subdiaconorum gradum dejecti fuerant.

Can. 4. In can. 4. dist. 51. habetur can. 3. dist. 51. ejusdem Concilii, cujus hæc verba sunt:

si quis post baptismum militaverit, & chlamydem sumserit, aut cingulum, etiamsi graviora non admiserit, si ad Clerum admissus fuit, Diaconi non accipiat dignitatem. Chlamys genus erat vestis militaris, quam ita describit S. Isidorus Hispalensis lib. 19. Originum cap. 24. *Chlamys est, qua ex una parte induitur, neque consuitur, sed fibula infrenatur.* Cingulum vero erat militaris illa zona, qua Chlamys eadem colligebatur. In hoc canone finis Toletanorum Patrum fuit, eos a Clericis Superioris gradus excludere, qui militiæ assueverant. Cum enim sibi proposuissent Toletani Antistites de Sacrorum præsertim ministrorum ordinationibus plura constituere, quorum mores non satis erant exacti ad Ecclesiasticarum legum regulas, illud omne a Clericorum animis arcere voluerunt, quod posset illos ad schismata, aut dissensiones Ecclesiæ maxime perniciosas inducere; quod sane non satis curassent, si eos ad Clericalem militiam facile promovissent, qui pertractandis armis diutius incubuerant; præsertim cum ea ætate apud Hispanos milites essent exercitatissimi, occasionem præbentibus Gothis, & Vandalis, quorum anceps fortuna novis in dies certaminibus causam suppeditabat; ideoque quisquis tum armatam militiam professus fuerat, prout ad bella, & paratum ad omnes contentiones animum vel usu ipso induerat. Quod autem militibus ad gloriam & laudem esse poterat, Clerico inconueniens erat, præsertim apud illos Episcopos, qui, ut præfatus sum, suborientia Clericorum schismata extinguere meditabantur.

Can. 7. Non est hoc in loco omittendus can. dist. 54. 7. dist. 54., licet apud Gratianum referatur sub nomine Concilii Martini Papæ; ille enim habetur in can. 10. Concilii Toletani 1. his verbis: *Clericos si qui obligati sunt, vel pro aquatione, vel genere alicujus domus non ordinandos, nisi probata vita fuerint, & Patronorum consensus accesserit.* Gratianus hoc fragmentum receperat ex Collectione Martini Bracarenfis, qui ut plurimum canones Conciliorum non ad literam, ut ajunt, sed adornata paraphrasi describe-

rat. Porro Martinus Bracarenfis in cap. 46. suæ Collectionis ita Toletanum canonem descripserat. *Siquis obligatus est tributo servili, vel aliqua conditione, vel patronio cujuslibet domus, non est ordinandus Clericus, nisi probata vita fuerit, & patroni consensus accesserit.*

Can. 26. cau. 11. qu. 3. habetur in can. 15. Concilii Toletani I., ubi Clericis, religiosisque viris interdicitur, ne cum excommunicatis ulla ratione communicent. Gratiani verba consonant cum Toletano canone, & vix in postrema parte vcula a Gratiani codice detrahenda erit, cum in Toletani Concilii exemplaribus desideretur, siquidem pro illis verbis Gratiani, *sive Laico quolibet, sive Clerico*, ita in Concilio Canonibus legitur: *sive Laico, sive Clerico.*

Plurimum a verbis, ac sententia can. 21. 11. Toletani dissonat Gratianus in can. 21. cau. 24. qu. 3., ita enim legendum esset ex melioribus Concilii ejusdem exemplaribus integris: *si quis de potenti- bus Clericum, aut quemlibet pauperiorem, aut religiosum expoliavit, & mandaverit ad ipsum Episcopum, ut eum audiat, & si contemserit, invicem mox scripta percurrant per omnes Provincia Episcopos, & quoscunque audire poterint, ut excommunicatus habeatur, donec audiatur, ut reddat aliena.*

Can. 27. cau. 27. qu. 1. hodie post Romanam Correctionem consonat omni no cum can. 16. Concilii Toletani I. juxta omnia edita exemplaria, dummodo pro illis verbis, *caste vixerit hæc potius legantur: caste vivere coeperit*: Gratianus etiam scripserat, *habentur in absentia, quæ verba Romani Correctiones ex recentioribus, ut ipsi ajunt, Conciliorum editionibus emendarunt hoc modo: habentur absentia.* Ceterum Martinus Bracarenfis, qui canones Hispanos in Hispania describebat, scripsit potius: *habeatur in absentia*, quemadmodum liquet ex cap. 31. collectionis ejusdem Martini.

De can. 10. cau. 33. qu. 2. nihil est, quod specialiter hic dicam. Consonat ille omnino cum can. 7. ejusdem Concilii Toletani.

Can. 20. de conf. dist. 2. pertinet ad can. 13. Concilii Toletani I., cujus verba hæc sunt: *De iis, qui intrant in Ecclesiam, & deprehenduntur nunquam communicare, admonentur; & si non communicant, ad penitentiam accedant: si comp.*

Can. 26. cau. 11. qu. 3.

Can. 21. cau. 24. qu. 3.

Can. 27. cau. 27. qu. 1.

Can. 10. de conf. dist. 2.

communicant, non super (idest insuper, live ulterius) abstineant : si non fecerint, abstineantur : ex quibus Gratiani fragmentum facile unusquisque emendabit.

De Canonibus Concilii Toletani II.

Sub Montano Toletano Civitatis Episcopo clarissimo celebrata est octo Episcoporum illius Provinciae Synodus, quae vulgo Toletana II. appellatur anno 5. Regis Amalarici, qui incidit in annum 531. Quid vero potissimum cordi fuerit Toletanis Patribus, iidem ipsi initio Concilii demonstrarunt his verbis: Cum in voluntate Domini apud Toletanam urbem Sanctorum Episcoporum praesentia convenisset, & de institutis Patrum, Canonumque decretis commemoratio haberetur, id nobis in unum positis placuit, ut si qua in antiquis canonibus minime commemorata sunt, salubri tractatu, ac diligenti consideratione instituantur. Si qua vero in anterioribus Conciliis sunt decreta, sub abusione temporum hactenus sunt neglecta, rediviva ordinationis censuram obtineant, quatenus dum in his, qua ad occultum fidei pertinent, studium religiosa observationis impendimus, Dei nostri misericordiam facilius impetremus. Quinque tantummodo canones in hoc Concilio editos habemus, quorum unum dumtaxat retulit Gratianus in can. 5. dist. 28. Is est canon primus in Concilio, ubi vulgati codices paullo aliter habent, quam legatur apud Gratianum. En verba ipsa Concilii: De iis, quae voluntas parentum a primis infantia annis clericatus officio mancipavit, statui-mus observandum, ut mox detonsi, vel ministerio electorum (Gratianus habet: Lectorum, quod probare videntur Romani Correctores agentes idipsum fere legi in Epist. Syricii ad Himerium cap. 9. Verba Syricii habentur in can. 3. dist. 77. sed forte utrobique nomen Lectorum idem significat, videlicet selectos viros, quorum custodiam, ac vigilantiam pueruli Ecclesiasticis rebus a Parentibus additi committebantur, quemadmodum sequentia mox verba Concilii Tolentani demonstrant) traditi, in domo Ecclesia sub Episcopali praesentia a Praeposito sibi debeant erudiri. At ubi octavumdecimum aetatis sua compleverint annum, coram totius Cleri, plebisque conspectu, voluntas eorum de expetendo conjugio ab Episcopo perscrutetur; quibus si gratia casti-

tatis Deo inspirante placuit, & professio-nem castimoniam suam absque conjugali necessitate sponderint servaturos; hi tamquam appetitores artificissima via, lenissimo Domini iugo subdantur, ac primo Subdiaconatus ministerium habitu probationis sua a vigesimo anno suscipiant; quod si inculpabiliter, ac inoffenso vigesimumquintum annum aetatis suae peregerint, ad Diaconatus officium, si sciens implere posse ab Episcopo comprobantur) promoveri debent. Cautum tamen est his, ne quando sua sponsionis immemores, ad terrenas nuptias, aut ad furivos concubitus ultra recurrant. Quod si forte fecerint, ut sacrilegii rei damnentur, & ab Ecclesia habeantur extranei. His autem, quibus voluntas propria interrogationis tempore desiderium nubendi persuaserit, concessam ab Apostolo sententiam auferre non possumus, ita ut cum perfecta aetatis in conjugio positi, renunciaturus se pari consensu operibus carnis sponderint, ad sacros gradus adspirent: Duo ex hoc canone deduci possunt. Primum, parentibus eam sexto adhuc saeculo potestatem fuisse, ut filiolos suos Ecclesiasticis officiis addicerent. Alterum, eodem tempore filiis eisdem talem potestatem fuisse, ut adolescentiores facti ab Ecclesiasticis officiis propria voluntate recederent, votumque paternum penitus frustrarentur. Est haec jurisprudentiae medii temporis disciplina: Etenim olim multo maior erat Parentum potestas, ut scilicet filios quomodocumque reluctantes in ipsis etiam Monasteriis Deo perpetuo dicarent; quemadmodum hodie penitus ab hac agendi ratione penitus recessum est. At sexto circiter saeculo ita sacri Antistites parentum potestatem moderabantur, ut etiam nonnihil filiorum voluntati concederent; ita etiam filios sub potestate esse voluerunt, ut plurimum voluntati Parentum tribuerent. Neque ex his forte quispiam deduceret, non eodem semper Dei spiritu Ecclesiam regi etiam in hisce Conciliis particularibus, ut vocant, Provinciarum, haec enim jurisprudentiae varietas non ex aliis aliquando principiis profecta est, quam ex varietate civilis juris, cui aliquando necessarium erat insistere, ut omnia commode, apte, appositeque componerentur. Porro quis ignorat apud Romanos veteres, eosque omnes, qui legibus Romanorum vivebant, maximam fuisse in filios potestatem parentum, adeo ut

ab ipsis re: tabularum legibus parentibus eisdem veniendandi, immo & occidendi impune filios concessa facultas amplissima fuerit. Tum vero quis non videat, parentum voto fuisse indulgentum, quoties illi filios suos etiam relictos in Monasteriis includerent, praesertim cum ea ratione melior fieri videretur liberorum conditio, quibus satius erat Deo dicatos esse, sacrisve muneribus addictos, quam tam austeræ parentum disciplinæ subijci, & forte ad perpetuum servitutis pondus aliquando veniendari. At posteriore ætate, postquam mores Romanorum a vetere servitute deflexerunt, ceperunt filii in naturalem libertatem quodammodo proclamare, etiam in hac parte gliscenti consuetudini locum fecerunt viri Ecclesiastici, æquum agnoscentes, nonnisi eos, qui vere consentiunt & volunt, Ecclesiasticis muneribus addici, ne forte Ecclesiæ detrimenta gravissima immineant. At, quemadmodum in ceteris rebus nunquam invicem inter se extrema jungantur, ita & in hac parte, non statim a severiore illa parentum potestate devectum est ad liberam filiorum voluntatem, sed partim potestati patriæ, partim liberorum voluntati concessum est, quod sane in dicto can. 3. dist. 28. facile agnoscimus.

De Canonibus Concilii Toletani III.

Celebratissimum est inter omnia Toletana Concilia, quod vulgo dicitur certium Toletanum; in illud enim universæ Hispaniarum Provincie confluebant, convenerantque Episcopi numero 78., atque inter ipsos quinque Metropolitæ, videlicet Toletanus, Hispalensis, Narbonensis, Bracarensis, & Emeritenus. Et quamquam non interveniat Archiepiscopus Tarratensis, tamen interfuerunt plures Episcopi Tarratensis Provincie, unde nonnulli ex eruditissimis suspicantur, tunc temporis Tarratensem Ecclesiam fuisse suo Archiepiscopo viduatam. Quod si præter Episcoporum numerum observemus & causas, quibus Concilium hoc fuit celebratum, etiam fide dignissimæ fuerunt generalis illius Regni Concilii; nempe æquidum erat de Gothi ab hæresi ad unitatem Catholicam adducendis, facta generalis totius fidei Christianæ professio, qua præsertim Arianam hæresim deinde reprobant, & quædam Priorum Ag-

neralium Conciliorum dogmata susceperunt. Et quidem res bene cessit ad fidei utilitatem, & incrementum, sed ibidem amplius progressi sunt Sancti Patres; siquidem 23. Canonibus confirmata fide ad disciplinam Ecclesiasticam restaurandam animum converterunt; cuius rei gratia totidem 23. canones ediderunt. Hocce Concilium celebratum est anno 589. Summum Ecclesiæ universæ Pontificatum tenebat Pelagius II., regnante autem in Hispania Reccaredo, qui optimus Princeps & Episcopus omnes, ut convenirent, alacrius, vehementiusque excitavit, & postquam convenerunt, munificentissime fovit, & editis in Concilio canonibus deinde omnino consensit, immo & propria manu subscripsit.

In hoc Concilio can. 7. habetur quidam omnino verbis can. 11. dist. 44. diff. 44. quo talis tradita est Clericis regula, ut exemplo ceteris essent, atque in divinis literis vel inter ipsas epulas eruditentur.

In can. 14. dist. 34. habetur can. 14. ejusdem Concilii Toletani. Sed Gratianus non integrum fragmentum retulit, quale in Concilio ipso expressum est. Agobatur ibi de publicis muneribus, quæ Judæis ad Christianorum injuriam non concederentur. Id potius videbatur Principis auctoritate constituendum. En integra canonis verba: *Suggestente Concilio id gloriosissimus Dominus noster canonibus inserendum præcipit, ut Judæis non liceat Christianos habere uxores, vel concubinas, neque mancipia Christiana comparare in usus proprios; sed & si qui filii ex tali conjugio (legunt alii: consorcio) nati sunt; assumendos esse ad baptismum. Nulla officia publica (ab his postremis verbis exorditur Gratianus) eis opus est agere, per quæ his accusa tribuatur potestatem Christianis inferre. Siqui vero Christiani ab eis Judaico ritu sunt maculati, vel etiam circumcisi, non redito pretio ad libertatem, & religionem redeant Christianam. En his itaque constat, hunc non propriæ canonem Concilii esse, sed legem Regni Concilii Canonibus insertam, subidentibus autem Episcopis a Principe constitutam.*

Can. 20. can. 101. quæ 11. referendos est ad can. 19. hujus Concilii Toletani, & ad ejus integritatem restituendus. Ita ibidem legitur: *Multi contra canonum constituta sic Ecclesias, quas ad servandam disciplinam possederant, ex dolo,*

Aa

quam

Can. 11. dist. 44.

Can. 14. dist. 34.

Can. 2. cap. 10. quæ 11.

quam si Ecclesia ecclesiastica, canonum ad Episcopi ordinationem non pertinere: Quod factum & in præteritum displicet, & in futuro prohibetur; sed omnia secundum constitutionem antiquam ad Episcopi ordinationem, & parochiam pertinent.

Can. 6. In can. 40. ex Toletanis habetur can. 6. cau. 10. q. 3., ejus tamen priora verba ita exprimuntur: Multorum quovis hanc constitutionem exigit. Quia co-

gnovimus Episcopos per Parochias suas non Sacerdotaliter deservire, sed crudeliter deservire &c. Præterea pro illis verbis a Parochiis habere in nonnullis Concilii exemplaribus legitur a Parochiis habere; Denum in postremis verbis illis: præsumptiones coercere legant alii: præsumptiones avertere; item alii: præsumptiones diversis coercere. Quod in hoc canone determinatur, ne Episcopi avaritiis diocesanos Clericos gravent, pertinet ad quasdam vehicula, quæ sibi parati jubebant Episcopi nonnulli, quoties Diocesim suam visitarent.

Emendandus est, & ad meliores Codices exigendus can. 63. cau. 12. qu. 2.; etiam hæc leguntur in can. 6. Toletano, ex quo ille depromptus fuerat: De libertatis autem id Dei præcipiunt Sacerdotes, ne si qui ab Episcopis facti sunt secundum modum, quo canones antiqui hanc licentiam, sine libere; & tamen a patrocinio Ecclesie tam ipsi, quam ab eis progeniti non recedant: Ab aliis quoque libertati traditi, & Ecclesiis commendati patrocinio Episcopali cogantur, a Principe hoc Episcopus postulat. Gratianus alienam omnino sententiam Patribus Toletanis adfinxit; cum enim Toletani Antiquiores loquuti fuissent de mancipiis Ecclesiarum libertate non donandis, Gratianus ita canonem interpretatus est, quasi statutum esset quidpiam de mancipiis alienis, qui ab Episcopo Presbyteri, vel Diaconi regulariter ordinari non debeant.

Can. 69. De can. 69. cau. 12. qu. 2. nihil est, cau. 12. quod specialiter dicam, postquam Romanorum Correctorum opera ad meliorum codicum fidem exactus est juxta can. 21. hujus Concilii Toletani, quemadmodum manifeste liquet ex eorundem notis, & observationibus can. ipsi subiectis.

Can. 73. Consonat præterea omnino cum can. 4. Toletano can. 73. cau. 10. qu. 2. ut nihil sit in eo, quod peculiari indigeat observatione.

Can. 13. Can. 28. cau. 13. qu. 2. habetur in cau. 2.

can. 22. ex Toletanis, ubi tamen observandum, hunc canonem potissimum ad corpora defunctorum religiosorum pertinere, non generatim Christianorum omnium; etenim priora verba can. Gratianus omisit, & sunt ex integris Concilii exemplaribus supplenda hoc modo: Religiosorum omnium corpora, qui divinis vocationibus ab hac vita vocantur &c. Non est tamen dubitandum, quin Toletani Patres exoptaverint, ut quod de religiosis constituebant, etiam de ceteris Christianis observaretur.

Can. 16. cau. 32. qu. 2. non integer Can. 16. refertur a Gratiano, qualis legitur in cau. 32. can. 10. Toletano. En verba Concilii: qu. 2.

„ Pro consultu castitatis, quod maxime
„ hortamento Concilii proficere debet,
„ annuente Domino nostro Gloriosissimo
„ Reccaredo Rege, hoc Sanctum adificat
„ Concilium, ut viduæ, quibus
„ placuerit tenere castitatem, nulla vi
„ ad nuptias iterandas venire cogantur.
„ Quod si priusquam profiteantur, nubere elegerint, illis nubant, quos propria
„ voluntate elegerint habere maritos. Similis conditio & de virginibus
„ habeatur, ne citra voluntatem Parentum, vel suam cogantur maritos accipere. Siquis vero propositum castitatis viduæ, vel virginis impedierit, a sancta communione, & a liminibus Ecclesie habeatur extraneus “.

Juvat præterea integrum referre can. Can. 2. 23. ejusdem Concilii, ut exinde supplere possimus, quod deest can. 2. de conf. dist. 3. “ Exterminanda omnino est irreligiosa consuetudo, quam vulgus per sanctorum solemnitates agere consuevit, ut populi, qui debent officia divina attendere, saltationibus, & turpibus invigilent canticis, non solum sibi nocentes, sed & religiosorum officiis peritrepentes: Hoc etenim, ut ab omni Hispania, depellatur Sacerdotum, & Judicum a Concilio sancto curæ committatur “.

De Canonibus Concilii Toletani IV.

Eximia quoque semper habita fuit auctoritas Concilii Toletani IV. anno 633. celebrati. Sive enim Episcoporum numerum spectemus, duos supra sexaginta non solum ex diversis Hispaniis, sed & Gallis, præsertim Narbonensis, Provinciis eo confluisse agnosceremus; sive de Viris omni virtutum laude clarissimis queramus, hæc ætates cum honore

memorandus est Sanctus Ildorus Hispanensis Episcopus omni disciplinarum genere ornatus; sive etiam Concilii potestatem intellexerimus, statim sciemus studio, ac diligentia, quemadmodum scribitur in præfatione Concilii, Regis Siselandi fuisse celebratum, ejusdemque Constitutiones a Principe ipso confirmatas, omnibus generatim servandas auctoritate etiam Regia fuisse propositas. Quodnam fuerit Episcoporum, ac Regis Concilium in Concilio celebrando, ipsimet in præfatione Concilii profitentur, ut scilicet Episcopi paternorum Decretorum memores ad conservanda jura Ecclesiastica studium præberent, & illa corrigerent, quædam per negligentiam in usum venerunt, contra Ecclesiasticos mores licentiam sibi de usurpatione fecerunt. Disciplina itaque stabilizanda causa constituti sunt can. num. 75. quorum plures apud Gratianum habemus.

Can. 3. dist. 25. Primum ex his est can. 3. dist. 25. & pertinet ad can. 40. in Concilio editum juxta vulgata ejusdem Concilii exemplaria. Gratianus non integram sæculi canonis ipsius sententiam, quam propterea hoc loco describam. "Orariis duobus, nec Episcopo quidem licet, nec Presbytero uti; quanto magis Diacono, qui minister eorum est? unum igitur omnium oportet levitam gestare in sinistro humero, propter quod orat, idest prædicat; dexteram autem partem oportet habere liberam, ut expectus ad ministerium Sacerdotale distendat. Caveat igitur a modo levita gemino uti orario, sed uno tantum, & puro, nec ullis coloribus, aut auro ornato". Quid apud veteres orarium fuerit, jam superius attigi, fasciolum scilicet, quam prædicaturi sive Sacerdotes, sive Diaconi sinistra manu gerebant, ut splendore madenti vultui admovent, vultumque ipsum, & lacrymas aliquando tempore prædicationis obortas tergerent, unde etiam orarium dictum fuisse quidam putant, quasi oris tergendum causa paratum; eodem præterea utebantur Diaconi, ut quondam inter missarum solemnias quidam essent a populo, & Clericis facienda ab altari significarent. Facile uniusquisque agnovit orarii hujus vestigium agnoscit in ea sacra fasciola, quam Sacerdotes & ministri hac die sinistra brachio appendunt, & monilem vocant; cujus tamen usus hodie alius est, & pertinet tantum ad mysticas significationes, unde illud etiam

profectum est, quod & variis coloribus pingatur, & auro ornatur, contra quam a Toletanis Patribus definitum fuerit.

Can. 3. dist. 28. habetur in can. 27. ex Toletanis, ubi tamen non omnium est codicum consonantia in postremis verbis; etenim ubi Gratianus legit: *Professio obligaverit, vita sancta disciplinam retineant*, habent alii: *professio religas, vita sancta disciplinam retineant*, & alii: *tali professione obligaverit, sanctam disciplinam retineant*.

Can. 1. dist. 38. legitur in can. 25. Concilii Toletani, ubi pro illis verbis: *admonet Paulus Apostolus dicens &c.* legunt alii: *admonente Paulo Apostolo dicente &c.* & pro illis: *& canones*, & omne opus eorum in prædicatione & doctrina consistat, legunt alii: *& canones mediantur, ut omne opus eorum in prædicatione divina consistat*.

In can. sequenti, videlicet 26. legitur can. 2. dist. 38. ubi tamen pro illis verbis: *offendant. Cum vero ad litanias &c.* hæc habentur: *offendant, ita, ut quando ad litanias &c.* Quisnam sit officialis liber, de quo hoc in loco sermo habetur, luculenter tradit Gargas Loisa in notis ad eundem canonem ita scribens: "Sacramentorum manuale nunc appellatur, & in eo etiam decreta Patrum, de Sacramentorum usu, & ritibus contineri adparet ex Concilio Moguntico, no cap. 22. ubi de libro officiorum fit mentio, & duæ regulæ ex eo de Clericis vagis adducuntur. Concilio Toletano VIII. vocatur supplementum".

De can. 5. dist. 45. nihil est, quod specialiter observemus, cum omnino consonet cum can. 57. hujus Toletani Concilii juxta vulgata ejusdem exemplaria.

Can. 5. dist. 51. habetur quidem in can. 19. ex Toletanis, ex quo tamen nonnulla adjicienda sunt, ut integra omnino Concilii sententia percipiatur. En priora ejusdem canonis verba: *Perniciosa consuetudo nequaquam est retinenda* (legunt alii: *recipienda*), *qua majorum statuta præteriens omnem Ecclesie ordinem perturbavit; dum alii per ambitum Sacerdotum appetunt, alii oblatas muneribus Pontificatum assumunt; nonnulli etiam secularibus implicati, vel sacri ministerii dediti* (legunt alii, *vel secularibus dediti*) *indigni ad honorem summum ac sacri ordinis pervenerunt: de quorum scilicet casu* (legunt alii: *causa*) *neque remotione, operuerat quidem statuum & sed ne perturbatio quamplurima Ecclesie*

viretur, prateritis omisſis, deinceps, qui non promoveantur ad Sacerdotium ex regulis canonum neceſſario credimus inferendum, id eſt, qui in aliquo crimine deſecti ſunt. (legunt alii: deſecti ſunt), qui ſecula aliqua per publicam penitentiam admiſſiſſe confeſſi ſunt &c. Hic exorditur Gratianus, cujus verba conſonant eum eodem can. 19. Toletano, dummodo obſervemus, quod jam adnotarunt Romani Correſtores ad illa verba: aut deſiſſione aliquid, & illa: aut fornicarias, dummodo præterea in illis verbis; per gradus Eccleſiaſticos non aſcendant, obſervemus in aliquibus codicibus legi: per gradus Eccleſiaſticos non acceſſerunt, & in illis verbis: in Sacerdotem die Dominica conſecrabitur conniventibus &c. legere alios: in Sacerdotium die Dominica conſecrabitur, convenientibus &c.

Can. 5. dist. 54. De can. 5. dist. 54. nihil eſt peculiariter obſervandum. Conſonat ille omnino cum canone 73. ex Toletanis in vulgatis Concilii exemplaribus.

Can. 7. dist. 77. Can. 7. dist. 77. legitur in can. 20. ex Toletanis, ubi tamen pro illis verbis, quæ ſunt apud Gratianum: levitas facimus: legitur: levitas facimus; item poſt illa verba poſtrema: Presbyteri ordinantur, ita ſequitur in Concilio ipſo: ita ut ſecundum Apoſtolicum præceptum præbentur primum, & ſic miniſtrant nullum crimen habentes. Levitarum nomine, quos anno tantum 25. ordinari hoc can. præcipitur, Diaconi intelliguntur. Sane varuſſiſſima fuit hæc diſciplina ſive Græcæ, ſive Latine Eccleſiæ, ut Diaconi nonniſi anno 25. ætatis ſuæ ordinarentur, quemadmodum conſtare poteſt ex can. 4. Concilii Carthagiſenſis vulgo 3. & aliis bene multis. Jam vero, cum de Hiſpaniarum Eccleſiis loquamur, laudare ſufficit can. primum Concilii Toletani ſecundi; quem jam ſuperius retuli ad can. 5. dist. 28. apud Gratianum.

Can. 30. cau. 81. Can. 30. dist. 81. habetur in can. 43. ex Toletanis, ubi tamen pro illis Gratiani verbis: Ideo qua conjuncta ſaliter cum Clericis ſunt, legitur: Ideoque quæcumque Clericis ſaliter adjuncta ſunt.

Can. 8. dist. 87. Can. 8. dist. 87. legitur in can. 72. ex Toletanis: obſervandum tamen eſt in quodam Gratiani codice incuria Typographorum mendum irrepiſſe: ubi enim legendum eſt: commendati exiſtunt, hæc potius ediderunt: condemnati exiſtunt.

Can. 20. dist. 93. De elatione Diaconorum ſupra Presbyteros omnes veteres teſtantur, præſentem S. Hieronymum in ſuis operibus frequen-

tiſſime. In Eccleſia præſertim Græca id conſtat ex Græcorum ipſorum Conciliis, quibus opus fuit Diaconorum ambitum coercere, quemadmodum jam obſervavimus ſuperius ſuo loco. Occaſionem ipſis dederat rerum temporalium Eccleſiaſticarum adminiſtratio; ipſi enim cum electi eſſent tanquam Eccleſiaſtici peculii cuſtodes, perque ipſorum manus ſingulis Clericis, ipſis etiam Presbyteris ſtipendia diſtribuerentur, facile potuerunt ſupra ipſosmet Sacerdotes eſſe ferri. Quo ambitu cum capti fuiſſent Diaconi Hiſpaniarum, neceſſarium fuit Toletanis Patribus Sacerdotum dignitati conſulere, quemadmodum conſuluerunt in cap. 39., quem Gratianus retulit in can. 20. dist. 93., ubi obſervandæ, atque attendendæ ſunt Romanorum Correſtorum notæ. Garſas Loſiſa ad hunc canonem etiam animadvertit, veteres Eccleſias diſtributas fuiſſe in varias ſtationes, ſive choros, ſingulis Clericorum gradibus, imo & perſonarum generibus adſignatos, quod luculentiffime demonſtrat ex canone 3. Concilii Turonenſis ſecundi.

Can. 7. cau. 1. qu. 4. legitur eiſdem Can. 7. verbis in can. 61. Concilii Toletani, can. 2. ubi ſacri Antitiſtes humanius agendam quæ eſſe voluerunt cum judiciorum filiis recens ad fidem converſis, ne forte a ſuſceptra ſemel fide recederent.

De can. 24. cau. 2. qu. 7. nihil eſt quod ſpecialiter obſervemus. Habetur ille in can. 64. ex Toletanis, & quiſdem eiſdem omnino verbis.

Can. 6. cau. 10. qu. 1. juſſendus eſt eum can. 60. cau. 16. qu. 1., cum uterque depromtus fuerit ex can. 33. Toletano, quem integrum hoc loco referam, ut facilius Concilii ſententia percipiatur. Ajunt Toletani Antitiſtes: Multi enim fidelium in amore Chriſti, & martyrum in quæſitiſſimis Episcoporum Baſilicas conſtruunt, oblationes conſcribunt (& legunt alii: oblationes ſanctas tribuunt), Sacerdotes hac auferunt, atque in uſus ſuos convertunt. Inde eſt, quod cultores ſacrorum deſciunt, dum ſtipendia ſua perdunt. Inde laborantium Baſilicarum ruina non reparantur, quia avaritia Sacerdotali omnia auferuntur. Pro qua re conſtitutum eſt (& hinc exorditur Gratianus in diſto can. 60. cau. 16. qu. 1.) a præſenti Concilio Episcopos ita Diaconos ſuas regere, ut nihil jure præſumant auferre, ſed juxta privam authoritatem Conciliorum ſuorum oblationes

tio subjacet præscriptioni? Canonem autem ita restitutum facile & statim interpreter. Statuunt enim Toletani Patres, ut sicut in diocesi aliena, ita quoque in Conventu Territorii, idest in simplici Parochia, quæ hoc in loco *Conventus* nomine significatur, triginta annis præscriptio omnis concludatur. Neque hic rursus quispiam novam se movere difficultatem putet, ajendo jam ante Concilium hocce Toletanum constitutum fuisse, ut soli quadragenariæ præscriptioni res omnes Ecclesiasticæ subjacerent nov. 131. cap. 6., etenim cum de Hispaniarum disciplina tractatur, frustra cum illa Justiniani Imperatoris novellas jungimus; cum Hispani non statim, ac editæ fuerunt, novellas Justiniani receperint, sed apud ipsos vigeret adhuc disciplina Theodosiani Codicis, qui unus ex Alarici Regis præcepto in Hispania servabatur. In eo autem cautum fuerat, ne quælibet actio ultra annos triginta proferretur, sed omnia triginta annorum præscriptioni esset obnoxia l. un. de actionibus certo tempore finiendis.

Can. 4.
cau. 16.
dist. 3.

Eandem præscriptionis tricennalis disciplinam iidem Toletani Patres, dummodo tamen Provinciæ uniuscujusque fines custodirentur, boni publici causa recipiendam voluerunt in cap. 34., ex quo desumptus est can. 4. cau. 16. qu. 3., cujus editionem paullo depravatam emendaverunt notis suis Romani Correctores.

Can. 30.
can. 16.
qu. 7.

Can. 30. cau. 16. qu. 7. habetur in can. 38. ejusdem Toletani Concilii, in quo tamen hæc leguntur: „Præbentium indigentibus, & maxime his, quibus restituenda vicissitudo est. Quicumque ergo fidelium de facultatibus suis Ecclesiæ aliquid devotione propria contulerunt, si forte ipsi, aut filii eorum redacti fuerint ad inopiam, ab eadem Ecclesia suffragium vitæ pro temporis usu percipiant. Si enim Clericis, vel Monachis, seu peregrinis, aut quamlibet necessitatem sustinentibus pro solo religionis intuitu in usum res Ecclesiasticæ largiantur, quanto magis his consulendum est, quibus retributione iusta debentur? Hinc, ut patet, originem habuit vulgaris traditio, qua omnes Interpretes unanimi consensione asserunt, Fundatores Ecclesiarum, & Patronos tale jus in Ecclesiis & benefi-

ciis patronatus habere, ut ex eorum redditibus subveniri ipsis debeat, quoties indigeant. At si specialiter hæc Toletanorum Patrum sententiam consideraverimus, nullum sane favore Fundatorum, aut Patronorum singulare privilegium agnosceremus in hac parte, cum ratio a Toletanis eisdem Patribus adducta eo pertineat, ut ex Ecclesiasticis redditibus indigentibus omnibus succurratur. Privilegium potius in eo erit, quod inter indigentes potior habenda sit ratio Fundatorum, aut Patronorum, ut etiam per Ecclesiam beneficia beneficiis rependantur.

In can. 65. Toletani hujus Concilii IV. renovata fuit sanctio Concilii Toletani III., de qua superius egimus ad can. 14. dist. 54., ubi etiam ad exemplarium fidem, & integritatem Gratiani fragmentum exegimus. Novus Concilii Toletani quarti canon habetur in can. 31. cau. 17. qu. 4., sed hic rursus Gratianus omisit, quod necessario animadvertendum erat, videlicet quod ibi dicitur de Judæis a muneribus publicis quibuscumque arcendis non tam Synodica constitutione, sed ipsius potius Sisenandi Regis præcepto decretum esse. Hæc sunt verba ipsius canonis: *Præcipiente Domino, atque Excelentissimo Sisenando Rege id constituit sanctum Concilium, ut Judæi, &c.* Quod autem subjicitur de poenis infligendis adversus illos, qui Judæis publica munera exercere permittunt, confirmatum est etiam legibus VVilegothorum, in quibus lib. 12. tit. 3. de hac eadem re ita legitur: *Illi tamen, qui hanc eip (scilicet Judæis) potestatem super christianos exercere permiserint; si nobilis, qua hoc fecerit, persona extiterit, decem libras auri Fisco contas exolvat; minima tamen, vilescque persona quinque libras auri Fisco parsolvendas amittant. Quod si non habuerint, unde componant, censuris decalvati flagellis subjaceant.*

Can. 51. Concilii Toletani, ex quo descriptus est apud Gratianum can. 1. cau. 18. qu. 2. his verbis legendus est. *Nuntiatur est presenti Concilio, quod Monachi Episcopali Imperio servili operi mancipentur, & jura monasteriorum contra constituta canonum illicita presumptione usurpentur, ita ut peno ex canonibus possessa fiat, atque illustris portio Christi ad ignominiam, servitutemque perveniat. Quapropter monemus eos, qui Ecclesiis præsumunt, ut ultra talia non presumant, sed hæc*

Can. 31.
can. 17.
qu. 4.

Can. 1.
can. 18.
qu. 2.

tantum sibi in monasteriis vindicant sacerdotes, quod precipiant canones, idest Monachos ad conversationem sanctam praeponere, Abbates, aliaque officia institueret, atque extra regulam facta corrigere. Quod si aliquid in Monachos canonicis interdictum praesumerint, aut usurpare quidpiam de Monasterii rebus contaverint, non deest ab illis sententia excommunicationis, qui se deinceps nequaquam sustulerunt ab illicitis. Integrum descripsi hunc can. ut exinde adpareat, quantum a Concilii sententia recesserit Gratianus, quasi vellet significare, jam tum Monachos fuisse quodammodo ab Episcoporum potestate immunes.

Can. 1.
can. 19.
qu. 1.

In can. 30. Toletano legitur eisdem verbis can. 1. cau. 19. qu. 1. ad quem tamen sunt observatione dignae Romanorum Correctorum adnotationes. Forte autem in Hispania laxior tum erat Clericorum disciplina, quam esset in oriente, & in urbe Roma tempore S. Hieronymi, qui vix optimum Monachum ad Clericatus honorem admittendum esse dicebat, nisi dicere quispiam vellet, tum demum Clericos ex sententia Toletani Concilii ad Monasteria admitti debuisse, quoties Clerici iidem alicujus gravioris criminis rei, postulabant, ut sibi dignae poenitentiae locus concederetur. Sane id maxime congruit Concilio

Can. 5. eidem, si inspexerimus can. 3. cau. 23.
can. 23. q. 8. qui deprobitus est ex can. 45. ejusdem Concilii Toletani, ubi tamen pro illis verbis poenitentia tradantur, legendum erit, quoties aliorum Codicum fidem sequi velimus: poenitenter tradantur. Similia quaedam leges in can. 5. cau. 26. qu. 3.

Ca. 29. De can. 29. cau. 23. qu. 8. nihil aliud 23. q. 8. dixero, quam eundem omnino consonare cum can. 31. ejusdem Concilii Toletani.

Can. 5. Quod jamdudum Ancyranæ Patres in
can. 26. can. 23. constituerant apud Græcos, confirmarunt in suis Provinciis Toletani Antistites in can. 29. quem Gratianus retulit in can. 5. cau. 26. q. 5. cujus verba integra describenda hoc in loco sunt, quod Codices plures varii habeantur. Si Episcopus, aut Presbyter, aut Diaconus, aut quilibet ex ordine Clericorum Magos, aut Aruspices, aut Divites (legunt alii: aut Incantatores, aut Sorcellos) aut certe Magos, vel Sortilegos, vel eos, qui professionem hanc aliquam, (legunt alii: autem artem magicam), aut aliquos eorum similia exercebant, consilium suum depon-

hensum, ab honore dignitatis sua dejectus Monasterii poenam excipiat, ibique (legunt alii: ab honore dignitatis sua suspensus, Monasterium ingressus, ibique) perpetua poenitentia deducatur scilicet admissum sacrilegium luat. De hac poenitentia, quæ peragenda erat a Clericis in Monasteria dejectis jam nonnulla nuper attigeram ad can. 1. cau. 19. qu. 2. & ad can. 3. cau. 23. q. 8.

Can. 7. can. 27. q. 1. non inveniri in Can. 7. can. 8. Concilii Toletani IV. jam recte can. 27. observaverunt Romani Correctores. Per q. 1. tinet potius ad Concilium Parisiense V. anni 615. de quo suo loco agendum erit; ibi enim can. 13. hæc leguntur: "De viduabus, & puellis, quæ sibi vestes, in habitu Religionis in domibus propriis tam a parentibus, quam per se ipsas mutaverint, & se postea contra statuta Patrum, vel præcepta canonum conjugio crediderint copulandas, tamdiu utrique habeantur a communione suspensi, quousque quod illicitum perpetraverunt, emendent, aut si emendare neglexerint, a communione Ecclesiastica, vel omnium Christianorum convivio in perpetuum sint sequestrati": Hæc eadem verbaolata sunt in capitularia Regum Francorum lib. 7. cap. 338. Baluzianæ editionis. Quod si quaeratur, unde nam contingere potuerit, ut fragmentum Concilii Parisiensis Concilio Toletano a Gratiano tribueretur, ego facile dixerim Gratianum deceptum fuisse ex decreto Ivonis, qui in cap. 66. partis 7. idem fragmentum laudat ex can. 57. Concilii Toletani IV. Rursum autem Ivonem deceptum fuisse a Burcardo, qui antea illud can. retulerat ex Concilio Toletano IV. in lib. 2. tit. 48. At vero Burcardus vel Concilium Toletanum laudavit, quod sibi proposuisset a laudandis Francorum capitularibus abstinere; scribat enim apud Germanos Franciscis rebus tam maxime infensos, uti sæpius jam monui; vel quod deceptus & ipse Burcardus fuerit ex Codice Regino, in quo habetur idem can. in cap. 62. primæ appendicis, cui hæc inscriptio præponitur: De feminis, quæ Religionis vestem in domibus propriis mutaverint, si postea conjugium eligerint, quid agendum sit: Toletanum Concilium 4. cap. 57. Et statim sequitur caput 62. his verbis: De viduis & puellis, quæ habitum &c. quemadmodum apud Gratianum. Regino itaque sequentibus Collectoribus errandi occa-

occasione præbere potuit, & fragmenta Parisiensis Concilii tribuendi Toletano. Sed ego arbitror Reginonem non eo loco Concilium Toletanum commemorasse, quod eidem Concilio sequens, quod descripturus erat, fragmentum tribueret, sed potius ut significaret nonnulla etiam de re, quam pertrahabat, legi in Concilio Toletano IV. Revera in eodem Concilio cap. 56. (qui apud Reginonem esse poterat quinquagesimus septimus, cum variae editiones hujus Concilii diversam quoque numerandi habeant rationem) hæc habentur: " Duo sunt genera vi-

Can. 10. In can. 63. ejusdem Toletani Concilii
can. 28. habetur eisdem omnino verbis can. 10.
qu. 1. cau. 28. qu. 1. qui etiam habetur in le-
gibus V Visigothorum lib. 12. tit. 1. unde
adparet Judæorum perfidiam utraque
sive Regia, sive Ecclesiastica potestate
fuisse coercitam; atque etiam eodem spe-
ciat cap. 60. Concilii relatum in can. 11.

C. 11. C. can. 28. q. 1. quo decretum est, ut filii
28. q. 11 Judæorum fidei Christianæ colendæ causâ
a suis Parentibus abstrahantur. Hic
autem can. de filiis Judæorum jam bap-
tizatis intelligendum esse nemo ambi-
get; præsertim si postrema illa verba
consideret: in fide præbiant: non enim
in fide proficere potest, nisi quia jam
fidem ipsam suscepit. Atque hanc inter-
pretationem juvant nonnulli Codices, in
quibus paullo aliter verba can. leguntur;
etenim in prioribus verbis ibidem scri-
bitur ita: Judæorum filios, vel filias ba-
ptizatos, ne parentum &c. in quibus Co-
dicibus pro illis Gratiani verbis: sub
verum conversatione, hæc leguntur: sub
eorum cura, & conversatione. Quæ de-
mum interpretatio confirmatur ex can.
62. ejusdem Concilii Toletani; qui eisdem
omnino verbis relatus est. a Gra-
tiano in can. 12. cau. 28. q. 1.

Can. 12. can. 28. qu. 1. Canon 54. de confidit 1. eisdem se-
re verbis habetur in can. 13. Toletano:
ubi autem Gratianus scripsit: Ergo nec
ipsi in Ecclesiis canendi sunt, quia in
sanctarum scripturarum libro, non ipse

Can. 54. de conf. dist. 1. Canon 54. de confidit 1. eisdem se-
re verbis habetur in can. 13. Toletano:
ubi autem Gratianus scripsit: Ergo nec
ipsi in Ecclesiis canendi sunt, quia in
sanctarum scripturarum libro, non ipse

niuntur. Componuntur Missæ &c. vulga-
ta Concilii exemplaria potius exhibent
hæc: Ergo nec idem in Ecclesiis canendus
est, quia in scripturarum sanctarum li-
bris non invenitur. Componuntur ergo
hymni, sicut componuntur Missæ &c. item
postrema can. verba in integris Concilii
exemplaribus ita leguntur: qui hymnos
rejicere fuerint ausi. Gaspar Loaisa pul-
cherrimas observationes in hunc cano-
nem edidit, quas in hunc locum refer-
re non pigebit. Ita ille: " Hymnos com-
ponere, & canere in Ecclesia anti-
qua, quis christianus in more positum fuit,
ut testatur Philo Judæus lib. de sup-
plicum virtutibus, Eusebius lib. 8.
historiæ cap. 16. Dionysius Areopagi-
ta de divinis nominibus cap. 4. Sacra-
tissimum Corpus B. Virginis Mariæ
cum hymnis delatum scribit Nicepho-
rus lib. 2. cap. 22. In Concilio Antio-
cheno ante annos mille, & trecentos
damnatus est Paulus Samosatenus,
qui psalmos, & hymnos in honorem
Christi decantatos explosit, & ejecit.
Hoc constat apud Eusebium lib. 7. c.
24. Hilarius librum hymnorum com-
posuit, ut auctor est Hieronymus in
catalogo. Ambrosius hymnos edidit,
ut auctor est Augustinus lib. 1. retra-
ctionum cap. 21. & ipse Ambrosius
meminit hymnorum suorum in oratio-
ne in Auxentium, & S. Bernardus in
regula. Extant alii Sanctorum Hym-
norum auctores, ut Synesius, Ciri-
acus, Theophanes, Cosmas Hieroso-
lymitanus, & alii. Theodosius junior
Princeps religiosissimus, cujus Regia
non dissimilis erat a Monasterio pri-
mo diluculo hymnos alternis recitabat.
Socrates lib. 7. cap. 22. Nicephorus
lib. 14. cap. 13. Berne Abbas de offi-
cio Missæ cap. 3. scribit Hymnum
Angelorum, Gloria in Excelsis Deo,
& in Terra pax hominibus, a Tele-
phoro primum fuisse auctum, & a
Symmaco completum; Ecclesiæque
cantandum traditum: Nicephorus lib.
11. cap. 16. rationem, modumque
hymnorum canendorum tradit ex Jo-
sapho. Dionysius Areopagita lib. de
divinis nominibus cap. 4. parte 2. li-
brum Hierothei Sanctissimi hymnorum
divinorum adfecit. Eusebius idem Gene-
sis de versiculo, quod etiam bodie de-
cantamus in fine anni, cuiusque Psal-
mi ita scripsit: De versu illo: Gloria
Patri &c. supra dicimus. Verum sup-
er, qui dicant. a Flaviano Antiocheno
& adju-

„adjutore Chrysostomo compositum, ut
 „Nicephorus lib. 9. cap. 24. & 18. c.
 „51. & aliter a Catholicis Græcis in
 „hinc psalmorum decantari, aliter ab
 „Arianis. Sozomenus lib. 3. cap. 20.
 „Theodorus lib. 2. cap. 24. Nicephorus
 „lib. 4. c. 24. postea consilio Hierony-
 „mi in Ecclesia Latina additum finibus
 „Psalmorum a Damaso ipso refert in
 „Epist. ad Damasum. Et hic mos Ro-
 „manus prævaluit in Ecclesia, & ita
 „non gloria, & honor, sed Gloria Pa-
 „tri dicitur“.

Can. 85. de conf. dist. 4. legitur in
 de conf. can. 6. Toletano, ubi in primis refer-
 dist. 4. tur, qualis in Hispania fuerit discipli-
 næ varietas, cum alii ter mergerent ba-
 ptizandos, alii vero unica merfione ba-
 ptismum absolverent, unde facile occa-
 sio schismatis oriebatur, quatenus singu-
 larum disciplinarum sectatores ita suæ
 adhærebant, ut ab aliis baptizatos nul-
 to modo reciperent. Deinde producta
 est in medium, lectaque in Concilio
 Epistola Gregorii Magni ad Leandrum
 Hispalensem, cujus fragmentum habemus
 apud Gratianum in can. 80. de conf.
 dist. 4. statimque ita definitum est: *quon-
 propter quia de utroque Sacramento, quod
 fit in Sancto Baptismo* (utrumque Sacra-
 mentum dicebatur, & quod in unica
 merfione significaretur Dei unitas: &
 quod in trina merfione significaretur
 Trinitas Personarum) “ a tanto viro
 „(scilicet Gregorio) reddita est ratio,
 „quod utrumque rectum, utrumque
 „irreprehensibile in sancta Dei Ecclesia
 „habeatur: propter vitandum autem
 „schismatis scandalum, vel hæretici
 „dogmatis usum simplicem teneamus ba-
 „ptismi merfionem, ne videantur apud
 „nos, qui tertio mergunt, hæretico-
 „rum probare assertionem, dum se-
 „quantur & morem“. Erat tum His-
 pania expurgata recens ab hæresi Aria-
 norum, qui ter mergere solebant bap-
 tizatos, ea potissimum de causa, ut tres
 in Patre, Filio, & Spiritu Sancto na-
 turas agnoscerent. Operæ pretium pro-
 pterea erat apud Hispanos, ut postea-
 quam constitisset unica etiam merfione
 collatum baptismum valere, unica merfio-
 ne ministrandum esse constituerent, ut
 Arianorum hæresis, quoad fieri posset,
 radicitus evelleretur, imo & quæcum-
 que cum Arianis sentiendi occasio tol-
 leretur.

Can. 93. de conf. dist. 4. Jam superius diximus multa hoc in
 Concilio constituta fuisse ad coercendam
 Tom. I.

Judæorum perfidiam, quo inter cetera
 pertinent cap. 10. 11. & 12. cau. 28.
 qu. 1. His omnibus addi posset can. 94.
 de conf. dist. 4. qui eisdem omnino ver-
 bis legitur in can. 59. ejusdem Concilii.

De Canonibus Concilii Toletani VII.

Concilio Toletano quinto prætermis-
 so, ex quo nullus apud Gratianum ca-
 non relatus est, ad sextum progredior
 anno 638. celebratum sub Cinthilana
 Rege, Pontifice autem Maximo Hono-
 rio I. Concilium hoc Nationale fuit om-
 nium Episcoporum Hispaniæ, quibus
 nonnulli ex Episcopis Gallicanis acce-
 serant; inter omnes autem primus Con-
 cilio subscripsit etiam ante Bracarensem,
 Toletanum, & Hispalensem Silva Epi-
 scopus Narbonensis. Proferuntur in can.
 ultimo iidem Toletani Patres, se *Chri-
 stianissimi, & Gloriosissimi Cinthilani Prin-
 cipis sui studio advocatos, & instantia
 esse collectos*. Jam tempore hujus Con-
 cillii obierat S. Isidorus Hispalensis Anti-
 stes, cui successerat Honoratus. Inter-
 fuit autem inter ceteros Brailio Cæsa-
 raugustanus Vir Isidoro eidem valde fa-
 miliaris, & arctissima animi adfectione
 conjunctus, atque apud Historiæ Eccle-
 siasticæ scriptores memoriæ maxime ve-
 nerabilis. Episcopi interfuerunt Conci-
 lio numero 52. edideruntque can. 19.
 quorum undecimum retulit Gratianus
 in can. 9. cau. 3. q. 9. cujus verba ita
 legenda sunt ex vulgatis Concilii exem-
 plaribus: “Dignum est, ut vita inno-
 „centium non maculetur perniciæ actu-
 „antium. Ideo quisquis a quolibet cri-
 „minatur, non ante accusationem suppli-
 „cio dedicetur, quam accusator præ-
 „sentetur, atque legum, & canonum
 „sententia exquiratur; ut si indigna ad
 „accusandam persona invenitur, ad e-
 „jus accusationem non judicetur, nisi
 „ubi pro capite Regiæ Majestatis cau-
 „sa versatur“.

Can. 9.
 cau. 3.
 qu. 9.

Can. 64. cau. 12. qu. 2. jam recte mo-
 nuerunt Romani Correctores referendum
 esse ad disciplinam jam antea constitu-
 tam, videlicet ad can. Concilii Toleta-
 ni IV. de quo in can. 65. cau. 12. qu.
 2. Ceterum idem can. 64. legitur in ca-
 none 9. Concilii Toletani 6. ubi tamen
 pro illis verbis: *de familiis Ecclesiæ esse*,
 potius legitur: *de familiis Ecclesiæ ma-
 numissos*. Reliqua verba omnino conso-
 nant.

Can. 64.
 cau. 12.
 qu. 2.

Can. 72. cau. 12. q. 2. jam emenda-
 runt

runt ex can. 5. Concilii Toletani VI. Romani Correctores, hæc verba adjici debere monentes: *vel aliarum quarumlibet personarum*. Sed præterea animadvertere juvat, postrema ean. verba paulo aliter haberi in vulgatis Concilii exemplaribus, quam habeantur apud Gratianum. Ita enim potius legendum esset: *Quod si quis eorum contemserit facere, ipse stipendio suo videbitur privari*. De precariis jam alibi egimus. Sufficiat interea monere, nihil aliud fuisse precarias concessiones, quam contractus quosdam, quibus certa prædia, vel jura Ecclesiastica ad tempus alicui concedebantur, Ecclesiarum, vel publica utilitate ita exigente, ea lege, ut finito tempore ad Ecclesiam reverterentur, aut si novæ emergerent causæ, novæ precariæ fierent, renovato contractu, ne forte diuturna rei possessione facile memoria rei, Jurisve Ecclesiastici interiret.

Can. 2. Can. 2. cau. 20. qu. 3. consonat omnino cum can. 6. hujus Concilii Toletani, postquam Romani Correctores verba illa ad optimorum Codicum fidem exacta restituerunt: *ut nec locutio cum eis ulla sit communis*. Quod si quærat, quænam sit illa universalis Synodus, de qua mentio fit in hoc can. quæque de viduis a proposito continentiarum recedentibus quædam statuta condiderit, dixerim eam esse Synodum Toletanam 4. universalem totius Hispaniæ, de qua jam superius egi, cujusque can. de viduis continentibus expressum superius etiam descripsi ad can. 7. cau. 27. q. 1.

Can. 19. Can. 19. cau. 33. q. 2. sententiam can. 8. Toletani prius exhibet, licet non eisdem ubique verbis expressam, quod ortum est ex varietate plurimorum exemplarium. Singula hoc loco non memoro, cum verba illa, quæ paulo aliter in diversis codicibus descripta sunt, sententiam canonis nullo modo immutare, aut inflectere valeant. Interea observari commode poterunt Romanorum Correctorum notæ, quibus illud unum ego addam, in postremis verbis, quæ apud Gratianum ita leguntur: *juxta quod aetatem aptam perspexerit, penitentia, absolutio- nis, vel distinctionis tribuat legem*; ita potius legi debere ex vulgatis Concilii exemplaribus: *juxta quod aetatem aptam perspexerit, continentia, absolutio- nis, vel distinctionis tribuat legem*.

De Canonibus Concilii Toletani VII.

Nationale etiam fuit totius Hispaniæ Concilium illud Toletanum, quod septimum dicitur, & fuit celebratum sub Chindasvindo Gothorum Rege tempore Theodori Pontificis Maximi anno 646. In illud conveniunt Episcopi numero 30. atque ex ipsis quatuor Metropolitæ, Emeritenſis, Hispalensis, Toletanus, & Tarraconensis. Ejusdem Concilii Patres in can. ultimo proficiuntur, se ob votum memorati Regis convocatos esse, atque in Synodi præfatione testantur, multa tum emendatione digna fuisse ob temporum difficultates causa bellorum a Gothis concitatorum inducta, unde plurima incommoda non in civilem tantum, sed & in Ecclesiasticam Rempublicam profecta fuerant. Quibus communi consensione, & Regia auctoritate interveniente consultum est, editis canonibus numero sex, quorum duos retulit Gratianus.

Et quidem eum, qui numero secundus est, retulit Gratianus in can. 16. cau. 7. qu. 1. cujus verba integra hic describere juvabit, cum in nonnullis codicibus aliquarum sit varietas vocum. En verba canonis, qualia in vulgatis Concilii exemplaribus habentur. *Nihil contra ordinis statutum (legunt alii: statum, alii: ordinem statutum) temerariis ausu presumatur, neque ille, qui summa veneratione censetur vel minimo presumptionis ausu solvantur (legunt alii: vel minima presumptione tactu solvantur), cum ad hoc tantum fieri quædam iussa sunt, interrupta noscantur, ne languoris proventu robore salutis natura privetur. Non ergo solum fragilitati consulatur humana, sed etiam honori Myſteriorum Dei providetur abunde, dum ab offensionis casu procuratur etiam cavere sollicitudine (legunt alii: provida cavetur sollicitudine). Censemus igitur convenire, ut cum a Sacerdotibus Missarum tempore sacra Myſteria consecrantur, si agriundinis acciderit cujuslibet eventus, quo caprum nequeat consecrationis expleri ministerium, (legunt alii: myſterium) sit liberum Episcopo, vel Presbytero alteri consecrationem exequi officii capite (alii legunt: vel Presbytero, ut alter consecrationem explant.) Non enim aliud ad supplementum sui initiatis ministeriis competit, quam aut incipientis, aut subsequantis completa benedictio Sacerdotis (legunt alii: aut subsequen-*

sequentis completa benedictio Sacerdotis (legunt alii: ant. subsequens benedictio-
ne fiat completa), quia nec perfecta vi-
deri possunt, nisi perfectionis ordine com-
pleantur: Cum enim simus omnes unum
in Christo, nihil contrarium diversitas
(legunt alii: personarum diversitas) for-
mat, ubi efficaciam prosperitatis unitas
fidei representat. Quod etiam consultum
cuncti Ordinis Clerici indultum (legunt
alii: individuum) esse sibi non ambigant,
sed ut pramissum est precedentibus libe-
rer alii pro complemento succedant. Ne
tamen quod natura languoris causa con-
sulitur in presumptionis perniciem conver-
satur, nullus post cibi, potusque quamli-
bet minimum sumtum Missas facere (le-
gunt alii: post cibum, potumve quamlibet
minimum sumtum Missas facere presumat),
nullus absque patenti proventu (legunt
alii: absque patenti praeveniu) molestia
Minister, vel Sacerdos cum caperit, im-
perfecta officia presumat omnino relinque-
re. Siquis hac tentare (legunt alii: tem-
erare) presumserit, excommunicationis
sententiam sustinebit.

Can. 8.
cau. 10.
qu. 3.

Alterum fragmentum ejusdem Concilii
Toletani VII. ex cap. 4. de promptum le-
gitur in can. 8. cau. 10. qu. 3. cujus
priora verba ita alii legunt: *Inter cete-
ra denique, qua communi consensu nos
conferre communiter oportuit, querimonias
etiam Parochialium Presbyterorum Galli-
ciae Provinciae &c. Romani Correctores
ex eo, quod nonnulli Episcopi Gallica-
ni solerent Conciliis Toletanis interve-
nire, praesertim ex Provincia Narbonensi,
probandam censent quorundam MSS. Co-
dicum scripturam ita habentium: Gal-
licana Provincia. Verum aliis accuratio-
res videri possent Codices illi, in qui-
bus habetur: Gallicia Provincia, vel ex
eo potissimum, quod in eo Can. Tole-
tani Patres se se referunt ad Statuta
Bracarenia; At hæc conveniunt potius
Galliciae Provinciae, cum hæc esset sub
Metropoli Bracarensi; vel etiam ex eo,
quod licet in antecedentibus Toletanis
Conciliis nonnulli interfuerint Galliarum
Antistites, in hoc tamen Toletano Con-
cilio VII. ne unus quidem Gallicanus
Episcopus subscripsisse fertur; ac pro-
pterea verosimile non videtur, absentibus
alterius Regni Episcopis legem fuisse
dictam, eo vel magis, quod in hoc
eodem can. hæc phrasae legantur: *ut com-
perimus, & ut evidens inquisitio patefa-
cit. Quomodo enim compertum esse po-
tuit; quomodo evidens inquisitio fieri,**

ubi nullus ex Galliis Episcopus ad Con-
cilium accessit? Mihi præterea emen-
danda videtur Gratiani editio in illa-
voce *quingagenarium*, quemadmodum
etiam animadverterunt Correctores Ro-
mani, ut pro illa legatur, *quinarium*;
uti nonnulli ex MSS. Codicibus habent.
Neque enim verosimile arbitrari quis-
piam potest, coercitum fuisse ambitum
Episcoporum visitatorum quorundam in
numero comitatus sui, ita ut statuere-
tur quingagenarium numerum evectionis
non esse excedendum, qui sane nu-
merus etiam supremus videri posset am-
bitioni magis, magisque promovendæ.
Voluit Concilium, Episcopos, quoties
Diocesim visitant, nulli onerosos exi-
stere, ac propterea nihil amplius, quam
duos solidos exigere posse. Quam grave
autem onus imponeretur ab Episcopis,
si in vicos, ac terrulas quinquaginta se-
cum ad comitatum adscitos adducerent!
Hujus depravatæ scriptoræ proposito
exemplo arbitrantur nonnulli in Con-
cilio Lateranensi, cujus fragmentum re-
fertur in cap. 6. de censibus, & exa-
ctionibus, constitutum fuisse, ut nihil
amplius permittatur Archiepiscopis sin-
gulis Provinciam visitantibus, quam quin-
quaginta, ut ajunt, evectiones habere.
Ceterum Lateranensium Patrum intima
sententia ea est, ut quanto minus fieri
possit, gravamen subditis ab Episcopis
visitantibus inferatur. Demum observan-
dum est in postremis illis canonis ver-
bis: *corruptioni procul dubio canonum sub-
jacebit; tamquam Constitutorum Synoda-
lium transgressor, & priscorum Patrum
edictorum corruptor*, alios Codices ita ha-
bere: *corruptioni procul dubio canonum
subjacebit, qua Constitutionum Synoda-
lium transgressores priscorum Patrum edi-
ctis corripiendos oportet.*

De Canonibus Concilii Toletani VIII.

Concilium Toletanum, quod octavum
dicitur, non tam Ecclesiastica Syodus
dici potest, quam generalia totius His-
paniæ Regni comitia; in quæ videlicet
confluxerunt & Viri Ecclesiastici, &
Proceres Regni, & de rebus sacris, &
de civili politica Rege ipso auctoritatem
præhente pertractaturi. Celebratum il-
lud est anno 653. tempore Martini Pon-
tificis Maximi. Ut autem celebraretur
hæc Synodus, operam dederat Rex Re-
celvinthus, ad quam convenerunt ex
Episcopis 52. inter quos Metropolitanus

quatuor, Emeritensis, Hispalensis, Toletanus, & Bracarenfis, præter decem absentium Episcoporum Vicarios; item Abbates decem, ac duo in Ecclesiastica dignitate Ecclesiæ Toletanæ constituti. Ex Regni Nobilibus, Ducibus, Comitibus, ac Proceribus sexdecim interfuerunt, qui subscripserunt omnes Concilio. Dum aperiretur Concilium, adfuit præsens ipsemet Rex, qui ibidem appellatus est *Serenissimus Princeps pia Religione plenissimus, & summo laudum titulo gloriosus*. Ipse etiam primus in comitiis orationem habuit, tomumque in publico consistorio obtulit, in quo continebatur quidquid ipsemet decerni, ac definiri exoptaret. In primis autem professionem fidei suæ ad mentem præcedentium generalium Conciliorum expressit; deinde rogavit, ut emendaretur, quod constitutum fuerat in can. 1. Concilii Toletani 7. ubi perpetua usque ad finem vitæ excommunicatione damnabatur quicumque Clerici consensissent in novi Regis inaugurationem, ad tollendas omnes, quæ tum apud Hispanos excitari consueverant, intestinas seditiones; illam enim sanctionem adeo veteres Patres firmaverant, ut in perpetuum valituram fore etiam jurisjurandi religione intercedente professi fuissent, anathema etiam illi dicentes, qui hæc inlicita putasset fore execranda. Videbatur nimis aspera hujusmodi disciplina Regi piissimo, qua fiebat, ut qui semel deliquisset, etiam post pœnitentiam acerbissima anathematis poena usque ad æternum vitæ teneretur; quamobrem a novo Concilio postulavit, ut de hac re solertius omnes inquirerent, & quoties id fieri liceret, indultam semel disciplinam inflecterent; verebatur enim, ne si solveretur præstiti jurisjurandi religio, quodammodo Episcopi ipsi perjarii rei haberentur; alias vero, ne si diutius constitutio aspera vigeret, inhumani quoquo modo viderentur. Post hæc subdidit Rex se omnino consentire, ut definiretur in Concilio ipso quidquid necessario, vel utiliter definiendum omnibus videretur, rogans & Episcopos, & Consistentes Regni Proceres, ut omnia ad justiciam, ad pietatem, salutaremque discretionem composita decernerentur.

Sic explicata Sapientissimi Principis voluntate ad peragenda, absolvendaque propositarum causarum negotia converserunt animum quicumque in Concilio considerant, atque universam rem 14.

capitibus consecrerunt. Gratianus duotantum retulit hujus Concilii Capita, in quibus propterea tantummodo immorabimur. Ex secundo capite hujus Concilii descripta sunt hæc fragmenta, videlicet can. 1. dist. 13., can. v. cau. 2. 22. qu. 1., can. 1. 9. 14., & 15. cau. dist. 13. 22. qu. 4., qui propterea omnes simul jungendi erunt ab accurato Interprete ad habendam integram Toletanæ Synodi sententiam. Prolixa valde sunt ejus capitis verba, ac pertinent ad illud, quod emendandum ex Concilio Toletano VII. proposuerat Rex Reccensvinthus, quemadmodum nuper observabam. Proponebatur temperandum Decretum illud Concilii Toletani VII., quo perpetuæ excommunicationi subditi fuerant Clerici, quicumque in Principem quomodolibet conspirassent. Ut Decretum hujusmodi vires perpetuas haberet, præter alia, quæ adduci poterant, rationum momenta, illud suadebat, quod immutari nihil poterat, nisi cum injuria Concilii præcedentis, item quod jusjurandum de Decreto non immutandum fuerat in Concilio præstitum. Ut vero temperaretur, suadebat humanitas, & pietas Principis, qui de eo remittendo postulaverat. De hac re fuit in hisce comitiis acerrime disputatum in diversâ distractis confidentium animis. Hinc fervidius implorari cœpit ab omnibus Sancti Spiritus afflatus; etsi enim agnoscerent, quod in Concilio Toletano VII. statutum fuerat, singularibus temporis illius circumstantiis fuisse accommodatum, verebantur tamen, ne forte violati jurisjurandi rei fierent. Quamobrem ita dictabant Toletani Patres, quasi dubitantes: *Unde jurasse nos per attestationem divini nominis conditum juramenti demonstrat, & ne resolvi queat, sacra Scriptura auctoritas instat, scribitur namque in exodo: Non assumes nomen Domini Dei tui in vanum; nequè enim insensum habebit Dominus eum, qui assumerit nomen Domini Dei sui frustra. Item in levitico. Non perjurabis in nomine meo, nec pollues nomen Domini Dei tui. Ego Dominus.* Hæc sunt verba, quæ Gratianus referre voluit in canone 14., & can. 15. principio cau. 22. qu. 4., qui ex descriptis sunt emendandi. Observandum itaque est, has non esse sententias Episcoporum asserentium, sed dubitantium proposita, quibus quid sibi agendum in incertis animis foret, meditabantur. Post hæc subiungit Toletana.

letani Patres nonnulla alia Sanctorum Scripturarum testimonia, quibus Episcopi, Prælatique omnes ad humanitatem, benignitatemque in Subditos exercendam excitantur. Post quæ ita prosequuntur. Quid ergo? Numquid aut juramenti iustitiam, aut misericordia pacem sibi contraire narrabimus? . . . Et quia juramenti custodia ultionem non temperant pavescentiam, ideo impietatis atrocitas mortem pariter execrandam? Absit etenim si publicis Sacramentorum gestis (quod Deus avertat) a quibuslibet illicita, vel non bona existisset conditio alligata, qua aut jugulare animam Patris, aut agere compelleret suum Sacratissima Virginis, numquid non tolerabilius esset stulta promissionis rejicere vota, quam per inutilium promissionum custodiam exhorrendam criminum impleri mensuram? Sunt hæc verba in can. 1. cau. 22. qu. 4. Hinc ad humanitatem inclinatis Patrum animis, additum est tum demum iusjurandum esse servandum, quoties paci, & benevolentiae prospicit his verbis: Etenim omne, quod in pacis fœdere vanit, tunc solidius consistit, cum juramenti hoc interpositio roborat. Sed & omne, quod animos amicorum conciliat, tunc fixius durat, cum eos Sacramenti vincula ligant. Omne etiam, quod testis adspulcat, tunc verius consistit, cum id adjectio iuramentis adfirmat. Quod si testis deficiat, innocentis fidem sola iurisjurandi cautio manifestat. Hæc legimus apud Gratianum in can. 1. cau. 22. qu. 1. His autem ita disputatis jam eo adducti videbantur Patres, ut metu violandi iurisjurandi excusso præcedentis Concilii sententiam immutarent. Quamobrem ista subdiderunt: Huius sane promissionis incanta crudam, cruentamque temperare sententiam illa quammaxime compellimur causa, qua hæc duo mala, licet sint omnino cavissima præcauenda, tamen si periculi necessitas ex his unum removere legunt alii: temperare. Gratianus: perpetrare) compulerit, id debemus resolvere, quod minori noxu nascitur obligare. (legunt alii: obligari). Quid autem ex his levius, quidve sit gravius pro rationis (legunt alii: pura rationis, alii: pro pietatis) acuminis investigemus. Etenim dum pejerare compellimur, Creatorem quidem offendimus, sed nos tantummodo maculamur, & Dei iussa superbe contemnimus, & proximis impia crudelitate nocuimus, & nos ipsas crudeliter noc-

tis gladio cruciamus, illic enim duplici culparum telo percussimur, hic tripliciter jugulamur. Restat ergo, ut ea nostra pergat sententia, quo misericordia patuerit via &c. Habentur hæc in can. 1. dist. 13., quam sententiam de relaxando iurjurando ut confirmet Toletani Patres, plura adducunt Sanctorum Scripturarum exempla, inter quæ ita ajunt: Etenim incommutabilis, idemque æstivans Dei Summi natura præcollens sua sapia in sacris literis legitur mutasse promissa, & pro misericordia temperasse sententiam: Unde quamlibet sit impassibilis, atque immutabilis, idemdem Deitate firmissima (legunt alii: idem quidem ejusdemque Deitatis licet sint dicta firmissima) crebro tamen ejus & juramenta leguntur, & penitentia, qua sacris extant mysteriis adoperata). Jurare namque &c. Hæc cum sequentibus leguntur eisdem omnino verbis in can. 9. cau. 22. qu. 4.

In can. 3. ejusdem Concilii Toletani legimus can. 7. cau. 1. qu. 3., quem jamdudum Romani Correetores perperam S. Ambrosio tributum fuisse observarunt. Juvabit hic integra verba describere, qualia habentur in ipsomet Concilio, cum Gratianus non satis ille ex fide retulerit. „ Quod sine magno labore dicendum non est, reperitur quàm plurimi negotio muneris perituri mercari velle gratiam Spiritus Sancti, dum vile præmium donant, ut pontificalis ordinis sublimis cultum accipiant, oblici verborum Petri, qui dixit ad Simonem: Pecunia tua tecum sit in perditionem, quoniam donum Dei exhibuisti per pecuniam possideri. Proinde quia & usitatum est tale malum, & majorum frequenter extat mucrone succisum, nos quoque huic vulneri cancroso ignitum, quod superest, adhuc injicimus ferum, decernentes omnimodo, ut qui cumque deinceps pro percipienda Sacerdotii dignitate quodlibet præmium detestus fuerit obtulisse, ex eodem tempore se noverit anathematis opprobrio condemnatum, atque a perceptione Christi Corporis, & Sanguinis alienum, ex quo illum constat hoc execrabile Christo perpetrasse flagitium. Quod si aliquis extiterit, qui accuset, ille, qui hunc ordinem munerum fuerat acceptione lucratus, & suscepti ordinis gradu privetur, & in Monasterio sub perenni penitentia religetur. Illi vero, qui pro hac

Can. 7.
can. 1.
qu. 3.

20 caus.

causā munerum acceptores extiterint,
si Clerici fuerint, honoris amissione
multentur; si vero laici, anathema-
te perpetuo condemnentur. "

De Canonibus Concilii Toletani IX.

Post elapsos duos annos Concilio Toletano VIII., scilicet anno 655. sub eodem Reccesvintho Rege rursus celebrata est alia Synodus, quam Toletanam IX. appellant; sed est illa Provincialis, idest ex Episcopis solius Toletanæ Provinciæ sub Eugenio Metropolitano congregatis, numero quindecim, una cum sex Abbatibus, aliisque Viris tam Ecclesiasticis, quam Laicis illustribus. In ea autem editi fuerunt can. 17. ad disciplinam ecclesiasticam confirmandam.

Can. 4. Inter hos cap. 11. legitur can. 4. dist. 54. eisdem omnino verbis.

In cap. 5. habetur can. 74. cau. 12. Can. 74. qu. 2., in quo describendo Amanuenses cau. 12. non omnes consonarunt. Vulgata exemplaria ita exhibent: *Bona rei dare consilium* (scripserunt alii: *consilium*), & *presentis habetur vitæ subsidium*, & *eterna remunerationis expectare cernitur premium*. Quisquis itaque Episcoporum in Parochia sua Monasterium construere forte voluerit, & hoc ex rebus Ecclesiæ, cui præsides, ditare decreverit (scripserunt alii: *ditaverit*) non amplius ibidem, quam quinquagesimam (scripserunt alii: *quadragesimam*) partem dare debet; ut hac temperamenti aequitate servata, & cui tribuit, competentis subsidium conferat, & cui tollit, damna gravia non infligat. Ad Ecclesiam vero, quam monasticis non informabitur regulis, aut quam pro suis magnificare voluerit sepulchris; non amplius, quam centesimam partem census Ecclesiæ, cui præsides, ibidem conferre licebit, ea tamen cautela servata, ut unam tantummodo, quæ placuerit, ex his duabus remunerationem assumat. (alii ita scripserunt: *Ecclesiæ vero, quæ monasticis non informabitur regulis, aut quam pro suis munificare voluerit sepulchris, non amplius, quam centesimam partem census Ecclesiæ, cui præsides, ibidem conferre licebit, ea tamen cautela servata, ut tantummodo quæ placuerit, ex his duabus remunerandam assumat.*)

Can. 2. Jungendi simul sunt can. 2. cau. 12. cau. 12. qu. 3., & can. 1. cau. 12. qu. 4., cum qu. 3. depromti sint ex capite 4. ejusdem Concilii Toletani. Priora can. 4. Toletani

verba habentur in dicto can. 1. cau. 12. Can. 1. qu. 4., ubi jam animadverterent Romani Correctores ad illa verba: *compensatione tam juris &c.* paullo aliter haberi in Concilio ipso cum vetustis exemplaribus collato; item ego observo pro illis verbis Gratiani: *quæ suscepit extraneum* in aliis codicibus legi: *quæ suscepit externum*. Post verba postrema: *conquisitio pertinebit*, ita sequitur in Concilio ipso: *Si autem qualibet pars majori cumulo sui juris excreverit, majorem etiam portionem in divisione percipiat: quicumque vero de prædictis Sacerdotibus, vel Ministris &c.* Hic sequuntur verba dicti can. 2. cau. 12. qu. 3., cujus postrema verba ita leguntur in Concilio: *Ecclesiæ hoc sibi, cui præsides, vel Minister extitit, in perpetuo vindicabit*. Quod hoc canone definitur, apud Ecclesiam remanere bona Clericorum, quotiescumque nihil ordinatum a Clericis, dum viverent, fuerit, duplici ratione factum videtur, vel quia decebat a Clericis bona ecclesiastica, sive intuitu Ecclesiæ quæ sita dividi a familiaribus, & privatis, quoties ipsi Clerici voluissent post mortem suam singula singulis addici; vel quia verosimile esse potuit Clericos, qui aliter de bonis suis non disposuerant, Ecclesiam hæredem instituere voluisse. Si enim Martyrum bona, qui nullis superstitionibus cognatis decessissent, ex piorum Principum constitutionibus olim ad Ecclesiam devolvebantur, ea ratione, ut refert Eusebius in lib. 2. de vita Constantini cap. 36., quod defunctis utique molestum non erit, si cuius gratia nullum non discrimen subierint, eam ipsi hæredem habere contingat, pari ratione decebat Ecclesiam iis aliquando succedere Clericis, qui pro illa, dum viverent, universos labores suos, & maximam operam conulerant.

Can. 4. cau. 12. qu. 3. habetur in Can. 4. cap. 6. hujus Concilii Toletani, cujus cau. 12. hæc verba sunt: „Cum præteritis San- qu. 3. „tionibus notissimum habeatur, quæ „de rebus Parochialium Ecclesiarum „pars Episcopo conferatur, opportune „duximus decernendum, ut si Episco- „pus tertiam, quam de rebus eisdem „sanctione paterna sibi debitam novit, „aut ipsi Ecclesiæ, cujus res esse præ- „tescit, aut alteri Ecclesiæ, cui ele- „gerit, conferre decreverit, & licet „tum maneat (legunt alii: & licet „maneat), & irrevocabile roborejus „sententia ferat. " De certis partibus quæ

quæ Episcopis Hispaniarum debebatur, nonnulla inferius dicam ad can. 10. cau. 10. qu. 1., ubi de Concilio Tarracoenfi. Ceterum ad hanc rem juvat observare, per priora Ecclesiæ sæcula, institutis primum Parochiis oblationes, parochiales non Parochorum constitutorum lucro cessisse, sed ad Episcopos devolvi consuevisse, qui de sustentandis Clericis omnibus Diocesanis curam omnem, ac sollicitudinem gerebant; cum enim Cathedralis Ecclesiæ valde inopes essent, necessarium erat etiam de inferiorum Ecclesiarum redditibus eisdem occurrere. Adauctis vero posteriore tempore redditibus, coeperunt Episcopi a parochialibus obventionibus penitus abstinere. Quod primum arbitror apud Græcos obtinuisse tempore Gennadii Patriarchæ, de quo ita scribit Theodorus Lector in lib. 1. Histor. Ecclesiast. „ De „ signavit Gennadius Marcianum Econo- „ nomum, qui mox atque Economist „ factus esset, quæ in unaquaque Ec- „ clesia offerebantur, ab ejus loci Cle- „ ricis accipi decrevit; ad id enim us- „ que tempus cuncta accipiebat Eccle- „ sia magna. “ Ecclesiæ dein occiden- tales in Africa idipsum postea receperunt, apud quas etiam præceptum fuit Episcopis, ne Parochiarum oblationes in suam potestatem redigerent. Ferrandus Diaconus in suo Breviario can. 38. ex Concilio Hipponiensi ita tradit: *Ut Episcopus Matricis non usurpet quid- quid fuerit donatum Ecclesiis, qua in Diocesi constituta sunt*: Hinc generalis propemodum reddita fuit hæc omnium Ecclesiarum disciplina, alicubi maturius, alicubi citius pro modo facultatum uniuscujusque Ecclesiæ Cathedralis; non enim prius Episcopi hæc jura Parochiarum abdicarunt, quam haberent, quod sibi, Clericis, Ecclesiisque suis omnino sufficeret. Alicubi autem non integre, & generaliter omnibus Parochiarum juribus renunciarunt, sed tantum quartam, vel tertiam reddituum partem, aut oblationum sibi reservarunt, vel quod illa adhuc indigere viderentur, vel quod optarent, ut sui juris antiqui quoddam adhuc vestigium remaneret.

Can. 3.
cau. 15.
qu. 8.

Can. 3. cau. 15. qu. 8. legitur in can. 10. Concilii hujus Toletani, ubi tamen pro illis verbis: *Proles autem aliena pollutione nata non solum hereditatem nunquam accipiet* &c. ita legitur in vulgatis Concilii exemplaribus: *Proles autem*

etiam nata pollutione non solum hereditatem nusquam accipiat &c.

Can. 10. cau. 16. qu. 3. legitur eis- dem omnino verbis in can. 8. hujus Con- cilio in vulgatis exemplaribus, ubi sta- tuitur præscriptionem rerum Ecclesiasticarum non ab actu Clerici alienantis, sed potius ab ejus morte initium habere. Quid vero dicendum sit de tricennaria præscriptione in Hispania, etiam postquam Justinianus Imperator solam quadragenariam in Ecclesiasticis rebus admiserit, jam superius attigimus ad can. 3. cau. 16. qu. 3. & can. 2. cau. 16. qu. 5.

Can. 31. cau. 16. qu. 7. pertinet ad can. 1. hujus Concilii Toletani, ex quo priora verba huc sunt referenda, cum apud Gratianum desiderentur. Ita ibidem scribitur: *Omnis itaque rei Ecclesiastica quantitas, sicut remedium venie tribuit conferenti, ita damnum vite præparat fraudatori. Et ideo nullus Sacerdotum, vel Ministrorum ex rebus Ecclesiæ, qua in quibuscumque locis a fidelibus largiuntur, aliquid auferat, vel juri suo, aut Cathedra propria unitati canectat.* (alii legunt: *Civitatis canectat.*) *Devotio enim uniuscujusque sicut gratanter votum contulit Deo, ita definit, quo plenitudo votorum conservaretur in loco, in quo velut si collata tenentur, (legunt alii: locata tenentur) manet gratia offerentis, ita si frustrantur, imminet perniciēs defraudantis. Verum ut rei hujus potior soliditas habeatur, condignis filiis, vel nepotibus, honestioribusque propinquis ejus, &c. quæ apud Gratianum sequuntur.*

Sequuntur post hæc Toletani Patres in can. 2. *Cum sæpe sit solitum etiam illa, quæ non debentur, prece supplicantis, & vi quodammodo extorqueri doloris, quanto magis sine obstaculo concedi debent exquisita simul & ordine juris, & dolore compassionis? Quia ergo fieri plerumque cognoscitur, ut Ecclesiæ Parochiales, vel sacra Monasteria ita quorundam Episcoporum vel insolentia, vel incuria horridam deciderent in ruinam, ut graviter ex hoc oriatur adificantiibus maror, quam in construendo gaudii existeret labor, ideo pia compassione discernimus, ut quamdiu earum Fundatores Ecclesiarum &c. Quæ sequuntur refert Gratianus in can. 32. cau. 16. qu. 7., cui omnino iungendæ sunt Romanorum Correctorum observationes, ut quænam sit aliorum codicum diversitas agnoscatur.*

Sed

Sed præterea hoc in loco est adamussum observandum, eo tempore apud Hispanos nondum receptas fuisse Justiniani Imperatoris leges, apud quos Theodosiani potius Codicis usus erat; ac propterea nondum apud eosdem induci potuisse disciplinam de jure patronatus in hæredem transferendo, quæ jam apud Justinianum fuerat definita in l. 46. cod. de Episc. & Cleric. juncta Novella 57. cap. 2., & Novel. 123. cap. 18., Quamobrem videmus in memorato Toletani Concilii loco constitui, Fundatorem, quousque in vita ipse superstes fuerit, tantummodo curam Ecclesiarum, quas erexerat habuisse, & Clericos ad illas præsentare potuisse, eoque defuncto liberam Ecclesiam remansisse, quin jus patronatus fundatoris hæredibus concederetur.

De Canonibus Concilii Toletani X.

Post elapsam annum a Concilio 9. aliud in Toletana Urbe celebratum Concilium est anno 656., quod decimum appellant, & quidem etiam Regis ejusdem Reccesvinthi auctoritate, qui ad promovendas Ecclesiarum utilitates sollicitudinem maximam impenderat. Ex subscriptionibus Episcoporum, qui viginti numero fuerunt, præter quinque Vicarios Episcoporum absentium, videtur hoc Concilium fuisse Nationale totius Hispaniæ, præsertim cum noscamus tres in eo adfuisse Metropolitans, Eugenium Toletanum, Fugitivum Hispalensem, & Fructuosum Bracarensem. Canones ibidem editi sunt numero septem, quorum tertium retulit Gratianus in can. 6. dist. 89., licet multo aliter, quam in vulgatis Concilii exemplaribus habeatur. Itaque his verbis legendus est canon: „ Reverentiæ totius auditum, „ quia res adiit dura, non frustra cogimur hac duriori extirpare censura. „ Agnovimus enim quosdam Pontifices „ præcepti Principis Apostolorum, qui „ ait: Pascite, qui in vobis est, gregem, non coactæ, sed spontaneæ, nec „ dominantes in Clero, sed forma facti gregis, ita esse immemores, ut „ quibusdam Monasteriis, Parochialibusque Ecclesiis, aut suæ consanguinitatis personas, aut sui favoris particeps iniquum sæpe statuunt in Prælatum, ita illis providentes commoda „ inhonesta, ut eisdem deferantur, aut „ quæ proprio Episcopo dare justus or-

„ do poposcerit, aut quæ rapere depnati exactoris violentia potuerit. Proinde decenter omnibus placet, & in præsentem tale rescindere factum, & non esse de cetero faciendum. Nam quisquis Pontificum deinceps aut sanguini propinquis, aut favore sibi perlonis quibuscumque devinctis talia commodare lucra tentaverit ausu nefandæ præsumptionis, & quod visum fuerit devocetur in irritum, & qui ordinari, annuæ excommunicationis ferat excidium. “ Ex his explicandus erit, ac supplendus Gratianus; etenim si & præfationem canonis, ceteraque omnia verba consideraverimus, statim agnosceamus, non ideo editam fuisse eam sanctionem, quod perpetuus esset, ac generalis, sed potius ut gravi abusu, qui in Hispaniis ea in re obtinebat, confunderetur; quamobrem ipsimet Toletani Patres hanc eandem, quam constituiebant, jurisprudentiam minime dubitarunt appellare nomine *cenfura durioris*.

In can. 4. Concilii Toletani, qui im-
mediate sequitur, legimus can. 16. cau. 20. qu. 1., cujus definiendi occasio hæc fuit: „ Inveniuntur (ita agebant Toletani Episcopi) nonnullæ viduæ di-
versis exculationibus se adeo contegentes, ut blandiantur sibi, non se Patrum plena religionis alligatas institutione teneri. Unde antiquis in-
concusse permanentibus regulis, hoc adjicitur novæ oraculo sanctionis, ut vidua, quæ sanctæ religionis obire re propositum voluerit &c. Hic subsequuntur verba Gratiani usque in finem ibi: & non suspecta, post quæ hac subjiciuntur: quæ careat & varietatibus colorum, & diversitatibus partium, adeo ut absque ulla suspicionem transgressionis maneat usus tantum apta sanctæ religionis, & usui sexus competens ad testimonium probitatis. Ut autem deinceps nihil devocetur in dubium, pallio purpurei, vel nigri coloris caput contegat ab initio susceptæ religionis, ut dum illic intulerit signum probabilis sanctitatis, ubi nullius falli poterit visio intuentis, nunquam attentetur ausus detestandæ præsumptionis. “

Can. 1. cau. 20. qu. 2. pertinet ad can. 6. ejusdem Toletani Concilii, cuius priora verba hæc sunt, quæ apud Gratianum desiderantur: „ Cum huc usque dissolutæ operationis effectus „ in-

interdum mutare fecit honestæ con-
 versationis edictum, dum incondite
 resolvi putatur, quod indissolubile
 sanctionis auctoritate tenetur; ideo
 quidquid obvium ex incerto occurrit,
 evidenter abjici debet, ut de cetero
 nihil superfit, quod in dubium mure-
 tur. Ideoque si in qualibet minori
 ætate, vel religionis tonsuram, vel
 vel religioni debitam vestem in utro-
 que sexu filiis, aut unus, aut ambo
 parentes dederint, certe aut nolenti-
 bus, aut nescientibus se susceptam,
 &c. quæ apud Gratianum subse-
 quuntur iis adnotatis, quæ jam Roma-
 ni Correctores recte observaverunt ad
 vocem illam: *quartumdecimum*.

Can. 36. De can. 36. cau. 27., qu. 1. nihil
 cau. 27. est, quod ulterius adjiciam, postquam
 qu. 1. Romani Correctores illum rede-
 gunt ad fidem optimorum exemplarium, & ad
 integritatem can. 5. Toletani.

De Canonibus Concilii Toletani XI.

Anno Domini 675. aliud celebratum
 est Concilium Toletanum, quod undeci-
 mum vulgo appellatur, & quidem to-
 tius Toletanæ Provinciæ, intervenien-
 tibus Episcopis novemdecim, & septem
 Abbatibus sub Quirico Metropolita To-
 letano, Synodalem autem congressum
 postulante Vuambaro Rege, quem Ex-
 cellentissimum, & Religiosum Principem
 Episcopi hujus Concilii nominarunt.
 Jam octodecim anni effluxerant, ex quo
 Episcopi in unum convenire non pote-
 rant ob temporum difficultates; quamo-
 brem jamdiu Ecclesiastica disciplina cor-
 ruisse quodammodo videbatur, cui pro-
 pterea consulendum erat, quemadmo-
 dum consultum fuit sexdecim Canonibus
 editis. Ex his tertius habetur in can.
 13. dist. 12. cujus verba omnino confo-
 rant cum vulgatis Concilii exemplari-
 bus. Non est tamen contemnenda, quæ
 ibidem subjicitur, Romanorum Corre-
 ctorum observatio.

Can. 13.
 dist. 12.

Can. 6.
 dist. 23.

Can. 10. ejusdem Concilii legitur in
 can. 6. dist. 23., ubi quædam Codicum
 varietas adparet; etenim ubi Gratianus
 habet: *probat disciplina*; legunt alii:
provehit disciplina, ubi Gratianus scri-
 bit: *generali sponfione*, scripserunt alii:
generali innoxione; ubi Gratianus: *est*
ascensus, alii: *est accessus*; ubi Gra-
 tianus habet: *placiti sui adnotatione*,
 legunt alii: *placiti sui innodatione*; alii
 etiam: *placita sibi annotatione*; demum

Tom. I.

ubi Gratianus legebat: *placitis talium*
inferenda, legunt alii: *placitis talium*
inferenda.

In can. 8. hujus Concilii legitur can. 101.
 101. cau. 1. qu. 1., ad quem Romani cau. 1.
 Correctores jamdiu adnotarunt, quænam qu. 1.
 sit in Codicibus aliis varietas scriptio-
 nis, licet ubique eadem semper maneat
 Toletanorum Patrum immutata senten-
 tia. Unum ego addo, quod Romani iu-
 dem Correctores omiserunt, videlicet
 postrema illius canonis verba in quibus-
 dam codicibus ita haberi: *Et competenti*
verbere, & debita excommunicatione ple-
standus est. Porro verberum pœnam in
 Ecclesia vetere consuevisse Clericis mi-
 noribus infligi ex pluribus antiquissimis
 monumentis, præsertim ex S. Augusti-
 no non ignoramus, adinstar pœnæ il-
 lius, cui subiacere solent ex Præcepto-
 rum sententia discipuli in hodiernis
 scholis.

Can. 3. cau. 5. qu. 4. habetur in can. 3.
 1. ejusdem Concilii; sed quoniam non cau. 5.
 eadem leguntur in omnibus exemplari- qu. 4.
 bus, operæ pretium erit illum ita de-
 scribere: *in loca benedictionis* (intelli-
 gitur hic locus Concilii, quemadmodum
 commode eruitur ex contextu totius ca-
 nonis) *confidentes Domini Sacerdotes: nul-*
lis debent (legunt alii: *nullus debet*)
aut indiscretis vocibus perfringere, aut
quibuslibet tumultibus perturbari; nullis
etiam (legunt alii: *et perturbare; nullis*
etiam) *vanis fabulis, vel risibus agi,*
& quod deterius est, obstinatis discepta-
tionibus (legunt alii: *concentrationibus*)
tumultuosas voces effundere. Si quis
animi, ut Apostolus ait, putat se reli-
giosum esse, non refrænans linguam suam,
sed sed. cens. cor suum, hujus vana est
religio: cultum enim suum iustitia per-
dit, quando silentia iudicii obstrepentium
turba confundit, dicente Propheta: erit
cultus iustitia silentium. Debet ergo quid-
quid aut consultationibus confidentium
agitur, aut ab accusantium parte propo-
nitur, sic mitissima verborum relatione
proferri, ut nec contentiosis vocibus sen-
sus audientium turbent, nec iudicii vi-
gorem de tumultu enervent. (Legunt
alii: Debet ergo quidquid aut contenden-
tium collationibus agitur, aut accusan-
tium parte proponitur, sic mitissima ver-
borum relatione proferri, ut nec conten-
tiosis vocibus audientiam turbet, nec ju-
diciarium vigorem de tumultu enervent).
Quicumque ergo in convensu Concilii hac,
quæ præmissa sunt, violanda crediderit,
& con-

Cc

& contra hac interdicta aut tumultu, aut contumeliis, vel risibus Concilium conturbaveris, juxta divina legis edictum, quo precipitur: Ejice derisorem, & anibis omni eo jurgium, & cum omni dodesore de confessione abstractus (legunt alii: cum omni confusionis dodesore abstractus) a communi catu secedat, & trium dierum excommunicationis sententiam perferat.

Can. 15. In can. 15. cau. 7. qu. 1. habetur can. cau. 7. 24. hujus Concilii, ubi tamen pro illis qu. 1. verbis: verendum vobis est, & cavendum, legunt alii: curandum nobis est, & cavendum.

Quæ ex Gratiani commentariis huic fragmento adjecta fuerant, Romani Correctores jamdiu observaverunt, illaque hodie apud Typographos jure optimo diversis characteribus imprimuntur. Consonat autem cum sententia hujus canonis can. 16. eadem causa, & questione, quem jam superius exhibuimus suo loco.

Can. 30. Canon 30. cau. 23. qu. 8. consonat omnino cum can. 6. hujus Concilii Toletani. Erat tum in more positum apud Hispanos, ut Episcopi peterent a Principe, ut sibi delegarentur criminales causæ, præsertim quæ ad crimen læsæ Majestatis pertinerent. Princeps vero id facile indulgebat, probatam habens Episcoporum æquitatem, atque optimum arbitrium existimans. Sed jam in aliis Conciliis Toletanis visa fuerant Episcopis non satis convenientia hujusmodi judicia, proptereaque pluries cautum est, ne Episcopi amplius se in his causis Judices constitui curarent. Facit etiam ad hanc rem can. 30. Concilii Toletani IV., de quo jam superius egi ad can. 29. cau. 23. qu. 8.

De Canonibus Concilii Toletani XII.

Ad exemplum Concilii Toletani VIII. sub Rege Reccesvintho celebrati, quem admodum superius intelleximus, habitum fuit Concilium Toletanum, quod vulgo duodecimum dicunt, anno 681. : Illud enim non tam fuit Synodus Virorum Ecclesiasticorum, sed & generalia exhibuit totius Regni Hispaniarum comitia, auctoritate Regis Ervigii inita, ad quæ & Rex ipse advenit, ut Constitutionibus ibidem edendis auctoritatem suam, potestatemque tribueret. Illud inter cetera piissimus Princeps obtestatus Episcopos est, & Regni Proceres, quos adesse jussit, ut si quid

emendandum, corrigendumque ipsis videretur, aut innovandum, sine ullo discrimine prorsus corrigerent, aut etiam innovarent: Præsertim vero illud eximiorum virorum fidei commendavit, quo fieret, ut nulla amplius Judaici populi vestigia in Hispaniis superessent. Quamobrem libellum quendam Rex ipse Concilio toti exhibuit, ut quidquid ipse expostularet, palam universi perciperent. Interfuerunt comitiis solemnibus Metropolitanis quatuor, Toletanus, Hispanensis, Bracarensis, & Emeritensis; cum illis quoque Episcopi 31., Abbates quatuor, Vicarii Episcoporum absentium tres; viri autem Illustres, ac Proceres Regni quindecim; qui omnos tribus supra decem Canonibus editis, arbitrati sunt se satis Hispaniarum Ecclesiis, illarumque rebus consuluisse.

Æquissimæ Principis piissimi voluntati morem gessere, quicumque conveniant; quod inter cetera liquet ex can. 17. dist. 54., qui eisdem verbis omnino legitur in can. 9. illius Synodi. Plura autem ac plura ibidem continentur, quæ in odium Judæorum constituta fuerunt.

Can. 25. dist. 63. referendus est ad can. 6. ejusdem Concilii Toletani, cujus verba integra describenda sunt, cum nonnulla apud Gratianum desiderentur. Illud quoque collationi mutua discernendum nobis occurrit, quod in quibusdam Civitatibus decedentibus Episcopis propriis, dum differtur diu ordinatio successoris, non minima creatur, & officiorum divinorum offensio, & Ecclesiasticarum rerum noscitur perditio. Nam dum longe, lateque diffuso commeatium (legunt alii: commeatu) impeditur celeritas nunciorum, quo aut non queat Regis auditibus decedentis Præsulis &c. Quæ sequuntur apud Gratianum consonant cum exemplaribus vulgatis Concilii, dummodo animadvertamus in istis legi injuriosa necessitas, ubi Gratianus scripserat: innumerosa necessitas. Præterea verba illa: atque Gallicia delenda omnino esse videntur a Codicibus Gratiani, utpote quæ in accuratioribus MSS. desiderantur. Tanto autem minus, uti aliquibus visum fuit, legendum esset: atque Gallia; jamdiu enim ad Hispanorum Concilia Nationalia convenire destiterant Galliarum Gothicæ Episcopi, qui antea quidem Gothis Hispanis subiecti fuerant, ideoque ad Hispanorum Concilia aliquando convenerant; at postea Gothorum Principum jugo a Francis excus-

Can. 17. dist. 54.

Can. 25. dist. 63.

excusso, non amplius cum Hispanis Nationalia Concilia celebrarunt. Post verba postrema Gratiani fragmenti *visurus accedat*, statim hæc subsequuntur in integris Concilii Codicibus: „ Quæ „ liter ejus auctoritate, vel disciplina „ instructus condigne susceptæ sedis gu- „ bernacula teneat. Quod si per deli- „ diam, aut neglectum quilibet consti- „ tuti temporis metas excesserit, qui- „ bus Metropolitanus sui nequeat obtu- „ ribus præsentari, excommunicatum „ se per omnia noverit, excepto si Re- „ gia jussione impeditum se esse proba- „ verit. Hanc quoque definitionis for- „ mulam, sicut de Episcopis, ita de „ ceteris Ecclesiarum Rectoribus pla- „ cuit observandam. “ Ex his adparet, antiquissimam fuisse in Hispania disciplinam, ut Episcopi, ceterique Ecclesiarum Rectores a Rege eligerentur; quamobrem etiam Braulio Cæsaraugustanus in Epistola ad Isidorum Hispalensem ita aperte scribebat: „ Ut quia „ Eusebius noster Metropolitanus de- „ cessit, habeas misericordiæ curam, „ & hoc Filiolo tuo nostro Domino „ suggeras, ut illum illi loco præfi- „ ciat, cujus doctrinæ sanctitas ceteris „ sit vitæ forma: *quibus ita respondit* „ Isidorus: De constituendo autem Episcopo Tarraconensi, non eam, quam „ petisti, sensi sententiam Regis; sed „ tamen & ipse adhuc, ubi certius „ convertat animum, illi manet in- „ certum. “

Can. 35. cau. 17. qu. 4. pertinet ad
can. 10. ejusdem Concilii. Sati-
us tamen fuisse, si Gratianus integrum cano-
nem retulisset, qualis habetur in ipsi-
met Concilii exemplaribus; Etenim prio-
ra hæc verba Gratianus omisit: *Pro his, qui quolibet metu, vel terrore Ecclesiam appetunt, consentiente pariter, & jubente gloriosissimo Domino nostro Ervigio Rege, hoc sanctum Concilium definivit, ut nullus audeat fugientes ad Ecclesiam, vel residentes inde abstrahere &c.*

Can. 21. cau. 32. q. 5. eisdem omni-
no verbis legitur in can. 8. Toletano; ubi tamen observatione dignum agnosco, quod hæc constitutio ad solos Nobiles pertineat; enim vero, quæ pœna transgressoribus legis ibidem præscribitur, solos nobiles afficere potest, scilicet Palatinæ dignitatis, sive officii amissio, item denegatio testimonii generosæ dignitatis. Quæ ut clarius intelligantur, prænotare juvet, dignitates, &

officia Palatina in Hispania nobilibus concedi consuevisse, quibus expletis emeriti consequerentur honorifica, ut vocabant, generosæ dignitatis testimonia, quibus scilicet probata videretur eorum virtus, ex quo libere ad maximos Regni honores, ac dignitates aspirarent. Forte itaque Toletani Patres nobilium tantummodo Personarum decreto suo comprehensas voluerunt, vel quod apud viros tantum illustres genere hic dimittendarum uxorum abusus irrepserat; vel quod prudentissime se agere duxerint Toletani Patres, quoties in communi delicto alloquerentur tantum viros illustres, & a vicio averterent, futurum sperantes, ut illorum averforum exemplo etiam ceteri in conjugii unitate consisterent.

In can. 5. ejusdem Concilii Toletani *Can. 11. de consecr. dist. 2. quoniam vero vulgata Concilii exemplaria paullo aliter canonem ipsum exhibent, quam a Gratiano scriptus fuerit, juvabit ita ex ipsis fragmentum adferre.* „ Relatum nobis est, quosdam de Sa- „ cerdotibus non tot vicibus Commu- „ nionis sanctæ Gratiam sumere, quot „ sacrificia in uno die videantur Deo „ offerre; sed in uno die si plurima per „ se Deo offerant sacrificia, in omni- „ bus se oblationibus a communicando „ suspendunt, & in sola tantum extre- „ mi sacrificii oblatione communionis „ sanctæ gratiam sumunt, quasi non „ sit toties reus illius veri, & singula- „ ris sacrificii, quoties participator Cor- „ poris, & Sanguinis Domini nostri Je- „ su Christi esse destiterit. Nam ecce „ Apostolus dicit: nonne qui edunt ho- „ stias, participes sunt Altaris? Si er- „ go qui edunt hostias, participes sunt „ Altaris, certum est, quod hi, qui „ sacrificantes non edunt, rei sunt do- „ minici Sacramenti. Quicumque ergo „ Sacerdotum deinceps divino altario Sa- „ crificium oblaturus accesserit, & se „ a communione suspenderit, ab ipsa „ qua se indecenter privabit, gratis „ communionis anno uno repulsum se „ noverit. Nam quale erit illud Sacri- „ ficiu, cui nec ipse sacrificans parti- „ cipasse cognoscitur? Ergo hoc modis „ omnibus est tenendum, ut quotiescum- „ que sacrificans Corpus, & Sanguinem „ Jesu Christi Domini nostri in Altario „ immolat, toties perceptioni Corpo- „ ris, & Sanguinis Christi se partici- „ pem præbeat. “ Ex hoc canone li-
Cc 2 quæ,

quet, olim morem fuisse Sacerdotibus, ut uno, eodemque die Missas, ut ajunt, plures celebrarent; qui usus etiam usque ad sæcula 11. vel 12. perseveravit; hac enim demum ætate cavere cæpit, ut duæ tantummodo, vel tres celebrarentur; Hinc Concilio Saleguntstadiensi undecimo sæculo celebrato can. 5. ita definitum fuisse scimus: *Ut unusquisque Presbyter in die non amplius, quam tres Missas celebrare præsumat.* Quod vero in more etiam fuerit apud quosdam Sacerdotes, ut quoties plures Missas una eademque die celebrarent, in extrema tantum Eucharistiam ipsi sumerent, id manifeste liquet ex S. Cypriano Epist. 65. ad Cæciliam. Verum posterior hæc consuetudo visa fuit improbanda, tamquam divinæ institutioni repugnans; ex divina quippe traditione profectum est, ut Sacerdotes ipsi in Missarum celebratione communicent, quod & in hoc canone Toletani Patres indicta transgressoribus poena jure optimo constituerunt.

De Canonibus Concilii Toletani XIII.

Ad instar, & formam Concilii Toletani 12., de quo nuper egimus, celebratum etiam est anno 633. Concilium Toletanum, quod decimumtertium vocant, sub eodem Ervigio Rege. Convenerunt ad istud ex Hispania universa Episcopi octo, & quadraginta, ex quibus Metropolitani quatuor, Toletanus, Hispalensis, Emeritensis, & Bracarensis, item septem supra viginti Vicarii Episcoporum absentium, Abbates octo, & Regni Proceres sex supra viginti; qui omnes viri illustres una cum ipso met Principe ad Synodum convenientes non tam de reformatione disciplinæ Ecclesiasticæ petractarunt, quam de optimo illius Imperii regimine; Rex enim ipse ibidem proposuerat, se nihil velle sine communi omnium consilio facere, quod ad Regni sui incolumitatem pertinere videretur. Confecta res est communi omnium consensione, atque tribus supra decem capitibus editis, sive Ecclesiasticis, sive Civilibus negotiis opportune consultum est. Ex his autem capitibus unum tantummodo retulit Gratianus in can. 13. cau. 26. qu. 5. non tamen omnino integrum; cujus propterea verba hoc in loco describam. Ita legitur in can. 7. Concilii. "Væ his, qui faciunt opus Domini fraudolenter, & desidiose, propheticus sermo an-

nunciat. Et si illi væ incurrunt, quæ negligentem opus Domini faciunt, quod supplicium merebuntur, qui divinæ servitutis cultum malitia intercedente ab Altaribus Christi subducunt? Illos dicimus, qui obstinate mentis doloitate confusi (*legunt alii: Confusi*) cum aliqua eos molestia fratrum terrorem jurgiorum puerit, insana illico temeritate abrepti altaria nudantes sacratissimis vestibus exuunt, luminaria subrahunt, ac divinorum sacrificiorum cultum malitia intercedente subducunt. Et quod in hominibus se vindicare non possunt, injuriam Deo, quod pejus est, inferunt. Unde si hujusmodi pro fratre, no odio homicidæ reatu adstringitur, pro contemptu divino quid poenæ merebitur; etenim juxta quod divinus sermo increpat: Si peccaverit vir in virum, placari ei potest Deus; si quis autem peccaverit in Deum, quis pro eo rogaturus est? Facile ergo talium Sacerdotum excessibus illa Domini sententia coaptabitur, qua malitia percutitur Sacerdotum: Dixit enim: Honorificantes me honorificabo, qui autem contemnunt me, erunt ignobiles. Quicumque ergo Sacerdotum (*hic exorditur Gratianus*), vel ministrorum deinceps causa cujuslibet doloris, vel amaritudinis permotus, aut Altare divinum, vel vestibus sacratissimis exuere præsumserit; aut qualibet alia lugubri veste accingi; seu etiam si consueta luminarium sacrorum obsequia de Templo Dei subtraxerit, vel extinguere præceperit, aut quodcumque lugubritatis (*hæc Gratianus omisit*) in Templo Dei induxerit, atque, quod pejus est, occasionem nutrierit, unde de Templo Domini aut officia consueta desint, aut oblatio singularis Sacrificii videatur in aliquo defraudari; si eum antea veræ poenitudinis (*rursum hic persequitur Gratianus*) coram Metropolitano satisfactio non purgaverit, ignobilitati perpetuæ mancipatus juxta superiorem sententiam Domini, & loci sui dignitate se novetur, & hoc honore privari. Illis procul dubio personis ab hac ultionis sententia separatis, quæ aut contaminationem sacrorum Ordinum, vel subversionem sanctæ fidei metuentes, aut hostilitatem, vel obidionem præferentes, seu etiam divinorum judi-

Can. 13.
can. 26.
qu. 5.

„ eorum sententiam metuentes tale fecisse contigerit, in quorum facto plus humilitas, qua Deus placetur, quam interni laboris doloſitas declaratur. Quæ ſequuntur apud Gratianum in ſ. plerique etiam pertinent potius ad Concilium decimum ſeptimum Toletanum, quemadmodum jam eruditi omnes obſervaverunt. Fuit iſtud Concilium celebratum anno 694. a plerisque Hiſpaniarum, & Galliarum Epiſcopis ſub Flavio Egicane Rege, qui, & ipſe Synodo interſuit, & ad reformandam Eccleſiaſticam diſciplinam plurimum egit. In can. 5. ejus Concilii ita legitur: „ Dum Spiritus Sanctus per os Sanctorum ſuorum humano generi ſta-
„ tuit omnibus modis mendacium præ-
„ cavere, dicente Salomone: Noli nar-
„ rare mendacium adverſus fratrem
„ tuum, neque amico ſimiliter facias,
„ & iterum: Os, quod mentitur, oc-
„ cidit animam, plerique Sacerdotum,
„ qui prædicatores veritatis exiſtere
„ debuerunt, & ex quorum ore uni-
„ verſas plebium legem veritatis de-
„ bet exquirere, ſecundum Salomonem,
„ dicit: labia Sacerdotis custodiunt
„ ſcientiam, & legem exquirunt de
„ ore ejus, quia Angelus Domini eſt,
„ ita præpediente delicto, atque ſau-
„ ciati inimicitæ dolo non ſolum ho-
„ minibus fallaciter loqui minime per-
„ timeſcunt, ſed & in Sanctis Baſilicis
„ ſupra Altare Domini coram Deo
„ idem nequaquam perpetrare horre-
„ ſcunt. Nam Miſſam pro requie de-
„ functorum promulgatam fallaci voto
„ pro vivis ſtudent celebrare homini-
„ bus, non ob aliud, niſi ut is, pro
„ quo idipſum offertur Sacrificium,
„ ipſius ſacroſancti libaminis interven-
„ tu mortis, ac perditionis incurrat
„ periculum, & quod cunctis datum
„ eſt in ſalutis remedium, illi hoc per-
„ verſo inſtinctu quibuſdam eſſe expe-
„ tunt in interitum. Obinde nolite
„ elegit humanitatis conventus, ut ſi-
„ quis Sacerdotum deinceps talia per-
„ petraſſe fuerit detectus, a proprio
„ deponatur gradu, & tam ipſe Sacer-
„ dos, quam etiam ille, qui ad talia
„ peragenda incitaſſe perpenditur, exi-
„ lii perpetui ergaſtulo relegati, ex-
„ cepto in ſupremo vitæ curriculo,
„ cunctis vitæ ſuæ diebus ſacræ Com-
„ munionis ei denegetur perceptio,
„ quam Deo ſe crediderunt fraudolen-
„ to delibaſſe ſtudio. Quibus verbis

dictus can. 13. apud Gratianum videatur ad integritatem exemplarium exactus, & penitus reſtitutus.

De Canonibus Concilii Toletani XVI.

Anno 693. Regnante in Hiſpaniis Flavio Egicane celebratum eſt aliud Nationale Concilium, quod Toletanum decimumſextum dicitur, eo convenientibus Epiſcopis octo, & quinquaginta, inter quos aderant Metropolitanus quinquè Toleranus, Hiſpalenſis, Emeritenſis, Tarraconenſis, & Bracarenſis, præter tres Vicarios Epiſcoporum abſentium, quinque etiam Abbates; nec deſerunt ad inſtar præcedentium Conciliorum eo convenire Viri Illuſtres, & Proceres Regni, ex quibus ſexdecim ipſi Concilio ſubſcripſerunt. Interſuit etiam Rex ipſe Egica, cujus conſilio, & ſuaſione editi fuerunt can. numero treſdecim, ex quibus duos habemus apud Gratianum. Qui numero ſeptimus eſt in Concilio, is reſertur in can. 17. diſt. 18. cujus verba ita legenda erunt: „ Grandis populo
„ datur emendationis correctio, ſi ge-
„ ſta Synodalia, dum quandoque pera-
„ guntur, relatione Pontificum in ſuis Pa-
„ rochiis publicantur; & ideo plena
„ decernimus unanimitate connexi, ut
„ dum in qualibet Provincia Concilium
„ agitur, (*legunt alii* agitur), uauſ-
„ quiſque Epiſcoporum admonitionibus
„ ſuis infra ſex meſium ſpatium omnes
„ Abbates, Presbyteros, Diaconos, at-
„ que Clericos, ſeu etiam omnem Con-
„ ventum Civitatis ipſius, ubi præſeſſe
„ dignoſcitur, nec non & cunctam dico-
„ celis ſuæ plebem aggregare nequaquam
„ moretur, quatenus coram eis omnia
„ publice reſerata, de his, quæ eodem
„ anno in Concilio acta, vel definita
„ extiterint, pleniffime notiores efficiantur. Profecto etenim pravorum ſeve-
„ ritas extirpatur, dum canonica inſti-
„ tuta ad agnitionem eorum obſervanda
„ modis omnibus deducuntur: ita ſcili-
„ cet, ut quæ ſunt, aut in præteritis
„ geſtis, aut in præſentibus conſtitutis,
„ nullus ea reverberare præſumat, nul-
„ lus non implere contendat. Quod ſi
„ quiſpiam ea aut parvipendenda cre-
„ diderit, aut contemnenda deſegerit,
„ aut contra hæc inobedientia tumidus,
„ ſuſurratione plenus, invidia inceſſus,
„ & laceratione perfunctus, necnon po-
„ tius earundem definitionum (*legunt
„ alii* institutionum). extiterit ſauſtor
„ bene-

Can. 17.
diſt. 18.

„benevolus, sententia excommunica-
 „tionis duorum mensium curricula per-
 „sister usquequaque multatus. Ex his
 verbis facile supplere unusquisque pote-
 rit Gratiani fragmentum a Collectore
 ipso mutilatum.

- Can. 3. Alter can. a Gratiano laudatur in can.
 cau. 10. 3. cau. 10. q. 3. quem licet Romani
 qn. 3. Correctores ex optimis exemplaribus e-
 mendare cœperunt ex can. 5. Concilii,
 nondum tamen omnino integer est, cum
 ibidem priora hæc verba desiderentur.
 „Quamquam in præteritis Sanctorum
 „Patrum de diversis causis sententiæ
 „enitescant, sed & nunc quæ tempo-
 „ri, ordinique congruant, ordinato ju-
 „re instituenda sunt. Nam sicut anti-
 „quitas de causis ingruentibus edicta
 „multimoda edidit, ita nunc nostri tem-
 „poris ætas de his, quæ occurrunt, ut
 „faciat, convenit. Quapropter in me-
 „dio cætus nostri deducta est quorun-
 „dam consuetudo inordinata Sacerdo-
 „tum, qui Parochias suas ultra modum
 „diversis exactionibus, vel angariis com-
 „primunt, vel quod quamplures Ec-
 „clesiæ destitutæ persistunt. Idcirco
 „unio nostræ adunationis decrevit, at-
 „que instituit, ut &c. Quæ sequuntur
 apud Gratianum cum ipsis editis Con-
 cillii exemplaribus omnino concordant.
 De tertia autem oblationum parte Pa-
 rochialium Ecclesiarum, quæ contra mo-
 rem Romanæ Ecclesiæ in Hispaniis E-
 piscopo exolvebatur, nonnulla dicam,
 ubi agendum erit de Tarraconensi Con-
 cilio ad can. 10. cau. 10. q. 1. Hoc lo-
 co observatione dignum arbitrör, quod
 dicitur Ecclesiam illam esse alteri Ec-
 clesiæ ob inopiam reddituum uniendam,
 quæ decem mancipia non possidet. Ego
 arbitrör mancipiorum nomine intelligi
 mancipiorum pretium, ut scilicet ea Ec-
 clesia tamquam inops haberetur, quæ
 tantum in bonis non possideret, quod
 ad deoem mancipia emenda sufficeret.
 Erat enim ea ætate frequentissimus man-
 cipiorum usus; sic in lib. 3. legum Lon-
 gobardarum tit. 1. cap. 46. præscriptum
 legimus, ut unicuique Ecclesiæ duo man-
 cipia assignarentur, ut mirum propterea
 esse non debeat, redditus Ecclesiasticos
 ad mancipiorum numeros, & notas redigi
 potuisse. At si curiosius quis-
 quam quæreret de pretio mancipiorum,
 ut exinde deduceret, quandonam apud
 veteres inops Ecclesia existimaretur, ita
 ut esset alteri Ecclesiæ unienda; in pri-
 mis dixerö, varium illud esse potuisse,

sicut in ceteris venalibus rebus, pro
 temporum præsertim, & mancipiorum
 ipsorum qualitate; aliter enim novitius,
 aliter veteranus, aliter artifex vende-
 batur apud veteres, quemadmodum constat
 ex toto titulo Pandectarum de ædili-
 tio edicto. Ceterum cum in hac re
 spectanda sit generalis, & communis
 existimatio, hæc olim fuisse videtur au-
 reorum viginti, quemadmodum patet ex
 l. 31. ff. de minoribus, & ex l. 1. Cod.
 de communi servo manumisso. Postero-
 re ætate, ubi ad alia monetarum gene-
 ra devenit, duodecim solidis æstima-
 ri cœperunt, uti testatur Gregorius
 Turonensis lib. 3. cap. 15. & habetur
 in Concilio Matisconensi I. anni 581.
 can. 16. quem retulit Gratianus in can.
 18. dist. 54. Quamobrem cum hæc duo-
 decim solidorum existimatio Concilii To-
 letani XVI. temporibus convenire possit,
 facile concludet unusquisque dotem Pa-
 rochiali Ecclesiæ competentem tempo-
 ribus Concilii Toletani ejusdem fuisse
 solidorum centum, & viginti. Qua ve-
 ro ratione solidos illius ætatis ad nostro-
 rum temporum pecunias reducere pos-
 simus, meum non est hoc loco solerter
 inquirere; præsertim cum, qui rei num-
 mariæ veteri student, non in una sint,
 eademque sententia.

*De ceteris Canonibus Concilii Toletani
 nomine laudatis.*

Quædam adhuc supersunt apud Gra-
 tianum capita, quæ nomine Concilii
 Toletani relata scimus. Ex his est can.
 14. dist. 23. qui in nullo ex Conciliis
 Toletanis legitur, sed potius in Hispa-
 lensi II. de quo suo loco agendum erit.
 Forte autem quispiam, qui Gratiano
 auctor extitit, ex Concilio Toletano lau-
 daverat, quia depromserit ex aliquo Co-
 dice Hispano, in quo una cum Toleta-
 nis Hispalenses can. haberentur. Porro
 in dicto Concilio Hispalensi II. hæc le-
 gimus can. 5. “Quinto judicio ad co-
 „gnitionem nostram Aniani Egabrensis
 „Diaconi relatu deductum est, (le-
 „gunt alii: ad cognitionem nostri exa-
 „minis Agabrensis Diaconi relatu per-
 „venit) de quibusdam ipsius Ecclesiæ
 „Clericis, quorum dum unus ad Pre-
 „sbyterium, duo ad Levitarum mini-
 „sterium sacrarentur, Episcopus eorum
 „oculorum dolore detentus fertur ma-
 „num suam super eos tantum posuisse,
 „& Presbyter quidam illis contra Ec-
 „clesiam

„clasticum ordinem benedictionem de-
 „disse. Qui licet propter tantam præ-
 „sumtionis audaciam poterat accusatus
 „iudicio præsentis damnari, si adhuc in
 „corpore positus non fuisset mortis va-
 „catione præveptus; sed quia jam ille
 „examine divino relictus humano iudi-
 „cio accusari non potest, hi, qui su-
 „per sunt, & ab eo non consecrationis
 „titulum, sed ignominiam potius eulo-
 „gium (alii legunt: eloquium) per-
 „ceperunt, ne sibi licentiam talis ul-
 „tra usurpatio faciat, decrevimus, ut
 „a gradu Sacerdotalis, vel Levitici or-
 „dinis, quem perverse adepti sunt,
 „depositi æquo iudicio abjiciantur. Ta-
 „les enim merito iudicandi sunt remo-
 „vendi, quia prave inventi sunt con-
 „stituti“. Ex his restituendum erit
 „Gratiani fragmentum, quod Gratianus
 „ipse valde perstrinxerit, licet eadem re-
 „tenta sententia.

Can. 6. Can. 6. & 8. dist. 54. jungendi simul
 & 8. sunt, utpote qui pertineant ambo ad
 dist. 54. Capitularia Regum Francorum, & qui-
 dem ad unum, eundemque locum refe-
 rendi; ita ut verba can. 8. immediate
 subsequantur post verba can. 6. In edi-
 tione Parisiensi Capitularium anni 1677.
 lib. 1. cap. 82. sic juncta leguntur, nec
 non in Capitulari Ludovici Pii anni 876.
 cap. 6. ubi tamen pro illis Gratiani ver-
 bis: *ad gradus Ecclesiasticos promovuntur*,
 ita legitur: *ad gradus Ecclesiasticos in-
 discrete promovebantur* pro illis Gratia-
 ni verbis: *aut per literas*, ibi legitur
aut latitans; demum ubi Gratianus leg-
 git, *ignotum sit*, habetur in Capitula-
 ribus: *ignoraverit*. Quomodo vero factum
 fuerit, ut hi can. potius ex Toletano
 Concilio laudarentur, facile unusquisque
 conijcere poterit, qui Collectores Gra-
 tiano antiquiores evolverit. Ivo Carno-
 tensis in parte 6. decreti cap. 38. & 132.
 eadem fragmenta Toletano Concilio in-
 scripsit, deceptus tamen ex Burchardo,
 qui in lib. 2. cap. 23. & 30. eadem re-
 tulerat ex Concilio pariter Toletano.
 Sed & Burchardus erravit ex negligen-
 tia quadam, dum uteretur de more suo
 Collectione Reginonis Prumiensis. Re-
 gino enim in lib. 1. cap. 394. retulerat
 can. 73. Concilii Toletani IV. hac in-
 scriptione can. adjecta: *ex Concilio To-
 letano*. Deinde gradum faciens ad ca-
 put 395. fragmentum retulit Concilii
 Parisiensis hac inscriptione: *Item ex Ca-
 pitularibus tit. 84*. Deinde in cap. 396.
 retulit eadem quæ apud Gratianum ha-

bentur in dicto can. 6. dist. 54. hac in-
 scriptione adjecta, *ex eodem cap. 82*. post
 quæ subiecit in cap. 397. verba can. 8.
 dist. 54. nullo adjecto nomine auctoris.
 Intenderat in hæc capita Burchardus,
 qui descripturus caput 396 & 397. Re-
 gionis, agnoverat ea laudari hoc no-
 mine *ex eodem cap. 82*. & putavit hæc
 referri potius ad inscriptionem cap. 394.
 ubi scriptum erat: *ex Concilio Toletano*,
 quam ad inscriptionem capitis 395. ubi
 scriptum erat: *Item ex Capitularibus tit. 84*.
 neque enim sibi facile persuadere
 posse invicem hæc inscriptiones conso-
 nare: *Ex Capitularibus*, & *ex eodem*,
 cum potius scribendum videretur: *ex
 eisdem*. Huc etiam accedit, quod, ut
 sæpius attigi, Burchardus ægre referre
 solebat Capitularia Regum Francorum,
 cum scriberet apud Germanos, quibus
 eo tempore Francorum res invisæ erant
 quammaxime. Itaque Burchardi erra-
 tum, & Ivoni, & auctori Palearum apud
 Gratianum errandi fuit occasio, imo e-
 tiam Collectori Decretalium; etenim
 idem caput quasi ex Concilio Toletano
 legitur apud Gregorium IX. in cap. 2.
 de servis non ordinandis.

Can. 9. can. 10. q. 1. in nullo ex Con-
 ciliis Toletanis habetur. Unus Concilio
 Toletano adtribuit Gratianus, cujus fa-
 ne auctoritas tanta esse non debet, ut
 ei morem omnino gerere debeamus. Ro-
 mani Correctores elaborarunt in in-
 quenda hujus fragmenti origine, atque
 observarunt penes Ivonem laudari, ex
 Concilio apud Triburias habito præsen-
 te Arnulpho Rege cap. 26. & penes Bur-
 chardum, ex Concilio apud Triburias ha-
 bito tempore Arnulphi Regis cap. 26. Hic
 ego consistendum arbitror & revera exi-
 stimo hunc can. ad hoc Concilium Tri-
 burien- se referendum esse, non quidem
 ob auctoritatem Ivonis, & Burchardi,
 qui in pluribus lapsi fuisse deprehendun-
 tur, sed propter auctoritatem Reginonis
 Prumiensis, qui in lib. 1. suæ collectio-
 nis cap. 12. hæc habet: *Ex Concilio apud
 Triburias habito temporibus Arnulphi Re-
 gis tit. 26. Delata est coram Sancta Syn-
 nodo querimonia plebium, eo quod sint
 quidam Episcopi nolentes ad prædicandum,
 vel confirmandum suas per annum para-
 chias circuire, qui tamen exigunt, ut
 mansiones, (quas hodie præcuraciones vo-
 cant, sive jura hospitii), quibus in præ-
 fecti- onis uti debuerant, alio pretio redi-
 mant, qui parare debent. Quæ duplex in-
 famia, & negligentia, & avaritia San-*

Can. 9.
 can. 10.
 q. 1.

Ha Synodo horrore fuit magno; & statuerunt, nequid penitus ultra exerceat id cupiditatis ingenium, & ut sollicitiores sint Episcopi de suis gregibus visitandis. Quæ Reginonis verba cum omnino consonent cum Gratiano can. vix dubitandum est, quin revera hunc eundem canonem Concilio Triburiensi non afferamus. Etenim vivebat Regino tempore Arnulphi Regis, in eisdem Germaniæ Provinciis tum, cum Concilium idem Triburiense celebratum est, ac propterea non est ei deneganda fides, cum alias probatissimus ipse sit, ac præsertim in rebus sui temporis referendis facile labi non potuit, nedum alios decipere, a quibus statim de mendacio redargui potuisset. Fateor in vulgatis Concilii Triburiensis Codicibus illum can. non haberi. Nihil refert tamen; etenim magis movere debet Reginonis auctoritas, qui Concilii Triburiensis Patribus, & Arnulpho Regi contemporaneus fuit, quam recens editi, aut alii quicumque Concilii Codices, præsertim quod Codices Concilii Triburiensis non satis integri servari potuerunt ob temporum injurias; fuit enim tum in Germania celebratum, quum illæ Provinciæ diuturnis, & miserabilibus bellis vexarentur; quod & suo loco observabimus. Forte etiam suspicari quispiam posset, can. illum aut omnissum in Codicibus Concilii describendis, aut abrasum in descriptis opera Episcoporum quorundam, ne posteritati innotesceret tam pudenda aliquorum Antistitem avaritia, aut ne iidem Antistites hoc can. premerentur, libereque a subditis mansionum, a quibus abstinebant, pretium exigere. Quidquid tamen in hac re evenierit, illud certum est, Episcopos sæculo octavo, & nono fuisse valde desides in visitationibus Dioceseon suarum, parumque sollicitos, ut curæ animarum sibi commissarum invigilarent, quemadmodum liquet ex Conciliis illius ætatis, quibus illi ad visitandas Dioceses excitabantur. Sic constitutum legimus in Concilio Cloveshovix anni 747. can. 3. quem etiam refert S. Bonifacius Moguntinus in sua Epistola ad Cuthbertum Archiepiscopum Cantii his verbis: Statuimus, ut singulis annis unusquisque Episcopus Parochiam suam sollicitè circumceat, populum confirmare, & plebes docere; & investigare, & prohibere paganas observationes &c. qui can. renovatus etiam fuit in Capitulari Caroli Ma-

gni anni 769. cap. 7. Ad hanc eandem rem plurimum etiam facere potest Concilium Valentinum, quod tertium appellant anni 355, in quo hæc verba habentur can. 22. *Ut de servitio Presbyterorum erga Episcopos suos consuetudo, ut nobis videtur, valde reprehensibilis amputetur, ut scilicet quoties Episcopus statuto tempore visitationem, & predicationem per eosdem Sacerdotes, & populos non exerceat, nequaquam ab eis pro solito servitio pecunias exigat.* Quod ipsum etiam constitutum est in Capitulari Tolosano Caroli Calvi anni 844. in quo capite 6. hæc habentur: *Quod & si circummissionem in salutem, & necessitatem populi quicumque de causa dimiserint, a Presbyteris nec hanc dispensam, neque pretium illius exigant, neque aliis aut suis domesticis, aut amicis exigendam concedant.* Hæc de Episcopis constituta, qui visitare negligunt Dioceses, & nihilominus procuraciones exigunt, quispiam forte studiosus observaverat, qui nomen Concilii Tolosani fragmento memorato apud Burchardum adjecerat, ut indicaret similia quædam in eodem Concilio legi; at Gratianus dein per ositantiam pro Concilio Tolosano Concilium Toletano legit, & dein fragmentum ipsum Toletano Concilio adtribuit.

Can. 24. cau. 11. q. 1. falso laudatur nomine Concilii Toletani, quemadmodum recte observaverunt Romani Correctores, una adnotantes eandem ibi contineri sententiam, quæ habetur in can. præcedenti Concilii Chalcedonensis. Dicam nunc ego primum, ad quemnam locum referendus sit idem can. deinde quomodo Concilio Toletano tributus fuerit. Burchardus Vvormaciensis in libro 10. suæ collectionis in fine plura de Clericis maledicis, detractoribus, ac conjurantibus tradiderat, referens ad eam rem nonnullos Conciliorum can. a capite 51. usque ad caput 68. quod est penultimum ejusdem libri, idemque est cum Canone Chalcedonensi relato in can. 23. cau. 11. qu. 1. post quæ omnia ita Burchardus idem concludit: *Itaque si Clerici, aut Monachi inventi fuerint conjurati, aut per conjurationem calumniam machinantes Episcopis, vel Clericis, proprium amittant gradum.* Quibus verbis concluditur idem liber decimus Burchardi. Incidit in hanc sententiam, ac veluti conclusionem totius libri a Burchardo subjectam Ivo Carnotensis, & post Ivonem Gratianus, qui crediderunt ea verba pertinere

Can. 24.
Cau. 11.
dist. 6.

utere ad can. cuiuspiam Concilii; forte autem cum uterentur aliquibus Codicibus, qui ad marginem adscriptum haberent nomen Concilii Toletani, non dubitarunt sententiam eandem nomine Concilii Toletani describere. Ad marginem vero potuit ab aliquo studioso adjici Concilii Toletani nomen, ut indicaretur etiam in Concilio Toletano nonnulla constituta fuisse de Clericis conspirantibus, & seditiones excitantibus, quod referri potuisset ad canonem 75. Concilii Toletani IV. & can. 2. Concilii Toletani X. Quod si quispiam fragmenti illius non Burchardum auctorem esse crediderit, sed potius Concilium aliquod, cuius nomen retinuerit Burchardus idem, ego facile adnenserim, cum eadem verba etiam legantur in Concilio Aquisgranensi anni 789. can. 29. ibi: *Conjuracionis, vel conspiracionis crimen etiam apud extrinsecas leges penitus amputatur; multo magis in Ecclesia Dei hoc ne fiat oportet prohiberi. Igitur Clerici, aut Monachi, si inventi fuerint conjurati, aut per conjurationem calumniam machinantes Episcopis, vel Clericis propriam amittant gradum.* Alias autem certo scimus Burchardum abstinere consuevisse a commemorandis Francorum Conciliis, ne rem ingratam faceret Germanis, apud quos scribebat, quique tunc temporis Francos, & res omnes Francorum acri odio persequebantur.

Can. 31. Illud certissimum est, can. 31. cau. 12. cau. 12. qu. 2. nulla ratione adscribi posse alicui ex Conciliis Toletanis, non solum ex eo, quod in nulla ex editis Toletanis Conciliis reperiatur, verum potissimum ex eo, quod disciplina ibidem tradita prorsus aliena sit a disciplina Ecclesiae Toletanae. Quod enim illic statuitur de redditibus Ecclesiasticis in quatuor partes distribuendis, in Romana quidem Ecclesia olim obtinuisse videtur; at vero apud Hispanos tres tantummodo Ecclesiasticarum rerum, atque obventionum solebant fieri portiones, uti adparet ex Concilio Toletano IV. cap. 33. Concilio Toletano IX. cap. 6., & Concilio Toletano XVI. cap. 5. atque etiam observabimus ad Canonem 7. Concilii Tarraconensis in Can. 10. cau. 10. qu. 1. Romani Corredores adfirmant in Collectione Canonum incerti auctoris, quae adservatur in Bibliotheca Vaticana attribui eum Canonem Sylvestro Papae; una observantes, similia quidem legi in Canone 4. Synodi Romanae vulgo tributae Sylvestro

Tom. I.

Pontifici, sed paullo aliter partes esse assignatas ibidem, quam in fragmento Gratiani assignentur. Verba Romanae Synodi haec sunt: "Commoneo autem vestrum consortes monumentum de redditibus Ecclesiae quatuor partes fiant, & quod primam partem exigat Ecclesia, unam partem Pontifici cum fratribus relevandis, dimidiam Ecclesiam, dimidiam Presbyteris, & Diaconibus cum omni Clero, & peregrinis". Alia Concilii ejusdem exemplaria ita exhibent paulo emendatius: "Commoneo autem vestrum consortes munimen, & de redditibus Ecclesiae quatuor partes fieri, & quarta pars exigatur ab Ecclesia, unam partem Pontificum, fratribus dimidiam ad Ecclesias relevandas, dimidiam Presbyteris, & Diaconibus cum omni Clero, & peregrinis". Hoc sane Concilium Sylvestro Romano Pontifici perperam fuisse adscriptum alibi ostendimus, propterea nullam Canonem ita descripto auctoritatem inesse: imo si quis ejusdem formulam, seu loquendi phrasim consideraverit, statim in eo agnoscat imperiti alicujus tyronis opus, qui exercitationis causa aliquid ad mentem veterum Canonum componere voluerit, ceteroquin latinae linguae multum ignarus. Atque in hoc fragmentum Romanae Synodo adtributum intenderè animum potuit quisquis alius Canonum studiosus, qui propterea voluit paullo elegantius praesumptam Concilii sententiam exprimere, unde fragmentum illud elucubravit, quod a Gratiano refertur in dicto Can. 31. quod tamen inscripsit nomine Concilii Toletani, non quod revera Toletani Concilii esset, sed ut indicaret de hac reddituum Ecclesiasticorum distributione agi in Concilio Toletano; quod referri commode poterat ad Concilium Toletanum IX. in quo nonnulla ad hanc rem pertinentia constituta leguntur. Forte etiam quispiam dicere posset, ideo tributum hujusmodi fragmentum Concilio Toletano fuisse, quia praefatio Gratiani Can. 31. ibi: "Sanctus cimus omnibus Episcopis curam laicorum instare, ut si quis in fide Christi invenerint, nimio affectu diligant", videtur desumpta ex sententia Concilii Toletani 17. ubi Can. 8. haec leguntur: "Sicut fidelium probitas magno debet donationis praemio munerari, ita infidelium pravitas fortissimo congruit judicantium mucrone percelli. Equum

De

et.

„ etenim est, ut & domestici fidei co-
 „ piosius sublimentur, & adversarii ejus
 „ durius condemnentur: quatenus &
 „ illimagis, magisque domino suffragan-
 „ te proficiant, & isti Deo obtinente
 „ deficiant “.

Can. 54.
 cau. 16.
 qu. 1.
 Can. 54. cau. 16. qu. 1. in Conciliis
 Tolentanis non invenerunt Romani Cor-
 rectores; ad alios autem Collectores ani-
 mum intendentes observarunt apud Bur-
 chardum, & Ivonem laudari nomine
 Concilii Aquisgranensis, sed quotquot
 Concilia Aquisgranensia hucusque edita
 sciverim, pervolutis, neque in his omni-
 bus inveni. Nihilo tamen minus non du-
 bitaverim asserere, hoc caput pertinere
 ad disciplinam Ecclesiæ Gallicanæ, &
 in ipsa, qualicumque in Concilio fuisse
 constitutum. Etenim in hoc Gratiani
 fragmento duæ sententiæ proferuntur.
 Primo dicitur plures baptismales Eccle-
 sias esse non posse in una terminatione,
 sed unam tantum cum subditis capellis.
 Secundo consilium præbetur, quomodo
 definienda res sit, ubi de Parochialium
 Ecclesiarum finibus agatur. Utrumque
 autem video apud Gallicanos sæculo se-
 ptimo, octavo, & nono pertractatum,
 ac constitutum. Quod attinet in primis
 ad unitatem baptismalium Ecclesiarum,
 illarum scilicet, in quibus baptisma so-
 lemnius conferretur, ac publice; habemus
 Concilium Vernense anni 755., in
 quo ita legitur Can. 7. “ Ut publicum
 „ baptisterium in nulla Parochia esse de-
 „ beat, nisi ubi Episcopus constituerit;
 „ cujus Parochia est, nisi tantum, si ne-
 „ cessitas venerit pro infirmitate, aut
 „ pro aliqua necessitate &c. “ Habemus
 etiam Concilium Meldense anni 845.,
 cujus Can. 48. ita scribitur: “ Ut ne-
 „ mo Presbyterorum baptizare præsu-
 „ mat, nisi in vicis, & Ecclesiis ba-
 „ ptismalibus, atque temporibus consti-
 „ tutis; nisi causa ægritudinis, vel cer-
 „ tæ necessitatis, sicut sacra Canonum
 „ docet auctoritas, & vici auctorita-
 „ tem & privilegia debita, & antiqua
 „ retineant “.

Posterore autem tempo-
 re de Ecclesiis baptismalibus, capellis-
 que subditis, eisdemque non dividendis
 mentionem fecit Hincmarus Rhemensis
 ad Laudunensem Clerum, & populum
 ita scribens de Episcopo: “ Principales
 „ vero Ecclesias aliis Ecclesiis loco ca-
 „ pellarum non subiciat, quia secun-
 „ dum sacros Canones non licet Epis-
 „ copis Parochiam antiquitus constitu-
 „ tam inconsulte confundere, atque di-

„ videre “. Ex quibus patet juxta di-
 „ sciplinam Gallicanæ Ecclesiæ olim qui-
 „ dem fuisse Ecclesias baptismales, sive Pa-
 „ rochiales quamplurimas, deinde vero u-
 „ nicam tantum fuisse constitutam, cete-
 „ ras vero illi subiectas, & Capellarum
 nomine appellatas. Quod vero spectat ad
 terminos Ecclesiarum in Can. Gratiani
 hæc leguntur: *Et si consensio fuerit de
 terminatione duarum matricum, plebes ut-
 rarumque discernant, & si non convenie-
 rint, Dei judicio discernatur* (legit Bur-
 chardus: *lis Dei judicio discernatur*).
 Porro hæc integra sententia legitur in
 Capitularibus Regis Dagoberti anni 630.
 tit. 21. de terminis ruptis num. 5. ibi:
 „ Quoties de commarchanis (*idest de fi-*
 „ *nibus*) contentio nascitur, ubi evi-
 „ dentia signa non adparent in arbori-
 „ bus, aut in montibus, nec in flumi-
 „ nibus; & iste dicit: huc usque ante-
 „ cessorum mei tenuerunt, & in alodem
 „ mihi reliquerunt: & ostendit secun-
 „ dum proprium arbitrium locum; al-
 „ ter vero nihilominus in istius partem
 „ ingreditur, alium ostendit locum se-
 „ cundum prioris verba suum, & suo-
 „ rum antecessorum semper finisse usque
 „ in præsens avarit. Et si alia probatio
 „ nulquam inveniri dignoscitur, nec u-
 „ triusque invasionem compensare volue-
 „ rint, tunc spondeant invicem VVeha-
 „ dinc quod dicimus, & in campiones
 „ non sortiantur, sed cui Deus fortio-
 „ rem dederit, & victoriam, ad ipsius
 „ partem designata pars, ut querit,
 „ pertineat “. His itaque dirimenda pro-
 ponitur incertorum finium controversia,
 ut primo convenientes ii, de quorum
 possessione disputatur, compensando,
 ac transigendo componant; deinde, quo-
 ties nulla potest transactio iniri, aut
 compositio, non jam per campiones,
 quemadmodum in pluribus aliis causis
 tunc agebatur, idest per duella, & pu-
 gnas, disputatio omnis concludatur, sed
 Deo causa committatur, quod tunc *VVeha-*
badinc appellabant, idest sacram spon-
 sionem, quæ, ut arbitror, ad sortes re-
 ferebatur. Hæc vero multum, & omni-
 no conveniunt cum memorato Gratiani
 fragmento, ubi statuitur, in contentio-
 ne finium Parochialium dirimenda pri-
 mum plebem utramque debere discernere;
 deinde vero, si non discernatur,
 divino judicio committi. Itaque ego ju-
 re merito concludendum arbitror aut
 Gratianum Canonem referendum esse
 ad quoddam Gallicanum Concilium sæ-
 culi

culi septimi, aut octavi; aut etiam nomen, forte etiam ad quoddam Concilium Aquisgranense, quemadmodum legimus apud Ivonem, & Burchardum, quod ad nostra usque tempora non pervenerit; aut Burchardum, qui primus ex Collectoribus hoc fragmentum retulit, voluisse paucis perstringere, quod in finium Ecclesiasticorum materis juxta Gallicanam disciplinam obtineret, illudque ita perstrictum nomine Concilii Aquisgranensis palam exhibuisse, ea forte de causa, quod nosset in Concilio Aquisgranensi anni 789. nonnulla de custodiendis Parochiarum finibus fuisse statuta, præsertim vero in Can. 33. ubi hæc leguntur: *Ut nullus alienos fines usurpet, vel terminos Patrum transcendat.*

Can. 43.
cau. 16.
qu. 7.
Non omnes Gratiani Codices eundem auctorem laudant Can. 43. cau. 16. qu. 7. in aliquibus enim ille tribuitur Concilio Toletano, in aliquibus autem Concilio Moguntino. Si præcedentis temporis Collectores adeamus, Ivonem, & Burchardum, atque illorum fidem sequamur, imo ex ipsis dubiam Gratiani editionem emendemus, potius laudabimus Can. ex Concilio Moguntino cap. 18., quemadmodum illi laudantur his verbis: "Abbas potest pro humiliatio-
ne, & cum permissione Episcopi locum suum relinquere, tamen fratres eligant sibi Abbatem de ipsis, si habeant; sin autem, de extraneis. Nec Episcopus debet Abbatem violenter retinere in loco suo. Congregatio debet eligere sibi Abbatem post mortem Abbatissæ sui, vel eo vivente, si ipse discesserit, vel peccaverit, ipse enim non potest aliquem ordinare de suis propinquis, vel amicis sine voluntate fratrum". Gratianus hoc fragmentum sic relatum ab Ivone & Burchardo in duas partes divisit, quarum unam retulit in dicto Can. 8. cau. 18. qu. 2. Ego hæc fragmenta reperio in poenitentiali Theodori Cantuariensis, quale edidit Petrus Parisii anno 1677. etenim ibi cap. 6. pag. mihi 6. leguntur eadem omnino verba, quæ nuper descripsi. At si quis forte petierit, quomodo, & quodnam Concilium Moguntinum ab omnibus recentioribus Canonum Collectoribus in inscriptione hujus Canonis laudari potuerit, dixerō tum Burchardum, tum Ivonem eodem in loco laudasse nonnulla alia capita, quæ nomine ejusdem Moguntini Concilii inscripserunt; hæc vero alia capita legi singula in Concilio

Moguntino anni 813. sub Carolo Magno, & in Concilio Cabilonensi II. ejusdem anni etiam sub Carolo Magno; ac propterea non aliud Moguntini Concilii nomine hoc loco laudatum intelligi, quam nuper memorata Concilia Moguntinum, aut Cabilonense. Nemini autem mirum videatur, Moguntini Concilii nomine decreta Cabilonensia inscribi; etenim quinque Concilia sub Carolo Magno habita anno 813. Moguntinum, Arelatense, Rhemense, Turonense, & Cabilonense promiscue usurpantur; quemadmodum suo loco dicemus. Itaque in hisce Conciliis plura de Monachis, & Monachorum disciplina pertractata sunt; & quamquam in eisdem non legamus verba, quæ habentur in dicto Can. 43. plura tamen describuntur cum eodem Can. plurimum convenientia. Burchardus igitur primum, deinde Ivo arbitrati sunt se posse colligere paucis, & perstringere, quæ in eisdem Conciliis constituta fuerant, & sic sub nomine Concilii Moguntini palam facere. Videtis ea, quæ inferius dicam ad Can. 8. cau. 18. qu. 2. Forte etiam contingere potuit, ut Burchardus habuerit præmanibus constitutionem quandam de Abbatum electione editam a Ludovico Pio, qui eandem memorat in suo Capitulari anni 816. num. 5. his verbis: "Monachorum siquidem causam qualiter Deo opitulante ex parte disposuerimus, & quomodo ex se ipsis sibi eligendi Abbatibus licentiam dederimus, & qualiter Deo opitulante quieti vivere, propositumque suum indefesse custodire valerent, ordinaverimus, in alia schedula diligenter adnotari fecimus, & ut apud successores nostros ratum foret, & inviolabiliter conservaretur, confirmavimus". Ex quibus certoliquet circa annum 816. a Ludovico Pio quandam schedulam fuisse conscriptam, in qua regula Monachis præfigeretur, juxta quam ipsi Abbatem suum eligerent. Atque in eadem, quæ ad nostra tempora, quoad sciverim, non pervenit, forte etiam legi poterat, quod de modo electionis Abbatis dicitur in dicto Can. 43. quem Burchardus, & ex eo Ivo, & Gratianus nomine Concilii Moguntini postea laudaverint ex eo, quod subiecta fuerit ad calcem Moguntini Concilii triennio antea celebrati.

Sic inspecta hujus 43. Canonis origine nonnulla subjienda sunt ad ejusdem definitionem, ac sententiam explicandam

pertinentia. Cum enim eos auctores habere videatur, qui Conciliorum statuta pro voluntate perstrinxerint, atque in aliam verborum formam redacta studiosis legenda proposuerint, illud deliberandum arbitror, utrum quæ in eodem Can. 43. legimus, cum septimi, aut octavi sæculi disciplina conveniant. Plura sane in hoc Can. comprehenduntur. Primo dicitur, post mortem Abbatis electionem ad Monasterium pertinere. Id sexcenta docent juris Ecclesiastici capita, quorum nonnulla retulit Gratianus in cau. 18. q. 2. Secundo definitur, alterum eligendum, Abbatem esse, quoties prior discesserit, aut aliquando peccaverit. Hæc sane, quemadmodum de ea discessione intelligenda sunt, qua amplius Abbas non speratur rediturus, ita de eo delicto, cui poena depositionis imminet. Sane auctor est S. Ilidorus, quoties Abbas a Monasterio discedit, curam Monasterii esse debere penes eum, qui secundus in ordine succedit: Aitenim in cap. 23. regulæ Monachorum: *Siquando Abbas, vel Prapostus alicubi proficiscuntur, ille ferat fratrum sollicitudinem, qui est Prapostus secundus in ordine.* Deum dicitur, Abbatem non posse sibi successorem designare, præsertim de propinquis, vel amicis sine Consilio, & voluntate fratrum. Cum his autem consonare videtur Can. 12. Concilii Cabilonensis sub Clodoveo Rege circa annum 650. ibi: *Ut duo Abbates in una Monasterio esse non debeant, ne sub obtentu potestatis similitas inter Monachos, & scandala generentur; verumtamen si quilibet Abbas sibi elegerit successorem, ipse qui eligitur, de facultatibus ipsius Monasterii ad regendum nullam habeat potestatem.* Non omittam etiam animadvertere, plura ad hanc eandem rem pertinentia legi in Can. 3. Concilii Troslejani anni circiter 909. ejus verba, & sententia valde proluxa sunt, & ex variis Conci-

liorum aliorum Canonibus juxta morem illorum temporum elucubrata, atque composita; ex quo forte evenire etiam potuit, ut dictus Can. 43. Gratianus Toletani Concilii nomen præferret, cum tamen legendum esset nomen Concilii Troslejani, quod sane potuit in aliud Toletani Concilii nomen facile inflecti a minus accurato Amanuensi.

Revera id evenisse arbitror in can. 34. cau. 27. qu. 2. Refertur ille apud Gratianum nomine Concilii Toletani, quod referendum potius erat ex Concilio Troslejano anni 901. cum in Can. 8. ejusdem Concilii hæc legantur: *De desponsatis puellis, & ab aliis raptis ita in Concilio Anagnina cap. 10. legitur desponsatas puellas, & post ab aliis raptas placuit omni, & eis reddi, quibus antefuerant desponsata, etiam si eis a raptoribus vis illata constiterit. Proinde statutum est a sacro Conventu: ut raptor publica penitentia mulsetur; rapta vero, si sponsus eam recipere noluerit, & ipsa ejusdem criminis consentiens non fuerit, licentia nubendi alii non negetur. Quod si & illa consensit, simili sententia subiacet, quod si post hæc ei se jungere praesumpserit, utrique anathematizentur.* Si quis hæc contulerit cum dicto Can. 34. apud Gratianum, minime dubitabit, quin ipse ad nuper descriptum Troslejanum Canonem sit referendus. Quod autem dicitur statutum fuisse a sacro Conventu, minime refertur ad Troslejanum ipsum Concilium, sed potius ad Conventum celebratum sub Ludovico Pio anni 816. etenim in Capitulari ipsius ejusdem anni eadem ferme leguntur Canone 24. quæ deinde translata sunt in libros Capitularium Francorum lib. 1. cap. 99. in editione Parisiensi Baluziana, necnon in Collectionem legum Longobardorum lib. 1. tit. 31. cap. 12. ubi tamen eadem leguntur sub nomine Caroli Imperatoris.

CAPUT XVIII.

De Concilio Ephesino.

Duos nomine symboli in Concilio Ephesino editi laudavit
Canones Gratianus; sunt autem.

- { *Can. 80. de conf. dist. 2. paullo varius in diversis exemplaribus.*
Can. 39. de conf. dist. 5. paullo varius in diversis exemplaribus.

CUM Nestorius ex Monacho, & Presbytero Antiocheo Patriarcha Constantinopolitanus & veterum Patrum, & divinarum Scripturarum traditione desisteret in explicanda conjunctione divinae, & humanae naturae in unam, eandemque Christi Personam, ejusque haereticis paulatim universam fere orientalem Ecclesiam turbaret, celebratum fuit Concilium generale Ephesinum anno 431. Theodosio juniore Imperante, & Coelestino Pontifice Maximo, cujus nomine toti Synodo praesuit S. Cyrillus Patriarcha Alexandrinus. Tota res in definiendis fidei dogmatibus ad divinam praesertim Christi Personam pertinentibus versata est, praeter nonnulla quaedam, quae Nestorium ipsum, aut ejus adhaerentes peculiariter affecerunt. Non immoror diutius in re vulgatissima. Tantum observabo, adesse octo Ephesini Concilii Canones in Graecis Codicibus, qui tamen apud Latinos Collectores referri non consueverunt, ne apud ipsum quidem Dionysium Exiguum, cujus tamen voluntas erat, ut Graecos Canones latinis palam faceret. Etenim Canones isti octo spectabant tantum Nestorium ipsum, & nonnullos ejus fautores, qui propterea ad exemplum trahi non facile poterant, & exiguae utilitatis esse Viris Ecclesiasticis videbantur, praesertim latinis, qui nihil commune cum Nestorii perfidia habuerunt. Potius apud Latinos, & recipi ob auctoritatem Concilii, & referri in Codices ob fidei formulas debuit Epistola quaedam synodica nomine Cyrilli Alexandrini, & totius Ephesini Concilii ad Nestorium scripta, in qua praehabita oratione duodecim anathematismi continebantur, quibus quomodo unusquisque Christi fidem profiteretur, clare tradebatur. Incipit haec: *Cum Salvator noster &c.*, atque hanc solam ex universis Concilii Ephesini actibus retulit in suum Codicem Dionysius Exiguus.

Apud Labbeum in Veneta postrema editione tria adferuntur hujus Epistolae latinae exemplaria. Primum Latinum & Graecum in fine Tomi 3. ubi universa Synodus, & ejus acta recensentur collata cum antiquissimo Codice Concilii Ephesini Petri Seguerii Galliae Cancellarii, ubi haec, de qua agimus, Epistola habetur cap. 26. & in undecim capitula distributa. Alterum exemplar latinum, quod a Labbeo antiquum dicitur, habetur initio Tomi 4. ubi Epistola eadem habetur cap. 8. Postremum in eodem Tomo 4. exemplar est Concilii Ephesini, & specialiter illius Epistolae ex interpretatione, ut fertur, Marii Mercatoris.

Itaque ad hanc unam Epistolam duo memorata Gratiani capita reducuntur; etenim in hac Cyrilli Epistola legitur, siue quod habemus in Can. 80. de conf. dist. 2. siue quod habemus in can. 39. de conf. dist. 5. Ad explicanda fidei nostrae dogmata omnia pertinent, & quoniam variorum Codicum diversa est Graeci Canonis interpretatio, illud curabo, ut, quod in unoquoque ex memoratis exemplaribus legitur cum Gratiani Canonibus conferam. Ut exordiar a Canone 80. de conf. dist. 2. quem antea in nimias prope angustias conclusum Correctores Romani, quemadmodum ajunt ipsi, restituerentur, legitur in cap. 7. Codicis Labbeani cum Segueriano collati his verbis: „Quia illud quoque non possum hoc „ loco non adjicere, nempe Unigeniti „ Filii Dei, hoc est Jesu Christi mortem, & ex mortuis resurrectionem „ annunciantes, ejusdemque in Coelum „ assumptionem confitentes, incrementum „ in Ecclesia Sacrificium nos celebrare, „ atque ad mystica benedictiones accedere, & sanctificari, utpote participes sacrae Carnis, & pretiosi Sanguinis Christi omnium nostrum Salvatoris „ effectos: Neque enim illam, ut carnem communem suscepimus. Absit „ hoc: „

*Can. 80.
de conf.
dist. 2.*

„ hoc: neque rursus tamquam viri cu-
 „ juspium sanctificati, aut dignitatis u-
 „ nitate Verbo confociati, aut divinam
 „ inhabitationem sortiti, sed tamquam
 „ vere vivificam, ipsiusque Verbi pro-
 „ priam “. Aliud exemplar quod ap-
 „ pellatur a Labbeo antiquæ editionis ita
 „ exhibet: “ Necessario vero & illud ad-
 „ jiciemus: Annunciantes enim secun-
 „ dum carnem mortem Unigeniti Filii
 „ Dei, idest Jesu Christi, & ex mor-
 „ tuis resurrectionem, & ad Cœlos
 „ Ascensionem consistentes sine Sanguine
 „ (*legunt alii*: consistentes mundum) in
 „ Ecclesiis celebramus Sacrificium. Ac-
 „ cedimus etiam ita ad mysticas bene-
 „ dictiones, & sanctificamur effecti san-
 „ ctæ Carnis, & pretiosi Sanguinis
 „ (*legunt alii*: tam sanctæ Carnis, quam
 „ pretiosi Sanguinis) omnium nostrum
 „ Salvatoris Christi, & non ut carnem
 „ communem accipimus (*legunt alii*:
 „ accipientes) abster, neque quidem ut
 „ Viri sanctificati, & conjuncti Verbo
 „ secundum unionem dignitatis; vel
 „ etiam quasi inhabitationem divinam
 „ habentis, sed ut vivificatoriam vere,
 „ & propriam ipsius Verbi “. Exem-
 „ plaria duo, sive illud quod interpreta-
 „ tionis Marii Mercatoris tribuitur, si-
 „ ve illud, quod Dionysii Exigui est apud
 „ Justellum, omnino consonant cum Ca-
 „ none Gratiani, postquam hodie is Ro-
 „ manorum Correctorum diligentia fuit,
 „ ac studio restitutus.

Can. 39. Non absimile exemplarium varietatem agnoscimus in Can. 39. de consecr.
 de cons. dist. 5. Ita habet exemplar Græcolati-
 num Labbeanum cum Segueriano colla-
 tum in cap. 10. “ Ceterum cum de Spi-
 „ ritu Sancto ait: ille me clarificabit,
 „ nisi errare velimus, Christum Dei Fi-
 „ lium veluti gloriæ, quæ aliunde pro-
 „ ficiscitur, indigum, a Spiritu Sancto
 „ glorificatum nequaquam dicemus: Si-
 „ quidem Spiritus illius neque illo me-
 „ lior, neque illo rursus sublimior est.
 „ Verum quod ad divinitatis suæ signi-
 „ ficationem suo subinde Spiritu in in-
 „ signum operum perpetracione utere-
 „ tur, ob id se ab illo glorificari pro-
 „ rebatur: perinde ac si quis nostrum de
 „ sua fortitudine, aut cujusvis rei sci-
 „ entia dicat: mea me virtus, aut sci-
 „ entia glorificabit. Nam etsi Spiritus
 „ in propria persona subsistat, eatenus
 „ que in se ipso consideretur, quatenus
 „ Spiritus, & non Filius; non est ta-
 „ men ab eo alienus; quandoquidem

„ Spiritus veritatis nominatur; Chri-
 „ stus autem veritas est, & proinde
 „ quoque ab illo, atque a Deo Patre
 „ procedit. Cum enim Domino nostro
 „ ad Cœlum assumpto, Spiritus Sanctus
 „ stupenda prodigia per Sanctorum A-
 „ postolorum manus ederet, illum glo-
 „ rificavit. Creditum est enim (quod
 „ Deus secundum naturam esset) ipsum
 „ per Spiritum suum denuo operatum;
 „ propterea quoque agebat: quoniam de
 „ meo accipiet, & annuntiabit vobis “. Alterum exemplar, quod a Labbeo an-
 „ tiquæ editionis dicitur, his verbis ex-
 „ primitur: “ Cum autem dicit de Spi-
 „ tu: ille me glorificavit, intelligen-
 „ tes recte, non ut gloria indigentem
 „ alterius, dicimus unum Christum,
 „ & Filium a Spiritu Sancto gloriam
 „ accipere, quia nec potior eo est, &
 „ super eum ejus Spiritus est (*legunt
 „ alii*: nec supra eum Spiritus ipsius).
 „ Quoniam autem ad demonstrationem
 „ suæ divinitatis utebatur suo Spiritu
 „ ad magnas operationes, glorificari se
 „ ab eo dicebat, veluti si quispiam di-
 „ cat eorum, qui secundum nos sunt,
 „ de infra sibi fortitudine forsitan, vel
 „ disciplina, vel de quolibet: quia glo-
 „ rificabunt me (*legunt alii*: veluti si
 „ quidam homo dicat de infra sibi for-
 „ titudine forsitan, vel disciplina quali-
 „ bet, quia glorificabunt me). Quam-
 „ vis enim in subsistentia Spiritus spe-
 „ ciali (nam & intelligitur per se sa-
 „ cundum quod Spiritus est, & non Fi-
 „ lius), sed tamen non est alienus ab
 „ eo. Spiritus enim veritatis nomina-
 „ tur, & est Christus veritas, & pro-
 „ fuit ab eo, sicut denique & ex Deo
 „ Patre. Operatus est enim Spiritus &
 „ per manum Sanctorum Apostolorum
 „ mirabilia post ascensum Domini No-
 „ stri Jesu Christi ad Cœlos, glorifica-
 „ vit eum; creditus est enim, quia
 „ Deus secundum naturam est, iterum
 „ ipse operans per suum Spiritum; pro-
 „ pter hoc & dicebat: De meo acci-
 „ piet, & nuntiabit vobis “. Alia ex-
 „ emplaria, sive quod Mario Mercatori
 „ a Labbeo tribuitur, sive quod habemus
 „ in Codice Dionysii Exigui consonant
 „ cum editione Gratiani post Romanam
 „ Correctionem, dummodo tamen pro il-
 „ lis verbis Gratiani: *De Spiritu dicit Do-
 „ minus in Evangelio: ille me clarificabit*,
 „ legerimus: *De Spiritu quoque cum di-
 „ cit: ille me clarificabit*, item pro illis,
 „ in sua sit substantia &c. legerimus: in
 „ sua

sua sit substantia spiritus, & ejus intelligatur in persona proprietas; demum pro illis: Dominum glorificavit Jesum Christum, postquam ascendit in Cælum; nam creditus est Christus natura Deus existens &c.

existere &c. legerimus: Dominum glorificat Jesum Christum, postquam ascendit in Cælum; nam creditus est Christus natura Deus existens &c.

CAPUT XIX.

De Concilio Arausicano.

Concilii Arausicani nomine sequentes Canones apud Gratianum referuntur.

- { *Can. 3. dist. 64. ex integris Concilii exemplaribus emendandus.*
Can. 6. dist. 87. paullo varius in diversis exemplaribus.
Can. 7. cau. 26. qu. 6. ex pluribus Concilii Arausicani Canonibus compositus.
 { *Can. 35. cau. 27. q. 1. ex integris Concilii exemplaribus emendandus:*
Can. 125. de cons. dist. 4. multo varius in diversis exemplaribus.

Addendi { *Can. 107. cau. 11. qu. 3.* } *Auctorem potius habent Reginenem*
 sunt. { *Can. 108. cau. 11. qu. 3.* } *Prumiensem.*

DUO apud veteres celebra referuntur Arausicana Concilia, ita dicta ab Arausica Civitate in Gallia Narbonensi non procul ab Avenione sita, alterum anni 441. alterum anni 529. De hoc posteriore non est, cur verba faciamus. Actum in eo est de gratia, & libero arbitrio in causis Pelagianorum, nec ex ipso ullum depromptum est fragmentum apud Gratianum. Agam tantummodo de eo, quod habitum est anno 441. ad quod Præsidente Hilario Arelatensi conveniunt Episcopi septemdecim, & triginta capitibus editis Ecclesiasticam disciplinam, quæ in Galliarum Provinciis lapsa quodammodo videbatur, restituerunt, in ea potissimum parte, quæ ad Sacramenta pertinebat, sive Sacramentorum administrationem. Cum autem in Canone 21. hæc sint priora verba: *In Provinciis nostris &c.* facile deducitur hoc Concilium non esse Provinciale, sive ex unius tantum Provinciæ Episcopis celebratum, sed Nationale totius Galliarum; quemadmodum etiam deducitur non generale esse totius Ecclesiæ, quod tamen nonnulli afferere non dubitaverunt, quin tamen id aliquo rationis momento demonstraverint.

Can. 3. Sententiam dicti can. 21. retulit Gratianus in can. 3. dist. 64. cujus verba ita sunt ex integris Concilii exemplaribus emendanda: In nostris Provinciis placuit de presumptoribus, ut si ubi con-
gesserit duos Episcopos Episcopum invitum

facere, auctoribus damnatis, unus eorum Ecclesia ipse, qui vim passus est, substituatur, si tamen vita respondet, & aliterius dejecti loco nihilominus ordinatur. Si voluntarium duo fecerint, & ipse damnabitur, quo cautius ea, quæ sunt antiquitus constituta, serventur. Sententia Arausicanorum Patrum hæc erat, ut nemo ordinaretur Episcopus, nisi a tribus simul convenientibus Episcopis, quod sane antiquissimæ, atque Apostolicæ disciplinæ conforme est, & in universa Ecclesia servatum. Adversus eos autem, qui non servato numero ordinantium, Episcopum ordinassent, poena dejectionis ab Episcopatu indicta est, concesso dejecti unius Episcopatu illi, qui consecratus fuisset invitus; omnibus vero ab Episcopatu remotis, si quis consentiens fuisset a duobus tantum Episcopis consecratus. Jam consecrationes hujusmodi biennio antea fuerant in Galliarum improbatæ, videlicet in Concilio Regiensi, sive Rejensi anni 439. in Provincia Narbonensi; ibi enim can. 1. vetitum fuerat, ne a duobus tantum Episcopis ordinarentur Episcopi, indicta poena ordinantibus, ut ad Concilia amplius cum ceteris convenire non possent, & ab ordinationibus celebrandis in posterum abstinere. At satis hæc non fuerant ad coercendum quorundam Episcoporum ausum, qui nihilominus contra sacros can. hujusmodi ordinationes faciebant; propterea erant iidem in Concilio

cilio Arausicano pœnis gravioribus coer-
cendi.

Can. 6. In can. 6. dist. 87. Gratianus junxit
dist. 87. can. 5. 6. & 7. Concilii eiusdem Arau-
sici, in quibus animadvertendum est
pro illis Gratiani verbis: *revocare ten-
taverit*, legi in vulgaris Conciliorum
exemplaribus: *imprimere tentaverit*. Per-
tinent autem ii can. ad servos in Sacro-
sanctis Ecclesiis manumissos, quos ve-
ram libertatem nancisci debere statutum
erat jam ex Imperatorum constitutioni-
bus ad instar manumissionum, quæ olim
fieri solebant censu. Etenim olim Cen-
sore lustrante singulis quinquenniis ur-
bem, satis erat servis, si dominorum vo-
luntate adscriberentur in civium nume-
ro a Censore, ut libertatem acciperent;
at vero cum censorum munus exoleve-
rit, inductus fuit novus modus manu-
mittendi in Sacrosanctis Ecclesiis, ut
coram Episcopis & Clericis libertas ser-
vo data valeret. Quæ sane ne revoca-
retur, curandum potissimum a Clericis,
& Episcopis fuerat, utpote qui & te-
stimonium manumissioni præbuerant, &
auctoritatem, ne fides publice in Ec-
clesia data violaretur in dedecus earun-
dem Ecclesiarum.

Can. 7. Can. 7. cau. 26. q. 6. plures com-
can. 26. plectitur Arausicanos canones, vide-
qm 6. licet tertium, quartum, duodeci-
mum, & decimumtertium, quos omnes
ideo forte conjunxit Gratianus, quia ad
unam eandemque rem pertinere viden-
tur. Juvabit tamen singula suis capiti-
bus accommodare, & ita memorata Con-
cillii capita distinguere. In can. 3. Arau-
sicano ita legitur: *Qui recedunt de cor-
pore* (eos intellige, qui infirmi sunt,
& proxime recessuri videntur), *pœni-
tentia accepta placuit sine reconciliatoria
manus impositione eis communicari, quod
moriantis sufficit consolationi secundum de-
finitiones Patrum, qui hujusmodi commu-
nionem congruenter viaticum nominarunt.
Quod si supervixerint, stent in ordine pœ-
nitentium, & ostensis necessariis pœniten-
tia fructibus legitimam communionem cum
reconciliatoria manus impositione percipiant.*
Quod hoc in loco dicitur, pœnitentiam
viatici nomine a Patribus fuisse appel-
latam, refertur ad can. 13. Concilii Ni-
cæni, ubi similia quædam constituta le-
guntur, quo etiam pertinet, quod ait
Innocentius Epist. 2. ad Exuperium cap.
2. ibi: *Communione dari absentibus pla-
cuit, quasi viaticum profecturis*. In can.
4. Arausicano ita legimus: *Pœnitentiam*

desiderantibus Clericis non negandam.
Quæ sane constitutio intelligenda est de
pœnitentia ex voluntate, & humilita-
te suscepta, & ob leviora delicta; eto-
nim in gravissimis criminibus Clericus
in pœnitentium gradus dejectus rursus
in gradum suum restitui minime pote-
rat; hinc tradit Siricius Papa in Epist.
ad Himerium cap. 14. *Pœnitentiam age-
re cuicumque non conceditur Clericorum*.
Hanc eandem rem maxime declarant
Toletani XIII. Concilii Patres can. 10.
ita decernentes anno 683. *Sancta Sy-
nodus definivit, ut quicumque Pontifi-
cum, vel Sacerdotum deinceps per ma-
nuum impositionem pœnitentia donum ex-
ceperint, nec se mortalium criminum pro-
fessione notaverint, senectutem retentandæ ve-
ginitatis non amittant, sed per Metropolita-
norum reconciliatione pœnitentium mode
suscepta, solita compleant ordinis sui of-
ficia, vel cetera mysteriorum sibi credita
Sacramenta*. Sequitur Gratianus subdens
verba Arausici can. 12. quæ hæc sunt.
*Subito obmutescens, prout status ejus est,
baptizari, aut pœnitentiam accipere po-
test, si voluntatis aut præterita testimo-
nium aliorum verbis habet, aut præsen-
tis in suo nutu*. Demum adfert can. 13.
Arausicanum, ubi ita habetur: *Amen-
tibus, quacumque pietatis sunt, con-
ferenda*.

Quæ leguntur in can. 35. cau. 27. q. 1. minime consonant cum integris Con-
cillii Arausici exemplaribus, ex qui-
bus idem can. emendandus erit. Porro
ita habetur in can. 27. Arausicano: *Vi-
duitatis servanda professionem coram Epi-
scopo in Secretario habitam imposita ab
Episcopo* (ita veteres Codices habent: no-
tat autem Sirmondus in paucis quibusdam
recentioribus Codicibus legi: *imposita a
Presbytero*) *teste virtuali indicandam* (for-
te judicandam, live, ut aliis legere pla-
cet: vindicandam). Raptorem vero ta-
lium, vel ipsam talis professionis deservi-
cam merito esse damnandam. Referuntur
hæc ad vetustissimam illam disciplinam,
juxta quam viduæ capiti imposito sacro
velamine Deo dedicabantur, ut quasi
Sanctimoniales divino cultui addiceren-
tur, atque etiam ita, ut a proposito
amplius resilire non possent, eoque mi-
nus ad secundas nuptias adipiscere, in-
dictis non solum adversus ipsas, sed et-
iam adversus earundem raptores, aut
violatores gravissimis pœnis, quemad-
modum decretum scimus in l. 54. Cod.
de Episcopis, & Clericis, & l. un. Cod.
de

Can. 35.
can. 27.
qm. h

de raptu virginum, seu viduarum. Porro hujusmodi viduæ solemniter, ut ajunt, castitatis voto adstringebantur, quarum professio & consecratio hoc modo fiebat ex Ordine Romano. Procebat in Episcopi conspectum vidua Clericis adstantibus in Secretario, sive Diaconico Ecclesiæ; ibidemque professionem castitatis perpetuæ libello descriptam Episcopo exhibebat, qua per Episcopum accepta, induebatur velamine, sive pallio suo ordini congruento. Hic ritus etiam exhibetur in Concilio Toletano X. anni 656. can. 4. quem refert Gratianus in can. 16. cau. 20. q. 2.

C. 125.
de cons.
dist. 4.

In can. 125. de consecr. dist. 4. habetur can. primus, sive, ut in aliis editionibus, secundus Arausicani hujus Concilii, cujus tamen verba non eadem in omnibus Concilii exemplaribus habentur, quemadmodum ex sequentibus liquere facile poterit. Ita habet Gratianus: *Nullus ministrorum, qui baptizandi recipit officium, sine chrismate usquam debet progredi.* (legunt alii: *Nullum ministrorum, qui baptizandi recipit officium, sine chrismate unquam debere progredi*) quia inter nos placuit semel in baptismo chrismari; (legunt alii: *semel chrismari*, omittis illis verbis: *in baptismo*). De eo autem, qui in baptismo quacumque necessitate faciente chrismatus non fuerit, in confirmatione Sacerdos commonebitur; (legunt alii: *non commonebitur*.) Nam inter nos chrismatis ipsius non nisi una benedictio est; (legunt alii: *nam inter quoslibet chrismatis ipsius non nisi una benedictio est*), non prajudicantes cuiquam hoc dicimus, sed ut necessaria habeatur chrismatio, (legunt alii: *non ut prajudicans quidquam, sed ut non necessaria habeatur repetita chrismatio*, alii legunt: *non ut prajudicans quicquam dico, sed ut non necessaria habeatur rechrismatio*, alii tandem ita legunt: *sed ut necessaria habeatur chrismatio repetita*.)

Sic observata plurium exemplarium varietate, explicanda erit Arausicanorum Patrum sententia, quam vulgo Interpretes, & Glossographi ita confuderunt, ut quæ mens illis fuerit, ne leviter quidem attigerint. Itaque operæ pretium erit in primis animadvertere, non generatim apud veteres obtinuisse, ut in administrando Confirmationis Sacramento sacri Chrismatis inunctionio fieret; quod enim sensibile signum in eodem Sacramento habebatur, potissimum

in manuum impositione consistebat ex Apostolica traditione. Chrismatis quidem usus in Ecclesia est antiquissimus, utpote cujus mentionem etiam fecit Dionysius Areopagita in libris Ecclesiasticæ hierarchiæ cap. 1. parte 2. & cap. 2. parte 3. non tamen ubique receptus fuit in Sacramento Confirmationis, licet apud omnes fere Ecclesias viguerit inter ceremonias Sacramenti Baptismatis, quemadmodum & hodie observatur. Igitur in Ecclesia Gallicana Chrismatis unctio fiebat quidem in Sacramento Baptismi, non autem in Sacramento Confirmationis tempore Concilii Arausicani I. quemadmodum deduci potest ex Hilario Arelateni, qui & eidem Synodo præfuit; quippe is in homilia de Pentecoste ita scribit: *Qua nunc in confirmationis Neophitis manus impositione tribuitur singulis, hoc tunc Spiritus Sancti descensio in credentium populo donavit unctio versis.*

Ex his facili omnino redditur Arausicani canonis interpretatio. Ibi proponitur initio, ministros omnes, qui baptizandi officium suscipere, sine chrismate progredi non debere. Agitur hæc hoc in loco, non de Episcopis, qui tunc temporiserant ordinarii baptismatis collatores, sed de inferioribus, sive Sacerdotibus, sive Diaconis; neque enim Episcopi ministrorum nomine in sacris canonibus appellari unquam consueverunt; aut de Episcopis dici potuit, eos progredi debuisse, quæ verba de eo ministro intelligi tantummodo possunt, qui extra ordinem est baptizaturus, & ad absentes, aut etiam in periculis constitutos mittitur. Hæc itaque ministri jubentur, ne sine chrismate ad conferendum Sacramentum baptismatis progredierentur, sed semper ceremonialem baptismi chrismationem peragerent. Sequuntur Arausicani Patres: *quia inter nos placuit semel chrismari, vel: semel in baptismo chrismari.* Mens illorum erat, baptizatos omnino chrismandos esse ab iis, qui baptisma conferebant, quia receptum erat in Gallia in Sacramento Confirmationis nullam chrismatis inunctionem fieri; proptereaque futurum erat, ut qui in baptismo chrismate non inungeretur, nusquam amplius inungendus fuisset. Subdit Concilium Arausicanum, quando contigerit ex necessitate chrismationem fuisse in baptismo omissam, monendum esse Sacerdotem in Sacramento Confirmationis. Clara esset sententia,

nisi alia Concilii exemplaria difficultatem parerent, quibus dicitur, Sacerdotem non esse admonendum. Sed nihilominus, quæcumque editio prævaleat, apparet ex his Chrismationem habitam fuisse, tanquam meram baptismatis ceremoniam, neque tanquam necessariam in Sacramento Confirmationis. Etenim si legamus Sacerdotes monendos non esse, talem affigemus sententiam Patribus Arausicanis, ut asserant curandum nullo modo esse de Chrismatione, quotiescumque omissa fuerit ex necessitate, quod sine ipsa, & Sacramentum Baptismatis integre susceptum sit, & Sacramentum Confirmationis integre suscipi possit. Si vero legamus Sacerdotes monendos esse, id videmus factum ex humanitate, cum demum scilicet, quando non ex incuria baptizantis omissa Chrismatio fuerit, sed potius ex necessitate. At quæ humanitatis intuitu sunt, ad sollemnitates quidem, & ceremonias pertinent Sacramentales, non ad ipsam Sacramenti substantiam. Ego arbitror recipiendam esse potius eam editionem, qua dicitur non esse amplius monendos Sacerdotes; tum hæc lectio consonet posterioribus illis verbis Patrum Arausicanorum: *Nam inter nos Chrismatis ipsius nonnisi una benedictio est*, quasi dixerint, ritum Gallicanæ Ecclesiæ talem esse, ut in administrando Confirmationis Sacramento nulla fieret chrismatio. Profitentur demum Arausicani Episcopi, se ita statuere, non præjudicantes cuiquam; quibus verbis spectarunt diversas aliarum Ecclesiarum consuetudines, iuxta quas pluribus in Provinciis duplex chrismatio fiebat, alia in Sacramento baptismatis, alia in Sacramento Confirmationis. Quamobrem exinde adparet, quanta fuerit Hilarii Arelatensis, aliorumque cum eo convenientium Episcoporum moderatio, qui voluerunt quidem receptum suarum Provinciarum ritum de non repetenda baptismatis Chrismatione confirmare, ita tamen, ut aliarum Ecclesiarum ceremonias minime contemnerent, aut minus probarent, apud quas diversa consuetudo invaluerat; rati enim erant Ecclesiæ ex disciplinæ varietate nonnihil venustatis accedere. Atque his arbitror me consequutum fuisse intimam Arausicanorum Patrum sententiam, quam huc usque, quoad noverim, nemo ex Glossographis attigit, ut superius aiebam.

Ca. 107.
& 108.
cau. 11.
qu. 3.

Duo adhuc supersunt Gratiani fragmenta, quæ nomine Arausicani Conci-

lii referuntur, videlicet canones 107. & 108. cau. 11. q. 3. qui tamen nullo modo ad Arausicanum Concilium pertinent, licet ex eo laudentur apud Ivonem, & Burchardum. In Labbeana Collectione Venetæ editionis utrumque fragmentum descriptum est ad ealceum Arausicani Concilii, eaque Collector testatur partim desumisse ex Gratiano, partim ex alio codice librorum 16. capite 7. libri 11. ubi fuse describitur modus absolvendi excommunicatum adjectis pluribus orationibus, ad absolutionem ipsam spectantibus. Me tamen juvat altius repetere originem horum canonum. Itaque arbitror illorum auctorem fuisse Reginonem Prumiensem, cujus primum tempore, sæculo scilicet nono, quædam variarum rerum Ecclesiasticarum generales formulæ induci, ac componi cæperunt: Etenim ante Reginonem nullibi leguntur generaliter, & communiter præstitutæ formulæ excommunicationum, aut absolutionum, ne quidem apud Marculfum, qui eruditorum sententia paullo ante Reginonem suas formulas edidit. At Regino, postquam iussu Rathbodi Trevirensis Episcopi ad usum Diocesis Trevirensis adornavit certam canonum Collectionem, in qua præcipua, & temporibus accommoda disciplinæ Ecclesiasticæ capita continerentur, prope finem libri 2. nimirum post caput 407. cum de excommunicatis nonnulla loquutus fuisset, varias voluit adjicere excommunicationum formulas, alias aliis terribiliores, alias aliis breviores, aut minus terribiles, quæ ad usum Trevirensis Diocesis pro data occasione adhiberentur. Valde enim conveniens videbatur, ut certæ censurarum sive infligendarum, sive remittendarum formulæ publice proponerentur, quæ usu omnium reciperentur, quemadmodum similes postea ab aliis Ecclesiis compositæ fuerunt, atque in ritualibus, sive manualibus descriptæ. Itaque in cap. 409. lib. 2. Collectionis Reginonis incipit prior excommunicationis formula ab eodem Reginone composita, post quam hæc verba sequuntur: *Debent autem duodecim Sacerdotes Episcopum circumstare, & lucernas ardens in manibus tenere, quas in conclusione anathematis, vel excommunicationis projicere debent in terram, & pedibus concalcare. Post hæc Episcopus plebi ipsam excommunicationem communibus verbis debet explanare, ut omnes intelligant, quam terribiliter damnatus sit, & ut noverint, quod*

quod ab illa hora in reliquum non pro Christiano, sed pro Pagano habendus sit... Deinde Epistola Presbyteris per paraciam mittantur, continentes modum excommunicationis. Hæc sane illa eadem sunt, quæ Gratianus retulit in can. 106. cau. 11. qu. 3. quæ etiam retulit Ivo, & Burchardus ex Concilio Rothomagensi, quia non satis attenderant Reginonis Collectionem; cum enim in postremo Reginonis capite, antequam describantur formulæ excommunicationis, mentio fiat Concilii Rothomagensis, crediderunt Burchardus, & Ivo, sequentes etiam formulas Rothomagensi Concilio tribuendas esse. Ceterum hujus ritus germanus auctor erat ipse Regino, qui deinde & alias subdidit excommunicationum formulas, inter quas cap. 413. una habetur, quæ hunc habet titulum: *Excommunicatio Brevis*, atque his verbis exprimitur: *Canonica infirma, & sanctorum Patrum exempla sequentes, Ecclesiarum Dei violatores illos auctoritate Dei, & judicio Sancti Spiritus a gremio sanctæ Mariæ Ecclesiæ, & consortio totius Christianitatis eliminamus, quousque respiciant, & Ecclesiæ Dei satisfaciant*. Quis non videat hanc formulam eandem esse, quam descripsit Gratianus in dicto canone 107. cau. 11. q. 3.? Post hæc subsequitur Regino in capite 414. hoc titulo: *Qualiter Episcopus reconciliat*, vel recipiat excommunicatum. Et in capite: *Cum aliquis excommunicatus, vel anathematizatus poenitentia ductus veniam postulat, & emendationem promittit, Episcopus, qui eum excommunicavit ante januas Ecclesiæ venire debet, & duodecim Presbyteri cum eo, qui eum hinc inde circumstare debent, ubi etiam adesse debent illi, quibus injuria, vel damnum illatum est, & ibi secundum leges Divinas, & Humanas oportet damnum commissum*

emendari, aut si jam emendatum est, eorum testimonio comprobari. Deinde interroget Episcopus, si poenitentiam juxta quod canones præcipiunt pro perpetratis sceleribus suscipere velit; & si illa terra prostratus veniam postulat, culpam confiteatur, poenitentiam implorat, de futuris cautelam spondet, tunc Episcopus apprehensa manu ejus dextera, eum in Ecclesiam introducat, & communionem, & societatem Christianam reddat. Post hæc secundum modum culpa poenitentiam ei injungat, & literas per Paraciam dirigat, ut omnes noverint eum societate Christiana receptum. Hic est Canon Gratianus 108. cau. 11. qu. 3. cui certa oratio ex Ritualibus illius ætatis adjecta fuit, quæ solebat ab Episcopo recitari tempore absolutionis, cum aliis bene multis, quæ referuntur apud Labbeum loco supra memorato. Non omitto etiam illud hoc loco admonere, quasdam hujusmodi excommunicationum formulas, atque inter ceteras illam, quæ a Gratiano describitur in dicto Can. 107. editas fuisse in editione Capitularium Regum Francorum Baluziana Tomo 2. pag. mihi 663. & sequentibus, quas ipsemet Baluzius testatur se ex antiquissimis Ecclesiarum MSS. Codicibus excerptisse. Inter ea illud mihi sufficiat, demonstrasse eorum canonum auctorem, quos Gratianus ex editione Burchardi, & Ivonis deceptus falso ex Arausicano Concilio laudaverat: Quod si forte quispiam petat, quare apud recentiores istos Collectores fragmenta hujusmodi fuerint Concilio Arausicano tributa; ego sane non aliam rationem illis fuisse crediderim, quam quod forte hujusmodi formulas in eo codice descriptas invenerint, in quo præcipue Arausici canones descripti fuerant, ac proinde arbitrati fuerint easdem ad Arausicanum Concilium etiam pertinere.

C A P U T XX.

De Concilio Vasensi.

Nomine Vasensis Concilii tria hæc apud Gratianum capitula describuntur.

- { Can. 2. cau. 6. q. 2. redigendus ad exemplaria Concilii Vasensis anni 442.
- { Can. 10. cau. 13. qu. 2. consonat cum exemplaribus Concilii Vasensis anni 442.
- { Can. 15. cau. 13. q. 2. pertinet potius ad Concilium Nannetense.

Vasione, five Vasatis Civitate Galliarum Narbonensis, quam hodie Ba-

sas vocant, nonnulla celebrata fuisse Concilia testatissimum est apud Conciliorum
Ec 2 Col.

Collectores, qui illorum acta, & can. referunt. Non una tamen omnium est de Vasensium Conciliorum numero opinio; duo enim alii, alii tria recensent, quorum deinde canones ita confundunt; ut qui primo in Concilio editi feruntur, legantur etiam in tertio, & secundo. Itaque qui tria recensent, scribunt primum celebratum fuisse circa annum 350. secundum anno 442. tertium anno 463. vel uti aliis placet, 529. Primo autem Concilio anni circiter 350. tria tantummodo capita tribuunt, quorum primum legitur in capite 4. Concilii Vasensis 2. & caput secundum, ac tertium leguntur in canone 3. & 4. Concilii Vasensis tertii. Sed hæc, ut videtur, opinio Vasensia magis confundit, ac perturbat concilia, quam distinguat. Propterea melius sentire videntur, qui duo tantummodo Vasensia Concilia numerant, aliud anni 442. aliud 463. vel 529. illo omisso, quod anno circiter 350. tribuitur. Neque vero satis difficile est rationibus illorum satisfacere, qui contra arbitrantur. Difficultas enim, quæ subesse potest iis, qui Concilium Vasense anni circiter 350. omittunt, oritur ex eo, quod in Concilio Arelatensi 2. can. 47. mentio fiat Concilii Vasensis, ac propterea tale Vasense Concilium assignandum videatur, quod Concilium secundum Arelatense præcesserit. Verum hæc difficultas nullius momenti est apud Sirmondum, & eos, qui Sirmondi Epocham Conciliorum sequuntur; Vir enim eruditus observavit Concilium Arelatense 2. celebratum fuisse post annum 442. ac forte etiam anno 492. ideoque canonem 47. Concilii ejusdem Arelatensis commode referri posse ad Concilium Vasense an. 442. nec esse ea de causa antiquius aliud Concilium Vasense assignandum. Præterquam quod addi potest, canones Concilii Arelatensis 2. vulgatos non omnes Arelatensis ejusdem Concilii fuisse, sed tantum vigintiquinque priores, quemadmodum constare potest ex veteribus MSS. Codicibus a Labbeo, & eodem Sirmondo observatis; illos autem can. qui post vigesimumquintum Concilio subjecti sunt, pertinere ad aliud posterius Concilium; Quamobrem cum mentio Vasensis Concilii tantummodo habeatur in can. 47. ex iis, qui Arelatensi Concilio tribuuntur, necesse nullatenus est, ut tale Vasense Concilium fingatur, quod Concilium ipsum Arelatense præcesserit.

Ita præfatus de Conciliis Vasensibus, quorum canones Augulo proferuntur, arripio Gratiani fragmenta; & in primis can. 2. cau. 6. qu. 2., qui in Codicibus Gratiani dicitur depromptus ex can. 8. Concilii Vasensis I. Legitur autem in can. 8. Concilii Vasensis, quod diximus celebratum anno 442. sive illud primum appelletur, sive secundum. Num hoc Concilium Nationale totius Galliarum fuerit, an vero Provinciale; vel tantummodo Diocesani fatis non constat, cum in editis Concilii exemplaribus nomine, & subscriptiones Episcoporum desiderantur. Si tamen conjecturis dandus est locus, facile inspicari possumus, idem Concilium fuisse Nationale totius Galliarum. Etenim decernitur in can. 1. de Episcopis Provinciarum omnium Galliarum, eorumque causis discutiendis, quod sane nisi a Concilio totius Nationis generaliter decerni non poterat. Præterea in can. 6. ita legitur: *Placuit præterea accusandi licentiam etiam in nostri ordinis, si qua existis, levitate comprimere, ut se Episcopus &c.*, quæ sane verba significant quamplures Episcopos ad illud Concilium convenisse, quod & clarius probatur ex Concilio Vvormaciensis anni 868. can. 60., ubi scribitur decem, & octo Episcopos Vasensi huic Concilio interfuisse. Quamobrem gravis erit, & venerabilis hujus Concilii auctoritas, tamquam illius, quod totius Nationis fuerit, aut saltem plurium Galliarum Provinciarum. Ut autem luculentius explicemus sententiam dicti can. 2. cau. 6. qu. 2., operæ pretium erit duo ejusdem Concilii capita describere, scilicet can. 7., & 8., quorum unus ex alio pendere videtur. In can. 7. hæc habentur: *Placuit præterea accusandi licentiam etiam in nostri ordinis, si qua existis, levitate comprimere, ut se Episcopus siquem judicat abstinendum, & pro humiliatione, & correptione fratris assurgit, exorari a ceteris acquiescat, fratri, de quo agitur, correptione, & comminatione adhibita. Sin autem de crimine aliquem putet esse damnandum, accusatoris vico discutiendum sciat. Rar est enim, ut qua uni probantur, probentur omnibus; & in can. 8., unde excerptus est Gratiani canon: *Quod si se tantum Episcopus alieni sceleris consciam novit, quamdiu probare non potest, nihil proferat; sed cum ipso ad compunctionem ejus secretis correptionibus elaborat. Quod si arreptus pertinacior fuerit, & se com-**

Can. 2.
cau. 6.
qu. 2.

mundoni publica ingeffur, etiamfi Epifcopus in redarguendo illo, quæ reum iudicat, probationibus deficiat, indemonftratus licet, ab iis, qui nihil sciunt, fecedere ad tempus pro persona majoris authoritatis iubeatur, illo, quamdiu probari nihil poteft, in communione omnium, præterquam ejus, qui eum reum iudicat, permanente. Ex his emendanda erunt Gratiani verba, quæ non fatis cum canone ipfo Concilii confonat. Norat ad hunc canonem Gabriel Albaspinæus in Galliis majorem reverentiam Epifcopis fuiſſe delatam, quam delata fuerit in Africa, cum legeret aliter conſtitutum fuiſſe in can. 5. Concilii Carthaginenſis, quod ſeptimum appellant ſub Aurelio anno 419, ibi: Item placuit, ut ſi quando Epifcopus dicit aliquem ſibi ſoli proprium crimen fuiſſe conſeſſum, atque ille negat, non putet ad injuriam ſuam Epifcopus perſistere, quod illi ſoli non creditur. Et ſi ſerupulo propria conſcientia ſe dicit neganti nolle communicare, quamdiu excommunicato non communicaverit ſuus Epifcopus, eidem Epifcopo ab aliis non communicatur Epifcopis, ut magis cavens Epifcopus, ne dicat in quonquam, quod aliis documentis convincere non poteſt. Sed venia dixerim Viri eruditi hæc duo Gallicanæ, & Africanæ Eccleſiarum capita diverſa mihi videntur potius, quam contraria. Etenim in canone Vaſenſi tribuitur aliqua fides Epifcopo afferenti, licet in probatione deficienti, quoties tamen Epifcopus aliter, quam per voluntariam Rei ipſius confeſſionem reum iudicaverit, at in canone Carthaginenſi nonnihil detrahitur Epifcopali iudicio, quoties Epifcopus idem, qui alias nullis probationibus reum criminis convincere poſſet, ex ſola humilis, ac poenitentis Rei confeſſione reum ipſum publice damnari poſtulat, quemadmodum ex ipſiſmet canonis verbis clariffime liquet. Quod itaque in Vaſenſi Concilio Epifcopali auctoritati honor debitus exigere videbatur, non idem ipſum ſervandum erat in Carthaginenſi Concilio, quoties Epifcopi cujuſpiam imprudentia eſſet improbanda. Hæc ſane utriuſque canonis interpretatio mihi vel eo magis adridet, quod aſperum ſemper viſum fuit, talem de Conciliis licet peculiarium Eccleſiarum ferre ſententiam, ut unius canones canonibus alterius adverſari videantur, ubi præſertim commode fieri poteſt, & ſervata utrobique Sanctorum

Patrum mente, ac voluntate, quæ ut plurimum ex canonum verbis adparet.

Can. 10. cau. 13. qu. 2. legitur non ſolum in exemplaribus ejuſdem Concilii Vaſenſis anni 442. can. 4., verum etiam in can. 1. illius Vaſenſis Concilii, quod nonnulli celebratum aſſerunt anno 350., ſed exinde novum argumentum habemus, ut concludamus Concilium illud anno 350. adtributum fictitium eſſe, & apocryphum Gallicanæ Eccleſiæ monumentum, ac propterea can. 10. Gratianum pertinere tantummodo ad Concilium Vaſenſe anni 442. Revera in fine hujus canonis ita habetur: *Udo & quidam Patrum hoc ſcriptis ſuis inferuit, congruente ſententia, qua ait: amico quidpiam rapere furtum eſt, Eccleſiam vero fraudare ſacrilegium.* Nomine cujuſdam Patrum, hic ſane nemo alius intelligi poteſt, quam S. Hieronymus, qui eam ſententiam deſcripſit in Epift. 2. ad Nepotianum, cujus fragmentum habemus apud Gratianum in can. 72. cau. 12. qu. 2. At vero Hieronymus anno 350. adoleſcens adhuc erat viginti circiter annorum, nec tum aut Epistolam ad Nepotianum ſcripſerat, nec poterat cujuſdam Patrum nomine ſignificari; proindeque nuper deſcripta verba ad nullum Concilium Vaſenſe, aut quodvis aliud anno 350. celebratum referri poſſunt, utique tamen ad Concilium Vaſenſe anni 442. Illud præterea ad hunc canonem eſt obſervandum, verba Gratiani conſonare cum verbis Concilii Vaſenſis anni 442. juxta edita exemplaria, dummodo tamen principio ita legerimus: *Qui oblationes defunctorum Fidelium detinent, & Eccleſiis &c.* Hæc autem eſt conſtitutio illa Vaſenſis Concilii, quam ſuperius diximus confirmatam in eo can. 47., qui tributus eſt Concilio Arelatenſi II. anni circiter 492. juxta animadverſiones Sirmondi, ubi ſic legitur: *Secundum conſtitutionem Synodi Vaſenſis, quicumque oblationem fidelium ſuppreſſerit, aut negaverit, ab Eccleſia, cui fraudem fecerit, deponatur.*

Can. 15. cau. 13. qu. 2. jam obſervaverunt Correſtores Romani haberi in Concilio Nannetenſi can. 6., ſed Vaſenſis, aut Vaſenſis Concilii nomen eidem adjectum non immutat adjecta ratione, quod forte in quodam Vaſenſi Concilio inveniri aliquando poſſit. Prudens ſane obſervatio, quæ paullo frequentius in Gratianæ inſcriptionibus erudito-

Can. 10.
can. 13-
qu. 2-

Can. 15.
can. 13-
qu. 2-

sum iudicio erat facienda. Ceterum hac in re ego arbitror Concilii Varenfis, seu Vafensis nomen ex errore fuisse adpositum in codicibus Gratiani, cum legendum potius esset Nannetenſe Concilium. Etenim etiam in recentioribus Burchardi Codicibus hic canon hodie refertur nomine Concilii *Nanneten.*, in quam fortasse depravatam scriptionem incidentes posteriores Collectores facile potuerunt de *Varenſi*, aut *Vafenſi* Concilio intelligere, quæ Nannetenſi Concilio tribuenda erant. Hinc in vulgatis Codicibus Ivonis laudatur idem canon ex utroque Concilio tum Vafenſi, tum Nannetenſi; Nannetenſis enim Concilii nomen habetur in inscriptione canonis, & Vafenſis ad marginem, forte ex eo, quod Ivo, aut quisquis alius decreti Collector Burchardi scriptionem non satis intellexerat. Hæc itaque animadvertens Gratianus in decreto Ivonis marginalem potius notam sequutus est, & Vafenſe, non Nannetenſe Concilium scripsit. Suo loco, ubi scilicet agemus de Concilio Nannetenſi, canonem hunc 15. cau. 13. qu. 2. cum optimis Concilii ejusdem exemplaribus conferemus. Illud interea observavero, hunc eundem canonem legi apud Reginonem in lib. 1. de Ecclesiasticis disciplinis cap. 125. nomine Concilii Nannetenſis, ubi tamen in §. *Prohibendum* paullo aliter legitur, quam apud Gratianum, ibi: *Prohibendum etiam secundum majorum instituta, ut in Ecclesia nullatenus sepeliantur, sed in atrio, aut in porticu aut exedra Ecclesia. Infra Ecclesiam vero, aut prope Altare, ubi Corpus Domini, & sanguis conficitur, nullatenus habeant licentiam sepeliendi.* Ex verbis hujusce canonis tria designantur loca, in quibus olim fidelium cadavera tumulari licebat, atrium videlicet, porticus, & exedra, licet tamen nonnulli pro illis verbis: *aut exedra Ecclesia*, in Concilii Nannetenſis exemplaribus legendum velint: *aut extra Ecclesiam.* Non est cur recedamus a vulgata lectione, in qua exedrae mentio fit. Etenim atrii nomine venit spatium illud

vacuum, quod remansit ex aere, sive solo, in quo fuerat ædificata Ecclesia, atque hac significatione atrium Ecclesiam totam circumambit; quamquam apud nonnullos auctores Ecclesiasticos atrium potius sonet eam aere partem, quæ proxima januis est, sive ante vestibulum, uti in lib. 4. Capitularium cap. 13., libro 1. legum Longobardarum tit. 9., & apud Anastasium Bibliothecarium in vita Sergii II., & in vita Doni Papæ, ibi: *Hic atrium B. Petri Apostoli superius, quod est ante Ecclesiam in quadriporticum magnis marmoribus stravit.* Porticum appellamus locum deambulationi aptum, veluti claustrum Ecclesiæ, seu Monasterii, quæ claustra hodie aliquibus in locis sita sunt ad latus Ecclesiarum, olim vero media constituebantur inter Ecclesiam, & vestibulum, vel etiam ad utrumque latus Templi, quemadmodum de Templo Tyrio testatur Eusebius lib. 10. Historiæ Ecclesiasticæ cap. 4. Hinc etiam Bedæ lib. 2. cap. 3. Historiæ Anglorum mentionem facit porticus Aquilonaris. Tandem exedra dicitur locus intra Ecclesiam constitutus circum muros ad instar menianorum, sive projectorum, aut etiam concava quædam loca sublimia ita constructa, ut quis in illis etiam sedens posset sacris adesse; neque enim in ipsa Ecclesia apud veteres cuiquam licebat federe, sed sedendi locus tantum in menianis, vel projectis esse poterat. Itaque tria hæc loca sepulchris fidelium accommodata esse poterant, dummodo tamen unusquisque abstineret a sepulchris intra Ecclesiam faciendis. At posteaquam non solum in menianis, & projectis, sed etiam in inferiore Ecclesiæ parte, sive Ecclesia ipsa federe fidelibus licuit, inductum quoque est, ut quemadmodum olim in exedris, ita deinceps etiam in Ecclesia ipsa fidelium cadavera tumularentur, dummodo tamen sepultura non fieret in locis Altari proximis, quemadmodum etiam hodiernis consuetudinibus, & canonibus receptum est, ac probatum.

CAPUT XXI.

De Concilio Hibernensi.

Unicum est nomine Concilii Hibernensis fragmentum apud Gratianum.

✚ *Can. 5. dist. 82. ab Imperio quodam, & obscuro Autore compositus.*

Conciliorum Hibernensium nomen vix in Ecclesiasticis monumentis legitur. Apud Labbeum tom. 4. Venetæ Editionis pag. 433., & seqq. referuntur quidem duo hujus nominis Concilia ad annum 450. (quod in causa fuit, cur de Hibernensi Concilio, quod Gratianus laudat, hoc in capite verba facerem) verum nihil omnino in eisdem continetur, ad quod referri possit Gratianus can. 5. dist. 82., nisi forte respicere velimus can. 28. Concilii prioris, ubi agitur de Clerico excommunicato ad pœnitentiam revocando his verbis: *Si quis Clericorum excommunicationis fuerit, solus (non in eadem dome cum fratribus) orationem faciet, nec offerre, nec consecrare licet, donec se faciat emendatum, qui si sic non fecerit, dupliciter vindicetur.* Verum hæc adhuc procul omnino distant a Gratiano fragmento; neque alibi, licet solertissime quaesierim, apud Collectores Conciliorum, non solum in Hibernensibus, sed neque in aliis Conciliis simile quidpiam reperire potui; quamobrem facile locum dedi jampridem conceptæ suspitioni, qua adducebatur, ut putarem caput istud ab imperito quodam, & obscuri nominis Autore confectum esse, atque nomine Concilii alicujus falso suppositum. Romani Correctores fatentur in vetustis Gratiani exemplaribus laudatum fuisse canonem nomine Concilii Gangrensis; quia vero in Concilio Gangrensi minime legebatur, a se emendatam fuisse Gratiani scriptiorem, & loco Concilii Gangrensis suppositum fuisse Concilium Hibernense. Num omnes hujusmodi emendationem probaverint, prorsus ignoro: Etenim si nomen Concilii Gangrensis immutandum erat, quod canon in Gangrensi Concilio non haberetur; quibusdam etiam videri facile poterit, nec fuisse quidem supponendum nomen Concilii Hibernensis, cum in omnibus editis huc usque Hibernensibus Conciliis desideretur. Sed habent Romani Correctores, quod adferant ad ostendendam

emendationis necessitatem, aut convenciónem. Ajunt enim illi apud Polycarpum, & in alio libro perverusto, in quo multi sunt canones pœnitentiales, idem fragmentum referri ex Theodoro Archiepiscopo Hibernensi. Hæc quidem ratio meo judicio valeret magis, quoties aut Polycarpus, aut Autor illius libri perverusti magis integræ, ac spectatæ fidei essent, quam fuerit Gratianus. Sed vereor ne forte eadem ratione, ceteris paribus, emendandus esset ex Gratiani codice codex Polycarpi, qua emendatus fuit codex Gratiani ex codice Polycarpi. Deinde vero, si apud alios Collectores legitur: ex Theodoro Archiepiscopo Hibernensi; apud Gratianum vero: ex Concilio Gangrensi, nemo videt, cur, si Gratiani Codex ex aliorum collectionibus sit emendandus, ita legatur: ex Concilio Hibernensi, & non potius, ex Theodoro Archiepiscopo Hibernensi. Itaque etiam post Romanam Correctionem canon Gratianus adhuc incipiti hæret, nec adparet, ad quemnam locum, & ad quem Autorem ille sit referendus; nec enim, si de vetustissimo codice pœnitentiali agamus, quem Correctores Romani commemorant, ille adeo vetustus erit, ut non ex Polycarpo describi potuerit; aut si de Polycarpo loquamur, cum initio duodecimi sæculi, & eodem obscurissimo tempore, quo Gratianus collectionem suam adornaverit, vir non satis excultus, cujus etiam collectio parum apud unumquemque valuit, tanta non erit ipsius auctoritas, ut in hac re eidem potius morem gerere debeamus. Itaque illud verosimilius erit, si concludemus hujus fragmenti inconcinni, atque incompositi Autorem esse obscurum quendam hominem, & quidem sæculi 10., aut 11., qui novam quandam disciplinam inducere voluerit, & nomine alicujus Concilii veteris ad conciliandam suæ sententiæ auctoritatem evulgare. Atque id ego facile demonstrabo. Statuitur in eo capite, Sacerdotes in for-
nica-

nicationis crimina lapsos olim quidem deponendos fuisse juxta canones Apostolorum; hodie vero exactis legitimæ poenitentiae per constituta tempora gradibus in pristinum gradum restitui auctoritate Sylvestri, Clementis, & Callixti Pontificum Maximorum. Tria ibidem menda manifestissima, ex quibus & ausus inferendus, aut imperitia supinare darguitur Auctoris. Primo enim non aliud ad rem suam adducit, quam apocrypha monumenta, Apostolorum canones, a quibus tamen recedendum esse existimat, acta S. Sylvestri, Epistolas Clementis, & Callixti, quæ omnia ab eruditissimis tanquam veteribus illis Patribus falso tributa, rejiciuntur, quibus tamen Auctor ejusdem Canonis prorsus adhaerendum existimat. Secundo eadem supposititia monumenta, quæ ad rem suam commemorat, ita flectit, & deorquet, ut aliam prorsus eisdem sententiam assignat. Tertio demum ex omnibus ita concludit, ut diuturnæ disciplinæ ecclesiasticæ usque ad sæculum duodecimum productæ penitus adversetur. Sigillatim hæc omnia sunt observanda.

Et quidem in primis res per se jam liquet, ubi de canonibus Apostolorum, de actibus S. Sylvestri, item de Epistolis Callixti, & Clementis agatur; hæc enim tamquam supposititia decreta ad assequendam primorum Ecclesiæ temporum doctrinam parum, aut nihil omnino conducunt, ne dixerim a veterum ipsorum disciplina plurimum recedunt. Propterea jam redarguendus est ejusdem capitis conditor, qui aliud nesciverit in illud referre, quam quod ex Mercatoris officina, aut aliis similibus depromserit.

Alterum autem me magis movet, quod videlicet ea ferme omnia, quæ imperitus hujusmodi Auctor ad rei suæ probationem adduxit, licet supposititia, eam sententiam minime exhibeant, quam ceteroquin ipse ex illis expressit. Desententia canonum Apostolicorum nihil dixero; etenim Auctor profitetur se a disciplina in illis constituta recedere, sed adherere potius Sylvestro, Callixto, & Clementi Pontificibus Maximis. Bene Deus! Quis capere poterit hujusmodi emblemata? quasi jam prioribus sæculis adversatus fuerit Apostolicæ disciplinæ non solum Sylvester, qui quarto sæculo floruit, aut Callixtus, qui secundo, verum etiam ipsemet Clemens, Apostolicus Vir, & Apostolorum Discipulus,

per quem ipsimet canones apostolici evulgati fuisse feruntur. Sed accedamus propius ad eas, quæ in eo capite describuntur, sententias. Ait Auctor canonis in principio: Si Presbyter fornicatus fuerit, eum juxta canones apostolicos deponi debere. id verum est, referturque ad can. 25. ex apostolicis, qui juxta Dionysium Exiguum hæc habet: *Episcopus, aut Presbyter, aut Diaconus, qui in fornicatione, aut perjurio, aut furto captus est, deponatur, non tamen communionem privetur: Dicit enim scriptura, non vindicabit Dominus his in idipsum*. Et quidem hæc disciplina in Ecclesia perduravit duodecim fere integris sæculis, ut inferius demonstrabo. Sed prosequitur Auctor canonis, inquires, aliud docuisse Sanctum Sylvestrum, aliud Clementem, aliud Callixtum, sancientes, ut si poenitentiam per decem annos Presbyter egisset, illa completa in suo gradu, & ordine perseveret. Ubi Sanctus Sylvester laudatur, refertur hæc ad can. 19. Concilii Romani II., quod a Sylvestro celebratum dicunt anno 314. Ita ibidem legitur: *Nemo enim Presbyter a die omnis Presbyterii sumat conjugium, ut etsi negligens egerit, decem annis eum privari honore. Quod si quis contra hunc Chirographum presentem, ac publice egerit dictum, condemnatur in perpetuum*. Nihil hic dixero de auctoritate hujus Synodi, de qua suo loco jam egimus. Illud liquet statim, sententiam hanc non ad fornicationes, sed ad conjugia pertinere, quæ si Sacerdotes iniussent, multo mitiore poena afficiebantur, quam si fornicati fuissent. Atque hoc lucem accipit a Concilio Neocæsareensi, in quo ita legitur can. 1. *Presbyter si uxorem duxerit, ordine suo moveatur, si autem fornicatus fuerit, vel adulterium commiserit, penitus extrudatur, & ad poenitentiam deducatur*. Quæ verba collata cum memorato capite Synodi Romanæ, quæ Sylvestro tribuitur, clare significant, restitui post decennium Sacerdotes illos in gradum suum, qui matrimonia contraxerint, non vero qui in fornicationem inciderint, quemadmodum exponit Auctor dicti Gratiani canonis quinti. Quod si forte Auctor ejusdem canonis, ubi Sylvestrum laudavit, laudare voluit Nicæni Concilii decreta sub S. Sylvestro edita, specialiter vero can. 12., ubi dicitur lapsos post decennii poenitentiam reparari, rursus agnosco ad aliam omnino, & diversam speciem reflexi.

perisse: Etenim lapsorum nomine non veniunt in Nicæno Concilio Sacerdotes incontinentes, sed illi, qui post susceptum Baptisma apud Ethnicos, a quibus nuper abierant, rursus defecerant, aut apud alios Christianos. Hic adversarios. At vero alia de laicis erat, alia de Clericis pœnitentibus disciplina: illi enim facilius recipiebantur in fidelium numerum, dummodo veræ pœnitentiæ signa ostendissent; at Clericis eundem honorem reddere non facile consueverunt veteres Patres post gravissima crimina, ea præsertim, quibus indicta erat publica pœnitentia. Simili modo Clementis Pontificis Epistola (quæ tamen falso Clementi adtribuitur) in alium omnino sensum detorta fuit. Est Epistola secunda, in qua hæc leguntur: *Ad Domipica autem Mysteria tales eligantur, qui ante ordinationem conjugii suum non noverint,) alii legunt: coniuges suos noverint.* Quod si post ordinationem Ministro Altaris comigerit proprium, inquadere cubile uxoris, sacrarii non intret limina, nec Sacrificii portitor fiat . . . , ostia forinsecus claudat, minora gerat officia &c. Hæc porro omnia non de Sacerdotibus, sed de Diaconis, qui Ministrorum nomine designantur, concepta sunt; deinde non de fornicatione ibidem agitur, sed de usus conjugii, cui ratione Clericorum majorum levior, quam fornicationi imposita fuit apud veteres Ecclesiæ Patres, & imponi debuit pœnitentia. Forte magis rei propolitæ conveniret Callixti Papæ Epistola, si vere Callixti esset, quam etiam idem canonis Auctor explicat. Est Epistola 2. ad omnes Galliarum Episcopos, in cuius capite ultimo hæc habentur: *Errant, qui putant Domini Sacerdotes post lapsum, si condignam egerint pœnitentiam, Domino ministrare non posse, &c.* Verum si totius Epistolæ sententia perpendatur, constabit, non queri eo in loco, num Sacerdotes post lapsum restitui peracta pœnitentia solerent, sed potius num restitui possent per claves Ecclesiæ. Agebatur itaque de ecclesiastica auctoritate, non de disciplina: Ita enim ibidem subditur: *Et ipsi, qui hoc putant, contra Ecclesia claves disputant.* Aliud porro est dicere Ecclesiam non consuevisse Sacerdotes lapsos restituere in gradum, aliud non potuisse restituere. Præterea in hac eadem Epistola non de Sacerdotibus incontinentiæ deditis specialiter agitur, sed de lapsis,

Tamm. J.

quorum nomina apud veteres illi intelligebantur passim, qui metu persecutorum fidei renunciaverant, cum quibus humanius aliquandiu actum fuisse veterum monumenta testantur. Ceterum cum incontinentibus Clericis severior semper, & asperior fuit hæc in parte canonum disciplina; verebantur enim veteres Patres, ne Clericus semel incontinens etiam post pœnitentiam se pristinis sceleribus rursus macularet.

Jam vero postremo loco demonstrandum est, a primis Ecclesiæ sæculis obtinuisse usque ad duodecimum, ut Clerici semel in incontinentiam lapsi minime amplius post depositionem restituerentur in Clerum. Huc sane loci possent illa omnia referri, quæ probant Clericos semel pœnitentiæ addictos, si ve in pœnitentium ordinem detrufos non potuisse amplius ad Clericorum officia aspirare, ne Sacerdotium minus honorabile ceteris haberetur; indecorum enim videbatur ministrare illos, quos populus gravissimis sceleribus aliquando fuisse inquinatos agnosceret. Hæc sane facile unusquisque invenire poterit apud eruditos illos, qui de hac re fusius disputarunt, atque aliis in locis commodius adferam. Tantum hic nonnulla tradam, quæ specialiter de Clericis incontinentibus expressa sunt. Et primo quidem priorum sæculorum disciplinam clare ostendit canon ille Concilii Neocæsareensis, quem superius laudavi, ac descripsi; ibi enim, postquam discrimen agnitum est inter Clericos conjugia appetentes, & Clericos fornicantes, illis quidem indicta pœna est decem annorum, ut scilicet per decem annos a sacris Altaribus abstinere; illi vero perpetuo ab ecclesiasticis officiis exclusi sunt. Facit præterea ad hanc eandem rem memoratus vigesimus quintus canon ex Apostolicis, qui licet vere Apostolis non sit tribuendus, non est tamen dubitandum, quin contineat ecclesiasticam priorum temporum disciplinam. Huc adferri etiam possent can. 1. cum sequentibus quamplurimis dist. 30. apud Gratianum, ex quibus sex priorum Ecclesiæ sæculorum consuetudo ecclesiastica dignoscatur. Nono etiam Ecclesiæ sæculo idipsum viguisse patet ex Decreto Nicolai Papæ, qui in titulo de Presbyteris hæc habet: *Sacerdotes si in fornicationis ceciderint laqueum, & criminis manifestus, si ve offensus sit actus, Sacerdotii honorem habere non possunt se-*

FF

cnn-

secundum canones Institutionis auctoritate. Concilium Moguntinum anni 887. can. 19. de eisdem Sacerdotibus incontinentibus statuit, ut ab Ecclesiasticis promotionibus Officio, saeculo autem 11. habemus clarissimam Concilii Euronensis anni 1060. definitionem, quae legitur in can. 6. de Presbyteris incontinentibus, ut nullam promotionis in pristino gradu penitus sibi reservasse cognoscant. Quae cum ita sint, perspicua res erit can. 5.

dist. 22. imperiti ejusdem Auctoris esse, qui voluerit nomine cujusdam Concilii temerario ausu evulgare, quod non solum ex apocryphis documentis describebat, verum etiam, quod adversus monumentorum, quae adferebat, fidem ipsius adversus receptam Ecclesiae disciplinam novum inducere moliebatur, studio forte privatae cujuspiam causae, id est ut siue suis, in quae inciderat, siue alienis delictis patrocinium imponeret.

C A P U T XXII.

De Concilio Chalcedonensi.

Ex Concilio Chalcedonensi plures Canones a Gratiano laudantur, quos ego in triplicem ordinem dividam; alii enim sunt ex Actionibus Synodicis deprocati; alii ex Canonibus ad disciplinam ecclesiasticam stabilendam, vel confirmandam ab eodem constitutis; alii denique nomine quidem Chalcedonensis Concilii a Gratiano inscribuntur, sed revera in Chalcedonensi eadem Synodo non habentur.

Ex Actionibus Synodicis.

Can. 2. dist. 96. convenit omnino cum sententia Marciani.
Can. 3. dist. 96. supplendus ex integra Concilii sententia.

Can. 6. dist. 18. consonat etiam cum canone 5. Concilii Niceni I.

Can. 15. dist. 32. consonat cum canone 10. Laodiceno, & 27. ex Apostolicis.

Can. 1. dist. 70. consonat cum can. 15. Concilii Niceni.

Can. 4. dist. 71. vere tribuendus Chalcedonensi Concilio.

Can. 7. dist. 71. consonat cum antiquissima disciplina.

Can. 2. dist. 75. consonat cum antiquissima disciplina.

Can. 26. dist. 86. tribui jure potest Concilio Chalcedonensi.

Can. 4. dist. 89. conferendus cum can. 21. cau. 16. q. 7.

Can. 1. dist. 101. ex Historia Concilii explicandus.

Can. 8. cau. 1. qu. 1. paullo varius in diversis exemplaribus.

Can. 49. cau. 2. qu. 7. consonat cum veterum Conciliorum Canonibus.

Can. 26. cau. 7. qu. 1. consonat cum canonibus Concilii Antiocheni.

Can. 21. cau. 11. qu. 1. ab Anatolio compositus ex industria.

Can. 23. cau. 11. qu. 1. idem est cum can. 21. cau. 11. q. 1.

Can. 46. cau. 11. qu. 1. ab Anatolio ipso ex industria compositus.

Can. 43. cau. 12. qu. 2. referendus ad veterum canonum doctrinam.

Can. 12. cau. 16. qu. 1. vere Chalcedonensi Concilio tribuendus.

Can. 17. cau. 16. qu. 1. Chalcedonensium Patrum mentis conformis.

Can. 1. cau. 16. qu. 3. ab Anatolio, & Eustasio ex industria compositus.

Can. 21. cau. 16. qu. 7. idem est cum can. 4. dist. 89.

Can. 10. cau. 18. qu. 2. referendus ad can. 12. cau. 16. q. 1.

Can. 4. cau. 19. qu. 3. videtur consonare cum canonibus Concilii Antiocheni.

Can. 3.

Ex Canonibus in actione 15. constitutis.

Insuper fore omnes auctoritates.

Ex Canonibus in actione 15. constitutis.

Incerta fere omnes auctoritatis.

- Can. 3. can. 20. qu. 3. maxime consonat cum veteribus disciplinis.*
Can. 1. can. 21. qu. 1. } ex eodem can. 10. deponiti sunt.
Can. 3. can. 21. qu. 2. }
Can. 1. can. 27. qu. 3. idem est cum can. 26. dist. 86.
Can. 14. can. 25. qu. 1. consonat cum vulgatis canonum exemplaribus.
Can. 12. can. 27. qu. 1. falso adscriptus Tribariensis Concilio.
Can. 22. can. 27. qu. 1. idem est cum can. 12. can. 27. q. 1.
Can. 23. can. 27. qu. 1. forte recentioribus Constitutionibus accommodatus.
Can. 1. can. 36. qu. 2. consonat cum interpretatione Dionysii Exigui.

Ex fragmentis falso Concilio Chalcedonensi adscriptis.

- Can. 2. can. 30. qu. 4. spectat potius ad aliquod Concilium Gallicanum, vel ad aliquod provinciale B. aut G. sacrum.*

Tanta non est apud omnes canonum Chalcedonensium auctoritas, ut sine discrimine vim Ecclesiasticæ legis generalis obtinuerint. Etsi enim ipsum Chalcedonense Concilium Œcumenicum sit, imo inter ea Concilia recensetur, quorum talis habebatur apud veteres Patres ratio, ut sanctis ipsis quatuor evangelis compararetur; non tamen omnia, quæ in eodem Concilio aut gesta, aut statuta sunt, generaliter in Ecclesia recepta fuerunt, sed quædam aut non admissa, aut reprobata, vel etiam aliquando retractata; proindeque hodie, ubi de canonibus Chalcedonensibus vulgatis agitur, non aliter illi tamquam generales Ecclesiæ leges agnoscendi erunt, nisi cum ex aliis subsequentiis Conciliis, vel alio quocumque Ecclesiæ suffragio probati fuerint, ac confirmati. Hæc ut clare, perspicueque percipiamur, expendenda erat brevis quidem, sed accurata Chalcedonensis Concilii ratio.

Post damnatam in Concilio Ephesino Nestorii hæresim, & postquam definitum est in Christo Domino unam tantum esse Personam, eamque divinam, nova, & ex adverso antiquæ hæresi opposita emerit hæresis Auctore Euthyche, seu, ut alii vocant, Euthychete Archimandrita, qui non aliter percipere potuit in Christo unam esse Personam, nisi & unicam Naturam in eodem fuisse assereret. Et quidem hæc opinio viri apud orientales spectatissimi quamplures occupaverat, ut res indigere videretur Concilio Generali, in quo fidei dogma declararetur. Urgebat etiam Dioclori

Alexandrini Patriarchæ imprudentia, ne audaciam dixerim, qui, ut erat improbus, & scelestissimus, indignus propterea, qui Sancto Cyrillo successisset in Episcopatu, facile se Euthychi junxit, indicto Concilio, ubi omnia per vim, & metum accito etiam militum exercitu peracta sunt, ejectis Sedis Apostolicæ Legatis, pluribus Episcopis interfectis, Euthychis hæresim, quasi veram fidem, recepit, eosque omnes anathematizare perculit, qui aliter sensissent, quam sentiret Euthyches. Agnovit plurimum interesse ecclesiasticæ rei, si generale Concilium convocaretur, Imperator Marcianus, cui & piissima ejus uxor Pulcheria morem gerebat, imo etiam vires hortando addebant, qui proinde ad Sanctum Leonem Pontificem Maximum misit Epistolas, postulans, ut ejus auctoritate Synodus Episcoporum indiceretur. Non moratus est Pontifex Maximus Leo, communique omnium consensione celebrata Synodus est anno 451. primum in Nicæa Bythinæ, deinde vero ob quasdam subortas difficultates, & quidem re integræ, translata est, consentientibus universis, in Urbem Chalcedonem. Videlicet cum Imperator optaret adesse Concilio, ipse vero ob corporum quædam adjuncta procul ab Urbis Constantinopolitana abire non posset, is selectus fuit Concilii locus, qui non longe ab eadem Urbe Constantinopolis situs esset. Convenerant illuc sexcenti, & triginta Episcopi, præsidentibus tamquam Legatis Magni Leonis Paschasinus, & Lucetio Episcopis, & Bonifacio

po clanculum, & furtim prodierunt, item cham fuerunt a seditione ut plurimum Episcopos confirmati, & quorum aliquibus Legati Pontifici postea restiterunt, imo etiam ex quibus pax Ecclesiastica discepta est, atque orta fuit occasio, unde hoc Concilium Chalcedonense integre non probaretur Pontificum Maximorum auctoritate. Nihilominus ego non iverim inficias quoddam ex dictis Canonibus vim maximam obtinuisse apud viros Ecclesiasticos, quod quidem non statim ab initio contigit, sed tum demum cum in aliis Conciliis confirmari fuerant, aut etiam in publicas canonum collectiones relati, aut appa-uit in illis aliorum veterum canonum disciplinam in aliis etiam Conciliis stabilitam contineri. Plures ex Collectori- bus, praesertim latinis omiserunt tres canones posteriores, ex eo quod dicti can. 28. sententia latinis omnibus displicuerit, numerantibus tantummodo can. 27. Chalcedonenses. Praeterea observandum est in hisce canonibus aliqua contineri, quae ad praecedentes ejusdem Concilii actiones pertinent, quod forte ex industria Anatolius fecit, ut facilius Episcoporum apud se remanentium suffragia caperet. Atque in istis, ubi Briomibus Synodicis actionibus conformes sunt, major sane prudentiorum iudicio agnosceretur auctoritas.

Haec omnia necessario observanda erant, antequam deveniretur ad explicanda singula Gratiani fragmenta ex Chalcedonensi Concilio laudata; ne forte capitibus omnino confusis eadem omnibus inesse vis, & potestas videretur. Exordior itaque ab his, quae non ab Anatolio dissidente edita sunt, sed pertinent ad Synodicas actiones.

De Canonibus depromtis ex actionibus Synodi Chalcedonensis.

Can. 21. Hujusmodi est in primis can. 2. dist. 96., qui legitur in actione 6. principio, suntque verba, quibus Marcianus Imperator alloquutus est Episcopos omnes, eos monens, ut sine ulla formidine fidei dogmata definirent. Cum enim in Ephesino Conciliabulo, quod paullo antea Dioscorus convocaverat, intervenissent quamplures militares viri, quorum impetu, & vi, procurante ipso Dioscoro, universi Episcopi aut in fugam acti sunt, aut ad iniqua subscribenda capitula compulsi, aut etiam ferro caesi, ne Chalcedonenses Patres similia quaedam perhor-

rescerent, optimum duxit, & maxime opportunum Marcianus, qui ad Concilium venerat, blandis verbis eosdem admonere, & de fidei suae integritate, bonoque animo erga stabilienda dogmata religionis reddere certiores. Eius igitur haec verba fuerunt: *Remotis itaque studiis, ablatis patrociniis, cessante avaritia cunctis veritas innoscat. Nos enim ad fidem confirmandam, non ad potestatem aliquam exercendam exemplo religiosissimi Principis Constantini Synodo ingressi volumus, ne vel ulterius populi pravis suggestionibus separentur.* Paullo aliter haec leguntur apud Gratianum in dicto can. 2., verborum varietate proficisciente potius ex diversitate interpretum Graecae eloquutionis, quam ex diversitate sententiarum.

In eadem actione 6. prope finem legitur can. 3. dist. 96., ubi scilicet iis diff. 96. omnibus peractis, quae ad definitionem fidei spectabant, Marcianus optavit, ut non statim dissolverentur sacra comitia, sed ut quaedam adhuc disciplinae Ecclesiasticae capita decernerentur. His autem verbis inter cetera Patres Concilii alloquutus est Imperator: *Quaedam capitula sunt, quae ad honorem vestrae reverentiae vobis servavimus, decorum esse judicantes, & vobis hac regulariter potestas formari per Synodum, quam nostra lege sanciri. Obscura sane quodammodo videretur concilii hujus Gratianei fragmenti interpretatio, nisi sub oculis subicerentur, quae nomine quorundam capitulorum Marcianus intellexerit, quae potius per Synodum formarentur, quam sancirentur Imperiali lege. Porro sunt haec tria: primum, ut nemo edificare posset Monasterium, nisi ex Episcoporum voluntate, aut nemo edificaret Ecclesiam in alieno solo, nisi Domino ejusdem soli consentiente. Alterum est, ne Clerici rebus saecularibus incumbant, praesertim vero ne sint praediorum conductores, aut domuum Laicorum dispensatores. Postremum est, ne Clerici ab Ecclesia, cui addicti semel sunt, ad alia loca divertant, neve Episcopi diverteant alienos Clericos in propria Diocesi suscipiant. Haec autem Capitula omnia universa Synodus confirmavit, quemadmodum ex integra actione Concilii constare potest. Et quidem ro ita clare, perspicueque explicata, jam liquet exinde, quo spectet memorata Marciani sententia in dicto canone 2. dist. 96.*

*De Capitibus deprementis ex iis canonibus
qui editi sunt in Actiano 15.*

Mulco plura capita Gratianus descripsit ex iis canonibus, quos privato studio ob dolum & fraudem furzini probandos nonnullis Episcopis proposuit Anatolius Constantinopolitanus, quem admodum superius diximus, quorum propterea qualis esse auctoritas debeat generatim observavimus. Ex his est ca-

Can. 6. non 6. dist. 18., cuius tamen sententia dist. 18. generabilis esse debet ex eo, quod in illo renovata fuerit verus illa Nicæni Concilii sanctio, qua statutum erat, ut

Concilia quotannis duo celebrarentur in singulis Provinciis. Plures sunt ejuscanonis interpretationes, quæ tamen omnes unam exhibent, eandemque sententiam. Unam hic tantummodo reseramus antiquissimam, quæ est Dionysii Exigui, his verbis expressam. *Pervenit ad aures nostras, quod in Provinciis statuta Episcoporum Concilia minime celebrantur, & ex hoc plurima negligantur Ecclesiasticarum causarum, quæ correctio ne indigeant. Decrevit itaque Sancta Synodus secundum canones Patrum bis in anno Episcopos in idipsum in unaquaque Provincia convenire, quo Metropolitanus Antistes præhæveris, & corrigere singula, signa forsassis emerserint. Quicumque vero non advenierint Episcopi, resident autem in suis civitatibus, & hoc, dum in sua incolumitate consistunt, omni exco-
cusabili, & necessaria occupatione probantur liberi, fratresque corripiantur affectu.*

Can. 15. Can. 15. dist. 32. legitur in can. 14. dist. 32. ex Chalcedonensibus, & quidem juxta

interpretationem Dionysii Exigui. Gratianus tantum ibidem retulit primam ejusdem canonis partem, in qua designatur Cantores & Psalmistas, ubi uxores ducere ipsis permittitur, a conjugis alterius scilicet mulierum abstinere debere. Consonat id cum Lapidiceno can. 10., cuius hæc verba sunt: *Quod non oportet indifferenter apud Ecclesiasticos facere nuptiarum hæreticis suis filios, filiasque conjugere, ex quibus patet & hunc Anatoli canonem veteri disciplinæ Ecclesiasticæ esse conformem. Forte difficultatem movere apud quospiam poterunt ea verba canonis Chalcedonensis: In quibusdam Provinciis, quasi deduci exinde possit olim apud Græcos diversam viguisse disciplinam, ut in quibusdam Provinciis liceret Lectoribus, & Psi-*

multis conjugia contrahere, quod in aliis Provinciis non liceret. Sane in canonibus, qui vulgo Apostolici nuncupantur, can. 27. generatim permittitur conjugia videntur Lectoribus, & Cantoribus, nec in tota antiquitate monumentum adparet, ex quo deducatur, in quibusdam Provinciis eadem fuisse interdicta. Balsamon expendens verba canonis Chalcedonensis ita scribit: In nonnullis quidem, ut est verosimile, Provinciis Lectoribus, & Cantoribus permittebatur matrimonia contrahere, in nonnullis autem id eis præter rationem prohibebatur. Atque venia Balsamonis, non est hoc interpretem agere, sed potius Ecclesiasticarum quarundam Provinciarum usum, quem ipse supposebat, omnino carpere, & in illum veluti rationi contrarium declamare. Ego arbitror vetusta ætate generatim obtinuisse in omnibus Provinciis, ut Lectores, & Psalmistæ possent matrimoniis contrahere; at auctorem canonis Chalcedonensis asseruisse id in quibusdam Provinciis vigere, non ut significaret contrariam aliarum Provinciarum consuetudinem; sed potius ut doceret id in quibusdam Provinciis permittum esse lege peculiari, & expressa, indicans ratione laudatum canonem Concilii Laodicensi, aut can. 27. ex Apostolicis, qui omnes canones non in generalibus, sed in Provincialibus Conciliis editi fuerant.

Can. 1. dist. 70. pertinet ad can. 6. Can. 1. ex Chalcedonensibus, quem Dionysius dist. 70. Exiguus ita interpretatus est. *Nullum absolute ordinari debere Presbyterum, aut Diaconum, nec quemlibet in gradu Ecclesiastico, nisi specialiter Ecclesia Civitatis, aut possessionis, aut Monasterii, aut Monasterii, qui ordinandus est, pronuncietur. Qui vero absolute ordinantur, decrevit Sancta Synodus, irritam haberi hujusmodi manus impositionem, & nullum posse ministrare ad ordinatis injuriam. Consonant hæc omnino cum veteri disciplina, juxta quam generatim nemo ex Clericis extra Ecclesiam suam vagari poterat, cui ab initio adscribendus erat, quemadmodum deducitur ex can. 15. Concilii Nicæni, eodem fere modo, quo etiam hodie nemo Episcopus ordinatur, nisi qui cæptæ Episcopali Ecclesiæ præfuisse debeat. Hic quidem mos posterioribus Ecclesiæ sæculis paulo exolevit, sed, quoad fieri potuit, renovatus est per Concilium Tridentinum sess. 23. cap. 16. de reformat. Potro si respiciamus ad verba memorati canonis Chal-*

Chalcedonenſis, agnoſcemus, quadrupli-
cem olim fuiſſe Eccleſiam, cui Clericus
adſcribi potuiſſet; & primo erat Eccle-
ſia *Civitatis*, ea ſcilicet, quam hodie
Cathedralem Eccleſiam appellamus: ſe-
cundo Eccleſia *poſſeſſionis*, ſeu, quemad-
modum alii ex Græco textu interpre-
tantur, Eccleſia *pagi*, quæ Eccleſia ead-
em eſt cum Eccleſia Parochiali unius-
cujuſque loci extra urbem ſicj, quemad-
modum perſpicue liquet ex can. 1. cau.
26. qu. 3., ubi rutiſcæ Parochiæ, &
poſſeſſiones promiſcue ſumuntur. Ex qui-
bus adparet toto celo aberraviſſe a ger-
mana ſententia canonis Gloſſographum,
qui ad vocem illam *poſſeſſionis* ita anim-
advertit: *ideſt ſi ordinatur ad titulum*
Patrimonii, quaſi Chalcedonenſis Con-
cilii tempore inveſta jam fuiſſet Cleri-
calium Patrimoniorum diſciplina, quo-
rum originem vix a ſæculo 11. repeten-
dam eſſe vel hoſpites in ſacra jurispru-
dentia noverunt. (Ita ſolet uſuvenire
ut plurimum canonum interpretibus il-
lis, qui veteres canones non juxta ve-
terum mores explicant, ſed ſtudent po-
tius ſuis temporibus accommodare, cum
non aliud ſciant, quam quod ipſi in ſua
Provincia fieri fuiſſent oculis viderint.)
Tertia erat Eccleſia *Martyrii*; ſcilicet
pius quidam locus, & Religioſus extra
Eccleſiam Cathedralem, vel Parochia-
lem, in quo antea erant tumulata cada-
vera Martyrum, quique ex fidelium
cultu in ædem ſacram fuerat dedicatus.
Quarta erat Eccleſia *Monasterii*; cum
enim tum Monachorum nemo ſacris or-
dinibus initiatus eſſet, ne aut divinis
myſteriis carerent, aut cogerentur a ſo-
licitudine Monasteriorum exire ſacrorum
cauſa, cautum erat, ut locus ſacer, ſi-
ve ſacrificio deſtinatus in Monasterio
ipſo conſtitueretur, cui addiceretur Cle-
ricus, qui ſacra faceret. Adejuſdem ca-
nonis interpretationem diſputari ſolet a
noſtris, num ordinatio facta ſine titulo,
ſeu contra hujus canonis formam ita ir-
rita prorfus habenda ſit, ut nullum
omnino effectum habeat, an vero tan-
tum, ut ajunt, illicita habeatur? Sane
clariffima ſunt, & maxime perſpicue
canonis verba, quibus *ipſius* ordinatio
declaratur; ſed qui de rebus ſacris ita
differere conſueverunt, quaſi de rebus
phyſicis, & ex principiis unius philoſo-
phiæ, quam Ariſtotelicam appellarent,
ſacramenta ſtatim valide collata agno-
verunt, ac materia cum forma conjun-
cta eſt, paullo aliter ratiocinantur. Ve-

rum cum hac Theologorum turba non
conſentiunt viri eruditiffimi, qui nove-
runt non tam ex verborum prolatione,
& rei ſenſibilis uſu, verum etiam ex vi
Eccleſiaſticarum conſtitutionum validam
Sacramentorum collationem dependere,
quemadmodum recte obſervat, & tradit
Morinus in tractatu de 56. Ordinari-
exercit. 5. cap. 2.

Ex iis canonibus, qui jure tribui poſ-
ſunt Concilio Chalcedonenſi, eſt can. 4. *Can. 4.*
diſt. 71. eſt enim poſtremus ex illis tri- *diſt. 71.*
bus, qui a Marciano Imperatore ad ſi-
nem actionis 6. propoſiti ſunt univerſæ
Synodi Patribus, ut probarentur, & qui-
dem hiſce verbis expreſſus. *Clericos in*
Eccleſia conſtitutos non licere alterius Ci-
vitatibus Eccleſia deputari, ſed permanere
Alie, in qua miniſtrare ab initio depu-
ti ſunt, extra illos ſcilicet, qui amiſſis
propriis Provinciis ex neceſſitate in alie-
nam Eccleſiam tranſierunt. Siqui vero
poſt hanc definitionem Clericum alteri Epi-
ſcopo competentem ſuſceperit, placuit extra
communione fieri, & eum qui ſuſceptus
eſt, & qui ſuſcepit, donec Clericus, qui
abſceſſit, ad propriam revertatur Eccle-
ſiam. Anatolius, ut forte rem gratam
faceret Imperatori, qui hunc canonem
antea propoſuerat, hunc ipſum cano-
nem inter ſuos inferat numero 22.,
eiſdem omnino verbis, quæ habentur
in Græcis exemplaribus. Dionyſius Eri-
gæus hoc modo eſt interpretatus. Cleri-
cos in Eccleſia miniſtrantes, ſicut jam
conſtituti ſunt, in alterius Civitatis Eccle-
ſia ſtatutos fieri non oportet: ſed contin-
eri eſſe, in quibus ab initio miniſtrare
monuerunt: acceptis illis, qui proprias
ſubſtituerunt Provincias ex neceſſitate ad
aliam Eccleſiam tranſierunt. Si quiſ au-
tem Episcopos poſt hanc definitionem ſu-
ſceperit Clericum ad aliam Episcopatum
pertinentem, placuit & ſuſceptum, &
ſuſcipientem communione privari, donec
is, qui migraverat, Clericus ad propriam
ſuerit regressus Eccleſiam. Hæc omnia
vetuſtiſſimas diſciplinæ conſona ſunt,
quemadmodum deduci facile poteſt ex
can. 15. Concilii Niceæni,

Et quidem rurfus eadem diſciplina *Can. 7.*
continetur in can. 72. diſt. 71. cujus *diſt. 71.*
ſententia habetur in can. 13. Chalcedo-
nenſis hiſce verbis apud Dionyſium Eri-
gæum: *Pergrænos Clericos, & Lectors*
in alia Civitate præter commendatitias
litteras ſui Episcopos nuſquam penitus mi-
niſtrare debere. Sunt qui pro ea voce
Pergrænos, pro qua Gratianus ſegit,

utrumque, putant legendum esse ignotum, ut sententia sit, tum demum sine commendatitiis literis Clericos Peregrinos non esse recipiendos, quum prorsus ignoti fuerint. Renovata videtur hæc sententia in Concilio Tridentino sess. 23. cap. 16. de reformat.

Can. 2. dist. 75. cuius postrema verba Gratianus non integra retulit, ita legitur in can. 25. Chalcedonensi juxta interpretationem Dionysii Exigui. Quoniam quidam Metropolitanorum, quantum comperimus, negligunt commissos sibi greges, & ordinationes Episcoporum facere differunt, placuit Synodo intra tres menses ordinationes Episcoporum celebrari, nisi forte necessitas inexcusabilis præparet tempus dilationis extendi; quod si hoc minime feceris, correctioni Ecclesiastica subjacebit: verumtamen redditus Ecclesia Viduata penes acononem ejusdem Ecclesia integri reserventur. Duo itaque in hoc canone statuuntur. Primum est, ut ne ultra trimestre tempus novi Episcopi electio differretur, quod sane veteribus canonibus maxime consonum est, & hodie etiam probatum ex Concilio Tridentino sess. 23. cap. 2. de reformat.; hoc tamen intercedente discrimine, quod olim electio, confirmatio, & consecratio Episcoporum uno, eodemque tempore fieret, proindeque non ultra tres menses Cathedrales Ecclesie vacarent; hodie vero diutius differatur Episcopalis Cathedra occupatio ob sejunctam electionem a confirmatione, & sejunctam confirmationem a consecratione. Alterum est, ut vacanti Ecclesie Economus constituatur, qui redditus omnes collectos futuro successoris reservet. Id menti, ac sententiae Concilii Chalcedonensis omnino consonum videbatur; etenim in actione 3. cum damnatus esset Dioscorus, & a sua Patriarchali Alexandria sede depositus, cautum est, ut vacantis Ecclesie redditus successoris reservarentur.

Can. 26. dist. 86. & C. 1. can. 21. qu. 3. Duobus in locis descripsit Gratianus canonem tertium Chalcedonensem, videlicet in can. 26. dist. 86., & in can. 1. cau. 21. qu. 3., in quo postremo inscripsit nomen Nicasii, vel Nicolai Episcopi Calusitani in Concilio Carthaginiensi 1. Non moror diutius in investiganda origine Gratiani hujus errati, dum canonis ipsius germanum Auctorem agnovimus. Describam potius verba canonis, prout existunt apud Dionysium Exiguum ibi: *Pervenit ad Sanctam Sy-*

Tom. I.

nodum, quod quidam, qui in Clero videntur affecti, propter lucra turpia conductores alienarum possessionum fiant, & secularia negotia sub cura sua suscipiant; Dei quidem ministerium parvi pendentes, secularium vero discurrunt domos, & propter avaritiam patrimoniorum sollicitudines adsumentes: decrevit itaque sanctum hoc, magnamque Concilium, nullum deinceps, non Episcopum, non Clericum, vel Monachum aut possessionem conducere, aut negotiis secularibus semiscere, præter pupillorum, si forte impendant, inexcusabilem curam, aut Civitatis Episcopus Ecclesiasticarum rerum sollicitudinem habere præcipiat, aut orphanorum, & viduarum, eorumque, quæ sine ulla provisione sunt, personarum, quæ maxime Ecclesiastico indigent adiutorio, propter timorem Domini causa deponat. Siquis autem transgredi de cetero statuta tentaverit, hujusmodi Ecclesiasticis increpationibus subjacebit. Antiquissima hæc est, & quidem saluberrima constitutio, qua cavetur, ne Clerici a negotiis Ecclesiasticis abstrahantur, quod & in pluribus aliis Conciliis vetustissimis decretum est. Imo & si a Chalcedonensi ipso Concilio recedere non velimus, hoc ipsum caput est unum ex tribus ab Imperatore propositis in eodem Concilio sub finem actionis 6., cujus verba hæc sunt. Quoniam vero aliqui Clericorum, & Monachorum pecunia amore languentes curis mundanarum rerum semetipsos subjiciunt, aut possessionum conductores, aut procuratores constituti, aut in domibus secularium observantes tamquam dispensatores effecti, placuit huic sancto, & Magno Concilio, nullum Clericum conducere possessiones, aut procuratorem suscipere, nisi forte ei a proprio Episcopo jubentur Ecclesiasticarum possessionum habere sollicitudinem. Siquis autem post hanc definitionem aut ipse conducere præsumserit, aut per alium quemlibet hanc curam suscipere, Ecclesiastica poena subdatur: Quod si in contentione persistit, dignitate privatur. Hæc itaque cum non Anatolii tantum sint, aut ei adhærentium Episcoporum auctoritate firmata, sed potius ab omnibus Chalcedonensibus Patribus rogante Marciano constituta, tanquam venerabilia Generalis Concilii decreta, eadem recipiemus.

Rursum duobus in locis Gratianus descripsit can. 26. Chalcedonensem, videlicet in can. 4. dist. 89., & in can. 21. cau. 16. qu. 7., & quidem duos inter-

G g

pre-

Can. 4.
dist. 89.
& C. 21.
can. 16.
qu. 7.

prætesequutus est. Ego sane antefere-
dam semper arbitror, velut antiquissi-
mam, Dionysii Exigui interpretationem,
quæ exhibetur in dicto can. 21. cau. 16.
qu. 7. sunt qui putant hoc in canone
Chalcedonensi primum fuisse constitutos
Œconomos, quorum industria, & solli-
citudine uteretur Episcopus in redditibus
Ecclesiasticis dispensandis erga Cle-
ricos, vel egenos. Verum, si verba ipsa
canonis consideraverimus, agnosceremus
statim jam tum Œconomorum officia ag-
nita fuisse, cum auctor canonis con-
queratur quosdam Episcopos Œconomorum
opera uti nolle, quod sane suppo-
nit jam Œconomorum munera in usu
extitisse. Ego sane arbitror, nullum de-
finiri tempus posse, quo primum ejus-
modi Œconomi instituti fuerint; nisi
force generationem quis dicendum existi-
met occasionem dedisse illis constituen-
dis uberiores fidelium largitates, post-
quam Imperator Constantinus Ecclesiæ
facultatem concessit bona immobilia pos-
sidenti. Cum enim antiquis canonibus
Ecclesiastici peculii administratio ad Epi-
scopum pertineret, difficillimum postea
visum fuit Episcopis singulos, ubi ma-
xime adausi fuerunt, Ecclesiæ redditus
administrare.

Can. 1. dist. 101. Et minus integer a Gratiano relatus
est can. 1. dist. 101., & valde diffi-
cilem habere videtur interpretationem a-

pud eos, qui ex historia, sive ex per-
sonarum, & temporum adjunctis frag-
menta veterum non explicant. Ego in
primis integrum canonem ad Dionysii
Exigui optima exemplaria reducam. Le-
gitur ille in can. 12. Chalcedonensi his
verbis: „Pervenit ad nos, quod qui-
„dam præter Ecclesiastica statuta fa-
„cientes, convolarunt ad potestates,
„& per pragmaticam formam in duo
„unam Provinciam dividerunt: ita ut
„ex hoc facto duo Metropolitanis esse
„videantur in una Provincia. Statuit
„ergo Sancta Synodus de reliquo nihil
„ab Episcopis tale tentari; alioqui qui
„hoc adnitus fuerit, amissione gradus
„proprii subiacebit. Quæcumque vero
„Civitates literis Imperialibus Metro-
„politani nominis honore subnixæ sunt,
„honore tantummodo perfruantur, &
„qui Ecclesiam ejus gubernat Episco-
„pus, salvis scilicet veræ Metropolis
„privilegiis suis.“ Hujus autem rei
definiendæ occasio fuit acerrima contro-
versia, quæ intercessit inter Photium
Tyri, & Eusthatium Beryti Episcopos,

in actione 4. Concilii Chalcedonensis recte
utriusque partis studio discussa. Erat
olim Tyrus Phœnicie Metropolis, cui
inter ceteras urbes subiecta erat Bery-
tus; proinde tanquam suo Metropolitæ
Photio subiectus erat Eusthatius, qui
cum ægre ferret se sub illo Metropoli-
ta consistere, curavit sese ab eodem exi-
mi hac ratione: Usus erat apud vere-
res, ut in Ecclesiasticis dignitatibus di-
stribuendis, sive in divisione Ecclesiasti-
carum Provinciarum, constituendoque
Metropolitico jure, idem ordo servare-
tur, qui etiam servabatur in divisione
Provinciarum ab Imperatoribus facta,
quemadmodum facile constare potest ex
can. 11. Concilii Antiocheni; quemad-
modum etiam perspicue constat ex can.
27. Chalcedonensi ibi: *Signa vero Civi-
tas potestate Imperiali movata est, aut si
protinus innovatur, civiles dispositiones,
& publicas Ecclesiarum quoque Parochia-
rum ordines subsequantur.* Itaque Eu-
sthatius precibus ab Imperatore Theo-
dosio impetraverat, ut Phœnicie Pro-
vincia divideretur in duas, ut reserva-
ta una parte Episcopo Tyri, pars alte-
ra sibi adjudicaretur, ut & ipse pari
Metropolitæ jure, & honore frueretur.
Annuerat Theodosius, quod tamen non
æquo animo Photius tulit, qui postea
ad Marcianum Imperatorem scribens pos-
tulavit hanc divisionem Provincie re-
vocari, utpote quæ dolo & fraude Eu-
sthatii facta fuisset. Marcianus pruden-
tissimus æque, ac piissimus Princeps
causam hanc ad Concilium potius diri-
mendam detulit, volens, ut ea non jux-
ta pragmaticas, sive Principales Provin-
ciarum divisiones, sed potius juxta sa-
cros canones definiretur, uti refertur
in actione 4. Concilii Chalcedonensis.
Recitatus fuit in Concilio canon quar-
tus Nicænus, cujus vi adversus Eutha-
tium pronuntiatum est, restitutaque om-
nia jura Photii Tyrensis, ita ut Eu-
sthatius nihil amplius juris haberet, quam
ceteris Phœnicie suffraganeis compete-
ret. En brevi perstrictam dicti canonis
Chalcedonensis causam, & originem,
ex qua nunc facile dignoscitur ejusdem
sententia. Obviam ibidem itum est quo-
rundam Antistitum ambitioni, qui suo
Metropolitæ morem gerere, aut obedi-
re detrectantes per dolum a Principe
obtinuerant divisionem Provincie; Qua-
mobrem prohibitum est, nequis ulterius
simile quidpiam moliretur poena deposi-
tionis indicta. Hucusque itaque dictus
canon

canon duodecimus a mente Chalcedonensium Patrum minime distat, sed potius cum eadem consonat. Quid vero dicendum est de postremis canonis verbis, in quibus ea clausula legitur, ut quæ Metropoles antea eo modo constitutæ fuissent, adhuc tamen honorem Metropoles haberent, salvis juribus veræ Metropoles, idest ut dispensatione quadam earum Episcopi adhuc Metropolitarum nomine appellarentur? Ego arbitror clausulam hanc fuisse de industria ab Anatolio adjectam, ut faveret Euthatio (cui sententia Concilii Chalcedonensis nimis displicuerat) ad eum finem, ut eundem Euthatium in defendendis Constantinopolitanæ Sedis privilegiis assertorem haberet, eo vel magis quod ipse Anatolius, quemadmodum historici referunt, curaverat apud Imperatorem, ut Euthatius Metropolita sui potestatem evaderet; ideoque non est verosimile Anatolium dissoluto Chalcedonensi Concilio in canones referre voluisse Chalcedonensis Concilii sententiam actione 4. pronuntiata, quin adjecta clausula attemperaret, qua adhuc honorem quandam Euthatio concedi debere testaretur. Perspicua est hæc Anatolii adjectio: nam in actione 4. Concilii Chalcedonensis, in qua causa Euthatii plene discussa est, atque absoluta, nihil huiusmodi legitur, nihil honoris singularis Euthatio reservatum, nihil peculiariter constitutum de retinendo Metropolitæ nomine, aut similibus.

Can. 8. Can. 8. cau. 1. qu. 1. legitur in can. cau. 1. 2. ex Chalcedonensibus, quem confirmavit, aut probavit Alexander Secundus in can. 9. cau. 1. qu. 3. Interpretatio Dionysii Exigui his verbis exprimitur: *Siquis Episcopus per pecuniam fecerit ordinationem, & sub pretio redegerit gratiam, quæ non potest vendi, ordinaveritque per pecunias Episcopum, aut Presbyterum, aut Diaconum, aut quemlibet ex his, qui connumerantur in Clero, aut promoverit per pecuniam dispensatorem, aut defensorum, vel quemlibet, qui sub iussu est regula, pro suo turpissimi lucri commodo; is, cui hoc attentum probatum fuerit, proprii gradus periculo subiacet. Et qui ordinatur est, nihil ex hac ordinatione, vel promotione, qua est per negotiationem facta, sed sit alienus a dignitate, vel sollicitudine, quam pecuniis quaerit. Siquis vero mediator tam turpibus, & nefandis datus, vel acceptis obsequiis, supradictum Clericum fuerit, proprio*

gradu decidat, si vero Laicus, aut Monachus, anathematizetur. Itaque mentio Mansionarii, quæ apud Gratianum habetur, apud veteres Interpretes desideratur. In Græco canone fit mentio de Paramonario, qui forte in editione Gratiani Mansionarius dicitur. Porro Paramonarius apud Græcos ille vocabatur, qui constitutus erat Monasterii economus, & bonorum Monasticorum curam gerebat, quemadmodum tradunt Belisamon, & Zonaras. Præterea de Chorepiscopis nulla fit apud veteres Interpretes, & Collectores mentio, quemadmodum fit apud Gratianum.

Can. 49. cau. 2. qu. 7., qui est vigesimus primus inter Chalcedonenses, ita describitur apud Dionysium Exiguum: *Clericos, aut Laicos accusantes Episcopos, aut Clericos passim, & sine probatione, ad accusationem recipi non debere, nisi prius eorum discutiantur existimationis opinio. Consonant hæc cum can. 96. Concilii Carthaginensis IV. ibi: Quomodo in iudicio, cujus sit conversationis, & fidei is, qui accusat, & is, qui accusatur. Similia præterea jam constituta fuerant in Concilio Constantinopolitano I. cap. 6.*

In can. 26. cau. 7. qu. 1. legitur ca. 26. cau. 7. ita latine interpretatus est Dionysius: *De his, qui transmigrant de Civitate in Civitatem, Episcopis, aut Clericis, placuit, ut canonem, qui de hac re a Sanctis Patribus statutus fuit, habeant propriam firmitatem. Nihil sane in hoc canone novi statuendum voluit Anatolius, sed tantummodo veteres canones confirmandos, videlicet can. 13. Concilii Antiocheni, in quo decretum fuerat, ut irrita haberentur illorum Episcoporum gesta, qui a sua Ecclesia in aliam transmigrassent.*

In can. 21. cau. 11. qu. 1. habemus can. 21. cau. 11. ex Chalcedonensibus, quem Dionysius fuit interpretatus his verbis: *Conjuracionis, vel conspiracionis crimen, & ab exteris legibus est omnino prohibitum: multo magis hoc in Dei Ecclesia ne fiat, admanera conveniens. Siquis ergo Clerici, aut Monachi reperi fuerint conjurantem, aut conspirantem, aut infidelis ponentes Episcopis, aut Clericis, gradu proprio penitus abiciantur. Hæc porro eadem recollit Gratianus rursus in can. 23. eadem causa, & questione, forte quod alterius interpretationem ad eundem canonem adicere voluerit. Quod*

autem pertinet ad sententiam hujus canonis, vehementer suspicor, eum ab Anatolio ex industria conscriptum fuisse, aut ab ejus sociis qui dolebant, & conquerebantur sibi ceteros Episcopos in Concilio adversari, propterea hoc edito canone ita ceteros adversantes Episcopos reprehendere voluerunt; quasi iidem conspiratione, vel conjuratione facta Anatolio obstitissent.

Can. 46. Meretur accuratorem observationem
can. 11. can. 46. cau. 11. qu. 1., qui idem est
qu. 1. cum can. 9. ex Chalcedonensibus, ex eo quod ab hæreticis ille proferri passim soleat, quasi optimum, & maximum argumentum ad evertendum Romanæ sedis in universa Ecclesia Primatum. Dabo itaque integram canonis editionem, atque una canonis ejusdem sententiam explicabo. Ita interpretatur Dionysius Exiguus: *Si quis Clericus adversus Clericum habet negotium, non deserat Episcopum proprium, & ad secularia percurvat judicium, sed prius ad eum ventiletur apud Episcopum proprium, vel certe consilio ejusdem Episcopi, apud quos utraque partes voluerint, judicium condonebunt.* Paulo aliter legunt alii: *Siquis Clericus habet cum Clerico litem, aut negotium, proprium Episcopum non relinquat, & ad secularia judicia ne excurrat; sed causam prius apud proprium Episcopum agat, vel de Episcopi sententia apud eos, quos utraque pars elegerit, judicium agatur.* Clarius Josephus Egyptianus in sua Paraphrasi Arabica: *Si contentio inter Sacerdotes acciderit, aut ipsi in aliqua re ipsi invicem adversarii fuerint, Episcopos suos non relinquant, & opem a Principe, aut Judicibus implorent, sed Episcopum de rebus suis certiores faciant, & arbitros inter se constituent jussu Episcopi, deinde acquiescant in eo, quod ipse de illis statuerit.* Prioribus hisce canonis verbis constitutum est, quod in pluribus aliis Conciliis, præsertim Africanis jam decretum fuerat, videlicet ne Clerici sese mutuis litibus, & contentionibus vexarent; sed, si forte quædam contentionis occasio suboriretur, potius sine forensi strepitu ad Episcopum confugerent, qui aut per se, aut per electos optimos viros de causa, vel negotio prudens arbitrium ferret. Prosequitur Dionysius Exiguus: *Siquis autem præter hæc fecerit, canonicis correctionibus subjacebit.* Interpretatur Josephus in sua Paraphrasi: *gradu suo decedat.* Hic pœna indicitur Clericis, qui

foreses potius strepitus, & litiumurgia adamassent, quam prudentia Episcoporum arbitria. Pergit Dionysius: *Quod si Clericus habet causam adversus Episcopum proprium, vel adversus alterum, apud Synodum Provinciae indicetur.* Alii legunt: *contra Episcopum suum, vel contra Episcopum alium, querela ista ad Synodum Episcoporum apud Metropolitanum ipsius loci congregatam referatur.* Hæc sane erat disciplina vetus, ut in Conciliis Provincialibus omnes Episcoporum causæ dirimerentur. Subdicit postremo Dionysius: *Quod si adversus ejusdem Provinciae Metropolitanum Episcopum, vel Clericus habet querelam, potat Primatem Dioceseos, aut sedem Regia Urbis Constantinopolitana, & apud ipsum judicetur:* legunt alii: *Si autem cum ipsius Provinciae Metropolitanus Episcopus, vel Clericus controversiam habeat, Diocessæ Exarchum adven, vel Imperialis urbis Constantinopolis thronum, & apud eum litiget.* Josephus Egyptianus ita interpretatur in sua Paraphrasi Arabica: *Verum si querela contra Metropolitanum fuerit, ab eo ad Exarchum, cui subest, veniat, & ad Patriarcham in Imperiali Civitate Constantinopoli, & ei querelam suam declaret, & jus suum accipiat.* In hac postrema canonis parte acerrime disputant tum hæretici; tum Catholici Interpretes, alii vim facientes verbis canonis, & alio protrahentes, quam quo voluerit Anatolius, qui canonem ipsum composuit, alii canonis ejusdem auctoritatem immodice, & plusquam decet jactantes. Procaces hæretici ex hoc canone arbitrantur, agniti non fuisse in Concilio Chalcedonensi Romanæ Sedis Primatum, cum in eo Episcoporum causas deduci potius ad Constantinopolitanum, quam ad Romanum Antistitem præcipiatur. Quidam ex Theologis nostris, inter quos est bonus ille Turrianus, qui facile veteribus Scripturis, sive authenticæ fuerint, sive apocryphæ, morem gerunt, & potius infundant in extorquendis sententiis fragmentorum, quam in investiganda illorum auctoritate, ut difficultati ex hoc canone propositæ satisfacerent, dixerunt nomine *Primatis Dioceseos* intelligi debere Romanum Pontificem, quasi nomen *Primatis* totius Ecclesiæ Principem, nomenque *Dioceseos* universam Ecclesiam significet. Qui inter hujusmodi Theologos, & audentes hæreticos medius sederis facile judicabis, illos quidem ad-

versus veritatem, illos autem pro veritate, sed minus recto disputandi genere contendere. Melius pro germana Ecclesiæ Hierarchia contendet, qui agnosceret, undenam canonis hujus, qui Chalcedonensis non recte appellatur, repetenda sit origo; ea enim ratione nihil amplius hæreticis superest, quod objiciant, imo & ipsi, si quoquo veritatis studio ducuntur, ab hujusmodi argumentationibus facile abstinebunt. Jam superius observavimus, canones hujusmodi editos fuisse ab Anatolio Patriarcha Constantinopolitano viro maxime studioso, qui dissoluto prorsus Concilio, contradicentibus Legatis Pontificis Maximi, (qui sane primas habuerunt in Concilio sedes, & quorum maxima fuit ob Romanæ Sedis dignitatem auctoritas), honorem suum penes quosdam Episcopos augere studuit, siquæ Episcopatus sedem præter morem evehere. Neque enim hæreticis ipsis ignotus est Patriarcharum Constantinopolitanorum ambitus, qui nullum non lapidem moverunt, ut quemadmodum in Occidente veteris Romæ Episcopus ceteris præerat, ita in Orientali Ecclesia novæ, ut dicebant, Romæ Episcopus ceteris præstideret. Quid itaque mirum esse potuit, si Anatolius, qui tanta ausus est, hunc canonem ediderit, in quo postularet Episcoporum omnium Orientalium causas ad sedem suam dirimendas, judicandasque referri? At hujusmodi monumenta ea esse non debent, quæ nobis hæretici ad evertendum Romanæ sedis Prælatum objiciant, nisi a nobis hoc audire velint, ipsos ad suas firmandas hæreses nihil aliud adferre posse, quam quod ex callidis quorundam schismaticorum machinationibus, & temerariis ausibus, aut claudeslinis comitiis, atque improbatis arripere potuerunt. At si adhuc quispiam Anatolii conatibus morem gerere vellet, quin tamen Pontificis Maximi dignitati, atque auctoritati deroget, quemadmodum nec Anatolius ipse, ut arbitror, licet ad schismata pronus, derogare Primatui Maximo Romani Pontificis voluit; facile asserere posset Anatolium optasse quidem, ut causæ Episcoporum Orientalium ad Prælatum Dioceseon deferrentur, vel ad Patriarcham Constantinopolitanum, non quod ipse neminem in Ecclesia sibi superiorem agnosceret, sed quod arbitraretur omisso Primatui Dioceseon potuisse statim Episcopos conveniri in urbe Constantinopo-

litana, ex eo quod in Constantinopolitano Episcopo generalis quædam Primatis dignitas emerget in toto Oriente, ut ipse in Episcopatu suo ceterorum Primatum inferiorum officia gerere jure posset.

Can. 43. cau. 12. qu. 2. legitur in *Can. 43. canone 22. ex Chalcedonensibus his ver-* cau. 12. *bis apud Dionysium Exiguum: Non licet Clericis post obitum sui Episcopi res ad eum pertinentes diripere, sicut antiquis quoque canonibus est constitutum. Quod si hoc facere tentaverint, graduum suorum periculo subjacebunt.* Facilis est, ac plana canonis hujus sententia, cui tamen difficultatem quandam ingerit Paraphrasis Arabica Josephi Aegyptii, qui hunc canonem ita exhibuit: *Non licet Sacerdotibus Episcopi sui divitias usurpare, quas post se reliquit, cum mortem obiit Dei Opt. Max. jussu, qui vitam, & mortem infert, ipse autem vivus est, qui non moritur; neque res ejus usurpabunt, nisi eas, de quibus Patres loquuti sunt, & mandatum ediderunt. Et si quis eorum istud fecerit, gradu officiat. Quid porro sunt hæc, quæ veteres Patres usurpari permiserant? Generalia sunt paraphrasis verba, tum can. Chalcedonensis, in utroque enim loco ad veteres Patres, & priscos canones referuntur. Prisci itaque can. & veterum Patrum sententiæ sunt investigandæ, ut germanam Chalcedonensium can. habeamus interpretationem. Ego arbitror huc pertinere canonem 40. alias 39. ex Apostolicis, qui licet vere Apostolorum non sit, continet tamen Græcorum veterum Conciliorum doctrinam, item huc pertinere can. 24. Concilii Antiocheni, in quibus constitutum est, manifestas esse debere, dum quis Episcopus ordinatur, & res Ecclesiæ, & res ejus familiares, ut eadem res Ecclesiasticæ a familiaribus secerni facile possent, atque Episcopo moriente res tantummodo familiares ad hæredes testamento scriptos pervenirent, at res Ecclesiasticæ penes Ecclesias remanerent a successore administrandæ. Ex quibus facilis redditur Chalcedonensis canonis interpretatio, quo prohibentur Clerici, ne res Episcoporum surripiant, nisi eas, quas Sancti Patres usurpari permiserunt. Hoc autem nomine veniunt eæ res, quæ ab initio tanquam familiares agnitæ sunt, & a rebus Ecclesiasticis discretæ, quæ poterant ab hæredibus aut legitimis, aut testamentariis communi jure occupari, aut detineri.*

Can. 12.
cau. 16.
qu. 1. &
can. 10.
cau. 18.
qu. 2.

Can. 12. cau. 16. qu. 1. non solum habetur inter can. 30. Chalcedonenses ab Anatolio editos numero 4. verum etiam est ex illis tribus, qui in fine a. 6. Concilii Chalcedonensis propositi sunt a Marciano Imperatore, ac communi totius Concilii suffragio firmati; quippe in primo can. ex eisdem tribus ita legitur: *Eos, qui vere, & sincere solitariam arripiunt vitam, debite honore dignos judicamus. Quoniam vera quidam sub pretextu solitariae vitae & Ecclesias, & communes perturbant causas, placuit nullum quidem adificare Monasterium prater voluntatem domini possessionis; eos vera Monachos, qui per singulas Civitates sunt, atque Provincias subijci Episcopo, & quietem amplecti, & intendere solum jejunio, & orationi, & neque Ecclesiasticis, neque publicis importunos rebus existere, nisi forte jubeatur eis propter necessariam causam ab Episcopo Civitatis. Sed neque potestatem habere Monachos suscipiendi in Monasteriis suis servos, aut inscriptitios prater voluntatem dominorum.* Hanc igitur integram Concilii Chalcedonensis sententiam, licet verbis aliquibus paullo immutatis, retulit inter canones 30. numero 4. Anatolius, cujus verba ex interpretatione Mercatoris, mutilata tamen, retulit Gratianus in dicto can. 12. quem propterea supplere juvabit ex integra Dionysii Exigui editione. Ita interpretatus est Dionysius. "Qui vere, & sincere singula- rem sectantur vitam, competenter honorantur; Quoniam vero quidam utentes habitu Monachi, Ecclesiastica negotia, civiliaque conturbant, circumeuntes indifferenter urbes, nec non & Monasteria sibi instruere tentantes, placuit nullum quidem usquam aedificare, aut constituere Monasterium, vel orationis domum prater conscientiam Civitatis Episcopi. Monachos vero per unamquamque Civitatem, aut regionem subiectos esse Episcopo, & quietem diligere, & intentos esse tantummodo jejunio, & orationi, in locis, quibus renunciant verunt saeculo, permanentes. Nec Ecclesiasticis vero, nec saecularibus negotiis communicent, vel in aliquo sint molesti, propria Monasteria deserentes, nisi forte his praecipitur propter opus necessarium ab Episcopo Civitatis. Nullum vero recipere in Monasteriis servum obtentu Monachi, prater sui Domini conscientiam, Tran-

sgredientem vero hanc definitionem nostram excommunicatum esse decrevimus, ne nomen Dei blasphemetur. Verumtamen Episcopum convenit Civitatis competentem Monasteriorum providentiam gerere. Huic constitutioni saluberrimae occasionem dederant ignoti quidam homines, & vagi monachali habitu induti, qui Monasticam vitam adfectantes circumibant Urbes, ea specie, ut nova Monasteria construerent, Monachos facerent, atque ita saepe saepius Civitates, aliaque loca turbabant, quemadmodum clarius explicat Josephus Aegyptius in sua Paraphrasi Arabica; optime propterea caveri decebat, ne aliqua amplius sine voluntate, & consensu Episcopi Monasteria erigerentur, item ut Monachi ab Episcopi potestate, atque jurisdictione penderent. Eundem canonem Gratianus etiam retulit in can. 10. cau. 18. qu. 2. usque ad §. Clerici in prochiis; cujus tamen canonis verba cum non integra ibidem describantur, ex iis, quae diximus, suppleri omnino debent: Quae sequuntur in §. Clerici in prochiis, usque ad illa verba: *communione priventur*, pertinent potius ad can. 8. ex Chalcedonensibus, quem Gratianus ex alterius cujuspiam interpretatione aliter descriptum statim subjecit in §. Clerici, qui pauperum. En interpretationem Dionysii Exigui ad eundem canonem 8. Chalcedonensem. *Clerici, qui praeficiuntur prochiis, vel qui ordinantur in Monasteriis, & Basilicis martyrum, sub Episcoporum, qui in unaquaque Civitate sunt, secundum Sanctorum Patrum traditiones, potestate permanent, nec per contumaciam ab Episcopo suo dissolvantur. Qui vero audent evertere hujusmodi formam quocunque modo, nec proprio subijciuntur Episcopos si quidem Clerici sunt, canonum correctionibus subiacent; si vero Laici, vel Monachi fuerint, communione priventur.* Quae sane constitutio non recens fuit ab Anatolio edita; sed jam veteribus can. probata erat, quemadmodum diximus ad can. 4. & 7. dist. 71.

Can. 17. cau. 16. qu. 1. jam ex Græc. Can. 17. c. exemplaribus optime restituerunt Cor. cau. 16. rectores Romani; est enim is can. 23. q. 1. ex Chalcedonensibus adversus nonnullos vagantes Monachos constitutus. Atque ex illo can. jam colligi potest, peculiare fuisse munus Defensorum Ecclesiasticorum, ut vagantes Monachos Episcopali, qua fungebantur, auctoritate, ab ur-

urbibus pellerent, & in sua Monasteria revocarent. Quod maxime etiam convenit cum can. 12. cau. 16. qu. 1. quem superius expendimus; ac propterea licet hic can. 17. vere Anatolium Auctorem habeat, videtur tamen Chalcedonensium Patrum menti conformis, qualem exhibuimus in dicto can. 12.

Can. 1. cau. 16. qu. 3. laudatur apud Gratianum nomine Concilii Chalcedonensis, Gelasii Papæ, & Concilii Tolertani. Inter can. Chalcedonenses legitur num. 17. ubi tamen Dionysius Exiguus ita interpretatus est: *Singularum Ecclesiarum rusticas Parochias, vel possessiones manere inconcussas illis Episcopis, qui eas retinere noscuntur, & maxime, si per tricenarium eas absque vi obtinentes, sub dispensatione rexerunt; quod si intra tricennium facta fuerit de his, vel sint altercatio, licentia eis, qui se laicos adferunt, apud Sanctam Synodum Provincia de his movere certamen. Quod si quis a Metropolitanis leditur, apud Primatem Dioceseos, aut apud Constantinopolitanam sedem iudicetur, sicut superius dictum est. Si qua vero Civitas potestate Imperiali novata est, aut si protinus innovetur, civiles dispositiones, & publicas, Ecclesiasticarum quoque Parochiarum ordines subsequantur.* Tria quodammodo in hoc canone decreta junguntur. Primum de tricennali possessione in rebus Ecclesiasticis recipienda, quod sane veteribus canon. constitutionibus consonat, præsertim Tolertano Concilio in can. 2. cau. 16. q. 3. & Gelasio Pontifici in can. 2. cau. 16. q. 3. quorum nomina Gratianus propterea laudavit in inscriptione hujus canonis 1. cau. 16. qu. 3. Alterum decretum est de appellatione ad Primatem Dioceseos, aut Patriarcham Constantinopolitanum. Verum hic rursus animadvertenda erunt, quæ superius fusiore oratione tradidi ad can. 46. cau. 11. q. 1. quem sane Anatolii ambitio ediderat, & ad quem Anatolius sese refert in verbis illis: *sicut superius dictum est.* Quamobrem unusquisque facile agnoverit, qualis sit hujusce canonis auctoritas in hac parte. Tertium decretum pertinet ad divisionem Ecclesiasticarum Parochiarum (idest Dioceseon; etenim apud Græcos idem erat Parochia, quod Diocesis), quæ juxta divisionem civilium Provinciarum facienda sit; atque hac in parte rursus agnoscere juvat nova molimina Eusthatii Episcopi Berytensis in Concilio damnati, quemadmodum ad-

notabam ad canonem 1. dist. 101. cum enim Eusthatius a Tyrio Metropolita sese eximere volens curasset, ut Imperiali auctoritate a Tyro sua Provincia divideretur, ideo & hoc statuendum ab Anatolio curavit, ut unusquisque divisiones Parochiarum Ecclesiasticarum a divisione Provinciarum civilium dimeretur. Juvabit conferre hunc canonem 17. Chalcedonensem cum can. 12. quem retuli superius ad dictum can. 1. dist. 101. etenim in can. 17. definitur, Provinciarum Ecclesiasticarum divisionem sequi debere distributionem Provinciarum civilem; at in canone 12. prohibetur, ne Episcopi ambitus caussa curent Provincias ab Imperatore dividi, ne superbia potius elati, quam ex utilitate Ecclesiastica novas Metropoles possidere desiderent. Itaque in canone 17. forma divisionis Provincialis Ecclesiasticæ traditur, in canone 12. Episcoporum ambitus reprehenditur, ac damnatur. Sed quid amplius immorer in hac explicanda Chalcedonensis canonis parte, in qua agnoscuntur schismaticorum Episcoporum animi, & industria, videlicet Anatolii, & Eusthatii, quorum prior operabatur Primatum totius Orientis, alter honorem Metropolitanum in præjudicium aliorum Orientis ejusdem Episcoporum?

Canon 4. cau. 19. qu. 3. est vigesimaquartus inter Chalcedonenses, & quidem juxta interpretationem Dionysii Exigui, dummodo pro illis verbis Gratiani: *Qui vero permiserint hoc fieri, subjaceant his condemnationibus, quæ per canones constituta sunt*, ita legamus: *qui vero hoc fieri permiserint, canonum sententiis subjacebunt.* Balsamon hunc can. interpretatus quærit, quænam eæ pœnæ sint, quæ per canones infliguntur; ac respondet esse pœnam excommunicationis in Laicis, & pœnam depositionis in Clericis. Josephus Aegyptius in sua Paraphrasi ita exponit: *Quicumque Monasterium aliquod sibi domicilium constituerit, aut illud cognoverit, & non mutaverit, anathematizatus sit, & maledictus.* Forte hoc in loco ratio habita est canonis 24. Concilii Antiocheni, in quo constitutum est, ut res Ecclesiasticæ ab Episcopis integræ servarentur, adjecta hac pœna: *ne post obitum maledictionibus ingraventur.*

Adinstar illarum rerum, quæ semel in Ecclesiis, aut Monasteriis Deo consecratæ alienari amplius nequeunt, ita etiam personæ, quæ semel in Monasteriis,

Can. 4.
cau. 19.
qu. 3.

Can. 3.
cau. 20.
qu. 3.

riis, aut Ecclesiis se Deo voverunt, nequeunt ex sententia sacrorum canonum ad sæcularem vitam redire, quemadmodum dicitur in can. 7. Chalcedonensi, quem retulit Gratianus in can. 3. cau. 20. q. 3. qui apud Dionysium Exiguum ita legitur: "Qui semel in Clero deputati sunt, aut Monachorum vitam expetiverunt, statuimus neque ad militiam, neque ad dignitatem aliquam vestire mundanam, aut hoc tentantes, & non agentes poenitentiam, quominus redeant ad hoc, quod propter Deum primitus elegerunt, anathematizari". Exhibent sane hæc veterem disciplinam, juxta quam Clerici semel Ecclesiis addicti, licet in minoribus ordinibus constituti, resilire amplius non poterant, quam consuetudinem perdurasse usque ad sæculum Ecclesiæ 13. erudite demonstrat Thomassinus de disciplina Ecclesiastica parte 4. lib. 2. cap. 3. quam ad rem videri etiam potest novella Justiniani 123. cap. 15. & Epistola 17. S. Ambrosii. Alii sunt nostrorum temporum mores, juxta quos quotidie observamus Clericos in minoribus ordinibus constitutos ab officiis Ecclesiasticis omnino ex propria voluntate recedere. Concilium tamen Tridentinum, quoad fieri per tempora potuit, veterum doctrinam renovare studens, illud maxime Episcopis commendavit, ut quoties Clericos ordinaturi sunt, tales eligant, quos spes affulgeat fore Ecclesiasticis muneribus perpetuo adhæsurus.

Can. 2. Ex eodem can. 10. Chalcedonensi referuntur duo canones apud Gratianum, videlicet canon 2. cau. 21. qu. 1. & canon 3. cau. 21. q. 2. quorum verba ita emendanda sunt, jungendaque ex interpretatione Dionysii Exigui: "Non lice-
 cau. 21. re Clericum in duarum Civitatum
 qu. 1. & conscribi simul Ecclesiis, & in qua
 can. 3. initio ordinatus est, & ad quam con-
 cau. 21. fugit, quasi ad potio-rem, ob inanis
 qu. 2. gloriæ cupiditatem. Hoc autem facientes revocari debere ad suam Ecclesiam, in qua primitus ordinati sunt, & ibi tantummodo ministrare. Si vero jam quis translatus est ex alia in aliam Ecclesiam, prioris Ecclesiæ, vel Martyriorum, quæ sub ea sunt, aut Prochoriorum, aut Xenodochiorum, rebus in nullo communicet. Eos vero, qui ausi fuerint post definitionem, magnæ, & universalis hujus Synodi, (sunt hæc Anatolii verba callide appo-
 sita, ut hoc modo canonibus suis aucto-

ritatem conciliaret) quicumque ex his, quæ sunt prohibita, perpetrare, decrevisse Sancta Synodus a proprio hujusmodi gradu recedere. Sunt qui difficilem agnoscunt canonis hujus sententiam in eo, quod initio dicatur, Clericos ad aliam Ecclesiam divergentes revocandos esse, ut ministrent in ea Ecclesia, in qua primum ordinati fuerunt; deinde vero in fine ejusdem canonis definiatur, eos a gradu suo deiciendos, ac deponendos esse. Græci Interpretes putant se satisfecisse, ajendo Clericos ab una ad aliam Ecclesiam transmigrantes deponendos quidem esse, non tamen, in utraque Ecclesia, sed tantum in posteriore, ad quam diverterant. Verum hæc ut mihi videtur, poena non est divergentium Clericorum, sed constitutio ipsa, qua cavetur Clericos hujusmodi reverti debere ad Ecclesiam, a qua recesserunt. Præterea multo aliter, quam Græci Interpretes asserere velint, statutum agnosco in canone 15. ex Apostolicis, qui licet vere non sit Apostolorum, veterum tamen Sanctorum Ecclesiæ Patrum continet disciplinam; etenim de Clerico de una in aliam Ecclesiam transiente ita ibidem decernitur: *Hanc ulterius ministrare non patimur.... Verumtamen tanquam Laicus ibi communicat.* Ego sane, ut candide loquar, non probaverim conatus illius, qui vellet canonis hujus sententiam conciliare: Cujus enim interest, hosce canones ab Anatolio schismatico viro conditos, ab Ecclesia ab initio improbatos, & nonnisi a seditiosis hominibus receptos, ita apparere prudenter sapienterque conditos, ut omnia in ipsis recte consonare, & congruere videantur? Digerat qui velit, & abundant inani otio hujusmodi capita.

In canone 14. cau. 25. q. 1. habemus canonem 1. ex Chalcedonensibus, cujus hæc verba sunt apud Dionysium Exiguum: *Regulas a Sanctis Patribus in unaquaque Synodo usque nunc prolatas teneri statuimus.* Ex his vulgo creditum est, in Concilio Chalcedonensi confirmatos fuisse canones non solum in tribus antecedentibus Conciliis generalibus constitutos, verum etiam definitos in aliis Conciliis Provincialibus, videlicet Ancyrano, Neocæsareensi, Gangrensi, Antiocheno, & Laodicensi. Verum hæc optime quidem assererentur, si dictus canon primus non Anatolii esset, aliorumque Episcoporum schismatici Anatolii adhærentium, sed revera a Concilio Chalcedo-

Can. 14.
 cau. 25.
 qu. 1.

donensi fuisset editus. Non iverim tamen inficias eorundem Conciliorum maximam semper fuisse apud omnes, præsertim veteres, auctoritatem.

Can. 16. ex Chalcedonensibus duobus
 Can. 12. in locis describit Gratianus diversas se-
 & 22. quibus interpretationes videlicet in can.
 can. 27. 12. & 22. cau. 27. q. 1. in dicto tamen
 q. 1. canone 12. laudavit ex Concilio Tribu-
 riensi, falso tamen, quemadmodum jam-
 diu observant Romani Correctores. Quod ibi decretum esse videtur Mona-
 chos, vel Virgines Deo dicatas non posse
 nuptias contrahere, post contractas
 tamen posse in ipsis consistere ex venia
 Episcopali, consonat cum nonnullorum
 opinione, qui cum Basilio Pontio de
 matrimonio lib. 7. cap. 17. arbitrantur,
 nullum canonem declarasse irritum ma-
 trimonium contractum a Monacho, vel
 Sacerdotali etiam post votum Reli-
 gionis emissum, ante canonem 7. Con-
 cilio Romani sub Innocentio II. anni
 1199. quem Gratianus retulit in can.
 40. cau. 27. qu. 1. Interpretatio Dionysii
 Exigui ad dictum canonem 16. ex
 Chalcedonensibus hæc est: "Virginem,
 " quæ se Deo Domino consecravit, si-
 " militer & Monachum, non licere nu-
 " ptialia jura contrahere: quod si hoc
 " inventi fuerint perpetrantes, excom-
 " municentur. Consistentibus autem de-
 " crevimus, ut habeat auctoritatem e-
 " jusdem loci Episcopus misericordiam,
 " humanitatemque largiri.

Can. 23.
 cau. 27.
 q. 1. In canone 23. cau. 27. qu. 1. legitur
 canon 15. ex Chalcedonensibus, his ver-
 bis expositus a Dionysio Exiguo: "Dia-
 " conissam non ordinandam ante annum
 " quadragesimum, & hanc cum summo
 " libramine. Si vero suscipiens manus
 " impositionem, & aliquantum tempo-
 " ris in ministerio permanens semeti-
 " ipsam tradat nuptiis, gratiæ Dei con-
 " tumeliam faciens, anathematizetur
 " hujusmodi cum eo, qui eidem copu-
 " latur". Ceteræ latinæ interpretationes
 omnino conveniunt. Diaconissæ apud
 veteres ut plurimum Viduæ, aut Vir-
 gines erant, quarum munus erat præ-
 sto esse mulieribus in Ecclesiasticis mi-
 nisteriis, quemadmodum viris assiste-
 bant Diaconi. Hinc Diaconissæ Cath-
 ecumenas fœminas privatim instruebant,
 necessaria indigentibus fœminis mini-
 strabant, forte etiam fœminis baptizan-
 dis aderant, vel dum immergerentur
 in fontem, vel dum e fonte baptizatae
 reciperentur. Veteres autem primum

Tom. I.

constituerunt, manus hoc Diaconi solum
 nonnisi quinquagenariis fœminis deman-
 dandum esse l. 9. Cod. de Episcopis,
 & Clericis, novella 6. cap. 6. deinde
 tamen visa fuit sufficiens ætas annorum
 40. ex Concilio Agathensi cau. 19. &
 novella Justiniani 123. cap. 13. per quam
 abrogata fuit dicta novella 6. Quæ si
 vera sunt, ego facile in suspensionem
 adducor, ut credam olim in hoc cano-
 ne Chalcedonensi expressum fuisse an-
 num 50. sed postea ab interpretibus,
 aut Collectoribus loco anni 50. susceptum
 fuisse quadragesimum, ut canonem hunc
 Chalcedonensem novæ disciplinæ accom-
 modarent. Et revera hanc suspensionem
 magis urget, quod ad eundem canonem
 ait Joseph Ægyptius in sua Paraphrasi
 his verbis: *Mulier Ecclesiæ ministra no-*
constituitur, priusquam anni quadragi-
ta ei elapsi fuerint: neque etiam consti-
tuatur, nisi post multum, & concen-
sum scrupulum, quod menstrua ei cess-
arant, & quod ipsa concupiscuntia non
laborat.

Demum in Can. 1. cau. 36. qu. 2. le. Can. 1.
 gitur Canon 27. Chalcedonensis, & qui- can. 36.
 dem ex interpretatione Dionysii Exigui qu. 2.
 eisdem omnino verbis;

De fragmentis falso per Gratianum adscri-
ptis Concilio Chalcedonensi.

Unum adhuc fragmentum superest, Can. 2.
 quod apud Gratianum nomine Concilii can. 30.
 Chalcedonensis refertur, in Can. 2. cau. qu. 4.
 30. qu. 4. falso tamen; nihil enim simi-
 le aut legi potest, aut pertractatum est
 in Chalcedonensi Concilio. Adnotarunt
 jam Romani Correctores, illum Cano-
 nem haberi in quodam pœnitentiali in-
 certi auctoris. Illud sane est pœnitentia-
 le Romanum, quod edidit Antonius
 Augustinus, de quo suo loco mihi agen-
 dum erit; in eo autem pœnitentiali idem
 fragmentum habetur tit. 8. cap. 15. &
 quidem nomine Concilii Chalcedonensis
 inscriptum, quamquam Antonius Au-
 gustinus ad marginem ibi adnotaverit:
Non erat. Ego autem arbitror, si-
 ve Gratianum, si-ve auctorem ejusdem pœ-
 nitentialis depromisse Canonem ex Con-
 cilio aliquo Gallicano sæculi circiter 7.
 aut 8. etenim ea ætate frequentissimæ
 erant in Galliis incestuæ pollutiones, præ-
 sertim ob commixtionem barbararum gen-
 tium, quæ tunc illas Provincias occu-
 paverant, ut proinde opus fuerit tum,
 pluribus Canonibus ad hanc rem editis

Hh

gli.

gliscenti malo gravissimo remedium ad-
ferre, quemadmodum constat tum ex
Concilio Agathensi Can. 61. tum Epao-
nensi Can. 30. Aurelianensi III. Can. 10.
Arvernenſi Can. 2., Aurelianensi IV.
Can. 27., & Toronico II. sub Chari-
berto Rege cap. 22. ut omittam quam-
plura Regum Francorum Capitularia.
Maximum autem cum Gratiano Cano-
ne convenire videntur Canones 53. 55.,
& 56. Concilii Moguntini anni 813. ſi-
quidem in Can. 53. ita legitur: *Ut E-*
piscopi inſeſtuoſos pariter inveſtigare ſtu-
deant, omnino precipimus. Et ſi pœnite-
re voluerint de Eccleſia expellantur, do-
ne ad pœnitentiam revertantur. In Ca-
none 55. Nullus igitur proprium filium,
vel filium de ſente baptiſmatis ſuſcipiat,
nec filiolam, nec commatrem ducat ux-
orem, nec illam, cujus filium, aut filiam
ad confirmationem duxerit. Et in Can. 56.
Siquis uxorem viduam duxerit, & poſtea
cum filiaſtra ſua fornicatus fuerit, ſeu
duobus ſororibus nupſerit, aut ſiqua du-
bus fratribus nupſerit, ſeu cum patre,
& filio, tales copulationes anathemati-
zari, & diſjungi precipimus, nec unquam

amplius conjugio copulari, ſed ſub magna
diſtinctione ſeri. Horum Canonum ſenten-
tiam ex Concilio Moguntino laudat et-
iam Rhabanus in Epiſt. ad Heribaldum,
quæ eſt inſtar pœnitentialis, ſed verba
Canonis latius expendens pœnam ince-
ſtuoſis ſubjecit, ut ſcilicet, poſtquam
per annum ab Eccleſiæ ingreſſu abſti-
nuerint; per annos octo inter pœniten-
tes Deo, & Eccleſiæ ſatisfaciant. Ex
hac Rhabani ſententia junctis Mogunti-
nis Canonibus compoſitus videtur Gra-
tianeus Canon, ſive fragmentum illud
pœnitentialis Romani apud Antonium
Auguſtinum. Atque exinde etiam non
eſt difficile percipere, quomodo in eun-
dem Canonem Chalcedonenſis Concilii
inſcriptio irreperſerit; puto enim potius
olim adſcriptum fuiſſe nomen Concilii
Cabilonenſis, quod ſolebat pro Mogun-
tino ſæpiſſime accipi, quemadmodum ſuo
loco dicemus; at ex nomine Cabilonen-
ſis Concilii facile ſcribi potuiſſe nomen
Concilii Chalcedonenſis ex quadam lite-
rarum, & vocis ſimilitudine, unuſquiſ-
que commode dignoſcit.

CAPUT XXIII.

De Concilio Agathenſi.

En Canones Concilii Agathenſis apud Gratianum.

- Can. 13. diſt. 18. conſonat cum vulgatis Concilii exemplaribus.
- Can. 22. diſt. 23. conſonat cum vulgatis Concilii exemplaribus.
- Can. 30. diſt. 23. referendus potius ad Concilium Laodiceum.
- Can. 19. diſt. 34. conſonat cum vulgatis exemplaribus Concilii poſt Ro-
manam emendationem.
- Can. 9. diſt. 35. conſonat cum vulgatis Concilii exemplaribus.
- Can. 7. diſt. 50. ad canones Epaoenſis Concilii exigendus.
- Can. 21. diſt. 50. conſonat cum vulgatis Concilii Agathenſis exemplaribus.
- Can. 63. diſt. 50. conſonat cum vulgatis Concilii Agathenſis exemplaribus.
- Can. 64. diſt. 50. potius Reginoni Prumiſi adſcribendus.
- Can. 5. diſt. 74. ex vulgatis Concilii exemplaribus emendandus.
- Can. 6. diſt. 77. ſere conſonat cum vulgatis Concilii exemplaribus.
- Can. 25. diſt. 86. potius depromptus ex Novellis Juſtiniani.
- Can. 7. diſt. 87. conſonat omnino cum vulgatis Concilii exemplaribus.
- Can. 9. diſt. 90. ſere conſonat cum vulgatis Concilii exemplaribus.
- Can. 10. cau. 1. qu. 2. parum, aut nihil accomodatus propoſito Gratiani.
- Can. 12. cau. 2. qu. 5. tribui nullo modo poteſt Agathenſi Concilio.
- Can. 8. cau. 3. qu. 6. jungendus can. 17. & 47. cau. 11. qu. 1.
- Can. 29. cau. 7. qu. 1. pertinet potius ad Concilium Avernenſe anni 535.
- Can. 1. cau. 10. qu. 2. jungendus can. 3. cau. 10. qu. 2. verſ. quod ſi
neceſſitas.
- Can. 17. cau. 11. qu. 1. emendandus ex optimis Concilii exemplaribus.

Can.

Can. 47. cau. 11. qu. 1. i. lem est cum can. 17. cau. 11. qu. 1. & eodem modo emendandus.

Can. 8. cau. 11. qu. 3. ex integris Concilii exemplaribus emendandus.

Can. 19. cau. 12. qu. 1. consonat cum canonibus Conciliorum sexti seculi.

Can. 32. cau. 12. qu. 2. ex integris Concilii exemplaribus supplendus.

Can. 33. cau. 12. qu. 2. ex integris Concilii exemplaribus emendandus.

Can. 34. cau. 12. qu. 2. ex integris Concilii exemplaribus emendandus.

Can. 35. cau. 12. qu. 2. consonat cum sententia Concilii Agathensis, & jungendus cum can. 56. cau. 12. qu. 2.

Can. 36. cau. 12. qu. 2. est potius Concilii Epaonensis anni 517.

Can. 53. cau. 12. qu. 2. emendandus ex vulgatis Concilii exemplaribus.

Can. 54. cau. 12. qu. 2. consonat cum vulgatis Concilii exemplaribus.

Can. 56. cau. 12. qu. 2. jungendus cum can. 35. cau. 12. qu. 2.

Can. 57. cau. 12. qu. 2. jungendus cum can. 1. & 3. §. ult. cau. 10. q. 2.

Can. 3. cau. 12. qu. 3. fere consonat cum vulgatis Concilii exemplaribus.

Can. 3. cau. 12. qu. 4. est potius Concilii Epaonensis anni 517.

Can. 5. cau. 12. qu. 5. est potius Concilii Epaonensis anni 517.

Can. 11. cau. 13. qu. 2. consonat cum vulgatis Concilii exemplaribus.

Can. 4. cau. 14. qu. 3. potius ex Capitularibus Caroli Magni.

Can. 2. cau. 14. qu. 4. potius ex Concilio Arelatensi I.

Can. 33. cau. 16. qu. 1. jungendus can. 12. cau. 18. qu. 2. & can. 3. cau. 20. qu. 4.

Can. 11. cau. 16. qu. 3. pertinet potius ad Concilium Epaonense, ex quo emendandus.

Can. 40. cau. 17. qu. 4. potius est Concilii Epaonensis anni 517.

Can. 12. cau. 18. qu. 2. jungendus cum can. 33. cau. 17. qu. 1. & can. 3. cau. 20. qu. 4.

Can. 13. cau. 18. qu. 2. potius est Concilii Epaonensis anni 517.

Can. 23. cau. 18. qu. 2. consonat cum vulgatis Concilii exemplaribus.

Can. 3. cau. 20. qu. 4. jungendus cum can. 33. cau. 16. qu. 1. & can. 12. cau. 18. qu. 2.

Can. 4. cau. 21. qu. 1. est potius Concilii Epaonensis anni 517.

Can. 1. cau. 21. qu. 5. ex optimis Concilii exemplaribus emendandus.

Can. 6. cau. 26. qu. 5. consonat cum vulgatis Concilii exemplaribus.

Can. 3. cau. 26. qu. 6. ex integris Concilii canonibus emendandus.

Can. 14. cau. 28. q. 1. consonat etiam cum Concilio Meldenensi anni 849.

Can. 16. cau. 28. qu. 1. potius ex Concilio Laodiceno, ex quo erit emendandus.

Can. 8. cau. 35. qu. 2. jam a Romanis Correctoribus restitutus auctoribus suis.

Can. 32. de conf. dist. 1. consonat cum vulgatis Concilii exemplaribus.

Can. 35. de conf. dist. 1. fere consonat cum vulgatis Concilii exemplaribus.

Can. 64. de conf. dist. 1. consonat cum vulgatis Concilii exemplaribus.

Can. 19. de conf. dist. 2. consonat cum vulgatis Concilii exemplaribus.

Can. 9. de conf. dist. 3. ex melioribus Concilii exemplaribus emendandus.

Can. 56. de conf. dist. 4. consonat cum vulgatis Concilii exemplaribus.

Can. 93. de conf. dist. 4. consonat cum vulgatis Concilii exemplaribus.

Can. 13. de conf. dist. 5. fere consonat cum vulgatis Concilii exemplaribus.

CUM universa propemodum Europa circa finem quinti seculi Gothorum, & Vandalorum incuribus vastaretur, non tantum bene constitutæ Romani Imperii leges, verum etiam Ecclesiastici Canones in desuetudinem quod-

ammodo abiisse videbantur. Etenim Gothi, Gothisque adhærentes populi consuetudinibus potius pro libito investis quam scriptis legibus vivere adamabant. Primus fuit Euricus Theodorici Filius, qui ubi plurimas Hispaniarum, & Gal-

Hanc Provinciam occupavit, legum scriptarum formulas induci passus est, quem admodum testatur S. Ildorus Hispalensis in chronico Gothorum his verbis ad æram 504. *Sub hoc Rege (scilicet Eurico.) Gothi legum instituta scriptis habere ceperunt, nam antea tantum moribus, & consuetudine tenebantur.* Itaque constitutis legibus ad rectum civile regimen pertinentibus, sacri quoque Antistites facile sibi paratam esse occasionem agnoverunt, ut & ipsi ad renovandam Ecclesiasticam disciplinam pene lapsam legibus scriptis animum, mentemque converterent, præsertim quod tunc novis institutionibus opus esse videbatur, cum nonnulli ex Gothis recens fidem amplexati fuissent. Quamobrem sub Rege Alarico memorati Eurici filio anno 506, solumne in Galliis celebratum fuit Concilium in Agathensi Civitate, Cæsario Arelatenſi Episcopo ceteros Episcopos Galliarum convocante, & quidem consentiente Alarico, qui & omnem auctoritatem suam interpositurum ad munimen, & tutelam sacrorum Canonum spopondit, uti constat ex præfatione, quæ Concilio huic adjecta in exemplaribus Conciliorum legitur. Præfuit toti Concilio Cæsarius idem Arelatenſis: accesserant autem Episcopi numero quatuor supra triginta, qui omnes vel per se, vel per Vicarios suos Concilio subscripserunt. Numerus Canonum in hoc Concilio editorum in vulgatis exemplaribus extenditur usque ad septuaginta: sed revera non amplius, quam 47. Canones in hoc Concilio constitutos fuisse prædictissimi viri ex optimis Codicibus testantur, inter quos est Labbeus, & ante Labbeum Surius, & Sirmondus, observantes in veteribus MSS. Codicibus tantum haberi 47. ceteros vero adjectos fuisse recentiore manu ex Conciliis posterioribus Gallicanis, præsertim vero ex Concilio Epaonensi. Quod si de huius Concilii auctoritate quæratur, fatentur eruditi omnes, magno in honore illius Canones semper habitos fuisse. Et revera talem existimationem merentur, qualem habere debent Concilia Nationalia; agitur enim de Nationali Concilio totius Galliæ, cujus convocare Episcopos ad Archiepiscopum Arelatenſem jure adquisito pertinebat Can. 18. Concilii Arelatenſis II. anni 452.

Can. 17.
dist. 18.

In Canone 35. huius Agathensis Concilii legitur eisdem omnino verbis Canon 13. dist. 18. ubi sane eadem defini-

ta agnoscimus, quæ jam in vetustissimis Conciliis edita fuerant; addiderunt autem Agathenses Patres peculiarem quidpiam ad exhibendam Regi Alarico honorificentiam, qui licet Arianis aliquandiu favisset, videbatur tamen plurimum præstiturus ad incolumitatem, utilitatemque Ecclesiarum.

Canon 22. dist. 23. qui eisdem verbis legitur in Canone 20. Agathensi; maxime decebat illa tempora; cum enim Gothi Galliæ Provincias occupantes efferos, bellicosque mores induissent, quos non solum ardens animus, sed & militaris quædam externa habitus forma exhibebat, facile fuerat, etiam Clericos ceterorum exempla sequutos novo cultu vestium, novoque habitu corporis ornatos produisse, quorum propterea immoderatum usum opus erat edito Canone cohibere.

Can. 22.
dist. 23.

Canon 30. dist. 23. licet referatur inter Agathenses Canones numero 66. ex illis tamen est, qui, ut superius observabam, post Agathenses Canones recentiore manu adjecti sunt; notandum tamen pro illa voce Gratianæ *sacrarum legi* in vulgatis Concilii exemplaribus *Secretarium*. Non est tamen diutius elaborandum, ut investigemus, tuinam potius Concilio idem Canon tribuendus sit. In aperto enim est eisdem fere verbis expressus Laodiceni Concilii Canon 21. relatus apud Gratianum in hac eadem distinctione Can. 26. quem suo loco expendebam.

Can. 30.
dist. 23.

De Canone 19. dist. 34. nihil est dignum singulari observatione, postquam præsertim Romani Correctores ex Can. 39. Agathensi, unde depromtus est, expunxerunt particulam *modo*.

Can. 19.
dist. 34.

In Canone 48. Agathensi, qui referatur in Can. 9. dist. 35. certis poenis assignantur Clerici vino dediti, qui vel ab Ecclesiæ communione arcentur spatio 30. dierum, vel corporali subduntur supplicio, idest indicto jejunio, & sobrietate: qua sane poena nulla convenientior esse poterat. Hinc apud Ivonem Carnotensem parte 13. cap. 77. refertur quoddam dictum Fraguoli Episcopi ita expressum: *Signis Ecclesiasticæ prædictis ordinationis, aut Monachus reprobatus fuerit obrius, in panis & aqua tribus mensibus peniteat*.

Can. 9.
dist. 35.

Canon 7. dist. 50. est ex numero illorum Canonum, quos diximus recentioris Collectoris manu Agathensi Concilio adjectos fuisse: est enim ille inter Agathenses

Can. 7.
dist. 50.

theses Canones numero quinquagesimus. Revera in Gallicanis Provinciis anno 506. nondum receptum erat, ut Viri Ecclesiastici crimina capitalia admittentes in Monasterium perpetuæ penitentiae causa detruderentur: illud potius obtinebat, ut deponerentur, atque ab Ecclesiastica communione removerentur. Id decretum adparet in Concilio Aurelianensi anni 511. Can. 9. ibi: *Si Diaconus, aut Presbyter crimen capitale commiserit, simul & officio, & communione pellatur.* Illud primum obtinuit post Concilium Epaoense anni 517. etenim in eo ita statutum est Can. 22. *Si Presbyter, aut Diaconus crimen capitale commiserit, ab officii honore depositus in Monasterium retrudatur, ibi tantummodo, quamdiu vixerit, communione sumenda.* Facile itaque ex his percipimus, dictum canonem septimum Gratianum ex Epaoensi Concilio fuisse depromptum primum, & canonibus Agathensibus postea adjectum, unde Agathensis Concilii nomine a posterioribus Collectoribus commemorari cœperit. Quicumque vero primus canonem Agathensi Concilio adtribuit, non modicum verba ejusdem canonis immutavit. Fecit enim in primis mentionem de Episcopo, de quo tamen ne verbum quidem occurrit apud Epaoenses Patres, arbitratus forte, quod de Presbyteris dicitur ad penitentiam redigendis, idipsum & de Episcopis dicendum esse, quasi communis esse debeat delinquentium Presbyterorum, atque Episcoporum penitentia. Secundo addidit: *Laicam tantummodo communionem accipias:* Laicæ autem communionis mentio non fit in Epaoensi decreto, ubi simpliciter de communione fit sermo. Forte ego putaverim vocem illam *Laica* adjectam fuisse, postquam Monachi Ecclesiasticis ordinibus insigniri cœperunt; cum enim olim tamquam Laici omnino haberentur Monachi, idem erat aliquem cum Monachis communem vitam habere, ac Laica tantummodo communionem frui. At postquam Monachi Sacerdotio fungi cœperunt, necessarium fuit clarius exprimere *Laicam* communionem, ut designaretur eos, qui penitentiae causa in Monasterium detrudebantur, non communem cum Monachis habuisse Ecclesiasticam communionem, sed tantummodo qualem Laici habere solent. Demum qui canonem Epaoensem canonibus Agathensibus adjectis non generatim tantummodo conce-

ptum voluit Epaoense decretum de Clericis capitale crimen admittentibus, sed ad species recensendas manum admoventes scripsit: *Aut chartam falsaveris, aut falsum testimonium dixeris*, quæ sane loquendi formulæ in Epaoensi canone desiderantur. Forte autem qui hæc adjecit voluit his jungere can. 13. etiam Epaoensem, qui his verbis exprimitur: *Si quis Clericus in falso testimonio convictus fuerit, reus capitalis criminis habeatur.*

Canon 21. dist. 50. vere pertinet ad Concilium Agathense in cujus can. 2. dist. 50. eadem omnino verba leguntur.

Pertinet præterea ad idem Concilium can. 15. can. 63. dist. 50. ex quo sane constat, qualis fuerit veteris penitentiae asperitas, in eo præsertim, quod dicitur juvenes non facile ad penitentiam, & reconciliationem Ecclesiae admittendos, *propter ætatis fragilitatem.* Nominem autem *viatici* in hoc canone non intelligitur Eucharistia, quemadmodum quibusdam placet interpretari, sed potius penitentiae Sacramentum, quod ea appellatione solebat apud veteres significari, quemadmodum jam ostendimus ad can. 13. Concilii Nicæni, & probari etiam potest ex Concilio Gerundensi anni 517. in can. 42. dist. 50. Quanquam vero Gratianus Can. vulgatis Concilii exemplaribus omnino consonet, non omittere tamen admonere, eundem referri apud Reginonem in lib. 1. de Ecclesiast. discipl. cap. 290. sed dumtaxat usque ad illa verba, *aut vestimenta non mutaverint, abscendantur*, cetera vero illic desiderari.

Ad rem nuper laudabam Reginonem; ex cujus etiam collectione restituendus erit ad sua loca Canon 64. dist. 50. qui apud Gratianum, & nonnullos alios Collectores falso ascribitur Concilio Agathensi. Regino, ut aiebam, in lib. 1. de Ecclesiast. discipl. cap. 290. recitaverat canonem 15. Agathensem, qui idem est cum can. 63. dist. 50. Post eum ita statim subdidit in cap. 291. *unde supra*, quam notam imperitus, aut negligens exscriptor referendam existimavit ad Concilium Agathense, cujus erat caput superius, quum tamen esset familiare Reginoni, apponere verba illa *unde supra*, non ut significaret eundem sequentis capituli esse auctorem, qui est præcedentis, sed ut significaret se eandem materiam prosequi, quam ab initio tractare cœperat. Post hæc itaque Regino in cap. 291. refert illa, quæ habentur apud Gra-

Can. 21.
dist. 50.

Can. 63.
dist. 50.

Can. 63.
dist. 50.

Gra-

Gratianum in dicto can. 64. quæ propterea non verba Concilii Agathensis sunt, sed potius Reginonis ejusdem, qui in suis libris non semper Collectorem egit, sed aliquando sententias suas sententiis Canonum interferuit, quique in hoc in loco sui temporis, & suæ Provinciæ disciplinam referebat accurata dignam observatione apud eos, qui de satisfactione poenitentium velint recte sentire, & quemadmodum vetustis Ecclesiæ sæculis receptum erat. Sed quoniam Reginonis exemplaria in aliquibus verbis nonnihil dissonant ab exemplaribus Gratiani, non inutile erit hoc in loco Reginonis ejusdem verba describere: *In capite quadragesima omnes poenitentes, qui publicam suscipiunt, aut susceperunt poenitentiam, ante fores Ecclesiæ se representant Episcopo Civitatis, sacco induti, nudis pedibus, vultibus in terram prostratis, reos se esse ipso habitu, & vultu proclamantes, ubi adesse debent Decani, idest Archipresbyteri Parochiarum, cum teſtibus, idest Presbyteri poenitentium, qui eorum conversationem diligenter inspicere debent; & secundum modum culpa poenitentiam per præfixos gradus injungat. Post hac in Ecclesiam eos introducat, & cum omni Clero septem poenitentia Psalmos in terram prostratus cum lacrymis pro eorum absolutione decantet. Tum consurgens ab oratione, juxta id, quod canones jubent, manus eis imponat, aquam benedictam super eos spargat, cinerem prius mittat, dein cilicio caput eorum cooperiat, & cum gemitu, ac crebris suspiriis eis denuntiet, quod sicut Adam projectus est de Paradiso, ita & ipsi ab Ecclesiâ ob peccata ejiciantur. Post hac jubent ministros, ut eos extra januas Ecclesiæ expellant: Clerus vero prosequatur eos cum responsorio: in sudore vultus tui vesceris pane tuo &c. ut videntes sanctam Ecclesiam ob facinora sua tremefactam, & commotam non parvipendant poenitentiam. In sacra autem Domini cena rursus Ecclesiâ liminibus se presentent.*

Can. 5. In Concilio Agathensi Can. 23. legitur Can. 5. dist. 74. cujus tamen verba in vulgatis Concilii exemplaribus ita habentur: *Episcopus etiam, quorum vita non reprehenditur, posteriorem priori vultum praponat, nisi fortasse elatus superbia, quod pro necessitate Ecclesiâ Episcopus gesserit, implere conſentiat. Sane si officium Archidiaconi (legunt alii: Archidiaconatus) propter simpliciorum naturam implere, non expedire noverit, ille loci*

sui nomen tenent, & ordinationi Ecclesiæ, quem elegerit Episcopus, praponatur.

In can. 6. dist. 77. juncti sunt canones 16. & 17. ex Agathensibus; a prioribus enim verbis usque ad illa: *Conversus fuerit ordinetur* habetur can. 16. & 17. a §. *Presbyterum* usque in finem, dummodo tamen advertamus, illa & *Diaconos ante viginti quinque* fuisse a Gratiano adjecta, & in ipsis Concilii exemplaribus desiderari; neque enim opus erat, ut in can. 17. repeteretur, quod in can. præcedente jam expressis verbis constitutum fuerat.

Can. 25. dist. 86. non esse Concilii Agathensis jam observarunt Romani Correctores, cum inter can. ejusdem Concilii non legatur. Burchardus autem, & Ivo illum adscribunt Bonifacio Papæ. Sed quicumque Bonifacii decreta collegerunt, hujus can. minime meminerunt. Potius exquirendus erit inter Novellas Justiniani; etenim in Novella 123. cap. 11. eadem fere verba leguntur, ibi: *Sed neque propriis manibus liceat Episcopum aliquem percutere, hoc enim extraneum Sacerdoti est; quæ verba primus in suo Nomocanone retulit adinstar fragmenti cujuspiam Johannes Antiochenus tit. 15. Posteriores vero Collectores, qui non Nomocanones, sed potius collectiones canonum adornare volebant, Justiniani Imperatoris leges quoties laudaverunt, Justiniani ipsius nomen reticuerunt, atque ejus vice inscripserunt nomen Bonifacii Papæ, quemadmodum frequenter contigisse observabimus, ubi agendum erit de Bonifacio Pontifice, ea forte adducti ratione, quod Bonifacius II. esset Justiniano contemporaneus circa annum 530. Sententia hujus canonis videtur consonare cum dictis Apostoli Pauli, qui inter ceteras Episcoporum dotes illam recenset, ut non sit percussor. Ceterum vetus erat disciplina Ecclesiarum, ut Episcopis competeret quædam potestas in Clericos, qualis est Patris in Filios, aut Præceptoris in Discipulos, ut, si quando Clerici peccarent, salutari poena eos corripere, aliquando etiam poena flagelli, de qua Sanctus Augustinus in Epist. 133. ad Marcellinum ita scribit: *Quando tantorum scelerum confessionem... virgarum verberibus eruiſti, qui modus coercionis, & a magistris artium liberalium, & ab ipsis parentibus, & saepe etiam in judiciis solet ab Episcopis adhiberi. Eodem ferme modo solebant Abbates Monachos sibi subditos corrigere,**

Can. 6. dist. 77.

Can. 25. dist. 86.

re, uti legitur in regula S. Benedicti, & in eodem Concilio Agathensi can. 38. five can. 3. cau. 20. qu. 4. Cum autem hac potestate Episcopi abuterentur, modum pœnæ excedentes, opus fuit lege lata eorundem severitatem cohiberi, quum præsertim S. Paulus admoneat Episcopum non debere esse percussorem, quod & constitutum scimus in can. 27. vulgo Apostolorum, & apud Gregorium Magnum in can. 1. dist. 45. quibus consonare posset canon octavus Concilii Ilerdensis anni 524. relatus in can. 19. cau. 17. qu. 4. ex quibus eruitur Justiniani tempore opus fuisse, ut admonerentur Episcopi, ne Clericorum potius percussores, quam Pastores, & Patres viderentur.

Can. 7. dist. 87. Postquam manumissio censu facta ex-levit, & in ejus locum suffecta est manumissio in Sacrosanctis Ecclesiis, quemadmodum jam superius me dixisse meminimus, quicumque in Ecclesia manumittebatur, sub Ecclesiæ quodammodo patrocinio esse videbantur ob privilegium Constantini Imperatoris, & de quo in l. 1. & 2. Cod. de his, qui in Eccles. manumit. Jure propterea Patres Agathenses in can. 29. pro manumissorum libertate constituerunt, ne servi semel in Sacrosanctis Ecclesiis manumissi læderentur. Is est can. 7. dist. 87.

Can. 9. dist. 90. De canone 9. dist. 90. nihil est, quod specialiter observemus; habetur autem eisdem verbis in can. 31. Agathensi, dummodo pro illa voce *obstinatio*, legamus *intentione*.

Can. 10. cau. 1. qu. 2. Nescio qua ratione in can. 10. cau. 1. qu. 2. Gratianus retulerit canonem 36. Concilii Agathensis, cum hic Gratiani proposito convenire non possit. Demonstrare volebat Gratianus nihil pecuniæ recipi posse ab eo, qui ingressurus esset Monasterium, veluti pretium admissionis. At in hoc eodem Can. Agathensi nihil aliud legitur, quam stipendia Ecclesiastica esse inter Clericos administrantes legitime distribuenda. Duo præterea sunt ad hanc rem observanda. Primum est, pro vocibus illis: *Per Ordinationem*, in vulgatis Concilii exemplaribus legi: *vel Ordinationem*. Alterum, nomen *canonis* ibidem significare Catalogum, sive matriculam Ecclesiæ, in qua Clerici omnes descripti erant; mos enim fuerat, ut stipendia singulis Clericis assignarentur juxta modum, quo eorundem Clericorum Ordines, & rationes in eadem matricula designabantur.

Can. 12. cau. 1. qu. 3. nec habetur inter canones Concilii Agathensis, nec Concilii Agathensis ætati tribui ulla modo potest, si ad meliores canonum Codices Gratiani canonis constitutio non exigatur. Sane in Galliis usque ad Caroli Magni ætatem nihil definitum fuit de Presbyteris accusatis, quorum objecta crimina ab accusatore probari non poterant. Perspicuum est ad hanc rem caput 33. lib. 5. Capitularium Francorum, ubi traditur, quemadmodum Carolus idem Imperator habitis publicis Episcoporum comitiis deliberaverit, nec non Leonis Papæ consilium exoptaverit, ibi: „ Et hoc vobiscum magno studio pertractandum est, quid de illis Presbyteris criminosis, unde approbatio non est, & semper negant, faciendum sit. Nam hoc sæpissime a nobis, & a Progenitoribus nostris, atque Antecessoribus nostris ventilatum est, sed non ad liquidum hæc nus definitum. Unde ad consultandum Patrem nostrum Leonem Papam Sacerdotes nostros mittimus, & quid quid ab eo, vel a suis perceperimus, vobis una cum illis, quos mittimus, renunciare non tardabimus. Vos inter dum vicissim tractate attentius, quid ex his vobiscum constituamus, una cum prædicti Sancti Patris institutionibus, ut murmur cesset populi. Deinde in cap. sequenti refertur Constitutio Caroli Imperatoris post susceptum Leonis Papæ consilium, in qua post aliqua præmissa ita legitur: „ Statutum est namque ratione, & necessitate, & auctoritate prædicta consulti omnium, ut quotiescumque cuiquam Sacerdoti crimen imponitur, si ipse accusator talis fuerit, ut recipi debeat (quia quales ad accusationem Sacerdotum admitti debeant, in can. nonibus pleniter expressum est). Si autem, ut dictum est, ille accusator, qui canonicè est recipiendus, eum cum legitimo numero verorum, & bonorum testium adprobare in conspectu Episcoporum poterit, tunc canonicè dijudicetur, & si culpabilis inventus fuerit, canonicè damnetur. Si vero cum supradicto prætextu adprobare ipse accusator minime poterit, & hoc canonicè definiatur. Ipse ergo Sacerdos, si suspiciosus, aut incredibilis suo Episcopo, aut reliquis suis Confacerdotibus sive bonis, & justis de suo populo, vel de sua plebe

Can. 12. cau. 2. qu. 5.

„be hominibus fuerit, ne in crimine,
 „aut in prædicta suspitione remaneat,
 „cum tribus, aut quinque, vel septem
 „testibus bonis ei viciis Sacerdotibus
 „exemplo Leonis Papæ, vel eo ami-
 „plius, si suo Episcopo visum fuerit,
 „aut necesse propter tumultum populi
 „id esse prospexerit, & cum aliis bo-
 „nis, & iustis hominibus se sacrame-
 „to coram populo super quatuor Evan-
 „gelia dato purgatum Ecclesiæ reddat.“
 Hæc sane liquido demonstrant, usque
 ad tempora Caroli Magni in Galliis ni-
 hil adhuc constitutum fuisse de Presby-
 terorum purgatione, quemadmodum prio-
 ra laudati capituli verba palam faciunt,
 quæ sane vera esse non possent, quoties
 jam salubris quædam constitutio ad ean-
 dem prodiiisset ex Concilio Agathensi
 sexto sæculo celebrato. Præterea si quis
 animadverterit causam, ex qua dubita-
 retur apud Gallos, quomodo purganda
 essent Sacerdotum crimina, de quibus
 post accusationem aperte non constaret;
 facile hoc idem caput agnosceret editum
 post tempora Concilii Agathensis. Re-
 vera primum invaluit ex consuetudini-
 bus Longobardorum, ut quoties quis-
 piam accusaretur, nec de objecto crimi-
 ne clare, perspicueque liqueret, pur-
 garetur reus *cum scutis*, & *fustibus in*
campo decertando, sicuti legimus in lib.
 2. legum Longobard. tit. 51. §. 11.,
 quasi privato bello iudicio inter accu-
 satores, & reum, ex quibus ille vin-
 cebat in causa, quem victorem belli for-
 tuna fecisset. Atque hic mos sæculo 8.
 & sequentibus ordinarius esse cepit in
 Provinciis Europæis, rejecta quacumque
 juris disciplina, eaque prorsus oblivione
 delata. Hæc vero non videbantur dece-
 re Clericos, & maxime Sacerdotes, ut
 quoties ipsi accusarentur, sui purgandi
 causa arma susciperent, & singulari
 consilii se, causamque suam commit-
 terent. Hinc dubitatio omnis emer-
 sit, quæ proposita in Conciliis fuit apud Ca-
 rolem Magnum, in qua, uti diximus,
 e re visum fuit Leonem Pontificem Ma-
 ximum consulere. Si igitur hæc occasio
 nondum suborta fuerat initio sexti sæ-
 culi, sive tempore Concilii Agathensis,
 qua ratione diceret quispiam dictum ca-
 nonem 12. cau. 2. qu. 5. Concilio Aga-
 thensi esse adscribendum? Ut autem in-
 vestigemus, quisnam fuerit hujus cano-
 nis auctor, duo in medium proferam,
 quæ suspicatus sum in hac re. Primum
 est de fide Burchardi, qui primus in lib.

2. cap. 181. hoc fragmentum retulit,
 & quidem Agathensi Concilio inscri-
 ptum, quem deinde sequuti sunt Ivo,
 & Gratianus. Neque enim in rebus
 francicis, uti pluries jam animadverti-
 mus, præsertim Caroli Magni, referen-
 dis, fidem servavit Burchardus, quem
 admodum fidelem Collectorem decebat,
 sed sæpe alios pro aliis auctores obtru-
 dens, illud præ ceteris cavebat, ne Ca-
 pitularia Caroli Magni laudaret, in gra-
 tiam Germanorum, quibus illa erant
 invisa, & apud quos ipse debebat. Vi-
 derat autem ipse nuper descriptum ca-
 put Capitularis Caroli Magni, in quo
 agitur de purgatione Sacerdotum, quæ
 coram testibus ejusdem Ordinis locis fa-
 cienda præscribitur, vel tribus, vel
 quinque, vel septem, vel etiam pluri-
 bus, si Episcopo videatur. Ipse vero
 voluit tutius definire, forte respiciens
 ad praxim suorum temporum, vel Dia-
 ceseos, sexque numero socios scribens
 visus sibi est rem melius, & accuratius
 expressisse, sed nolens laudare Capitula-
 ria Francorum, Gallicanam Constitutio-
 nem sic expositam Gallicano vetusto Con-
 cilio, idest Agathensi adscripsit; atque
 id eo vel fidentius ausus est Burchar-
 dus, quod videretur eadem disciplina
 obtinere apud Saxones populos sibi fini-
 timos; etenim inter leges Ecclesiasticas
 Canuti Saxoniarum Regis, quæ apud Lab-
 beum referuntur ad annum 1032. ita
 legitur num. 5. *Siquis itaque Sacerdotem*
ad certam aliquam religionis normam vi-
ventem in crimen vocarit, atque is nul-
lius sibi sceleris confcius fuerit, Missam,
si modo id facere non veretur, celebra-
to, & Eucharistia perceptione unius ca-
lumniam omnem solus contundito. Sin
trium fuerit accusatio percepta, si modo
ausus fuerit, Eucharistia, atque adjun-
ctis sibi aliis ejusdem ordinis duobus,
omnem cogitati sceleris suspicionem dilui-
to. Diaconum ad certam religionis formu-
lam viventem si quis singulari calumnia
criminis reum fecerit, assumtis ordinis
eiusdem duobus aliis Diaconus se crimine
liberato. Criminatio sin fuerit tripla,
admotis ordinis ejusdem viris senis se cul-
pa exolvito. Itaque verosimile videri po-
 test, tum ex laudato Caroli Magni Ca-
 pitulari, tum ex hac Saxonum discipli-
 na Burchardum fragmentum illud com-
 posuisse, quod apud Gratianum habetur
 in dicto can. 12., cui ut quandam ex
 vetustate sacra auctoritatem conciliaret,
 nomen Concilii Agathensis inscripserit.

Alterum, quod in hac re suspicatus sum, illud est, apud Burchardum, aut quemvis alium antiquiorem Collectorem hoc idem fragmentum relatum fuisse nomine Concilii Carthaginensis, quod deinde ex Amanuensium imperitia laudari cepit nomine Concilii Agathensis; atque eodem nomine, qui primus hoc edidit, voluisse paullisper aliis verbis expendere, quæ habentur in Concilio Carthaginensi Dionysii Exigui, seu in Codice canonum Ecclesiæ Africanæ can. 20., ibi: „ Si autem Presbyteri, vel „ Diaconi fuerint accusati, adjuncto si- „ bi ex vicinis locis cum proprio Epi- „ scopo legitimo numero collegarum, „ quos ab eodem accusati petierint: id „ est una secum in Presbyteri nomine „ sex, in Diaconi tres, ipsorum causam discutiant, eadem dierum, & di- „ lationum, & a communione remotio- „ num, & discussione personarum in- „ ter accusatores, & eos, qui accusan- „ tur forma servata. Reliquorum au- „ tem Clericorum causas etiam solus „ Episcopus loci agnoscat, & finiat. „ Quicumque priora hujus canonis verba cum Gratiano fragmento, de quo agimus, contulerit, facile agnoscat, utrumque inter se plurimum consonare, & ad idem Concilium utrumque pertinere, licet dictus can. 12. cau. 2. qu. 5. a quopiam Collectore paullo aliter descriptus fuerit, forte ex Græco textu, in quem Carthaginenses Canones, uti suo loco diximus, fuere translati.

Can. 8. Ad eundem can. 32. Concilii Aga-
 cau. 5. thensis referendi sunt can. 8. cau. 5. qu.
 qu. 6. 6., & can. 17., & 47. cau. 11. qu. 1.
 Can. 17. En verba Agathensium Patrum integra,
 & qualia habentur in optimis vulgatis-
 cam. 11. simis exemplaribus: *Clericus ne quem-
 qu. 1. quam presumat (multo aliter Gratia-
 nus Clericum nullus presumat) apud
 sacularem judicem Episcopo non permitten-
 te pulsari: sed si pulsatus fuerit, respon-
 deat, non proponat, (multo etiam ali-
 ter Gratianus hæc exposuit, imo &
 contrariam in sententiam detorsit his
 verbis: Non respondeat, vel proponat),
 nec audeat criminale negotium in iudicio
 saculari proponere. Siquis vero sacula-
 rium per calumpniam Ecclesiam, aut Cle-
 ricum fatigare tentaverit, & victus fue-
 rit, ab Ecclesia liminibus, & a Catho-
 licorum communione, nisi digne penitue-
 rit, arceatur. Adparet ex his, quan-
 tum distet Gratianus a sententia Con-
 cilii Agathensis; quod enim Agathen-*

Tom. I.

ses Patres prohibuerant Clericis, ne alios in judiciis secularibus convenirent, jurgiorum forensium a Clericis eisdem evitandorum causa, id Gratianus de Laicis dictum voluit, ne Clericos ad judicia publica convenirent. Porro qualis in hac re fuerit disciplina Ecclesiastica sexto sæculo, sive tempore Agathensis Concilii, docebunt apertissime Novellæ Justiniani Imperatoris, præsertim 79., 83., & 123. cap. 21., atque, ut ne a disciplina Gallicanæ Ecclesiæ, quæ tunc temporis obtinebat, recedam, docebit perspicue Concilium Epæonense anni 517., in quo can. 11. hæc leguntur Agathensi canonum multum conformia: *Clerici sine ordinatione Episcopi sui adire, vel interpellare publicum non presumant, sed si pulsati fuerint, sequi ad saculare iudicium non morantur.*

Can. 29. cau. 7. qu. 1. legitur in can. 64., ex iis propterea est, qui Concilio quidem Agathensi tribuatur, ejusdem tamen auctoritate editus minime fuit, sed potius posterioris Gallicanæ Ecclesiæ Concilii. Itaque non est dubitandum, canonem hunc pertinere potius ad Concilium Arvernense anni 515., in quo can. 15. hæc leguntur. „ Siquis ex „ Presbyteris, aut Diaconis, qui ne- „ que in Civitate, neque in Parochiis „ Canonicus esse dignoscitur, sed in „ Villulis habitans, in Oratorii Offi- „ cio sancto deserviens celebrat divina „ Mytheria, festivitates præcipuas, Do- „ mini Natale, Pascha, Pentecosten, „ & siquæ principales sunt reliquæ so- „ lemnitates, nullatenus alibi, nisi cum „ Episcopo suo in Civitate teneat. Qui „ cumque etiam sunt Cives natu majores suos in prædictis festivitibus ve- „ niant. Quod siqui improba temeritate contemserint, iisdem festivitibus, quibus in Civitate adesse despiciunt, communionem pellantur. „ Facit ad hanc eandem rem can. 3. Concilii Aurelianensis 4. anni 541. ita conceptus: „ Quisquis de prioribus Civibus Pascha „ extra civitatem tenere voluerit, sciat sibi a cuncta Synodo esse prohibitum, „ sed principales festivitates sub præsentia Episcopi teneant, ubi sanctum „ decet esse conventum. Tamen si ali- „ quis certa necessitate constringatur, „ ut hoc implere non possit, ab Episcopo postulet comitatum. Quod si „ hoc postulare despexerit, in eodem

Can. 29.
 cau. 7.
 q. 1.

„ loco, idest in festiuitate præfenti ;
„ ubi tenere voluerit, suspendatur. “
Itaque licet dictus can. 29. cau. 7. qu. 1. vere non sit Concilii Agathensis, non est tamen dubitandum, contineri in illo Gallicanæ Ecclesiæ disciplinam, quæ sexto sæculo obtinebat; imo & nonnulla similia videntur in eodem Agathensi Concilio reuera constituta, quem admodum apparere potest ex can. 35. de cons. dist. 1., de quo inferius agemus.

Can. 1. Potius Concilii Agathensis est can. 1.
can. 10. cau. 10. qu. 2., cuius verba leguntur in
qu. 2. cau. 7. ejusdem Synodi, post quæ statim
in integris illius exemplaribus illa sequuntur, quæ retulit Gratianus in can. 3. eadem causa, & quæstione, vers. *Quod si necessitas* &c.

Can. 8. In can. 3. Agathensi habetur can. 8.
can. 11. cau. 11. qu. 3., qui tamen ita erit ex
qu. 3. optimis editis Codicibus Concilii emendandus: *Episcopi, si Sacerdotali moderatione postposita innocentes, aut ministros causis culpabiles excommunicare præsumserint, aut ad gratiam festinantes* (Gratianus scripserat *ad gratiam baptismatis*; sed, venia dixerim Gratiani, qui excommunicati fuerant; ad gratiam baptismatis festinare non poterant, cum nemo excommunicetur, nisi baptizatus; sed potius ad gratiam reconciliationis; de qua canon hic intelligendus omnino est) *forasse recipere noluerint, a vicinis Episcopis cuiuslibet Provincia literis moneantur* (scripserat Gratianus: *Ejusdem Provincia*. Non erat tamen etiam negligenda sollicitudo aliorum Episcoporum, qui vicini sunt, licet non in eadem Provincia, si fratrem suum Coepiscopum imprudenter Ecclesiam administrantem monerent, aut etiam redarguerent), *& si parere noluerint, communio illis usque ad tempus Synodi a reliquis Episcopis non negetur*) Gratianus scripserat: *denegetur*. Sed melior est vulgata editio Concilii: etenim verba illa non negetur referuntur ad illos, qui vel sine causa levissima fuerant excommunicati, quemadmodum sequentia canonis verba manifeste demonstrant) *ne forte ad excommunicatoris peccatum excommunicati longo tempore morte prævehiantur*. Quæ verba hunc sensum exprimunt: non est neganda interea communio Ecclesiastica illis, qui sine causa excommunicati fuisse probantur, ne forte, si interea morerentur, ex iniquitate excommunicatoris extra communionem Ecclesiasticam dejecti decederent.

Can. 19. cau. 18. qu. 1. est can. 48. Can. 19. inter Agathenses, sive primus ex illis, cau. 12. qui Agathensi Concilio posteriore manu qu. 1. adjecti sunt. Qui hunc canonem huic Concilio adiecit, illum forte composuit vel ex can. 33. ejusdem Concilii, qui refertur apud Gratianum in can. 34. cau. 12. qu. 2.; vel ex can. 17. Concilii Epauensis anni 517., ubi hæc leguntur: *Si Episcopus condito testamento aliquid de Ecclesiastici juris proprietate legauerit, aliter non valebit, nisi vel tantum de juris proprii facultate suppleverit*.

In causa 12. qu. 2. plures leguntur Can. 32. Agathensis Concilii canones; & quidem can. 12. can. 30. legitur Agathensis can. 22., cui qu. 2. jus priora verba apud Gratianum desiderantur; etenim in Concilio hæc habentur: *& licet superfluum sit de re certa, & antiquis Canonibus prohibita iterato aliquid definire, attamen quo facilius cupiditas, aut improbitas reprimatur, id statuimus, quod omnes canones jubent*. Cetera apud Gratianum habentur, & omnino consonant. Item in can. 33. legitur Agathensis can. 26., ex quo Can. 34. posteriora Gratiani verba hoc modo sunt Can. 12. emendanda. *Hi etiam, qui in damno Ecclesie instrumenta Ecclesia impie sollicitis traditoribus susceperint, pari sententia feriuntur*. Præterea in can. 34. legitur Agathensis can. 33., cuius tamen Can. 12. priora verba paullo aliter descripta sunt, quam sint apud Gratianum, ibi: *Episcopus, qui filios, aut nepotes non habens alium, quam Ecclesiam relinquit heredem, siquid de Ecclesia* (legunt alii: *siquid de Ecclesie rebus*) *non in Ecclesia causa, aut necessitate præsumsit, quod distraxit* &c.

Quæ vero Gratianus retulit in can. Can. 35. 35., & 56. ejusdem causæ, & quæstio 56. nis jungenda simul sunt, utpote deprom- Can. 12. ta ex eodem can. 49. ex illis, qui Agathensi Concilio adjecti fuerunt. Etenim qu. 2. post illa verba can. 35. *visi sunt præsumsisse*, hæc statim sequuntur. Sane siquis pro qualibet conditione de rebus Ecclesie aliquid alienare præsumserit, si de suo proprio tantum Ecclesia contulerit, quantum visus est abstulisse, tum demum illud stare licebit, quæ habentur in dicto can. 56., ac post ea rursus immediate sequitur versiculus *libertos tamen*, quem legimus in dicto can. 35. Arbitror autem hunc canonem, quoniam inter 47. vere Agathenses non reperitur, ideo huic eidem Concilio adjectum fuisse, quod similia quædam constituta fuerint

riunt in can. 12. Agathensi, qui idem est cum can. 32. cau. 12. qu. 2.

Can. 36.
cau. 12.
qu. 2.

Præterea inter canones post Agathense Concilium adjectos num. 53. legitur can. 36. cau. 12. qu. 2., in integris tamen Concilii exemplaribus pro illis Gratiani verbis *juris possessione* ita legitur: *juris proprietate*. Quidquid tamen legatur in exemplaribus Concilii Agathensis, cum iste canon falso inter canones ejusdem Concilii recenseatur, ex aliis Canonibus & Gratiani editio emendanda est, & fragmenti ejusdem sententia explicanda. Itaque istud fragmentum potius tribuendum est Concilio Epaonensi, ex quo plura, uti superius diximus, adscripta sunt Concilio eidem Agathensi. Itaque in Concilio Epaonensi cap. 7. hæc habentur. *Quidquid Parochiarum Presbyteri de Ecclesiastici juris possessione distraxerint, inane habetur, & vacuum, in venditorem comparantis actione vertenda*, vel sicuti alii Codices exhibent: *in venditorem, vel hæredes suos actione vertenda*; ex quibus apparet eam fuisse mentem Epaonensium Episcoporum, ut declararent reverti debere ad Ecclesiam bona Ecclesiastica vendita, nulla data emptori actione vendicatoria adversus Ecclesiam, sed tantum actione personali evictionis causa adversus venditorem, qui tamen venditor omni actione in pœnam admissi delicti penitus destituitur.

Can. 53.
cau. 54.
cau. 12.
qu. 2.

Alienationes Ecclesiarum utiles permittit ab Episcopo fieri posse Concilium Agathense in can. 45. & 46., ex quibus deprompti sunt can. 53. & 54. cau. 12. qu. 2. Sed edita Concilii Agathensis exemplaria paullo aliter habent, quam legatur apud Gratianum in dicto can. 53., videlicet verba illa Gratiani: *Longe positas, & parvas*, omissa copulativa particula, ita leguntur in Concilio ipso: *Longe positas parvas*. Præterea pro illis vocibus Gratiani, *sive consilio fratrum*, legitur in exemplaribus Concilii: *sive concilio fratrum*, quæ sane si potius legenda sunt, interpretatio ejusdem canonis paullo alia esse debet, quam quæ vulgo a Pragmaticis adferri solet. Etenim vulgo traditur ab omnibus sacrorum canonum studiosis Episcopum in rebus levissimi negotii, etiam immobilibus Ecclesiasticis distrahendis non teneri petere consilium Capituli sui ex auctoritate hujus Agathensis canonis. At vero Gratiani editione ad fidem integrorum Concilii exemplarium exacta, alia videtur exhiberi Concilii sententia, ut sci-

licet Episcopus, ubi agatur de alienatione rerum Ecclesiasticarum minus utilium, & levioris momenti, non teneatur expectare tempus Concilii Provincialis, quod apud veteres appellabatur *Concilium fratrum*, quodque bis singulis annis celebrari solebat, quotiescomode potuisset; sed possit etiam extra illud tempus ad alienationem devenire. Quæ sane sententia non probat in hujusmodi alienationibus remissas esse solemnitates juris, illam inter ceteras, qua Capituli Cathedralis Ecclesiæ consilium exoptuletur.

Verba can. 57. cau. 12. qu. 2. habentur in Concilio Agathensi can. 7., ac propterea jungenda sunt cum relatis canonibus 1., & 3. §. ult. cau. 10. qu. 2., omnes enim leguntur in dicto can. 7. Agathensi, ubi primo leguntur verba dicti can. 1., post quæ immediate subduntur verba dicti can. 3. §. *Quod si necessitas*; & quidem usque ad verba illa non valebit. Deinde sequuntur verba hujus can. 57., & quidem integra, post quæ demum necitur §. *Minus* in dicto can. 3.

Can. 57.
cau. 12.
qu. 2.

Can. 3. cau. 12. qu. 3. legitur in canone Agathensi 6., ex quo particula *dumtaxat* addenda erit; ubi enim Gratianus habet: *ab extraneis aliquid*, vulgata Concilii exemplaria ita exhibent: *ab extraneis dumtaxat aliquid*. Hæc autem est Patrum Agathensium sententia, ut si quis Episcopus aliquid ex aliorum liberalitate receperit, *sive cum Ecclesia, sive sequestratim*, idest sive receperit ipse solus, sive cum Clericis simul, tum res donatæ non ipsius Episcopi, sed Ecclesiæ lucro cedant, atque inter Ecclesiasticas facultates enumerentur, quod ita demum verum esse ajunt Agathenses Episcopi, quoties extraneus donator fuerit; nam ubi donatores fuerint Episcopi consanguinei, aut familiares, ex præsumpta donantium voluntate, donatæ res in ejusdem Episcopi solius commodum cedent.

Can. 3.
cau. 12.
qu. 3.

Can. 3. cau. 12. qu. 4. ex illis est, qui falso Agathensi Concilio adscripti sunt; est enim inter Agathenses num. 54., depromptus tamen fuit ex Concilio Epaonensi anni 517. cau. 8., ubi sane observandum est, quod eruditi omnes animadverterunt, olim Parochias aliquando Diocesis nomine fuisse appellatas. Sed & eidem Epaonensi Concilio can. 17. tribuendus est can. 5. cau. 12. qu. 5., qui inter Agathenses adjectos

Can. 5.
cau. 12.
qu. 5.

legitur can. 51. Ceterum Gratiani verba cum eodem Epaonenſi canone omnino conſonant.

Can. 11. Can. 11. cau. 13. qu. 2., qui legitur
can. 13. in Concilio Agathenſi can. 4., & 5.
qu. 2. perſpicue indicat, quale eo tempore iudicium fuerit ſacrorum Antiftitum de oblationibus Eccleſiaſticis, quæ tanquam patrimonia pauperum habebantur, ut propterea qui eas retinuiſſent, tanquam pauperum uocatores exiſtimarentur.

Can. 4. Falſo Concilio Agathenſi inſcriptuſ eſt
can. 14. can. 4. cau. 14. qu. 3., neque enim in
qu. 3. ullis Agathenſibus canonibus, ne in adjectis quidem, reperitur. Potius habetur in cap. 12. Capitularis 5. Caroli Magni, quod factum eſt ad Niumacxhd, (adjectum eſt legibus Longobardicis) anno 806., & refertur in lib. 1. Capitularium cap. 119. Regino hoc idem fragmentum retulerat in lib. 1. cap. 284., nullo tamen adſcripto nomine Auctoris. Primus Burchardus in ſua collectione Agathenſi Concilio adſcripſit, quem deinde ſequuti ſunt Ivo, & Gratianus. At ſæpiſſime animadvertimus, Burchardum frequentiffime abſtinuiſſe a laudandis Capitularibus Regum Francorum, quorum ſi fragmenta deſcripturus eſſet, alii potius Auctori adſcribebat; propterea non dubitavit hoc fragmentum, de quo agimus, Capitularium Concilio Agathenſi tribuere.

Can. 2. Sunt quidam Gratiani Codices, in
can. 14. quibus cum hac inſcriptione laudatur
qu. 4. can. 2. cau. 14. qu. 4.: *Ex Concilio Agathenſi*, quod confirmavit Papa Sylveſter. Falſa codicis editio eſt in hac parte, & pro Concilio Agathenſi legendum potius Arelatenſe, de quo ſuo loco ſermonem inſtituimus. Nemo enim ſtatim non videt, Concilium Agathenſe ſexto ſæculo celebratum confirmari non potuiſſe a Papa Sylveſtro, qui vixerat initio quarti ſæculi.

Can. 33. In can. 27. Concilii Agathenſis tria
can. 16. Gratiani fragmenta leguntur, quæ propterea ſimul jungenda erunt: Primus
qu. 1. eſt can. 12. cau. 18. qu. 2. ita expreſſum. *Monasterium novum* (verba illa
can. 18. priora de *Monachis* Gratianus forte accepit ex aliqua collectione canonum, in
qu. 2. qua ſignificabatur per eam inſcriptionem materies, quæ tractaretur), *niſi Episcopo aut permittente, aut probante nullus incipere, aut fundare præſumat*. Poſt hæc verba ſequuntur ſtatim, quæ Gratianus habet in can. 33. cau. 16. qu. 1. ibi: *Monachi etiam vagantes ad officium*

Clericatus, niſi eis teſtimonium Abbas ſuus dederit, nec in Civitatibus, nec in Parochiis ordinetur. Deinde ſubjungitur can. 3. cau. 20. qu. 4. his verbis: *Monachum, niſi Abbatis ſui aut permiſſu, aut voluntate ad alterum Monasterium commigrantem nullus Abbas ſuſcipere, aut retinere præſumat, ſed ubicumque fuerit, Abbati ſuo auctoritate canonum revocetur*. Si neceſſe fuerit (hæc a Gratiano omittuntur in diſto can. 3., ſed leguntur in diſto can. 33.) *Clericum de Monachis ordinari, cum conſenſu, & voluntate Abbatis præſumat Episcopus*. His continentur trium fragmentorum ſententiæ apud Gratianum. Quædam tamen adhuc obſervanda ſuperſunt in diſto can. 3. cau. 20. qu. 4., cujus priora tantummodo verba huc uſque retuleram. Itaque ea, quæ ſequuntur in §. *Item Clericis* uſque in finem leguntur in can. 38. ejuſdem Concilii Agathenſis, cujus lectionis varietatem jam obſervarunt Romani Correſtores.

Can. 11. cau. 16. qu. 3. conſonat poſt Can. 11. Romanam Correſtionem cum can. 59. cau. 16. ex Agathenſibus adjectis. Quoniam vero hic canon revera Concilii Agathenſis non eſt, operæ pretium erit, eundem ſuis Auctoriſ tribuere: Referendus eſt autem ad Concilium Epaonenſe anni 517., ex quo, uti jam diximus, nonnulla ſunt in Agathenſe Concilio derivata. Itaque in can. 18. Epaonenſi hæc leguntur: „Clerici quod, etiam ſine „precatoriis, quilibet diuturnitate temporis de Eccleſiæ remuneratione poſſederint cum auctoritate Domini glorioſiſſimi Principis noſtri in jus proprietarium præſcriptione temporis non vocetur, dummodo pateat Eccleſiæ rem fuiſſe, ne videantur etiam Episcopi adminiſtrationis prolixæ, aut precatorias, cum ordinati ſunt, facere debuiſſe, aut diu tentas Eccleſiæ ſiæ facultates proprietati ſuæ poſſe tranſcribere.“ Hæc ſane verba aliam videntur ſententiam exprimere ab ea, quam Gratianus exhibuit, quæ ut plana reddatur, animadvertendum erit fuiſſe ea ætate, in Gallicanis præſertim Provinciis, moribus receptum contrarium quendam, qui appellabatur *precaria*, Romanis Legislatoribus, aut Juſriſconſultis proſus ignotum. Ad hunc contrarium ſpectat titulus decretalium de precariis, quem Interpretes vulgo adſerunt foro noſtrorum temporum proſus inutilem eſſe, cum hodie contrarium huius-

hujusmodi amplius celebrari non soleat. Itaque precaria dicebatur, cum quis si-
vo Clericus, sive Laicus res Ecclesiasti-
cas quasdam vel mobiles, vel immobili-
les ab Episcopo ad certum tempus ob-
tinebat, puta ad quinquennium, aut
etiam disturnius; duplici tamen onere
adposito, primo, ut annum censum
Ecclesiæ persolveret; secundo, ut tem-
pore elapso ad Ecclesiam res precariis
concessa libere reverteretur. Solebant
autem precariæ nomine assignari bona
Ecclesiastica, vel militibus, quoties pu-
blica necessitas expostularet, vel illis,
qui de Ecclesia essent optime meriti,
& sæpe in eisdem precariis conceden-
dis Principis auctoritas intercedebat.
His præmissis facile percipimus, qualis
fuerit sententia Epaoensium Episcopo-
rum in dicto can. 11. cau. 16. qu. 3.
Etenim quum communis Ecclesiarum
usus esset, ut Clerici certas, sive an-
nuas, sive menstruas pensiones accipe-
rent ab Episcopis, penes quos erat re-
rum omnium Ecclesiasticarum admini-
stratio, contingebat aliquando, ut Epi-
scopus in pensionum vicem concederet
alicui Clerico certa Ecclesiastica præ-
dia, aut bona adinstar ferme precaria-
rum, nulla tamen super id edita scri-
ptura, sive, ut vocant, instrumento;
videbatur enim Episcopo sufficere sola
Clerici beneficiarii fides, juxta quam
non licebat Clericis bona illa tanquam
propria possidere. At quum deinde abu-
sus Clericorum glisceret, qui bona illa
veluti propria se tenere, & administra-
re pro libito posse crederent, imo et-
iam aliquando alienarent, editus canon
est in Epaoensi memorato Concilio,
quo statutum est, ut Clerici nullo un-
quam tempore possent eadem bona tan-
quam propria vindicare, ne exinde vi-
deretur Episcopus *facere debuisse precato-
rias*, idest ne diceretur Episcopum du-
bitare potius debuisse de eorundem Cle-
ricorum fide, dum illos ordinaret, ac
melius debuisse consulere Ecclesiasticæ
utilitati, assignando eadem bona Cleri-
cis per contractum precatoriæ, seu pre-
cariæ, interveniente scriptura, sive, ut
ajunt, publico instrumento, aut etiam
ne diceretur Episcopum voluisse trans-
ferre in Clericos dominia rerum Eccle-
siasticarum, quod sane non poterat.

Can. 40. cau. 17. qu. 4. ex illis est,
can. 17. qui Concilio Agathensi adjecti sunt ca-
nones; est enim num. 36., qui omnino
cum verbis Gratiani consonat. Germa-

ni autem Auctores ejusdem canonis sunt
Epaoenses Patres in Concilio anni 517.
can. 8., cujus verba etiam Gratianæ
editioni omnino respondent: Ex his,
quæ hoc in fragmento descripta sunt,
satis juvat animadvertere causam, qua-
re olim non poterant mancipia Eccle-
siis, aut Monasteriis concessa manumit-
ti. Manumissionem quidem suadere vi-
debatur causa pietatis, exigens capti-
vos omnes in naturalem libertatem vin-
dicari; quare & ob hujusmodi manu-
missiones scimus aliquando a Sanctis Pa-
tribus ipsamet Ecclesiastica, & Domi-
nica vasa fuisse alienata. Verum ubi
ageretur de servis, qui Ecclesiæ, vel
Monasteriis necessarii, aut utiles vide-
bantur, vetita omnino erat Præpositis
manumissio, ne ejusdem manumissionis
causa Ecclesiarum, aut Monasteriorum
servitia ob exiguum Clericorum, aut
Monachorum numerum negligerentur,
aut etiam omitterentur.

Ex Concilio etiam Epaoensi can. 10. *Can. 13.*
depromptus est can. 13. cau. 18. qu. 2., *can. 18.*
licet laudetur ex can. 58. Concilii Aga-
thensis; is enim propriè Agathensis Con-
cilii non est, sed inter eos, quos ex
posterioribus Conciliis adjectos fuisse su-
perius diximus. Ceterum Gratiani ver-
ba omnino consonant, sive cum canone
Epaoensi, sive cum adjecto canone A-
gathensi.

Can. 23. cau. 18. qu. 2. legitur eis-
dem omnino verbis in Concilio Aga-
thensi can. 28. *Can. 23.*
can. 18.
qu. 2.

Can. 4. cau. 21. qu. 1. refertur qui-
dem inter adjectos canones Concilii A-
gathensis num. 57., at inscribendus po-
tius erit Concilio Epaoensi anni 517.,
etenim in can. 9. ejusdem Concilii legi-
tur eisdem omnino verbis. *Can. 4.*
can. 21.
qu. 1.

Canon 1. cau. 21. qu. 5. habetur in *Can. 1.*
can. 8. Concilii Agathensis, ubi tamen *can. 21.*
nonnulli codices omittunt vocem illam *qu. 1.*
judicem, quemadmodum rectè observa-
verunt Romani Correctores ex vetustio-
ribus Conciliorum editionibus, & Co-
dicibus Vaticanis, & Capitularibus Fran-
corum, quorum omnium codicum fidem
si sequi debeamus, longe diversa mihi
videtur esse sententia Agathensis Con-
cilii ab ea, quam Gratianus expressit;
etenim tum constitutum appareret, Cle-
ricos, qui propter Ecclesiasticas causas
damnati in Conciliis fuerint canonicis
pœnis, non posse, ut canonicas eadem
pœnas evadant, officia ecclesiastica de-
serere, & abjecto clericali instituto ad
sæcu.

secularia officia confugere; quod si nihilominus confugere ausi fuerint, & laica communione ab aliquo Episcopo damnati extiterint, eosdem simul cum illis, qui solatium defensionis eis impenderint, anathemate damnari, quam interpretationem, atque emendationem suadere videntur priora illa verba: *Si relicto officio suo propter distractionem*. Id sane evenire poterat, quoties Sacerdos de crimine damnatus in Diaconi gradum, aut Diaconus in Subdiaconi officia deiciebatur; quoties enim damnatus Presbyter, vel Diaconus optasset potius Laicorum communionem, quam minoris Clericatus officii deservire, tum, quod distractionem ecclesiasticam contemneret, excommunicationis poena pledebatur.

Can. 6. cau. 26. qu. 5. legitur eisdem verbis in can. 42. Concilii Agathensis. Quid nomine *forium Sanctorum* intelligatur, commodius alio in loco explicabo.

Can. 3. cau. 26. qu. 6. Perperam non solum descriptus est, verum etiam in diversam sententiam extortus can. 3. cau. 26. qu. 6., quasi Concilium Agathense decreverit Diaconos ministrare non posse, quod precipuum esse Diaconorum munus passim sacri canones definiverunt, aut Presbyterum consecrare non posse, vel poenitentes reconciliare. Opus erit, ut integrum canonem huc adferamus, quo & ipsamet canonis verba, & ejusdem canonis sententia referatur. Ita Agathenses Patres in can. 43. *De poenitentibus id placuit observare, quod sancti Patres nostri Synodali sententia censuerunt, ut nullus de his Clericus ordinetur, & qui jam sunt per ignorantiam ordinati, ut sicut bigami, aut inearnperum mariti locum teneant, ministrare Diaconus, aut consecrare Altare (in aliquibus MSS., uti Harduinus observat apud Labbeum, legitur Altari) hujusmodi Presbyter non presumat. Deinde statim prosequuntur in can. 44. Benedictionem super plebem in Ecclesia fundere, aut poenitentem in Ecclesia benedicere penitus non licebit. Sententia itaque Agathensis Concilii nunc apertissima est, ea videlicet, ut nemo ex poenitentibus debeat sacri ordinis gradus ascendere, sive Diaconatum, sive Presbyteratum; quod si ascenderit, neque Diaconus Diaconi officia obeat, uti est ministrare, neque Presbyter Presbyteri officia, uti est plebi, aut poeniten-*

tibus benedicere, vel consecrare in Altari, idest hostias Deo sacras offerre. At Gratianus sententiam hanc omnino corruptam, & generatim scripsit, Diaconis omnibus non licere ministrare, neque Presbyteris benedicere, vel consecrare, ut ipse ait, *Altare*, quæ sane verba emendanda sunt, & legendum ex aliis Codicibus MSS. *Altari*, quemadmodum ex contextu integro deducitur.

Can. 14. cau. 28. qu. 1. refertur eisdem verbis in can. 40. Concilii Agathensis, præterea in Concilio Meldensi anni 845. cap. 73. cum hæc præfatione: *Sanctus Casarius Ecclesia Arelatensis cum aliis trigintaquinque Episcopis: omnes, inquit, deinceps Clerici, sive Laici &c.*, quibus verbis indicant Meldenses Patres se renovare, quæ jam pridem fuerant in Agathensi Concilio constituta.

Canon 16. cau. 28. qu. 1. licet in numero Agathensium canonum recensatur, ex illis tamen est, qui Agathensi Concilio recentiore manu adjecti sunt; est enim numero 67. est autem potius depromptus ex can. 31. Concilii Laodicensi. Animadvertendum est pro illis verbis Gratiani *cum hominibus hæreticis legi in vulgatis exemplaribus Concilii Agathensis cum omnibus hæreticis*, quæ sane verba consonant cum Græco textu Laodicensi can. quem ita interpretatus est Dionysius Exiguus: *cum hæreticis universis*. Plurimum autem interesse videtur inter verba Gratiani, & verba vulgo Agathensi Concilio tributa, seu verba Concilii Laodicensi; nam si cum hominibus hæreticis prohibetur, ne conjugia inecantur, videtur generale interdictum, ut a conjugiiis cujuscumque hæretici abstineatur. Quoties vero dicatur: *Non oportet cum omnibus hæreticis, seu cum hæreticis universis miscere connubia*, reprobatur tantummodo illud videtur, quando quis in conjugiiis contrahendis nullum discrimen habet, etiam cum hæreticis, quorum societas, aut familiaritas inferre possit grave apostasiæ periculum. Ceterum nemo diffidet, cavenda, prout fieri potest, esse hujusmodi conjugia, cum hæreticorum consortia plurimum Catholicis nocere possint, præsertim foeminis, quorum sexus utpote infirmior facile vincitur; quare Laodicensi Patres, licet statuerint foeminas non cum omni hæreticorum genere nuptias contrahere, minime tamen prohibere Catholicis, ne foeminas ab hæreticis progenitas uxores accipiant. Memores

res esse debemus illorum, quæ scripserat S. Cyprianus Epist. 8. ad Plebem de quinque schismaticis. *Procul ab huiusmodi hominum contagione discedite, & sermones eorum velut cancerum, & pestem fugiendo vitate.*

Can. 8. Canon 8. cau. 35. q. 2. legitur inter can. Agathenses num. 61. ac proinde Agathensis proprie dicendus est, sed Agathensibus can. juxta ea, quæ superius diximus, adiectus. Jam satis a Romanis Correctoribus restitutus videtur suis Auctoribus, quemadmodum ex eorundem notis adparet. Tantum dixerò hunc can. pertinere ad Concilium Epao-nense anni 517. cap. 30. ubi tamen pro illis verbis: *Si quis frater germanam uxorem acceperit*, alii Codices habent: *Si quis frater germanam uxoris sua accipiat*. Jacobus autem Sirmondus adnotavit in hisce verbis legendum esse, quemadmodum legitur apud Gratianum, quod præ manibus haberet vetus MS. Rhemensis, quod in eisdem verbis editioni Gratianæ consonabat.

Can. 32. De can. 32. de conf. dist. 1. nihil est, quod specialiter observemus. Consonat ille omnino cum can. 14. Agathensi.

Can. 35. Consonat propemodum cum can. 27. Agathensi can. 35. de conf. dist. 1. Dixi propemodum; etenim pro illis verbis Gratiani *Missas audiat*, in exemplaribus Concilii legitur: *Missas teneat*; ubi Gratianus habet: *in Parochiis audiant*, legitur in Concilio: *in Parochiis teneant*. Demum postrema verba in Agathensi Concilio hoc modo leguntur: *Missas facere, aut tenere voluerint, communionem priventur*. Similis etiam loquendi formula legitur in can. 47. Agathensi ibi: *Missas die Dominico a Sæcularibus totas teneri speciali Ordinatione precipimus, ita ut ante benedictionem Sacerdotis egredi populus non præsumat*. Qui si fecerint, ab Episcopo publice confundantur. Retulit hæc Gratianus in can. 64. de conf. dist. 1. cujus tamen sanctionis causas si investigare velimus, eas facile conjiciemus ex historia Cæsarii Arelatensis apud Surium die 27. Augusti, ubi scribitur Cæsarium quodam die, dum esset ad Altare, animadvertisse quosdam post lectum Evangelium ab Ecclesia egredi, quod Sancti Viri conciones audire detrectarent. Eos autem publice objurgavit Sanctus Antistes, imo etiam sæpissime lectis Evangeliiis ostia Ecclesiæ claudi iussit. Hinc idem Cæsarius in homilia 12. ita populum hortatus est: "Rogo vos,

Can. 64. de conf. dist. 1.

„ fratres charissimi, & paterna pietate „ commoneo, ut quoties aut die Domi- „ nico, aut aliis majoribus festivitibus „ Missæ fiunt, nullus de Ecclesia disce- „ dat, donec Divina Mysteria explean- „ tur“. Non est inutilis hæc observatio; exinde enim facile dignoscimus, quoniam fuerit Ecclesiæ Spiritus, ubi illa ab antiquissima ætate præcepit, ut integræ Missæ præsentibus adessent Fideles die Dominico; nomine enim integræ Missæ illa intelligebatur, quæ a Parocho, vel ab Episcopo celebraretur, & in qua divinæ prædicationes ad populi eruditionem haberentur, ut hodie lugere propemodum debeamus, quum conspiciamus vel leve remanere veteris hujus disciplinæ vestigium; vix enim plures dimidiam horæ partem sacris diebus in divina contemplatione versantur, & dummodo privata, ut ajunt, Missæ interfuerint, se integre suo muneri satisfacisse arbitrantur. Utinam omnes intenderent in illud quod inter ceteros veteres Patres S. Augustinus agebat in serm. 351. de tempore ibi: "Observemus ergo diem Dominicum fratres, & sanctificemus illum „ a vespera diei Sabbati usque ad vesperam Dominicæ diei sequestrati a rurali opere, & ab omni negotio soli „ divino cultui vacemus, &c.

Primis Ecclesiæ sæculis frequentissime Fideles ad sacrum Altare divinam Eucharistiam suscepturos accessisse nemo ignorat; sed frigescente dein charitate opus fuit ecclesiastico præcepto, quo ad tantum Sacramentum suscipiendum Fideles adigerentur. Sexto sæculo primum constitutum fuit, ut singulis annis ter singuli Eucharistiam suscipere tenerentur, quemadmodum habemus in canone 18. Concilii Agathensis, quem retulit Gratianus in can. 19. de consecr. dist. 2. ubi tamen priora verba ita legenda sunt ex vulgatis Concilii exemplaribus: *Saculares, qui natale Domini, Pascha, & Pentecosten non communicaverint &c.*

Can. 9. de conf. dist. 3. legitur in 12. Agathensis Concilii, cujus tamen sententiam Gratianus omnino turbavit, ut difficile admodum sit augurari ex Gratianæ editione, quid senserint Episcopi Agathenses. En verba Concilii. *Placuit etiam, ut omnes Ecclesiæ filii exceptis diebus Dominicis in Quadragesima, etiam die Sabbato, Sacerdotali Ordinatione, & distractionis communionem jejurent*. Gratianus ita perperam scribebat: *Sacerdotali oratione, & discretionis commu-*

Can. 9. de conf. dist. 2.

Can. 9. de conf. dist. 3.

nio.

nione jejunenſ. Gloſſographi nomine Sa-
cerdotalis orationis horam nonam, &
communione diſcretionis horas vesperti-
nas intellexerunt; quo vero apolline
hæc divinaverint, non ſatis exponunt.
ego nihil video in gloſſemate, quod
Gratiani verbis conſentaneum ſit; quid
enim magis commune habet *sacerdotalis*
oratio cum hora nona, quam cum ſexta,
tertia, & prima? Quid commune habet
communio diſcretionis cum horis vesperti-
nis? deinde cur definiendum erat, uſque
ad horam nonam jejunandum eſſe, ſi
uſque ad vespertas etiam protrahendum
jejunium fuerat? Reſtituto autem Gra-
tiani can. juxta fidem optimorum exem-
plarum, nihil eſt amplius, in quo hæ-
reamus ad can. ejusdem interpretatio-
nem. Monere non deſinam, quod in hoc
eodem canone decretum eſt, conſonum
eſſe illis, quæ populo tradebat Cæſarius
Arelatenſis hujus Agathenſis Concilii
Præſes; ipſe enim in homilia 2. ita in-
quit: *Rogo vos fratres chariſſimi, ut iſto*
legitimo, ac ſacraſſimo Quadrageſima
tempore exceptis Dominicis diebus nullus
prandere præſumat, niſi forte ille, quem
jejunare infirmitas non permittit; quia
aliis diebus jejunare aut remedium, aut
præmiũ eſt; in Quadrageſima non jeju-
nare peccatum eſt.

Can. 56. de conf. diſt. 4. habetur in
de conf. can. 13. Agathenſi, ubi pro verbo pra-
diſt. 4.

dicari, legitur *tradi*; eadem autem u-
triuſque vocis ſignificatio eſſe videtur.
Agitur eo in loco de Catechumenis in-
ter competentes relatis, videlicet inter
eos, qui proxime erant, ut baptiſmatis
Sacramentum ſuſciperent; cumque die
Paſchali hoc Sacramentum adminiſtrari
ſoleret, cautum eſt, ut ante octo dies
publice ſymbolum fidei Catechumenis
eiſdem explicaretur, ut divina myſteria
in ſymbolo tradita non ignorantes, pa-
ratioreſque ad illud Sacramentum ac-
cederent.

De can. 93. de conf. diſt. 4. nihil eſt, *Can. 93.*
quod peculiariter obſervemus. Conſonat *de conf.*
ille omnino cum can. 34. Concilii Aga- *diſt. 4.*
thenſis.

Demum in can. 30. Agathenſi habe-
tur can. 13. de conf. diſt. 5. his tamen *Can. 13.*
verbis ex iſtis Concilii exemplaribus de- *de conf.*
ſcribendus: "Et quia convenit ordinem *diſt. 5.*
,, Eccleſiæ ab omnibus æqualiter custo-
,, diri, ſtudendum eſt, ut ſicut ubique
,, ſit, & poſt antiphonas collectiones per
,, ordinem ab Episcopis, vel Presbyte-
,, ris dicantur, & hymni matutini,
,, vel vespertini diebus omnibus decan-
,, tentur; & in conſeſſione matutina-
,, rum, vel vespertinarum Miſſarum poſt
,, hymnos capitella de pſalmis dicantur,
,, & plebs collecta oratione ad vesperam
,, ab Episcopo cum benedictione di-
,, mittatur".

C A P U T XXIV.

De Concilio Tarraconenſi.

Concilii Tarraconenſis Canones hi referuntur apud Gratianum.

- Can. 14. diſt. 18. conſonat cum integris Concilii exemplaribus.
- Can. 8. diſt. 65. paullo emendandus ex integris Concilii exemplaribus.
- Can. 10. cau. 10. qu. 1. paullo emendandus ex integris Concilii exem-
plaribus.
- Can. 6. cau. 12. qu. 5. a Romanis Correctoribus jam emendatus.
- Can. 3. cau. 14. qu. 4. paulliſſer emendandus ex vulgatis Concilii exem-
plaribus.
- Can. 5. cau. 14. qu. 4. ex vulgatis Concilii exemplaribus emendandus.
- Can. 1. cau. 15. qu. 2. perperam a Gratiano explicatus.
- Can. 1. cau. 15. qu. 4. paullo varius in diverſis exemplaribus.
- Can. 35. cau. 16. qu. 1. ſupplendus ex integris Concilii exemplaribus.
- Can. 8. de conf. diſt. 5. pertinet ad Concilium Cabilonenſe II. ex quo
eſt emendandus.

ANNO 516. in Tarraconenſi Civita-
te, quæ nunc eſt Gatalaunijæ co-
mitatus Metropolitana, Concilium Pro-
vinciale decem Episcoporum celebratum
eſt

est Præfidente Johanne ejusdem urbis Episcopo. Summum Pontificatum tenebat tunc Hormisdas, regnante in Hispaniis Theodorico Ostrogothorum, & Italiæ Rege, qui primum quidem visus est Arianis favere, deinde vero postquam Hispaniarum regnum suscepit, maximum in Ecclesia veræ fidei, ac religionis specimen exhibuit. De eo ita scribit S. Isidorus Hispalensis in Chronico Gothorum: *Per hunc dignitas urbis Roma non parva est restituta; muros enim ejus ipse redintegravit, ob quam causam a Senatu inauguratum statum meruit.* Canones tresdecim, qui hoc in Concilio editi sunt, ad firmandam disciplinam Ecclesiasticam pertinent, & quidem singuli eximiam illorum Episcoporum prudentiam commendant. Ex his numero 6. depromptus est canon 14. dist. 18. & quidem eisdem omnino verbis a Gratiano relatus, quibus in integris Concilii hujus exemplaribus habetur, renovatque veterem illam disciplinam, quæ in tota Ecclesiastica antiquitate constituta fuerat, ac diutissime custodita.

Can. 14.
dist. 18.

Can. 8. Præterea antiquissimæ can. disciplinæ respondet, quod legitur in cap. 5. ejusdem Concilii de Episcopis ex conscientia Metropolitanani in unaquaque Civitate ordinandis. Illud refert Gratianus in can. 8. dist. 65. cujus priora verba ita describenda sunt ex integris Concilii exemplaribus: *Siqui in Metropolitana Civitate non fuerit Episcopus ordinatus, postea cum susceperit benedictionem per Metropolitanani literas honorem fuerit Episcopatus adeptus, id optimum esse decrevimus, ut &c.*

Can. 10.
cau. 10.
qu. 1.

Supplere juvat can. 10. cau. 10. q. 1. ex can. 7. Concilii Tarraconensis, ex quo ille depromptus est. "Multorum causa suum experientia magistrante reperi-mus, nonnullas Diocesanas esse Ecclesias destitutas; ob quam rem id hac constitutione decrevimus, ut antiquæ consuetudinis ordo servetur, & annuis vicibus ab Episcopo Diocesano visitentur; & si qua forte basilica reperta fuerit destituta, ordinatione ipsius reparetur, quia tertia ex omnibus per antiquam traditionem, ut accipiat ab Episcopis, novimus esse statutum". Clara, & perspicua hæc sunt, nisi forte quispiam quæreret, undenam profecta fuerit antiqua illa traditio, juxta quam Episcopi tertiam Ecclesiasticorum proventuum partem sibi vindicarent. Forte enim negotium ali-

quibus facessere poterit, quod ait Gelasius Papa in Epist. ad Episcopos per Lucaniam, & Brutium, scribens quartam tantummodo partem Episcopis esse concedendam. Verum distinguenda est in hac parte disciplina Ecclesiæ Romanæ a disciplina Hispaniarum. Licet enim in Romana Ecclesiâ quarta tantummodo portio Ecclesiasticorum reddituum Episcopo cederet, in Hispaniis tamen tantummodo tertia concedebatur ex vetustissima illius Regni consuetudine, quemadmodum deducitur ex Concilio Toletano IV. cap. 33. Toletano IX. cap. 6. Bracarensi II. cap. 2. De hac disciplinarum varietate testantur Agrippinensis Concilii Patres in can. 6. his verbis: „Item quod decima, quæ a fidelibus datur, Dei census nuncupandus est, & Deo integre reddenda, cujus tertia pars secundum canonem Toletanum Episcoporum esse debet. Nos vero hac potestate uti nolumus, sed tantum singulis annis quartam partem, juxta usum Romanorum Pontificum, & observantiam Sanctæ Romanæ Ecclesiæ de eadem habere volumus". Utilis est hujusmodi observatio ad commodam Tarraconensis can. interpretationem, ut magis adpareat unus, idemque Ecclesiæ spiritus, in diversis licet Provinciis, in ipsa etiam disciplinarum varietate. Etenim ex eo, quod Episcopis visitatoribus Ecclesiarum tertia pars oblationum Ecclesiasticarum concederetur, voluerunt Tarraconenses Patres curam, ac reparationem templorum destitutorum ad eundem Episcopum visitatorem pertinere. Sane ubi Romana vigebat disciplina, frustra hoc onus Episcopis eisdem fuisset impositum; etenim oblationibus Ecclesiasticis distributis in quatuor partes, una ex illis concedebatur Episcopis, altera Clericis, tertia reparationi Ecclesiarum, quarta in necessitates pauperum erogabatur; proptereaque impendebatur in reparatione Ecclesiarum pars illa, quæ ad id seorsim seposita fuerat, nihil ex Episcopali portione detrahebatur. At vero in Hispaniis, ubi tres tantummodo portiones ex sacris redditibus constitutæ fuerant, quarum prior Episcopo, altera Clericis, postrema peregrinis, ac pauperibus cederet, portio illa, quæ reparandis Ecclesiis necessaria erat, videbatur simul cum portione Episcopi consolidata, cujus propterea Episcopi sollicitudini reparationem Ecclesiarum committendam esse

Kk

esse Tarraconenses. Patres æquo, saluberrimoque consilio judicaverunt.

Can. 6. cau. 12. qu. 5. legitur in canone 12. Tarraconensi, quem Romani Corredores jure restituerunt in illis verbis: *post defunctionem ejus*, pro quibus alii Codices habent, *post depositionem ejus*, scilicet post sepulturam, atque postrema hæc lectio videtur antiquiori disciplinæ maxime congruere; sæpissime enim constitutum apud veteres scimus, de rebus ab Episcopo defuncto relictis nihil esse attingendum, nisi primum Episcopi vita functi exequiæ celebratæ fuerint, & iusta religionis officiis perfoluta.

In vulgatis Concilii Tarraconensis exemplaribus can. 2. ex quo depromptus est can. 3. cau. 14. q. 4. his verbis exprimitur: *Sicut canonum statutus firmatum est, quicumque in Clero esse voluerit, emendi vilius, vel vendendi carius studio non nitatur: certe si voluerit hac exercere, cohibeatur a Clero*. Gratiani editio vix ab hac can. editione discrepat. Indicant autem hæc Tarraconenses Patres voluisse Clericorum animos a sæcularibus negotiis arcere, quod & pressius prosequuti sunt in can. 3. quem Gratianus retulit in can. 5. cau. 14. qu. 4. ubi cautum legimus, ut, si Clerici pecuniam mutuum dederint ideo, ut statuto tempore vinum, vel frumentum decreto publico pretio redderetur, contenti sint, pecuniam, quam dederunt, sine augmento recipere, quoties mutuarius speciem, quam promiserit, non habuerit. Vulgata editio Tarraconensis canonis hanc interpretationem suadet, cum ita in ea legatur: *Siquis vero Clericus solidum in necessitate præstiterit, ut (Gratianus hanc particulam ut omisit) hoc de vino, vel frumento accipiat &c.*

Can. 1. cau. 15. qu. 2. omnino consonat cum can. 10. Tarraconensi. Nomine autem patrociniatorum, quæ a Clericis ibidem impensa dicuntur, illa ego facile intellexerim, quæ Clerici apud Magistratus impendebant favore reorum ad Ecclesias confugientium; hic enim erat mos illius ætatis, ut si quis publicum aliquod flagitium admisisset, ad Ecclesias confugeret. ut Clericorum intercessione pœnas publicis legibus constitutas evaderet, quemadmodum pluribus in locis S. Augustinus tradit, & habetur in can. 3. Concilii Arelatensis II. anni 452. Hæc interpretatio consona est ipsismet Tarraconensis can. verbis, quibus dici-

tur Clericum non posse aliquid impensi patrocini causa suscipere, nisi fuerit in Ecclesia collatione devotionis platum; quæ exceptio significat aliquando Clericis offerri munera consuevisse publice in Ecclesia ob impensa patrociniis; ac propterea de illis patrociniis commodius intelliguntur, quæ nomine Ecclesiæ præstantur, uti superius diximus. Atque ad hæc si respexisset Gratianus, non laboraret adeo in interpretatione ejusdem Tarraconensis can. etenim ipse proposita sibi quæstione, utrum Clericus possit munera accipere a clientibus, quorum causas in iudiciis defendendas susceperat, adfert hunc can. Tarraconensem, ex quo putavit deduci posse, nihil a Clerico posse percipi. Cum vero agnosceret contra servari, ignarus, quomodo consuetudinem cum can. conciliaret, ita conclusit: *Hæc autem de illis intelligendum est, qui canonicam vitam professi, regulariter se victuros proposuerunt. Generali namque Ecclesia consuetudine receptum est, & moribus adprobatur, ut Clerici more advocatorum patrociniis impendant, & pro impendendis munera exigant, & pro impensis suscipiant*. Nemo non videt, quantum a proposito distet Gratianus; siquidem ne verbum quidem adparet in eo Tarraconensi can. ex quo deducatur eum ad Regulares Clericos pertinere. Melius forte meo iudicio interpretatus fuisset Gratianus, & verius, si aut de Clericis Reorum, uti diximus, intercessoribus intellexisset, vel etiam de Clericis, quos Laici tanquam arbitros adiverint litium, & jurgiorum evitandorum causa, quemadmodum etiam in more positum apud veteres fuerat; ac forte hæc interpretatio videretur congruere verbis illis can. *more sæcularium iudicum*; exinde enim deduci posset Clericos iudicibus sæcularibus comparatos alios esse non posse, nisi qui arbitrium receperant juxta can. 1. cau. 15. qu. 4. qui etiam est ejusdem Concilii Tarraconensis.

Porro hic can. 1. cau. 15. qu. 4. legitur in can. 4. Tarraconensi, in quo nonnullorum exemplarium varietas est observanda; etenim ubi Gratianus habet, *audeant ventilare*, legunt alii: *audeant judicare*, alii legunt: *audeant vendicare*. Item in postremis verbis, quæ apud Gratianum leguntur: *excepto criminali*, alii ita exprimunt: *exceptis criminalibus negotiis*. Publica sane ratio, quæ præcipiebat, criminalia iudicia transactione pos-

Can. 1.
cau. 15.
qu. 4.

posse finire, exigebat etiam, ut Clerici omnes a criminalibus judiciis, siue arbitris abstinerent, & tantummodo componendis sine fori strepitu litigantium animis vacarent.

Can. 35. Canon 11. Concilii Tarraconensis eisdem omnino verbis refertur apud Gratianum in can. 35. cau. 16. qu. 1. ubi tamen in fine omissa sunt hæc verba:

Abbati sibi nihilominus imperante Canonum ante omnia Gallianorum de eis constitutione servata. Canones isti Gallicani nulli alii sunt, quam can. 38. Concilii Agathensis anni 506. quem canonem 38. descripsit Gratianus in can. 3. cau. 20. qu. 4. & suo jam loco expendimus.

Can. 8. Fallo Concilio Tarraconensi tributus est canon 8. dist. 5. de consecr. Decepit fuit Gratianus ab Ivone, Ivo autem a Burchardo, qui plurium canonum inscriptiones minus fideliter adjecit. Jam persæpe animadverti, Burchardum, ubi ageretur de fragmentis Capitularium Francorum, hæc quidem retulisse, sed alio expresse auctoris nomine, scilicet fragmenta eadem vetusto alicui Concilio, vel Pontifici adscribendo. Itaque dum relaturus esset canonem 8. de consecr. dist. 5. illum Concilio Tarraconensi adtribuit, qui potius laudandus erat ex Francorum Capitularibus, quemadmodum legitur in Capitularibus adjectis apud Baluzium. additione 3. cap. 52. his verbis:

Dicitur nobis est, quod quidam de plebe bis, aut ter ab Episcopis, ignorantibus tamen eisdem Episcopis confirmantur. Unde nobis visum est, eandem confirmationem, sicut nec baptismum iterari minime debere, quia qui bis, vel amplius baptizantur, aut confirmantur, non solum, sed soli Domino sub habitu Regulari, vel Clericali religiosissime famulari decretum est. Itaque res perspicua est, memoratum Gratiani fragmentum ad hæc Capitularia pertinere: Verum neque hic ego consistendum arbitror; etenim

video hanc sententiam relatum fuisse in Capitularia Francorum ex Concilio Cabilonensi H. anni 813. ubi can. 27. hæc leguntur: *Dicitur nobis est, quod quidam de plebe bis, & ter ab Episcopis, ignorantibus eisdem Episcopis, confirmantur. Unde nobis visum est, eandem confirmationem, sicut nec baptismum, iterari minime debere.* Hic absolvitur Cabilonensis can. etiam in Concilio Cabilonensi ea desiderantur, quæ apud Gratianum, & in dicto Capitulari leguntur, videlicet bis baptizatos, aut confirmatos soli Domino sub habitu Regulari, vel Clericali famulari debere. Quam quidem clausulam ego arbitror ab imperito quodam vel ad marginem, vel ad calcem ejusdem Capitularis adjectam fuisse duplici de causa. In primis enim nullibi in veteribus can. legitur, Clericalem habitum ob poenitentiam criminum fuisse alicui impositum; licet enim plures gravium criminum Rei poenitentiae causa detruderentur in monasteria, nullibi tamen cautum est, ut Ecclesiasticis officiis præficerentur, quod honorabile semper fuit, & honestissimos quoque, ac sanctissimos decebat. Altera ratio est, quod sciamus e converso ab Ecclesiasticis officiis illos remotos fuisse, atque habitos tanquam irregulares, qui pluries Sacramentum baptismatis suscepissent. Qui itaque fieri potest, ut sacri Antistes Tarraconenses baptismum iterato suscipientibus non tantum non prohibeant ad sacros ordines promoveri, verum etiam jubeant, lata lege, ut Clericali militæ adscribantur? Itaque emendandum arbitror Gratianum canonem non solum in eo, quod pro Tarraconensi Concilio Concilium Cabilonense secundum intelligamus, verum etiam in eo, quod posteriora can. verba a Versiculo, quæ bis usque in finem, tanquam additamentum imperiti scriptoris, sine rejicienda.

C A P U T XXV.

De Concilio Epaonensi.

Epaonensi Concilio adscripti Gratianus sequentes canones.

- { *Can. 40. cau. 11. qu. 3. consonat cum vulgaris Concilii exemplaribus.*
Can. 11. cau. 26. qu. 6. potius pertinet ad Romanum penitentiale Halitgarii.
Can. 31. de conf. dist. 1. paullo varius in diversis exemplaribus.

Postquam Burgundiæ Regnum sub Sigismundo Gundebadi filio ab Ariatorum perfidia ad Catholicam unitatem, & fidem reuersum est, ipso Principe exemplo optimo omnibus existente, Hormisdas Pontifex Maximus urgere cœpit illarum Provinciarum Episcopos, ut statuta a sacris canonibus sacra Concilia quotannis ad reformationem disciplinæ Ecclesiasticæ celebrarent. Hinc Avitus Viennensis Episcopus, & Burgundiæ, ut arbitror, Primas, eodem Sigismundo, quem ipse ad Catholicam unitatem converterat, potissimum consentiente, Synodum convocavit in Parochia Epaonensi anno 517. in quam Episcopi quinque supra viginti convenerunt, quibus idem Avitus præfuit, assidente Vivenziolo Episcopo Lugdunensi. Ubinam sit fuerit Epaonensis Parochia, investigant viri Geographiæ Ecclesiasticæ eruditi; omnes tamen maxima adhuc in dubitatione versantur. Mihi sufficiet, quod certum est, exposuisse, videlicet Epaonensem Parochiam constitutam fuisse in medio Burgundionum regno, atque eo in loco, quo facile omnes Burgundionum Episcopi convenire potuissent; id enim & Avitus idem Episcopus testatur in sua tractoria, quam ad universos Provinciarum suarum Episcopos misit, eosdem ad Synodum celebrandam invitans. Quadraginta in hoc Concilio can. editi sunt, & quidem sunt omnes magnæ apud viros Ecclesiasticos auctoritatis; Si quidem & passim apud Collectores etiam veteres laudantur, & nonnulli ex ipsis ad calcem Concilii Agathensis adjecti fuerunt, quemadmodum jam superius diximus, ac propterea verosimile est, eosdem non tantum in Burgundionum Provinciis vim obtinuisse, verum etiam ad alias Provincias fuisse traductos. Gratianus, licet plures ex hisce canonibus secularia sub nomine Concilii Agathen-

sis, quemadmodum vidimus suo loco, tamen tria solummodo fragmenta descripsit sub nomine Concilii Epaonensis.

Primus est can. 40. cau. 11. qu. 3. *Can. 40. cau. 11. qu. 3.* ejus verba omnino consonant cum can. c. 11. 43. none 28. ejusdem Concilii Epaonensis.

Alter est can. 11. cau. 26. qu. 6. qui tamen falso adscriptus est huic Epaonensi Concilio. Gratiano in hac parte ignoscendum videtur, quem falsa Ivonis inscriptio fefellit; etenim Ivo idem fragmentum in cap. 114. parte 14. recitavit ex cap. 11. Epaonensis Concilii; Ivo autem ex anterioribus Collectionibus erravit. Sufficiat mihi hujus ejusdem can. originem indicare. Integrum ego fragmentum reperio in penitentiali Romano, quem antiquissimum Halitgarus edidit, & ad calcem sui operis de Sacramento penitentiae Morinus vulgavit, itaque ibi in cap. 10. hæc leguntur: *Si autem aliquis excommunicatus fuerit mortuus, qui jam sit confessus, & non occurrat, sed occupavit eum mors, sive in via, sive in domo, si est aliquis ex penitentibus ejus, pro eo aliquid offerat ad sanctum altare, aut ad redemptionem peccatorum, aut ad commemorationem animæ ejus.* Hæc porro nemo non videt eadem esse cum Gratiano can. ac si aliquot verba ab editione Gratiani discrepare quoquo modo videntur, optima erit occasio sacrorum can. studiosis eundem Gratiani can. emendandi, ut ejus editio accuratior sit, & ad optimorum exemplarium fidem exacta. Ne vero omnino temere egisse Collectores illos asseramus, qui hoc fragmentum Epaonensi Concilio adscripserunt, dixerim id forte ex eo potuisse contingere, quod ad marginem ejusdem penitentialis, nomen adpositum fuerit Concilii Epaonensis, non quidem ut significaretur, can. illum ad Concilium Epaonense pertinere, sed potius ut indicaretur nonnulla fere similia le-

Can. 11. cau. 26. qu. 6.

gi in eodem Epaonenſi Concilio, videlicet can. 36. ubi quædam ſtatuuntur de illis, qui morte præoccupati Eccleſiæ ſatisfacere nequiverunt, ut cum illis humani ageretur. Ex quo factum forte fuit ex oſcitantia quorundam Collectorum, ut nomen marginale in textum ipſum irrepperit, arbitratique fuerint Amanuenſes, eundem can. jure Epaonenſi Concilio eſſe adſcribendum.

Can. 31. de conf. diſt. 1. Can. 31. de conf. diſt. 1. apud Ivo-
diſt. 1. nem, quemadmodum & in veruſtis Gra-
tiani exemplaribus, laudatur nomine Concilii Hipponenſis. Melius tamen Ro-
mani Correſtores ſuppoluerunt nomen

Concilii Epaonenſis, in quo idem frag-
mentum legitur in can. 26. & 27. Ea
verba can. 26. Epaonenſis. *Altaria, niſi
lapidea, chrismatis unſione* (legunt alii:
infuſione, & Sirmondus notat in aliqui-
bus MSS. Codicibus legi *unguine*) non
ſacrentur. Deinde in can. 27. *Ad cele-
branda divina officia ordinem, quem Ma-
tropolitani tenent, Provinciales etiam ob-
ſervare debebunt*. Notat & hic Sirmon-
dus in quibuſdam MSS. hæc legi: *Com-
provinciales obſervare debebunt*: Quæ ta-
men vocularum mutationes leviffimi mo-
menti ſunt, nec facile can. ejuſdem mu-
tare ſententiam videntur.

C A P U T XXVI.

De Concilio Gerundenſi.

Concilii Gerundenſis nomine hi canones inſcribuntur apud Gratianum.

Can. 57. diſt. 50. paullo varius in diverſis exemplaribus.

Can. 31. de conf. diſt. 2. ex optimis Concilii Codicibus emendandus.

Can. 15. de conf. diſt. 4. a Romanis Correſtoribus reſtitutus.

*Can. 14. de conf. diſt. 5. fere conſonat cum vulgatis Concilii exem-
plaribus.*

Regnante Teodoro Rege apud Hiſ-
panos ſub conſulatu Agapeti, qui
juxta eruditorum computationem inci-
dit in annum 517. celebrata eſt Gerun-
denſis Synodus, ita dicta a Gerundo no-
bili oppido Hiſpaniæ Citerioris in Cata-
launia, & quidam Provinciæ Tarraco-
nenſis; quamobrem hoc idem Concilium
convocavit, & in eodem præfuit Johan-
nes Episcopus Tarraconenſis: interſue-
runt Episcopi inferiores numero ſex,
quemadmodum ex ipſorum ſubſcriptioni-
bus conſtat. Quæ autem in hoc Synodo
ſtatuta ſunt, pertinent ad diſciplinam
Eccleſiaſticam dirigendam, ex quibus
Gratianus quatuor ſequentes can. excep-
pit, ut omittam can. 8. diſt. 34. de quo
commodius agam inferius, ubi de Con-
ciliis Aurelianenſibus.

Can. 57. diſt. 50. Can. 57. diſt. 50. idem omnino eſt cum
diſt. 50. can. 9. hujus Concilii Gerundenſis, ubi
tamen pro ea particula initiali *ſ*, in-
verſo ordine litterarum legitur *h*; item
in verbo *deponamus* notat Harduinus,
in aliquibus exemplaribus legi: *dicimus*.
Gratianus hoc can. offendere vult, eos,
qui pœnitentiæ publicæ addicti aliquan-
do fuerunt, poſſe deinceps ad Clerum
promoveri, in qua ſane re Gratianus

idem in tota diſt. 50. diſerte diſputat,
& variis diſtinctionibus quæſtionem uni-
verſam potius involvit, atque confun-
dit, quam explicet, atque perficiat.
Eruditiffimorum virorum probata ſen-
tentia eſt, in quam me jamdudum libentiſ-
ſime iſſe profiteor, poſt publicam pœ-
nitentiam nemini ordinario jure licuiſ-
ſe ad Clericum admitti. Sed forte ita
aſſerentibus videtur primo adſpectu ne-
gotium faceſſere hic Gerundenſis canon,
quo ille in Clericum recipitur, qui
publica pœnitentia ſe propria delicta
expiaturum promiſerat. Subobſcura ſunt
Concilii verba, quæ ſane ſi recte expli-
centur, nihil amplius ingerent diſſi-
latis. Species eſt de eo, qui infirmita-
te mortifera preſſus ſibi viſus eſt gra-
viſſimis criminibus detrineri, quæ tamen
leviora erant, id operante metu mor-
tis, qui animum amitturi perturbare
maxime ſolet; quamobrem ille pollici-
tus eſt, ſe, ſi ſuperſuſciſſet, maculam
omnem publica pœnitentiâ expurgatu-
rum, licet ea delicta ejusmodi revera
eſſent, quibus ex ſacrorum can. diſci-
plina non indicta fuiſſet publica pœni-
tentia. In priſtinam valetudinem reſti-
tutus, animi perturbationem omnem
excu-

recussit, & admissa peccata agnoscens ab Ecclesia poenitentia publica non mul-
tari, a proposito, & pollicitatione re-
cessit, proptereaque detrectavit se inter
publicos poenitentes adscribi. Quæsitum
postea fuit, num huiusmodi vir ad Cle-
ricatum promoveri posset? Gerundenses
autem Patros admittendum pronuncia-
runt ea conditione adjecta, si prohibitis
vitiis non detinetur obnoxius, idest si re-
vera talia delicta admissa non fuissent,
ob quæ publicæ ipse poenitentiae fuisset
addicendus.

Can. 31.
de cons.
dist. 2.

In can. 1. ejusdem Gerundensis Con-
cilii legitur can. 31. de cons. dist. 2. cu-
jus tamen verba ex optimis ejusdem Syn-
odi exemplaribus ita sunt emendanda:
*De institutione Missarum, ut quomodo in
Metropolitana Ecclesia fuerit; ita in Dei
nomine in omni Tarracomenfi Provincia
tam ipsius Missa ordo, quam psallendi,
vel ministrandi consuetudo fervetur.* Gra-
tianus legit: in omnibus Provinciis, que-
madmodum & in quibusdam MSS. Co-
dicibus etiam legi, monet Harduinus.
Sed, ut arbitror, parum apte; etenim
his verbis sup. ositis oportere nomine
Metropolitane Ecclesie intelligere non
unius tantum, sed & plurium Provin-
ciarum Principem Civitatem. Rectius
autem Tarracomenfis Provincia in exem-

plaribus Concilii memoratur, in qua
constituti erant Gerundensis Concilii
Antistites.

Canonem 15. de cons. dist. 4. Roma-
ni Correctores hodie ad optimorum Co-
dicum fidem exactum restituerunt, que-
madmodum legitur in cap. 4. ejusdem
Concilii Gerundensis; erat enim in ve-
teribus Gratiani exemplaribus valde per-
stricta hujus canonis sententia. Unum
hic adnotabo, in aliquibus Codicibus post
illa verba: *in Pascha solemnitate ita le-
git: vel Natalis Domini, vel Pentecostes
&c.* Non tamen arbitror, hoc addita-
mentum de die Natali Domini veteri
Ecclesiasticæ disciplinæ congruere, jux-
ta quam scimus tantummodo baptisma
solemniter consuevisse conferri die Pa-
schatis, & die Pentecostes, cujus rei
adhuc in præsens quædam supersunt ve-
stigia in ritibus Ecclesiasticis eorundem
sacrorum temporum.

Canon 14. de cons. dist. 5. his verbis
legitur in Concilio Gerundensi can. ul-
timo: *ita nobis placuit, ut omnibus die-
bus post matutinas, & vespertinas* (le-
git Harduinus ex MSS. Codicibus: *post
Matutinos, & Vesperos*) *oratio Dominica
a Sacerdote proferatur.* Quem ritum etiam
hodie in recitandis, psallendique divi-
nis laudibus Clerici omnes observamus.

Can. 15.
de cons.
dist. 4.

Can. 14.
de cons.
dist. 5.

C A P U T XXVII.

De Concilio Herdensi.

Capita Concilii Herdensis nomine a Gratiano collecta hæc sunt:

- Can. 36. dist. 50. paullo varius in aliis exemplaribus Concilii.
- Can. 52. dist. 50. ex: melioribus Codicibus antiquissimis emendandus.
- Can. 10. dist. 55. pertinet potius ad Concilium Triburiense anni 895.
- Can. 13. cau. 2. qu. 5. pertinet potius ad Capitularia Francorum.
- Can. 1. cau. 10. qu. 1. jungendus cum can. 34. cau. 16. qu. 1.
- Can. 39. cau. 11. qu. 3. consonat cum vulgatis Concilii exemplaribus.
- Can. 38. cau. 12. qu. 2. ex integris Concilii exemplaribus emendandus.
- Can. 2. cau. 15. qu. 8. idem est cum can. 52. dist. 50.
- Can. 34. cau. 16. qu. 1. jungendus cum can. 1. cau. 10. qu. 1.
- Can. 19. cau. 17. qu. 4. consonat omnino cum canonibus 8. & 11. Her-
densibus.
- Can. 11. cau. 22. qu. 4. paullo varius in diversis exemplaribus.
- Can. 10. cau. 33. qu. 4. pertinet potius ad Capitularia Francorum.
- Can. 9. cau. 35. qu. 2. fere consonat cum vulgatis Concilii exemplaribus.
- Can. 106. de cons. dist. 4. est potius Hincmari Rhemensis.

In eadem Tarracomenfi Provincia, in
qua nuper habitum diximus Gerun-

dense, celebratum etiam fuit Herdense
Concilium, ita nuncupatum ab Herdensi
Cib.

Civitate, vulgo *Lerida*, quod alii referunt ad annum 324. alii vero ad annum 346. temporibus Theodorici Regis, & Johannis I. Pontificis Maximi. Est & istud Concillium Provinciale convenientibus Episcopis octo sub Sergio Metropolitano, qui canonibus editis sexdecim plurimum ad reformationem disciplinæ Ecclesiasticæ contulerunt.

Can. 36. dist. 50. Ex his numero primus est canon 36. dist. 50. pertinens ad eos Clericos, quos hostilis obsidio diutius presserat; erat enim frequens tunc apud Hispanos obsidianis occasio propter frequentissimas Vandalorum incursiones. In aliquibus verbis Gratiani editio emendanda ex antiquioribus Codicibus est; nam ubi Gratianus habet: *Et Christi Corpus, & Sanguinem tradunt quam communione Corporis Domini priventur*, legunt alii hoc modo: *& Christi Sanguinem tradunt quam communione priventur*.

Can. 52. dist. 50. & c. 2. cau. 15. qu. 8. In can. 5. Ilerdensi habetur Gratianus can. 52. dist. 50. quem etiam Rhabanus descripsit in Epist. ad Heribaldum cap. 10. prope finem, & quidem nomine Concilii Ilerdensis cap. 5. Rhabani ejusdem verba hoc loco describam, tamquam antiquitus jam ex Ilerdensi Concilio relata. *De his, qui altario deserviunt* (hoc sane nomine non Sacerdotes, sed inferiores Clerici intelliguntur; nam de Sacerdotibus aliam arbitror disciplinam obtinuisse, ut scilicet perpetuo a suo gradu deponerentur) *si subito flenda* (vulgati Concilii Codices habent: *Hi, qui altario Dei deserviunt, si subito in flenda &c.*) *carnis fragilitate corruperint, & Domino respiciente digne poenituerint, ita ut mortificato corpore, cordis contriti sacrificium Deo offerant, maneat in potestate Episcopi, vel veraciter afflictos non diu suspendere, vel desidiosos prolixiori tempore ab Ecclesia corpore segregare, ita tamen ut, si officiorum suorum loca retineant, non possint* (multo aliter habent vulgati Concilii Codices ibi: *ita tamen, ut sic officiorum suorum loca recipiant, ne possint*) *ad altiora officia ulterius promoveri. Quod si iterato, velut canes ad vomitum, reversi fuerint, non solum dignitate officii careant, sed etiam sanctam Communionem non nisi in extirpericiant.* Hæc eadem retulit Gratianus in can. 2. cau. 15. qu. 8.

Can. 10. dist. 55. Ex cap. 20. Concilii Ilerdensis laudatur apud Ivonem parte 6. cap. 34. fragmentum illud, quod Gratianus descripsit in can. 10. dist. 55., falso tamen,

vel quod nihil tale in Concilio Ilerdensi legatur, vel quod nonnisi sexdecim canones in eadem Synodo edicti exhibeantur, ac propterea frustra commemoratur canon vigesimus Ilerdensis. Quamobrem facile est suspicari, hoc fragmentum adjectum fuisse alicui Codici, in quo haberetur Ilerdense Concilium ad commodum alicujus studiosi, pertinuisse tamen ad alia Concilia, quorum integræ acta in eodem Codice minime haberentur. Porro idem canon potius videtur pertinere ad can. 1. Concilii Nicæni I. aut ad can. 33. Concilii Triburiensis anni 895., in quo ita legitur: „ In Nicæa „ no sancto, & universali Concilio statutum est cap. 1., ut si quis a medicis „ per languorem defectus est, aut a barbaris abscisus, hic in Clero permaneat. Et infra: Hanc auctoritatem „ sanctorum Patrum confitemur, & confirmemur, & confirmamus, sequimur, „ que, ita ut si quis a medicis per languorem defectus est, vel per aliquam „ infirmitatem claudus effectus est, & inveniatur alias dignus, permanet Clericus, & sacro ordini aptus. “

Can. 13. cau. 2. qu. 5. Omnibus liquet, Concilio Ilerdensi nullo modo adscribi posse can. 13. cau. 2. qu. 5., dummodo integer describatur, qualis ad Burchardum, & Ivonem habetur. Itaque Ivo in parte 6. decreti cap. 229. ita exhibet: „ Ex Concilio „ Ilerdensi. Siquis Presbyter a plebe sibi commissa mala opinione informatus „ fuerit, & Episcopus legitimis testibus „ approbare non potuerit, suspendatur „ Presbyter usque ad dignam satisfactionem, ne populus fidelium in eo scandalum patiat. Digna enim satisfactio est, si eis, a quibus reus creditur post factam securitatem de improposito crimine innocens esse manifestetur. Quod ita a nobis, & a majoribus constitutum esse docetur. Sed si ve secundum canones, si ve ad arbitrium Episcopi sibi collegas septem „ conjungat, & juret in sacro coram „ posito Evangelio, quod eam sanctam „ Trinitas, & Christus Filius Dei, qui „ illum fecit, & docuit, quod Evangelium continet, & sancti quatuor Evangelistæ, qui illud scripserunt, sic adjuvent, quod ille prænominatam actionem ita non perpetrarit, sicut ei de „ illo oblatum est, & in hac satisfactio- „ ne purgatus secure deinceps suum „ exerceat ministerium. Quam satisfactio- „ nem nonnulli præcedentium Patrum „ trum

trum sanctum Papam Leonem in Basilica sancti Petri Apostoli coram Reverendissimo Cæsare Carolo, ac Cle-
ro, & plebe ita fecisse commemorant, atque ita mox venerandum Principem contra ejusdem sancti Papæ adversarios dignæ ultionis vindictam exercuisse. Hinc sane depromptum est Gratiani fragmentum, ex quo liquet Gratianum nonnulla immutasse, aut omisisse, ut propterea emendatione indigeret videatur; liquet præterea perperam Ivonem, & Burchardum eidem canoni inscripserunt nomen Concilii Ilerdensis, cum in eo mentio fiat Caroli Imperatoris, & Leonis Papæ Concilio Ilerdensi anni 524. longe recentiorum, alias autem melius adscriptum fuisset alicui nomini sæculi Auctori. Clara est, & perspicua hujusmodi demonstratio. At si ulterius investigemus, unde nam Ivo, aut Burchardus hoc idem fragmentum exceperint, ego statim suspicabor de consuetudine Burchardi ratione, qui proposuerat describere quidem capita, quæ habebantur in Capitularibus Francorum, sed eodem tempore a laudando Capitularium eorundem nomine abstinere, quemadmodum alias jam sæpissime observandum fuit. Porro in Capitularibus Francorum lib. 5. cap. 36. legitur eadem sententia, licet verbis paullisper immutatis, quæ etiam apud Gratianum legitur in can. 19. cau. 2. qu. 5., de quo agemus suo loco. Sed præterea similia quædam habentur apud Isaacum Episcopum Lingonensem in suis canonibus selectis, quos ex Capitularibus Regum Francorum ipse edidit, etenim tit. 11. cap. 3. ita habet: „Sacerdos si suspiciosus, aut incredibilis suo Episcopo, aut reliquis suis Confacerdotibus, sive bonis, & iustis de suo populo, vel de sua plebe hominibus fuerit, ne in crimine, aut in prædicta suspicione remaneat, cum tribus, aut quinque, vel septem bonis, ac vicinis Confacerdotibus exemplo Leonis Papæ, qui duodecim Episcopos in sua purgatione habuit, vel eo amplius, si suo Episcopo visum fuerit, aut necesse propter tumultum populi inesse perspexerit, & cum aliis bonis, & iustis hominibus se Sacramento coram populo super quatuor Evangelia purgatum Ecclesiæ reddat. Siquis autem scire desiderat, quales testes ad accusationem Sacerdotum recipi debeant, & quid de accusatore faciendum sit,

pleniter in canonibus reperire poterit. Hæc igitur Francorum Capitularium fragmenta illa eadem sunt, quæ Burchardus more suo immutatis nonnullis vocibus nomine Concilii Ilerdensis in suum Codicem retulit, & ex Burchardo Ivo, & Gratianus.

Jungenda simul sunt duo Gratiani fragmenta, videlicet can. 34. cau. 16. qu. 1., & can. 1. cau. 10. qu. 1., utrumque enim pertinet ad eundem can. 3. Ilerdensis. Concilii Ilerdensis verba ipsa describam, qualia habentur in integris exemplaribus. *De Monachis vero id observari placuit, quod Synodus Agathensis, & Aurelianensis noscitur decrevisse.* (Respexerunt hic Ilerdenses Patres ad can. 27. Concilii Agathensis, seu can. 12. cau. 18. qu. 2., can. 33. cau. 16. qu. 1., & can. 3. cau. 20. qu. 4.) *Hoc tantummodo adjiciendum, ut pro Ecclesia utilitate, quos Episcopus probaverit, in Clericatus officio cum Abbatibus voluntate debeant ordinari.* Ea vero, qua in jure Monasterii de facultatibus offeruntur, in nullo Diocesana lege ab Episcopis contingantur. Hæc exhibent can. 34. cau. 16. qu. 1. Sequitur can. 1. cau. 10. qu. 1. in eodem canone Ilerdensi his verbis: *Si autem ex Laicis quisquam a se factam Basilicam consecrari desiderat, nequaquam sub Monasterii specie; ubi congregatio non colligitur, vel regula ab Episcopo non constituitur, eam a Diocesana Lege audeat segregare.*

De can. 39. cau. 11. qu. 3. nihil est, quod specialiter differamus. Legitur ille eisdem omnino verbis in can. 10. ejusdem Concilii Ilerdensis.

Can. 38. cau. 12. qu. 2. legitur in can. 16. Ilerdensi, ubi postquam Episcopi enarravissent, ac conquesti fuissent morientium Episcoporum bona ab invadentibus diripi solere in gravissimum detrimentum Ecclesiarum, ita subdiderunt: *Ideo nunc hac hujus placiti, vel constitutioni inter nos censura placuit custodiri, ut defuncto Antistite, vel etiam adhuc in supremis agente, nullus Clericorum, cujuslibet ordinis, officii, gradusve sit, quidquam de domo auferre præsumat, vel de utilitate, qua instrumenti domus esse noscitur, idest mobili, & immobili rei Ecclesiasticæ conetur invadere; nihil furto, nihil vi, nihil dolo supprimens, auferens, atque abscondens; sed is, cui domus commissa est, subjunctis sibi cum consilio Cleri uno, vel duobus fidelissimis, omnia usque ad tempus Pontificis sub-*

can. 1.
can. 10.
qu. 1.
can. 34.
can. 16.
qu. 1.

can. 39.
can. 11.
qu. 3.

can. 38.
can. 16.
qu. 2.

tenendi debent conservare, vel his, qui in domo inveniuntur, Clericis consuetam alimoniam administrare. Substitutus autem Antistes suscepta ea, prout decessor suus ordinavit, velut huic Deus imperavit, (legunt alii: suscepta sedis commoda ordinabit), velut Deus imperavit) uti eam is debeat, quos cognoverit disciplina, & charitati decessoris sui fideliter paruisse. Quod si quisquam post hac cuiuslibet ordinis, ut superius dictum est, Clericus quacunque occasione de domo Ecclesie, vel de omni facultate quidpiam probatus fuerit abstulisse, vel forsitan dolo aliquo suppressisse, reus sacrilegii, prolixiori Anathemate condemnatur, & vix quoque peregrina ei communio concedatur: Quia durum est, ut hi, quos constat in servitio Domini cum prima sedis Antistite desudasse, illorum, qui suarum verum incubatores, vel utilitatibus servientes, atque vacantes fuisse noscuntur, despecti aliquatenus cruciantur. Pro his postremis verbis alii ita legunt: Quia durum est, ut hi, quos constat in servitio Domini cum prima sedis Antistite desudasse, ab his, qui suarum verum incubatores, atque vagantes fuisse noscuntur, despecti aliquatenus cruciantur. Integra retuli canonis verba, ut exinde possit facile unusquisque Gratiani fragmentum aliquantisper depravatum ex his emendare, licet revera eadem ubique servetur Ilerdensium Patrum sententia, qui videlicet bona defuncti Episcopi successori reservanda voluerunt; tamen ut successor ipse non destituat illos, qui, dum antecessor viveret, Ecclesie deservierant.

Can. 19. cau. 17. qu. 4. In can. 19. cau. 17. qu. 4. usque ad *vers.* si qui Clerici legitur can. 8. ex Ilerdensibus; deinde ab eodem versiculo usque in finem legitur eisdem omnino verbis canon undecimus ejusdem Concilii. Porro, quod spectat priorem hujus canonis partem, congruum omnino videbatur, ut, si Clerici veteres consueverant publicorum criminum reis intercedere veniam apud Imperatores, quotiescumque illi ad Ecclesiam confugerent, & severæ, salutarisque pœnitentiæ legibus sese subicerent, iidem Clerici præcipue veniam illis impertirentur, qui ab eisdem Clericis omnino dependebant, eorum videlicet servi, aut discipuli, si post admissum aliquod crimen, quod a Clericis eisdem corrigi, ac puniri potuisset, ad Ecclesiam confugissent, ac pœnitentiæ signa dedissent.

Tom. I.

In can. 7. Concilii Ilerdensis habetur *Can. 11. cau. 22. qu. 4.* can. 11. cau. 22. qu. 4. ubi tamen pro verbis illis: *jejunii abstinent*. Similia quædam referuntur in pœnitentia Romano edito ab Antonio Augustino his verbis: *Si Sacramento te obligasti, ut ad pacem alicujus inimici tui nullo modo redires, pro perjurio uno anno a communione Corporis, & Sanguinis Domini sequestratus, & quadraginta dies in pane, & aqua pœnitens. Ad charitatem vero, qua operit multitudinem peccatorum, celeriter redi. Paulo aliter legitur in Capitulari Ludovici Imperatoris anni 867. his verbis: Qui Sacramento se obligaverint, ut litigantes cum quolibet ad pacem nullo modo redeant; si Clerici fuerint, deponantur; si Laici pro perjurio uno anno a communione Corporis, & Sanguinis Domini segregentur; reatum vero suum elemosynis, & fletibus, quantis potuerint, jejunii absolvant. Ad charitatem vero, qua operit multitudinem peccatorum, celeriter venire festinent. Quod qui contemserit facere, Imperiali sententia feriatur.*

Can. 10. cau. 33. qu. 4. laudatur quidem nomine Concilii Ilerdensis; at neque in Ilerdensi, neque in aliis, quod noverim, Conciliis legitur. Imo nonnulli ex eruditissimis asserunt, in hoc fragmento referri disciplinam recentioris ætatis in ea parte, qua tria anni sacri tempora post octavum tantummodo Ecclesie sæculum ea ratione dividi ceperunt. Ego hoc in loco suspicor de Burchardi fide, qui sententias Capitularium Francorum referre voluerit, atque de more suo mutato auctorum nomine Concilio Ilerdensi adscribere. Porro in Capitulis Regum Francorum ab Herardo Archiepiscopo Turonensi collectis cap. 62. hæc leguntur: *Ut diebus festis juniorum a conjugibus se abstineant, & quia non est concessa uxor causa libidinis, sed filiorum, & omnia prohibeantur illicita, parcatque a licitis.* In his itaque videmus generaliter constitutam disciplinam illam noni sæculi, juxta quam conjugiorum fœdera temporibus juniorum prohibebantur. At rursus illa ætate solennes tres fuisse juniorum ferias, colligitur ex lib. 6. Capitularium can. 187. in editione Parisiensis anni 1677. his verbis: „Admoneant „Sacerdotes, ut jejunia tria legitima „in anno agantur, idest quadraginta „dies ante natiuitatem Domini, & qua- „dra-

L I

draginta dies ante Pascha, ubi decimas anni solvimus, & post Pentecostam, scilicet quadraginta dies. Ex his ergo capitulis Burchardus, & ex eo Ivo, ac Gratianus memoratum fragmentum composuerunt, quod tamen disciplinae huius Provinciae Burchardus accommodavit loco quadragesimae septuagesimam scribens, & loco quadraginta dierum post Pentecostam memorans tres hebdomadas ante festivitatem S. Johannis Baptistae, de quibus etiam sermo est in cap. 4. de feriis, quod Doctores, & Interpretes bene tholici iustularunt.

Can. 9. cau. 35. q. 2. legitur in can. 9. Ilerdensi, cujus haec sunt priores verba: *De his, qui se incestu vel utrore commaculant &c.* In integris Concilii exemplaribus pro illo postremo Gratiani verbo *licet*, legitur, *oportet*. Nominem autem Missae Catechumenorum ego intellico eam Missae partem, post quam Catechumeni foras ab Ecclesia dimittebantur, cujus rei adhuc hodiernis temporibus quoddam vestigium habemus in illis verbis, quae proferre solet Diaconus in solemnii Missa, inquiens: *Ita Missa est.*

Can. 106. de conf. dist. 4. Can. 106. de conf. dist. 4. in pluribus, & vulgatis Gratiani Codicibus laudatur ex Concilio Ilerdensi, in aliis, & paucis ex Concilio Meldensi; utroque falso; neque enim aut in Meldensi, aut in Ilerdensi Concilii canonibus aliquid simile reperitur. Legitur potius inter capitula Henrici Rhemensis Archiepiscopi ad Presbyteros Rhemensis Ecclesiae directam anno circiter 852., ibi enim cap. 3. haec habentur: *Qui fontes lapideos habere nequiverit, vas conveniens ad hoc solummodo baptizandi officium ha-*

beat, & similiter ad corporale lavandum, & ad pallas altaris proprias vasa habeantur, in quibus nihil aliud fiat. Romani Correctores tradiderunt similia etiam nonnulla haberi in ordine Romano de officiis divinis; ego praeterea animadverto etiam similia legi apud Ahytonem Basileensem Episcopum in Capitulari anni circiter 820., quod ipse suis Clericis servandum proposuerat, cap. 9. ibi: *Et ut vas ad fontem baptismatis habeant, quod ad reliquos usus nullatenus assumatur.* Qua vero de causa Gratianus potuerit pro Capitularibus Henrici, aut Ahytonis Concilium Ilerdense, aut Meldense scribere, ego facile judicaverim. Oportebit enim recipere potius Codices illos Gratiani, in quibus non Ilerdensi, sed Meldensi Concilio canon adscribitur; etenim Ilerdensis nomen pro Meldensi facile supponi potuit ab Amnensibus, vel Typographis. Revera apud Ivonem parte 1. decreti cap. 208., unde Gratianus fragmentum accepit, inscribitur, non ex Ilerdensi, sed potius ex Meldensi Concilio. Ivo autem sic inscripserat ex Burchardo. Burchardus describebat idem fragmentum ex collectione Reginonis, apud quem in lib. 1. cap. 271. idem fragmentum habetur, cum hac inscriptione: *Unde supra*; qua forte Regino significabat sequens capitulum iam antea a se fuisse relatum, quemadmodum revera relatum fuerat in eodem lib. 1. cap. 79. Burchardus putavit ea verba *unde supra* indicare nomen Auctoris praecedentis canonis; cumque praecedens can. 270. Meldensi Concilio inscribatur, & idem subsequenti can. 271. nomen Concilii Meldensis inscripserit.

C A P U T XXVIII.

De Conciliis Arvernensibus 6. saeculi.

Concilio Arvernensi haec tria fragmenta adscribuntur apud Gratianum.

Princ. qu. 1. cau. 6. consonat cum can. 12. Concilii Arvernensis, & Aurelianensis.

Can. 42. cau. 11. qu. 3. consonat cum can. 2. Concilii Arvernensis, & Aurelianensis.

Can. 43. de conf. dist. 1. perperam in vulgatis codicibus inscriptus Concilio Aurelianensi.

DE ARVERNENSI CONCILIO posterioris aetatis, & sub Urbano II. Pontifice Maximo celebrato non hic sermonem

instituam; de eo enim suo loco commodius agendum videtur. Duo hic tantummodo memorabo Arvernensia Concilia

lia ita dicta ab oppido Arvernorum, qui sunt Aquitanicæ populi sexto. Ecclesiæ sæculo habita, alterum scilicet anni 535., alterum anni circiter 549.

Ut ab eo exordiar, quod celebratum fertur anno 535., cum Theodoricus Francorum Rex plura ex bonis Ecclesiasticis occupavisset, eo defuncto Theodebertus in Regno successor, & piissimus Princeps statim voluit omnia Ecclesiis restitui, imo etiam curavit, ut convenientibus in Synodum Episcopis Ecclesiasticarum rerum jura latis legibus firmarentur. Synodus itaque apud Arvernos indicta fuit, eidemque præfuit Honoratus Bituricensis, cum interessent quatuordecim plurium Provinciarum Episcopi, inter quos memorandus est S. Gallus Arvernici ejusdem Ecclesiæ Episcopus, & miraculis clarus, quem Gregorius Turonensis prædicat in lib. 2. de gloria Martyrum cap. 23. Ad hoc Concilium pertinet Gratianus Can. 43. de cons. dist. 1., qui tamen in Codicibus Gratiani inscriptus fuit Concilio Aurelianensi, errore, ut arbitror, Amanuensium, vel Typographorum, qui ex similitudine litterarum facile Aurelianense scripserunt pro Arvernensi. Quemadmodum vero Canon 8. Arvernensis, prout in integris Concilii exemplaribus legitur, tantillum distat a Canone edito apud Gratianum, ideo ejusdem octavi Canonis verba describam hoc modo: *Ne ad nuptiarum ornatum ministeria divina præstentur; ne dum improborum tactu, pompaque secularis luxuria polluantur, ad officia sacri mysterii videantur indigna.*

Altera Arvernensis Synodus celebrata fertur anno 549. sub Rege Theodebaldo, qui filius fuit, & in Regno successor memorati Religiosi Principis Theodeberti. Præfuit autem Concilio Hesychius Viennensis, cum intervenissent novem alii ex diversis Provinciis Episcopi. Hanc Synodum primus typis edendam curavit Jacobus Sirmondus juxta exemplar, quod ipse extare asserbat Tolosæ in Bibliotheca Fuxensi; hodie vero adjectam habemus in collectionibus Conciliorum post Concilium Aurelianense V., ea de causa, quod in eodem Concilio Arvernensi nihil aliud peractum fuisse adpareat, quam confirmata ea capita, quæ in Concilio Aurelianensi V. constituta fuerant. Et revera priores 17. Canones Aurelianenses iidem rursus in hoc Concilio Arvernensi editi sunt, ac renovati, quod & in præfatione ejus-

dem Concilii animadvertitur. Duo hujus Concilii fragmenta retulit Gratianus; primum in principio quæstionis 1. cau. 7. illis verbis: *Quod autem vivente Episcopo alius superponi, aut superordinari non possit, ex Concilio apud Arverniam celebrato definitum est, in quo legitur, ut nullus vivente Episcopo &c.* Hic sane describitur Can. 12. Arvernensis, cujus hæc sunt verba: *Ut nullus vivente Episcopo alius ponatur, aut superordinetur Episcopus, nisi forsitan in ejus locum, quem capitalis culpa dejecerit.* Romani Correctores, qui præ oculis habere non potuerunt hoc Concilium Arvernense, observant eum Canonem pertinere potius ad Caput 12. Concilii Aurelianensis V. Et revera nihil interest, cum, uti diximus, capita Concilii Aurelianensis fuerint in Arvernensi renovata.

Alterum est in Can. 42. cau. 11. qu. 3., qui omnino consonat cum Can. 2. Arvernensi. Sed Romani Correctores, qui nondum viderant acta hujus Concilii Arvernensis postea à Sirmondo edita, observant eundem Canonem pertinere potius ad Concilium Aurelianense V., in quo etiam legitur. Hodie itaque agnoscimus in hac parte Gratianæ editionis integritatem, quemadmodum & forte in aliquibus aliis locis agnosceremus, si nostris temporibus ea omnia edi potuissent, quæ in Bibliothecis Gratiani sæculi servabantur.

A P P E N D I X.

De Concilio Urbanensi.

Ex Urbanensi Concilio à Gratiano laudatur.

Can. 17. cau. 28. qu. 1. potius tribuendus Concilio Arvernensi.

Adjeci hoc in loco fragmentum Concilii, quod apud Gratianum Urbanense adpellatur, nomine sane aut ab Amanuensibus, aut à Typographis depravato. Neque enim ullum Urbanense Concilium apud Canonum, aut Conciliorum Collectores agnoscitur, neque significari potest, unde hæc hoc nomen Urbanensis derivari poterit. Itaque melius apud Gratianum pro Concilio Urbanensi legendum Arvernense in Can. 17. cau. 28. qu. 1., Perspicuum enim id redditur, quoties conferamus verba

eiusdem Can. 17. cum Can. 6. prioris, quod superius memoravimus, Arvernensis Concilii sub Theodeberto Rege celebrati, ubi hæc habentur: *Siquis Judaica pravitati jugali societate conjungitur, & seu Christiana Judeo, seu Judæus Christiana mulieri carnali consortio miscetur, quicumque horum tantum nefas admisisse dignoscitur a Christianorum cætu, atque convivio, & communione Ecclesiæ,*

ejus sociatur hostibus, segregatur. Hædem ferme leguntur in Concilio Aurelianensi II. anni 533. Can. 19. ibi: Placuit, ut nullus Christianus Judæam, neque Judæus Christianam in matrimonio ducat uxorem, quia inter hujusmodi personas illicitas nuptias esse censuimus. Qui, si commoiti a consortio hoc se separare distulerint, a communionis gratia sunt sine dubio removendi.

C A P U T XXIX.

De Conciliis Aurelianensibus sexto sæculo celebratis.

Nonnulla ex Aurelianensibus Conciliis retulit Gratianus, in cujus Codice hodie multa fragmenta adscribuntur Concilio Aurelianensi I., alia Concilio Aurelianensi III., alia Concilio Aurelianensi IV., alia demum ex Concilio Aurelianensi ita laudantur, ut minime deligneatur, ad quodnam ex Aurelianensibus Conciliis referantur; quemadmodum ex sequentibus liquet.

Ex Aurelianensi I.

- Can. 11. dist. 28. ex integris Concilii exemplaribus supplendus.
- Can. 19. dist. 34. consonat cum disciplina vetere Galliarum.
- Can. 14. dist. 81. falso in quibusdam codicibus Arelatensi Concilio tributus.
- Can. 1. dist. 82. fere consonat cum vulgatis Concilii exemplaribus.
- Can. 5. dist. 91. jungendus cum can. 3. de conf. dist. 3.
- Can. 20. cau. 2. qu. 7. paullo varius in diversis exemplaribus.
- Can. 7. cau. 10. qu. 1. fere consonat cum vulgatis Concilii exemplaribus.
- Can. 8. cau. 10. qu. 1. emendandus ex vulgatis Concilii exemplaribus.
- Can. 12. cau. 16. qu. 3. paullo varius in diversis exemplaribus.
- Can. 10. cau. 16. qu. 7. consonat cum vulgatis Concilii exemplaribus.
- Can. 36. cau. 17. qu. 4. ex integris Concilii exemplaribus emendandus.
- Can. 14. cau. 18. qu. 2. consonat cum vulgatis Concilii exemplaribus.
- Can. 16. cau. 18. qu. 2. emendandus ex vulgatis Concilii exemplaribus.
- Can. 9. cau. 26. qu. 5. consonat cum vulgatis Concilii exemplaribus.
- Can. 32. cau. 27. qu. 1. ex integris Concilii exemplaribus emendandus.
- Can. 5. de pæn. dist. 5. fere consonat cum vulgatis Concilii exemplaribus.
- Can. 3. cau. 36. qu. 1. ex vulgatis Concilii exemplaribus emendandus.
- Can. 65. de conf. dist. 1. paullo varius in diversis exemplaribus.
- Can. 3. de conf. dist. 3. fere consonat cum vulgatis Concilii exemplaribus.
- Can. 4. de conf. dist. 3. consonat omnino cum vulgatis Concilii exemplaribus.

Can.

- Ex eod. Aurelianensi I. { *Can. 5. de conf. dist. 3. ex vulgatis Concilii exemplaribus emendandus.*
Can. 6. de conf. dist. 3. fere consonat cum vulgatis Concilii exemplaribus.
- Ex Aurelianensi III. { *Can. 1. dist. 74. consonat omnino cum vulgatis Concilii exemplaribus.*
Can. 10. dist. 81. jungendus cum can. 1. dist. 74.
Can. 25. cau. 11. qu. 1. ex vulgatis Concilii exemplaribus emendandus.
Can. 41. cau. 12. qu. 2. paullo aliter legitur in vulgatis Concilii exemplaribus.
- Ex Aurelianensi IV. { *Can. 2. dist. 34. pertinet potius ad Concilium Epaonense anni 517.*
Can. 3. dist. 34. pertinet potius ad Concilium Germanicum anni 742.
- Adjiciantur. { *Can. 8. dist. 34. est potius Concilii Gerundensis anni 517.*
Can. 40. cau. 12. qu. 2. est potius Concilii Agathonis, ut in can. 33. cau. 12. qu. 2.
Can. 32. cau. 13. qu. 2. tribuendus Reginoni Prumiensi.
Can. 29. cau. 18. qu. 2. convenit cum Concilio Aurelianensi I. & Rothomagensi anni 650.
Can. 16. cau. 27. qu. 1. pertinet ad Concilium Triburiense juxta Reginonem.
Can. 17. cau. 27. qu. 1. pertinet ad Concilium Triburiense.
Can. 30. cau. 27. qu. 2. pertinet ad Concilium Vermeriense.
Can. 3. cau. 35. qu. 8. pertinet ad Capitularia Francorum.
Can. 9. de conf. dist. 1. pertinet ad Nov. Justiniani Imperatoris.
Can. 27. de conf. dist. 1. est potius Theodori Cantuariensis.
Can. 43. de conf. dist. 1. est potius Concilii Arvernensis.
Can. 6. de conf. dist. 5. pertinet ad Capitularia Francorum.

De Concilio Aurelianensi I.

In initio sexti sæculi nemo ignorat Galliam universam nondum omnino Catholicam fidem professam fuisse; quum enim illa triplici ex Regno constaret, qua Gothis, qua Burgundionibus, qua Francis occupata; & horum alii Principes Æthnicis adhuc superstitionibus obvolvebantur, alii hæreticis, præsertim Arianis, faventes Catholicum nomen aversabantur; non deerant tamen identidem Sanctissimi Episcopi, qui rem in incrementum fidei in dies propagandæ vergere cupientes, nullum non lapidem movebant, quo tandem fieri posset, ut integræ Galliarum Provinciæ in unitate fidei sociarentur. Laudo inter ceteros S. Rhemigium Episcopum Rhemensem, qui cum charus esset Clodoveo Regi Francorum licet nondum baptizato, curavit, ut ipse Rex Christianæ fidei nomen daret, spe etiam Regi

proposita, futurum, ut sub Christi auspiciis fortunatiora ejusdem arma essent in Regni sui incrementum, & decus, præcipue vero facilius ipse vinceret Gothos, qui regnante Alarico Ariano Principe Galliarum partem occupaverant. Hinc Clodoveus idem in Deum, resque divinas, & Ecclesiasticas propensior factus, baptismo se Christo dicari postulavit, iisque auspiciis bello moto Alaricum vicit, occidit, ejusdemque Regnum suscepit, ita ut tum maxima Galliarum pars Clodoveo subiceretur. Res ita optime gestæ magis, ac magis Regem ipsum concitaverunt, ut faveret Ecclesiis, qui propterea in deliciis habuit, ut Episcopi simul in Concilia convenirent, & de rerum Ecclesiasticarum utilitatibus pertractarent. Atque id primum contigit anno 511., quo in Civitatem Aurelianensem confluxerunt triginta & plures Galliarum Antistites, inter quos Metropolitani quinque, Bur-

deglenſis, Bicuriconſis, Turonenſis, Eluſanus, & Rothomagenſis, quomobrem hoc Concilium juſte appellare poterimus Nationale Gallię fere univerſę. Hęc eſt Synodus Aurelianenſis I., in qua Can. 31. editi ſunt communi conſenſione, Rege ipſo auctoritatem omnem impertiente. Et ſane qualis fuerit inter Regem ipſum, & Episcopos in hac parte conſenſio, demonſtrat perſpicue Epistoſa Synodi ad Regem, quę actis ejuſdem Concilii præpoſita eſt, in illis verbis; *Domina ſue Catholica Eccleſia filia Chleuvecha Glorioſiſſimo Regi omnes Sacerdotes, quos ad Concilium venire juſſiſtis. Quia tanta ad Religionis Catholica cultum glorioſa fidei cura vos excitat, ut ſalutari mentis affectu Sacerdotes de rebus neceſſariis tractaturę in unum colligi juſſeritis ſecundum voluntatis veſtre conſultationem, & titulos, quos dedidiſtis, ea, quę nobis viſum, deſinitione reſpondimus, ita ut ſi ea, quę nos ſtatimus, etiam veſtra reſta eſſe iudicia comproban- tur, tanti conſenſus Regis, ac Domini majori auctoritate ſervandum tantorum ſermet ſententiam Sacerdotum.*

Can. 12.
diſt. 28.

In Can. 13. hujus Concilii legitur Can. 12. diſt. 28. his verbis: *Si ſc cuiſlibet mul- liar duplici conjugia Presbyteri, vel Diaconi reliſta conjunxerit, aut caſtigati ſe- parentur, (legunt alii: aut caſtitate ſervata ſeparantur), aut certe ſi in cri- minis intentione perſiſtarint, pari excom- municatione ploſtantur.* Contingebat quandoque Presbyteros, vel Diaconos ſervandę continentię cauſſa ab uxori- bus divertere, eiſdem ſane uxoriſus con- ſentientibus, quę tamen aliquando nova cum aliis ſe poſſe contrahere conjugia arbitrabantur. Id ſevera indiſta poena Patres Aurelianenſes prohibuerunt.

Can. 19.
diſt. 54.

In Can. 8. Aurelianenſis legitur eiſdem verbis Can. 19. diſt. 54., ubi tamen monet Sirmondus, in aliquibus Codicibus pro illa voce *duplici* legi *dupli*. Quę porro ibidem conſtituitur diſciplina æquitati conſentanea eſt, cum deſiniatur ſervos non aliter, quam ſuorum domi- norum accedente conſenſu, eſſe ordinandos. Cum enim Imperiali lege Clerici ab omnibus ſervitiis perſonalibus, quę Eccleſiaſtica non eſſent, haberentur exem- ti, æquum erat, ut nemo per ordina- tionem eximeretur, quam eorum volun- tate, quorum poterat intereſſe, quique præſertim in ipſos dominicam exercere poterant poteſtatem. Atque eodem jure ipſi Aurelianenſes Patres in Can. 4. ita

ſanxerunt: *De Ordinationibus Clericorum id obſervandum eſſe decrevimus, ut nul- lus ſecularium ad clericatus officium præſumatur, niſi aut cum Regis juſſione, aut cum Judicis voluntate &c.* Quod & clari- us addita ratione decernitur in Capi- tularibus Caroli Magni capit. 2. anni 805. Can. 15., Capitul. 3. ejuſdem anni Can. 17., & in libris Capitularium lib. 1. cap. 114. editionis Pariſienſis anni 1677. his verbis: *De liberis hominibus, qui ad ſervitium Dei tradere ſe volunt, ut prius hoc non faciant, quam licen- tiam a nobis poſtulent; hoc ideo, quia audivimus aliquos ex illis non tam cauſa devotionis hoc faciſſe, quam præ exer- citu, ſeu alia ſunctione Regali fugien- da, quosdam vero cupiditatis cauſſa ab his, qui res illorum concupiſcunt, cir- cumventos audivimus, & ideo hac ſeri prohibemus.*

De Can. 14. diſt. 81. fruſtra hoc lo- co repeterem, quę jam dixi, ubi de Concilio Arelatenſi I., etenim ibi & animadverti falſo Concilio Arelatenſi inſcriptum fuiſſe, & Canonem eundem ad exemplaria Concilii hujus Aurelia- nenſis exegi.

In Can. 18. ejuſdem Concilii Aure- lianenſis habetur Can. 1. diſt. 82., ubi tamen pro illis verbis: *in quantum ſibi poſſibile erit*, vulgata Concilii exempla- ria ita potius exhibent: *in quantum poſ- ſibilitas habuerit.*

Can. 5. diſt. 91. habetur in Can. 28. Aurelianenſis; ſed ut perſpicua ſit Aurelianenſium Patrum ſententia, idem Can. 28. jungendus erit cum Can. 27. præcedenti, qui reſertur a Gratiano in Can. 3. diſt. 3. de conſecr., cum enim illic præſtituti fuiſſent ſolemnes ſanctarum Rogationum dies, quibus populus ſpecialibus precibus Deum exoraret, ſubdiderunt Aurelianenſes Patres: *Clerici vero, qui ad hoc opus factum addeſſe contemſerint, ſecundum arbitrium Episco- pi Eccleſia ſuſcipiant diſciplinam.* At Gratianus ea, quę ſpecialiter in Concilio de Rogationum diebus conſtituta fue- rant, generaliter ad rem ſuam tradu- cere non dubitavit.

Can. 20. cau. 2. q. 7. legitur in Can. 6. ejuſdem Concilii, ubi pro voce illa *conventionis*, alii legunt *contentione*, ea- dem tamen ſervata ſententia, quancum- que editionem ſequi malimus. Mens enim hæc erat Aurelianenſis Concilii, ut uni- cuique liceat, quod ſuum eſt ab Episco- po poſtulare, ſive conveniatur Episco-

Can. 14.
diſt. 81.

Can. 1.
diſt. 82.

Can. 5.
diſt. 91.

Can. 20.
cau. 2.
q. 7.

ſco-

scopus ratione proprii peculii, sive ratione Ecclesie, dammodo tamen actor a conviciis abluat.

Can. 7. In Can. 15. Aurelianensi legitur Can. 7. cau. 10. qu. 1., qua arbitror clarius sententiam Concilii exhiberi, quam vulgaris Concilii exemplaribus, in quibus postrema Canonis verba ita descripta sunt: *tertia fideliter Episcopis deferatur*. Jurabit autem hunc eundem Canonem cum 14. precedenti coniungere, quem retulit Gratianus in Can. 8. cau. 10. qu. 1., ubi tamen posteriora verba ita legenda sunt ex integris Concilii exemplaribus: *Glerus accipias, pradiis de omni communitate in Episcoporum potestate invanibus*, ita ut sententia sit, bona immobilia Ecclesiastica omnia in Episcoporum potestate consistere, ex quibus Episcopi idem Clero dispensent; at oblationes, quæ in Altari fieri solebant, in duplicem portionem dividi debere, quarum una Episcopo, altera Clericis cedebat; atque hoc quidem in Cathedrali Ecclesia: nam in aliis Ecclesiis Parochialibus tertia tantummodo pars Episcopo concedebatur, duæ tertiæ & Parocho, & Ministris in eadem Ecclesia existentibus tribuebantur.

Can. 12. In Can. 23. Aurelianensi habemus Can. 12. cau. 16. q. 3. ad quem jam observaverunt Romani Correctores verba illa: *vel quibuslibet & apud Anselmum, & in Concilio impresso, & MS. desiderari*: Illud quoque animadvertendum est pro illis verbis, *secularis legis* in exemplaribus Concilii legi: *seculari lege*; atque ut illius Canonis clara sententia sit, huc revocandi erunt Canones superius jam laudati, Can. 7. & 8. cau. 10. qu. 1., ex quibus patet, ea ætate neminem adhuc ex Clericis inferioribus prædia Ecclesiastica obtinuisse administranda admittat recentiorum beneficiorum; illa enim omnia in potestate solius Episcopi consistebant: Tantum proinde quibusdam in casibus Episcopus Clericis eisdem terrulas quasdam assignabat, non tamen perpetuæ, sed ad ejusdem Episcopi concedendis arbitrium, ita ut nulla præscriptione a possessoribus objecta eadem Episcopus reperere posset. Videantur, quæ diximus ad Concilium Agathense Can. 11. cau. 16. qu. 4.

Can. 10. Can. 10. cau. 16. qu. 7. consonat omnino cum Can. 17. ejusdem Concilii Aurelianensis.

Can. 36. Can. 36. cau. 17. qu. 4. paullo discrepat a Can. 1. Concilii Aurelianensis,

ex quo ille depræmptus fuerat apud Gratianum; illic enim ita legitur: *De homicidis, adulteris, & furibus, si ad Ecclesiam confugerint* (hæc Gratianus omisit, & Canonem ita descripsit, ut de omnibus generaliter criminum reis intelligeretur) *id. constituimus observandum, quod Ecclesiastici Canones decreverunt, & lex Romana constituit, ut ab Ecclesia arceant, vel domo Episcopi eos non strahi omnino non liceat, sed nec aliter consignari, nisi ad Evangelia datis Sacramentis de more, de debilitate, & omni poenarum genere sint securi, ita ut ei, cui reus fuerit criminis, de satisfactione conveniat. Quod si Sacramenta sua quis convictus fuerit violasse, rem perjurii non solum a communione Ecclesie, vel omnium Clericorum, verum etiam a Catholicorum convivio separatur. Quod si is, cui reus est, noluerit sponte intentione faciente componi, & ipse reus de Ecclesia actus timore discesserit, ab Ecclesia Clericis non quaratur. Quæ sequuntur apud Gratianum in verfic. *Servus etiam eisdem omnino verbis habeatur in Can. 3. ejusdem Concilii. Romani Correctores pro voce eos, quæ & apud Gratianum legebatur, & in integris Concilii exemplaribus habetur, scribendum putarunt reos, satius autem videretur fecisse, si priora verba Gratiani Canonis ad integrum Concilii exemplaria exegissent. Ceterum quod attinet ad sententiam hujus Canonis, liquet eo tempore jam Romanorum latam fuisse legem, quæ ad Ecclesiarum immunitatem, ut eo loco dicitur, pertineret, quam Clodoveus Rex, qui, uti initio diximus, titulos in hoc Concilio dederat, renovavit, suæque auctoritate in Galliis observari præcepit.**

Can. 14. cau. 18. qu. 2. legitur eisdem verbis in Can. 22. hujus Concilii; quemadmodum etiam Can. 16. cau. 18. qu. 2. in Can. 19., ubi tamen pro verbis illis: *omni se obedientia, & devotione subjaceant*, legendum est, *omni se obedientia devotione subsiciant*; item pro illis verbis: *regulariter animadvertentis*, legendum est: *non regulari animadversione deprecari*.

Can. 9. cau. 26. qu. 3. eisdem verbis legitur in Can. 30. Concilii ejusdem Aurelianensis, ubi nomine sortium Sanctorum illæ intelligendæ sunt, quibus aliqui superstitionis quibusdam auspiciis arbitrabantur præscire futura inspectis aliquibus sacre Scripturæ testi.

testimoniis, illis præsertim, in quibus recondita latent veterum Prophetarum oracula.

Can. 32. cau. 27. qu. 1. completitur
 cau. 27. qu. 1. duos Canones Aurelianenses 20. & 21., quorum tamen verba Gratianus aliter descripsit. Etenim in Can. 20. ita legitur: *Monacho uti orario in Monasterio, vel txangas habere non liceat*, & in Can. 21. *Monachus, si in Monasterio conversus, vel pallium comprobatus fueris accepisse, & postea uxori fuerit sociatus, tanta pravocationis reus nunquam Ecclesiastici gradus officium sortitur*. In primis itaque deducimus ex hoc Canone, non licuisse Monachis orario uti, quod speciale fuisse Presbyterorum, aut Diaconorum insigne ex veteribus Conciliorum actis agnoscimus, quemadmodum & superius jam demonstratum est, atque etiam demonstrari posset ex cap. 28. Concilii Moguntini. Præterea Monachis interdictus est usus txangarum: Alii *txangas* vocant, alii *giancas*, alii *chiancos*, quidam, inter quos Gratianus, *zonas* appellarunt. Qui latinobarbara vocabula callent, scribunt txangarum nomine venire nobile quoddam calceamentorum genus ad pedum ornatum affabre elaboratum; hinc etiam media ætate *txangarius* appellatus est, qui huiusmodi calceamenta formaret. Hinc intelligimus, Aurelianenses Patres Monachis indixisse, ne ornatioribus calceamentis incederent. De pallio nihil est, quod addam. Monachorum erat insigne illis temporibus, quemadmodum olim apud Gentiles habebatur, tanquam ornamentum Philosophorum, sive eorum, qui remoti ab omnibus sæculicuriis in contemplatione naturæ universæ vitam traducebant.

Can. 5. de pœn. dist. 5. legitur in Can.
 de pœn. dist. 5. 11. Concilii huius Aurelianensis, his tamen verbis: *De his, qui suscepta penitentia religionem suam professionis obliti ad secularia relabuntur, placuit eos & a communione suspendi, & ab omnium Catholicorum convivio separari. Quod si post interdictum cum eis quisquam praesumpserit cibum sumere, & ipse communione privetur*. Videtur hic Canon de Clericis intelligendus, qui in hæresi fuerant ordinati, deinde ad fidem conversi post penitentiam acceptam ad sæcularia transivissent; etenim de eisdem Clericis expressus est Canon præcedens proximus in Concilii exemplaribus.

Can. 3. cau. 36. qu. 1. Can. 3. cau. 36. qu. 1. habetur in

Can. 2. Concilii Aurelianensis, his tamen verbis: *De raptaribus autem id constituendum esse consuevimus, ut si ad Ecclesiam raptor cum rapta confugerit, & feminam ipsam violentiam pertulisse constiterit, statim liberetur de potestate raptoris, & raptor mortis, vel pœnarum impunitate concessa aut serviendi conditioni subiectus sit, aut redimendi se liberam habeat facultatem. Si vero quæ rapitur Patrem habere constiterit, & puella raptori aut rapienda, aut rapta consenserit, potestati Patris excusata reddatur, & raptor a Patre superioris conditionis satisfactione teneatur obnoxius*. Hæc optime jungi possent cum Can. 36. cau. 17. qu. 4., in quo diximus Can. 1., & 3. Aurelianensem contineri, siquidem verba huius Can. 2. Aurelianensis legenda sunt post illa verba non quarantur, & ante vers. *servus etiam in dicto Can. 36. Quid ad hunc Canonem Interpretes scripserint, non ignoro, in ea præsertim parte, qua statuitur, raptorem virginis servili conditioni addicendum fore. Meretur hæc constitutio singularem observationem. Certum est ex Romanis legibus mortis pœnam indictam fuisse raptoribus l. un. Cod. de raptu virginum, quod ipsum Hispanorum legibus antiquis decretum fuisse refert Gonzalezius ad cap. 7. de raptoribus. Apud VVifigothos etiam, quorum legibus Galliarum pars maxima vivebat tempore huius Concilii Aurelianensis, morte damnabantur raptores, uti constat ex lege 1. tit. 3., l. 14. tit. 4. lib. 3. VVifigothorum. Hæc autem ordinaria pœna minime infligebatur in specie Aurelianensis Canonis, in quo agebatur de raptoribus in Ecclesiam se recipientibus, ut pœnam mortis evaderent, juxta ea, quæ diximus ad Can. 36. cau. 17. qu. 4. At nihilominus Aurelianenses Patres, licet mortis pœna solutum voluerint raptorem huiusmodi, non tamen ab omni omnino pœna eum immunem voluerunt; ajunt propterea; aut serviendi conditioni subiectus sit, aut redimendi se liberam habeat facultatem. Gonzalezius loco laudato hoc tantummodo Canone fretus, asserit pœnam raptus ordinariam ex jure Canonico præstitutam esse libertatis jacturam. Mihi hæc opinio probabilis minime redditur, quod in tota antiquitate ne levissimum quidem prosteret similis discipline vestigium; imo neque decuisset humanitatem Ecclesiasticam, pœnam hanc*

ser-

servitutis decernere raptoribus in opprobrium maximum eorumdem raptorum, & raptæ perpetuum familiare dedecus. Id in primis probrosum raptori fuisset, præsertim ubi de homine ingenuo, atque honesto ageretur, qui mortem potius exoptaret, quam premi conditione servili. Deinde dedecus esset raptæ, quæ in familia sua perpetuo præsentem illum adspiceret, a quo vim passa fuit, unde illatæ injuriæ, & veteris admittæ turpitudinis memoria quotidie excitaretur, ac revivisceret. Verosimilius alii, docentes in usu fuisse apud veteres, ut qui puellam violasset, teneretur Parenti ejusdem pecuniariam pœnam luere, quod probare nituntur ex Can. 9. cau. 36. qu. 2., proindeque si pœnam non lueret, detineri posset a Parente in servitute, donec satisfaceret. Non esset contemnenda hæc interpretatio, quoties apud veteres etiam in usu fuisset pro pecuniario debito aliquem posse dejici in servilem conditionem. Verum id veritum fuisse constat tanquam minus honestum, aut congruum jamdiu ante Concilium Aurelianense ab Imperatoribus Diocletiano, & Maximiano in l. 12. Cod. de obligat., & action., quod & confirmavit Justinianus in Nov. 134. cap. 7., qui & hanc servitutis speciem *iniquitatem* appellavit. Ego potius ita Aurelianensium Patrum sententiam interpretor, ut ibi proprie non egerint de pœna servitutis, sed ut redegerint raptorem veluti in conditionem servorum, idest ut nullum inter ipsum, & raptum celebrari matrimonium posset; cum enim tum soli servi a legitimis conjugii excluderentur, si videbantur dejici in servilem statum, quibus legitimæ nuptiæ denegebantur. Sane ipsamet verba Aurelianensis Cænonis huic explicationi potius consonant; non enim ibidem dicitur raptorem servum fieri, sed leniori formula, *serviendi conditioni subiectum esse*. Non erat ergo raptor subiectus servituti, sed potius subiectus conditioni servorum, quæ erat ea, ut ad matrimonia contrahenda non admitterentur. Atque hæc interpretatio etiam convenit veteribus aliorum Conciliorum Canonibus, quibus sancitur inter raptorem & raptam conjugia non consistere Can. 4. cau. 36. qu. 2. Negotium forte facessere alicui videbantur verba illa: *aut redimendi se liberam habeat facultatem*.

Tom. I.

cultatem. Verum redimere se raptor dicitur, quoties a parente raptæ virginis impetraverit, ut illam, quam rapuit, possit uxorem habere; videtur enim tum quasi e servili conditione in pristinam libertatem vindicari, quod fieri apud veteres potuisse constat ex Can. 10. cau. 36. qu. 2.

Canon 65. de conf. dist. 1. legitur in Can. 65. can. 26. ejusdem Concilii, ubi tamen, si de conf. dist. 1. vulgata sequamur exemplaria, pro illis verbis: *ubi Episcopus non fuerit*, legendum erit: *si Episcopus fuerit*. Sirmondus ex vulgatis editionibus vult expungendam esse illam particulam *non*, asserens in aliis Codicibus, præsertim MSS. quampluribus desiderari, apud Burchardum autem, & Ivonem legi: *si Episcopus defuerit*. Quicumque vero vulgatorum Codicum fidem sequi mallet, dicere posset particulam negativam adjectam fuisse ab eo, qui ignorabat Sacerdotis nomine posse Episcopum, & quidem præcipue, designari.

Canon 3. de conf. dist. 3. habetur in Can. 3. de conf. dist. 3. can. 27. Aurelianensi, ex quo tamen Gratiano fragmento hæc adjicienda sunt in principio: *Rogationes, idest Litanias in omnibus Ecclesiis ante Ascensionem &c.* quibus in verbis etiam adnotandum est, in pluribus MSS. Codicibus illa desiderari: *idest Litanias*, quæ videntur exhibere glossemam quod in margine primum a quodam studioso adjectum, & deinde in textum ipsum translatum. Præterea pro voce illa *solemnitate* legitur in vulgatis Concilii exemplaribus: *festivitate*. Ex hac porro sanctione nemo exinde arbitretur, eo primum tempore in Gallia sacras Rogationes celebrari cœpisse. Jam pridem lege jejunii dicta eas celebrari jusserrat eisdem diebus S. Mamertus Episcopus Viennensis circa annum 452., uti scribit Ado Viennensis in Chronico, & Sidonius in lib. 3. Ep. 4. ad Aprum. Sane in Ecclesia celebratas fuisse solennes Litanias, vel ab ipsa ferme Apostolica ætate, tradunt Tertullianus in lib. 2. ad uxorem, in lib. de Baptismo, & in lib. de Corona militis, Concilium Laodicenum can. 17. Basilii Magnus Ep. 63. Nicephorus Calixtus lib. 14. histor. & Evagrius lib. 1. cap. 8. Ipsæ et Ariani, ut religionis speciem quandam præferrent, referuntur a Socrate lib. 6. cap. 8. Litanias, seu Rogationes celebrasse publice in Urbe Constantinopolitana imperantibus Arcadio, & Honorio. Verum tunc nondum certi præstituti

tuti fuerant dies, quos pro urgentibus causis, & temporum adjunctis unusquisque Episcopus data occasione indicebat. Primus dies annuos præstituit S. Gregorius cognomento Thaumaturgus Neocesariensis Episcopus circa annum 240. quem deinde plures alii Episcopi in Oriente sequuti sunt, quemadmodum testis est Basilus in Epist. 63. ad Neocesarienses. Romæ tempore S. Gregorii Magni Litanias annuas celebratas fuisse liquet; siquidem in principio lib. 2. regesti, & in lib. 7. ind. 2. Epist. 76. ad Castorem meminit ipse quatuor solemniū, sive majorum Litaniarum.

De can. 4. dist. 3. de cons. nihil peculiariter observandum est: Legitur illis eisdem omnino verbis in can. 31. qui postremus est, Aurelianensi.

In can. 25. Aurelianensi habetur canon 5. de cons. dist. 3. in quo retinenda vulgata editio Concilii, in illis verbis: & *Quinquagesima*, non autem uti legitur apud Gratianum, & *Quadragesima*, quod auctoritate optimorum, integrorumque codicum eruditi viri demonstrat. Nomine autem Quinquagesimæ non dies quinquagesimus ante Pascha intelligendus est, sed quinquagesimus post Pascha, quem Pentecosten Græco nomine appellamus: Siquidem alia sunt Gallicana Concilia ejusdem fere temporis, quæ cum hac sententia Aurelianensis Synodi conveniunt, non memorant tamen solemnitatem Quadragesimæ, sed potius Pentecosten. Ita in Concilio Agathensi anni 506. can. 63. quemcumque demum hic canon Auctorem habeat, & Concilio Avernensi I. anni 535. can. 15. Porro de Quinquagesima ante Pascha Aurelianensem hunc canonem intelligi nullo modo posse vel ex eo abunde probatur, quod in eodem Concilio Aurelianensi can. 24. præscribitur, ut ante Pascha non Quinquagesima, sed Quadragesima teneatur, qui canon refertur apud Gratianum in can. 6. de cons. dist. 3. cujus priora verba ita describenda sunt: *Id a Sacerdotibus omnibus decretum est, ut &c.* Atque exinde jam unusquisque facile percipiet, quidnam suo loco dicendum erit de Epistola Papæ Thelesphori, ex qua est can. 4. dist. 4. ibi enim inducitur Thelesphorus ipse Quinquagesimæ tempus instituens ante Pascha, quando tamen & sexto Ecclesiæ sæculo reprobata fuisse Quinquagesimæ hujus disciplinam ex hoc canone liquido agnoscimus.

Can. 6. de cons. dist. 3.

De Concilio Aurelianensi 112.

Omissio Concilio Aurelianensi II. anni 533. ex quo nihil a Gratiano depromptum fuisse animadverto, gradum facio ad Concilium Aurelianense 3. celebratum anno 538. sub Childeberto Galliarum Rege, summo autem Pontifice Silverio. Quænam fuerit Synodi hujus potissima ratio, ejusdem brevis hæc præfatio declarat: *Cum in Dei nomine in Aurelianensem urbem ad Synodale Concilium venissemus, de his, quæ per longum tempus observatione cessante fuerant intermissa, priorum canonum temore servato præsentibus regulis vetera statuta renovavimus, & nova pro causarum, vel temporum conditione addenda credidimus.* Præfuit Concilio Lupus Lugdunensis Metropoli, qui & subscripsit una cum Episcopis 25. qui ex diversis Galliarum Provinciis accesserant, constitutis Can. numero 33.

In can. 7. hujus Concilii habentur canones 1. dist. 74. & 10. dist. 81. Initio canonis definitum est Clericos, qui libenter ordinationem acceperant, necessario cogi, ut a conjugis abstineant, illos vero, qui per vim ab Episcopo fuerint ordinati, posse sibi uxores copulare, post quæ ita sequitur: *Episcopus autem, qui invitum, aut reclamantem præsumserit ordinare, annuali poenitentia subditus Missas facere non præsumat.* Hic est canon 1. dist. 74. apud Gratianum. Prosequuntur deinde Aurelianenses Patres: *De adulteriis autem honoratorum Clericorum id observandum est, ut si quis adulterasse aut confessus, aut convictus fuerit &c.* pertinent ad canonem 10. dist. 81. cujus posteriora verba, quæ sequuntur, omnino consonant cum integris Concilii exemplaribus.

Canon 25. cau. 11. qu. 1. legitur in can. 21. ejusdem Concilii, cujus verba hæc sunt, ex quibus Gratiani fragmentum emendandum erit: *Signis Clericorum, ut nuper multis locis diabolo infligante actum fuisse perperavit, rebeli auctoritate se in unum conjuratione intercedendo collegierint, & aut sacramenta inter se data, aut chartulam conscriptam fuisse patuerit, nullis excusationibus hac præsumptio præoletur, sed res detecta, cum in Synodum ventum fuerit, in præsumptoribus juxta personarum, & ordinum qualitates a Pontificibus, qui tunc in unum collecti fuerint, vindicetur: quia*

Can. 1. dist. 74. & can. 10. dist. 81.

Can. 11. qu. 2.

fient

sicut charitas ex præceptis Dominicis corde, non chartula conscriptione est, vel conjurationibus exhibenda, ita quod supra sacras admittitur scripturas, auctoritate, & distinctione Pontificali est reprimendum. Nomine conjurationis Clericorum intelligo proditorium quendam ausum adversus Episcopos, ubi ipsi de Episcopo conqueruntur, querelam autem non in Concilio, uti canones statuunt, proponunt, sed privata vindicta explere potius cupiunt; quod conjicio ex canone 20. præcedenti, in quo de Clericis agitur, qui teneantur ad Synodum confugere, quoties se ab Episcopo inique læsos existiment.

Can. 41. In can. 23. legimus canonem 41. cau.
can. 12. 12. qu. 2. sed in exemplaribus Concilii
qu. 2. editis pro verbo illo *degradetur* legitur:
regradetur, scilicet in gradum subsequen-
tem inferiorem dejiciatur; ex. gr. Presbyter
Diaconorum ministeriis addicatur.

De Concilio Aurelianensi IV.

Frustra nunc aut de Aurelianensi 4. aut de ceteris Aurelianensibus Conciliis differerem; quæcumque enim aut eidem Aurelianensi 4. Concilio, aut ceteris apud Gratianum adscripta sunt, ad eadem omnino non pertinent. Aurelianensi
Can. 2. 4. Concilio adscripti fuerunt canones
et 3. 2. & 3. dist. 34. ab auctore Palæarum,
dist. 34. uterque etiam apud Gregorium IX. in
cap. 1. & 2. de Clerico venatore. In
primis autem animadverto, dictos cano-
nes 2. & 3. dist. 34. nullo modo con-
venire Gratiani proposito, & perperam
in ea distinctione fuisse ab auctore Pa-
learum insertos: Etenim Gratianus ostend-
ere volebat, *Episcopum visare oportere immoderatam domesticarum personarum familiaritatem*; at quid cum his commune habet, quod dicitur de venationibus Clericorum in dict. can. 2. & 3. ? Dein-
de observandum est, canonem 2. refe-
rendum esse ad canonem 55. Concilii Agathensis anni 506. quemadmodum jam animadverterunt Romani Correctores. Quoniam vero jam superius suo loco diximus in Concilio Agathensi septem supra quadraginta canones tantummodo fuisse conditos, ceteros vero, qui postea sequuntur in editionibus Concilii, ex recentioribus Galliarum Synodis adjectos fuisse ab aliquo Collectore, potius eundem canonem 2. referemus ad Concilium Epaonense anni 517. ubi can. 4. hæc leguntur: *Episcopis, Presbyteris, ac*

que Diaconibus canes ad venandum, & accipitres habere non liceat. Quod si quis talium personarum in hac fuerit voluntate detectus, si Episcopus est, tribus mensibus se a communione suspendat; duobus Presbyter abstinere, uno Diaconus ab omni officio, & communione cessabit. Canonem 3. Romani etiam Correctores suo auctori restituerunt, quemadmodum & Gonzalezius in cap. 2. de Clerico venatore. Legitur ille in Synodo Francica, seu Germanica temporibus Zachariæ I. Pontificis Maximi, & Caroli Magni Imperatoris anno 742. celebrata, in qua can. 2. ita legitur: *Nec non & illas venationes, & sylvarum vagationes cum canibus servis Dei interdiciamus, & ut accipitres, & falcones non habeant.*

De ceteris Canonibus Aurelianensi Concilio adscriptis.

Superfunt adhuc ceteri canones, qui Aurelianensi Concilio adscribuntur, qui tamen revera in nullis ejus nominis Conciliis habentur. Ex his est canon 8. dist. 34. quem jam observaverunt Romani Correctores, potius pertinere ad Concilium Gerundense in Hispania citeriore celebratum anno 517. de quo jam superius egimus. Revera in can. 8. ejusdem Concilii eadem omnino verba leguntur. Forte vero Aurelianensis Concilii nomine referri potuit, quod nonnulla eidem Constitutioni similis legantur in can. 6. Concilii Aurelianensis 3. anni 536. ibi: „ De Clericorum præmittenda conver-
„ satione id omnimodis observetur, ne
„ ullus ex Laicis ante annualem con-
„ versionem, vel ætatem legitimam...
„ ordinetur, ita ut de ipsis quoque,
„ qui ordinandi sunt Clerici, regulari
„ custodiatur studio, ne aut duarum u-
„ xorum vir, aut renuptæ maritus...
„ ad superscriptos ordines promoveatur. Quicumque canonem hunc cum canone 8. dist. 34. contulerit, eandem utrobique sententiam, ac definitionem agnosceret. Quamobrem facile contingere potuit, ut ad marginem canonis ejusdem 8. adjectum fuerit nomen Aurelianensis Concilii a studioso quodam, indicaturo similis constituta fuisse in dicto Concilio Aurelianensi 3. alius vero imperitus, vel incautus Amanuensis crediderit canonem ipsum esse Aurelianensi Concilio tribuendum, & propterea Aurelianensi eidem Concilio adscripserit.

Insuper Aurelianensi Concilio tribuit
M m 2 Gra-

Can. 8.
dist. 34.

Cap. 40. Gratianus canonem 40. cau. 12. qu. 2. quem tamen Gratianus idem testatur pertinere ad Concilium Agahtense anni 506. quum illud ipsum fragmentum Concilio Agahtensi adscripserit in canone 23. ejusdem causæ, & quæstionis, de quo jam egimus suo loco.

Cap. 32. Præterea canon 32. cau. 13. qu. 2. **can. 13.** laudatur perperam a Gratiano nomine Concilii Aurelianensis. At in decretalibus Gregorii IX. in cap. 2. de homicidio refertur quasi depromptum ex Romano Pœnitentiali. Optime Decretalium Collector: Nam idem canon legitur in Pœnitentiali Romano, qualem edidit Antonius Augustinus, de quo etiam Deo favente agam, ubi sermo instituendus erit de Pœnitentialibus. Et quidem in tit. 1. cap. 24. hæc leguntur, nullo tamen adjecto nomine auctoris: "Interfe-
 ,, cisti furem, aut latronem, ubi com-
 ,, prehendi poterat absque occisione, &
 ,, tamen interfecisti, quia ad imaginem
 ,, Dei creatus, & in nomine ejus ba-
 ,, ptizatus, & sanguine ejus redemptus
 ,, est, quadraginta dies non interes Ec-
 ,, clesiam, lancea veste indutus ab escis,
 ,, & potibus, qui interdicti sunt, a
 ,, thoro, a gladio, ab equitatu illos su-
 ,, pradictos dies abstineas. In tertia au-
 ,, tem feria, & in quinta, & Sabbato
 ,, aliquo genere leguminum, vel oleri-
 ,, bus, & pomis, vel parvis pisciculis,
 ,, cum mediocri cervisa utere, & tem-
 ,, perate. Si autem sine odii meditatio-
 ,, ne te, tuaque liberando diaboli mem-
 ,, brum interfecisti, secundum indulgen-
 ,, tiam dico, propter imaginem Dei, si
 ,, aliquid jejunare volueris, bonum est
 ,, tibi, & eleemosynam fac largiter. Si
 ,, Presbyter eadem fecerit, non depo-
 ,, natur, tamen, quamdiu vivit, pœ-
 ,, nitentiam agat". In hoc Romano Pœ-
 ,, nitentiali me consistere posse arbitrari,
 atque Gratianeum can. hujus Pœnitentialis auctori tribuere, si constaret hunc eundem Pœnitentialem Codicem esse Gratiano antiquiorem. Quoniam vero forte erit Gratiano, vel etiam auctore Palearum posterior, altius repetenda erit Gratiani fragmenti origo, præsertim cum idem canon legatur apud antiquiores Collectores, Ivonem parte 13. cap. 46. & Burchardum lib. 11. cap. 60. & apud istos nomine Concilii Aurelianensis inscribatur. Itaque ea, quæ huc usque diximus, tantum ostendunt, jure apud Collectorem Decretalium hocce fragmentum Romano Pœnitentiali suis-

se tributum. Nunc de antiquioribus Collectoribus disseramus. Palearum auctor Ivonem sequutus est, Ivo Burchardum. At Burchardus fragmentum accepit ex Reginone, qui in cap. 23. primæ suæ appendicis nullo adjecto auctoris nomine hunc titulum adscripsit: *Qua pœnitentia imponenda sit his, qui furem, aut latronem interficiunt*. Deinde ita sequitur Regino, non sane sententiam alicujus Concilii recitans, sed disciplinam referens usui suarum Provinciarum, suorumque temporum accommodatam, quemadmodum frequentissime in sua Collectione fecit. "Si fur, aut latro captus, in præda absque occisione potest com-
 ,, prehendi, & tamen interficitur, quia
 ,, ad imaginem Dei creati, & in no-
 ,, mine ejus baptizati sunt, interfec-
 ,, res eorum quadraginta diebus non in-
 ,, trent in Ecclesiam. Lancea veste in-
 ,, duti, ab escis, & potibus, qui in-
 ,, terdicti sunt, cum thoro, gladiis, &
 ,, equitatu se abstineant. In tertia, quin-
 ,, ta feria, & Sabbato, aliquo genere
 ,, leguminum, vel oleribus, & pomis,
 ,, parvis pisciculis, cum mediocri cer-
 ,, visa vicissim utantur, & temperate.
 ,, Sin autem a veridicis comprobatur
 ,, testibus, quod sine odii meditatione
 ,, se, suæque liberando diaboli membra
 ,, interficiunt, secundum indulgentiam
 ,, quadraginta diebus ab Ecclesia, car-
 ,, ne, vino, & conjugio, eleemosynam
 ,, largiter faciendo, abstineant. Et si
 ,, Presbyter est, non deponatur; cum
 ,, istis tamen vitæ suæ diebus pœniten-
 ,, tiam agat". En itaque e suis fontibus exhaustum Gratiani canonem; imo & si quis quæreret, undenam Aurelianensis Concilii inscriptio apud Burchardum, quem ceteri sequuti sunt, prodierit, facile dixerim, profectum etiam fuisse ex eadem collectione Reginonis. Cum enim Regino specialiter non dixisset, undenam ea verba depromserit, Collectores posteriores, atque inter ipsos Burchardus, suspicati sunt, illa ex eisdem locis excepta fuisse, ex quibus superiora capita apud Reginonem laudabantur. At cum superiora Reginonis capita ex Gallicanis Conciliis dicerentur accepta, & præsertim caput 18. cum pluribus sequentibus Concilio Aurelianensi Concilio adscribere.

Canon 29. cau. 18. qu. 2. referri posset ad can. 19. Concilii Aurelianensis. **Can. 29.**
can. 18. I. in eo enim hæc leguntur: *Abbatibus pro qu. 2.*
humilitate religionis in Episcoporum pote-
sta-

*factis consistent, & si quid extra regulam fecerint, ab Episcopis corrigantur. Non semel, sed saepius in anno Episcopi visitant Monasteria Monachorum, & si quid corrigendum fuerit, corrigatur. Ivo itaque immutavit sententiam Aurelianensis Concilii, forte ut eam disciplinæ sui temporis, suæque Provinciæ accommodaret, juxta quam obtinebat Episcopos plures singulis annis in Abbatum, & Monachorum mores, & Monasteriorum administrationem inquirere. Ceterum & in Concilio Rothomagensi anni 650. similis definitio legitur, ad quam etiam Ivonem arbitror respexisse. Etenim in can. 10. ejusdem Concilii hæc habentur. *Ubi Episcopus Monasteria Monachorum, & Sanctimonialium frequenter introeat, & cum gravibus, & religiosis personis, & in eorum, vel in earum conventu residens, eorum vitam, & conversationem diligenter discutiat, & si quid reprehensibile invenerit, corrigere satagat. Sanctimonialium etiam pudicitiam subtiliter investiget.**

Gratianus Ivonem sequutus laudavit ex Concilio Aurelianensi can. 16. & 17. cau. 27. qu. 1. quorum tamen verba in nullo ex Aurelianensibus Conciliis legimus. Forte & hic accidit, quod aliis pluribus in locis evenisse diximus; videlicet, ut Concilium Aurelianense ad marginem adscriptum fuerit, quo indicaretur, nonnulla similia in aliquo Aurelianensi Concilio legi; nomen deinde ejusdem Concilii, quasi nomen Auctoris eidem canoni inscriptum fuerit ab Amanuensibus. Revera in Concilio Aurelianensi V. anno 549. Childeberto Rege auctoritatem præbente celebrato, quemadmodum in illius præfatione dicitur, in can. 19. postquam statutum est virgines tempus probationis, seu tyrocinii explere prius debere, quam in Monasterio velentur, ita subditur: *Qua si deinceps sacra relinquentes loca propositum sanctum saculi ambitione transcenderint, vel illa, qua in domibus propriis, tam puella, quam vidua commutatis vestibus convertuntur, cum his, quibus conjugio copulantur, Ecclesia communionem priventur. Sane si culpam sequestrationis sanaverint, ad communionis gratiam revocentur.* Similia ferme leguntur in Concilio Vormaciensi anni 868. can. 21. ubi constituitur, ne viduæ semel velatæ ad sæcularia rursum transeant, aut, si transierint, ut ab Ecclesiæ liminibus arceantur, donec emendationis congrua speci-

mina præbuerint, Idipsum decretum fuisse scimus in Concilio Moguntino anni 888. in can. 26. ibi: "De viduis præcipimus, ut nequaquam cito velentur, sed in potestate earum maneat, consentiente Episcopo, utrum nubant, an professionem castitatis assumant, usque dum probetur earum conversatio, ne forte de eisdem dici possit, quod ab Apostolo dicitur: Quæ autem in deliciis sunt; viventes mortuæ sunt. Si autem propositum castitatis adsumerint, aut Monasterii Claustris, regulariter contringantur, aut domi manentes castitatem suæ professionis integerrime custodiant. Quod si a proposito deviaverint, canonicæ institutionis censura corrigantur. Quod & de virginibus, si moechatæ fuerint, statuimus, sicut in Concilio Eliberitano, &c." Verum huc usque nondum exhibuimus germanum Auctorem eorundem can. 16. & 17. cau. 27. qu. 1. Quod pertinet ad can. 16. isdem verbis habetur apud Reginonem in lib. 2. de ecclesiasticis disciplinis cap. 179. qui ita inscripsit: *ex eodem Concilio*, indicans sane Concilium Triburiense, cujus can. 24. retulerat in superiore capite, sive in cap. 178. Porro in dicto capite 179. Regino non eadem verba Triburiensis Concilii recitavit, sed sententiam can. 25. descripsit alia elocutione, & phrasi. Triburiensis autem can. habetur apud Gratianum in can. 8. cau. 27. qu. 1. Burchardus pro Triburiensi Concilio Aurelianense scribere potius voluit, forte putans se rem gratam facere Germanis, apud quos scribebat, si a recentioribus Gallicanæ Ecclesiæ Conciliis, quæ ipsi detestabantur, nominandis abstineret; quemadmodum pluries fecisse alibi animadvertimus. Idipsum contigit in can. 17. cau. 27. qu. 1. qui legitur eisdem omnino verbis in Concilio Triburiensi can. 23. quem propterea eadem ratione Burchardus Aurelianensi Concilio primus adscripsit, ex Burchardo Ivo, & ex Ivone Gratianus. Quoniam vero in hoc Triburiensi can. tria recitantur veterum Patrum fragmenta, opportunum erit hoc loco eadem suis Auctoribus tribuere, atque ad meliores codices exigere, ubi necesse sit. Refertur in primis ibi capitulum 20. Gelasii Papæ, quod illud ipsum est, & quidem integrum, quod Gratianus reculit in can. 14. cau. 27. qu. 1. licet ibidem velut ex Concilio Triburiensi laudetur. Sequitur.

tur post hæc sententia Concilii Chalcedonensis, quam Gratianus expressit in can. 22. cau. 27. qu. 1. Demum in fine can. refertur fragmentum Epistolæ decretalis Siricii Papæ ad Himerium Tarracensem cap. 6. ubi tamen hæc potius habentur: "Præterea Monachorum quosdam, atque Monacharum abjecto proposito sanctitatis in tantam potestate demersos esse lasciviam, ut prius clanculo, velut sub Monasteriorum prætextu, illicita, ac sacrilega se contagione miscuerint, postea vero in abruptum conscientiae desperatione perducti de illicitis complexibus libere filios procrearint, quod & publicæ leges, & Ecclesiastica jura condemnant. Has igitur impudicas, detestabilesque personas a Monasteriorum cætu, Ecclesiarumque Conventibus eliminandas esse mandamus; quatenus retrusæ in suis ergastulis tantum facinus continua lamentatione deflentes, purificatorio possint poenitudinis igne decoquere, ut eis vel ad mortem, saltem solius misericordiae intuitu per communionis gratiam possit indulgentia subvenire". Duo adhuc observanda sunt ad rectam horum can. interpretationem. Primum est nomine *Kiatiki* in dicto can. 17. non Eucharistiam, sed reconciliationem, sive Poenitentiae Sacramentum designari, quemadmodum & idem vocabulum hoc sensu pluries acceptum in veteribus Conciliis jam alias animadverti. Alterum observatione dignum est de viduis, quæ velari solebant. Prioribus Ecclesiæ sæculis diversa erat in hac re occidentalis ab orientali disciplina; etenim in occidente viduæ non velabantur, quemadmodum patet ex Gelasio Papa in cap. 23. & 21. Epist. 1. a Dionysio Exiguo velatæ, quippe in occidente velum pro signo virginitatis assumebatur; Græci vero, apud quos nuptiarum fœdera etiam divino cultui dedicatis honorabilia fuerunt, viduas etiam velare minime dubitarunt. Hinc ait Theodorus Cantuariensis in suis capitulis cap. 3. *Græci simul benedicunt viduam, & virginem, & utramque Abbatisam eligunt; Romani non velant viduam, sed virginem tantum.* Posteriore ætate occidentales Græcorum disciplinam recipere cœperunt, ac tum non virgines tantum, sed & viduæ velamine sacro ornatæ incedebant, ita tamen, ut virgines solemniter benedicerentur ab Episcopis, aut Sacerdotibus,

ubi velum acciperent; viduæ vero velum, non tamen benedictum, sponte caperent ex Altari, quemadmodum patet ex can. 31. ejusdem Concilii Triburiensis, ut proinde quoddam adhuc discrimen inter virgines, & viduas agnosceretur; hinc est, quod in dicto can. 16. dicitur viduas ab Altari velamen suscipere. At demum eo progressa est disciplina Græcorum, ut omnino apud Occidentales recepta fuerit, & hodie apud nos vigeat, non tam virgines, quam viduas solemniter benedictione in Monasteriis velari, eodem ferme modo, quo olim secundæ nuptiæ sine Sacerdotum benedictione celebrabantur, hodie vero etiam per Sacerdotum preces sanctificantur.

Falso etiam nomine Concilii Aurelianensis laudatur can. 30. cau. 27. qu. 2. qui etiam in can. 21. cau. 32. qu. 7. tributus est Concilio Moguntino. Revera autem legitur in Concilio Vermeriensi anni circiter 742. can. 12. ibi: *Qui dormierit cum duabus sororibus, & una ex illis autem uxor fuerit, nullam ex illis habeat, nec illa adultera soror, nec ille vir, qui cum illa adulteravit, alios unquam accipiant.* Paulo aliter videtur scripsisse Gratianus, cujus erratum ex Ivone, & Burchardo derivatum est. At Burchardus de more suo sequutus est fidem Reginonis. Regino autem laudavit hoc idem fragmentum nomine Concilii Vermeriensis, quod non egit Burchardus privato suo studio ductus, quemadmodum sæpe observavimus. En verba Reginonis in cap. 215. lib. 2. *Qui dormierit cum duabus sororibus, & una ex illis autem uxor fuerit, nullam ex ipsis habeat, nec ipsi adulteri unquam conjugio copulentur.* De hoc Vermeriensi Concilio suo loco agemus inferius. Tantum hic adjiciam nonnulla similia legi in Concilio Aurelianensi I. can. 18. ibi: *Ne superstes frater thorum defuncti fratris ascendat, neve se quisquam amissa uxoris sorori audeat sociare. Quod si fecerint, Ecclesiastica distributione feriuntur.* Ex quibus quispiam forte conjicere posset, nomen Aurelianensis Concilii fuisse in margine adpositum ad memoratum can. Vermeriensem, quo indicaretur nonnulla his similia definita jam in Concilio Aurelianensi fuisse; deinde vero ab Amanuensis creditum fuisse Vermeriensem can. Aurelianensi potius Concilio tribuendum fore.

Non est hodie amplius elaborandum in

Can. 3. in investigando Auctore canonis 3. cau.
 35. qu. 8. falso tribuit Concilio Aurelianensi, postquam Romani Correctores eundem ad Capitularia Francorum rede-
 gerunt, simulque verba ipsorum Capitularium ad calcem ejusdem can. ediderunt. Tantum dixerunt Burchardum hujus inscriptionis Auctorem fuisse, qui scilicet, uti sæpe diximus, a laudandis Francorum Capitularibus abstinebat.

Sunt qui hoc idem fragmentum Concilio Agathensi tribuerunt; at neque in Agathensi, neque in Aurelianensi aliquo Concilio inveniri potest; nisi quispiam quædam similia constituta agnoscere velit in can. 8. cau. 35. qu. 2. qui Concilio Agathensi tribuitur, vel in can. 10. Concilii Aurelianensis III. ubi dicitur in Episcoporum potestate esse, incestuosos punire graviter, & sub excommunicationis pæna eisdem separationem indicere.

Can. 9. de conf. dist. 1. non in ullo Aurelianensi Concilio legitur, sed potius repetendus est ex Novella Justiniani 67. cap. 1. & 2. ibi: *Sancimus igitur præ omnibus quidem illud fieri, & nulli licentiam esse neque Monasterium, neque Ecclesiam, neque orationis domum incipere ædificare, antequam Civitatis Deo amabilis Episcopus orationem in loco faciat, & Crucem figat, publicum processum ipsi faciens, & causam manifestam omnibus statuens. Multi enim simulantes fabricare quasi orationis domos suis modentur languoribus, non orthodoxarum Ecclesiarum adificatores facti, sed speluncarum illicitarum, & in cap. 2. Deinde non aliter quompiam Ecclesiam ex novo adificare, priusquam loquatur ad Deo amabilem Episcopum, & definiat mensuram, quam deputat, & ad luminaria, & ad sacrum ministerium, & ad incorruptanda domus custodiam, & observantium alimenta; & si sufficienter habere videtur, faciat prius donationem eorum, qua futura sunt, deputari, & ita domus adificetur.* Quod autem in eodem can. subjicitur de adspersione aquæ benedictæ, id non habetur apud Justinianum, sed potius in ordine Romano, cujus verba retulerunt Romani Correctores. Porro verosimile est, hoc fragmentum, quod etiam a veteribus Collectoribus adfertur, jam cœpisse in can. codicibus recenseri eo tempore, quo nondum invaluerat usus Nomocanonum, idest quo nondum Imperatorum leges solebant a Collectoribus iisdem interferi can. Conciliorum,

At cum ea Justiniani Constitutio valde utilis videretur sacrorum canonum studiosis, omittenda non fuerat, proindeque reticito Justiniani nomine laudata est nomine potius Concilii Aurelianensis, vel quod Justiniani tempore plura Aurelianentia celebrata Concilia fuerint, vel quod in Concilio Aurelianensi III. anni 538. quod incidit in tempora Justiniani can. 5. definitum fuerit, in arbitrio esse Episcopi, *quid ad reparationem Basilicæ, aut observantium ibi substantiam deputentur*, quæ sane verba plurimum congruunt cum relata Justiniani sententia.

Canonem 27. de conf. dist. 1. frustra quispiam quæreret inter can. Aurelianensium Conciliorum. Is tribuendus potius est Theodoro Cantuariensi, de quo peculiariter agam suo loco, ubi etiam hunc canonem commodius expendam, atque ad meliorum codicum integritatem, & fidem exigam. Causa errati fuit, ut in aliis bene multis, Burchardus; cum enim hoc Theodori fragmentum relatum fuisset in Capitularia Francorum lib. 5. cap. 48. quorum nomen in sua collectione perraro laudare volebat Burchardus, ignarus tribuendum esse Theodoro, laudavit potius ex Aurelianensi Concilio.

De canone 43. de conf. dist. 1. nihil est, quod hoc loco subijciam, postquam superius in cap. 28. illum ipsum Concilio Arvernensi adtribui, unaque observavi Aurelianense pro Arvernensi Concilio non nisi per Amanuensium, aut Typographorum oscitantiam fuisse adscriptum.

Demum quoad canonem 6. de conf. dist. 5. de Burchardo conqueri debemus, qui Aurelianense Concilium privato quodam studio pro Capitularibus Francorum laudavit. Plane habetur ille canon in Capitularibus adjectis additione 2. editionis Parisiensis anni 1677. cap. 6. his verbis: *Ut Episcopi nonnisi jejuni per impositionem manuum Spiritum S. trahant, exceptis infirmis, & morte periclitantibus. Sicut autem duobus temporibus, Pascha videlicet, & Pentecosten Baptismum, ita etiam traditionem S. Spiritus a jejunis Pontificibus convenit celebrari.* Similia etiam habentur in Concilio Parisiensi VI. cap. 33., atque ex his observare licet, quanta fuerit erga Sacramentum Confirmationis apud veteres reverentia, qui nolebant quempiam, nisi jejunum accedere, quique de hoc Sacramen-

Can. 27.
 de conf.
 dist. 1.

Can. 43.
 de conf.
 dist. 1.

Can. 6.
 de conf.
 dist. 5.

mento ita loquebantur, ut nunquam dicerent *Christianum*, nisi qui fuisset *Confirmatione Episcopali chrismatus*: Etenim Sacramentum Confirmationis ab Ecclesia semper habitum est tamquam Baptismatis perfectio, ac complementum. Hinc S. Cyrillus Hyerosolymitanus in Catechesi 3. Mystagoga ait: *Hujus Sancti Chrismatis dono accepto, merito appellamini Christiani veram efficientes appellationem in ipsa regeneratione; ante enim, quam hac gratia vobis donata esset, non*

eratis proprie digni eo nomine, sed pergentes eo usque progressi estis, ut efficeremini Christiani. Hodie etiam hæc vera sunt potiori jure; postquam enim se juncta fuit Baptismi collatio a collatione Confirmationis, Baptismus aliena voluntate suscipi solet ab infantibus, qui, ubi adolescentiores facti ad Sacramentum Confirmationis accedunt, propria voluntate fidem profiteri incipiunt, ex quo veri Christiani, atque omnino perfecti appellantur.

C A P U T XXX.

De quinta Synodo Generali, sive Constantinopolitana II.

Ad hoc Concilium pertinent hæc duo fragmenta apud Gratianum.

{ Cdn. 6. cau. 24. qu. 2. ex integris Concilii exemplaribus emendandus.
Can. 9. cau. 24. qu. 3. consonat cum vulgatis Concilii exemplaribus.

Celebratissimæ sunt Generalis quintæ Synodi causæ anno 553. sub Vigilio Pontifice Maximo, & Justiniano imperante celebratæ in Urbe Constantinopolitana. Disputatum acerrime fuit de tribus Capitulis, primum scilicet de Theodoro Episcopo Mopsuesteno, qui Nestorium ad hæresim concitaverat. Fuerat quidem jam damnata hæresis in Nestorio ipso per Concilium Ephesinum: Verum Nestoriani in spem quandam erigebantur, futurum, ut ipsorum adhuc Secta consisteret, quoties Theodorum Mopsuestiæ Episcopum Sectæ ejusdem facile Principem, tamquam virum laude dignissimum prædicarent; propterea illius opuscula scriptis commendata in publicum evulgare cœperunt, in quibus tradebatur duas in Christo esse personas contra definitionem Ephesinam, rati per venerabile Theodori nomen se paullatim in omnium animos hæreseos suæ virus facile instillaturos. Alterum caput pertinebat ad Theodoretum Cyrensem Episcopum, qui anathematismis a S. Cyrillo adversus Nestorium editis totidem contrarios anathematismos adversus Cyrillum opposuerat. Postrema disputatio versabatur in Epistola, quam Ibas Episcopus Edessenus scripserat ad Marim Persam, redarguens Rabulam Episcopum decessorem suum, quod, ut ipse aiebat, immerito Theodorum Mopsuestenum anathemate damnasset, ostendensque Theodorum ipsum fuisse virum de Ecclesia optime meritum, virum ho-

norabilem, & recolendæ memoriæ. Hæc vulgo appellantur *Tria Capitula*, quæ in hoc V. generali Concilio damnata fuerunt; damnatus Theodorus, etsi jam pridem vita functus; damnata scripta Theodoreti, damnata demum Epistola Ibæ; erant enim hæc omnia postrema Nestorianorum suffragia, & reliquiæ, quæ nisi omnino deletæ fuissent, spem Nestorianis augebant fore, ut aliquando non inglorii reviviscerent. Episcopi, qui ad hoc Concilium convenerunt, fuisse numero 165, omnes ferme ex Orientalibus Provinciis; erat enim Nestorianorum hæresis in Oriente natâ, ibidemque maxime pervagata, ac propterea Orientales potissimum Ecclesias, atque Episcopos afficiebat. Vigilius Papa Synodo quidem celebrandæ consensit, imo etiam ipse in Urbem Constantinopolitanam Concilii causa perrexit. Concilio tamen dignis de causis non interfuit. Verum acta Synodi fuerunt demum Pontificum Maximorum auctoritate confirmata, & totius Ecclesiæ consensione recepta, quemadmodum Viri eruditi apertissime demonstrant, inter quos consuli poterit ab eo, qui plura desiderat, Eminentissimus Norisius in eleganti dissertatione de Synodo quinta. Acta hujus Concilii fuerunt in octo Collationes distributa, quibus adjecti sunt canones numero quatuordecim ad stabiliendam Christianæ fidei, ac præsertim de Verbo Homine doctrinam adversus priorum temporum hæreses editi.

Can. 6. Ex hoc Concilio depromptus est cau.
 can. 24. 6. cau. 24. q. 2., cuius verba inconcin-
 ne, & ex variis ejusdem Concilii frag-
 q. 2. mentis incomposite digesta sunt, ac per-
 tinent ad causam memorati Theodori
 Mopsuesteni. Quum enim Concilii Pa-
 tres eum damnari in Synodo vellent
 tanquam Nestorianorum Antesignanum;
 plures ea de causa resisterant damna-
 tionem, quod ille jam vita functus esset,
 proptereaque damnari non amplius pos-
 set, ne forte gravissima defuncti homi-
 nis manibus inferri injuria videretur.
 Id propositum fuerat initio Concilii, &
 fufius disputatum in collatione 5., ubi
 Sancti Patres ad sacram Ecclesie tradi-
 tionem confugerunt, & demum auditis
 veterum Patrum sententiis in collatio-
 ne 8., pronunciatum est, memoriam
 defuncti hominis esse damnandam, ubi
 de hæretico agatur, illo præsertim, cu-
 jus scripta adhuc possunt legentium ani-
 mum lædere, & in prava torquere.
 Triâ hæc simul junxit Gratianus, ac
 primo quod propositum fuit in collatio-
 ne 1., retulit in principio dicti cano-
 nis 6.. Continent hæc verba principio
 edita allocutionem Justiniani Imperato-
 ris ad Synodum ibi: *Hortamur autem*
etiam illud disceptare, quod vane (Gra-
 tianus scribit sane) *profertur ab eis,*
qui dicunt non oportere post mortem hære-
ticos anathematizari, & sequi in hoc
doctrinam Sanctorum Patrum, qui non
solum viventes hæreticos condemnaverunt,
sed & post mortem, utpote in sua impie-
tate mortuos, sicut eos, qui injuste con-
demnari sunt, revocaverunt post mortem,
& in sacris diptychis scripserunt. (Quid
 fuerint sacre diptychæ rectissime tradi-
 derunt Romani Correctores.) *Quod fa-*
ctum est & in Johanne, & in Flaviano
religiosa memoria Episcopis Constantinopo-
litanis. Erant hæc omnia abs Justinia-
 no proposita, ut a Patribus Concilii di-
 rimerentur. Discussa porro hujusmodi
 controversia fuit in collatione 5., in
 qua Sancta Synodus palam declaravit,
 unumquemque Episcopum debere hac
 in re sententiam suam explicare ex tra-
 ditione veterum Patrum. Surrexit inter
 ceteros Sextilianus Episcopus Africa-
 nus, vices gerens Primosi Carthagenen-
 sis Episcopi ita differens: „ Doceo San-
 „ tum vestrum Concilium, quod ante-
 „ rioribus temporibus in nostra Provin-
 „ cia multi Episcopi congregati (*hæc*
 „ *habentur in vers.* multi Episcopi in
 „ *dicto can. 6.*), & quædam de diver-

Tom. I.

„ sis causis ad ecclesiasticum statum per-
 „ tinentibus disponentes statuerunt de
 „ Episcopis defunctis, qui hæreticis suas
 „ facultates relinquunt, ita ut post
 „ mortem anathemati subjiciantur, &
 „ si placet vobis, hæc ad lectionem por-
 „ rigo. Sancta Synodus dixit: Reciten-
 „ tur: & cum suscepisset idem Diaco-
 „ nus, & Notarius oblatam chartam
 „ recitavit. Sancti Augustini ad Boni-
 „ facium Comitem de quibusdam Dona-
 „ tistis accusantibus Cæcilianum Epi-
 „ scopum, quod in vita sua Codices
 „ Christianicos ad concremandum tradi-
 „ dit, qui propter hanc causam seme-
 „ tipfos separabant ab Ecclesia, cujus
 „ principium sic habet: Laudo, & gra-
 „ tulator, & admiror fili dilectissime Bo-
 „ nifaci! quod inter curas armorum,
 „ & bellorum &c. Et post alia: Et
 „ Cæcilianum nequaquam fuisse tradi-
 „ torem, sed a majoribus istorum fal-
 „ sis criminationibus, & calumniosis
 „ accusationibus appetitum, non quia
 „ in eo Ecclesie causa consisteret, nul-
 „ lius enim iniquitas obstitit promissio-
 „ nibus Dei, nec potest alicujus perire
 „ criminibus hæreditas Christi, quam
 „ ei donavit Pater, dicens: Pete a me,
 „ & dabo tibi gentes hæreditatem tuam,
 „ & possessionem tuam terminos terræ.
 „ Tamen qui propter ipsum occasionem
 „ invenerunt schismatis perpetrandi,
 „ ostendendum est purgatum fuisse in
 „ judicio Episcopali, & innocentem pro-
 „ nunciatum, non solum ab Episcopis
 „ Judicibus, sed etiam ab ipso Constans-
 „ tino Imperatore, apud quem calum-
 „ niose ab istorum Patribus accusatus
 „ est. Ut agnoscant, quam injuste ab
 „ Ecclesia toto diffusa orbe dividantur
 „ propter eum, cujus nullum unquam
 „ crimen non ipsi, non præcessores eo-
 „ rum ostendere potuerunt, quamvis
 „ (sicut etiam in memorata Epistola di-
 „ ximus) et si vera essent, (*hæc ha-*
 „ *bentur apud Gratianum in vers.* Si
 „ *vera dicto can. 6.*) quæ ab eis obje-
 „ ctæ sunt Cæciliano, & nobis possent
 „ aliquando monstrari, ipsum jam mor-
 „ tuum anathematizaremus; sed tamen
 „ Ecclesiam Christi, quæ non litigiosis
 „ opinionibus fingitur, sed divinis atte-
 „ stationibus comprobatur, propter quem
 „ libet hominem relinquere non debe-
 „ mus. Ejusdem S. Augustini ex gestis,
 „ quæ apud Marcellinum Virum claris-
 „ simum Tribunum, & Notarium acta
 „ sunt cap. 187., Augustinus Episcopus

N n

„ Ec-

„ Ecclesiæ Catholicæ dixit: Non si ho-
 „ midibus spes ponenda est Ecclesiæ,
 „ si boni sunt; neque si mali sunt, ju-
 „ dicanda est Ecclesia Dei periisse. Sed
 „ tamen etiam ipsorum causam tan-
 „ quam fratrum nostrorum suscipimus,
 „ & si nobis ostendi potuerunt crimi-
 „ nosi, hodie illos anathematizamus,
 „ non tamen propter illos Ecclesiam a
 „ Deo promissam, & exhibitam deserimus,
 „ aut relinquimus. Eiusdem Episcopi
 „ stola ad Catholicos: Si forte isti libri
 „ (*hæc refert Gratianus in vers. Augustinus ait dicto can. 6.*) ita designant
 „ traditorem suum, sicut designavit
 „ Dominus Judam, legant in eis
 „ nominatim, & expresse vel Cæcilium,
 „ num, vel ordinatores eorundem librorum
 „ fuisse traditores, & si non eos
 „ anathematizavero, ipse eum iudicem
 „ tradidisse. Eiusdem ex opere
 „ adversus Cresconium Grammaticum
 „ Donatistam lib. 3. Ego in Ecclesia
 „ sum, cujus membra sunt illæ omnes
 „ Ecclesiæ, quas ex laboribus Apostolorum
 „ notas, atque firmatas simul in
 „ literis canonicis novimus. Earum
 „ communionem, quantum me adjuvat
 „ Dominus, sive in Africa, sive ubicumque,
 „ non deseam. In hac communionem
 „ si fuerint, quos nescio traditores,
 „ cum eos demonstraveris & carne,
 „ & corde mortuos detestabor, nequaquam
 „ tamen a vivis in eiusdem Ecclesiæ
 „ Sanctæ unitate manentibus propter
 „ mortuos alienabor. Et post pauca:
 „ sed dicis, licere mihi etiam hodie
 „ (*hæc habentur in vers. Dicis apud Gratianum in dicto can. 6.*) de mortuis
 „ judicare, quia iudicium non tantum
 „ de vivis, sed etiam de mortuis fieri
 „ potest. Ecce volo judicare; sed vos
 „ causam ipsam non vultis agere. “

Huc usque Sextilianus Episcopus Africae ex S. Augustino traditionem de
 Hæreticis etiam mortuis damnandis ostendebat. Post ipsum prodiit in medium
 in Concilio Benignus Episcopus Heraclæ Pelagoniæ, vices gerens Eliæ Episcopi
 Thessalonicensis, & ait: „ Et quæ modo recitata sunt Augustini sanctæ
 „ memoriæ (*hæc sunt apud Gratianum in vers. Quæ modo in eodem can. 6.*)
 „ conveniunt statui tenenti ab initio in Ecclesia. Impium vero dogma
 „ jam inculpatum, & condemnatum est; & eos, qui tali dogmati
 „ obnoxii sunt, anathematizari vult Ec-

„ clesiæ traditio, licet mortui essent. Ideo & sanctæ memoriæ Augustinus
 „ dicit: Quod si modo convinceretur Cæcilianus de his, quæ inferuntur
 „ ei, etiam post mortem eum anathematizo. Et hæc dicebat de Cæcilio
 „ no Episcopo Carthaginis, qui solus ex tota Africa pervenit ad Nicænum
 „ Sanctum Concilium, sed etiam Valentinum, & Marcionem, & Basilidem
 „ a nulla Synodo anathematizatos, tamen eo, quod alienum pietatis
 „ erat dogma, quod illi defendebant, etiam post mortem anathematizavit
 „ Ecclesia Dei. Hoc vero etiam in Eunomium, & Apollinarium factum.
 „ Hanc vero Ecclesiasticam traditionem custodiens & Rambulas sanctæ
 „ memoriæ Episcopus factus Edessenæ Civitatis, qui in Sacerdotibus exple-
 „ duit, Theodorum istum Mopsuestenum (*referuntur hæc apud Gratianum in vers. Rambulas eodem can. 6.*)
 „ etiam post mortem in Ecclesia anathematizavit propter impia ejus
 „ scripta. Item post pauca idem Benignus Heraclensis ea subdit, quæ apud
 „ Gratianum leguntur in vers. Romanorum his verbis: Sed etiam Romanorum
 „ Ecclesia ante paucos annos Dioscorum, qui fuit Papa ejusdem
 „ Ecclesiæ & post mortem anathematizavit, cum nec in fidem peccasset,
 „ & hoc sciunt omnes, qui degunt Romæ, & maxime qui in dignitatibus
 „ existunt, qui etiam eidem Dioscoro communicatores permanserunt usque
 „ ad ejus mortem. Post nonnullas similes plurium Episcoporum sententias recitatas,
 „ quibus docebatur, hæreticos etiam post mortem posse damnari, hæc
 „ subjiciuntur: Et multos quidem etiam alios invenimus post mortem anathematizatos.
 „ Nec non etiam Origenem, etsi ad tempora (*pertinent hæc ad vers. Si ad tempora apud Gratianum in dicto can. 6.*) Theophili sanctæ
 „ memoriæ, vel superius aliquis recurrerit, post mortem inveniet anathematizatum,
 „ quod etiam nunc in ipso fecit & vestra Sanctitas, & Vigilius Religiosissimus
 „ Papa antiquioris Romæ. “ Sic perlectis, ac recitatis Sanctorum Patrum
 „ testimoniis, & exemplis, discussisque suffragiis Episcoporum tandem in
 „ fine ejusdem collationis, ita definitum est: Sancta Synodus dixit:
 „ (*hæc habentur in vers. Sancta Synodus penult. in dicto can. 6.*) Sufficiunt qui-

dem

dem qua dicta, & prolata sunt, ecclesiasticam traditionem demonstrare, eo, quod oportet hereticos & post mortem anathematizari. Tandem in collatione 8. Concilii, sive postrema hæc omnia omnino confirmata sunt, ubi leguntur eadem verba, quæ descripsit Gratianus in vers. *Sancta Synodus* ult. usque in finem, post quæ omni dubitatione prorsus excussa Theodorus publico Ecclesiæ judicio, licet jam mortuus, anathemate percussus est. Atque his & Gratianum canonem variis laciniis incompositis contextum meliori ordine descripsi, & ipsam Concilii sententiam clarius explicavi.

Ad eandem Theodori Mopsuesteni causam pertinet fragmentum illud collationis quintæ Concilii, quod retulit Gratianus in can. 9. cau. 24. qu. 3., ibi enim dicitur jure damnandum fuisse Theodorum, ea ratione, quia cum blasphemus fuisset in Deum, jam a Deo separatus erat, adiunctis Judæorum, vel Ethnicorum, aliorumve omnium, qui anathema dicebantur; propterea Theodoro anathema dici posse, cum nihil aliud anathema, quam separationem, significet. Verba ejusdem Can. 9. consonant omnino cum vulgatis Concilii exemplaribus.

CAPUT XXXI.

De Conciliis Parisiensibus.

Hoc Capite complectar duo Parisiensi Concilia, quæ tamen apud Gratianum in inscriptionibus Canonum minime distinguuntur. Prius est Concilium Parisiense anni circiter 557., quod in editis Gratiani exemplaribus appellatur I., & apud Labbeum dicitur III. Posterius est anni 615., quod apud Collectores Conciliorum dicitur Parisiense V. Jungam præterea Canones illos, qui Parisiensibus Conciliis perperam a Gratiano adscripti fuerunt. En Canones Gratiani ex ordine expositos.

Ex Concilio Parisiensi anni 557. { Can. 5. dist. 63. supplendus ex vulgatis Concilii exemplaribus.
Can. 6. cau. 36. qu. 2. emendandus ex integris Concilii exemplaribus.

Ex Concilio Parisiensi anni 615. { Can. 2. cau. 11. qu. 1. paullo varius in diversis exemplaribus.
Can. 7. cau. 27. qu. 1. perperam Concilio Toletano adscriptus.

His adduntur apud Gratianum. { Can. 8. dist. 93. est Concilii Moguntini anni 813.
Can. 24. cau. 23. qu. 8. est Concilii Meldensis anni 845.
Can. 6. cau. 24. qu. 3. ex variis fragmentis compositus, & præcipue Concilii Pistensis.

De Concilio Parisiensi anni 557.

Theobaldo Galliarum Rege defuncto excitata est acris contentio inter Childebertum, ac Clotharium fratres germanos, apud quos de regni divisione agebatur: circa annum 556., in qua rerum, animorumque perturbatione facile unusquisque intelliget, non solum Rempublicam universam salutis suæ periculum subivisse, verum etiam Ecclesiasticas res fuisse propemodum lapsas, si ve in Clericis, & Episcopis, quorum mores a rectis canonum regulis desciscerant, si ve in bonis ecclesiasticis, quæ

& laicis, præsertim nobilibus, diripiebantur, & per varias vices ab his modo, modo ab illis detinebantur. His gravissimis Ecclesiæ incommodis obviam eundum esse duxerunt Episcopi Gallicani, qui propterea circa annum 557. convenerunt in Parisiensem Urbem numero quindecim, ibidemque celebrato Concilio decem canones ad reformationem disciplinæ ecclesiasticæ fere lapsæ constituerunt, ex quibus duos apud Gratianum habemus.

Primus est Can. 5. dist. 63., cuius Can. 5. verba leguntur in Can. 8., cuius hæc dist. 63. sunt integra verba: „ Et quia in ali-

N.º 2 „ qui-

„ quibus rebus consuetudo prisca negli-
 „ gitur, ac decreta canonum violan-
 „ tur, placuit, ut juxta antiquam
 „ consuetudinem canonum decreta ser-
 „ ventur. Nullus civibus invitis or-
 „ dinetur Episcopus, nisi quem po-
 „ puli, & Clericorum electio plenissi-
 „ ma quæserit voluntate, non Princi-
 „ pis imperio, neque per quamlibet
 „ conditionem contra Metropolis vo-
 „ luntatem, vel Episcoporum compro-
 „ vincialium ingeratur. “ *Quod si per
 ordinationem Regiam &c.* Quæ sequun-
 tur eisdem verbis habentur apud Gra-
 tianum. Hac itaque ratione in ea ani-
 morum divisione consulere Episcoporum
 electionibus censuerunt Parisienses Pa-
 tres, ne forte eveniret, Episcopos ab
 uno ex contendebus electos, ab altero
 mutata fortuna deici, & sic Eccle-
 sias undequaque turbare per novas, &
 fere quotidianas dejectiones, promotio-
 nesque Episcoporum.

Can. 6. Alter est can. 6. cau. 36. qu. 2., qui
can. 36. legitur in can. 6. his verbis: *Et quia*
qu. 2. *utilium rerum capis causa tractari, hoc*
universitas praeavere quoque debet, tam
Sacerdotes, quam Principes, omnisque po-
pulus, ut nullus reg. alienas competere a
Regis audeat potestate. Nullus viduam,
neque filiam alterius extra voluntatem
parentum, aut rapere presumat, aut
Regis beneficio aestimet postulandam. Quod
si fecerit, similiter ab Ecclesia communio-
ne semotus, anathematis damnatione pla-
ctatur. Hoc loco passim eruditi animad-
 vertunt, tantam occasione contentio-
 num fuisse tunc quorundam improbita-
 tem, ut cives nonnulli improbis condi-
 tionibus fidem suam, operamque vende-
 rent Principibus in jura sua nitentibus,
 quorum propterea alii bona, prædique
 aliena experebant, alii viduas, & vir-
 gines patriæ adhuc potestati subiectas
 adversus parentum voluntatem rapere
 se posse impune paciscebantur. Volue-
 runt autem Parisienses Patres meliori
 consilio, & sinceriore affectu Princi-
 pum jura defendi a subditis, non ea
 ratione, ut subditi iidem pravis condi-
 tionibus a turbato Principe militiam
 suam spondentes flagitiorum impunita-
 tem extorquerent.

De Concilio Parisiensi anni 615.

Quæ in superiore Constituta fuerant,
 nemo non videt accommodata fuisse tem-
 poribus illis, quibus nonnullis rebus

quoquo modo consulendum esse misera-
 bilis Gallicanæ Reipublicæ conditio po-
 stulabat, quoad fieri posset. Verum sub
 initium septimi sæculi tandem aliquan-
 do in Clothario 2. Galliarum Rege redi-
 dita pax fuit, & in Regni unitate uni-
 tas quoque animorum in civibus esse
 cœpit. Visum tum fuit maxime oppor-
 tunum, res ecclesiasticas fere lapsas re-
 stituere, quod fieri posse visum fuit, si
 universi Galliarum Episcopi conveni-
 rent, & Regia etiam auctoritate freti
 germanam veterum canonum discipli-
 nam reducerent, ac confirmarent. Ce-
 lebrata Synodus fertur anno 615. in Ur-
 be Parisiensi, convenientibus ex omni-
 bus illius Regni Provinciis Episcopis
 numero novem supra septuaginta, edi-
 ctique sunt communi suffragio canones
 quindecim, qui & peculiari ipsius Clo-
 tharii Regis edicto fuisse confirmati.

Ex his est can. 2. cau. 21. q. 1. apud *Can. 2.*
 Gratianum, quem Auctor Palearum ad- *can. 11.*
 jecit nullo inscripto Auctoris nomine. *qu. 1.*
 Habetur autem in can. 4. hujus Conci-
 lii Parisiensis, ubi tamen Sirmondus,
 qui primus hoc Concilium edidit pro
 illis verbis: *sine licentia Pontificis*, le-
 git: *sine scientia Pontificis*, & pro illis:
quousque reatum suum agnoscat, &
emendet, legit: quamdiu reatum suum
corrigat, & emendet. Hanc Synodi hu-
 jus constitutionem Clotharii edicto con-
 firmatam renovavit postea Carolus Ma-
 gnus in Capitulari anni 769. cap. 17.
 ibi: *Ut nullus Judex neque Presbyterum,*
neque Diaconum, aut Clericum, aut ju-
niorum Ecclesia extra conscientiam Ponti-
ficis per se distingat, aut condemnare
presumat. Quod si quis hoc fecerit, ab
Ecclesia, cui injuriam irrogare dignosci-
tur, tamdiu sit sequestratus, quamdiu
reatum suum cognoscat, & emendet, quæ
 verba relata sunt in libros Capitularium
 lib. 6. cap. 156., & lib. 7. cap. 139.

Habetur etiam in can. 13. ejusdem *Can. 13.*
 Concilii can. 7. cau. 27. qu. 1., quem *can. 17.*
 Gratianus inscripsit nomine Concilii To-
 letani. Verba Parisiensis canonis hæc
 sunt: *De viduabus, & puellis, qua sibi*
vestes in habitu religionis in domibus pro-
priis tam a parentibus, quam per se ipsas
mutaverint, & se postea contra statuta
Patrum, vel præcepta canonum conjugio
crediderint copulandas, tamdiu utrique
habeantur a communione suspensi, quous-
que quod illicito perpetraverunt, emen-
dent, aut si emendare neglexerint, a
communione Ecclesiastica, vel omni Chri-
stia-

*panorum convivio in perpetuum fiat sa-
questuati. Hæc eadem Constitutio rela-
ta est in librum 7. Capitularium Fran-
corum cap. 338. editionis Parisiensis au-
ni 1677.*

*De reliquis Canonibus Concilio Parisien-
si adscriptis.*

*Can. 8. Tria adhuc supersunt fragmenta, quæ
dist. 93. apud Gratianum Concilii Parisiensis no-
mine inscribuntur. Primus est can. 8.
dist. 93., quem jam observaverunt viri
eruditi pertinere potius ad Concilium
Moguntinum anni 813. can. 22., ubi
hæc leguntur : De Clericis vagis, seu
acephalis, idest de his, qui sunt sine ca-
pite, neque in servitio Domini nostri,
neque sub Episcopo, neque sub Abbate,
sed sine canonica, vel regulari vita de-
gentes, ut in libro officiorum 2. capitulo
3. de eis dicitur, hos neque inter Laicos
sacularium officiorum studia, neque inter
Clericos religio tenet divina, sed solutos,
atque oberrantes sola turpis vita comple-
ctitur, & vagi & quique, dum nullum
mouunt, explenda voluptatis sua licen-
tiam sectantur, quasi animalia bruta,
libertate, ac desideria suo feruntur, ha-
bentes signum religionis, non religionis
officium, hippocentaureis similes, neque
homines. Hæc Moguntini canonis
editio verbo quidem tenus dissonat a
Gratiana; sed utrobique eadem omni-
no sententia est, quam Collectores Gra-
tiano anteriores Ivo, & Burchardus aliis
verbis perstrinxerunt, atque ex Pari-
sienfi forte Concilio laudaverunt, quod
uterentur Parisiensi quodam Codice, in
quo simul cum Parisiensibus aliorum Gal-
licanorum Conciliorum canones adnexi
fuissent.*

*Can. 24. Ex eadem causa factum arbitror, ex
can. 23. Concilio Parisiensi laudatum fuisse apud
qu. 8. Burchardum, Ivonem, & Gratianum
can. 24. cau. 23. qu. 8., qui potius de-
scribendus erat ex Concilio Meldensi
anni 845., siquidem in can. 63. ejusdem
Concilii hæc habentur : Ut secundum ca-
nonicam auctoritatem, & constitutionem
Domini Imperatoris Ludovici de agro Ec-
clesiastico, & manso, ac mancipiis, qua
ipse suis capitulis constituit, ut si quisli-
bet pro loco sepultura aliquid largitus Ec-
clesia fuerit, neque de decimis, & obla-
tionibus fidelium eniquam Presbytero ali-
quem censum persolvere cogat, nec quis-
quam cujuslibet ordinis vel dignitatis
exinde quidquam subtrahat, aut redhi-*

*bitionem quamcumque exigit temporalem.
Quod si fecerit, communione usque ad
satisfactionem privetur, & Regia potesta-
te hoc emendare legaliter cogatur. Me-
moratur hic Ludovici constitutio, quæ
sane alia non est, nisi quæ continetur
in Capitulari Ludovici Pii anni 816.,
ubi can. 10. ita legitur : Statutum est,
ut unicuique Ecclesia unus mansus inte-
ger absque ullo servitio adtribuatur, &
Presbyteri in eis constituti non de deci-
mis, neque de oblationibus fidelium, non
de domibus, neque de atriis, vel hortis
juxta Ecclesiam positis, neque de prescri-
pto manso aliquod servitium faciant præ-
ter Ecclesiasticum. Et si aliquid amplius
habuerint, inde senioribus suis debitum
servitium impendant. Hoc Capitulari
confirmatum est in dicto Concilio Mel-
densi, rursusque comprobatum in Ca-
pitulari Caroli Calvi anni 865. apud
Tansiacum, ubi Can. 11. ita legitur :
Ut de uno manso ad Ecclesiam dato nul-
lus census, neque caballi pastus a senio-
ribus de Presbyteris requiratur, sicut de
prefato Capitulari continetur. Sed neque
de terrulis, ac vineolis pro loco sepultu-
ra ad easdem Ecclesias datis, neque de
decimis, sicut in Canonibus, & prefatis
Capitularibus continetur. Et ubi inven-
tum fuerit a Missis nostris, quod seniores
sive conscientia Episcoporum Presbyteros
de Ecclesiis ejiciunt, vel in Ecclesiis sta-
tuunt, Missi nostri, sicut in prefatis Ca-
pitularibus continetur, inde faciant. Ex-
inde omnibus facile constare potest,
Gratianum depromsisse dictum Can. 24.
ex memoratis Gallicanorum Antistitum,
& Principum sententiis, quem Burchar-
dus primum nomine Concilii Parisiensis
forte etiam inscribere potuit, ut a me-
morandis Francorum Capitularibus ab-
stineret, quemadmodum id sibi propo-
sisse alias observaveram.*

*Demum falso inscriptus est Concilio Can. 6.
Parisiensi Can. 6. cau. 24. qu. 3., quem can. 24.
& Gratianus, & Collectores Gratiano qu. 3.
antiquiores hoc adjuncto nomine descri-
pserunt : Ex Concilio Parisiensi tempore
Ludovici. Zegerus VVanespen in suo
brevis Commentario ad Gratianum pu-
tavit canonem istum referendum esse ad
Concilium Parisiense VI. anni 829.; quod
quidem tempore Ludovici Pii celebra-
tum est. Verum ipse licet vir egregie
eruditus aut in hac re aliquid huma-
num, ut in aliis non paucis, passus est,
aut usus est aliis Codicibus, quam qui
editi sunt in Collectionibus Concilio-
rum.*

rum. Ego potius arbitror, corruptam fuisse veterum Codicum editionem, ita, ut legendum potius esset: *Ex Concilio Pistenfi tempore Ludovici*, pro quibus verbis facile Amanuensis scribere potuit: *Ex Concilio Parisiensi tempore Ludovici*. Revera tempore Ludovici II. Imperatoris anno 869. scimus in Gallia celebratum fuisse Concilium Pistenle, præbente etiam auctoritatem Carolo Calvo Rege, cujus acta & Baluzius edidit in Tomo 2. Capitularium Francorum pagina mihi 209., & ex illo is, qui Labbeanam Collectionem adauxit. Quam vero dixerim laudatum Can. 6. ad Concilium Pistenle referendum esse, non ita accipiendum erit, quasi integer in Concilio Pistenli reperitur. Tantum in eo sunt priora verba Canonis; etenim in Can. 10. ejusdem Pistenlis Concilii ita legimus: *Ut nemo Episcopus, nemo Presbyter excommunicet aliquem, antequam causa probetur, propter quam Ecclesiastici Canones hoc fieri jubent, & donec illum, qui peccavit, & inde aut sponte confessus est, aut aperte convictus fuerit secundum Evangelium præceptum, ut ad emendationem, & poenitentiam redeat, & communium habeat.* Hæc porro verba eadem ferme sunt cum priora parte Gratiani Canonis vers. *ut nemo*. Cetera a Collectore compositis variis legum, canonumque decretis congesta sunt juxta morem Collectoribus ipsis familiarem, qui aliquando plura simul coacervant ex variis locis de promta, & in unam quasi Synodicam Constitutionem aduehant. Priora autem verba ejusdem canonis, in quibus memoratur Justiniani Imperatoris Constitutio, referenda sunt ad Novellam 123. cap. 11., ubi hæc leguntur: *Omnibus autem Episcopis, & Presbyteris interdiximus segregare aliquem a sacra communione, antequam causa monstratur, propter quam sancta regula hoc fieri jubent. Siquis autem propter hoc a sancta communione quemquam segregaverit, ille quidem, qui injuste a communione segregatus est, solutus excommunicatione a majore sacerdote sanctam mereatur communionem: Qui vero al quem a sancta communione segregare præsumserit, modis omnibus a Sacerdote, sub quo constitutus est, separabitur a communione, quando tempore ille perspexerit, ut quod injuste fecit, juste sustineat.* Quicumque hæc Justiniani verba consideraverit, atque consulerit cum dicto Canone Concilii Pistenlis, statim conjiciet

Collectorem Canonum ex utroque capite tum Novellæ, tum Synodi unam, eandemque sententiam composuisse, inscribens fragmentum suum nomine Concilii, & exordiens abs Justiniani Constitutione.

Pertinent hæc ad principium dicti Gratiani canonis 6. Amplius progressus est Collector; quodque adjunctis tum Pistenlis Concilii, cum Justinianæ legis verbis exorsus est, aliis sanctorum Patrum capitibus confirmare voluit, ita subsequutus: *Et hinc S. Gregorius ad Johannem Episcopum &c.* Referenda sunt hæc ad Epistolam Gregorii Magni ad Johannem Episcopum Primæ Justinianæ, de qua suo loco verba faciemus, quæque est 6. lib. 2. indict. 11. in veteri editione. Hadrianus Thebanæ Civitatis Episcopus conquestus fuerat apud Gregorium, quod ab Johanne Primæ Justinianæ Episcopo abrupta sententia damnatus fuisset, quin ulla testium dispositio, aut rei ipsius confessio aliqua obesset accusato. Reprehendit hæc acta Sanctissimus Pontifex, cujus verba sunt apud Gratianum a vers. *castatis prius*, usque ad illa: *severius puniendum*; quæ enim ibidem sequuntur; *quin nemo præpropere, scilicet non communis, neque conventus est judicandus*, a Collectore ipso adjecta fuerunt, atque apud Gregorium desiderantur.

Non hic perstitit Collector, sed in vers. *de conventione* addidit ad eandem rem plura excerpta ex lib. 5. sententiarum Pauli jureconsulsi tit. 5. §. 6., his tamen verbis, quæ in editione Cujacii paullo dissonant a Gratianis: „*Tri-* „*nis literis* „ vel edictis, aut uno pro- „*tribus dato* „ aut trina denunciatione „*conventus* „ nisi ad judicem „ a quo „*sibi denunciatum est* „ aut cujus lite- „*ris* „ vel edictis conventus est „ vene- „*rit* „ quasi in contumacem dicta sen- „*tentia* „ auctoritatem rerum judicata- „*rum obtinet* „ quinimmo nec appellari „*potest ab ea* „ Post hæc Collector idipsum probat ex Cælestino ad Nestorium, item ex Concilio Ephesino, quorum testimonia jam recte exposuerunt Romani Correctores, quorum studium supervacaneum propterea est hoc in loco renovare. Addit Collector auctoritatem Gregorii ad Johannem scribentis. Quænam vero sit hæc Gregorii ad Johannem Epistolâ, Romani Correctores non indicant. Non sane esse potest jam memorata Epistolâ ad Johannem Episcopum.

Pri.

Primæ Justinianæ, cum in ea nihil dicatur de monitis tribus, quæ condemnationem præcedere debent, Potius erit Epistola 52. lib. 2. indiſt. 11. ad Johannem Constantinopolitanum, in cuius initio Gregorius scribit, se jam semel, & bis ipsum redarguisse, adhuc tamen tertio scribere, ut eum magis magisque ad poenitentiam adducat, & judicet; aut forte erit Epistola 54. ejusdem libri ad Johannem Episcopum Ravennatem, ibi: *Volimus, ut eis post secundam, & tertiam admonitionem tuam ministerium saceris interdicas officii, atque nobis de contumacia eorum renuncies* &c. Quæ sequuntur in vers. de peremptorio, excerpta sunt ex Concilio, quod vulgo Africanum dicunt, sive ex Codice Canonum Ecclesiæ Africanæ, ubi Can. 48. hæc

leguntur: *Servata forma disciplina (Gresconius) non asstimabitur appetitus, si a vestra charitate modestius conventus recedere retraxeris, cum fueris suo contemptu, & contumacia faciente etiam auctoritate judiciaria conventus.* Ceterum hoc in loco nihil occurrit de trina monitione, vel edicto peremptorio. Demum adferuntur eadem verba Gregorii Magni in Epist. ad Maximum Præsumtorem Salonitanum, de quo suo loco verba faciam, estque Epistola 3. lib. 3. eisdem verbis a Gratiano relata in vers. *hortamur*, demtis tamen illis verbis *de quibus accusaris*, quæ in eadem Gregorii Epistola desiderantur, & a Collectore adjecta sunt ad uberiores sententiæ explicationem.

CAPUT XXXIII.

De Conciliis Bracarenſibus.

Tria ex Bracarenſibus Concilia in suo Codice memoravit Gratianus, ex quibus sequentes Canones depromti sunt.

Ex Bracarenſi I. { *Can. 14. dist. 12. paullisper varius in diversis exemplaribus.*
Can. 21. dist. 23. consonat cum vulgatis Concilii exemplaribus.
Can. 12. can. 23. qu. 5. singularem exhibet disciplinam Ecclesiæ Bracarenſis, aut vetusta ætatis.

Ex Bracarenſi II. { *Can. 22. cau. 1. qu. 1. fere consonat cum vulgatis Concilii exemplaribus.*
Can. 102. cau. 1. q. 1. ex vulgatis Concilii exemplaribus emendandus.
Can. 103. cau. 1. q. 1. fere consonat in integris Concilii exemplaribus.
Can. 1. cau. 1. q. 2. ex integris Concilii exemplaribus emendandus.
Can. 1. can. 2. q. 4. consonat cum vulgatis Concilii exemplaribus.
Can. 12. cau. 10. q. 1. consonat cum vulgatis Concilii exemplaribus.
Can. 1. cau. 10. q. 3. paullo varius in diversis exemplaribus.
Can. 10. de conf. dist. 1. consonat cum vulgatis Concilii exemplaribus.
Can. 25. de conf. dist. 3. consonat cum vulgatis Concilii exemplaribus.
Can. 55. de conf. dist. 4. referendus ad can. 12. cau. 10. q. 1.

Ex Bracarenſi III. { *Can. 9. dist. 23. ex integris Concilii exemplaribus emendandus.*
Can. 8. dist. 45. consonat cum vulgatis Concilii exemplaribus.
Can. 2. cau. 2. q. 4. ex integris Concilii exemplaribus emendandus.

De Concilio Bracarenſi I.

NON obscuri nominis apud Collectores canonum sunt Concilia Bracarenſia, ita dicta a Bracara urbe olim Gallæciæ Metropoli, quæ nunc Braga dicitur in Portugallia. Quum vero Bra-

carensia Concilia memoramus, minime hoc in loco venit illud, quod apud Labbeum dicitur Bracarenſe I., & anno 411. celebratum a Pancratio, seu Pancratiano Bracarenſi Episcopo, sive quod nullos ejusdem Synodi canones habeamus, sed tantummodo fidei professionem; sive

sive quod a nonnullis inter apocrypha vetustatis sacræ monumenta recensetur. Primum Bracarense Concilium vulgo appellatur, quod celebratum est ab octo Bracarenfis Provinciæ Episcopis, Præsidente Lucretio Metropolitâ sub Rege Ariamiro, quem alii Theodemirum vocant, & sub Johanne III. Pontifice Maximo circa annum 563. Fuerat jampridem Ariamirus Rex sectæ Ariatorum adhærens, sed cum ad Catholicam fidem optimo exemplo conversus fuerit, nihil antiquius habuit, quam & fidei dogma in generalibus Ecclesiæ Conciliis definita confirmari, & Ecclesiasticam disciplinam propemodum lapsam restitui; quamobrem curavit, ut Concilium celebraretur, quod deinde ab Episcopis libentissime habitum est, ac ipsa auctoritate comprobatum. Ibidem vero in primis efformatum est sanctæ fidei exemplar, quo præsertim improbaretur, ac damnaretur hæresis Priscillianistarum, quæ eo tempore grassabatur, & quod in decem & septem capita distributum est; deinde editi sunt can. 22., quibus disciplina Ecclesiastica reformaretur.

Can. 14.
dist. 12.

Ex hisce posterioribus canonibus depromtus est can. 14. dist. 12., ubi indicitur, ut idem sit sacræ psalmodiæ ordo apud omnes Clericos, neque alii ab aliis Clerici in hac re dissideant, eo prætextu, quod nonnulli Monachorum ritus sequi malint: atque ad hanc rem juvat observare varietatem editionum: etenim licet vulgati Codices habeant: *Neque Monasteriorum consuetudines cum Ecclesiasticæ regulæ sint permixtæ*, in aliis tamen legitur: *neque Monasteriorum consuetudines contra Ecclesiasticas regulas sint permixtæ*. Olim triplex erat Psalmodiæ Ecclesiasticæ ratio; alia, quam Sancto Hieronymo, ut fertur, auctore Romana Ecclesia non solum ipsa receperat, verum etiam aliis Ecclesiis, ut reciperetur, exemplo fuit; Alia, quam Sanctus Ambrosius ad usum Mediolanensis Ecclesiæ suæ constituerat; alia demum, quam S. Benedictus Monachorum institutor, & Pater ad Monasteriorum disciplinam tradiderat. Verosimile autem est tunc Ecclesiam Bracensem recepisse eam Psalmodiæ rationem, quæ in Romana Ecclesia recepta fuerat, quemadmodum facile colligere possumus ex can. 4., & ejusdem Concilii Bracarenfis, in quibus constitutum est, ordinem celebrandæ Missæ, & conferendi baptismatis illum esse servandum,

quem Profuturus Bracarenfis Episcopus jampridem a Romana Ecclesia acceperat; unde colligimus jam tum in Ecclesia Bracarensi consuetudine receptos fuisse Romanos ritus, ac propterea in eadem Ecclesia viguisse Romanam, sive Hieronymianam Psalmodiam. Proditâ vero, atque in varias Provincias evulgata regula S. Benedicti, & ejusdem disciplina Monastica, nonnullis ex Clericis nova Benedicti ejusdem Psalmodia placere cœpit, qui propterea a consuetâ psallendi ratione recesserunt, & Monasticam subrogarunt, quasi hæc illis accommodatior videretur. Aliter tamen senserunt Bracarenses Patres, qui propterea in tota Provincia voluerunt eidem, & veteri Psalmodiæ insistendum esse, vel quod veterum institutiones despiciendæ non essent, vel quod distinguenda forent Monachorum, & Clericorum officia.

Inter eosdem canones num. 10. legitur *can. 31. dist. 23. his verbis: Item placuit, ut non liceat cuilibet ex Lectoribus sacra Altaris vasa portare, nisi his, qui ab Episcopo Subdiaconi sunt ordinati.*

In eisdem canonibus num. 16. habetur *can. 12. cau. 23. qu. 5. & quidem eisdem omnino verbis, quæ & in Collectione suam retulit Regino Prumiensis lib. 2. cap. 92., Halitgarius lib. 4. cap. 6., quibus addi potest Collector Capitularium Francorum in lib. 6. cap. 70., lib. 7. cap. 344., & additione 4. cap. 60.* Porro quæ in fine hujus canonis decernuntur de illis, qui ob publica crimina pœnam mortis subierunt, asperiora videntur, & singularem Bracarenfis Provinciæ, aut illorum temporum disciplinam continere, ut scilicet in oblatione nulla ipsorum commemoratio fiat; quod propterea apud recentiores non obtinuit, imo & contra statutum videtur in Concilio Aurelianensi II. cap. 14. ibi: *Oblationem defunctorum, qui in aliquo crimine fuerint interempti, recipit debere censemus, si tamen non ipsi sibi mortem probentur propriis manibus intulisse.* Gratianus, ut minus asperam redderet Bracarenfis canonis in postrema parte sententiam, interpretatus illum est de Reis damnatis, quos admissorum criminum non pœnituit. Verum hujus interpretationis nulla est, ne levissima quidem in Bracarensi Concilio conjectura, cum verba canonis generalia sint, & omnes casus comprehendant. Potius dicendum videretur, maxime interfuisse illis

Can. 12.
can. 23.
qu. 5.

illis temporibus, quoad fieri poſſet, a publicis criminibus homines avertere, quo quidem plurimum conducebat, ſi ſtatuſſetur, ne oblationem quidem accipi, aut commemorationem fieri ipſorum. Alias vero Bracarenſes Patres non prohibuerunt, damnatos privatis fidelium piorum orationibus juvari, & Deo commendari.

De Concilio Bracarenſi II.

Concilium Bracarenſe II., quod apud Labbeum tertium dicitur, celebratum eſt anno 572. ſub Mirone Svevorum Rege poſt obitum Johannis III. Pontificis Maximi a Martino Bracarenſi Archiepiſcopo, de quo in ſequenti capite agendum erit. In hac Synodo decem conſtituti ſunt canones cauſa diſciplinæ Eccleſiaſticae reformandæ.

Can. 22. In can. 3. habetur can. 22. cau. 1. qu. 1. edictus adverſus Simoniacos, quos bene multos ea ætate fuiſſe perſpicue liquet ex Epiſtolis Gregorii Magni. In vulgatis Concilii exemplaribus vix eſt, quod a Gratiani editione diſcrepet, niſi forte quis obſervatione dignum exiſtimet, quod pro illis verbis Gratiani; *nulla accipiant, legatur illic nulla ſuſcipiant*; item pro illis: *ſcſcleribus obruit*, legatur: *ſcſcleribus obruti*, demum pro illis: *oportet non per gratiam*, habeatur: *oportet ergo non per gratiam*.

C. 102. In can. 4. ejuſdem Concilii legitur cau. 1. can. 102. cau. 1. qu. 1. his tamen verbis: *Placuit, ut modicum balaſami, quod benediſſum pro baptiſmi Sacramento per Eccleſias datur, quia ſinguli tremiſſes pro ipſo exigi ſolent* (legunt alii: *quia ſingulis tremiſſes exigi ſolent*) nihil ulterius exigatur, ne forte, quod pro ſalute animarum per invocationem Sancti Spiritus conſecratur, ſicut Simon Magus donum Dei pecunia emere, (legunt alii: *emere voluit*), ita nos venundare damnabiliter videamur. Ex his magis magiſque liquet, quod in præcedenti canone obſervabam, videlicet tempore hujus Concilii Bracarenſis paſſim Clericos occaſionem quaſiſſe pro rebus ſacris pecuniam exigendi, quamobrem operæ pretium fuit Sanctis Patribus effugia omnia præcludere, & veteres etiam conſuetudines abrogare. Solebant in Eccleſia Bracarenſi eo tempore, quo ſacra balaſma a Cathedrali Eccleſia tribuebantur in Eccleſias rurales, exigi tremiſſes a ſingulis. (tremiſſes erant tertia pars ſoli-

Tom. I.

di, quemadmodum conſtat ex lege Alamanorum, ſive Capitulari Dagoberti Regis anni 630. tit. 6. num. 3. ibi: *Tremiſſus eſt tertia pars ſolidi, & ſunt de maris quatuor*. Jungatur lex 3. Cod. de veſte militari). Non erant hæc ſtatim improbanda, cum eſſent veſtigia juris antiqui, quod Cathedralibus Eccleſiis competeſſet. Cum enim olim quicumque Eccleſiarum inferiorum redditus non ſingulis Parochiis, vel Parochiis ipſis cederent, ſed ad Epiſcopos, vel Cathedralibus Eccleſiis deferrentur, ob eorundem Epiſcoporum, & Cathedralium Eccleſiarum inopiam, ex quibus tamen Epiſcopi iidem Parochiis alimenta ſuppeditabant, quemadmodum probari poteſt ex Concilio Aurelianenſi I. anni 514. can. 15.; paulatim diſceſcentibus Eccleſiis Cathedralibus Epiſcopi ſingulas oblationes Parochiis factas ſingulis Parochiis reliquerunt, quibuſdam tamen reſervatis in ſignum juris Epiſcopalis. Quod ſignum quemadmodum in aliis Eccleſiis erat Cathedralicum, vel Synodaticum, tertia pars decimarum, & oblationum, vel ſimile quidpiam, ita ut Bracarenſi Eccleſia erat tremiſſus, qui Eccleſiis Cathedralibus ab inferioribus pendebatur tempore Paſchali, quo ſacrum Balaſmum petebatur. Verum cum Simoniacæ labes tum Clericos ferme omnes infeciſſet, viſum fuit etiam hanc occaſionem avertere, ne forte tremiſſi præſtatione ſacra Balaſma vendi quodammodo viderentur.

Can. 103. cau. 1. qu. 1. pertinet ad C. 103. cau. 1. qu. 1. ejuſdem Concilii, ut eadem verba leguntur, niſi forte quis obſervatione ne dignum crediderit, quod pro illis Gratiani verbis: *filios a baptiſmo retrahunt*, legatur in Concilio: *filios ſuos a baptiſmo retrahunt*; & pro illis: *qui ſi forte dum diſſeruntur*, legatur: *quod ſi forte dum diſſerunt*; demum pro illis: *quorum ſpolia pertimeſcentes*, habeatur in pluribus Codicibus: *quorum ex ſpolia pertimeſcentes*.

Can. 1. cau. 1. qu. 2. hiſce verbis legendus eſt ex can. 5. ejuſdem Bracarenſis Concilii: „ Placuit, ut quoties ab „ aliquo fidelium ad conſecrandas Ec- „ cleſias Epiſcopi invitantur, non qua- „ ſi ex debito munus aliquod a funda- „ tore requirant; ſed ſi ipſi quidem ali- „ quid ex ſuo voto obtulerint, non reſ- „ puatur. Si vero aut paupertas illum, „ aut neceſſitas retinet, nihil exigatur „ ab illo. Hoc tantum unusquiſque „ Epi-

Can. 1.
cau. 1.
qu. 2.

„ Episcoporum meminerit, ut non prius
 „ dedicerit Ecclesiam, aut Basilicam,
 „ nisi antea dotem Basilicæ, & obse-
 „ quium ipsius per donationem (*legunt*
 „ *alii*: per ordinationem) Chartulæ
 „ confirmatum accipiat; nam non levis
 „ est ista temeritas, si sine luminariis,
 „ sive sine sustentatione eorum, qui
 „ ibidem servituti sunt (*legunt alii*:
 „ servituri sunt) tanquam domus pri-
 „ vata, ita consecratur Ecclesia.

Can. 1. Cum can. 8. Concilii hujus Bracaren-
 cau. 2. sis juxta vulgatam editionem consonat
 qu. 4. can. 1. cau. 3. qu. 4., dummodo pro
 verbo illo postremo accipiat, legamus:
excipiat.

Can. 12. De can. 12. cau. 10. qu. 1. nihil est,
 cau. 10. quod specialiter observemus. Legitur il-
 le eisdem omnino verbis in can. 1. Con-
 cilio hujus Bracarenfis.

Ejusdem etiam verbis legitur in can.
 2. Bracarenfi can. 1. cau. 10. qu. 3.,
 cau. 10. ubi tamen in illis: *Et facta testis abstu-*
 qu. 3. *lit Ecclesia*, aliqui Codices habent: *Et*
sacra suffulit Ecclesia. De jure Episco-
 porum, Ecclesiarumque Cathedralium
 jam nonnulla differui ad can. 102. cau.
 1. qu. 1., qui est hujus Concilii, ubi
 observabam, Episcopos abdicasse a se ad-
 ministrationem integram oblationum,
 quæ fiebant Ecclesiis inferioribus, re-
 tento sibi aliquo jure in signum veteris,
 atque ordinariæ potestatis. Inter cetera
 jura hoc erat in Bracarenfi Provincia,
 ut Episcopi duos solidos exigerent, quo-
 ties Parochias suas lustrarent. Quod si
 quispiam de solidorum hujusmodi valore
 quæreret, dixerim, varium fuisse apud
 veteres, nec adeo facile definiri posse,
 qualis in Bracarenfi Provincia fuerit.
 Apud Romanos veteres dicebatur sum-
 ma aurea continens centum sextertios,
 uti deduci potest ex l. 5. §. *prator* de
 his, qui dejecer., vel effuder. compa-
 rata cum §. *item his cui* instit. de obli-
 gat. quæ quasi ex delicto, & l. 47.
 de manum. testam. cum l. 8. & 9. de
 inoffic. testam. Erat propterea solidus
 septuagesima secunda pars libræ auri,
 l. *quotiescumque* Cod. de susceptoribus,
 & solidus aureus olim viginti libris æ-
 ris æstimabatur, l. un. Cod. de Colla-
 tione æris.

Can. 10. De can. 10. de conf. dist. 1. legitur eis-
 dem verbis in can. 6. hujus Concilii,
 de conf. in quo reprobatur sunt ejusmodi condi-
 dist. 1. tiones in ædificationibus Ecclesiarum,
 ut ædificator dimidiam oblationum par-
 tem lucraretur: Et si enim fundatoribus

concessum fuerit honestas conditiones ap-
 ponere, minime tamen ipsis indulgen-
 dum fuerat, ut non causa pietatis &
 religionis, sed potius quærendi lucri
 templa construerent.

Jam alias memini me animadvertif. Can. 25.
 se, quemadmodum olim Paschalis festi- de conf.
 vitas in Ecclesiis esset indicenda. Post- dist. 3.
 quam enim cautum apud veteres fuis-
 set, uno eodemque die Pascha in Ec-
 clesiis universis celebrari debere, dispu-
 tatum est de modo, quo Ecclesiarum
 conformitas hujusmodi facilius obtine-
 retur. Et quidem Orientales contende-
 bant ad se pertinere designationem diei,
 præsertim Ægyptii, qui se Lunæ cur-
 sum maxime callere allegabant. Contra
 Latini, qui sentiebant designationem
 diei esse a Pontifice Maximo tanquam
 totius Ecclesiæ Principe expectandam.
 Pacata tandem fuit hæc controversia,
 statutumque, ut Ægyptii Episcopi per
 privatam Epistolam Pontificem Maxi-
 mum certiores facerent de die decima-
 quinta Lunæ Martiæ, ut dein idem
 Maximus Pontifex commode Paschalem
 diem designaret, designatamque omni-
 bus Ecclesiis, ipsis etiam Ægyptiis,
 per Encyclicam palam faceret, atque
 indiceret celebrandam. Indicebat Ponti-
 fex Maximus Metropolitanis, qui dein-
 de singuli suis suffraganeis Episcopis ad
 Concilium conventibus indicabant;
 demum vero Episcopi omnes redeuntes
 a Synodo universo populo promulga-
 bant. Ex his facile percipitur sententia
 can. 25. de conf. dist. 3., qui omnino
 consonat cum can. 9. Bracarenfi.

Can. 55. de conf. dist. 4. jam inte- Can. 55.
 grum retulerat Gratianus in can. 12. de conf.
 cau. 10. qu. 1. ex can. 1. Bracarenfi, dist. 4.
 ex quo adparet emendanda esse illa ver-
 ba *spiritualiter doceantur*; sive enim in
 vulgatis Concilii exemplaribus, sive apud
 eundem Gratianum in memorato can.
 12. legitur: *specialiter doceantur*.

De Concilio Bracarenfi III.

Anno 675. celebratum est aliud Bra-
 carense Concilium, quod tertium ap-
 pellamus, apud Labbeum vero dicitur
 quartum, sub VVambano Rege tem-
 poribus Adeodati Pontificis Maximi.
 Illud est Provinciale, in quod conve-
 nerant Episcopi octo a Leodecisio Ar-
 chiefiscopo convocati. Novem in eo
 editi canones sunt, quorum prior fi-
 dei professionem continet, ceteri ve-
 ro

ro ad ſtabiliendam diſciplinam Eccleſiaſticam pertinent. Ex canone 4. hujus Concilii ita reſtituendus erit canon.

Can. 9. 9. diſt. 23. „ Cum antiqua Eccleſiaſti-
diſt. 23. „ ca noverimus inſtitutione præfixum,
„ ut omnis Sacerdos, cum ordinatur,
„ orario utroque humero ambiatur,
„ ſcilicet, ut qui imperturbatus præ-
„ cipitur conſiſtere inter proſpera, &
„ adverſa, virtutum ſemper ornamen-
„ to utrobique circumſeptus adpareat,
„ qua ratione tempore Sacrificii non
„ aſſumat, quod ſe in Sacramento ac-
„ cepiſſe non dubitatur? Proinde mo-
„ dis omnibus convenit, ut quod quiſ-
„ que percepit in conſecratione, hoc
„ & retinet in oblatione, vel perce-
„ ptione ſuæ ſalutis, ſcilicet ut, cum
„ Sacerdos ad ſolemnia Miſſarum ac-
„ cedit, ut pro ſe Deo Sacrificium
„ obſaturus, aut Sacramentum Corpo-
„ ris, & Sanguinis Domini Noſtri Je-
„ ſu Chriſti ſumturus, non aliter ac-
„ cedat, quam orario utroque hume-
„ ro circumſeptus, ſicut & tempore
„ ordinationis ſuæ dignoſcitur confe-
„ cratus, ita ut de uno, eodemque
„ orario cervicem pariter, & utrum-
„ que humerum premens ſignum in ſuo
„ pectore præferat Crucis. Siquis au-
„ tem aliter egerit, excommunicatione,
„ ni debitæ ſubjaceat. “ Ex his ad-
„ pareat orarium illud, quod olim præ-
„ manibus geſtabatur a Sacerdote, vel
„ Diacono, ut ora prædicantes Dei ver-
„ bum ſudore madentia tergerent, vel ut
„ Diaconi ſigna ab Altari, cui miniſtra-
„ bant, Catechumenis, aut pœnitentibus
„ darent, paullatim tranſlatum fuiſſe in
„ Sacerdotale ornamentum myſticis qui-
„ buſdam ſignificationibus decoratum, quod
„ hodie *ſola* nomine appellamus.

Can. 8. In can. 7. ejuſdem Bracarenſis Con-
diſt. 45. cili ſubſtituitur eiſdem omnino verbis ca-
non 8. diſt. 45. ex quo adparet vetus
illa diſciplina, de qua jam ſuperius
egi, videlicet ut Epifcopi adinſtar Pa-
rentum, vel Præceptorum curæ infe-
riorum Clericorum invigilarent, eoſque
etiam aliquorum delictorum reos flagel-
lo corrigerent. Hac autem poteſtate
cum aliquando abuterentur ſeveriores
Epifcopi, cautum in hoc canone ani-
madvertimus, ne Epifcopi verberibus

pœnam exaſperent, & percuſſores po-
tius, quam Paſtores videantur. Poſte-
riora hujus canonis verba: *excommuni-
cationis pariter, & exilii ſententiam ſu-
ſtinebit*, de pœna depoſitionis intelli-
genda ſunt; apud veteres enim Patres
exilii, & depoſitionis nomina promiſ-
ſcue ſumebantur. Sic in Concilio To-
letano XVII. legitur can. 6. *a proprii
deponatur ordinis gradu, & perpetuo
exulet*. Præſertim vero exulare quiſ-
piam ex viris Eccleſiaſticis dicebatur,
quoties in Monafteriis pœnitentiam de-
lictorum agebat: Hinc Anaſtaſius in
Stephanum IV. ait: *Sergius vero in
Monafterium D. Scauri deportatus; &
Platina in Chriſtophoro: In Monasteria
tanquam in inſulas Clerici male de Ec-
cleſia meriti tum relegabantur*. Conferatur
can. 2. cau. 21. qu. 2.

Verba canonis 2. cau. 12. qu. 4. ita
legenda ſunt ex can. 9. Bracarenſi jux-
ta integra Concilii exemplaria: „ Non
„ decet Rectores Eccleſiæ in ſuis ſtre-
„ nuos, & in Eccleſiaſticis rebus eſſe
„ remiſſos: Nam quorundam fertur
„ opinio, quod quidam Sacerdotum fa-
„ milias Eccleſiæ in ſuis propriis labo-
„ ribus quaſſent, rei propriæ profe-
„ ctum augentes, Dominicis vero diſ-
„ pendium nutrientes. Unde quicum-
„ que ſub hoc neglectu (*ex his exordi-
„ tur Gratianus*) res divinas laborare
„ diſtulerit, ſpeciali placito (*ideſt le-
„ ge*) diſtringendus eſt, qualiter ſi de
„ rebus, ſeu augmentis Eccleſiæ quæ-
„ ſtum, vel labores rei propriæ auxit,
„ ut ex hoc (*alii legunt*: quæſtum la-
„ boribus ſuis propriæ auxit, & ex hoc)
„ Eccleſiaſticis rebus aut neglectum la-
„ boris exhibuit, aut minorationem,
„ vel perditionem induxit, quidquid in
„ rebus Eccleſiæ minorationis exhibuit,
„ tantum de rebus propriis Eccleſiæ il-
„ li reſtituat, ex cujus rebus, atque
„ ſuffragiis ſuos convictus fuerit am-
„ pliaſſe labores. Quod ſi aliquid pro
„ utilitatibus Eccleſiæ aut ſubſtantię
„ expendit, aut diſpendii, vel perdi-
„ tionis quidpiam pertulerit, ſi hoc
„ comprobari potuerit, totum illi a re-
„ bus Eccleſiæ ejuſdem reformabitur,
„ pro cujus utilitate id expendiſſe pro-
„ batur.

Can. 2.
cau. 12.
qu. 4.

C A P U T XXXIII.

De Concilio, quod dicitur Martini Papæ.

Huc pertinent sequentes canones.

- Can. 15. dist. 18. ad canonem 20. Concilii Antiocheni referendus.*
Can. 32. dist. 23. pertinet ad Concilia Bracarense I. & Charthaginense IV.
Can. 7. dist. 24. ad canonem 9. Concilii Niceni referendus.
Can. 1. dist. 27. ad canonem 10. alias 9. Concilii Ancyranum referendus.
Can. 12. dist. 28. pertinet ad Concilium Toletanum I.
Can. 17. dist. 30. pertinet ad Concilia Gangrense, Nicanum, & Ancyranum.
Can. 12. dist. 34. ad canonem 8. Concilii Neocæsarensis referendus.
Can. 17. dist. 34. ad canonem 3. Concilii Toletani I. referendus.
Can. 18. dist. 34. ad canonem 4. Concilii Toletani I. referendus.
Can. 12. dist. 44. pertinet ad Concilia Laodicensem, & Carthaginensem.
Can. 8. dist. 50. pertinet ad canones vulgo Apostolicos, & Concilium Ancyranum.
Can. 22. dist. 50. ad canonem 15. Ancyranum referendus.
Can. 44. dist. 50. pertinet ad Canones Ancyranos.
Can. 7. dist. 54. ad canonem 10. Concilii Toletani I. referendus.
Can. 9. dist. 55. ad canonem 1. Nicenum referendus.
Can. 8. dist. 63. pertinet ad canones Laodiceos.
Can. 7. dist. 64. ad canonem 4. Nicanum referendus.
Can. 2. dist. 65. ad canonem 19. Antiochenum referendus.
Can. 3. dist. 92. ad canonem 15. Laodicensem referendus.
Can. 4. dist. 92. ad canonem 18. Antiochenum referendus.
Can. 9. dist. 92. ad canonem 5. Concilii Toletani I. referendus.
Can. 11. dist. 95. est referendus ad can. 20. Concilii Toletani I. junctis can. 124. de cons. dist. 4.
Can. 67. cau. 1. qu. 1. referendus ad canones 32. & 38. Laodiceos.
Can. 22. cau. 1. qu. 7. referendus ad canonem 8. Concilii Niceni.
Can. 2. cau. 6. qu. 4. ad canonem 14. Antiochenum referendus.
Can. 4. cau. 8. qu. 1. ad canonem 23. Antiochenum referendus.
Can. 1. cau. 9. qu. 3. ad canonem 9. Antiochenum referendus.
Can. 7. cau. 10. qu. 2. ad canonem 25. Antiochenum referendus.
Can. 8. cau. 10. qu. 2. pertinet ad Concilia Carthaginensia IV. & V.
Can. 7. cau. 11. qu. 3. ad canonem 4. Antiochenum referendus.
Can. 20. cau. 12. qu. 1. ad canonem 24. Antiochenum referendus.
Can. 4. cau. 14. qu. 4. ad can. 17. Nicenum referendus.
Can. 4. cau. 15. qu. 8. idem est cum can. 9. & 10. Neocæsarensi.
Can. 38. cau. 17. qu. 4. ad canonem 3. Gangrensem referendus.
Can. 5. cau. 21. qu. 5. ad can. 12. Antiochenum referendus.
Can. 3. cau. 26. qu. 5. ex nonnullorum Conciliorum canonibus compositus.
Can. 6. cau. 26. qu. 6. referendus ad can. 9. Concilii Niceni.
Can. 13. cau. 26. qu. 7. referendus ad canonem 3. cau. 26. q. 5.
Can. 8. cau. 27. qu. 1. est potius Concilii Triburiensis.
Can. 26. cau. 27. qu. 1. referendus ad Concilium Toletanum I.
Can. 9. cau. 32. qu. 7. referendus ad can. 3. Neocæsarensis Concilii.
Can. 9. cau. 33. qu. 4. referendus ad can. 51. & 52. Laodiceos.
Can. 29. de cons. dist. 1. referendus ad canones Arelatensem, & Turonensem.

- Can. 4. de conf. dist. 2. referendus ad canonem 24. Concilii Carthaginensis III.*
Can. 18. de conf. dist. 2. referendus ad can. 2. Concilii Antiocheni.
Can. 7. de conf. dist. 3. referendus ad can. 50. Laodicensem.
Can. 59. de conf. dist. 4. referendus ad can. 45. & 46. Laodiceos.
Can. 116. de conf. dist. 4. referendus ad can. 6. Neocesarensis Concilii.
Can. 124. de conf. dist. 4. referendus ad can. 11. dist. 95.

Quod nomine Martini Papæ Concilium a Gratiano laudatur, non illud est, quod anno 649. congregatis quinque supra centum Episcopis adversus Monothelitarum hæresim Romæ celebravit Martinus I. Pontifex Maximus. Potius ad illa refertur Concilia, quæ Martinus Bracarensis Episcopus veterum Conciliorum, præsertim Orientalium nomine collegit prope finem sexti sæculi. Jam superius in præfatione hujus operis & patriam, & indolem, & studia Martini Bracarensis exhibui. Paucis hic perstringam, eum fuisse Natione Græcum, vel, ut aliis lubet, Galliæ originarium, qui tamen apud Græcos a puero plurimum est commoratus, deinde vero in Hispaniam perrexisset, in qua constitutus est Episcopus Bracarensis. Ut autem erat Græcarum rerum, quas a tenera ætate susceperat, amantissimus; sedulam impendit operam, ut Græcos vetustos canones latinitate donaret, & suis sequendos proponeret; ne tamen videretur res Hispanicas negligere, Græcis canonibus aliquot capita Conciliorum Toletanorum, & Bracarensium adnexuit. Verum in referendis canonibus non satis integra fuit ejusdem fides; ut enim omittam græcos, latinosve Codices eo tempore jam fuisse corruptos, quemadmodum jam in præfatione hujus operis prænotavi, animadvertunt Garzias Loaisa in præfatione ad Capitula Martini Bracarensis, & præter ceteros Antonius Augu-

stinus de Collectoribus canonum in parte 2. Epitomes juris Pontificii, Martini capitulis græcis aliqua ex latinis addidisse, aliqua etiam detraxisse, aliquando præterea non ita latina fecisse, quemadmodum Græce habebantur, sed ex duobus, vel tribus capitibus unicam sententiam conscripsisse. Integrum hoc opus, quale editum est, continet capita 84. seu juxta aliorum editiones 85. in quibus scilicet distributum est in duo caput 72. Duas hæc collectio partes habet, in quarum priore de Clericis, in altera de Laicis agitur. Edidit hoc opusculum Johannes Doviatius adscriptis ad margines optimo studio tum variis lectionibus, tum canonibus Conciliorum, ex quibus Capitula quæque ab auctore primum deprompta fuerant; & habetur in Appendice tom. 1. Bibliothecæ Juris Canonici veteris Guillelmi Voelli, & Henrici Justelli. Hæc itaque illa Capitula sunt, quæ Gratianus modo nomine Concilii Martini Papæ retulit, modo Capitulorum Martini, quæ propterea hoc in loco universa complexus sum, singula, quoad fieri poterit, ad sua loca, & ad fontium ipsorum exemplaria exacturus juxta editionem Doviatii probatissimam.

In capite 18. Collectionis Martinianæ *Can. 15. dist. 18.* habetur canon 15. dist. 18. qui pertinet ad canonem 20. Concilii Antiocheni, quem jam suo loco retulimus ad canonem 4. dist. 13. Doviatius ita exhibuit.

Canon Martini.

Propter Ecclesiasticas curas, & alterationum solutiones, bene placuit per singulas Provincias bis in anno Concilium fieri, convocante Metropolitano Episcopo omnes Provinciæ (alii Codices habent: Provinciales) Episcopos, ita ut ad Concilium procedant (legunt alii, ut Concilium præcedant, alii: ut in his Conciliis procedant) omnes Presbyteri, & Diacones, vel hi, qui se læsos existimant, ut in Concilio (legunt alii:

Canon Antiochenus.

Propter Ecclesiasticas causas, & quæ existunt controversiis dissolvendas, sufficere visum est bis in anno per singulas Provincias Episcoporum Concilium fieri. Semel quidem post tertiam hebdomadam Paschalis festivitatis, ita ut in quarta hebdomada, qua consequitur, idest media Pentecoste, Concilium compleatur. Admonent autem Provinciales Episcopos hi, qui in amplioribus, idest, qui in Metropolitanis Civitatibus degunt, Secundum

alii: ut eorum, qui se laeos existimant in Concilio) causæ examinatae, ad iustum iudicium perducantur: (*legunt alii*: prodantur.) Et si qui manifeste Episcopi, vel Presbyteri, aut Diaconi inventi fuerint in offensa, secundum rationem excommunicentur, quamdiu communi consensu de his placuerit dare (*legunt alii*: placuit dari) sententiam. Nulli autem Episcopo liceat propria apud semetipsum Concilia facere, praeter eos, quibus Metropoles sunt creditae. (*legunt alii*: qui sunt Metropolis.);

vero Concilium. idibus Octobribus habentur, qui dies apud Gracos Hyperberetæ mensis decimus invenitur. In ipsis autem Conciliis & Presbyteros, & Diaconos praesentes esse oportet, & omnes quotquot se laeos existimant, & Synodicam expectare sententiam. Ne liceat aliquibus apud semetipsos Concilia sine Metropolitanorum Episcoporum conscientia facere; quibus de omnibus causis constat esse permissum iudicium.

Can. 32. dist. 23. In canone 32. dist. 23. Gratianus exhibet duo Martini Bracarensis capita 41. & 66. quorum prius referendum est ad Concilium Bracarense I. can. 28. posterius ad Concilia Carthaginense IV. can.

44. & 45. & Bracarense I. can. 29. Exhibebo hic omnes huiusmodi canones, ut ab unoquoque facile invicem conferri possint, & Martini sententiæ ad optima exemplaria exigi.

Canon 41. Martini.

Non liceat cuilibet ministeria tangere. (*legunt alii*: non liceat quemlibet ministrorum tangere) nisi Subdiacono, aut acolytho in Secretario (*legunt alii*: in Secretorio) vasa Dominica.

Can. 28. Bracarensis.

Placuit, ut non liceat cuilibet ex Lectoribus sacra altaris vasa portare, nec aliis: nisi his, qui ab Episcopo Subdiaconi fuerint ordinati.

Can. 66. Martini.

Non oportet Clericos comam nutrire, & sic ministrare; sed attonso capite, patentibus auribus, & secundum Aaron talarem vestem induere, ut sint in habitu ornato. *Legunt alii*: in habitu ordinato.

Can. 44. Concilii Carthaginensis IV.

Clericus nec comam nutriat, nec barbam radat.

Can. 45. ejusdem Concilii.

Clericus professionem suam & in habitu, & in incessu probet; & ideo nec vestibus, nec calceamentis decorem quærat.

Can. 29. Concilii Bracarensis I.

Item placuit, ut Lectores in Ecclesia in habitu saculari ordinati non psallant, neque granos gentili ritu dimittant.

Ex his adparet Martinum Bracarensem, uti diximus, non satis accurate aut verba, aut sententiam Conciliorum descripsisse, sed generatim ex illis quædam composuisse ad disciplinam Ecclesiasticam tradendam, qualem in sua Provincia obtinere exoptabat. De Granis, de quibus sermo est in memorato Bracarensi can. mentionem fecit S. Isidorus Hispalensis in lib. 19. Etymolog. cap. 23. scribens fuisse vestes Gothorum peculiare ad pompam adhibitæ, quamquam enim illarum figura hodie expri-

mi difficile possit, tamen generatim agnoscimus fuisse ad ostentationem compositas ex his laudati Isidori verbis: Nonnulla etiam gentes non solum in vestibus, sed & in corpore aliqua sibi propria quasi insignia vindicant, ut videmus cirros Germanorum, granos, & cinnabar Gotthorum &c.

Canon 7. dist. 24. habetur in cap. 24. *Can. 7. Collectionis Martini Bracarensis.* Ibi Diviati etiam retulit canonem 9. Concilii Nicæni cum capite Martini collatum. his verbis.

Caput Martini 24.

Siquis Presbyter, aut Diaconus sine aliqua examinatione ordinati sunt, aut certe, cum discuterentur criminosa peccata confessi sunt (*legunt alii*: Confessi sunt criminosa peccata sua. *Alii*: criminosa peccata sua celaverunt:) aut post ordinationem ab aliis sunt detecti, abijciantur ex Clero, (*alii legunt a Clero*); similiter vero & de universo ordine Clericorum (*legunt alii Cleri*) servetur: Nam hoc sibi, quod irreprehensibile est, Sancta Catholica defendit Ecclesia.

Can. 1. Depravatus est can. 10. alias 9. Concilii Ancyranum apud Martinum eundem Bracarensem in cap. 39. Collectionis ejusdem. Exhibebo hic etiam utrumque

Canon Martini.

Diaconus, qui eligitur (*legunt alii*: Siquis ad ministerium Diaconatus eligitur) si contestatus (*legunt alii* sicut testatus) fuerit pro accipiendo matrimonio, & dixerit non posse (*alii legunt*: se non posse) in castitate permanere, hic non ordinetur. Quod si in ordinatione tacuerit, & ordinatus fuerit, & postea matrimonium desideraverit, alienus sit a ministerio, & vacet a Clero.

Nemo sane ex his non videt, quantum ab Ancyranum Concilii sententia distet in hoc can. Martinus Bracarensis, ideo forte sententiam Concilii detorqueus, ut alias animadverti, ut Græcorum consuetudines non reciperet apud suos, immo Græcos ipsos canones suarum Provinciarum disciplinæ accommodaret.

Can. 12. Canon 12. dist. 28. habetur in cap. 29. Martini Bracarensis, & quidem eisdem omnino verbis, in quibus animadvertendum est postrema illa: *morienti tamen ei Sacramenta subveniant*, in nonnullis quidem Martini exemplaribus ita

Canon 57. Martini.

Siquis Presbyter publica pœnitentia a Sacerdote accepta, (*legunt alii*: propter publicam pœnitentiam a Sacerdote acceptam), aut aliqua necessitate die Dominica pro quadam religione jejuna-verit, sicut Manichæi, anathema sit. Similiter quia quod ab Apostolis tradi-

tum

Canon Concilii Nicæni.

Siqui sine examinatione promoti Presbyteri sunt, & postea examinati, confessi sunt peccata sua; & cum confessi fuissent, contra regulam venientes homines manus eis temere imposuerunt: hoc Ecclesiasticus ordo non recipit. In omnibus enim quod irreprehensibile est, defendit Ecclesia. Hunc eundem canonem jam retulerat Gratianus in can. 4. dist. 31.

fragmentum, sive Martinianum, sive Ancyranum; licet jam Ancyranum eundem Canonem retulerim, ubi de can. 8, dist. 28.

Canon Ancyranus.

Diaconi quicumque, cum ordinantur, si in ipsa ordinatione protestati sunt, dicentes se velle habere uxores, nec posse se continere; hi si postea ad nuptias venerint, maneat in ministerio, propterea quod his Episcopus licentiam dederit. Quicumque sane tacuerunt, & susceperunt manus impositionem professi continentiam, si postea ad nuptias convenerint, a ministerio cessare debebunt.

haberi; in aliis autem legi: *morienti tantum ei Sacramenta subveniant; & in aliis subveniant*. Pertinent autem hæc ad Concilium Toletanum I. anni circiter 400. in quo eadem omnino verba habentur, & in fine ita legitur: *morienti tantum ei Sacramentum subveniat*.

In can. 17. dist. 30. habentur duo Martini fragmenta, videlicet caput 57. & dist. 30. 58. collectionis ejusdem, in quibus referuntur tres veterum Conciliorum canones, canon 18. Gangrensis, canon 20. Nicænus, & canon 13. alias 14. Ancyranus.

Canon 18. Gangrensis.

Siquis, tanquam hoc continentia convenire judicans, die Dominico jejuna-verit, in ejusdem diei contemptum, anathema sit.

Canon 20. Nicænus.

Quoniam sunt in die Dominica quidam ad

tum est canon tenet antiquus, placuit, ut per omnes Dominicas, & per omnes dies Paschæ usque ad Quinquagesimam non prosternant se in oratione humiliatis, sed recto vultu ad Dominum fungantur orationis officio, (*legunt alii: prostrati, nec humiliati, sed erecto vultu ad Dominum orationum fungantur officio*) quia in his diebus gaudium resurrectionis Domini (*legunt alii: Dominiæ*) celebramus.

Canon 38. Martini.

Siquis non pro abstinencia, sed pro execratione escarum (*legunt alii: ab esu carniū*) abstinet, placuit sancto Concilio, ut prægustet, & sic, si vult abstinere, abstineat. Si autem spernit, ita ut olera cocta cum carnibus non degustet, iste non obediens, nec suspicionem hæresis a se removens, deponatur ab ordine Clericatus. *Legunt alii: Clericorum.*

Can. 12. dist. 34. Canon 12. dist. 34. habetur apud Martinum Bracarensem in cap. 28. eisdem omnino verbis; pertinet autem ad can. 8. Concilii Neocæsarensis, quem jam suo loco retulimus ad canonem 12. dist. 34.

Canon 43. Martini.

Lector si viduam alterius uxorem acceperit, in Lectoratu (*legunt alii: in Lectoris statu*) permaneat; aut, si forte necessitas sit, Subdiaconus (*legunt alii: Diaconus*) fiat, nihil autem supra. Similiter & si bigamus fuerit.

Canon 44. Martini.

Si Subdiaconus secundam duxerit uxorem, inter Lectores, vel Ostiarios habeatur, ita ut Apostolum non legat.

Can. 12. dist. 44. Juvabit hic quoque referre capita 61. & 65. Martini Bracarensis conferenda cum canone 12. Concilii Carthaginensis

ad orationem genua flentes, & in diebus Pentecostes; propterea itaque constitutum est a Sancta Synodo, quoniam consona, & conveniens per omnes Ecclesias custodienda consuetudo est, ut stantes ad orationem Domino vota reddamus.

Canon 13. alias 14. Ancyranus.

De his, qui in Clero sunt Presbyteri vel Diaconi, & abstinent se a carnibus: hoc placuit statui, ut non eas tanquam immundas contemnant, sed contingant. A quibus quidem si se abstinere volunt, habeant potestatem, ita tamen, ut si quando cum clericis coquantur, eadem tanquam carnibus polluta non judicent, sed ex his cibum assumant, quamvis a carnibus se abstineant. Quod si immundas in tantum eas, & abominabiles judicaverint, ut nec olera, qua cum carnibus coquantur, assument comedenda, tanquam non consentientes huic regula cessare eos oportet, & a ministerio, & ordine suo.

In canones 17. & 18. dist. 34. referuntur capita 43. & 44. Collectionis Martini, quæ tribuenda sunt Concilio Toletano I. can. 3. & 4. quorum verba cum dissonent a capitibus Martini hic conferenda erunt.

Canon 3. Toletanus.

Item constituit Sancta Synodus, ut Lector fidelis, si viduam alterius uxorem acceperit, amplius nihil sit.

Canon 4. Toletanus.

Subdiaconus autem defunctæ uxore, si uxorem aliam duxerit, ab officio, in quo ordinatus fuerat, removeatur, & habeatur inter Ostiarios, vel Lectores, ita ut Evangelium, & Apostolum non legat.

apud Ivonem parte 6. cap. 256. & cum Concilio Laodiceno can. 55. quæ juncta retulit Gratianus in can. 12. dist. 44.

Canon 61. apud Martinum.

Non liceat Sacerdotes, vel Clericos, sed nec Religiosos Laicos convivia facere de confertis.

Canon 65. apud Martinum.

Non oportet Clericos, vel Laicos Religiosos ante sacram horam diei tertiam inire convivia: neque aliquando Clericos, nisi hymno dicto edere panem, & post cibos gratias Auctori Deo referre.

Can. 8. dist. 50. Canon 8. dist. 50. legitur in cap. 26. Martini Bracarenfis, qui referendus est ad canonem 17. alias 13. ex iis, qui Apostolici nuncupantur, & ad canonem 21. Ancyran Concilii. Quoniam vero

Caput 26. Martini.

Siquis viduam, aut ab alio dimissam duxerit, non admittatur ad Clerum (legunt alii: ad Clericatum). Quod si obrepperit, deiciatur. Similiter si homicidii, aut facti, aut præcepto, aut consilio, aut defensione (legunt alii: aut assensione) post baptismum conscius fuerit, & per aliquam subreptionem ad Clericatum venerit, deiciatur, & in finem vitæ suæ communionem recipiat (legunt alii: accipiat, alii: non recipiat.)

Can. 22. dist. 50. Canon 22. dist. 50. habetur quidem inter capitula Martini Bracarenfis num. 17. ubi tamen non omnes Codices prorsus consonant, quorum verba hic refe-

Canon Martini.

Siquis Presbyter, aut Diaconus inventus fuerit aliquid de ministeriis Ecclesiæ (legunt alii: de vasis ministerii Ecclesiæ) venumdasse (alii: venumdasse), quia sacrilegium commisit, placuit eum in ordinatione Ecclesiastica

Tom. I.

non

Canon 55. Laodicens.

Non oportet ministros Altaris, vel quoslibet Clericos, aut etiam Laicos Christianos ex symbolis, quæ vulgus commissales appellat, convivia celebrare. Hunc canonem expendimus ad can. 10. dist. 44.

Canon Carthaginensis apud Ivonem.

Non oportet Clericos, vel Laicos Religiosos ante sacram horam diei tertiam inire convivia: neque aliquando Clericos, nisi hymno dicto, Ecclesiæ panem sumere, & post cibum gratias Auctori Deo referre. Hæc posteriora, quæ ex Concilio Carthaginensi referuntur apud Ivonem, habentur etiam in Capitularibus Regum Francorum, quemadmodum constat ex additione 4. Capitularium cap. 69. in editione Parisiensi anni 1677.

non tam Martinus a memoratorum Conciliorum verbis recessit, quam Gratianus a Collectione Martini, juvabit etiam hic & caput Martini, & capita Conciliorum describere.

Canon Apostolicus.

Siquis viduam, & ejectam acceperit, aut meretricem, ancillam, vel aliquam de his, quæ publicis spectaculis mancipantur, non potest esse Episcopus, aut Presbyter, aut Diaconus, aut ex eo numero, qui ministerio sacro deservunt.

Canon 21. Ancyranus.

Qui volentes homicidium fecerunt, ad poenitentiam quidem jugiter se submittant, circa autem exitum vitæ communionem digni habeantur.

ram una cum canone 15. Concilii Ancyran, quem Martinus describere volebat.

Canon 15. Ancyranus.

Siqua de rebus Episcopi, cum Episcopus non est, Presbyteri vendiderint, placuit rescisso contractu ad jus Ecclesiasticum revocari. In judicio autem erit Episcopi constitutum, si pretium debeat recipi, nec no. Propter quod sæpe contingit, distra-

Pp

rum

non haberi. In iudicio tamen Episcopi dimittendus est, siue dignus sit, siue indignus, ut in suo recipi debeat gradu (*legunt alii*: dimittendum esse, siue dignus sit, siue indignus; *alii*: siue dignus est, siue indignus, in suum recipi gradum.) Quia multoties hoc ipsum (*legunt alii*: quia multoties pro hoc ipso) quod de Sacrosancto Altario contaminatum est, id in Episcopi (*legunt alii*: Altario intaminaverunt, cum Episcopi) potestate dimissum est.

Can. 44. In canone 44. dist. 50. eisdem omnino
dist. 50. verbis legitur caput 78. Martini Bracaren-
sis, ubi Collector perstrinxit senten-
tiam duorum canonum Concilii Ancy-
rani. Prior est canon 21 alias 22. his
verbis a Doviatio descriptus. " Qui vo-
,, lentes homicidium fecerunt, ad poe-
,, nitentiam quidem jugiter se submit-
,, tant, circa autem exitum vite com-
,, munione digni habeantur. *Posterior est*
,, canon 22. *alias* 23. *ibi*: Eos vero,
,, qui non voluntate, sed casu homici-
,, dium fecerint, prior quidem regula
,, post septem tantum annorum pœni-
,, tentiam communioni sociavit secun-
,, dum gradus constitutos: hæc vero hu-
,, mana definitio quinquennii tempus
,, tribuit ". Jam hæc eadem retulerat
Gratianus in can. 43. dist. 50.

Can. 7. Eisdem etiam verbis refertur in capi-
dist. 54. te 46. Martini Bracarensis canon 7. dist.
54. cujus tamen verba paullo aliter le-

*rum redditus ampliorum summam pro ac-
cepto pretio reddi.*

genda sunt ex can. 10. Concilii Toleta-
ni I. *ibi*: Clericos, siqui obligati sint,
vel pro agnatione, vel de genere alicujus
domus non ordinandos, nisi probata vita
fuerint, & patroni consensus accesserit.
Observandum *ibi* de genere alicujus do-
mus illos adpellari, qui ad familiam ali-
cujus pertinebant, videlicet qui vel ser-
vi extiterunt, vel ex servis nati, qui
tamen ea conditione manumissi fuerunt,
ut colonatui Patroni sui tam ipsi, quam
eorum filii addicti essent.

Caput 21. Martini Bracarensis, qui
exceptus est ex can. 1. Nicæno, refer-
tur apud Gratianum in can. 9. dist. 55.
& quidem Nicænum canonem jam suo
loco exposui ad can. 7. dist. 55. ve-
rum & hic juvabit cum capite Martini
conferre, cum præsertim Gratianus
non integre Martini editionem sequutus
fuerit.

*Can. 9.
dist. 55.*

Canon Martini.

Siquis pro ægritudine (*legunt aliqui*:
præ ægritudine, *alii*: pro causa ægri-
tudinis) naturalia a medicis habuerit
secta: similiter & qui a barbaris, aut a
Dominis stultis fuerint castrati, & mo-
ribus digni fuerint vili, hos canon ad-
mittit ad Clericatus officium promove-
ri. Siquis autem sanus, non per disci-
plinam religionis, & abstinentiæ, sed
per abscissionem plasmatis a Deo corporis
existimans (*legunt alii*: existimat) posse
a se carnales concupiscentias amputari,
castraverit se, non eum admitti decerni-
mus ad aliquod Clericatus officium. Quod
si jam ante fuerit, (*alii legunt*: fuerat)
promotus ad Clerum, prohibitus a suo
ministerio deponatur.

Can. 8. Can. 8. dist. 63. referendus est ad
dist. 63. canones 12., & 13. Concilii Laedie-

Canon Nicænus.

Siquis in ægritudine vel a Medicis se-
ctus est, vel a barbaris castratus, pla-
cuit, ut iste permaneat in Clero. Siqui
autem sanus seipsum abscidit, etiamsi est
in Clero, cessare debet: & ex hoc nul-
lum talem ordinari. Sicut autem de
his, qui vel affectaverunt hæc, vel au-
si sunt se ipsos abscindere, hæc, qua di-
ximus, statuta sunt; ita siqui a barba-
ris, vel a Dominis suis secti, & proba-
bilis vita sunt, suscipit Ecclesiastica re-
gula ad Clerum.

ni, quorum verba perstrinxit Martinus
Bracarensis in suo canone 1.

Ca-

Canon Martini.

Non licet (*alii legunt* : non liceat) populo electionem facere eorum, quia d Sacerdotium promoventur (*legunt alii* : provocantur), sed iudicium sit Episcoporum, (*legunt alii* : iudicium Episcoporum est) ut ipsi eum, qui ordinandus est, probent, si in sermone, & fide, & in spiritali (*legunt alii* : spiritali) vita edoctus sit.

Can. 7. dist. 64. habetur in cap. 2. dist. 64. Collectionis Martini Bracaren-
sis, & quidem eisdem omnino verbis : dummodo adnotemus pro verbo illo *eligantur* in aliquibus editionibus legi : *colligantur*. Siquis contulerit hunc canone 7. cum can. 1. dist. 64. agnoscat statim, fragmentum Martini Bracaren-
sis pertinere ad can. 4. Concilii Nicæni, quem Doviatius ita exhibuit : „ Episcopum „ oportet ab omnibus Episcopis, si fie-
„ ri potest, qui sunt in ejus Provin-
„ cia, ordinari. Si vero hoc difficile
„ fuerit, vel aliqua urgente necessita-
„ te, vel itineris longitudine, certe
„ tres Episcopi debent in unum esse
„ congregati, ita ut etiam cetorum,

Canon Martini.

Non debet ordinari Episcopus absque consilio, & præsentia (*legunt alii* : vel præsentia, *alii* : & præscientia) Metropolitanus Episcopi. Adesse autem oportet omnes, qui sunt in Provincia Sacerdotes, quos per suam debet Epistolam Metropolitanus convocare. Et quidem si omnes concurrerint, bene :) *legunt alii* : & si quidem omnes occurrerint, melius.) Si autem hoc difficile fuerit, plures oportet concurrere (*alii* : plures oportet occurrere.) Qui autem non convenerint, præsentiam sui per suas Epistolas faciant. Et sic omnium facto consensu, ordinationem Episcopi fieri oportet. Si autem aliter, præter quod a nobis terminatum est, fuerit factum, talem ordinationem nihil valere (*legunt alii* : prævalere) decernimus. Si autem secundum canones ordinatio Episcopi fuerit facta, & aliquis cum malitia (*legunt alii* : si quis cum malitia,

Canon 13. Laodiceus.

De eo, quod non sit populis concedendum electionem facere eorum, qui altaris ministerio sunt applicandi.

Canon 12. Laodiceus.

Episcopum non oportet præter iudicium Metropolitanorum, & finitimorum Episcoporum constitui ad Ecclesiam Principatum. Non eligantur, nisi quos multo ante nota probabilis vita commendat : & nihilominus, si in sermone fidei, & recta ratione per suam conversationem fuerint probati.

„ qui absentes sunt, consensum literis „ teneant, & ita faciant ordinationem. „ Potestas sane, vel confirmatio perti- „ nebit per singulas Provincias ad Me- „ tropolitanum Episcopum.

Sequitur apud Martinum Bracarensem in capite 3. can. 19. ex Antiochenis, quem tamen paullo aliter idem Martinus interpretatus est. Gratianus Martini ejusdem verba retulit in can. 2. dist. 65., quemadmodum verba Antiocheni Concilii in can. 3. ejusdem distinctionis. Non gravabor tamen utrumque fragmentum hoc in loco conferre cum Doviatio, exhibitis etiam Codicum varietatibus, in quibus Martini fragmentum paullo aliter describi videtur.

Can. 2. dist. 65.

Canon Antiochenus.

Episcopum non ordinandum sine consilio, & præscientia Metropolitanus Episcopi : cui melius erit, si ex omni Provincia congregentur Episcopi. Quod si fieri non potest, hi, qui adesse non possunt, propriis literis consensum suum de ipso designent. Et tunc demum post plurimorum sive per præsentiam, sive per literas consensum, sententia consona ordinetur. Quod si aliter, quam statutum est, fiat, nihil valere hujusmodi ordinationem. Si vero etiam secundum definitas regulas ordinatio celebratur, contradicant autem aliqui propter proprias domesticas similitudines, his contentis, sententia de eo obtineat plurimorum.

tia: alii: & aliquis contra sua malitia: alii: & aliquis cum sua malitia) in aliquo contradixerit, plurimorum consensus (legunt alii: sensus) obtineat.

Can. 3. dist. 92. Paucis verbis perstrinxit Martinus Bracarenensis in cap. 45. suæ Collectionis canonem 15. Concilii Laodicensi, qui ita exprimendus erat: „Non licere præter canonicos psaltes, idest, qui regulariter cantores existunt, quique pulpitem ascendunt, & de Codice legunt, alium quemlibet in Ecclesia

„psallere. Gratianus verba Martini Bracarenensis retulit in can. 3. dist. 92.

In can. 4. dist. 92. habetur caput 10. Martini Bracarenensis, quod pertinet ad can. 18. Concilii Antiocheni, sive can. 5. eadem dist. 92. apud Gratianum Doviatius ita utrumque fragmentum contulit.

Canon Martini.

Siquis Episcopus ordinatus per contentionem populi, (legunt alii: pro contentione populi), aut pro aliqua alia ratione, & non pro sua culpa, in Parochiam (legunt alii: in Parochia) quæ ei fuerit data, non ierit (legunt alii: non læsit) (hunc oportet honorem Sacerdotii (legunt alii ordinem Sacerdotum) tantummodo contingere, (alii continere) ita, ut de rebus Ecclesiæ, in quam convenit, nihil sibi præsumat. Sustineat autem, quid de eo sanctum Concilium judicare voluerit.

Can. 9. dist. 92. Caput 63. Martini Bracarenensis eisdem omnino verbis refertur apud Gratianum in can. 9. dist. 92.; referendum autem est ad Concilium Toletanum I. can. 5., cujus hæc sententia est: „Presbyter, „vel Diaconus, vel Subdiaconus, vel quilibet Ecclesiæ deputatus Clericus, „si intra civitatem non fuerit, vel in „loco, in quo Ecclesia est, aut vico, „aut villa, & ad Ecclesiam ad Sacrificium quotidianum non accesserit, Clericus non habeatur, si castigatus per „satisfactionem veniam ab Episcopo non „luerit promereri.“ Ex his adparet editionem illam Codicis Martini, in qua

Canon Antiochenus.

Siquis Episcopus ordinatus non abierit in Parochiam, cui ordinatus est; si non suo vitio, sed plebis forsitan contradictione: hic honorem susceptum retinere debet, & Sacerdotio fungi: ita ut nihil molestia afferat Ecclesia illi, in quam fuerat constitutus. Exponere autem eum oportet Provincia plenam Synodum, donec de eo, quod competit, statuatur.

in dicto capite 63. habetur psallendi Sacrifcium, anteferendum esse aliis Codicibus, in quibus legitur psallendi officium; priora enim verba magis convenire videntur Toletano Concilio, ex quo Martini canon depromtus fuerat.

Quod Gratianus retulit in can. 11. dist. **Can. 11. dist. 92.**, repetiit in can. 124. de cons. dist. **dist. 92. 4.**, ubi tria Martini Bracarenensis capita **ca. 124. de cons. dist. 4.** descripta sunt, videlicet 51., 52., & 53., quæ pertinent ad Concilium Toletanum I. can. 20., & ad Concilium Laodicensem can. 56. Dabo hujusmodi capita invicem etiam conferenda.

Canon 51. Martini.

Omni tempore Episcopo (legunt alii: Episcopis) liceat chrisma conficere, & per suas Dioceses destinare, ita ut ad dirigendum chrisma Diaconus, aut Subdiaconus ante diem Paschæ de singulis Ecclesiis ad Episcopum destinetur.

Canon 52. Martini.

Presbyter præsentem Episcopo non fignat infantes, nisi forte ab Episcopo fuerit illi præceptum.

Canon

Canon 20. Concilii Toletani I.

Placuit ex hac die nullum alium, nisi Episcopum chrisma conficere, & per Dioceses destinare, ita ut de singulis Ecclesiis ad Episcopum ante diem Paschæ Diaconi destinentur, aut Subdiaconi, qui confectum chrisma ab Episcopo, destinatum ad diem Paschæ possint ad tempus deferre. Episcopus sane certum est, quod omni tempore possit chrisma conficere. Si ne conscientia autem Episcopi nihil penitus Presbyteri agere præsumant.

Idem

Canon 53. Martini.

Non liceat Presbytero, prius Episcopo (*legunt alii* : prius ab Episcopo) introire in baptisterium, sed cum Episcopo, nisi forte aut absens fuerit, aut ægrotus.

Idem canon 20. sub finem.

Statutum vero est Diaconum non chrismare, sed Presbyterum absente Episcopo; presente vero non, nisi ab Episcopo fuerit præceptum.

Canon 56. Laodicens.

Non oportet Presbyteros ante ingressum Episcopi ingredi Ecclesiam, & sedere in tribunalibus; sed cum Episcopo ingredi; nisi forte aut ægrotet Episcopus, aut in peregrinationis commodo eum abesse constiterit.

Can. 67. Quod nomine Concilii Laodicensi retulerat Gratianus in can. 66. cau. 1. qu. 1., idipsum retulit nomine Concilii Martini Papæ in canone sequenti, sive 67. Sane Martinus Bracarensis eisdem verbis, quæ apud Gratianum habentur, perstrinxerat can. 32., & 38. Laodicens. Ita autem legitur in ipsomet Laodicensi Concilio can. 32. „ Non oportet hæreticorum benedictiones accipere, quoniam maledictiones magis sunt, quam benedictiones; & can. 38. Non oportet cum hæreticis, vel schismaticis orare.

Can. 22. In can. 22. cau. 1. qu. 7. habemus integrum caput 36. Martini Bracarensis, in cuius tamen Codicibus non consona ubique sunt postrema verba; etsi enim in vulgatis legitur: *si in aliqua hæresis opinione fuerint nominati*, legunt tamen alii: *si in aliquam hæresis opinionem fuerint nominati*. Doviatus refert hunc canonem ad Concilium Nicænum cap. 8. ibi: „ Siqui voluerint venire ad Ecclesiam Catholicam ex Novatianis, placuit sancto Concilio, ut ordinentur, & sic maneant in Clero. Ante omnia autem hanc habeant confessionem, quam per Scripturam exigi oportet, ut fateantur, se communi consensu Catholicæ Ecclesiæ statuta observaturos. “ Hunc canonem jam expendimus ad can. 8. cau. 1. q. 7. Huc quoque referri possent Decreta Leonis Magni a Dionysio Exiguo edita cap. 14. cuius fragmenta habemus in can. 42., & 112. cau. 1. q. 1., cap. 21. cau. 1. q. 7., & in can. 1. dist. 86.

Can. 2. Eisdem omnino verbis descriptum est in can. 2. cau. 6. qu. 4. caput 13. Martini Bracarensis; non tamen cum illo eisdem verbis consonare videtur can. 14.

Antiochenus, ad quem referendum est. Ita exhibet Doviatus: „ Siquis Episcopus de aliquibus causis criminalibus in iudicio Episcoporum fuerit accusatus, contingat autem de ipsis Episcopis Provinciæ, qui convenerunt, diversas habere sententias; & alios quidem innocentem eum pronunciare, alios reum; propter huiusmodi itaque controversiam amputandam, placuit Sanctæ Synodo Metropolitanum Episcopum alterius Provinciæ vicinæ advocari, & aliquantos cum eo Episcopos alios. Qui pariter residentes, quicumque fuerint, dirimant questionem, propter hoc, ut firmum sit iudicium, quod ab unius Provinciæ Episcopis fuerit promulgatum. “ De hoc canone jam egimus ad can. 1. cau. 6. qu. 4.

Quod Gratianus jam ex Concilio Antiocheno in can. 3. cau. 8. qu. 1., retulit ipse in can. 4. cau. 8. qu. 1. ex Concilio Martini Papæ; & quidem verba can. 4. consonant cum capite 8. Martini Bracarensis, quod Doviatus retulit ad can. 23. Antiochenum his verbis: „ Episcopum non debere tanquam successorem sibi futurum constituere alterum, quamvis circa vicina mortis habeatur. Quod sitale aliquid factum fuerit, irrita sit huiusmodi ordinatio. Custodire autem debet Ecclesia, si sic constituta, quæ ita se continent, non posse aliter Episcopum fieri, nisi in Concilio, & cum consensu Episcoporum, eorum dumtaxat, qui post obitum ejus, qui præcessit, habuerint potestatem eum, qui dignus fuerit, provehendi.

Ad Concilium quoque Antiochenum can. 9. referendus est can. 1. cau. 9. qu. 3. fur-

Can. 4.
cau. 8.
qu. 1.

Can. 1.
cau. 9.
qu. 3.

3. rursum expofitus a Gratiano in can.
2. eadem caufa, & quaefione. Revera
habetur ille in cap. 4. collectionis Mar-
tini Bracarenfis, fed his verbis: „ Per
„ fingulas Provincias oportet Epifcopos
„ (*legunt alii*: Epifcopum) cognofce-
„ re Primatum Metropolitanum Epifcopi
„ (*legunt alii*: cognofcere Metropoli-
„ tanum Epifcopum), & ipfum Pri-
„ matus curam fufcipere; nihil autem
„ agere reliquos Epifcopos. præter eum,
„ fecundum quod antiquitus a Patri-
„ bus noftris conftitutum continetur in
„ canone. Propter quod & Metropolita-
„ nus Epifcopus nihil fibi præfumptive
„ (*legunt alii*: nihil præfumptione)

Canon Martini.

Epifcopus habeat poteflatem in rebus
Ecclefiae, ut difpenfet neceffitatem ha-
bentibus cum omni reverentia, & ti-
more Dei. Participare etiam eum opor-
tet, quæ neceffaria funt: fi tamen ipfe,
aut qui cum eo funt fratres, indiguer-
int aliquo, (*alii legunt*: aliquid) ut
neceffitatem nullo modo patiantur fe-
cundum Sanctum Apoftolum dicentem:
vifitu & tegumento his contentifumus.
Si autem res Ecclefiafticas Epifcopus
(*legunt alii*: Epifcopi) in fuas volun-
tates ufurpare voluerit, (*legunt alii*:
voluerint) & loca Ecclefiae, (*legunt
alii*: & lucra Ecclefiae) & fructus a-
grorum (*legunt alii*: vel, *alii*: velut
fructus agrorum) non cum Presbytero-
rum, vel Diaconorum confilio contami-
naverit (*legunt alii*: intaminaverit, aut
fratribus, aut quibufcumque propinquis
fuis dederit poteflatem, ut per eos la-
tenter lædantur res Ecclefiae; hunc opor-
ret obnoxium (*legunt alii*: hos oportet
obnoxios) efle Concilio: Similiter fi
Epifcopus, (*legunt alii*: Sin aliter Epi-
fcopus, *alii*: Sin autem Epifcopus), vel qui cum
eo funt Presbyteri, aut Diaconi accu-
fentur, quia quæ vel ex redditu, vel
ex quolibet actu Ecclefiae veniunt, in
finus fuos colligunt, & pauperes (*le-
gunt alii*: pauperibus) fraudant, &
fame conficiunt (*legunt alii*: confici-
untur), hos corripi (*legunt alii*: hoc
enim corripi) oportet, fecundum quod
ordinatum fuerit a fancto Concilio.

Can. 8. Can. 8. cau. 10. qu. 2. idem omnino
can. 10. eft cum cap. 14. Martini Bracarenfis,
qu. 2. dummodo animadvertatur. Codicum. va-

„ affumat abfque confilio ceterorum. „
De can. 9. Antiocheno nihil eft, quod
adjiciam, poftquam & fuo loco eum
expofuerim, & Gratianus ipfe imme-
diate eundem adæxueris, & Romani
Correctores eodem in loco ad Græco-
rum exemplarium fidem exegerint.

Item pertinet can. 7. cau. 10. qu. 2.
ad can. 25. Concilii Antiocheni, quem
Gratianus deinde retulit in can. 23. cau.
12. qu. 1. Non omnes Martini edicio-
nes invicem confonant, neque cum ipfo
Antiocheno canone; propterea hic utrum-
que fragmentum cum Doviatio exhi-
bebo.

Can. 7.
can. 10.
qu. 2.

Canon Antiochenus.

Epifcopum habere oportet rerum Eccle-
fiafticarum poteflatem, ad difpensandum
omnibus indigentibus cum omni timore,
& reverentia Dei: ipfum quoque ex eis
percipere, atque uti debere, quibus in-
diget (*fi tamen indiget*) vel ad fuas
neceffarias expenfas, vel fratrum, qui
apud eum hofpitalitatis gratia moran-
tur: ut nulla ex parte per inopiam de-
fraudentur fecundum Apoftolum dicentem
habentes vifitum quotidianum, & tegu-
mentum corporis, his contenti finus. Quod
fi his minime contentus, atque fufficiens
transferat in neceffitates Ecclefiafticas res,
vel commoda qualibet Ecclefia, aut agra-
rum Ecclefiafticorum fructus fine confcien-
tia Presbyterorum apud fe rodigat, &
domesticis fuis, vel etiam affinibus, aut
fratribus, aut filiis earum rerum tribuat
poteflatem, ut per eorum fecretam dili-
gentiam Ecclefiaftici ladi videantur; rea-
tum hunc, qui hujusmodi eft, apud Me-
tropolitanum Provincia præftare debetis.
Quod fi taliter reprehendatur Epifcopus,
vel hi, qui cum ipfo funt, Presbyteri,
quod dicantur hæc, quæ ad Ecclefiam
pertinent, fivæ de agris, fivæ de aliis
quibufcumque Ecclefiafticis, caufis eos fi-
bimet ufurpare, pauperes vero neceffita-
te, & penuria opprimi; atque ex hoc ipfo
non folum Ecclefiaftica rationi, verum et-
iam difpensatoribus ejus maledicta repre-
hensio augeatur. Hunc enim correctionem
oportet merari, id quoque conducet San-
cta Synodo cognofcente.

rietas, quam jam recte obfervaverunt
Correctores Romani in illis verbis in:
fuo Clero, pro quibus alii Codices ha-
bent:

bent: *inficio Clero.* Doviatus hunc Martini Bracarenſis canonem retulit ad canones duos Carthaginenſium Conciliorum; & primo ad can. 32. Concilii Carthaginenſis IV. ibi: „ Irrita erit Epiſcoporum donatio, vel venditio, vel commutatio rei Eccleſiaſticæ abſque conniventia, & ſubſcriptione Clericorum. *Deinde ad can. 4. Concilii Carthaginenſis V. ibi:* Placuit etiam, ut rem Eccleſiæ nemo vendat. Quod ſi aliqua neceſſitas cogit, hanc inſinuandam eſſe Primati Provinciæ, ut cum ſtatuto numero Epiſcoporum, utrum ſaciendum ſit, arbitretur. Quod

„ ſi tanta urget neceſſitas Eccleſiæ, ut „ non poſſit ante conſulere, ſaltem poſt „ factum, curioſitatem habeat & vici- „ nis Epiſcopis hoc ante indiçare, & „ ad Concilium referre eas Eccleſiæ ne- „ ceſſitates: Quod ſi non fecerit, reus „ Concilii venditor teneatur.

Quod Gratianus retulit nomine Con-
cilii Antiocheni can. 4. in can. 6. cau. 11.
11. q. 3., inſcripſit deinde Concilio Mar-
tini Papæ in can. 7. ſequenti. Do-
viatus ita deſcripſit caput 37. Marti-
ni Bracarenſis una cum varietate Co-
dicum, & collatione canonis Antio-
cheni.

Canon Martini.

Siquis Epiſcopus in Concilio (*alii le-
gant: a Concilio*) excommunicatus fue-
rit, ſive Presbyter, aut Diaconus a ſuo
Epiſcopo, & poſt excommunicationem
præſuſerit ſive Epiſcopus ille, aut
Presbyter, vel Diaconus facere oblationem,
vel matutinum, aut veſperinum ſacrificium,
quaſi in officio ſuo agere,
ſicut prius: non liceat ei, nec in alio
Concilio ſpem reſtitutionis habere, nec
ultra reconciliari (*legunt alii: recolligi*),
ſed etiam eos, qui ei communica-
verint, omnes ab Eccleſiâ reſpui: ma-
xime eos, qui ſciebant eum eſſe dejectum
(*legunt alii: deletum*) ſi autem per-
maſerit turbans, & concitans Eccle-
ſiam per forſiticam (*legunt alii forin-
ſecam*) poteſtatem, oportet eum, ſicut
ſeditionarium ab omni plebe expelli: *le-
gant alii: compelli.*

Canon 20. cau. 12. qu. 1. referendus
Can. 20. eſt ad caput 15. collectionis Martini
cau. 12. Bracarenſis, nec non ad Canonem 24.
qu. 1. Concilii Antiocheni. Sed nec Gratia-

Canon Martini.

Maniſeſta autem debent eſſe, quæ ad
Eccleſiam pertinent in conſcientia eo-
rum, qui circa Epiſcopos ſunt, Pres-
byteri, & Diaconi (*legunt alii: Pres-
byter, & Diaconus*), ut hi omnes
ſciant, quæ ſunt Eccleſiæ propria, ut
ſi Epiſcopi contigerit tranſitus, eos ni-
hil latere poſſit ex his, quæ ad Eccle-
ſiam pertinent: ut nullo modo poſſint
minui, & perire; neque res propriæ
Epiſcopi debent importunitatem pro re-
bus Eccleſiæ pati. Dignum vero, &
juſtum eſt apud Deum, & homines, ut
ea,

Canon Antiochenus.

*Siquis Epiſcopus a Synodo fuerit depo-
ſitus, vel Presbyter, vel Diaconus a pro-
prio Epiſcopo condemnatus, & præſuſe-
rit Sacerdotii, ſeu ſacri miniſterii quid-
piam, non ei amplius liceat neque in
alia Synodo ſpem reſtitutionis habere; ne-
que aſſertionis alicujus locum: ſed &
communicantes ei abjici omnes ab Eccle-
ſiâ; & maxime ſi, poſtquam cognoverint
ſententiam adverſus eum fuiſſe prolatam,
contumaciter communicaverint.*

nus Martini Bracarenſis verba retulit,
nec Martinus ipſe verba Concilii An-
tiocheni, quæ propterea juxabit hic in-
tegra deſcribere.

Canon Antiochenus ex Dionyſio Exiguo.

Maniſeſta vero ſint, qua pertinere vi-
dentur ad Eccleſiam cum notitia Pres-
byterorum, & Diaconorum, qui circa ipſum
ſunt, ita ut agnoſcant, nec ignorent,
qua ſint Eccleſiæ propria, nec eos aliquid
lateant; ut ſi contigerit Epiſcopum migra-
re de ſaculo certis exiſtentibus rebus, quæ
ſunt Eccleſiæ, nec ipſa collapſa deperant,
nec qua propria probantur Epiſcopi ſub
occaſione rerum pervadantur Eccleſiâ. Ju-
ſtum namque, & acceptum eſt coram Deo,
& hominibus, ut ſua Epiſcopus, quibus
volueris, derelinquat, & qua Eccleſiæ
ſunt,

ea, quæ Episcopi propria sunt, cui voluerit, derelinquat; & quæ Ecclesiæ sunt, eidem conserventur Ecclesiæ, ut nec Ecclesia patiatur damnum, neque Episcopus pro rebus Ecclesiæ in suis proscribatur; nec post ejus obitum in causas incidant, qui ad eum pertinent, nec ipse maledictum incidere videatur: *legunt alii*: & neque Ecclesiam perpeti damnum, neque Episcopum pro rebus Ecclesiæ condemnari, aut post ejus obitum in causas, quæ ad eum non pertinent, aut in maledictum incidere.

Can. 4.
cau. 14.
qu. 4.

Can. 4. cau. 14. qu. 4. referendus est ad Canon. 17. Concilii Nicæni, quem duobus in locis juxta diversas interpretationes retulit Gratianus, videlicet tum in Can. 8. cau. 14. qu. 4., tum in Can. 2. dist. 47. Martinus Bracarenſis illum habet in Can. 62., in quo tamen non omnes Codices consonant. Vulgata editio hæc habet: *siquis oblitus* (*legunt alii ex vetustis Codicibus MSS.*, *Siquis* „ Clericus oblitus) timorem Domini, „ & sanctam Scripturam, quæ dicit „ (*legunt alii*: & sanctarum Scriptu- „ rarum, quæ dicunt) pecuniam suam „ non dicie ad usuram, post hanc co- „ gnitionem magni Concilii (*legunt* „ *alii*: agnitionem sancti Concilii) scē-

sunt, eidem conserventur Ecclesia, ut nec Ecclesia aliquod patiatur incommodum, nec Episcopus sub occasione proscribatur Ecclesia, & in causas incidant, qui ad eum pertinent, & ipse post obitum maledictionibus ingravetur.

„ neraverit, & centesimas exegerit; „ aut ex quolibet negotio turpe lucrum „ (*legunt alii*: turpia lucra: *alii*: ne- „ gotia turpis lucri) quæsierit, aut „ (*legunt alii*: &) per diversas spe- „ cies, vini, vel frugis, vel cujuslibet „ rei emendo, vel vendendo aliqua in- „ crementa susceperit, depositus de gra- „ du suo, alienus habeatur a Clero.

In Capite 25. Martinus Bracarenſis Can. 4. referre voluit Can. 9., & 10. Concilii can. 14. Neocæsariensis. Sed quemadmodum Mar- qu. 8. tinus a Neocæsariensi Concilio recessit, ita Gratianus nec eadem omnino Martini verba descripsit in Can. 4. cau. 15. qu. 8. Ita singula describam cum Do- viatio.

Canon Martini.

Siquis Presbyter ante ordinationem peccatum confessus fuerit, quod antea erraverit (*legunt alii*: quia antea erravit) non offerat: sed tantum pro religione nomen Presbyteri portet. Si autem non ipse confessus, sed ab alio publice fuerit convictus, nec hoc ipsum (*legunt alii*: nec non hoc ipsum) habeat potestatem, ut nomen Presbyteri portet. Similiter & de Diaconibus observandum est, ut si ipsi confessi fuerint, ordinem Subdiaconatus accipiant.

Can. 9. Neocæsariensis.

Qui admisit corporale peccatum, & hic postea Presbyter ordinatus est, si confessus sit, quod ante ordinationem peccaverit, non quidem offerat, maneat autem in aliis officiis, propter ejus studii utilitatem. Nam cetera peccata censuerunt plurimi etiam ordinatione privari. Quod si de his non fuerit confessus: nec ab aliquibus potest manifeste convinci, hinc ipsi de se potestas est committenda.

Canon 10. Neocæsariensis.

Similiter & Diaconus, si in eodem culpa genere fuerit involutus, sese a ministerio cohibebit.

Can. 38.
cau. 19.
qu. 4.

Idem Doviatius, qui Ca. 47. Martini Bracarenſis retulit ad Can. 3. Concilii Gangrenſis, retulit collationis causa eadem verba Gratiani, quæ leguntur in Can. 37. cau. 17. qu. 4., ad quæ facile unusquisque exigere poterit Can. 38. immediate sequentem Concilio Martini Papæ adscriptum.

Romani Correctores ad Can. 5. cau. Can. 5. 21. qu. 5. jam observaverunt Canonem can. 21. 25. Martini Bracarenſis ibidem relatum qu. 5. referri debere ad Canonem 2. Concilii Antiocheni, sive ad Canonem 2. cau. 21. qu. 5. Tantum hoc in loco observabo verba illa: *important se palatio non in omnibus Martini Codicibus legi, cum*

cum in aliquibus ita habeatur : *importunans se palatio.*

Can. 3. Jungendi simul sunt duo Gratiane fragmenta, quæ ex Martino Bracarenſi re-
can. 26, 44. 5.

Can. 71. Martini.
Apud Gratianum in d. can. 3. verſ. Siquis.

Siquis Paganorum conſuetudinem ſequens divinos, & fortilegos in domum ſuam introduxerit, quali ut malum foras mittant, aut (legunt alii : ut) maleſicia inveniant, vel luſtrationes Paganorum faciant, quinque annis pœnitentiam agat.

Canon 72. Martini.
In diſſo can. 3. principio.

Non liceat Chriſtianis tenere traditiones Gentilium, & obſervare, vel colere elementa, aut lunæ, aut ſtellarum curſus, aut inanem ſignorum fallaciam pro domo faciendâ, aut propter ſeges, vel arbores plantandas, vel conjugia fociandâ (alii legunt : faciendâ), ſcriptum eſt enim : omnia quæ facitis, aut in verbo, aut in opere, omnia in nomine Domini noſtri Jeſu Chriſti facite, gratias agentes Deo.

Canon 73. Martini.
In diſſo can. 13. can. 26. q. 7.

Non liceat iniquas obſervantias agere Kalendarum, & ociis vacare gentilibus, neque lauro, aut viriditate arborum cingere domos. Omnis enim hæc obſervatio Paganismi eſt.

Canon 74. Martini.
In diſſo can. 3. verſ. nec in collectionibus.

Non liceat in herbarum collectionibus, quæ medicinales ſunt, aliquas obſervationes, aut incantationes attendere, niſi tantum cum Symbolo Divino, & oratione Dominica, ut tantum Deus Creator omnium, & Dominus honoretur.

Tom. I. Ca.

tulit Gratianus in Can. 3. cau. 26. qu. 5., & in Can. 13. cau. 26. q. 7., Do-
can. 26. viatius hoc modo deſcribenda putavit, qu. 7. & ad meliores Codices exigenda.

Can. 23. Concilii Ancyran.

Qui auguria, vel auſpicia, vel divinationes quaſlibet ſecundum morem Gentilium obſervant, aut in domus ſuas hujusmodi homines introducunt in exquirendis aliquibus arte maleſtica, aut domos luſtrant, conſeſſi quinquennio pœnitentiam agant ſecundum antiquas regulas conſtitutas.

Can. 20. Concilii Bracarenſis.
Apud Ivonem parte 11. cap. 140.

Non liceat Chriſtianis tenere traditiones Gentilium, & obſervare, vel colere elementa, aut lunam, aut ſtellarum curſum, & inanem ſignorum fallaciam conſiderare pro domo faciendâ, & ad conjugia ſociandâ : ſcriptum eſt enim : omnia quacumque facitis in verbo, aut in opere, in nomine Domini noſtri Jeſu Chriſti facite, gratias agentes Deo. Siquis nam fecerit, ſeveriſſime corripitur, & canonicè pœniteat.

Canon 39. Laodiceus.

Non oportet cum Paganis feſta celebrare, & impietatibus eorum habere ſocietatem.

Can. 22. Concil. Turonenſis II.

Enimvero quoniam cognovimus nonnullos inveniri ſequipedas erroris antiqui, qui Kalendas Januarii colunt, cum Janus homo Gentilis, fuerit Rex quidem, ſed Deus eſſe non potuit. Quiſquis ergo unum Deum Patrem regnantem cum Filio, & Spiritu S. credit, certe hic non poteſt integer Chriſtianus dici, qui aliqua de gentilitate cuſtodit &c.

Concilii Bracarenſis Canon 21.
Apud Ivonem parte 11. cap. 47.

Non licet in collectione herbarum medicinalium aliquas obſervationes, vel incantationes obſervare, niſi tantum cum Symbolo Divino, & oratione Dominica, ut Deus, & Dominus noſter honoretur.

Qq Con.

Canon 75. Martini.
In dicto can. 3. vers. ultimo.

Non liceat mulieres Christianas aliquam vanitatem in suis lanificiis observare, sed Deum invocent adiutorem, qui in eis sapientiam texendi donavit: legit Antonius Augustinus: donabit.

Ita ad meliorum Codicum fidem exegit, restituitque Doviatus Martini Bracarense fragmenta; verum in his arbitrator non satis fuisse, quod attinet ad capita 72. 74., & 75., exhibere Concilium Bracarense, quale refertur apud Ivonem. Illud est Concilium Bracarense idem, quod laudavit in lib. 2. de Eccles. disciplinis Cap. 366. 367., & 368., & Halitgarius lib. 4. cap. 26., & Hincmarus de divortio Lotharii in respons. ad interrogat. 17. Nemo tamen non videt ab omnibus hisce Collectoriis nomine Concilii Bracarensis non aliud designari, quam collectionem Martini Bracarensis. Forte enim collectio hæc Martini a veteribus adjecta fuerat ad calcem Concilii Bracarensis II., ejusdem Martini Bracarensis Antistitis auctoritate celebrati. Itaque Martinus Bracarensis in hisce locis, meo judicio, non alium Conciliorum Canonem videtur expressisse, quam Canonem 22. Concilii Turonensis II. anni 567., in quo hæc leguntur: „ Quoniam cognovimus „ nullos inveniri sequipedas erroris antiqui, qui Kalendas Januarii colunt, „ cum Janus homo gentilis fuerit, Rex „ quidem, sed Deus esse non potuit... „ Contestamur illam sollicitudinem tam „ Pastores, quam Presbyteros gerere, „ ut quemcumque in hac fatuitate persistere viderint, vel ad nescio quas „ petras, aut arbores, aut ad fontes „ designata loca gentilium perpetrare, „ quæ ad Ecclesiæ rationem non pertinent, eos ab Ecclesiâ Sanctâ auctoritate repellant, nec participare sancto altario permittant, qui gentilium „ observationes custodiunt. “ Itaque ex his Turonensis Concilii verbis Martinus Bracarensis suam collectionem adaugere studens latius Turonensium Patrum sententiam explicavit; atque ex eo percipimus, quid in Cap. 74. Martini significant ea verba: *nisi tantum cum symbolo Divino, & oratione Dominica*; hæc enim referenda sunt ad illa verba Turonensis Canonis; *qua ad Ecclesiæ ra-*

Concilii Bracarensis Canon 11.
Apud Ivonem parte 11. parte 46.

Non liceat mulieres christianas vanitatem in suis lanificiis observare, sed Deum invocent adiutorem, qui eis sapientiam texendi donavit.

tionem non pertinent; cum enim Turonenses Patres prohibuissent Christianis, ne prope fontes, aut sylvas, aut lapides aliquid religionis causa peragerent, nisi quod ab Ecclesiâ probatum esset (id enim significant ea verba: *qua ad Ecclesiæ rationem non pertinent*), Martinus Bracarensis ita explicavit, ut prohibitum sit, *incantationes attendere, nisi tantum cum symbolo Divino, & oratione Dominica*. Quod autem in eisdem Martini capitibus dicitur de Kalendis Januarii, perspicuum est pertinere ad ludricas quasdam observationes, & improbos ludos, qui solebant celebrari Januariis Kalendis; in illis enim homines liberiori debacchantes mutorum animalium formam assumentes, eorundem lasciviam publice licentius imitabantur, quod Sancti Patres, imo & Christiani Imperatores postea detestati sunt, quemadmodum unusquisque agnoscere potest ex homiliis veterum Patrum, præsertim homilia de Kalendis Januarii Maximi Taurinensis, ex Synodo Autissiodorensi Aunacharii, Epistola Zachariæ ad Bonifacium, quæ est 142. inter Bonifacianas, & ex Edicto Karolomanni initio lib. 5. Capitularium. Atque ut has celebrationes supersticiosas Calendarum Januariarum magis magisque averterent, curarunt Sancti Patres, ut dies ille Calendarum sacra quadam, ac venerabili solemnitate dedicaretur, quod fecerunt celebrantes eo die Domini Nostri Circumcisionem, quo ea saltem ratione fideles ad Tempia potius urgerent, & divinis mysteriis occuparent. Sed ex plurimorum licentia effugium aliud quæsitum est, ut vice Calendarum Januariarum, quas ob Redemptoris mysteria profanare non audebant, in sequentes dies liberam vivendi methodum differrent, unde etiam in præsens profanas Bacchanalium celebritates remanere eruditi omnes observant.

Canon 6. cau. 26. qu. 6. habetur in Can. 6. capite 82. Collectionis ejusdem Martini; cau. 26. Patet autem illum referendum esse ad qu. 6.

canonem 12. Concilii Nicæni, cuius verba videre unusquisque potest in can. 9. eadem causa, & quæstione, atque illa cum capite Martini conferre.

Can. 8. Canon 8. cau. 27. qu. 1. non extat apud Martinum Bracarensem, sed potius in Concilio Triburiensi anni 895. cau. 25. ubi pro illis Gratiani verbis: *Nos autem auctoritate Patrum suffulti in hoc sancto Concilio sancimus*, ita legitur: *qua auctoritate paterna suffulti sententia in hoc sacro conventu sancimus, & libere iudicamus, &c.* Ibidem Triburienses Patres commemorant Decretum Gelasii Papæ, quod refert Gratianus in can. 42. cau. 27. qu. 1. de quo agemus suo loco. Ceterum exinde constat apud veteres intercessisse discrimen inter virgines, & viduas, ut virgines consecrarentur ab Episcopo, qui velum Episcopali benedictione consecratum eisdem imponebat: viduæ vero propria sponte velum non consecratum assumerent, quod & jam superius animadverti. Forte inquireret quispiam, quomodo contingere potuerit, ut Triburiensis Concilii canon tributus fuerit Martino Bracarenfi, siue cum hac inscriptione laudatus: *ex Concilio Martini Papæ*. En verosimilem, juxta quod suspicor, rationem. Burchardus, & Ivo hoc idem fragmentum retu-

lerunt hac inscriptione: *ex Concilio Moguntino cap. 6.* atque his Collectoribus licuit canonem Triburiensem Concilio Moguntino adscribere; cum enim Triburia, ex qua Triburiense Concilium dicitur, Villa Regia esset prope Maguntiam sita, videbatur Triburiense idem Concilium *Moguntini* nomine appellari posse accepto nomine ex Civitate, cui Regia Villa adhærebat. Gratianus pro nomine Concilii *Moguntini* legit: *Concilii Martini*; vel quod errori occasionem dederit vocum similitudo, vel quod brevata esset Burchardi, aut Ivonis inscriptio hoc modo: *Ex Concilio Martini*, quod scribenti idem sonabat, ac *ex Concilio Moguntino*, legenti vero Gratiano visum est idem ac *ex Concilio Martini*; item ex illis sequentibus: *cap. 6.* facile scribi potuit *Papæ*, unde redditum est: *ex Concilio Martini Papæ*. Hæc non inverosimilia illis videbantur, qui aliquomodo sunt in veterum MSS. lectione versati.

Quod Gratianus retulit in can. 26. cau. 27. qu. 1. legimus apud Martinum Bracarensem in cap. 30. quod referendum esse ad canonem 19. Concilii Toletani I. Doviatius animadvertit. En utriusque can. verba:

Canon Martini.

De filia Episcopi, vel Presbyteri, siue Diaconi, si devota fuerit (legunt alii: si Deo devota fuerit), & maritum duxerit, si eam pater, vel mater in affectum receperint, a communione habeantur alieni: Pater vero causas in Concilio se noverit præstaturum: Mulier vero non admittatur ad communionem, nisi marito defuncto egerit pœnitentiam. Sin autem vivente eo recesserit (legunt alii: secesserit), & pœnituerit, vel petierit (legunt alii, & petierit) communionem, in ultimo vitæ deficiens accipiat communionem (legunt alii: & pœnituerit, communionem in ultimo sine vitæ deficiens accipiat.)

Can. 9. In can. 9. cau. 32. qu. 7. Gratianus perperam descripsit caput 80. Martini Bracarenfis, quod præterea referendum

Canon Martini.

Siquis multis nuptiis fuerit copulatus, pœnitentiam agat. Conversatio autem, (16)

Canon Toletanus.

Episcopi, siue Presbyteri, siue Diaconi filia, si devota fuerit, & peccaverit, & maritum duxerit, si eam pater, vel mater in affectum receperit, a communione habeantur alieni: Pater vero causas in Concilio se noverit præstaturum. Mulier autem non admittatur ad communionem, nisi marito defuncto egerit pœnitentiam. Si autem vivente eo secesserit, & pœnituerit, nullo modo, nisi vita deficiens, accipiat communionem.

est ad canonem 3. Concilii Neocæsareensis hoc modo:

Canon Neocæsarensis.

De his, qui frequenter uxores ducunt, & de his, qui sæpius nubunt, tempus qui-

(legunt alii, conversio), & fides pœnitentis compendiat tempus, (legunt alii, compendit tempus).

quidem his manifestum constitutum est : sed conversatio, & fides eorum tempus abbreviat.

Can. 9. Canon 9. cau. 33. qu. 4. exhibet canonem 48. Collectionis Martini Bracarenensis; qui referendus est ad can. 51. & 52. Concilii Laodicensi; etenim in can. 51. hæc leguntur. *Non oportet in Quadragesima martyrum natalitia celebrari, sed eorum in Sabbato, & Dominica tantum memoriam fieri; & in can. 52. Non oportet in Quadragesima aut nuptias, vel*

qualibet natalitia celebrare. Hæc verba jam paullo antea Gratianus idem retulerat in can. 8. cau. 33. q. 4.

Canon 29. de cons. dist. 1. legitur in capitibus 68. & 69. Martini Bracarensis, quæ tamen huc usque vix ad suos fontes reducere potuerunt Viri Eruditi. Referam hic, quomodo Doviatius ea contulerit.

Can. 29. de cons. dist. 1.

Canon Martini 68.

Qui postremus est in prioris parte collectionis.

Non oportet Clericos iggatos, & præsumptores super monumenta in campum mysteria (legunt alii ministeria) portare, aut distribuere Sacramenta; sed aut in Ecclesia, aut in Basilica, ubi Martyrum reliquiæ sunt depositæ, ibi pro defunctis oblationem offerri. *Legunt alii: ubi pro defunctis oblationes offerri solent.*

Canon Martini 69.

Qui primus est in posteriore parte collectionis.

Non liceat Christianis prandia ad defunctorum sepulcra deferre, & sacrificare mortuis. *Legunt alii: & sacrificare de re mortuorum.*

Itaque Concilium illud, quod memorat Doviatius ex lib. 6. Capitularium num. 198. nullo tamen specialiter designato nomine, est Concilium Romanum, quod sub S. Sylvestro celebratum fuisse fertur in Epilogo, & ex quo arbitror Benedictum Levitam transtulisse in libros Capitularium, & Theodulphus Aurelianensis Episcopus in cap. 11. sui Capitularis. At vero ad hæc monumenta respicere non poterat Martinus Bracarenensis, utpote ætate vetustior. Potius videtur Martinus referre voluisse Concilii Arelatensis, vel Turonensis constitutionem. Concilium Arelatense, quod hic memoratur, idem est, cujus fragmentum hodie habetur in Labbei collectione Veneta Conciliorum tom. 5. pag. 767. quod depromptum dicitur ex Arelatensi Concilio juxta Decretorum libros ex Gandavo habitos, & vetustos in Monasterio Sancti Bavonii, ex quo etiam Concilio Arelatensi videtur laudasse Regino in

Ex Conc. can. qui refertur Capitularium lib. 6. num. 198.

Ut nullus Presbyter sacra mysteria, nisi in locis ab Episcopo consecratis, agere presumat.

Concilium Arelat. 3. can. 5. Ut refertur Capitular. lib. 6. num. 194.

Admoneantur fideles, ut ad suos mortuos non agant ea, qua de Paganorum ritu remanserunt, &c. Et super eorum tumulos nec manducare, nec bibere presumant. Quod si fecerint, canonicam sententiam accipiant.

Concilium Turonense 2. can. 22. alias 23.

Sunt etiam, qui in festivitate Cathedra Domini Petri Apostoli victimas mortuis offerunt &c.

lib. 1. cap. 382. Turonense Concilium 2. cujus fragmentum Doviatius retulit, celebratum fuit anno 567. & cum liqueat in collectionem Martini Bracarensis plura ex eodem relata fuisse, facile adducor, ut credam, Martinam ipsum in capite memocato describere voluisse sententiam Concilii ejusdem Turonensis in can. 22. quam aliis verbis adornavit de more suo. Posset etiam quis huc loci referre can. 22. Concilii Toletani 3. anno 589. celebrati, sive ut ostendatur, quinam tunc temporis esset Hispanorum mos in defunctorum cæmeteriis corrigendus, sive ut ad eundem canonem Martini Bracarenensis fragmentum referri debeat; non quod illud fragmentum a Martino ipso adscriptum fuerit, sed a Pantardo Martini successore, qui eidem Toletano Concilio interfuit.

Canon 4. de cons. dist. 2. habetur in cap. 55. collectionis Martini Bracarenensis eidem omnino verbis; referendus autem erit

Can. 4. de cons. dist. 2.

erit ad canonem 24. Concilii Carthagenensis 3. qui ita exhibetur: " ut in Sacramento Corporis, & Sanguinis Domini nihil aliud offeratur, quam ipse Dominus tradidit, hoc est panis, & vinum aquæ mixtum; nec amplius in

„ Sacrificiis offeratur, quam de Uvis, „ & Frumentis.

Canon 18. de conf. dist. 2. legitur apud Martinum in cap. 83. sed referendus est ad can. 2. Concilii Antiochei, & cum eodem conferendus. Can. 18. de conf. dist. 2.

Canon Martini.

Si quis intrat Ecclesiam Dei, & Sacras Scripturas audit (Legunt alii: non audit), & pro luxuria sua avertit se a communione Sacramenti, & in observandis mysteriis declinat constitutam regulam disciplinæ; illum talem projiciendum de Ecclesia Catholica esse decernimus, donec pœnitentiâ agat, & ostendat fructum pœnitentiæ suæ, & possit communionem percepta indulgentia promereri, legunt alii: ut possit, communionem percepta, indulgentiam promereri.

Canon Antiochenus.

Omnes, qui ingrediuntur Ecclesiam Dei, & Sacras Scripturas audiunt, non autem cum Populo in oratione communicant, avertuntur autem Sanctam Assumptionem Domini Sacramenti secundum propriam disciplinam, hos ab Ecclesia abjici oportet, donec constantes fructum pœnitentiæ demonstrent, & deprecari fuerint, ut data venia suscipi mereantur &c.

Can. 7. Quod nomine Concilii Laodicensi contulit Gratianus in can. 3. de conf. dist. 3. descripsit ex Martino Bracarenfi in cap. præcedenti, idest. 7. Revera quæ ibi Gratianus descripsit, habentur eisdem verbis in cap. 60. apud Martinum, ubi Doviatus etiam contulit can. 30. Laodicenum, sive dictum can. 8. dist. 3. de conf.

Can. 19. Item ex eodem Concilio Laodicensi descripsit Martinus caput 49. suæ collectionis, quod eisdem verbis exhibet Gratianus in can. 19. de conf. dist. 4. Verba Laodicensi Concilii hæc sunt: In can. 45. " Non oportet post duas hebdomadas quadragesimæ quemlibet ad Ba-

ptismum suscipi. Et in can. 46. Baptizandos oportet fidei Symbolum discere, & quinta feria ultimæ septimanae, vel Episcopo, vel Presbytero reddere.

Demum canon 116. de conf. dist. 4. qui habetur eisdem verbis in cap. 54. apud Martinum Bracarensem, referendus est ad can. 6. Concilii Neocæsareensis ibi: " De prægnantibus, quod oportet eas baptizari, quando volunt: nihil enim in hoc Sacramento commune est parituræ, & ei, qui ejus utero fuerit editus; quia uniuscujusque in illa confessione libertas arbitrii declaratur". Ca. 116. de conf. dist. 4.

C A P U T XXXIV.

De Concilio Antissiodorensi.

Hoc nomine unicum fragmentum legitur apud Gratianum.

{ Can. 103. de conf. dist. 4. consonat cum disciplina sexti sæculi.

A Pud eruditos non solum incertus est locus, verum etiam incertum est tempus, quo Antissiodorensis, sive, ut alii vocant, Antissiodorensis, aut Antissiodorensis Concilium celebratum fuerit. Aliis enim Antissiodorus visa est Civitas apud Burgundiones sita, quæ hodie appellatur Auxerre; aliis visa est Civitas Galliæ Lugdunensis juxta Sequanam

sita, quæ a Ptolomæo Autricum dicitur, & cujus meminit Antoninus in itinerrario. Ita Severinus Binius de incertitudine loci. Incertus quoque annus pluribus est, cum ex actis Concilii nihil adpareat. Verum cum Aunacharius Antissiodorensis Episcopus Concilio huic præfuisse dicatur, atque subscripserit, atque idem Aunacharius interfuerit Concilio

eilio Matifconensi II. anni 385. facile conjici potest circa illa tempora, sive sub finem sexti sæculi habitum fuisse Concilium Autissiodorense. Illud tamen certum est, synodum hanc non Provinciam, sed Diocesanam fuisse, cui ex Episcopis solus adfuit Aunacharius, & cum eo interfuerunt Abbates septem, Presbyteri quatuor supra triginta, & tres Diaconi. Vix aliud posset exemplum adduci, quo ostendatur Collectio-ribus canonum, & Conciliorum servata fuisse Diocesana Concilia vetusta; at hujus Concilii singulare propemodum exemplum est; forte, ut arbitror, quia in eodem plura, ac plura constituta sint de disciplina Monachorum, quæ sexto Ecclesiæ sæculo diversis ex causis negligi videbatur. Intererat autem Monachorum eorundem, præsertim illorum, quorum vita ceteris exemplo erat, ut hujusmodi regulæ servarentur; itaque ex Monachorum solertia, & custoditi, & evulgati fuerunt Autissiodorenses canones, ut Collectoribus Ecclesiasticis materiam suppeditarent, nec poterant propterea Gratianum latere, qui Monasticæ disciplinæ inter Monachos degens, studiosissimus esse debebat.

Quod ipse recensuit ex hoc Autissiodorensi Concilio, habemus in can. 103. de cons. dist. 4. & pertinet ad can. 25. ejusdem Synodi, cujus hæc sunt verba: *Non licet Abbati filios de Baptismo habere, nec Monachis commatres habere.* Exigebat hoc Monachorum conditio, quæ eosdem ita in solitudine detinebat, ut ad baptismales Ecclesias, ne quidem Sacramentorum cum aliis fidelibus celebrandorum causa, accedere possent. Revera si Gregorii I. Pontificis Maximi Epistolas plures perpenderimus, agnoscamus statim ad curam, & sollicitudinem Episcoporum pertinuisse, ne, dum Episcopi iidem ad Monasteria pergerent, ibidem solemnia sacra facerent, ne forte illuc conveniente Populo, præsertim sceminis, Monachorum quies quodammodo turbaretur. Si itaque sexto sæculo ita Monachorum ipsorum solitudini consultum est, ne Populus ad Monasteria sicut sacrorum causa conveniret, potiori jure prohibendum Monachis fuerat, ne celebrandorum Baptismatum ratione ad Parochiales Ecclesias venirent, & cum Laicis, præsertim sceminis, sædæ quodam jungerentur.

APPENDIX.

De Concilio Urbico.

Hoc nomine inscribitur apud Gratianum.

Canon 97. de cons. dist. 2. tribuendus Concilio Autissiodorensi.

AD idem Autissiodorense Concilium referendus est can. 97. de cons. dist. 2. qui apud Gratianum laudatur nomine *Concilli Urbici*. Gratianus autem sequutus est de more suo fidem Ivonis, & Burchardi, qui priores *Urbicum* Concilium inscripserunt, quin tamen apud Conciliorum collectores adpareat, quodnam eo nomine Concilium significaretur. Itaque hoc in loco Concilium *Urbicum* idem est, ac Concilium Autissiodorense, imo & hujus errati originem ex eo facile profectam fuisse conjicio, quod Civitas Autissiodorensis apud nonnullos, uti superius diximus, vocata fuerit *Autricum*, ac propterea Autissiodorense Concilium appellari a Collectore potuerit Concilium *Autricum*, vel etiam forte sublata diptongo Concilium *Utricum*. Quod si ita fuit, nemo non videt, quam facile fuerit pro Concilio *Autrico*, vel *Utrico* Concilium *Urbicum* nominare. Porro in memorata Autissiodorensi Synodo can. 10. hæc leguntur: *Non licet super uno altario in una die duas Missas dicere; nec altario, ubi Episcopus Missas dixerit, ut Presbyter in illa die Missas dicat.* Atque ex his verbis supplendum erit fragmentum Gratiani, qui posteriora tantum verba descripsit, & nonnullis Glossographis occasionem dedit aberrandi longe a mente Patrum Autissiodorensium. Etenim cum hæc in can. Gratiano tantum legantur: *in Altari, in quo Episcopus Missam cantavit, Presbyter eodem die celebrare non presumat*; Glossographi quidam ex iis, qui veteres canones aliter explicare norunt, quam juxta recentiorum, & quidem suorum temporum disciplinam, rati sunt id statutum fuisse Episcopalis honoris causa, videlicet hoc signum reverentiæ Episcopali dignitati debita esse voluerunt, ut si Episcopus in aliquo Altari sacra fecerit, eodem die nemo alius Sacerdos Episcopali dignitate non insignitus ibidem audeat sacra facere.

Verum si priora can. ejusdem verba jungantur, aliam fuisse Autissiodorensium Patrum rationem observabimus; volebant enim, ut nonnisi unica oblatio in quacumque Ecclesia singulis diebus fie-

ret, quemadmodum veterum temporum disciplina erat, ita, ut semel ac Episcopus sacrificium pro populo obtulisset, nemo alius eodem in loco sacrificium rursus offerret.

CAPUT XXXV.

De Concilio Matisconensi.

Concilii Matisconensis sunt sequentes canones.

- { Can. 18. dist. 54. ex integris Concilii exemplaribus supplendus.
Can. 6. cau. 11. qu. 1. paullo varius in diversis exemplaribus.
Can. 7. cau. 22. qu. 5. ex integris Concilii exemplaribus supplendus.

DUO apud Conciliorum Collectores exhibentur Concilia Matisconensia, ita dicta a Matiscona Civitate Aeduarum in Gallia ad Ararim sita, vulgo *Mascon*. Quod vero Gratianus laudavit, illud est Concilium Matisconense I. anno circiter 581. celebratum. Fuit idem Concilium Provinciale, ad quod Episcopi viginti convenerunt, quorum primus Concilio praefuit Priscus Lugdunensis Ecclesiae Archiepiscopus, Eusebius autem Episcopus Matisconensis subscripsit ordine decimusquartus. Ad disciplinam Ecclesiasticam reformandam ibidem statuti sunt novemdecim canones, quorum decimum sextum retulit Gratianus in can. 18. dist. 54. sed non satis integre; ac propterea juvabit hoc in loco ita Concilii can. describere, qualis habetur in vulgatis Concilii exemplaribus, ibi: "Li-
,, cet quid de Christianis, qui aut ca-
,, ptivitatis incurfu, aut quibuscumque
,, fraudibus Judaeorum servitio implican-
,, tur, debeat observari non solum ca-
,, nonicis statutis, sed & Legum bene-
,, ficio pridem fuerit constitutum; ta-
,, men quia nunc ita quorundam quere-
,, la exorta est, quosdam Judaeos per
,, Civitates, & municipia consistentes
,, in tantam insolentiam, & proterviam
,, prorupisse, ut nec reclamantes Chri-
,, stianos liceat, vel pretio de eorum
,, servitute absolvi; idcirco praesenti
,, Concilio (hinc exorditur Gratianus)
,, Deo auctore sancimus, ut nullus Chri-
,, stianus Judaeos deinceps debeat deser-
,, vire, sed datis pro quolibet bono man-
,, cipio duodecim solidis, ipsum manci-
,, pium quicumque Christianus, seu ad
,, ingenuitatem, seu ad servitium licen-

,, tiam habeat redimendi, quia nefas
,, est, ut quos Christus Dominus san-
,, guinis sui effusione redemit, persecu-
,, torum vinculis maneat irretiti. Quod
,, si acquiescere his, quae statuimus,
,, quicumque Judaeus noluerit, quam-
,, diu ad pecuniam constitutam venire
,, distulerit, liceat mancipio ipsi cum
,, Christianis, ubicumque voluerit, ha-
,, bitare". Ex hoc integro candone li-
quet, qua ratione induci fuerint Ma-
tisconenses Patres, ut renovarent, aut
confirmarent, quod jam Christianorum
Imperatorum auctoritate jamdiu consti-
tutam fuerat, quemadmodum habetur
in Codice sub tit. ne Christianum man-
cipium; etenim nimia erat Judaeorum
saevitia, quam ipsi in servos Christianos
ad Christiani nominis injuriam exer-
cebant.

In canone 8. ejusdem Concilii legitur *Can. 8.*
can. 6. cau. 11. qu. 1. ubi tamen obser- *can. 11.*
vandum est pro illis verbis Gratiani: *aut qu. 1.*
in Episcopi sui, aut Presbyterorum cum
Archidiaconi praesentia finiatur, in vul-
gatis Concilii exemplaribus legi: *aut in*
Episcopi sui, aut in Presbyterorum, vel
Archidiaconi praesentia finiatur; in ali-
quibus etiam Codicibus legi: *aut in E-*
piscopi sui, aut in Presbyterorum cum
Archidiacono praesentia finiatur. Praete-
rea pro illis verbis Gratiani: *si minor*
fuerit, legitur in vulgatis Concilii exem-
plaribus: *si junior fuerit*. Porro *junio-*
ris nomen significat non minorem aeta-
te, sed potius minorem conditione, &
gradu, quemadmodum hanc vocem usur-
pavit Gregorius Turonensis lib. 5. cap.
26. & pluribus probat Hieronymus Bi-
gnonius in notis ad formulam tertiam
lib.

Can. 18.
dist. 54.

lib. 1. in hoc autem canone ita esse accipiendam certissimum est, cum ibidem *juniori Clerico honoratior* opponatur; quamobrem si honoratioris nomine intelligitur Clericus gradu, & dignitate insignis, nomine junioris Clericus minoris gradus intelligitur. Duo in hoc canone habemus vetustissimi juris vestigia. Primum in eo situm est, quod Episcopi a litigiis voluerint semper Clericos arcere, & a fori strepitu avocare, ne forte Clericorum animi invicem litibus fracti discinderentur; at si quando quidpiam emerisset, voluerunt domestico quodam aliorum Clericorum arbitrio finire. Alterum est, quod jam superius pluries animadverti, videlicet ad Episcopum pertinuisse, quasi ad præceptorem, ut ferula percuterentur Clerici juniores, sive

minoris gradus, quoties eorundem protervia corrigenda fuisset, & illorum mores emendandi.

Canon 7. cau. 22. qu. 5. habetur in cap. 17. ejusdem Concilii his verbis: "Id", etiam pari conniventia placuit, (quia", in universo populo multi peccatis involuti esse dicuntur, qui ambitionis", instinctu sunt perjuriis irretiti), ut", si quis convictus fuerit alios ad falsum testimonium, vel perjurium attraxisse, aut qualibet corruptione sollicitasse, ipse quidem usque ad exitum vitæ non communicet; ii vero, qui", in perjurio consensisse probantur, potest", itea ab omni testimonio sunt removendi, & secundum legem infamia notabuntur".

C A P U T XXXVI.

De Concilio Hispalensi.

Nomine Hispalensis Concilii hæc apud Gratianum describuntur.

- | | |
|---|---|
| { | <i>Can. 2. dist. 67. referendus ad can. 1. cau. 15. qu. 7.</i> |
| | <i>Can. 62. cau. 12. q. 2. paullo varius in diversis exemplaribus.</i> |
| | <i>Can. 4. cau. 12. qu. 5. est potius Concilii Parisiensis 6.</i> |
| | <i>Can. 1. cau. 15. qu. 7. paullo varius in diversis exemplaribus.</i> |
| | <i>Can. 7. cau. 15. qu. 7. referendus ad can. 1. cau. 15. qu. 7.</i> |
| | <i>Can. 13. cau. 16. qu. 3. consonat cum vulgatis Concilii exemplaribus.</i> |
| | <i>Can. 22. cau. 16. qu. 7. paullo varius in diversis exemplaribus.</i> |
| | <i>Can. 24. cau. 18. qu. 2. ex integris Concilii exemplaribus emendandus.</i> |
| | <i>Can. 2. cau. 21. qu. 2. ex integris Concilii exemplaribus emendandus.</i> |

OMnia ferme, quæ Gratianus nomine Concilii Hispalensis inscripsit, pertinent ad Concilium illud, quod vocatur Hispalense II. in Hispania celebratum a S. Isidoro Hispalensi Archiepiscopo circa annum 618. temporibus Regis Sisebuti. Quæ sanæ Synodus maxime venerabilis habetur, præsertim ob egregiam doctrinam, & sanctitatem eximiam ejusdem Isidori, qui Synodo præfuit. Fuit illa Synodus Provincialis octo Episcoporum, qui potissimum de Acephalorum hæresi pertractarunt, unicam tantum in Christo Domino naturam adinstar Euthychianorum asserentium, eadem tamen occasione nonnulla ad disciplinam Ecclesiasticam stabiliendam, perficiendamque ediderunt. Actionibus tredecim confecta universa res fuit, & quidem maxima cum laude singularis eruditionis, non solum in divinis, sacrisque

literis explanandis, verum etiam in juris Romani prudentia Ecclesiasticis Legibus accommodanda.

Actio 6. hujus Concilii integra continetur in cau. 1. cau. 15. quæst. 7. ad quem referendi sunt canon 2: dist. 67. & canon 7. eadem causa, & quæstione, in quibus ea reperiuntur, quæ Gratianus in dicto canone 1. expressit. Romani Correctores jam observarunt non in omnibus Concilii Codicibus eadem omnino verba legi; etenim pro illis verbis: *quem rursus ordini suo restituentes, id denuo adversus presumptionem nostram decrevimus &c.* legunt alii: *quem rursus ordini suo restitutum esse comperimus, id denuo adversus presumptionem novam decrevimus &c.* Quod in hoc canone dicitur de libertis ingratis rursus in servitutem revocandis causa cognita a Præatore, consonum est cum Legibus VVistigotho-

*Can. 2.
dist. 67.
cau. 1.
quæst. 7.*

gothorum, quæ ea ætate apud Hispanos in usu erant, quemadmodum constat ex lib. 5. tit. 7. per totum, & specialiter in lege 10.

Can. 62. Atque idipsum de libertis in servitute quandoque revocandis in octava actione Concilii relatum est in causa Helisæi cujusdam ex familia Agabrensis Ecclesiæ, quæ actio apud Gratianum exhibetur in can. 62. cau. 12. q. 2. in quo jam observaverunt Romani Correctores, qualis sit Codicum nonnullorum varietas.

Can. 4. cau. 12. q. 5. Falso laudatur nomine Concilii Hispalensis Canon 4. cau. 12. q. 5. qui potius referendus est ad Concilium Parisiense 6. anni circiter 829. can. 16. & ex eo ad Capitularia Francorum lib. 5. cap. 327. in editione Parisiensi anni 1677. ubi hæc verba leguntur: " quoniam multi „ Episcoporum amore propinquorum suorum de rebus sibi commendatis suis, „ aut quolibet amicorum nomine prædia, & mancipia emunt, & ut in „ propinquorum suorum juscedant, statuant, & ob hoc, & jura Ecclesiastica convelluntur, & ministerium „ Sacerdotale fuscatur, imò a Subditis „ detrahitur, & contemnitur, placuit „ omnibus, ut deinceps hoc avaritiæ „ genus caveatur; fixumque ab hinc, „ & perpetuo mansurum esse decrevimus, ut Episcopus res sui juris, quas „ aut ante Episcopatum, aut certe in „ Episcopatu hæreditaria successione adquisivit, secundum auctoritatem canonicam quidquid vult, faciat, & „ cui vult, conferat. Postquam autem „ Episcopus factus est, quascunque res de facultatibus Ecclesiæ aut suo, aut „ alterius nomine qualibet conditione comparaverit, decrevimus, ut non in „ propinquorum suorum, sed in Ecclesiæ, cui præest, jura deveniant. Similiter & de Presbyteris, qui de Ecclesiarum rebus, quibus præsumunt, prædia eo modo emunt, faciendum statuimus; quoniam multos Presbyterorum occasione taliter emtarum rerum Ecclesias, quibus præsumunt, expoliassent, & a suo ministerio multis modis exorbitassent, & se Diabolo mancipassent, & hac occasione multos Laicorum in scandalum damnationis, & perditionis proruissent comperimus. " His supplevi Gratiani fragmentum, in quo nonnulla desiderantur. Potuit autem apud eundem Gratianum pro Concilio Parisiensi ex quadam nominis, & literarum transpositione, aut mutatione legi Concilium Hispalense, quod facile contigisse ex eo præsertim conjiciemus, si attendamus editionem Ivonis, in quo non Hispalense, sed *Spalense* Concilium commemoratur; nisi forte quis suspicari malit de Burchardo, quod noluerit ipse de more suo laudare Capitularia Francorum, sed potius inscribere fragmentum Concilii Hispalensis nomine, ex ea ratione, quam jam sæpius exhibui superius.

In canone 13. cau. 16. qu. 3. integra describitur prima actio Concilii Hispalensis 2. memorati, ubi ex juris civilis regulis exemplum adducitur de postliminio redeuntibus, ut exinde probeatur, Ecclesias barbaricæ feritatis causa primum divisas, ea deinde cessante in pristinum revocandas esse, ac reparandas. Quod itaque dicitur de captivis revertentibus, depromptum est ex Leg. penult. & ult. Cod. de postlim. reversis, quæ ad interpretationem ejusdem canonis plurimum conferre potest.

Integra etiam nona hujus Concilii actio legitur in can. 22. cau. 16. qu. 7. ubi tamen pro illis verbis: *Et secularis in Ecclesia judicare*, legunt alii: *Et Viri Ecclesiasticos judicare*. Porro judicandi verbum hic non sumitur proprie, quod scilicet idem significet, ac sententiam ferre, sed potius accipitur pro prudenti, accurataque distributione rerum, sive pensionum Ecclesiasticarum erga Clericos juxta gradus, & merita uniuscujusque. Quod vero in hoc can. laudatur ex Concilio Chalcedonensi, referendum est ad can. 21. cau. 16. q. 7.

Canon 24. cau. 18. qu. 2. habetur in actione 11. Concilii hujus Hispalensis, ex qua ita emendandum est Gratiani fragmentum. " Undecima actione communi consensu decrevimus, ut Monasteria Virginum in Provincia Bætica condita Monachorum administratione, ac præsidio gubernentur. Tunc enim salubria Christo dicatis Virginibus præbemus, quando eis Patres Episcopi tales elegimus, quorum non solum gubernaculis tueri, sed etiam doctrina ædificari possint: ea tamen circa Monachos cautela servata, ut remoti ab earum familiaritate (legunt alii: peculiaritate), nec usque ad vestibulum habeant accedendi familiare, permixtum. Sed nec Abbati, vel ei, qui præficitur extra eam, quæ præest, loqui Virginibus Christi aliquid, „ quod

„ quod ad institutionem morum perti-
 „ net, licebit; neque cum ea sola, quæ
 „ præest, frequenter eos loqui oportet;
 „ sed sub testimonio duarum, vel trium
 „ sororum, ita ut rara sit accessio, &
 „ brevis omnino loquutio. Atque hæc
 nemo arbitretur ita constituta esse, ut
 Monasteria Sacrarum Virginum ab ju-
 risdictione esse cæperint Episcoporum
 exempta; etenim aliud suadent postero-
 ra hæc canonis verba, quæ apud Gra-
 tianum desiderantur: „ Constituentes,
 „ ut unus Monachorum probatissimus
 „ eligatur, cujus curæ sit prædia ea-
 „ rum rustica, vel urbana intendere,
 „ fabricas extruere, vel siquid ad neces-
 „ sitatem Monasterii, providere, ut
 „ Christi famulæ pro animæ suæ tantum
 „ utilitate sollicitæ solis divinis culti-
 „ bus vivant, operibusque suis inser-
 „ viant. Sane is, qui ab Abbate præ-
 „ ponitur, judicio sui Episcopi com-
 „ probetur“.

Can. 2. In canone 2. cau. 21. qu. 2. habetur
can. 21. aQio 3. ejusdem Concilii, non tamen
qu. 2. omnino integra, quam propterea ita sup-
 plere juvabit ex integris Concilii exem-
 plaribus. *Tertia definitione ad nos obla-
 ta precatio est a Reverendissimo Fratris
 Nostro Cambrana Italicensi Episcopo pro
 quodam Clerico Ispassando, qui deserens
 Ecclesia cultum suum, in qua dictus ab
 exordiis infantia fuerat, ad Ecclesiam
 Cordubensem se contulit. Quem elegimus
 ut, si nihil proponeretur de eo, circa di-
 lationis objecta proprio reformaretur Epi-
 scopo; scribitur enim in Loge mundiali
 (refertur id ad Leg. 11. Cod. de agri-*

colis, & censitis, cui consonat Lex ult.
 Cod. eod. tit.) *de colonis agrorum, ut
 ubi esse jam quisque capit, ibi perduret.
 Non aliter & de Clericis, qui in agro
 Ecclesia operantur, canonum decreto præ-
 cipitur, nisi ut ibi permaneant, ubi cæ-
 perunt; ideoque placuit, ut si quis Cle-
 ricus ministeriis Ecclesia propria destitutis
 ad aliam transiit fecerit, compellente,
 ad quem fuerit, (scilicet ad quem per-
 tinerit, non eo, ad quem fugerit, que-
 madmodum scribit Gratianus,) Sacer-
 dote, ad Ecclesiam, quam prius incolue-
 rat, remittatur. Qui vero eum suscep-
 rit, nec statim sine ullo nisu exceptionis
 ad propriam Ecclesiam remittendum ele-
 gerit, quamdiu eum restituat, communio-
 ne se privatum agnoscat. Desertorem au-
 tem Cleri cum cingulo honoris, atque or-
 dinis sui exutum (metaphorice hic cin-
 gulum ordinis, & honoris clericalis di-
 citur ex similitudine dignitatum, & ho-
 norum civilium, quibus qui erant insi-
 gniti, cingulo donabantur, quemadmo-
 dum etiam ex l. 3. Cod. de Domesticis,
 & Protectoribus cinguli privatione mul-
 tabantur Domestici, si per quinquen-
 nium divagati fuissent) aliquo tempore
 Monasterio relegari convenit, sicque postea
 in ministerium Ecclesiastici Ordinis revo-
 cari. Nam non poterit in talibus perva-
 gationibus (Romani Correctores ajunt
 legendum esse pravagationis; at Gra-
 tianus scripserat propagationis) abole-
 ri licentia, nisi fuerit in eis propter
 correctionem disciplina subsequuta cor-
 rectio.*

CAPUT XXXVII.

De Concilio Rhemenſi.

Canones Concilio Rhemenſi apud Gratianum adſcripti.

Non ſunt alii
ejuſ Concilii
Rhemenſis.

Can. 4. cau. 21. qu. 2. pertinet potius ad Capitularia Francorum apud Regnonem.

Can. 22. cau. 22. qu. 5. ad meliorum exemplarium fidem exigendus.

Can. 10. cau. 33. qu. 5. referendus potius ad Concilium Vermerienſe, vel Rothomagenſe.

Can. 45. de conf. diſt. 1. eſt potius Reginonis Prumiſis juxta Capitula Hincmari Rhemenſis.

Can. 29. de conf. diſt. 2. pertinet, vel ad Capitula Hincmari Rhemenſis, vel ad Concilium Rothomagenſe.

DUO potiffimum apud Collectores Conciliorum recenſeri ſolent Concilia Rhemenſia, primum anni 630. alterum 813. verum ad neutrum ex hiſ pertinent illa, quæ Gratianus ex Concilio Rhemenſi laudavit. Curandum itaque erit, ut ſingula hujusmodi capita ad ſua loca, & Auctores referantur.

Can. 4. Quod attinet in primis ad canonem
cau. 21. 4. cau. 21. qu. 2. video undenam pro-
qu. 2. fluxerit, ut ille Rhemenſi Concilio ad-
ſcriberetur. Regino Prumiſis hæc ead-
dem verba deſcripſerat poſt canonem
243. ſuæ collectionis cum hac Epigra-
phe: ex Concilio quo ſupra. Supra au-
tem in eodem capite 243. in aliquibus
Codicibus legebatur fragmentum Con-
cilio Rhemenſi adtributum; atque ideo
occafio exhibita eſt Burchardo, & Ivo-
ni, ut nomine Concilii quod ſupra Rhe-
menſe Concilium intelligerent. Cete-
rum Regino illis verbis potius refer-
re voluit Capitularia Francorum, quæ
laudaverat in canonibus præcedentibus
241. & 242. quorum inde ſententiam
ipſe latius expoſuit in diſto cap. 243.
quod eiſdem omnino verbis legimus in
diſto can. 4. cau. 21. qu. 2. Itaque paſ-
ſim in Capitularibus Francorum hujus-
modi ſententiæ leguntur, quales habentur
in diſto can. 4. Etenim in Capitulari
Ludovici Pii anni 816. poſtquam
deſinitum eſt, ut unicuique Eccleſiæ
unus manſus integer assignaretur, ita
ſubditur in cap. 11. quod legimusetiam
in lib. 1. Capitularium cap. 86. in edi-
tione Pariſienſi anni 1677. Statutum eſt,
poſtquam hoc impletum fuerit, ut una-
quaque Eccleſia ſuum Presbyterum ha-

beat, ubi id fieri facultas providente E-
piſcopo permiſerit. Item in Concilio Pa-
riſienſi 6. lib. 1. cap. 49. conſtitutum eſt,
quod refertur in cap. 73. lib. 6. Capi-
tularium ibi: "Placuit omni Synodali
„Conventui, ut nullus Presbyterorum
„amplius, quam unam Eccleſiam ſibi
„vindicare præſumat; & infra in cap.
„75. Quapropter omnibus placuit, ut
„nullus Presbyter amplius, quam unam
„Eccleſiam ſibi vindicet. Quia ſicut
„quiſque ſæcularis non amplius, quam
„unam habere debet uxorem, ita &
„unusquiſque Presbyter non amplius,
„quam unam habere debet Eccleſiam.
„Quæ verba ſere eadem Herardus Turo-
„nenſis retulit in ſua Capitula num.
„49. ibi: Ut Presbyter non amplius,
„quam unam Eccleſiam habeat, ſicut
„& vir unam uxorem. Hinc in addi-
„tione 2. Capitularium cap. 10. dicitur:
„Sæpe namque in aliis Conciliis, &
„nunc in noſtris Conventibus conſtitu-
„tum eſt, ut unaquæque Eccleſia, ſi
„facultas ſuppetit, proprium habeat
„Presbyterum, & unusquiſque Presby-
„ter una tantum ſit contentus Eccle-
„ſia". Poſſet addi hiſ canon 8. Con-
cilio Nannetenſis ſub finem 9. ſæculi ce-
lebrati hiſ verbis: Sicut enim Epiſco-
pus non plus poteſt habere, quam u-
nam Civitatem, & vir unam uxorem,
ita Presbyter unam tantum Eccleſiam.
Ex hiſ omnibus liquet, nono ſæculo,
præſertim poſt evulgasas Iſidori Merca-
toris epiſtolas, læpiſſime tantum fuiſſe,
ut, ſicut uni tantum uxori ſinguli Viri
jungi conjugio poterant, ita unicam Ec-
cleſiam nonniſi unus Presbyter regeret;

R r 2

ſum

um enim trita esse cœpit similitudo illa conjugii spiritualis, & corporalis, quæ deinde in ipsismet Pontificum Decretalibus recepta fuit, cap. 2. de translato. Episc. & exemplo mariti, & uxoris cœperunt Viri Ecclesiastici de Ecclesiis & Ministris differere, quemadmodum differuisse videbatur Calixtus Papa apud Isidorum Mercatorem nondum de rebus ejusdem Isidori figmentis. Itaque Regino Prumiensis ex his omnibus nonnulla simul congestit in dicto cap. 243. quæ asseruit se ex Francorum Capitularibus, sive Gallicanis Conciliis excerptisse, unde in præfens arbitror dicti canonis 4. Gratiani esse originem repetendam.

Can. 22. Quod dicitur in Can. 22. cau. 22. q. 5. Clericos non debere jurare, sed potius juxta doctrinam Apostolicam simpliciter asserere, vel negare, læpissime legitur in sacris Canonibus noni sæculi, ut propterea ad ea tempora referendum esse arbitrer illud ipsum Gratiani fragmentum. Egbertus Eboracensis Archiepiscopus in suis exceptionibus Can. 19. ita habet: *Ut nullus Sacerdos cuicumque cum juramento juret, sed simpliciter cum puritate, & veritate omnia dicat*; quæ eadem verba leguntur in Capitulari Caroli Magni anni 801. Cap. 20. Item in Concilio Meldensi anni circiter 845. Can. 38. ita decretum est: *Ut nullus deinceps Episcopus super sacra jurare præsumat*. Isidorus Mercator ita Cornelium Pontificem Maximum in Epistola 2. ad Rufum loquentem induxit: „ Sacramentum hæcenus a Summis Sacerdotibus, vel reliquis exigi fide recta cognovimus, nec sponte eos jurasse reperimus. Summopere ergo Sanctus Jacob Apostolus prohibens Sacramentum loquitur, dicens: Ante omnia autem fratres mei nolite jurare. Hæc fratres charissimi ipse Dominus prohibet, idest non debere jurare, Sacramenta non exigi, nisi pro recta fide. Hæc Apostoli maxime omnes, hæc sancti Viri prædecessores nostri, qui huic sanctæ universali Apostolicæ Ecclesiæ præfuerunt ante nos, hæc Prophetæ, & reliqui sancti Doctores per universum dispersi ad prædicandum, juramenta vetant. “ Hæc sane generatim prohibent Clericorum juramenta, non tantum coram Laicis, verum etiam coram quibuslibet Ecclesiasticis Viris juxta simplicem doctrinam Apostoli. At apud Gratianum dictorum

Conciliorum, & Patrum sententia restricta est, ut scilicet non permitteretur Clericis *cuicumque Laico* jurare, quod Gratianus retulit ex Ivone, & Burchardo, quemadmodum Romani Correctores indicaverunt. Verum Burchardus, qui primus hoc fragmentum descripsit, & Rhemensi Concilio adtribuit, veterum Patrum sententias vitiavit, dum vellet simul jungere, & paucis perstringere, quæ apud Concilia non longe a sua ætate dissita legerat. Arbitror enim Burchardum, dum hæc scriberet, duo præ oculis habuisse. Primus esse potuit Can. 6. Concilii Rhemensis anni circiter 630. sub Sonnatio Rhemensis Archiepiscopo, ubi Can. 6. hæc leguntur: „ Ut si quis „ Judex cujuslibet ordinis Clericum publicis actionibus inclinare præsumserit, aut pro quibuslibet causis absque conscientia, & permisso Episcopi distringere, aut contumeliis, vel injuriis afficere præsumserit, communiione privetur. Episcopus tamen de rebus reputatis conditionibus Clericorum negligentias emendare non tardet. “ Hæc si conferantur cum dicto Can. 22. apud Gratianum, prout ipsum suppleverunt Correctores Romani, nonnihil videtur ex uno in aliud fragmentum fuisse derivatum, & tantum in eo discrimen intercedere, quod in Canone Rhemensi generatim de omnibus causis terminus institutus sit; & in Canone Gratiani de juramento Clericorum specialiter agatur. Alterum esse potuit Capitulare Francorum anni 858., quod etiam forte Rhemensis Concilii nomine appellari poterat, cum a Rhemensis Provinciæ Episcopis celebratum fuerit. In eo autem Capitulari cap. 15. Rhemensis Provinciæ Episcopi plura exposuerunt, ut indicarent, „ jurationis Sacramentum se non posse quoquo modo facere, quod eos Evangelica, & Apostolica Canonica auctoritas vetaret. Manus enim, *ajunt illi*, Christi, mate sancto peruncta, quæ de pane, & vino aqua mixto per orationem, & crucis signum conficit Corpus, & Christi Sanguinis Sacramentum, abominabile est, quidquid ante ordinationem fecerit, ut post ordinationem Episcopatus saculare tangat ullo modo Sacramentum, & lingua Episcopi, quæ facta est per Dei gratiam, clavis cœli, nefarium est, ut sicut sæcularis quilibet super sacra juret in nomine Domini, & Sanctorum invo-

„ catio-

„ catione; niſi forte quod abſit contra
 „ eum ſcandalum acciderit: Eccleſiæ
 „ ſuæ, & inde ſic temperanter agat,
 „ ſicut Domino docente conſtituerunt
 „ Rectores Eccleſiæ Synodali conſilio.
 „ Et ſi aliquando Sacramenta ab Epi-
 „ ſcopis exacta, aut facta fuerunt con-
 „ tra Deum, & Eccleſiaſticas regulas,
 „ irrita ſanctæ Scripturæ paginis de-
 „ clarantur, & exigentes, atque fa-
 „ cientes medicamento exinde ſalutaris
 „ pœnitentiæ indigent.“ Igitur cum
 præ oculis Burchardus duo hæc capita
 haberet, illorum ſententiam paucis per-
 ſtrinxit ad rem ſuam, eademque Rhe-
 menſi Concilio adſcripſit; Ex Burchar-
 do excepit Ivo, & ex Ivone Gratianus,
 cujus propterea verba erunt ad lauda-
 tos Canones, tanquam ad optima exem-
 plaria, extendenda.

Can. 10.
cau. 33.
qu. 5.

Can. 10. cau. 33. qu. 5. non nomine
 Rhemenſis, ſed potius Vermerienſis,
 aut Rothomagenſis Concilii erat inſcri-
 bendus, neque enim difficile fuit Col-
 lectoribus Canonum hæc nomina, utpo-
 te licetis admodum ſimilia, præſertim
 in iis Codicibus MSS., in quibus voces
 breviores ſcribi olim tolerant, immuta-
 re. Porro in Concilio Vermerienſi an-
 ni 753. Can. 21. apud Reginonem lib.
 2. cap. 125. ita legitur: *Qui uxorem
 ſuam permiferit velare, a ſacra non acci-
 pias, & in Concilio Rothomagenſi an-
 ni 1072. Can. 17. Item nullus, cujus
 uxor velata fuerit, ipſa vivente nunquam
 aliam accipias.* Ex his adparet verba
 illa, quæ apud Gratianum ſubjiciuntur
ſed ſimiliter convertatur reſpondenda pro-
 fuſe eſſe, tanquam ea, quæ in Conci-
 liorum exemplaribus non habentur, ſed
 forte a ſtudioſo aliquo adjecta fuerunt,
 aut etiam e margine in textum trans-
 lata opera alicujus, qui prudens aliquod
 conſilium marito uxorem religionis cauſ-
 ſa dimittenti præbere voluerit.

Nonnulla ſunt ad hujus Canonis in-
 terpretationem obſervanda. Circa ſæcu-
 lum 8., & 9. uſus invaluerat, ut non
 nullæ mulieres adhuc vivente marito ſa-
 crum velum religionis cauſſa ſuſcipe-
 rent, & a viro ſeparatæ continentiam,
 viro eodem conſentiente, profiterentur,
 a qua vitæ ratione amplius recedere
 non poterant; hinc in Concilio Com-
 pendienſi anni 757. Can. 11. ita decre-
 tum eſt: *In qualicumque modo mulier
 velum ſanctum acceperit, ſponte in eo
 permaneat, nec dimittat.* Num vero tunc
 vir ejusdem poſſet aliam ſibi uxorem

jungere, non erat omnium conſenſione
 definitum. Non poſſe virum hujusmodi
 ſecundas nuptias appetere dicitur in di-
 cto Gratiani fragmento; ita etiam cau-
 tum eſt in memoratis Conciliis Verme-
 rienſi, & Rothomagenſi. Contrarium
 ſervandum eſſe voluerunt Patres Conci-
 lii Compendienſis Can. 13. his verbis:
*Siquis vir mulierem ſuam dimiſerit, &
 dederit comitatum pro religionis cauſſa
 infra Monasterium Deo ſervire, aut fo-
 ras Monasterium dederit licentiam vela-
 re, ſicut diximus, propter Deum, vir
 illius accipiat mulierem legitimam. Simi-
 liter & mulier faciat.* En itaque non
 tam diverſas, quam contrarias ſenten-
 tias Patrum, quas jamdiu agnovit Eg-
 bertus Eboracenſis in ſuis excerptioni-
 bus cap. 118. ibi: *Legitimum igitur con-
 jugium non licet ſeparari ſine conſenſu
 amborum; poteſt tamen alter alteri cum
 conſilio Episcopi licentiam dare ad ſer-
 vitudinem Dei accedere: Quidam etiam di-
 cunt: Si vir, ſive mulier ex conſenſu
 religionem caperit, licet alterum accipe-
 re novum conjugium, ſed puellam, vel
 puerum, ſi continens eſſe non poterit.
 Quod non laudo. Sed ſiquis vult conju-
 gatius converti ad Monasterium, non eſt
 recipiendus, niſi prius a conjugio caſti-
 moniam profutentia fuerit abſolutus. Nam ſi
 illo vivente per incontinentiam alteri nu-
 pſerit, præcul dubio adultera erit, &
 qui eam dimiſit, participes erit peccati il-
 lius.* Cum igitur in diverſas iverint opi-
 niones tunc temporis Viri Eccleſiaſtici,
 nonnulli ex iis, quibus diſplicebat no-
 vas contrahi nuptias, non aliter con-
 ſentire marito uxori velandæ volue-
 runt, quam ſi idem maritus continen-
 tiam profiteretur; ex quo fieri potuit,
 ut adjecta fuerint Gratiano Canon
 verba illa: *Sed ſimiliter convertatur,*
 quemadmodum jam animadvertimus.

Hæc vero veterum in diverſas ſen-
 tentias diſtractorum concertatio, atque
 conflictus profectus fuerat ex varia di-
 ſciplina, quæ in diverſis Eccleſiis in
 hac re obtinebat. Apud Græcos rece-
 ptum erat, ut religionis cauſſa liceret
 uxori, etiam ignorante, aut contradi-
 cente marito, a conjugio reſilire, ete-
 nim apud ipſos maxime favorabilis vi-
 debatur cauſſa religionis. Hinc S. Baſi-
 lius in libro regularum ſiſius diſputa-
 tarum num. 12. hæc habet: *Atque ii
 etiam, qui matrimonio conjuncti ad hu-
 juſmodi vitam genus accedunt, percontan-
 di ſunt, num conſentientia altera parte*
 hoc

hoc faciant ex praecepto Apostoli. Vir enim, inquit ille, sui corporis potestatem non habet. Et si hoc ita ab ipsis fieri compertum sit, tum multis adhibitis testimoniis admitti debet, qui accedit; siquidem nihil est, quod Dei iussis potius haberi debeat. Si vero dissidens altera pars, & assidue usque ex adverso cum altera contendat, quod videlicet minus sollicita sit, quomodo placeat Deo, hic ea convenit meminisse, qua dicta sunt ab Apostolo: in pace autem vocavit nos Deus, & sic parendum praecepto Domini, qui dixit: Siquis venit ad me, & non odit patrem suum, & matrem, & uxorem, & filios, & fratres &c. non potest meus esse discipulus. Nec enim est, quod haberi anti-quius debeat, quam ut Dei iussis pareatur. Hæc erat Græcorum veterum Patrum doctrina ipsomet Basilio viro sanctissimo, æque ac prudentissimo Auctore, quam sequi minime dubitavit Justinianus in sua Novella 22. cap. 5. Græcorum eorundem disciplina confirmata. Quæ cum ita essent, nemo non videt facilius apud Græcos indulgendum fuisse maritis in sæculo remanentibus, ut novas inirent nuptias, quoties uxores, quas liberorum potissimum, & propagandæ familiæ causa susceperant, religionis specie recessissent. Atque hanc eandem disciplinam nonnulli etiam ex Occidentalibus receperant, ii præsertim, qui Græcorum Patrum doctrinam sequebantur; aut qui Græcorum Imperatorum placitis adhæserunt, quemadmodum fuerunt Patres Compendienses anno 757. in memorato Can. 13. Verum generaliter in Occidente displicuit hæc disciplina; ut enim in Occidentali Ecclesia permixtum non erat uxori invito marito religionem, & continentiam profiteri, ita si viri consensus accessisset, inditum fuit eidem viro, ut & ipse continentiam servaret; ne forte maritus videretur consensisse, non tam amore religionis, quam novi conjugii celebrandi desiderio. Explicat hanc rem Theodorus Cantuariensis Episcopus sive Græcorum, sive Latinorum rituum peritissimus in suo pœnitentiali, quem edidit Jacobus Petrus cap. 11. his verbis: *Legitimum conjugium non licet separari sine consensu amborum; potest tamen alter alteri licentiam dare, accedente ad servitutem Dei in Monasterio, & sibi nubere, si in primo conjugio erat, secundum Græcos, & tamen non est Canonicum.* Idipsum etiam monet Regino

in lib. 2. de Ecclesiasticis disciplinis, ubi cum cap. 108. descripsisset laudatam Concilii Compendiensis sententiam, qua asseritur maritum posse post conversionem uxoris sibi alteram conjugem jungere, statim subdidit: *Sed hæc sententia Canonicis, atque Apostolicis informatur documentis;* quod ut demonstraret statim subjecit fragmentum Nicolai Pape, quod nunc legimus etiam apud Gratianum in Can. 26. cap. 27. qu. 2.

Itaque Nicolaus Pontifex minime probavit Græcorum Patrum opinionem; minime etiam probarunt Latini Canonum Collectores, omnes sequuti doctrinam Augustini, & Gregorii Magni. Etenim Augustinus tradebat neminem ex conjugibus, nisi altero conjuge consentiente, posse continentiam profiteri, Can. 4. 5. 6., & 11. cau. 33. qu. 5., & amplius progressus Gregorius non aliter voluit converti unum ex conjugibus, quam aliter etiam converteretur. Posteriore ætate conciliatæ videntur, & quodammodo compositæ Græcorum, Latinorumque sententiæ, & quidem in utroque disciplinæ capite. Primum enim in ea disputatione, utrum conjux invito consorti possit a conjugio resiliere, recepta distinctio est inter matrimonium ratum, & consummatum, ut Græcorum sententia obtineat in conjugio rato, & Latinis potius adhærendum sit in consummato. Deinde in altera disputatione, utrum liceat in sæculo remanenti novas inire nuptias, facile fuit rem dirimere, ut scilicet quoties matrimonium ratum esset, & invito conjuge conjux alter professus fuisset continentiam, liceat in sæculo remanenti novas nuptias contrahere juxta sententiam Græcorum; quoties vero matrimonium esset jam consummatum, & conjugis consensu alter conjux recessisset, non liceat remanenti in sæculo novas nuptias contrahere, imo & si incontinentiæ suspicio subesse possit, nemo etiam ad consentiendum conversioni conjugis admittatur, nisi & ipse Monasterio se tradat, atque ibidem continentiam profiteatur. Hæc quidem distinctio videtur ingeniosa, utpote quæ complexa est utriusque Ecclesiæ, sive Græcæ, sive Latinæ disciplinas, & diversas rationes, tamen ab initio privatum Auctorem habuit, videlicet Gratianum in cau. 27. qu. 2., nec revera omnino, aut Latinorum, aut Græcorum Patrum sententiæ consonabat; verum quo tempore Gratiani decretum

maximi habitum est in scholis, & in foro, usu recepta fuit, atque etiam eo magis, cum Summi Pontifices eandem in suis Decretalibus confirmaverint cap. 3. 5. & passim de conversi conjugatorum.

Can. 45. de conf. dist. 1. Can. 45. de conf. dist. 1. tam a Gratiano, quam ab Ivone, & Burchardo excerptus est a Reginone Prumiensi, qui ex Concilio Rhemensi tit. 8. hæc refert in lib. 1. de Ecclesiasticis disciplinis cap. 67. „ Ut calix Domini cum „ patena, si non ex auro, omnimodis „ ex argento fiat. Neque causentur „ Presbyteri avaritia suadente de pau- „ pertate, vel impossibilitate, cum una „ pars ex omnibus, quæ ad Ecclesiam „ pertinet in fabricis ipsius Ecclesiæ sit „ impendenda. Admonendus est etiam „ populus, ut aliquid in donariis Do- „ mini offerat, sicut ipse antiquus po- „ pulus sub Moyse in tabernaculo Do- „ mini fecisse legitur. Siquis autem tam „ pauperrimus est, saltem vel stanneum „ calicem habeat. De ære autem, aut „ ex auricalco non fiat calix; quia ob „ vini virtutem æruginem parit, quæ „ vomitum provocat. Nullus autem in „ ligneo (addit Gratianus, aut vitreo) „ calice præsumat cantare. „ Sunt, qui „ putant Canonem istum fuisse in Syno- „ do, quæ Durocortori Rhemorum habita- „ ta est ex præcepto Caroli Magni, quod „ tamen hucusque non demonstrarunt. „ Ego potius arbitror, hunc Canonem tri- „ buendum esse eidem Reginoni tanquam „ auctori suo, qui tradere voluit, quid „ servandum esset in Diocesi Trevirensi, „ quam instituendam susceperat jussu Ra- „ thbodi Episcopi; eundem autem Regi- „ nonem inscripsisse nomen Concilii Rhe- „ mensis tit. 8., quia respicere volebat „ ab titulum 8. Capitularis 2. Hincmari „ Rhemensis Episcopi, ubi inter cetera, „ quæ decernuntur servanda a Decanis, „ & Presbyteris, hoc habetur: *Quo me- „ rito sit calix, & patena, aut qua di- „ ligentia custodiantur.*

Can. 29. de conf. dist. 2. Sæculo 7., & sequentibus vetitum multoties scimus, ne Sacerdotes sacram Eucharistiam Laicis, fœminisve porri- gerent, ad infirmos deferendam. Atque ut a Rhemenfibus Capitulis exordiar, habemus titulum 2. Hincmari Rhemen- sis, ubi cap. 10. proponitur Decanis investigandum: *Si ipse Presbyter visitat infirmos, & inungat oleo sancto, ut com-*

municet per se, & non per quemlibet, & ille ipse communicet populum, nec tradat communionem cuicumque Laico, ad deferendum in domum suam causa cujuslibet infirmi. Idipsum ferme legitur in inquisitione Reginonis, quæ est in l.b. 1. cap. 1. num. 18. ibi: *Si visitet (Presbyter) infirmos, si eos reconciliet, si eos unget oleo sancto juxta Apostolum, si eos propria manu communicet, & non per quemlibet Laicum. Si tradat communio- nem Laico, & fœminæ ad deferendum infirmo, quod nefas est.* Item in Concilio Rothomagensi anni 650. ita legitur: „ Dictum est nobis, quod quidam Pres- „ byteri celebrata Missa detrectantes „ ipsi fumere divina mysteria, quæ „ consecrarunt, calicem Domini mu- „ lierculis, quæ ad Missas offerunt, „ tradant, vel quibusdam Laicis, qui „ dijudicare Corpus Domini nesciunt, „ idest discernere inter cibum spiritua- „ lem, atque carnalem, quod quantum „ sit omni Ecclesiasticæ religioni con- „ trarium, pietas fidelium novit. Un- „ de omnibus Presbyteris interdiciamus, „ ut nullus in posterum hoc facere „ præsumat, sed ipse . . . eos propria „ manu communicet, nulli autem Lai- „ co, aut fœminæ Eucharistiam in ma- „ nibus ponat, sed tantum in os ejus . . . „ Siquis hoc transgressus fuerit, quia „ Deum omnipotentem contemnit, & „ quantum in ipso est, inhonorat, ab „ Altari removeatur. „ Eadem sententia habetur in Capitulis Herardi Turo- nensis cap. 24., in Capitulis Isaacii Lingonensis tit. 11. cap. 23., & in additione 3. Capitularium Francorum cap. 18. Hi sunt, ut arbitror, fontes, ex quibus Regino Prumiensis composuit ad institutionem Trevirensis Diocesis caput 120. lib. 1., quod nomine Concilii Rhemensis inscripsit, idemque omnino est cum Canone 29. de consecr. dist. 2. apud Gratianum. Ac propterea suspi- cari possumus pro nomine Rhemensis Concilii legendum olim fuisse Rothomagensi, ut idem Canon referatur ad Canonem Rothomagensi nuper laudatum; vel si Concilii Rhemensis nomen retinere velimus, eundem Canonem referemus ad Capitula Hincmari Rhemensis nuper etiam laudata, in quibus eadem propemodum sententia exhibetur.

C A P U T X X X V I I I .

De Concilio Rothomagensi.

Nomine Rothomagensis Concilii relati sunt sequentes
Canones apud Gratianum.

- { *Can. 33. cau. 7. qu. 1. ex integris Concilii exemplaribus emendandus.*
 { *Can. 5. cau. 16. qu. 7. consonat cum editis Concilii exemplaribus.*
 { *Can. 29. cau. 18. qu. 2. ex integris Concilii exemplaribus emendandus.*

*Additur apud aliquos can. 11. cau. 16.
qu. 7. qui potius est Concilii
Lateranensis Calixti II.*

*Can. 33
cau. 7.
qu. 1.*

Licet plura sint Rothomagensia Concilia, ita dicta a Rothomago vulgo *Roven*, quæ hodie Civitas est Normaniz Metropolis, quæ tamen capita apud Gratianum hoc nomine inscripta sunt, pertinent ad illam Synodum, quæ in editionibus Labbei celebrata fertur circa annum 650., quidquid alii sentiant, eandem referentes ad sæculum undecimum, minime animadvertentes ejusdem Synodi Canones jamdiu fuisse laudatos a Reginone Prumiensi, qui floruit medio decimo sæculo. Ceterum quæcumque capita in eadem Synodo legimus, septimi sæculi disciplinæ conveniunt; nec est ut aliqua ratione posterioribus temporibus tribuantur. Canones 16. ibidem editi proponuntur, quorum septimus habetur in Can. 33. cau. 7. q. 1., cujus lectionem Romani Correctores ex Burchardo, & Ivone emendarunt, quod forte eo tempore nondum habuissent integra hujus Concilii exemplaria. Concilii verba hæc sunt: *Sancitum est, atque omnimodis prohibitum, ut si quis Presbyter inventus fuerit alicui Clerico, aut Laico munera dare, aut dedisse, aut aliquam pecuniam tribuere, aut alterius Presbyteri Ecclesiam surripiat, aut Ecclesiam vacantem pretio redimat, pro hac cupiditate, seu rapina, seu presumptione turpis lucri gratia, desiciatur a Clero, & alienus existat a regula.* Hæc congruere sæculo septimo ad reformandam Galliarum disciplinam aperte probari potest ex Concilio Parisiensi 5. anni 615. cap. 9., ubi eadem ferme statuta sunt ad evitandum simoniæ crimen in sacris officiis suscipiendis. Eadem omnino verba relata fuerunt in Capitularia Regum Francorum lib. 7. cap. 206.

editionis Parisiensis anni 1677., ubi tamen præterea adjecta sunt quædam publica Francorum Principum, & Antistitum auctoritate observatione digna; siquidem post illa verba: *Et alienus existat a regula*, hæc immediate subjiciuntur: *Nam si pro misericordia Episcopo placuerit longo tempore eum penitendo, qua gessit in carceris arumna recludere, & usque ad satisfactionem ibi retinere liceat. Et postea si se correxerit, & alia deinceps minime se facere promiserit, humanius erga eum agere poterit, si voluerit, & ipse dignus inventus fuerit.*

In Can. 3. ejusdem Concilii legimus *Can. 5.* eisdem omnino verbis *Can. 5. cau. 16.* *qu. 7.*, quem Romani Correctores exegerunt potius ad fragmenta Collectorum, cum illorum tempore integra Concilii Rothomagensis exemplaria in Bibliothecarum latebris adhuc delitescerent. Quod autem ibi statutum est de decimis, sexti, & septimi sæculi disciplinæ apud Gallicanam Ecclesiam maxime convenit, in qua ob varias temporum injurias, & vices a Clericis decimæ sublatæ fuerant. Hinc in Concilio Matisconensi 2. anni 585. *Can. 5.* hæc decreta sunt: *Statuimus, ac decernimus, ut mos antiquus a fidelibus reparatur, & decimas Ecclesiasticis famulantibus caremoniis populus omnis inferat.*

Ad caput 10. hujus Concilii referendus est *Can. 29. cau. 18. qu. 2.*, quem Gratianus nomine Concilii Aurelianensis inscripserat. Romani Correctores, qui nondum viderant exemplaria hujus Concilii Rothomagensis, observaverunt apud Burchardum & Ivonem Canonem illum fuisse insertum *Canonibus Abbates* 16. cau. 18. qu. 2., unde profluxit nomine Aurelianensis Concilii a Gratiano fuisse intercriptum, quemadmodum & inscriptus fuerat *Can. 16.*, monuerunt præterea simile quiddam haberi in Pan-

nor-

normia ex Concilio Rothomagensi lib. 3. cap. 125. Verba Can. 10. Rothomagensis hæc sunt: *Ut Episcopus Monasteria Monachorum, & Sanctimonialium frequenter introcat, & cum gravibus, & religiosis personis, in eorum etiam vitam, & conversationem diligenter discutiatur, & siquid reprehensibile invenerit, corrigere sataget. Sanctimonialium etiam pudicitiam subtiliter investiget.* Conveniunt hæc maximæ solertix veterum Episcoporum Rothomagensium erga monasteria; etenim de sancto Audoeno Rothomagensi Antistite legitur in ejusdem vita cap. 16., illum diligentissimam gessisse Monasterii sancti Petri Rothomagensis, ex quoaliquot ex eruditissimis conjiciunt, ipsum Audoenum convocasse hoc, de quo agimus, Concilium, & ibidem præfuisse. Fateor quidem memorata Concilii Rothomagensis verba non eadem omnino esse cum verbis Gratianis, sed exinde bona occasio exhibetur unicuique, ut Gratiani fragmen-

tum ad ejusdem Rothomagensis Canonis integritatem restituat.

Non omitam hoc in loco quædam attingere de Can. 11. cau. 16. qu. 7. quem Gratianus inscripsit nomine Calixti Papæ. Tradam suo loco, illum tribuendum esse Concilio Lateranensi sub Calixto II. celebrato. Quoniam vero Romani Correctores afferunt in aliquibus exemplaribus adscriptum fuisse Concilio Rothomagensi, dixerim interea nomen Rothomagensis Concilii ab aliquibus adjici potuisse, forte ad marginem, non ut indicaretur Canonem vere esse Concilii Rothomagensis, sed ut significaretur nonnulla his similia haberi in Concilio Rothomagensi anni 1074., in quo hæc leguntur Canone 5. *Quod Subdiaconi, sive Diaconi, sive Sacerdotes Parochiani non ordinantur, secundum ordinationem Tolotani Concilii absque legitima professione, quam coram Episcopo, & omnium circumstantium audientia faciant, qui ordinandi fuerint.*

Can. 11.
cau. 16.
qu. 7.

C A P U T XXXIX.

De Concilio Emeritensi.

Unicum extat apud Gratianum Concilii Emeritensis fragmentum.

Can. 2. cau. 10. qu. 3. dubia auctoritatis.

AB Urbe Emerita Lusitanæ Provinciæ, quæ apud Romanos Augusta Emerita nuncupatur, nomen habet Emeritense Concilium sub Profcio Archiepiscopo celebratum anno 666., ubi plura disciplinæ ecclesiasticæ capita constituta sunt. Verum hæc Synodus, licet Provincialis fuerit, non tamen apud Lusitanæ Provinciæ fideles plurimum valuit, nec ita quidem, ut ejusdem Canones, quasi leges Ecclesiasticæ omnino servari deberent. Fuit antiqua controversia coram Summo Pontifice disputata inter Petrum Compostellarum, & Martinum Bracarensem Archiepiscopos, in qua cum Petrus Compostellanus pro defensione causæ suæ retulisset Canonem Concilii Emeritensis, objiciebat Martinus Bracarenensis, *Emeritense Concilium non esse authenticum, tum quia non invenitur in aliquo authentico libro inter alia Concilia contineri, tum quia nec constructionem, nec sensum, nec latinitatem in plerisque locis continere proba-*

tur, tum etiam quia contra Canonicas sanctiones, & Apostolica Sedis Primatum aliquid videtur in eo esse statutum. Et quamquam aliis rationum momentis contra responderit Petrus, Innocentius tamen III. Pontifex Maximus arbitratus est potius controversiam omnem transactione finiendam esse, quam sententia dirimendam. Post quæ Canones Emeritensis Concilii apud eruditos valde suspecti visi fuerunt, nec hujusmodi, ut tuto possint ad ecclesiasticam disciplinam confirmandam a Viris Ecclesiasticis adferri; quemadmodum liquere potest ex Epistola ejusdem Innocentii III. ad Petrum Compostellanum, quæ apud Labbeum habetur integra ad calcem ipsius Emeritensis Concilii in Veneta editione.

Quidquid tamen sit de auctoritate Concilii Emeritensis, ad illud referendus est Gratianus Can. 2. cau. 10. qu. 3., & emendandus ex integris ejusdem Synodi exemplaribus, in quibus cap. 16. hæc leguntur: *Bene disponit divinam gratiam*

S f

Quid-

Quidquid unaquaque Ecclesia a fidelibus collatum est, habeat. Prius quippe canonibus erat decretum, ut Episcopus de Parochiatis Ecclesiis tertiam sequeretur, cui sua plenissime sufficere possunt. Placuit huic Sancto Concilio, ut nullus Provincia Lusitania Episcopus sententia hujus terminum excedat, nec a qualibet Parochiana Ecclesia tertiam auferre presumat, sed quidquid exinde consequi poterat, totum in reparationem ipsarum Basilicarum proficiat. Omnes vero supradicti Presbyteri, qui virtutem habuerint, Episcopo suo placitum faciant, ut reparare Ecclesias sibi commissas intendant. Vel ex hoc Canone patere potest, quod adversus Emeritense istud Concilium opponebat Martinus Bracarensis, videlicet in Canonibus Concilii nec constructionem, nec sensum, nec latinitatem contineri. Inter cetera enim videntur Emeritenus hujus Canonis Auctores vel se recedere a veterum Canonum disciplina de tertia reddituum parte Episcopis concedenda ex Ecclesiis Parochialibus; sed interea asserunt veteris Canonis terminum non esse excedendum, quod idem significat, ac Episcopos non nisi tertiam partem sibi usurpare debere. Illud sane certum est apud veteres,

quemadmodum alibi superius animadverti, oblationes omnes, quemadmodum Cathedralis, ita & Parochialium inferiorum Ecclesiarum integras ad Episcopi manum, potestatemque deferri consuevisse, ex quibus Episcopus idem Ecclesie sue Cathedrali adhuc inopi, & Clericorum Civitatenium egestati succurrebat, non omittens tamen & Clericis in Parochiis constitutis necessaria vitæ subsidia suppeditare. Paullatim vero cum Cathedrales Ecclesie locupletiores evasisent, & Episcopi ipsi Parochiarum inferiorum bonis non indigerent amplius, ab eisdem Parochiarum redditibus excipiendis abstinuerunt, non tamen ab omnibus statim; sed circa sextum, aut septimum Ecclesie sæculum Episcopi alicubi quartam tantum, alicubi etiam tertiam partem postulabant, siue quod ea adhuc parte indigerent, siue quod veteris juris vestigium in eadem parte custodiri exoptaverint. In Provincia Lusitana, aliisque finitimis illud vigeat sexto, & septimo Ecclesie sæculo, ut tertia reddituum Parochianorum pars Episcopo cederet, quemadmodum legitur in Concilio Toletano XVI. anni 693. cap. 5., & in Concilio Bracarense II. anni 572. Can. 16.

C A P U T XL.

De Concilio Educensi.

Nomine Concilii Educensis refertur.

{ Canon 1. cau. 19. qu. 3. tribuendus Concilio Heduenfi sub Leodegario Augustodunensi.

NON Educense, sed potius Heduense Concilium memorandum erat a Gratiano, vel, quod idem est, Augustodunense, ita dictum, quod celebratum fuerit Augustoduni in Heduorum civitate. Quatuor autem Heduensia, siue Augustodunensia Concilia habita feruntur apud Collectores. Primum est circa annum 670. sub S. Leodegario Augustodunensi Episcopo tempore Adeodati Papæ, & Theodorici Regis, in quo plura capita ad monasticam disciplinam stabiliendam constituta fuerunt, quæ tamen non omnia, nec integra ad nos usque pervenerunt, sed aliqua tantummodo fragmenta, eaque inordinata. Alterum celebratum est circa annum 1063.

sub Alexandro II., in quo discussa est causa Roberti Burgundie Ducis cum Aganone Episcopo. Tertium illud est, de quo mentionem facit Gregorius VII. in Epist. 22. lib. 4. ad Hugonem Diensem Episcopum, habitum scilicet temporibus ejusdem Gregorii circa annum 1077., ubi præcipue actum fuit de electionibus Abbatum, & illorum juribus. Postremum celebratum fuit anno circiter 1094. tempore Urbani II., in quo de pluribus negotiis actum est, præsertim vero de causa Guiberti, qui Apostolicam sedem invaserat, de Henrico Rege, de Philippo Galliarum Rege, de Simoniacis, de Sacerdotibus incontinentibus, & de cohibendis Monacho-

chorum ausibus, qui Sacerdotum officia in Parochiis exercebant.

Philippus Labbeus referendum arbitratum ad Concilium Heduenſe III. anni 1077. Gratianum Canonem 1. cau. 19. qu. 3. forte ex eo, quod Gratianus eidem hæc verba adſcripſerit: *In Concilio Educenſi celebrato ſub Gregorio VII. Ego vero potius exiſtimarem, Canonem eandem editum fuiſſe in Concilio Heduenſi I. circa annum 670. ſub Sancto Leodegario; etſi enim inter editos ejus Canones non legatur, tamen quia conſtat ejusdem Canones quamplures fuiſſe deperditos, quemadmodum ipſimet Conciliorum Collectores teſtantur, nihil prohibet, quominus aſſeramus apud Gratianum reperiri, quod in ipſis Concilii exemplaribus non habetur. Ex eo vero adducor, ut hunc Canonem Concilio Heduenſi I. potius adſcribam, quod in eadem Synodo quamplura ad Monasteriorum regimen pertinentia definita fuerint, quo etiam ſpectat diſtus Canon primus Gratiani. Imo & in Canone 10. illius Concilii ex editis hæc habentur: *Statuimus, ac decernimus, ut nullus Monachum alterius abſque permiſſu ſui Abbatis præſumat retinere, ſed cum inventus fuerit vagans, ad cellam propriam revocetur, ibi juxta culparum merita coercendus.* Quæ ſane verba plurimum conſonant cum memorato Gratiani Canone. Quo reſpexit Auctor formularum, quarum collectionem fecit Baluzius, ediditque ex vetuſtiſſimis Codicibus MSS. poſt libros Capitularium, ita ſcribens num. 36. *Canones vero Auguſtodunenſes ita ſtatunt, ut nullus**

Monachum alterius abſque permiſſu Abbatis ſui præſumat retinere. Porro hæc, & ſimilia ſtatuta ſæculo ſeptimo plurimum conveniunt, quo utiliter cavebatur, ne Abbates Regulares alienæ jurisdictioni ſubjectos ſibi vindicarent, etenim & jam tempore Concilii Agathenſis anni 506. ſimile prope modum decretum fuiſſe legimus in Can. 27., ac præſertim ne Abbates non tantum Monachos ab alienis Monasteriis, ſed Clericos ab Eccleſiis ſuis ſubtraherent, ſed Auguſtodunenſi Civitati ſæculo ſeptimo accommodatum fuerat; ſiquidem ante centum circiter annos Gregorius Magnus quibuſdam Auguſtodunenſibus Monasteriis privilegia conceſſerat, ut conſtat ex ejusdem Papæ Epistoſis 10., 11., & 12. lib. 11., quibus præſertim indulgebatur, ne Episcopi poſſent Monachos ex illis ad eccleſiaſticum ordinem promovere ſine conſenſu Abbatis, ac proinde Abbates illi quodammodo ab jurisdictione Episcopi Auguſtodunenſis exempti videbantur, ut propterea facile exinde contingere potuerit, ut Abbates viceverſa Clericos regulares Episcopo ſubjectos ad ſua Monasteria vocarent, cum id expreſſe non fuiſſet Abbatibus vetitum; quamobrem neceſſarium fuit Sancto Leodegario idipſum editis Canonibus interdiceret, ut, quemadmodum Monasteriorum Auguſtodunenſium diſciplinæ jam ſatis conſultum fuerat per privilegia Gregorii Magni, ita per novos Canones Heduenſes Auguſtodunenſis quoque Eccleſiæ, & Cleri utilitatibus conſuleretur.

C A P U T. XLI.

De Concilio, quod Gratianus sextum appellat, sive Trullano.

Quotquot Concilii ſexti nomine habentur Canones apud Gratianum, non illi revera pertinent ad Concilium ſextum Generale, ſed potius ad Concilium Trullanum, quod alii Quiniſextum vocant. Hoc itaque Capite complexus ſum, ſive quæ Gratianus idem ſimpliciter nomine ſextæ Synodi reculerat, ſive quæ clarius ſe ex Trullana Synodo depromiſſe profeſſus fuerat; etenim arbitror Gratianum inter utramque Synodum maximum, quod intercedit, diſcrimen non agnoviſſe. En fragmenta Gratiani.

- [Can. 4. diſt. 16. reſciendus, & perperam a Gratiano exhibitus.
Can. 7. diſt. 16. reſciendus, & ad ipſius Concilii integritatem reſtituendus.

- Can. 6. dist. 22. rejiciendus, & ad ipsius Concilii integritatem restituendus.*
Can. 16. dist. 28. consonat cum sententiis Sancti Basilii.
Can. 13. dist. 31.) Romanorum discipline adversantes, & injuriosi.
Can. 7. dist. 32.)
Can. 3. dist. 44. cum veterum canonum sententiis conformis.
Can. 4. dist. 77. consonat cum sententia Concilii Neocæsarensis.
Can. 26. dist. 93. veterum disciplina conformis.
Can. 100. cau. 1. qu. 1. consonat cum receptissimis Ecclesie regulis.
Can. 48. cau. 12. qu. 2. plurimum consonat cum Concilii Chalcedonensis canonibus.
Can. 1. cau. 21. qu. 2. consonat cum vetere disciplina.
Can. 2. cau. 21. qu. 4. consonat cum canonibus Concilii Niceni II.
Can. 6. cau. 27. qu. 1. consonat cum veterum Patrum sententiis.
Can. 13. cau. 28. qu. 1. consonat cum canonibus Concilii Laodicensis.
Can. 34. de conf. dist. 1. plurimum consonat cum canonibus Laodicensis.
Can. 47. de conf. dist. 1. consonat cum disciplina Ecclesie universa.
Can. 6. de conf. dist. 2. veterum disciplina conformis.

Celebratis Conciliis Œcumenicis quinto, & sexto, scilicet Constantino-
 politano II., & Constantinopolitano III.,
 in quibus tum Nestorianorum reliquæ
 in causa trium Capitulorum, tum Mo-
 nothelitarum hæreses damnatæ fuerant,
 nondum videbatur aliquibus Ecclesiasti-
 cæ utilitati satis fuisse prospectum, ni-
 si Canones quidam etiam ad discipli-
 nam Ecclesiasticam stabiliendam adice-
 rentur ad exemplum præcedentium Ge-
 neralium Conciliorum, quæ post defi-
 nitiones fidei, nonnullas præterea Ec-
 clesiasticæ prudentiæ regulas condide-
 rant. Jam tamen dissolutum fuerat u-
 trumque Concilium, quorum postre-
 mum Agathonis Pontificis Maximi tem-
 pore jam perfectum fuerat; quum post
 multos annos tenente maximum Ponti-
 ficatum Sergio, Græci Episcopi nume-
 ro plurimi, videlicet, si fides danda sit
 Balsamoni, & Zonaræ, CCXXVII.,
 longe propterea plures, quam Concilio
 sexto interfuissent, in unum convene-
 runt Constantinopolim sub Justiniano 2.
 Rhinothemeto anno circiter 692. in Trul-
 lum, sive locum concavatum, ubi duos
 supra centum Canones ediderunt, qua-
 si Concilii quinti, & sexti supplemen-
 ta, unde Concilium ipsam vel Trulla-
 num, vel Quinifextum appellatum
 est, imo etiam aliquando nomine Sy-
 nodi sextæ ab imperitis Collectoribus
 laudatum.

Vetustissima est controversia de hujus
 Concilii, Canonumque in eo editorum
 auctoritate. Illud tamen semper proba-
 tissimum fuit apud Occidentales, ut

Concilium ipsum generalibus Conciliis
 accefferi non debeat, non solum ex
 eo, quod minus recta Ecclesiasticæ di-
 scipline capita in eodem contineantur,
 verum etiam potissimum, quod Roma-
 næ Ecclesiæ auctoritas nec interven-
 rit, nec accesserit generalibus Conciliis
 necessaria. Hunc quidem Græci Epi-
 scopi honorem Romanæ Ecclesiæ debi-
 tum tribuerunt, ut in subscriptionibus
 locum primum vacuum relinquerent,
 quem Pontifici Maximo subscriptionis
 causa reservarunt, sed nullus usquam
 ex Pontificibus Maximis subscripsisse le-
 gitur. Fertur quidem præterea inter-
 fuisse Concilio Basilii quidam Episco-
 pus Gortyniorum in Creta insula, qua-
 si *Romana Ecclesia locum tenens*, quem
 admodum in hac Synodo appellatur.
 Verum hæc appellatio meo iudicio non
 eo refertur, ut Basilii revera delega-
 tionem Sergii Papæ susceperit, eoque
 nomine Concilio Trullano præfederit,
 sed eo potius, ut designaretur, eundem
 Basilium jam vices gessisse Agathonis
 Papæ in Concilio VI. generali anni
 680., uti patet ex subscriptionibus ejus-
 dem Concilii, præsertim quod facile
 suspicari possumus Græcos, ut Con-
 cilio suo majorem auctoritatem inderent,
 Basilio eidem persuasisse, ut eo nomi-
 ne, quo alias gaudebat, subscriberet,
 illud etiam proponentes pristinam ad-
 huc delegationem perdurare, cum non
 de novo Concilio, sed de supplemento
 Conciliorum præcedentium ageretur.
 Ceterum in hoc Concilio non omnia
 juxta Canonum disciplinam peracta sunt;
 nam

nam in primis memoratus Basilus, licet locum se tenere dixerit Ecclesiæ Romanæ, non subscripsit primus, quemadmodum moris erat in Conciliis veteribus, sed duodecimus locus ipsi fuit inter Episcopos assignatus; item Imperator Iustinianus primus legitur ante Episcopos subscripsisse præter morem præcedentium Synodorum. Præterea, ut diximus, recusavit subscribere Sergius Pontifex Maximus, quemadmodum scribit Anastasius Bibliothecarius in ejus vita ibi: *Compellebatur & ipse* (Sergius) *subscribere, sed nullatenus acquiescit*. Demum si universa Concilii ejusdem gesta penitus observentur, constabit manifestissime nihil aliud voluisse Græcos Episcopos, quam improbo, & furtiva conatu, prætextu perficiendi ecclesiasticam disciplinam, quemadmodum erant in schismata, seditionesque proni, illam potius omnino turbare. Atque hac in re non possum continere adversus receptiores hæreticos non paucos, qui de hoc Trullano Concilio, quasi de optimo sacræ disciplinæ Archetypo loquuntur, atque hinc occasionem arripiunt de more suo redarguendi Romanam Ecclesiam, quod illud suo suffragio non receperit. En propriam, & plane singularem hæreticorum indolem, qui dum vetera monumenta observant, quo improbo studio ea rejicere satagunt, quæ plurimum ad rectæ fidei, veræque Ecclesiæ demonstrationem conducunt, eodem volunt probari illa omnia, quæ a schismaticis hominibus, quicumque illi fuerint, & quocumque spiritu ducerentur, ad turbandam Ecclesiam facta clarissime cernuntur, dummodo Romanis, ut ipsi ajunt, moribus adversentur. Non est hæc meo judicio inquirendæ veritatis optima sollicitudo, qua iidem se rapi quodammodo profitentur, sed potius quidquid audendi effrænata licentia.

Nulla itaque vis, & auctoritas est Canonum Trullanorum, licet illi apud Gratianum honorabili sextæ Synodi nomine laudentur. Non tamen inficias iverim inter tot sententias aliquas haberi, quæ veteribus Conciliorum Canonibus omnino conveniunt, quæque propterea non ex eo improbandæ erunt, quod a Trullanis Episcopis fuerint renovatæ; cuilibet enim ingenuo homini, & honesto placere debet veritas, & prudentia, etiamsi in ore alienæ fidei hominum sonet; non enim tunc alieni-

genas sequimur, sed veritatem, prudentiamque a nostris majoribus sanctissimis, ac sapientissimis traditam, à qua illi in ea parte minime desciverunt. Quamobrem ubi Gratianeos Canones expendero ex hoc Concilio depromptos, illud potissimum observabo, ut quæ cum veterum Sanctorum Patrum prudentia consonant, ad eorundem doctrinam prorsus exacta proponam, illa vero, quæ dissonant, tanquam improba schismaticorum molimina rejicienda exhibeam.

Apud Gratianum occurrit in primis Can. 4. dist. 16., cujus sententia legitur in Can. 2. Concilii Trullani. In eo Græci Antistites sibi proposuerunt, ut Codicem Canonum quendam seligerent, qui in universa Ecclesia probaretur; jam enim animadverterant plura tum falsa, & apocrypha in ecclesiasticos Codices irrepsisse; ita propterea exorsi sunt: *Hoc quoque huic Sanctæ Synodo pulcherrime, & honestissime placuit, ut ab hoc nunc tempore deinceps ad animarum medelam, & perturbationum curationem firmi, stabilesque maneant, qui a Sanctis Patribus, qui nos precesserunt, suscepti, ac confirmati sunt, atque adeo nobis etiam traditi sunt Sanctorum, & Gloriosorum Apostolorum nomine 85. canones*. Post hæc rejiciunt Constitutiones Apostolicas nomine Clementis editas, quod in iis plura adjecta fuissent adulterina, & a pietate aliena ab iis, qui fide aliena sentiunt; deinde confirmant Canones Nicænos, Ancyranos, Neocæsareenses, Gangrenses, Antiochenos, Laodiceos, Constantinopolitanos, Ephesinos, Chalcedonenses, Sardicenses, Carthagenenses, & rursus Constantinopolitanos sub Nestorio, & Theophilo conditos, Canones Dionysii, & Petri Alexandrinorum, Canones Gregorii Neocæsareensis, Athanasii, Basilii, Gregorii Nysseni, Gregorii Theologi, Amphilochei Iconii, Timothei, & Cyrilli Alexandrinorum, Gennadii, & unicum Canonem S. Cypriani, quem dicunt in solis Africanorum Provinciis fuisse servatum. Post quæ eos damnant, quicumque alios præter memoratos Canones recipere voluerint, aut qui propositos aliqua de causa rejecerint.

Duo hic observanda occurrunt, primum, quod ad integram hujus Canonis sententiam pertinet, alterum, quod pertinet ad Gratiani fragmentum ex eo de-

Can. 4.
dist. 16.

depromptum. Videtur in primis Trullanus Canon in eo deficere, quod omnia propemodum Romanæ Ecclesiæ monumenta, præsertim vero, quæ Romanos Pontifices. Auctores, rejecerit, & ut non reciperentur mandaverit, cum tamen. probari jure optimo potuissent Gelasii, Leonis magni, & Gregorii Magni Canones inter ceteros, quibus addi potuissent ex Latinis Patribus Ambrosius, Hieronymus, Augustinus, alique non pauci. Huc accedit ex Latinorum monumentis nihil aliud ibi confirmatum esse, quam quod veteres excitare posset contentiones, videlicet Canonem Cypriani de rebaptizandis iis, qui ab hæreticis baptizati ad Ecclesiam venirent; quod sane indicat non aliam fuisse Trullanorum Episcoporum mentem, quam ut schismatum semina excitarent, veteresque controversias reducerent jamdiu reddita pace, & sanctissimis exemplis confirmata. Deinde quod attinet ad fragmentum Gratiani in dicto Canone 4., video non omnino consonare illud cum Canone Trullano; etenim Gratianus ita scripsit, quasi definitum in Concilio Trullano fuerit, 85. capitula vere Apostolorum esse, illaque rata habenda esse, ac confirmata; ac Trullani Antistites, ut liquet ex eorum verbis superius expressis, nihil aliud voluerunt, quam confirmari disciplinam, quæ in illis 85. Canonibus tradebatur, qui Sanctorum, ac gloriosorum Apostolorum nomine traditi sunt. Diversa porro hæc sunt, de qua tamen re nihil amplius hic dixerò, cum diserte in cap. 1. superius verba fecerim.

Can. 7.
dist. 16.

Quæ huc usque observavimus plurimum conducunt ad interpretationem canonis 7. dist. 16., cujus priora verba leguntur in oratione Trullanorum Episcoporum, ad Justinianum, quæ in exemplaribus Concilii præfixa est canonibus Trullanis, his verbis: *Quoniam autem sancta, & universales duæ Synodi in hac imperante, & Dei observatrice Civitate congregata, una quidem temporibus divæ recordationis Justiniani, altera vero sub pia memoria Imperatore Constantino tua mansuetudinis Patre ad paterne declarandum fidei Mysterium. sacros canones nequam conscripserunt, sicut reliqua sancta quatuor universales Synodi, per quos populi quidem a deteriore, & abjectiore vivendi ratione recedant, ad meliorem autem, & altiore vitam se traducant &c.* Post hæc multa, sequuntur, quibus

traditur Ecclesiam reformatione tunc indiguisse, atque ita dein concluditur: *Propterea ergo tua pietatis jussu in hac Dei observatrice, & imperante Urbe congressi sacros canones scripsimus.* Si hæc cum principio Gratiani canon. conferamus, agnosceremus Gratianum sententiam Concilii paucis perstrinxisse, non eadem omnino verba descripsisse. Quæ sequuntur in versic. *Placuit*, pertinent ad dictum canonem 2. in quo superius animadvertēbam Trullanos Antistites in animo illud habuisse, ut constituerent sibi codicem canonum, a quo non recederent, & extra quem nihil aliud omnino reciperent, quod quidem feditiosa voluntate factum fuisse observabam. Ceterum neque hic Gratianus Collectorem egisse videtur, cum non verba canonis integra exhibuerit, sed potius paucis sententiam Concilii exposuerit. Ita legitur in ipso Concilio: "Hoc quoque huic
,, Sanctæ Synodo pulcherrime. & honestissime placuit, ut ab hoc nunc tempore deinceps ad animarum medelam, & perturbationum curationem firmi, stabilesque maneant, qui a Sanctis Patribus, qui nos præcesserunt, suscepti, ac confirmati sunt, atque adeo nobis etiam traditi sunt sanctorum, & gloriosorum Apostolorum nomine 85. canones". In his verbis jam annotaveram Gratianum ab ipsa Concilii sententia plurimum recessisse, cum ille recensuerit 85. canones velut Apostolicos, ac Trullani Episcopi eos non Apostolicos appellent, sed *Apostolorum nomine traditos*. Deinde ita sequuntur Trullani Antistites: "Quoniam autem in his nobis canonibus præceptum est, ut eorundem Sanctorum Apostolorum per Clementem Constitutiones. suscipere mus, quibus jam olim ab iis, qui fide aliena sentiunt, ad labem Ecclesiæ adspargendam adulterina quædam, & a pietate aliena introducta sunt, quæ divinorum nobis decretorum elegantem, ac decoram speciem obscurarunt, has Constitutiones ad christianissimi gregis ædificationem, ac securitatem conducibiliter rejecimus, hæreticæ falsitatis sætus nequaquam admittentes, & germanæ, ac integræ Apostolorum doctrinæ inferentes. Ob signamus etiam reliquos omnes canones, qui a Sanctis, & Beatis nostris Patribus expositi sunt, idest a 319. Sanctis, ac Deiferis Patribus, qui Nicææ convenerunt, iisque, qui Ancy-

„ ræ, & iis etiam, qui Neocæsareæ,
 „ similiter & qui Gangris, præterea &
 „ iis, qui in Antiochia Syriæ, atque
 „ iis etiam, qui in Laodicæa Phrygiæ:
 „ Præterea autem & 130. Patribus, qui
 „ in hac a Deo conservanda, & Imperiali Civitate convenerunt, & ducen-
 „ tis, qui in Ephesiorum Metropoli
 „ prius coacti sunt, & sexcentis triginta
 „ Sanctis, & Beatis Patribus, qui
 „ Chalcedone, similiter & iis, qui Sardicæ,
 „ & qui Carthagine, & qui rursus in hac Dei cultrice, & Imperatrice Urbe convenerunt sub Nestario,
 „ qui Imperanti huic Civitati præsidebat, & Theophilo, qui fuit Alexandriæ Archiepiscopus. Quin etiam canones Dionysii, qui fuit Archiepiscopus magnæ Alexandrinorum Civitatis, & Petri, qui fuit Alexandriæ Archiepiscopus, & Martyr, Gregorii Neocæsareæ Episcopi Thaumaturgi, Athanasii Alexandrini Archiepiscopi, Basilii Archiepiscopi Cæsareæ Cappadociæ, Gregorii Episcopi Nyssæ, Gregorii Theologi, Amphilochoi Iconii, Thimothei Archiepiscopi ejusdem Alexandriæ, Cyrilli ejusdem Alexandriæ Episcopi, & Gennadii, qui fuit Patriarcha hujus a Deo servandæ, & imperantis Civitatis. Præterea vero & a Cypriano, qui Afrorum regionis fuit Archiepiscopus, & Martyr, & Synodo, quæ sub ipso fuit, emissum canonem, qui in prædictorum Præsalum locis solum secundum traditam eis consuetudinem servatus est. Et nulli licere prius declaratos can. adulterare, vel non admittere, vel alios præter his propositos recipere can. a quibusdam falsa adjecta inscriptione compositos, qui veritatem cauponari conati sunt. Si quis autem, quod prædictorum canonum aliquem innovare, vel subvertere conetur, convictus fuerit, reus erit secundum eum can. ut ipse pronunciat canon, pœnam luens, & per ipsum in eo, in quo offendit, medelam suscipiens“. Sic relicta est integra can. Trullani sententia, ex qua perpicue liquet, quod superius præfatus sum ad canonem 4. dist. 16. hujusmodi fragmenta a viro catholico, & in Ecclesiæ unitate degente recipienda non esse, indignaque propterea fuisse, quæ in collectionem canonum redacta fuissent a Collectore can. Ecclesiæ Occidentalis, ex eo præsertim capite, quod ibidem

probatissimus proponatur canon a Cypriano, aliisque Africanæ Ecclesiæ Episcopis editus in causa rebaptizantium, jam diu ex antiquissima traditione rejectus.

Can. 6. dist. 22. ita corrigendus erit *Can. 8. ex canone 36. Trullano. Removantes, dist. 22. qua a Sanctis 130. Patribus, qui in hac a Deo conservata, & Regia Urbe, & 636. qui Chalcedone convenerunt, constituti sunt, decernimus, ut Thronus Constantinopolitanus aequalia privilegia cum antiqua Roma Throno obtineat, & in Ecclesiasticis negotiis, ut ille, magnificat, ut qui sit secundus post illum. Post quem magna Alexandrinorum Civitatis numeretur Thronus, deinde Antiochia, & post eam Hierosolymitana Civitatis. En tandem quo anhelabant Græci, & quo eos ferebat proprius ambitus, qui ubi sedem Imperii Roma Constantinopolim translatam receperunt, primam quoque Ecclesiæ sedem in eandem Constantinopolitanam Civitatem eodem modo aut translatam esse, aut transferri debuisse sibi blandiebantur. Hinc sæpe sæpius in Conciliis definiendum curarunt, ut iidem honores, qui Romano competenter, Constantinopolitano Pontifici decernerentur, aut saltem ille post Romanum Pontificem primus haberetur. Hanc ipsam Græcorum mentem explicavit Græcus Interpretes Alexius Arifinus ita ad hunc canonem scribens; Episcopum Constantinopolitanum aequalibus frui privilegiis post Romanum; sic in tertio Synodi Constantinopolitana, & in 28. Concilii Chalcedonensis canone interpretati sumus, ut non honoris, sed temporis respectu secundus a Romano collocetur. Sic itaque & hic (id est in canone Trullano) intelligendum est præpositionem, post, tempus indicare, non autem honorem. Nam post annos multos aequalia Romana Ecclesia obtinuit Thronus hic Constantinopolitanus privilegia, eo quod Imperio, & Senatui hæc Civitas honorata est, & aequalibus veteri Roma gaudet privilegiis. Quis non videt in istis laceratam Ecclesiam, & discissam, ut in ipsa duo capita constituerentur, quasi monstrum, ac si divinx Ecclesiæ Primatus non ex Sancti Petri successione, sed potius ex variis Civitatum, aut Nationum vicissitudinibus dependeat? Mentiri autem hoc in loco videntur Græci iidem, ubi asserunt se decreta Constantinopolitani, & Chalcedonensis Concilii renovasse, cum tamen in neutro Concilio tum Romano, cum*

Con-

Constantinopolitano Episcopo æqualia jura concessa fuissent. Præterquam quod enim tum can. 3. ex Constantinopolitano, vel receptus omnino non fuerit in Ecclesia, vel aliter explicandus sit, quam exprimatur a Græcis, quemadmodum ostendi superius ad can. 3. dist. 22. tum can. 28. ex Chalcedonensibus a S. Leone Magno nunquam confirmari, aut probari potuerit; in utroque hujusmodi canone honores quidam dati sunt Constantinopolitano Episcopo; nondum tamen Græci adeo aperte ausi fuerant Romani Pontificis auctoritatem sibi vindicare, quemadmodum fecerunt in can. Trullano. Itaque Trullanus ille canon in eo quidem agnosci a studiosis sacrorum canonum poterit, in quo distributæ sunt Græcorum Patriarcharum dignitates, videlicet ut inter illas primas teneret Episcopus Constantinopolitanus, secundum locum haberet Alexandrinus, tertium Antiochenus, & postremum Hierosolymitanus; etenim in hunc ordinem omnes Græci Episcopi, illi etiam, quorum intererat, consenserunt, & moribus diuturnis deinde comprobarunt; in ea tamen parte, in qua æquales honores cum Romano Patriarchæ Constantinopolitano decernuntur, non erit, cur eundem canonem recipiamus, cum manifeste illic nihil appareat aliud, quam Constantinopolitanorum Episcoporum ambitus.

Can. 16. dist. 28. Canon 16. dist. 28. ita erit emendandus ex canone 26. Trullano: *Presbyterum per ignorantiam illicitis nuptiis implicatum esse quidem Cathedra participem secundum ea, qua sunt in sacro canone decreta, a reliquis autem operationibus abstinere. Etenim tali satis est, si veniatur: ut autem alii benedicat, qui debet sua curare vulnera, est incongruum. Benedictio enim est sanctificationis imperitio. Qui autem id non habet propter delictum ex ignorantia, quomodo alteri id compertiet? Nec ergo publice, nec privatim benedicat, nec Domini Corpus alii distribuat, nec aliquod aliud ministerium obeat, sed prima sede contentus Domino desseat, ut illi ex ignorantia peccatum remittatur. Manifestum enim est, quod nefarium istiusmodi conjugium dissolvatur; nec vir cum ea ullo modo consuetudinem habeat, per quam sacra operatio ne privatus est. Non tantum hæc est sententia Antistitum Trullanorum, sed potius S. Basilii, ex quo Trullani iidem Episcopi se excepisse profitentur illis verbis: secundum ea, qua sunt in sacro*

canone decreta; etenim S. Basilii in suis canonibus ad Amphilochoium can. 27. ita habet: De Presbytero, qui per ignorantiam nefariis nuptiis implicatus est, desinui, qua oporteat, esse quidem Cathedra participem, a reliquis autem actionibus abstinere; ei enim sufficit, ut veniam consequatur. Ut is autem aliis benedicat, qui sua debet vulnera curare, non est consentaneum. Benedictio enim est sanctificationis communicatio; qui autem eam non habet propter ignorantia lapsus, quomodo aliis communicabit? Nec ergo publice, nec privatim benedicat, nec Christi Corpus aliis impertiat, nec aliquod aliud sacrum Ministerium obeat, sed quod præfideat contentus aliis, & Domino desseat, ut sibi ignorantia peccatum condonetur. Sane si hæc Basilii Magni verba cum memorato Concilii Trullani canone contulerimus, vix verborum quorundam discrimen inter utrumque agnosceremus, ut propterea eadem esse debeat apud Viros Ecclesiasticos Trullani canonis auctoritas, quæ Sancti Basilii canonibus inest.

Disciplinam Græcorum adversus Romanam diuturno usu apud illos receptam exhibent Canon 13. dist. 31. & Can. 7. dist. 32. Canon 7. dist. 32. legitur in can. 6. ex Trullanis iis verbis: *Quoniam in Apostolicis canonibus dictum est eorum, qui non ducta uxore in Clerum promoveantur, solos Lectores, & Cantores uxorem posse ducere, & nos hoc servantes decernimus, ut deinceps nulli penitus Hypodiacono, vel Diacono, vel Presbytero post sui ordinationem conjugium contrahere liceat. Si autem fuerit hoc ausus facere, deponatur. Si quis autem eorum, qui in Clerum accedunt, velit lege matrimonii mulieri conjugii, antequam Hypodiaconus, vel Diaconus, vel Presbyter ordinetur, hoc faciat. Gratianus postremorum tantummodo verborum fragmentum retulit. At Trullani Episcopi cum Apostolicos canones memorarunt, intellexerunt canonem 26. ex iis, qui Apostolis tribuuntur, in quo hæc habentur: Ex iis, qui non ducta uxore ad Clerum promoti sunt, jubemus, si velint, uxorem ducere Lectores, & Cantores solos. Itaque Ecclesia Græca in Trullano Concilio illud recepit, ut Subdiaconi, Diaconi, & Sacerdotes matrimonium contrahere non possent, in quo ab Ecclesiæ Occidentalis disciplina minime recessit. Recessit in eo, quod voluerit eos, qui ante ordinationem jam matrimonium con-*

contraxissent, posse ad sacros ordines promoveri, ut constat ex Canone 13. dist. 31. quem ita ex Trullano Can. 13. interpretantur Viri eruditi ex Græcis exemplaribus: "Quoniam Romanæ Ecclesiæ pro canone traditum esse cognovimus, ut Diaconi, vel Presbyteri, qui ordinentur, digni existimandi sunt, profiteantur se non amplius suis uxoribus conjugendos; nos antiquum canonem apostolicæ perfectionis ordinisque servantes, hominum in sacris ordinibus legitima conjugia deinceps ex hoc temporis momento firma, & stabilia esse volumus, nequaquam eorum cum uxoribus conjunctionem dissolventes, vel eos mutua tempore convenienti consuetudine privantes. Quamobrem si quis dignus inventus fuerit, qui Hyppodiamonem, vel Diaconum, vel Presbyterum ordinetur, is ad talem gradum assumi nequaquam prohibeatur, si cum legitima uxore cohabitet. Sed neque ordinationis tempore ab eo postuletur, ut profiteatur se a legitima cum uxore consuetudine abstinenturum, ne ex eo a Deo constitutas, & sua præsentia benedictas nuptias injuria afficere cogamur, evangelica voce exclamante: Quæ Deus conjunxit, homo non separet, & Apostolo docente, honorabiles nuptias, & thorum immaculatum, &: Alligatus uxori? ne quaere solutionem. Scimus autem sicut & qui Carthagine conveniunt, & vitæ Ministrorum honestatis curam gerentes dixerunt, ut Subdiaconi, qui sacra Mysteria contrectant, & Diaconi, & Presbyteri secundum proprios terminos a consortibus abstineant, ut & quod per Apostolos traditum est, & ab ipsa usque antiquitate servatum, nos quoque similiter servemus, tempus in omni re scientes, & maxime in jejuniis, & oratione. Oportet enim eos, qui divino Altari assident, in sanctorum tractandorum tempore esse omnino continentes, ut possint id, quod a Deo simpliciter petunt, obtinere. Si quis ergo fuerit ausus præter Apostolicos canones incitatus alium quem eorum, qui sunt in sacris Presbyterorum, inquit, vel Diaconorum, vel Hyppodiamonum conjunctione cum legitima uxore, & consuetudine privare, deponatur. Similiter & si quis Presbyter, & Diaconus suam uxorem pietatis prætextu

Tom. I.

„ejecerit, segregetur, & si perseveret, „deponatur“. Verba hæc non satis integre descripsit Gratianus in dicto can. 13. in quibus tamen nonnulla digna sunt observatione. Quis in primis, nisi schismatis amantissimus ferre poterit laudari *Romana Ecclesia canones*, quibus continentiae leges majoribus Clericis Deo sacratis indicuntur, deinde vero depositionis pœnam illis infligi, qui eosdem Romanos canones sequerentur? Non est hic honos, quem semper in Conciliis generalibus Ecclesia universa Romanæ Ecclesiæ exhibuit. Non est hæc reverentia debita vetustissimis, ac Sanctissimis Pontificibus Maximis, qui easdem leges aut sanxerunt, aut confirmarunt. Proferunt Trullani Episcopi canones Apostolicos, quibus disciplinam suam probatam fuisse jactitant. Is est canon 5. ex Apostolicis ita expressus: *Episcopus, vel Presbyter, vel Diaconus uxorem suam ne ejiciat religionis prætextu, si autem ejecerit, segregetur, & si perseveret, deponatur*. Porro hæc sententia, quemcumque demum Auctorem habeat, alio dirigenda est, quam quo a Trullanis Episcopis detorqueatur. Voluit illius canonis Auctor puniendos esse Sacerdotes illos, qui postquam divino ministerio initiati fuerant, necessaria vitæ subsidia misso repudio uxori forsitan infirmæ prætextu Sacerdotii denegabant, non vero qui tantummodo a conjugio abstinuissent. Prosequuntur Trullani Antistites, & ajunt injuriam fieri nuptiis, & Deo nuptiarum Auctori, quoties eisdem frui non permittantur Sacerdotes, verum ipsimet sua sententia damnantur, dum iidem Episcopi Trullani in canone 12. conquerentur, Episcopos quosdam post ordinationem suam adhuc cum uxoribus antea ductis conversari, *ex eo populis offendiculum, & scandalum adferentes*; deinde Episcopis illis prohibent indicta pœna depositionis, *ut nihil ejusmodi deinceps nullo modo fiat.... ne factus Ecclesiasticus ullo probro afficiatur*. Quærerem hoc in loco a Græcis, num injuria fiat nuptiis, aut Deo nuptiarum Auctori, si quis ab ipsis abstineat sanctioris vitæ Ecclesiasticæ professione? Si fieri injuriam dicunt, eccur Episcopis interdicunt, ne post Episcopatum adeptum cum uxoribus amplius jungantur, eccur Episcopis id probro vertunt, *offendiculo, & scandalo*? Quod si nullam & nuptiis, & Deo injuriam fieri profitentur, cur Subdiaconos, Diaconos, Sacer-

Tt

do.

donecque prætextu ordinis sui ab uxoris consuetudine abstinentes, *benedictas nuptias injuria afficere* exclamant? Demum iidem Græci perperam contorserunt canonem Carthaginensem de continentia Clericorum, quem restringere voluerunt ad tempora vicis Sacerdotalis, contra quam sententia ejusdem canonis ferat. Est is canon tertius Concilii Carthaginensis II. ab Ecclesia Græca recepti, cujus hæc sunt verba: *Aurelius Episcopus dixit: Cum in priore Synodo de continentia, & castitatis modo quærebatur, placuit, ut hi tres gradus, qui vinculo quodam castitatis per consecrationem implicati sunt, (Episcopi, inquam, Presbyteri, & Diaconi) ut Sanctos Episcopos, & Sacerdotes Dei, & Levitas, & Divinis Sacrificiis Ministrantes decet, in omnibus continentes sint, quo possint, quod a Deo simpliciter petunt, impetrare; ut & quod per Apostolos traditum, & ab ipsa antiquitate servatum est, nos quoquo similiter servemus.* Canon ita expressus non eam interpretationem patitur, quæ ipsi a Græcis affingitur, dum perspicue præcipitur, Sacerdotes, & Ministros per sacram ordinationem vinculo quodam castitatis implicari, dum eadem de Presbyteris, & Ministris, quæ de Episcopis, definiuntur, quos tamen Episcopos ipsimet Græci omnino removendos ab uxoribus decreverunt. Etenim qui tantummodo in ordine vicis continere jubetur, non dicitur in vim suæ consecrationis continentia quodam vinculo implicari, neque potest Episcopis, qui juxta disciplinam Græcorum perpetuam continentiam profitentur, comparari, & una cum ipsis, eademque lege concludi. Hæc omnia observatione digna arbitratus sum, potissimum quia nonnulli ex recentioribus Hæreticis ex hoc canone occasionem optimam rati sunt habere, redarguendi disciplinam Romanæ Ecclesiæ Græcorum disciplina merito adversantem. Videant ipsi in primis, quibus monumentis, quibusque utantur auctoribus, videlicet monumentis, quæ invicem secum non constant, auctoribus autem, qui veterum Patrum sententias detorquere studuerunt.

Can. 3. Can. 3. dist. 44. ita ab Eruditis Græcæ linguae vertitur ex Græcis exemplaribus ad canonem 9. *Nulli licere Clerico cauponariam habere tabernam: Si enim in cauponam ingredi non est permittum, quanto magis aliis in ea ministrare, & ea, qua non licet ipsi tractare? Siquid*

autem tale fecerit, vel cesset, vel deponatur. Constantinus Harmenopolus in Epitome canonum sect. 3. tit. 2. ita sententiam hanc perstrinxit: *Clericus, qui officinam cauponariam habet, aut desistat, aut deponatur: Ad quæ Scholiastes hæc notat: Patriarcha Lucas etiam Seplastarias officinas, aut balnearias a Clericis curari per adnotationem vetuit (Seplastiarum officinæ erant, quæ ad unguenta vendenda parabantur), veluti qua turpi lucro, & mendacio occasionem præbent. Et post pauca. Itidem Patriarcha Michael Anchialinus per adnotationem mandat, ut Clerici officia secularia, vel exactorum munia, vel curatorum non suscipiant. Consonant hæc cum can. 24. ex Laodicensis, quo vetitum est Clericis universis, ne cauponam ingrediantur, item cum can. 4. ex iis, qui Apostolici nuncupantur ibi: *Episcopus, vel Presbyter, vel Diaconus aleis, & ebrietatibus vacans vel desistat, vel deponatur.**

Can. 4. dist. 77. ex can. 15. Trullano depromptum non possumus apte interpretari, nisi etiam simul observaverimus can. 14. Trullanum. Siquidem in can. eodem 14. statutum fuerat, ut nemo ordinaretur Presbyter ante annum trigessimum, nemo Diaconus ante vigesimumquintum. Hinc in dicto can. 15. decretum est, ut nemo minor 20. annis Subdiaconus ordinaretur: ibi: *Subdiaconus ne minor viginti annis ordinetur.* Post quæ verba ita persequuti sunt Trullani Antistites ratione habita non tantum Subdiaconorum, sed & Diaconorum ac Sacerdotum, de quibus in præcedenti can. sermonem habuerunt: *Siquis autem in quovis Sacerdotii gradu præter præscripta tempora ordinatus fuerit, deponatur.* Jam in can. 11. Concilii Neocæsareensis constitutum fuerat, ut nemo, nisi annorum triginta, Presbyter ordinaretur, quam sanctionem confirmasse videntur Trullani Episcopi, & ejus exemplo ministrorum ætatem definivisse.

Can. 26. dist. 93. ita legendus est ex Græcis exemplaribus can. 6. Trullani: „ Quoniam in nonnullis Ecclesiis Diaconos, nos officia Ecclesiastica habere didicimus, & ex hoc nonnullos eorum arrogantia, & licentia fretos ante Presbyteros sedere, statuimus, ut Diaconos, etiam in dignitate, idest in quovis sit officio Ecclesiastico, ante Presbyterum ne sedeat, præter quam si proprii Patriarchæ, vel Metropolitani vicem gerens adit in aliqua Ci-

Can. 26. dist. 93.
„ vi.

„ vitate super aliquo capite ; tunc enim
 „ ut locum illius implens honorabitur .
 „ Siquis autem tyrannica adductus au-
 „ dacia tale quid efficere ausus fuerit ,
 „ is ex proprio gradu dejectus sit om-
 „ nium ultimus ejus ordinis , in cujus
 „ est Catalogo in sua Ecclesia Domino
 „ nostro admonente , ne in primis Sedi-
 „ bus delectemur &c. “ Convenit hic
 can. veteri Ecclesiasticæ disciplinæ , jux-
 ta quam , siquando contigisset Diaconos
 supra modum ordinis sui efferri , seve-
 rissimis censuris in ipsos animadverteba-
 tur , quemadmodum constat ex can. 18.
 Concilii Nicæni , quem retulit Gratia-
 nus in can. 14. dist. 93. Ex eo autem
 arbitror profectum fuisse hujusmodi am-
 bitum Diaconorum , illorum præsertim ,
 qui in dignitate , sive administratione
 præcipua constituti erant , quod , cum
 Ecclesiasticum peculium ipsi servarent ,
 atque ex mandato Episcopi distribuerent
 ceteris , etiam Presbyteris , facile inter
 Clericos primas Sedes occupare possent ,
 cum pauci contradicere occupantibus au-
 derent , a quibus peculium expectabant .
 Ceterum etiam generatim sacris canonibus
 obviam itum fuerit hujusmodi Dia-
 conorum ambitioni , nonnulla tamen et-
 iam hodie vestigia Diaconorum hujusmo-
 di remanserunt in Archidiaconis nostro-
 rum temporum , qui in multis Cathed-
 ralibus Ecclesiis primas occupant Se-
 des , aut dignitates . Imo & apud Orien-
 tales Ecclesias illud observatum est , ut
 Ecclesiæ Constantinopolitanæ Cartophi-
 lax , sive Chartularius Diaconus ante E-
 piscopos ipsos in Conciliis federet , quod
 refert Scholiastes apud Harmenopolium
 in epitome can. fest. 2. tit. 4. inquit :
*Sciendum soli Majoris Ecclesiæ Charto-
 phylaci concessum esse , tum ex longa con-
 suetudine , tum scripto jussu Imperatoris
 Domini Michaelis , ut in exteris Synodis
 etiam ante Pontifices sedeat .*

C. 100.
can. 1.
qu. 1.

Can. 100. cau. 1. qu. 1. ita emendan-
 dus erit ex can. 23. Concilii Trullani ,
 quem ex Græcis exemplaribus ita inter-
 pretantur Viri eruditi . *Ut nullus , sive
 Episcopus , sive Presbyter , sive Diaconus
 immaculatam præbens communionem , ab
 eo , qui communicat , ejus participationis
 gratia obolet , vel quamvis aliam speciem
 exigat . Non est enim venalis gratia , nec
 pro pecuniis spiritus sanctificationem im-
 partitur , sed ea iis , qui digni sunt ,
 absque ulla est calliditate communican-
 do . Siquis autem eorum , qui sunt in
 Cleri Catalogo ab eo , cui immaculatam*

*impertis communionem , ullam speciem exi-
 gere visus fuerit , deponatur , ut simonia-
 ci erroris , & maleficii amulator . Hæc
 porro sententia consonat cum generali-
 bus , & receptissimis Ecclesiæ regulis ,
 quibus vetitum semper fuit , ne Sacra-
 menta pretio interveniente administren-
 tur . Unum adferri posset Concilium Rhe-
 mensis anni 1119. in quo præfente Ludo-
 vico Francorum Rege præfuit Calixtus II.
 in eo autem ita constitutum est Can. 4.
 Præcipimus , ut pro Baptismatis , Chris-
 matis , Olei Sacri , ac sepultura acceptio-
 ne , infirmorum visitatione , vel unctione
 nullum omnino pretium exigatur .*

Can. 48. cau. 12. qu. 2. ita Latine Can. 48.
can. 12.
qu. 2.
 exprimitur ex can. 35. Concilii Trulla-
 ni . “ Nulli omnino Metropolitanorum
 „ liceat mortuo Episcopo , qui ejus thro-
 „ no subest res ejus , vel ipsius Eccle-
 „ siæ auferre , vel sibi vindicare , sed
 „ sint sub custodia Cleri Ecclesiæ , cui
 „ defunctus præfuit , usque ad alterius
 „ Episcopi promotionem , nisi in eadem
 „ Ecclesia non relictis sint Clerici ; tunc
 „ enim Metropolitanus ea non diminu-
 „ ta servabit , ordinato Episcopo omnia
 „ reddens “ . Renovatur hic vetus illa
 Concilii Chalcedonenensis disciplina , de
 qua ita legimus in can. 22. “ Non li-
 „ cere Clericis post mortem proprii E-
 „ piscopi res , quæ ad ipsum pertinent ,
 „ rapere , quemadmodum & adsumenti-
 „ bus prohibitum est , aut qui hoc fe-
 „ cerint , de proprio gradu in periculum
 „ venire “ . Illud tantum discriminis in-
 tercedit inter Can. Chalcedonensem , &
 Trullanum , quod Chalcedonenfis canon
 exprimitur tantummodo de Clericis , qui
 viventi Episcopo subjiuntur , at vero
 can. Trullanus ad Metropolitanos etiam
 pertineat , in quorum Diocesi aliquis
 Episcopus obiisset .

Paullo aliter , quam habeat Gratianus Can. 1.
cau. 21.
qu. 2.
 in can. 1. cau. 21. q. 2. legitur in Græ-
 cis exemplaribus can. 16. ex Trullanis ,
 quem Latine ita eruditi interpretantur .
 „ Quoniam diversarum Ecclesiarum Cle-
 „ rici propriis , in quibus sunt ordina-
 „ ti , relictis Ecclesiis ad alios Episco-
 „ pos se contulerunt , & sine proprii
 „ Episcopi sententia in alienis Ecclesiis
 „ constituti sunt , & ex eo ipsos reddi
 „ insolentes evenit , statuimus , ut a præ-
 „ senti mense Januario præteritæ quar-
 „ tæ indictionis , nullus omnino Cleri-
 „ cus , in quocumque sit gradu , pote-
 „ statem habeat sine proprii Episcopi
 „ scripta dimissoria in alienæ Ecclesiæ

„ Catalogum referri. Qui enim a prae-
 „ senti nunc tempore hoc non servat,
 „ sed quod in se est, eum, qui illi ma-
 „ nus imposuit, dedecore afficit, depo-
 „ natur & ipse, & qui eum prae-ter ra-
 „ tionem suscepit“. Consonant hæc
 cum vetere disciplina, juxta quam ne-
 mo ex Clericis permittebatur de una in
 aliam Ecclesiam pergere sine literis o-
 mendatitiis proprii Episcopi, quibus o-
 stenderetur illum citra ullum Ecclesiae
 illius incommodum, cui adscriptus fue-
 rat, abesse, uti deducitur ex Canonibus
 Chalcedonensibus 6. 10. & 20. Non est
 hoc in loco omittenda exceptio illa,
 quam suis temporibus huic Trullano ca-
 noni adjiciebat Balsamon his verbis:
 „ Excipe mihi Constantinopolitanum,
 „ & Carthaginensem Episcopum: lienim
 „ soli, ut sæpe dictum est, possunt alie-
 „ nos Clericos suscipere præ-ter volun-
 „ tatem eorum, qui ipsos ordinarunt“.

Can. 2. In Can. 27. Concilii Trullani legitur
 cau. 21. Can. 2. cau. 21. qu. 4., quem ita ex
 qu. 4. Græcis exemplaribus interpretari debe-
 mus: Nullus eorum, qui in Cleri Cata-
 logum relati sunt, vestem sibi non con-
 venientem induat, neque in civitate de-
 gens, neque iter ingrediens, sed utatur
 vestibus, quæ antehac iis, qui in Cle-
 rum relati sunt, attributa fuerunt. Si-
 quis autem tale quid fecerit, una septi-
 mana segregetur. Hæc disciplina rece-
 pta est in Concilio generali septimo,
 sive Nicæno II., ubi hæc leguntur Can.
 16. Omnis luxus, & ornatus corporeus
 est a Sacerdotali ordine, & statu alie-
 nus. Episcopus ergo, vel Clericos, qui se
 splendidis, & insignibus vestibus exor-
 nant, se corrigere oportet; sin autem per-
 maneant, penis coerceri &c.

Can. 6. Can. 4. Trullani Concilii his verbis
 cau. 27. exprimitur: Siquis Episcopus, vel Pres-
 qu. 1. byter, vel Diaconus, vel Subdiaconus,
 vel Lector, vel Cantor, vel Officiarius
 cum muliere Deo dicata coierit, depona-
 tur, ut qui Christi sponsa vitium attu-
 lerit: Sin autem Laicus, segregetur. Is
 est Can. 6. cau. 27. qu. 1., & quidem
 eadem retenta sententia; quæ a vete-
 rum Patrum regulis non deflectit.

Can. 13. Can. 11. Trullanum ita Bruditi Viri
 cau. 28. interpretati sunt. Nemo eorum, qui in
 qu. 1. Sacerdotali ordine enumerantur, vel Lai-
 cus Judæorum azyma comedat, vel ullam
 cum eis familiaritatem ineat, vel in
 morbis accersat, vel ab eis medicinas
 accipiat, vel una cum eis in balneis
 omnino lavetur, Siquis autem hoc facere

aggressus fuerit, si sit quidam Clericus,
 deponatur, si autem Laicus, segregetur.
 Hic est Can. 13. cau. 28. qu. 1. apud
 Gratianum. Similia quædam in Conci-
 lio Laodicensi statuta jampridem fue-
 rant in Can. 38. ibi: Quod non oportet
 a Judæis azyma accipere, vel eorum im-
 pietatibus communicare.

Privatarum Ecclesiarum usum jamdu-
 dum Laodicensi iidem Patres interdixe-
 rant non solum Presbyteris, verum et-
 iam Episcopis in Can. 58. ibi: Quod
 non oportet in domibus fieri oblationem
 ab Episcopis, vel Presbyteris. Hunc Ca-
 nonem moderati sunt Trullani Antisti-
 tes; cum enim consuetudo invaluisse-
 ut in privatis Oratoriis oblationes fie-
 rent contra veterum Patrum decreta,
 illud saltem observandum voluerunt
 Trullani Episcopi, ut si quando obla-
 tiones privatas Deo dicari contigisset,
 id nonnisi Episcopi consensione acce-
 dente, atque auctoritate fieret. Hinc
 in Can. 31. ita decreverunt: Clericos,
 qui in Oratoriis, quæ sunt intra domos,
 sacra faciunt vel baptizant, hoc illius
 loci Episcopi sententia facere debere de-
 cernimus, quare si quis Clericus hoc non
 si servaverit, deponatur. Gratianus aliis
 verbis hanc eandem sententiam retulit
 in Can. 34. de conf. dist. 1.

In Can. 32. Concilii Trullani repro-
 batur quorundam Armenorum discipli-
 na, qui in Sacrificio Missæ solum vi-
 num sine aqua offerebant, quam ad rem
 Trullani Episcopi attulerunt Apostolo-
 rum, ac veterum Sanctorum Patrum
 exempla his verbis: Nam & Jacobus
 Christi Domini nostri secundum carnem
 frater, cui Hierosolymitana Ecclesia Thro-
 nus primum est creditus, & Basilius Ca-
 sareaensis Ecclesia Archiepiscopus, cujus
 gloria omnem terrarum orbem pervasit,
 mystico nobis in scripto tradito Sacrificio,
 ita consecrandum in Divina Missa ex
 aqua, & vino sacrum Calicem ediderunt.
 Referebat hæc Gratianus in Can. 47.
 de conf. dist. 1., ubi tamen deprava-
 tam descripsit Trullanorum Episcopo-
 rum sententiam, quemadmodum animad-
 verterunt Romani Correctores, & no-
 tis adjectis emendarunt. Disciplina hu-
 jus Canonis ab universa Ecclesia rece-
 pta est, firmataque etiam postremis tem-
 poribus in Concilio Tridentino sess. 22.
 de Sacrificio Missæ cap. 7.

Jam observaverunt Correctores Ro-
 mani ad Can. 6. de conf. dist. 2. verba de conf.
 Gratiani exigenda esse ad fidem Græco-
 rum

Can. 34.
de conf.
dist. 1.

Can. 47.
de conf.
dist. 1.

Can. 6.
de conf.
dist. 2.

rum exemplarium, & ad Can. 28. Concilii Trullani, in quo hæc leguntur. *Quoniam in diversis Ecclesiis intelleximus uia ad Altare allata ex quadam, qua invaluit, consuetudine, ministros hanc incruento oblationis Sacrificio conjungentes, utraque simul populo distribuere, decernimus, ut nullus Sacerdos hoc amplius faciat, sed ad vivificationem, & peccatorum remissionem solam oblationem populo impertiat. Tanquam primitias autem uia allationem existimantes, Sacerdotes eam seorsum benedicentes petentibus impertire ad fructuum datoris gratiarum actionem, per quos corpora nostra divina dispositione augentur, & aluntur. Si quis autem Clericus præter hac decreta fecerit, deponatur. Ad commodam hujus Canonis interpretationem animadvertendum etiam erit ad Can. 3. ex Apostolicis, quo tempore Sacrificii interdicitur, ne quidpiam aliud ad altare adferatur, præter panem, & vinum, quam nova spica, vel uia tempore opportuno, quasi hæc ad Sacrificium ipsum quodammodo referri possent. Atque hæc disciplina etiam ab Occidentalibus Ecclesiis recepta erat; etenim legimus in Sacramentario Gregorii Magni in festo Sancti Xisti hujusmodi benedictionem:*

„Benedic Domine & hos fructus no-
„vos uvæ, quos tu Domine rore cœ-
„li, & inundantia pluviarum, & tem-
„porum serenitate, atque tranquillitate ad maturitatem perducere dignatus es, & dedisti eos ad usum nostros cum gratiarum actione percipere in nomine Domini nostri Jesu Christi, per quem hæc omnia &c.“ Sequuntur hic ea verba, quæ etiam hodie in celebratione Missarum a Sacerdote pronunciantur: *semper bona creas, sanctificas, vivificas, benedixisti, & præstas nobis; quæ licet hodie ad Corpus, & Sanguinem Christi mysticis quibusdam significationibus referri videantur, olim tamen ad fructus oblatos pertinebant, quemadmodum animadvertit Cardinalis Bona in lib. 2. Rerum Liturgicarum cap. 14. Itaque Trullani Antistites, quum animadvertissent consuetudinem illam, qua populo una cum Eucharistia uvæ distribuiebantur, in abusum detorqueri, quasi inter Eucharistiæ, & uvarum susceptionem nihil, aut parum interesset, vetuerunt, & quidem prudentissime, ne deinceps uvæ simul cum Sacramento Eucharistiæ fidelibus dispensarentur.*

CAPUT XLII.

De Concilio Vermeriensi.

Concilio Vermeriensi sequentes Canones tribuuntur.

- Can. 34. cau. 23. qu. 8. *potius pertinet ad legem Rotharis Regis anni circiter 640.*
- Can. 4. cau. 29. q. 2. *ex integris Concilii exemplaribus restituendus.*
- Can. 5. cau. 29. q. 2. *referendus ad Concilium Compendiense anni 757.*
- Can. 7. cau. 30. q. 1. *referendus ad Concilium Compendiense anni 757.*
- Can. 6. cau. 31. q. 1. *pertinet ad Concilium Vermeriense anni 752.*
- Can. 4. cau. 34. q. 1. *pertinet ad Concilium Vermeriense anni 752.*
- Can. 5. cau. 35. q. 2. *pertinet ad Concilium Compendiense, vel Wormaciense.*
- Can. 6. cau. 35. q. 2. *convenit cum Concilio Compendiensi, aut Triburiensi.*

Vermeria, unde Vermeriense Concilium nomen accepit, pagus est, sive oppidum insulæ Gallicæ situm inter Silvaneticum, & Sueffionem non longe etiam a Compendio, quod adnotasse opportunum erit ex eo, quod aliquando Canones Conciliorum Compendiensium nomine Vermeriensium, &

viceversa, laudati fuerint apud collectores. Celebratissimum est apud eos, qui Canonum Codices elucubrarunt, Vermeriense Concilium, quod celebratum fuit anno 752., in quo cum Gallicanis Episcopis Pipinus Rex interfuit, editis 21. Canonibus ad disciplinam Ecclesiasticam stabiliendam.

Qui

Can. 34. Qui vero Canones apud Gratianum eo
cau. 23. nomine laudantur, non omnes ejusdem
quo 8. Concilii Vermeriensis revera sunt. De
 Canone 34. cau. 23. qu. 8. ita ait VVanes-
 nesen in suo brevi commentario ad
 Gratianum: *Profert (Gratianus) canonem, sub nomine Concilii apud Vermerias, juxta Pithaos habitum anno 752. in Gallia; at in Concilio Vermeriensis eo anno celebrato nec præsens Canon, nec quidquid ei simile reperitur, neque in nullo, quod extat, apud Vermerias habitum Concilio hoc Decretum hactenus reperti.* Non est tamen, cur de Gratiano potissimum conqueramur. Jamdiu ante ipsum Ivo, & Burchardus eundem Canonem integrum Vermeriensis Concilii nomine descripserant. Sed in hisce collectoribus ego non sisto. Progredior ad collectorem Burchardo antiquiorem, videlicet ad Reginonem, qui in cap. 97. lib. 2. de Eccles. discipl. hæc habet: *Si quatuor, aut quinque homines, seu etiam plures contra unum hominem rixati fuerint, quicumque eorum plagam imposuit, secundum statuta Canonum ut homicida judicetur.* Nihil aliud addit Regino, qui hoc fragmentum proficitur se retulisse ex Concilio Moguntiacensi. Baluzius ad eundem Reginonis Canonem ita subjicit: *Hoc caput Regino laudat ex Concilio Moguntiacensi: Burchardus; & vetus Canonum collector MS. in Bibliotheca Regia ex Concilio apud Vermerias cap. 99, Utrobique autem amplius habetur, quam apud Reginonem.* His ego addo hunc eundem Canonem legi in Pœnitentiali Romano Antonii Augustini tit. 1. cap. 15. nomine etiam Vermeriensis Concilii. Verum cum hoc Pœnitentiale non præcesserit tempora Burchardi, & Ivonis, nec forte Gratiani, non erit cur Pœnitentialis hujus fidem omnino sequamur, cum auctor Pœnitentialis eundem Canonem vel ex Burchardo, & Ivone, vel forte etiam ex Gratiano transcripserit. Constat itaque ante Burchardum hunc Canonem non ex Vermeriensis, sed ex Moguntino potius Concilio fuisse laudatum; constat etiam ante Burchardum non fuisse eundem verbis adeo diffusum, qualis & apud Burchardum, & sequentes collectores habetur, quemadmodum patet legenti Reginonis verba nuper descripta. Imo & id ausim asserere, non posse illum Vermeriensis Concilio tribui, non solum quod in nullo ex his, quæ exant, Vermeriensibus Conciliis reperia-

tur, sed etiam quod qui priores hunc Canonem Vermeriensis Concilio adscripserunt Ivo & Burchardus Canonem laudent ex cap. 99. Concilii Vermeriensis, quum tamen in Concilio Vermeriensis magis solemni, quod dicimus celebratum anno 752., nonnisi 21. Canones editi fuerint. Præterea ego suspicor apud Reginonem, qui primus præcipuam ejusdem Canonis partem retulisse videtur nomine Concilii Moguntini, seu Moguntiacensis, mendum irrepsisse in eandem Concilii inscriptionem. Etenim Regino in cap. 95. libri 2. ita inscripserat: *ex Concilio Moguntiacensi*, & in cap. 96. ex eodem; deinde in cap. 97. Observe hæc subjici: *ex Concilio Moguntiacensi*. Cur & hic Regino non adscripsit, ex eodem, quemadmodum in posteriore capite, si Moguntiacense Concilium semper laudabat? Forte igitur Concilii Moguntiacensis nomen ex additamenti studiosi cujuscumque irrepsit in textum, ex eo, quod nonnulla ab illis non prorsus absimilia legantur in Concilio Moguntino anni 828., quod alias appellant. Capitulare 3. Ludovici Pii Imperatoris; etenim tit. 8. num. 1. pœnæ decernuntur adversus illos, qui hominem in rixa interfecerint. Ceterum si ab his collectorum involucris exire velimus, & aliunde investigare Canonis hujus auctorem, non dubitaverim asserere originem Gratiani fragmenti repetendam esse ex lege Regis Rotharis lata circa annum 640., quæ habetur in lib. 1. legum Longobardorum tit. 9. num. 1. his verbis: „ Si duo, aut „ tres homines, seu aliquis liberi homi- „ micidium perpetraverint, & nolue- „ rint se adjuvare in unum, ut com- „ ponant ipsum mortuum, sicut appre- „ ciatus fuerit, sit eis licentia adjuvan- „ di; & si aliquis ex ipsis se subtraxe- „ rit, & non potuerit se purificare, „ sicut lex habet, idest quod nec pla- „ gam, nec feritam in ipso homine, „ qui occisus est, fecisset, tunc sit cul- „ pabilis, sicut & alii, qui eum com- „ posuerunt, & si se purificaverit, sit „ absolutus a culpa homicidii. Si ta- „ men in consilio fuerit, componat, ut „ supra, solidos 20., aut de ipso con- „ filio purificet se, si potuerit. “ Qui- „ cumque hanc Rotharis legem conferet „ cum memorato Gratiani fragmento, fa- „ cile agnoscat illam cum hujus sententia „ omnino consonare, ut verosimile admo- „ dum sit, eandem legem primum a Re- „ gino-

ginone fuisse perstrictam, deinde a Burchardo amplius effusam sub nomine Concilii Vermeriensis, postremo vero ab Ivone, & Gratiano receptam fuisse, quemadmodum ipsi apud Burchardum invenerant.

Can. 4. Potius pertinet ad Vermeriense Con-
cilium anni 752. supra laudatum can. 4.
cau. 29. qu. 2., qui legitur in can. 6.
qu. 2. ejusdem Synodi, quam Sirmondus edi-
dit ex MS. Codice S. Vincentii Meten-
sis.

Quamobrem hodie non amplius indigemus in hac parte animadversionibus Correctorum Romanorum, qui testantur nomine Universitatis Lovaniensis eundem canonem extitisse in Bibliotheca B. Trudonis sub nomine Concilii Vermeriensis in libro, cui titulus: *Excerpta decretorum*. Itaque post editionem his verbis Gratiani fragmentum legemus. „ Siquis ingenuus homo ancillam „ uxorem acceperit pro ingenua, si ipsa „ foemina postea fuerit inservita, si „ eam a servitute redimere potest, faci- „ ciat; si redimi non potest, si ita vo- „ luerit, liceat ei aliam accipere. Si- „ militer & mulier ingenua, si servum „ accipiat pro ingenuo, & postea pro „ qualicumque causa inservitus fuerit, „ nisi pro inopia fame togente se ven- „ diderit, & ipsa hoc consenserit, & „ de pretio viri sui a fame liberata „ fuerit, si noluerit, potest eum dimit- „ tere, & si se continere non potest, „ alium ducere. Similiter & de mulie- „ re, si se vendiderit, & vir ejus ita „ consenserit, taliter potest stare, si se „ separaverint. Pœnitentia tamen am- „ borum necessaria est. Nam qui de „ pretio paris sui de tali necessitate li- „ beratus fuerit, in tali conjugio debet „ permanere, & non separari. „ Simi- „ lia etiam constituta legimus in Concilio Compendiensi anni 757.; quod superius jam observavi aliquando sumi pro Con-
cilio Vermeriensi, etenim in can. 3. hæc leguntur. „ Si Francus homo ac- „ cepit mulierem, & sperat, quod in- „ genua sit, & postea invenit, quod „ non est ingenua, dimittat eam, si „ vult, & accipiat aliam. Similiter si „ foemina ingenua accipiat servum, & „ sciebat tunc, quod servus erat, ha- „ beat interim, quo vivit. Una lex est „ viris, & foeminis.

Can. 5. Postrema hæc Concilii Compendiensis
can. 29. verba eadem sunt, quæ Gratianus retulit
qu. 2. in can. 3. cau. 29. qu. 2. nomine
Concilii Vermeriensis ex eo, uti dixi-

mus, quod Vermeriæ oppidum non distaret a Compendio, & Vermerienses canones vulgo Compendienses appellarentur. Idem canon relatus est in libris Capitularium Francorum; etenim in lib. 3. cap. 20. hæc leguntur: *Si foemina ingenua acceperit servum, sciens, quod servus esset, habeat eum. Una enim lex erit, & viro, & foemina*. Ex quibus præterea constat verba illa Gratiani: *quia omnes unum Patrem habemus in caelis*, non esse Concilii Compendiensis, sed a quodam canonum cultore studio fuisse ad marginem primum adjecta, deinde vero in canonem ipsum transposita.

Supervacua quoque hodie habenda est Romanorum Correctorum observatio, qui testimonio Universitatis Lovaniensis utuntur, ut probent in veteribus Codicibus can. 2. cau. 30. qu. 1. laudari nomine Concilii Vermeriensis. Hodie illum habemus editum a Sirmondo in Concilio integro Compendiensi anni 757. can. 12. his verbis: *Siquis filiastrum, aut filiastram suam ante Episcopum ad confirmationem tenuerit, separatur ab uxore sua, & alteram non accipiat. Georgius consensit*. Hic, qui memoratur Georgius, erat Stephani Papæ ad Pipinum Regem legatus, uti Stephanus idem meminit in suis Epistolis. Referatur idem canon in lib. 5. Capitularium cap. 7., apud Isaacum Lingonensem tit. 11. cap. 1., & apud Fulbertum Epist. 33.

Præterea post editum Concilium Vermeriense laudatum anni 752. opera Sirmondi, supervacua est Romanorum Correctorum observatio ad can. 6. cau. 31. qu. 1. Is enim legitur in can. 3. ejusdem Vermeriensis Synodi his verbis: *Siqua mulier mortem viri sui cum aliis hominibus consiliauit, & ipse vir ipsius hominem se defendendo occiderit, & hoc prociare potest, ille vir potest ipsam uxorem dimittere, & si voluerit, aliam accipiat. Ipsa autem insidiatrix pœnitentia subacta absque spe conjugii maneat*; quæ eadem retulit Regino in lib. 2. cap. 18. *Ex Concilio, quod factum fuit apud Vermeriam tempore Pipini Regis*. Videbitur forte quibusdam minus consentanea generalibus Ecclesiæ regulis hujusmodi disciplina, juxta quam vir ob uxoris flagitium, non solum illam dimittere possit, sed & post eam dimissam, aliam in uxorem ducere. Duplex esse potest & quidem commoda hujus canonis inter-

terpretatio. In primis enim canonem hunc ita intelligere possemus, ut tum demum post mortem uxoris maritus dimittens aliam superducere possit; etenim Vermeriensis Concilii Patres discrimen constituerunt inter uxorem, quæ vitæ mariti fuerat insidiata, a marito dimissam; & virum, qui insidias ab uxore, aut ab adultero passus fuerat, dimittentem, ut, quemadmodum uxori indixerunt, ut in perpetua maneret pœnitentia, nec etiam post mariti obitum alteri cuicumque jungeretur, ita e converso marito hoc onus minime imponerent, licet maritus ipse adulterum se defendendo interfecerit, qui propterea non perpetuæ pœnitentiæ addendus judicatur, sed ipsi nova post mortem prioris cum alia conjugia celebrare permittitur. Secundo, etiam Patres Concilii Vermeriensis maritum voluerint aliam posse sibi uxorem copulare post insidias prioris adhuc viventis, & adulteræ, dixerim tamen eo tempore nondum definitam fuisse eam quæstionem, utrum per adulterium uxoris matrimonium quoad vinculum, ut ajunt, dissolveretur; aliter enim tunc Latini, aliter Græci hac in re disputabant, cujus quidem disputationis antiquæ vestigia quædam in Concilio Tridentino fuisse memorat Cardinalis Pallavicinus. Porro Vermerienses Patres saltem dubitasse de hac re manifeste liquet argumento can. 9. ejusdem Concilii, quem modo integrum referam.

Can. 4.
cau. 34.
qu. 1.
Scilicet in can. 9. Vermeriensi legitur Gratianus can. 4. cau. 34. qu. 1. cujus tamen integra verba nec Ivo, nec Gratianus retulerunt, quæ ita habentur in exemplaribus Concilii: *Siquis necessitate inevitabili cogente in alium Ducatum, seu Provinciam fugerit, aut seniore suum, cui fidem mentiri non poterat, sequutus fuerit, & uxor ejus, cum valet, & potest, amore parentum, aut rerum suarum eum sequi noluerit, ipsa omni tempore, quamdiu vir ejus, quem sequuta non fuit, vivit, semper innupta permaneat. Nam ille vir ejus, qui necessitate cogente in alium locum fugit, si nunquam in suam patriam se reversurum sperat, si se abstinere non potest, aliam uxorem cum pœnitentia potest accipere.* Burchardus integrum etiam hujusmodi can. refert in lib. 9. cap. 54. quemadmodum etiam Regino in lib. 2. cap. 124. apud quos tamen posteriora verba ita leguntur: *Si se continere non potest, aliam uxorem ac-*

cipiat, sed cum pœnitentia. En itaque, quod nuper assereram, quomodo apud veteres Gallicanæ Ecclesiæ Episcopos valde dubium fuerit, num ex gravibus quibusdam causis matrimonii vinculum jam legitime conclusum dissolvi posset.

Canon 5. cau. 35. qu. 2. laudatur a Gratiano nomine Concilii Vermeriensis, cum tamen illud ipsum fragmentum Gratianus retulisset nomine Concilii Triburienensis in can. 9. cau. 34. qu. 1. Neutro tamen in Concilio legitur, sed potius in Concilio Compendiensi anni 757. quod pluries monui cum Vermeriensi a Collectoribus fuisse confusum ob temporum & locorum proximitatem. Porro in cap. 14. ejusdem Concilii Compendiensi hæc habentur. "Siquis cum matre, & filia, in adulterio mansit nesciente matre, quod cum filia sua mansisset, similiter & filia nescivit, quod cum matre sua esset, postea ille vir, si acceperit mulierem, dimittat, usque in diem mortis suæ non habeat uxorem, & illa mulier, quam reliquerit, accipiat virum, & illa mater, & filia, cum quibus in adulterio mansit ambabus nescientibus, quod cum matre, & filia mansisset, habeant viros. Nam si in notitiam illarum venerit hoc scelus, dimittant maritos, & agant pœnitentiam, & illarum mariti posterior res accipiant mulieres". Hæc si cum Gratiani can. conferuntur, apparebit in fragmento Gratiani non eadem quidem verba, sed eandem referri sententiam paucioribus perstrictam. Idem can. habetur sine ulla Auctoris inscriptione in Pœnitentiali Romano Antonii Augustini tit. 3. cap. 10. ibi: *Siquis cum matre, & filia fornicatus fuerit, ignorante matre de filia, & filia de matre, vir, qui hac fecerit, nunquam accipiat uxorem. Illa vero, si voluerint, accipiant maritos, tamen pœnitentiam agant.* His addere possum forte pro nomine Concilii Vermeriensis in dicto can. 5. Gratiano olim scriptum fuisse Concilium Vvormacienſe, ut fragmentum idem referretur ad Concilium Vvormacienſe anni 868. etenim in can. 63. ejusdem hæc leguntur. "Siquis cum matre, & filia in adulterio mansit, nesciente matre, quod cum filia mansisset, similiter & filia nescia, quod cum matre mansisset, & postea ille vir si acceperit mulierem, dimittat eam, & usque in diem mortis suæ non habeat uxorem. Et illa mulier, quam reliquerit, acci-

„ciat virum; & illa mater, & filia,
„cum quibus in adulterio mansit, am-
„babus nescientibus, quod cum matre,
„& filia mansisset, habeant viros. Nam
„in notitiam illarum si venerit hoc sce-
„lus, dimittant maritos, & agant pœ-
„nitentiam, & illarum mariti, & illi
„posteriores accipiant mulieres.

Can. 6. Can. 6. cau. 35. qu. 2. in Concilio
can. 35. Vermeriensis minime legitur. Duo esse
qm. 2. possunt Conciliorum canones, ex quibus
ille depromtus videtur. Alter est canon
10. Concilii Compendiensis, quod Con-
cilium pluries pro Vermeriensis laudatum
scimus; alter est can. Concilii Tribu-
riensis anni 895. Can. 10. Compendien-
sis ita exprimitur: *Si pater sponsam filii
sui oppresserit, & postea filius ipsam ac-
ceperit, pater ejus postea non habeat uxorem,
& ipsa femina non habeat virum,
quia non dixit, quod pater ejus cum ipsa
mansisset; filius vero ejus, qui nesciens
fecit, accipiat mulierem legitimam.* Hæc
quidem Concilii verba de patre, & fi-
lio concepta sunt; at Gratianus de duo-
bus fratribus expressit. Non est tamen
novum, Collectores can. in personis mu-
tare species can. ut retenta sententia,
quod de patre, & filio incestuosis sta-
tutum est, idipsum incestuosis fratribus
accommodet. Can. 44. Concilii Tribu-
riensis hic est: „Siquis cum aliqua cri-
„men fornicationis fecerit, & frater
„ejus ejusdem sceleris ignarus duxerit
„illam uxorem, frater, qui prior per
„fornicationem polluerat illam, quia
„non indicavit fratri uxorem ducenti,
„prædura arceatur pœnitentia, & con-
„digna castigatione, qua peracta, si
„continens esse non possit, indulgentia
„sublevetur, ne libidini prosternatur,
„quatenus legitimo consoletur matri-
„monio. De muliere vero sancimus,
„sicut de ea in Neocæsariensi Sancto

„Concilio definitum legimus cap. 2.
„Mulier si duobus fratribus nupserit,
„abjiciatur usque ad mortem. Verum-
„tamen in exitu propter misericordiam
„fructum pœnitentiæ consequatur, si
„promiserit, quod facta incolumis hu-
„jus conjunctionis vincla dissolvat. Quod
„si defecerit mulier, aut vir in talibus
„nuptiis, difficilis erit pœnitentia in
„vita permanenti. Episcopus vero po-
„testatem habeat secundum conversa-
„tionem ipsius aut adicere negligentia,
„aut minuere pœnitenti. Tamen ulte-
„rius continens, & a viro disjuncta
„permaneat“. Non omitam animad-
vertere eundem Gratianum can. 6. le-
gi sine inscriptione ullius auctoris in
pœnitentialem Romano Antonii Augusti-
ni tit. 3. cap. 11. ubi tamen quædam
verba paullo variam exhibent discipli-
nam, ibi: *Si homo fornicatus fuerit cum
muliere, & frater ejus nesciens eandem
duxerit uxorem, frater, eo quod fratri
crimen celaverit, quatuor annos pœni-
teat, & post pœnitentiam, si vult, nu-
bat. Mulier autem usque ad mortem pœ-
niteat, & sine spe conjugii maneat.* Ita-
que si consideremus hoc Antonii Augu-
stini Pœnitentiale, ad quatuor tantum-
modo annos hujus criminis pœnitentia
redigitur. Septem autem annos juxta
Gratianei fragmenti sententiam indicit
Pœnitentiale, quod legitur apud Bur-
chardum lib. 19. cap. 5. ibi: *Fecisti for-
nicationem cum aliqua femina, & fra-
ter tuus te sciente eandem duxit uxorem?
si fecisti, eo quod fratrem tuum crimen
celasti, septem annos per legitimas ferias
pœniteas, & post pœnitentiam tu, & fra-
ter uxores accipere potestis; tantum in
Domino. Mulier autem usque ad mortem
pœniteat, & sine spe conjugii maneat.*
Adparet hac in re varietas Ecclesiasti-
cæ disciplinæ.

CAPUT XLIII.

De Concilio septimo, seu Nicæno II. generali.

Hujus Concilii nomine sunt hi canones apud Gratianum.

- { Can. 7. dist. 18. consonat cum interpretatione Anastasii Bibliothecarii.
- { Can. 6. dist. 38. consonat cum interpretatione Anastasii Bibliothecarii.
- { Can. 7. dist. 63. consonat cum interpretatione Anastasii Bibliothecarii.
- { Can. 1. dist. 69. consonat cum interpretatione Anastasii Bibliothecarii.
- { Can. 26. dist. 81. potius est S. Basilii.

Tom. I.

V v

Can. 2.

Can. 2. cau. 1. qu. 7. ex integris Concilii exemplaribus supplendus.

Can. 4. cau. 1. qu. 7. ex integris Concilii exemplaribus supplendus.

Can. 3. cau. 9. qu. 3. consonat cum interpretatione Anastasii Bibliothecarii.

Can. 19. cau. 12. qu. 2. consonat omnino cum græcis exemplaribus.

Can. 64. cau. 16. qu. 1. ex integris Concilii exemplaribus supplendus.

Can. 21. cau. 18. qu. 2. emendandus ex Anastasii interpretatione.

Can. 5. cau. 19. qu. 3. pꝛullo varius in diversis Interpretum exemplaribus.

Can. 1. cau. 21. qu. 1. consonat cum interpretatione Anastasii.

Can. 1. cau. 21. qu. 4. consonat cum interpretatione Anastasii.

Can. 18. cau. 22. qu. 4. ex integris Concilii Codicibus restituendus, atque emendandus.

Can. 28. de conf. dist. 3. ex integris Concilii exemplaribus emendandus.

UTramque Ecclesiam, ac præsertim Orientalem, incredibili fere ratione exagitavit octavo sæculo controversia de cultu sacris Imaginibus exhibendo. Plures enim tunc emerferant, qui sacras easdem imagines ita detestabantur, ut non solum delerent, eraderent, perderentque, sed etiam earundem cultores extremis suppliciis afficerent, quibus patrocinati fuerunt Imperatores, primum Leo Conon Isaurus circa annum 730. deinde Constantinus Copronymus circa annum 741. ac demum Leo IV. Chazarus circa annum 775. qui omnes pro Imperio suo decertare se arbitrati sunt, dum adversus sacras Imagines pugnant, decepti a quibusdam Ariolis jactitantibus ex imaginum everisione ejusdem Imperii diuturnitatem dependere. Res jam eo devenerat sub Copronymo anno 754. ut celebrata fuisset Synodus plurium Episcoporum numero 338. uti scribit Theophanes, in Urbe Constantinopolitana, ubi Imperatore præsentente sacrarum imaginum cultus reprobatus est communi omnium consensione, ac proinde jam in Oriente Catholica disciplina hac in parte penitus interiisse videbatur. Ad occidentales Episcopos jam plures Epistolas miserant Imperatores memorati, pro imperio universæ Italiæ supremum excidium minitantes, nisi Græcorum Iconoclastarum sententiæ indulgeretur; quod quidem occasionem funestissimam præbuit Italis, ut arma sumerent adversus Græcos, & ab illorum Imperio post varias vices tandem aliquando deficerent; quidquid fuerit Maximatorum Pontificum studium, & sollicitudo, qui Græcorum quidem hæresim, & Constantinopolitanum illud Concilium reprobaverunt, populos tamen, ut in Impe-

ratoris obsequio manerent, assiduis admonitionibus hortabantur.

Tandem circa annum 780. visæ sunt mutare faciem Orientales Ecclesiæ, vita functo Leone Chazaro; quum enim in Imperio successisset Constantinus filius puerulus, quem regebat mater vidua Irene, hæc piissima Imperatrix diu passa non est, sacras Imagines contemni, sed ab Hadriano I. Pontifice Maximo datis Epistolis postulandum voluit, ut ipse auctoritate sua Generale Concilium, præsertim Græcorum Episcoporum indiceret, suoque consilio convenientes Episcopos adjuvaret. Misit confestim legatos suos Hadrianus in Urbem Constantinopolitanam celebrandæ Synodi causâ, & quidem initio in eadem urbe celebrari Synodus cœperat anno 786. Catholicæ fidei definitionem urgente inter ceteros Tharasio Viro Sanctissimo Patriarcha Constantinopolitano; verum res universas seditione commota sciderunt Iconomacorum turbæ, quibus maxime cordi erat, ne Catholica veritas ad veterum Patrum traditiones, & sanctarum scripturarum oracula exacta statim elucesceret. Quamobrem operæ pretium fuit comitia jam cœpta dissolvere, eademque in Nicænam Civitatem transferre, quemadmodum sequenti anno factum est, scilicet anno 787. Itaque Nicæam convenerunt Episcopi plures, & quidem numero 350. præter Legatos Romanæ Sedis, & Sedium majorum Orientalium, qui una cum Tharasio Constantinopolitano interfuerunt; atque insuper selecti Cœnobiorum Archimandritæ, in quorum omnium celeberrimo confessa post discussam controversiam, decretus est debitus sacris Imaginibus cultus, præterea etiam can. duo supra viginti editi sunt ad

ad reformandam Ecclesiasticam disciplinam, quorum maximam partem in suum Decretum retulit Gratianus.

Solent eruditi disquirere de auctoritate hujus Synodi, num inter Generales Ecclesiæ universas recensenda sit, & semper habita fuerit, ac recepta? Hodie nulla est dubitatio; cum apud omnes Catholicos tamquam œcumenica recosatur, licet a nonnullis ex recentioribus hæreticis renovandarum veterum hæresum studio fucensis improbari videatur. Tota difficultas in eo sita est, quod tradatur olim hoc Concilium in Gallicana Ecclesia non receptum fuisse. Proferamus monumenta. Anastasius Bibliothecarius in sua præfatione hujus Synodi ita testatur: *Qua enim super venerabilium Imaginum adoratione præsens Synodus docet, hæc & Apostolica sedes vestra, (alloquebatur Anastasius Johannem VIII. Pontificem Maximum) sicut nonnulla conscripta innunt, antiquitus tenuit, & universalis Ecclesia semper venerata est, & hæcenus veneratur, quibusdam dumtaxat Gallorum exceptis, quibus utique nondum est harum utilitas revelata.* Ad hanc rem vulgo proferri solet can. 2. Concilii Francofordiensis anni 794. paucos post annos ab eadem Nicæna Synodo celebrati, ibi: *Attenta est in medium quaestio de nova Græcorum Synodo, quam de adorandis Imaginibus Constantinopoli fecerunt, in qua scriptum habebatur, ut qui Imaginibus Sanctorum, ita, ac Deificæ Trinitati, servitium aut adorationem non impenderent, anathema judicaretur. Qui supra Sanctissimi Patres Nostri omnimodis adorationem, & servitium renuentes contemserunt, atque consentientes condemnaverunt.* Torquentur in conspectu hujus canonis eruditi prope modum universi, atque inter ceteros Gallicani interpretes, qui vellent, qua commodiore ratione possent, gentis suæ erga generales Ecclesiæ Synodos observantiam tueri, etsi omnes, meo judicio, rem hanc vix absolvant.

Nolo in præsens hoc in loco commemorare, quid uniusque ex interpretibus adferant, ne prolixior, quam par sit, reddatur oratio, quum omnes ut arbitror vel veritatem non attigerint, aut saltem in dubitatione gravissima fluctaverint. Tantum ego, qua certis rationibus, qua verosimilibus rerum adiunctis, quid sentiam, candide aperiā, certum in primis separans ab incertis, singulaque, uti decet, accommode inter-

pretans. Sane observare juvat memortum can. 2. Concilii Francofordiensis non omnino vere, & tuto eidem Concilio tribui. Etenim Baluzius Tutelenſis, vir in perscrutandis Ecclesiæ Gallicanæ MSS, valde sollicitus, in sua editione Capitularium Francorum edidit tomo 1. pag. mihi 363. Capitulare Francofordiense anni 794. continens tantum 54. capitula, ac propterea pauciora, quam habeat Labbeana Collectio, quæ enumerat 56. in Baluziana autem editione primus, ac secundus can. desiderantur; atque in tomo 2. pag. mihi 753. idem Baluzius refert Jacobi Sirmondi notas hujusmodi ad dictum Francofordiense Concilium. *Canonum, qui antehac desiderabantur, copiam natæ sumus ex vetusto Codice S. Rheimigii, eodem ipso, quo usum constat illum, qui primus libros Carolinos, & cum his primum, & secundum hujus Concilii canonem dissimulato, & interpolato nomine suo in lucem dedit.* Præter hoc enim aliud antiqua nota canonum Francofordiensium exemplar, quod sciam, nullum est. Testis itaque est Sirmondus priores duos can. in vetustissimo MS. Codice non haberi, verosimiliter vero ab eo adjectos fuisse, qui libros Carolinos primus edidit, ut ipse voluntati suæ morem gereret. Revera si initium can. 1. Francofordiensis in vulgatis exemplaribus consideremus, ejus verba expressa sunt præter morem Capitularium; deinde in can. 3. qui potius primus appellari debet, ita exordium est. *His peractis &c.* quæ sane verba videntur posteriore manu adjecta fuisse una cum præcedentibus can. neque enim mos erat Conciliorum, ac præsertim Conventuum Francicorum post duos tantum can. ad alios numero plures gradum facere, hac adjecta conjunctione: *His peractis &c.*

Quid itaque concludendum erit in hac re post hanc Codicum observationem? In Concilio Nicæno II. quod Generale septimum appellamus, exceptis Summi Pontificis Legatis, aliisque perpaucis Sardinia; ac Sicilia; Episcopis, nulli alii interfuerunt Episcopi ex Occidentalibus, ut propterea ex hoc capite Concilium generale omnium Episcoporum dici nequeat. Non poterant accedere Hispani, & cum Hispanis Afri, utpote quos diuturna, ac sævissima bella vexabant, nec facile ad Concilium pergere sinebant barbararum gentium dominationes. Non Itali: quum enim propter sacrarum Imaginum causam, plures ex illis rapti po-

pulsi tumultu a Græcis Imperatoribus defecissent, nihil magis oderant, quam nomen Græcorum, difficileque adduci potuissent, ut ad Orientalium Provincias Concilii causa migrarent, ne forte Græcorum insidiis, de quibus vehementissime suspicabantur, caperentur. Qui vero præ ceteris oderant Græcos, ii erant Franci, qui recens ad Imperium Græcorum anhelaverant, nihilque magis subinde pertimescebant, quam ne Græci Imperatores ab occidentalibus pristinam pacem, & fœdera pangi postularent, & cum pace occidentale etiam Imperium recuperarent. Quod sane evenire posse cum Franci per restitutum ab orientalibus sacrarum Imaginum cultum arbitrarentur, eorundem animum subit, ad Imperium semel acquisitum retinendum, ut, quantum fieri posset, ipsi ceteros a proposita Græcorum unitate, ac Synodis unitatis causa indictis averterent; facile enim futurum verebantur, ut si occidentales Græcorum recta fide cognita in doctrina, eisdem Græcis jungerentur in fide, commode se illis & in pristina Imperii ratione sociarent. Itaque Franci non in ea mente erant, ut debitum sacris Imaginibus cultum denegarent, sed ut quoquo modo orientales a Græcorum consortio removerent. Atque his commode cum recentioribus hæreticis nonnullis congregaretur, qui plenis buccis iactantur Sanctionem Concilii Nicæni pro cultu sanctarum imaginum abrogatam fuisse in Concilio Francofordiensi. Si enim apud historicos extra controversiam positum est, Imperium a Græcis translatum fuisse ad Francos, ex eo, quod Græcis Sacras Imagines abominarentur, quomodo verosimile esse potest, aut in mentem venire sano homini valebit, Græcorum doctrinam de contemnendis Imaginibus Francos ipsos receperunt, qui ideo Imperium recens susceperant, quod sacrarum cultum Imaginum vindicaverint, & strenue professi fuerint?

Jam vero Francorum sententiam clarius explicemus, qualis fuit tempore Concilii Francofordiensis. Res Francorum, novaque Franci Imperii forma exigebat, ut Occidentales a Græcis, quoad fieri posset, averterentur. Averterat jam Occidentales Provincias ipsa Græcorum sævitia, quam in Imagines sacras, & Imaginum cultores exercuerant; verum quieverat pacatus Græcorum animus, ubi ad unitatem renovan-

dam Concilium communi consilio inditum fuit. Quid ergo tum gerendum erat a Francis ad novi tutelam Imperii? Non pugnandum erat adversus sententiam novæ Synodi, quæ cultum sacris Imaginibus decreverat, ne forte aliorum odium antea in Græcos sacrarum Imaginum causa habitum, in se periculo suo converterent. Potius investigarunt modum, quo Nicæni can. expressi fuerant, ut in illo saltem quidpiam apud Græcos redarguerent. Neque hic perstiterunt, non enim ipsummet Concilii Nicæni exemplar intimius perscrutari voluerunt, sed & ex vulgari fama Nicænorum canonum sententiam exceperunt, eamque quomodolibet evulgarunt. Quoniam vero humanum est in æstu controversiarum, quas paullo acrius persequimur, oratione sententias exaggerare, & modum aliquando excedere, ita præcipue Franci in illis constituerunt, ut siquid ex Nicæno Concilio accepissent, disputationis alacritati tribuendum Concilii ejusdem Patribus excidisse, illud publicum facerent, redarguerent, publiceque ab omnibus improbandum proponerent. Non sunt hæ simplices conjecturæ, (quæ ceteroquin ex Nationum & temporum adjunctis exceptæ gravissimæ videntur), nam liquet apud Hadrianum Papam in Epistola ad Carolum Regem confutata fuisse quædam capitula Gallicanorum Antistitum, quæ adversus Nicænam eandem Synodum objecerant, quæ eo singula fere, & integra referuntur, ut Franci demonstrarent, non perperam decretum fuisse sacris Imaginibus cultum, sed inanibus rationum momentis usos fuisse Nicænos Antistites, & in statuendo sacrarum Imaginum cultu plurimum excessi. Uno etiam accuratissimi fuerunt investigatores iidem Franci de fide Græcorum, sive Nicænorum Antistitum præsertim in dogmate processionis Spiritus Sancti, ut siquid minus rectum in Græcorum doctrina invenirent, quamcumque occasionem sumerent a Græcorum consortiis alios avertendi, quemadmodum liquet apud eundem Hadrianum Pontificem. Quæsti itaque Franci fuerunt de Græcis, quod Græci, & inter ipsos Tharastus Episcopus Constantinopolitanus dixisset in Synodo, Spiritum Sanctum non ex Patre, & Filio, sed ex Patre per Filium procedere; deinde Theodorum Hierosolymitanum redarguerunt, quod in Nicæno ipso Concilio quadam ambage verbo-

rum

rum Filii Dei *Consubstantialitatem* explicavisset; deinde accedentes ad Imaginum causam reprehenderunt Græcam Synodum, quod in probando Sanctarum Imaginum cultu usa fuisset illis Scripturarum testimoniis, quæ minus rei accommodata viderentur, quodque adducta in Concilio fuerit vulgata fabella, qua narratur Christum Dominum Imaginem sui ad Abgarum Regem misisse, item quod pronunciatum fuerit in Concilio eundem sacris exhibendum esse imaginibus cultum, quo Sanctissimam Trinitatem, & Sacrosanctum Christi Corpus, & Sanguinem veneramus. Hæc, & his similia erant argumenta Francorum, quibus Græcorum sententias improbare conabantur. Quamobrem facile fuit alicui Franco elucubrare can. illum, qui in can. 2. Concilii Francofordiensis in vulgatis Codicibus legitur, atque in eo proponere Nicænam Synodum, quam Constantinopolitanam appellat, fuisse a Gallicanis Episcopis reprobam.

Quæ cum ita sint, non immerito concludemus Nicænam secundam Synodum generalem quidem non fuisse, si Episcoporum convocationem spectemus, quos temporum illorum adjuncta, & præcipue Imperii divisiones ad orientales Provincias accedere non patiebantur. Verum ea fuit Pontificis Maximi voluntas, ut in eodem Concilio recta Ecclesiæ universalis Doctrina definiretur, ac definita per omnes Ecclesias traderetur, quemadmodum revera, quæ recte in Synodo definita sunt, Maximi ejusdem Pontificis decreta confirmarunt, rataque habuerunt universæ Ecclesiæ Antistites, ipsi etiam Franci, qui, ubi Imperium apud suos firmum esse agnoverunt, quasi occasione jurgandi sublata, Catholicum Dogma, & Synodum receperunt, imo & consuluerunt Pontifices Maximos de modo colendi Sacras Imagines tempore Ludovici Pii Imperatoris, & Eugenii II. Romani Pontificis; Etenim editum habemus communitorium datum ab eodem Imperatore Heremæ Archiepiscopo Senonensi, & Jonæ Episcopo Aurelianensi anno 824. euntibus Romam, ad Eugenium II., in quo hæc leguntur: *Illud summopere providete, ut ea illi de his ostendatis, quæ rationi de imaginibus habenda per omnia corruant, & quod ipse, vel sui minime rejicere valeat. Sed & vos ipsi tam patienter, ac moleste cum eo de hac causa disputationem habeatis, ut summopere caveatis, ne nimis ei resi-*

stendo eum in aliquem irrevocabilem pervinaciam incidere compellatis, sed paulatim verbis ejus quasi obsequendo magis, quam aperte resistendo ad mensuram, qua in habendis imaginibus retinenda est, eum deducere valeatis, & ideo potius officere contendatis, ut negotium, de quo agitur, ad meliorem, quam ad pejorem statum cum Dei adjutorio perducatur.

His ita generaliter prænotatis, quibus Generalis VII. Synodi auctoritatem Can. 7. dist. 18. singulari ratione vindicare, progredior ad canones Gratianeos ex ipso Concilio depromptos. Primus est can. 7. dist. 18., cujus verba eadem sunt cum can. 6. Nicæno juxta interpretationem Anastasii Bibliothecarii. Alii ita Græcum canonem latinitate donarunt. „ Quoniam ca- „ non est, qui dicit bis in anno in una „ quaque Provincia per Congregationes „ Episcoporum fieri oportere quæstiones „ canonicas propter vexationem, & „ quod itineri peragendo minus suffice- „ rent, qui congregabantur, statuerunt „ Sancti sextæ Synodi Patres, quovis „ modo, & quacumque ex causa semel „ in anno fieri, & delicta corrigi. „ Hunc ergo canonem nos quoque re- „ novamus, & si quis Magistratus hoc „ prohibere inventus fuerit, segrege- „ tur; si quis autem Metropolitanus hoc „ fieri non curaverit, præterquam vi „ vel necessitate, & iuxta aliqua de „ causa canonicis poenis subiciatur. „ Cum autem de canonicis, & Evan- „ gelicis rebus fiat Synodus, opus est „ ut congregati Episcopi magnam cu- „ ram, & diligentiam gerant, ut divi- „ na, & vivifica Dei Mandata serven- „ tur. In eis enim servandis est retri- „ butio multa, quoniam lucerna est „ Mandatum, Lex vero lux, & via „ vitæ, probatio, & disciplina, & „ Mandatum Domini lucidum illumi- „ nans oculos. Ne liceat autem Metro- „ politano ex iis, quæ secum adfert „ Episcopus, vel jumentum, vel ali- „ quam rem aliam petere. Si autem „ hoc fecisse convictus fuerit, reddat „ quadruplum. „ Ut bis in anno Con- „ cilia celebrarentur, jam statuerat Ni- „ cæna I. Synodus in can. 5., quem mo- „ derari voluerunt Trullani Episcopi in can. 8. statuentes ob varia Episcoporum incommoda, ut semel tantum singulis annis haberentur. Id renovarunt Nicæni II. Concilii Patres, qui Can. Trullanum sextæ Synodi canonem appellant juxta ea, quæ de eadem sexta Synodo, live

sive Trullana diximus suo in loco. Nemo tamen exinde conicere debet in hoc Nicæno Concilio, aut Trullanam Synodum, aut Trullanæ Synodi canones fuisse probatos. In primis enim, qui confirmatur can. 8. de Conciliis semel in anno celebrandis, ex iis est, quem Græci non caussa schismatis, ediderunt, sed potius Episcopalis æconomiz gratia; Deinde tempore Concilii Nicæni II., quo universus ferme oriens exagitatus erat ob diuturnas, & acres de Sacris imaginibus controversias, prudentissime se gerere Legati Pontificii rati sunt, si de Trullani Concilii canone in re, de qua parum, aut nihil interesset, a contentionibus, & disputationibus abstergerent. Demum quis non videat hanc Nicænis Patribus esse potuisse voluntatem, ut scilicet satius ducerent semel tantum singulis annis celebrari Concilia, & quoniam Trullani canonis auctoritas tanta non erat, ut hæc disciplina induceretur, propria ipsos auctoritate induxisse?

Can. 6. Præterea & cum interpretatione Anastasii Bibliothecarii consonat can. 6. dist. 38. Alii ita Nicænum 2. canonem interpretati sunt. Quoniam psallentes Deo repromittimus, in justificationibus tuis meditabor: non obliviscar eloquiorum tuorum; omnes quidem Christianos hoc facere saluberrimum est, eos autem præcipue, qui Sacerdotalem dignitatem obtinent. Quamobrem determinimus, quælibet quidem, qui ad Episcopalem gradum est promovendus, Psalterium omnino nosse, ut ex eo omnem quoque suum Clericum ita institui mereat: a Metropolitano autem bene examinari, an ad Sacros Ordines diligenter, ac cum perscrutatione, non autem obiter, cursimque legendos, prompto, paratoque sit animo, & Sacrum est Evangelium, & Librum Divini Apostoli, omnemque Divinam Scripturam, & in Divinis Præceptis versari, & Populum sibi commissum docere. Nostra enim hierarchia substantia sunt eloquia divinitus tradita, divinarum scilicet Scripturarum vera scientia, sicut & Magnus Dionysius: si autem dubius animi fuerit, & non lubenter hac facere, & docere voluerit, non ordinetur. Prophetice enim dixit Deus: Tu repulisti scientiam, & ego te repellam, ne sis mihi Sacerdos.

Can. 7. Iterum Anastasii Bibliothecarii interpretationem sequutus est Gratianus in can. 3. Nicæno, quem retulit in can. 7. dist. 63. Alii ita verterunt: omnem

electionem Episcopi, vel Presbyteri, vel Diaconi, qua sit a Magistratibus irritam manere, ex canone dicente: Siquis Episcopus Sacularibus Magistratibus usus per eos Ecclesiam obtinuerit, deponatur, & sequeatur, & omnes, qui cum eo communicant. Oportet enim eum, qui ad Episcopatum promovendus est, ab Episcopis eligi, quemadmodum a Sanctis Patribus Nicæa decretum est in canone, qui dicit: Episcopum oportet maxime quidem ab omnibus, qui sunt in Provincia constitui: si autem hoc difficile fuerit, vel propter urgentem necessitatem, vel propter viae longitudinem, tres omnino eodem convenientes, (ii quoque, qui absunt simul suffragium ferentibus, & assentientibus per literas) tunc facere electionem. Eorum autem, qui per unamquamque Provinciam sunt, confirmationem tribui Metropolitano. Hanc de Episcoporum Ordinationibus disciplinam arbitror in hoc Concilio firmatam, ut ob viam iretur incommodis, quæ ea ætate emergebant, nisi sapienti suffraganeorum consilio, ac Metropolitani confirmatione Episcopi instituerentur. Dudum enim in Pseudo Constantinopolitana habita sub Copronymo ad reprobandum Sacrarum Imaginum cultum improbo conatu absentibus præcipuarum Sedium Episcopis electus fuerat ab Hæreticis in Constantinopolitanum Episcopum Constantinus quidam Monachus homo nefarius, & perdicissimus, qui Iconomanorum causam quasi suam susceperat, & adversus Sacras Imágenes totis viribus contendisse ferebatur.

Can. 1. dist. 69. habetur in can. 14. Can. 1. Nicæno juxta versionem ejusdem Anastasii. Alii græcum canonem ita interpretantur. Quod Ordo in omni Sacrosancto custodiri debet, est omnibus manifestum, & Sacerdoti promotio- nes exacte servare Deo gratum est. Quoniam ergo videmus nonnullos a pueris Clerici Tonsum accipientes, nondum accepta Episcoporum manuum impositione, & in Congregatione in suggestu legentes, & id non canonice facientes, per præsentem canonem, ne hoc fiat, jubemus, idque ipsum etiam in Monachis servari. Lectoris autem manuum impositionem licet in proprio Monasterio, etiam soli unicuique Præfecto facere, si ad ejus Præfecturam ab Episcoporum manuum impositione fiat ipsi Præfecto, qui scilicet & ipse est Presby-

ter. Similiter ex ea antiqua consuetudine Chorepiscopos Episcopi permissu oportet per manuum impositionem Lectores creare. " Ex hoc canone deducitur, neminem Lectoris Ecclesiastici officio publice fungi potuisse, nisi qui ab Episcopo manuum impositionem suscepisset, quamquam Monachis permisum fuisset, ut eorum Præfati possent Lectoribus suis manus imponere. Observat ad hæc Balsamon, non aliter Præfatos Monachorum hac facultate uti potuisse, nisi primum ipsi facultatem a suis Episcopis obtinuissent, quam facile concedi consuevisse ex eo testatur, quod difficile videretur Monachis, qui eremus ut plurimum habitant, & non possunt Urbes adire, ad Episcopum proficisci.

Can. 26. Jam animadvertentur Romani Correctores, cui tribuendus sit can. 26. dist. 81. quem Gratianus ex septima Synodo laudavit. Videlicet in plerisque Codicibus laudatur nomine octavæ Synodi, revera autem inter opera S. Basilii reperitur. Quomodo fieri potuerit, ut quæ Sancti Basilii essent, quamplura octavæ Synodi nomine laudarentur, dicam suo loco; quemadmodum etiam tunc ipsum hunc canonem ad sua meliora exemplaria exigam. Interea, quoniam observaverunt Romani Correctores, nonnulla his similia legi in postremo capite Nicænæ II. Synodi, illa referam, ex can. 22. his verbis: *Quibus autem quiesca est vita, & solitaria, ut qui Domino Deo jugum Monasticum tollere statuerint, in solitudine, & silentio sedere convenit; sed nec iis etiam, qui vitam Sacerdotalem elegerint, licet omnino seorsum cum mulieribus comedere, nisi utique cum Divinis, & Religiosis virginis, ac mulieribus, ut ipsum etiam convivium ad spiritalem refectorem adducat. Porro id ipsum etiam in cognatis fiat. Si autem rursus contingat, ut qua sunt ad usum necessaria non offerat Monachus, vel Sacerdos, & propter necessitatem velit, siue ad publicum diversorium, siue ad alienius domum divertere, ei licet hoc facere, utpote urgente necessitate.*

Can. 2. In can. 2. cau. 1. qu. 7., qui nomine Nicænæ Synodi inscribitur, non solum jam observantur Romani Correctores, varia ejusdem Concilii fragmenta esse congesta, verum etiam non omnia cum suis integris exemplaribus consonare. Itaque priora canonis verba pertinent ad actionem 1. Nicæni Concilii,

in qua propositum fuerat, ut ad Synodum introducerentur Episcopi, qui defecisse apud Hæreticos videbantur, qui præterea locum suum retinerent, si accurata fidei professione se se expurgassent. Ex his fuerat Basilius Episcopus Ancyrae, qui Synodi locum ingressus professionis suæ libellum porrexit, omnem hæresim anathematizans, atque inter cetera ita asserens: *His, qui spernunt magisteria Sanctorum Patrum, & traditionem Catholica Ecclesia prætendentes, & assumentes voces Arii, Nestorii, Euthychetis, & Dioscori, atque prohibentes, quod nisi de veteri, ac novo Testamento evidenter fuerimus adorti, non sequemur Doctrinas Sanctorum Patrum, neque Sanctarum Synodorum, atque traditionem Catholica Ecclesia, anathema.* Gratianus hæc verba paucis perstrinxit, atque initio can. 2. non Basilio eorundem Auctori, sed potius Synodo ipsi Nicænæ tribuit. Quæ sequuntur in vers. omnis Episcopus habentur in Epistola Tharastii Patriarchæ Constantinopolitani ad Johannem Presbyterum, & Anachoretam, quam Anastasius Bibliothecarius ad calcem septimæ Synodi inseruit. Ibi Tharastius Johannem in primis laudat, quod rerum sacrarum studiis deditus diutissime fuerit, deinde eundem docet ea, quæ in Sancta Nicæna secunda Synodo pro Sacrarum Imaginum cultu constituta fuerant, ac subdit in eodem Concilio plures Monachos conquestos fuisse, quod nonnulli Episcopi fuissent simoniace ordinati, & nihilominus Episcopales Sedes libere tenerent. Qua occasione Tharastius idem plura disserit, ut probet non solum hujusmodi Episcopos perperam ad Episcopalem Sedem conscendisse, verum etiam post poenitentiam Episcopatu carere debuisse. Verba hæc sunt apud Anastasium Bibliothecarium, ex quibus Gratianea lectio erit restituenda. „ Omnis „ ergo Episcopus, vel Presbyter, aut „ Diaconus convictus, quod per pecuniam manus impositionem dederit, „ vel acceperit, a Sacerdotio decedit. „ Fortassis autem dicunt aliqui, quia „ poenitentiam agimus pro peccato, & „ Deus ignoscit illud: Ita, & ego dico, quia & omnes agentes poenitentiam Deus suscipit, & indulget per poenitentiam peccata, quæ jam parata sunt. Novi enim, & David „ adulterio depreßum, & homicidio „ sed acta poenitentia receptum, & „ Di-

„ Divino testimonio approbatum. Inve-
 „ ni David, inquit, filium Jesse, vi-
 „ rum secundum cor meum, qui faciet
 „ omnes voluntates meas, & Sancta
 „ David prophetæ testimonium habentia.
 „ Perfpicuum ergo est per pœnitentiam
 „ eum fuisse correctum. Sed iterum novi
 „ audisse illum a Deo: Non tu ædificabis
 „ mihi Domum, quia vir sanguinum es.
 „ Novi Manassem per confessionem ab impietate
 „ dimissum; novi & meretrices, & publi-
 „ canos receptos per pœnitentiam; ve-
 „ rum nullum ex his in Sacerdotali di-
 „ gnitate numeratum, nisi forte id ante
 „ Baptisma commiserit. “ (In posterioribus
 „ hisce verbis adnotarunt Romani Correctores
 „ Gratiani erratum, qui Tharassii verba ita
 „ interpretatus est, ut contrariam illi omnino
 „ sententiam affingeret). „ Novi & Monachos
 „ aliquot cum in Mundo essent, omni libidine
 „ conspurcatos, cum autem solitarie vi-
 „ verent tanquam faces in orbe resplendu-
 „ disse, nullum tamen ex his in Sacerdotem
 „ ordinatum. Quod si autem id semel, atque
 „ iterum factum est, non tamen confessim
 „ Legem in Ecclesia præscribit. Scimus Sanctam
 „ Mariam prius meretricem fuisse, postea
 „ factam continentem, non tamen inter Diaconas
 „ relata est. Quorsum vero hæc dico, cum
 „ veritatis sermonem cognoscam, & eum, qui
 „ a Divinis Apostolis initiatus est, audacter
 „ clamentem videam, quod quicumque per
 „ pecuniam ordinatus est Episcopus, aut Presbyter,
 „ aut Diaconus, alienus est a Sacerdotali
 „ dignitate, non enim Divini Spiritus gratia
 „ venditur. “ (Referuntur hæc ad can. 28.
 „ ex Apostolicis, quos apud Græcos traditum
 „ erat, a Clemente Romano Apostolorum discipulo
 „ editos fuisse.) „ Caiaphicum hoc studium
 „ est, Simoniaca hæc machinatio, & aliena
 „ a Sacerdotali Sanctificatione. In fornicatione,
 „ aut adulterio si quispiam post Baptisma
 „ fuerit deprehensus, Divini canonis illum
 „ ad Sacerdotium non admittunt, (refertur
 „ & id ad can. 16., & 24. ex apostolicis),
 „ quin etiam si quispiam promotus ad
 „ Sacerdotium tale aliquid fecerit, confessim
 „ ejicitur. Omnis igitur vir, qui in pœnitentia
 „ perdurat, per bonitatem, & mansuetudinem
 „ Dei veniam peccatorum suorum obtinet,
 „ quemadmodum etiam in superioribus demonstravimus.

„ Novatum autem, & ejus impia hæresis
 „ affectas anathematizo, utpote qui injurius
 „ sit adversus pœnitentiam, & mansuetudinem
 „ Dei eleverit. Quare ejus opinionis sum, ut
 „ confitear recipiendum Episcopum per pecunias
 „ ordinatum, modo pœniteat, bonus enim Deus
 „ est in omnibus, & viscera ejus aperta sunt
 „ super omnem hominem pœnitentem, quem etiam
 „ in regnum suum inducit. Sed quoniam
 „ juxta Divinum Apostolum Episcopus inculpabilis
 „ esse debet, qui propter pecunias aliquem
 „ ordinat, aut ab aliis ordinatur, alienus est
 „ a Sacerdotali dignitate, ut omnes novimus,
 „ quicumque Ecclesiæ alumni sumus. “ Huic
 „ Tharassii traditioni consonat can. 5. ejusdem
 „ Nicæni Concilii, ubi reprobatis simoniacis
 „ ordinationibus ita subditur: „ Si quis autem
 „ in ordinatione hoc quandoque fecisse visus
 „ fuerit, fiat, ut vult canon apostolicus,
 „ qui dicit: Siquis Episcopus per pecunias
 „ hanc sit dignitatem assequutus, vel Presbyter,
 „ vel Diaconus, deponatur & ipse, & qui ordinavit,
 „ & excindatur omnino a communione, ut
 „ Simon Magus a me Petro. Et secundus
 „ canon Sanctorum Patrum, qui Chalcedone
 „ convenerunt, qui dicit: Si quis Episcopus
 „ pecuniis ordinationem fecerit, & non venalem
 „ gratiam in emtionem deduxerit, & pecuniis
 „ ordinaverit Episcopum, vel Chorepiscopum,
 „ vel Presbyterum, vel Diaconum, vel aliquem
 „ eorum, qui in Clero enumerantur, vel in
 „ pecuniis promoverit Cononomum, vel Defensorem,
 „ vel Paramonarium (idest Curatorem prædiorum
 „ Ecclesiasticorum) vel omnino aliquem ex
 „ canone turpis lucris gratia: qui ad hoc
 „ adgressus esse convictus fuerit, proprii
 „ gradus id faciat periculo, & qui ordinatur
 „ ex ea ordinatione, vel promotione, quæ
 „ pretio dato instar mercaturæ facta est,
 „ nihil juvetur, sed sit alienus a dignitate,
 „ vel munere, seu curatione, quam pecuniis
 „ absequutus est. “ Ex his, atque ex
 „ superius relatis Tharassii verbis Gratianus
 „ sine ordine composuit versic. Tharassius
 „ Patriarcha dixit usque ad illa verba, qui
 „ per sæculares, quæ referenda sunt ad can. 3.
 „ ejusdem Nicæni Concilii supra descriptum
 „ ad can. 7. dist. 63.

Can. 4. cau. 1. q. 7. ex variis primæ actionis Nicæni Concilii fragmentis composi.

positus est, quem propterea non aliter commode expendi posse Romani Corretores observaverunt, quam si integra eadem actio legentium oculis subjiatur. Ne vero valde prolixus alicui videar, neve alias a proposito meo recedam, perstringam paucis hujus actionis sententias, verba etiam referens, quæ ad Gratiani canonem pertinent, & a quibus Gratianus paullisper recessit ex interpretatione Anastasii Bibliothecarii. Ita exorditur. "Conveniente Sancta, & universalis Synodo, quæ per divinam gratiam, & piam sanctionem eorundem Deo confirmatorum Imperatorum congregata est in Nicænsium clara Metropoli Bithyniensium Provinciæ, idest Petro Reverendissimo Archiepiscopo bytero Romæ Ecclesiæ, scilicet Apostoli Petri, & Petro Reverendissimo Presbytero Monacho, & Abbate Venerabilis Monasterii Sancti Sabbæ, sititi, retinentibus locum Apostolicæ Sedis almi & Sanctissimi Archiepiscopi senioris Romæ Hadriani, Tharasio almo & Sanctissimo Archiepiscopo magni nominis Constantinopoleos novæ Romæ, Johanne, ac Thoma Reverendissimis Presbyteris, Monachis, & Vicariis Apostolicarum Sedium Orientalis Dioceseos, Agapito Episcopo Cæsareæ Cappadociæ, Johanne &c." Hic subjiuntur nomina singulorum Episcoporum, aliorumque, qui ad Synodum conveniant, post quæ hæc sequuntur: "Reverendissimi Episcopi Siciliæ dixerunt: (hæc verba perperam descripsit Gratianus). Dignum ducimus, & per omnia huic Sanctæ, & universalis Synodo conveniens esse perspicimus, ut ad exquirendorum inchoationem capitulorum Sanctissimus, & Summus, ac eximus Pastor, & Præsul Regiæ Constantinopoleos novæ Romæ præmium faciat, & ostium verbo aperiat, & quæ congrua sunt, vociferando pronunciet. Sancta Synodus dicit: fiat secundum postulationem Sanctissimorum Episcoporum". Juxta hæc exorsus est Tharasius, ac Concilii causas, & propositum palam exposuit. Interea vero ipsa Synodus permittendum censuit Episcopis, qui in controversia Sanctarum Imaginum a vera Fide defecisse videbantur, ut in Concilii locum ingrederentur, & pristinum locum recuperarent, si ab hæresi se recessisse profiterentur. Ex his tres fuerunt, Basilus Ancyra, Theodorus My-

rorum, & Theodosius Ammorii. Primus ita ex libello, quem secum professionis Fidei causa adtulerat, legit Basilus Ancyra: "Legislatio est Ecclesiastica canonice tradita de sursum ab initio tam a Sanctis Apostolis, quam a successoribus eorum, Sanctis videlicet Patribus nostris, atque Magistris, sed & Sanctis, & universalibus sex Synodis, seu localibus Conciliis, quæ orthodoxe collecta sunt, ut ab hæresi quacumque ad orthodoxam confessionem, & traditionem Catholicæ Ecclesiæ conversi in scriptis suam abegissent hæresim, & Fidem confiteantur orthodoxam". Post quæ Basilus fidei professionem fecit, qua præsertim factus est, se & traditiones Ecclesiasticas omnes, & præsertim Sacrarum Imaginum cultum suscipere. Eodem modo fidem professi sunt Theodorus Myrorum, & Theodosius Ammorii. "Quamobrem (sunt verba in actione expressa) Tharasius Sanctissimus Patriarcha dixit: videtur vobis, ut recipiant Sedes suas? Reverendi Monachi dixerunt: Quem admodum susceperunt Sanctæ, & universales Synodi ex hæresi conversos, & nos suscipimus. Sancta Synodus dicit: Placet omnibus nobis, & jussi sunt Reverendissimus Basilus Episcopus Ancyra, & Theodorus Reverendissimus Episcopus Ammorii sedere in gradibus, & sedibus suis". Post hos alii Episcopi quamplures ad Concilium adducti sunt ex iis, qui antea Sacras Imagines execrati fuerant, qui pœnitentiam profitebantur omnes, atque ex ignorantia se Iconomachis fuisse adhibere, allegantes pessimo aliorum improborum magisterio fuisse seductos. Quod audiens Constantinus (sunt verba hæc Synodi a Gratiano corrupta) Sanctissimus Episcopus Constantia Cypri dixit: oportebat vos, cum essetis Episcopi, discendi nullam necessitatem habere, sed Magistros esse potius aliorum. Se se rursum excusabant conversi, agentes se a malis Præceptoribus fuisse deceptos. Tharasius Sanctissimus Patriarcha dixit: quoviam quidem dixistis malorum Magistrorum malas esse Doctrinas, Ecclesiæ ex malis Magistris Sacerdotes admittere non consentis. Hinc excitata disputatio fuit, utrum omnes istiusmodi Episcopi, & quæ ratione recipiendi forent? Lecti sunt ad rem nonnulli canones, ex quibus tamen Nicæni Episcopi nihil concludere potuerunt hæsitantes. Inter ceteros Johannes

(sequuntur acta Concilii a Gratiano relata) *Deo amabilis Vicarius Apostolici Throni orientis* dixit: *Hæresis separat ab Ecclesia omnem hominem*. Deinde alii canones numero plures lecti sunt, post quos ita Tharasius pronunciavit: *Jam plurimi Canonici libri, & Synodici, atque paterni relecti sunt, & ex hæresi conversos docuerunt nos recipere, nisi forte maligna in eis fuerit noxa reperta*. Hinc cæptum est in humaniorem sententiam propendere, ut scilicet conversi Episcopi benigne reciperentur. Propenderunt inter ceteros Legati Sedis Apostolicæ. Nam *Petrus Deo amabilis Presbyter*, (ita sequuntur acta Synodi) & *locum retinens Apostolica Cathedra Hadriani Papa* dixit: *Hoc perspicuum est; etenim Roma in exilio erat Macarius hæreticus a sexta Synodo missus, & quadraginta dies dedit ei spatium Sanctæ memoria Pater noster Papa Benedictus, & per singulos dies mittebat ad eum Bonifacium Consiliarium suum, & commonitoriis verbis docebat eum ex Divina Scriptura, & nunquam voluit corrigi: Hoc autem faciebat, ut persuaderet, & reciperet eum*. (Gratianus in postremis hisce verbis referendis multum excessit, dum scripserit: *ut reciperet eum in ordine suo*). Rursum alia exempla receptorum hæreticorum in Synodo proposita sunt: "At Tharasius Sanctissimus Patriarcha dixit: quid dicitis de Anatolio? Nonne Primas Sanctæ Synodi fuit? Et ecce a Dioscuro impio ordinatus est. Ergo & nos suscipimus eos, qui ab Hæreticis ordinati sunt, quemadmodum Anatolius est receptus. Et rursus: Vere vox Dei est; quia non morientur filii pro Patribus, sed unusquisque suo peccato morietur, & quia ex Deo est consecratio". Alia quamplura hic adjecta sunt ad rem eandem confirmandam, quæ ita legitur in actis Synodi: "Tharasius Sanctissimus Patriarcha dixit: Auditionem fecimus paternorum mandatorum. Quid ergo oportet? suscipitis ab Hæreticis ordinatos? Sancta Synodus dixit: etiam Domine audivimus, & oportet suscipere. Tharasius Sanctissimus Patriarcha dixit: quin potius & plures eorum, qui in sexta Synodo confederunt, a Sergio, Pyrrho, Paulo, & Petro præceptoribus videlicet Hæreseos unam voluntatem in Christo prædicantium ordinati sunt, quoniam hi vicissim Constantinopoleos thronum for-

„ tici sunt, & a Petro, qui ex his
„ novissimus eidem throno præsedet us-
„ que ad sextam Synodum anni plus non
„ transierunt, quam quindecim, & ipsi,
„ qui intra hoc tempus fuerunt, Tho-
„ mas, & Johannes, & Constantinus
„ Pontifices in præsignato tempore, id-
„ est dum hi, qui Hæretici nominati
„ sunt extitisse noscuntur, & propter-
„ ea non sunt improbiati, per quinqu-
„ ginta enim annos tunc hæresis perdu-
„ ravit; sed sextæ Synodi Patres ipsos
„ quatuor anathematizaverunt, quam-
„ quam ordinatio eorum essent. Sancta
„ Synodus dixit: clarum est. Constanti-
„ nus Sanctissimus Episcopus Cypri di-
„ xit: sufficienter ostensum est honora-
„ bilissimi fratres, & de hoc, quia qui
„ ab Hæreticis accedunt, suscipiendi
„ sunt. Siquis autem studio ad Hære-
„ ticum jerit, & susceperit Ordinatio-
„ nem, sine receptione sit". Ad hanc
eandem rem confirmandam edita est S. Basilii Epistola ad Nicopolitas, ubi asseritur eos rejiciendos esse, qui fuerint ab Hæreticis ordinati. Ad hæc "Tharasius Sanctissimus Patriarcha dixit: & ego execror eos, qui ob hujusmodi causam, & fidei destructionem sunt ordinati; & maxime si Episcopi orthodoxi præsentibus fuerint, a quibus poterant consecrari; sic enim est paternus sensus. Sin autem Synodica promulgatio, & concordia Ecclesiarum, causam orthodoxiæ facta fuerit, qui præsumpserit a prophanis Hæreticis ordinari, depositioni succumbet. Sancta Synodus dixit, hoc justum judicium". Hæc est integra actio prima hujus Nicænæ Synodi paucis perstricta, atque ex interpretatione Anastasii eisdem verbis relata, in quibus a Gratiano valde depravata, & interfecta laudatur.

In canone 3. cau. 9. qu. 3. exhibetur *can. 3.*
canon 11. ex Nicænæ juxta versionem *can. 9.*
Anastasii. Clarius videntur interpreta- *qu. 3.*
ti fuisse alii ex Græcis exemplaribus.
Cum omnes divinos canones servare
teneamur, eum quoque, qui jubet œ-
conomos esse in singulis Ecclesiis (*is*
est Canon 26. Concilii Chalcedonensis)
illæsum omnino servare debemus. Et
si quidem unusquisque Metropolitanus
in sua Ecclesia œconomum constituit,
bene habet, sin minus Constantinopo-
litano Episcopo speciali auctoritate li-
cebit œconomum in ejus Ecclesia præ-
ficere. Similiter & Metropolitanis,
si qui eis subsunt Episcopi nolint in
„ suis

„ suis Ecclesiis æconomos constituere.
 „ Hoc ipsum autem servari etiam in
 „ Monasteriis oportet “.

Can. 19. Can. 19. cau. 12. qu. 2. consonat cum
 cau. 12. Græcis exemplaribus juxta omnium in-
 qu. 2. terpretationem, dummodo claritatis ergo
 pro illis verbis, *nec si principibus* legamus
 cum Anastasio, *nec sic principibus*, vel cum
 aliis recentioribus, *nec sic quidem principibus*.
 Atque ut commode quis hunc Canonem explicet, animadvertet
 prudens Interpres ab usum octavi sæculi,
 quo nobilium favore facile erat ad dignitates
 Ecclesiasticas promoveri, non quidem ex
 Ecclesiarum utilitate, sed potius passione
 inita inter nobiles, & promovendos, futurum,
 ut promoti nobilibus ipsis Ecclesiastica Bona
 concederent. Intererat autem Ecclesiarum,
 ne hujusmodi ordinationes fierent, quibus
 simoniaca promissione accedente, Ecclesiarum
 jura diminuiebantur. Quum vero & de
 Principibus sermo institueretur in Canone,
 dicaturque irritam esse concessionem rerum
 Ecclesiasticarum illis ab Episcopo factam
 memoratis ex causis, agnoverunt Nicæni
 Patres id sapientissimorum Principum
 voluntati congruere, qui quemadmodum
 illorum hæreditates capere noluerunt, a
 quibus litis promovendæ causa, & premendi
 adversarium instituti fuissent, ita nec facile
 receperunt ea bona, quæ sibi simoniæ
 causa fuissent concessa; dedecet enim
 non minus simoniæ patrocinium, quam
 calumniæ facultatem ex Principali
 Majestate capi, quemadmodum edisserit
 Paulus in leg. penult. ff. de hæred. institu-
 tuendis.

Can. 64. cau. 16. qu. 1. idem est cum
 cau. 16. Canone 4. ex Nicænis juxta Anastasia-
 qu. 1. nam versionem, a qua minime differunt,
 nisi verbo tenus, aliorum interpretationes.
 Quædam tamen omisit Gratianus, quæ in
 hoc loco arbitror describenda; etenim post
 illa verba: “ Sed „ parentes filiis, ita
 Anastasius sequitur: Quisquis ergo propter
 exactio- nem auri, vel alteriuscujuslibet
 speciei, aut propter proprium vitium, inventus
 fuerit coercens a ministerio, vel sequestrans
 aliquem Clericum, qui sub se degunt, aut
 venerabile templum claudens, ne in eo Dei
 ministeria celebrentur, ad insensatam suam
 transmittens insaniam, insensatus veraciter
 est, ac per hoc simili poenæ eo sub-
 jecto convertatur dolor ejus in caput ejus,
 ut in transgressio-

„ rem mandati Dei, & mandatorum A-
 „ postolicorum; præcipit enim & Pe-
 „ trus &c. “

Can. 21. cau. 18. qu. 2. prout in recentioribus
 Gratiani Codicibus legitur idem est cum
 Canone Nicæno juxta interpretationem
 Anastasii, dummodo tamen pro particula
 si legatur non in illis verbis: *Adulterium enim*
intercipit cohabitationem. Non habeat aditus
Monachus &c. In reliquis observandæ sunt
 Romanorum Correctorum adnotationes.

Can. 5. cau. 19. qu. 3. a Correctori-
 bus Romanis ita restitutus est ad fidem
 optimorum exemplarium, ut nihil am-
 pliùs desiderandum videatur. Consonat
 ille cum Anastasiana versione Nicæni
 Canonis 13. Verum non desunt aliorum
 interpretationes Græcorum Codicum,
 juxta quos paullo aliter habentur priora
 Canonis verba, in quibus non præcipue
 de ædibus Episcopalibus, aut monasticis
 Vermonem institutum fuisse appareat,
 sed potius de Ecclesiis, siue Templis ibi:
 “ Quoniam per eam, quæ fuit propter
 peccata nostra in Ecclesiis, calamitatem,
 sacrosanctæ quædam ædes a quibusdam
 viris arreptæ sunt, & Episcopatus, &
 Monasteria, & facta sunt communia
 diversa &c. “

Can. 1. cau. 21. qu. 1. consonat cum
 Can. 15. ex Nicænis, ac præsertim si
 cum eo Anastasii interpretationem con-
 feramus. Ceterum Romani Correctores
 nonnulla ad integram ejusdem Canonis
 lectionem utilia observarunt.

Petierant Græci in septima Synodo,
 ut quidam Canones in Pseudo-synodo
 Trullana editi confirmarentur, ii videlicet,
 qui disciplinæ Ecclesiasticæ utiles videbantur.
 Hujusmodi visus erat Canon 27. ex
 Trullanis relatus in Canone 2. cau. 21.
 qu. 4. confirmatus propterea est in Can.
 16. Nicæno, quem Gratianus descripsit in
 Can. 1. cau. 21. qu. 4., cujus verba
 omnino consonant cum Anastasii
 interpretatione. Quod si queratur, quid
 significant ea verba, *epitimio tradi, & per
 epitimium corrigi*, dixerim nihil aliud
 illis exprimi, quam poenis Episcopo
 arbitrariis afficiendos esse, quemadmodum
 deducitur ex aliorum interpretationibus,
 qui scripserunt *poenis coerceri*. Porro
 in Concilio Trullano poena præfinita
 fuerat, qua Clericus delinquens per unam
 hebdomadam ab officio suo suspendebatur.

Canon 18. cau. 22. qu. 4. referendus
 est

est ad actionem 4. Nicænæ hujus Synodi. Ibi sacrarum imaginum causa versabatur; atque cum jam Episcopi omnes pro imaginum cultu stabiliendo sententiam suam declarassent, modos excogitabant, quo omnibus cultum eundem suaderent, atque decernerent. Interea mota controversia de illis fuerat, qui se nunquam veneraturos sacras imagines iurejurando sponderant, & ad eam rem propositum fuit Sancti Patris Sophronii exemplum de Monacho quodam Olivetano, qui dæmoni roganti iurejurando promiserat de quadam B. Mariæ imagine non colenda, futurum enim sperabat, ut amplius a dæmone eo pacto non vexaretur, quemadmodum & sponsonem acceperat. Verum iuramentum minime implevit, laudatusque fuit, quod seni cuidam Monacho indicaverit, atque eidem imagini cultum exhibere perseveraverit. His in Synodo lectis ita sequitur ex Anastasii interpretatione: " Johannes reverendissimus Monachus Presbyter, & Vicarius Orientalium Pontificum dixit: Et aliud significat sermo Patris nostri Sophronii, quia expedit ei, qui iuravit magis perjurare, quam omnino servare iusjurandum in destructionem venerabilium imaginum. Hoc autem dicimus, quoniam quidam hodie excusant se propter iuramentum. Tharastius Sanctissimus Patriarcha dixit: Quoniam sciebat bonitatem Dei, quia poenitentes suscipit, ideo disposuit transgredi impium iuramentum. Et nunc qui in hæresi ista iuraverunt, siquidem aliud peccatum non fecerunt, rationabilis eis est excusatio, & non habent, quod dicant; nam si in alia peccata incidunt, debent Deum placare, & obsecrare de remissione illiciti iuramen-

ti. Theodorus Sanctissimus Episcopus Subritensium dixit: Princeps Apostolorum Petrus negavit, sed acta poenitentia receptus est. Tharastius Sanctissimus Patriarcha dixit: Herodes non perjuravit, sed perit; at vero Petrus negavit cum iuramento, deinde inde foras egressus, & lacrymatus, salvus factus est. Omne quippe peccatum benignus Deus ignoscit, si ex tota anima quis poenitentiam gesserit. Sancta Synodus dixit: Etiam Domine, sic nos sancta Scriptura docet. Et post pauca. Leo Sanctissimus Episcopus Phociæ dixit: Scriptum est, quia iuramentum mendax, ne diligatis, & hujus rei gratia mendax iuramentum nostrum parvipenditur, tanquam nullam fortitudinem habens. Ex his & restituenda erit, atque emendanda lectio Gratiani.

Canon 28. de cons. dist. 3. habetur in actione 6. ejusdem Nicæni Concilii, in qua refertur integrum Contiliabulum Iconomachorum, & analitice refutatur sex Tomis, sive Opusculis adversus illud editis. In Tomo autem 2. quum referretur illius Pseudosynodi sententia, qua Iconomachi Catholicos tanquam Idolis servientes redarguebant, ita e contrario Nicæni Patres scripserunt. " Itaque sanctas imagines Christiani neque Deos nominarunt, neque spem salutis suæ in eis aliquando habuerunt, neque ab illis expectant futurum iudicium, nisi ad recordationem, & munimen eas habentes, & amore circa illarum Principalia flagrant, has & amplexi sunt, & honoranter adoraverunt, non tamen divinæ his servitutibus, vel cultus officium impenderunt (abesto calumnia), sed neque aliis quibuslibet rebus "

Can. 28.
de cons.
dist. 3

C A P U T XLIV.

De Concilio Compendiensi.

Hoc nomine laudantur apud Gratianum tria hæc Capitula.

- { *Can. 3. cau. 33. qu. 1. varius in diversis exemplaribus.*
 { *Can. 3. cau. 33. qu. 5. consonat cum vulgatis Concilii exemplaribus.*

{ *His additur can. 4. cau. 6. qu. 3. ex Capitulis Karlomanni anni 882.*

Superius, ubi egimus de Concilio Vermeriensi, animadvertimus Concilium Compendiense sæpius a Collectoribus can. nomine Concilii Vermeriensis fuisse laudatum. Illud est Compendiense Concilium anni 756. vel, ut aliis placeat, anni 757. sub Paulo I. Pontifice Maximo, & Rege Pipino in Gallia in Diocesi Sueffoniensi in Compendio Palatio, quod nunc Compiègne appellatur, celebratum, in quo Pipinus idem simul cum Episcopis Regni, toto insuper populo conveniente interfuit. Huc pertinet apud Gratianum can. 3. cau. 33. q. 1. cujus verba habentur in ean. 17. Concilii, ibi: *Signis accepit mulierem, & habuit ipsam aliquo tempore, & ipsa famina dicit, quod non mansisset cum ea, & ille vir dicit, quod sic fecit, in veritate viri consistat, quia caput est mulieris. De muliere qua dicit, quod vir suus ei commercium maritale non reddidit, Georgius consensit.* Hanc tamen can. editionem, quæ apud Baluzium habetur, ego non satis integram arbitror, eidemque Gratianeam anteferendam esse. Quid enim illa verba posteriora significant: *De muliere qua dicit, quod vir suus ei commercium maritale non reddidit, Georgius consensit?* Hæc omittuntur non solum apud Gratianum, verum etiam apud Reginonem lib. 2. cap. 244. & Collectores Reginone posteriores. Quamobrem ego reor verba illa: *De muliere qua dicit, quod vir suus ei commercium maritale non reddidit, e* margine in textum fuisse translata; forte enim ad marginem adscripta fuerant, ut indicaretur, quænam materies ibidem pertractaretur, quemadmodum in inscriptionibus can. etiam in recentioribus Codicibus fieri solet. Excipienda forte sunt postrema verba: *Georgius consensit*, quæ sicut in aliis ejusdem Concilii Canonibus subjiciuntur, videlicet 9. 11. 12. 13. &

18. ita potuerunt etiam adjici in can. 17. Erat Georgius Romanus, & Episcopus a Summo Pontifice Stephano apud Pipinum Apostolicus Legatus, quemadmodum deducitur ex Epistolis Stephani Papæ ad eundem Regem, qui cum aliis pluribus Gallicanæ Ecclesiæ Concilii auctoritate Apostolica præfedisset, teste Hincmaro in Epist. 37. ad Rodolphum, & Frotharium Metropolitanos A. vitaniæ cap. 5. ita facile Concilio huic Compendiensi præsidere poruit, ac propterea mirum videri non debet, si ad finem plurium can. in eadem Synodo definitorum, dicatur Georgius consensisse, quasi ad significandum, can. illos fuisse Apostolica auctoritate a Legato Pontificio confirmatos.

In eodem Compendiensi Concilio cap. *Can. 3. 3. legitur can. 3. cau. 33. qu. 5. ubi tamē* pro illis verbis, *sine licentia legendum est sine comatu*, quæ phrasis idem apud Auctores medii ævi significabat, ac placitum, sive, ut hodie vulgo dicunt, licentiam.

Posterioris sane temporis est Concilium illud, ex quo Gratianus laudavit can. *Can. 4. cau. 6. qu. 3.* est enim is ex Capitulis Karlomanni editis anno 882. Tria ejusdem temporis Karlomanni Capitula constituta scimus coram Episcopis Gallicanis: Primum apud Carisiacum, alterum in Brollo Compendii, tertium in Palatio Vernensi, atque in postremis duobus de furto ac rapina actum est; quoniam enim, uti dicitur in can. 6. tertii Capituli, plures erant, qui dum venirent ad unius Episcopi Parochiam, vel ad *Curtam* Regis, vel in aliam Diocesim aliena bona diripiebant, statutum fuit, ut liceret Episcopis, in quorum Diocesi furtum admissum fuisset, illos raptores, licet alteri Episcopo subjectos, post admonitionem excommunicare; hinc rogati sunt Episcopi omnes, ne moleste,

Re, aut graviter ferrent, subditos suos rapinas admittentes ita ab extraneis Episcopis excommunicari, quemadmodum habetur in dicto can. 4. cau. 6. qu. 3. qui hisce verbis exprimitur in can. 8. memorati tertii Capitularis: *Placuit nobis pro communi utiliter, & instanti necessitate, ut nullus Episcoporum graviter ferat, si ejus Parochianum pro hujusmodi causa depraedationis alter Episcopus excommunicaverit.* Melius itaque can. 4. Gratianus laudandus erat nomine Capitulum Karlomanni, aut nomine Concilii in Vernis palatio celebrati, quam Concilii Compendiensis; quamquam tamen in eo venia danda sit Gratiano, & qui eum antecesserunt, Collectoribus, qui fortasse putaverunt Capitulum tertium Karlomanni in eodem loco editum fuisse, in quo editum fuerat secundum, ac propterea apud Compendium in Broilō, ex quo Compendiensis Concilii nomen emerit.

A P P E N D I X.

De Can. 19. cau. 32. q. 7.

Quem nomine cujusdam Concilii Gratianus laudavit.

AD Concilium Compendiense anni 757. referendus est can. 19. cau. 32. qu. 7. quem Gratianus memoravit nomine cujusdam Concilii, quin indicaret specialiter, undenam fragmentum hujusmodi excerpisset. Habetur ille in can. octavo dicti Concilii Compendiensis his verbis: *Siquis homo habet mulierem legitimam, & frater ejus adulteravit cum ea, ille frater, vel illa femina, qui adulterium perpetraverunt, interim quo vivunt, nunquam habeant conjugium. Ille, cujus uxor fuit, si vult, potestatem habeat accipere aliam.* Probatum hoc Capitulum fuit auctoritate Pipini Regis, qui apud Compendium, uti diximus, solemnia totius populi comitia indixerat; relatumque etiam illud fuit in lib. 5. Capitularium cap. 21. in editione Parisiensi anni 1677.

C A P U T XLV.

De Capitulis Hadriani Papæ, quæ & aliquando nomine Concilii Romani laudantur apud Gratianum.

Modo nomine Capitulum Hadriani Papæ, modo nomine Romani Concilii memoravit Gratianus sequentes Canones.

- Can. 3. cau. 2. qu. 3. jungendus cum can. 18. cau. 3. qu. 6.*
- Can. 4. cau. 2. qu. 3. consonat etiam cum can. 75. Eliberitano.*
- Can. 40. cau. 2. qu. 6. consonat cum Francorum Capitularibus, & Aniani interpretatione.*
- Can. 50. cau. 2. qu. 7. consonat cum l. 41. Cod. Theodos. de Episc. & Clericis.*
- Can. 53. cau. 2. qu. 7. de servis potius, quam de Monachis intelligendus.*
- Can. 7. cau. 3. qu. 5. relatus inter Francorum Capitularia.*
- Can. 16. cau. 3. qu. 6. ad meliora exemplaria redigendus.*
- Can. 18. cau. 3. qu. 6. jungendus cum can. 3. cau. 2. qu. 3.*
- Can. 1. cau. 3. qu. 7. pertinet ad Epistolam Felicis Papæ a Mercatore confictam.*
- Can. 3. cau. 3. qu. 11. ex vetere interprete Codicis Theodosiani.*
- Can. 4. cau. 4. qu. 6. jungendus cum can. 1. cau. 3. qu. 7.*
- Can. 1. cau. 5. qu. 1. consonat cum libris Francorum Capitularium.*
- Can. 1. cau. 5. qu. 3. pertinet ad Epistolam Felicis Papæ a Mercatore confictam.*
- Can. 2. cau. 5. qu. 3. consonat cum Decretalibus Epistolis Mercatoris.*

Can. 1.

- Can. 1. cau. 5. qu. 6. relatus in Codicem Capitalarium Francorum.
 Can. 5. cau. 5. qu. 6. referendus est ad leg. 2. Cod. Theodos. de petitionibus.
 Can. 2. cau. 6. qu. 1. consonat cum decretalibus Isidori Mercatoris.
 Can. 6. cau. 6. qu. 1. consonat cum sententiis Isidori Mercatoris.
 Can. 48. cau. 11. qu. 1. consonat cum sententiis Isidori Mercatoris.
 Can. 49. cau. 11. qu. 1. consonat cum sententiis Isidori Mercatoris.
 Can. 3. cau. 15. qu. 4. consonat cum pluribus capitibus Conciliorum media ætatis.
 Can. 11. cau. 25. qu. 1. ex melioribus Codicibus emendandus.

DUÆ vulgo exhibentur Collectiones Hadriano I. Pontifici Maximo tributæ. Prior appellatur: *Epitoma Canonum, quam Hadrianus Summus Pontifex hoc nomine primus Carolo Magno Roma obtulit anno Domini 773.* in hac in primis habentur sententiæ breuiatæ canonum Apostolorum numero 45. deinde can. 24. Ancyranæ, 15. Neocæsareenses, 20. Gangrenses, 25. Antiocheni, 58. Laodicensi, 21. Sardicenses, 23. Carthaginenses, & alii ex diversis Africanis Conciliis numero 105. De hac Collectione sermo non est in præsentia, quum ex ea nihil omnino habeamus apud Gratianum. Posterior hoc nomine circumfertur: *Hadriani Papa Capitula, quæ ex Græcis, & Latinis Canonibus, & Synodis Romanis, atque Decretis Prasulum Romanorum sparsim collecta sunt, & Ingelramno Mediomatrici Urbis Episcopo Roma a B. Hadriano Papa tradita, sub die 13. Kalendas Octobres, indictione 9. quando pro sui negotii causa agebatur.* Collectio hæc modo Romanum Hadriani Concilium, modo Hadriani Capitula, modo Hadriani Decretum apud Gratianum dicitur. Verosimilius autem est, quod eruditissimi viri tradunt revera Hadriani illam non esse. Antonius Augustinus elegantissimas adnotationes eisdem Canonibus adiecit, sed de rei veritate visus est dubitasse, dum scripsit: *De Hadriani Papa Decretis sumtis, ut ajunt, ex Græcis, & Latinis Canonibus, & Synodis Romanis, atque Decretis Prasulum, ac Principum Romanorum, & traditis Ingelramno Mediomatrici Urbis Episcopo 13. Kalendis Octobris indictione 9. anno Christi 785. ut suspicor.* Alii non ab Hadriano elucubratam asserunt collectionem, & Ingelramno traditam; sed potius e converso ab Ingelramno factam, vel, ut ajunt, ab Agilramno, & Hadriano Pontifici oblatam. Sane referunt in quodam Codice MS. vetustissimo Bibliothecæ S. Victoris Parisiensis hanc adesse eisdem Ca-

pitulis inscriptionem: *Incipiunt Capitula collecta ex diversis Conciliis, sive Decretis Pontificum Romanorum ab Agilramno Metensi Episcopo, & Hadriano Papa oblata.* Natalis Alexander tom. 13. Histor. Ecclesiast. pag. 54. scribit eundem titulum præferre aliud MS. optimæ fidei, & venerandæ antiquitatis Monasterii Lætiensis. Præter horum MS. fidem ad hanc eandem rem faciunt plures, & quidem gravissimæ conjecturæ. Siquidem, ut diximus, Hadrianus Papa jam pridem Carolo Magno collectionem sacrorum canonum obtulerat, in qua tamen nullum inseruit ex iis Decretis, quæ in hisce Capitulis continentur, imo nec ullum istorum Decretorum, sive Capitulorum fragmentum, sed tantummodo Codicem illum, quem Romana Ecclesia a Dionysio Exiguo acceperat. Porro hæc collectio Capitulorum ut plurimum constat ex monumentis apocryphis, videlicet depromptis ex Isidoro Mercatore, quæ intererat Agilramni Romæ ad suæ causæ defensionem adferre. Quod facile innuitur ex vulgata Capitulorum istorum inscriptione, in illis verbis: *Quando pro sui negotii causa agebatur.* Etenim Agilramnus facile noverat sibi plurimum favere Isidorianas merces, quam propterea collectas Pontifici Maximo obtulit, veluti Judici in causa sua. Atque etiam exinde percipimus, quænam istiusmodi capitibus reverentia debeatur; licet enim aut Hadriano Papæ accepta quodammodo esse potuerint, & in Francorum Capitularia redacta, tamen ideo probata ab initio fuisse videntur, quod creditum fuisset genuina, & germana in ipsis capita contineri, quemadmodum in integra Isidori collectione. Quamobrem eadem erit penes me collectionis hujus opinio, qualis est illorum can. qui ab Isidori Mercatoris Codice in alias posterioris temporis collectiones fuere translati.

In capite 52. alias 48. hujus collectionis

nis leguntur can. 3. cau. 2. qu. 3. & can. 18. cau. 3. qu. 6. his verbis: *Qui crimen objicit, scribat se probaturum verum, & ibi causa agatur, ubi crimen admittitur, ut qui non probaverit, quod objicit, poenam, quam intulerit, ipse patiatur.* Hæc eadem verba deprompta videntur ex Epistola Fabiano Pontifici a Mercatore tributa, quemadmodum constat, quoties cum iis conferatur can. 1. cau. 3. qu. 6. Relata hæc sunt in librum 7. Capitularium Francorum cap. 365. consonantque cum l. 11. Cod. Theodosiani de accusationibus, & inscriptionibus.

Can. 4. cau. 2. qu. 3. In cap. 62. alias 57. habetur can. 4. cau. 2. qu. 3. his verbis: *Siquis Episcopum, aut Presbyterum, aut Diaconum falsis criminibus appetierit, & probare non potuerit, nec in sine dandam esse communionem.* Legunt alii: *Nisi in sinem dandam ei non esse communionem.* Hic omnino consonat cum can. 73. Concilii Eliberitani, nec non cum can. 24. Concilii Arelatensis II. idest cum can. 2. cau. 3. qu. 10.

Can. 40. cau. 2. qu. 6. Can. 40. cau. 2. qu. 6. emendandus est ex capitulo 44. alias 41. his verbis: *Si quando in causa capitali, vel in causa status interpellatum fuerit, non per procuratores, sed per ipsos est agendum.* Gratianus in inscriptione hujus can. habet: *Hadrianus Papa ait in Capitulis a se collectis, ex quibus adparet Gratianum, si ejus est hæc inscriptio, sensisse revera hæc Capitula Hadriano Pontifici esse tribuenda.* Eadem verba translata sunt in librum 7. Capitularium cap. 357. atque deprompta ex interpretatione Aniani ad titulum 35. libri 5. sententiarum Pauli.

Can. 50. cau. 2. qu. 7. Quod nomine Romanæ Synodi descriptit Gratianus in can. 50. cau. 2. qu. 7. habetur inter capitula Hadriani Papæ cap. 24. alias 22. his verbis: "Siquis Episcopus, Presbyter, aut Diaconus, vel quilibet Clerici apud Episcopos, quia alibi non oportet, a qualibet persona fuerint accusati, quicumque fuerit ille, sive sublimis vir honoris, sive ullius alterius dignitatis, qui hoc genus illaudabilis intentionis arripuerit, noverit docenda probationibus, monstranda documentis se debere inferre. Siquis vero circa hujusmodi personas non probanda detulerit, auctoritate hujus sanctionis intelligat se, iacturam infamiæ propriæ sustinere, ut damno pudoris, exilimationis dis-

pendio, discat sibi alienæ verecundiæ, impune insidiari saltem decetero non licere, sed qualem fratri paraverat damnationem, talem in se suscipiat. Hæc eadem verba leguntur in lib. 7. Capitularium cap. 438. atque jam Isidorus Mercator descriperat in Epistola ad Orientales, quam Sixto III. adtribuit. Fertur ibi Sixtus Papa accusatus fuisse a Basso de vi illata in virginem quandam, quæ ut proponeretur accusatio, Concilium Romanum celebratum fuerat sub Valentiniano Augusto, ubicum Bassus in probatione defecisset, reiectus est, & tanquam conviciator damnatus, unde suborta fuit occasio decernendi, ut unusquisque accusator teneatur ad eorum, quæ objiciat, probationem. Verba Sixto III. tributa in ea Epistola hæc sunt: "Scitote me criminari a quodam Basso, & injuste persequi. Quod audiens Valentinianus Augustus nostra auctoritate Synodum congregari jussit, & facto Concilio cum magna examinatione satisfaciens omnibus, licet evadere satis aliter non potuissem, suspicionem tamen fugiens, coram omnibus me purgavi, me scilicet a suspicionem, & æmulatione liberans, sed non aliis, qui noluerint, aut sponte hoc non elegerint faciendo, formam exemplumque dans, cum scriptum sit: Siquis crimen objicere voluerit, scribat se prius probaturum, & alibi: Criminatores adversus doctorem nemo recipiat: & iterum: siquis Episcopus, Presbyter, aut Diaconus, vel quilibet Clerici apud Episcopum a qualibet persona fuerint accusati, quicumque fuerit, sive ille sublimis vir honoris, sive ullius alterius generis persona, qui hoc genus illaudabilis intentionis arripuerit, noverit docenda probationibus, monstranda documentis se debere inferre". Sane Gratianus, & Collector Capitulorum Hadriani nonnulla ex his immutarunt, ac corruperunt; nisi forte dicere velimus verba Gratiani, aut alterius Collectoris referenda esse ad aliam Epistolam decretalem falso tributam Cajo Papæ ab Isidoro Mercatore, in qua hæc leguntur: *Siquis Episcopus, Presbyter, aut Diaconus, vel quilibet Clerici apud Episcopos (quia alibi non oportet) a qualibet persona, qua rite accipienda est, fuerint accusati, quicumque fuerint, sive ille sit sublimis vir honoris, sive ullius alterius dignitatis, qui hoc genus illaudabilis intentionis ar-*

riperit, noverit probationis documenta se debere inferre. Sunt hæc omnia apocrypha, atque a Mercatore conficta. Si quis potius optaverit ad meliores Codices, sive capitulum Hadriani, sive Gratiani canonem redigere, opuserit in medium adferre legem 41. Codic. Theodos. de Episcopis, & Clericis anni 412. au. Æore Honorio Augusto his verbis: *Clericos non nisi apud Episcopos accusari convenit. Igitur si Episcopus, vel Presbyter, Diaconus, & quicumque inferioris loci Christiana legis minister apud Episcopum (siquidem alibi non oportet) a qualibet persona fuerint accusati, sive ille sublimis vir honoris, sive nullius alterius dignitatis, qui hoc genus laudabilis intentionis arripit, noverit docenda probationibus, monstranda documentis se debere inferre &c.*

Can. 53. Canon 53. cau. 2. qu. 7. habetur in cau. 2. cap. 32. alias 29. Hadriani, in quo notanda est varietas lectionis; ubi enim Gratianus legit *interdici*, in eo capitulo habetur: *intercidi*. Gratianus hoc caput de Monachis intellexit; cum tamen non Monachorum, sed mortuorum fiat mentio, voce hac symbolice usurpata. Ceterum si integer canon legatur, qualis habetur in cap. 440. Capitularium Francorum lib. 7. non de Monachis agi, sed de servis ibidem intelligemus; postquam enim cautum est illic, ne servi accusent eos, cuius potestati subjiuntur, hæc sequuntur: *Vocem enim sanctam potius intercidi, quam audiri oportet. Eorum vero accusandi Sacerdotes, vel testificandi in eos os obstruimus, quos non humanis, sed divinis vocibus mortuos esse scimus; quæ verba plurimum consonant cum leg. 3. Cod. Theodos. Ne prator crimen Majest. Refert hæc Gratianus idem in 3. parte quæst. 11. cau. 3.*

Can. 7. Nomine Synodi Romanæ habitæ sub cau. 3. Hadriano refertur can. 7. cau. 3. q. 5., qu. 5. pertinet autem ad caput 11. inter capitula his verbis expressum: *Accusationes; & accusatores, atque ea negotia, qua secularis non adsciscunt leges, divina, ac synodica funditus a Clericis repelli auctoritate censuimus; quia indignum est Superiores pati ab inferioribus, qua inferiores ab eis pati despiciunt.* Hæc eadem verba relata sunt in librum 7. Capitularium cap. 307., & inter capitula Herardi Turonensis cap. 102., ceterum deprompta sunt ex pluribus Epistolis, quas Isidorus Mercator vetustissimis Pontificibus adscripsit, ex quibus

Ingelramnus, uti diximus, ferme omnia sua Capitula excepit.

Rursus Romanæ Synodi nomine refert Gratianus can. 16. cau. 3. qu. 6. Habetur autem in pluribus Hadriani capitulis. In cap. 5. prope finem hæc leguntur: *Neminem ergo exhiberi de Provincia ad Provinciam, vel ad comitatum oportet, nisi ad relationem iudicis, ad quem fuerit appellatum, idest ut actor semper rei forum sequatur.* Verba hæc deprompta fuerunt ex 2. Epistola Felici Papæ a Mercatore tributa. In capite 9. apud Hadrianum hæc habentur: *Salvo Romana Ecclesia in omnibus Primatu, manifestum est, quod illa, qua sunt per unamquamque Provinciam, ipsius Provincia Synodus dispenset, sicut in Nicæno constat decretum esse Concilio.* Videntur hæc deprompta fuisse ex can. 2. Concilii Constantinopolitani, ubi tamen paullo aliter eadem sententia exhibetur ibi: *Servata vero, qua descripta est de gubernationibus regula, manifestum est, quod illa, qua sunt per unamquamque Provinciam, ipsius Provincia Synodus dispenset, sicut Nicæno constat decretum esse Concilio.* Quæ constitutio refertur ad can. 5. Concilii Nicæni, in quo tempora Provincialium Synodorum ad dirimendas Ecclesiasticas controversias definita fuerunt. Sequitur capitulum 10. in collectione Hadriani his verbis: *Ultra Provincia terminos accusandi licentia non progrediatur. Omnis accusatio intra Provinciam audiatur, & a Comprovincialibus terminetur. Jam animadvertenter Romani Correctores apud Gratianum adjecta fuisse verba illa, nisi Prælati sit, qui accusatur, quæ apud Hadrianum, imo & in antiquis Gratiani exemplaribus desiderantur, ut facile suspicari possimus a quodam studioso ad marginem primum adposita fuisse juxta receptam aut sui temporis, aut suæ Provinciæ disciplinam, e margine deinde in textum ipsum fuisse translata. Eadem sententia relata est in librum 6. Capitularium cap. 381. ibi: *Omnis accusatio intra Provinciam audiatur, & a Comprovincialibus terminetur. Ultra Provincia terminos accusandi licentia non progrediatur.**

In capite 5. apud Hadrianum hæc habentur: *Sancta Synodus Romana dixit: hæc sunt, qua deinceps propter malorum hominum insidias, qui in Ecclesiam, & Ecclesiasticos indifferenter saviunt viros, conservari firmissime volumus in sæcula.*

Can. 16.
cau. 3.
qu. 6.

Can. 1.
cau. 3.
qu. 4.
cau. 4.
qu. 6.

Siquis Episcopus &c. & post multa: Quod si accusatorum persona in iudicio Episcoporum culpabiles adparuerint, ad arguendum non admittantur, nisi proprias habuerint causas, non tamen criminales, vel Ecclesiasticas; infamis enim persona nec procurator potest esse, nec cognitor. Postrema hæc verba nomine Sanctæ Romanæ Synodi retulit Gratianus in can. 1. cau. 3. qu. 7., & in can. 4. cau. 4. qu. 6. ibidemque nomine Synodi Romanæ illa intelligitur, quam affinxit Isidorus Mercator, tempore Felicis Papæ fuisse celebratam, cui tribuuntur illa eadem, quæ nuper retulimus verba in Epist. 2. Felicis apud eundem Mercatorem.

Can. 3. In capite 33. alias 31. apud Hadrianum legitur can. 3. cau. 3. q. 11., eisdem omnino verbis, dummodo pro postrema illa voce *profectio*, scribamur, *confessio*. Relata hæc sunt in librum 7. Capitularium Francorum cap. 324., videnturque deprompta ex Epistola 2., quam Isidorus Mercator adscripsit Papæ Stephano, revera autem edita sunt a verûsto interprete Codicis Theodosiani ad legem 12. de accusatione, & inscriptionibus, quæ in editis ejusdem Codicis exemplaribus legi ipsi subjecta est.

Can. 1. Can. 1. cau. 5. qu. 1. habetur in cap. 50., alias 46. apud Hadrianum his verbis: *Qui in alterius famam in publico scripturam, aut verba contumeliosa confinxerit, & repertus scripta non probaverit, flagelletur, & qui ea prius invenerit, rumpat, si non vult auctoris facti causam incurere.* Hic canon relatus est in caput 361. libri 7. Capitularium Francorum.

Can. 1. In eodem capitulo 5. apud Hadrianum. cau. 5. num incipiente *S. Romana Synodus dixit*, ex qua diximus depromptos fuisse can. 1. cau. 3. qu. 7., & 4. cau. 4. q. 6. legitur can. 1. cau. 5. qu. 3. eisdem omnino verbis, quæ habentur in Epistola 2. Felici I. Pontifici Maximo ab Isidoro Mercatore tributa.

Can. 2. In capitulo 38. apud Hadrianum hæc cau. 5. habentur. *In criminalibus causis nec accusator, nisi per se, aliquem accusare potest, nec accusatus per aliam personam se defendere permittitur.* Retulit hæc Gratianus in can. 2. cau. 5. qu. 3. & quidem sæpissime hæc sententia legitur inter Decretales Epistolas Mercatoris.

Can. 1. Quæ descripsit Gratianus in can. 1. cau. 5. qu. 6. leguntur in cap. 41. alias qu. 6. 38. apud Hadrianum; videnturque de-

prompta ex Epistola 2. Fabiano tributa, ex qua est can. 6. cau. 3. qu. 1., relata autem sunt a Benedicto Levita in librum 7. Capitularium cap. 348.

In capite 49. alias 45. apud Hadrianum hæc leguntur: *Delatori aut lim-* Can. 5.
qua capuletur, aut convicto caput am- cau. 5.
putetur. Delatores autem sunt, qui in- qu. 6.
vidia produunt alios. Hic est can. 5. cau. 5. qu. 6., ad quem ita ait Antonius Augustinus, cui & consonant Correctores Romani: *Non erat Hadriani hoc decernere, sed referre, quod in Codice Theodosiano scriptum fuerat, vel potius in epitome constitutionum Constantini Imperatoris.* Referri debent hæc ad legem 2. Cod. Theodof. de petitionibus anni 319. Constantino auctore, cujus hæc sunt verba: *Comprimatur unum maximum humana vita malum delatorum execranda perniciēs, & inter primos conatus in ipsis faucibus stranguletur, & amputata radicitus invidia lingua velletur, ita ut iudices nec calumniam, nec vocem prorsus deferentis admittant: sed qui delator extiterit, capitali sententia subjugetur.* Antiquus autem hujus legis interpretes ita subdit: *Delatores dicuntur, qui aut facultates prodiderint alienas, aut caput impetierint alienum. Quicumque delator cujuslibet rei extiterit, in ipso proditiōis initio a iudice loci corruptus continuo stranguletur, & ei incisa radicitus lingua tollatur, ut si quis proditor futurus est, nec calumnia, nec vox illius audiat.* Hanc itaque Imperatoriam constitutionem paullo aliter descripsit Incilramnus, ex quo deinde translata est in librum 7. Capitularium cap. 360.

Can. 2. cau. 6. qu. 1. legitur in cap. 21. alias 19. apud Hadrianum, cujus priora verba hæc sunt: *Placuit, ut nullus servus, nullus libertus, nulla infamis persona Sacerdotem accuset. Omnes vero infames esse dicimus &c.* Hæ loquendi formulæ passim leguntur in Epistolis Isidori Mercatoris; inter ceteras exemplo esse posset Epistola Clementi tributa; cujus fragmentum est in cap. 5. cau. 6. qu. 1. Eadem vero Incilramni verba translata sunt in Capitularia Francorum a Benedicto Levita lib. 7. cap. 437.

In capite 68. alias 64. apud Hadrianum hæc legimus. *Qui crimen intendit, agnoscendum est, si ipse ante non fuit criminosus, quia periculosa est, & admitti non debet rei adversus quemcum-* Can. 6.
que cau. 6.
qu. 1.

que professo. Et in fine capituli 72., alias 68. *Testes autem sine aliqua sint infamia, uxores & filios habentes, & omnino Christum predicantes.* Ex his duobus fragmentis compositus est apud Gratianum can. 6. cau. 6. qu. 1., in quibus omnibus nemo non agnoscat manum, & stilum Isidori Mercatoris. Ut cetera omittam unicum adferam fragmentum Concilii Romani Sylvestro Pontifici adscripti, in quo can. 3. hæc leguntur: *Presbyter autem nisi in 44. testimonia condemnabitur . . . , Lector nisi (sicut scriptum est) in septem testimonia filios, & uxorem habentes, omnino Christum predicantes, sicut datur mystica veritas.*

Can. 48. Can. 48. cau. 11. qu. 1. habetur eisdem omnino verbis in cap. 35. apud Hadrianum, alias 33. Rursum hic Isidori Mercatoris sententiæ descriptæ fuisse videntur, quemadmodum constat conferenti Epistolam 2. Julii Papæ, Epistolam 3. Fabiano, & Epistolam singularem Sixto III. adscriptam. Eadem autem Incilramni verba relata sunt a Benedicto Levita in librum 7. Capitularium Francorum cap. 332.

Can. 49. Rursum omnino consonat cum can. 40. apud Hadrianum Gratianus can. 49. cau. 11. qu. 1. Relatus quidem est in librum 7. Capitularium cap. 347., verum fragmenti illius origo ex Isidorianis Decretalibus erit repetenda, cum

eadem propemodum legantur five apud Julium I. in Epist. 2., five apud Zephyrinum in Epist. 1., five apud Eusebium in Epist. 3.

In capite 64., alias 60. apud Hadrianum legitur eisdem omnino verbis can. 3. cau. 15. qu. 4., cujus sententia omnino consonat cum pluribus Conciliis diversarum Provinciarum, Tarraconensi I. can. 4., Matisconensi II. can. 1., Arlatisensi IV. can. 16., Turonensi III. cap. 40., Moguntino cap. 37., & aliis bene multis. Junge caput 318. lib. 6. Capitularium Francorum.

In cap. ult. apud Hadrianum hæc leguntur: *Item generali decreto constitui- mus, ut execrandum anathema, & velut prævaricator Catholicæ fidei, apud Deum reus existat, quicumque Regum, vel Potentum deinceps canonum censuram in quocumque crediderit, vel permiserit violandam.* Ex his emendandus erit can. 11. cau. 25. qu. 1. apud Gratianum. In lib. 6. Capitularium Francorum cap. 322. ita potius legitur: „ Ha- „ jus constitutionis forma servetur, ut „ execrandum anathema fiat, & velut „ prævaricator Catholicæ fidei semper „ a Domino reus existat, quicumque „ Regum deinceps canonis hujus cen- „ suram in quocumque crediderit, aut „ permiserit violandam.

C A P U T XLVI.

De Capitularibus Francorum Regum, ac præsertim Caroli Magni.

Ecclesiasticis Conciliis accensendos arbitror jure optimo Conventus illos, quos Francorum Reges octavo, & sequenti sæculo cum Regni Proceribus, & sacris Antistitibus una congregantibus habuerunt. Ex his originem habent celebratissima Francorum Capitularia, ex quibus multa in sacrorum canonum Collectionibus recentioribus recitantur. Et quidem, si unum Gratiani Codicem inspexerimus, innumera propemodum capita in eo continentur, quæ ad hæc Francorum Capitularia sunt. Illud tamen vetustiorum Collectorum vel oscitantia, vel industria factum est, ut non omnia nomine Capitularium laudarentur, sed modo aliarum Gentium Conciliis, modo etiam aliis Conciliis Galliarum vetustioribus, modo Pontificibus Maximis, modo Sanctis Patribus, aut Ecclesiasticis Scriptores adscriberentur. Inter ceteros hæc omnia turbavit Burchardus Vormacienfis, qui cum scriberet apud Germanos, quibus invisæ erant Res Francorum, in sua Collectione canonum a laudando Capitularium Francorum nomine abstinuit, sed quoties aliquod Capitularium fragmentum sibi accommodum videbatur, illud quidem non omittebat, sed aliis auctoribus tribuebat, Hujus rei argumento esse potest, quod Burchardus in lib. 6. cap. 2. relaturus caput 15. lib. 4. Capitularium sub nomine Triburiensis Concilii omisit hanc clausulam, quæ habetur in eorundem Capitularium exemplaribus: *Secun-*

dum Capitulare Gloriosi Caroli Regis nostri; & in lib. 2. cap. 82., ubi tantummodo nomen Capitularium illi excidit, addidit illum, quem referebat, canonem ab Episcopis, qui apud Aquisgranum convenerant, fuisse probatum, quasi relaturus non fuisset, nisi Aquisgranensium Episcoporum auctoritas accessisset. Cur vero exemplis rem perspicuam demonstrem, cum sexcenta sint apud Gratianum capita, quæ aliis auctoribus tributa, omnino restituenda sunt Capitularibus, Gratiano errante ex Collectione Ivonis, & Ivone ex Collectione Burchardi? Hoc ipsum frequentissime liquet in hoc meo Codice, & ex aliis, qui huic accedent, ubi persæpe eadem animadvertere juvabit, ut singuli Gratiani canones suis reddantur auctoribus. Interea vero cum aliqua fragmenta sint apud Gratianum, quæ & ad Capitularia Francorum, præcipue Caroli Magni pertinent, eoque nomine expresse laudantur, illa hoc in capite collecta exhibebo, ac de more meo juxta exemplarium optimorum fidem expendam. Sunt autem sequentes canones.

Can. 3. dist. 19. pertinet potius ad Concilium Triburiense anni 895.

Can. 34. dist. 63. in contrariam sententiam a Gratiano detortus.

Can. 8. cau. 2. q. 3. est potius Interpretis Codicis Theodosiani.

Can. 37. cau. 11. q. 1. dubiæ admodum fidei, & forte a Benedicto Levita suppositus.

Can. 59. cau. 16. q. 1. ex optimis Capitularium exemplaribus emendandus.

Can. 9. cau. 17. q. 4. consonat cum Codicibus recentioribus Capitularium, & Concilio Moguntino.

Can. 27. cau. 17. q. 4. consonat cum pluribus Capitularium Codicibus.

Can. 28. cau. 17. q. 4. noni sæculi disciplina in Gallia conformis.

Can. 14. cau. 22. q. 5. jungendus cum can. 12. cau. 22. q. 1., & can. 16. cau. 22. q. 5.

Can. 33. cau. 27. q. 2. ex integris Capitularium Codicibus emendandus.

Can. 104. de conf. dist. 4. consonat cum Capitulari Ludovici Pii anni 817.

Can. 126. de conf. dist. 4. consonat cum Collectione Benedicti Levitæ.

Can. 34. de conf. dist. 5. est Concilii Moguntini anni 813.

Antequam vero ad enumeratos hujusmodi canones Gratianos addamus, nonnulla generatim attingenda videntur de Capitularibus ipsis, & de eorundem Collectionibus, ut deinde noverit unusquisque, & cujus auctoritatis ea capita sint, & ad quos Codices referenda. Nomen in primis Capitularium generale est, quod potissimum ad varias simul congestas designandas usurpari potest, ex eo quod leges eædem in diversa capita distinctæ edi soleant, sive civiles sint, sive Ecclesiasticæ. Specialiter tamen eo nomine donatæ fuerunt Leges Caroli Magni, eoque exemplo leges aliæ, quæ a Regibus Francorum sive ante, sive post Carolum editæ sunt, sic dicimus Capitularia Chlotari, Capitularia Dagoberti, Capitularia Karlonanni, Capitularia Pipini, Capitularia Ludovici Pii, & similia. Harum autem legum, sive Capitularium condendorum hæc solemnitas erat, ut Rex quidem conventum indiceret, convenirent autem & Proceres Regni, &

Episcopi universi, cum Abbatibus, uno verbo omnibus, qui vel consilio Principem juvare possent, vel nomine populorum, Ecclesiarum, aut Monasteriorum, quibus præerant, consentirent. Convenientibus omnibus ea omnia proponebantur, quæ ad rectum Imperii regimen, ad Ecclesiarum incolumitatem, animarum salutem, Monasteriorum institutionem, uno verbo ad universam Rempublicam optime administrandam pertinere videbantur, & quæ communi consensione, ac suffragio probata fuissent, vim legis obtinebant, atque Capitularium nomine palam promulgabantur. Patent hæc manifestissime ex Capitulis Caroli Calvi apud Carisiacum anno 877., ex præfatione 2. Capitularis anni 813., ex præfatione Capitularis anni 779., & ex multis aliis locis. Videatur Franciscus Florens in disert. Juris Canonici. Aliquando tamen contingebat non in publicis conventibus edi Capitularia, sed privatim, ubi scilicet Episcopi, & Regni Proceres in comi-

comitatu Principis adessent, maturoque consilio discussis illis, quæ ad Regni, Ecclesiarumque utilitatem plurimum conducere, quidpiam definiebant consensu, & populis servandum pro opportunitate exhibebant; erat enim præsertim apud Carolum Magnum tanta legum optimarum condendarum sollicitudo, ut etiam noctu, dum in cubili cubaret, capiti pugillares supponeret; si quidpiam utile (ut fieri in lectulo solet) in mentem veniret, adnotaret, ne memoria laboretur, uti scribit Johannes Aventinus in annalibus Bojorum lib. 4. Hinc unusquisque facile percipere potest, quantum fuerit apud omnes erga hujusmodi Capitularia obsequium, & reverentia. Præterquamquod enim multa in illis continebantur Ecclesiæ utilia, usu erant recepta apud omnes, & ad illa, velut ad sacras Leges, appellabatur; Episcopi omnes illa eadem in Conciliis suis vel laudabant, vel renovabant; Collectores canonum ex illis suos Codices exornabant, ac locupletabant, ut nihil aptius videretur, quam Capitularium leges in medium proferre, per quas omnibus fere causis, atque negotiis consulebatur. Ipsi etiam Summi Pontifices frequenter magnam se Capitularium rationem habere professi sunt; imo fertur Leo IV. ad Lotharium Imperatorem ita scripisse. *De capitulis, vel præceptis Imperialibus vestris, vestrorumque Prædecessorum irrefragabiliter custodiendis, & conservandis, quantum volumus, & valemus, Christo propitio & nunc, & in avum nos conservaturos modis omnibus profite-mur; & si fortasse quilibet aliter vobis dixerit, vel disturus fuerit, sciatis eum pro certo mendacem.* Atque hæc eo usque maxime apud Occidentales ferme omnes vera fuerunt, quo Francorum Imperium viguit; eo tamen discisso nonnullis in locis & a Francorum legibus recessum est, novæque inductæ peculiare consuetudines.

Ante annum 827. Capitularia Regum Francorum nondum in unum volumen redacta fuerant, sed in diversis schedulis, vel membranis continebantur. Primus Ansegisus Abbas quatuor libris complexus est nonnulla Capitularia Caroli Magni, & Ludovici Pii, quæ collectio statim magnæ fuit auctoritatis, præsertim ex eo, quod idem Ludovicus Pius illam probaverit, & quodammodo suam fecerit, eandemque dein laudare

perrexerint sequentes Principes. Cum vero Ansegisus plurima omisisset utilia, quæ a Pippino, & Karlomanno fuerant constituta, Benedictus quidam Levita Moguntiensis tres alios libros composuit, in quibus, quæ in prioribus deerant, palam exhibuit circa annum 845.; & quidem initio duæ istæ Collectiones tanquam diversa volumina, & opuscula habita sunt; paulatim vero factum est, ut simul jungerentur, & Collectio Benedicti Collectioni Ansegisi accederet, atque ita primus Benedicti liber, quintus liber Capitularium appellaretur. Porro Benedictus non semper integra Capitularium loca descripsit, sed sæpissime eorum fragmenta nullo ordine temporis servato, imo etiam adnexuit loca quædam Sacræ Scripturæ, quibus scilicet auctores Capitularium usi fuerant; addit aliquando canones quorundam Conciliorum, decreta Pontificum Romanorum, fragmenta Codicis Theodosiani ex interpretatione Aniani, fragmenta legum Visigothorum, Salicæ, Ripuariorum, & Bajuvariorum. Ansegisi, & Benedicti studia imitati postea sunt nonnulli Gallicani Episcopi, Herardus Turonensis, & Isaac Lingonensis, qui & Collectionem breviorum Capitularium composuerunt, ut plurimum ex Codice Benedicti Levitæ depromptorum. Post memoratos septem Capitularium libros acceperunt additiones quatuor, quarum auctorem credidit Sirmondus in notis ad Capitularia fuisse eundem Benedictum Levitam, quod tamen valde incertum est apud eruditos.

Et quidem istarum Collectionum fragmenta sæpissime retulerunt in Codices suos Collectores canonum posterioris ætatis, Regino, Burchardus, licet suppresso Capitularium nomine, uti diximus, Ivo, & Gratianus; sed post inventam Typographicam artem nonnulli curarunt, ut integra hujusmodi Capitularia ederentur, diverso tamen ordine. Primus edidit Vitus Amerpachius anno 1545. apud Alexandrum Visschhornum Typographum Ingolstadiensem, quæ tamen pauca Francorum Capitularia collegit. Recudit hunc Codicem Busæus Maguntæ anno 1602. ad calcem Epistolæ Hincmari, & Goldastus in Collectione Constitutionum Imperialium. Cum vero in hoc Codice desideraretur Collectio Ansegisi, & Benedicti, hæc anno 1548. Johannes Tilius Meldenensis Epi-

Episcopus Parisiis edi curavit. Hac editione, quæ tamen adhuc imperfecta erat, nisi sunt (nec enim alia uti poterant) Correctores Romani in emendando Gratiani decreto. Eandem Tili editionem post annos quadraginta complevit, atque edidit Petrus Phœus, vir de literaria Republica optime meritus. Sed siue Tilius, siue Phœus & plurima omiserunt, & nonnulla interpolant, quemadmodum recentiores Correctores observaverunt. Præterea anno 1557. alia producta editio Basilæ, in qua præter nonnulla Principum Capitularia habetur collectio Anselmi, cuius tamen quæritus liber nonnullum mutilus est, atque imperfectus. Vir clarissimus Petrus de Marca Stephanum Biluzium Trecentum exavit, ut novam Capitularium Collectionem, eamque absolutam edideret, quod vir eruditus perfectæ collatione plurimum manu scriptorum; quæ ipse enumerat in præfatione huius editionis Parisiensis anni 1677, quam duobus tomis exhibuit; in primæ scilicet, postquam juxta ordinem temporum Capitularia veterum Regum Francorum exposuerit ab anno 554. ad annum 837., subiecit septem Capitularium libros, cum quatuor additionibus, præterea & Capitula Isaacii Lingonensis, & Herardi Turonensis. In posteriore tomo edidit posteriorum Principum Capitularia nonnulla ab anno 844. ad annum 900. & amplius. Post hæc plurimas veteres formulas ex variorum Auctorum Codicibus expressit una cum annotationibus eruditorum virorum, & suis, adiciens demum nonnulla veterum monumenta, quæ eatenus inedita fuerant, bono illorum, qui sacras literas colunt, & res Ecclesiasticas. Observanda erant hæc omnia, ut pateret, ad quos demum Codices referenda hodie sint Gratiani fragmenta.

Can. 3. diff. 19. in Capitularibus Regum Francorum huc usque editis minime reperitur; sed potius habetur eisdem verbis in Concilio Triburiensi anni 895: can. 30. juxta editionem Labbei. Perre autem Capitularium nomine scribi potest, quia in illis nonnulla habentur similia. Hunc in lib. 7. cap. 234. ita legitur: *Jubemus, ut ita omnes de his, & apostolicis constitutionibus servatis, ut in nullo patimini pia canonum decreta violari. Præcipimus etiam, ut nulli fas sit sine status sui periculo, vel Divinas Constitutiones, vel Apostoli-*

*ca Sedis decreta temerare; quæ verba Benedictus Levita non ex Capitularibus depromsit, sed potius ex Synodo Romana cap. 1. Hilari Papæ. Item in cap. 390. ejusdem libri, quod pertinet ad capitula Caroli in Theotonis villa firmata anno 805. hæc leguntur: Volumus, atque præcipimus, ut omnes suis Sacerdotibus cum majoris ordinis, quam & inferioris a minimo usque ad maximum, ut summo Deo, cujus vice in Ecclesia legatione funguntur, obediunt existant; nam nullo pacto agnoscere possumus, qualiter nobis fideles existere possunt, qui Deo infideles, & suis Sacerdotibus inobedientes appaeruerint, aut qualiter nobis obediunt, nostrisque ministris, ac legatis obtemperantes erunt, qui illis in Dei causis, & Ecclesiarum utilitatibus non obtemperant. Quomocumque tamen evenierit, ut hic Can. Capitularibus Caroli Imperatoris tribueretur, illud certum est jam tempore Ivonis hoc fragmentum Capitularium nomine inscriptum fuisse, quemadmodum constat ex parte 3. decreti cap. 50. ceterum apud Ivonem non legitur, quemadmodum apud Gratianum in illis verbis: *Quare servanda est cum mansuetudine humilitas*, sed hoc modo: *Quare servanda est cum mansuetudine humanitas*, quæ sane lectio plurimum a Gratiani sententia recedit. Et quidem hæc fuit Gallicanorum Antistitem doctrina, atque prudentia, ut siquid a Sede Apostolica proficisceretur, quod ipsis quoquomodo molestum videretur, humaniter tolerarent. Inter Epistolas Ivonis Carnotensis habetur Epistola 236. scripta a Daimberto Senonensi Archiepiscopo, Ivone Episcopo Carnotensi, Valone Parisiensi Episcopo, Johanne Aurelianiensi Episcopo, ceterisque Episcopis Ecclesiæ Senonensis, & directa ad Johannem Lugdunensem Episcopum, in qua hæc leguntur: *His Catholicorum Patrum terminis contenti, quæ possumus servandum decreta Patrum salvo vinculo pacis corrigere volumus; quæ autem corrigere non possumus, usque ad messem, si necesse sit, Domino docente tolerare decrevimus. His verbis excusatos nos credimus, quod a laceratione Domini Papa linguas nostras reprimimus, & siquid contra sententiam suam, suorumque Prædecessorum fecisse videtur, filiali charitate excusamus.* Huc pertinere videtur etiam, quod ait idem Ivo Carnotensis in Epist. 233. ad Enricum Abbatem, ubi postquam nonnulla de constitutionibus*

Pontificum Maximorum attigit, ita subdidit: *Hac de proposita quaestione respondet Majorum sententiis non praedicans* (arbitror autem nomine Majorum sententiarum intellexisse Ivonem Triburiensem hunc Canonem) *qua paci Ecclesiae consulant, & adificationi.*

Can. 34. dist. 63. habetur eisdem verbis in lib. 1. Capitularium cap. 78. in editione Parisiensi anni 1677. Gratianus illum laudat nomine libri *Capitularium Caroli, & Ludovici Imperatorum.* Recte; etenim his verbis significatur Collectio Ansegisi, qui, ut diximus, quatuor libris duorum eorundem Principum Capitularia complexus est. Præterea ejusdem capituli verba jure tum Carolo, tum Ludovico Imperatoribus tribui possunt; etenim habentur in primis in Capitulari Caroli Magni Aquisgranensi anni 803. in cap. 2. deinde repetita sunt in Capitulari Ludovici Pii anni 816. cap. 2., imo etiam translata sunt in leges Longobardicas lib. 2. tit. 51. cap. 5. quod argumento est, disciplinam, quæ ibidem traditur, nono & decimo sæculis generatim in Occidente fuisse receptam. Gratianus postquam canonem Capitularium descripsit, quo tradebatur, ut Episcopi *per electionem Cleri, & populi secundum statuta Canonum...* eligerentur, subdit ex constitutionibus his deprehendi inter cetera electionem Clericorum tantummodo esse, atque exinde occasionem sibi oblatam ratus est, ut quæreret, num pertineret ad solos Clericos Ecclesiæ Matricis, an vero etiam ad eos, qui aliis Ecclesiis, locisve religiosis præfati sunt? concluditque omnes rejiciendos ab electione esse, qui inter Clericos Matricis Ecclesiæ non numerarentur. Nescio sane, quomodo Gratianus post dictum canonem 34. hæc inferre potuerit; quomodo enim eo Canone Clerici plures excludi poterant, quo expressè nec populus excluderetur? Cavere maxime debet studiosus quislibet ab hujusmodi Gratianeis argumentis, ac definitionibus, agnoscens exinde Collectionem, qui aliquando contrariam recens descriptis canonibus sententiam subjecit, non veritus asserere, eandem ex præcedentibus canonibus deduci.

Can. 8. cau. 2. qu. 3. apud Gratianum cum hac epigraphe laudatur: *in libro Capitularium cap. 175.* Ivo paullo aliter in parte 16. decreti cap. 251. *Ex libro 9. Capitularium cap. 20.* verba autem Canonis apud Ivonem hæc sunt:

*Si quem pœnituerit accusasse criminaliter, & inscriptionem fecisse de eo, quod probare non potuerit, si ei cum accusato innocente convenerit, invicem se absolvant. Si vero iudex eum, qui accusatus est, criminofum esse cognoverit, & inter reum, & accusatorem factum per corruptionem consensum de colludio pœnam excipiat legibus constitutam. Abolitionem invito reo, postquam fuerit officii custodia traditus, intra dies 30. accusatori potenti dari permittimus; post hoc tempus, nisi reus consentiat, censemus non esse tribuendum. Ab his sane paullisper dissonat Canon Gratianus. Ceterum jam Antonius Augustinus in Dialogo 10. lib. 2. de emendat. Gratiani observavit hunc Can. referendum esse ad interpretationem Theodosiani Codicis incerti Auctoris, ita scribens: *Quod apud Gratianum ita inscribitur, unde in lib. capitulorum 175. legitur, si quem pœnituerit &c. ex Interprete Codicis Theodosiani sumtum est, lib. 9. tit. de abolitionibus, Constitutio 1. qua 11. est in Codice Justiniani.* Itaque ex hoc Interprete ita emendandus erit Can. Gratianus: *Si quem pœnituerit accusasse criminaliter, & inscriptionem fecisse de eo, quod probare non potuerit, si ei cum accusato innocente convenerit, invicem se absolvant. Si vero iudex eum, qui accusatus est, criminofum esse cognoverit, & inter reum, & accusatorem per corruptionem de absolutione reatus convenerit, is, qui reus probatur, remoto colludio pœnam excipiat legibus constitutam.* Ex his autem ego facile suspicor, nonnullos fuisse post Benedictum Levitam, qui ejusdem Benedicti studia imitari voluerint, ac præter septem Capitularium libros alios adjecerint; nonum enim librum Capitularium non solum apud Ivonem in memorato loco, sed etiam in aliis locis egomet commemoratum vidi apud Auctores decimi, vel undecimi sæculi. Quoniam vero Benedictus Levita in suis libris Capitularium non tantum capita Francorum retulerat, sed & alia benemulta, inter cetera deprompta ex Interpretibus Codicis Theodosiani, ita novorum librorum editor non dubitavit Interpretum eorundem sententias in unum Codicem cum aliis Francorum capitibus jungere, quod occasione dedit Ivoni, ut primus hunc, de quo agimus, canonem ex Interprete Theodosiani Codicis depromptum, Capitularium nomine inscriberet.*

Canon 37. cau. 11. qu. 1. legitur in cau. 11. lib. 6. qu. 1.

Can. 37.

cau. 11.

lib. 6. qu. 1.

lib. 6. Capitularium cap. 366. in editione Parisiensi 1677. his verbis: " Volu-
 ,, mus, atque præcipimus, ut omnes
 ,, Ditioni nostræ Deo auxiliante subje-
 ,, cti, tam Romani, quam Franci, A-
 ,, lemanni, Bajuvarii, Saxones, Turin-
 ,, gii, Fresones, Galli, Burgundiones,
 ,, Britones, Longobardi, Vvascones,
 ,, Beneventani, Gothi, & Hispani, ce-
 ,, terique nobis subiecti omnes, licet
 ,, quocumque videantur legis vinculo
 ,, constricti, vel consuetudinario more
 ,, connexi, hanc sententiam, quam ex
 ,, sextodecimo Theodosii Imperatoris Li-
 ,, bro, capitulo videlicet undecimo ad
 ,, interrogata Ablavii Ducis illi, & o-
 ,, mnibus rescriptam sumimus, & in-
 ,, ter nostra capitula pro lege tenenda
 ,, consultu omnium fidelium nostrorum,
 ,, tam Clericorum, quam & Laicorum
 ,, posuimus, lege cunctis perpetua te-
 ,, nenda, idest, quicumque litem ha-
 ,, bens, sive possessor, sive petitor fue-
 ,, rit, vel in initio litis, vel decursis
 ,, temporum curriculum, sive cum nego-
 ,, tium peroratur, sive cum jam cœpe-
 ,, rit promi sententia, si iudicium ele-
 ,, gerit sacrosanctæ legis Antistitis, illi-
 ,, co sine aliqua dubitatione, etiamsi a-
 ,, liqua pars refragatur, ad Episcopos-
 ,, rum iudicium cum sermone litigan-
 ,, tium dirigatur. Multa enim, quæ in
 ,, iudicio captiosæ præscriptionis vin-
 ,, cula promi non patiuntur, investi-
 ,, gat, & promit sanctæ religionis au-
 ,, thoritas. Omnes itaque causæ, quæ
 ,, vel prætorio jure, vel civili tractan-
 ,, tur, Episcoporum sententiis termina-
 ,, tæ, perpetuo stabilitatis jure firmen-
 ,, tur; nec liceat ulterius retractari ju-
 ,, dicium, quod Episcoporum sententiis
 ,, deciderit. Testimonium etiam ab uno
 ,, licet Episcopo perhibitum omnes ju-
 ,, dices indubitanter accipiant; nec alius
 ,, audiatur, cum testimonium Episcopi
 ,, a qualibet parte fuerit repromissum.
 ,, Illud est enim veritatis auctoritate fir-
 ,, matum, illud incorruptum, quod a
 ,, sacrosancto homine conscientia men-
 ,, tis inlibatæ protulerit. Hoc nos edi-
 ,, cto salubri aliquando censuimus, hoc
 ,, perpetua lege firmamus, malitiosa li-
 ,, tium semina comprimentes; ut miseri
 ,, homines longis, ac pene perpetuis a-
 ,, ctionum laqueis implicati, ab impro-
 ,, bis petitionibus, vel a cupiditate per-
 ,, pera maturo sine discedant. Quidquid
 ,, itaque de sententiis Episcoporum cle-
 ,, mentia nostra censuerat, etiam & hac

„ sumus lege complexi, gravitatem tuam,
 „ & ceteros pro utilitate omnium in
 „ perpetuum observare conveniat. In
 „ hoc Canone tria videntur conjuncta Gra-
 „ tiani capita; videlicet Canones 35. 36.
 „ & 37. cau. 11. q. 1. De Canonibus 35.
 „ & 36. nihil hic specialiter dixero, de
 „ quibus sermo commodius instituetur suo
 „ loco. Tantum differam de Canone 37.,
 „ quo nihil aliud præcipitur, quam reci-
 „ piendam esse Constantini legem in Co-
 „ dice Theodosiano expressam lib. 16. tit.
 „ 12. de Episcopali iudicio. Sane non de-
 „ sunt Viri eruditissimi, qui arguunt Be-
 „ nedictum Levitam, quod hujusmodi Ca-
 „ pitulare inseruerit inter Capitularia Fran-
 „ corum, quod tamen in nullis Capitula-
 „ ribus legitur. Refero huc verba Anto-
 „ nii Augustini in lib. 2. de emendat. Gra-
 „ tiani dial. 11. ita scribentis: " Caroli
 „ esse hoc caput ego dubito, cum liber
 „ sextus Benedicti Levitæ sit, qui Ca-
 „ roli, Ludovici, & Lotharii capita
 „ collegit ab Ansegiso prætermissa, ne-
 „ que distinxit singula, cujus essent. Si
 „ nolis fidem habere Anselmo, & Gra-
 „ tiano hoc dicentibus, ego te aliis pro-
 „ bationibus non convincam, nisi forte
 „ multitudine nominum urgearis, qui
 „ Carolo potius, quam ceteris subditos,
 „ se esse patiantur, Romani, Franci,
 „ Alamanni, Bajuvarii, Saxones, Thu-
 „ ringii, Fresones, Galli, Burgundio-
 „ nes, Britones, Longobardi, Vvasco-
 „ nes, Beneventani, Gothi, & Hispani
 „ ni ". His vir eruditus videtur illu-
 „ dere Benedicto Levitæ, quem de apo-
 „ crypho monumento accusat, vel ex eo,
 „ quod curaverit Benedictus magno nomi-
 „ num apparatu leges a se suppositas, &
 „ confictas edere, ut legentes crederent
 „ vere ad Carolum Imperatorem pertine-
 „ re. Ego sane cum Antonio Augustino
 „ plurimum etiam dubito; neque enim
 „ facile arbitrari possum, Ansegisum, qui
 „ primus Caroli Magni, & Ludovici Pii
 „ capitula edidit, hoc capitulum omisisse,
 „ quod tamen maximi momenti est, &
 „ Benedicto Levitæ describendum quasi ex
 „ residuis reliquisse; neque enim Ansegi-
 „ sus poterat illud capitulum ignorare,
 „ quod ad tot populos missum fuerat, quot
 „ ibidem describuntur. Præterea Jacobus
 „ Gothofredus jam ipse demonstravit eam
 „ legem Constantini, quæ legitur in co-
 „ dice Theodosiano, & ad quam refertur
 „ hoc Capitulare, apocrypham esse, &
 „ falso Constantino tributam, ut propter
 „ ea verosimile sit, hoc Capitulare simul
 cum

cum eadem legē uno, eodemque tempore deceptorum, seu falsariorum opera prodidisse. Demum si hoc Capitulare una cum aliis conferamus, statim agnosceremus, longe diversam in aliis esse methodum, rationemque scribendi ac publicam legem faciendi, quam quæ in hoc eodem capitulo habeatur. Porro his nihil obstantibus, postquam apud Gratianum relatum fuit istud Capitulare, visum est, quandam auctoritatem habere, nec ex eo dubitarunt, qui Decretalia ediderunt, inter eadem inserere, & quasi optima sacræ vetustatis monumenta proponere, cap. 13. de judiciis, quod quidem duodecimi, aut decim tertii sæculi Viris etiam studiosissimis concedendum est, quibus in promptu non erat codicum exemplaria consulere, quemadmodum præsertim post inventam typographicam artem recentioribus licuit.

Can. 59.
cau. 16.
qu. 1.

Canon 59. cau. 16. qu. 1. qui apud Gratianum laudatur ex lib. 1. capitulorum Caroli, & Ludovici Imperatorum c. 85. legitur in lib. 1. Capitularium cap. 77. memoratæ editionis parisiensis, conditusque est in Capitulari Aquisgranensi Caroli Magni anni 803. & in alio Capitulari Aquisgranensi Ludovici Pii anni 816. cap. 1. his verbis: *Quia juxta Sanctorum Patrum traditionem novimus res Ecclesiæ vota esse fidelium, propterea peccatorum, & patrimonium pauperum, ideo cuique non solum habita conservare, verum etiam multa Deo opitulanti conferre optamus. Tamen ut ab Ecclesiasticis de non dividendis rebus illius suspicionem dudum conceptam penitus amoveremus, statuimus, ut neque nostris, neque filiorum & Deo dispensante successorum nostrorum temporibus, qui nostram, vel Progenitorum nostrorum voluntatem, vel exemplum imitari voluerint, nullam penitus divisionem, aut jacturam patiantur.*

Can. 9.
cau. 17.
qu. 4.

Canon 9. cau. 17. qu. 4. editus est in Concilio Moguntino anni 813. cap. 39. Porro Concilio Moguntino auctoritas accessit Caroli Magni; etenim Carolus idem Imperator postquam accepisset anno 813. plura celebrata fuisse Episcoporum Concilia, Moguntinum, Turonense, Rhemense, & Cabilonense, illorum omnium acta rursus in solemnibus Episcoporum, Procerumque comitiis discussit, & quæ rectæ disciplinæ consona visa sunt, confirmavit, cetera Episcoporum consilio aut immutavit, aut moderatus est. Itaque quod spectat ad canonem 8. Moguntinum, qui idem est

cum dicta can. 9. cau. 17. qu. 4. valde dubitaverim, utrum a Carolo Magno, ejusque Consiliariis in novo confesso confirmatus fuerit; etenim Ansegisus Collector Capitularium Caroli Magni in quatuor suis libris omisit, quem forte non omisisset, tanquam caput non exigui momenti. Sed Benedictus Levita illum retulit in suum librum 1. qui est liber 5. Capitularium cap. 155. his verbis: *Reum confugientem ad Ecclesiam nemo abstrahere audeat, neque inde donare ad penam, vel ad mortem, ut honor Dei, & Sanctorum ejus conservetur. Sed Rectores Ecclesiarum pacem, ac vitam, ac membra eis obtinere studeant. Tamen legitime compensant, quod iniqua fecerunt.* Auctor additionum eadem descripsit in additione 3. cap. 30. & Herardus Turonensis Archiepiscopus paucis idipsum perstrinxit in suis capitulis, cap. 129. ibi: *De reis ad Ecclesias, vel ad earum atria confugientibus, ut inde non abstrahantur.* Ex quibus facile intelligimus paullatim Moguntinum canonem moribus obtinuisse, postquam privati homines in suas collectiones eundem referre cœperunt; incertum autem esse, num ab initio publica auctoritate firmatus fuerit.

Canon 27. cau. 17. qu. 4. editus est in Capitulari 2. Caroli Magni anni 803. cau. 17. qu. 4. his verbis: *Qui Subdiaconum occiderit, trecentos solidos componat; qui Diaconum, quadringentos, qui Presbyterum sexcentos; qui Episcopum, nongentos; qui Monachum, quadringentis solidis culpabilis judicetur.* Ansegisus eadem retulit in lib. 3. cap. 25. Item Benedictus Levita in lib. 5. cap. 261. & in lib. 6. cap. 291. Habetur præterea in lege Ripuariorum tit. 36. apud Isaacum Lingonensem tit. 2. cap. 5. demum confirmatus est in Concilio Troslejanano anni 909. can. 13.

Canon 28. cau. 17. qu. 4. habetur apud Benedictum Levitam in lib. 6. Capitularium cap. 90. eisdem verbis, si in postremis ita legamas: *publicam penitentiam gerat.* Isaac Lingonensis eadem retulit in sua capitula tit. 2. cap. 8. idemque confirmavit memoratum Concilium Troslejanum in dicto can. 13. Atque ut charius adpareat, quænam fuerit noni sæculi disciplina in Gallia, quod attinet ad dictos can. 27. & 28. cau. 17. qu. 4. memorabo etiam Concilium apud Theodonisvillam tempore Ludovici Pii Imperatoris celebratum anno 821. in quo

Can. 27.
cau. 17.
qu. 4.

Can. 28.
cau. 17.
qu. 4.

nonnulla Capitula edita sunt, & Imperatori proposita anno sequente, ut confirmarentur, quæ appellantur Capitulare Triburienſe, una cum decreto Imperatoris ibi subſcripto: ita legitur: "Conſtituimus, ut ſi quis Subdiaconum calumniatus fuerit, & convaluerit, pœnitentia canonica pœniteat, & tercentos ſolidos Episcopo componat, & ſi mortuus fuerit, juxta id, quod canones præcipiunt, pœniteat, & quadringentos ſolidos Episcopo componat. Si Diaconum quis calumniatus fuerit, & convaluerit, pœniteat, ſecundum can. & quadringentos ſolidos Episcopo componat. Si non convaluerit, juxta præcepta Synodalia pœniteat, & ſexcentos ſolidos componat. Si Presbyterum quis male traxerit, ſecundum ejus Episcopi ſententiam pœniteat, & nongentos ſolidos Episcopo componat. Si autem mortuus fuerit, ut Synodus dijudicaverit, pœniteat, & mille ducentos ſolidos Episcopo componat. Et ſi quis Episcopo inſidias poſuerit, comprehenderit, vel in aliquo dehoneſtaverit, pœniteat ſecundum canonum ſtatuta, & Presbyteri occiſi triplicem compositionem cum juſtitiis, quæ in ſuperiori capitulo ſcriptæ ſunt, & confirmatæ eſſe videntur, componat. Si quis per inſidiam Episcopum occiderit, juxta id, quod apud Theodoniſ Villam a XXXII. Episcopis decretum eſt, & quod ibi a nobis, & Primatibus totius Galliæ, & Germaniæ benigna conlaudatione conlaudatum eſt, & ſubſcriptum, pœniteat, & pecuniam a nobis conſeſſam viginti Eccleſiæ perſolvat". Quæ omnia demonſtrant non diu perſeveraſſe pœnam præſtitutam in dicto can. 27. cau. 17. qu. 4. ſed poſt breve tempus exaſperatam fuiſſe, ita forte exigente ejusmodi flagitiorum frequentia.

Can. 14. Can. 14. cau. 22. qu. 5. jungendus
 cau. 22. primum erit cum can. 16. eadem cauſa,
 qu. 5. & quæſtione, quem Gratianus inſcripſit nomine Cornelii Papæ; item cum can. 12. cau. 22. qu. 1. quem Gratianus laudavit nomine Hieronymi; deinde hæc omnia fragmenta referenda erunt ad Capitulare Aquigranenſe Caroli Magni anni 789. ubi hæc leguntur cap. 62. *Item habemus in lege Domini præſcriptum: Non pejerabis in nomine meo, nec pollues nomen Dei tui, neque assumes nomen Domini Dei tui in vanum. Ideo omnino ad-*

monendi ſunt omnes diligenter, ut caveant perjurium, non ſolum in ſancto Evangelio, vel in Altari, ſeu in Sanctorum reliquiis, ſed & in communi loquelia; quia ſunt aliqui, qui per charitatem, & veritatem jurant, & cavent ſe a juramento nominis Dei, & neſciunt, quod idem eſt Deus, quod charitas, & veritas, dicente Johanne Apoſtolo, quia Deus charitas eſt. Item ipſe Dominus in Evangelio: Ego ſum via, & veritas. Ideo qui in veritate, & charitate jurat, in Deo jurat. Item cavendum eſt, ne phariſæica ſuperſtitione aliquis plus aurum honoret, quam Altare, ne dicat ei Dominus: Stulte, & quid eſt majus, aurum, an Altare, quod ſanctificat aurum? Sed & nobis honeſtum videtur, ut qui in Sanctis habet jurare, hoc jejunius faciat, cum omni honore, & timore Dei, & ſcias ſe rationem radditurum Deo nuſcuſque veſtrum, ubicumque ſis, ſive intra Eccleſiam, ſive extra Eccleſiam. Et ut parvuli, qui ſine rationabili ætate ſunt, non cogantur jurare, ſicut Gunabodigni faciunt. Et qui ſemel perjuratus fuerit, nec teſtis ſis poſt hæc, nec ad Sacramentum accedat, nec in ſua cauſa, vel alterius jurator exiſtat. Hoc integrum caput relatum eſt ab Anfegifo in librum 1. Capitularium cap. 61. cui etiam conſonat lib. 2. legum Longobardarum tit. 55. cap. 22. Poſteriora ejusdem capitis verba paullo aliter leguntur in Capitulari Francofordienſi Caroli Magni cap. 43. ubi ita legitur: De eorum teſtibus canonica ſit obſervatio, & parvuli non trahantur ad Sacramentum, ſicut Gunthadingi faciunt. Mihi placet legere cum Pithæo pro illis verbis: Sicut Gunthodigni, vel Gunthadingi faciunt ita legere: Sicut Gundebada lege viventes, quæ verba idem Vir eruditus aſſerit haberi in vetuſtiſſimis exemplaribus legum Longobardarum, in quibus diximus hoc idem caput inſertum fuiſſe. Porro Gundebadus Rex Burgundionum legem condiderat, quæ ab ejus nomine Gundebada appellata eſt, juxta quam Burgundiones cum exteris in judiciariis cauſis communionem habere non poterant, hinc nemo extraneus aut ad Burgundionem accuſandum, aut contra Burgundionem teſtimonium dicendum admittebatur. Cum vero aliquando opus eſſet teſtibus, qui ex illorum gente non aderant, ſed commode ex exteris haberi poterant, potius, quam externos accirent, parvulos ſuos ad teſtimonia ferenda adigebant, ut

ut per ipsos controversia omnis sæpe sæpius exploraretur. Hanc Gundebadæ legis sententiam exhibet S. Agobardus Lugdunensis Episcopus, qui sæculo 9. floruit in sua Epistola de lege Gundobada ad Ludovicum Imperatorem ibi:
 „ Quæ utilitas est propter Gundobadam
 „ legem, cuius Auctor est homo hære-
 „ ticus, & fidei catholicæ inimicus (cu-
 „ jus leg's homines sunt perpauci) ut
 „ non possit super illum testificari alter
 „ etiam bonus christianus? Ex qua re
 „ oritur res valde absurda, ut si aliquis
 „ eorum in cætu populi, aut etiam in
 „ mercato publico commiserit aliquam
 „ pravitatem, non coarguatur testibus,
 „ sed sinatur pejerare, tanquam non fue-
 „ rint, per quos veritas posset agnosci.

Can. 33. cau. 27. qu. 2. editus est in Capitulari Aquisgranensi Ludovici Pii anni 816. in can. 24. his verbis: “ De
 „ desponsatis puellis, & ab aliis raptis
 „ ita in Concilio Ancyritano capitulo
 „ decimo legitur: Desponsatas puellas,
 „ & post ab aliis raptas placuit erui,
 „ & eis reddi, quibus ante fuerant de-
 „ sponsatæ, etiamsi eis a raptoribus vis
 „ inlata consisterit. Proinde statutum
 „ est a sacro Conventu, ut raptor pu-
 „ blicæ pœnitentia mulctetur, raptæ
 „ vero, si sponsus eam recipere nolue-
 „ rit, & ipsa eidem crimini consentiens
 „ non fuit, licentia nubendi alii non
 „ negetur. Quod si & ipsa consensit,
 „ simili sententiæ subiaceat. Quod si ipsi
 „ post hæc se conjugere præsumserit,
 „ utrique anathematizentur. Ansegisus
 hunc canonem retulit in librum 1. Ca-
 pitularium can. 99. dictæ editionis Pa-
 risiensis, Isaac Episcopus Lingonensis in-
 ter suos can. lib. 5. cap. 4. & Benedi-
 ctus Levita in caput 183. lib. 7. Capitu-
 larium dictæ editionis, imo & reda-
 ctus ille fuit in leges Longobardicas lib.
 1. tit. 3. cap. 12. confirmatusque in Con-
 cilio Troslejano anni 909. can. 8.

Ca. 104. de conf. dist. 4. Canon 104. de conf. dist. 4. ex illis est, qui sunt constituti in Capitulari Aquisgranensi Ludovici Pii anno 817. convenientibus Abbatibus una cum Monachis ad reformandam monasticam disciplinam. Sunt autem ibidem capita 72. de quibus Leo Ostiensis in Chronico Cas-
 sinensi ita habet lib. 1. cap. 16. *Ludovicus Imperator, qui cognominatus est Almus, vel Sanctus huius Caroli filius, quarto Imperii anno Aquisgrani in palatio cum plurimis totius Francia Abbatibus, religiosisque Monachis conventum fa-*

*cians, utilissima nostri ordinis observatio-
 ni septuaginta, & duo generalia capitula constituit, quæ ita fere omnia apud nos, ac si B. Benedicti regula, observantur. Itaque inter hæc capitula de Monachis constituta legitur numero 16. memoratus canon 104. his verbis: Ut sibi compadres, commatresve non faciant, neque osculentur fœminas. Videantur, quæ ad hanc rem superius observavimus ad can. 103. de conf. dist. 4.*

Can. 126. de conf. dist. 4. habetur in collectione Capitularium Benedicti Levitæ, sive hodie in lib. 6. Capitularium dist. 4. cap. 77. his verbis: *Quod in Sabbato Sancto Pascha, vel in Sabbato Pentecostes, si qui velint aquam consecratam ad asper-
 sionem in domos suas recipere, ante chris-
 matis infusionem accipiant. Eadem verba retulit inter suos can. Isaac Lingonensis tit. 11. cap. 11. Herardus autem Turonensis in suis capitulis ita scribit cap. 52. Ut qui aquam consecratam vult accipere in Sabbato Sancto, vel Pentecoste, ante infusionem chris-matis sumat: Nam illa chris-matis mixtio ad regenerandos pertinet.*

In Concilio Moguntino anni 813. can. 9. editus est canon 34. de conf. dist. 5. Benedictus Levita illum retulit in Capitularia Francorum, habeturque hodie juxta memoratam Parisiensem editionem in lib. 5. Capitular. cap. 183. his verbis, ex quibus emendandus in aliquibus erit Gratianus. *In omnibus igitur, quantum humana permittit fragilitas, decrevimus, ut Canonici Clerici canonicè vivant, observantes divina Scriptura doctrinam, & documenta Sanctorum Patrum, & nihil sine licentia Episcopi sui, vel Magistrorum eorum incompete agere præsumant. In unoquoque Episcopatu ut simul manducant, & dormiant, ubi his facultas id faciendi suppetit. Vel qui de rebus Ecclesiasticis stipendia accipiunt, in suo clauistro maneant, & singulis diebus mane prima ad lectionem veniant, & audiant, quid eis imperetur. Ad mensam vero similiter lectionem audiant, & obedientiam secundum canones Magistris suis faciant.*

Can. 34. de conf. dist. 5.

APPENDIX I.

De Canonibus Concilii Lugdunensis nomine
a Gratiano relatis.

Quamquam ante Gratianum in Lugdunensi Civitate quamplura Concilia celebrata fuerint, quæ tamen Lugdunensis Concilii nomine a Gratiano referuntur, ad Concilia Lugdunensia minime pertinent, sed potius ad Capitularia Francorum; ac propterea hic commode Gratianeos hujusmodi canones expendendos censui. Sunt autem sequentes.

- Can. 19. cau. 35. q. 2. pertinet ad Capitularia Francorum apud Benedictum Levitam.
Can. 1. de conf. dist. 3. pertinet ad Concilium Moguntinum anni 813.
Can. 122. de conf. dist. 4. ex additionibus Capitularium Francorum.

QUOD autem omnia hæc fragmenta Lugdunensi Concilio adscribantur ex Burchardi collectione profectum est, qui, ut superius animadvertēbam, Francorum Capitularium capita non Capitularibus ipsis, sed aliis Auctoribus tribuebat. Hujusmodi est can. 19. cau. 35. qu. 2. qui habetur in cap. 130. lib. 6. Capitularium Parisiensis jam pluries memoratæ editionis his verbis: *Christiani ex propinquitate sui sanguinis usque ad septimum gradum connubia non ducant, neque sine benedictione Sacerdotis, qui ante innupti erant, nubere audeant. Eadem ferme habentur in cap. 327. ejusdem libri ibi: Ut Christiani ex propinquitate sui sanguinis connubia non ducant, nec sine benedictione Sacerdotis nubere audeant. Rursus in cap. 408. ejusdem libri, paullo aliter eadem habentur: Ne Christiani ex propinquitate sui sanguinis connubia ducant, nec sine benedictione Sacerdotis cum virginibus nubere audeant, neque viduas absque suorum Sacerdotum consensu, & conhibentia plebis ducere præsumant.*

Can. 1. dist. 3. de conf. pertinet ad collectionem Capitularium Ansegisi, si-
ve spectemus caput 158. lib. 1. si-
ve caput 35. libri 2. In dicto capite 158. ita legitur. *Ha sunt festivitates in anno, quæ per omnia venerari debent. Natalis Domini, Sancti Stephani, Sancti Johannis Evangelista, Innocentium, Octavas Domini, Epiphania, Octavas Epiphania, Purificatio Sancta Maria, Pascha dies octo, Letania major, Ascensio Domini, Pentecosten, S. Johannis Baptista, Sancti*

Petri, & Pauli, Sancti Martini, Sancti Andrea; & in cap. 35. lib. 2. *Festos dies in anno celebrare sanximus, hoc est diem Dominicum Pascha cum honore, & sobrietate venerari, simili modo totam hebdomadam illam observare decrevimus, diem Ascensionis Domini pleniter celebrare. In Pentecoste similiter, ut in Pascha. In Natali Apostolorum Petri, & Pauli diem unum, Nativitatem Sancti Johannis Baptista, Assumptionem B. Maria, Dedicationem S. Michaelis, Natalem S. Rhemigii, Sancti Martini, Sancti Andrea. In Natali Domini dies quatuor, & Octavas Domini, Epiphaniam Domini, Purificationem Sancta Maria; & illas Festivitates Martyrum, vel Confessorum observare decrevimus, quorum in unaquaque Parochia Sanctorum Martyres requiescunt. Postremus hic canon idem omnino est cum canone 36. Concilii Moguntini sub Carolo Magno habiti anno 813. ubi tamen post illa ultima verba: *Martyres requiescunt* ita adjectum est: *Similiter etiam Dedicationem Templi.* Ego arbitror canonem in Moguntino Concilio editum non statim vires suas obtinuisse, quemadmodum nec alia plura Concilii ejusdem capita, quæ cum allata fuissent coram Carolo Imperatore inter solemnia Episcoporum omnium Comitia non in omnibus confirmata fuerunt; ac proinde verosimile est, statim eos tantum dies festos fuisse propositos servandos, qui habentur in dicto cap. 158. lib. 1. licet paulatim additi deinde fuerint dies festi Moguntini, postquam Moguntini Concilii can. apud Collectores relati sunt in Codices can. uti apud Reginonem lib. 1. cap. 377. Item additi etiam fuerunt recentioribus temporibus nonnulli dies festi, quemadmodum descripti sunt apud Gratianum in dicto can. 1. de conf. dist. 3. etenim Burchardus, & Ivo cum can. Moguntinum describerent, eos præterea dies adjecerunt, qui suis temporibus servabantur, & sic cau. ediderunt, ex quibus deinde & Gratianus adactum can. expressit. Itaque certum est non unam, eandemque sæculis 9. & 10. fuisse servatam in ea re disciplinam; scimus enim apud Herardum Turonensem, & in aliis Capitularibus modo plures, modo pauciores dies festos enumeratos fuisse, quemadmodum liquet ex cap. 2. cap. 61. cap. 94. 95. & 97. ejusdem Herardi, & ex capite 189. lib. 6. Capitularium. Adnotare tamen non omittam modum quandam peculiarem, qui in*

non-

nonnullis locis servabatur in Festorum celebrationibus, & deducitur ex quodam Concilio Adrisphach apud Reginomem in lib. 1. cap. 378. his verbis. *Festos dies celebrare sancimus, idest diem Pascha, similiter feria secunda, tertia, quarta, & quinta. Ante Missam licentia sit arandi, & seminandi, hortum, vel vineam excolendi, & sepem circumcludendi. Ab alio vero opere cessare decrevimus. Post Missam autem ab opere pacare. Pentecosten similiter, ut in Pascha. Sancti Laurentii, Kalendis Novembribus omnium Sanctorum, similiter Dedicationes Ecclesiarum.*

Ca. 122. Canon 122. de conf. dist. 4. habetur de conf. eisdem omnino verbis in additione 3. Capitularium Francorum cap. 7. ubi tamen pro verbo illo *acceperit*, legitur *accipit*, eadem retenta sententia.

A P P E N D I X II.

De can. 11. cau. 36. qu. 2. nomine Concilii Aquisgranensis laudato.

Nomine Concilii Aquisgranensis unum tantummodo fragmentum apud Gratianum inscribitur, videlicet canon 11. cau. 36. qu. 2. cui inscriptioni causam dedit Burchardus, qui, ut diximus, fragmenta Capitularium aliis Auctoribus tribuit. Itaque dictus canon 11. pertinet ad Capitularia Francorum; etenim in cap. 395. libri 7. ita legitur: "Placuit, ut hi, qui rapiunt foeminas, vel furantur, aut seducunt, ut eas nullatenus habeant uxores, quamvis eis postmodum conveniat, aut eas doctaverint, vel nuptialiter cum consensu Parentum suorum acceperint. Si quis autem uxorem habere voluerit, canonice, & legaliter eam accipiat, & non rapiat; qui vero eam rapuerit, vel furatus fuerit, aut seduxerit, nunquam eam uxorem habeat; sed propinquis suis eam legalibus reddat, & in triplo plenum bannum domini, cum componat, & insuper canonice publicam poenitentiam gerat, ad quod omnes una voce clamaverunt, dicens: ista omnes firmiter tenere volumus, & in perpetuum ab omnibus conservari optamus." Hæc eadem retulit Isaac Lingonensis in tit. 5. cap. ult. & paucis perstrinxit Herardus Turonensis in suis capitulis cap. 110. ibi: *Qui rapiunt foeminas, vel furantur, vel seducunt, licet ipsis, & Parentibus con-*

veniat, eas uxores non habeant. Idem rursus canon, qualis in Capitularibus habetur, confirmatus est in Concilio Troslejano anni 909. can. 8.

Sic Gratiani canone suis Auctoribus restituto, non est prætermittenda disputatio, cui causam exhibere videtur Gratianus in iis, quæ subicit post eundem canonem 11. cau. 36. qu. 2. ait enim: *Hæc auctoritas non præiudicat auctoritati Hieronymi, maxime cum illa testimonio Divina legis nitatur.* Quid ergo? Agnoscit Gratianus can. 11. oppositum esse can. 8. quem nomine S. Hieronymi laudat, aitque ex sententia Hieronymi raptorem posse matrimonio conjungi cum rapta, quoties criminis canonicam egerit poenitentiam; aliter autem visum esse Aquisgranensibus Patribus, qui senserunt nullo unquam tempore posse raptum cum rapta conjugio copulari; deinde Gratianus idem hæc, quæ adversantia videntur, conciliaturus, concludit, sententiam Hieronymi præferendam esse sententiæ Patrum Aquisgranensium, quia Hieronymus Sacris Literis nititur, quasi Patres Aquisgranenses Sacris eisdem Literis adversentur. Oh præclaram *discordantium canonum concordiam!* Est quidem sententia Gallicanorum Antistitum communi omnium suffragio probata, cum dictum fuerit: *Ista omnes firmiter tenere volumus, & in perpetuum ab omnibus conservari optamus.* Est hæc sententia, ut diximus, in Concilio Troslejano confirmata, ad quod plures ex Episcopis convenerant; Nescio propterea, quomodo Gratiano id excidere potuerit, ut hoc plurimum Synodorum iudicium Sacris Literis contrarium esse sentiret. Ego sane, cui maxime cordi est, & esse debet, Sanctos Patres in Concilia legitime convenientes maxime venerari, ubi eorum sententias ita legero, ut adversariæ sententiis aliorum Patrum videantur, profiterer potius in extrema difficultate me illorum assequi non posse voluntatem ex tenuitate ingenii, quemadmodum me exemplo suo sapientissimo docet Augustinus in can. 5. dist. 9. Ceterum non erat valde difficile, Aquisgranensium apud Gratianum Episcoporum mentem sanius interpretari, salva Hieronymi sententia, & Sacris literis debito honore.

Itaque operæ pretium erit, tradere in primis juris principia, & originem, quod olim viguit, posteaque invaluit inter raptos, & raptas, deinde ad idem jus & Hieronymi, & Capitularium fragmen-

menta exigere. Quum in Matrimonii contrahendis non tantum contrahentium puellarum consensus requiratur, sed etiam consensus Parentum juxta regulas juris Romanorum apertissimas, quæ naturali honestati valde conveniunt, apud omnes excultas gentes reprobatus semper fuit puellarum raptus, sive invitis puellis iisdem fuerit factus, sive eisdem quidem consensu, sed repugnante Parentum voluntate. Rapiendum autem non semper eadem indicta fuit poena. Sacri quidem canones anathema raptoribus semper dixerunt, etiam sæculis Ecclesiæ antiquissimis can. 1. cau. 26. qu. 2. sed an conjugia hujusmodi consisterent, non explicarunt. Imperatores Justiniano antiquiores gravissimis quidem poenis coercuerunt puellarum raptos, sed nullibi hujusmodi matrimonium non consistere pronunciarunt, præsertim ubi raptum postea consensus accessisset; quemadmodum liquet ex lib. 9. tit. 24. Codicis Theodosiani. Primus Justinianus poenas raptus exasperavit, & quidem initio illorum, quicumque Deo dedicatas Virgines abduxissent; l. 54. Cod. de Episc. & Cleric. deinde generatim illorum, qui quascumque rapuissent etiam Deo non sacratas, l. un. Cod. de raptu Virginum; & quidem non tantum raptos Virginum, ac Viduarum omnes voluit capitali supplicio afficiendos, verum etiam facultatem omnem denegavit raptis, qua raptos suos aliquando in maritos exposcerent, §. 1. dictæ legis unicæ, Novella 143. & 150. videbatur enim hic puellæ consensus, aut desiderium extortus blanditiis raptoris, atque etiam hac facultate non denegata facile raptos induciantur ad raptum, rati se blanditus coraturos apud puellas, quas adamabant, ut aliquando consentirent, quemadmodum apud Romanos veteres jam contigit; fertur in raptu Sabinarum. Atque hæc Justiniani disciplina integra perduravit usque ad Gratiani tempora; neque enim Intermedio tempore recedere possumus aut generalem Principum legem, vel receptum Ecclesiæ canonem, ex quo quidpiam ex adverso deducatur. Prodiit tandem Gratianus, qui cum retulisset diversa fragmenta, (apud Veteres enim agnovit receptum, ut raptos possent aliquando raptis conjungi, deinde observavit apud Recentiores hanc facultatem raptoribus denegatam), statim proposita distinctione inter raptorem penitentem, & non penitentem raptus

est omnia veterum capita se conciliasse, quemadmodum tradit ad calcem canonis 7. & 11. cau. 36. qu. 2. atque eo progressa est Gratiani doctrina, ut sine discrimine postea recepta fuerit apud Collectores Decretalium cap. 7. de raptoribus, ex quo emerfit novum jus generale in tota ferme occidentali Ecclesiâ; donec moderamen acceperit in Concilio Tridentino sess. 24. cap. 6. de reform. Matrim.

Hicce per varias temporum series brevi digestis, atque præjactis, non erat sane cur improbaretur a Gratiano Doctrina, quam nomine Aquisgranensium Patrum descripserat in dicto can. 11., eo prætextu, quod Hieronymi sententiæ adversaretur, & Hieronymus Sacrarum Literarum auctoritati inniteretur. Florebat enim Hieronymus eo tempore, quo nondum prodierant Justiniani Constitutiones multo recentiores, quo propterea nondum erant omnino interdixæ nuptiæ inter raptorem, & raptam. Aquisgranenses autem Episcopi, aut quivis alii Auctores ejusdem canonis 11. proponantur, jamdiu agnoverant Imperiales leges usu assiduo receptas, quibus propterea morem gerere non dubitarunt. Non ergo Aquisgranenses Patres, aut quivis alii canonum Auctores Hieronymo adversantur, sed unusquisque juxta recepta suorum temporum jura disseveruerunt.

Atque ut hæc res penitus enucleetur, paucis expendam integram questionem 2. Gratiani; ipse enim plura ibidem capita adfert, non vetera tantum, sed & Justiniano recentiora, quibus distinctionem suam confirmare conatur. Quæritur initio, num raptor purgato (per poenitentiam arbitror ex iis, quæ inferius adjicit) rapinæ vitio, possit raptam uxorem sibi jungere. Ad hæc adfert in primis canonem 1. Chalcedonensem, sed parum adposite, cum nihil aliud in eo legatur, quam Clericos raptos deponendos esse, Laicos vero anathematizandos; de conjugio autem postea contrahendo, vel non contrahendo ne verbum quidem habeatur. Nihil amplius legitur in can. 2., qui nomine Symmachi Papæ inscribitur. Quod dicitur in can. 3. ex Constitutione Jovianiani Imperatoris, ad Sacras tantummodo Virgines pertinere, quarum conditio a conditione ceterarum in hac specie est omnino diversa. In can. 4. repetitur sententia Concilii Chalcedonensis.

in can. 1. relata de anathemate raptoribus infligendo, quod ipsum habetur in can. 5., & 6. His nihilominus putavit Gratianus se *evidenter* demonstrasse, raptorem non posse raptam sibi matrimonio jungere. Prolequitur autem his verbis: *vitia autem, cum per poenitentiam purgata fuerint, nomina eorum abolentur*; atque id ostendit ex can. 7., ubi nihil aliud habetur, quam illum apud Deum fallacem amplius non dici, qui per poenitentiam mendacii culpam delevit. Generalia hæc sunt, & quæ ad rem minime pertinere possunt. Exemplo esse potest crimen homicidii ab adultero, & adultera admissum matrimonii causa adversus maritum. Hujusmodi sane scelus ita punitur, ut perpetuo interdictum dicatur conjugium inter hujusmodi nuptiarum iustarum temeratores. Num hac in re etiam Gratianus similiter disseret, ut peracta poenitentia nomen homicidarum, & adulterorum deletum fuerit? Sed progreditur Gratianus, & adfert Hieronymi auctoritatem in can. 8.. An hic canon revera Hieronymi sit, non est hujus loci disquirere: Tantum hoc in loco animadvertam, adferri ibidem exemplum virginis violatæ, quæ matrimonio jungenda sit cum violatore, quod refertur ad præcepta legis veteris in Deuteronomio cap. 22. ibi: *Si inveneris vir puellam virginem, qua non habet sponsum, & apprehendens concubuit cum illa, & res ad iudicium venerit; dabit qui dormivit cum ea Patri puella quinquaginta scelos argenti, & habebit eam uxorem, quia humiliavit illam, non poterit dimittere eam cunctis diebus vita sua*. Itaque species hæc propositæ quæstioni minime convenit, cum aliud sit puellam rapere matrimonii causa, aliud puellæ pudicitiam stupro attentare; & revera ubi de raptu quærat, dubitatio erat apud Gratianum, utrum raptor raptam possit in uxorem habere; ubi de stupro sermo fiat, juxta Deuteronomii sententiam quæri posset, non utrum stuprator deffloratam virginem possit, sed an teneretur uxorem habere, quod Hieronymus, aut quisquis alius Auctor asserbat. Gratianus igitur, qui ad calcem can. 11. hanc Hieronymi, ut ait, sententiam, vult ideo Aquisgranensis Concilii Patribus prævalere, quod Sacris Literis nectatur, longe a proposito distat; nec Aquisgranenses Patres, aut Hieronymo, aut Sacris Literis adversa-

ri demonstrat, quod si demonstraret, etiam conaretur tradere non tantum posse, sed & omnino debere raptorem raptis puellis jungi, sive poenituerit eos flagitii, sive non, cum de obligatione ducendi in Deuteronomio constitutum fuerit, quin ulla poenitentiae subsequenti ratio habeatur. Quo vero pertinet can. 9. qui apud Ambrosium legitur in Apologia David cap. 8.? Singulares ille continet observationes, & ad exemplum minime pertrahendas. Totus erat ibi Sanctus Mediolanensis Antistes, ut Davidem defenderet ab accusationibus plurium, qui ejusdem adulterium reprehendebant, præsertim vero Davidis poenitentiam allegans, per quam illum omnem delicti sui maculam delevisse ipsæ etiam Sacræ literæ abunde testantur. Porro cum insigne Davidicæ poenitentiae argumentum adpareat in Psalmo 50., in hoc totus constitit Ambrosius, ut in eo perfectissimam, absolutamque poenitentiam demonstraret. Inter cetera, vel ex ipso numero Psalmi, qualis est quinquagesimus, luscit, asserens, quinquagesimum numerum perfectionem remissionis significare, quod & illustravit exemplo veteris anni Jubilæi, qui per singulos annos quinquaginta revolvebatur, item exemplo quinquaginta dierum Paschaliū, ex quibus ad maximum, & supremum Pentecostes gaudium devenitur; Post quæ ita subdidit Sanctus Doctor: *Denique & puella Pater illius, qua vim concubitus nulli desponsata pertulerit, quinquaginta didragmata argentea accipiet* (legit Gratianus: *quinquaginta drachmas argenteas* juxta vulgatum recentiorum Sacræ Scripturæ textum, cum Ambrosius versionem septuaginta interpretum sequutus fuisset, qualis eo tempore in usu erat) *ipsa autem in conjugio permanebit*. Itaque Ambrosius respexit hoc in loco laudatum caput 22. Deuteronomii, ut deduceret, perfectam paternæ injuriæ purgationem fieri per numerum quinquagesimum didrachmarum, eaque similitudine uteretur, ad defendendum Davidem, quod in Psalmo quinquagesimo maximæ poenitentiae signa ipse ostendisset. At quod exinde argumentum trahere possit Gratianus ad rem suam, facile unusquisque conjiciet. Demum Gratianus putavit distinctionem suam probari posse ex Concilio Meldensi, cuius fragmentum retulit in can. 10.; Verum ipsemet Gratianus jam agnovit

in eodem canone describendo, se sibi met ipsi contradicere, cum animadverterit ad calcem ejusdem canonis statutum fuisse in eodem Meldensi Concilio, ut ne post poenitentiam quidem raptori liceret raptam uxorem sibi sociare. Quamorem jure concludere poterimus, quam perperam Gratianus, qui nullam rationem, aut notitiam veteris novæque disciplinæ habere potuit, & utri-

usque discrimina intelligere, nonnulla & veterum, & recentiorum Patrum fragmenta ad eam expendendam quæstionem adduxerit, in qua fassus est expresse se a canonibus Conciliorum Meldensis, & Aquisgranensis, ut ipse ait, recessisse eo prætextu, quod vellet veterum Patrum sententiis, quas apprimè non expenderat, adhærere.

C A P U T XLVII.

De Concilio Cabilonensi.

Ex Concilio Cabilonensi Cabilone ad Ararim in Provincia Lugdunensi celebrato vulgo *Chalon* plura fragmenta retulit Gratianus, non quidem ex illo, quod celebratum fuit sub Canderico Lugdunensi Archiepiscopo anno 650., in quo viginti canones editi sunt, sed potius ex eo, quod Cabilonense secundum appellatur, & sunt, quæ sequuntur.

Ex Concilio
Cabilonensi II.

- Can. 8. dist. 81. falso adscriptus Concilio Moguntino.*
- Can. 3. dist. 94. fere consonat cum integris Concilii exemplaribus.*
- Can. 106. cau. 1. q. 1. ex integris Concilii exemplaribus sup-
plendus.*
- Can. 3. cau. 10. q. 1. idem est cum can. 38. cau. 16. q. 7.*
- Can. 7. cau. 10. q. 3. paullo emendandus ex integris Concilii
exemplaribus.*
- Can. 46. cau. 16. q. 1. falso adscriptus Concilio Moguntino.*
- Can. 38. cau. 16. q. 7. consonat cum vulgatis Concilii exem-
plaribus.*
- Can. 42. cau. 16. q. 7. falso adscriptus Concilio Moguntino.*
- Can. 5. cau. 20. q. 3. idem est cum can. 42. cau. 16. q. 7.*
- Can. 8. cau. 29. q. 2. ex receptis Longobardorum legibus ex-
plicandus.*
- Can. 4. cau. 30. q. 1. consonat cum vulgatis Concilii exem-
plaribus.*
- Can. 72. de conf. dist. 1. ex vulgatis Concilii exemplaribus
emendandus.*

Adjiciuntur.

- Can. 1. dist. 18. pertinet ad Concilium Bracarense anni 563.*
- Can. 43. cau. 16. q. 1. est potius Concilii Aquisgranensis, aut
Moguntini.*
- Can. 21. cau. 35. q. 2. emendandus ex canonibus Conciliorum
Moguntini, & Wormaciensis.*
- Can. 4. cau. 36. q. 2. pertinet ad Capitulare Aquisgranense
anni 816.*
- Can. 50. de conf. dist. 1. pertinet ad Capitulare Theodulphi
Aurelianensis.*

Celebratum est Concilium Cabilonen-
se 2. jussu Caroli Magni Imperato-
ris anno 813., ut enim maximum fuit
hujus Principis studium in consulendo
rebus Ecclesiasticis, frequentissimos cum

Episcopis, & Regni sui Proceribus con-
ventus habebat. Quam ob rem ipse eo-
dem anno 813. plura curavit, ut fie-
rent Concilia. Sunt, præter Cabilo-
nense memoratum, Concilium Mogun-
tinum,

tinum, Rhenenſe, Turonenſe, & Arc-
latenſe. In Synodo hac Cabilonenſi ſe-
xaginta ſex canones habentur, quorum
plures legimus apud Gratianum.

Can. 8. Huc refertur in primis can. 8. diſt.
diſt. 81.

81., quæ apud Gratianum nomine Mo-
guntini Concilii inſcribitur, quemad-
modum etiam Ivonem, & Burchardum,
apud quos forte Cabilonenſes, ac Mo-
guntini canones in eodem Codice deſcri-
pti eſſe poterant, quod eodem anno,
& in eiſdem Provinciis Gallicanorum,
& ſub eiſdem Imperatoris auſpiciis, ac
mandato editi eſſent. Habetur autem
in cap. 40., ubi conſtitutum eſt, Cleri-
cos a proprio gradu depoſitos Laicorum
more vivere non debere, ne ſcilicet pœ-
na adverſus illos inſiſta in diſſolutos
mores, atque intemperantiam detor-
queatur. Quamobrem jam illa ætate re-
ceptum fuiſſe adparet, quod & hodie
apud nonnullos viget, ut Clerici pœ-
nitentiæ cauſa vel in Monaſteriis in-
cluderentur, vel in Clericorum congre-
gationes reciperentur, apud quos ſcili-
cet regularis vita fervaretur, quales
erant ſæculo nono vel Cathedrales, vel
Collegiales Eccleſiæ, ad quas referen-
da ſunt illa verba, in *Monaſterio*,
aut *Canonicam regularem mittantur*,
quemadmodum habetur apud Gratia-
num, qui pauliſper immutavit verba
ipſa Concilii; nam in integris Concilii
exemplaribus ita potius legitur: in *Mo-
naſterio*, aut *canonico*, aut *regulari*
mittantur.

Can. 3.
diſt. 94.

Ad coercendam quorundam Archidia-
conorum avaritiam, qui Episcopi nomi-
ne luſtrantes univerſam Diœceſim, uti
mos erat, Parochis cenſus annuos im-
ponebant, & quidem graviffimos, edi-
tus eſt in hoc Cabilonenſi Concilio can.
15. relatus apud Gratianum in can. 3.
diſt. 94., ubi pro verbis illis: *conſum*
exigunt, legendum eſt: *cenſus exigunt*,
item pro illis, *juxta Apoſtoli ſenten-*
tiam legendum eſt: *juxta Petri Apoſtoli*
ſententiam, ut referantur ad Epistolam
1. S. Petri cap. 5., in qua hæc de Epi-
ſcopis leguntur: *Negus ut dominantes*
in Cleris, ſed forma ſervi gregis ex ani-
mo. Eadem etiam ratione in canon. 17.
ejuſdem Synodi Episcopis ipſis interdi-
ctum eſt, ne annuos cenſus a Sacerdo-
tibus ſuis exigent.

Can. 106.
cau. 1.
qu. 1.

In can. 16. ejusdem Concilii habetur
can. 106. cau. 1. qu. 1., ubi Gratianus
nonnulla omiſit, quæ ita ſupplere juva-
bit ex integris Concilii exemplaribus:

Tom. I,

Quidam fratres dixerunt conſuetudinis
antiqua fuiſſe in eorum Eccleſiis, ut pro
balsamo emendo ad Chriſma faciendum,
ſive pro luminaribus Eccleſia concinnan-
dis binos, vel quaternos denarios Pres-
byteri darent; unde omnes uno conſenſu
ſtatuiſmus, ut ſicut pro dedicandis Baſi-
licis &c. Hic ſequuntur, quæ legimus
apud Gratianum.

In can. 3. cau. 10. qu. 1. non verba Can. 3.
ipſa Concilii habentur, ſed potius ſen- cau. 10.
tentia, quam jam Ivo perſtrinxerat in qu. 1.
cap. 211. parte 3. ſui decreti ita ſcri-
bens: *Ex Cabilonenſi Concilio cap. 1. In*
Sancto Cabilonenſi Concilio decretum eſt,
ut omnes Eccleſia cum dotibus ſuis, &
decimis, & omnibus rebus ſuis in Episco-
pi proprii poſteſtate conſiſtant, atque ad
ordinationem ſuam ſemper pertineant.
Porro verba Concilii habentur in can.
42., quem retulit Gratianus in can. 38.
cau. 16. qu. 7. Ceterum non deſunt
quamplura ejusdem fere temporis Con-
cilia, in quibus eadem omnino conſtitu-
ta cernuntur, ut minime dubium adpa-
reat, hoc fragmentum Gallicanis noni
ſæculi Patribus maxime convenire. Me-
morabo inter cetera Concilium Turo-
nenſe 3. ejusdem anni 813. ubi can. 16.
hæc leguntur: *Ut decima, qua ſingulis*
dabuntur Eccleſiis, per conſulta Episco-
porum & Presbyteris ad uſum Eccleſia,
& pauperum ſumma diligentia diſpenſen-
tur. Item Concilium Moguntinum ejus-
dem anni 813., cujus nomine Gratia-
nus aliquando ipſos Cabilonenſes cano-
nes retulit, nam in eo ita legitur can.
8. *Ut Episcopi poſteſtatem habeant res Ec-*
cleſiaſticas providere, regere, gubernare,
atque diſpenſare ſecundum canonum au-
thoritatem volumus. Jungi his poſſet Con-
cilium Autelianenſe 1. can. 17., Capitu-
laria Francorum lib. 1. cap. 143., lib.
5. cap. 45., & cap. 182., & alibi paſſim.

Jam ſuperius obſervavimus ex can. 3.
diſt. 94. coercitam fuiſſe a Cabilonenſi-
bus Patribus quorundam Archidiaconorum
avaritiam, qui, ubi Diœceſim luſtra-
rent, a viris Eccleſiaſticis cenſus an-
nuos exigebant. Eandem ſollicitudinem
oſtenderunt Patres Cabilonenſes in com-
peſcenda quorundam Episcoporum, aut
Metropolitanorum tyrannide, quam
idemidem exercebant cum ſui ordinis
injuria. En canonem 14., qui a Gra-
tiano relatus eſt in can. 7. cau. 10. qu.
3. *Cavendum ſane eſt, ne cum Episcopi*
Parochias ſuas peragant, quandam non
ſolum erga ſubditos, ſed erga ſocios 19.

Can. 7.
can. 10.
qu. 3.

Aaa

ran-

rannidem exercent, ne (quod absit) cum charitate, sed quadam judiciaria invectione stipendia ab eis exigant. Observandum etiam modis omnibus, ut si quando Gr. Glossographi ad hunc canonem nomine subditorum Laicos, nomine sociorum Clericos intelligunt: non videtur contemnenda hæc interpretatio. Sed forte accommodum magis alicui esse poterit, si nomine subditorum intelligamus fideles omnes, sive Clericos, sive Laicos Episcoporum potestati & regimini commissos, at nomine fratrum intelligamus alios Coepiscopos, atque ita canonem hunc non de Episcopis tantam Diocesim suam, sed & de Metropolitans Provinciam suam lustrantibus editum fuisse dicemus.

Rursum Gratianus in can. 46. cau. 16. qu. 1. nomen inscripsit Concilii Moguntini, cum tamen ille canon pertineat ad can. 19. hujus Concilii Cabilonensis, qui ita legitur in vulgatis Concilii exemplaribus: *Quæsi sunt præterea quidam fratres, quod essent quidam Episcopi, & Abbates, qui decimas non sine- rent dari Ecclesiis, ubi illi coloni Missas audiunt; Proinde decrevit sacer iste Conventus, ut Episcopi, & Abbates de agris, & vineis, qua ad suum, vel fratrum stipendium habent decimas ad Ecclesias suas deferri faciant; familia vero eorum ibi dent decimas suas, ubi infantes eorum baptizantur, & ubi per totum anni circulum Missas audiunt. Mihi editio Gratiani emendatior videtur.*

In aliquibus Gratiani exemplaribus can. 38. cau. 16. qu. 7. depromptus dicitur ex Concilio Colonienſi II. cap. 42., at ibidem facile est agnoscere Typographorum erratum; etenim pro Concilio Colonienſi scribendum est: Cabilonense. Revera in dicto Cabilonenſi Concilio eadem omnino verba habentur cap. 42., quæ etiam relata sunt in additionem 3. Capitularium Francorum can. 64. in editione Parisiensi anni 1677.

Quod observavimus ad can. 8. dist. 81., & ad can. 46. cau. 16. qu. 1., id quoque evenit in can. 42. cau. 16. qu. 7., quem Gratianus ex Concilio Moguntino laudavit, licet potius laudandus fuisset ex Concilio Cabilonenſi, de quo agimus. Cum autem Gratianus idem paucis perstrinxerit, aut ab aliis perstrictam retulerit sententiam Cabilonenſis can. 7., eandem hic integram exhibebo, qualis in vulgatis Concilii exemplaribus habetur. *Constituit sano sacer*

iste Conventus, ut Episcopi, sive Abbates, qui non in fructum animarum, sed in avaritiam, & turpe lucrum inhiantes quolibet homines illectos circumveniendo aptuderunt, & res eorum tali persuasione non solum acceperunt, sed potius subripuerunt, paniscentia canonica, sive regulari, ut puta turpis lucri sectatores subjaceant. Hi vero, qui vanis promissionibus illecti, vel quibuslibet machinationibus persuasi mentis inopes effecti, rerum suarum Domini esse nescientes, commam deposuerunt, in eo, quod ceperunt, perseverare coguntur. Res namque, qua ab illectis, & negligentibus data, ab avaris, & cupidis non solum accepta, sed rapta noscuntur, heredibus reddantur, qui dementia parentum, & avaritia incensorum exheredati esse noscuntur. Si vero nescientibus Episcopis, aut Abbatibus ministrorum quilibet, videlicet in Clero, hoc fecisse convincuntur, Episcopi, & Abbates desidia, illi vero rapacitate, & avaritia judicentur. Hoc vero, quod quisque Deo juste, & rationabiliter de rebus suis offert, firmiter Ecclesia tenere debet. Eadem rursum Gratianus minus integra descripsit in can. 5. cau. 20. qu. 3., quem præterea falso inscripsit Concilio Moguntino.

In can. 30. ejusdem Concilii Cabilonensis legitur can. 8. cau. 29. qu. 2., cujus verba omnino consonant cum integris Concilii exemplaribus. Meretur tamen hæc definitio non injucundas observationes. Dicitur enim ibi matrimonia servorum a Dominis dissolvi non posse, dummodo tamen inter servos fuerit legalis conjunctio; & Dominorum voluntas acceſſerit. Quænam porro esse potest hæc legalis conjunctio, cum liquido constet Romanis legibus servorum conjugia nunquam fuisse probata? Prodeunt huc sequioris temporis Interpretes, atque velut e triponde pronunciant, hoc esse unum ex pluribus, quæ inter jus Civile, & jus Ecclesiasticum intercedunt, discriminibus, ut quæ servorum conjunctio legalis non dicitur jure Romano inspecto, talis appelletur Ecclesiasticis legibus, quas hac in re Romanis prævaluisse asserunt, arg. cap. 1. de conjugio servorum. Mihi nunquam placere potuerunt hujusmodi utriusque juris imagines, quibus unum alteri idemtidem adversari, & contradicere exhibeatur, præsertim cum apprimè noverim, post Christianos Imperatores jus Ecclesiasticum eorundem Imperato-

ratorum legibus fuiſſe firmatum, & inter ipſos civilium legum Codices productum, ac promulgatum, quemadmodum patet ex pluribus Conſtitutionibus, quæ in duodecim libris Codicis Juſtiniani habentur, ut omittam Codicem Theodoſianum, & ex Novellis ejuſdem Juſtiniani; quod ſi ad poſteriora tempora deſcenderimus, video in Conciliis Hiſpanorum ut plurimum Principes ipſos civilium legum conditores edendis ſacris Canonibus auctoritatem ſuam impertiſſe; idipſum deinde præſtiterunt Imperatores Francici, quemadmodum frequentiffime ex huc uſque dictis agnoſcimus, ut omnino inveroſimile videatur, eoſdem Principes, qui hinc civiles leges edebant, alias Eccleſiaſticis legibus in publicis Episcoporum Comitiis ferendis intererant, ſibi metiſſis fuiſſe adverſatos. Cum itaque potius *sacrorum ſtatuta canonum*, *Principum conſtitutionibus adjuvantur*, ut ſcribit Lucius III. in cap. 1. de novi operis nunciatione, jure dixerō in hiſce ſervorum conjugiiſ nunquam ſacros canones aliam, & diverſam diſciplinam ſequutos fuiſſe ab ea, quam ipſæmet Romanorum leges exigent. Etenim ex iis, quæ civili Romanorum jure conſtituta fuerunt, aut prohibita, alia ita conſtituta ſunt, ut omnino probarentur, atque omnes ejusdem juris effectus obtinerent; alia e converſo ita prohibita, ut damnarentur, & aliquando etiam graviſſimis poenis coercerentur: alia demum nec omnino probata, nec omnino reſecta, ſed in mera naturalis juris ſimplicitate reſecta ſunt, ut ſalva in eiſdem eſſe debeat naturalis honeſtas, & fides ſine juris poſitivi privilegio. Romani veteres ſingulari quodam jure gaudentes, quo ab aliis gentibus ſecernerentur, quaſdam induxerunt in ſuis actibus ſolemnitates, ſine quibus actus non legitimus eſſet, etiamſi alias honeſtus, atque ex naturali æquitate conſiſteret, nec legi adverſaretur. Hæc omnia facile agnoſcimus in diverſis paſſionum qualitatibus; alias enim paſſiones contraſtum nomine appellari voluerunt, eaſque actionibus peculiaribus conceſſis ad effectum perducere; alias bonis moribus adverſantes omnino damnarunt; alias nudas & ſimplices dixerunt, denegatis actionibus, ſed agnita in ipſis quadam obligatione naturali, quæ ſi non ſervaretur, ſalva omnino fides, & honeſtas minime videbatur. Atque ut a

propoſita conjugiorum materie non diſcedam, erant apud Romanos conjugia omnino juſta, ea videlicet, quæ juxta ſolemnitates omnes juris celebrabantur, alia prorsus irrita, quæ ſcilicet inter conſanguineos contrahebantur; alia demum quæ conſiſtebant intra limites naturalis honeſtatis, & quidem tanquam conjugia a Romanis habebantur, licet omnes juris effectus non haberent, quemadmodum contingebat in nuptiis Virorum Clariffimorum, qui ignobilem uxorem duxiſſent; aut, quemadmodum Eruditiffimis Viris placet, in nuptiis filiorum familias ſine conſenſu patris contractis, in quibus non legitima quidem, ſed tamen juſta uxor appellabatur, in qua & adulterii crimen admiſſum veris adulterii poenis coerceretur. Itaque etiamſi apud Romanos veteres inter ſervos conjugia omnino probata non fuerint, non tamen erant prohibita, ſed alio, non quidem prorsus legitimo, honeſto tamen contubernii nomine appellabantur, quo ſignificaretur, virum & uxorem non ſacrorum, & familiæ, quæ ſolis Romanis Civibus erant conceſſa, ſed domus communionem habere. Quæ ſi vera ſunt, etiam ſalvis Civilis Juris regulis apud viros Eccleſiaſticos conjugia ſervorum poterant haberi tanquam vera conjugia, quæ ad Sacramenti rationem elevarentur; cum Sacramentum a Chriſto Domino inſtitutum fuerit non peculiariter in matrimonio juxta omnes Romanorum leges celebrato, ſed in matrimonio, quod legibus minime improbareretur, ſeu in quo ſervaretur honeſtas naturalis ex legum præſcripto; eadem ferme ratione, quæ juſjurandum, quod ad religionem pertinet, irritum prorsus habetur, ſi inhonellæ paſſioni adjectum fuerit, & prorsus a legibus improbatæ, firmat tamen paſſiones, quæ, licet legitimis actionibus deſtituantur, naturalem tamen obligationem pariunt, & nudæ, ſeu ſimplices appellantur.

Ut vero propius ad Cabilonenſem canonem adcedam, qui non juxta vetera Romanorum principia, ſed juxta leges noni ſæculi interpretandus erit, obſervandum eſt, in propoſita conjugiorum a ſervis contraſtorum materie ex Longobardorum moribus invaluiſſe, ut firma rataque haberentur, & prorsus indiſſolubilia ſervorum ancillarumque conjugia; dummodo conſentientibus dominis celebrata proponerentur. Hinc conjugia

isthæc quamdam formam Longobardorum legibus acceperunt, unde & legitima appellari potuerunt. Porro de his est titulus 12. libri 2. legum Longobardorum, atque inter ceteras constitutiones hæc legitur num. 17. " Ut conjugia servorum, rum non dirimantur, si servi Domini, nos habuerint, sed in uno conjugio, servi permanentes Dominis suis servant, sicut tamen, ut ipsum conjugium legale sit, & per voluntatem Dominorum suorum juxta Evangelium: quod Deus conjunxit, homo non separet. En igitur & in hac lege sermonem fieri de conjugio legali, & per voluntatem Dominorum contracto, quæ sane significant apud Longobardos, quorum mores nono sæculo receptissimi erant, conjugia servorum legalia, seu legitima appellata fuisse, quoties Dominorum consensus accessisset; quamquam tamen si Dominorum voluntas ab initio desideraretur, adhuc consisterent intra fines naturalis honestatis, licet non omnino legibus probata; hinc in lege 10. eodem titulo consensus Dominorum in conjugis servorum appellatur *convenientia*, quod sane nomen non proprie necessitatem inducit, ut actus consisteret, sed meram legalem solemnitatem, & ibidem statuitur eum, qui fornicatus fuerit cum ancilla servo nupta, etiam sine Domini voluntate, adulterii reum esse. Habemus ergo perspicuam Cabilonenfis canonis sententiam, qua definitum est, neminem amplius posse dissolvere conjugia servorum legitima, quibus scilicet accessit Dominorum consensus. Quid vero si ageretur de conjugio servorum, cui Domini non consenserint. Nihil hac in specie peculiariter statuunt Cabilonenses Patres; sed, si argumentum a contrario, ut vocant, sensu quidpiam hic valere potest, concludendum videretur, ea conjugia dissolvi posse ex mente Concilii Cabilonenfis. Non improbaverim ego hujusmodi doctrinam, quoties ita intelligamus, ut Domini possint quidem illorum conjugia dirimere quoad certos effectus, ubi scilicet aliquid juri dominico detraheretur; non vero quoad ipsum matrimonii vinculum, quod etiam in naturali quodam jure consistit, & Divinis institutionibus, ac Sacramentali benedictione confirmatur.

Can. 4. De Can. 4. cau. 30. qu. 1. nihil est, cau. 30. quod specialiter differam. Habetur ille eisdem verbis in can. 3. ejusdem Concilii Cabilonenfis.

Adversus recentiores hæreticos plurimum facit can. 72. de consecr. dist. 1. quo facile ostenditur, iustas fidelium animas corporibus exutas pœnis purgatorii expiari, quoties non Deo legitimis pœnitentiis junctæ corpori satisfecissent; in eo enim capite non tantum id definitum habemus, sed & antiquissimæ Sanctorum Patrum traditioni accepto fertur. Integra hic describam verba Cabilonenfis canonis 39. cum Gratianus ab illis aliquantisper recesserit. " Visum præterea nobis est, ut in omnibus Missarum solemnitatibus pro defunctorum spiritibus loco competenti Dominus deprecetur. Sicut enim nulla dies excipitur, qua non pro quibuslibet necessitatibus Dominus deprecetur, ita nimirum nulla dies excipi debet, quin pro animabus fidelium preces Domino in Missarum solemnibus fundantur. Antiquitus hunc morem igitur Sancta Ecclesia tenet, ut & in Missarum solemnitatibus, & in aliis precibus Domino Spiritus quiescentium commendat, dicente B. Augustino: non sunt prætermittendæ supplicationes pro Spiritu mortuorum, quas faciendas pro omnibus in Christiana, & Catholica societate defunctis, etiam tacitis nominibus eorum sub generali commemoratione suscepit Ecclesia, ut quibus ad illa defuncti parentes, aut filii, aut quicumque cognati, vel amici, ab una eis exhibeatur pia matre communi.

His observavimus Canones Concilii Cabilonenfis II. Super sunt adhuc aliquot fragmenta a Gratiano adscripta Concilio Cabilonenfi, quæ tamen in nullo hujusmodi Concilio ex editis reperiuntur, ad alios autem potius auctores pertinere noscuntur. Ex his est Canon 1. dist. 18. qui referendus est ad Concilium Bracarense anni circiter 563. in quo post capita 17. fidem spectantia, subiecta sunt alia ad reformationem disciplinæ pertinentia, atque inter hæc numero 6. ita legitur: *Item placuit, ut conservato Metropolitanis Episcopis Primatu ceteri Episcoporum secundum suam ordinationis tempus alius alio sedendi deferat locum.* Huic constitutioni consonant plures aliorum Conciliorum Canones. Etenim in Concilio Carthaginensi anni 402. similis omnino sententia legitur, relata in Codicem canonum Ecclesiæ Africanæ num. 86. ibi: *Illud scimus inviolate semper man-*

Can. 42. de consecr. dist. 1.

Can. 1. dist. 18.

filia

*ſiſſe Eccleſiaſticam diſciplinam, ita ut nul-
lus fratrum Prioribus ſuis ſe aliquando
auderet antepone- re, ſed officiis charitatis
id ſemper exhibitum eſt Prioribus, quod
ab inſequentibus gratanter ſemper accipe-
retur..... Communis hac cauſa eſt.....
ut unusquisque noſtrum ordinem ſibi de-
cretum a Deo cognoſcat, & poſteriores an-
terioribus deferant, nec eis inconſultis
aliquid agere praſumant.... Univerſi E-
piſcopi dixerunt: hic ordo & a Patribus,
& a majoribus ſervatus eſt, & a nobis
Deo propitio ſervabitur, ſalvo etiam iure
Primatus Numidia, & Mauritania. Item
in Concilio Toletano IV. canone 3. ubi
ſermo eſt de Provinciali Concilio, ita
legitur: Epifcopi ſecundum ordinationis
ſua tempora reſideant. Eadem habentur
apud Gregorium Magnum in Epif. 114.
ad Siagrium lib. 7. ibi: Epifcopos ſecun-
dum ordinationis ſua tempus, ſive ad con-
ſidendum in Concilio, ſive ad ſubſcriben-
dum, vel in qualibet alia re ſua atten-
dere loca decernimus, & ſuorum ſibi pra-
rogativam ordinum vindicare. Conſonat
praeterea S. Auguſtinus in Epif. ad Vi-
ſtorium, & Hincmarus Epif. 6. cap. 16.
ibi: Inter Epifcopos hac conditio regularis
ſervatur, ut qui prius fuerit ordinatus,
prior habeatur. Qua de cauſa dictum
fragmentum Gratiani Cabilonenſi Con-
cilio inſcriptum fuerit, prorsus ignoro,
niſi forte ſuſpicari liceat, apud Colle-
tores ad marginem adſcriptum olim fuiſ-
ſe nomen Concilii Carthagenſis, ut re-
ferretur ad ſententiam dicti Canonis Car-
thagenſis ſupra deſcripti; Amanuenſes
autem pro Carthagenſi Concilio ex vo-
cum ſimilitudine deceptos Cabilonenſe le-
giſſe, eoque nomine canonem literis de-
ſignaffe.*

*Can. 43. Canon 43. cau. 16. qu. 1. apud Gra-
cau. 16. tianum tribuitur Concilio Cabilonenſi,
qu. 1. apud Ivonem Concilio Meldenſi his ver-
bis: Ut Eccleſia antiquitus conſtructa nec
decimis, nec ulla poſſeſſione priventur, ita
ut novis Oratoriis tribuantur. At neque
Ivo, neque Gratianus auctorem germa-
num canonis indicaverunt. Habetur ille in
Capitulari Aquifgranenſi anni 819. num.
19. eiſdem verbis, quae leguntur apud
Gratianum, ideo autem forte ex Con-
cilio Cabilonenſi laudatus, quia Aquif-
granenſis conventus eodem anno habitus
fuerit, quo Concilium Cabilonenſe, &
ſimul in eodem Codice jungi potuerint
& Aquifgranenſes, & Cabilonenſes ca-
nones, ut alii pro aliis facile acciperen-
tur. Relatum eſt idem fragmentum in*

lib. 2. Capitularium cap. 36. librum 5.
cap. 157. legitur praeterea in Concilio
Arelatenſi VI. anni 813. can. 20. & in
Concilio Moguntino eiſdem anni can.
41. atque hinc etiam fieri potuit, ut
Gratianus Cabilonenſe pro Moguntino
Concilio adſcripſerit, quemadmodum alias
egit in can. 8. diſt. 81. can. 46. cau. 16.
qu. 1. & in can. 5. cau. 20. qu. 3. niſi
forte ſuſpicari quiſpiam velit, ideo a
Gratiano memoratum ibidem fuiſſe Con-
cilium Cabilonenſe, ut indicaretur in
eo nonnulla ſimilia conſtituta fuiſſe, vi-
delicet in can. 2. qui idem eſt cum can.
46. cau. 16. qu. 1. Qualicumque autem
Concilio tribuatur huiusmodi ſententia,
illud certum eſt, eam cum diſciplina
Gallicanae Eccleſiae ſeculo mono pluries
confirmata congruere.

Can. 21. cau. 35. qu. 2. refertur apud
Gratianum nomine Concilii Cabilonenſis, Can. 21.
cau. 35.
qu. 2.
in quo tamen nihil aliud habetur de
gradibus cognationum, niſi generatim ob-
ſervandum eſſe, quod jam de illis in
aliis Conciliis conſtitutum fuerat. Hinc
in can. 28. Concilii Cabilonenſis II. haec
leguntur: Interrogaverunt nos quidam de
adſinitate propinquitatum, & in quibus
gradibus matrimonia jungenda ſint; qui-
bus ad canones currere praecipimus, & quod
in eis continetur, hoc ab eis in negotio,
ſicut in ceteris, obſervari debere. Cabi-
lonenſes autem Patres, ut arbitror, re-
ſpexerunt ad id, quod pridem ipſi con-
ſtituerant eodem anno in Concilio Mo-
guntino, in quo canone 54. haec ſtatuta
ſunt: Contradicimus quoque, ut in quar-
ta generatione nullus amplius conjugio co-
puletur, ubi autem poſt interdictum fa-
ctum inventum fuerit, ſeparetur. Hic ſa-
ne idem eſt cum dicto canone 21. Gra-
tiano, quem, licet Cabilonenſi Con-
cilio tributum, melius Moguntino adſcri-
bemus. Depravata autem fuit a Gratia-
no editio canonis in illis verbis: in quar-
ta, vel in quinta, ſextaque generatio-
ne; etenim Concilium Moguntinum in
quarta tantummodo generatione matri-
monia contrahi interdixerat; nec, ſi in
ſexta generatione interdicens putave-
rat, opus erat expreſſe in quarta, &
quinta, uti apud Gratianum ſcribitur,
prohibere. Hanc praeterea Gratiani le-
ctionem improbat Concilium Vorma-
cienſe anni 868. in quo etiam eadem ſen-
tentia habetur in can. 78. his verbis:
„ Contradicimus quoque, ut in quarta
„ generatione nullus amplius conjugio
„ copuletur; ubi autem poſt interdictum
fa-

„factum inventum fuerit separetur“. Nulla sane ibi mentio fit quintæ; vel sextæ generationis. Videotamen, undenam profecta fuerit Moguntini canonis immutatio; videlicet a Benedicto Levita Capitularium Francorum Collectore, qui relaturus inter Capitularia lib. hodie 5. cap. 166. eundem canonem Moguntinum, alias vero agnoscens non eandem in omnibus Provinciis servatam fuisse graduum disciplinam, ita Canonem scripsit: „Contradicimus quoque, ut in quarta, vel quinta, sextaque generatione nullus amplius conjugio copuletur. Ubi autem post interdictum factum inventum fuerit, separentur“.

Can. 4. Canon 4. cau. 36. qu. 2. falso adscri-
can. 36. ptus fuit a Gratiano Concilio Cabilo-
qu. 2. nensi. Potius laudandus erat ex Capitulari Ludovici Pii in Aquisgranensi Palatio edito anno 816. in quo hæc habentur. can. 23. „De puellis raptis, nec dum desponsatis ita in Concilio Chalcedonensi, ubi DCXXX. Patres adfuerunt, cap. 38. habetur: Eos, qui rapiunt puellas sub nomine simul habitandi, cooperantes, & conhibentes, raptoribus, decrevit Sancta Synodus, si quidem Clerici sunt, decendant gradum proprio, si vero Laici, anathematizentur. Quibus verbis aperte datur intelligi, qualiter hujus mali Auctores, damnandi sunt, quando participes, & conhibentes tanto anathema-

te feriuntur, & quod juxta canonem, eam auctoritatem ad conjugia legitima raptas sibi jure vindicare nullatenus possunt“. Hæc verba eadem prope modum sunt cum Gratiani. Atque eundem canonem retulit Ansegisus in lib. 1. Capitularium cap. 98. & Benedictus Levita in lib. 7. cap. 183. editionis Parisiensis anni 1677. Confirmarunt eandem sententiam Patres Concilii Troslejanani anni 909. in can. 8. & Patres Concilii VVormaciensis anni 868. in Canone 77.

Canon 50. de cons. dist. 1. falso adscriptus est Concilio Cabilonensi, & potius referendus est ad Capitulare Theodulphi Aurelianensis edito primum a Baronio, deinde vero a Sismondo, a quo tributum est anno 797. ibi autem can. 38. hæc leguntur: „Solent plures, qui se jejunare putant, mox ut signum audiunt, ad nonam manducare, qui nullatenus jejunare credendi sunt, si ante manducaverint, quam vespertinum celebretur officium; concurrent enim ad Missas, & auditis Missarum solemnibus, sive vespereinis officiis, largitis elemosynis, ad cibum accedendum est. Si vero aliquis necessitate contritus fuerit, ut ad Missam convenire non valeat, æstimate vespertina hora, completa oratione sua, jejunium absolvere debet“.

Can. 50.
de cons.
dist. 1.

C. A. P. U. L. XLVIII.

De Concilio Turonensi.

Concilio Turonensi duo hæc fragmenta tribuuntur apud Gratianum.

{ Can. 22. can. 23. qu. 5. ex integris Concilii exemplaribus emendandus.
Can. 11. dist. 18. forte pertinet ad Capitulare Aquisgranense anni 789.

PLura apud Conciliorum Collectores memorantur Concilia Turonensia, ita dicta ab oppido Galliæ, quod alii Turonem, alii Turonicam, alii a S. Martino Turonensi Martinopolim appellant. Hoc tamen in loco non aliud laudandum occurrit, quam quod vulgo tertium dicitur, celebratumque est anno 813. sub Carolo Magno Imperatore eodem tempore, quo diximus celebratum esse Concilium Cabilonense, & Moguntinum; etenim tum cum in Turonem convenissent & Episcopi numero plures,

& Abbates, & universi Clerici, quæ emendatione digna videbatur in disciplina Ecclesiastica quinquaginta & uno capitibus complexi sunt, eademque Carolo Magno exhibuerunt confirmanda, ita scribentes: *Hæc nos in conventu nostro ita ventilavimus, sed quomodo deinceps Pissimo Principi nostro de his agendum placebit, nos fideles ejus famuli libenti animo ad nutum, & voluntatem ejus parati sumus.* Inter hæc capita, quæ Imperatori proposita fuerunt, num. 41. habetur can. 22. cau. 23. qu. 5. qui ita restituendus

Can. 22.
can. 23.
qu. 5.

erit qu. 5.

erit ex integris Concilii exemplaribus : *Incestuosi, Parricida, homicida multi apud nos, heu pro dolor! reperiuntur: sed aliqui ex iis Sacerdotum nolunt admonitionibus aurem accommodare, volentes in pristinis perdurare criminibus, quos oportet per secularis potentia disciplinam a tam prava consuetudine coerceri, qui per salutaris Sacerdotum monita voluerunt revocari; quorum aliquos jam excommunicavimus. Sed illi hoc parvipendentes in eisdem perdurarunt criminibus. Quamobrem vestra decernat mansuetudo, quid de talibus deinceps agendum sit.* Hic can. integer relatus est ab Ansegiso inter Capitularia Francorum lib. 1. cap. 43. quod sane indicio est, illum fuisse omnino probatum, confirmatumque. Clarius autem in lib. 6. Capitularium cap. 71. & apud Isaacum Lingonensem tit. 4. cap. 5. legitur: *De incestuosis, & parricidis, ut canonicè coercantur, sicut de illo iudicatum est, qui matertera sua filiam stupravit, ut conjugium ultra non repetat, & militia cingulum derelinquat, & aut Monasterium petat, aut si foris remanere voluerit, tempora poenitentia secundum canones planiter exsolvat.* Porro Turonensem can. valde perstrictum primus descripsit Burchardus, adimens ea, quæ ad Caroli Imperatoris confirmationem referebantur, veritus, ne Germanos offenderet, apud quos scribebat, si forte quidpiam attingeret, quod quoquo modo ad veterum Francorum Capitularia pertineret. Ex Burchardo mutilatum fragmentum Ivo retulit, & de mum ex Ivone Gratianus.

Duobus in locis tanquam ex Turonensi Concilio hæc verba describit Gratianus: *Episcopus non debet Abbatem cogere ad Synodum ire, nisi aliqua rationabilis causa existat; videlicet in can. 11. dist. 18. & post can. ultimum cau. 18. q. 2.* Sequutus est Gratianus Burchardum, & Ivonem, qui eadem laudant ex cap. 11. Concilii Turonensis. In omnibus Conciliis Turonensibus, quæ huc usque edita sunt, hoc fragmentum desideratur, imo in Concilio Turonensi II. anni 567. statuitur, omnes ad Episcoporum Concilia vocato convenire debere *sine cuiuslibet excusatione persona, & nullius occasione velaminis.* Dicam in hac recandide, quod sentio. Duplicem iste can. interpretationem habet. Primum ita intelligi commode potest, ut Abbas non deberet cogi accedere ad Synodum sine iusta causa, ne a solitudine

invitaretur ad Civitates, neve in rebus Ecclesiasticis pertractandis curam gerere teneretur, cuius conditio erat in recessu latere, & orando Monachos instruere, verbo, & exemplo; atque hac ratione non dubitaverim cum disciplina 6. sæculi, & sequentium convenire dictum canonem; etenim tum nihil magis, aut pressius Episcopis indictum est, quam ne Monachos, aut eorum Abbates a solitaria vita revocarent, quemadmodum ex plurimis Gregorii Magni Epistolis luculenter eruitur; imo si hæc vera sunt, suspicor originem ejusdem canonis profectam fuisse ex Capitulari Aquilgrauensi Caroli Magni anni 789. in quo hæc leguntur cap. 23. *Monachos vero, qui sunt per singulas Civitates, & Provincias, Episcopis subditos esse, & quietem diligere, & jejuniis esse intentos, & orationibus, & in illis locis observare, in quibus saculo renunciasse videntur. Nequaquam autem Ecclesiasticis, vel secularibus rebus commiscere, nec importunitatem inferre, desertis propriis Monasteriis, nisi forte quasi fuerint propter causam necessariam a Civitatis Episcopo.* Postrema hujus canonis verba plurimum consonant cum Gratiani fragmento; quamobrem forte Burchardus ejusdem Aquilgrauensis Capitularis sententiam, uti alias præstitit, paucis perstrinxit, ediditque nomine Concilii Turonensis, ut a nomine Capitularium more suo abstineret. Burchardum vero sequuti facile fuerunt Ivo, & Gratianus. Altera canonis interpretatio esse potest, qua asseratur, jam tum Monachos, & præsertim Monachorum Præfectos, sive Abbates fuisse a potestate Episcoporum exemptos ita, ut nec vocati ad Concilia pergere tenerentur; atque in hac specie nemo poterit can. hunc tanquam genuinum agnoscere, nisi qui ignoravit tempora, ex quibus Monachorum privilegia, & exemptiones initium habuerunt, idemque simul ignoraverit undecimo, & duodecimo sæculo plura Monachos ipsos confixisse quasi veterum monumenta, ut tandem Episcoporum potestatem excuterent; verum hæc commodius, & fufius alibi. Tantum hic adferam fragmentum Concilii Aurelianensis I. anni 511. in can. 19. ibi: *Abbatem pro humilitate religionis in Episcoporum potestate consistent..... qui semel in anno in loco, uti Episcopus elegerit, accepta vocatione conveniant.*

Can. 11.
dist. 18.

C A P U T XLIX.

De Conciliis Moguntinis.

Plura sunt apud Gratianum fragmenta, quæ ipse nomine Concilii Moguntini laudavit. Verum siue Gratianus, siue Gratiano anteriores Collectores Ivo, & Burchardus nomine Concilii Moguntini usi persæpe fuerunt etiam in describendis aliorum Conciliorum canonibus, quemadmodum superius jam animadverti in cap. 47. ubi de Concilio Cabilonenſi. In quatuor itaque classes distributa exhibebo Gratiani fragmenta, quæ Moguntino Concilia tribuuntur; illa in primis, quæ ex Concilio Cabilonenſi II. exceperat; at de istis hic nihil deinde subjiciam, cum suo loco exposita fuerint; secundo capita Concilii Moguntini anni 813. tertio capita alterius Moguntini Concilii anni 847. demum illa, quæ ex variis auctoribus deprompta fuerunt, & Moguntinorum Conciliorum nomine inscripta.

- | | | | | |
|-------------------------------------|---|--|---|---|
| Canones Moguntino Concilio tributi. | { | Can. 8. dist. 81.
Can. 46. cau. 16. qu. 1.
Can. 42. cau. 16. qu. 7.
Can. 5. cau. 20. qu. 3. | } | potius pertinent ad Concilium Cabilonenſe II. anni 813. |
| Ex Moguntino Concilio anni 813. | { | Can. 2. dist. 76. ex integris Concilii exemplaribus supplendus.
Can. 18. cau. 13. qu. 2. ex aliis Codicibus emendandus.
Can. 37. cau. 16. qu. 7. in pluribus Capitularium locis confirmatus.
Can. 37. de conf. dist. 1. fere consonat cum vulgatis Concilii exemplaribus. | } | |
| Ex Moguntino Concilio anni 847. | { | Can. 30. cau. 13. qu. 2. consonat præterea cum Concilio Wormaciensi anni 868.
Can. 24. cau. 17. qu. 4. varius in diversis exemplaribus.
Can. 8. cau. 18. qu. 2. ex ipsius Concilii exemplaribus emendandus. | } | |
| Adjiciuntur. | { | Can. 7. cau. 2. qu. 7. videtur Ecclesiastica 9. & 10. sæculi disciplina adversari.
Can. 65. cau. 11. qu. 3. pertinet ad Concilium Toletanum IV. anni 633.
Can. 42. cau. 16. qu. 1. pertinet ad Concilium apud Confluentiam anni 922.
Can. 7. cau. 16. qu. 6. conformis est discipline mediæ temporis.
Can. 6. cau. 16. qu. 7. consonat vulgata noni & decimi sæculi doctrina.
Can. 7. cau. 16. qu. 7. pertinet ad Capitulare Ludovici Pii anni 829.
Can. 5. cau. 30. qu. 1. referendus ad Rhabanum in Epist. ad Heribaldum.
Can. 20. cau. 32. qu. 7. consonat Conciliis Moguntinis anni 813. & anni 847.
Can. 21. cau. 32. qu. 7. pertinet ad Concilium Vermeriense anni 752.
Can. 102. de conf. dist. 4. pertinet ad Concilium Parisiense 6. anni 829. | } | |

De Concilio Moguntino anni 813.

Celebratissimum est inter Concilia Moguntina, ita dicta a Moguntia Civitate Germaniæ, illud, quod celebratum fuit tempore Caroli Magni sub Richolpho Archiepiscopo anno 813. ubi eodem Imperatore Patrocinante sex supra quinquaginta Ecclesiasticæ disciplinæ capita constituta sunt, eidemque, ut confirmarentur, exhibita, quemadmodum dicitur in Epistola synodica ad eundem missa a Patribus ejusdem Concilii, quæ hodie ipsius Concilii actis præfixa est. Num ea omnia a Carolo Magno revera confirmata fuerint, nihil certi adparet. De istis canonibus, qui apud Gratianum referuntur, quoad fieri poterit, investigabimus.

Can. 2. Et primum quod attinet ad canonem
dist. 96. 2. dist. 76. is habetur in can. 34. ejusdem Concilii his verbis: "Constituimus,

"ut quatuor tempora anni ab omnibus
"cum jejuniis observentur, idest in men-
"se Martio hebdomada prima, & fe-
"ria quarta, & sexta, & Sabbato ve-
"niant omnes ad Ecclesiam hora nona
"cum litanis ad Missarum solemnias.
"Similiter in mense Junio hebdomada
"secunda, feria quarta, & sexta, &
"Sabbato jejunetur usque ad horam no-
"nam, & a carne ab omnibus abstine-
"tur. Similiter in Mense Septembrio
"hebdomada tertia, & in mense De-
"cembrio hebdomada, quæ fuerit ple-
"na ante vigiliam Natalis Domini, si-
"cut est in Romana Ecclesia traditum.
Ex his emendare, ac supplere juvabit
Gratiani fragmentum, paucis, & veluti
compendio verborum perstrictum. Cum
autem eadem verba relata fuerint a Be-
nedicto Levita inter Capitularia lib. 5.
cap. 151. juxta editionem Parisiensem
anni 1677. facile conicere possumus,
can. hunc usum fuisse receptum.

Can. 18. Canon 18. cau. 13. qu. 2. legitur in
cau. 13. can. 52. ejusdem Concilii, ubi, si fides
qu. 2. est vulgatis Concilii exemplaribus habenda,
pro illis verbis *intra Ecclesiam* le-

gitur, *infra Ecclesiam*; quod idem signi-
ficat, ac prope Ecclesiam, idest in atrio,
vel in porticu Ecclesiæ, quemadmodum
in more fuisse illis temporibus ex aliis
Conciliorum monumentis facile ostendi
posset. Qualicumque vero lectio reci-
piatur, illud certum est, hunc integrum
can. non fuisse probatum generaliter:
etenim eodem anno 813. quo Episcopi

Tom. I.

Regia etiam auctoritate freti plurimæ
constituerant, ad eorum confirmationem
celebratum est Capitulare editum in 1.
tomo Capitularium Parisiensis editionis
anni 1677. pag. mihi 501. ubi numero
20. hæc leguntur: *Ut mortui non sepe-
liantur in Ecclesia, nisi Episcopi, vel Ab-
bates, vel fideles, & boni Presbyteri.* Nul-
lus itaque ibi sermo est de fidelibus Lai-
cis, imo nec de Clericis, aut Ministris
Presbytero inferioribus, quos omnes ex-
tra Ecclesiam, non in Ecclesia, tumu-
lari licebat. Fateor tamen deinde, cum
Collectores canonum Moguntinum can-
retulerint, & Capitulare non amplius
attenderint, facile receptum fuisse, ut,
præter Abbates, & Presbyteros, etiam
fideles Laici in Ecclesiis sepelirentur,
præsertim vero post Decretum Gratia-
ni, cujus capita sæculo 12. tanquam fons
& exemplar disciplinæ optimæ, ac pro-
batissimæ observabantur.

Canon 37. cau. 16. qu. 7. habetur eis-
dem omnino verbis in can. 29. Concilii
ejusdem Moguntini: & quidem Impera-
toris auctoritate accedente confirmatus
est; etenim in superius memorato Capi-
tulari anni 813. ita legitur: *Ut Laici
Presbyteros non ejiciant de Ecclesiis, nec
alios mittere presumant.* Similis quoque
sententia relata est ab Ansegiso in lib.
1. Capitularium cap. 84. his verbis: *Sta-
tutum est, ut sine auctoritate, vel con-
sensu Episcoporum Presbyteri in quibusli-
bet Ecclesiis nec constituantur, nec expel-
lantur. Et si Laici Clericos probabilis vi-
ta, & doctrina Episcopis consecrandos,
suisque in Ecclesiis constituendos obtule-
rint, nulla qualibet occasione eos rejiciant.*
Et rursum relata sunt apud Benedictum
Levitam in lib. 5. cap. 87. cum quo
etiam conferri posset caput 98. cum a-
liis similibus permultis.

Canon 37. de cons. dist. 1. legitur in
can. 31. Concilii Moguntini his verbis: *Deinceps vero corpora sanctorum de loco
ad locum nullus presumat transferre sine
consilio Principis, vel Episcoporum, &
sancta Synodi licentia.* Opportunum sa-
ne decretum, quo obviam iri debebat
popularibus animorum motibus in trans-
lationibus Sanctorum Corporum cele-
brandis; etsi enim ex pietate illæ ut
plurimum fieri soleant, aliquando tamen
seditionibus, ac jurgiis occasionem præ-
bent, ut propterea nonnisi gravissimo se-
niorum consilio fieri queant. Utrum ve-
ro ille canon expresse fuerit Imperiali
lege probatus, non satis constat, nisi

Bbb for.

se nomine optimi cujusque in pago, vel Civitate degentis, quam Presbyterum, cui animarum cura commissa fuerit; vel etiam dici posset, Burchardum legisse in Capitulis Hincmari Rhemensis editis anno 837. nu. 1. pertinere ad unumquemque Sacerdotem in sua Parochia, ut, si quispiam fidelis publicum aliquid, & capitale crimen admiserit, adeat ille statim criminis reum, eundemque ad poenitentiam invitet coram Decano, & Compresbyteris suis agendam, deinde quidquid actum fuerit, Episcopo renunciaret, quod Burchardus nomine accusationis, & testimonii ferendi significare potuit; ideo autem Moguntini Concilii nomine retulit, quod a Capitularium nominibus abstinendo in sua Collectione decrevisset.

Can. 65. Verba can. 65. cau. 11. qu. 3. duobus in locis habentur in Collectione Ivonis, **cau. 11.** & primum in parte 5. cap. 367., deinde in parte 6. cap. 237., priore tamen in capite laudatur nomine Concilii Toletani, & in posteriore nomine Concilii Moguntini. Verior est prior inscriptio; non enim illa in ullo ex Conciliis Moguntinis leguntur, sed potius in Concilio Toletano IV. anni 633. **can. 18.**, ubi tamen observanda est aliorum Codicum varietas, ubi enim aliqui, & Gratianus legunt: *in secunda Synodo*, legunt alii, *in sancta Synodo*. Hujus porro fragmenta sententia consonat cum vetustissima disciplina, juxta quam a sententiis Episcoporum, aut Metropolitaram ad iudicium Synodi Provincialis provocabatur. Quod autem ibi statuitur, ut qui depositi sunt, dum restituuntur ad pristinum gradum, sacra Symbola de manu Episcopi recipiant, eo minime pertinet, ut nova indigeant ordinatione, sed ut novis ceremoniis significetur eorundem restitutio, eodem modo, quo in depositione, sive degradatione solemniter Clericorum Symbola ab eisdem Episcopali imperio auferuntur, non ut Sacerdos deleatur in anima, qui perpetuo manet, sed ceremoniali quadam formula, qua significatur, Clericum depositum ordinis sui officio fungi amplius non posse.

Can. 42. **cau. 16.** **qu. 1.** Can. 42. cau. 16. qu. 1. falso a Gratiano laudatur nomine Concilii Moguntini, imo & ipse Gratianus hoc Concilii Moguntini nomen non satis fidenter adscripsisse videtur, cum in fine questionis 1. causa 13, eadem verba relaturus scribat, *se ex quodam Concilio*

depromississe. Est hic can. 8. Concilii apud Confluentiam celebrati anno 922., ubi eadem omnino verba leguntur. Est autem locus *Confluentes* ad Rhenum, qui limes est Occidentalium, & Orientalium Francorum. Celebratum fuit Concilium illud a pluribus Episcopis, presentibus Carolo Franciæ, & Henrico Germaniæ Regibus, atque inter Episcopos plures subscripsit Herigerius Moguntinus Archiepiscopus, quod forte occasionem præbuit Collegioribus, ut canonem hunc Concilio Moguntino tribuerent. Et quidem quod in hoc canone constitutum est, maxime convenit disciplinæ Ecclesiasticæ sæculi noni, aut decimi, quo scilicet tempore Laici quamplures facultates Ecclesiasticas, & decimas diripiebant, præsertim qui Donatores illarum fuerant, autumantes licite se posse repetere, quod jam juri Ecclesiastico addixerant. Huic rei simile argumentum habemus in Capitularibus Lotharii Imperatoris apud Olonam, relatis in tom. 2. Capitularium Francorum editionis Parisiensis anni 1677. pag. 322., ubi cap. 17. hæc leguntur: *Voluimus, ut res, quæ a liberis personis locis Deo dicatis conferuntur, liceat sibi usufructum, & ordinationem earundem rerum, si aliter sibi placuerit, reservare. Si aliter eas non ordinaverit, ita maneat, sicut prius data fuerint.*

Non dubito, sententiam can. 7. cau. 16. qu. 6. ad aliquod Moguntinum Concilium pertinere ex iis, quæ superius cum viris eruditissimis deperdita fuisse animadvertimus. Ceterum quod ibi dicitur, conforme omnino est disciplinæ Ecclesiasticæ mediæ ætatis, ab eo scilicet tempore, quo Monasteria plurima in Occidente haberi cœperunt, usque ad tempora exemptionum, & privilegiorum Monasticorum. Tria ibidem definita colligimus. Primum, ut si Abbas peccaverit, ab Episcopo corrigeretur. Alterum, ne ea occasione bona, & possessiones Monasterii sibi Episcopus vindicaret; Tertium, ut Abbatem delinquentem Episcopus in aliud Monasterium amandaret sub potestate alterius Abbatis constituendum. Omnes hujusmodi sententias legimus, & quidem integras in Conciliis mediæ ætatis. Quod spectat primam, est in Concilio Aurelianensi I. anni 511. can. 19. his verbis expressus: *Abbatas pro humilitate religionis in Episcoporum potestate consistent, & siquid extra regulam fecerint, corri-*

ganitur. Ad secundam pertinet can. 51. Concilii Toletani IV. anni 633., ubi concessa quidem Episcopis est facultas animadvertendi in Abbates delinquentes, minime vero usurpandi Monasterii bona, cum jam bona Monachorum delinquentium addici ipsi Monasterio debere jam statuisset idem Concilium Aurelianense dicto can. 19. Videatur can. 1. cau. 18. qu. 2. Quod demum Abbas delinquens de Monasterio removeatur, & alteri Abbati in Monasterio subdatur, colligitur ex disciplina Concilii Sueffionensis II. anni 853. can. 5., ubi narratur plures Abbates jussu Rothadi Sueffionum Episcopi depositos esse, & separatim in Monasteria sui ordinis longe distantia relegatos.

Can. 6. cau. 16. qu. 7. fusius apud Ivonem recensetur in parte 3. cap. 199., falso tamen ex Concilio Moguntino. Siquis autem integrum fragmentum apud Ivonem legerit, facile liquebit, idem caput non alicujus Concilii esse, sed potius privati cujusdam Interpretis, qui decimarum jura, & opera ex variis veteris legis capitibus, & symbolis illustrare voluerit. Ceterum ideo Moguntini Concilii nomine laudari potuit, quia Moguntina ipsa Concilia quamplura eandem decimarum materiem prosequuta sunt, quemadmodum constat ex Gratiano can. 2. cau. 16. qu. 2., qui legitur cum in can. 38. Concilii Moguntini anni 813., tum in can. 10. Concilii Moguntini anno 847., tum demum in Concilio Moguntino anni 888. cap. 17. (de hoc canone disseram, ubi de Urbano II., cui Pontifici in editionibus Gratianis ob Palearum adjectionem tributus fuisse videtur). Illud certissimum est, sæculo 8., & 9. Viros Ecclesiasticos pressis hanc decimarum materiem pertractasse; cum enim illarum jura ex avaritia Laicorum quorundam ab Ecclesiis raperentur, coquebantur nonnulli decimarum onus & ab antiquissimo Dei judicio auspicari, eandem rem variis symbolis, & mysticis figuris exornantes. Referam ad hanc rem unum caput 14. Concilii Forojulientis anni 791. his verbis expressum: *De decimis, vel primitiis, salvi scilicet allegoricarum rerum mysticis Sacramentis nihil melius puto docere, quam quod scriptum est in Malachia Propheta, dicente Domino; Inferte omnem decimam in horreum meum &c.* Itaque decimarum præceptum variis veteris testamenti figuris exornatum

proponebatur; illud inter cetera adferri solebat, decimas exsolvi debere in memoriam decem plagarum, post quas Deus populum Israelis ab Judæorum tyrannide liberavit; Illuc referebant, quod dicitur in cap. 14. Geneseos, Abrahamum a victoria redeuntem opimorum spoliis decimas, quasi munus Melchizedeco obtulisse; item quod dicitur in cap. 28. de Jacobo in Mesopotamiam abeunte, qui Deo se decimas præstiturum spondit, si redeunti ad patrem res prospere omnino, feliciterque cessisset. His sane consonat dictus canon 6. cau. 16. qu. 7.

Can. 7. cau. 16. qu. 7. laudandus potius erat nomine Capitularium Francorum; legitur enim in Capitulari VVormaciensi Ludovici Pii anni 829. num. 7. his verbis: *De decimis, quæ dare populus non vult, nisi quolibet modo ab eo redimantur, ab Episcopis prohibendum est, ne fiat. Et si quis contemtor fuerit inventus, & nec Episcopum, nec Comitum audire velit, si noster homo fuerit, ad presentiam nostram venire compellatur, ceteri vero distringantur, ut vel invisi Ecclesie restituant, quæ voluntarie dare neglexerunt.* Hæc eadem relata sunt in librum 5. Capitularium cap. 101., item in additionem 4. cap. 101., & 167., nec non inter leges Longobardorum ex lege Ludovici in lib. 3. tit. 3. de decimis cap. 8., Burchardum vero primum fuisse, qui pro Capitularium nomine voluerit potius inscribere nomen Concilii Moguntini, vel alterius cujuslibet nemo miratur, quia Capitularibus Francicis memorandis sibi proposuerat abstinendum.

Can. 5. cau. 30. qu. 1. laudatur ex Concilio Moguntinensi in claustris Basilicæ S. Abbatii. Illud sane est illud Concilium, quod superius celebratum diximus anno 813. Verum si verba ipsa Gratiani fragmenti consideraverimus, quæ responsionem interroganti factam exhibent, siue can. 55. dicti Concilii Moguntini, facile constabit, hanc ipsam Gratiani sententiam non integram Concilio eidem tribui posse. Verba Moguntini Concilii in can. 55. relata inter Capitularia Francorum lib. 5. cap. 167., & apud Reginonem lib. 2. cap. 196. hæc sunt: *Nullus igitur proprium filium, vel filiam de fonte baptismatis suscipiat, nec filiolum, nec commatrem ducat uxorem, nec illam, cujus filium, vel filiam ad confirmationem tenuerit,*

Can. 7.
cau. 16.
qu. 7.

Can. 5.
cau. 30.
qu. 1.

ubi autem factum fuerit, separantur. Hæc quidem consonant cum fragmento Gratiani, cuius tamen integrum exemplar querendum est apud Rhabanum in Epistola ad Heribaldum, qui in cap. 20. Heribaldo Alcedronensi Episcopo de diversis quæstionibus interroganti inter cetera ita respondet: De eo vero, quod interrogasti, si ille, qui filiolam suam, quam de sacro fonte baptismatis suscipit, & de eo, qui concubuit cum commatre sua spiritali, & de illo, qui filium suum baptizavit, & cujus uxor eum de fonte suscipit, si postea in tali copulatione permanere possent, omnino illicitum esse iudicamus. Nam in Concilio Moguntienſi cap. 55. de talibus scriptum est: Nullus proprium filium, aut filiam a fonte baptismatis suscipiat, nec filiolam, nec commatram suam suscipiat uxorem, nec illam, cujus filium ad confirmationem duxerit. Ubi autem factum fuerit, separantur. Hæc itaque sunt, quæ Rhabanus Moguntinus Archiepiscopus ex Moguntino Concilio respondebat. Burchardus, ceterique Collectores privato auctori caput inscribere detrectarunt, sed quoniam & de Moguntino Archiepiscopo agebatur, & de eo, qui Moguntini Concilii canonem referebat, fragmentum ipsum Moguntino Concilio tribuerunt, &, quod peius est, prope finem aliis omnino verbis, & sententiis contra fidem Collectore dignam involverunt.

Can. 20. Post nuper memorata verba Rhabani
can. 32. Moguntini Archiepiscopi ad Heribaldum
qn. 7. ita sequitur in eadem Epistola: Rem in Synodo Moguntienſi cap. 56. Si quisquam viduam uxorem duxerit; & postea cum filiastra sua fornicatus fuerit, seu duabus sororibus nupserit, aut si qua duobus fratribus nupserit, seu cum patre & filio, tales copulationes anathematizari, & disjungi precipimus, nec unquam amplius conjugio copulari, sed sub magna diffractione fieri. Hæc referenda sunt ad canonem ultimum Concilii Moguntini anni 813., ubi eadem omnino leguntur, consonantque cum cap. 163. lib. 5. Capitularium Regum Francorum. Paullo aliter quidem, sed admodum similis sententia legitur in Concilio Moguntino anni 487. can. 29. his verbis: Siquis viduam uxorem duxerit, & postea cum filiastra sua fornicatus fuerit, seu duobus sororibus nupserit, aut si qua duobus fratribus nupserit, seu cum patre, item si quis relictam fratris, quæ

pauſa prima soror extiterat, carnali conjunctione violaverit, si quis neptem in conjugium acceperit, si quis novercam, aut nurum suam duxerit; si quis consobrina sua impudice se sociaverit, vel relicta, sive filia avunculi, aut patris filia, vel privigna sua concubini pollutus, vel huiusmodi conjunctionis attactu maculatus fuerit, eos disjungi, & ulterius nunquam conjugio copulari, sed sub magna diffractione fieri volumus. Ex utroque duorum Moguntinorum Conciliorum canone conditus est, & elucubratum apud Gratianum can. 20. cau. 32. q. 7., qui propterea recte nomine Moguntini Concilii laudatus est, quemque ideo ex dictis emendare juvabit.

Quasi ex eodem Moguntino Concilio Can. 21. subicitur apud Gratianum can. 21. cau. 32. q. 7. Immemor autem videtur Gratianus, se jam eadem verba retulisse nomine Concilii Aurelianensis in can. 30. cau. 27. qu. 2. Forte quispiam ex Collectoribus fragmenta huiusmodi referens ex Epistola Rhabani Moguntini Archiepiscopi, in qua multa similia habentur, Moguntino Concilio se posse adscribere existimavit; nam in dicto capite 20. Epistolæ Rhabani ad Heribaldum hæc præterea habentur: Item in Synodo Moguntienſi de incestis conjugii scriptum est: Siquis fornicatus fuerit cum duabus sororibus, vel cum noverca sua, vel cum sorore sua . . . nunquam conjugio copuletur. Hæc itaque cum plurimum adfinitatis habeant cum Gratiani verbis in dicto can. 21., & revera Concilii Moguntini fuerint teste Rhabano Moguntino Archiepiscopo, occasionem præbuerunt Collectoribus, ut illa ipsa verba nomine Moguntini Concilii referrent. Ceterum habentur illa eadem in Concilio Vermerienſi anni 752. can. 12., ubi ita legitur: Qui dormierit cum duabus sororibus, & una ex illis antea uxor fuerit, nullam ex illis habeat, nec illa adultera soror, nec ille vir, qui cum illa adulteravit, illos unquam accipiant. Qui primus hunc canonem paullo aliter, retenta tamen sententia, expressit, fuit Regino in lib. 2. de Ecclesiast. discipl. cap. 215. ibi: Qui dormierit cum duabus sororibus, & una ex illis antea uxor fuerit, nullam ex ipsis habeat, nec ipsi adulteri unquam conjugio copulentur. Reginonis editionem sequuti sunt Collectores recentiores, & inter ipsos Gratianus.

Sententiam can. 102. de cons. dist. 4. de cons. alio. dist. 4.

alio in loco Theodoro Cantuariensi Archiepiscopo vindicabo. Sed quoniam Ivo, Burchardus, & Gratianus constantissime illam tribuunt Moguntino Concilio, curandum arbitror, ut quoquo modo Concilio Moguntino tribui potuisse coniciam. Anno 829. Imperator Ludovicus Pius quatuor Episcoporum Concilia celebrari mandavit, primum Moguntiae, alterum Parisiis, tertium Lugduni, postremum Tolosae, quibus peractis voluit, ut Episcopi omnes, qui in quatuor ista Concilia ex diversis Provinciis jam convenerant, rursus convenirent in Parisiensem, una simul confirmaturi, quod se juncti constituerant. Hinc celebratum est Concilium illud, quod Parisiense sextum appellant, in quo plura Capitula edita sunt in tres libros divisa, quae sane a Collectoribus tribui pro lubito potuerunt Moguntino Concilio, quemadmodum & Parisiensi, vel Lugdunensi, vel Tolosano, cum canones Parisiensis Concilii iidem essent cum Canonibus Moguntinis, Lugdunensibus, & Tolosanis. Itaque in lib. 1. can. 7. Concilii Parisiensis haec leguntur: *A quibusdam, quamvis fides Christi inbianter expetatur, aliter tamen agitur, quam divina auctoritas testetur: . . . quia illi in sua sponsione aliquos de sacrosancto Fonte suscipiunt, nec fidei, nec baptismatis Sacramento sunt instructi, & idcirco eos, quos suscipiunt, & secundum sanctorum Patrum documenta docere debuerant, erudire nequeunt. Quod ad negligentiam Sacerdotum, nec non & auditorum pertinere dubium non est. . . In hoc quippe facto, de quo agitur, quantum a Religione Christiana digressum sit, ignorari fas non est.* Deinde in cap. 54. ejusdem Concilii haec statuuntur: *Quod hi, qui fidem*

Christi expetunt, & pro vestra aetate existunt, priusquam ad baptismum accedant, instruendi sint & fidei, & baptismatis Sacramento, nec non & illi, qui alios de sacro fonte suscipiunt, quique ad percipiendum S. Spiritus donum coram Pontificibus pro aliis Patroni existunt, intelligere debeant, & vim tanti Sacramenti, & quid pro aliis spondere jam in praecedentibus Capitulis dictum est. Illos tamen in hoc Capitulo specialiter ab his officiis removendos judicamus, qui propter reatum suum publicae sunt poenitentiae multati; videlicet ut nec alios de Sacri Fontis baptismo suscipiant, nec etiam ad percipiendum S. Spiritus donum aliorum Patroni coram Pontificibus existant, donec per dignam poenitentiam satisfactionem reconciliationem mereantur. Caput istud inter Capitularia Francorum relatum est lib. 6. cap. 182. Mihi autem verosimile videtur, recentiores Collectores, qui Gratiano auctores extiterunt, voluisse ejusdem capitis sententiam perstringere in dicto can. 102., cujus definitionis ratio optima est, cum susceptores, qui pro baptizandis, aut confirmandis apud Ecclesiam quodammodo fidejudent, pollicenturque se operam daturos, ut baptizati, confirmatique in fide recta perseverent, ipsi praecipue firmi omnino in fide esse debeant. Non omitto etiam hoc in loco can. 47. Concilii Moguntini anni 813., quippe & in eo jam agnoscitur dicti Parisiensis Concilii ratio, ibi: *Deinde precipimus, ut unusquisque Compater, vel proximi spirituales Filios suos Catholice instruant.* Sed haec verosimilia sunt. Clarius ejusdem fragmenti auctorem indicabo, cum de Theodoro Cantuariensi capitibus agendum erit.

CAPUT L.

De Concilio Meldensi.

Persequor Gallicanorum Episcoporum Concilia, quae nono Ecclesiae saeculo numero plura celebrata sunt, curantibus praeter ceteris piissimis Francorum Regibus, qui res Ecclesiasticas fovebant plurimum, ac promovebant. Est ex illis Concilium Meldense, cujus haec sunt capita apud Gratianum.

- { Can. 3. cau. 1. qu. 2. confirmatus in Capitulari Caroli Calvi.
 { Can. 17. cau. 1. qu. 7. ab initio non omnino probatus.
 { Can. 5. cau. 6. qu. 1. pertinet ad Capitulare Karolomanni anni 882.

Can.

- Can. 32. cau. 7. qu. 1. ex integris Concilii exemplaribus emendandus.*
Can. 41. cau. 11. qu. 3. confirmatus in Capitulari Caroli Calvi.
Can. 6. cau. 23. qu. 8. confirmatus in Capitulari Caroli Calvi.
Can. 1. cau. 28. qu. 2. est potius Concilii Triburiensis anni 895.
Can. 10. cau. 36. qu. 2. non confirmatus in Capitulari Caroli Calvi.
Can. 13. de conf. dist. 1. pertinet potius ad Capitularia Francorum.
Can. 7. de conf. dist. 5. pertinet potius ad Concilium Parisiense 6.

PROPE medium noni sæculi conquerebantur Episcopi Gallicani, quod Ecclesiastica bona a Laicis usurpata detinerentur, atque eorum eo difficilior recuperatio videbatur, quo potentiores erant illi, qui possessionem habebant. Videbatur opus esse solemnii Concilio, quod primum annuente Carolo Calvo Francorum Rege celebratum est anno 745. apud Meldam vulgo *Meaux*, quo convenerunt una cum suis suffraganeis numero pluribus tres Archiepiscopi, VVenilus Senonensis, Hincmarus Rhemenfis, & Rodulphus Bituricensis, & quidem ibi in primis renovata sunt quamplura capita in præcedentibus Galliæ Conciliis edita, quæ scilicet propter temporum inopportunitatem exequutioni demandari eo usque non potuerant; verum ob nonnulla locorum, & rerum adjuncta nondum perfecto negotio dissoluta Synodus est, & demum sequente anno 846. rursus Episcopis concessum fuit convenire in Parisiensem Urbem, ubi plurima capita constituta fuerunt numero 80., omnia propemodum eo pertinentia, ut res, & bona Ecclesiarum Viris Ecclesiasticis de manibus Laicorum ereptæ restituerentur; sed parum felici exitu; Etenim nonnulli Proceres Regni, quibus ingens ex rebus Ecclesiasticis constatum Patrimonium jamdiu fuerat, canonum exequutionem ut impedirent, totis viribus contenderunt, præsertim opem, & subsidium Principis implorantes, qui, ne gravissimis contentionibus Reipublicæ perniciosus occasio præberetur, optimum duxit, non omnia Concilii Meldensis, sive Parisiensis decreta exequutioni demandari, nonnullis tantummodo probatis, ac confirmatis. Hinc in editione Capitularium Parisiensi anni 1677. tom. 2. tit. 7. habetur Capitulare Caroli Calvi in Villa Sparnaco celebratum, ubi proponitur, relata fuisse in solemnibus Comitibus capitula illa, quæ Episcopi Gallicani quamplures in diversis Conciliis anni 846. ediderant. „ Oblata sunt eidem „ Principi, sicut ipse iusserat, collecta

„ ad relegendum in Sparnaco Villa „ Rhemenfis Ecclesiæ. Et quia factio- „ ne quorundam motus est animus ipsius „ Regis contra Episcopos, dissidentibus „ Primoribus Regni sui ab eorundem „ Episcoporum ammonitione, & remo- „ tis ab eodem Concilio Episcopis, ex „ omnibus illis capitulis hæc tantum „ observanda, & complacenda sibi col- „ legerunt, & Episcopis scripto tradi- „ derunt, dicentes non amplius de eo- „ rum capitulis accepisse, quam ista, „ & ista se velle cum Principe obser- „ vare. “ Itaque non indiscriminatim ab initio recepti fuerunt singuli Mel- denses canones, sed perpauci, ii scilicet, quos Carolus Calvus in suo Capitulari comprehendit, ac confirmavit, quod operæ pretium erit observare Gratiana fragmenta exposituro, ut confirmata capitula a non confirmatis secerantur. Non tamen inicias iverim non multo post, aut omnes omnino, aut fere omnes Meldenfes canones usu fuisse receptos, vel quod eo collinearet Episcoporum ferme omnium anxia sollicitudo, non patientium Bona Ecclesiastica apud Laicos diutius remanere, vel quod Collectores canonum indiscriminatim canones omnes Meldenfes postea in suos Codices retulerint, & tanquam regulas communiter servandas omnibus proposuerint.

In cap. 43. hujus Concilii Meldensis *Can. 3.* habetur *can. 3. cau. 1. qu. 7.*, cujus *can. 1. qu. 7.* priora verba ita legenda sunt ex integris Concilii exemplaribus: *Cavendum est, & summo opere præcavendum, ac per virtutem Christi Sanguinis interdendum &c.* Pro illis verbis: *atque consensoribus*, legunt aliqui: *atque censoribus*; sed minus apte, ut arbitror; etenim *consensorum* nomen optime accipitur pro Episcopis illis, qui simul Coepiscopos ordinant, & Consensores dicuntur, vel quia una cum Episcopo ordinante consentiant, vel quia una in ordinatione confideant, quam interpretationem exigere videntur posteriora illa verba: *Consensoribus, seu ordinatori- bus.*

bus. Demum pro illis postremis verbis: *aut per submissam personam*, legunt alii: *aut per emissam personam*; Quæcumque autem lectio in hac parte recipiatur, parum, aut nihil interesse videtur. Porro hic canon ex illis est, qui a Carolo Calvo in solemnibus Comitibus receptus est, ac confirmatus, uti constat ex memorato Capitulari numero 43.

Can. 17. Canon 17. cau. 1. qu. 7. habetur in cau. 1. canone 64. ejusdem Concilii his verbis: qu. 7.

„ Raptores Virginum, & viduarum,
 „ qui etiam postea voluntate parentum eas
 „ quasi desponsantes sub dotalitii nomi-
 „ ne in conjugium duxerunt, publicæ
 „ poenitentiae subigantur, & post pu-
 „ blicam poenitentiam, prout prævide-
 „ rit Episcopus, peractam, ne in pejus
 „ corruant, iterum convenientes, de
 „ cetero elemosynis, & ceteris quibus-
 „ que religiosæ, & salvificæ conversa-
 „ tionis actionibus inservire procurent,
 „ usquequo ab opere conjugali ex con-
 „ sensu se valeant abstinere. Filii vero
 „ ex hujusmodi vituperabili conjunctio-
 „ ne ante conjugium etiam minus lau-
 „ dabile procreati ad Ecclesiasticam di-
 „ gnitatem nullo modo provehantur;
 „ nec de tali conjugio generati Ecclesia-
 „ sticis ordinibus applicentur, nisi for-
 „ te eos, aut maxima Ecclesiæ utilitas,
 „ vel necessitas postulet, vel evidens me-
 „ ritorum prærogativa commendet.“
 Duo in hoc integro canone continentur.
 Primum ad raptorum poenitentiam per-
 tinet, alterum ad filios eorundem. Illud
 quidem confirmatum fuit a Carolo Cal-
 vo in memorato Capitulari num. 67. his
 verbis: “ Qui sanctimonialia Virgines,
 „ vel Viduas rapiunt, & progressu et-
 „ iam criminis in conjugium sumunt,
 „ publicæ poenitentiae juxta modum,
 „ quem præviderit Episcopus, subigan-
 „ tur; ipsæ vero locis congruis poeni-
 „ tentiae retrudantur, & ad habitum
 „ religionis redire cogantur. Uterque
 „ autem sine ulla spe uxoriæ copulatio-
 „ nis perenniter maneat. Si autem, quod
 „ absit, conjugia iterare præsumserint,
 „ acriori subdantur vindictæ, & am-
 „ plius propellantur. Quod si forte obe-
 „ dire monitis salutaribus non voluerint,
 „ anathematizentur“. De filiis vero ex
 eo improposito conjugio progenitis ne ver-
 bum quidem habetur. Usu tamen & in
 hac parte receptus fuisse videtur hic câ-
 non, postquam Regino illum laudare in-
 tegrum cœperit in lib. 1. cap. 415. &

Tom. I.

416. & in lib. 2. cap. 159. quem deinde
 sequi non dubitarunt posteriores cano-
 num Collectores.

Canon 3. cau. 6. qu. 3. non est Con-
 cilio Meldensis, sed potius pertinet ad
 Capitulare Karolomanni anni 882. apud
 Vernis Palatium editum cap. 6. Erfati
 causa hæc fuit. Gratianus fragmentum
 descripsit ex Ivone, Ivo ex Burchardo,
 qui primus Concilii Meldensis nomen in-
 scripsit. Forte enim Burchardus id præ-
 stitit ex industria, ut a referendis Fran-
 corum Capitularibus abstineret, quod,
 uti sæpe diximus, maxime animadver-
 tit idem Collector. Forte autem id præ-
 stitit ex quadam oscitantia, cum frag-
 menta non ex integris Conciliorum ex-
 emplaribus describeret, sed ut plurimum
 ex antiquioribus fragmentorum collectio-
 nibus, præsertim vero ex Codice Regi-
 nonis. Porro Regino hoc idem, de quo
 agimus, fragmentum laudaverat in lib.
 2. cap. 290. cum hac Epigraphæ: *ex eo-
 dem*, quæ significabat referendum esse
 caput ad Capitulare Karolomanni, ex
 quo exceperat caput præcedens, scilicet
 289. Verum in capite 289. nulla alia
 erat inscriptio, quam hæc: *unde supra*,
 quam referebat Burchardus ad nonnulla
 præcedentia capita, videlicet cap. 282.
 283. 284. & 285. quæ ex Francorum Ca-
 pitularibus deprompta fuerant. Burchar-
 dus id non animadvertit; sed putavit
 illa: *unde supra* pertinere ad inscriptio-
 nem canonum immediate præcedentium,
 sive 287. & 288. quæ referebantur no-
 mine Concilii Meldensis, proindeque non
 dubitavit, & dictum canonem 290. Con-
 cilio eidem Meldensi inscribere. Sic re-
 stituta inscriptione, exigendus erit ad
 fidem integrorum exemplarium Gratia-
 neus idem canon, cujus verba aliquan-
 tisper depravata fuerunt, atque ita le-
 gendum: “ De illis autem, qui infra
 „ Parochiam beneficia, & alodium (*ala*
 „ *dum dicebatur, quod aritum, aut pa-*
 „ *ternum erat, liberum ab omni nexu*)
 „ non habent, & alterius Episcopi Pa-
 „ rochiani sunt, & dum ad curtem per-
 „ gunt, aut de loco ad locum iter fa-
 „ ciunt, rapinas, & depredationes in-
 „ fra Parochiam faciunt, placuit nobis,
 „ ut si ita prope Episcopum, ut ei de-
 „ prædatio illorum nota fieri possit, an-
 „ tequam Parochiam ejus exeant, mit-
 „ tat strenuum, & prudentem Presby-
 „ terum, qui sua vice rationabiliter il-
 „ los ad emendationem vocet. In quo
 „ superior modus compositionis, & e-

Can. 3.
 cau. 6.
 qu. 3.

Ccc

„ men.

„mendationis servabitur, si vocati ve-
 „nire noluerint. Si vero vocationem,
 „atque admonitionem Episcopi superbe
 „contemserint, simili sententia excom-
 „municationis feriantur, qua & illi,
 „qui infra Parochiam res, aut benefi-
 „cia habent, & insuper excommuni-
 „centur, ne extra Parochiam exeant,
 „antequam superius statuta adimpleant.
 „Quorum excommunicatio seniori illo-
 „rum, & proprio eorum Episcopo si-
 „gnificanda est, ne eos recipiant, an-
 „tequam illuc redeant, ubi rapinam fe-
 „cerunt, ibique pleniter emendentur“.

Can. 32.
 cau. 7.
 qu. 1.

Can. 32. cau. 7. qu. 1. legitur in cano-
 none 30. Concilii Meldensis; verum in
 posterioribus verbis Gratiani canonis sen-
 tentia depravata videtur; etenim post il-
 la verba *canonica ergo definitio conservatur*,
 nihil aliud sequitur in integris Con-
 cillii exemplaribus; proindeque verba il-
 la Gratiani: *hoc est, ut utraque careat*,
 adjecta sunt recentioris cujuspiam ma-
 nu, qui explicare voluerit canonicam
 illam definitionem, ad quam Meldensis
 constitutio referebatur. Minus recte ta-
 men; etenim nomine canonicæ constitu-
 tionis illa potius intelligenda videtur,
 quam ediderunt Nicæni I. Concilii Pa-
 tres in can. 23. cau. 7. q. 1. ubi cautum
 legimus, non ut Episcopus in proposita
 specie utraque Ecclesia careat, sed po-
 tius, ut ad primam, quam sponte dese-
 ruit, Ecclesiam revertatur. Canon iste
 confirmatus videtur a Carolo Calvo in
 memorato Capitulari cap. 47.

Can. 41.
 cau. 11.
 qu. 3.

Can. 41. cau. 11. qu. 3. habetur in eo-
 dem Meldensi Concilio can. 56. juxta e-
 mendationem Romanorum Correctorum.
 Probatus autem fuit a Carolo Calvo in
 suo Capitulari superius memorato nume-
 ro 56. Notanda in hoc capite est distin-
 ctio inter privationem communionis Ec-
 clesiasticæ, & anathema. Etenim hoc in
 loco privare Ecclesiasticam communionem
 non idem significat, quod remove ab
 omnium fidelium cœtu, sed alicujus su-
 perioris gradus Ecclesiasticæ communio-
 nis participem, in aliam Ecclesiasticæ
 communionis speciem, sive in inferiorem
 gradum deicere, quemadmodum si Pres-
 byter a Presbyteri gradu deponatur,
 Diaconorum tantum muneribus illi con-
 cessis, aut eo ad laicam solummodo com-
 munionem admissio.

Can. 6.
 cau. 23.
 qu. 8.

Can. 6. cau. 23. qu. 8. legitur in can.
 concilii Meldensis, eisdemque verbis
 confirmatus in dicto Capitulari Caroli
 Calvi num. 37. si tamen pro illis verbis:

arma militaria non sumant, legamus:
arma non sumant.

Can. 1. cau. 28. qu. 2. minime legitur
 in Concilio Meldensi: Potius autem per-
 tinet ad Concilium Triburienſe anni 895.
 can. 39. ubi similia ferme leguntur ibi:
Synodus Romana ait, quod non dimitten-
da sit uxor post Baptismum, qua habita-
est & post Baptismum; in Baptismo solvun-
tur crimina, non tamen legitima conju-
gia. Qualis fuerit apud veteres hujus-
modi disputatio, & quid Romanis pla-
cuerit, commodius dicam ad interpre-
tationem canonum 1. 2. 3. & 4. dist. 26.

Can. 1.
 cau. 28.
 qu. 2.

Can. 10. cau. 36. qu. 2. habetur eif. cau. 10.
 dem verbis in can. 65. Concilii Melden- cau. 36.
 sis, dummodo principio ita legerimus: qu. 2.
Hi autem necdum eas, quas raperant
&c. Cujus canonis sententiam, & Pa-
 trum Meldensium mentem recte assequu-
 tus est Gratianus, dum illum ita expen-
 dit, ut permitteretur conjugium non
 quidem inter raptores, & raptam ex
 indulgentia, sed inter raptores, & aliam
 quancumque post raptæ mortem, vel e
 converso. Videtur autem Gratianus idem
 parvipendisse ejusdem canonis auctorita-
 tem, dum potius subdendum existima-
 vit canonem Aquisgranensis Concilii in
 can. 11. quem supra considerare juva-
 bit, ad quem plura ad hanc rem tradi-
 di. Non est in hac parte, cur Gratia-
 num quis reprehendat; etenim canon
 Meldensis tum demum auctoritatem ha-
 bere debet, ut ibi dicitur: *quando in*
omnium aures hac fuerit constitutio pro-
mulgata. At hujusmodi promulgatio se-
 quuta non est, cum in Capitulari Caroli
 Calvi non fuerit confirmatus. Tan-
 tum hæc dicuntur num. 67. “ Qui san-
 „ timoniales virgines, vel viduas ra-
 „ piunt, & progressu etiam criminis in
 „ conjugium sumunt, publicæ pœniten-
 „ tiæ juxta modum, quem præviderit
 „ Episcopus, subigantur, ipsæ vero lo-
 „ cis congruis pœnitentiæ retrudantur,
 „ & ad habitum Religionis redire co-
 „ gantur. Uterque autem sine ulla spe
 „ uxoriæ copulationis perenniter ma-
 „ neant. Si autem, quod absit, conju-
 „ gia iterare præsumserint, acriori sub-
 „ dantur vindictæ, & amplius propel-
 „ lantur. Qui si forte obedire monitis
 „ salutaribus non voluerint, anathema-
 „ tizentur“. Et in cap. 68. “ De his,
 „ qui sponsas alienas rapiunt, vel con-
 „ sensu Parentum accipiunt, antiqua,
 „ & Synodalis sententia observetur (Ar-
 „ bitror hac referri ad canonem 4. cau-
 „ 24

„ *sa* 36. q. 2. *de quo jam egimus suo in loco*). Quod & si forte in Ecclesia eventus talis reperiri dignoscitur, ut pro salutis, & Religionis competentia humanius quiddam debeant tractare Pontifices, sicut canonica, ut eisdem verbis utamur, docet auctoritas, quia prior quidem, inquit, definitio durius, posterior autem quiddam tractavit humanius, nullo modo ut ad maximam indulgentiam descendamus, alterius sponsæ acceptor sine publica transeat pœnitentia, & sponso legaliter multam componat. Quod si hæc obedire renuerit, sine ulla reffragatione anathematizetur, fautores vero illius juxta modum culpæ Episcopali decreto pœniteant. Si vero, quod non optamus, quis de gradu Ecclesiastico talibus nuptiis se consensorem, vel interventorem manifeste prodiderit, a gradu proprio repellatur. Et si verisimilibus exinde suspitionibus fuerit propulsatus, & canonicè nequiverit adprobari, secundum Sanctorum Patrum statuta se purgare cogatur.

Can. 18. de conf. dist. 1. Canon 18. de conf. dist. 1. in Concilio Meldensi minime legitur: Apud Ivonem laudatur nomine Concilii Aurelianensis I. cap. 45. sed nec in eodem Concilio habetur: Similiter apud Burchardum. Verum potius legitur in Capitularibus Regum Francorum apud Ansegisum lib. 1. cap. 144. ibi: *ut Ecclesia, vel Altaria melius construantur, & in cap. sequenti: ut Ecclesia, vel Altaria, qua ambigua sunt de consecratione, consecrentur, Hæc Capitula Regino Prumiensis sine ulla Capitularium inscriptione descripsit in cap. 30. lib. 1. his verbis: Ecclesia, vel Altaria, qua ambigua sunt de consecratione, consecrentur, & superflua Altaria destruantur de Ecclesia.* Cum autem caput 28. ejusdem Reginonis laudaretur nomine Concilii Meldensis, forte exinde evenit, ut quæ sequebantur in dicto capite 30. eidem Meldensi Concilio ex posteriorum Collectorum oscitantia adscriberentur.

Can. 7. de conf. dist. 5. Fallo præterea nomine Concilii Meldensis laudatur can. 7. de conf. dist. 5. cujus verba potius leguntur in Capitularibus Francorum in additione 2. cap. 6. editionis Parisiensis anni 1677. Excerptum autem fuerat idem caput ex Concilio Parisiensi 6. anni 829. Imperante Ludovico Pio celebrato, in quo cap. 33. ita legitur: „ Perlatum est ad nos, quod

„ in quibusdam Provinciis plerique Episcopi post perceptionem cibi, & potus soleant per impositionem manuum tradere Spiritum Sanctum, quod tam excellenti ministerio prorsus non convenire, & in deinceps fieri non debere omnibus bonis visum est. Quoniam credibile est, & auctoritas Ecclesiæ ita se habet, ut sicut Apostoli unanimes existentes, Deumque colaudantes, & benedicentes, ita nimirum jejunantes accipere meruerunt Patrum Spiritum Sanctum, eosque nonnisi jejunos, sicut eorum acta docent, aliis eum tradidisse manifestum est. Sicut enim Baptismus, excepto infirmorum causa, nonnisi a jejunis celebratur Sacerdotibus, ita etiam traditio Spiritus Sancti, excepta præmissa causa infirmorum, nonnisi a jejunis celebranda est Pontificibus. Dignum quippe est, ut Pontifices Christi, primum jejunando, & orando in cordibus suis domum præparent Spiritui Sancto, & sic per impositionem manuum ceteris fidelibus eum tradant orando. Sicut autem duobus temporibus, Pascha videlicet, & Pentecoste Baptismus, ita etiam traditio Sancti Spiritus per impositionem manuum fidelibus tradatur, exceptis videlicet, ut dictum est, infirmis, & morte periclitantibus, quibus, sicut Baptismatis gratia succurrendum, ita incunctanter donum Spiritus Sancti est tradendum. Ex his supplere juvabit Gratiani fragmentum, in quo perstricta est ejusdem Parisiensis can. sententia.

APPENDIX I.

De canone 1. cau. 35. qu. 2. quem Gratianus ita inscripsit: Gregorius Papa in Synodo Meldensi.

Minime consonant tempora Concilii Meldensis, & tempora Gregorii Papæ, nec ulla ratio esse potest, cur Gratianus can. 1. cau. 35. qu. 2. tribuere debuerit Gregorio Papæ in Synodo Meldensi. Romani Correctores observant apud Burchardum, Ivonem, & Pannormiæ Auctorem memorari Concilium Meldense; apud Magistrum autem, & Polycarpum memorari Gregorii Papæ decreta. Dubius Gratianus utrumque adscripsit & Gregorii, & Meldensis Concilii nomen. Rursum observant idem Romani Correctores, facile contingere

potuisse, ut Gregorii Decretum in aliquo Meldensi Concilio referretur, in quo de ea re ageretur, atque exinde prodierit Gratiani inscriptio. Non est hæc observatio improbanda; etenim in Epistola, quæ Gregorio Magno tribuitur, ad Felicem Messanensem, habetur usque ad septimum gradum cognationis matrimonium impediri. In Concilio autem Meldensi anni 845. can. 66. ubi de virginum raptoribus agitur, memoratur Gregorius. Forte igitur quis potuit fragmentum, quod reculit Gratianus, Gregorio tribuere, & Gregorium ita laudare, quasi diceret, Gregorium illum esse, cujus decreta in Concilio Meldensi probata fuerant. Ceterum fragmentum istud nullo modo tribui potest temporibus Gregorii Magni; quemadmodum commodius ostendam ad can. 2. cau. 35. qu. 3. etenim nonnisi post obsoletas in Italia Romanas leges illud vigere coepit, ut post septimam demum generationem conjugia contraherentur. Potius id tribuimus temporibus Gregorii III. qui Epistola 1. ad Bonifacium Archiepiscopum cap. 5. ita scribit: *Progeniem vero suam unumquemque ad septimam generationem observare decrevimus.* Atque hæc disciplina sæculo 9. 10. & 11. vixit, quemadmodum constat ex cap. 432. libri 7. Capitularium ibi: *Nullus fidelium, usque ad finitatis lineam, idest usque ad septimam progeniem consanguineam suam ducat uxorem, vel eam quoquo modo incesu macula polluat.* Et ex Concilio Romano sub Nicolao II. anni 1059. can. 11. ibi: *Ut de consanguinitate sua nullus uxorem ducat usque ad generationem septimam, vel quousque parentela cognosci poterit.*

A P P E N D I X I I

De canonibus nomine Concilii Mediomatricis a Gratiano laudatis.

Hoc nomine duo fragmenta apud Gratianum habemus.

- (Can. 4. cau. 10. qu. 2. est potius Concilii Meldensis.
- (Can. 44. cau. 12. qu. 2. est potius Concilii Meldensis.

Concilia, quæ appellantur Mediomatricis, alias etiam dicuntur Metensia ab urbe Mediomatricis in Gallia vulgo Metæ. Hinc factum est ex quadam

nominum similitudine, ut canones Meldensis Concilii aliquando inscripti fuerint Concilio Metensi primum, deinde Concilio Mediomatricis, quemadmodum enim facile erat nomen Metensis pro Meldensi scribere, ita postea facile fuit Collectoribus, ut pro nomine Metensis scriberetur Mediomatricis. Itaque id contigit in duobus illis Canonibus a Gratiano relatis, videlicet in can. 4. cau. 10. qu. 2. legitur canon 22. Meldensis Concilii, qui dicitur jam editus antea fuisse in Synodo Belluacensi (quamobrem apud Burchardum, & Ivonem idem fragmentum nomine Concilii Belluacensis laudatur) his tamen verbis, ex quibus Gratiani fragmentum restituere iuvabit: "Precariæ autem a nemine de rebus Ecclesiasticis fieri præsumantur, nisi quantum de qualitate convenienti datur ex proprio, duplum accipitur ex rebus Ecclesiæ, in suo tantum qui dederit nomine, si res proprias, & Ecclesiasticas usufructuario tenere voluerit. Si autem res proprias ad præsens dimiserit ex rebus Ecclesiasticis triplum usufructuario usu in suo tantum quis nomine sumat, quia sic eas quemque tractare oportet, ut alienarum dispensatorem, non propriarum largitorem; & a nulla potestate quis cogatur facere precariam de rebus proprie Deo, & Sanctis illius dicatis, cum ratio, & usus obtineat, neminem, qui non vult contra utilitatem, & rationem præstitum de proprio facere beneficium. Præcepta autem regalia super precariis Ecclesiasticis fieri nec ratio finit, nec auctoritas quolibet modo permittit. Quoniam præcepta in jure Ecclesiastico firmare indignum iudicet necesse est Majestas Regia, nisi ab Ecclesiastico Rectore petantur. Idem autem Custos Ecclesiæ solertissime caveat, ne sui ordinis, & Ecclesiasticæ communionis forte immemor, contra auctoritatem præceptum Regium pro quacumque assentatione fieri petat, qui etsi fecerit, non audiat. Si autem & obtinuerit, Regia Discretionem, & Episcopali iudicio idem rescindatur, & petitor injustus pro Principis injusta suggestionem digne corripiatur, & precariæ secundum antiquam consuetudinem, & auctoritatem de quinquennio in quinquennium removen- tur". Et in canone 23. "Ut commutationes rerum Ecclesiasticarum val-

Can. 4.
cau. 10.
qu. 2.

„ de caveantur, & subtilissime, si ali-
 „ quo modo fieri debent, inspician-
 „ tur “. Nuper descriptum can. 22.
 Concilii Meldensis probavit, confirma-
 vitque Carolus Calvus in Capitulari an-
 ni 846. cap. 22. eisdem verbis. De pre-
 cariarum contractu non est, cur hoc in
 loco quidpiam adjiciam, vel quod supe-
 rius jam nonnulla de illis dixerim, vel
 quod passim apud Interpretes de eisdem
 abunde differatur. Videatur Gonzalezius
 ad titulum Decretalium de precariis.
 Postrema autem Gratiani verba de com-
 mutationibus rerum Ecclesiasticarum, &
 mancipiorum non faciendis, videntur
 deprompta ex Capitulari Sueffionensi ejus-
 dem Caroli Calvi anni 853. in quibus
 num. 12. hæc habentur: “ Ut missi no-
 „ stri omnibus per illorum missaticum
 „ denuncient, ne commutationes re-
 „ rum, vel mancipiorum quilibet Præ-
 „ latus earundem rerum Ecclesiastica-
 „ rum sine licentia, & consensu nostro
 „ facere præsumat, neque mancipia Ec-
 „ clesiastica quisquam, nisi ad liberta-
 „ tem commutet: videlicet, ut manci-
 „ pia, quæ Ecclesiastico dabantur, in
 „ Ecclesiæ servitute permaneant, & Ec-
 „ clesiasticus homo, qui commutatus
 „ fuerit, perpetua libertate fruatur “.

Can. 44.
 can. 12.
 qu. 2.
 Can. 44. can. 12. qu. 2. eisdem omni-
 no verbis legitur in can. 21. Concilii
 Meldensis, qui & confirmatus est a Ca-
 rolo Calvo in memorato Capitulari an-
 ni 846. can. 21.

APPENDIX III.

De canonibus Concilii Belluacensis.

- { Can. 5. cau. 10. qu. 2. confirma-
 tus in Concilio Meldensi.
 Can. 121. de conf. dist. 4. perti-
 net potius ad Capitula Theo-
 dori Cantuariensis.

AD idem Meldense Concilium refe-
 rendum omnino erat Concilium Bel-
 luacense, in urbe scilicet Belluacensi
 vulgo *Beauvais* celebratum anno 843.
 uno mense ante Concilium Meldense.
 Uti enim superius observaveram, jam
 plura ante Concilium Meldense Episco-
 porum celebrata fuerant in Galliis Con-
 cilia, ut tandem aliquando bona Ecce-
 siastica, quæ a Laicis detinebantur,
 Ecclesiis restituerentur, irrito tamen co-
 natu, cum Potentum plurimum improbi-
 tas, atque avaritia obstitit. Ex his
 fuit Synodus Belluacensis, cujus cano-
 nes statim vim suam explicare non po-
 tuerunt; sed tandem, ubi confirmati
 sunt quamplures in Meldensi Concilio,
 & a Carolo Calvo in suo Capitulari an-
 ni sequentis, maximam habuerunt in il-
 lis Provinciis auctoritatem. In vulgatis
 Concilii Meldensis editionibus referun-
 tur canon 17. 18. 19. 20. 21. 22. 23.
 & 24. quasi ex capitibus habitis in Sy-
 nodo Belluacensi, inter quos est canon
 22. superius integre descriptus ad can.
 4. cau. 10. qu. 2. Nemo autem non vi-
 det eo etiam pertinere canonem 5. ca-
 cau. 10.
 dem causa, & questione. Quicumque
 qu. 2.
 cupit formulas, quibus precariæ vete-
 res aut constituebantur, aut singulis quin-
 quenniis renovabantur, observare, vi-
 deat formulas Marculi in appendice num.
 27. & 41. Bignonium formula 20. & Li-
 dembrogium formula 19.

Adjiciendus hic esset canon 121. de
 conf. dist. 4. utpote qui apud Gratia-
 num Concilio Belluacensi tribuitur. Ve-
 rum non est alicujus Belluacensis Con-
 cilii, sed potius Theodori Cantuarien-
 sis; quamobrem commodius, ubi de Theo-
 dori capitibus agendum erit, hoc ipsum
 fragmentum expendam.

Ca. 121.
 de conf.
 dist. 4.

C A P U T L I.

De Concilio apud Sanctum Medardum.

Duo sunt hujus Concilii fragmenta apud Gratianum.

- { Can. 9. cau. 2. qu. 1. consonat cum actione I. Concilii.
 Can. 17. cau. 22. qu. 3. ad integra Concilii exemplaria exigenda.

Concilio Sueffionensi in Monasterio
 Sancti Medardi in Gallia celebrato causam dedit præcipuam Hincmarus Rhe-
 mensis Episcopus. Cum enim tempore
 Lu-

Ludovici Imperatoris jamdiu Sede Rheimensi priuatus fuit Ebbo Hincmari Prædecessor, deinde opera Ludovici ejusdem restitutus, plures in eadem Ecclesia ordinaverat. Verum cum rursus ab Archiepiscopatu decessisset sub Carolo Calvo Rege, & in ejus adhuc viventis locum substitutus Hincmarus, dubitari cepit de ordinatione Clericorum ab Ebbone facta. Interea mortuus est Ebbo anno 831. & tum Hincmarus cepit vehementius ordinaros ab Ebbone Clericos, insequi, quousque celebratum Concilium est anno 853. in quo & Carolus Calvus Rex interfuit, & quinque Provinciae Episcopi ultra triginta, cum Abbatibus, & Clericis pluribus. Quidam adhibitis, confecta res fuit, in quibus causa Clericorum eorundem discussa abunde fuit, editique sunt canones tresdecim, Regia auctoritate etiam confirmati, quorum aliqui ad eandem Clericorum, vel aliorum singulares causas attinent, alii ad disciplinam Ecclesiasticam generaliter stabiliendam.

Can. 9. In actione 1. hujus Concilii habetur
can. 9. cau. 2. qu. 1. Convocata enim
Synodo, nunciatum est Clericos plures
Rhemenfes adesse, qui in Synodum convenire exoptabant. Hincmarus, qui inter Episcopos sedebat, petiit, ut recitarentur illorum nomina, ex quibus apparuit, quatuor esse Canonicos Rhemensis Ecclesiae, & plures alios Monachos, Synodus, & Princeps facultatem ingrediendi fecerunt, quos ingressos, accrogantes, ut ex benignitate in ordinibus ab Ebbone susceptis reciperentur, interrogavit Hincmarus, utrum libellum reclamationis, aut postulationis haberent? Cum autem respondissent, se praemanibus nullum habere libellum, Hincmarus Archiepiscopus dixit (sunt verba in eadem actione descripta) *Legum Ecclesiasticarum consuetudo, & auctoritas talis est, ut in causis gestorum semper scripturam requirant*. Quæ habentur in dicto can. 9. Hinc iidem Clerici statim libellum conscripserunt, & Synodo porrexerunt. Quid in hac causa definitum fuerit, ex integris Concilii actis patet, ad rem autem nostram nihil interest illud adferre. Tantum dixero hoc idem caput referri in Gregorii IX. Decretalibus, & quidem nomine Concilii habiti apud S. Medardum, sed pro Hincmaro scriptum est: *Ignarus Episcopus*.

Canon 17. cau. 22. qu. 5. pertinet ad Can. 17. caput 10. ejusdem Concilii, ubi hæc leguntur: *Et ut in locis sacratis, diebus dominicis, vel aliis solemnitatibus, quæ dicitur publica non exercentur: neque enim fas esse ibi reos puniri, ubi respectu divina reverentia misericordiam consensu fidelium consequuntur*. Carolus Calvus in suo Capitulari, in quo ejusdem Concilii capita confirmavit, clarius hanc eandem sententiam expressit numero 8. his verbis: "Ut missi nostri Comitibus, & omnibus Reipublicæ Ministris firmiter, ex verbo nostro denuntient, atque præcipiant, ut a quarta feria ante initium Quadragesimæ, nec in ipsa quarta feria usque post octavas Paschæ mællum", (erat mællum publicum auditorium judiciale, causa litium dirimendarum, & quidem graviorum), *vel placitum publicum, nisi de concordia, & pacificatione discordantium, tenere præsumant. Similiter etiam a quarta feria ante Nativitatem Domini usque post consecratos dies observent, necnon & in jejniis quatuor temporum, & in Rogationibus simili observatione eisdem feriatis dies venerari omnimodis studeant*. Hæc sane sive Episcoporum, sive Regis sententia nihil exprimit de jurejurando, quemadmodum exprimitur apud Gratianum. Primus expressit Regino in sua collectione lib. 2. cap. 319. ubi Concilii Sueffionensis apud Sanctum Medardum can. referre volens nonnulla adjecit his verbis: "Ut Missi nostri Comitibus, & omnibus Reipublicæ Ministris firmiter ex verbo nostro denuntient, ut a feria quarta ante initium Quadragesimæ usque post octavas Paschæ mællum publicum, nisi de concordia, & pacificatione, tenere præsumant, neque aliquis juret. Similiter etiam a quarta feria ante Nativitatem Domini usque post consecratos dies observent, necnon & jejniis, quatuor temporum, & in Rogationibus. Nullus etiam in dominico die placitum teneat, aut Sacramentum juret". Ex Reginone rursus paullo aliter idem fragmentum descripserunt posteriores Collectores, in ea præsertim parte, quam Regino idem adjecerat, & ex recentioribus Collectoribus aliter descripsit Gratianus, quam in integris Concilii exemplaribus habeatur.

C A P U T LII.

De Conciliis Eugenii II. & Leonis IV. Pontificum Maximorum,

Duo Romana Concilia, quorum primum est Eugenii II. anno 826. alterum Leonis IV. anno 853. celebrata, hic simul exhibeo ideo, quod prius a posteriore confirmatum fuerit, imo in posteriore nonnulla adjecta fuerint priori, quasi minus integro, & non ex omni parte ad Ecclesiasticam disciplinam stabiliendam absoluto. Gratianus illorum nomine sequentes canones retulit.

Can. 12. dist. 37. est Eugenii Papa, cui nonnulla ex Leone adjecta sunt.

Can. 1. dist. 72. ex integris Concilii exemplaribus supplendus.

Can. 6. dist. 79. pertinet ad Capitulare Romanum anni 824.

Can. 7. dist. 81. fere consonat cum vulgatis Concilii exemplaribus.

Can. 22. dist. 81. fere consonat cum vulgatis Concilii exemplaribus.

Can. 3. cau. 5. qu. 3. perperam Anacleto Papa tributus.

Can. 3. cau. 12. qu. 1. consonat cum vulgatis Concilii exemplaribus.

Can. 27. cau. 12. qu. 1. varius in diversis exemplaribus.

Can. 18. cau. 12. qu. 2. apocryphus, sed disciplina 9. sæculi conveniens.

Can. 2. cau. 14. qu. 2. ex integris Concilii exemplaribus emendandus.

Can. 62. cau. 16. qu. 1. consonat cum canone Eugenii, & Leonis.

Can. 33. cau. 16. qu. 7. ex integris Concilii exemplaribus supplendus.

Can. 9. cau. 20. qu. 1. ex integris Concilii exemplaribus emendandus.

Can. 4. cau. 21. qu. 4. ex integris Concilii exemplaribus supplendus.

Can. 31. cau. 27. qu. 1. jam a Romanis Correctoribus restitutus.

Can. 23. cau. 27. qu. 2. consonat cum vulgatis Concilii exemplaribus.

Can. 30. de conf. dist. 2. falso tributus Clementi Papa.

ANNO 826. Ludovico, & ejus filio Lothario Imperantibus celebratum est Romæ ab Eugenio II. sexaginta, & amplius Episcoporum Concilium, præter Presbyteros, & Diaconos plures, in quo constituti sunt can. 38. ad disciplinam Ecclesiasticam stabiliendam. Eisdem can. confirmavit in alio Romano Concilio totidem fere Episcoporum, Presbyterorum, ac Diaconorum Leo IV. qui & aliqua ipsismet Eugenianis canonibus adjecit, & ipsum can. numerum, ac sententias adauxit ita, ut can. 42. recenseantur, præter acta depositionis Anastasii Presbyteri, ut vocant, Cardinalis, cui & Lotharius Imperator una cum Pontifice Maximo subscripsisse fertur. De hac Leonis IV. Synodo ita scribit Anastasius Bibliothecarius in ejusdem Pontificis vita: "Volens itaque, sicut & sa-
 „ factum est ex priscis auctoritatibus
 „ novam Christo juvante normam pro-
 „ ponere, qualiter unusquisque eorum
 „ vitam castam, & sobriam duceret,
 „ & Deo, cui semper irreprehensibili-

„ ter famulatum debemus impendere,
 „ in omnibus complaceret, tunc demum
 „ Sancti ei Spiritus gratia revelante una
 „ cum consilio Serenissimum Lotharii,
 „ & Hlodovici Imperatorum anno Imperii
 „ eorum 5. & 37. atque Pontificatus jam
 „ dicti Præsulis 7. mense Decembris die
 „ 8. indict. 11. sanctam, & veneranda
 „ in Ecclesia B. Petri Apostoli Synodum
 „ congregavit, in qua non tam ipse Ca-
 „ tholicus, & Apostolicus Vir, quam
 „ que & alii cum eo 67. Episcopi re-
 „ sederunt. Ex quibus quatuor Episco-
 „ pi ab Imperatoribus destinati Joseph
 „ Eporegensis, Nortingus Brixien-
 „ sis, Petrus Spoletinus, & alius Petrus
 „ Arretinus Et tunc coram omni-
 „ bus quadraginta, & duo Capitula,
 „ quæ profecto ad salutem, & lucrum
 „ omnium Christianorum hominum per-
 „ tinere noscuntur, per Diacones San-
 „ ctæ, & universalis Ecclesiæ legi præ-
 „ cepit, quæ etiam Capitula, ut in
 „ futurum ab omnibus illibata serven-
 „ tur, post cetera decreta Pontificum
 „ in

„ in sanctis canonibus iussit adscribi,
 „ quatenus omnes Episcopi hujus aucto-
 „ ritatis exemplum ante oculos haben-
 „ tes, & suos possint melius instruere,
 „ & erudire subiectos“. Ex his omni-
 bus adparet, facile fuisse Collectoribus
 canonum duo hæc Concilia Eugenii, &
 Leonis ita confundere, ut unum pro al-
 tero sæpissime laudaretur, aut unum ut-
 riusque Pontificis nomine, quemadmo-
 dum, ut de ceteris sileam, contigit apud
 Gratianum, qui modo Concilium Leo-
 nis memorat, modo Concilium Eugenii,
 modo Concilium Eugenii, & Leonis.

Can. 12.
 dist. 37.

Ex Synodo Eugenii II. laudatur can.
 12. dist. 37. Is est can. 34. Concilii Eu-
 geniani hisce verbis expressus. *De qui-
 busdam locis ad nos refertur, non Magi-
 stros, neque curam inveniri pro studio li-
 terarum. Idcirco in universis Episcopis,
 subiectisque plebibus, & aliis locis, in
 quibus necessitas occurrerit, omnino cura,
 & diligentia habeatur, ut Magistri, &
 Doctores constituentur, qui studia litera-
 rum, liberaliumque artium, ac sancta
 habentes dogmata, assidue doceant, quia
 in his maxime divina manifestantur, at-
 que declarantur mandata. His Leo IV.
 ista adjecit. Et si liberalium artium Pra-
 ceptores in plebibus, ut assolet, raro in-
 veniuntur, tamen divina Scriptura Ma-
 gistri, & Institutores Ecclesiastici officii
 nullatenus desint; qui & annualiter pro-
 prio Episcopo de ejusdem actionis opere sol-
 licite inquisiti debeant respondere. Nam
 qualiter ad divinam utiliter cultum ali-
 quis accedere possit, nisi iusta instructio-
 ne doceatur? Liquet fane ex his, quan-
 ta fuerit tum Eugenii, tum Leonis pro-
 videri sollicitudo, ut Clerici edocerentur,
 ex quorum scientia optimum universæ
 Ecclesiæ regimen plurimum pendet, præ-
 sertim vero ex studio rerum sacrarum,
 quod omnino etiam in plebibus, sive in
 villulis colendum esse decreverunt.*

Can. i.
 dist. 72.

Nomine Leonis Papæ refertur canon
 1. dist. 72. qui legitur inter canones
 Concilii Eugeniani a Leone confirmati
 num. 18. cuius integra verba hæc sunt:
*Episcopus subiecto sibi Sacerdoti, vel alii
 Clerico, nisi ab alio postulatus dimisso-
 rius non faciat, ne ovis quasi perdita,
 aut errans inveniat: sed per consensum
 unius in alterius inveniat ovis. Et
 ne falsa ut vera credantur, & vera ut
 falsa suspicentur, universalis Pontificis,
 aut Imperialis, vel Metropolitani Bulla-
 os roborari oportet. Coercita est hoc in
 loco Clericorum quorundam vagandi li-*

centia, quos a Diocesi abesse vetitum
 erat, nisi ab alio Episcopo advocati fuis-
 sent; cum enim Clericus de una, cui
 olim sese perpetuo devinciebat, in aliam
 Ecclesiam transferri non posset, nisi
 utilitate ecclesiastica urgente; quisnam
 de ea fidem facere posset, nisi Episco-
 pus quispiam translationem Clerici po-
 stularet? Ex hoc præterea canone ar-
 bitror, originem habuisse formulas illas
 literarum, quas appellant vulgo *legali-
 zationes* ad evitandas fraudes falsario-
 rum; prudentissimum enim est, vel Pon-
 tificum, vel Principum, sive Magistratuum,
 qui Principalem auctoritatem ex-
 ercent, testimoniis unamquamque Epi-
 scalam roborari.

Quod sub nomine Concilii Leonis IV. Can. 6.
dist. 79.
 legitur apud Gratianum in can. 6. dist.
 79. frustra inquireretur vel in Synodo
 Leonis, vel in Synodo Eugenii, sive
 vulgatas Conciliorum editiones observe-
 mus, sive Breviarium canonum ad eas-
 dem Synodos pertinentium, cui Luitpran-
 di nomen inscriptum est. Ego arbitror
 in vetusto aliquo codice, quod apud
 Gratianum fragmentum legitur, adne-
 xum fuisse Synodo Eugenii, & Leonis,
 non quod in eodem Concilio editum fue-
 rit; sed quod familia quædam constitu-
 ta fuerint tempore Eugenii Papæ II. in
 atrio B. Petri Apostoli a Hlotario Im-
 peratore, quæ appellantur Capitulare
 Romanum anni 824. & duobus annis
 ante dictam Synodum Romanam Euge-
 nii. Duo extant hujus Capitularis exem-
 plaria in editione Parisiensi anni 1677.
 Capitularium Francorum tomo 2. pag.
 317. & sequ. atque in primo exemplari
 ita legitur num. 3. *In electione autem
 Romani Pontificis nullus sive liber, sive
 servus presumat aliquod impedimentum
 facere, sed illi solummodo Romani, qui-
 bus antiquitus concessum est constitutione
 Sanctorum Patrum, sibi eligant Pontifi-
 cem. Quod si quis contra hanc nostram
 constitutionem facere presumpserit, exilio
 tradatur. In altero exemplari eodem n.
 3. hæc habentur: Volumus, ut in ele-
 ctione Pontificis nullus presumat venire
 neque liber, neque servus, qui aliquod
 impedimentum faciat illi, exceptis solum-
 modo Romanis, quibus antiquitus fuit
 consuetudo concessa per constitutionem San-
 ctorum Patrum eligendi Pontificem. Et
 si quis contra hanc iussionem nostram fa-
 cere presumpserit, in exilio tradatur. Ea-
 dem constitutio legitur in lib. 3. Legum
 Longobardarum tit. 11. §. 3. Hinc au-
 tem*

tem videtur desumptus dictus can. 6. dist. 79. & Concilio Eugenii, & Leonis adjectus, non quidem eisdem verbis, sed ad Amanuensis arbitrium paullo aliter descripta sententia.

Can. 7. Nomine Eugenii Papæ referuntur canones 7. & 22. dist. 81. qui habentur in can. 14. & 15. ejusdem Concilii Eugeniani. Verba canonis 14. hæc sunt: *Sacerdos etenim, aut quivis alius in Ordinem Ecclesiasticum promotus, si in eo scelere inveniat, quo abiciendus existat, depositus providentia Episcopi bene proviso loco constituitur, ubi peccata lugeat, & ulterius non committat.* Verba canonis 15. hæc sunt: *Si quispiam Sacerdotum, idest Episcopus, Presbyter, aut Diaconus, vel etiam Subdiaconus de quacumque femina crimine fornicationis suspicatus, post primam, secundamque, & tertiam admonitionem Metropolitanam, vel alterius Episcopi, aut ejus, cui subjacere videtur, inveniat, inveniatur fabulari cum ea, aliove modo conversari, canonice judicatur.* Quapropter unusquisque Episcopus in tali re studioso, ac diligenter curam habere debet, ne Ecclesia Christi a propriis possit sordidari Ministris; quia cum propriam uxorem habere non permittitur, maxime ab omni femina est abstinendus. Ex his manifeste liquet, quantum Gratianus corruperit hanc sententiam, qui primum nullam fecit de Episcopis mentionem, deinde poenam excommunicationis Clericis ex suspitione criminis infligendam voluit, foeminas vero canonice judicandas, contra quam in ipso Concilii can. habeatur. Quamobrem etiam adparet, quam distent a germana canonis interpretatione Glossographi, & Interpretes, qui ad eundem can. adnotaverunt *feminam ratione delicti fieri de foro Ecclesia*; cum de sententia adversus foeminas proferenda ne verbum quidem in can. ipso legatur; quod enim de foeminis Gratianus dicendum voluit, ut canonice judicentur, in ipso Concilio de Clericis dicitur, quos canonice judicari, idem significat, ac e proprio gradu deijci, quoties criminis rei probati fuerint, neque enim Clericis juxta sacrorum canonum disciplinam infligi potest poena excommunicationis; sed primum deponendi sunt, laica illis communione concessa; tum demum autem excommunicandi, cum in crimine, cujus causa jampridem depositi fuerint, sint pertinaces. Hæc porro omnia observanda erunt ab eo, qui apte, ap-

Tom. I.

positeque interpretari voluerit capitulum 2. de cohabitatio. Clericor. & Mulierum.

Ad idem Eugenii Concilium referendus erit can. 3. cau. 5. qu. 3. cui Gratianus Anacleti Papæ nomen inscripsit. Legitur ille eisdem verbis in can. 19. ipsius Concilii Romani, quo consultum est Ecclesiarum utilitatibus, ne scilicet occasione rerum temporalium minime distraherentur Episcopi a gravioribus Ecclesiae negotiis, quod alias fieri neutiquam poterat, nisi præciperetur Episcopis eisdem, ut per Advocatum temporalium rerum curam gererent, excepto tamen crimine publico, in quo nemo juxta leges per procuratorem agere potest, sed potius expedit in persona propria excipere, atque accusantibus respondere.

Optime emendarunt Correctores Romani inscriptionem can. 3. cau. 12. qu. 1. etenim habetur ille in Synodo Eugenii a Leone confirmata can. 7. ubi hæc habentur: *Necessaria etenim res existit, ut juxta Ecclesiam claustra constituantur, in quibus Clerici disciplinis ecclesiasticis vacent.* Itaque omnibus unum sit refectorium, ac dormitorium, seu cetera officina ad usus Clericorum necessaria. Ministri vero post Episcopum super oostales eligantur, quorum vita, atque doctrina illos potius exornent, quam dehonestent. Renovarunt heic Pontifices Maximi veterem Clericorum disciplinam, quam primum Sancti Episcopi Eusebius, & Augustinus in Cathedralibus Ecclesiis instituerant.

Can. 27. cau. 12. qu. 1. habetur in can. 16. ejusdem Concilii, in quo non omnia omnino consonant exemplaria. Vulgati codices ita habent: *Nulli Episcoporum liceat res immobiles de subiectis plebibus* (Gratianus legit: *res mobiles, aut immobiles &c.* Antonius Augustinus lib. 2. de emendatione Gratiani dial. 1. monet in aliquibus codicibus legi: *liceat res mobiles de subiectis plebibus*), *sen aliis piis locis in proprio usu habere, ne majores enormiter locupletentur, aut minores talis facto pauperiores inveniantur.* Contra agens canonica auctoritate coercendus existat. Legit Gratianus: *coarctatus existat.* Antonius Augustinus in relato loco asserit in aliquibus codicibus haberi: *canonica auctoritate coercetur.* In hac codicum varietate non inutile

Ddd

erit

erit adferre lectionem Breviarii ejusdem Synodi, editi ab incerto Auctore, cui nomen Luitprandi tribuitur, in can. 16. ibi: *Ut nulli Episcoporum liceat res immobiles de subiectis plebibus, aliisque piis tollere locis, ne in tali facto pauperes inveniantur. Contra agens canonica auctoritate confirmandus existat.*

Can. 18. Aliud refert Gratianus decretum Leonis IV. quod in ejus Concilio editum adfirmat in can. 18. cau. 12. qu. 2. Non habetur illud in vulgatis Concilii exemplaribus, non in canonibus Eugenii, non in adjectionibus Leonis; sed potius confictum est ab eo, qui Synodi ejusdem Romanæ acta, & can. brevavit sub nomine Luitprandi. Hic postquam 42. capitula Romanæ ejusdem Synodi exposuit, subjecit paucis, quid definitum fuerit in causa Anastasii Presbyteri Cardinalis, quem Leo Papa damnavit, & sacerdotali honore privavit; rursus vero duos can. ad disciplinam ecclesiasticam pertinentes addidit (cum tamen superius quadragesimum secundum caput ultimum capitulum appellasset) his verbis concludens: "Item in eadem Synodo monuit, & apostolica auctoritate præcepit, ut unusquisque Episcopus &c. Item in eadem irrefragabiliter affirmando instituit, ut nullus Episcoporum, vel Sacerdotum rem sui tituli usurpare, aut alienare præsumat; qui autem hoc fecerit, canonice sine dubio subeat ultionem". Non est itaque dubitandum huc pertinere memoratum Gratiani fragmentum, quemadmodum patet ex utriusque capituli collatione, illud autem ab eodem incerto Auctore fuisse confectum ex plurium Conciliorum ejusdem sæculi sententia, deinde Leoni IV. adtributa; nihil enim pressius urgeri potuit eo tempore, quam Ecclesiarum bona semel quæ sita penes eandem Ecclesiam remanere debere, cum audax Laicorum quorundam avaritia nonnulla ex eisdem bonis occupasset, partim vi, aut fraudibus, partim ex improvida plurium Episcoporum, & Sacerdotum liberalitate.

Can. 2. In can. 13. ejusdem Romani Concilii cau. 14. legitur canon 2. cau. 14. qu. 2. his tamen verbis: "Quamquam Sacerdotum testimonium credibiliter habeatur, tamen ipsi in sæcularibus negotiis pro testimonio, aut conficiendis Instrumentis non rogentur, quia eos in talibus rebus esse non convenit. Si enim eventus causas aliquid viderint, (hic

aliter legitur apud Gratianum), aut audierint, ubi nullæ idoneæ sæcularium inveniantur personæ, ne veritas occultetur, & malus, ut bonus existimetur, in providentia proprii sit Episcopi, ut aut coram se, & competentibus iudicibus, aut aliter veritatem honorifice attollant.

In can. 26. Concilii Eugeniani hæc habentur: "Nulli liceat Episcoporum a subiecto Sacerdote, vel aliquolibet Clerico, & piis locis donationes ultra statuta Patrum exigere, aut superposita in angariis inferre. Sed cum sit optimus prospector, ita prospiciat, ut universæ sibi oves commissæ a se maxime alantur, atque in necessitatibus adjuventur, quam illicitis exactionibus datationibus opprimantur. Leo IV. in sua Synodo hac addidit: Quia Dominus pascere, & docere nos docuit, & omnibus ministrare, non terrenis lucris, vel avaritiis delectari". Ex his omnibus tum Eugenii decreto, tum Leonis adjectione descripsit Gratianus can. 62. cau. 16. qu. 1.

Can. 33. cau. 16. qu. 7. habetur in can. 21. Concilii Eugeniani, ex quo nonnulla sunt adicienda ad fragmentum Gratiani integritatem his verbis: "Monasterium, vel Oratorium canonice constructum a dominio constructoris invite non auferatur, liceatque illi id Presbytero, cui voluerit, pro sacro officio illius Dioceseos, & bonæ auctoritatis dimissoria, cum consensu Episcopi, ne malus existat, commendare, ita ut ad placita, & ad justam reverentiam ipsius Episcopi obedierit Sacerdos recurrat. Hæc erant constituta in Synodo Eugenii. Leo IV. ista adjecit: Si vero superbia elatus, vel aliquolibet modo a proprii se subtrahere maluerit mandatis Episcopi, canonicis eum decernimus ultionibus subjacere. Exhibetur his imago quædam jurispatronatus, quale erat nono Ecclesiæ sæculo apud Fundatores Monasteriorum.

In can. 32. Concilii Eugeniani legitur can. 9. cau. 20. qu. 1., his verbis. "Sicut enim qui Monasteria elegerunt, a Monasteriis egredi non permittuntur, ita hi, qui inviti sine justæ ostensionis crimine Monasteria sunt intromissi, nisi volentes, non teneantur; quia quod non petunt, non observant. Ideoque tales considerandi sunt maxime peccata committere, quam

Can. 62.
can. 16.
qu. 1.

Can. 33.
can. 16.
qu. 7.

Can. 9.
can. 20.
qu. 1.

„ quam plangere, sicut decreto Sanctissimi Leonis Papæ manifestissime continetur. “ Duplici de causa quispiam sæculo 8, 9., & sequentibus Monasterium ingrediebatur, vel scilicet propria, liberaque voluntate, ut indulgeret pietati, atque humilitati; vel necessitate ad poenitentiam admissorum criminum peragendam. Propterea contigit aliquando, ut quis de crimine per calumniam accusaretur, quin tamen accusator quidpiam demonstrasset, & nihilominus ob libertatem gravem suspicionem accusatus in Monasterio includeretur invitus, & reluctans. Quamobrem Eugenius decrevit, neminem sine iusta offensionis crimine, idest sine apertissima probatione criminis, de quo fuerit accusatus, esse Monasterio tradendum. Eidem canoni hæc addidit Leo IV. *Verum etiam qui sponte ad talem devotionem pervenerit, & postmodum ad nuptias, vel ad militias devolvitur, publica satisfactionem poenitentia gerat intensius, ut ad perfectionem redire non diffidat.*

Can. 4. Nomine Leonis Papæ in Synodo Romana laudatur can. 4. cau. 21. qu. 4. cau. 21. legitur autem in cap. 12. Synodi Eugenianæ, cujus hæc sunt verba, ex quibus suppleendus erit, atque emendandus Gratianus: „ Sacerdotes itaque, „ qui ad debita, & opportuna officia „ Ecclesiis indifferenter adesse debent, „ fœnore aliquo, aut venatione, vel „ aliqua aucupatione, rusticoque ministerio omnino non occupentur. Quia „ sine ornatu Sacerdotali extra domos „ eos apparere non convenit, ne ut „ aliquis sæcularium injurias patiantur. Sed ea solummodo, quæ per „ Patres constituta videntur, observent. „ Contrarius denique inventus, aut deinceps designat, aut canonicæ subiacet disciplinæ.

Can. 31. cau. 27. qu. 1. referendus est ad can. 29. Concilii Eugeniani, juxta quem jam Romani Correctores Gratianum emendaverunt; etiamnum tamen posteriora canonis verba desunt; nam post illa: *caste observent*, ita sequitur: *Contra autem turpes inventa, providentia Episcopi emendentur.* Sic se se habet canon integer Eugenianus, cui aliqua addidit Leo IV. ibi: *Secundum culpam, vel peccatorum differentiam poenitentia moderetur, & ipsarum cœnobiis doctrina, & institutio ad similitudinem virorum maneat Monasteriorum, quia quavis in sexu dispares sint, in humilitate sine status differentia concordant.*

Can. 23. cau. 27. qu. 2. habetur in can. 36. Concilii Eugeniani, ubi pro illo postremo verbo solvitur legitur solvatur. Explicavit uberius eundem canonem Leo IV., qui illhæc adjecit: *Utraque enim pars consentiens, & magis alter ex illis divini amoris, quam humani ardens, ut in castitate maneret, divortium miserit, & postmodum pollicitationem propriam non observaverit, ad restrictam mentiens poenitentiam redigatur.*

Falso inscriptum fuit nomen Clementis Papæ can. 30. de cons. dist. 2., qui potius legitur in hoc Eugenii II. Concilio can. 33., quibus hæc adjecit Leo IV. *Et sicuti discrete in Ecclesia singula videntur exposita, ita virorum pars, & mulierum partibus suis contenta sit; & seculares, ne peccent, cum justificari desiderant, a prohibitis abstinere videantur; nec inter sacros cancellos ordinibus debitos, nisi permittente Episcopo, adtentent accedere.* Similia quædam constituta sunt in Concilio Turonensi II. can. 4., & Capitulari anni 744. can. 6., unde & caput 279. libri 7. Capitularium Francorum.

CAPUT LIII.

De Concilio Ticinensi.

Jam a Romanis Correctoribus jure tributum est Ticinensi Concilio, quod Gratianus Anastasio Papæ tribuisse videtur, videlicet:

Can. 56. cau. 16. q. 1. est unum ex Capitibus Ludovico Imperatori propositis.

Celebratum est hoc Concilium in Ticinensi Civitate, quam vulgo Pa-

piam, seu Pavia appellamus anno 855., cum ibidem moraretur Ludovicus Imperator.

rator. Synodi ordo hic fuit : Episcopi simul convenientes perscrutati primum sunt , quænam potissimum disciplinæ ecclesiasticæ capita reformatione indigerent , eaque communi consensu colligentes descriperunt. Deinde eadem obtulerunt Imperatori , confirmationem regularum , quas proposuerant , postulantes. Ludovicus singula capita ab Episcopis sibi proposita Proceribus , & Ministris suis aperuit , pluraque ex illis novis editis decretis confirmavit , juxta Episcoporum petitionem , aliqua vero ex eisdem silentio prætermisit. Inter illa capita , quæ Episcopi proposuerant , hoc legitur : „ In sacris canonibus præfixum est , ut decimæ juxta Episcopi dispositionem distribuantur. Quidam autem Laici , qui vel in propriis , vel in beneficiis suas habent Basilicas , contempta Episcopi dispositione non ad Ecclesias , ubi Baptismus , & Prædicationem , manus impositionem , & alia Christi Sacramenta percipiunt , decimas suas dant , sed vel

„ propriis Basilicis , vel suis Clericis „ pro suo libitu tribuunt. Quod omnibus modis divinæ legi , & sacris canonibus constât esse contrarium . Unde vestram potestatem , ut eos corrigatis , expetimus . Sacra docet auctoritas , ut publice peccantes publicæ pœnitentiæ subjiciantur . “ Hic est Gratiani can. 56. cau. 16. qu. 1. Nihil ad hæc specialiter constat respondisse Ludovicum , qui tantum generaliter decrevit Ecclesiarum Rectores libere suis privilegiis uti posse ; in fine etiam cavet , se aliquod temporis spatium ad correctionem indulgere illis , qui se se non emendaverint , post quod , si negligentes fuerint , graviore pœnas minatur , ibi : *Nostra mansuetudine , ut corrigantur , quantulumcumque largimur spatium , quo quique neglecta emendare valeant , destinati post modicum legatos strenuos emendata inquirere . Qui vero negligens repertus fuerit , propriis honoribus nostro privabitur iudicio .*

C A P U T L I V.

De Concilio , quod dicitur apud Tansiacum.

Hoc nomine inscribitur.

¶ *Can. 55. cau. 12. q. 2. potius inscribendus nomine Concilii apud Carisiacum.*

Corruptam esse inscriptionem can. 55. cau. 12. qu. 2. nemo est , qui dubitet , dummodo idem fragmentum legat apud antiquiores Collectores. Ivo in parte 3. cap. 235. ita inscribit : *Ex Concilio apud Carisiacum cap. 3.* Eodem modo Burchardus in lib. 3. cap. 134. Præterea Regino Prumiensis in lib. 2. cap. 370. ita habet : *Ex Capitulis apud Carisiacum* ; neque vero adeo difficile evenire potuit , ut pro voce *Carisiacum* Amanuensium oscitantia *Tansiacum* scriberetur . Editam habemus Synodum Episcoporum Gallicanorum , & quidem quamplurium apud Carisiacum anno 868. Verum nihil aliud in ea tractatum adparet ex editis actis , quam de causa cujusdam Villeberti Presbyteri Turonensis ; forte canones in illa conditos hodie desideramus . Non est tamen contemnenda Reginonis auctoritas , qui sub finem noni sæculi floruit , videlicet prope tempora Concilii Carisiaci , quem propterea præ-

sumendum non est aliquid ausum fuisse in effingendis novis canonibus , de quibus facile redargui potuisset a suis . Hoc idem caput relatum est nomine Concilii apud Carisiacum inter Capitularia Francorum ad tempora Ludovici II. Imperatoris ad annum 867. in editione Parisiensi anni 1677. tom. 2. pag. 364. num. 12.

Si cui vero hæc non omnino placeant , adhuc ille suspicari posset pro Concilio apud *Tansiacum* legendum esse Concilium apud *Tusiacum* , ita dictum a Villa Tusaco in Territorio Tullensi sita , in qua anno 860. celebratum est Concilium , quod vulgo appellant Tullense II. Porro inter Capitularia Caroli Calvi ad annum 865. referuntur nonnulla Capitula nomine Conventus apud Tusiacum ; & post illa ad annum 863. alia subjiciuntur in Compendio edita , inter quæ num. 12. hæc leguntur : *Umissi nostri omnibus per illorum missa-*

cum denuntient, ne commutationes rerum, vel mancipiorum quilibet Prelatus earundem rerum ecclesiasticarum sine licentia, vel consensu nostro facere presumat, neque mancipia ecclesiastica quicquam, nisi ad libertatem commutet. Videlicet ut mancipia, quæ pro ecclesiastico dabantur, in Ecclesia servitute permaneant, & ecclesiasticus homo, qui commutatus fuerit, perpetua libertate fruatur. Hæc porro verba plurimum consonant cum illis, quæ retulit Gratianus in dicto can. 55., quæque quis facile tribuere potuit Concilio apud Tu-

siacum, vel corrupto nomine apud Tusiaceum ob conjunctionem, quam in codicibus habere potuerunt acta Tusiacei cum actis Compendii. Non omniam, eadem constituta fuisse in Conventu Sueffionensi apud S. Medardum sub eodem Carolo Calvo anno 853. num. 12. Adde etiam caput 1. Concilii Tullensis II. apud Tusiaceum nuper memorati, in quo generaliter constitutum est, ut res Ecclesiasticæ perpetuo remanere debeant penes Ecclesiam, nec possint aliquando a Laicis per vim, aut fraudem vindicari.

CAPUT LV.

De Concilio Vormatiensi.

Concilio VVormatiensi tribuuntur apud Gratianum sequentes canones.

- | | | |
|--|--|--|
| { | Can. 50. dist. 50. fere consonat cum vulgatis Concilii exemplaribus. | } Simul jungendi, & ex disciplina medii temporis explicandi. |
| | Can. 23. cau. 2. qu. 5. | |
| | Can. 26. cau. 2. qu. 5. | |
| | Can. 44. cau. 16. qu. 1. pertinet ad Capitulare Caroli Magni anni 804. | |
| | Can. 25. cau. 23. qu. 8. consonat cum Capitularibus Regum Francorum. | |
| | Can. 16. cau. 33. qu. 2. consonat cum vulgatis Concilii exemplaribus. | |
| | Can. 17. cau. 33. qu. 2. ex vulgatis Concilii exemplaribus emendandus. | |
| | Can. 18. cau. 35. qu. 2. consonat cum vulgatis Concilii exemplaribus. | |
| Can. 93. de conf. dist. 2. pertinet potius ad Francorum Capitularia. | | |

Celeber est ille Episcoporum Conventus, quem habitum fuerunt tempore Hadriani II. Pontificis Maximi, & Ludovici II. Imperatoris anno 868. in Civitate VVormatiæ intra Palatinatum Rheni constituta sub Archiepiscopatu Moguntino. In præfatione Concilii testantur Antistites, se iussione Ludovici Regis congregatos fuisse, & ad tractanda Ecclesiastica negotia generale Concilium celebrasse. Generalis autem Concilii nomine intellexerunt Nationale, ad quod convenerunt tres Archiepiscopi, Salzburgenfis, Moguntinus, & Hammaburgenfis, una cum Episcopis septemdecim, & septem Abbatibus. Ibidem facta juxta morem Conciliorum fidei professione plures canones editi sunt ad disciplinam Ecclesiasticam stabilendam, vel confirmandam pertinentes. Verum de ordine canonum, eorundemque numero non una est omnium eruditorum, aut Collectorum sententia. Qui enim in iis colligendis versati sunt,

agnoverunt in diversis Codicibus diversum ordinem, ut testantur inter ceteros Severinus Binius, & Labbeus. Ego sequar vulgarem editionem, utpote quam in re admodum dubia uti meliorem Viri Eruditissimi habuerunt. Unum tamen interea necessario erit observandum in numero canonum; licet enim ii numerentur usque ad 80., non omnes tamen in omnibus Codicibus habentur; sed tantum 44. priores; atque posteriores ceteros ad idem VVormatiense Concilium pertinere non posse, facile deducitur ex eo, quod in posterioribus 36. multa constituta legantur, quæ in prioribus 44. habentur: Hinc nonnullis placuit duo VVormatiensia Concilia assignere, quorum alterum celebratum fuerit anno 858., tribuendo priori 44. canones, posteriori 36. Verum hæc omnia facile demonstrari non possunt, & vix tanquam verosimilia habenda sunt.

In canone 29. ex vulgatis VVormatiens-

Can. 50.
dist. 50.

tientibus canonibus habetur can. 50. dist. 50., ubi in postremis verbis hæc leguntur: *Et sub ipsa nemine valente penitus adjuvare, suppressus est, incisor arboris homicida procul dubio non est comparandus.*

Can. 23. Simul jungendi sunt can. 23., & 26.
 & 26. cau. 2. qu. 5., I cet in diversis Conci-
 cau. 2. lii VVormatiensis canonibus habeantur,
 qu. 5. videlicet in canonibus 10., & 15. Can. 10. hic est: *Si Episcopo, aut Presbytero causa criminalis, hoc est homicidium, adulterium, furtum, & maleficium imputatum fuerit, in singulis Missam celebrare (legunt alii: Missam tractare), & secretam publice dicere, & communicare debet, & de singulis sibi imputatis innocentem reddere. Quod si non fecerit, quinquentio a liminibus Ecclesie extraneus habeatur, sicut antiqui canones instituerunt.* Can. 15. ita exprimitur: *Sape contingit, ut in Monasteriis furtim perpetrentur, & qui hac committunt ignorentur. Idcirco statuimus, ut quando ipsi fratres de talibus se expurgare debeant, Missa ab Abbate celebretur, vel ab aliquo, cui ipse Abbas praeceperit, praesentibus Fratribus; & sic in ultima Missa celebratione pro expurgatione sua Corpus, & Sanguinem Domini Nostri Jesu Christi percipiant, quatenus ita inde innocentes se esse ostendant.* Multo aliter hunc canonem retulit Regino Prumienensis in cap. 276. lib. 2. ibi: *Sape contingit, ut in Monasteriis furtim perpetrentur. Idcirco statuimus, ut quando ipsi fratres de talibus se purgare debent, Missa ab Abbate celebretur, vel ab aliquo praesentibus Fratribus.* Et sic, expleta Missa, omnes communicant in hac verba: *Corpus Domini sit tibi ad probationem hodie.* Burchardus legit: *sit mihi ad probationem hodie, quam lectionem sequutus est Gratianus.* Ex causis horum duorum canonum nonnulli fidenter asseruerunt, Concilium VVormatiense non esse omnino ab Ecclesia probatum: imo & in Conciliorum editionibus recentioribus idem Concilium ita appellarunt: *Concilium VVormatiense Provinciale ex parte reprobatum.* Afferunt ad hanc rem S. Thomam 3. parte qu. 8. art. 6. ad 3., Bellarium lib. 2. de Conciliis cap. 8., & Possevinum in apparatu Sacro. Verum honestius mihi videtur de VVormatiensibus Episcopis differendum esse, neque illinc eam sumi posse occasionem, ut quidpiam ad eorundem injuriam inferatur, dummodo prudens quispiam ad

medii temporis receptas consuetudines respexerit. Nemo ignorat medio tempore, idest a saeculo 8. usque ad undecimum, vel duodecimum, judiciorum formas communi consensione receptas fuisse plurimum asperas in ea parte, in qua de eruenda aut a testibus, aut ab accusatoribus, aut a reis veritate ageretur. Purgationes illæ vulgares per ferrum, laminasque candentes, aut per aquam frigidam, aut etiam, ut agebant, per campiones in mallo, omnibus perspectissimæ sunt; & quidem tunc erant communi Provinciarum usu receptæ, atque Ecclesiarum cæremoniis consecratæ. Formula habetur in tomo 2. Capitularium Francorum editionis Parisiensis anni 1677. pag. 655. & sequ., imo & dum Missa a Sacerdote celebraretur, solebat Sacerdos idem reum interrogare hoc modo: *Adjuro te per Patrem, & Filium, & Spiritum Sanctum & per veram Christianitatem, qua suscepisti, & per Sanctas Reliquias, quæ in ista Ecclesia sunt, & per baptismum, quo te Sacerdos regeneravit, ut non præsumas ullo modo communicare, neque accedere ad altare, si hoc fecisti, aut consensisti &c.* Postquam admonitionem, si accusatus ad suscipiendam Eucharistiam nihilominus accessisset, Sacerdos sacram Eucharistiam porrigendo agebat: *Corpus hoc, & Sanguis Domini Nostri Jesu Christi sit tibi ad probationem hodie.* Hunc morem tempore etiam Gregorii VII. viguisse testatur Lambertus Schafnaburgensis ad annum 1077., referens Gregorium eundem Pontificem Maximum celebrata Missa Regem evocasse ad Altare, & manu præferentem Corpus Dominicum, cum multa prolocutus esset de sua inopotentia, hæc demum addidisse: *Ut satisfactionis compendio omnem omnibus scandalis scrupulum de medio auferam, ecce Corpus Dominicum, quod sumiturus ero, in experimentum mihi hodie fiat innocentia mea: ut omnipotens Deus suo me hodie iudicio vel absolvas obiecti criminis suspitione, si innocens sum, vel subitanea interimat morte, si reus.* Hæc & alia, ut solemne est, præfatus verba terribilia, quibus Deum causa sua aequissimum iudicem, & innocentia assertorem adesse precabatur, partem Domini Corporis accepit, & commedit. Habemus præterea perspicuum ejusdem rei argumentum in Capitulari Ludovici Pii Imperatoris Aquisgranensis anni 817. cap. 64., quod ad Monachos per-

pertinent ibi: *Ut de furto incerto oratio, & excommunicatio a Corpore, & Sanguine Christi fiat, quousque culpabilis confiteatur.* Quæ cum ita sint, nihil esse videtur, quod VVormatiensibus Episcopis objiciatur, dum juxta disciplinam suorum temporum sanxere, cum, qui de crimine furti suspectus est, præsertim si Monachus sit, Eucharistiæ perceptione esse purgandum; Talis enim erat apud illos Antistites Monachorum sui temporis exultatio, ut neminem ad Eucharistiam accessurum putarent, nisi qui fuisset objecti criminis expertus. Sane apud omnes siue Sacræ, siue Civilis prudentiæ Conditores difficillimum fuit eam rationem invenire, qua a reis, vel de crimine suspectis veritas excutitur. Et quidem inter Laicos homines ad id inuenta aliquando fuere duella, in proletariis etiam hominibus ferri candentis, & aquæ frigidæ probatio, una cum susceptione sacræ Eucharistiæ. In Clericis autem, aut Monachis res dubitationem maximam semper habuit, quemadmodum constat ex Capitulari Aquisgranensi Caroli Magni anni 803. cap. 7., & ex lib. 7. Capitularium Francorum cap. 281. Aliquando autem visum est constituendum, illos sese jurisjurandi Sacramento purgatos exhibere, aliquando productis testibus Confacerdotum commendabilibus. Cur etiam alia ratio haberi non poterat, qualis erat Eucharistiæ susceptio? Video quidem Sacerdotes, ac Monachos ea ratione probatos, expositos fuisse periculo gravissimi Sacrilégii, dum forte etiam criminis rei Eucharistiam suscipere minime dubitassent. Verum si ideo is purgationis modus omittendus fuisset, omittendus alter modus fuisset purgandi se per jusjurandum, ne facile in perjurio Rei prolaberentur. In rebus hisce difficillimis, qualis est admissio criminum, vel purgatio, aliquod incommodum, & aliquando gravissimum suboritur, quod tamen cum publica utilitate compensatur. Sive enim perjurium, siue Sacrilégium reo pertinaci nocet, nec tanta esse debet Majorum cura, ut, ne reus quispiam in majora scelera se sponte præcipitem agat, communem omnium utilitatem despiciant, præsertim cum alia ratione consuli nequeat. Revera, si etiam recentiores Tribunalium usus consideraverimus in reis, siue de crimine graviter suspectis torquendis, quis

non videt, & in illis nonnihil asperum, & rigidum contineri, dum aliquando & noxii contumaces absolvi necesse est, innocentes e contrario delictiores, & equales eorum impatientes quandoque damnari? Quamquam tamen & in hac ratione adhuc Tribunalia consistunt, siue quod alia non superstit, siue quod ea Republicæ læsæ quodammodo satisfiat. Apparet igitur, non omnino improbanda esse memorata VVormatiensis Concilii decreta; licet enim ægre ferre non debeamus, si quispiam dixerit, constitutiones hujus generis hodie in usu amplius non esse, mutata in hac parte disciplina; displicet tamen audire quosdam ita de veteribus Conciliis loquentes, ut eorum doctrinam penitus improbent, quasi prudentiæ, ac rationi contrariam. Diversa est sicut Provinciarum, ita & temporum disciplina, & semper peculiare extiterunt constituentibus non contemnendæ rationes, quemadmodum & in Civili Republica diversa est legum omnium ratio, nec est, cur Justinianus contemnat Theodosium, vel Constantinum.

Canon 44. cau. 16. qq. 1. minime legitur inter canones Concilii VVormatiensis. Sed quoniam Burchardus, & Ivo eundem laudant ex canone 6. Concilii VVormatiensis, in quo notant Correctores Romani nonnulla similia legi, ideo subjiciam verba ejusdem canonis 6. ibi: *Multi contra canonem constitutum Ecclesias, quas adificaverint, & ab Episcopo postulaverint consecrari, dotem, quam eidem Ecclesie contulerint, ad Episcopiorum ordinationem putant non pertinere, quod factum & in præterito displicet, & in futuro prohibetur. Ergo omnia secundum constitutionem antiquam jura Ecclesiarum ad Episcopi ordinationem, & potestatem pertineant.* Verum non est canon Concilii VVormatiensis, quem aut Gratianus, aut Ivo, aut Burchardus descripserunt. Potius id referendum erit ad Capitulare Caroli Magni anni 804. editum ad Salz; etenim cap. 3. ibidem hæc leguntur: *Quicumque voluerit in sua proprietate Ecclesiam adificare una cum consensu, & voluntate Episcopi, in ejus Parochia fuerit, licentiam habeat. Verumtamen omnino providendum est, ne alia Ecclesie antiquiores propter hanc occasionem nullatenus suam justitiam, aut decimam non perdant, sed semper ad antiquiores Ecclesias persolvantur.* Hæc sane

Can. 44.
cau. 16.
qq. 1.

ne verba eadem sunt cum fragmento Gratiani, licet alius Concilii nomine inscribatur, quod erratum ex Collectione Reginonis occasionem habuit; etenim apud Reginonem in lib. 1. cap. 23. laudatur canon 3. Concilii VVormatiensis, deinde in cap. 24. laudantur Capitularia Francorum; in cap. autem 25. & 26. in quo habetur illud Gratiani fragmentum, hæc adjicitur inscriptio: *Ex eodem, quam Burchardus non retulit ad cap. 24. & 25. sed potius ad cap. 23. VVormatiense, quare & cap. 25. nomine VVormatiensis Concilii inscribere non dubitavit; nisi dicere velimus, eundem Burchardum ex industria VVormatiense Concilium memorasse, ut a Capitularibus Francorum abstinuisse videretur, quemadmodum sæpius jam animadvertimus.*

Can. 25. Canon 25. cau. 23. qu. 8. legitur in
cau. 23. canone 50. Concilii VVormatiensis his
qu. 8. verbis: *Sancitum est, ut unicuique Ecclesia unus mansus integer absque alio servitio adtribuatur (mansus dicebatur ager duodecim iugerum), & Presbyteri in eis constituti non de decimis, neque de oblationibus fidelium, non de domibus, neque de præscripto manso aliquod servitium faciant præter Ecclesiasticum. Et si amplius aliquod habuerint, inde senioribus suis debitum servitium impendant. Ceterum, cum dixerimus canones VVormatienses, qui post quadragesimum quartum sequuntur, suspectæ fidei esse, hic consistendum non est, nec sufficere videtur, ad edita Concilii VVormatiensis exemplaria hunc canonem exegisse. Habetur ille præterea apud Reginonem in lib. 1. cap. 24. ubi laudatur potius nomine Capitularium Francorum. Sane eisdem omnino verbis legitur apud Ansegisum in lib. 1. Capitularium cap. 35. cum quo consonat Canon 10. in Capitulari Ludovici Pii anni 816, item caput 11. tit. 37. in Capitularibus Caroli*

Can. 16. Calvi, & demum Concilium Trosleja-
& 17. num cap. 6.
can. 33. Tutius tribuuntur eidem VVormatiens-
qu. 2. si Concilio canones 16, & 17. cau. 33.

qu. 2. habentur enim in canonibus 33. & 34. VVormatiensibus. Et quidem canon 16. omnino consonat cum dicto canone 33. verum canon 17. Gratianus ita ex canone 34. VVormatiensi erit emendandus. *Siquis cum compatro spiritali fuerit fornicatus, usque ad dignam penitentiam anathematis percutiatur i-ctibus. Similiter & illum percutere promulgamus, qui cum ea, quam de sacro fonte baptismatis susceperit, aut cum illa, quam ante Episcopum tenuerit, cum sacro Chrismate fuerit uncta, fornicationis perpetravit scelus; legitimam autem, si habuerit, non dimittat uxorem.*

De canone 18. cau. 35. qu. 2. nihil est, quod specialiter observandum existimem. Legitur ille eisdem omnino verbis in can. 32. ex VVormatiensibus.

Canon 93. de conf. dist. 2. a Burchardo primum nomine Concilii VVormatiensis laudatur, quem deinde more suo sequuti sunt Ivo, & Gratianus. Burchardus autem errandi occasionem ceteris præbuit, quod abstinendum sibi proposuerat a recitando nomine Capitularium Francorum, ad quæ hic idem canon referendus erat. Revera Ansegisus Abbas in sua Collectione Capitularium lib. 1. cap. 155. ita habet: *Ut Presbyter semper Eucharistiam habeat paratam, ut quando quis infirmaverit, aut parvulus infirmus fuerit, statim eum communice, ne sine communione moriatur.* Regino Prumiensis in lib. 1. cap. 69. eisdem omnino verbis refert hunc canonem hæc adjecta inscriptione: *Ex Capitulis Synodaliibus; qua arbitror laudari quædam Capitula Synodalia, quæ suis Clericis proposuit sæculo 9. quidam VValterius Episcopus Aurelianensis, edita recens apud Labbeum Tom. 10. Venetæ editionis pag. 69. ubi in fine capitis 7. hæc leguntur: Et ut semper Eucharistiam Presbyter habeat paratam, ut quando quis infirmatus fuerit, aut parvulus agrotaverit, statim eum communice, ne sine viatico moriatur.*

Can. 18.
can. 35.
qu. 2.

Can. 93.
de conf.
dist. 2.

CAPUT LVI.

De Synodo octava, & nona.

Hiscæ nominibus Concilii octavi, vel noni descripti sunt
apud Gratianum sequentes Canones.

Ex Conci-
lio VIII.

- Can. 7. dist. 28. consonat cum interpretatione Anastasii Bibliothecarii.*
Can. 22. dist. 54. potius tribuendus S. Isidoro Hispalensi.
Can. 1. dist. 63. } Simul jungendi, atque ad integra Concilii
Can. 2. dist. 63. } exemplaria exigendi.
Can. 4. dist. 90. tribuendus potius S. Basilio.
Can. 5. dist. 90. tribuendus S. Basilio, & S. Isidoro.
Can. 9. cau. 1. q. 1. ad sententias S. Basilii referendus.
Can. 7. cau. 5. q. 6. ad sententias S. Isidori referendus.
Can. 28. cau. 11. q. 3. idem est cum can. 18. cau. 11. q. 3.
Can. 77. cau. 11. qu. 3. tribuendus Sancto Isidoro, vel etiam
S. Basilio.
Can. 13. cau. 12. q. 2. ad integra Constantinopolitani Concilii
exemplaria exigendus.
Can. 7. cau. 26. q. 7. consonat cum sententiis S. Basilii.
Can. 8. cau. 26. q. 7. consonat cum sententiis S. Basilii.
Can. 9. cau. 26. q. 7. consonat cum sententiis S. Basilii.
Can. 10. cau. 26. q. 7. consonat cum sententiis S. Basilii.
Can. 11. cau. 26. q. 7. consonat cum sententiis S. Basilii.
Can. 22. cau. 27. q. 2. consonat cum sententiis S. Basilii.
Can. 1. de pœnit. dist. 2. consonat cum sententiis S. Basilii.
Can. 25. de conf. dist. 2. consonat cum sententiis S. Basilio ad-
tributis.

Ex Consi-
lio IX.

- Can. 1. cau. 20. q. 1. ad sententias S. Basilii referendus.*
Can. 4. cau. 20. q. 2. ad sententias S. Basilii referendus.

HOC in capite ideo jungenda duxi, quæ a Gratiano memorantur tum octavæ, tum nonæ Synodi nomine, quia canones nono Concilio adscripti ad nonum Concilium minime pertinent, sive, quod vulgo dicitur, Lateranense I. Generale, & in nonnullis Gratiani Codicibus non nona, sed octava Synodus in illorum inscriptionibus legatur. Imo & illud etiam contigit, ut sicut nonnulla alia capita Synodo octavæ apud Gratianum tributa, Synodi octavæ revera non sunt, sed potius S. Basilii Cæsareensis cognomento Magni, ita quoque vulgata Capitula nomine Synodi nonæ ad Sancti ejusdem Basilii opera referenda sint. Præmittenda hæc sunt generaliter, ac præterea explicanda est occasio, ex qua memorata Concilii octavi & noni capita Basilio potius sunt tribuenda. Arbi-

Tem. I.

tror ego, id profluxisse ex oscitantia Amanuensium, qui non satis inscriptionum literas consideraverunt: forte enim Basilii nomen de more brevium in mss. Codicibus fuerat hoc modo: *Brius*, hinc qui legerent, aut in alios Codices transponerent, pro litera *B.* legerunt vel scripserunt numerum 8. & pro sequentibus literis *Sius* legerunt *Sinodus*, sive *Synodus*. Quod etiam alicubi evenit in voce *Isidorus*, quæ cum valde similis in mss. Codicibus videri posset nuper descriptis literis, occasionem etiam dedit, ut pro nomine Isidori Hispalensis octavæ Synodi nomen inscriberetur in illis fragmentis, quæ sunt ejusdem Isidori. Itaque nemo mirari debet, si in sequentibus frequentissime aut Basilio, aut Isidoro adscripsero, quæ Synodo octavæ, vel nonæ (quæ, ut diximus, in plu-

Ecc. ri.

tribus Codicibus octava dicitur) tribuuntur.

Interea vero quædam de octava Synodo generatim dicenda sunt, ut ad interpretationem, vel descriptionem illorum canonum, qui revera ejusdem sunt, quoquomodo parati, instructique accedamus. Octava Synodus appellatur quarta Constantinopolitana sub Hadriano II. Pontifice Maximo celebrata anno 869. Sedebat in Patriarchatu Constantinopolitano vir prudentia, ac Sanctitate insignis Ignatius, cui plurimum invidebat Gregorius Syracusanus cum aliis paucis Episcopis, atque his favebat Senator, & a Secretis Imperatoris Laicus quidam nomine Photius, qui privato potissimum studio ducebatur adversus Ignatium, futurum aliquando sperans, ut eo a Patriarchali dignitate dejecto, ipsemet Patriarchalem sedem ascenderet. Hinc animos fidelium ab Ignatii communione avertere cœpit, variis criminibus, quæ ex arbitrio affingebat, Ignatium accusans: imo & animum Michaelis Imperatoris adeo circumvenit, ac concitavit, ut facile præsidium obtineret ad Ignatium ab Episcopatu deturbandum, ac dejudicandum. Itaque Imperiali fretus auctoritate, item emendicatis plurium Episcoporum suffragiis, adjuvante Gregorio superius memorato, voti sui compos factus est Photius, qui Ignatium damnavit, e sede removit, atque in exilium misit, seseque in ejus locum mota seditione intrusit. Concitavit hæc res universum propemodum Orientem, plures enim, quibus perspecta erat Ignatii integritas, atque virtus, non potuerunt non obfistere callidis Photii, & ceterorum Ignatio invidentium artibus, atque calumniis. Verum quousque Michael Imperium rexit, parum valere potuerunt proborum querimoniarum: tanta erat Imperatoris erga Photium gratia, atque benevolentia. Postquam tamen Michaeli successit in Imperio Basilus, visa est Ignatii causa Patronum habere; etenim Imperator ipse controversiam omnem in Concilio ad id celebrando dirimendam voluit, & Ignatium, si æquum visum fuisset, restituendum. Itaque consentiente Hadriano II. Pontifice Maximo universalis Episcoporum omnium, præsertim Orientalium, celebrata Synodus est in Urbe Constantinopolitana, in qua post sedulam facti discussionem damnatus est Photius una cum ceteris, qui Photio adhæserant, & Ignatius restitutus in

propriam dignitatem. Quid post Ignatii mortem de Photio contigerit, hujus loci non est investigare; nihil enim exinde deduci potest ad assequendam commodam interpretationem Canonum Constantinopolitanorum, de quibus in præsentia agendum est. Illud monebo, hujus Synodi Constantinopolitanæ acta latine jam haberi edita opera Anastasii Bibliothecarii, qui præsens in eodem Concilio interfuerat, eaque ad Pontificem Maximum direxerat. Qua vero ratione interpretationem hanc tuam Anastasius ipse confecerit, idem tradit in Epistola ad Hadrianum his verbis: *Interpretans hanc sanctam Synodum verbum e verbo, quantum idioma Latinum permisse, excerpti; nonnunquam vero manente sensu constructionem Græcam in Latinam necessario commutavi.* Extat etiam hodie apud nos editus Græcus Synodicorum actuum textus, verum non satis integer, forte a recentioribus Græcis schismaticis corruptus, ac depravatus, ex quo profluxisse arbitror, Græcos Canones ab Anastasianis plurimum dissonare, etiam in ipsomet numero; etenim apud Anastasium habentur 27., cum tamen in Græca editione 14. tantummodo recensentur.

In hoc Constantinopolitano Concilio Can. 7. dist. 22. Canone 21. legitur Canon 7. dist. 22. & quidem in editione Anastasii Bibliothecarii; frustra enim eum Canonem a Græcis quæreremus, qui tantum, ut diximus, quatuordecim habent. Hunc canonem dubitandum non est ad Photii damnationem pertinere, qui cum adhuc esset *mundi potens*, sive Laicus, Senator, & a Secretis Imperatoris adversus Ignatium Patriarcham ita pugnavit, ut eum a Sede Patriarchali dejecerit ambitus caussa, hinc post verba ejusdem Canonis ita sequitur apud Anastasium: *Quod & nuper Photius fecit, & multo ante Dioscorus.*

Canon 22. dist. 34. ex illis est, quos Can. 12. dist. 34. ex octava Synodo Gratianus laudavit, revera tamen S. Isidoro tribuendus est juxta ea, quæ superius diximus. Itaque Isidorus in cap. 19. Regulæ Monachorum eadem fere tradidit his verbis: „Abbati, vel Monacho Monasterii servum non licebit facere liberum; qui enim nihil proprium habet, libertatem rei alienæ dare non debet. Nam sicut sæculi leges sanxerunt, non potest alienari possessio, nisi a proprio Domino, ita & omne, quod in Mo-
„na-

„nasterio in numero ingreditur, sub te-
 „stimonio accipiendum“.

Can. 1. Ad Canonem 22. Constantinopolitani
 & 2. Concilii juxta interpretationem Anastasi
 dist. 63. referendus est canon 1. & 2. dist. 63.
 hoc ordine legendus. Promotiones atque
 consecrationes (hæc leguntur in dicto
 can. 2. prope medium) Episcoporum con-
 cordans prioribus Conciliis electione, ac
 decreto Episcoporum Collegii fieri Sancta
 hæc, & universalis Synodus definit, &
 statuit, atque jure promulgat, neminem
 Laicorum Principum, vel Potentum semel
 inferere electioni, vel promotioni Patriar-
 cha, vel Metropolitæ, vel cujuslibet E-
 piscopi, ut videlicet inordinata hinc, &
 incongrua fiat confusio, vel contentio;
 præsertim cum nullam in talibus potesta-
 tem quemquam potestativorum, vel cete-
 rorum Laicorum habere conveniat, sed
 potius silere, ac attendere sibi, usquequo
 regulariter a collegio Ecclesiæ suscipiat fi-
 nem electio futuri Pontificis. Si vero quis
 Laicorum ad concertandum, & cooperan-
 dum ad Ecclesiam invitatur, licet hujus-
 modi cum reverentia, si forte voluerit ob-
 temperare se adscribentibus; taliter enim
 sibi dignum Pastorem regulariter ad Ec-
 clesiam suam salutem promoveat. Hic finem
 habet dictus canon 2. cujus verba quæ-
 dam jam Gratianus regulat in can. 1.
 Post hæc autem in Concilio hæc se-
 quuntur, quæ spectant ad eundem ca-
 nonem 1. apud Gratianum: Quisquis au-
 tem secularium Principum, & Potentum,
 vel alterius dignitatis Laicis adversus
 communem, ac consonantem, atque cano-
 nicam electionem Ecclesiastici Ordinis a-
 gere tentaverit, anathema sit, donec obe-
 diat, & consentiat in hoc, quod Ecclesia
 de electione, ac ordinatione proprii Prae-
 sulis se velle monstraverit. Hic Canon
 ita expressus pertinet, uti liquet perspi-
 cue, ad Photii ordinationem; in Cano-
 nibus autem Græcis hodie non habetur.
 Quæ vero leguntur apud Gratianum in
 principio dicti canonis 2. ad Synodum
 minime pertinent, sed potius continent
 brevem quandam, & historicam narra-
 tionem ex actis Concilii Constantinopo-
 litani depromptam, ex qua Collector ca-
 nonum indicare voluit adjuncta illorum
 temporum, quibus Concilium ipsum fuit
 celebratum.

Can. 4. Canones 4. & 5. dist. 90. sunt ex il-
 & 5. lis, qui ex S. Basilio deprompti sunt, &
 dist. 90. ex errato Amanuensium octavæ Synodo
 sunt adscripti. Itaque canon 4. legitur
 in libello de Institutis Monachorum San-

cto Basilio tributo, apud Lucam Holste-
 nium in Codice Regularum aucto, edi-
 toque Parisiis anno 1684. ubi interroga-
 tione 71. ita legitur: Si autem obdians
 quis murmure? Resp. Apostolo dicente,
 omnia facite sine murmuratione, & ha-
 sitationibus, alienus sit a Fratrum unita-
 te qui murmure, & opus ejus abjiciat-
 ur. Manifestum enim est, ille qui talis
 est, quia infidelitate agrotat, & certam
 futura spei fiduciam non gerit. Et in
 cap. 93. Si vero etiam quis murmure
 propter escam, qua erga eum sententia
 servabitur? Ea, qua circa illos, qui mur-
 muraverunt in deserto; dicit enim Apo-
 stolus: Ne murmuraveritis, sicut quidam
 eorum murmuraverunt, & perierunt ab ex-
 terminatore. Quoniam vero de hoc Basi-
 lii libro nonnulli sunt, qui admodum
 dubitent, utrum germanum sic Basili
 opus, nec ne, similia proferam ex libro
 Basili Regularum fusius disputatarum
 cap. 29. ibi: Ceterum si quis murmurasse,
 aut plus aquo extulisse se animadversus
 fuerit, hujus opus nequaquam cum illo-
 rum commisceri operibus debet, qui humi-
 les sint, spirituque contriti; neque id ul-
 lo modo in pietatis vera Cultorum usus
 erogari. Siquidem quod altum est homini-
 bus, id abominabile est apud Deum, eo-
 que magis, quod hac de re est præceptum
 Apostoli, qui quidem sic dicit: Neque
 murmuraveritis, sicut quidam murmura-
 verunt, & perierunt ab exterminatore.
 Item quædam leguntur similia in Regu-
 lis Brevioribus ejusdem Basili cap. 39.
 & 133. Versiculus autem juxta mensu-
 ram in dicto can. 4. Gratiano referen-
 dus erit ad sermonem 1. Basili de insti-
 tutione Monachorum, in quo hæc ha-
 bentur: Qui in culpa aliqua deprehensi
 fuerint, ad magnitudinem delicti poena
 etiam modus accommodatur. Et infra:
 Qua in re qui erit communis disciplina
 moderator, is cum magnitudine culpa poe-
 nam etiam commetietur. Postrema hæc
 S. Basili verba videntur quoque esse
 perstricta in vers. qui contentiosus can. 5.
 dist. 90. quemadmodum priora ejusdem
 canonis verba videntur perstricta ex sen-
 tentiis S. Isidori Hispalensis in Regula
 Monachorum cap. 17. ubi de Monacho
 delincente hæc statuuntur: Si contem-
 ptiones, vel rixas amaverit, si manifestum
 convicium Fratri intulerit, si personam
 innocentem falso crimine maculaverit....
 Hac, & his similia juxta arbitrium Pa-
 tris diuturna excommunicatione purgan-
 da sunt, & flagellis emendanda, ut qui
 Ecce 2. gra-

gravius peccasse noscuntur, acriori severitate coercantur, consideratis tamen personis, qui sunt humiles, quique superbi. In Pœnitentiali Romano edito ab Antonio Augustino nonnulla his similia habentur, nomine Concilii Moguntini descripta, in cap. 9. tit. 6. his verbis: *Siquis murmurans extiterit, vident, ne pœnam murmurantium incurrat, de qua Apostolus dicit, neque murmuraveritis, sicut quidam eorum murmuraverunt, & perierunt ab exterminatore juxta mensuram, opusque peccati, quia in hoc sententia Apostoli pleniter declaratur, Sacerdotis judicio pœniteat.* Et in cap. 10. *Siquis contentiones, vel rixas amaverit, vel manifestum convicium Fratri intulerit juxta arbitrium Prioris, vel Rectoris, modumque peccati diuturna arpietur pœnitentia.*

Can. 9. Præterea etiam ad Sancti Basilii sententias ab incauto Gratiano tributas octavæ Synodo referendus erit canon 9. cau. 1. qu. 1. Est ille breviarium, sive compendium quoddam Epistolæ Basilii ad Episcopos sibi subiectos, quam Græcam, & Latinam Beveregius edidit in Tom. 2. Pandectarum Juris Canonici can. 91. Verba Basilii, quæ cum Gratiani fragmento congruere videntur, hæc sunt: *Ajunt quidam nonnullos vestrum accipere pecunias ab iis, qui ordinantur.... Siquis post hanc meam Epistolam tale quid fecerit, ab altaribus quidem, quæ hic sunt, recedet, quæret autem, ubi donum Dei emens possit vendere.* Romani Correctores observarunt similia tum in septima Synodo legi, tum in aliis Ecclesiasticis monumentis. Nil dubito. Appertissimæ sunt, ac frequentissimæ adversus Simoniacos sacrorum Canonum pœnæ, vel pœnarum comminationes, quibus res sacras ementibus, vel vendentibus muneris exercitio interdicitur.

Can. 7. Ad regulas S. Isidori Hispalensis etiam **cau. 5.** pertinere canonem 7. cau. 5. qu. 6. **qu. 6.** perspicuum est, licet octavæ Synodo ascribatur. Isidori verba sunt in cap. 17. Regulæ Monachorum, quæ hoc in loco repetere supervacaneum arbitror, cum illa eadem jam retulerim ad canonem 5. dist. 90.

Can. 28. Idem Sancto Isidorotribuendum esse **cau. 11.** canonem 28. cau. 11. qu. 3. **qu. 3.** Gratianus profiteri debet, suamque oscitantiam agnoscere, quippe qui eadem verba nomine Isidori Hispalensis retulit in can. 18. eadem causa, & quæstione. De hoc autem fragmento suo in loca

fusus differemus, ubi de Sancto Isidoro agendum erit, & de dicto canone 18. ne bis eadem sint in hoc opere observanda.

Ad eundem Isidorum præterea pertinet canon 77. cau. 11. qu. 3. licet Synodioctavæ nomine relictus. Etenim Sanctus Hispalensis Antistes in lib. 3. sententiarum, sive de Summo Bono cap. 55. ita de testibus scribit: *Erit autem ille apud Deum condemnatus, qui adversus innocentem falsum testimonium vel dicit, vel dicentibus credit.* Nam non solum ille reus est, qui falsum de alio profert, sed & is, qui cito autem criminibus præbet. Eadem ferme sententia legitur apud Basilium in Regula, quam ab Holstenio editam superius dixi, cap. 121. his verbis: *Si is, qui consensit alterius peccato, etiam ipse peccati reus est? Resp. Hac sententia est manifesta ex verbis Domini quibus ait ad Pilatum, dicens: qui tradidit me tibi, majus peccatum habet.*

Canon 13. cau. 12. qu. 2. habetur vera in canone 13. Constantinopolitani Concilii, de quo hic potissimum agimus, juxta editionem Anastasii Bibliothecarii, quamquam in Græcis Codicibus penitus desideretur. Romani Correctores nonnulla adjecerunt ad ejusdem fragmenti integritatem, nondum tamen perfectam descriplerunt canonis ipsius sententiam; etenim post illa verba postrema Gratiani canonis, *Ecclesia Monasterium, hæc ex Anastasio adjicienda sunt, quæ immediate subsequuntur: Si vero de propriis rebus, aut de aliis quibusdam conventionibus, habeat id secundum propriam potestatem, & voluntatem omni vita sua, & post finem vita dimittat, & conferat hoc quicumque voluerit, non tamen saculare diversorum fiat.* Si causam, sive occasionem scisciteris hujus definitionis, eandem aperiā ex ipso Anastasio Bibliothecario acceptam. Photius, postquam ejecto Ignatio in Patriarcham receptus est, ut sibi plurimum benevolentiam conciliaret, sese munificum exhibuit; hinc, ut scribit Anastasius in Epistola ad Hadrianum, *persuasit Imperatori, præcipere neminem testamentum facere, vel per alterius, nisi per Photii manus, elemosynas erogare; quod non ob aliud adinvenit inventor malorum, nisi ut cum acciperet, & erogaret substantias divitum, proprias a minus curiosis erogasse putaretur, ac per hoc a cunctis quasi dapilis, & manifestis amaretur, Quamobrem facile credimus, Photium*

tribuendum quamplura Ecclesiarum bona distribuisse, ut ea ratione plures sui amatores, suorumque ausuum Patronos quæreret, quæ optima fuit Constantinopolitanis Patribus occasio decernendi, ne Episcopi res, & bona Ecclesiastica in alios usus, quam in usus pios converterent. Cum vero in hoc Canone *salariorum Ecclesiasticorum* mentio fiat, necessarium erit animadvertere cum Antonio Augustino in lib. 2. de emendat. Gratiani dialogo 7. mendum irrepsisse, non enim legendum est, *salaria*, sed potius *solaria*, quo nomine vocabantur certæ præstationes, quæ pro solo apud veteres pendebantur; de quibus præstationibus intelligunt Viri Eruditi legem 2. §. *Siquis nemine*, ff. ne quid in loco, & l. 13. ff. qui potiores in pigore.

Can. 7. 8. 9. 10. & 11. cau. 26. q. 7. omnes ex fragmentis, & sententiis San- & 11. ti Basilii relati sunt, licet octavæ Synodo tributi fuerint apud Gratianum; cau. 26. & in primis can. 7. ita legendus erit ex Regulis Brevioribus ejusdem Basilii pro Monachorum institutione cap. 106. Adamo Fumano Interprete. Præponitur interrogatio: *Cujusmodi in fratrum familia utendum est animadversionibus ad revocandos in rectam viam, qui peccant?* Subsequitur responsio: *Pro judicio suo Antistites tempus, modumque considerabunt ratione habita cum ætate, & corporis, tum animi habitus, & dissimilitudinis peccati.* Huc etiam unusquisque facile agnoscet referendum esse canonem 8. nisi hunc repetendum quispiam velit ab ea regula, quam nomine S. Basilii editam diximus ab Holstenio, in qua cap. 194. hæc leguntur: *Qualibus correctionibus uti oportet inter fratres ad emendationem eorum, qui delinquent?* Resp. *Hoc sit in judicio positum eorum, qui præsumunt, vel quanto tempore, vel quali modo corripiri debeant, quia ætas, & eruditio multum haberi facit differentiam penitentia.* Can. 9. legitur tum in Regulis Brevioribus cap. 8. ibi: *Quomodo suscipi debet, quem vere peniteat?* Quomodo Dominus docuit, cum dixit, quod convocat amicos, & vicinos dicens: *Congratulamini mihi, quia inveni ovem, quam perierat;* tum etiam in Regula superius memorata ab Holstenio edita in cap. 27. ibi: *Penitentem ex corde quomodo oportet suscipi?* Resp. *Sicut Dominus ostendit, cum dicit, quia convocavit amicos, & vicinos dicens: Congratulamini mihi, quia*

inveni ovem, quam perdideram. Can. 10. inter Regulas Breviores Basilii ita legitur cap. 5. *Quomodo debet aliquis penitentiam agere de singulis peccatis, & cujusmodi fructus ostendere dignos penitentia?* Nimirum similem illius animum induerit, qui dixit: *iniquitatem odio habui, & abominatus sum, & ea præstiterit, quæ scripta sunt in sexto Psalmo, & aliis plerisque, & si ea fecerit, quæ pro alio, qui peccaverat, facta ab iis fuisse Apostolus testatur; qui secundum Deum contristati fuerant. Ecce enim, inquit, hoc ipsum secundum Deum contristatos esse vos, quantum in vobis operatum est sollicitudinem, sed defensionem, sed indignationem, sed timorem, sed desiderium, sed amulationem, sed vindictam, in omnibus exhibuistis vos incontaminatos esse negotio, & sicut Zaccheus commissæ peccata contrariis recte factis compensent.* Cum his sane plurimum consonare videtur Gratianus cujus eadem verba junctis adnotationibus Correctorum Romanorum leguntur in regula ab Holstenio edita, & Basilio tributa cap. 28. Canon 11. sententiam Basilii exhibet, quæ habetur in cap. 9. Regularum Breviorum ibi: *Adversus eum, qui obstinate pergas peccare, quo modo erimus animati? Etenimpe, quo Dominus jussit, cum dixit: Si autem Ecclesiam non audierit, sit tibi, sicut Ethnicus, & Publicanus, & ut Apostolus docuit, cum scripto reliquit: ut subtrahatis vos ab omni Fratre ambulante inordinate, & non secundum traditionem, quam accepistis a nobis.* In memorata autem Holsteniana Regula cap. 28. hæc leguntur: *Erga eum, qui non penitet pro peccato, qualiter esse debemus?* Resp. *Sicut præcepit Dominus dicens: Sit tibi, sicut Gentilis, & Publicanus, & sicut Apostolus docuit, dicens, subtrahite vos ab omni Fratre inquiete ambulante, & non secundum traditionem, quam tradidimus vobis.*

Can. 22. cau. 27. qu. 2. laudatur quidem apud Gratianum nomine octavæ Synodi. Verum melius Ivo, alique Col- cau. 27. lectores nomen Basilii Episcopi eidem fragmento inscripserunt. Revera Basilii in Regulis Monachorum fufius pertractatis cap. 12. hæc habet: "Atque qu. 2. ,, ii etiam, qui matrimonio conjuncti ,, ad hujusmodi vitæ genus accedunt, ,, percontandi sunt, num consensiente ,, altera parte hoc faciant ex præcepto ,, Apostoli. Vir enim, inquit ille, fuit ,, corporis potestatem non habet. Et sic hoc:

hoc ita ab ipsis fieri compertum sit,
tum multis adhibitis testibus admitti
debet, qui accedit. Siquidem nihil
est, quod Dei iussis potius haberi de-
beat. Si vero dissidens sic altera pars,
& assidue usque ex adverso cum al-
tera contendat, quod videlicet minus
sollicita sit, quomodo placeat Deo,
hic ea convenit meminisse, quæ di-
cta sunt ab Apostolo: In pace autem
vocavit nos Deus, & sic parendum
præcepto Domini, qui dixit: Siquis
venit ad me, & non odit patrem
suum, & matrem, & uxorem, & fi-
lios, & fratres, non potest meus es-
se discipulus: Neque enim est, quod
haberi antiquius debeat, quam ut Dei
iussis pareatur. Ceterum vos plerof-
que novimus sæpe, qui ex intenta
oratione, assiduoque jejunio ad finem,
quam optabant, vitæ cum castitate
pervenerunt: quippe cum Dominus
videlicet eos, qui usquequaque sunt
obstinati, sæpe numero etiam per cor-
poralem necessitatem adigat sensim,
ut recto alterius partis iudicio con-
sentiant.

Can. 1. de pœnit. dist. 2. ex octava
etiam Synodo laudatur apud Gratianum;
sed rursus hic tribuendus iure optimo
erit Basilio Cæsareensi, vel si verba spe-
ciemus, quæ consonant cum sententia
Basilii juxta interpretationem Rufini,
vel si sententiam ipsam, qualis apud al-
ios Interpretes exprimitur, atque inter
ceteros apud Adamum Fumanum in edi-
tione Antverpiana cap. 289. ibi: "Quem
peccati alicujus pœnituit, is si in il-
lud idem denuo relapsus sit, quod fa-
ciat? Responso. Quod qui semel pœ-
nitentiam egerit, denuo idem pecca-
tum commiserit, hoc argumento est,
illum primam causam peccati illius
funditus non extirpasse, a qua velu-
ti a quadam radice alia ejusdem ge-
neris opera pullulare necesse sit. Nam
quemadmodum si quis relicta radice
ramos arboris alicujus velit excisos,
nihilominus radix manens alios similes
illis protrudit, sic quoniam peccata
sunt quædam, quæ nascendi princi-
pium in se ipsis non habent, sed aliun-
de originem ducunt, necesse est pror-
sus, si quis esse ab illis liber velit, is
ut causas primas peccatorum illorum
stirpibus tollat; veluti corruxio, &
invidia, non ex se ipsis nascuntur,
sed ab radice appetitus gloriæ pullu-
lant; qui enim humanam gloriam ma-

gni facit, is ex æmulatione ei obtre-
tat, quem in gloria esse animadver-
tit, aut a quo in eo superari se vi-
det, invidet. Quocirca qui semel se
ipsum invidiæ, contentionisque con-
demnarit, is si in eadem ipsa denuo
vitia relapsus sit, utique intelligat,
gravi se, ac penitus insito cupidita-
tis gloriæ morbo, principe scilicet
invidiæ, æmulationisve causa labora-
re. Nimirumque ipsum convenit con-
traria ratione, nempe humilitatis e-
xercitationibus (humilitatis autem e-
xercitatio in rebus contemptioribus e-
xercitatio est) gloriæ morbum cura-
re, ut hoc modo affectionem illam
humilis animi adeptus, deinceps in
ea, quæ ante diximus esse cupidita-
tis gloriæ germina, non incidat, at-
que in singulis istiusmodi peccatis si-
mili modo.

Præter hæc etiam can. 25. de conf. Can. 25.
de conf.
dist. 2.
dist. 2. videtur depromptus ex Regula S.
Basilii, quam edidisse Holstenium dixi-
mus; & primo quidem similis sententia
legitur, sed brevior in cap. 65. his ver-
bis: *Usque ad quem modum obaudire ope-
ret eum, qui placendi Deo implere regu-
lam cupit? Resp. Apostolus ostendit pro-
ponens nobis obedientiam Domini, qui sa-
ctus est, inquit, obediens usque ad mor-
tem, mortem autem crucis, & pradixit:
Hoc sentite in vobis, quod & in Christo
Jesu. Fusior tamen, magisque consenta-
nea Gratiani fragmento est sententia ca-
pituli 133. his verbis expressa. Quali ti-
more, fide, vel affectu percipere debemus
Corporis, & Sanguinis Christi gratiam?
Resp. Timorem quidem docet nos Aposto-
lus dicens: Qui manducat, & bibit in-
digne, judicium sibi manducat, & bibit.
Fidem vero edocet nos sermo Domini di-
cens: Hoc est Corpus meum, quod pro vo-
bis dabitur, hoc facite in meam com-
memorationem. Et infra: Sed & Apostolus
dicens: Qui cum in forma Dei esset, non
rapinam arbitratus est esse se aequalem
Deo, sed semetipsum exinanivit formam
servi accipiens, in similitudinem hominum
factus, & habitus inventus ut homo. Hu-
miliavit semetipsum factus obediens usque
ad mortem, mortem autem crucis. Cum
ergo anima fidem habet his dictis, & con-
siderat magnificentiam gloria ipsius, &
admiratur nimietatem humilitatis, quo-
modo tantus, ac talis obediens fuit Pa-
tri usque ad mortem pro nostra vita, pu-
ro, quia provocari possit ad affectum, &
dilectionem ipsius, & Dei Patris, qui*

unico Filio suo non pepercit, sed pro nobis omnibus tradidit illum. Et infra: *Talem ergo affectum, & fidem pręparare debet in animo suo is, qui de pane, & calice Domini percipit.*

Can. 1. Duo adhuc supersunt Gratiani fragmenta, quę in vulgatis exemplaribus

nonnō Synodo, in nonnullis octavę tribuuntur. Verum utrumque ad S. Basilii sententias, uti diximus, referendum est. Et quidem in primis can. 1. cau. 20. qu. 1. consonat cum cap. 15. Asceticę Basilii, sive Regularum; fusi sūt disputatarum, ubi hic titulus pręferretur: Cui aetati permittendum sit, ut se ipsum quisquam Deo consecret, & quando virginitatis professio firma reputari debeat? Et infra: Tunc demum ad virginitatis professionem accedendum est, tanquam jam solidum, & ex animi sententia, & proprio iudicio post iustam rationis perfectionem factam, postquam & premia, & supplicia vel recte agentibus, vel delinquentibus juxta factorum rationem a iusto Iudice parantur. In eodem

capite hæc leguntur: Arbitramur omnem primarum aetatem appositam esse ad suspensionem accidentium, ita ut orphanos nostra sponte, ut secundum zelum Job Patres simus orphanorum: eos vero, qui sub parentibus sunt, ab ipsis parentibus oblatos, adjunctis multis testibus suscipiamus, ne demus occasionem, qui occasionem quarunt, & omnes loquentium adversus nos blasphemiam obstruatur. Nemo non videt hæc illa esse, quę retulit Gratianus in can. 4. cau. 20. qu. 2. nomine Synodi nonnō.

A P P E N D I X

De Pseudosynodo Photiana.

SUBjicere hoc in loco juvat fragmentum, quod nomine Synodi Constantinopolitanę Gratianus edidit in can. 45. cau. 7. qu. 1. Pertinet illud ad eandem Ignatii, & Photii causam, quę in Synodo Constantinopolitana generali 8. discussa fuerat. Etenim postquam Ignatius in Patriarchatu obiisset, Photius sententia Synodi octavę a sede, quam vi, & fraude invaserat, dejectus, cępit rursus totis viribus contendere, ut vacantem dignitatem recuperaret, atque ita, ut non tam novum Episcopatum acquireret, quam antea adquisitum retinere videretur. Hinc Synodus in Urbe Constantinopolitana celebrasse fertur

in Templo S. Sophię, ad quam una cum 383. Episcopis convenisse Gratianus refert Legatos Johannis 8. Pontificis Maximi, Petrum Presbyterum Cardinalem, Paullum Anconitanum Episcopum, & Eugenium Episcopum Ostiensem. Res prospere cessit Photio, qui restitutus est in Episcopatum Constantinopolitanum, imo & curavit, ut octavę Synodi memoria aboleretur, nomen dando Synodi octavę huic novę Synodo a se celebratę, & nonnulla definire conatus adversus sanctę Ecclesię dogmata, quod attinet ad processionem Spiritus Sancti a Filio. Porro Johannes 8. Pontifex Maximus acta hujus Synodi non rescidit in ea parte, in qua restitutio Photii continebatur; ne forte diro & acerrimo schismati jam concitato occasionem novam dare videretur; at illa in ceteris capitibus penitus reprobavit, quemadmodum constat ex ejusdem Epistola 251. ad Basilium, & 250. ad Photium data; reprobarunt etiam recentiores Pontifices Maximi, & Ecclesia universa, ut mirum profecto eruditici videatur, Gratianum non dubitasse fragmentum hujus Synodi referre in Codicem suum, & honorifice de eadem Synodo præfari. Eadem can. 45. cau. 7. qu. 1. nihil exhibet Orthodoxę fidei contrarium, imo neque disciplinę Ecclesiasticę adversatur, dum ibidem definitum adparet, Episcopos semel Monasticam vitam amplexos non posse amplius ad Episcopalem sedem redire. Interea vero, quis non videt hac in re virus pessimum latere, Photio auctore, qui voluit in hoc can. Ignatium licet vita functum quoquo modo damnare, & sic sententiam Synodi 8. generalis evertere? Siquidem Ignatius Constantinopolitanus Patriarcha cum vi esset dejectus, aut fraude per Photium, in Monasterium se se receperat, non animo se se addicendi Monasterio, sed potius, ut ibidem procul a molestis Photianis quietam vitam duceret, & tranquillam; at cum optima se se obtulit occasio, curavit, ut restitueretur in Episcopatum, ut superius jam diximus. Photius vero, qui sedem occupaverat, id ægre tulit, proindeque post mortem Ignatii nihil antiquius habuit, quam demonstrare. Ignatium non potuisse amplius in dignitatem amissam restitui, rationem afferens, quod jam Monasterio se addixisset. Receptum quidem erat, Episcopos semel ad Monasteria migrantes, tanquam in loca publicę

pœnitentiæ, non posse revocari, quemadmodum nec Sacerdotes, si quando publicæ pœnitentiæ semel addiçi fuissent. At hæc ratio in Ignatio parum valebat, qui aliis de causis in Monasterium se se receperat. Verba dicti can. 45. Romani Corredtores sive Græce, sive Latine integra retulerunt, ut nihil amplius hodie in hac parte desiderandum sit. Unum hic adjiciendum est, tantam in hoc capite fidem habitam esse

Gratiano, ut quamplures hoc idem caput, quasi Synodi octavæ generalis sententiam agnoverint; imo & in capit. 11. de renunciatione Innocentius III. arbitratus fuerit, caput illud pertinere ad Concilium Constantinopolitanum 1. sive generale 2. quod est, ut ipse ait, *unum ex quatuor principalibus, quæ sicut quatuor Evangelia Ecclesia Catholica veneratur.*

C A P U T LVII.

De Concilio Agrippinensi.

Nomine Concilii Agrippinensis inscribitur sequens Canon apud Gratianum.

{ Can. 28. de conf. dist. 1. ad Capitularia Francorum potius referendus.

A Colonia Agrippina prope Genomana sita, nonnulla ibidem celebrata Concilia Agrippinensia, alias Coloniensia appellantur. Et quidem tria hujus nominis apud Collectores Conciliorum habemus, primum anni 336. in quo Euphratas Coloniz Agrippinz Episcopus damnatus est tamquam hæreticus, quod Christum Deum esse negaverit; secundum anni 843. in quo nonnulla utilia Ecclesiasticæ disciplinz capita sunt constituta; postremum anni 887. in quo itidem plurima edita habemus ad disciplinam Ecclesiasticam reformandam, aut stabiliendam. Quod autem a Gratiano refertur nomine Concilii Agrippinensis ad nullum ex illis pertinere potest; potius enim pertinet ad Regum Francorum Capitularia, in quorum Collectione apud Benedictum Levitam lib. 5. cap. 111. hæc leguntur: *Ecclesiam, in qua mortuorum cadavera infidelium sepeliuntur, sanctificare non licet. Sed si apta videtur ad consecrandum, inde evulsa corpora, & rasi, vel lotis lignis ejus readificetur. Si hac consecrata prius fuit, Missæ in ea celebrare licet, si tamen fideles fuerint, qui in ea sepulsi sunt.* Porro Benedictus Levita hoc videtur descripsisse ex Theodoro Cantuariensi, quod & suo in loco ostendam, ubi de eodem Theodoro sermo erit instituendus. Primus nomine Concilii Agrippinensis eadem verba retulit Burchardus Vormatiensis in lib. 3. cap. 38. ex ea, ut suspicor, ratione, quod idem Collector,

ut persæpe alibi monui, sibi proposuerit abstinendum a nominandis Francorum Regum Capitularibus, utpote quæ non satis erant accepta apud Germanos, inter quos Burchardus ipse scribebat. Burchardum deinceps sequuti sunt recentiores Collectores, atque inter ipsos Gratianus. Quod si tamen conari velimus, ut quomodocumque ad aliquod ex Conciliis Agrippinensibus Gratiani fragmentum referamus, ego indicarem Concilium Agrippinense memoratum anni 887. cujus observationis causa hoc peculiari capite arbitratus sum mihi differendum esse de Canonibus Gratianicis ex Concilio Agrippinensi laudatis; quandoquidem commodius de dicto can. 28. de conf. dist. 1. differuissem, ubi superius agebam de Francorum Capitularibus. Itaque in dicto can. 28. apud Gratianum dicitur, non posse in Ecclesia nos defunctis infidelibus communicare, quod sane contingeret, quoties in eo loco dedicarem Ecclesias, in quibus tumulata jacent infidelium cadavera. At fere similis sententia habetur in memorato Concilio Agrippinensi anni 887. can. 3. ubi etiam fit mentio Capitularium Francorum; postquam enim statutum est abominabiles omnibus esse debere quorundam criminum reos, ita subjicitur: „Taliū enim scelerum patratoribus, „sicut in Capitularibus Gloriosissimum Imperatorum Caroli, & Ludovici continetur, nisi post puram, & publicam pœnitentiam, & per Eccle-

„ sic

„ siæ satisfactionem , & per impositionem
 „ nem manus Episcoporum nec vivis ,
 „ nec mortuis communicare debemus,
 Hæc conjectura gravior ex eo redditur,
 quod Ivo laudat idem fragmentum ex

Concilio Agrippinensi cap. 3. & numero
 capitis 3. optime refertur ad ver-
 ba nuper memorati Concilii Agrippi-
 nensis .

C A P U T LVIII.

De Concilio Nannetensi.

Concilio Nannetensi adscribuntur hi Canones apud Gratianum.

- Can. 5. dist. 24. fere consonat cum vulgatis Concilii exemplaribus.
 Can. 7. dist. 44. pertinet potius ad Capitula Hincmari Rhemensis.
 Can. 8. dist. 44. pertinet potius ad Capitula Hincmari Rhemensis.
 Can. 9. dist. 44. pertinet potius ad Capitula Hincmari Rhemensis.
 Can. 2. dist. 91. pertinet potius ad Capitula Hincmari , & regu-
 lam S. Benedicti.
 Can. 5. cau. 9. qu. 2. ex integris Concilii exemplaribus emendandus.
 Can. 35. de consec. dist. 5. idem est cum can. 7. dist. 44.

Additur. { Can. 15. cau. 13. qu. 2. nomine Varenfis Concilii a Gratiano
 laudatus.

Nannetum Urbs ad Ligerim Episco-
 palis sub Turonensi Episcopatu sita
 est. In ea vulgo celebratum dicunt Con-
 cilium anno 890. tempore Formosi Pa-
 pæ. Alii ab hac vulgari traditione re-
 cedunt, eandem Nannetensem Synodum
 referentes potius vel ad annum 656. vel
 ad annum 658. Alii inter utramque opi-
 nionem incerti duo hujus nominis Con-
 cilia celebrata fuisse dixerunt, alterum
 anno 890. alterum anno 656. vel 658.
 Res meo iudicio valde obscura est, &
 quam nemo, nisi divinando, adsequi po-
 test. Illud tamen certum est, duos Con-
 cilii Nannetensis can. videlicet tertium,
 & undecimum relatos fuisse in librum
 7. Capitularium Francorum, quamobrem
 visum est multis, tempora hujus Con-
 cilii definire antiquiora Benedicto Levita,
 qui circa annum 845. Collectionem Ca-
 pitularium fecerat, uti diximus superius.
 Præterea certum est Flodoardum
 lib. 2. cap. 7. referre Concilium quod-
 dam Nannetense, quasi anno circiter
 660. celebratum. Sane si can. 20. quos
 hodie editos habemus, tamquam ejusdem
 Concilii Constitutiones perpenderit, non
 erit difficile illos agnoscere tanquam
 septimi Ecclesiæ sæculi disciplinæ plu-
 rimum conformes, ut propterea non re-
 pugnet illos sæculi septimi Episcopis
 adtribuere. Conjicere autem juvat can-

Tom. I.

dem Synodum Provinciale esse, cum
 in ea plura tradantur, quæ generatim
 ab Episcopis sint servanda, quod sane
 indicat plures in eodem Concilio Epif-
 copos interfuisse.

In can. 11. hujus Concilii habetur
 can. 5. dist. 24., ubi tamen animadver-
 tendum est pro illis verbis *eligere debet*
Sacerdotes, in vulgatis exemplaribus le-
 gi: *Dirigere debet Sacerdotes*.

Can. 7. dist. 44. eisdem verbis nomi-
 ne Concilii Nannetensis etiam habetur
 in can. 35. de consec. dist. 5. Verum
 Concilii Nannetensis revera non est,
 quemadmodum nec can. 8., & 9. ea-
 dem dist. 44. Istorum canonum originem
 ego pandam, simulque causas aperiam,
 ex quibus a Collectoribus Nannetensi
 Concilio tributi fuerint. De Gratiano,
 aut Palæarum auctore nihil aliud dixe-
 ro, quam utrumque sequutum esse an-
 teriores Collectores, Ivonem, & Bur-
 chardum, qui primus eosdem canones
 Nannetensi Concilio adscripsit. At Bur-
 chardus erravit ex eo, quod eadem frag-
 menta ex Collectione Reginonis exci-
 piens, canonum inscriptiones non satis
 intellexit. Habentur eadem capita apud
 Reginonem in lib. 1. de Ecclesiast. Di-
 scipl. cap. 213., 215., & 216. cum hac
 Epigraphe: *Unde supra*; cum autem in
 cap. 207. Regino memorasset Concilium

F ff

Nan-

Can. 5.
dist. 24.

Can. 7.
8. & 9.
dist. 44.
& can.
35. de
consec.
dist. 5.

Nannetenſe, putavit Burchardus ad idem Concilium Nannetenſe cetera, quæ ſequiebantur, referenda eſſe; falſo tamen: Nam verba Reginonis unde ſupra de Capitulis Hincmari Rhemenſis Epifcopi erant intelligenda, ex quibus præcedentia capita Regino ipſe depromſerat. Porro apud Hincmarum Rhemenſem integra habemus illa omnia Capitula, quæ deſcripſit Gratianus in diſtis Canonibus 7., 8., & 9.. Quæ ut clariuſ designentur, dicam, apud Hincmarum in prima parte Capitulorum, quam Presbyteris ſuæ Parochiæ obſervandam tradidit anno 852. cap. 14., eadem legi verba, quæ apud Gratianum habentur in can. 7. diſt. 44., ſive cap. 35. de conſecr. diſt. 5., poſt quæ paucis interjectis ſubjiciuntur verba can. 8. diſt. 44., quorum omnium ut integra habeatur ſententia, verba eadem Hincmari deſcribam. *Ut nullus*, ait ille, *Presbyterorum ad anniverſariam diem, vel trigefimam tertiam*, (legunt alii ſeparatim : „ Trigefimam, tertiam) vel „ ſeptimam alicujus defuncti, aut quæ „ cumque vocatione ad Collectam Presbyteri convenerint, ſe inebriare præſumat, nec precari in amore Sanctorum, vel ipſius animæ bibere, aut „ alios ad bibendum cogere, vel ſe „ aliena precatione ingurgitare, nec „ plauſus, aut riſus inconditos, & fabulas inanes ibi ferre, aut cantare præſumat, nec turpia joca cum uſo, vel tornatricibus ante ſe facere „ præſumat, nec larvas dæmonum, „ quas vulgo talamaſcas dicunt, ibi „ anteferre conſentiat, quia hoc diaboli- cum eſt, & a ſacris Canonibus prohibutum; ſed cum honeſtate, & religione prandeat, & ad tempus ad ſuam Eccleſiam redeat. Summopere „ etiam quiſque caveat, ſicut de ſtatu ſuo vult gaudere, ut non quacumque occasione aut parem ſuum, aut „ alium quemlibet ad iram, & rixam, „ vel contentionem, quanto magis ad „ pugnam, vel ad cædem aliquo verbo „ irriter, ſeu provocet, nec provocatus ad hoc quiſque proſiliat, quia in talibus comefſationibus, & potationibus, ſicut religioſi faciunt, ſemper „ ſe immiſcet diabolus. Quando autem „ convenerint Presbyteri ad aliquod „ convivium, Decanus, aut aliquis „ Prior illorum verſum ante menſam „ incipiat, & cibum benedicat. Et „ tunc ſecundum ſuum ordinem conſi-

„ deant, alter alterius honorem por- „ tantes, & per viciffitudines cibum, „ & potum benedicant, & aliquis de „ illorum Clericis aliquid de ſancta le- „ ctione legat, & poſt reſectionem ſi- „ militer ſanctum hymnum dicant ad „ exemplum Domini, & Salvatoris, „ ac Diſcipulorum ejus, ſicut illum in „ cœna feciſſe legimus. Et ſic ſe conti- „ neant omnes Presbyteri in omni lo- „ co, maxime in talibus, ne, ſicut di- „ cit Apoſtolus, vituperetur miniſterium „ noſtrum. “ Ita deſcribendi erant Gra- tianeſi canones ſeptimus, & octavus. Canon autem nonus habetur in capite ſequenti, ideſt 15. apud Hincmarum eiſdem omnino verbis. Quibus ſane canonibus improbata eſt nonnullorum Clericorum intemperantia, cui ut plurimum duplex præberi ſolebat occaſio. In primis occaſio erat funerum, in quibus tanquam religioſis actibus Clerici jam tum intereſſe conſueverant; atque in eis aliquando mentiebantur, agentes ſe pro defunctis orare, cum tamen immodice potius ſeſe ingurgitarent cibis, & potibus, nonnullas etiam ſuperſtitiones intermiſcebant, ſcilicet larvas aſſumebant uſorum, aliorumque animalium, quibus forte ſtigias poteſtates re- præſentarent, inſuper & larvas dæmonum, quas *talamaſcas* appellabant; idque non ſolum die funeris, verum etiam die anniverſario, trigefimo, ſeptimo, & tertio. Inter ceteros trigefimi diei obſervatio valde tunc erat in uſu, uſque ad quem funera protrahabantur, quemadmodum deducitur ex Capitulis Herardi Epifcopi Turoenſis anni 858., in quibus hæc leguntur cap. 58. *Ut exequia mortuorum cum lacrima ſecreto, & cordis gemitu ſiant, & Pſalmos ignorantes Kyrie eleiſon ibi canant, & ut 30. diebus amici, & parentes pro eis agant.* Altera occaſio Clericis præbebatur ex eo, quod ſolerent ſingulis menſtris Kalendis in unum convenire de rebus communibus acturi, & de Eccleſia univerſa, quo tempore apud ſingulos Parochos alternatim manentes, gravamen hoſpiti inferebant. Utrique autem abuſui remedium adferre voluit Hincmarus apprimè noſcens, quantum & ad commune omnium exemplum, & ad Clericorum ipſorum profeſtum prodeſſe valeat cibi, & potus continentia. Non omittam tamen hoc in loco animadvertere, cum his omnibus aliquo modo convenire poſſe ſententiam Concilii Nannetenſis, qua-

qualis habetur in can. 15. ibi: „ De
 „ collectis, vel confratris, quas con-
 „ sortia vocant, sicut verbis monui-
 „ mus, & nunc scriptis expresse præ-
 „ cipimus, ut tantum fiat, quantum
 „ rectum ad auctoritatem, & utilita-
 „ tem, atque ad salutem animæ perti-
 „ net. Ultra autem nemo nec Sacer-
 „ dos, neque fidelis quisquam in Pæro-
 „ chia nostra progredi audeat. Id est,
 „ ut in omni obsequio religionis, vide-
 „ licet in oblatione, in luminariis, in
 „ orationibus mutuis, in exequiis de-
 „ functorum, in elemosynariis, & ce-
 „ teris pietatis officiis. Pastos autem,
 „ & comestiones, quas divina aucto-
 „ ritas vetat, ubi & gravedines, &
 „ indebitæ exactiones, & turpes, ac
 „ inanes lætitiæ, & rixæ, sæpe et-
 „ iam, sicut experti sumus, usque ad
 „ homicidia, & odia, & dissensiones
 „ accidere solent, adeo penitus inter-
 „ dicimus, ut qui contra hoc Decre-
 „ tum agere præsumserit, si Presbyter
 „ fuerit, vel quilibet Clericus, gradu
 „ privetur, si Laicus est, aut fœmi-
 „ na, ab Ecclesia usque ad satisfactio-
 „ nem separetur. Conventus autem ta-
 „ lium confratrum, necesse si fuerit,
 „ ut simul convenient, aut forte ali-
 „ quis contra parem suum discordiam
 „ habuerit, quem reconciliari necesse
 „ sit, & sine conventu Presbyterorum,
 „ & ceterorum esse non possit, post
 „ peracta illa, quæ Dei sunt, & Chri-
 „ stianæ Religioni conveniunt, & post
 „ debitas admonitiones, si contigerit,
 „ ut veræ charitatis, & fraternæ, in-
 „ vicem consolationis omnes ad refe-
 „ ctionem convenient, sic talia fieri
 „ permittimus, ut servata modestia,
 „ & temperantia, & sobrietate, pacif-
 „ que concordia, sicut decet fratres,
 „ in ædificationem fraternitatis, &
 „ laudem, & gloriam Dei, & gratia-
 „ rum actiones fiant. Et hoc omnino
 „ caveatur, quod Salvator ait: Vide-
 „ te, ne graventur corda vestra in cra-
 „ pula, & ebrietate. Qui voluerint,
 „ Eulogias a Presbytero accipiant, &
 „ panem tantum frangentes, singulos
 „ accipiant biberes, & nihil amplius
 „ contingere præsumant; & sic unus-
 „ quisque ad sua cum benedictione Do-
 „ mini redeat.

Can. 2. Quod evenisse diximus in Canonibus
 diff. 91. nuper memoratis, ut ex minus solerti
 Reginonis lectione Concilio Nannetensi
 tribuerentur, quæ potius ad Hincmari

Rhemenfis Capitula pertinebant, idi-
 psum evenit in can. 2. dist. 91. Auctor
 Palearum Ivonem sequutus est, & Bur-
 chardum, Burchardus vero refert
 eundem canonem, illum adscripsit Nan-
 netensi Concilio, quod legerit illum a-
 pud Reginonem in cap. 208. lib. 1. de
 Eccles. Disciplinis, putans ex eodem
 Concilio Nannetensi depromptum, ex
 quo Regino caput præcedens laudave-
 rat. Verum oportet potius illum inqui-
 rere inter Capitula Hincmari, apud
 quem legitur num. 9. his verbis: „ Ma-
 „ ne matutinali officio expleto pensum
 „ servitutis suæ canendo primam, ter-
 „ tiam, sextam, nonamque persolvat;
 „ ita tamen ut postea horis competen-
 „ tibus, juxta possibilitatem aut a se,
 „ aut ab Ecclesiasticis publice complea-
 „ tur. Deinde peractis Missarum so-
 „ lemniis, & fessis infirmis visitatis ad
 „ opus rurale, & quod sibi competat,
 „ exeat jejunos, ut iterum necessitati-
 „ bus peregrinorum hospitum, sive di-
 „ versorum commearum, infirmorum
 „ quoque, atque defunctorum succur-
 „ rere possit, usque ad statutam horam
 „ pro qualitate temporis, & opportu-
 „ nitate. “ Hæc ad Presbyteros refe-
 runtur, de quibus in præcedentibus Ca-
 pitulis Hincmarus egerat. Quæ autem
 apud Gratianum sequuntur in vers. *Pro-
 pheta dicente*, potius habentur in Re-
 gula S. Benedicti cap. 16., & melius
 disjuncto capite referenda fuerant ab
 eo, qui Gratianæ fragmenta numerali-
 bus notis distinxit; quemadmodum di-
 stinguuntur apud Ivonem in parte 6.
 cap. 181. & 182. Quicumque verba hu-
 jusce canonis consideraverit, facile di-
 gnoscet, tunc temporis nondum institu-
 ta fuisse Beneficia Ecclesiastica, qualia
 habemus in præsentia, Clericos autem
 adhuc in communione constitisse.

Potius pertinet ad Concilium Nan-
 netense can. 5. cau. 9. qu. 2., etenim
 in can. 2. illius Concilii ita legitur: *qu. 2.*
Est nullus Presbyter alterius Pærochia-
nam (legunt alii: Plobrorum), nisi
in itinere fuerit, vel placitum ibi ha-
buerit, ad Missam recipiat. Eadem et-
 iam leguntur in Capitularibus Franco-
 rum lib. 1. cap. 147. in editione Pari-
 sienti anni 1677. Emendanda propterea
 erit Gratiani editio, in qua fit mentio
 de Diaconis, quorum præcipue non
 erat curam animarum gerere, & alieni-
 genas suscipere, vel rejicere. *Placitum*
 nomen idem significabat, quod tribunal.

Judicis competentis; statim ac enim quis abs Judice publico vocatus a sua Ecclesia discessisset, & venisset ad aliam, in qua situs erat Judex, justam omnino causam habebat, ex qua in alienam Parochiam reciperetur.

Can. 15. Ex Amanuensium, aut Typographorum oscitantia factum arbitror, ut pro nomine Concilii Nannetensis adscriptum fuerit nomen Concilii Varenfis in *can. 15. cau. 13. qu. 2.* Habetur iste in *cap. 6.* Nannetensi his verbis: „Præcipiendum secundum canonum auctoritatem, ut de sepulcris, & hominibus sepeliendis nihil muneris exigant, nisi forte qui sepelitur, vivens jussit Ecclesię, in cujus atrio sepelitur, de suis aliquid tribuere, aut etiam post mortem illius, quibus commissum est ejus eleemosynam facere, de rebus illius aliquid dare sponte voluerint. Tamen nullatenus, a Presbyteris illis aliquid exigatur, sive ab illis, qui locis, & vicis præ sunt. Prohibendum etiam secundum majorum instituta, ut in Ecclesia nullatenus sepeliantur, sed in atrio,

„aut in porticu, aut extra Ecclesiam, sicut. “ (Melius Harduinus legit: *aut in porticu, aut in exhedris Ecclesie.*) *Infra Ecclesiam vero, aut prope Altare, ubi Corpus Domini, & Sanguis conficitur, nullatenus habet licentiam sepeliendi.* Jam superius hoc in libro memini me tradidisse, vetustum fuisse morem, quo defunctorum cadavera non in Ecclesia quidem, sed vel in atrio, idest in spatio vacuo, quod remansit ex solo, in quo ædificata Ecclesia fuit, vel in porticu, sive loco deambulationi apto, quemadmodum sunt claustra Ecclesiarum, & Monasteriorum hodierna, vel exhedra tumulabantur. Tumulari autem in exhedris dicebantur, quorum cadavera intra muros Ecclesię recondabantur, quemadmodum nostra hac ætate quandoque etiam fieri videmus, præsertim ubi agitur de cadaveribus Virorum Illustrium, & de Ecclesia optime meritorum, quorum cadaveribus infigi solent etiam simulacra, vel lapides ad honestissimas inscriptiones accommodati.

C A P U T L I X.

De Concilio Triburiensi.

Concilii Triburiensis canones, qui a Gratiano memorantur, in duplicem classem commode distribuendi sunt; vel enim in eorum numero habentur, quos exhibent vulgatæ Triburiensis Concilii editiones, vel in eisdem vulgatis editionibus desiderantur; Sunt autem sequentes.

Ex vulgata
editione Con-
cilii Tribu-
riensis.

- Can. 51. dist. 50. ex integris Concilii exemplaribus supplendus.*
- Can. 4. cau. 2. q. 5. ex integris Concilii exemplaribus emendandus.*
- Can. 15. cau. 2. q. 5. ex integris Concilii exemplaribus emendandus.*
- Can. 6. cau. 13. q. 2. ex integris Concilii exemplaribus supplendus.*
- Can. 14. cau. 13. q. 2. ex integris Concilii exemplaribus supplendus, atque emendandus.*
- Can. 31. cau. 13. q. 2. ex integris Concilii exemplaribus emendandus.*
- Can. 16. cau. 16. q. 1. idem est cum can. 6. cau. 13. q. 2.*
- Can. 36. cau. 16. q. 7. ex integris Concilii exemplaribus supplendus.*
- Can. 7. cau. 17. q. 4. ad integros Concilii Codices exigendus.*
- Can. 20. cau. 17. q. 4. potius referendus ad Capitularia Francorum.*
- Can. 26. cau. 17. q. 4. potius referendus ad Capitularia Francorum.*

Can.

Ex vulgata
editione Con-
cilii Tribu-
rienſis.

- Can. 6. cau. 20. q. 1. ad integra Concilii exemplaria exigendus.
 Can. 2. cau. 20. q. 2. ad integra Concilii exemplaria exigendus.
 Can. 1. cau. 20. qu. 4. ex integris Concilii exemplaribus emendandus.
 Can. 11. cau. 27. qu. 1. referendus potius ad Decreta Siricii.
 Can. 12. cau. 27. qu. 1. referendus potius ad canones Chalcedonenses.
 Can. 13. cau. 27. qu. 1. ex integris Concilii exemplaribus supplendus.
 Can. 14. cau. 27. qu. 1. referendus potius ad Decreta Gelasii.
 Can. 31. cau. 27. qu. 2. ad integros Concilii Codices exigendus.
 Can. 32. cau. 27. qu. 2. ad integros Concilii Codices exigendus.
 Can. 7. cau. 30. q. 3. conſonat cum vulgatis Concilii exemplaribus.
 Can. 4. cau. 30. q. 4. conſonat cum vulgatis Concilii exemplaribus.
 Can. 4. cau. 31. q. 1. ex integris Concilii exemplaribus supplendus.
 Can. 44. de conſ. diſt. 1. conſonat cum vulgatis Concilii exemplaribus.

- Can. 2. diſt. 54. a Reginone Concilio Triburienſi adſcriptus.
 Can. 105. cau. 1. q. 1. a Reginone Concilio Triburienſi adſcriptus.
 Can. 43. cau. 11. qu. 3. a Burchardo primum Concilio Triburienſi adſcriptus.
 Can. 7. cau. 12. qu. 5. pertinet potius ad Novellas Juſtiniani Imperatoris.
 Can. 25. cau. 17. q. 4. a Reginone Concilio Triburienſi adſcriptus.
 Can. 15. cau. 18. q. 2. conſonat cum diſciplina octavi ſeculi.
 Can. 4. cau. 23. qu. 8. a Burchardo primum Concilio Triburienſi adſcriptus.
 Can. 7. cau. 29. qu. 2. a Burchardo primum Concilio Triburienſi adſcriptus.
 Can. 5. cau. 31. qu. 1. referendus ad Concilium Meldenſe.
 Can. 24. cau. 32. qu. 7. referendus ad Concilium Vermerienſe.
 Can. 6. cau. 34. qu. 1. referendus ad canonum Triburienſium ſententias.
 Can. 8. cau. 34. qu. 1. referendus ad canonum Triburienſium ſententias.
 Can. 9. cau. 34. q. 1. referendus ad Concilium Compendienſe.
 Can. 10. cau. 34. q. 1. jungendus cum can. 6. cau. 34. q. 1.
 Can. 12. de conſ. diſt. 1. } Simul jungendi, & ad Moguntinum
 Can. 30. de conſ. diſt. 1. } Concilium referendi.

Anno Domini 895. in Regia Villa cognomento Triburia non longe a Moguntiaci ſuper Rhenum celebratum fuit Concilium Nationale Germanorum, in quod non ſolum Archiepiſcopi tres, Moguntinus, Agrippinenſis, & Treverienſis, aliique novemdecim numero Epiſcopi convenerunt, verum etiam alii numero multi Regni Proceres, & Abbates Monafteriorum, ſub Arnulpho Rege, qui Viris Eccleſiaſticis in unum congregientibus maximam contulit potestatem, imo & ipſam auctoritatem Regiam in exequendis canonibus, qui definiendi eſſent, ſponſondit, ut & fi-

des, & diſciplina Eccleſiaſtica magis magisque firmaretur, atque iis capitibus, in quibus lapſa videbatur, reſtauraretur. Considerans enim idem Sapientiffimus Rex (ſunt verba præſationis ejusdem Concilii) profunda mentis intuitu abundantem in ſe Sancti Spiritus gratiam, quia quos repleverit ardentes in ſe, pariter & loquentes facit de ſe, anno Incarnationis Jeſu Chriſti Domini Noſtri 895., Regni vero ſui 8., indiſtione 13., menſe Mayo, ejuſdem S. Spiritus inſtinctu, & Præſentum ſuorum conſultu, venit in Villam Regiam, videlicet Triburiam in terra Francorum conſiſten-

sentem cum Episcopis infra conscriptis, Abbatibus, & omnibus Regni Principibus, nec non convenientibus Ecclesiasticorum, & Secularium innumeris turbis, quatenus insatigabili perseverantia Divina, & humana tractarentur, atque emergentia mala comprimerentur, ut eo liberius Sancta Dei Ecclesia sua potiretur honore. Ex quibus verbis liquido adparet, quænam fuerit hujus Concilii ratio, & qualis auctoritas; etenim Concilii rationes optimæ sunt, incrementum videlicet fidei, & disciplinæ Ecclesiasticæ reformatio, auctoritas autem maxima ob utriusque potestatis sive Regiæ, sive Sacerdotalis concursum, atque ex conventu plurium Provincia- rum. Vulgatæ Concilii hujus editiones exhibent can. 58., sed verosimilius est, multo plures fuisse ibidem constitutos, aut saltem multo plura Ecclesiasticæ disciplinæ capita discussa, & pertractata; cum vel ipsi contemporanei Scriptores multos ex Triburiensibus canonibus exhibeant, qui in vulgatis editionibus minime continentur. Inter hos memorandus est Regino Prumiensis Abbas, quem probabile est eidem Concilio interfuisse, aut saltem paullo post absolutum Concilium Triburiense scripsisse, & quidem prope Triburiam degentem: etenim Triburia non procul a Prumio, ubi Regino scribebat, sita erat; quamobrem Regino idem nonnisi maxima cum impudentia retulisset quasi ex Concilio Triburiensi, quod in illo minime fuerat constitutum; Ipse tamen multo plura capita Triburiensia laudavit, quam in vulgatis Concilii Codicibus reperiantur. Huic gravissimæ conjecturæ robur addit, quod in vulgata Concilii hujus editione dicitur ante canonum 58. descriptionem, ibi: *& peractis Divina Majestati precibus inclinantes se coram pii Principis adstantibus Missis (Episcopi) gratificantes, & Magno Principi laudes persolventes debinc recto ordine confederunt, & prævio Sancto Spiritu, quadam Capitula magis necessaria ex canonicis institutionibus subscripserunt.* Quibus verbis sane intelligimus, non omnia, quæ in Concilio pertractata sunt, communi Episcoporum subscriptione fuisse confirmata, sed tantum quadam Capitula magis necessaria, ac proinde multa alia adhuc capita superesse, quibus Episcopi non subscripserunt, quæ quidem ea sunt, quæ apud Reginonem in libris de Ecclesia-

sticis Disciplinis bene multa continentur. Quamobrem istis fidem, si non integram, saltem plurimam, tamquam a contemporaneo Auctore descriptis, minime denegabimus. Et quoniam de Reginone contemporaneo Auctore sermonem habeo, non omittam, quod ipse ait de eodem Concilio in lib. 2. suorum Chronicorum his verbis: *Anno Domini ca Incarnationis 895. Synodus Magna celebrata est apud Triburias contra ple-rosque saculares, qui auctoritatem Episcopalem Abbatibus Monasteriorum residentes plurima Decreta super statum Sancta Ecclesia scripto roboraverunt.* Quicumque autem Triburiensis Concilii canones in medium proferantur, certissimum est, in illis plures sententias intertextas fuisse ex Epistolis Decretalibus Isidori Mercatoris: Erat enim tunc maximo in pretio Collectio Isidoriana, & facile Episcopi in suis canonibus Synodicis Isidorianas sententias inserere delectabantur.

De Canonibus Gratiani, qui extant in vulgata Concilii Triburiensis editione.

Jamdü animadverterunt Corretores Romani, can. 51. dist. 50. legi in can. 36. inter vulgatos Triburienses, sed *can. 51. dist. 50.* *piofius*; ex quo proinde necessarium est ejusdem fragmenti verba supplere. „ Si „ contingat duos fratres simul arborem „ succidere, sive in sylva, sive quo- „ cumque loco, & cadente arbore a lter „ alteri, fuge, vel cave, dixerit, & ipse „ stans, sive fugiens subtus ipsam arbo- „ rem devenerit, & mortuus fuerit, „ superstes frater innocens de morte „ defuncti dijudicetur; quia non vo- „ luntate, non incuria illius, non de- „ nique consensu, nec ullo suo mortem „ incurrit reatu, sed dum ambo infi- „ sterent operi necessario, incautus, & „ imperatus casu arboris depressus est, „ nemine prorsus adjuvare valente. „ Hanc eandem statuimus definitionem „ de ceteris similibus, sive cognatis, „ sive nulla proximitate conjunctis. „ Itam definitionem tenuere Patres no- „ stri Apostolici Viri; ideo eorum exem- „ pla sequentes per futura tempora in- „ violabilem eam custodimus, & poste- „ ris nostris sequendam transmittimus, „ quia grave peccatum est, & nostro „ ministerio contrarium, innocentem „ opprimere, & securum crimine scienti- „ ter.

ter criminofum habere. Quidam de
„ ſapientibus ait: Premit inſontes de-
bica ſceleri noxia pœna, juſtusque talit
„ crimen iniqui.

Can. 4. cau. 2. qu. 5. paullo aliter
legitur in Can. 21. Triburienſi, ibi:
qu. 5.

„ Siquis Presbyter contra Laicum, vel
„ Laicus contra Presbyterum aliquam
„ habet querimoniam controverſiam, E-
„ piſcopo regente ſine perſonarum ac-
„ ceptione finiatur, & Laicus præju-
„ ramento, ſi neceſſe ſit, conſtringa-
„ tur; Presbyter vero vice præjura-
„ menti per Sanctam Conſecrationem
„ interrogetur, quia Sacerdotes ex le-
„ vi cauſa jurare non debent. Manus
„ enim, per quam Corpus, & Sanguis
„ Chriſti conſecitur, juramento pollue-
„ tur? Abſit, cum Dominus in Evan-
„ gelio Diſcipulis ſuis, quorum vicem
„ nos indigni in Sancta gerimus Eccle-
„ ſia, dicat: Nolite omnino jurare; ſit
„ autem ſermo veſter, eſt, eſt, non,
„ non: Quod autem his abundantius
„ eſt, a malo eſt. Non dixit, quod
„ amplius eſt, malum eſt, ſed a malo
„ ideſt a malo homine, de cujus incre-
„ dulitate cogimur jurare. Ut enim in
„ quadam homilia B. Bedæ Presbyteri
„ legimus, ſi forte nos incautius ju-
„ raſſe contigerit, quod ſcilicet obſer-
„ vatum peiorem vergat in exitum, li-
„ bere illud mutandum noverimus ſa-
„ lubriori conſilio.

Can. 15. cau. 2. qu. 5. referendus
commode erit ad Can. 22. ex vulgatis
Triburienſibus, ubi tamen hæc legun-
tur, paullo aliter, quam apud Gratia-
num habeatur: „ Siquis fidelis liberta-
„ te notabilis aliquo crimine, aut in-
„ famia deputatur, utatur jure, jura-
„ mento ſe excuſare. Si vero tanto,
„ talique crimine publicatur, ut cri-
„ minoſus a Populo ſuſpicetur, & pro-
„ pterea ſuperjureretur, aut confitea-
„ tur, & pœnitent, aut Epifcopo, vel
„ ſuo Miſſo diſcutiente, per ignem can-
„ denti ferro caute examinetur. “ Ca-
„ nonem hunc primus in ſuam Collec-
„ tionem canonum retulit Regino Prumi-
„ ſis, quem in ipſo Triburienſi Concilio
„ interfuiſſe veroliſſime admodum eſt; ve-
„ rum non eadem verba deſcripſit, ſed
„ hæc retenta ſententia in lib. 2. cap. 302.
„ Nobilis homo, vel ingenuus, ſi in
„ Synodo accuſatur, & negaverit, ſi
„ eum fidelem eſſe ſciunt, juramento
„ ſe expurget: Si antea deprehenſus
„ fuerit in furto, atque perjurio, ad

„ juramentum non admittatur. Sed,
„ ſicut qui ingenuus non eſt, ferventi
„ aqua, & candenti ferro ſe expur-
„ get. “ Burchardus VVormatiensis
hæc eadem verba, qualia erant apud
Reginonem, deſcripſit in lib. 16. cap.
19., imo etiam quidpiam ipſe adje-
cit; pro illis enim, cum juramento ſe expur-
get, ita expreſſit: *cum duodecim inge-
nuis ſe expurget*, item pro illis, *atque
perjurio ad juramentum*, ſcripſit: *aut
perjurio, aut falſo teſtimonio ad jura-
mentum*. Hinc facile agnoſcitur, qua
de cauſa canon Gratiani vel cum ipſo
Concilio canone, vel cum capite Regi-
nonis minime conſonet, Burchardo ſci-
licet auctore, a quo Gratianus frag-
mentum exceperit, propterea emendan-
dum vel ex ipſo Triburienſi canone,
vel ex Reginone, qui germanam Con-
cilio ſententiam expoſuiſſe præſumitur.

Can. 6. cau. 13. q. 2. ita ſupplendus
erit ex can. 15. Triburienſi. „ Reſtat
„ propter inſtantiem, quæ tunc maxi-
„ xima occurrit, neceſſitatem, ubicum-
„ que facultas rerum, & opportuni-
„ tas temporum ſuppetat, ſepulturam
„ morientium apud Eccleſiam, ubi ſe-
„ des eſt Epifcopi, celebrari. Si au-
„ tem hoc propter itineris longinqui-
„ tatem, aut adjacentem alicujus inop-
„ portunitatis difficultatem impoſſibile
„ videatur, expectet eum terra ſepul-
„ turæ ſuæ, quo Canonicoſum, aut
„ Monachorum, ſive Sanctimonialium
„ Congregatio Sancta communiter de-
„ gat, ut eorum orationibus Judici ſuo
„ commendatus occurrat, & remiſſio-
„ nem delictorum, quam meritis non
„ obtinet, illorum interceſſionibus per-
„ cipiatur. Quod ſi & hoc ineptum, &
„ difficile æſtimetur, ubi decimam per-
„ ſolvebat vivens, ſepeliatur mortuus.

Can. 14. cau. 13. qu. 2. legitur in
Can. 16. Triburienſi, cujus hæc ſunt
verba: „ Abhorrendus, & Chriſtianis
„ omnibus devitandus mos iniquus ſub-
„ repſit, ſepulturam mortuis debitam
„ ſub pretio vendere, & gratiam Dei
„ venalem facere, cum hoc nuſquam
„ ſub Evangelica gratia meminerimus
„ nos inveniriſſe, vel legiſſe. In Eccle-
„ ſiaſtico namque libro ſcriptum eſt;
„ mortuo non prohibeas gratiam, ſciens,
„ quia omnes moriemur. Et item: Om-
„ nia, quæ de terra ſunt, in terram
„ convertuntur. Quid terra terram
„ vendis? Memento quoniam terra es,
„ & in terram ibis, & quoniam mors
„ tibi

„ tibi futura est, appropriat, & non
 „ tardat. Recordare, quoniam non ho-
 „ minis est terra, sed ut Psalmista com-
 „ memorat: Domini est terra, & qui
 „ habitant in ea. Si terram vendis,
 „ invasione alienæ rei reus teneberis.
 „ Gratis accepisti a Deo, gratis da
 „ pro eo. Quare interdictum sit omni-
 „ bus omnino Christianis, terram mor-
 „ tuis vendere, & debitam sepulturam
 „ denegare. Nisi forte proximi, &
 „ amici defuncti, propter nomen Do-
 „ mini, & redemptionem animæ viri,
 „ gratis aliquid donare velint.“ Ex
 „ his & supplendus erit Gratiani canon,
 „ atque emendandus.

Can. 31. cau. 13. qu. 2. ab auctore
 cau. 13. Palearum nullo adjecto auctoris nomi-
 qu. 2. ne apud Gratianum laudatur; sed a-
 pud Gregorium IX. in cap. 2. de fur-
 tis Triburiensi Concilio inscribitur. Ro-
 mani Correctores observaverunt non-
 nulla similia legi in cap. 31. Tribu-
 riensi. Verba hujus Canonis referam,
 ex quibus Gratiani fragmentum sup-
 pleatur, atque emendetur. Ajunt Tri-
 burienteses Patres: *Statuimus, & judi-*
camus, ut si quis post hac Evangelica,
& Apostolica, atque Prophetica verba,
& definitionem patetissima Synodi inven-
tus fuerit factum, aut rapinam exerce-
re, & in ipso diabolico actu mortem me-
reatur incurrere, nullus pro eo presumat
orare, aut elemosynam dare: & elem-
osyna pro eo data in memoriam Cleri-
corum nec Pauperum veniat, sed ex-
crabilis sordescat. B. Augustinus de ta-
libus horribilem profert sententiam di-
cens: Nemo te post mortem tuam fideliter
redimit, quia tu te redimere noluisse. Si
autem ille fur, vel latro vulneratus
alabatur, & expectatione mortis despera-
tus putatur, atque reconciliari se My-
steriis Sacrosanctis habitu corporis, &
voluntate pia mentis deprecatur, Deoque
& Sacerdoti comito vita, emendationem
morum, & actuum constitetur, communio-
nis gratiam non negamus tribuendam.
 Hunc Canonem ita descriptum primus
 aut corripit, aut corrumpendi occa-
 sionem dedit Regino Prumienfis, apud
 quem ita legitur in cap. 94. lib. 2. Ex
 Concilio Triburiensi: *Fures, & Latro-*
nes, si in furando, & pradando occi-
dantur, visum est pro eis non orandum;
si comprehensi, aut vulnerati Presbyte-
ro, vel Diacono confessi fuerint, com-
munionem eis non negamus. Facile est
 in vetustis Reginonis Codicibus verba

illa, quæ hodie leguntur: *vel Diacono*,
no, breviata fuisse hoc modo *De vel*
Duo, quæ significarent *Deo, vel Do-*
mino, quemadmodum in Triburiensi
 Concilio legitur, at qui Codicem Re-
 ginsonis, & breviosos characteres non
 intellexit, facile potuit in illis verbis
 legere *Diacono*, præter quam in ipso
 Concilio legatur, in quo nulla Diaconi
 mentio habetur. Atque erratum hoc
 sequutus est Burchardus, ex Burchardo
 Gratianus, & ex Gratiano etiam Col-
 lector Decretalium in dicto cap. 2. de
 furtis, in quo Interpretes non levem
 controversiam agitant, quasi ex eo de-
 duci videatur, delictorum confessionem
 æque Diacono, ac Presbytero fieri pos-
 se, quæ sane difficultas penitus evanes-
 cit, si ad integra Concilii Triburiensis
 exemplaria eundem Triburiensem Cano-
 nem exegerimus.

Can. 16. cau. 16. qu. 1. testante eo-
 dem Gratiano idem est cum can. 6. cau.
 13. qu. 2. cujus sententiam integram jam
 superius descripsi ex canone 15. Con-
 cillii Triburiensis. Can. 16.
can. 16.
qu. 1.

In can. 36. cau. 16. qu. 7. referre Can. 36.
can. 16.
qu. 7.
 volebat Gratianus can. 32. Concilii Tri-
 burienfis, cujus tamen verba paullo ali-
 ter in vulgatis Concilii exemplaribus ex-
 primuntur, ibi: “ Quæcumque Ecclesia
 „ a compluribus cohæredibus sit obfes-
 „ sa, concordia unanimitate undique pro-
 „ curetur, ne propter aliquas discepta-
 „ tiones servitium Dei minuatur, &
 „ cura populi irreligiose agatur: Si ve-
 „ ro contingat pro ea participes dis-
 „ sidere, & sub uno Presbytero nolle
 „ eam procurare, & propterea jurgia,
 „ & contentiones tam inter ipsos, quam
 „ inter Clericos incipiant frequentare,
 „ quia juxta Apostolum servos Dei non
 „ oportet litigare, Episcopus tollat in-
 „ de reliquias, & sub magna cura ho-
 „ norifice collocet eas, atque ejusdem
 „ Ecclesiæ claudat ostia, & sub sigillo
 „ consignet ea, ut Sacrum ministerium
 „ nullus celebret in ea, antequam con-
 „ cordi unanimitate unum omnes eli-
 „ gant Presbyterum, qui idoneus sit Sa-
 „ crosanctum locum procurare, & Po-
 „ pulo Dei utiliter præesse. Hanc au-
 „ tem habeant auctoritatem Episcopi,
 „ ut in nullis Ecclesiis nec constituantur
 „ Presbyteri, nec expellantur illis
 „ inconfultis, & non consentientibus.
 „ In Epistola B. Papæ Clementis legi-
 „ tur: Attendendum summopere est o-
 „ mnibus Presbyteris, & reliquis Cle-
 „ ricis,

ricis, ut nihil absque Episcopi pro-
prij licentia agant, non utique mis-
sas sine ejus jussu quisquam Presbyte-
rorum in sua Parochia agat. Similiter
& reliqui Populi, majores scilicet,
& minores, per ejus licentiam, quid-
quid agendum est, agant. Animæ ve-
ro eorum ei creditæ sunt; ideo omnia
ejus consilio agere debent, & eo in-
consulto nihil. Sic restitutus est Tri-
buriensis canon, quem primo paucis
perstrinxerat Regino in lib. 1. de Ec-
clesiasticis Disciplinis cap. 242. dein-
de Burchardus in lib. 3. cap. 40. ac post
eos Gratianus in dicto can. 36. & tan-
dem Gregorius IX. in cap. 2. de jure-
patronatus. Quædam his fere similia le-
guntur in legibus Longobardorum lib.
3. tit. 1. cap. 44. ibi: *De Ecclesiis, qua
inter coheredes divisa sunt, considerandum
est, quatenus si secundum nostram provi-
dentiam & ammonitiones Episcopi ipsi co-
heredes eas tenere voluerint, & honores
faciant: Si autem hoc contradixerint,
ut in Episcopi potestate maneat, utrum
eas ita custodire permittat, aut reliquias
exinde auferat, & ubi ad nostrum bene-
ficium Ecclesia pertinentes ita divisa fue-
rint inventa, & ut describantur, & no-
bis annuncientur.*

Can. 7.
cau. 17.
qn. 4.

Quæ refert Gratianus in can. 7. cau.
17. qu. 4. jam Regino eisdem verbis de-
scripserat tamquam can. Concilii Tri-
buriensis in lib. 2. cap. 37. & ex Regi-
none describere non dubitarunt Burchar-
dus, & Ivo. Verum ibidem non legitur
integra, sed paucis perstricta Triburien-
sium canonum sententia. Eo enim per-
tinent Triburienses can. quartus, & se-
xtus. Quartus ita exprimitur: "Siquis
Presbyter (quod absit, quia Sacerdos
altissimi Dei est) vulneratus, vel qui-
buslibet injuriis, & contumeliis de-
honestatus evaserit, & supervixerit,
tota compositio persolvatur Presbyte-
ro. Si autem articulo mortis præven-
tus obierit, pretium VVeregeldi (id est
compositionis juxta usum loquendi Lon-
gobardorum) tripartita partiatur di-
visione, id est altari, cui ordinatus
fuerat, pars una; Episcopo, in cujus
Diocesi erat, altera; tertia paren-
tibus, de quibus ortus fuerat. Si ve-
ro in atrio Ecclesiæ aliquid ex istis
Presbytero factum fuerit, supradicto
modo Presbytero, & pro Presbytero
solvatur. Sed quia, ut Hilarus Papa
omnibus Episcopis per diversas Pro-
vincias in Epistola sua scribit: inju-

Tom. I.

ria Sacerdotum, & Ecclesiarum sa-
crilegium est, sacrilegium in atrio fa-
ctum altari, & Domino ejusdem lo-
ci persolvatur &c. *Rursum in can. 6.
hæc leguntur: Siquis temerarius atrium
Ecclesiæ evaginato gladio præsumtuo-
se intraverit, sacrilegium facit; &
idcirco sacrilegium in atrio Domini
factum sacrilegii more altari, & Do-
mino persolvatur. Dominus dicit in
Evangelio: Omnes, qui acceperint
gladium, gladio peribunt &c.* Hæc
jam clarius constituerat Ludovicus Pius
Imperator in suo Capitulari anni 819.
cap. 1. non enim Triburienses Patres le-
gem novam hac in re ipsi pronunciarunt,
sed potius Imperatoriæ legi jam dictæ
hujusmodi can. conformarunt. Statuit
Ludovicus: "Siquis aut ex levi causa,
aut sine causa, hominem in Ecclesia
interfecerit, de vita componat. Si
vero foris rixati fuerint, & unus al-
terum in Ecclesiam fugerit, & ibi
se defendendo eum interfecerit, si fa-
ci hujus testes non habuerit, cum
duodecim conjuratoribus legitimis per
Sacramentum adfirmet, se defenden-
do eum interfecisse, & post hæc sex-
centos solidos ad partem Ecclesiæ,
quam illo homicidio polluerat, & in-
super bannum nostrum solvere coga-
tur; is vero, qui interfectus est,
absque compositione jaceat; ac dein-
de intersector secundum judicium ca-
nonicum congruam facinori, quod ad-
misit, pœnitentiam accipiat. Si pro-
prius servus hoc commiserit, judicio
aquæ ferventis examinetur, utrum
hoc sponte, ac se defendendo fecis-
set. Et si manus ejus exusta fuerit,
interficiatur; si autem non fuerit,
Dominus ejus, juxta quod VVirgil-
lus illius est, ad Ecclesiam persolvat,
aut eum, si voluerit, eidem Ecclesiæ
tradat.... Si in atrio Ecclesiæ, cu-
jus porta reliquiis Sanctorum conse-
crata est, hujusmodi homicidium per-
petratum fuerit, simili modo emen-
detur, vel componatur. Si vero por-
ta Ecclesiæ non est consecrata, eo
modo componatur, quod in atrio com-
mittitur, sicut componi debet, quod
in immunitate violata committitur.

Can. 20. cau. 17. qu. 4. emendandus
erit ex can. 20. Triburiensi, in quo hæc
leguntur: "Siquis irreverens timorem
Domini postponens in servos ejus sæ-
vire præsumserit, quos ipse præ cete-
ris peculiari singularitate sibi segre-

Can. 20.
cau. 17.
qn. 4.

„ gavit , & coronæ suæ similitudinem
 „ tradente Apostolorum Principe gestare
 „ fecit, & servos suos dici, & esse voluit
 „ sortemque illorum se constituit, sicut
 „ de eis scriptum est, loquente ipso Do-
 „ mino: Ego hæreditas eorum: Dominus
 „ hæreditas mea est; si quis, ut diximus,
 „ ullum eorum, quocumque ordine conse-
 „ cratum, cæsis vulneribus, vel quibus-
 „ cumque injuriis angustaverint jubeat
 „ eum Dominus Episcopus per bannum a
 „ se impositum ante se impositum ante se
 „ venire, & advocet cognitorem, & ad-
 „ jutorem Comitem, & constringat pro-
 „ tertvum Episcopus auctoritate canonica:
 „ ut eidem Clerico, cui contra divinas, &
 „ humanas leges contumelias ingessit, ju-
 „ stam, & debitam persolvat compositionem,
 „ nem, & Comite agente persolvat bannum
 „ Regibus debitum. Si vero agente pro-
 „ tertvia venire contemserit, justitiæque
 „ consentire detrectaverit, agantur su-
 „ per eum omnia, quæ superscripta sunt
 „ in secundo, & tertio Capitulo, nisi
 „ iterum veniat, & justitiæ concordet.
 Si canonem Gratianum cum hoc Tri-
 burienſi canone conferamus, agnosce-
 mus statim unius sententiam a sententia
 alterius plurimum discrepare; etenim
 quod in Concilio Triburienſi de Cleri-
 cis statutum est, qui ibidem speciales
 Dei servi appellantur, in fragmento
 Gratiano ita legitur, quasi de servis
 laicorum dominio subjectis editum fue-
 rit. Verum ut rem hanc candide ape-
 riam, ego arbitrarer, can. Gratianum
 revera ad Triburienſe Concilium non
 pertinere; non possum enim percipere
 tantam potuisse esse Collectoris audaciam,
 ut tam diversam sententiam Triburien-
 ſis canonis ipse reddiderit, præsertim
 quod noverim cum aliis, & alterius au-
 ctoris canonibus Gratianum canonem
 consonare. Referendus ille erit ad Ca-
 pitularia Regum Francorum, in quibus
 lib. 5. cap. 337. editionis Parisienſis an-
 ni 1677. hæc leguntur: *Siquis homo con-
 tumax, vel superbus, timorem Dei, vel
 reverentiam Ecclesiarum non habuerit, &
 fugientem servum suum, vel quemlibet
 persequutus fuerit, vel de Ecclesia, vel
 de porticu ejus per vim abstraxerit, &
 Deo honorem non dederit, componat ad
 ipsam Ecclesiam pro neglecto suo solidos
 quingentos, & pro fredo ad fiscum solidos
 ducentos; ipse vero publica pœnitentia
 juxta judicium Episcopi mulctetur, ut sit
 honor Dei, & reverentia Sanctorum, &
 ut Ecclesia Dei semper invicta permaneat.*

Hæc sane verba eadem sunt cum illis,
 quæ retulit Gratianus, ut propterea du-
 bitandum non sit, Gratiani canonem ad
 Capitularia Francorum, quam ad Tri-
 burienſe Concilium, esse potius referen-
 dum. Verum qui occasionem errandi de-
 dit, primus fuit Burchardus, qui Capi-
 tularia Francorum ægre commemorabat,
 ac propterea in cap. 197. lib. 3. idem
 hoc caput inscripsit Concilio Medioma-
 tricis, quem sequutus est Ivo in parte
 3. cap. 114. Gratianus, qui ex Burchar-
 do & Ivone fragmenta canonum decer-
 pebat, non solum eundem canonem Ca-
 pitularibus Francorum, uti decebat, non
 adscripsit; imo neque fuit satis accura-
 tus in referenda inscriptione Burchardi,
 sed confundens inscriptionem capitis 196.
 quod tribuebatur Concilio Triburienſi,
 cum inscriptione dicti capitis 197. idem
 caput 197. Concilio Triburienſi per osci-
 tantiam tribuit.

Can. 26. cau. 17. qu. 4. consonare vi-
 detur cum can. 4. Concilii Triburienſis, Can. 26.
cau. 17.
qu. 4.
 cujus verba integra superius retuli ad
 can. 7. cau. 17. qu. 4. Verum non hic
 sistere debemus, cum accuratius possimus
 investigare ejusdem Gratiani can. ori-
 ginem. Regino Prumiensis in lib. 2. de
 Eccles. Discipl. cap. 40. retulerat pau-
 cis sententiam dicti canonis 4. Tribu-
 rienſis; deinde in cap. 41. hæc subdi-
 dit: *Ex Capitularium lib. 2. cap. 49. Pres-
 byteri interfecti compositio Episcopo, ad
 cujus Parræchiam pertinent, solvatur,
 secundum Capitulare gloriosi Caroli geni-
 toris nostri, ita videlicet, ut medietatem
 VVirigildi ejus Episcopus utilitatibus Ec-
 clesie, cui præsuit, tribuat, & alteram
 medietatem in elemosyna ejus iusto di-
 spertiat; qui nullus nobis ejus hæres pro-
 ximior videtur, quam ille, qui ipsum Do-
 mino sociavit.* Referuntur hæc eadem
 in lib. 4. Capitularium Francorum cap.
 15. & in lib. 5. cap. 186. Parisienſis
 editionis anni 1677. Vidit hoc Capitu-
 lare Burchardus, atque illud in suum
 Codicem relaturus noluit referre Ca-
 pitularium nomine, a quo, uti persæpe
 monui, sibi abstinendum proposuerat,
 sed potius inscripsit nomine Concilii Tri-
 burienſis, ex quo Concilio apud Regi-
 nonem laudabantur præcedentia capita,
 videlicet 37. 38. & 40. Ex Burchar-
 do deceptus Ivo in parte 10. cap. 140.
 eundem canonem tribuit Triburienſi Con-
 cilio, ex Ivone Gratianus, & tandem
 ex Gratiano ipso Collector Decretalium
 Gregorii IX. in cap. 2. de pœnis. Ro-
 mani

mani Correctores quædam adnotarunt ad illam vocem *Virgildi*, agentes: *antea legebatur Ronaldus*. Profluxit id ex ignoratione Amanuensium linguæ Longobardorum, apud quos *Virigildi* nomen frequentissimum est in ipsorum legibus, significatque pœnalem criminis cujuslibet compositionem.

Can. 6. cau. 20. qu. 1. & can. 2. cau. 20. qu. 2. tum in appendice 2. Reginonis cap. 37. & 38. tum apud Burchardum cap. 97. & 98. lib. 8. tum apud Ivonem cap. 115. & 116. partis 7. simul junguntur, ac nomine Triburiensis Concilii laudantur; quamquam tamen in pluribus quidem conveniant, sed in pluribus dissonant a Concilio ejusdem Triburiensis sententiis, quæ leguntur tum in can. 24. ad quem referendus est dictus can. 2. cau. 20. qu. 2. tum in can. 27. ad quem referendus est dictus can. 6. cau. 20. qu. 1. Erunt igitur hoc in loco describenda ipsamet Triburiensis Concilii verba, ne a proposito recedat, quicumque Gratiani fragmenta sit interpretaturus. Canon 24. Triburiensis hic est. "Quæcumque virgo sub patro-

cinio ante annos duodecim non coacta, sed propria voluntate sacrum velamen sibi imposuerit, annumque, & diem nullo repetente velata permanferit, ab eodem sancto habitu ulterius non recedat, sed sponsa vero Regi Christo immaculato agno ulterius incorrupta, & immaculata deserviat. Si vero idem Patronus post annum, & diem sanctum propositum corrumpere, & velatam studuerit repetere, atque Christo suam sponsam rapere secundum præstituta canonum præjudicamus, ut vires non obtineat, sed Christo Regi suam sponsam relinquat. In cap. 27. hac habetur: Statuimus, ut Clericus Ecclesiastice nutritus in Ecclesia coram populo vel legens, vel cantans, si postmodum relicto Clericatus habitu a castris Dominicis, quibus adscriptus est, profugus, & apostata elabatur, & ad sæculum egreditur, ab Episcopo canonice coerceatur, ut ad sinum Matris Ecclesiæ revertatur. Quod si in hac indiscipline perdurat, ut comam nutriat, constringatur, ut iterum detondeatur, & postea nec uxorem accipiat, nec sacrum ordinem attingat. Si vero huic hujus sancti Concilii reluctaverit definitioni, secundum præstitutam Chalcedonensis Capituli constitutionem a-

mathematizetur". Agnosco quidem in his Triburiensibus canonibus non omnino reperiri expressam Gratianeorum fragmentorum sententiam. Ea tamen sunt, quæ Regino complexus est in memorata appendice, & paucis perstrinxit, ut sacrorum canonum studiosis Clericis proponeret; ac propterea eadem sunt, quæ ad accommodam Gratiani interpretationem plurimum, & maxime conducunt, cum Gratianus de more suo sequutus Ivonem fuerit, Ivo Burchardum, & Burchardus Reginonem.

Ex lectione Reginonis mendum profluxit in canonem 1. cau. 20. qu. 4. qui inscribitur nomine Concilii Triburiensis. Est is Triburiensis canon 26. his verbis in exemplaribus ejusdem Concilii expressus. "Siquis Monachus pro lucro animæ, vel animarum a suo Monasterio exire, & in aliud proposuerit intrare, consentientibus Episcopo, Abbate, & Fratribus, consentimus, & concordamus, quia id fecisse multos sanctos legimus. Si vero fuga regularis disciplinæ elapsus propositum sanctitatis calcaverit, omnimodis coercendus, & ab hominibus detestandus, atque omni onere est gravandus, ut saltem rubore verecundiæ confusus, & onere paupertatis afflictus redeat, quem relicta singularitatis professione inimicus tenebat. Si autem tam irreverens, & pertinax est, ut ad Monasterium redire, & propositum Monachi reluctaverit observare, impleantur super eum constituta, quæ de eo scripta sunt in sancto canone in Concilio Chalcedonensi cap. 4. Papæ Siricii 6. Leonis 26. quatenus retrusus, ergastulo decoqui possit pœnitudinis igne purgatorio". Hæc de Monachis constituta Regino Prumiensis in sua Collectione lib. 2. cap. 180. cum de Sanctimonialibus ageret, non dubitavit, quasi de Sanctimonialibus dicta, ita proferre. *Sanctimonialis si pro lucro animæ suæ cum licentia Abbatis suæ ad aliud Monasterium pergere disposuerit, ibidemque commanere, decrevis Sancta Synodus concedi. Si vero fuga disciplina alium locum quarit, redire cogatur.* Quæ verba etiam ex Concilio Triburiensi laudavit, idest sententiis Concilii Triburiensis, ubi de Monachis agebatur, valde similia. Legerat hæc apud Reginonem Burchardus, qui in lib. 8. suæ Collectionis cap. 22. aliquibus immutatis verbis eadem, quasi ex Concilio Triburiensi descripsit his

verbis: " Virgines sacræ, si pro lucro
 „ animæ suæ propter districtiorem vi-
 „ tam ad aliud Monasterium pergere di-
 „ spofuerint, ibidemque commanere de-
 „ creverint, Synodus concedit. Si vero
 „ fuga disciplinæ alium locum quæfie-
 „ rint, redire cogantur". Sic etiam ex
 Burchardo descripsit Ivo in parte 7. De-
 creti cap. 42. & ex Ivone Gratianus in
 dicto can. 1. cau. 20. qu. 4. qui statim
 hæc subjicit: *Quod autem de virginibus*
sacris hoc capitulo statuitur, de Mona-
chis etiam consequenter intelligitur, &
de quolibet etiam Clerico. Sane si Gra-
 tianus ad germanam Triburiensis cano-
 nis lectionem confugisset, frustra adno-
 tavisset, ex eo, quod statutum legerat
 de Sanctimonialibus, argumentum desu-
 mi posse ad Monachos protrahendum;
 etenim in Concilio ipso de Monachis
 vere sermo institutus fuerat, licet Re-
 ginsonis opera ad Sanctimoniales relatus.
 Hinc adparet diversa inter Gratianum,
 & Reginonem interpretationis æmula-
 tio; etenim Regino curabat, ut canonem
 Triburiensem de Monachis expressum ad
 Sanctimoniales produceret; & Gratia-
 nus sollicitus fuit, ut can. eundem Tri-
 buriensem, quem ex Reginonis editione
 de Sanctimonialibus expressum arbitra-
 batur, etiam de Monachis argumenta-
 tione quadam & similitudine intelligen-
 dum proponeret.

Quatuor fragmenta in unam eandem-
 que sententiam collineantia descripsit
 Gratianus nomine Concilii Triburiensis
 in cau. 27. qu. 1. videlicet canones 11.
 12. 13. & 14. Videntur illa omnia per-
 tinere ad canonem 23. Triburiensem,
 cujus hæc sunt verba: " Si quis sacro
 „ velamine consecratam in conjugium
 „ duxerit, & post dicatum Deo propo-
 „ situm incesta fœdera, sacrilegaque
 „ miscuerit, ut in constitutis Gelasii
 „ Papæ cap. 20. legitur, protinus æquum
 „ est a sacra communione detrudi, &
 „ nisi per publicam, probatamque pœ-
 „ nitentiam omnino non recipi; si ta-
 „ men pœnituerint, transeuntibus de
 „ sæculo viaticum non negetur. In Chal-
 „ cedonensi Concilio cap. 16. hoc per-
 „ petrant excommunicantur: Confi-
 „ tentibus auctoritate Episcopi miseri-
 „ cordia largiatur. In Epistola Papæ Si-
 „ ricii cap. 6. Velatæ Deo consecratæ,
 „ si abjecto proposito sanctitatis, clan-
 „ culum sacrilega se contagione miscue-
 „ rint, vel de illicitis complexibus pu-
 „ blice, & libere filios procreaverint;

„ has impudicas, detestabilesque perfo-
 „ nas a Monasteriorum cœtu, & Ec-
 „ clesiarum Conventibus eliminandas ef-
 „ fe, judicatum est, quatenus retrusæ
 „ ergastulis tantum facinus continua la-
 „ mentatione desseant. Unde verbo Do-
 „ mini, & canonica auctoritate in hac
 „ sancta Synodo præcipimus, ut omni-
 „ no separentur, & juramento colli-
 „ gentur, ulterius sub uno non cohabi-
 „ tare tecto, nec familiari frui collo-
 „ quio, excepto in Ecclesia, & in pu-
 „ blico, aut pariter ullam habere com-
 „ munionem, unde suspicio illecebrosi
 „ desiderii, aut scandalum libidinosi fa-
 „ ci juste possit oriri. Sique etiam in-
 „ ter se dividenda sint, dividant, &
 „ uterque sua provideat". Itaque in
 hoc canone Triburienses Episcopi non
 suam tantum, sed & potissimum Gela-
 sii, Siricii, & Chalcedonensis Concilii
 sententiam proposuerunt. Porro senten-
 tia Gelasii inter ejusdem Papæ decreta
 apud Dionysium Exiguum, & quidem
 numero 20. de quibus opportuniore in
 loco sermonem habeo. Exinde autem
 depromptus est canon 14. cau. 27. qu. 1.
 eisdem omnino verbis cum Gelasiano De-
 creto consonans, dummodo pro illis,
 si digne pœnituerint, legamus: *Si tamen*
pœnituerint; ideo autem ex Concilio Tri-
burienſi laudatus, quia dictus Concilii
 Triburiensis canon ad hoc idem Gelasii
 Decretum referebatur. Sententia Papæ
 Siricii, ad quam etiam Triburiensis ca-
 non refertur, habetur inter Decreta
 ejusdem Papæ his verbis: " Præterea
 „ Monachorum quosdam, atque Mona-
 „ charum abjecto proposito sanctitatis,
 „ in tantam potestatis demersos esse la-
 „ sciviam, ut prius clanculo, velut sub
 „ Monasteriorum prætextu illicita, ac
 „ sacrilega se contagione miscuerint,
 „ postea vero in abruptum conscientiæ
 „ desperatione perducti, de illicitis com-
 „ plexibus libere filios procrearint, quod
 „ & publicæ leges, & Ecclesiastica ju-
 „ ra condemnant. Has igitur impudi-
 „ cas, detestabilesque personas a Mona-
 „ steriorum cœtu, Ecclesiarumque Con-
 „ ventibus eliminandas esse mandamus;
 „ quatenus retrusæ in suis ergastulis
 „ tantum facinus continua lamentatione
 „ descentes, purificatorio possint pœni-
 „ tudinis igne decoquere, ut eis vel ad
 „ mortem saltem solius misericordiæ in-
 „ tuitu per communionis gratiam possint
 „ sit indulgentia subvenire". Cum hoc
 Siricii capite consonare videtur dictus

canon 11. cau. 27. quæst. 1. ideo etiam Concilio Triburiensi adscriptus, quoad Siricii Decretum Triburiensis canon refertur. Præterea canonem Chalcedonensis Concilii jam suo in loco palam exhibui, & ad eum refertur canon 12. cau. 27. qu. 1. eadem ratione, qua ceteri hujusmodi canones Triburiensi Concilio tributi. De canone 13. cau. 27. qu. 1. nihil hic specialiter subiiciendum arbitror; non enim aliud in eo contineri videtur, quam potestrius sententia dicti canonis Triburiensis, quem nuper integrum descripsi, ex quo propterea idem Gratiani fragmentum supplere juvabit.

Can. 31. & 32. cau. 27. qu. 2. Concilii Triburiensis canones non esse omnino integre, fideliterque relatos a Collectoribus jam satis liquet ex iis, quæ huc usque animadvertimus. Atque id etiam apparet in canonibus 31. & 32. cau. 27. quæst. 2. qui laudantur quasi canones Triburiensis Concilii, cum tamen multo aliter in Triburiensibus ipsis canonibus habeatur. Canon igitur 31. cau. 27. qu. 2. pertinere videtur ad canonem 31. Triburiensem, cujus hæc sunt verba: " Si quis legitimam duxit uxorem, & impediende quacumque domestica infirmitate uxorum opus non valens implere cum illa, frater vero ejus, suadente diabolo, adamatus ab ipsa clanculum eam humiliaverit, & violatam reddiderit, omnimodo separantur, & a neutro ulterius eadem mulier contingatur. Igitur conjugium, quod erat legitimum, fraternâ commaculatione est pollutum, & quod erat licitum, illicitum est factum, & ut Hieronymus ait, mulier duorum fratrum non ascendat thorum; si autem ascendit, adulterium perpetrabit. Quia vero humana fragilitas proclivis est ad labendum, aliquo modo muniatur ad standum. Idcirco Episcopus considerata mentis eorum imbecillitate post poenitentiam suam institutione peractam, si se continere non possint, legitimo consoletur matrimonio, ac, dum sperantur ad alta sublevari, corruant in cœnum. Hæc verba primus paucis peritronxit Regino Prumiensis in lib. 2. cap. 245. ibi: " Ex Concilio Triburiensi: Si duxerit vir uxorem, & concumbere cum ea non valens, frater ejus clanculo eam vitaverit, & gravidam reddiderit, separantur. Considerata autem imbecillitate misericordia eis impertiatur ad conjugium, tantum in Domino ".

Hinc posteriores Canonum Collectores exemplo Reginonis aliis verbis sententiam Triburiensem descriperunt, quemadmodum in dicto can. 31. cau. 27. q. 2. Sed & can. 32. cau. 27. q. 2. referendus erit, ac supplendus ex can. 43. Triburiensi his verbis expresso. " Siquis cum qualibet fornicatus fuerit, & eo nesciente filius ejus, vel frater ejusdem rei inscius cum eadem se polluerit, & postquam se pollutum esse cognoverit, confessus fuerit, & hoc se nescire cum juramento confirmaverit, quia hoc poenituit, & confessus fuit, post peractam congruam poenitentiam legitimo utatur matrimonio, ne iterum mordente crudelissima libidinis bestia saucietur, & in voraginem fornicationis incidere videatur. Nam, ut Hieronymus ait, ferreas mentes domat libido. Mulier vero, quæ tantum nefas commiserat, ulterius poeniteat, atque continens, & innupta permaneat. Verum licet cum hoc Triburiensi canone plurimum consonare videatur Gratiani fragmentum; ego tamen asseruerim, canonem Gratiani referendum potius esse ad canonem 10. Concilii Compendiensi; Concilii autem Triburiensis nomen adscriptum fuisse, ut indicaretur, non proprie canonem illum ad Triburiense Concilium pertinere, sed potius quædam in eodem Concilio similia legi. Porro in Concilio Compendiensi cap. 10. hæc leguntur: " Si pater sponsam filii sui oppræsserit, & postea filius ipsam acceperit, pater ejus postea non habeat uxorem, & ipsa femina non habeat virum, quia non dixit, quod pater ejus cum ipsa mansisset, filius vero ejus, qui nesciens fecit, accipiat mulierem legitimam ".

Qui omnino cum Codicibus Triburiensis Concilii consonat, is est can. 7. cau. 30. q. 3. habetur enim eisdem omnino verbis in can. 48. ejusdem Concilii, quemadmodum etiam cum can. 47. Triburiensi consonat can. 4. cau. 30. q. 4. ubi tamen pro illis verbis: *nulla generatio secernit spiritalis*, vulgata Concilii editio hæc habet: *in id generatio secernit spiritalis*.

Canon 4. cau. 31. qu. 1. legitur in can. 40. Concilii Triburiensis his verbis: *Audivimus rem execrabilem, & Catholicis omnibus detestandam, quandam nefario fornicationis opere alicujus uxorem vivente eo commaculasse, & in argumentum iniquitatis juramento confirmasse si ejus legitimum supervivisset ambo maritum,*

ut ille fornicator illam adulteram adulterio pollutam sibi associaret thoro, & legitimo matrimonio, si hoc iure dici matrimonium potest, per quod oriuntur, qua Apostolus enumerat, mala, qua sunt fornicatio, immunditia, luxuria, &c., ad ultimum vero veneficia, & homicidia, quia pro tam illicito amore alii veneno, alii gladio, vel alii diversis sunt perempti maleficiis. Idcirco acutissimo ferro, ac totius generis artificio resocanda, per qua caelestia regna sunt occludenda, quoniam, ut idem Apostolus ait, qui talia agunt, regnum Dei non consequentur. Tale igitur connubium anathematizamus, & Christianis omnibus obsecramus. Non licet ergo, nec Christiana Religioni oportet, ut ullus ea utatur in matrimonio, cum quae prius polluta est adulterio. Agnoverunt jamdiu Romani Correctores, ex hoc Triburiensi canone Gratiani fragmentum originem habuisse, verum paullisper de eo subdubitarunt, quod apud Burchardum inscriptum invenerint ex capite 5. Triburiensis quasi Burchardi fides etiam integerrima fuerit in ipsis numeralibus canonum notis, qui in aliis majoris momenti rebus nullam fidem servavit.

Omnia 44. de conf. dist. 1. Canon. 44. de conf. dist. 1. legitur in cap. 18. ejusdem Concilii Triburiensis, & quidem eisdem verbis. Duo ibidem commemorantur Pontificum Maximorum Decreta, Zephirini, & Urbani I. fertur enim Zephirinus constituisse, ut patenis vitreis Sacerdotes in Sacra Oblatione uterentur, quemadmodum dicitur in Pontificali Damasi his verbis: Hic (idest Zephirinus) constituit, ut praesentibus Clericis, & Laicis fidelibus sive Clericis, sive Levitis, sive Sacerdos ordinatur; & fecit: constitutum de Ecclesia, ut patenas vitreas ministri ante Sacerdotes portarent, dum Episcopus Missam celebraret. Fertur praeterea Urbanus I. Sacra Vasa argentea instituisse, quem admodum ex eodem libro Pontificali deducitur, ibi: Hic (idest Urbanus) fecit ministeria sacra omnia argentea, & patenas argenteas viginti quinque apposuit. Sane olim & vitrea, & argentea Sacra Vasa in usu fuisse nemo ignorat, qui vetustissima Ecclesiarum monumenta perolverit. Sic legimus in Dialogis Gregorio Magno adscriptis lib. 1. cap. 7. S. Donatum Aretinae Ecclesiae in Gallia Episcopum, & Martyrem vitreum Galicem a Paganis fractum orando restaurasse. Item legimus apud Hieronymum Epist. 4. ad Rullicum: Nihil illo-

ditius, qui Corpus Domini canistro vimineo, Sanguinem portat in vitro. Legimus praeterea apud S. Epiphanium in Panario haeresi 34. Marcum haesiarcham, qui temporibus Apostolorum vivebat, Calice vitreo ita decepisse assecras suos, ut vinum album in illum superinfusum praestigiis, & magica arte quasi sanguineo colore tinctum exhiberet. Geterum & illa aetate vasa argentea, atque etiam aurea non dedignabatur Ecclesia, ubi commodum fuisset. Hinc Gregorius Turonensis de gloria martyrum cap. 38. scribit tempore Diocletiani Imperitoris Vasa argentea a Christianis in Sacris Oblationibus adhibita fuisse, & S. Augustinus Epist. 165. ex actis Proconsularibus refert, Christianos tempore Diocletiani habuisse Calices aureos duos, sex autem argenteos.

De aliis canonibus Triburiensi Concilio adscriptis.

Quae hucusque Gratiani fragmenta retulimus, singula ad Triburiense Concilium anni 895. referri jure debere, aut posse existimavi. Superfunt alia, quae nomine ejusdem Concilii apud Gratianum habentur, cum tamen in vulgatis Concilii exemplaribus, sive in vulgatis 58. Triburiensibus Canonibus non habeantur. Ex his est in primis canon 2. dist. 34. qui tamen legitur apud Regi-
Can. 2. dist. 34. nonem in cap. 407. de Ecclesiasticis Disciplinis lib. 1. his verbis: Ut nulli de servili conditione ad sacros Ordines promoveantur, nisi prius a Dominis propriis libertatem legitimam consequantur, cujus libertatis charta ante ordinationem in ambone publice legatur, & si nullus contraxerit, rite consecrabitur. Porro si de gradu ceciderit, ejus sit conditionis, cujus fuerat ante gradum; & quidem Regino haec Concilii Triburiensis nomine inscripsit, quamobrem cum Regino, vel Concilio eidem Triburiensi interfuerit, vel saltem tempore Concilii Triburiensis, & prope Triburiam vixerit, non erit hac in re, nisi temere ipsi deneganda fides, nisi forte quispiam dicere velit, Reginonem sententiam quidem Concilii, sed diversis verbis, (quem admodum in aliis canonibus egit) retulisse; ac tunc hic idem Gratiani, & Reginonis canon referri facile posset ad canonem 29. Concilii Triburiensis ex iis, qui in vulgata Concilii editione habentur, ibi: Secundum decreta Sanctorum.

Patrum praedictamus, & nos id acturos profitemur, ut nullum servum Episcopus ordinare praesumat, antequam perfecta dicitur ingenuitate, quia non debet vilis persona fungi Sacerdotii dignitate. Leo Papa in Epistola sua cap. 1. Debet enim esse ab aliis securus, qui divina militia fuit aggregandus, ut a castris Dominicis, quibus nomen ejus adscribitur, nullis necessitatis vinculis abstrahatur. Gregorius in decretis suis cap. 7. Multos ex Ecclesiastica familia novimus ad omnipotentis Dei servitium festinare, ut ab humana servitute liberi in Divino servitio valeant conversari. Si vero festinantes ad omnipotentis Dei servitium incaute retinemus, illi invanum quadam negare, qui dedit omnia, unde necesse est, ut ab humano servitio liber recedat, qui divini obsequii districtam subire appetit servitutem. Sancta Synodus dixit: Praefinita Patrum statuta inviolabilem habeant firmitatem. Baluzius ad memoratum caput Reginonis in notis ita scribit: Caput istud non extat in vulgatis editionibus Concilii Triburiensis, extat autem etiam apud Burchardum, & in veteri Collectione canonum MS. in Bibliotheca Regia. Postrema porro illius pars, qua mutila est apud Reginonem, sic supplenda est ex Burchardo, & veteri illa Collectione: Porro servus non canonice consecratus, postquam de gradu ceciderit, ejus sit conditionis, cujus fuerat ante gradum. Ceterum, ut praefatus sum, me magis, quam Burchardi, movet Reginonis testimonium. Romani Correctores rectius adnotarunt, similia quaedam contineri in lib. 1. Capitularium Francorum cap. 88. vers. & quandocumque. Habetur in cap. 6. Capitularis anni 816. ubi tamen observandum est, consuetudinem illam recitandi ex ambone chartam libertatis non in omni servorum genere obtinuisse, sed in servis ad familiam Ecclesiae pertinentibus. Verba Capitularis haec sunt: Et quandocumque de familia Ecclesia utilis inventus aliquis ordinandus est, in ambone ipsa auctoritas coram populo legatur, & coram Sacerdotibus, vel fidelibus Laicis ante cornu altaris, sicut in nostra auctoritate continetur, remota qualibet calliditate libertatem consequatur, & tunc demum ad gradus Ecclesiasticos promoveatur. Hinc vero admodum simile esse potest, Reginonem partem canonis ex hoc Capitulari, partem ex Concilio Triburiensi expressisse, & nomine Concilii Triburiensis laudasse, eodem de-

inde nomine illud ipsum fragmentum apud Burchardum, Ivonem, & Gratianum fuisse translatum.

Apud Reginonem etiam legitur in lib. 1. cap. 127. canon 105. cau. 1. qu. 1. his verbis: *Dicitur est in quibusdam locis pro perceptione chrismatis nummos dari solere, pro baptismo, & communione. Hoc Simoniacae haeresis semen detestata est Sancta Synodus, & anathematizavit, & ut de cetero nec pro ordinatione, nec pro chrismate, vel baptismo, nec pro sepultura, vel communione quicquam exigatur, sed gratis dona Christi gratuita dispensentur.* Hoc fragmentum retulit Regino cum hac Epigraphe. *Ex eodem.* In capite autem praecedenti laudaverat Concilium Triburiense, cujus canones 15. & 16. paucis perstrinxerat. Burchardus in lib. 4. cap. 101. ex Reginone laudavit eundem canonem hoc modo: *Ex Concilio Triburiensi, cui interfuit Rex Arnulphus.* Similiter Ivo, quibus morem gefcit Gratianus, cujus verba consonant cum exemplaribus Burchardi, & Ivonis; non tamen cum Codice Reginonis, quemadmodum constare potest conferentibus Gratiani fragmentum cum capite Reginonis nuper descripto. Ceterum verosimile admodum est, Reginonem, qui primus hoc fragmentum edidit, voluisse describere potius sententiam, quam verba Concilii Triburiensis. Sententia autem habetur in can. 16. Triburiensi, quem superius integrum descripsi ad canonem 14. cau. 13. qu. 2. Ibi vero de sola sepultura fit mentio, statuiturque, nequis audeat pro sepultura aliquid accipere, quod Regino potiori ratione ad chrismatis dationem, ad baptismum, communionemque protraxit, quia forte, cum interfuisset Concilio Triburiensi, Sanctorum Antistitum sententias ita acceperat, ut generales viderentur, & ad omnia istiusmodi sacra, & religiosa officia pertinentes; quod ex eo etiam deducitur, quia Regino in hoc referendo fragmento sese Historicum magis, quam Collectorem gessisse videtur, ita scribendo: *Detestata est Sancta Synodus, & anathematizavit.... & statuit &c.*

Canon 43. cau. 11. qu. 3. mihi videtur ex variis Conciliorum veterum sententiis elucubratus, licet tamen non satis integre descriptis. Ibi anathema dicitur iis primum, qui canonicè ad Synodum vocati venire contemnunt; deinde illis, qui postquam venerint, Sacer-

Can. 105.
cau. 1.
qu. 3.

Can. 43.
cau. 11.
qu. 3.

sacerdotalibus præceptis obtemperare detre-
cant; illis demum, qui ante finitam
causæ suæ discussionem a Synodo abire
præsumunt. Et quidem hæc omnia ad
varios vetustos canones referri possent,
& ex illis comprobari; non una ta-
men, eademque erit in omnibus excom-
municationis species recipienda. Illis
enim, qui ad Synodum vocati negligunt
accedere, Episcopis excommunicationis
pœna indicitur, quæ tamen revera ex-
communicationis species recipienda. Nam
exempli causa, quoties Episcopus ad
Concilium Provinciale vocatus renuebat
sine legitima excusatione intervenire,
cogebatur intra Diocesis suæ commu-
nionem consistere, nec poterat rerum
Provincialium curam habere, quousque
veniam delicti in sequenti Synodo impe-
trasset. Atque eadem pœna illis immi-
nebat, qui ad Concilium quidem acces-
serant, nondum tamen absoluto negotio
a Synodo recessissent. Id expressum ha-
bemus in Concilio Arelatenſi II. can. 19.
relato apud Gratianum in can. 12. dist.
18. conferendo cum can. 10. Concilii
Carthaginensis 5. apud Gratianum in
can. 10. dist. 18. At quotiescumque quis
canonibus in Concilio semel editis, pro-
mulgatisque restitisset, is propriæ ex-
communicationis pœnam subibat, quem-
admodum habetur in Concilio Toletano
III. anni 589. can. 24. ibi: *Qui Concilia
omnium Episcoporum Orthodoxorum conſo-
na Conciliis Nicæno, Constantinopolitano
I. Ephesino, & Chalcedonenſi non reci-
pit, anathema ſit.* Atque has omnes
Conciliorum sententias simul uno con-
textu junxit auctor dicti canonis 43. ge-
neraliter asserens, excommunicatione pu-
niri eos debere, tum qui latis Concilio-
rum canonibus adversantur, tum qui ad
Concilia vocati venire recusant, tum
qui a Concilio nondum absoluto sine
caussa discedunt. Primus, ut video,
hujus canonis editor fuit Burchardus in
lib. 11. cap. 74. qui cum in cap. præ-
cedenti laudasset canonem 8. Concilii
Triburiensis, cui interfuit Rex Arnul-
phus, subdit: "Quæsitum est in eadem
„ Synodo, pro quibus causis quemlibet
„ hominem Episcopali auctoritate vin-
„ culo anathematis ligari oporteat; at-
„ que unanimi cunctorum sententia de-
„ cretum est, pro his tribus criminibus
„ fieri debere; cum ad Synodum cano-
„ nice jussus venire contemnit, aut post-
„ quam illuc venerit, Sacerdotalibus

„ respuit obedire præceptis, aut ante
„ finitam causæ suæ examinationem a
„ Synodo profugus abire præsumit".
Hæc eadem verba retulit Ivo in cap.
122. parte 14. Decreti, & deinde paul-
isper mutata retulit Gratianus in dicto
can. 43. Porro fuisse ipsamet Concilii
verba hæc, quæ relata sunt, facile in-
ficias iverim; etenim nullibi in Con-
ciliis leguntur istiusmodi formulæ: *Quæ-
situm est in eadem Synodo &c.* sed potius
videntur historici cujuspiam narrationem
continere. Hinc suspicor, Burchardum
potius referre voluisse sententias Tribu-
riensium Episcoporum in Concilio ipso
prolatas, non statuendo, sed differendo,
antequam ad canones edendos devenire-
tur, de quibus tempore Burchardi re-
centia quædam esse poterant monumen-
ta, cum Burchardus prope tempora Con-
cilii Triburiensis vixerit, item in Pro-
vinciis non procul a Triburia disitis
scripserit. Aut forte etiam dicemus,
Burchardi mentem fuisse, ut veterum
Conciliorum statuta referret, & paucis
perstringeret, qualia nuper ex Concilio
Arelatenſi II. Carthaginensi V. descri-
bebam, inscriberetque Concilio Tribu-
riensi, quia quædam similia apud Regi-
nonem Concilii Triburiensis nomine re-
lata legerat in lib. 2. cap. 296. ibi: *Ex
Concilio Triburiensi cap. 8. Conqueſti ſunt
quidam de quibusdam malefactoribus,
quorum tam nimia improbitas est, ut ad-
monitionem Sacerdotum non curent, ban-
num Episcoporum (ideſt convocationem,
ſeu Synodum Episcoporum; etenim ban-
nus licet quandoque ſignificet confisca-
tionem, proſcriptionem, aliquando et-
iam ſignificat editum, ſive publicam de-
nunciationem, uti notat Sirmondus ad
Capitularia Caroli Calvi) contemnunt,
ad Synodum terque, quaterque vocati
venire deſpiciant, ad extremum excommu-
nicari pro nihilo ducunt. De talibus et-
iam in Capitulari ſtatutum eſt Regie co-
gnitioni ſuaderi debere. Et devoto Regi
Arnulpho cum Sancta Synodo placuit, ut
quemque poſt excommunicationem debi-
tam ſic Deum parvi aſſimant, & Chri-
ſtianitatem, ſeculari poteſtate perſequen-
dos, & ſi interficiantur, jaceant abſque
compositione.* Itaque, teste Reginone,
quædam Triburiensi in Concilio propo-
ſita ſunt de iis, qui Synodo obedire de-
trectant, communicare tum Regis, tum
Episcoporum ſuffragio definita. Ex qui-
bus occasionem ſumſit Burchardus Con-
cilio Triburiensi ſupra memoratam ſen-
ten-

tentiam affingendi, quam clarius, & distinctius ex præcedentium Conciliorum canonibus exprimere poterat. Ceterum quæ cum Burchardi fragmento convenire possunt, ex canonibus Triburiensibus evulgatis habetur in canone 9. ubi præscribitur: *Si Episcopus placitum* (idest Concilium, sive Sacra Comitia) *canonica constitutum decreverit, populumque sibi creditum illo invitaverit, omnes accurere debere, nullumque posse obicem ponere, scientes non illic se consensione seditiosa decertare, sed pro fide Catholica invigilare.*

Can. 7. cau. 12. qn. 5. Falso refertur Concilii Triburiensis nomine Can. 7. cau. 12. qu. 5., qui potius ex Novellis Justiniani Constitutionibus referendus erat; etenim in Nov. 131. cap. 13. in fine hæc leguntur: *Siquis autem Episcopus, aut Clericus, aut cujuslibet Ecclesiastici gradus Minister, aut Ecclesia Diaconissa moriantur sine testamentis, & legitimis successoribus, horum successio Ecclesia competat, in qua constituti fuerint.* His etiam similia leguntur in l. 20. cod. de Episc. & Clericis. Quomodo vero fieri potuerit, cur hæc, aut his similia Concilio Triburiensi adscripta fuerint, sic mihi video posse conjicere. Nempe apud Reginonem lib. 2. cap. 39. ex Concilio Triburiensi hæc habentur: *Perlatum est quoque ad Sanctam Synodum, quod quidam Laici improbe agant contra Presbyteros suos, ita ut de morientium Presbyterorum substantia partes sibi vindicent, sicuti de propriis servis. Interdiciamus itaque, ne hoc ulterius fiat, sed sicuti liberi facti sunt, ad suscipiendum gradum, & agendum divinum officium, ita ab eis nihil exigatur præter Dei officium. De peculiari vero Sacerdotum, nihil sibi usurpent, sed de duabus partibus faciant Presbyteri, quod eis visum fuerit, tertiam secundum canonum jussu, quibus serviunt, relinqmant Ecclesiis.* Fortè ad hoc Reginonis fragmentum in margine quasi ad eandem rem maxime pertinens adjecta fuerat Novellæ Justinianæ sententia superius commemorata. Quod occasionem dedit Burchardo, non solum dictum Reginonis caput 39. in suam Collectionem referendi nomine Concilii Triburiensis, verum etiam sententiam Novellæ ex eodem Concilio Triburiensi laudandi in cap. 206., & 207. libri 2. Ex Burchardo deceptus Ivo eadem retulit in cap. 281., & 282. partis 6. sui decreti: ex

Tom. 2.

Ivone demum Gratianus solum Novellæ fragmentum eo omisso, quod Regino ex Concilio Triburiensi laudaverat, retulit, illudque Concilio Triburiensi exemplo præcedentium Collectorum tribuere non dubitavit.

Can. 25. cau. 17. qu. 4. non solum Can. 25. cau. 17. qn. 4. apud Gratianum, Ivonem, & Burchardum, verum etiam apud Reginonem nomine Concilii Triburiensis laudatur in lib. 1. cap. 333. ibi: *Ex Concilio Triburiensi. Ut Presbyteri non vadant, nisi stola, vel orario induti: & si in itinere Presbyteri spoliantur, vel vulnerantur, aut occiduntur non stola vestiti, simplici oratione sua solvantur. Si autem cum stola, tripliciter.* Verosimile itaque est, canonem hunc in Concilio Triburiensi fuisse conditum, cum ab eo Collectore laudetur, quem nihil falso adtribuere voluisse Concilio Triburiensi ex iis, quæ superius diximus, facile jam colligi potest. Ceterum circa tempora Concilii Triburiensis aliæ ex monumentis perspicue scimus Presbyteros stola, aut orario ornatos interdere consuevisse. Id patet ex Concilio Moguntino anni 813. cap. 28. ibi: *Presbyteri sine intermissione utantur orariis propter differentiam Sacerdotii dignitatis; & in Capitularibus Regum Francorum lib. 5. cap. 172. in editione Parisiensi anni 1697. ita cavetur, ut Sacerdotes stolas portent propter signum castitatis, sicut decretum est.* Idem Regino jam laudatus initio suæ Collectionis in inquisitione num. 63. inquirendum voluit a suo Presbytero: *Si sine stola, vel orario in itinere incedat.*

Quod ex Concilio Triburiensi legitur Can. 15. in can. 15. cau. 18. qu. 2. a. Burchardo primum Vvormatiensi eidem Concilio tributum est, quem deinde sequuti sunt Ivo, & Gratianus. Sane si auctoritati Burchardi fidere possemus, forte adducerem eo, ut arbitrarer, illud fragmentum Concilio Triburiensi adtribui posse. Verum cum sæpissime expertus sum malam Burchardi fidem, potius arbitror, Burchardum eo in loco plurimum Conciliorum sententias perstrinxisse, nomineque Concilii Triburiensis eandem edidisse; præsertim cum neque in vulgatis Concilii Triburiensis exemplaribus, neque apud Reginonem, qui Concilii Triburiensis tempore vivebat, tale quidpiam legamus. Præcipue vero exilimo, respexisse Burchardum ad Concilium, seu Capitulare Aquisgranense.

H h h

II.

II. anni 836. tit. de vita, & doctrina inferiorum ordinum cap. 1., ubi hæc habentur: *Ut Abbates Canonici gregibus sibi commissis instanter invigilent, & geminam eis portionem impendant, idest cibi, & verbi, quatenus absque murmurationis vitio Domino servire valeant: simul etiam, ut prædicti Abbates Ecclesiastica jura intemerata custodiant, videlicet ut cognoscant, cujus prænominis noventur in eo, quod Abbates vocati sunt, quod & intelligitur in typo Christi, nomen spiritualis Patris. Ideoque semetipsos namini, quod accipiunt, conforment, ut subditis, & spiritualibus filiis exemplum præcundo, & informando religioso exhibeant. Ideoque non convenit ministro ipsorum aliqua turpia, aut secularia, vel etiam inania quæque sectari, quæ contra religionem esse noscuntur, sed potius canonice, religiose, caste, sobrie, atque pie, & iuste vita eorum quonibus sibi commissis æterna felicitatis ducatum præbeat, & in quantum ipsi Abbates, Abbatumque subiecti Episcopis propriis pro se, suisque omnibus nationum reddendos moverint, tanto eorum consilio, atque auctoritate modis omnibus mancipentur. Hinc forte Burchardus, qui Francorum Capitularia volebat referre nomine proprio, aliis Conciliis illorum fragmenta adtribuit, paullo aliter aliquando descripta. Revera autem hujusmodi Canon consonat cum Ecclesiastica disciplina septimi, & octavi sæculi; tunc enim obtinebat, ut si quando quisque Abbas negligens foret in regimine suo, is & auctoritate Episcopi, & ceterorum Abbatum consilio removeretur. Sæculo sexto solius Episcopi arbitrio Abbates de crimine suspecti removebantur, quemadmodum constat ex Concilio Epaonenſi anni 517., ubi Can. 19. hæc leguntur: *Abbas, si in culpa reperiatur, aut fraude, & innocentem se adserens ab Episcopo suo accipere noluerit successorem, ad Metropolitani iudicium deducatur. Primum, ut arbitror, in Concilio Turonensi II. anni 567. factum, ut non aliter Abbas ab officio deiceretur ab Episcopo, nisi propinquorum Abbatum consilio, quippe in Can. 7. ita habetur: Ut Episcopus nec Abbatem, nec Archipresbyterum sine omnium suorum Compresbyterorum, & Abbatum consilio de loco suo præsumat ejicere &c.* Huc etiam pertinere potest Decretum admodum simile Gratiano Canonis, quod legitur in Can. 4. Con-*

cilii apud Celichyth anni 816. ibi: *Ut habeat unusquisque potestatem in sua propria Diocesi Abbatem, vel Abbatissam eligere, & hoc cum consensu, & consultu familia, & ab omnibus diligenter inquiratur, & investigatur. Castitas hujusmodi ab omnibus capitalibus delictis immunis habeatur; idest ut nec in occisionem hominis, aut procreandis filiis, vel etiam in graviore, & publico furto sit coinquinatus, sed intra Claustra Monasterii regulariter suam vitam duxerit. Prudens, & acutus in sermone, ne per ejus instantiam, & taciturnitatem græ ei commissus, & iterum aspiciat Episcopus, ut pro illius amore, vel competentis pecunia, aut ex propinquitate quis plus eligatur, quam decet. Hac nullatenus sine consensu familia, nec familia sine concordia Episcopi, sed in unum conjunctis, & secundum ordinem per omnia increpare permittatur, & habeatur.*

Can. 4. cau. 23. qu. 8. primus Concilio Triburiensi adscripsit Burchardus, quem deinde de more suo sequuti sunt Ivo, & Gratianus. Nulla tamen præstanda fides est Burchardo, utpote qui inscriptiones canonum immutasse frequentissime deprehenditur, cum alias neque apud Reginonem, neque in vulgatis Concilii Triburiensis exemplaribus idem Canon reperiatur. Ego suspicor, Burchardum jungere in hoc fragmento voluisse tria fragmenta Herardi Turonensis, qui in Capitulari suo hæc scribit cap. 50.: *Ut Presbyteri & Diaconi, si in bella cum armis processerint, ita deponantur, ut nec Laicam communionem habeant.* In cap. 113. *Ut Clerici in quacunque seditione arma detulerint post depositionem gravi penitentia in carcere retrudantur; aliter si armis, sagis, vel fabris usi fuerint, deponantur.* In cap. 134. *De his, qui sibi quacumque negligentia mortem inferunt, aut pro suis sceleribus puniuntur, nulla pro eis fiat oblatio, nec cum psalmis ad sepulturas ducantur.* Hæc omnia Herardus ex Capitularibus Regum Francorum depromerat, quod occasionem præbere potuit Burchardo, ut & sententiam aliis verbis exprimeret, & inscriptionem fragmentorum immutaret, a nomine Francorum Capitularium abstinens de more suo, quemadmodum per sæpe animadvertimus. Revera hujus Canonis sententia maxime conveniebat temporibus Caroli Magni, cujus tempore Clerici quam-

quamplures armis tractandis dediti erant, atque alacriter belligerabant: Quare opus fuit suasionibus Episcoporum, ac præsertim Leonis Papæ III., ut Carolus Magnus lata lege prohiberet Episcopis, & Clericis, ne ad bella proficiscerentur, uti deducitur ex Capitulari anni 803., cujus fragmentum refertur in lib. 7. Capitularium cap. 142., quo etiam fragmento abuti potuit Burchardus in laudato capite referendo; ibi enim dicitur, neminem ex Clericis debere arma suscipere, & progredi ad bella, nisi forte duo, vel tres sint necessarii causa Sacramentorum militibus administrandorum; atque inter cetera absurda, quæ ex Clericorum militia emergebant, illud recensetur, quod plures ex Clericis ea occasione caderentur, & quod Ecclesiarum bona facile exinde diriperentur. Postea ita concluditur: *Quod si quis fecerit tam nostris, quam & successorum nostrorum temporibus, pœnis sacrilegii subjaceat, & a Nobis, atque Successoribus nostris, nostrisque Judicibus, vel Comitibus sicut sacrilegus, & homicida, vel fur sacrilegus legaliter puniatur, & ab Episcopis nostris anathematizetur, ita ut mortuus etiam sepultura, & cunctis Dei Ecclesia precibus, & oblationibus careat, nec elemosynam suam quisquam recipiat.* Quis in istis verbis non agnoscat dictum canonem Gratianum 4. cau. 23. qu. 8., licet paullo aliter a Burchardo de more suo descriptum? Quamquam vero plurimum adhuc interest sedulo in ejusdem canonis interpretationem incumbere. Tria potissimum in eo continentur: in primis, si Clericus in bello, rixave moriatur, aut in gentiliū ludis, neque in oblatione ejus, neque ei in orationibus esse communicandum. Secundo statuitur, in manus judicis incidere debere. Postremo concluditur, eundem non esse sepultura privandum.

Quod spectat ad primum, nulla dubitatio est, non licere Clericis belligare, rixas, seditionesve concitare, concitatasque fovere, quibus pacatus semper esse animus debet, imo, si fieri potest, quorum opera, atque consilio homines potius hominibus infensi reconcilientur. Atque id jam satis, & perspicue probant laudata Francorum Capitularia, ut alia quamplurima omittam antiquissima monumenta, ex quibus laudare possem Canonem 2. dist. 90. Etiam a ludis gentiliū celebrandis averteban-

tur fideles indicta excommunicationis pœna, uti ex Concilio Aurelianensi H. anni 533. Can. 20. facile demonstrari posset, & similibus bene multis.

Secunda Canonis pars jubet seditiones Clericos in manus incidere judicis. Arbitror Burchardum hoc in loco voluisse perstringere sententiam Can. 5. Antiocheni, in quo de seditioso Clerico hæc statuuntur: *Quod si Ecclesiam conturbare, & sollicitare persequat, tamquam seditiosus per potestatos exteras opprimatur*; quæ verba forte idem Burchardus legerat in Capitularibus Regum Francorum lib. 5. cap. 26., & lib. 7. cap. 12.

De sepultura seditiosorum Clericorum forte dubitatio suboriri posset, cum videatur sepultura eorum negligenda esse juxta recentiore disciplinam, qui excommunicati dicuntur, & quorum oblatio non recipitur. Verum oportet potius ad disciplinam illam respicere, quæ Burchardi ejusdem tempore obtinebat. Nondum ea ætate usus erat Ecclesiasticæ sepulturæ, cum vetitum esset mortuorum cadavera in Ecclesia sepelire, nisi forte eorum, quos insignis vitæ Sanctimonia commendasset, eodem fere modo, quo apud nos separatis in locis, eisque sacratioribus illorum cadavera reconduntur, qui nostra ætate insigne sanctitatis specimen præbuerunt. Ergo tunc sepulturæ ratio tanta non erat, ut facile denegari posset, cum ut plurimum extra Ecclesiam fieret, præsertim in atrio, aut in porticu. Quamquam vero duplex erat sepultura, alia, quæ sacris cantibus celebrabatur, alia omnino privata, & sine ullo sacro ritu, statisque publicis cæremoniis, ut siquando excommunicatus decederet, is quidem tumularetur, ita tamen, ut sine cantu, sacrisque ritibus sepulturam haberet. Deducitur id ex Concilio Bracarensi 1. cap. 16. ibi: *Placuit, ne hi, qui sibi ipsi aut per venenum, aut per precipitium, aut suspendium, vel quolibet modo inferunt mortem, nulla pro illis in oblatione commemoratio fiat, neque cum psalmis ad sepulturam eorum cadavera deducantur.* Multi enim sibi hoc per ignorantiam usurparunt. Similiter & de his placuit fieri, qui pro sceleribus puniuntur. Itaque quod Burchardus retulit ex Concilio Triburiensi, ut mortuis in seditione sepultura daretur, de ea intelligitur, quæ sine divina psalmodia, aliisque religiosis ritibus fieri solebat.

H h h 2 Can.

Can. 7.
cau. 29.
qu. 2.

Can. 7. cau. 29. q. 2. minime legitur in Concilio Triburienſi. Primus Burchardus omiſſis verbis illis *quaſitum eſt*, quemadmodum Romani Correſtores obſervaverunt, adtribuit Concilio Triburienſi. Verum cum ipſamet fragmenti verba ad inſtar narrationis cujuſdam exarata ſint, videntur non edita fuiſſe in eodem Concilio, ſed potius a poſtiori Canonum Collectore compoſita. Illud ſane certum eſt, media ætate, quum leges Longobardorum vigerent, in uſu fuiſſe, eas, quæ ſervos habuiſſent maritos, in ſervitutem etiam redigi, uti patet ex lib. 2. legum Longobardorum tit. 12. num. 2. ibi: *Si aldia, aut libera in caſa aliena ad maritum intraverit, & ſervum ad maritum tulerit, libertatem ſuam amittat*. Quod idem etiam habetur in Capitulari Francico anni 819. ad interpretationem Legis Salicæ num. 3. editionis Capitularium Pariſienſis anni 1677. tom. 1. pag. 608. Quæ tamen diſciplina tum demum obtinebat, ubi ſciens uxor ſeſe ſervo viro copulaſſet, non vero ubi illa in liberum, uti credebat, hominem conſenſiſſet. Atque iſthæc ſententia potuit in Concilio Triburienſi ab Episcopis pronunciari, non ut in Canonem reſerretur, ſed potius dum alium Canonem condidit eſſent, qui eſt trigeliſmus 8. inter editos ibi. In decretis Papa Leonis cap. 8. ſcriptum eſt: *Non omnis mulier viro juncta uxor eſt viri, quia nec omnis filius hæres eſt Patris. Nuptiarum autem fœdera inter ingenuos ſunt legitima, & inter aequales. Itaque aliud concubina, aliud uxor, ſicut aliud ancilla, aliud libera. Igitur ſiquis filiam ſuam viro habenti concubinam in matrimonium dederit, non ita accipiendum eſt, quaſi eam conjugato dederit, niſi forte illa mulier & ingenua ſit facta, & dotata legitime, & in publicis nuptiis honeſtata videatur. Unde pater nam ſequentes auctoritatem ſub præſenti huius ſancti catalogo Concilii ſtatuiſimus, & libere iudicamus, ut quiſquis liber libertam, hoc eſt ex ancilla per manuſſionem, & regalem largitiſſimam liberam factam legitime in matrimonium duxerit, ulterius habere debeat, tamquam unam ex mobili genere progenitam, excepta fornicationis cauſſa; & quamdiu illa uixat, nullam aliam accipiat. Eſt igitur, ut ex Decretis Papa Leonis prædiximus, ingenua facta, & dotata legitima, & in publicis honeſtata nuptiis,*

& propterea jam non eſt concubina, ſed uxor legibus adquiſita. Hac eadem lex pro qualitate ſexus ſit ſæminis, & viris libertas. Videntur hæc ad eandem ſerme materiem pertinere, ad quam pertinet dictus Can. 7. apud Gratianum; ac propterea facile evenire potuit, ut Burchardus, qui Gratiano auctor extitit, ea retulerit, quæ in Concilio Triburienſi ante conſtitutionem Canonis proponendo, vel diſſerendo dicta fuiſſent. Quod ſi forte cuiſiam non placeant huiusmodi conjeſturæ, alium demonſtrabo locum, ex quo forte Burchardus fragmentum ejuſmodi elucubrare potuerit. Opera Jacobi Sirmondi prodierunt Canones quidam incerti loci, qui depromti ſunt ex Codice MS. quodam Rhemenſi; ubi poſtpoſiti fuerant Canonibus Concilii Pariſienſis V. anni 615., quos propterea Canones idem Sirmondus editos ſuſpicatur circa tempora ejuſdem Pariſienſis Concilii. (Habentur apud Labbeum in tomo 6. Veneræ editionis pag. 1393.) Porro in illis numero 14. hæc leguntur. „ De in- „ genuis, qui ſe pro pecunia, aut alia „ re venderint, vel oppignoraverint, „ placuit, ut quandoquidem pretium, „ quantum ipſis datum eſt, invenire „ potuerint, abſque dilatione ad ſta- „ tum ſuæ conditionis reddito pretio „ reformentur, nec amplius, quam „ pro eis datum eſt, requiratur. Et „ interim ſi vir ex ipſis uxorem inge- „ nuam habuerit, aut mulier ingenuum „ habuerit maritum, filii, qui ex ipſis „ nati fuerint, in ingenuitate perma- „ neant.“ Ex his nemo non videt, eandem propemodum proferri ſententiam, quæ habetur apud Gratianum in dicto Can. 7. cau. 29. qu. 2., ut propterea liceat ſuſpicari, Burchardum, qui primus eundem Canonem nomine Concilii Triburienſis edidit, ex hoc forte Concilio incerti loci deſcripſiſſe, & aliis verbis recitaſſe, quod Burchardo non infrequens fuit.

Falſo inſcriptum fuit nomen Triburienſis Concilii ad Can. 5. cau. 31. qu. 1. Romani Correſtores obſervarunt apud Ivonem & Burchardum idem fragmentum Concilio Meldenſi eſſe tributum, in quo Concilio hæc leguntur cap. 69. Is, qui vivente marito conjugem illius adulteraſſe accuſatur, & eo in proximo deſuncto eandem ſuſſiſſe dignoſcitur, omnimodis publica pœnitentia ſubigatur, de quo etiam poſt pœnitentiam.

Can. 5.
cau. 31.
qu. 1.

riam prafata, si expedierit, servabitur regula; nisi forte idem, aut mulier virum, qui mortuus fuerit, occidisse noventur, aut propinquitas, vel alia qualibet actio criminalis impediat. Quod si probatum fuerit, sine ulla spe conjugii cum poenitentia perpetuo maneant. Si autem negaverit, se eandem foeminam vivente marito nequaquam adulterasse, & prafati homicidii nemo eorum reus existerit, & probatis testibus neuter eorum convinci potuerit, purgent legaliter famam sua opinionis, & summo utantur conjugio, si alia, ut diximus, non praepedit ratio. Hæc sane verba eadem videntur esse cum iis, quæ Gratianus describebat. Quænam vero ratio esse potuit Gratiano, ut hunc Meldensis Concilii Canonem Triburiensi potius Concilio tribueret, facile conjicio. Etenim Gratianus in Canonibus describendis ut plurimum sequutus est Collectionem Ivonis. In Collectione autem Ivonis parte 8. cap. 201., ubi hoc ipsum caput ex Concilio Meldensi laudatur, atque describitur, ad marginem hæc adjecta sunt: *Ex Concilio Triburiensi cap. 51., quæ additio ab aliquo forte studio facta occasionem dedit Gratiano, qua Meldensem Canonem Triburiensi Concilio addiceret, putanti marginalem lectionem meliorem esse, imo etiam emendandæ interioris lectionis causâ factam.* Atque id studiosus quispiam fecerat, ut indicaret, simile quidpiam legi in cap. 51. Concilii Triburiensis, ubi hæc habentur. „ Illud vero communi decreto „ secundum Canonum instituta defini- „ mus, & præjudicamus, ut si quis „ cum uxore alterius, vivente eo, for- „ nicatus fuerit, moriente marito sy- „ nodali iudicio aditus ei claudatur il- „ licitus, ne ulterius ei conjugatur „ matrimonio, quam prius polluit adul- „ terio. Nolumus enim, nec Chæstia- „ næ religioni oportet, ut ullus ducat „ in conjugium, quam prius polluit „ per adulterium. “ Similia quædam leguntur in cap. 40. ejusdem Concilii.

Hoc autem in loco dissimulare non possum, ex prava hujus Canonis interpretatione, vel descriptione a Gratiano disciplinam Ecclesiasticam veterem fuisse immutatam, aut saltem datam occasionem, ut ab aliis, qui nimium huic Collectori fiderent, immutaretur. Viguerat jam a diuturno tempore usque ad Gratianum provida sacrorum Canonum dispositio, ut qui uxorem alienam

aliquando per adulterium polluisset, non posset ullo tempore, ne marito quidem vita functo, eandem uxorem habere, quemadmodum recte colligitur ex dicto Can. 51. Triburiensi, necnon ex l. 11. §. 11., & l. 40. ff. ad leg. Jul. de adulter., item ex Novella 134. cap. 12., quibus etiam consonat S. Augustinus relatus in Can. 2. cau. 31. qu. 1., dummodo particula negativa a Gratiani exemplaribus dematur juxta fidem optimorum exemplarium, quemadmodum in suo loco animadvertam. Gratianus primus fuit, qui hanc veterem jurisprudentiam antiquare studuit, docuitque tum demum non valere matrimonium inter adulteros, si vel adulterii tempore data fuerit fides futuri conjugii, vel in mortem conjugis moliti quidpiam adulteri fuerint; quod tamen non ex recta interpretatione vetustorum Canonum deduci poterat, sed ex simplicitate, vel imprudentia ipsius Collectoris. Præ oculis habuit Gratianus dictum caput Concilii Meldensis, ubi exceptio illa legitur: *nisi forte idem, aut mulier virum, qui mortuus fuerat, occidisse noventur*, ex quibus ratus est eo demum in casu adulteram adultero non posse matrimonio jungi, quo in mortem viri uterque conspirasse feratur. At alio pertinet Canonis Meldensis sententia. In cap. 65. Concilii Meldensis decretum fuerat de raptoribus, ut ipsi publicæ poenitentiae addicerentur, post publicam vero poenitentiam ei dem permitteretur, ut non cum rapta, sed cum alia quacumque inire matrimonium possent Can. 10. cau. 36. q. 2. Idem Meldenses Patres in dicto cap. 69. voluerunt, adulterum publicæ poenitentiae subijci, *de quo etiam prafata, si expedierit, servabitur regula*, quæ verba ita interpretari debemus, ut præcedentibus congruant, scilicet Canon 65., videlicet, ut adulter post peractam publicam poenitentiam non cum adultera, sed cum alia conjugium inire possit, hac adjecta exceptione: *nisi forte idem, aut mulier virum, qui mortuus fuerat, occidisse noventur*; hac enim in specie non solum cum adultera, sed etiam cum quavis alia inire conjugium adulter prohibebitur; neque novum est in jure Ecclesiastico ob enormia quædam scelera conjugia generatim alicui prohiberi, quemadmodum ipsum Meldense Concilium in cap. 67. de raptoribus Sanctionum ita statuit: *Ne-*

que autem sine ulla spe uxoria copulationis perenniter maneat. Verum quid posteriore tempore operata non est Gratianæ collectionis exstimatione? Gratiani interpretatio subiecta ad Canon. 3. cau. 31. qu. 1. apud Doctores etiam gravissimos adeo valuit, ut illi pronuntiaverint, tum demum adulterorum conjugia a sacris Canonibus prohiberi, quum adulteri aut fidem de futuro matrimonio dederunt, aut in mortem conjugis conspirarunt, quæ opinio tandem iudicantium placitis confirmata est, atque adprobata.

Can. 24. cau. 32. qu. 7. falso etiam cau. 32. qu. 7, laudatur nomine Concilii Triburiensis, cujus verba potius leguntur in Concilio Vermeriensi anni 752. atque ex eo Concilio refertur apud Burchardum lib. 17. cap. 11. En verba canonis 10. Vermeriensis, qualia hodie habemus in editis exemplaribus. Si filius cum noverca sua, uxore patris sui dormierit, nec illo, nec illa possunt ad Conjugium pervenire. Sed ille vir, si vult, potest aliam uxorem habere, sed melius est abstinere. Et in cau. 21. Siquis cum filiastra sua dormierit, simili sententia stare potest, & cum sorore uxoris sua simili modo stare potest. Sane Burchardus, & Gratianus paullo aliter duos hosce Vermerienses can. retulerunt, ac brevius illorum sententiam ita explicarunt, ut liceret conjugii infonti alium conjugem sibi matrimonio jungere, quod tamen minus probarunt Vermerienses Patres agentes: Sed melius est abstinere, quam clausulam, & Burchardus, & Gratianus penitus omiserunt; atque id non miror prætermisisse Romanos Correctores, quod illorum tempore nondum in lucem proditi fuissent Vermerienses can. quales hodie habemus. Itaque quotiescumque quis cum noverca, filiastra, aut sorore uxoris concubuisse, conjux innocens tria peragere poterat: Et primum quidem perpetuæ continentiae vacare; alterum conjugis rei societatem evitare, & novas celebrare nuptias; postremum conjugis rei conjugio frui. Patres Vermerienses primum faciendum laudarunt; potius vero, quam ad postremum res reduceretur, tamquam minus malum secundum permiserunt. Porro necesse est hoc in loco animadvertere, veterem fuisse Græcorum opinionem, asserentium matrimonia per adulterium conjugis, etiam quoad vinculum dirimi, donec aliter placuit Concilio Tridentino, quemadmodum tra-

dit Cardinalis Pallavicinus in lib. 12. historiæ cap. 4. Quamobrem quousque Viri Ecclesiastici Græcorum canonibus, & doctrinis imbuebantur, non satis aperte tradebant, post adulterium conjugis alterum conjugem innocentem a secundis nuptiis abstinere debere, argumeto can. 8. Concilii Compendiensis, sed id tanquam consilium saluberrimum populo proponere, ac suadere studebant.

Quispiam forte expectat hoc in loco rationem, qua motus fuerit Gratianus, ut laudatos Vermerienses can. Triburiensi potius Concilio tribueret. Evenit, arbitror, hac in re, quod contigisse adnotabam ad can. 5. cau. 31. qu. 1. Laudabatur quidem apud Burchardum, sicut decebat, nomine Concilii Vermeriensis. Quidam studiosus ad marginem adnotaverat quædam non valde dissimilia legi in Concilio Triburiensi, aut saltem ad idem matrimonii dissolvendi propositum pertinentia. Gratianus de fragmentorum inscriptionibus parum sollicitus, omisso nomine Concilii Vermeriensis, arripuit potius marginale nomen Concilii Triburiensis, quod vel eo facilius accidere potuit, quod inscriptiones nominum apud Burchardum potius ad marginem appositæ haberentur, quemadmodum etiam hodie ad marginem adjectæ sunt in editis Burchardi codicibus. Quod porro simile habetur in Concilio Triburiensi, est in cap. 41. ibi: Siquis legitimam duxerit uxorem; & impediante quacumque domestica infirmitate uxorium opus non valens implere cum illa; frater vero ejus suadente diabolo admatatus ab ipsa, clanculum eam humiliaverit, & violatam reddiderit, omnimodo separentur, & a neutro ulterius eadem mulier contingatur. Igitur conjugium, quod erat legitimum, fraterna commaculatione est pollutum, & quod erat licitum, illicitum est factum, & ut Hieronymus ait: Mulier duorum fratrum non ascendat iborum, si autem ascendit, adulterium perpetrabit. Quia vero humana fragilitas proclivis est ad labendum, aliquo modo muniatur ad standum. Idcirco Episcopus, considerata mentis eorum imbecillitate, post pœnitentiam sua institutione peractam, si se continere non possint, legitimo consoletur matrimonio, ne, dum sperantur ad alta sublevari, corruant in canem.

Can. 6. cau. 34. qu. 1. ex illis est, Can. 6. quos Regino Prumiensis, quem diximus cau. 34. forte in eodem Triburiensi Concilio præ-
sec-

sententiam adfuisse, ex eodem Concilio Triburiensi laudavit in lib. 2. cap. 206. Verum arbitrator, Reginonem eo in loco non ipsa Triburiensis can. verba, sed potius sententiam retulisse, quæ habetur in can. 43. Triburiensi ibi: *Siquis cum quolibet fornicatus fuerit, & eo nesciente filius ejus, vel frater ejusdem rei inscius cum eadem se polluerit, & postquam se pollutum esse cognoverit, confessus fuerit, & hoc se nescire cum juramento confirmaverit, quia hoc penituit, & confessus fuit, post peractam congruam penitentiam legitimo utatur matrimonio, ne iterum mordente crudelissima libidinis bestia sauciatur, & in voraginem fornicationis incidere videatur. Nam, ut Hieronymus ait, ferreas mentes domat libido. Mulier vero, qua tantum nefas commiserat, ulterius penitent, atque continens, & inupta permaneat.* Ex hoc generali canone Regino voluit sententiam aliis verbis exprimere singularem, proponendo sibi speciem peculiarem, quam ex hac deinde Triburiensi sententia definiret. Non omittam animadvertere, hunc eundem Gratiani canonem legi in Pœnitentiali Romano edito ab Antonio Augustino nomine etiam Triburiensis Concilii in tit. 3. cap. 5. ad quod Antonius

Can. 10. Augustinus ita notat: *In Conciliis non inveni.* Huc referendus præterea est can. 34. qu. 1.

non 10. cau. 34. qu. 1. qui apud Reginonem habetur in lib. 2. cap. 207. eisdem fere verbis, quemadmodum apud Gratianum, excepto postremo versiculo, in quo Regino ita scribit: *Cum fornicaria autem illa gravius agendum.* Ceterum adparet, ibidem Reginonem aliis verbis descripsisse sententiam eandem Triburiensis canonis 43. nuper memorati, unde deceptus Gratianus etiam ipse quasi Triburiensis Concilii verba recitavit. Atque hic rursum notare juvat in Pœnitentiali Romano edito ab Antonio Augustino, hunc eundem can. legi in tit. 3. cap. 12. ubi tamen nullius Concilii inscriptio adjecta legitur, eisdemque verbis describitur can. qualia leguntur apud Gratianum, non qualia apud Reginonem habentur.

Can. 8. Rursum etiam apud Reginonem in cau. 34. lib. 2. cap. 203. sequitur Concilio Triburiensi adscriptus can. 8. cau. 34. qu. 1. eisdem omnino verbis. At quis non videt, uti superius prænotabam, hisce in locis, distinctis facti speciebus Reginonem illustrare voluisse sententiam Triburiensium Episcoporum generatim expo-

sitam in dicto can. 43. Romani Correctores asserunt, simile quidpiam legi in can. 45. ex Triburiensibus. Etiam id verum est; ita enim ibidem legitur: *Simili modo secundum sanctos canones definimus, & judicamus de eo, qui cum duobus sororibus fuerit pollutus, ut usque in exitum vite penitens, & continens permaneat. Soror autem, qua posterior libidinis perforata aculeis, scienter se cum eodem commaculaverit, usque in finem vite penitens, & continens perduret. Si autem improvise contingit, condigna strigatur castigatione, & si velit, legitima conjungatur viri conjunctione.* Notant præterea Correctores Romani, simile quidpiam legi in can. 33. Concilii V Vormatiensis anni 868. Ejus hæc sunt verba: *Siquis cum duabus fuerit sororibus fornicatus, aut cum his personis, de quibus sacra Scriptura prohibet, si dignam egerit penitentiam, & castitatis non valuerit continentiam sustinere, liceat ei legitimam in conjugio uxorem accipere. Similiter & mulier, qua tali fuerit scelere lapsa, ut fornicationis non perducat ad chaos, proficiat. Sed hoc de laicis, viris, ac mulieribus solummodo statuimus.*

Observant Romani Correctores ad can. Can. 9. 9. cau. 34. qu. 1. illum legi in can. 63. cau. 34. Concilii V Vormatiensis anno 868. celebrati. Sane dictus can. 63. fere consonat cum Gratiani fragmento; at nec ipse quidem dici potest primum exemplar, ad quod Gratiani canon sit referendus. Potius referendus erit ad Concilium, sive Capitulare Compendiense sub Pipino Rege habitum anno 757. in quo cap. 14. hæc leguntur: *Siquis cum matre, & filia in adulterio mansit, nesciente matre, quod cum filia sua mansisset, similiter & filia nescivit, quod cum matre sua esset, postea ille vir si acceperit mulierem, dimittat, usque in diem mortis suæ non habeat uxorem, & illa mulier, quam reliquerit, accipiat virum, & illa mater, & filia, cum quibus in adulterio mansit, ambabus nescientibus, quod cum matre, & filia mansisset, habeant viros. Nam si in notitiam illarum venerit hoc scelus, dimittant maritos, & agant penitentiam, & illarum mariti posteriores accipiant mulieres.* Hæc eadem verba translata inde sunt inter can. Concilii V Vormatiensis, & in eadem Synodo receptas, quomobrem concludere jure possumus

lea-

sententiam hanc in pluribus Conciliis admissam fuisse, sed primum in Compendiensibus Comitibus definitam. Sic originem Gratiani canonis inspeximus. Causas nunc investigemus, ob quas Compendiensem canonem Triburiensi Concilio Gratianus adscripsit, & Burchardus cum Ivone Concilio Vermeriensi, imo & ipse Gratianus etiam Concilio Vermeriensi in can. 6. cau. 35. qu. 2. Facile est errata hujusmodi agnoscere ex Reginone, qui primus hoc fragmentum Collectioni canonum inseruit. Insuper, inquam, in lib. 2. de Ecclesiasticis Disciplinis cap. 219. hac adjecta inscriptione: *Ex eodem*; quam epigraphem pluribus præcedentibus capitibus adjecerat, videlicet cap. 218. 217. 216. 215. 214. 213. in cap. autem 212. laudaverat Regino caput 1. Concilii Vermeriensis, & caput 1. Concilii Compendiensis, quæ capita in unam, eandemque sententiam consonant; ac propterea sequentia capita, quæ cum hac Epigraphæ *Ex eodem* laudabantur, æque ad Compendiensem, atque ad Vermeriense Concilium pertinere legentibus videbantur; hinc duo ex illis habentur in Concilio Vermeriensi, nempe cap. 213. & 214. alia habentur in Concilio Compendiensi, qualia sunt cap. 216. & 217. Ergo apud illos, qui Reginonis collectionem sequebantur, ambigua erat inscriptio capitis 219. ac propterea Burchardo, Ivoni, & Gratiano in can. 6. cau. 35. qu. 2. visum potius est Vermeriense Concilium, quam Compendiense laudare. Sed præterea Gratianus descripturus canonem 9. cau. 34. qu. 1. in inscriptione dicti capitis 212. apud Reginonem non constitit, aut quod dubiam lectionem agnosceret, aut quod legendo idem caput excesserit, ac potius præ oculis habuerit antecedentia capita 211. 210. & alia, quæ ex Concilio Triburiensi apud Reginonem laudabantur, atque ideo occasionem hinc idem Gratianus arripuit tribuendi etiam Concilio Triburiensi dictum caput 219. Reginonis, sive dictum canonem 9. cau. 34. qu. 1. nisi forte quispiam dicere velit, ideo Gratianum nominasse Concilium

Triburiense, quod in eodem Concilio nonnullæ sententiæ essent illi can. quoquo modo conformes, quemadmodum liquere potest ex can. 43. quem superius descripsi. Hic idem can. legitur etiam in Pœnitentiali Romano edito ab Antonio Augustino, nullo tamen præsignato nomine Auctoris.

Can. 12. & 30. de conf. dist. 1. le-
guntur, non in Triburiensi, sed potius
in Moguntino Concilio anni 888. simul
iuncti in cap. 9. his verbis. *Missarum
solemnia non ubique, sed in locis ab Epi-
scopo consecratis, vel ubi permiseris, ce-
lebranda esse censemus. Concedimus etiam
ut scubi (quod nostris exigentibus cul-
pis per plurimum est factum a Northman-
nis, seu alio qualicumque modo) Eccle-
sia fuerint incensa, in Capellis Missas
interim liceat celebrare, donec ipsa Ec-
clesia restaurari queant. In itinere vero
positis, si Ecclesia defuerit, sub divo, seu
in tentoriis, si tabula Altaris consecra-
ta, ceteraque Ministeria sacra ad id of-
ficium pertinentia adsint, Missarum so-
lemnia celebrari permittimus.* Hæc pri-
mus Burchardus, post Burchardum, Ivo,
post Ivonem demum Gratianus ex Con-
cilio Triburiensi laudarunt, forte quod
apud Burchardum in uno, eodemque co-
dice habiti fuerint descripti tum can.
Moguntini, tum Triburienses, ut faci-
le propterea Moguntini can. pro Tri-
buriensibus usurparentur, & e conver-
so. Atque huius rei duplex esse potest
conjectura. Primum, quod utrumque
Concilium in finitimis locis fuerit cele-
bratum, & forte ad utrumque conven-
ientibus eisdem Episcopis Moguntinæ
Provinciæ; Triburia enim prope Magun-
tiam sita dicitur. Secundo conjecturam
præbet temporis propinquitas; siquidem
Moguntina Synodus habita est anno 888.
Triburiensis autem anno 895. ut proinde
verosimile admodum sit, Triburien-
ses can. Moguntinis continua ferie adja-
ctos ita, ut promiscue sumerentur, que-
madmodum in aliorum Conciliorum ca-
nonibus, & collectionibus contigisse eru-
diti omnes apprime norunt.

Can. 12.
& 30.
de conf.
dist. 2.

- C A P U T L X.

De Concilio Altheimensi.

Duo sunt hujus Concilii nomine relati Canones apud Gratianum.

- { *Can. 1. cau. 18. qu. 1. pertinere videtur ad Concilium Altheimense II. anni 931.*
Can. 3. cau. 31. qu. 1. pertinere videtur ad Concilium Altheimense I. anni 916.

A pud Althaim, seu, ut alii scribunt, Altheim Rhetoræ pagum duo initio decimi sæculi feruntur celebrata Concilia, alterum anno circiter 916. alterum anno circiter 931. quæ nonnulli omnino confundunt, contra quam Viris eruditissimis placuerit, inter quos est Pagius ad eisdem annos. Priori Concilio, scilicet habito circa annum 916. interfuisse dicitur Rex Corradus piissimus Princeps, item interfuisse Ottonensis Episcopus tamquam Sedis Apostolicæ Delegatus, sive Johannis X. Pontificis Maximi Apocryfarius, præter Episcopos numero plures ad disciplinam ecclesiasticam reformandam. Alterum Concilium anni circiter 931. sub Henrico Germaniæ Rege celebratum est, Episcopos convocantibus Hildiberto Moguntienſi Archiepiscopo, Roberto Archiepiscopo Trevirensi, & Unni Archiepiscopo Hamemburgensi. Hujus utriusque Concilii capita injuria temporum perierunt, paucis exceptis, quæ primum a Burchardo, dein ab Ivone, ac quædam etiam posterius apud Gratianum referuntur; imo ita apud hosce Collectores habentur, ut fere ignoremus, quæ unicuique Concilio sint peculiariter tribuenda. In editione Conciliorum Venetæ 1730. ad annum 916. quædam Concilii prioris capita describuntur ex Burchardo, sed

*Can. 1.
cau. 18.
qu. 1.*

non universa. Inter ceteris omittitur can. 1. cau. 18. qu. 1. qui apud Ivonem & Burchardum laudatur ex Concilio apud Altheim can. 36. Ego arbitrarer pertinere hunc canonem ad Concilium Altheimense posterius, sive anni circiter 931. etenim in præcedenti Concilio anni 916. non tot numero constituti sunt can. ut trigessimus sextus numerari possit, quemadmodum Viri eruditi observaverunt; & quamquam Burchardus, & Ivo eundem can. referant ad Con-

Tam. I.

cilium illud, in quo Rex Corradus interfuit, hoc tamen ex eo proficiscitur, quod, ut aiebam, utrumque Concilium plures minime distinxerint, & illarum capita omnino confuderint, eo potissimum tempore, quo omnia Ecclesiastica monumenta in obscuro mansisse notum est. universis. De hujus can. auctoritate ego nullatenus dubitandum cenſeo, vel sola innoxius Burchardi fide, ac testimonio, qui paucis post idem Concilium accesserit, quique ejusdem Concilii acta facile præ manibus habere integra poterat, cum in Regione scriberet a Rhetoræ minime distita. Unum apud Gratianum animadvertendum est, in illis verbis *vel habere visus fuerat*, quæ lectio consonat cum edictis Burchardi exemplaribus, ita legi apud Ivonem: *vel habere jussus fuerat*, lectio sane non improbanda; etenim, ubi de Monachis agitur, siquæ ipsi possideant, præsumuntur Abbate jubente Monasterii nomine possidere. Porro si canonis sententiam consideremus, statuunt dicti Concilii Patres, quotiescumque contigerit Monachum in Episcopum consecrari, res adquisitas in Monasterio, eidem Monasterio cedere, eas vero, quæ ex agnatorum, amicorumque hereditatibus post adeptum Episcopatum obtenta fuerint, ad Ecclesiam Episcopalem pertinere. Sunt hæc conformia vetustissimis disciplinæ Ecclesiasticæ institutis. Etenim quemadmodum Monachum decet omnia sua bona addicere Monasterio Nov. 76. & 123. cap. 38. ita Episcopum decet Ecclesiam, cui præsidet, hæredem habere, uti decretum est in l. 20. cod. de Episc. & Clericis, etiam si sermo fuerit de bonis minime intuitu Ecclesiæ adquisitis. Si enim Martyrum decedentium bona ex Principum piorum Constitutionibus olim ad Ecclesiam devolve-

Iii

ban-

hantur, ea ratione, ut refert Eusebius in lib. 2. de vita Constantini cap. 36. quod *defunctis utique molestum non erit, si cujus gratia nullum non discrimen subierunt, cum ipsis heredem, hunc contingeret*; pari causa Episcoporum bona universa Ecclesiae concedi convenientissimum erat, pro qua illi enixe, dum viverent, universam operam, & labores suos omnes impenderant. Atque eo vel magis Altheimensis Concilii constitutio vim habere debuit eo tempore, quo in Cathedralibus Ecclesiis rursus instaurari coeperat vita communis, quæ in desuetudinem propemodum abierat, veterem disciplinam restituente Concilio Meldensi anni 845. quod deinde alia sequuta Concilia fuerunt; hinc qui Monachus ad Episcopatum promovebatur non tam conditionem monasticam immutare, quam de uno, ita dixerim, in aliud Monasterium transire videbatur. Quam vero jamdiu Imperatorum Constitutionibus definitum esset, Monachum de uno in aliud Monasterium transeuntem debere relinquere tempore translationis suæ bona, quæ possidere videtur, Monasterio derelicto, non autem bona, quæ postea fuisset adquisiturus, uti enitur ex dicta Novella 123, cap. 42. hinc jure statutum est, ut Monachus ille, qui ad Episcopalem dignitatem promovetur, debeat

quidem apud Monasterium relinquere, quæ suæ translationis tempore possidere videbatur, cetera vero deinde ita acquirat, ut relinquat Ecclesiae, quam administrandam, regendamque suscepit. Mutabatur ergo in hac parte non personæ conditio, sed hæredes. Vel enim Monachi, vel Episcopi qualitas efficiebat, ut qui Monachus, vel Episcopus esset, testari nuppiam posset; & alius erat hæres Episcopi ab hærede Monachi, cum Monacho Monasterium, Ecclesia Episcopo intestato succederet.

Ad Concilium Altheimense I. anni 916. potius pertinet can. 3. cau. 31. q. 1. ex capite 5. ejusdem Concilii tum a Burchardo, tum ab Ivone laudatus, cujus canonis sententia eo pertinet, ut quicumque se cum aliena uxore adulterio commaculasset, cum altera amplius jungi non valeret; & quidem id absolute, simpliciterque definitum adparet, quamquam Gratianus ad calcem ejusdem can. adnotet, tum demum hæc esse intelligenda, vel si inter adulteros pactum de futuro matrimonio contrahendo intercesserit, vel si in mortem viri conspiratum fuerit. Hanc sane doctrinam, atque exceptiones primus Gratianus tradidit, quemadmodum superius animadvertebam ad can. 5. cau. 31. q. 1.

Can. 3.
cau. 31.
qu. 1.

C A P U T L X I.

De Concilio Erpfordiensi.

Hujus Concilii nomine unicum fragmentum habemus apud Gratianum.

— } Can. 2. cau. 15. qu. 4. ad meliorem Codicum fidem exigendus.

Erpfordia in Thuringia, & Provincia Moguntina, vulgo *Erfurt*, seu *Erferd* sub Pontifice Maximo Johanne XI. anno 932. celebratum est Concilium Provinciale convocante Ruitgero Treverensi Archiepiscopo, in quo quinque constituta Capitula sunt ad disciplinam Ecclesiasticam pertinentia, inter quæ num. 2. legitur canon 2. cau. 15. q. 4. quem tamen Gratianus non integre retulit. En verba Concilii, ex quorum collatione facile unusquisque poterit de Gratiano canone judicare. "Placita sæcularia Dominicis, vel aliis Festis diebus, seu etiam in quibus legitima jejunia celebrantur secundam canonicam

, institutionem minime fieri volumus.
, Insuper quoque gloriosissimus Rex augmentum Christianæ Religionis concessit, ut nulla judiciaria potestas licentiam habeat Christianos sua auctoritate ad placitum bannire septem diebus ante Natale Domini, & a Quinquagesima usque ad Octavas Paschæ, & septem diebus ante Nativitatem S. Joannis Baptiste (qui fuerint tunc temporis hi dies ante Nativitatem S. Joannis Baptiste, passim docent Interpres ad cap. 4. de feriis) quatenus adeundi Ecclesiam, orationibusque vacandi liberius habeatur facultas".

CAPUT LXII.

De Concilio Salegunstadiensi.

Canones Salegunstadienses apud Gratianum hi sunt.

Can. 3. dist. 76. ad integros Concilii Codices exigendus.

Can. 24. cau. 2. qu. 5. paullo aliter legitur in integris Concilii exemplaribus.

Can. 25. cau. 2. qu. 5. paullo aliter legitur in integris Concilii exemplaribus.

NON desunt, qui Salegunstadiense Concilium alio nomine Moguntinum appellaverunt. Scilicet Salegunstadium Oppidum erat in Diocesi Moguntina, ita nuncupatum a quodam Salegasto Sapiente, aut quemadmodum alii malunt, a Salicis Populis, & Salingis. In hoc Oppidum anno 1022. convenerunt sub Archiepiscopo Moguntino Aribone Episcopi quinque, inter quos aderat Burchardus Vormatiensis Episcopus, qui tum apud omnes rerum ecclesiasticarum peritissimus audiebat, quique celebratissimam sacrorum canonum collectionem adornavit. Ibidem plura sacrae disciplinae capita viginti canonibus constituta sunt, quorum secundum legimus apud Gratianum in can. 3. dist. 76. cujus verba omnino consonant cum integris ipsius Concilii exemplaribus, quoties a Gratiani editionibus ea demantur, quae demenda esse dixerunt Romani Correctores, licet ab ejusdem canonis sententia minime allena.

Can. 3.
dist. 76.

Can. 24.
cau. 2.
qu. 5.

Canon 24. cau. 2. qu. 5. habetur in

cap. 7. Salegunstadiensi, cujus haec sunt verba paullo aliter apud Gratianum descripta. "Interrogatum est, si duo in adulterio inculpato forent, & unus profiteretur, & alter negaret, quid inde agendum esset. Decretum est, etiam a Sancto Concilio, ut ille, qui negaverit, probabili judicio se expurgeret, & qui confessus fuerit, digne poenitentiam agat".

In canone 14. ejusdem Concilii haec leguntur: "Statuit quoque Sancta Synodus, si duo de adulterio accusati fuerint, & ambo negaverint, & orant sibi concedi, ut alterum (putant quidam legendum esse: alter) illorum utrosque divino purget judicio, si unum in hoc deciderit (putant quidam legendum esse: si unus in hoc deciderit) ut ambo rei habeantur". Hujus definitionis ratio in eo sita esse videtur, quod maxime deceat eos, qui sese alieno discrimini sponte, & libere commiserunt, eundem cum aliis sortis exitum nanciscantur.

Can. 25.
cau. 2.
qu. 5.

CAPUT LXIII.

De Conciliis Urbani II. Pontificis Maximi.

Nonnulla sunt tempore Urbani II. Pontificis Maximi celebrata Concilia, quæ factius duxi uno singula capite complecti, eo quod sæpius contigit, ut eorundem Conciliorum decreta apud Gratianum Urbano II. eidem tribui solent.

Ex Concilio Melphitano in Apulia. { Can. 10. dist. 32. consonat cum vulgatis Concilii exemplaribus.
Can. 12. dist. 32. consonat cum vulgatis Concilii exemplaribus.
Can. 3. cau. 1. qu. 2. ex diversis fragmentis compositus.

Ex Concilio Trojano. { Can. 4. cau. 35. qu. 6. consonat cum vulgatis Concilii exemplaribus.

Ex Concilio Beneventano. { Can. 4. dist. 60. falso a nonnullis adscriptus Urbano I. Pontifici.

Ex Concilio Placentino. { Can. 2. dist. 70. consonat cum aliis Urbani II. sententiis.
Can. 4. dist. 76. consonat cum vulgatis Concilii exemplaribus.
Can. 108. cau. 1. q. 1. consonat cum can. 3. & 4. Placentina.
Can. 5. cau. 1. q. 3. fere consonat cum can. 1. & 2. Placentina.
Can. 1. cau. 1. q. 3. consonat cum can. 5. 6. & 7. Placentina.
Can. 5. cau. 9. qu. 1. referendus ad canones 8. 9. 10. 11. & 12. Placentinos.

Additur nomine Concilii Paventini. { Can. 7. cau. 16. qu. 2. forte pertinet ad Concilium Placentinum.

Ex Concilio Claromontano, seu Avernensi. { Can. 1. dist. 60. consonat cum vulgatis Concilii exemplaribus.
Can. 4. cau. 1. qu. 3. varius in diversis exemplaribus.
Can. 46. cau. 12. qu. 2. varius in diversis exemplaribus.
Can. 6. cau. 16. qu. 2. in parte referendus ad Concilium Neumaufense.

De Concilio Melphitano in Apulia.

IN primis auctoritate Urbani II. celebratum est Concilium Melphitanum anno 1089. vel ut aliis lubet 1090. in Melphia scilicet Apuliæ Civitate, ubi interfuerunt septuaginta Apulensium, Calabrorum, ac Brutiorum Episcopi unum cum Rogerio Apuliæ Duce, & Abbatibus duodecim, non tamen ipsemet Pontifex Maximus. Quæ ibidem ad stabilendam disciplinam Ecclesiasticam fere collapsam occasione præsertim dirissimi schismatis edita sunt, sexdecim canonibus continentur, ex quibus numero duodecim est can. 10. dist. 32. cuius hæc sunt verba: "Porro eos, qui in Sub-

„ diaconatu uxoribus vacare voluerint,
„ ab omni sacro ordine removemus, of-
„ ficio, atque beneficio Ecclesiæ carere
„ decernimus. Quod si ab Episcopo com-
„ moniti non se correxerint, Principi-
„ bus licentiam indulgemus, ut eorum
„ fœminas mancipent servituti. Si ve-
„ ro Episcopi consenserint eorum pra-
„ vitatibus, ipsi officii interdictione mul-
„ tentur". Numero autem tertius est
canon 12. dist. 32. his verbis: "Nemo
„ præterea ad sacrum ordinem permit-
„ tatur accedere, nisi aut virgo, aut
„ probatæ sit castitatis, & qui usque
„ ad Subdiaconatum unicam, & virgi-
„ nem uxorem habuerit". Ex his por-
ro canonibus liquet, incontinentiam Cle-

Can. 12.
dist. 32.

ricorum ea aetate valde detestabilem fuisse, ut opus propterea fuerit latis legibus, & Clericos, ubi non paruerint, & Episcopos, ubi neglexerint, castigari. Nomine sacri ordinis, de quo in hoc canone mentio fit, nondum intelligebatur Subdiaconatus, quemadmodum deduci facile potest ex can. 4. dist. 60., qui est ejusdem Urbani II. Verumtamen eadem fere continentiae lex & pro Subdiaconis erat constituta; nam in praedenti Canone Melphitano, videlicet quarto, hæc leguntur: *Sacrorum statuta canonum renovantes precipimus, ut a tempore Subdiaconatus nulli liceat carnale commercium exercere. Quod si deprehensus fuerit, ordinis sui periculum sustinebit.*

Can. 3. In eodem Concilio canone 6. hæc leguntur: *Nullus Abbas, nullus Ecclesiasticus accipere sine Episcopi concessione presumat.* Et in can. 7. *Nullus Abbas pretium exigere ab eis, qui ad conversionem veniunt, aliquo placiti occasione presumat.*

Hæc indicant sæculo undecimo Ecclesiae apud Monachos Simoniae vitium irreplisse, item Monachos eisdem Clericorum bona impune occupavisse, praesertim cum laici, qui Clericorum odio ecclesiastica bona aliquando diripuerant, potius Monachis concedere, quam Clericis restituere malleat. Id describit ad rem Johannes Diaconus Romanæ Ecclesiae Cancellarius in Epistola ad Abbatem Molismensem, huic Melphitano Concilio in Veneta Labbeana editione subiecta, ibi: "Omnes Ecclesiarum res in manu Episcoporum canonica decreta constituunt. Sed præteritis temporibus Principibus sæcularibus licuit etiam Ecclesias Monasteriis tradere. Hac vero licentia magis laxè Principes usi sunt, ut etiam Ecclesias Monachis venderent. Hoc Papa Gregorius VII. acrius prohibitionem Episcopi Monasteria acrius spoliare coeperunt. Unde idem moderatione hac uti voluit in Concilio antepenultimi anni sui, ut quæcumque res, vel Ecclesiae ante ipsum Concilium a Principibus datæ Monasteriis fuerant, in eorum possessione persistere rent. Post hæc secundo Pontificatus sui anno Dominus noster Urbanus Papa Concilium apud Melphiam Urbem Apuliae celebravit. Sed quia Gregorii Papæ præceptio Henricianæ persecutionis urgente periculo minus celebrata fuerat, ipse quoque Dominus Ur-

banus Papa præcepit in eodem Concilio Melphitano, ut quæ usque ad illud Concilium per Principes data Monasteriis fuerant, firma, & integra permanerent; de cetero Abbates ab acquisitione hujusmodi abstinere. Hæc simul juncta, simulque observata nobis clare exhibent sententiam canonis 3. cau. 1. qu. 2. cujus priora verba plurimum consonant cum memoratis Concilii Melphitani canonibus sexto, & septimo. Cetera vero, quæ in dicto Gratiani canone subsequuntur, ex Gregorio Magno supplenda sunt, sive ex Concilio Romano quod Gregorio Magno vulgo tribuitur. In eo hæc leguntur. "Antiquam Patrum regulam sequens nihil unquam de ordinationibus accipiendum esse constituo, neque ex datione pallii, neque ex traditione chartarum, neque ex ea, quam nova per ambitionem simulationis invenit appellatione palli. Quia enim ordinando Episcopo Pontifex manus imponit, evangelicam vero lectionem Minister legit, confirmationis autem ejus Epistolam Notarius scribit, sicut Pontificem non decet manus, quam imponit, vendere, ita Minister, vel Notarius non debet in ordinatione ejus vocem suam, vel calumum venundare". Sed de hoc Romano Concilio, quod Gregorio Magno tribuitur, commodius differendum esse arbitratus sum in secunda hujus Operis Parte, ubi de Gregorio Magno, & ejus Operibus peculiariter agendum erit.

De Concilio Trojano.

Aliud Urbani II. Concilium in Apulia celebratum memoratur in Can. 4. cau. 35. 10. 6. Ignotum illud fuisse videtur Romanis Correctoribus; est autem Concilium Trojanum, ita a Troja Apuliae Civitate appellatum, cujus meminit Petrus Diaconus in Chronico Cassinate lib. 1. cap. 7. ad quod Ivo Carnotensis ait convenisse Episcopos fere 75. Abbates vero 12. Vuleo referunt illud ad annum 1093. quamquam non desint, qui duo hujus nominis Concilia memorent, aliud anni 1093. aliud anni 1089. integra autem utriusque Concilii acta non adparent. Edidit unum Baluzius, & ex Baluzio auctor Collectionis Labbeanae Venetae editionis ad annum 1093. cui duo tantummodo Canones adscribuntur, quorum primus ita exprimitur: "Secundo itaque die cum de quibusdam infra consanguinitatis lineam cogula-

Can. 4.
can. 35-
qu. 6.

„tis actum fuisset, tandem consentien-
 „tibus omnibus hoc super eis Capitu-
 „lum promulgatum est. Episcopi quo-
 „rum Diocesani sunt, eos usque in
 „Pentecosten (*legunt alii*: usque in
 „penitus) trina advocacy conve-
 „niant. Tunc si duo viri, vel tres
 „consanguinitatem iurejurando firmave-
 „rint, vel ipsimet forte confessi fue-
 „rint, conjugia dissolvantur. Si vero
 „neutrum contigerit, Episcopi eos per
 „baptismum Christi, per fidem Chri-
 „sti, per Christi iudicium in vera obe-
 „dientia obtestentur, quatenus palam
 „faciant, utrum se, sicut fama est,
 „consanguineos recognoscant. Si nega-
 „verint, sibi ipsis relinquendi sunt,
 „ita tamen, ut si aliud in conscientia
 „habeant, se a liminibus Ecclesiæ, &
 „Corpore, & Sanguine Domini, a fi-
 „dellum communione noverint segrega-
 „tos, atque infames effectos, donec ab
 „incesti facinore desinant. Si se judi-
 „cio Episcoporum segregaverint, si ju-
 „venes sunt, alia matrimonia contrahere
 „non prohibeantur“. Hæc sane omnia
 „omnino consonant cum dicto canone 4.
 „cau. 35. qu. 6.

De Concilio Beneventano.

Can. 4. dist. 60. Veteres omnino latuit, canonem 4.
 „dist. 60. qui nomine Urbani Papæ apud
 „Gratianum refertur, ad Urbanum II.
 „Pontificem pertinere. Innocentius III. in
 „cap. 9. de ætate, & qualitate præfic. & in
 „cap. 7. de servis non ordinandis ejusdem
 „canonis meminit, ac si editus fuisset ab
 „Urbano hujus nominis I. Romani Corre-
 „ctores incerti omnino fuisse videntur,
 „retulerunt enim eundem can. ad Conci-
 „lium Beneventanum Victoris III. at in
 „eadem Beneventana Synodo Victoris III.
 „qualis habetur apud Leonem Ostiensem,
 „nihil hujusmodi legitur. Hodie editi sunt
 „canones quatuor, apud Labbeum ex ve-
 „teri Romano MS. & apud Baluzium ex
 „Codice quodam Ananienfi, seu Colberti-
 „no, Concilii Beneventani sub Urbano II.
 „habiti anno 1090. in quo hæc leguntur
 „can. 1. apud Labbeum. “ Nullus dein-
 „ceps in Episcopum eligatur, nisi qui
 „in sacris ordinibus religiose vivens in-
 „ventus est. Sacros autem ordines di-
 „cimus Diaconatum, ac Presbyteria-
 „tum. (*Legit Baluzius: Diaconatus,*
 „„atque Presbyteratus). Hos siquidem
 „solos primitiva legitur Ecclesia habuisse:
 „se: Super his solis præceptum habe-

„mus Apostoli. Subdiaconos vero, quia
 „& ipsi Altaribus ministrant, oppor-
 „tunitate exigente concedimus, sed ra-
 „rissime, si tamen spectate sint religio-
 „nis, & scientiæ. Quod & ipsum sine
 „Romani Pontificis, vel Metropolitani
 „licentia non fiat“. Legit Baluzius ex
 „dicto Codice Colbertino: *Quod ipsum non*
 „*sine Romani Pontificis, vel Metropolitani*
 „*licentia fieri permittimus*. Ad istum ca-
 „nonem edendum ex eo forte permotus
 „fuit Urbanus, quod videret non Subdia-
 „conos tantum, sed & minores Clericos
 „in Episcopalem dignitatem statim con-
 „scendere, non ex singulari merito, sed
 „vel simoniæ concessionibus, vel ex in-
 „dustria, ac sollicitudine illorum, qui
 „ceteris dominari, aut pingues Ecclesia-
 „rum redditus sibi quoquo modo usurpa-
 „re cupiebat.

De Concilio Placentino.

Celebris est apud Collectores Concilio-
 „rum, & canonum Synodus Placentina,
 „quam in Æmilia, sive ut ajunt, in Lom-
 „bardia Cispadana anno 1095. Urbanus II.
 „celebravit ex Episcopis Italiæ, Burgun-
 „diæ, Franciæ, Germaniæ, Bajoriæ,
 „aliarumque Provinciarum, confluentes
 „tanta cum Laicorum, tum Clericorum
 „copia, ut in apertum campum omnes
 „convenire debuerint. In medium produ-
 „cta fuit Prædis repudio rejectæ Impe-
 „ratricis causa, item Simoniacorum, ac
 „Clericorum incontinentium, aliæque si-
 „miles ad disciplinam Ecclesiasticam per-
 „tinentes pluribus Canonibus definitæ.
 „Vulgatæ Concilii hujus editiones qua-
 „tuordecim canones exhibent, atque ab
 „his abest Gratianus can. 2. dist. 70. quem
 „tamen, ut notat Labbeus, exhibebat ve-
 „tus MS. Codex Emmentissimi Francisci
 „Barberini num. 15. his verbis: “ Sancto-
 „rum canonum statutis consona sentien-
 „tes, decernimus, ut sine titulo facta
 „ordinatio irrita habeatur, & in qua
 „quislibet titularus est, in ea perpetuo
 „perseveret. Omnino autem in duabus
 „aliquem titulari non liceat, sed unus-
 „quisque, in qua titularus est, in ea
 „tantum Canonicus habeatur. Licet enim
 „Episcopi dispositione unus diversis præ-
 „esse debeat Ecclesiis, canonicis, aut
 „præbendariis, nisi unius tantum Ec-
 „clesiæ, quæ (*forte ibidem ego arbitra-*
 „„*rer esse legendum in qua*) conscriptus
 „est, esse non debeat. Siquæ tamen
 „Capellæ sunt, quæ suis redditibus Cle-
 „ricis

*Can. 1.
dist. 70.*

„ricos sustinere non possunt, earum cu-
 „ra, aut dispositio Præpositi majoris
 „Ecclesiæ, cui Capellæ subditæ esse vi-
 „dentur imminere, & tam de possessio-
 „nibus, quam & de Ecclesiasticis Ca-
 „pellarum officiis ipse provideat“. Is,
 „ut liquet, videtur esse Gratianus can.
 „2. dist. 70. dummodo MS. Barberino mo-
 „rem gerere omnino velimus. Ceterum
 „cum in aliis ejusdem Concilii editioni-
 „bus nihil tale habeatur, imo Bertholdus
 „ejusdem temporis scriptor, qui omnium
 „Placentinorum capitum sententias per-
 „strinxit, nihil tale memoraverit, non est
 „eidem Codici tanta fides præstanda, ut
 „ex eo canonem ipsum tamquam certum,
 „& prorsus indubium Placentini Concilii
 „monumentum habere debeamus. Non erit
 „tamen dubitandum ea, quæ ibidem sta-
 „tuuntur, plurimum consonare cum sen-
 „tentiis aliorum Conciliorum Urbani II.
 „videlicet Claromontani, in quo hæc le-
 „guntur in can. 12. 13. & 14.“ Ut nulli
 „Clericorum liceat deinceps in duabus
 „Civitatibus duas præbendas obtinere,
 „cum duos titulos non possit habere.
 „Ut omnis Clericus ad eum titulum,
 „ad quem primum ordinatus est, sem-
 „per ordinetur. Ut nullus deinceps in
 „una Ecclesia duos honores habeat“.

Can. 4. dist. 76. Canop 4. dist. 76. est postremus, sive
 „decimusquartus in vulgatis Placentini
 „Concilii editionibus his verbis:“ Statui-
 „mus etiam, ut jejunia quatuor rem-
 „porum hoc ordine celebrentur. Pri-
 „mum jejunium in initio Quadragesimæ;
 „secundum in hebdomada Pentecostes;
 „tertium, & quartum in Septembri,
 „& Decembri more solito fiant“. En
 „originem hodiernæ disciplinæ, qua in
 „Occidentali Ecclesia quatuor jejuniorum
 „tempora celebrantur per hoc Occidentis
 „fere universi Concilium constituta“.

Ca. 108. cau. 1. q. 1. referendus est
 „ad can. 3. & 4. ejusdem Concilii Placen-
 „tini. Postquam enim in can. 2. statu-
 „tum fuisset promissiones pecuniæ, vel
 „donationes intuitu sacræ ordinationis nul-
 „las unquam vires obtinere, ita subditur
 „in can. 3. “ Siquis tamen a Simoniaciis
 „non Simoniace ordinati sunt, siquidem
 „probare potuerint, se, cum ordina-
 „rentur, eos nescisse Simoniacos, &
 „tum (legunt alii: Si tunc tamen) pro
 „Catholicis habebantur in Ecclesia, ta-
 „lium ordinationes misericorditer susti-
 „nemus, si tamen laudabilis eos vita
 „commendat“. Et in can. 4. “ Qui
 „vero sciens se a Simoniaciis conse-

„crari, imo execrari passi sunt, eorum
 „consecrationem omnino irritam esse de-
 „cernimus“.

Quod in canone 1. & 2. ejusdem Con-
 „cilii legitur, habemus in can. 5. cau. 1. Can. 5.
 „qu. 3. quem ante Romanam Correctionem can. 4.
 „Gratianus Gregorio Papæ tribuerat. In qu. 3.
 „canone enim 1. hæc habentur: “ Ea,
 „quæ a Sanctis Patribus de Simoniaciis
 „statuta sunt, nos quoque judicio eo-
 „rum, & Apostolica auctoritate firma-
 „mus“. Et in can. 2. “ Quidquid igi-
 „tur in sacris Ordinibus, vel in Eccle-
 „siasticis rebus vel data, vel promissa
 „pecunia adquisitum est, nos irritum
 „esse, & nullas unquam vires obtinere
 „censemus“. Ad hunc canonem respec-
 „xisse videtur contemporaneus Auctor Ber-
 „tholdus ita scribens de hoc ipso Conci-
 „lio: “ In hac quoque Synodo hæresis Si-
 „moniacorum penitus damnata est, ut
 „quidquid in sacris ordinibus, & in
 „Ecclesiasticis rebus data, vel promissa
 „pecunia adquisitum simoniace videre-
 „tur, pro irritato haberetur, nullasque
 „vireshabuisse, & habere judicaretur“.

In Can. 1. cau. 1. qu. 5. complexus Can. 1.
 „est Gratianus can. 5., 6., & 7. Placen- can. 2.
 „tinos. Can. 5. hæc exhibet: „ Quicum- qu. 5.
 „que sane cupiditate Parentum, cum
 „adhuc parvuli essent, Ecclesias, vel
 „Ecclesiarum partes per pecunias ade-
 „pti sunt, postquam eas omnino dimi-
 „serint, si canonice in eis vivere vo-
 „luerint, pro misericordia ibidem eos
 „esse censensus. Neque pro hoc facto
 „a sacris ordinibus removemus, si alias
 „digni inveniantur. In Can. 6. Illi ve-
 „ro, qui per ipsos, cum majoris es-
 „sent ætatis, nefanda cupiditate ducti
 „eas emerunt, si in aliis Ecclesiis Ca-
 „nonice vivere voluerint, servatis pro-
 „priis ordinibus pro magna misericor-
 „dia ibi eos ministrare permittimus.
 „Quod si ad alias transferri fortasse
 „non poterunt, & in eis Canonice vi-
 „vere promiserint, minoribus ordini-
 „bus contenti ad sacros ordines non
 „accedant, salva tamen in omnibus A-
 „postolicæ Sedis auctoritate. Et in Can.
 „7. Siqui tamen ante emtionem catho-
 „lice ordinati sunt, si ea, quæ eme-
 „runt, dimiserint, & vitam Canoni-
 „cam egerint, in suis gradibus permit-
 „tantur. Nisi forte ejusmodi Ecclesia
 „sit, ut ibi primum locum debeant ob-
 „tinere. Primum enim, vel singula-
 „rem, vel Præposituræ locum in em-
 „tis Ecclesiis eos habere non patimur.

Qui

Can. 5. Qui postea sequuntur Canones, ha-
 cau. 9. bentur apud Gratianum in Can. 5. cau.
 qu. 1. 9. qu. 1., quem tamen cum Can. 8.,
 9., 10., 11., & 12. semper conferre ju-
 vabit. Verba Can. 8. hæc sunt: *Ordina-
 tiones, quæ a Guiberto hæresiarca fa-
 ctæ sunt, postquam ab Apostolica memo-
 ria Papa Gregorio, & a Romana Eccle-
 sia est damnatus, irritas esse judicamus.*
 In Can. 9. Similiter etiam & eas, quæ
 a ceteris hæresiarcho nominatim excom-
 municatis factæ sunt, & ab eis, qui Ca-
 tholicorum adhuc viventium Episcoporum
 Sedes invaserunt, nisi probare value-
 rint, se, cum ordinarentur, eos nescisse
 damnatos. In Can. 10. Qui vero ab Epi-
 scopis quondam quidem catholice ordina-
 ti, sed in schismate a Romana Ecclesia
 separatis consecrati sunt, eos nimirum,
 cum ad Ecclesia unitatem redierint, ser-
 vatis propriis ordinibus misericorditer sus-
 cipi jubemus, si vita, & scientia eos
 commendat. In Can. 11. A modo vero qui-
 cumque a præsitis Schismaticis, sancta-
 que Romana Ecclesia adversariis se ordi-
 nari permiserit, nullatenus hac venia
 dignus habeatur. Et in Can. 12. Quam-
 vis autem misericordia intuitu, magna-
 que necessitate cogente, hanc in sacris
 ordinibus dispensationem constituerimus,
 nullum tamen præjudicium sacris Cano-
 nibus fieri volumus, sed obtineant pro-
 prium robur. Et cessante necessitate, il-
 lud quoque cesser, quod factum est pro
 necessitate. Ubi enim multorum stragis
 jacet, subtrahendum est aliquid severi-
 tati, ut domus amplius charitati.

De Concilio Faventino.

Can. 7. Apud Collectores Conciliorum pro-
 cau. 16. prius ignotum est Concilii Faventini no-
 qu. 2. men, quod memorat Gratianus in Can.
 7. cau. 16. qu. 2. hac Epigraphe: *Item
 ex Concilio apud Faventiam habito.*
 Quod autem ibidem habetur, ad Urba-
 num II. Pontificem Maximum ipse Gra-
 nus retulisse videtur: Sic enim subjicit
 post dictum Can. 7. *Ecce Urbanus Papa
 &c.* Jamdiu itaque visum est eruditis,
 verba Gratianæ inscriptionis immutare,
 & loco illorum verborum apud Fa-
 ventiam legere apud Placentiam. Sane
 in vulgatis Concilii Placentini editioni-
 bus hoc fragmentum minime legitur;
 parum tamen id refert, cum hodie om-
 nes Concilii ejusdem Canones non ex-
 tent amplius, sed deperierint, uti col-
 litigitur ex Bertholdo. Ceterum non de-

sunt similes sententiæ; vel in aliis ipsis
 Urbani II. Conciliis, ex quibus deduca-
 tur Canonem illum ad Urbani tempo-
 ra, & sanctiones pertinere jure merito
 posse. In Concilio Melphitano superius
 memorato Can. 6. hæc leguntur: *Nul-
 lus Abbas, nullus Ecclesiarum Præposi-
 tus, quæ juris sunt Ecclesiastici, acci-
 pere sine Episcopi concessione præsumat.*
 In Concilio Claromontano anni 1095.
 Can. 7. hæc habentur: *Ut Altaria Con-
 gregationibus Canonorum, vel Mona-
 chorum per personam data, mortuis per-
 sonis libera redeant in manus Episcopi-
 rum, nisi fuerint illis per eorum scripta,
 vel privilegia confirmata. Sed & similia
 media ætate constituta in Ecclesiasticis
 conventibus fuerant. Sic in Capitulari
 Caroli Magni anni 822. can. 5. legitur:
*Abbates autem, & Monachi omnimodis
 volumus, & præcipimus, ut Episcopis
 suis omni humilitate, & obedientia sint
 subiecti, sicut Canonica Constitutio man-
 dat; & omnes Ecclesia, atque Basilica
 in Ecclesiastica defensione, & potestate
 permaneant. . . Et Monachi ab Episco-
 po Provincia ipsius corripiantur. Et in
 Concilio Moguntino anni 847. can. 14.
 Nullus Monachorum. . . Parochias Ec-
 clesiarum accipere præsumat sine consensu
 Episcopi: De ipsis vero titulis, in quibus
 constituti fuerint, rationem Episcopo, vel
 ejus Vicario reddant, & convocati ad Sy-
 nodam veniant.**

De Concilio Claromontano, seu Arvernico.

Inter Concilia Urbani II. celebratissi-
 mum præ reliquis est Concilium Claro-
 montanum, sive Arvernicum anni 1095,
 in quo ipsemet Pontifex Maximus præ-
 fuit cum Cardinalibus quibusdam, item
 13. Archiepiscopis, Episcopis 225., Ab-
 batibus nonaginta, & amplius præter
 viros Religiosos, & honestissimos com-
 plures. Ibidem confirmata sunt Concilii
 Placentini Capitula, ac præsertim, quæ
 adversus Simoniacos edita fuerant, &
 incontinentiam Clericorum. In refe-
 rendis Concilii hujus Canonibus varia
 fuit Collectorum industria; siquidem ex
 MSS. Codicibus, qui hodie supersunt,
 modo plures, modo pauciores Canones
 numerantur; modo brevissimi, & com-
 pendio quodam perstrikti, modo fusa
 oratione illustrati. Paucos ex istis Ca-
 nonibus apud Gratianum habemus. Ex
 his est Can. 1. dist. 60., qui in Cano-
 nibus Claromontanis a Baluzio editis
 legi-

legitur ordine secundus, consonatque cum verbis Gratiani, dummodo pro illis Gratiani verbis: *Nisi Presbyter sint*, legamus: *Nisi Presbyter*. Apud Labbeum aliter legitur numero 3., ibi: *Ut nullus fiat Decanus in Ecclesia, nisi Presbyter, nullus Clericus teneat Archidiaconatum, nisi ipse habeat gradum; ut nullus sit Archipresbyter, quod alicubi dicitur Decanus, nisi sit Sacerdos ordinatus*. Hæc tempore Urbani Papæ, & his similia definiri decebat, quod sine discrimine Ecclesiasticæ Dignitates indignis, aut incapacibus conferrentur a plurimis, habita tantummodo a conferentibus pretii ratione.

Can. 4. Sententia Can. 4. cau. 1. qu. 3. aliter legitur in diversis Claromontani hujus Concilii exemplaribus. Apud Labbeum in cap. 71 his verbis: *Ut altaria Congregationibus Canonorum, vel Monachorum per personam data, mortuis personis libera redeant in manus Episcoporum, nisi fuerint illis per eorum scripta, vel privilegia confirmata*. Magis consonat cum Gratiano editio Baluziana num. 3. ibi: „Questum est etiam de Episcopis, qui altaria Monasteriis data frequenter redimi pecunia compellebant. Decretum itaque est: Quia quidam Simoniacæ pravitatis usus in Galliarum partibus jam diutius inolevit, ut Ecclesiæ, vel decimæ, quæ vulgari vocabulo apud eos altaria nuncupantur, Monasteriis datæ, sæpius ab Episcopis sub palliata avaricia vendantur, mortuis nimirum, seu mutatis Clericis, quos personas vocant. Nos auctore Deo venialitatem omnem tam ex rebus, quam ex ministeriis Ecclesiasticis propellentes, hoc ulterius fieri auctoritate Apostolica prohibemus, sicut etiam præbendas omnes venundandas interdiciamus. Porro quæcumque altaria, vel decimas ab annis triginta, & supra, hujusmodi redemptione possedisse Monasteria noscuntur, quiete deinceps, & sine molestia qualibet eis possidentia firmamus. Salvo utique Episcoporum censu annuo, quem ex eisdem Altaribus habere soliti sunt.“ Eadem propemodum verba leguntur in Concilio Nemausensi sub Urbano II. etiam celebrato edito a Dacherio in tomo 4. Spicilegii. Exhibet hic Canon depravatam illius temporis disciplinam de Altarium, & beneficiorum possessione. Clerici utpote incontinentiæ Rei

Tom. I.

tanquam indigni a Laicis ex Ecclesia deiciebantur, ac redditibus spoliabantur. Laici sacris Canonibus pressi, cum retinere penes se Ecclesias nolent, Monachis dabant. Monachi rerum Ecclesiasticarum tunc temporis maxime cupidi res Ecclesiasticas ita acceptas Clericis restituere detestabant, variis prætextibus in semel capta rerum & jurium possessione consistentes. Antonius Dadinus Altaferra lib. 4. Dissertat. Juris Canonici cap. 9. scribit, clausulam, quæ in hoc Claromontano Canone legitur, *salvo Episcoporum censu annuo* &c. fuisse adjectam commento Episcoporum, qui peccandi titulum, & auctoritatem quærebant. Ego vero non video hæc talem, ac tantum peccandi titulum, cum ageretur de bonis, & juribus Episcopatibus, quæ ex tolerantia, & mero pacis bono penes Monasteria relinquebantur, alias integra ad pristinam Episcoporum potestatem, quasi postliminio reversura.

Can. 46. cau. 12. qu. 2. legitur eisdem verbis in Can. 1. editionis Baluzianæ Concilii Claromontani. Collatius quædam edidit hujus Concilii fragmenta ex vetere membrana Pithœi, inter quæ num. 3. ita legitur: *Ut post obitum Sacerdotis nullus Laicus usurpet sibi bona illius, sed Ecclesia, cujus dum facta sponsus, abiit, remaneans, ut in illius locum succedenti necessaria præbeant. Nisi quod vivens pro anima sua distribuerit*. Videtur hæc velut compendiarie quædam summa Gratiani, & Baluziani Canonis. Vulgata Concilii Claromontani editio in Can. 31. ita habet: *No aliquis Clericus res Episcoporum, vel Clericorum vel in vita, vel post mortem eorum diripiat, vel in usus proprios conferat. Quod si quis fecerit, anathema sit, & dictum est ab omnibus fiat, fiat*. In hac Codicum varietate, cum certo affirmare non possimus, qualis sit editio præferenda, prudens quilibet in ea parte constantissime adhærebit, in qua videt se Codices minime dissonare.

His Canonibus addendum arbitror Canonem. 6. cau. 16. qu. 2., cujus verba eadem fere leguntur in Can. 4. Concilii Claromontani a Baluzio editi, ibi: *Sane quia Monachorum quidam Episcopis jus suum auferre contendunt, statuimus, ne in Parochialibus Ecclesiis, quas tenent, absque Presbyterorum consilio Presbyteros collocent, sed Episcopi Pa-*

Kkk

rochia

rochia curam cum Abbatis consensu Sacerdoti committant, ut ejusmodi Sacerdotes de plebis quidem cura Episcopo rationem reddant, Abbati vero rebus temporalibus ad Monasterium pertinentibus debitam subjectionem exhibeant, & sic sua cuique jura serventur. Quæ eadem habentur in Can. 1. Concilii Nemausensis sub eodem Urbano II. celebrati anno 1096. Atque ex hoc eodem Ne-

mausensi Can. 9. depromptus videtur versiculus in Parochialibus, his verbis legendus: Sacerdotes, quando regendis præsiciuntur Ecclesiis, de manu Episcopi curam suscipiant, & in tota vita sua Deo deserviant, nisi canonico degradentur judicio. Quod si ambitionis, vel cupiditatis causa ad aliam ditiores migraverint Ecclesiam, utramque amittant.

C A P U T LXIV.

De Conciliis Callisti II.

Ad Concilia Callisti II. pertinent sequentes Canones.

- Can. 8. dist. 27. consonat cum sententiis tum Rhemensis, tum Lateranensis Concilii.
- Can. 2. dist. 60. paullo varius in diversis Codicibus, & Conciliis.
- Can. 3. dist. 62. consonat cum vulgatis Lateranensis Concilii exemplaribus.
- Can. 10. cau. 1. qu. 1. consonat cum sententiis tum Rhemensis, tum Lateranensis Concilii.
- Can. 14. cau. 10. qu. 1. paullo varius in diversis exemplaribus.
- Can. 37. cau. 12. qu. 2. Urbano Pontifici per Gratianum adscriptus.
- Can. 10. cau. 16. qu. 1. varius in diversis Concilii exemplaribus.
- Can. 11. cau. 16. qu. 7. paullo varius in diversis Concilii exemplaribus.
- Can. 25. cau. 16. qu. 7. consonat sententiis tum Rhemensis, tum Lateranensis Concilii.
- Can. 23. cau. 24. qu. 3. paullo varius in diversis Codicibus.

Pervenimus tandem ad Gratiani tempora, quibus non est verosimile, aut Gratianum cœcutiisse adeo, ut vera ab apocryphis non secerneret, aut adeo improbum fuisse, ut falsa posteritati obtruderet. Agimus de Conciliis Callisti II. Gratiani ejusdem ætate celebratis, quæ duo sunt ex illis, quorum fragmenta in suum Codicem idem Gratianus retulisse videtur, scilicet Rhemense prius in Gallia, Romanum posterius, sive Lateranense, Rhemense Concilium, licet generale totius Ecclesiæ dici non possit, proxime tamen generalibus Conciliis accedit, non tantum ratione Pontificis Maximi, qui illud indixerat, sed etiam ratione illorum, qui eo convenerant. Illud indixerat jam Gelasius II., qui immatura morte prærepens, absolvendum Concilium reliquit a successore Callisto. Eo autem convenerunt in Basilicam S. Mariæ Rhemensis anno 1119. sub eodemmet Pontifice Maximo Præsidente Archiepiscopi nu-

mero quindecim, Episcopi plures, quam ducenti, atque alli permusti in dignitate Ecclesiastica constituti. Atque in eo discussa sunt plura disciplinæ Ecclesiasticæ capita ad vitam, honestatemque Clericorum, rerumque Ecclesiasticarum administrationem pertinentia. Hujus Concilii acta vulgata sunt in editione Labbeana Conciliorum ex Apographo Jacobi Sirmondi, atque his accesserunt adnotationes ex Orderico Vitali Histor. Ecclesiast. lib. 12., & Heflone Scholastico, qui testatus est, se ejusdem Concilii gesta & vidisse, & audivisse, & fideliter retulisse. Edidit præterea Baluzius de concord. Sacerd. & imper. lib. 8. cap. 21. ex MS. Segueriano per vetusto, & fere illius ætatis. Alterum Concilium, quod est Lateranense, celebratum est anno 1123. ut quoquomodo miseranda illa dissidia componerentur, quæ res Imperii & Ecclesiarum quotidie turbabant; interea vero plura disciplinæ Ecclesiasticæ capita discussa sunt

sunt ibidem, ac definita. Acta hujus Concilii, sive Canones tum in Labbeana Collectione descripti inveniuntur, tum etiam Baluzii opera in lucem prodierunt ex vetusto Codice MS. Monasterii Ananienensis; attamen sive numerum Canonum, sive ordinem eorundem spectemus, Labbeanus codex a Baluziano nonnihil diffonat, quemadmodum commodius in subjectis capitibus animadvertam.

Can. 8. diff. 27. Ad Canonem 8. diff. 27. Romani Correctores adnotaverunt, eum inventum fuisse in codice Vaticana Bibliotheca in fragmento cujusdam Concilii ab Urbano II. habiti cap. 2. Non est tamen, cur facile Urbano II. hunc eundem Canonem tribuamus, cum Gratianus expresse illum adscripserit Callisto II., cuius ætate vivebat; hodie præsertim cum integras Callisti Conciliorum editiones habere videamur, quæ Correctorum Romanorum tempora latuerunt. Hujus igitur Canonis sententia referenda erit ad Concilia tum Rhemense tum Lateranense superius memorata; etenim in Rhemenfi Can. 5. ita legitur: *Presbyteris, Diaconibus, & Subdiaconibus concubinarum, & uxorum contubernia prorsus interdiciamus. Siqui autem hujusmodi reperti fuerint, Ecclesiasticis beneficiis priventur, & beneficiis. Sane si neque sic immunditiam suam correxerint, communione careant christiana.* Et in Concilio Lateranensi can. 3. *Presbyteris, Diaconibus, vel Subdiaconibus concubinarum, & uxorum contubernia penitus interdiciamus, & aliarum mulierum cohabitationem, præter quas Synodus Nicæna per solas necessitudinum causas habitare permisit, videlicet matrem, sororem, amitam, vel maserteram, aut alias hujusmodi, de quibus nulla valeat suspicio oriri.* Clarius autem eandem Gratiani sententiam legimus in Can. 21. Concilii Lateranensis in editione Labbeana ibi: *Presbyteris, Diaconibus, Subdiaconibus, & Monachis concubinas habere, seu matrimonia contrahere penitus interdiciamus; contracta quoque matrimonia ab hujusmodi personis disjungi, & personas ad pœnitentiam debere redigi, juxta sacrorum Canonum definitiones judicamus.* Hæc eadem verba Callisti II. nomine referuntur in Pœnitentiali Romano edito ab Antonio Augustino tit. 8. cap. 8. Ceterum idem can. 21. desideratur in Concilio Lateranensi, quale edicum diximus a Baluzio ex codice Ananienensi; forte, ut arbitror, abrafusa a Mo-

nachis, qui probrum sibi futurum esse putabant, si ex veteribus monumentis constitisset posteritati; opus fuisse, ut eisdem interdiceretur, aut matrimonia contrahere, aut concubinas habere, quasi sæculo 12. uxoribus, aut concubinis vacassent.

Antonius Augustinus dial. 4. lib. 2. de emendatione Gratiani ait, se vidisset tria volumina collectionis Canonum Anselmo Lucensi tributæ, & ibidem legisse Gratiani Can. 2. dist. 60. his verbis: *Nullus & in Præpositum, nullus in Archiepiscopum, nullus in Decanum, nullus in Presbyter, vel Diaconus.* Subdit autem se arbitrari legendum esse in *Archipresbyterum*, pro illis verbis: *in Archiepiscopum.* Romani Correctores in vulgatis Gratiani codicibus corruptam lectionem agnoverunt; ita enim in illis hæc quasi Can. epistole legebatur: *Nullus in Præpositum, vel Archiepiscopum, vel Archipresbyterum, vel Archidiaconum, nisi Presbyter, vel Diaconus ordinetur.* Deinde sequebatur Can. his verbis: *Nullus in Præpositum, nullus in Archiepiscopum, nullus in Decanum, nisi Presbyter, vel Diaconus; nullus in Archidiaconum, nisi Diaconus ordinetur.* Minus aptam hujusmodi lectionem agnoverunt Romani Correctores, quam propterea ex vetustis Gratiani codicibus emendarunt. Ego vero arbitror, rem esse ad ipsa Lateranensis Concilii superius memorati exemplaria referendam; etenim Canonem ipsum lego sive in Can. 2. Lateranensi apud Labbeum his verbis: *Nullus in Præpositum, nullus in Archipresbyterum, nullus in Decanum, nisi Presbyter, nullus in Archidiaconum, nisi Diaconus ordinetur;* sive apud Baluzium in Can. 6. ibi: *Nullus etiam in Præpositum, nullus in Archipresbyterum, nullus in Decanum, nisi Presbyter, vel Diaconus; nullus in Archidiaconum, nisi Diaconus ordinetur.* Hujusmodi constitutio pluries firmata est circa finem sæculi 11., & principium sæculi 12., video enim, in Concilio Claromontano anni 1095., quale Baluzius edidit ex vetusto Codice Ananienensi, seu Colbertino, in Can. 2. ita legi: *Nullus Episcopus in Ecclesia sua, nisi Diaconus sit, Archidiaconum instituere, nec Archipresbyterum, aut Decanum, nisi Presbyter sit, ordinare præsumat.* Extant quoque a Baluzio editi ex eodem Codice Ananienfi Canones Concilii Tolosani sub Callisto II. anno 1119. habiti, in quibus Can. 6. hæc ha-

Can. 2.
dist. 60.

bentur: Nullus etiam in Prapostum, nullus in Archipresbyterum, nullus in Decanum, nisi Presbyter, nullus in Archidiaconum, nisi Diaconus ordinatur. In hac Codicum varietate prudens quilibet illud probabit, quod omnium Codicum auctoritate firmum agnosceret; Interea vero observabit, sæculo undecimo, & duodecimo obviam itum fuisse gliscenti abusui, quo Ecclesiastica Beneficia passim indignis, atque incapacibus conferebantur, ut plurimum interveniente pretio, aut alia abominabili causa.

Can. 3. dist. 62. De Can. 3. dist. 62. altum silentium servant Correctores Romani; nec enim indicant, quo ex fonte decerptus ille fuerit. Hodie eundem facile reperiemus, sive in editione Labbeana Can. 10. ibi: Nullus in Episcopum, nisi canonice electum, ad consecrandum manus mittat; quod si presumpserit, & consecratus, & consecrator absque recuperationis spe deponatur; sive in editione Baluziana Can. 3. ibi: Nullus in Episcopum, nisi canonice electus, consecratur. Quod si presumptum fuerit, & consecratus, & consecrator absque recuperationis spe deponatur.

Can. 10. cau. 1. qu. 1. Ad Can. 10. cau. 1. qu. 1. generaliter tantummodo observaverunt Correctores Romani, Callistum II. plura adversus simonias, & investituras Ecclesiarum, a Germanicis Imperatoribus usurpatas decravisse, sed ejusdem Canonis originem minime indicaverunt. Referendus itaque exit ad Concilium Lateranense I. jam memoratum, in cujus Canon. 1. eadem omnino leguntur sive in Labbeana, sive in Baluziana editione. Similia etiam leguntur in Can. 1. Concilii Rhemenfis, de quo etiam superius nonnulla attigimus.

Can. 14. cau. 10. qu. 1. In eodem Lateranensi Concilio apud Labbeum Can. 14., apud Baluzium Can. 12. & 12. legitur Can. 14. cau. 10. qu. 1. Ita Labbeus. Sanctorum Patrum canonibus consona sentientes, oblationes de Sacratissima, & Reverendissimo Altari B. Petri, & Salvatoris, S. Maria Rotunda (addit Baluzius: & Sancti Nicolai Barenfis, Sancti Egidii) ac de aliis omnium Ecclesiarum Altaribus, seu Crucibus, a Laicis auferri penitus interdiximus, & sub anathematis districtiore firmamus. Ecclesias a Laicis incastellari, aut in servitutem redigi, auctoritate Apostolica prohibemus.

Can. 37. cau. 12. qu. 2. Huc pertinere videtur Can. 37. cau.

12. qu. 2., qui legitur in postremo Canone Concilii ejusdem Lateranensis apud Labbeum, his tamen verbis: Alienationes, quæ specialiter per Ottomem, Guidonem, Mioremiam, seu forte Philipum, ubilibet de possessionibus Ravennatis Exarchatus factæ sunt, damnamus; generaliter autem omnium per intrusionem, seu canonice electorum sub Episcopi nomine, aut Abbatis, qui secundum usum Ecclesie sua consecrandus est, alienationes quocumque modo factas, nec non personarum ordinationes ab eisdem sine communi consensu Clericorum Ecclesie, sive per simoniam itidem factas, irritas judicamus. Illud etiam per omnia interdicimus, ut nullus Clericus prabendam suam, seu aliquod Ecclesiasticum beneficium, aliquo modo alienare presumat; quod si presumptum olim fuit, vel aliquando fuerit, irritum erit, & canonica ultioni subjacebit. In Codice Baluziano hic Canon omnino desideratur. Gratianus autem Urbano Pontifici potius adscripsit. Quamobrem & de hujus Canonis auctoritate commodius agam in secunda istius operis parte, ubi de Urbano ipso, & ejus capitibus dissendendum erit.

Can. 10. cau. 16. qu. 1. habetur in Can. 17. Concilii Lateranensis eisdem omnino verbis in editione Labbei. Multo aliter habet editio Baluziana in Can. 16., ibi: Sanctorum etiam Patrum vestigiis inherentes generali decreto sancimus, ut Monachi propriis Episcopis cum omni humilitate subiecti existant, & eis, ut Magistris, & Ecclesie Dei Pastoribus, debitam obedientiam, & devotam in omnibus subjectionem exhibeant. Publicas Missarum solemnitates nusquam celebrent, a publicis etiam infirmorum visitationibus, inunctionibus, seu etiam pariteriis, quod ad illorum nullatenus officium pertinet, sese omnino abstineant. In Ecclesiis vero, quibus ministrare noscuntur, Presbyteros nonnisi per manum sui Episcopi habeant, qui ei de animarum cura suscepta respondeant. In hac Codicum varietate arbitrarer, Gratianeam potius lectionem ceteris esse antefereendam, ubi præsertim Labbeanus Codex cum Gratiano congruit, cum agamus de Canone edito Gratiani ejusdem temporibus, & quod nonnisi cum maxima impudentia Gratianus ipse corripisset.

Can. 11. cau. 16. qu. 7., qui nomen Callisti præfert, referendus est ad Concilium idem Lateranense Can. 7. in Labbeana.

Can. 10. cau. 16. qu. 1.

Can. 11. cau. 16. qu. 7.

beana, & Can. 4. in Baluziana editione. Et quidem sive Labbei, sive Baluzii Codex videtur cum fragmento Gratiani congruere, pro illis tamen Gratiani verbis *animarum cura, & pecuniarum Ecclesiasticarum dispensatio* legit Labbeus, & Baluzius: *cura, & rerum Ecclesiasticarum dispensatio*.

Can. 25. 16. qu. 7. ita adnotaverunt: "Inter de-
cau. 16. creta Callisti, ex quo citatur, non
qu. 7. est inventum. Habetur in decretis

Paschalis II. MSS. cap. 5. sed non est mutatum nomen Callisti, quia Pontifices isti, qui iisdem fere temporibus fuerunt, frequenter eadem decreta suorum antecessorum repetebant. Nondum Romanorum Correctorum ætate prodita fuerant, ut video, aut etiam Romanis Correctoribus fuerunt prorsus ignota acta nuper memorati Concilii Lateranensis sub Callisto; in quibus can. 8. apud Baluzium, can. 4. apud Labbeum hæc leguntur. "Præterea juxta Beatissimi Stephani Papæ sanctionem statuimus, ut Laicis, quamvis Religiosi sint, nullam tamen de Ecclesia, sicut rebus aliquid disponendi habeant facultatem, sed secundum Apostolorum can. omnium negotiorum Ecclesiasticorum curam Episcopus habeat, & ea velut Deo contemplante dispenset. Siquis ergo Principum, aut Laicorum aliorum dispensationem, vel

donationem rerum, sive possessionum Ecclesiasticarum sibi vindicaverit, ut sacrilegus judicetur". Postrema hæc verba eadem sunt cum Gratiani fragmento. Simile quidpiam constitutum est in Rhemenſi Concilio etiam superius memorato, in quo ita constitutum legimus can. 2. "Episcopatum, & Abbatiarum investituram per manum laicam fieri prohibemus. Quicumque igitur Laicorum deinceps investire præsumserit, anathematis ultioni subiaceat. Porro, qui investitus fuerit, honore, quo investitus est, absque ulla recuperationis spe omnimodis careat.

Can. 23. cau. 24. qu. 3. habetur in eodem Concilio Lateranensi can. 16. in editione Labbeana his verbis: *Siquis Romipetas, & peregrinos Apostolorum limina, & aliorum Sanctorum Oratoria visitantes capere, seu rebus, quas ferunt, spoliare, & novis teloneorum, seu pedagicorum exactionibus molestare tentaverit, donec satisfecerit, communione abſtineat Christiana*. Paulo aliter Baluzius ex Codice Ananienſi can. 14. ibi: *Romipetas, & peregrinos, seu mercatores, & peregrinos Apostolorum limina, & aliorum Sanctorum Oratoria visitantes capere, seu rebus, quas ferunt, spoliare, vel novis teloneorum, seu pedagicorum exactionibus molestare tentaverint, donec satisfecerint, communione careant Christiana*.

Can. 23.
cau. 14.
qu. 3.

CAPUT ULTIMUM.

De nonnullis canonibus, a Gratiano tributis vel Concilium Maticensi, vel cuidam Concilio Romano.

Quæcumque Concilia a Gratiano relata, nota sunt Collectoribus Synodorum, quæque suis ordinate temporibus accommodari potuerunt, huc usque expendimus. Nonnulla adhuc supersunt fragmenta, quæ aut Concilio Maticensi, aut Concilio Romano apud Gratianum inscribuntur. Hujusmodi sunt.

Ex Concilio Maticensi. { Can. 40. dist. 50. referendus ad Concilium VVormatiense.
Can. 41. dist. 50. referendus ad Pænitentiale Romanum Antoinii Augustini.
Can. 2. cau. 4. qu. 2. pertinet ad Capitularia Caroli Magni.

Ex Concilio Romano. { Can. 3. cau. 35. qu. 10. apocryphus, & in Lateranensi Concilio reprobatus.

Can. 40. dist. 50. Canon 40. dist. 50. nomine Concilii Maticensis a Gratiano relatus pertinet ad Concilium VVormatiense anni

368. etenim ibi can. 27. hæc habentur: *Qui odii meditatione, vel propter avaritiam Paganum occiderit, quia non levi vitio*

Can. 41.
dist. 50.

visio committitur, ut homicidam convenit
pœnitere: quandoquidem nec exteris gen-
tibus, nisi oblatam pacem respuerint, bel-
lum est populo antiquopenitus inferre pra-
ceptum. Consonant hæc cum sententia
can. Gratiani, quam tamen Gratianus
iple, vel quicumque Gratiano auctores
extiterunt, paullo aliter retulere, quam
in Concilio ipso habeatur. Inter cetera
Gratianus definit pœnitentiam qua-
draginta dierum in pane, & aqua. Ju-
vat id peculiariter discutere, atque u-
na inquirere in sequentem can. videli-
cet 41. dist. 50. Porro verba canonis 41.
habentur in cap. 16. tit. 1. Pœnitentia-
lis Romani editi ab Antonio Augustino,
cum hac epigrapha: *iudicium canonum*;
ubi tamen pro illis: *Presbyter duodecim*
annis pœniteat, tres ex his pane, & a-
qua, ita legitur: *Presbyter duodecim an-*
nis pœniteat; quatuor ex his in pane,
& aqua. Quod itaque pertinet ad qua-
draginta dies pœnitentiæ, qui illi im-
minent, qui paganum occiderit ex odii
meditatione, ut dicitur in can. 40. pu-
to excerptum fuisse ex Pœnitentiali lau-
dato a Reginone in lib. 2. de Eccle-
siast. Discipl. cap. 51. his verbis: *Si*
quis hominem in bello publico occiderit,
quadraginta dies pœniteat. At quod spe-
ctat ad disciplinam can. 41. dist. 50. non
video eam aut universalem fuisse, aut
diu in Ecclesiis perseverasse. Nam Re-
gino in cap. 46. lib. 2. refert Pœnitentia-
le Halitgarii lib. 6. cap. 1. in quo &
Sacerdotum, & Episcoporum homicida-
rum pœnitentia decem annis absolvitur,
ibi: *Si quis Episcopus, aut aliquis ordi-*
natus homicidium fecerit, decem annos
pœniteat, tres ex his in pane, & aqua.
Mitior erat pœnitentia Clericorum in-
feriorum, quemadmodum ibidem legitur
apud Reginonem in cap. 52. *Si Clericus*
homicidium fecerit, & proximum suum
occiderit odii meditatione, exul septem an-
nis pœniteat. Similia quædam habentur
in Concilio Moguntino anni 847. can.
22. ibi: *Qui Presbyterum occidit, duode-*
cim annorum ei pœnitentia secundum sta-
tuta priorum imponatur. Circa sæculum
7. in Gallia quicumque hominem Eccle-
siasticum interfecisset, pecunia Ecclesiæ
præstita redimebat: sic in Capitulari-
bus Dagoberti Regis anni 630. apud
Hæcchum Lingonensem tit. 2. cap. 3. le-
gitur: *Qui Subdiaconum occiderit, 300.*
solidos componat: qui Diaconum, 400.
solidos, qui Presbyterum, 600. qui Epi-
scopum, 900. qui Monachum, 400. solia-

dos culpabilis iudicetur. Atque hoc ip-
sum in legibus Longobardorum lib. 1.
tit. 9. cap. 27. In excerpto Gregorii III.
quædam habentur sub hoc titulo: *Ju-*
dicia congrua pœnitentibus, atque inter
cetera cap. 3. ita statutum est. *Qui oc-*
ciderit Episcopum, aut Presbyterum, aut
Diaconum, Regi dimittendum est ad ju-
dicandum. Qui occiderit minoris ordinis
Clericum, in iudicio est Episcopi iudican-
dus, ut arma relinquat, & in Monaste-
rio Deo serviat, vel septem annos cum
luctu pœniteat. De pœnitentia duodecim
annorum peragenda ab eo, qui Presby-
terum occidit, agitur in can. 24. cau.
17. qu. 4. Ex quibus omnibus liquido
constat, non eandem apud omnes, aut
diu hac in parte disciplinam viguisse in
infligendis homicidiorum pœnis. Vulga-
ris tamen, atque ut plurimum definita
pœnitentia septennio perdurabat ex Con-
cilio Ancyrano, quemadmodum duode-
cim annorum pœnitentia illi præstitue-
batur, qui presbyterum occidisset. Ce-
terum dictus Gratiani can. 41. paullo
obscurus videtur; neque enim facile quis
divigare potest, utrum de Episcopis,
Presbyteris, & Diaconis occidentibus,
an de Episcopis, Presbyteris, vel Dia-
conis occisis sit intelligendus. Si verbo-
rum corticem intueamur, de interficien-
tibus sermo haberi videtur; at de occi-
sis oratio instituta, si eos can. perscru-
temur, ex quibus auctor Pœnitentialis
Romani hoc fragmentum composuit. Ego
sane de interfecsis intelligo, ut senten-
tia Gratiani cum ipsis vetustis Concilio-
rum canonibus congruat; neque enim
adeo verbis Collectoris, & proprietati
formularum inhærendum puto, ubi ali-
ter suadet veterum can. sententia, ubi
etiam fragmenti auctor de verborum pro-
prietate servanda aliis in locis minus
solicitus fuisse dignoscitur.

Can. 2. cau. 4. qu. 2. ex illis est,
quorum inscriptionem Burchardus V Vor-
matiensis ex industria immutavit. Jam
pluries monui, Burchardum abstinuisse
a nominandis Francorum Regum Capitu-
laribus, cum scriberet apud Germa-
nos, quibus eadem Capitularia valde
erant in visa; & quoties fragmenta Ca-
pitularium recitaret, alius auctoris no-
mine inscripsisse. Itaque Burchardus re-
laturus caput 52. lib. 3. Capitularium,
illud Maticensi Concilio adtribuit. Per-
tinet autem ad Capitulare 2. Caroli Ma-
gni anni 809. in quo ita statutum est.
Can. 6. *Ut testes ad testimonium dicendum*

Can. 2.
cau. 4.
qu. 2.

præmio non conducantur, & ut nullus testimonium dicat, aut Sacramentum juret, nisi jejunus; & ut testes, priusquam jurent, separatim discutiuntur, quid dicere velint de illa re, unde testimonium reddere debent. Hæc ipsa habentur in lib. 2. legum Longobardorum tit. 51. cap. 6. & ex Capitularibus Francorum descripsit Regino Prumiensis in lib. 2. de Ecclesiast. Discipl. cap. 336.

Can. 3. Tribus in locis Romani Concilii me-
 cau. 35. minit Gratianus, quin tamen demonstra-
 qu. 10. ret, quodnam specialiter ex Romania Conciliis indicare voluerit; videlicet in can. 16. cau. 3. qu. 6. in can. 3. cau. 1. qu. 7. & in can. 3. cau. 35. qu. 10. Jam suo loco demonstratum est, can. 16. cau. 3. qu. 6. & can. 3. cau. 1. qu. 7. pertinere ad Capitula, quæ vulgo appellantur nomine Hadriani Papæ. Dicendum superest de can. 3. cau. 35. qu. 10. cujus autographum in nullo ex Romanis Conciliis editis quisquam inveniet. Ego arbitror, Gratianum, aut quemvis alium, qui Gratiano auctor extiterit, voluisse referre se ad Concilium Romanum, quod vulgo dicitur celebratum sub Gregorio II. anno 721. ubi can. 9. hæc leguntur: *Si quis de propria cognatione, vel quam cognatus habuit, duxerit uxorem, anathema sit.* Ast hanc Romani Concilii sententiam sive Gratianus, sive quisquis alius corruperunt, & in aliam omnino sententiam detorserunt, imo etiam quoquomodo detortam adversus receptas Ecclesiastici juris regulas explicarunt. Etenim circa sæculum undecimum tradi cœpit a quibusdam duplex primum, deinde triplex adfinitatis genus, antiquis Sacrorum can. necnon Romanarum legum Conditoribus profus ignotum. Primum genus illud esse dixerunt, quod in vera, & proprie dicta adfinitate consistit, ea videlicet, quam contrahit uxor cum mariti consanguineis, vel maritus cum consanguineis uxoris. Alterum genus agnoverunt inter filios ab uxore ad secundas nuptias progrediente editos, & consanguineos primi mariti, vel inter filios mariti ad secundas nuptias progredientis, & consanguineos primæ uxoris. Tertium genus esse dixerunt inter filios susceptos a marito in secundo matrimonio, quoties in primo Matrimonio viduam alterius sibi junxerit, & consanguineos prioris mariti uxoris suæ. Porro quicumque hæc adfinitatis genera induxerunt scrupulosius, cum non invenirent capita ulla

Ecclesiastici juris, sive in Conciliis edita, sive inter sententias Sanctorum Patrum, vel Pontificum, ipsimet capita ad rem suam probandam accommoda confinxerunt. Confinxerunt in primis scriptum Gregorii Papæ ad Venerium Callaritanum, quod retulit Gratianus in can. 1. cau. 35. qu. 10. Confinxerunt duo Innocentii Papæ decreta, relata in can. 2. & 5. eadem causa & quæstione; Confinxerunt decreta Hygini Pontificis in can. 4. ibidem; Confinxerunt denique can. Concilii Romani relatum in dicto can. 3. imo & in dicto can. 5. Confinxerunt, Innocentium Papam confictæ illius Romanæ Synodi auctoritate motum jam de secundo affinitatis genere pronunciasse. Apocrypha hæc omnia sunt, quemadmodum suo in loco singillatim ostendam, quæ sæculo demum 12. in lucem prodita sunt, licet vetustissimis Pontificibus Maximis tribuantur. Sane si veterum disciplinam respiciamus, nullibi agnoscemus varia hujusmodi genera adfinitatis, cum passim apud veteres constet, consanguineos uxoris etiam proximis consanguineis mariti matrimonio jungi libere potuisse §. 8. instit. de nuptiis, lib. 2. leg. Longobard. tit. 8. leg. 1. 4. & 12. Concilio Vormatiensi can. 78. Concilio Bituricensi anni 1031. can. 18. Turonensi anni 1060. can. 9. & Romano anni 1063. can. 9. Memoro hæc potissimum undecimi sæculi Concilia, ut constet, sæculo undecimo Ecclesiæ plura illa adfinitatis genera nondum fuisse recepta. Primum de illis sermonem instituit Anselmus Lucensis in sua collectione circa annum 1080. & ex Anselmo Lucensi non longe postea Gratianus in causa 35. sive quæst. 10. per totam, sive quæst. 2. post can. 21. utentes apocryphis monumentis, quibus novam doctrinam probare conarentur, aut confirmare. Licet vero magna fuerit sub finem sæculi 12. & initio sæculi 13. Gratiani exstimatio, & Gratianæ doctrinæ, & recipi quoquomodo cœperit hæc de triplici adfinitatis genere disciplina, non tamen hæc eadem diu vigere potuit, cum & Pontificibus Maximis, & Sacris Antislitibus displiceret. Quamobrem in Concilio Lateranensi Innocentii III. anni 1215. improbata penitus fuit, ut constat ex cap. 8. de consanguinit. & adfinit. Licet autem ibidem Lateranenses Patres professi fuerint, se antiquas Ecclesiæ constitutiones, & vetera jura immutare, non tamen ideo id pro-

nunciarunt, quod revera antiquis Ecclesiae constitutionibus jam recepta fuissent tria illa adfinitatis genera, seu quod in animo habuissent discutere, utrum quæ nomine veterum Patrum fragmenta referebantur, revera eorundem Patrum opus existerent, sed contenti reprobare disciplinam, quin solertius in auctorum disciplinæ ejusdem personas inquirerent. Ceterum non omiserunt tradere, disciplinam ipsam, & difficultatem frequenter inducere, & aliquando periculum parere animarum. Unum adhuc observari posset in dicto can. 3. cau. 35. qu. 10. illius fragmenti auctorem parum apte fuisse loquutum ad novam doctrinam, cujus forte & ipse auctor extitit, confirmandam, etenim ea loquendi formula usus fuisse videtur, qua facile quispiam contrariam sententiam voluntati auctoris affingat. Quid enim significant illa verba, quibus dicitur, sobolem ex secundo matrimonio susceptam nullo modo posse ad consortium cognatio-

nis viri prioris pertinere? Gracianus interpretatur; quasi soboles ex secundis nuptiis susceptæ non possint cognatis viri prioris matrimonio jungi, nomine consortii cognationis conjugium cum cognatis ineundum intelligens. Quis vero commodius aliter, & e contrario non interpretaretur, asserens sobolem secundi matrimonii nullum consortium habere cognationis cum cognatis mariti defuncti, atque ita cum illis libere posse matrimonio jungi? En quo tandem adducantur novæ doctrinæ minus integri Conditores, qui, dum veteribus Patribus sententias suas affingunt, eas affingunt, quæ possunt in utramque partem flecti facile interpretando. His ita expositis absolutam pro viribus exhibeo priorem hujus Operis Partem, quam si benigne susceperint studiosi Jurisprudentiæ Sacræ Cultores, futurum erit, ut labores meos in duabus aliis Partibus edendis gravissimos levet exinde profectura jucunditas animi singularis.

F I N I S.

al

pph Level

4. wt.

As





